

19. Pl. 5.





ALA 648







# THEOLOGIA UNIVERSALIS

AD

Mentem & methodum celeberrimorum nostræ ætatis Theologorum  
ac S. Scripturæ Interpretum concinnata, & in quatuor  
Tomos distributa

A

**Religiosis Monasterii D. ETTONIS,**  
vulgò **ETTENHEIM-MÜNSTER** dicti, Ord. S. Benedicti,  
in Brisgoja

*Curante & Dirigente*

**P. GALLO CARTIER,**

Bruntrutano Rauraco, ejusdem Monasterii Professo Capitulari &  
Subpriore, nec non SS. Theologiæ Professore, ac S. Con-  
gregationis INDICIS Consultore.

TOMUS I.

**DE LOCIS THEOLOGICIS.**

TRACTATUS I. De Scriptura sacra  
& ejusdem auctoritate.

TRACTATUS II. De Traditione sa-  
cra & ejusdem auctoritate.


TRACTATUS III. De Ecclesia Catho-  
lica & ejusdem auctoritate; ubi  
etiam de Conciliis & Romano  
Pontifice, nec non de eorum  
auctoritate.

TRACTATUS IV. De SS. Ecclesiæ Pa-  
tribus, Historiæ ecclesiasticæ &  
profanæ Scriptoribus, Theologis  
scholasticis, Juris Pontificii Peri-  
tis, Ratione naturali, Philosophis  
& Juris Cæsarei Consultis, eorun-  
demque omnium auctoritate; una  
cum Appendice de Propositio-  
num Censuris.

**AUGUSTÆ VINDELICORUM,**

Sumptibus **IGNATI ADAMI & FRANCISCI ANTONII VEITZ,** Bibliopolarum.  
ANN<sup>o</sup> MDCCLVII.

**CUM LICENTIA SUPERIORUM.**





## APPROBATIO CENSORIS.

**T**heologia hæc *universalis* in quatuor tomos distincta, doctissimè, solidissimè, eruditissimèque elaborata est, atque sacrarum Scientiarum Cultoribus summè proficua; omni proin titulo publica luce digna, ad celeberrimi Monasterii Ettoniani immortale ornamentum. *Augustæ Vindelicorum* 21. Octobris 1756.

FRANCISCUS JOSEPHUS de HANDL,  
SS. Theol. Licent. Rev.<sup>mi</sup> & Ser.<sup>mi</sup> Principis  
& Episcopi Augustani Consiliari. Ecclesiæ Major  
Pœnitentiarius, & Librorum Censor, nec non  
Insign. Collegiæ Ecclesiæ ad S. Mauritium  
Canonicus & Parochus *mppria*.

---

## IMPRIMATUR.

*Ex Vicariatu Augustano*  
die 23. Octobris 1756.

NICOLAUS ANTONIUS SEIZ,  
J. U. D. Protonotarius Apostolicus supernum,  
& SS.<sup>mi</sup> D. N. Prælatus Domesticus, Ecclesiæ  
Cathedral. Augustanæ Canonicus Capitular.  
Archipresbyter & sumus Scholasticus, Rev.<sup>mi</sup>  
& Ser.<sup>mi</sup> Principis & Episcopi Augustani Vicarius in Spiritualibus Generalis *mppria*.

)( 2 IN



# IN UNIVERSAM THEOLOGIAM PRÆFATIO.

**E**Mensò bonis avibus Philosophiæ curriculò Sacræ Theologiæ palæstram ingredimur, in ea per aliquot annorum spatium nos exercitaturi: felices, imò terque quaterque felices, si sacrum ac sublime studium istud, quod jucundè auspiciamur, cum ea, quâ par est, utilitate finiamus.

Theologiæ studium sacrum & sublime vocamus; illud enim in eo duntaxat versatur, ut videlicet de Deo Ter Optimo Maximo, quo utique nihil sacratius, nihilque sublimius & augustius cogitari potest, rebusque cum spectantibus sermonem faciat; quod vel illius complexum è Græco idiomate transumptum nomen prodit, cujus etymon si interpretari velimus, non quidquam aliud est Theologia, quàm *Sermo de Deo*, seu *Divinus Sermo*. ΘΕΟΣ quippe græcum nomen *Deum* & λόγος itidem vox græca *Sermonem* apud Latinos significant.

Non est proinde, quòd in hujus Disciplinæ dignitate extollenda immoremur, cùm ipsum nomen divinum aliquid spiret, atque ad illius amorem alliciat. Nam ut egregiè tradit S. Thomas (a), *Inter omnes hominum curas studium divinæ sapientiæ est perfectius, jucundius & utilius*. Perfectius quidem, quia per divinorum contemplationem homo magis ad Dei similitudinem accedit; utilius, quia per veritatis notitiam ad veram beatitudinem omnium humanarum creaturarum scopum pervenitur; jucundius denique, quia nihil suavius veritate, quam omnes naturaliter concupiscimus, & quâ adeptà felicitatem invenimus, dicente S. Augustino (b) *Beata vita est gaudium de veritate*. Et quemadmodum Deus Optimus Maximus cætera omnia infinito

præ-

---

(a) Lib. 1. cont. Gent. c. 2. (b) Lib. 10. Confess.

### *In Universam Theologiam Præfatio.*

præcellit intervallo, sic etiam Theologia, utpote cujus materia Deus ipse est, & quidquid ad ipsum spectat vel dirigitur, cæteras quasque Disciplinas dignitate in immensum antecedit, atque per se ipsam spectabilior est, & commendabilior, quàm ut aliquam laudis adjectionem postulet, aut mutuari egeat; quippe quæ nativa se nobilitate commendet. Siquidem nullibi ita ac in Sacra Theologia quidquam invenitur, quod vel ad veritatis discussionem aptius, vel ad Catholicam fidem defendendam solidius, vel ad illustrandum animum splendidius, vel ad veram contemplationem fovendam firmius, vel ad ciendos pietatis affectus suavius, vel ad mores formandos securius, vel ad omne virtutis officium salubrius, vel ad prægustandam in hac lacrymarum valle Sanctorum felicitatem auspiciatius sit; prout ex ipsius tractatione liquet.

Vel ex his, quæ modò elocuti sumus, facile dignosci potest, quanta sit etiam hujus Sacræ Disciplinæ necessitas; quandoquidem enimverò homo, cum ad finem supernaturalem Deumque ipsum ordinatus sit, procul dubio indiget aliqua facultate, quæ illum ad finem istum, qui naturales ingenii vires longè superat, dirigere valeat: id verò aliæ quæcunque scientiæ humanæ, aut ulla Philosophica Disciplina neutiquam præstare possunt, quippe quarum objectum intra naturæ limites coarctatur. Sola videlicet Theologia, suprema illa omnium facultas, ad hunc finem omnino est necessaria.

Et verò demus etiamnum, hominem ad finem supernaturalem haud esse ordinatum, nec indigere edoceri mysteria, quæ sola fide innotescunt: quis tamen non videat, eidem nihilominus necessariam adhuc fore Theologiam, quæ videlicet illas veritates edoceatur, quæ de Deo etiamnum lumine naturali cognosci possunt? Enimverò nullus, qui ratione & judicio utitur, inficias, ut arbitramur, ire poterit, veritates illas, quæ de Deo naturaliter, & sola rationis investigatione attingi possunt, paucos duntaxat, & nonnisi

*In Universam Theologiam Præfatio.*

post multa annorum spatia, necnon cum multorum errorum admixtione assequi; paucos quidem, tum propter temperamentum in dispositionem, qua multi naturaliter ad scientias sunt inepti; tum propter humani laborem abhorrentis ingenii pigritiam; post longum etiam tempus duntaxat, tum quia scientia de Deo omnium naturalium Scientiarum apparatus supponit, tum quia status juventutis, variis passionum motibus fluctuans, non parum impeditur; *nam animus quiescendo fit sciens*, ut ait Philosophus; tum propter multiplicia vitæ civilis negotia, quæ animum à studiis averunt. Denique cum admixtione multorum errorum pauci illi, si tamen qui sint, post incredibiles exantlatos labores ad divinorum notitiam perveniunt, tum propter humani intellectus in judicando debilitatem, tum propter diversas Sapientum opiniones, tum propter Sophistarum argutias: unde factum, ut ipsi Scientiarum humanarum Patres & Coryphæi in tot & tantos errores lapsi sint; quæ omnia & alia plura, quæ temporis angustia gratiâ prætermittimus, si seria mente revolvere velimus, facile dignoscemus, non modò utilem, sed & apprimè necessariam esse facultatem aliquam, divinæ revelationi innixam, Theologiam nempe, qua veritates divinæ etiam naturâ duce cognoscibiles, & à multis, & per breve tempus, necnon absque ulla erroris permixtione comparentur.

Quòd si igitur in Ecclesia adedò necessaria est Theologia, prout fat abundè à nobis fuisse demonstratum arbitramur; prohi, quàm damnanda venit illorum incuria, qui sacris dicati, vel in Ecclesiastica dignitate constituti, vel salutis animarum instituti sui, quod amplexi sunt, vocatione addicti, sacrum & sublime hoc Theologiæ studium negligunt! Quomodò, prout tamen tenentur, poterunt esse *Sal terræ, Lux mundi*? quomodò *requiretur Lex ex ore eorum*, & parvulis doctrinæ panem petentibus, quomodò frangent?

Non satis equidem deploranda videtur miserorum hujusmodi hominum fors, quippe qui proprium institutum & ministerium, cui se ultrò manciparunt, obliiti, execrandâ desidiâ adedò salubre & necesse.

### *In Universam Theologiam Præfatio.*

necessarium Sacræ Theologiæ studium tam turpiter negligunt. At etiam, nostrò judiciò, non minùs lugenda venit ascriptiorum, quo nomine eos Melchior Canus nuncupat (c), Theologorum illorum indoles, qui, nescio, quo infelici fato à recto tramite abducti, neglectò verò & necessariò Sacræ hujus Disciplinæ studiò, innumeris penè futilibus simul & obscuris quæstionibus, quas si enumerare in animum induceremus, dies nos deficeret, eam replent.

Apud ipsos Bibliorum sacrorum testimonia rarissima, Conciliorum mentio nulla, nihil redolet ex antiquis Patribus. Nauci floccique scilicet hæc ab ipsis pendì videntur; contrà, præstantium, si Superis placet, Theologorum munus implevisse se arbitrantur, modò argutè de inutilibus juxtà ac incertis abstrusisque quæstionibus verba facere, necnon Sophismatum fæces in scholas invehere valeant: Ad discordiam nempe nati, tunc optimè disseruissent se autumant, cùm contra doctiores dixerint, nec tam verum invenire velle videntur, quàm inanibus concertationibus & rixis chartas implere; sicque egregii opinatores & Sophistæ potiùs audire merentur, quàm Theologi.

Quis enim, amabo, eos Theologos nuncupare velit, qui quid super qualibet Theologica quæstione doceat Scriptura, quid Patres, quid Concilia definierint, ignorant, sed, quod ipsis laudatus Canus meritò exprobrat (d), *Universas quæstiones frivolis argumentis absolvunt, & pondus rebus gravissimis detrahunt?*

Utinam ergo tandem ad frugem se recipiant, aliamque suorum studiorum rationem ineant; necnon abjectis, quibus passim Scholæ abundant, inutilibus & vanis quæstionibus, ea duntaxat expendenda suscipiant, quæ viros Ecclesiæ ministerio addictos deceant, & è quibus tùm ipsi, tùm illorum proximi utilitatem non modicam sperare possint.

Quod nos spectat, haud opus esse arbitramur, ut pluribus exponamus, ad quam normam nostrum, quod modò auspicamur, Theo-

---

(c) Lib. 8. de Loc. Theol.

(d) Loco citato.

## *In Universam Theologiam Præfatio.*

Theologicum studium dirigere animus sit ; id enim vel ea , quæ primùm contra sanæ Theologiæ corruptores disseruimus , satis superque manifestant. Procul nempe abjectis omnibus vanis & futilibus quæstionibus, quibus hanc Sacram Disciplinam ascripticii Theologi illi obscurarunt potius quàm illustrarunt, ea duntaxat sectabimur , atque expendenda fulcapiemus, quæ sana & jucunda, necnon ad finem, in quem omnes tendimus, obtinendum nobis simul & proximis nostris proficua, imò necessaria fore perspexerimus. Hacque ratione veram Theologiam divinamque Scientiam nos adepturos speramus.

Verum enim verò, ut quod sentimus, candidè fateamur , hæc nobis haud mulùm proderit , quin potius nocitura est , nisi vera pietate fuerit condita. Sanè sicut recta hominis constitutio duobus oculis, ambabus manibus, binis auribus, utroque pede confurgit; sic vir omnis, sed præcipuè Ecclesiæ Minister scientiæ & pietate constare debet: Hæ sunt duæ alæ Seraphim, juxta expositionem S. Bernardi (e): *Opinor, inquit, non incongruè per pennas istas agnitionem & devotionem intelligi posse, quibus in eum, qui supra cælos est, Seraphim rapiuntur.* Citò ruet, qui una tantùm ala volare contendit, ubi verò intelligentiam charitas, agnitionem devotio comitatur, volat securè, quisquis hujusmodi est, volat sine fine, quia volat in æternitatem. Illuc & nos volabimus , si id ipsum à nobis præstitum fuerit, necnon ea , quæ didicerimus, pietatis operibus illustrare studuerimus. Theologia quippe est filia Fidei, quæ sine operibus mortua est ; & Præceptoris illius Discipula , *qui cæpit facere & docere.*

Illis, qui discunt, & non faciunt, adaptat S. Gregorius illud *Ezech. 34. Cum ipsi limpidissimam aquam biberetis, reliquam pedibus vestris turbabatis, & oves meæ, quæ pedes vestri turbaverant, hæc bibebant.* Quæ sic exponit (f): *Aquam limpidissimam Pastores bibunt, cum fluentia veritatis rectè intelligentes bauriunt. Sed eandem aquam pedi-*

---

(e) Serm. 4. de verb. Isai.

(f) 1. part. Past. c. 2.



*In Universam Theologiam Præfatio.*

*pedibus conturbare, est sanctæ meditationis studia malè vivendo corrumpere. Aquam eorum pedibus turbatam oves bibunt, cum subiecti quique non sectantur verba, quæ audiunt, sed sola, quæ inspiciunt, opera pravitatis imitantur.*

Succinit egregiè S. Bernardus (g): *Dabis, inquit, voci tuæ vocem virtutis, si quod suades, illud prius tibi noveris persuasisse.* Item (h), *Cibus, ait, indigestus, & qui bonam non habet decoctionem, malos generat humores, & corrumpit corpus, & non nutrit: ita multa scientia ingesta stomacho animæ, qui est memoria, si decocta igne charitatis non fuerit, & sic per quosdam artus animæ, mores scilicet, atque actus transfusa, nomine illa scientia reputabitur in peccatum? An non inflationes & torsiones in conscientia sustinebit, qui huiusmodi est, sciens videlicet bonum, & non faciens?*

Absit autem à nobis hæc morum prolapsio; quin è contra Theologicum studium nostrum ea ratione instituere animus est, ut, quæ improbo labore didicerimus, hæc pietatis operibus comprobemus.

Verùm hæc de Studii nostri Theologici ratione & modo dicta sufficiant. Nunc priusquam ipsa Theologiæ viscera perscrutemur; quid ipsa sit, & quænam præcipuæ illius dotes, exponendum est.

Jam suprà diximus, Theologiam secundùm Etymon suum nihil aliud sonare, quàm *Sermonem de Deo* seu divinum sermonem. Triplici autem ratione generatim ipsa accipitur. Etenim quicumque sermo de Deo, vel in solo lumine naturali, vel in simplici & nuda revelatione in seproximè spectata, vel in discursu ratiocinationis ex revelatione divina deductæ nititur, Hinc Theologia naturalis, qua Deus lumine naturæ utcumque cognoscitur: deinde Fides, qua mens veritati cuidam assentitur propter auctoritatem Dei revelantis: postremùm Theologiæ nostræ Disciplina, quæ simpliciter & absolute Theo-

)( )( logia

(g) Serm. 69. in Cant.

(h) Serm. 36.

### *In Universam Theologiam Præfatio.*

logia nuncupatur; necnon accuratè definiri potest: *Disciplina, quæ de rebus divinis ac supernaturalibus disputat, & differit, ut ex veritatibus à Deo revelatis, Fideique Catholicæ principiis cùm de ipso Deo; tùm de creaturis conclusiones, seu consecutiones eliciat, quibus fidei mysteria explanet, suadeat, confirmet, ac tueatur.*

Unde patet 1.<sup>mo</sup>, quodnam sit Theologiæ nostræ objectum & finis, seu propositum. Res divinæ scilicet ac supernaturales ab ipso Deo revelatæ, sunt objectum ejus velut *materiale*, ut ajunt; quod quidem cum Fide & Beatorum scientia commune habet Theologia. At quasdam consecutiones ex rebus à Deo revelatis deducendi virtus est propria differentia, qua commune objectum illud ad solam Theologiam contrahitur; atque adeò constituit objectum ejus *formale*. Quidquid autem ex revelatis per rectas ratiocinationes elici potest, vulgò dicitur objectum Theologiæ *adæquatum*, seu *totum*, quia scilicet de omnibus, quæ in Theologia tractantur, prædicari potest *in recto casu*, seu, ut ajunt, *Nominativo*.

Quòd si objectum *primarium* ac præcipuum Theologiæ seorsim spectetur, profectò illud est ipse Deus; *Secundarium* verò, & minus principale est quidvis aliud, quod à Theologis consideratur. Deus etiam à Scholasticis dicitur objectum *Attributionis*, eoquòd quæcunque in Theologia expenduntur, ad Deum aliqua ratione semper revocari possint.

Præterea ex eadem Theologiæ definitione à nobis allata perspicuum est, quanam ratione tum à Theologia naturali & Metaphysica Disciplina, quæ etiam Deum contemplatur; tum à Divina Fide distet ac diversa sit Theologia simpliciter dicta. Siquidem Theologia naturalis aut Metaphysica solo naturæ lumine Deum considerat; Theologia verò à Divina revelatione suam de Deo noticiam mutuatur; à Fide tamen in hoc differt, quòd Fides revelatione Divina proximè & immediatè in se spectata nitatur; at Theologia evidenti discursu seu ratiocinio nititur, quo

quo ex veritatibus à Deo revelatis quædam eliciuntur confectaria & conclusiones non proximè ac immediatè, sed remotè duntaxat, seu mediatè.

Quapropter *virtualis* & *mediata* revelatio dici solet *Obiectum formale* quo Theologia suum attingit objectum.

Hæc sequenti exemplò elucidantur: Quòd detur aliquod Ens supremum, quod omnia, quæcunque in rerum natura existunt, regat, & à quo ipsa pendeant, nempe Deus; id lumine naturali nobis est perspicuum. Quòd verò Deus factus fuerit homo, atque sic humanam naturam divinæ conjunxerit; id Fides nos docet, utpote quod à Deo immediatè nobis revelatum fuerit. At quòd in Deo homine Christo sit una duntaxat persona, duæ verò voluntates & operationes, una divina, humana altera; id per discursum seu ratiocinationem ex primo necessario fluit; adeoque *virtualiter* & mediatè duntaxat nobis revelatum fuit; Deus enim revelando prius, revelavit etiam virtualiter posterius.

Denique ex nostra Theologiæ definitione, quisnam sit Theologiæ finis ac propositum, satis liquet: nempe Mysteria fidei per rectas consecutiones ex veritatibus à Deo revelatis deductas explanare, suadere, confirmare ac tueri. Hoc est quadruplex Theologiæ propositum, propriumque Theologorum munus & officium.

Quærent hic Theologi, num Theologia sit Scientia, & an speculativa tantum, vel simul etiam practica? An Beatorum Scientiæ subalternata, seu sub ipsa contenta? Denique, ut alias minoris momenti quæstiones omittamus, an sit Scientia supernaturalis?

Ad quæ breviter respondemus: & quidem Ad 1.<sup>um</sup> Fatemur Theologiam non esse Scientiam ejusdem prorsus generis seu speciei ac sunt Scientiæ naturales. Constat enim ex iis, quæ in præloquio in Universam Philosophiam nuper annotavimus, duplicem evidentiam cuilibet Scientiæ naturali competere, scilicet evidentiam principiorum, quæ vulgò dicitur, *evidentia conse-*

*In Universam Theologiam Præfatio.*

quentis, & evidentiam consecutionum ex principiis evidenter cognitis elicitarum; quam vulgò vocant *evidentiam consequentia*; Quia verò Theologia iisdem, ac Fides, nititur principiis, quæ in se ipsis nonnisi obscurè cognoscuntur, utpote quæ non evidentia quadam, sed solâ divina revelatione clarescunt: hinc patet, eam esse longè diversam à scientiis naturalibus: Nihil tamen obstat, quominus dicatur Scientia propriè dicta, quod sequenti argumentò evincimus.

Quælibet cognitio certa per evidentem discursum ex principiis certis & firmis deductum parta generatim dici potest Scientia propriè dicta. Atqui Theologia per evidentem discursum ex principiis firmis & certis deductum certam multarum veritarum cognitionem assequitur. Ergo &c.

Nec valet, si dicas, ad Scientiam propriè dictam non modò requiri evidentiam consecutionum seu *consequentia*; sed etiam ac præcipuè principiorum seu *consequentis*, ex quibus hujusmodi consecutiones deducuntur.

Nam respondemus: Equidem veteres Philosophi perspicuitatem seu evidentiam principiorum requiri dixerunt, at non alia de causâ, quàm ut certæ & stabiles essent: videbant enim ac sentiebant, animum tamdiu fluctuare, quamdiu evidentia abesset, & ipsa obscuritate incertas opiniones gigni: Scientiam igitur ut ab opinione segregarent, illam esse oportere evidentem fanciverunt. At cùm Theologia aliunde, quàm ab evidentia principiorum suorum firmitatem & certitudinem repetat, à fide scilicet, quæ auctoritate Dei revelantis nititur; sicque sine ulla principiorum suorum perspicuitate, nihilominus certa sit & firmissima cognitio; non est, cur scientia propriè dicta nominari non debeat; ut enim ait S. Augustinus, *id scire dicimur, quod certò novimus*.

Adde, quòd nec sua Theologiæ perspicuitas desit. Ut enim omittamus evidentem conclusionum suarum cum iis, quibus nititur, principiis connexionem; hæc ipsa principia certis quibusdam  
argu-

*In Universam Theologiam Præfatio.*

argumentis extrinsecis dilucidè demonstrat esse revelata. Adeò ut, etsi Theologiæ principia non sint intrinsecè evidèntia, habita ratione cognitionis principiorum, attamen extrinsecùs sunt evidèntia, prout accuratiùs exponetur, ubi de Fide erit sermo.

Quoad secundùm, Respondemus : quòd, cùm, prout in Philosophia nostra docuimus, Scientiæ à modo, quo suum attingunt objectum, suam differentiam & speciem delumant, Theologia verò non tantùm consideret objecta speculabilia & speculativò modò, v. g. Deum esse unum & trinum; sed etiam practicò, ubi enim de virtutibus agit, docet amandum esse Deum, injurias proximo condonandas: secundùm diversum respectum, & pro variis suis partibus speculativa sit, & practica eminentiori quodam modo. Deum quippe præsertim attingit, qui simul est primà veritas & ultimus rerum omnium finis, in quem tendimus; illumque adeò non modò cognoscendum sed & possidendum nobis exhibet.

Non officit, quòd objiciatur, nullam esse in Theologia veritatem, quæ ad praxim non dirigat; siquidem mysteriorum etiam speculativorum cognitione, qualia sunt Trinitatis & Incarnationis, utitur Theologus, ut suas operationes rectè instituat. Ergo Theologia est Scientia merè practica.

Distinguimus enim antecedens: Nulla est veritas, quæ ad praxim non dirigat, vel *per se*, vel *per accidens*, sive ex primario sive ex secundario fine, conced. *Per se* seu ex primario fine, neg. ant. & conseq. Mysteriorum v. g. Trinitatis & Incarnationis cognitio per se & primariò in mera mentis speculatione & contemplatione consistit, eatenùs tamen ad praxim dirigit, quatenùs eà Theologus utitur, ut suas actiones benè instituat; adeoque per accidens duntaxat & secundariò ad praxim tendit.

Contrariò argumentò objiciunt aliqui: Illa Scientia non est practica, cujus objectum non est operabile: Sed Deus, qui est objectum Theologiæ, non est operabilis: Ergo Theologia nulla sui parte est practica.

*In Universam Theologiam Præfatio.*

Resp. quòd, quia non gressibus corporeis ad Deum accedimus, sed mentis affectibus, ita etiam Deus non sit operabilis physice, sed moraliter duntaxat; quatenus scilicet eum bonis & Christianis actibus assequimur, visione tandem & fruitione possidendum.

Ad tertium, Respondemus: quòd, si, ut quædam Scientia alteri subalternata, necnon sub ea contineri dicatur, sufficiat, quòd idem sit utriusque finis, seu finis unius subordinetur fini alterius; quòd subalternata mutuetur à subalternante principium aliquod, licet sua propria habeat; quòd objectum unius contineatur sub objecto alterius, vel potius sit ipsummet objectum Scientiæ superioris addens aliquam differentiam accidentalem; & denique, quòd una simul cum altera consistere possit: nihil obest, quin dicamus, Theologiam esse Scientiæ Beatorum subalternatam: nam primò habet eundem finem, qui est cognitio summæ veritatis, ut est in se: desumit omnia sua principia, veritates nempe divinas, ab illa, quæ per Fidem nobis communicantur: habet etiam idem objectum cum aliqua differentia accidentali, nempe Deum sub lumine revelationis virtualis cognitum; accidentale enim est Deo, sive per lumen gloriæ, sive fidei cognoscatur. Denique Theologia nostra cum scientia Beatorum simul consistere potest, imò potius post hanc vitam erit eadem cum illa, nam quòd hinc ex principiis obscuris consecutiones suas deducat, id ei per accidens est, ratione statûs videlicet, quem habet in intellectu nostro, qui quamdiu peregrinatur à Deo, divina cernit in ænigmate; quas obscuritatis tenebras omnes expellet clara Dei visio; adeoque quod ipsi hinc certum quidem est, sed nonnisi lumine fidei videt, id ipsum ibi lumine gloriæ cernet.

Ad quartum denique Respondemus, Theologiam *extrinsecè*, & quasi *præsuppositivè* esse Scientiam supernaturalem, id est, tum ratione objecti sui primarii, qui est Deus; tum ratione principiorum, quæ à divina revelatione mutuatur. At *per se*, & ex natura sua videtur esse Scientia *intrinsecè* naturalis, quia naturali  
mo-

*In Universam Theologiam Præfatio.*

modò, hoc est, rationis usu objectum suum attingit, & labore atque industria comparatur; necnon principia fidei, seu à divina revelatione provenientia, quibus Theologia nititur, sunt ipsi præsupposita & aliquatenus extrinseca, nec illis proximè & imediatè, sed evidenti connexionè conclusionum ex veritatibus à Deo revelatis deductarum proximè nititur.

Supereft, ut hic adhuc recenseamus, quotupliciter Theologia dividatur; licèt enim unus & idem formaliter fit habitus, varias tamen divisiones fortitur, tum ratione subjecti; tum ratione objecti; tum ratione terminorum, quibus utitur; tum denique ratione methodi, quâ traditur.

Primò quidem ratione *subjecti* in quo recipitur, Theologia vulgò distribuitur in Theologiam *Viatoris*, quæ est scientia discursiva ex principiis à Deo revelatis; & in Theologiam *Comprehensivis* seu Beatorum, quæ consistit in visione beatifica, qua divinam essentiam omniaque Fidei mysteria in ipsa clarè intuentur.

Deinde Theologia, si ratione objecti spectetur, à cujusque arbitrio pendet in plures vel pauciores Tractatus seu libros, pro variis argumentis ad res divinas & ad religionem pertinentibus, eam partiiri. Nos nostram in quatuor Tomos ita distribuemus, ut quilibet Tomus plures libros seu tractatus contineat, quos infrà recensebimus.

Tertiò, Theologia ratione terminorum seu verborum, quæ usurpat, dividitur in *Symbolicam* & *Demonstrantem*. Symbolica dicitur, quatenus figuratis ac mysticis locutionibus ex arcano quodam & subtili sensu intelligendis utitur; quod Theologiæ genus mysticam & arcanam Theologiam complectitur. *Mystica* autem Theologia est cognitio insula de Deo rebusque divinis, quæ animum suavi, devotò, & affectivò modò commovet, eumque Deo intimè conjungit, mentem illustrando & voluntatem inflammando modò affectivò & extraordinariò. Brevius, Mystica Theologia seu affectiva est ea, quæ affectus in Deum dirigit, & movet, seu ad movendos in Deum affectus tendit.

De-

## *In Universam Theologiam Præfatio.*

Demonstrans autem dicitur, quatenus res divinas explicat verbis usitatis & in propria significatione usurpatis.

Ratione modi seu methodi, alia est Theologia *positiva*, alia *Scholastica*. *Positiva* dicitur ea, quæ conclusiones suas probat per principia positiva, hoc est, per principia, quæ non probantur, sed supponuntur & creduntur, qualia sunt ea, quæ defumuntur ex verbo Dei scripto vel tradito, nobisque per Ecclesiam proposito. *Scholastica* autem sic dicta, quòd in Scholis tradatur atque discatur, est re ipsa eadem, idemque præstat ac *Positiva*; diversò tamen modò, à Scholæ Magistris duodecimò circiter Ecclesiæ sæculò in Scholis introductò, & usque ad nostra tempora continuatò, majori videlicet cum methodo, hoc est, accuratius, subtilius, & ad artis syllogisticæ regulas accommodatius, suasque conclusiones interdum, & per accidens extraneis confirmans, & illustrans argumentis; ut sic facilius iis, qui de foris sunt, Catholicam persuaदेat fidem, & omni poscenti de ea, quæ in nobis est, fide, rationem reddat.

Utraque tam *Positiva*, quàm *Scholastica*, *Moralis* dicitur, si morum informationem attingat, hoc est, si ad informandos hominum mores tendat. *Polemica* verò, sive *Controversa* vocatur, si de rebus controversis, sive contra infideles & hæreticos, sive contra fideles agat. Nos Theologiam nostram ita instituemus, ut Scholasticam, Positivam, Moralem, & Polemicam simul complectatur, adeò ut Universalis Theologiæ nomen meritò sibi vindicare videatur.

Proinde quatuor Tomis eam comprehendemus, in quorum *Primo* de Locis Theologicis tractabimus. In *Secundo* de Deo; Angelis; Incarnatione; & Gratia. In *Tertio* de Actibus humanis; de Legibus; de Virtutibus Theologicis; Religionis; & Moralibus; necnon de Vitiis & Peccatis. In *Quarto* denique de Sacramentis, tum in genere, tum in specie. Hæc Theologiæ nostræ Oeconomia.

Utinam ergo studio nostro Deus largam benedictionem suam impertiri dignetur.

THEO-



**THEOLOGIAE**  
**UNIVERSALIS**  
**TOMUS PRIMUS**  
**DE**  
**LOCIS THEOLOGICIS.**





# INDEX

## *Titulorum Tractatus primi Tomi primi Theologiæ Universalis, de Sacra Scriptura & ejusdem Auctoritate.*


<b>PARS I. De Sacra Scriptura generaliter.</b>	<b>Cap. VIII. De ponderibus, monetis, mensuris, &amp; vasis, quæ S. Scriptura passim commemorat. Item de anno &amp; mensibus Hebræorum, necnon Mallorca &amp; Massorethis.</b>	
<b>Cap. I. Quid sit S. Scriptura, &amp; quanam ipsius libri. Numero 1.</b>		
<b>Cap. II. De veritate &amp; integritate S. Scripturæ.</b>		<b>5.</b>
<b>Cap. III. De auctoritate S. Scripturæ.</b>		<b>14.</b>
<b>Cap. IV. De modo inspirationis divinæ Sacrarum Scripturarum.</b>		<b>20.</b>
<b>Cap. V. De Canone Scripturarum.</b>		<b>49.</b>
<b>Cap. VI. De obscuritate S. Scripturæ, &amp; modo eam probe intelligendi. Item de multiplici illius sensu, &amp; ejus sit germanum illius sensum tradere.</b>		<b>65.</b>
<b>Cap. VII. De variis S. Scripturæ Editionibus &amp; Versionibus.</b>		<b>94.</b>
	<b>PARS II. De singulis S. Scripturæ libris.</b>	<b>161.</b>
	<b>Sec. I. De singulis Veteris Testamenti libris.</b>	<b>162.</b>
	<b>Cap. I. De Libris Legalibus Veteris Testamenti.</b>	<b>ibid.</b>
	<i>Quis eorum Auctor.</i>	<b>ibid.</b>
	<i>De libro Genesis.</i>	<b>174.</b>
	<i>De libro Exodus.</i>	<b>191.</b>
	<i>De libro Levitici.</i>	<b>196.</b>
	<i>De libro Numerorum.</i>	<b>199.</b>
	<i>De libro Deuteronomii.</i>	<b>201.</b>
	<b>Cap. II. De Libris Historicis Veteris Testamenti.</b>	<b>203.</b>
	<i>De libro Josue.</i>	<b>204.</b>
	<i>De libro Judicum.</i>	<b>217.</b>
	<i>De libro Ruth.</i>	<b>225.</b>
	<i>De quatuor Regum libris.</i>	<b>229.</b>
	<i>De</i>	

<i>De libris Paralipomenon.</i>	-	265.	<i>De Sopbonia, ejusque Propbetia.</i>	543.
<i>De libris Esdra.</i>	-	269.	<i>De Aggeo, ejusque Propbetia.</i>	544.
<i>De libro Tobia.</i>	-	278.	<i>De Zacharia, ejusque Propbetia.</i>	545.
<i>De libro Judith.</i>	-	294.	<i>De Malachia, ejusque Propbetia.</i>	548.
<i>De libro Esther.</i>	-	329.		
<i>De libro Job.</i>	-	351.	Scct. II. De Libris Novi Testa-	
<i>De libris Machabaorum.</i>	-	369.	menti.	- - 553.
Cap. III. De Libris Sapientialibus			Cap. I. De Libris Legalibus Novi	
Veteris Testamenti.	-	405.	Testamenti.	- - ibid.
<i>De libro Proverbiorum.</i>	-	406.	<i>De Evangelio S. Matthai.</i>	- 555.
<i>De libro Ecclesiasticis.</i>	-	410.	<i>De S. Marco &amp; ejus Evangelio.</i>	578.
<i>De libro Canticorum.</i>	-	418.	<i>De S. Luca &amp; ejus Evangelio.</i>	586.
<i>De libro Sapientia.</i>	-	426.	<i>De S. Joanne, &amp; ejus Evangelio.</i>	597.
<i>De libro Ecclesiastici.</i>	-	437.		
Cap. IV. De Libris Prophetis			Cap. II. De Actuum Apostolorum	
Veteris Testamenti.	-	448.	libro.	- - 607.
<i>De Psalterio.</i>	-	449.	Cap. III. De Libris Sapientialibus	
<i>De libro Isaia.</i>	-	473.	feu Moralibus Novi Testa-	
<i>De libro Baruch.</i>	-	483.	menti.	- - 615.
<i>De libro Ezechielis.</i>	-	495.	<i>De Epistolis S. Pauli.</i>	- 616.
<i>De libro Danielis.</i>	-	502.	<i>De septem Epistolis Canonicis, ca-</i>	
<i>De Osee Propbeta, &amp; ejus libro.</i>	517.		<i>rumque Auctoribus.</i>	- - 652.
<i>De Joelle, ejusque Propbetia.</i>	522.		<i>De S. Jacobo Apostolo, ejusque</i>	
<i>De Amos, ejusque Propbetia.</i>	524.		<i>Epistola.</i>	- 654.
<i>De Abdia, ejusque Propbetia.</i>	528.		<i>De Epistolis B. Petri Apostoli.</i>	669.
<i>De Jona, ipsiusque Propbetia.</i>	530.		<i>De Epistolis S. Joannis Apostoli.</i>	676.
<i>De Michaa, ejusque Propbetia.</i>	534.		<i>De Epistola S. Juda Apostoli.</i>	693.
<i>De Nabum, ejusque libro.</i>	537.			
<i>De Habacuc, ejusque Propbetia.</i>	540.		Cap. IV. De Libro Apocalypsis.	699.



TOMI PRIMI  
TRACTATUS  
PRIMUS  
DE  
SACRA SCRIPTURA  
ET  
*EJUSDEM AUCTORITATE.*





# THEOLOGIAE UNIVERSALIS T O M U S I. DE LOCIS THEOLOGICIS.

## P R O O E M I U M.



Mne argumentum vel à ratione vel ab auctoritate ducitur : hæ enim sunt loci seu fontes , ex quibus quælibet Disciplina sua argumenta depromit , & ad quos conclusiones suas efformat. His ergo duobus modis rem quamcunque , quæ in controversiam venit , definimus. Cùm autem in reliquis omnibus Disciplinis primum locum ratio teneat , postremum auctoritas , tamen Theologia una est , in qua non tam rationis in disputando , quàm auctoritatis momenta quærentur. Etenim locum ab auctoritate ita sibi vindicavit , ut rationes vel tanquam hospites & peregrinas excipiat , vel in suum etiam obsequium asciscat , quasi longè repetitas. Quippe fide potissimum innititur , quæ , nisi ab auctoritate profisciscatur , non modò fides esse , sed ne intelligi quidem potest. Est namque fides , ut Apostolus tradit , *argumentum rerum non apparentium* , quas si certas certa velis ratione facere , cum ratione profectò insanies. Principem itaque locum , sicut apud fideles , ita apud Theologos auctoritas habet ; Ratio deinde velut pedissequa sequitur. Id Apostolus videtur significare , cùm ait : *Oportere Ecclesiæ Doctorem amplecti eum , qui secundum doctrinam est , fidelem Sermonem , ut potens sit exhortari in doctrina sana , & eos , qui contradicunt , arguere.* Primum enim stringat fidei sermonem , necesse est , quicumque Christianæ Scholæ Magister esse velit : Sed nisi mox doctrinæ rationem adhibeat , fidelis quidem esse poterit , sed fidelium Doctor esse non valebit. Nam & homines , quamlibet experti , disputare cum adversariis non queunt , nisi experimento ratio accesserit. Utraque igitur Theologo necessaria est , & auctoritas , & ratio , sed ita tamen , ut auctoritas primas in Theologia partes obtineat ; ratio verò habeat postremas. Duplicis igitur generis sunt loci seu fontes , unde Theologia argu-

P. Cartier Theol. Tom. I.

A 2

menta



# T O M I P R I M I THEOLOGIAE UNIVERSALIS TRACTATUS PRIMUS.

*De Sacra Scriptura ejusque auctoritate.*

**D**E Sacra Scriptura primò agimus; meritò enim sibi præ cæteris Locis Theologicis primam Sedem vindicat, ut quæ dignitate eodem longè antecellit; & à qua penè omnia ex reliquis petita argumenta tanquam à fonte primario profluunt, necnon ad quam omnino referuntur.

Duabus singillatim partibus de ipsa hic agere nobis est animus, ne multa simul permiscentes Scriptioni nostræ confusio- nem aliquam asseramus.

In prima igitur parte tractabimus de Sacra Scriptura generatim: In secunda verò de singulis Sacræ Scripturæ libris.

## P A R S P R I M A.

*De Sacra Scriptura generatim.*

**O**Cto Capitibus hanc Tractatus nostri de Sacra Scriptura partem primam definimus. In primo, Quid sit Sacra Scriptura, & quinam ipsius libri exponemus. In secundo, de ipsius veritate & integritate agemus. In tertio Divinam ipsius auctoritatem tuebimur. In quarto, de modo Divinæ inspirationis Sacrorum Librorum horum differemus. In quinto, varios variorum ejusdem Sacræ Scripturæ

Canones referemus, & Catholicorum Canonem tuebimur. Sexrum erit de obscuritate & multiplici Sacræ Scripturæ sensu. Septimum, varias illius editiones & versiones exhibebit. In octavo denique, nonnulla de ponderibus, monetis, mensuris, & vasis, quæ Sacra Scriptura passim commemorat. Item de anno & mensibus Hebræorum, necnon de Massora & Massorethis differemus.



## CAPUT PRIMUM.

1. Quid sit S. Scriptura, & quinam  
ipsius libri.

Sacra Scriptura nomine intelligimus librum Spiritu Sancto inspirante & velut dictante conscriptum, quo continetur Doctrina Verbumque Dei hominibus propositum. Scriptura Sacra igitur est *Verbum Dei scriptum*, quod, ut ait S. Petrus (a), *Spiritu Sancto inspirante locuti sunt sancti Dei homines*.

Dicitur *scriptum*, ut distinguatur a Traditione divina, quæ, prout suo loco fufius dicitur, est *Verbum Dei non scriptum*.

Aliis nominibus Sacra Scriptura nuncupatur modò *Verbum Dei* simpliciter, intellige tamen *scriptum*; quia prodit a Deo; *Olim*, ait Apostolus (b) *Patribus in Prophetis*, & *novissimè diebus istis in filio loquente nobis*. Modò *Testamentum Dei*; quia singularem suam erga homines voluntatem & mentem per eam testatur & exponit. Modò *Lex Divina*; quia Dei Legem tam veterem, quàm novam, illam Judæis, istam Christianis propositam recenset. Modò *Scriptura Sancta*; quia nihil nisi sanctum, & ad hominum sanctificationem & Dei gloriam ordinatum continet. Modò *Biblia*, id est, Libri a voce Græca *Biblion* antiquitùs & Latine sonante *Papyrus*, plantam Ægyptiacam, ex qua olim carthe conficiebantur, ideoque hodie *Libram* significante. Ideo autem *Biblia* seu *Libri* simpliciter & sine addito nuncupatur, quia ceteros cujuscumque argumenti libros dignitate longè antecellit. His & aliis nominibus, inquam, Sacra Scriptura insignitur: vulgò tamen simpliciter, & velut per antonomasiam *Scriptura* nuncupatur.

Generatim duplex est, *Vetus* scilicet & *Nova*: illa *Vetus*, hæc *Novum Testamentum* vocari solet. *Vetus Testamentum* est illa Scriptura, qua libri Spiritu Sancto inspirante à viris sanctis ante adventum Christi exarati continentur: *Novum* autem est ea Scriptura pars, quæ post Christum vulgata fuit.

Universim scriptum istud Dei Verbum (juxta Canonem Ecclesiæ Catholicæ, de quo agemus suo loco) septuaginta duos comprehendit Libros, quadraginta quinque veteris; & viginti septem novi Testamenti. Eos hoc ordine enumerat Concilium Tridentinum. (c) Veteris Testamenti quidem: *Pentateuchus*, seu *quinque libri Moysi*, ut *Genesis*, *Exodus*, *Leviticus*, *Numeri*, & *Deuteronomium*: *Josue*: *Judicum*: *Ruth*: *Quatuor Regum*: *Duo Paralipomenon*: *Esdra Primus*, & *Secundus*, qui dicitur *Nebemias*: *Tobias*: *Judith*: *Esther*: *Job*: *Psalterium Davidicum* centum quinquaginta *Psalnorum*: *Proverbia*, *Ecclesiastes*, *Canticum Canticorum*, *Sapientia*, *Ecclesiasticus*: *Isaias*, *Jeremias cum Baruch*, *Ezechiel*, *Daniel*: *Duodecim Prophetæ Minores* scilicet, *Osee*, *Josel*, *Amos*, *Abdias*, *Jonas*, *Michæas*, *Nabum*, *Habacuc*, *Sophonias*, *Aggeus*, *Zacharias*, *Malachias*: *Duo Machabæorum*, *Primus*, & *Secundus*. Novi Testamenti sunt, *Quatuor Evangelia*, secundum *Matthæum*, *Marcum*, *Lucam*, & *Joannem*: *Actus Apostolorum* a S. Luca conscripti: *Quatuordecim Epistolæ S. Pauli Apostoli*, quarum una ad Romanos, dua ad Corinthios, una ad Galatas, una ad Ephesios, una ad Philippenses, una ad Colossenses, dua ad Thesalonicenses, dua ad Timotheum, una ad Titum, una ad Philemonem, & ad Hebraeos una: *S. Petri Apostoli dua*: *S. Joann. Apost. tres*: *S. Jacobi Apost. una*: *S. Judæ Apost. una*: & *Apocalypsis S. Joann. Apost.*

Horum omnium factorum librorum alii dicuntur *Legales*, in quibus videlicet divinæ leges promulgantur; ut sunt in veteri

(a) 1. Pet. c. 1. (b) Heb. c. 1. v. 2. (c) Sess. 4.

veteri Testamento primi quinque libri Moysis, *Genesis* scilicet, *Exodus*, *Leviticus*, *Numeri*, & *Deuteronomium*. In Novo, quatuor Evangeliorum Libri, *Matthæi*, nempe, *Marci*, *Lucæ*, & *Joannis*; qui Legem a Christo latam continent.

Alii sunt *Historici*, in quibus videlicet rerum gestarum historia narratur, suntque in veteri Testamento hi septemdecim: *Iosue*, *Judicum*, *Ruth*, quatuor *Regum*, duo *Paralipomenon*, duo *Esdræ*, *Tobias*, *Juditæ*, *Esther*, *Job*, & duo *Macchabæorum*. In novo Testamento autem, est unicus *Actuum Apostolorum* liber, in quo Apostolorum gesta narrantur.

Alii vocantur *Sapientiales*, in quibus nempe vera Sapientia exponitur: suntque in veteri Testamento isti quinque, *Proverbia*, *Ecclesiastes*, *Cantica Canticorum*, *Sapientia*, & *Ecclesiasticus*. In novo autem 21. numerantur: *Quatuordecim Epistolæ S. Pauli*: *Dua S. Petri*: *Tres S. Joannis*, *una Jacobi*, & *Juda una*. In quibus novæ legis Sapientia per exempla, atque præcepta secundum Christum beatè vivendi plenissimè traditur.

Alii denique *Prophetici* nuncupantur, in quibus futura prænuntiantur; suntque in veteri Testamento hi octodecim: *Libri Psalmorum Davidis*, *Isaias*, *Jeremias cum Baruch*, *Ezechiel*, *Daniel*; & alii *duodecim Propheeta Minores*. In novo autem *Apocalypsis*, in qua status Ecclesiæ Christi futurus prædicitur.

## CAPUT II.

### De veritate, & integritate Sacra Scripturæ.

**D**Uo præsentî Capite examinanda & discutienda suscipimus: 1. Num libri, qui Sacra Scripturâ universim continentur, veri sint, & non supposititii. Ubi notandum, quòd *veritatis* nomine hîc non intelligatur sententiarum, quæ in Scripturis continentur, conformitas cum ve-

ritate, sed realitas, ut loquuntur; seu quaeritur, utrum Scripturæ, quæ dicuntur Sacra, sint veri libri, prout verum opponitur supposito, ut jam dictum.

2. Num si sacri libri integri, id est, incorrupti ad nos fuerint perlati. His ita præmissis, quantum ad primum ponitur

## CONCLUSIO I.

Libri, qui universim Sacra Scripturâ continentur, non sunt libri supposititii, sed omnino veri.

Prob. Illi libri non sunt supposititii, sed omnino veri, qui communi existimatione exarati fuerunt ab iis Auctoribus, quibus tribuuntur, & iis circiter temporibus, quibus scripti feruntur. Atqui libri omnes, qui Sacra Scripturâ continentur, communi existimatione exarati fuerunt ab iis Auctoribus, quibus tribuuntur, & iis circiter temporibus, quibus scripti feruntur. Ergo non sunt libri supposititii, sed omnino veri.

Major constat. Enimvero non minor utique ratio habenda est sacrorum Scripturæ librorum, quàm aliorum antiquorum tam Ecclesiasticorum, quàm Profanorum librorum, ut putâ Commentariorum Cæsaris, Operum Ciceronis, S. Augustini, &c. Atque alio argumento probari non potest, hos Auctorem istorum, ut & plurimorum aliorum veterum Scripturum libros & Opera, non esse libros supposititios sed veros, quàm quòd quovis Sæculo adscripti fuerint Auctoribus, quorum nomina præ se ferunt; existimatumque sit, eos fuisse scriptos iis circiter temporibus, quibus scripti feruntur. Ergo à fortiori ratione libri Sacra Scripturâ contenti suscipiendi sunt tanquam omnino veri nec supposititii, si communi existimatione exarati fuerunt ab iis Auctoribus, quibus tribuuntur, & iis circiter temporibus, quibus scripti & exarati feruntur.

Prob. Min. Judæi, qui Moysis ætate vixerunt, Pentateuchum suis posteris

tradiderunt, tanquam germanum illius factum, et si non modò eorum scelera, sed & legem ipsis summè molestant ac terribilem contineret. Idem dicendum de alijs Sacra Scripturae libris in Canone Hebræorum contentis; quippe quos Judæi horum librorum Scriptoribus coætanei filiis suis ac popularibus tanquam ab iis, quorum nomina præ se ferunt, scriptos commendarunt; atque sic, nunquam interrupta serie temporum, ad posteriores delati fuerunt.

Eodem prorsus argumento contendimus, novi Testamenti libros esse genuinos seu veros, scriptosque ab iis auctoribus, à quibus scripti dicuntur, & iis temporibus, quibus scripti feruntur. Qui enim audierunt Apostolos Christiani, filiis & posteris suis eosdem libros velut genuinos Apostolorum & Evangelistarum partus tradidere, sique ad nostram usque ætatem de manu ad manum, ut ita dicam, pervenere.

Hinc factum est, ut Judæorum Synagoga ad nos usque detulerit veteris Testamenti libros. Hinc etiam Ecclesia Christiana à suis incunabulis usque ad hæc nostra tempora pro veris ac genuinis habuit omnes libros, qui Bibliis continentur; prout ubi de singulis his sacris libris nobis erit sermo clarè demonstraturi sumus.

Concludendum igitur, vel omnes totius mundi historias pro fabulis esse habendas, neque ullius hominis testimonium valere ad faciendam fidem de facto aliquo; quod asserere profectò extremè esset dementiæ; vel quòd libri S. Scripturæ contenti sint veri libri, ipsorumque auctores verè extiterint. Non enim magis verum est, Alexandrum, e. g. & Cyrum olim existisse, quàm Moysem, aliosque, qui Sacra Biblia conscripserunt.

## CONCLUSIO II.

Libri, qui Sacra Scripturæ continentur, sive veteris sive novi Testamenti, omnes integri ad nos perlati fuerunt, saltem quoad partes ipsorum substantiales, quæ fidem nempe, moresque respiciunt.

Prob. Conclusio, quantum ad veteris Testamenti Codices, 1. ex Scriptura. Christus Matth. 23. auditores suos hortatur, ut, quæcumque ipsis dixerint Scribæ & Pharisei, hæc ipsi servant: *Super Cathedram Moysi*, inquit, *federunt Scriba & Pharisei, quæcumque ergo dixerint vobis, servate.* Item Joan. 5. idem Servator noster Judæos ad scrutandas Scripturas invitavit: *Scrutamini Scripturas*, inquit, *illa sunt, quæ testimonium perhibent de me.* Atqui non ita absolute, & sine ulla præmonitione auditores suos hortatus fuisset, ut Verbi Divini corruptores audirent, & eorum ex Scriptura allegata sequerentur; neque ipsos Judæos scrutari jussisset eas Scripturas, quas ipse omnino & præsertim in iis, quæ ad fidem & mores pertinent, corruptas scivisset. Ergo integræ & incorruptæ erant, & ut tales ad nos usque perlatæ fuerunt.

Adde, quòd testimonia, quæ à Christo & Apostolis ex veteri Testamento adducta sunt, omnia nunc etiam inveniantur in Moyse & Prophetis iisdem planè verbis, quibus ab illis adducta fuere. Manet ergo, libros, qui Sacra Scripturæ continentur, nunquam fuisse depravatos, saltem quoad substantiam, & ea, quæ fidem, moresque spectant.

Prob. 2. ipsorum Judæorum testimonio: Tanta fuit ipsorum erga sacros Codices religio, ut potius mortem eligerent, quàm ut paterentur, eos, vel in minimo, quod fidem moresque spectaret, immutari. Ergo nec immutati, aut depravati fuere. Ant. prob. ex Philone: (d)

Scribit

(d) Lib. de egressu filiorum Israel ab Ægypto apud Euseb. lib. 3. præparat. Evang. c. 2.

Scribit ipse, quòd usque ad tempora sua, per spatium amplius quàm duorum milium annorum, ne verbum quidem fuisse unquam in Lege, id est, in sacris veteris Testamenti libris, mutatum, & quemlibet Judæum centies potius mortem subiturum, quàm ut patiatur Legem in aliquo mutari.

Prob. 3. ex SS. Patribus. Pro omnibus sufficiant Hieronymus & Augustinus: Prior tuctur, Scripturas veteris Testamenti ab Hebræis nunquam fuisse vitiatas, quia aliàs Christus & Apostoli crimen istud illis exprobrassent: *Nunquam, inquit (e), Dominus & Apostoli, qui cætera crimina arguunt in Phariseis, & Scribis, de hoc crimine, quod erat maximum reticuerunt.* S. Augustinus verò asserit (f), Judæos nec potuisse nec voluisse sacros depravare Codices: *Anne credibile est, inquit, ipsos Codicibus suis voluisse eripere veritatem, ut nobis eriperent auctoritatem, vel per totum orbem dispersos potuisse in hoc conspirare nullo contradicente.*

Cùm enim in singulis familiis, saltem tribus Levi, utpotè Altaris ministerio consecratæ, asservarentur sacri Codices, & ubique terrarum eos Judæi penes se haberent; impossibile fuisset, ut substantialis corruptio in aliquibus Capitibus fieret, quin eam aliqui observassent, eidemque pro viribus obstitissent; præsertim cum Judæi incredibili zelo ac reverentia sacros prosequerentur Codices; prout jam tum ex Josepho, tum ex Philone ostendimus.

Prob. 4. Ratione Theologica. Si Judæi fortè in Christianorum odium depravare voluissent Sacras Scripturas, tum vel maxime id egissent quoad vaticinia de Christo, nec non loca illa, quibus præcipua Religionis Christianæ Capita contineri perhibentur. Atqui eas quantum ad hujusmodi loca & vaticinia non deprav-

varunt; siquidem in iis ipsorum Codices optinè cum nostris concordant, & solummodo quoad nullius ferè momenti res, & quæ nec fidem nec mores spectant, ab his recedunt, &c. Ergo Judæi Sacras Scripturas nullatenus depravarunt, &c.

Adde, quòd, si aliqua substantialis depravatio facta fuisset à Judæis in libris Legalibus; eam utique ipsorum adversarii Samaritani, apud quos etiam erant libri isti, illis objeissent; & vicissim, si à Samaritanis hæc depravatio facta fuisset, hanc utique ipsis etiam exprobrassent Judæi. Atqui neutri hoc fecerunt, prout constat. Ergo & hi sacri libri ab ipsis neutiquam fuisse depravati, &c.

Confirmatur. Ex sacris veteris Testamenti Codicibus, prout patet, petuntur invicta pro Christianæ Religionis veritate argumenta. Ergo Dei in suam Ecclesiam providentiæ repugnare videretur, si passus fuisset, ut substantialis depravatio in illis à Judæis fieret; sic enim non invicta duntaxat, sed inbecillia, imo falsa essent pleraque ea argumenta, quæ in Christianæ Religionis confirmationem ex iis adducuntur. Unde observat S. Augustinus (g), ideo Dei providentiæ permisum esse, ut Judæi per totum orbem dispergerentur, quòd ubique proferrent monumenta fidei nostræ. *Ut Judæi, inquit, tanquam Capsum nostris libros nostros circumferrent, ut cum Pagani non credunt, quæ nos de Christo prædicant fuisse dicimus, quasi essent à nobis conficta, mittamus ipsos ad inimicos fidei nostræ Judæos, qui libros nostros circumferunt, quibus eadem habentur, quæ nos prædicamus.*

Quantum ad sacros novi Testamenti Codices eadem profectò argumenta, quæ veteris Testamenti librorum integritatem probant, etiam pro illis faciunt.

B 3

I. enim

(e) Ad c. 6. Ista. (f) Lib. 15. de Civ. c. 19. (g) Lib. 15. de Civ. c. 46.

1. enim, libri novi Testamenti iidem sunt, & eodem modo, quantum ad res, quæ fidem & mores spectant, reperiuntur apud Sectas aliqui sibi invicem infensissimas. Ergo depravari non poterunt in rebus ad fidem & mores pertinentibus.

Ant. apertum est, & solâ variarum Sectarum Bibliorum lectione comprobatur.

Prob. Conf. Vel hæc depravatio à Catholicis tentata fuisset, vel ab A catholicis. Neutrum dici potest. Ergo, &c.

Prob. min. Non primum: id enim ipsis exprobraissent A catholici. Nec secundum; nam crimen istud arguissent Catholici. Ergo nec a Catholicis, nec ab A catholicis, adeoque neutiquam depravatio hæc facta fuit.

Argumentum hoc illustratur exemplis penè innumeris, quorum hæc duo duntaxat referimus: Marcion, ut testatur Tertullianus; (b) plurima ex novo Testamento abstulit, sed illa notavit Epiphanius; (i) atque in nostris Græcis Codicibus rectè habentur. Ariani quoque abstulerant ex Evangelio Joannis c. 4. hæc verba: *Spiritus est Deus*; at id indicavit S. Ambrosius; (k) & nostri Græci Codices omnes testimonium istud referunt.

Prob. 2. Nec tempus, nec modus, nec auctores hujusmodi depravationis asserri possunt. Ergo fictitia videtur.

Prob. 3. Episcopi tum in Conciliis, tum in suis Diocesisbus graves illas Scripturarum Sacrarum corruptiones, si quæ alicubi tentatæ fuissent, utique detexissent; imo & singuli ferè Sacerdotes, cum in horis Canonicis nonnihil ex S. Scriptura legere teneantur. Atqui nec Episcopi, nec alii Sacerdotes hujusmodi depravationes usquam detexerunt. Ergo nec factæ fuerunt. Adeoque necessario sequitur, sacros tum veteris, tum novi Testamenti Codices nusquam quoad substantiam fuisse corruptos, sed integros ad nos usque perlatos fuisse.

Dixi quoad substantiam; enimvero controversitur, an non, saltem in levioris momenti rebus, & quæ nec fidem nec mores spectant, vitiati fuerint sacri Codices isti?

Qui ultimis hisce temporibus ab Ecclesia Romana discesserunt, tuerentur Hebræum veteris Testamenti textum purissimum ad nos fuisse perlatum, atque ideo omnia, quæ aliis editionibus continentur, ad eum examinari & emendari debere. Ita Calvinus in *Antidoto Concilii Tridentini*; Kemnitius in *examine ejusdem Concilii*; & Georgius Major *præfatione in Psalmos*.

At contrà solidè contendunt Catholici, hodiernum veteris Testamenti Hebraicum textum non ita purum esse, ut nulla saltem levis momenti errata, & menda in quibusdam illius dictionibus reperiantur, quæ quidem sensum ipsum aut parum, aut nihil immutent; atque etiam in novi Testamenti libris hujusmodi menda quædam irreplisse; cum quibus ponitur

### CONCLUSIO III.

Sacris libris tum veteris tum novi Testamenti errata quædam & menda inveniuntur aspersa.

Prob. Conclusio 1. quoad veteris Testamenti Codices. Quia interdum integræ sententiæ defunct in Hebraico textu, quæ tamen leguntur in versione septuaginta Interpretum, ut & in latina S. Hieronymi ex Hebræo versione. Sic in Hebraico deest tota hæc sententia *Exodi 2. Alium quoque genuit, & vocavit nomen ejus Eliezer, dicens, Deus Patris mei auxilium est mihi, & liberavit me de manu Pharaonis*. Eam tamen referunt Septuaginta, & Hieronymus.

2. *Psalms. 18.* Hebraici Codices legunt, *in omnem terram exivit auxilium seu perpendiculum eorum*. Septuaginta autem verterunt: *Sonus eorum*.

3. *Psalms.*

(b) Lib. 5. advers. Marcion. (i) Hæres. 42. (k) Lib. 3. de Spiritu S. c. 11.

3. *Psal.* 21. legunt omnes Christiani, *foderunt manus meas & pedes meos.* At textus Hebraicus locò *foderunt*, legit, *sicut leo*, quod apertè mendosum est.

Denique, ut plura alia omittamus, *Isaia* 9. textus hebraicus legit, *vocabit admirabilis*, &c. cum tamen versiones omnes, Patres omnes, & ipse Sacra Scripturæ contextus demonstrent, legendum esse, *vocabitur admirabilis, Deus, fortis, Pater futuri Sæculi*; hincque inferri debeat, hæc epitheta tribui filio, non autem Patri æterno.

Calvinus ipse, qui textum hebræum fonte purissimum non semel appellat, ad hunc *Isaia* textum, sui parum memor, hæc adversus Judæos eloquitur: *Neque est, quod oblatrent Judæi, & sic lectionem invertant; hoc est nomen, quod vocabit eum Deus, fortis, Pater futuri Sæculi; ac demum hoc unum filio reliquum faciant, ut sit Princeps pacis: quorsuam enim epitbeta in Deum hoc loco congesta forent?*

Concludendum ergo, Hebraicum fontem, quem nunc præ manibus habemus, non ita semper limpidum, & purum esse, ut non interdum turbidus suat.

Profectò Ludovicus Capellus celebris præteriti Sæculi Calvinista plusquam mille locis vitiatum esse textum hebraicum ostendit in *sua Critica Sacra*.

Habent igitur Scripturæ hebraicæ suos errores, qui in textum irreperunt partim officiantia & inficiã libroriorum, præsertim, cum in hebræo facile sit errare ob literarum quarundam similitudinem; partim malignitate Rabbiorum, qui puncta litteris hebraicis addiderunt. Cum enim dictiones hebraicæ variis modis legi possint, si punctis careant; mirum non est, si aliquando ipsi quoque in punctorum notatione à vero aberraverint.

Potest etiam esse, ut ex pravo in Christum affectu, & odio ea lectio interdum ip-

sis magis probata fuerit, quæ minùs Christianis favebat.

Cæterum, ut diximus, tanti momenti non sunt ejusmodi errores, ut in ills, quæ ad fidem moresque pertinent, Scripturæ Sacrae integritas desideretur; plerumque enim tota variarum lectionum discrepantia in dictionibus quibusdam posita est, quæ sensum vel parum, vel nihil immutant. Errores autem, qui ex additione punctorum acciderunt, nihil omnino veritati offi-  
ciant: puncta enim hæc exterius sunt addita, nec textum ipsum variant. Itaque possumus, si velimus, ea detrahere, & aliter legere.

Quòd verò Græcos novi Testamenti Codices attinet, nemo dubitat, quin editio Apostolica summè sit auctoritatis: attamen in eam etiam aliquos errores saltem negligentia libroriorum, aut eorum ignorantia interdum irreperisse varia exempla demonstrant, quorum aliqua duntaxat referre placeat.

1. *I. Corinth.* c. 15. v. 47. nostra versio latina legit: *Primus homo de terra terrenus, secundus homo de cælo celestis*, quam lectionem ipse Calvinus probat. At græci Codices constanter habent: *secundus homo Dominus de cælo*. Quam depravationem ex corruptionibus Marcionis libroriorum vitiò mansisse testatur Tertullianus. (1)

2. *I. Corinth.* 7. v. 33. & 34. nos legimus: *Qui cum uxore est, sollicitus est, quæ sunt mundi s. quomodo placeant uxori, & divisus est: & mulier innupta, & virgo cogitat, quæ Domini sunt, &c.* At græci Codices longè aliter habent; nam illud *divisus est* conjungunt cum sequentibus hoc modo: *divisa est uxor & virgo*; quam lectionem S. Hieronymus affirmat (m) non esse Apostolicæ veritatis.

3. *Rom.* 12. v. 11. nostra versio sic habet: *Domino servientes*, eamque esse verissimam testatur S. Hieronymus, (n) asseritque, in emendatis græcis Codici-

(1) Lib. 5. cont. Marcion. (m) Lib. 1. cont. Jovinian. (n) Epist. ad Marcell. quæ incipit: *Poss. priorem*.

bus haberi *Domino*, non verò *tempori*, quod habent plerique Græci Codices. Ita etiam, prout nos legimus, explicatum in suis Commentariis Origenes, Chrysostomus, Theophylactus, & alii Patres Græci.

4. denique, ut plura alia omittamus, constat, in plurimis Græcis Codicibus deesse multas veræ Scripturæ partes, ut historiam adulteræ Joan. 8. Ultimum Caput Marci. Testimonium de SS. Trinitate Joan. 1. & alia, de quibus suis locis agemus.

Constat etiam, quædam in omnibus græcis Codicibus inveniri, quæ non sunt partes divinæ Scripturæ; ut Matth. 6. Orationi Dominicæ additur: *Quia tuum est regnum & potentia, & gloria in Sæcula*. Quæ verba non esse de textu, sed à Græcis deinceps addita, vel ex eo intelligi potest, tum quod Tertullianus, Cyprianus, Ambrosius, Hieronymus, Augustinus Orationem Dominicam exponentes nec vel minimam horum verborum faciant mentionem, cum tamen Græcæ linguæ ignari non fuerint, tum quod Græci in sua Liturgia recitent quidem hæc verba, sed non continuent cum Oratione Dominica.

### Solvuntur Objectiones.

8 Ob. 1. contra imam Conclusionem: communis & vera est paroemia, quod tempus omnia consumat. Atqui plurima, ab eo tempore, quo plerique veteris Testamenti libri, si qui unquam veri fuerunt, scripti dicuntur, effluxere annorum millia. Ergo & eos tam longum tempus consumpsisse dicendum est; adeoque ii, quos nunc habemus, sunt supposititii.

Resp. 1. Neg. maj. Adducta enim paroemia non est vera universaliter, ut patet ex quampluribus monumentis, quæ jam à pluribus annis in Bibliothecis persistant; necnon præsertim, quæ etiam ante aliquot

suis auctoribus conscripti adhuc hæc nostra ætate supersunt; atque de sæculo in sæculum continuâ Majorum nostrorum diligentia ad nos perlati fuerunt, quod negare nemo, qui ratione & judicio utitur, audebit.

Resp. 2. Dei, cujus existentiam nec ipsi Athei negare possunt, ut ostendimus in Metaphysica, & suo locò fusius adhuc ostendemus, providentiæ magnam inferri injuriam, si allata paroemia ad eos libros adaptetur, qui divinam continent revelationem hominum salutis omnino necessariam, & in qua Religionis summa consistit, quasi verò ei curæ non fuisset hos libros tueri.

Ob. 2. Pentateuchus, & libri Prophetarum nominibus insigniti in captivitate Babylonica unâ cum Templo & Urbe Jerosolymitana incendio perire, prout libri illi, quos tanquam divina revelatione conscriptos penes nos retinemus, ipsimet faciunt fidem. Ergo hi ipsi nequeunt esse libri illi, quos à Moyse & Prophetis scriptos tuemur; adeoque sunt recentioris ævi & supposititiæ Scripturæ.

Resp. Dist. Ant. Pentateuchi & librorum à Prophetis scriptorum exemplaria, quæ tunc in Templo asservabantur, igne consumpta fuerunt, conc. Alia eorundem librorum exemplaria penes alios Prophetas, & legis Doctores asservata, neg. ant.

Certè Jeremias, Ezechiel, Daniel, tres Pueri, post Templi incendium & everisionem, ac ipso Babylonica captivitate tempore Sacros Codices adhuc legébant. Nec postea etiam Zorobabel, qui captivos reduxerat, & Altare juxta legem Moysis erexit, legis ipsius Codice caruit. Edras quoque finita hac captivitate, librum Deuteronomii coram populo legit. Ergo non omnia Sacrorum librorum horum exemplaria in memorato Templi excidio intercidit, & perierunt.

Uti Cleobæ qui iam Patres, ut Cleobæus, & alii, legunt, & alii, & alii.

nus, Theodoretus, omnium verò aperi-  
tissimè Basilii (o) docent, Scripturam  
Sacram universam periisse tempore capti-  
vitatæ Babylonicæ, quando scilicet civitas  
everfa, & Templum incensum fuit, ac  
deinde ab Esdra rursum fuisse compositam  
ac reparatam. Ergo &c.

Confirmatur ex libro 2. Esdræ c. 2. ubi  
simile quid refertur.

Resp. 1mo. Etsi concedatur, id me-  
moratos Patres docuisse, tamen verum  
manet, Sacros illos Codices esse genuinos  
& integros; ajunt enim Patres illi, qui  
Sacram Scripturam in illo Templi incendio  
periisse autumant, eandem ab Esdra Spi-  
ritu Sancto dictante fuisse reſtauratam.

Resp. 2do. Neg. conf. Hæc opinio,  
non alio nictur fundamento, quàm testi-  
monio libri 4. Esdræ c. 14. At liber iste  
non modò apocryphus est, & ab Ecclesia  
Catholica nunquam receptus, sed etiam  
multis in locis redolet fabulas Judaicas,  
& hoc ipso Capite 14. non aliter loquitur  
de quibusdam libris occultis, & perfectio-  
ribus, quàm omnes Thalmudistæ faciunt  
de sua Cabala. (p) Unde nullum est argu-  
mentum, quod ex eo deducunt S. Basilii,  
& fortè alii, utpote ab eodem libro de-  
cepti.

Ad confirm. neg. quòd simile quid  
memoretur lib. 2. Efd. c. 8. Quin potiùs  
contrarium ex eo colligitur. Sic enim  
legimus v. 1. *Dixerunt Esdra Scriba,*  
*ut adferret librum legis Moysi . . . . .*  
*Attulit ergo Esdra, &c.* Non dixerunt,  
ut iterum componeret librum legis, sed ut  
P. Cartier Theol. Tom. I.

asserret; quia sciebant illum adhuc inveni-  
ri. Unde, prout jam adnotavimus, etsi  
Scriptura, quæ publicè servabatur in Tem-  
plo, fuerit igne consumpta, & perierit;  
tamen incredibile est, non fuisse etiam ali-  
qua exemplaria, vel certè partes eorum  
apud privatos homines, & præcipuè apud  
Ezechielum, Danielem, Jeremiam, Ag-  
gæum, Zachariam, Mardocheum, &  
ipsum Esdram, qui tunc in vivis erant,  
& quibus sine dubio curæ fuit lex Domini.

Ob. 3tio. cont. adam Conclusionem. 10  
Ideo asseritur, Judæos non depravasse li-  
bros veteris Testamenti quoad partes sub-  
stantiales, quia id fuit impossibile. Atqui  
revera fuit possibile. Ergo, &c. Prob. min.  
Judæi ubique terrarum dispersi asstricti erant  
decretis Rabbiorum, qui primum in Pa-  
læstina, postea Babylone judicabant de re-  
bus ad Religionem pertinentibus. Atqui  
hi Rabbini in odium Ecclesiæ Christianæ  
facile consentire potuerunt in Sacrorum  
Codicum depravationem. Ergo in omnes  
Judæorum Synagogas irrepere potuit ali-  
qua etiam substantialis Sacrorum librorum  
depravatio.

Resp. Neg. min. Ratio est 1mo. Quia  
moraliter est impossibile, ut Rabbini, qui  
ex toto orbe confluebant in Palæstinam &  
Babylonem, ut Synedrim agerent, con-  
senserint nullo prorsus excepto, in corrup-  
tionem istam. 2do. Non in Judæorum  
tantum, sed & Christianorum manibus  
erant Codices veteris Testamenti; ac  
proinde Christiani corruptionem illam Ju-  
dæis exprobrassent, si eam vel tentare ausi  
fuif-

(p) Epist ad Chilon. (p) Thalmudistæ dicuntur ii, qui Thalmudii sectatores sunt & expostores.  
Thalmud autem est liber explicationem seu expositionem Legis Judaicæ in se complectens, seu  
est Corpus totius Juris Sacri Judæorum. In duas partes distribuitur, quarum una *Misna*, altera  
*Gemarra* nuncupatur. *Misna* secundam legem sonat, continetque traditiones Doctorem Judæo-  
rum. *Gemarra* autem idem est ac *complementum*, quæ scilicet ultima manus *Misna* est imposi-  
tæ. Utraque a sordis fabula abundat. *Cabala* à voce hebræa *Kabbalah* quæ propriè *Traditionem* si-  
gnificat, specialiter apud Judæos sumitur pro occulta summorum divinarum mysteriorum scientia ac  
interpretatione S. Scripturæ, quæ fit per significationes abstrusas & singulares, quæ vel verbo alicui  
vel cubiliis earum litterarum, quibus componitur, tribuuntur, unde, variis earumdem combina-  
tionibus, ex S. Scriptura eruantur explicationes longè diversæ ab iis, quas re vera & propriè signi-  
ficare videtur.



fuisse 3tio. Detur adversariis, Rabbi-  
nos absolute loquendo, potuisse deprava-  
re Sacros Codices, certum tamen est, eos  
ab ipsis actu depravatos non fuisse; nam  
quamvis ineptas & nugatorias expositiones  
tradiderint, nihilominus Legis & Prophe-  
tarum verborum corticem, usque ad su-  
perstitionem servarunt.

- 11 Ob. 4to. Multa errata irreperunt in  
Sacros tum veteris, tum novi Testamen-  
ti Codices, prout ipsimet advertimus.  
Ergo re ipsa fuere depravati.

Resp. Dist. ant. Irreperunt errata,  
quæ non sunt contra fidem & mores, conc.  
Quæ sunt contra fidem & mores, neg. ant.  
Ea levioris momenti errata à Judæis mali-  
tiosè facta non fuerunt, cum non sint ex  
iis capitibus, in quibus à Christianis dis-  
sentiant, sed aut Scribarum incuriâ, aut  
casu aliquo fortuito contingere. Sed quid-  
quid sit hac de re, & quacunque demum  
ratione hæc errata Sacris libris irreperint,  
sufficit, quod fidem aut mores non tangerent,  
ut S. Scripturæ integritas sua illibata ser-  
vetur. Vide ea, quæ supra disseruimus.

- 12 Ob. 5to. Ipsimet Judæi fatentur, loca  
quædam aliter olim lecta fuisse, ac ha-  
bent hodierni Codices, quibus in Syna-  
gogis suis utuntur. Ergo depravati fue-  
runt Judæorum Codices. Prob. ant. Con-  
sentiant Rabbinî, nonnulla mutata fuisse  
à sapientibus, & inserta Codicibus hodie-  
nis; quas mutationes vocant Scribarum  
correctiones. Ergo, &c.

Resp. 1mo. cum Bellarmino, fictitiam  
esse illam Sacrorum Codicum correctionem,  
quam Judæi prædicant.

Resp. 2do. Correctionem illam, si quæ  
facta est, præstitam fuisse ab Esdra, ac  
posterioribus Prophetis, qui Sacros libros  
post captivitatem Babylonicam recognove-  
re, quique, collatis inter se antiquis Co-  
dicibus, germanam restituerunt lectio-  
nem, quæ in hodiernis Codicibus reperit-  
ur; unde si aliter, ac nunc, in aliqui-  
bus Codicibus olim lectum fuit, erratum  
est, quod Esdras Propheta, & Judæorum  
Synagoga correxerunt.

Confirmatur Responso. Omnia, quæ  
nunc extant, exemplaria hebraica legunt  
secundum illas correctiones. Præterea  
omnes antiquæ versiones, etiam illæ, quæ  
ante Christi adventum, exaratae fuerunt,  
continent eas mutationes, in iisque cum  
Hebræis Codicibus conveniunt, prout vi-  
dere est in versione Septuaginta Inter-  
pretum, & vulgatâ Latina.

Ob. 6to. Justinus Martyr in Dialogo  
cum Triphone, Irenæus lib. 3. c. 24. non-  
nullique alii Judæos accusarunt, quod Sa-  
cros libros depravarunt. Ergo non sunt  
integri veteris Testamenti Codices, etiam  
quoad substantiam.

Resp. 1mo. Intelligi posse laudatos Pa-  
tres de depravatione quoad aliquas lectio-  
nes: probabile nimirum est, Judæos, ubi  
duplex erat lectio, quarum una magis fa-  
vebat Christianis, eorum odiò alteram suis  
Codicibus inseruisse; quæ quidem, cum  
ab ea, quam in sua græcâ versione Sep-  
tuaginta secuti sunt, discreparet; mirum  
non est, quod Ecclesia Christiana, quæ eâ  
versione utebatur, Judæos arguerit, quod  
Scripturas depravassent.

Resp. 2do. Patres, de quibus in argu-  
mento est sermo, non loqui de ipsâ Syna-  
goga Judæorum; eodem enim modo quoad  
substantialia se habent ejus Biblia, quo no-  
stra; sed loqui de Theodotione, & Sym-  
macho, qui, ubi à Christianismo ad Ju-  
daismum defecissent, versionibus suis Sa-  
cros Codices depravarunt.

Ob. 7. Juxta dicta, & concessa Sa-  
cra Scripturæ potuerunt depravari, & re-  
vera depravatae fuerunt in rebus levioris  
notæ, & nec fidem, nec mores atinenti-  
bus. Ergo etiam rebus fidem ipsam &  
mores spectantibus. Non est enim major  
ratio habenda librorum incuriæ & igno-  
rantia in his rebus, quàm in illis, sed utro-  
bique stat paritas.

Resp. Neg. conf. & paritatem: Dispa-  
ritas est 1mo. Quod providentiæ divinæ re-  
pugnet, ut permiserit in libris, quos vo-  
luit esse firmam fidei & morum regulam,  
ali-

aliquos substantiales, seu circa fidem & mores obrepere errores; sic enim seipsum hujusmodi errorum, ipsiusque infidelitatis auctorem quodammodo constitueret. ad. Hujusmodi errores, si qui Sacris libris aspersi fuissent, detexissent tum Judæi, tum Christiani, neque eos passi fuissent, &c. Vide ea quæ hac de re supra disse-ruimus.

### CAPUT III.

#### 14 De auctoritate S. Scripturæ.

**S**At amplè, ni fallor, Capite præcedenti vidimus, libros S. Scripturæ contentos, non esse supposititios, sed suum quemque designatum habere Auctorem, necnon ad nostra usque tempora integros, & incorruptos fuisse conservatos. Modò, quænam sit eorumdem auctoritas, nobis demonstrandum venit. Sit ergo

### CONCLUSIO.

Scriptura Sacra sive vetus sive nova est auctoritatis divinæ.

Prob. Concl. 1mo. Per Sacram Scripturam intelligimus verbum Dei scriptum, & ab ipso Sacris illius Scriptoris inspiratum, & dictatum. Atqui hujusmodi verbum scriptum est divinæ auctoritatis. Ergo Sacra Scriptura sive vetus sive nova est divinæ auctoritatis. Minor est aperta. Major verò est ipsa Sacræ Scripturæ definitio Cap. 1. hujus Tractatus allata; sicque

Probatur: Necessè est existere veram Religionem, quæ debitum Deo cultum exhibeat. Atqui talis Religio nonnisi ab ipso Deo tanquam auctore proficisci potest, qui Sanctis, & ad id à se delectis hominibus voluntatem suam, & modum, quo eoli ab hominibus veller, revelavit; quam divinam voluntatem & modum ipsum colendi iidem in commentaria retulerunt, atque populus tradiderunt, ad quæ conversi intelligerent, qua ratione mores suos ad

verum Dei cultum componerent; quæ commentaria Sacram Scripturam vocamus. Ergo Sacra Scriptura est verbum Dei scriptum, & ab ipso Sacris Scriptoris inspiratum & dictatum.

Major est omnium Nationum, etiam summè barbararum: nulla enim est, quæ supremum Numen aliquod, à quo omnia pendent, non agnoscat, eique cultum aliquem non exhibeat, arbitreturque, se veram habere Religionem: ex quo illius necessitas comprobatur.

Prob. min. 1mo. Vera Religio proficisci debet à principio certo & immutabili. Atqui tale principium est solus Deus. Ergo vera Religio nonnisi ab ipso proficisci potest.

Min. est aperta: omnia enim sunt mutationi, & vicissitudini obnoxia præter Deum, qui semper idem est, unde & de se ipso ait: *Ego Deus, & non mutor*; nullumque datur certum principium, quod ab ipso firmitatem suam non mutuetur.

Maj. prob. Vera Religio debet esse certa, & immutabilis. Ergo debet proficisci à principio certo & immutabili. Ant. prob. Nisi certitudine, & immutabilitate firmata sit Religio, tunc ipsamet destruetur, & in chaos abibit, dum quilibet pro suo arbitrio sibi cultum, quo Deum profsequatur, effingent; quin & ipsa humana societas, quæ potissimum Religionis & cultûs unitate continetur, pessum ibit. Ergo debet esse certa & immutabilis, adeoque à principio certo & immutabili, nempe à Deo proficisci. Consequenter & ipsa S. Scriptura, qua verus Deum colendi modus continetur.

Confirmatur ex eo, quòd omnes Nationes, solo rationis suæ dictamine, semper agnoverint Religionem Deum habere auctorem, atque ab ipso hominibus fuisse inspiratam & traditam. Hinc factum, ut, qui novam colendi Deum formam & rationem variis populis variis temporibus obtruserunt, omnino caverint, ne commenta sua à se ipsis conficta dicerent, quin po-

tius à supremo quodam Numine inspirati, & afflati se sua fundere oracula palam edixerunt.

- 15 Prob. Concl. 2do. Illi libri meritò censentur habere divinam auctoritatem, nec hominum commenta dici possunt, qui non modò cum summa puritate scripta sunt, sed etiam incomparabilem doctrinæ sublimitatem, & sanctitatem continent, & in quibus energia planè divina in hominum animis ad amorem Dei, & virtutum omnium praxim convertendis elucet, necnon Prophetiarum, quas continent, veritatis eventu ipso comprobata. Atqui hujusmodi sunt libri illi, quos Sacram Scripturam vocamus; prout sola horum librorum inspectio, & lectio demonstrat. Ergo habent divinam auctoritatem, solumque Deum auctorem, nec hominum commenta dici possunt.

- 16 Confirmatur. Si libri, quos Sacram Scripturam vocamus, à suis Scriptoribus sunt confecti, tum demonstrari debet, cujusnam emolumenti spe hæc sua figmenta ipsi protulerint: Enimvero nemo utique ea conditione impostor esse volet, ut inde non modò nullum emolumentum capiat, sed præterea detrimentum aliquod patiatur. Atqui demonstrari non potest, cujusnam emolumenti spe hi Sacri Scriptores libros hos à se conscriptos protulerint, quin potius contrarium manifestè ex his Sacris ipsorum libris eruitur. Ergo non sunt confecti, &c.

Min. prob. ab inductione. 1mo. Quidnam emolumentum sperare potuit Moyses, quando populo Israelitico rudi admodum, & rustico legem consignavit adeo severam, ut vel levium quarundam caeremoniarum omissioni mortis pœnam constitueret? An non potius, si è suo legem populo Israelitico tradere in animum induxisset, eam effinxisset, quæ & mollior, & sensibus magis accommodata esset? quàm verò hebes populus ille, quòd legi tam dura præcipiunt, tam severe levia quæque puniunt, & quæ tamen nonnisi privati cujusdam

viri commentum esset, ultrò colla submiserit! Neque etiam ausus fuisset Moyses prodigia & miracula Pentateuchò contenta, si falsa fuissent, palàm prædicare, atque in publica commentaria referre; hæc enim impostura ipsi, sive apud Gentiles suos, sive exterarum Nationes procul dubio malè celsisset.

2do. Eadem est Prophetarum ratio, quorum prophetiarum veritatem eventus comprobant; & qui sine ullius emolumenti, aut temporalis commodi spe, imò cum propriarum rerum, tum vitæ ipsius dispendio eas fuderunt: certè hæc tam accuratè non prænuñtiasent, nisi inspirante Deo, qui summè verax est, omniaque sive præterita, sive præsentia, sive futura complectitur, & ab æterno novit, libros suos exarsent.

3tio. Idem quoque dicendum de novi Testamenti Codicibus, quos ab Apostolis sibi consignatos Ecclesia ad nos detulit, & quibus nonnisi purissima & præstantissima morum vitæque rectè instituendæ doctrina continetur, quæ nihil terreni admixtum habet, sed animum ab omnibus creaturis abstractum ad sola cœlestia dirigit.

Cujus temporalis emolumenti, aut commodi spe Christus ipse, & Apostoli ea, quæ ab ipsis conscripta tenemus, mundo annuntiarunt? profectò nullo: quin potius, cum rudes essent, ignari, & pauperes, necnon omnium penè rerum inopiâ laborarent, non armis, non humanæ sapientiæ persuasibilibus verbis, sed verè stupendò, & humanæ menti prorsus imperviò modò non solum innumeros de plebe homines, sed & Principes, Reges, & Imperatores omnes, imò totum terrarum orbem Evangelio subjecerunt, quamvis nihil contineret, quod vel in minimo sensus demulceret, idque cum propriarum rerum summo detrimento, vitæque non modò discrimine, sed etiam factura. Prout hæc omnia, ut & frequentia prodigia, & miracula ab ipsis patrata in eorum libris legi possunt, &c.

Solum,

*Solvuntur Objectiones.*

- 17 Ob. 1. Deus nullâ indiget Scripturâ, quâ suis loquatur creaturis, cum sit semper, & ubique præsens. Ergo superflua penitus est omnis Scriptura, ac proinde nulla à Deo provenit, cum Deus nihil frustra faciat, aut superfluum operetur, vel scribat nihil.

Resp. neg. conf. Etsi Deus nullâ indigeat Scripturâ &c. eâ tamen indigent homines, si non simpliciter & absolute saltem secundum quid, ad vitandum erroris periculum, fideique servandam unitatem; nam si unicuique Deus sua manifestaret placita sine Scriptura, posset quilibet pro arbitrio, quodcumque vellet, credendum vel agendum proponere, sub ficto prætextu manifestationis sibi à Deo factæ, dum alter negaret, nec tamen haberet, unde adversarium suum redargueret, corrigeret, vel erudiret. Habet autem, quo id præstare possit, cum divinam habet Scripturam, quæ juxta Apostolum (9), *utilis est ad docendum, ad arguendum, ad corripiendum, ad erudiendum in justitia: ut perfectus sit homo Dei, ad omne opus bonum instructus.*

- 18 Ob. 2do. Illud Apostoli dicentis (r): *Idoneos nos fecit ministros novi Testamenti, non litterâ sed Spiritu; littera enim occidit, Spiritus autem vivificat.* Ergo nulla datur Scriptura, sed solum illud pro verbo Dei habendum, quod Spiritus Sanctus unicuique privatim in corde loquitur.

Resp. neg. conf. Juxta SS. Patres Chrysostomum, Ambrosium, Augustinum, & Anselmum, nihil aliud per *litteram* quam *legem*, & per *Spiritum* quam gratiam intelligit Apostolus; ita ut adducti ex ipso textus sensus sit, quod Deus inter alia bona hoc etiam nobis tribuat, ut simus idonei novi Testamenti Ministri, ad prædicandum scilicet Evangelium, fun-

dandas Ecclesias, administranda Sacramenta; Ministri, inquam, non litteram vobis solam communicando, sed & spiritum impertiendo; id est, non eo modo Ministri sumus, quo in lege Mosaica, ut scilicet nudam litteram legis vobis proponamus, sed insuper etiam & spiritum, videlicet gratiam, quæ spiritualis est, conferamus; siquidem Deus ad verba nostra copiosam vobis infundit gratiam; *littera* enim sola, si divinæ gratiæ præsidio destituatur, ut in veteri Testamento, nocet potius, quam prosit; occidit enim animam occasionaliter, difficilia continens præcepta plurima, nec gratiam ad ea debite servanda necessariam tribuens: *Spiritus* autem solus, id est, *gratia*, quæ spiritualis est, vivificat eam, ei supernaturalem vitam conferens, quæ redditur potens ad præstanda quæque necessaria ad salutem consequendam opera.

Ob. 3tio. In libris tum veteris tum novi Testamenti multa continentur falsa, mendacia, & contradictiones. Ergo Deus non potest esse illorum auctor, quippe, qui æterna veritas est; consequenter non sunt divinæ auctoritatis.

Resp. neg. ant. Contrarium ostendimus parte 2. ubi de singulis sacre Scripturæ libris agemus, eosque ab omni errore vindicabimus.

C A P U T IV.

*De modo inspirationis divinæ Sacrarum Scripturarum.*

POstquam Capite præcedenti divinam S. Scripturæ auctoritatem sufficienter, ut arbitramur, stabilivimus, atque à Deo Scriptoribus sacris fuisse dictatam, & inspiratam probavimus, modò nobis disquirendum venit, qua ratione & quo modo fuerit ab ipso inspirata.

C 3

Hac

(†) 2. Timoth. c. 3. v. 16, (r) 2. Cor. c. 3. v. 16,

Hac de re quinque circumferuntur opiniones : quas priusquam ordine referamus, notandum volumus imo. In Sacris Litteris tria accuratè esse discernenda, *Res scilicet, Verba, & Vocabulorum compositionem*, seu *Phrasim & Stylum*.

Res verbis expressæ, vel sunt dogmata quædam, vel præteritorum temporum historiz, vel prædictiones futurorum, vel leges, quibus homines in officio continentur, vel præcepta, quibus ad virtutem informantur &c.

Verba nihil aliud sunt, quàm ipsæ voces, quæ sacros sensus exprimunt.

Vocabulorum denique compositio, seu Phrasis ac Stylus, est ordo verborum.

21 Notandum 2do. Eruditos quosdam Theologos, ut periculum evitetur de verbis, & nominibus concertandi magis, quàm de re ipsa, triplicem circa Sacrorum Scripturæ librorum Scriptores Dei actionem & operationem distinguere : *Revelationem* nempe, *Inspirationem*, & *specialem assistentiam Dei præsentiam*.

*Revelatio* juxta ipsos, est ignotæ antea veritatis facta divinitus manifestatio. v. g. *Isaia* Prophetæ (†) revelavit Deus, Principem nomine *Cyrum* fore aliquando populi sui liberatorem.

*Inspiratio* verò ab ipsis dicitur motus quidam insolitus, & interior incitatio, quâ quis fertur & impellitur ad loquendum vel agendum sine detrimento rationis, & libertatis. Nempe movet Deus, inquit, voluntatem, ut quæ dicat, Scriptor verè ac fideliter scribat; & hæc motio dicitur *incitatio & inspiratio*.

Denique *specialis Dei assistentia* nihil aliud est, quàm auxilium peculiare, quo Spiritus Dei præsens Scriptorem, ne alicubi erret, sic adjuvat, ut non quidem suggerat, quæ dicat, sed invigilet, ne falsum quid dicat, non impellat ad singula scribendum, sed inter scribendum dirigat, ne quâ parte irrepat error. Ergo

juxta hos Theologos tria apud Sacros Scriptores plerumque solent intervenire, 1. revelatio, 2. inspiratio, seu incitatio, 3. specialis Dei assistentia.

Verùm licet quidem ab inspiratione divina, generatim & absolute loquendo, separari possit revelatio divina, in Sacris tamen Scripturibus cum inspiratione divina semper conjuncta fuit aliqua Dei revelatio, quâ nempe Deus non solum illorum voluntatem afficiebat, ut ipsos ad scribendum determinaret, sed eorum etiam intellectum divinò quodam lumine ita illustrabat, ut quæcunque scribenda forent, ipsis suggereret, sive dictando res eis antea incognitas, sive in eorum mentem ex plurimis factis, aliisque rebus, quas aprimè noverant, illas præcipuè revocando, quas litteris mandari volebat divinus Spiritus, cum id ipsis aliàs incognitum & incertum mansisset, atque in hujusmodi rebus seligendis facile errare potuissent. Unde veritati consentaneum non videtur, nec Ecclesiastico loquendi modo, distribuere Verbum Dei in Verbum Dei revelantis, & Verbum Dei inspirantis.

Specialem verò Dei assistentiam, seu auxilium peculiare, quo Spiritus Dei præsens Scriptorem, ne alicubi erret, adjuvat &c. alio nomine quidam vocant *Inspirationem mediatam*, ad distinctionem *Inspirationis illius*, quâ Deus Scriptori res antea ipsi ignotas revelat, quæque apud ipsos eadem est cum *revelatione*, & quam *inspirationem immediatam* nuncupant. At & hæc distinctio nobis superflua videtur. Etsi enim *inspiratio immediata*, seu *revelatio* Scripturibus Sacris minimè necessaria fuerit, ut multarum rerum ad historiam e. g. spectantium, quæ aliunde sibi notissimæ erant, cognitionem acciperent, tamen necessaria fuit, cum ut ex plurimis factis, quæ sibi æquè notissima erant, ea potissimum scribenda selige-

cellerent, quorum fieri mentionem, aliis pratermissis, divinus Spiritus volebat, rum ut singula eorumdē factorum adjuncta in memoriam suam ita revocarent, ut ne in minima quidem circumstantia aliter describenda, quā res gesta fuerat, errarent. Ergo utrobique invenitur *inspiratio immediata*, seu *revelatio*; nec ab ea differte videtur *specialis assistentia*, seu *auxilium Dei &c.* Unde & nos promiscuē, & velut unam eandemque rem eas esse sumendas arbitramur. His prænottis modō ad ipsas opiniones transimus.

22 Prima est eorum, qui omnia & singula, vel minimas etiam voces & syllabas, ipsos etiam litterarum apices inspiranti ac moventi Deo tribuunt.

Secunda priori omnino repugnans est eorum, qui sentiunt, nec verba, nec ipsas etiamnum sententias esse inspirationi divinæ adscribendas.

Tertia est eorum, qui res ipsas sacris litteris expressas partim afflanti Deo, ut sunt prophetiæ, & ea, quæ sunt doctrinalia, vel proximum aliquem, aut necessarium habent ad doctrinalia respectum: partim Scriptorum ingenio duntaxat, & diligentia tribuendas censent, ut sunt historiæ & facta, quorum testes ipsi fuerunt Sacri Scriptores, vel aliunde certō scire potuerunt.

Quarta est eorum, qui existimant, testimonium Spiritus Sancti scriptionem aliquam subsequens, seu potius ipsi superveniens, sufficere, ut liber aliquis humanā industriā scriptus sine ope Spiritus Sancti non modō minimē afflantis, sed ne dirigentis quidem, inter libros divinos & Canonicos nihilominus reputetur; Spiritu Sancto scilicet postea attestante, nihil, quod verum non sit, in eo libro contineri.

Quinta denique res omnes atque sententias inspirationi divinæ ita religiose adscribit, ut verba tamen ipsa, verborumque compositionem relinquat stylo, meditationi, diligentia, & ingenio Sacri

Scriptoris, qui quidem quoad res ipsas inspiratus, & sine detrimento libertatis à Deo actus & impulsus in sensu nusquam aberret, quoad verba verò verborumque ordinem & compositionem sibi permissus, plus minusve dignitatis, & elegantia habeat in elocutione. Quam sententiam velut veriorē & firmiorem amplectimur; & pro qua sit

## CONCLUSIO.

Quamvis Deus sententias & res, illa- 23 rumque sensum in Sacris Libris expressum Sacri Scriptoribus inspiraverit, tamen verba ipsa, quibus res illæ, earumque sensus exprelli fuerunt, verborumque compositionem, & stylum, meditationi, diligentia & ingenio eorundem Sacrorum Scriptorum relinquit.

Prob. Conclusio quoad primam partem, 1mo. Ex Sacra Scriptura.

Matth. 22. v. 43. *Quomodo ergo David, ait Christus, in Spiritu vocat eum Dominum?*

Lucæ 1. v. 70. *Sicut locutus est, inquit Zacharias, per os Sanctorum qui à saculo sunt Propbetarum ejus.*

Act. 1. v. 16. *Oportet, inquit S. Petrus, impleri Scripturam, quam prædixit Spiritus Sanctus per os David de Juda. Et c. 3. v. 18. Deus autem, quæ prænuntiavit per os omnium Propbetarum pati Christum suum, sic implevit. v. 21. Quæ locutus est Deus per os Sanctorum suorum à saculo Propbetarum.*

2. Timoth. c. 3. v. 16. *Omnis Scriptura, inquit Apostolus, divinitus inspirata utilis est ad docendum &c.* Et Heb. 1. v. 1. *Multifariam, multisque modis olim Deus loquens Patribus in Propbetis.*

1. Petri c. 1. v. 10. *De qua salute, inquit, exquisierunt, atque scrutati sunt Propbeta, qui de futura in vobis gratia prophetaverunt, scrutantes in quod, vel quale tempus significaret in eis Spiritus Christi, prænuntians eas, quæ in Christo sunt,*

*sunt, passiones, & posteriores glorias. Et 2. Pet. c. 1. v. 20. Omnis Prophetia Scriptura propria interpretatione non fit. Non enim voluntate humana allata est aliquando Prophetia, sed Spiritu Sancto inspirati locuti sunt sancti Dei homines.*

Nota hic S. Petrum non de iis solummodo Sacris Scripturibus loqui, qui futura prædixerunt, sed & illos intellexisse, qui præterita juxta & præsentia enarrarunt: ad Judæos enim scribebat, apud quos, teste Josepho (t), Prophetarum nomine veniebant omnes illi, qui à Deo afflati sive futura prænuntiabant, sive præterita recensébant, sive præsentia enarrabant. *Sciendum est igitur, inquit Theodoretus (u), Prophetarum proprium esse, non solum futura prædicere, verum etiam & præsentia, & præterita enarrare.*

Ex his Sacræ Scripturæ textibus manifestè concludimus, quod universa veteris Testamenti Scriptura, non modò Prophetica, sed etiam Historica, Moralis, & Legalis sit divinitus inspirata.

Quod etiam & à potiori jure volumus intelligi de novi Testamenti libris. Enimvero Apostolis & Evangelistis non minùs gratiæ, & auxilii præstitum est à Deo in exarandis his novi Testamenti libris, quàm in veteri lege Prophetis, aliisque Sacris Scripturibus concessum fuit; siquidem Christus Discipulis suis dixerat (x): *Nolite præcogitare, quid loquamini: sed quod datum vobis fuerit in illa hora, id loquimini; non enim vos estis loquentes, sed Spiritus Sanctus.*

Et apud Joannem (y), *Spiritus Paraclytus, inquit, quem mittam vobis à Patre, ille docebit vos omnem veritatem. Atqui non utique solummodo Spiritus Paraclytus illos, quoad ea, quæ locuturi essent, edoctrus erat, sed etiam quoad*

*ea, quæ scripturi essent; nam multò minùs potuit deesse illis ea scribentibus, quæ futura erant fundamentum Christianæ Religionis, necnon actionum, & doctrinæ Christi perenne monumentum.*

Prob. 2do. Ex traditione tum Judæorum, tum Catholicorum Ecclesiæ. Judæi siquidem 24 ait Philo (z), sicut Dei intus oracula distantis Interpretem semper venerati sunt. Cæteros quoque post Moysen Sacros Scriptores à Deo fuisse afflatos ita apud ipsos certum erat, ut in Canonem Scripturarum Sacrarum nullos libros referrent, nisi quos constanti traditione novissent à Prophetis esse scriptos, ut auctor est Josephus. (a)

Ecclesiæ verò Catholica semper Sacras Scripturas ut divinas, & afflante Spiritu Sancto exaratas summa religione coluit, cujus rei perfectò inter sese consensu testes sunt SS. Patres.

### Sæculò I.

Clemens Romanus, *Diligenter, inquit (b), inspicite Scripturas, Spiritus Sancti vera oracula.*

### Sæculò II.

S. Ignatius Martyr ait (c), *Divinissimos Prophetas juxta Christum vixisse, & gratiâ ipsius fuisse inspiratos.*

S. Justinus Martyr, cum Prophetarum verba, inquit (d), tanquam à persona aliqua dicta esse auditis, ne ab ipsis, quos Spiritus afflavit, dici existimetis, sed à Verbo, quod illos incitat, divino.

### Sæculò III.

S. Irenæus, *Scriptura perfecta sunt, inquit (e), quippe à Verbo Dei, & Spiritu ejus dictata.*

Tertul-

(t) Lib. 1. cont. Appion. n. 29. (u) Præfat. in Psalm. (x) Marc. 13. v. 31. (y) c. 15. v. 26. & c. 16. v. 13. (z) Lib. de præni. & pœnit. (a) Lib. 1. cont. Appion. (b) Ep. 1. ad Corinth. (c) Epist. ad Magnes. (d) Apolog. 2. (e) Lib. 2. adv. hæres. c. 47.

Tertullianus, *Legimus*, inquit (f), *omnem Scripturam adificationi habilem divinitus inspirari.*

Origenes, *In Ecclesiastica predicatione id esse definitum*, asserit (g), *quod per Spiritum Dei Scriptura conscripta sint, & quod iste Spiritus sanctus unumquemque Sanctorum, vel Prophetarum, vel Apostolorum inspiraverit, & non alius Spiritus in Veteribus, alius verò in his, qui in adventu Christi inspirati sunt fuerit.*

S. Gregorius Neocæsariensis Episcopus, *Thesaurum*, inquit (h), *nobis à Deo inspirata Scriptura Paracletus explicat &c.*

#### Sæculò IV.

Eusebius Cæsariensis, *Moses*, inquit (i), *& reliqui Propheta . . . omnes uno ore divino afflati Spiritu, tunc hominibus lumen veræ pietatis aperiebant.*

S. Athanasius, *Libri*, inquit (k), *Dei afflante scripti hac passim variis in locis docent.* Et Epist. ad Marcellin. (l) *Omnis nostra fili Scriptura cum vetus tum nova, divinitus inspirata utilisque ad doctrinam est.*

S. Basilii, *Scriptura omnis*, ait (m), *divinitus inspirata & utilis hac una ratione à Spiritu sancto conscripta adstruitur &c.*

S. Cyrillus Hierosolymitanus disertè asserit (n), *Spiritum sanctum divinas Scripturas profatum esse.*

S. Gregorius Nazianzenus ait (o), *Non licere eis, quæ ab hominibus divino Numine afflatis dicta sunt, fidem abrogare.*

S. Macarius Aegyptius, *Rex Deus*, inquit (p), *misit hominibus Scripturas divinas velut Epistolas &c.*

P. Cartier Theol. Tom. I.

S. Gregorius Nyssenus, *Quæcumque*, inquit (q), *sacra Scriptura dixit, Spiritus sancti sunt voces, sive effata . . . Ergo Namine afflati sancti Vates virtute Spiritus sancti inspirantur, & ideo omnis Scriptura divinitus inspirata dicitur.*

S. Ambrosius, *Scripterunt*, inquit de Sacris Scripturis, (r) *qua Spiritus sanctus is loqui dabat.*

#### Sæculò V.

S. Joannes Chrysostomus, *Nihil hic*, inquit, *scriptum est, quod non multas sensuum habeat divitias, quandoquidem divino Spiritu afflati Propheta locuti sunt; ideo uti à Spiritu sancto scripta ingentem in se continent thesaurum.*

S. Hieronymus Proëmio in Epistolam S. Pauli ad Philemonem tuetur *hanc, ut ceteros Divina Scriptura libros à Deo esse inspiratam, quamvis levioris momenti res contineat.* Et Epist. ad Marcellam testatur, *se non adeo bebetis fuisse cordis, & tam crasse rusticitatis, ut aliquid de Dominicis verbis aut corrigendum putaverit, aut non divinitus inspiratum.*

S. Augustinus, *Mediator*, inquit (s), *Dei & hominum homo JESUS Christus . . . prius per Prophetas, deinde per se ipsum, postea per Apostolos, quantum satis esse judicavit, locutus, etiam Scripturam condidit, qua Canonica nominatur &c.*

S. Basilii Seleuciensis asserit (t), *Quod Scriptura sacra à Deo inspirata divinarum rerum cognitionis pandat officinas, &c.*

S. Cyrillus Alexandrinus, *Obsignata est*, inquit (u), *quodammodo à Deo, quasi liber unus, divinitus afflata Scriptura, & ab uno Spiritu sancto prodita.*

D

Sæculò

(f) Lib. de hab. mal. c. 3. (g) Proëm. lib. de princip. & lib. 1. c. 9. Item lib. 4. c. 1. & 2. (h) Sermon. 2. in Annunt. B. V. M. (i) Lib. 5. Demonstr. Evang. in proëm. (k) Orat. de Incarn. Verb. Div. c. 33. (l) In Interpret. Psal. &c. (m) Proëm. in Psalms. (n) Cateches. 4. de S. Script. (o) Orat. 9. adv. Julian. (p) Hom. 39. (q) Orat. 6. contra Eunom. (r) Epist. 3. ad Just. (s) Lib. 11. de Civ. c. 2. & 3. (t) Orat. 14. (u) Lib. 3. in Julian.



## Sæculò VI.

Cassiodorus asserit (x), *Divinas Scripturas non nisi à viris divino Spiritu repletis tradi potuisse.*

## Sæculò VII.

S. Gregorius Magnus hæc eloquitur (y) : *Sed quis hæc scripserit, valde supervacuè quaritur, cum tamen auctor libri Spiritus sanctus fidei creditur. Ipse igitur hæc scripsit, qui hæc scribenda didicit : ipse scripsit, qui & illius Operis inspirator extitit.* Et iterum (z) disertis verbis asserit, *Scripturam sacram esse Epistolam quamdam omnipotentis Dei ad creaturam suam.*

S. Maximus Abbas ait (a), *Nihil in Scriptura importunè frustrare à Spiritu sancto scriptum esse, etsi nos non possimus capere.*

## Sæculò VIII.

Venerabilis Beda ait (b), *Scripturam sacram esse Dei chyrographum.*

S. Joannes Damascenus (c), *Per Spiritum sanctum Lex, & Prophetæ, & Evangelistæ, & Apostoli, & Pastores, & Doctores, verba fecerunt ; ex quo fit, ut tota divinitus inspirata Scriptura procul dubio utilis sit.*

## Sæculò IX.

Alcuinus (d), *divinus appellat omnes libros Propheticos, Evangelicos, & Apostolicos.* Item (e), *Deum, cum Scripturas legimus, loqui nobiscum, & divinis eloquiis interiorem hominem pasci, & nutrire.*

## Sæculò X.

Leo Sophus Imperator Constantinopolitanus : *Omnis Prophetæ, inquit (f), locutus est per revelationem Dei.*

## Sæculò XI.

Theophilactus fuscè probat (g), *quomodo Apostolus rectè dixerit, quod omnis Scriptura sit divinitus inspirata.*

## Sæculò XII.

S. Anselmus, *Nihil, inquit (h), utiliter ad salutem spirituales predicamus, quod sacra Scriptura Spiritus sancti miraculò faciundata non protulerit, aut intra se non contineat.*

## Sæculò XIII.

S. Thomas Aquinas asserit (i), *Auctorem sacra Scriptura esse Spiritum sanctum, qui in uno verbo intellexit multà plura, quàm per Expositores sacra Scriptura exponantur, vel discernantur.*

Ex his sexcentisque aliis testimoniis ergo patet, constantem, & perpetuam tum Synagoga, tum Ecclesiæ traditionem fuisse, & adhuc etiamnum esse, sacram Scripturam saltem secundum sententias & res, illarumque sensum in illa expressum sacris Scriptoribus à Deo fuisse inspiratam.

Prob. 3tio. Ratione Theologica. Nisi speciali Spiritus sancti assistentiâ & inspiratione singula in sacris Scripturæ libris fuisse conscripta dicantur, tunc certa & indubitata non videbitur illorum auctoritas. Atqui certa, & indubitata est illorum auctoritas, utpote divina, prout

Cap.

(x) Præfat. in Psalter. c. 15. (y) Præfat. in Exposit. lib. Job. (z) Epist. lib. 4. Ep. 40. (a) In Script. q. 55. (b) In c. 10. Epist. ad Heb. (c) Lib. 4. de fide orthod. c. 18. (d) Lib. de Psal. usu. (e) Lib. de virt. & vitiis. (f) Epist. ad Omar. Reg. Saracen. que habetur Tom. 17. Biblioth. SS. Patrum. (g) In Epist. 2. ad Timoth. c. 3. v. 16. (h) Tract. de concord. grat. & lib. arbit. (i) Quodlib. 7. art. 14. ad 5.

Cap. præcedenti fusè demonstravimus. Ergo speciali Spiritûs sancti assistentiâ, & inspiratione singula in sacris Scripturæ libris fuisse conscripta dici debent.

Prob. Maj. Nisi speciali Spiritûs sancti assistentiâ, & inspiratione singula in sacris Scripturæ libris fuisse conscripta dicantur, tunc in illis quædam continebuntur, de quorum auctoritate meritò dubitari possit; utpote non divinò, & infallibili, sed humanò dumtaxat cogitata, & dictata Spiritu, qui utique errori obnoxius est. Ergo certa, & indubitata non videbitur istorum auctoritas.

Subsum. Si istorum, tunc etiam & aliorum, quæ totâ sacrâ Scripturâ continentur, non videbitur indubitata auctoritas.

Prob. Subf. Non est major ratio, cur de unius sententiæ vel Capituli sacrâ Scripturâ contenti auctoritate dubitetur, quàm de cæteris omnibus; adeò ut si quid minimum sit in Scriptura sacra, de quo dubitari possit, num à Spiritu sancto dictatum, & inspiratum fuerit, nullum etiam profectò Caput in ea sit, de quo idem dubium esse non possit; *istoque absurdò semel admisso, tota Scripturarum vacillabit auctoritas, ideoque, & fides nostra.* Inquit S. Augustinus. (k) Ergo &c.

26 Prob. 2da. pars Conclusionis 1mo. ex S. Scriptura. Scriptores sacri res easdem interdum ingenti verborum ac styli discrepantiâ enuntiant. Sic Moyses Decalogum describit Exod. 20. & Deuter. 5. at diversis verbis, & ordine aliquatenus inversò. Eventura annuntiaverunt Prophetæ, e. g. Isaias, Amos, & Jeremias; at diversis Isaias, utpote vir nobilis, & urbanæ eloquentiæ; rudis verò & inconcinnus Amos; simplex & rusticus, ut ait S. Hieronymus, Jeremias. Cap. ult. auctor libri 2. Machab. v. 39. veniam etiam

rogat, si minùs exactè ac *dignè* scripserit. *Sicut enim, inquit, vinum bibere, aut semper aquam, contrarium est, alternis autem uti delectabile, ita legentibus, si semper exactius sit sermo, non erit gratus.* Et c. 2. v. 27. declarat, quantum difficultatis habuerit, in colligendo & ordinando sermone, necnon *secundâ brevitatís dictione.* Sic quoque Lucas, & Joannes e. g. idem scripsere Evangelium, at elegantius & nitidius Lucas.

Testibus etiam Origene, Dionysio Alexandrinò, Arnobio, Basilio, Gregorio Nazianzenò, Hieronymò, aliisque quamplurimis Patribus, in sacris Scripturis humilis plerumque phrasis, sermo inconcinnus, imò interdum barbarismi, & solecismi occurrunt, qui Apostolis sermonis imperitiis exciderunt. Atqui nec verborum in eadem re scribenda, nec styli elegantia, aut ruditas; nec rerum gestarum minùs exacta, aut digna narratio; nec difficultas in colligendo, & ordinando sermone, secunda brevitatís dictione; nec denique barbarismi, sermonisque vitia, &c. divinæ inspirationi ascribi possunt. Ergo concludendum, sacros Scriptores, etli quoad sententias, resque, & ipsarum sensum, seu verba ipsa formaliter sumpta, prout Schola loquitur, à Deo inspirati fuerint; interdum tamen, quoad ipsa verba materialiter sumpta, verborumque compositionem ipsam, & stylum sibi ipsis fuisse relictos.

Prob. 2do. ex SS. Patribus. 1mo. Origenes 27 de auctoritate Epistolæ ad Hebræos disputans (l), sententias ipsas S. Paulo quidem tribuit, at verba, stylumque alterius censet esse Auctoris, qui elegantius scripserit, quàm Paulus.

2do. Sanctus Gregorius Nazianzenus, & S. Basilius proferunt Evangelii solecismos. (m)

D 2

3tio. S.

(k) Lib. 1. de Doctr. Christi c. 27. (l) Apud Euseb. lib. 6. Hist. Eccl. c. 25. (m) Philocal. cap. 4.

3tio. S. Dionysius Alexandrinus hæc de Apocalypsi loquitur: (n) *Dictionem ejus non alio modo quam græcam aduerto, sed Barbarismis, & interdum solecismis inquinatam.*

4to. Arnobius (o), trivalem ac sordidum esse Apostolorum sermonem fatetur.

5to. S. Hieronymus asserit (p), S. Paulum Græcæ linguæ imperitum vix potuisse, quid ipse sentiret, clarè eloqui. *Profundos enim, inquit, & reconditos sensus linguâ non explicat, & cum ipse sentiat, quid loquatur, in alienas aures purò non potest transferre sermone . . . se ipsum interpretari cupiens involvitur.* Et alibi (q), velut indubitatum ponit, solecismos in Apostoli Epistolis reperiri. Epistolâ quoque ad Pamachium (r), *Alii, inquit syllabas aucupentur, tu quare sententias.* Deinde ait, Matthæo curâ fuisse, non verba & syllabas aucupari, sed dogmatum ponere sententias. *Ex quibus universis, inquit, perspicuum est, Apostolos, & Evangelistas interpretatione veterum Scripturarum sensum quasivisse, non verba, nec magnopere de ordine, sermonibusque curasse, dum intellectui res pateret.* Demum hinc Epistolam suam finit, *Obtrellatores mei quærant, & intelligant, non verba in Scripturis consideranda, sed sensus.*

6to. S. Augustinus asserit (s), *Ad doctrinam fidelem maxime pertinere, non tam verborum, quam verum quarendam, & amplectendam esse veritatem, quando eos, qui non eadem locutione utuntur, cum verbis, sententiisque non discrepant, in eadem veritate constitisse approbamus . . .* (t) *Ita enim salubriter discimus, nihil aliud esse quarendum, quam quid velit ipse, qui loquitur.* Et c. 28. &c. (u) *Væ, inquit, miseri aucupes vocum, qui apicibus*

*quodammodo litterarum putent ligandam esse veritatem, cum utique non in verbis tantum, sed etiam in cæteris omnibus signis animorum non sit nisi ipse animus inquirendus.*

7mo. Agobardus Lugdunensis Episcopus, *Apparet etiam, inquit (x), in his vestris, quod ita sentitis de Prophetis, & Apostolis, ut non solum sensum prædicationis, & modos, vel argumenta dictionum Spiritus sanctus eis inspiraverit, sed etiam ipsa corporalia verba extrinsecus in ora illorum ipse formaverit. Quod si ita sentitis, quanta absurditas sequetur, quis dinumerare poterit? Multis deinde argumentis, & præcipue styli diversitate probat, Scriptores sacros à Spiritu sancto dicente non accepisse singula Scripturæ verba.*

Prob. 3tio. Ratione Theologicâ. Ut sacre Scripturæ sint Verbum Dei, duo duntaxat requiruntur: 1mo. Ut sint infallibiliter veræ; 2do. Ut sint Divinæ. Atqui ad utrumque sola rerum ac sententiarum divina inspiratio sufficit. Ergo verba ipsa, quibus res illæ, earumque sensus in illis expressi fuerunt, necnon verborum compositio & stylus ad hoc minime requiruntur, sed ea omnia Deus meditationi, diligentiae, & ingenio sacrorum Scriptorum reliquit.

Maj. patet. Min. prob. quoad 1mum. Veritas rei maxime pendet à conformitate sensûs expressi cum ideis rerum exprimentarum; veritas quippe rei non est alligata materialibus syllabis, aut sonis, seu litterarum apicibus, ut ait S. Augustinus supra laudatus; parumque interest ad ipsam rei veritatem, quibus vocibus, aut sonis exprimitur, dummodo sensus sit omnino conformis objecto. Ergo ad hoc, ut sacre Scripturæ sint infallibiliter veræ,

(n) Apud Euseb. lib. 7. Hist. c. 25. (o) Lib. 1. adv. gent. (p) Epist. ad Algasium q. 10. (q) In Epist. ad Ephes. c. 3. (r) De opt. gen. interp. (s) Lib. 2. de confid. Evang. c. 12. n. 28. (t) N. 29. (u) N. 67. & c. 46. n. 97. item c. 66. n. 128. (x) Lib. contra Fregodis, tom. 14. Biblioth. Patrum.

veræ, sola rerum ac sententiarum, quæ variis verborum sonis pro cuiusque ingenio & diligentia à sacris Scriptoribus exprimi possint, divina sufficit inspiratio.

Prob. etiam quoad 2dum. Ut Scriptura sacra sit divina, adeoque divinam auctoritatem obtineat, non requiri videtur singularum vocum, & syllabarum inspiratio, nam eadem est Evangelii auctoritas, sive e. g. Matthæus hebraicè; sive græcè Marc. sive elegantius Luc. sive paulò durius Joan. sacros sensus expresserint. Præterea, eadem est semper Scripturarum auctoritas, in quamcumque demum linguam transferantur, modò, vocabulis in aliud idioma conversis, idem sensus fideliter, & accurate retineatur. Denique, quæ leguntur in Ecclesiæ versiones, præsertim vulgata, divinam utique habent auctoritatem; ac sanè non propter voces ipsas, quæ procul dubio piis Interpretibus non fuerunt inspiratæ, sed propter res ipsas, seu sensus, qui ab hisdem Interpretibus accurate rediti fuerunt. Ergo ut Scripturæ sacræ sint divinæ, auctoritatemque sortiantur divinam, sufficit sola rerum ac sententiarum inspiratio.

### Solvuntur Objectiones

#### Contra primam partem Conclusionis.

30 Ob. 1mo. Apostoli non tanquam Prophetæ, sed tanquam Doctores scripserunt. Ergo ipsis necessaria non fuit inspiratio.

Resp. neg. conf. Licet enim daremus, Apostolos non tanquam Prophetas, sed tanquam Doctores duntaxat scripsisse, hæc tamen Prophetarum, & Apostolorum distinctio non obest inspirationi divinæ, quam Apostolis necessariam fuisse tuemur. Equidem non indiguerunt immediata revelatione ad ea scribenda, quæ aliundè certò noverant; indigebant tamen tali revelatio-

ne & Spiritus sancti assistentiâ, ut excitarentur, atque inducerentur ad seligenda ea, quæ ipsis scribenda erant, & ne in iis adnotandis errarent.

Ob. 2do. Scriptores sacri historici ad 31 ea, quæ scripserunt, non indiguerunt divina inspiratione. Ad quid enim inspiratio pro iis rebus chartæ consignandis, quas ipsimet viderant, vel certò ex aliis omni fide dignis audierant? Ergo, &c.

Resp. neg. ant. & ejus causalem, ex ratione in priori responsione adductâ. Enimverò indiguerunt speciali Spiritus Sancti assistentiâ & directione, 1mo. Ut manum scriptioni admovent. 2do. Quantum ad delectum eorum, quæ jam sciebant: non enim ab ipsis omnia, quæ memoriæ occurrerunt, scripto mandata fuerunt, sed solummodò ea, quæ ad finem sibi propositum faciebant. 3tio. Ne circa ea, quæ scribebant, vel quoad minimam circumstantiam aliquam memoriâ laberentur, proditum quippe memoriâ est, Historicos Scriptores quoscunque, etiamnum diligentissimos, nec ulli parentis labori, etiam, cum res sua ætate gestas scripserunt, à vero nonnunquam deflexisse.

Ob. 3tio. Evangelistæ à sibi contem- 32 poraneis fidelibus duntaxat fuerunt excitati ad scribenda Evangelia. Ergo non à Spiritu sancto. Prob. ant. De S. Marco hæc scribit Hieronymus: (y) *Marcus juxta quod Petrum referentem audierat, rogatus Roma à fratribus breve scripsit Evangelium.* Idipsum de eo asserit Eusebius. (z) De S. Joanne verò ait laudatus Hieronymus, (a) *Quod novissimus omnium scripserit Evangelium rogatus ab Asia Episcopis.* De cæteris porro Scriptoribus sacris similem conscribendi causam, vel occasionem conjicere nihil vetat.

Resp. transf. ant. neg. conf. Causæ enim illæ seu occasiones, quibus Evangelistæ ad Evangelia sua conscribenda inducti fuisset dicuntur.

D 3

(y) In catalog. Script. Eccl. Joanne.

(z) Lib. 2. hist. Eccl. c. 14.

(a) Cit. loc. in

dicuntur, minime excludunt specialem Spiritus sancti impulsu, qui in cordibus Christianorum excitabat, & formabat pia illa desideria, quorum occasione & ipse quoque interius afflabat Evangelistas, ut, viti tot sanctorum fidelium precibus, Evangelia sua ipso inspirante texerent. *Joannes omnium postremus*, inquit S. Clemens Alexandrinus, (b) *cum videret in aliorum Evangelisti ea, quæ ad corpus Christi pertinent, tradita esse, ipse, divino Spiritu afflatus, spiritale Evangelium familiarium suorum rogatu consecravit.* Ubi patet, familiarium preces non obfuisse divino afflatu. Idemque de cæteris Scripturibus, qui petentium desideriis morem gesturi suos liberos scripsisse memorantur, dicendum.

- 33 Ob. 4to. Christus Apostolis non præcepit scribere, prout præcepit Prophetis. Ergo & illis ea, quæ scripserunt, non inspiravit.

Resp. neg. conf. Christus enim mandavit Apostolis prædicare Evangelium universæ terræ. Atqui Evangelia non sunt nisi compendia suarum prædicationum, quæ proinde, ex rationibus passim jam memoratis, æquè Spiritus sanctus Apostolis inspiravit, ac ea, quæ prædicaverunt.

- 34 Ob. 5to. Prophetæ non tantum in suis Prophetiis, sed etiam in suis, quas scripserunt, Epistolis palam edicunt, Deum per illorum os loqui, ut cæteris pluribus omisiss, patet ex Epistola Eliæ Prophetæ ad Regem Joram his verbis incipientem: (c) *hæc dicit Dominus Deus David Patris tui.* At in Epistolis Apostolorum nihil simile legitur, sed è contrâ plerumque ex propria sententia loqui videntur, ut cum Paulus dicit (d) *Beatorum autem eritis, si sic permanse-rit, secundum meum consilium.* Ergo saltem Apostoli in conscribendis iuis libris non videntur à Deo fuisse inspirati.

Resp. neg. conf. Sanctis Apostolis necesse haud fuit, ubique edicere, quod

Deus per eos eorum loquatur; satis enim eis erat, palam facere, se à Deo missos esse ad prædicandum Evangelium; atque Christum ipsum eis dixisse, (e) *Non vos estis qui loquimini, sed Spiritus Patris vestri, qui loquitur in vobis.* Imò idipsum testantur ipsi Apostoli in Epistola, de qua fit mentio in illorum Actis, quam hîcce ordiuntur: (f) *Vidum est Spiritus sancto, & nobis.* Cæterum adducto S. Pauli locò ipsemet palam ediderit, se non sine inspiratione loqui, ait enim, *Puto autem, quodd & ego Spiritum Dei habeam.*

Ob. 6to. Si S. Lucas divino Spiritu afflatus sua scripsisset, ab illo potius, more Prophetarum, sibi sumpsisset auctoritatem, quàm à testibus, quorum fidem secutus est, &c. Atqui S. Lucas primum omisit, alterum verò sectatus est. Ergo &c.

Resp. neg. seq. Maj. Ratio patet ex jam dictis. Quamvis enim ad ea, quæ ex viris omnino fide dignis acceperant, utcumque conscribenda divina non eguerint inspiratione, tamen eadem ipsis necessaria fuit, ut ea, quæ ab ipsis scribenda forent, seligerent, & ne in scribendo errarent, falsumque pro vero, prout passim aliis Scripturibus accidit, exararent; sicque scriptioes ipsorum divinâ pollerent auctoritate.

Ob. 7mo. Ad hoc ut Scripturæ sint 36 divinæ, sufficit, eas piò animò scriptas esse, & optima fide, necnon derebus summis, & ad salutem pertinentibus. Ergo superflua videtur divina inspiratio.

Resp. neg. ant. Sic enim essent Scripturæ de Deo quidem, rebusque summis & divinis exarata; non tamen essent ipsummet verbum Dei loquentis, & Spiritus sancti oracula; quod tamen de essentia sacrarum Scripturarum est, prout sup. c. 1. ostendimus.

Ob. 8vo. Diligentia, probitas, & 37 aliæ dotes Scriptorum sufficiunt ad convin-

(b) Apud Iuseb. Hist. lib. 6. c. 14. (c) Lib. 2. Paralip. c. 21. v. 12. (d) 1. Cor. 7. v. 40. (e) Matth. 10. v. 20. (f) Act. 15. v. 28.

centos infideles, & ad id inutilis est inspiratio divina, utpote perobscura, & incredibilis. Ergo est superflua.

Resp. 1mo. transf. ant. neg. conf. Dato, non concessio, quod inspiratio divina Scriptorum sacrorum sit inutilis ad convincendos infideles, non tamen ideo superflua dici debet: est enim adhuc utilis, & necessaria ad fideles confirmandos: fideles quippe nequeunt summam de iis, quæ sacra Scripturâ continentur, habere certitudinem, nisi ipsa auctoritate divina poleat; at verò hanc ipsa non habet, nisi fuerit à Deo inspirata, atque hac ratione sit *Verbum Dei*, quod solum summam habet auctoritatem.

Resp. 2do. Neg. ant. Licet enim inspiratio divina sit obscura, non tamen est inutilis ad convincendos infideles, quia ipsis sufficienter probari poterit, & sic probata sufficiet ad illos convincendos fortius utique, quàm pietas & diligentia Scriptorum; convicti namque infideles de divina inspiratione, hoc ipso convincentur de veritate Scripturæ, cum Deus nec falli nec fallere possit, &c.

38 Ob. 9no. Quod cum inspiratione repugnat, id nequaquam cum ea conciliari potest. Atqui meditatio, & conquisitio rerum ex ordine & diligenter conscribendarum cum inspiratione repugnat. Ergo cum ea nequaquam conciliari potest. Prob. min. Meditatio postulat animum pacatum, tranquillum, ab omni commotione prorsus immunem. Atqui nihil est magis alienum ab ea pace & tranquillitate mentis, quàm inspiratio Dei. Ergo & ipsa cum meditatione, &c. repugnat. Prob. min. Inspiratio Dei nihil est aliud, quàm illapsus Spiritus divini vehemens, & repentinus, quo quis subito extra se abripitur, nec jam sui compos sermones Dei eloquitur. Ergo aliena est à meditatione, &c.

Resp. Neg. min. Hæc enim inspirationis definitio non est universalis. Varii enim sunt inspirationis divinæ gradus: idem quidem divinus Spiritus in Scriptoris sacris

operabatur, at multiformiter, prout nempe varia rerum scribendarum argumenta postulabant. Aliter enim Historicos, aliter Prophetas videtur afflasse. Historias & morales sententias decet oratio simplex & tranquilla; quapropter earundem Scriptores lenis ac placidus afflavit Spiritus Dei. Prophetarum munus erat, increpare populum, futura prædicere, denunciare vindictam Dei, languentem ac tepidam plebem, idolorum abominationibus plerumque contaminatam ad cultum Dei revocare. Itaque opus erat ardentiori stylo, gravioribus figuris, oratione magis concitata, ut vehementiores affectus excitarentur. Verum zelus ille ardentior, quo se correctos sentiebant, afflante Spiritu Dei, nequaquam in eis exstinguebat imaginandi, concipiendi, discernendique facultatem: imò tunc objecta vividius percipiebant, & acrius discerniebant. Unde si minus erat in excogitando laboris, & meditationis, non minus erat rationis & intelligentiæ. Historici autem lenius ac remissius inspirati, res usitatas non ita vividè imaginabantur, ac proinde aliquantò plus egebant industria, curâ, & meditatione. Ubique ergo Scriptoris sacris aspirat Deus, sive in Prophetas repentinus irruat, sive in alios placidus illabatur; nec sacer Prophetarum furor rationem excludit, nec pia Historicorum diligentia divinos afflatus cohibet.

Ob. 10mo. Historici sacri, & Evangelistæ 39 ubique ratiocinantur, disputant, & inquirunt. Atqui inspirationis seu Prophetiæ auctoritas id non patitur. Ergo nec inspirati, seu tanquam Prophetæ scripserunt. Prob. min. Quisquis sua dogmata ratiociniò, disputatione, & inquisitione confirmat, simul ea uniuscujusque judicio arbitrari subjicere videtur. Atqui id repugnat inspirationi, seu Prophetiæ. Ergo neque illud ipsa patitur.

Resp. ad arg. neg. min. ad illius prob. dist. Maj. Quisquis purè & ex solis suæ naturæ viribus sine assistentia Spiritus sancti

Et sua dogmata ratiocinatio, disputatione, &c. confirmat, is ea uniuscujusque judicio subijcere videtur, conc. maj. Quisquis speciali directione Spiritus sancti adjutus id facit, is ea uniuscujusque judicio submittere videtur, neg. maj. & pariter neg. min. & conf. Responso patet ex sepe jam dictis. Certè, ut nostram responsonem exemplò confirmemus. Quamvis inter Apostolos *Act. 15.* simul congregatos de circumcissione, & legalibus caeremoniis magna fuerit disputatio, & conquisitio, tandem denique se à Deo inspiratos pronuntiare declarant: *Visum est Spiritui sancto, &c.* Non ergo sua dogmata arbitrari uniuscujusque judicio subijciunt.

40 Ob. 11mo. Auctoribus sacris id concedendum non est, quod solius Christi proprium est. Atqui ubique esse afflatum & inspiratum à Deo, nec usquam in ulla re, nequidem levissima, aberrasse à veritate solius Christi proprium est; solus enim ille dictus est veritas, solus caruit omni errore. Ergo id sacris Auctoribus non est concedendum, sed dandum, eos aliquando de suo locutos aberrare potuisse, neque in singulis minimisque circumstantiis fuisse afflatos.

Resp. Dist. min. Ubique esse inspiratum à Deo solius Christi proprium est, id est, esse inspiratum toto vitæ decursu, & quasi proprio jure. conc. min. Per certa quædam intervalla, nec proprio jure. Neg. min. Revera Christus, in quo omnis plenitudo divinitatis habitat, solus est per se veritas, solus omni errore caruit toto vitæ suæ decursu: non item Scriptores sacri, qui, ut ceteri homines, de suo peccatum habebant & mendacium, atque ideo labi, & errare poterant, nisi cum eis Spiritus gratia & veritatis præfens adesset, & ad exarandos sacros libros excitaret. Nihil ergo derogat dignitati Christi, si dicamus, Auctores sacros certis temporibus participes factos fuisse ejusdem Spiritus,

qui semper habitabat in Christo, & eodem Spiritu afflante composuisse eos libros, quos ut sacros & divinos semper coluit Ecclesia.

Ob. 12mo. Multa continentur in sacra 41 Scriptura, quæ magis juxta præconceptas vulgares hominum de rebus opiniones, quàm juxta rei veritatem scripta sunt: ut quando sol & luna præ cæteris astris dicuntur luminaria magna, (g) quamvis revera longè minora sint stellis fixis, quæ in firmamento lucent, prout demonstrant Astronomi. Atqui hoc Dei inspirationi repugnat. Ergo & ipsa in hujusmodi rebus locum non habet.

Resp. Dist. maj. Multa sunt in Scripturis secundum opiniones præconceptas magis, quàm secundum rei veritatem, si sermo sit de veritate Astronomica & Mathematica, conc. Si sermo sit de veritate morali, prout ex usitata, & consuetà loquendi ratione apud homines res exprimi solent. Neg. maj. Neque enim sacris Scripturis voluit Deus aut Mathematicos, aut Astronomos informari, sed Christianos, &c.

Ob. 13tio. Multa in sacra Scriptura leguntur Deo indigna, adeo, ut sine aliqua impietate afflanti Spiritui divino adscribi non posse videantur. Talia sunt maledicta, imprecationes, atrocità convicia, quæ à spiritu furoris & vindictæ potiùs proficiuntur, quàm à Spiritu Dei, qui benignus est, & patiens, nec non clementia plenus, &c. Ergo ea non sunt à Deo inspirata. 42

Resp. 1mo. Neg. ant. Hujusmodi maledicta, &c. narrat Scriptores sacri velut facta, non verò dicunt, ea Spiritu sancto inspirante ab iis, qui ea protulerunt, dicta fuisse, &c. prout parte 2da ubi de singulis sacre Scripturæ libris agemus, passim offendemus.

R. 2do. Hæc maledicta &c. propheticum habere sensum, nec esse hominis malum optantis, sed prænuntiantis, adeoque sine ulla

ulla impietate inspirationi divinæ attribui possunt, &c.

- 43 Ob. 14to. In Scripturis extant plures circumstantiæ inutiles, incertæ, ac contradictoriæ. Atqui hujusmodi circumstantiæ inspirationi divinæ repugnant. Ergo, &c.

Resp. neg. Maj. Nam 1mo. Circumstantiæ illæ, quæ dicuntur inutiles, conferunt aliquo modo vel ad nostram institutionem, vel ad providentiæ Dei, seu alterius attributi divini commendationem, vel ad ornamentum, aut integritatem orationis; vel denique ad narrationis ingenuitatem, qua excellunt Sacræ litteræ, & quæ earumdem veritas mirum in modum elucet. 2do. Circumstantiæ illæ, quæ dicuntur incertæ, propriè loquendo non sunt incertæ, sed minus præcisæ, & determinatæ: At demus, quasdam circumstantias incertas reperiri in sacris Scripturis; quid aliud inde colligi potest, nisi Spiritum sanctum ad usitatam inter homines loquendi rationem sæpius se accommodasse, nec eum semper Scripturibus sacris revelasse quædam minùs necessaria, quæ ad amussim exprimi volebat? 3tio. Denique, circumstantiæ illæ, quæ dicuntur contradictoriæ, nonnisi specietenus tales sunt, licet fortè eas conciliandi rationem ignoremus: facili enim fieri potuit, ut non desit comoda conciliatio, sed ea nos lateat ob res similes diversis temporibus gestas, sive ob nominum ambiguitatem, aut hominis alicujus, aut loci plura nomina, & si quid his simile est. *Si quid in Scripturis*, inquit S. Augustinus, *(b) absurdum videatur, non idcirco licet dicere; Auctor hujus libri non tenuit veritatem; sed aut codex mendosus est, aut Interpres erravit, aut tu non intelligis.* Verùm de his fusiùs ubi singulos sacre Scripturæ libros expendemus.

- 44 Ob. 15to. Ad hoc, ut liber aliquis sit divinus, atque cum sacra & Canonica Scriptura æquali & divina auctoritate do-

P. Cartier Theol. Tom. I.

netur, sufficere videtur auxilium Dei consequens, seu superveniens sancti Spiritus testimonium, quo ipse testetur, nihil falsum eo contineri. Ergo non requiritur divina inspiratio.

Resp. Neg. ant. Enimvero hujusmodi liber divinus quidem evaderet, at per adoptionem tantum, atque in alio rerum statu Scripturis Canonicis utcumque adnumerari posset, non verò esset divinus Deo auctore. & inspirante conscriptus, quem admodum de sacra Scriptura semper credidit Ecclesia; ac per consequens sacris Scripturis nunquam posset adnumerari.

### Solvuntur Objectiones

#### Contra secundam partem conclusionis.

Ob. 1mo. Antiquissima Judæorum traditio, qua constat, illos semper tenuisse, 45 omnia, & singula sacre Scripturæ verba, & apices fuisse divinitus sacris Scriptoribus inspiratos. 2do. Habetur hoc ipsum etiam Matth. 5. v. 18. ubi dicitur, *Jota unum, aut unus apex non præteribit à Legge, donec omnia fiant.* 3tio. *Apud Psalmistam, lingua mea calamus Scribæ velociter scribentis.* Ergo Spiritus sanctus sacris Scriptoribus nedum res, & sententias, illarumque sensum, sed & verba singula, & apices, illorumque compositionem inspirasse, & dictasse dicendus est, adeò, ut ipsi nonnisi illius instrumenta, & amanuenses fuerint.

Resp. Neg. conf. Hæc quidem fuit Judæorum traditio, ut videlicet conferrent, verba singula formaliter sumpta sacris quidem Scriptoribus fuisse inspirata, id est, secundum sensum; non verò sumpta materialiter, & prout ab ipsis prolata, & scripta fuerunt. Res enim eadem à Deo inspirata cum variis vocabulis, cum diversis verborum circuitu sæpius exprimi potest.

Ad adum cum S. Basilio aliisque Patribus libenter concedimus, quòd nec jota, aut

E

unus

(b) Lib. 11. cont. Faust. Manich. c. 5.



unus apex, nec minimum Scripturæ verbum præteriturum sit ratione rerum significatarum; at negamus, singulas ideo Scripturæ voces materialiter sumptas à Deo fuisse dictatas; adeoque quamvis non inficiemur Spiritum sanctum confusè quidem, indirectè, ac remotè duntaxat Scriptoribus sacris vocabulorum ubertatem unà cum rebus, & sententiis fortè subministrasse, non tamen concedimus, cum ipsis singula verba inspirasse singillatim, directè, & proximè.

Ad 3tium dicimus, sacros Scriptores fuisse quidem calamm, & instrumentum, seu Amanuenses Spiritus sancti, at non merè passivum, seu meros Amanuenses, qui verba & syllabas serviliter duntaxat exceperint; sed activum & rationale, seu Amanuenses, qui dictantis sententias libere exceperint, & propriò ingenio exprefcerint.

- 46 Ob. 2do. Auctoritas SS. Patrum. 1mo. S. Basilius, *Nullam*, inquit (i) *vocem sacra Scriptura oportet relinquere indiscussam, quia in quaque ditione syllaba aliquid reconditi sensus habet.* 2do. S. Joannes Chrysostomus, *Nihil temerè*, inquit (k) *vel fortuito loquitur divina Scriptura, sed & syllaba, & apiculus unus reconditum habet thesaurum.* 3tio. S. Augustinus ad hæc Evangelii verba, *Unus militum lanceæ latus ejus aperuit: Vigilanti*, inquit, (l) *verbò Evangelista usus est, ut non diceret, latus ejus percussit, aut vulneravit, aut quid aliud, sed aperuit, ut illic quodammodo vitæ ostium panderetur, unde Sacramenta Ecclesia manarunt, &c.* 4to. S. Gregorius Magnus, *Ipse*, inquit, (m) *Spiritus sanctus hæc scripsit, qui bæ scribendū dictavit, ipse scripsit, qui & illius inspirator extitit, & per scribentis vocem imitanda ad nos ejus facta transmisit.* 5to. S. Bernardus, *Ego enim*, inquit, (n) *jam olim mihi persuasi, in sacri, pretiosique eloquii textu nec modicam vacare particulam.*

Resp. His & similibus SS. Patrum textibus probari quidem, omnia sacra Scripturæ verba formaliter sumpta seu secundum sensum fuisse à Deo inspirata, non autem materialiter sumpta, & prout ab ipsis sacris Scriptoribus prolata fuerunt.

Unde ad singulos textus Resp. & quidem ad 1mum S. Basilius hic loquitur non de omnibus Scripturæ vocibus, sed de iis tantum, quibus aliquid de Deo prædicatur, nam sic ibidem pergit: *Proinde syllabas excutere non est aberrare à scopo... quòd si hæc ita se habent, quid esse possit in his verbis, quæ de Deo differunt adeò pusillum, ut sive rectè dictum sit, sive secus, non magnum habent momentum in utramque partem.* Has ergo voces & syllabas, quibus aliquid de Deo prædicatur, diligenter ac maturè ponderandas esse asserit S. Basilius. Eas etiam à Deo fuisse inspiratas ultro concedere possumus, quin tamen inde sequatur, omnes & singulas, quæ sacra Scripturæ continentur, fuisse inspiratas.

Ad 2dum. Ad hoc, ut nihil temerè & fortuito in Scriptura positum sit, necesse non est, ut omnia & singula verba à Deo inspirata dicantur, sed satis est, si sacri Scriptores dicantur inspirati quoad omnes sententias conscribendas, & quòd Spiritus sanctus specialiter illis adstiterit, ne quid aliud conscriberent, atque ut eas res & sententias, earumque sensum accuratè verbis suis exprimerent. Quando addit S. Chrysostomus, *unam Syllabam, & apiculum unum habere reconditum thesaurum*, id verum est propter res scilicet, seu sententias, quæ illis exprimuntur; imò restrictè loquitur, & sensus illius est, quòd syllaba una aut apiculus habere possit, & quandoque habeat sensum reconditum, adeoque omnia Scripturæ verba diligenter sint expendenda; quod potius sensum quàm ipsa verba respiciat.

Ad

(i) Lib. de Spirit. S. c. 1. (k) Rom. 18. in c. 4. Genes. (l) Tracl. 129. in Joan. (m) In expolit. lib. Job. c. 2. (n) Serm. 72. in Cant.

Ad 3<sup>ium</sup> Resp. Hic S. Augustinus Evangelistæ industriam commendat, non divinam inspirationem, quod pro nobis facit. Sed esto, quod hæc vox *Aperuit*, inspirata fuerit à Deo, non tamen sequitur, cæteras omnes ab ipso fuisse inspiratas; imò contrarium sensit ipse S. Augustinus suprà à nobis laudatus.

Ad 4<sup>tum</sup> Resp. quòd ad hoc, ut Spiritus sanctus dicatur, & re ipsa sit Auctor sacrae Scripturae, sufficiat, si omnes sensus sacris Scriptoribus inspiraverit, & ad conscribendum ipsos specialiter moverit, invigilando nempe, ut nonnisi idoneis ad hos sensus exprimendos vocibus uterentur, ipsa, cum opus esset, vocabula suggerendo. Et sic intelligendus est S. Gregorii locus; non verò, quasi necesse esset, ut omnia & singula verba, apicesque à Deo præcisè fuerint inspirati.

Ad 5<sup>tum</sup> denique Resp. Ex hoc S. Bernardi testimonio ad summum sequi, quòd quædam vocabula sacris Scriptoribus inspirata fuisse ipse senserit; & cum dicit, in *Scriptura textu nec minimam vocare particulam*, non in rigore mathematico, sed in sensu morali loquitur, nec aliud vult, quàm nullas in Scripturis divinis voces inutiles esse; ad cuius rei veritatem satis est, si Scriptores sacri à Deo quoad omnes sensus conscribendos inspirati fuerint, necnon scripserint sub Deo vigilante, ne voces superfluas, minusve ad sensum inspiratorum expressionem idoneas adhiberent, & voces ipsas, cum opus erat, inspirante.

47 Ob. 3<sup>tio</sup>. Si singula sacra Scripturae verba non fuissent à Spiritu Sancto dictata, tunc ipsa Scriptura non foret potioris auctoritatis, quàm sint Ecclesiæ definitiones; hæ enim, quamvis immediatè à Spiritu sancto non sint dictata, sunt tamen cum ipsis assistentia, quemadmodum sacri Scriptores ex assistentia Spiritus Sancti tantum scripsisse dici debent, si non dicantur inspirati. Atqui. Ergo, &c.

Resp. Neg. maj. & paritatem. Disparitas est, quia Ecclesiæ definitiones neque

secundum verba, neque secundum sensum immediatè à Spiritu sancto dictantur, sed eidem tantum assistit, ne in iis quidquam, quod fidei contrarium sit, definiat; at verò Spiritus sanctus sacris Scriptoribus, quamvis non semper vocabula & apices, quos expresserunt, ipsis dictaverit, tamen res ipsas, sententiasque, & earum sensum semper eis immediatè inspiravit.

Ob. 4<sup>to</sup>. Tanta est connexio inter rei alicujus ideam, & vocabula, quibus res illa exprimitur, ut mens nostra, dum de rebus ipsis cogitat, nunquam abstrahat à vocibus, quibus exprimuntur. Ergo Deus sacris Scriptoribus res ipsas inspirare non potuit, quin simul & verba, quibus res illæ significarentur, inspiraret; nisi naturalem illam connexionem rerum cogitarum cum vocabulis, quibus res illæ exprimuntur, dissolvissè dicatur.

Resp. 1<sup>mo</sup>. neg. ant. Potest enim mens nostra rei alicujus sensum percipere, quin ad singula omnino verba, & apices, quibus res hæc exprimi potest, attendat. Potuit ergo Deus inspirare sacris Scriptoribus rerum quarundam sensum, quin tamen singula, quibus ipsæ exprimi possunt, verba inspiraret. Deinde, cum aliud sint res cogitatae, aliud verba, quibus eas exprimuntur; quid vetat, quin dicatur Deus res revelasse Scriptoribus sacris, quibus deinde verba sua ipsi annexerint, cum eas percipiebant.

Resp. 2<sup>do</sup>. Datò etiam, Deum sacris Scriptoribus unà cum rebus verba quoque inspirasse, quibus illæ exprimi possent; an propterea cogemur credere, ea ipsa verba, quibus res inspiratas expresserunt hi sacri Scriptores, à Deo etiam ipsis inspirata fuisse? Minimè profectò; cum enim eadem res variis verbis, varisque apicum, & vocabulorum compositione exprimi possit, manifestum est, alia potuisse esse verba, quæ Deus unacum sententiis & rebus Scriptoribus sacris inspirabat, alia, quibus hi eas exprimebant.

## CAPUT V.

## De Canone Scripturarum.

49 *Canon* vox græca, latine regulam quamdam, seu normam significat, unde etiam Conciliorum decreta *Canones* appellantur, quod sint certæ quædam regulæ à fidelibus servandæ. Hic verò *Canon* idem est, ac numerus seu index sacræ Scripturæ librorum, extra quem qui fuerint libri, tanquam prophani, apocryphi, & dubiæ auctoritatis rejiciuntur.

Hujusmodi *Canon* seu sacrorum librorum Index triplex est, Judæorum unus; alter Catholicorum; tertius A Catholicorum. Singulos præsentî Capite expendimus.

50 Notandum: inter hos sacræ Scripturæ libros alios vocabulò complexò è Græco derivatò dici à Catholicis *Proto-Canonicos*, id est, *Ante-Canonicos*, quod ante omnem Ecclesiæ definitionem, ab omnibus velut Canones jam contenti fuerint acceptati; cujusmodi sunt omnes, & singuli veteris Testamenti libri illi, qui adhuc hodie in Codicibus hebræis extant, & ab ipsis velut Canonici, & divinæ auctoritatis habentur. Alios verò *Deutero-Canonicos*, quasi *Post-Canonicos*; suntque ii, qui, postquam apud quosdam aliquanto tempore olim in dubium fuissent adducti, postmodum tamen secuta Ecclesiæ definitione, à cunctis fidelibus pro Canonicis accepti, & habiti fuerunt. Modò ad ipsos *Canones*. Et primò quidem

## De Canone Judæorum.

51

In Hebræorum Canone viginti duo tantum Scripturæ libri continentur, videlicet, Genesis; Exodus; Leviticus; Numeri; Deuteronomium; Josue; Judices, & Ruth; Primus & secundus Samuelis; Primus &

secundus Regum, seu Regnorum; Primus & secundus Paralipomenon; Primus & secundus Esdræ; Psalmi; Proverbia; Ecclesiastes; Canticum Canticorum; Isaias; Jeremias & lamentationes ejus cum Epistola Baruch ad captivos; Daniel; Ezechiel; Job; Esther; Duodecim Prophetæ minores.

Neque enim plures recensuit Josephus, (o) qui, cum Sacerdos esset, non potuit non scire, quinam essent apud Gentiles suos libri Canonici.

Veteres item Patres, ut Origenes apud Eusebium, lib. 6. Hist. c. 23. Athanasius, vel quicumque alius, in Synopsi. Epiphanius lib. 1. Hæres. 8. Hilarius Præfat. in Psal. Hieronymus in Prologo. Galeat. definiunt, apud Judæos viginti duos hos libros tantum extare, qui apud ipsos divinæ auctoritatis existimenter; huncque duntaxat numerum hodiernum Judæorum Canon complectitur.

Qui verò ex Catholicis Patribus viginti quatuor libros, ut Melito Sardenfis, (p) in Judæorum Canonem referunt, librum Ruth à libro Judicum, & Threnos, seu lamentationes à Jeremiæ libro avellunt, cum tamen in Canone Judæorum Ruth Judicum libro, & Threni Jeremiæ jungantur, prout supra à nobis est indicatum.

At qui viginti septem numerant, memoratos viginti duos libros ita dispertunt, ut librum Ruth, duos Regum, unum ex Paralipomenis, & ex Esdra unum separatim recenseant; aut saltem eos ita distribuunt, ut nunquam adductum viginti duorum librorum numerum excedant.

Esdras esse Auctorem Judæorum Canonis indubitatum apud omnes est; ut qui post Hierosolymitanum excidium, & deportationem Babylonicam magna ex parte dispersos, vel neglectos sacros Codices Artaxerxis Longimani ævò, recuperata libertate collegerit, & in Canonem redegerit.

At

(o) Lib. 1. cont. Appion. (p) Apud Eusebium lib. 4. Hist. c. 26.

At qua ratione id ab ipso factum sit, non est eadem omnium sententia. Nonnulli enim volunt, Esdræ sacro Numine afflatum memoratos viginti duos libros, prioribus excidiò & incendiò penitus abolitis quinque viris dictasse. Ita sentit Auditor lib. 4. Esdræ, qui cap. 14. commentitiam rei gesta historiam explicat.

Scriptorem hunc, licet futilem, Judaicisque fabulis passim redundantem secuti sunt Clemens Alexandrinus lib. 1. Stromat. Theodoretus Præfat. in Psalm. Apertissimè verò omnium Basilius, Epist. ad Chilon. Atque etiam in eandem sententiam viri quidam docti recentiores abierunt.

Verùm hanc opinionem jam sup. cap. 2. pag. 23. in responsione ad objectiones, explosimus, ejusque falsitas vel inde patet, quòd certum sit, Hebræos in exilio suo non caruisse lege Mosaica. Enimverò ipse Esdras se scribam velocem in lege Dei appellat (q); ergo eam adhuc tunc exitisse innuit. Danielis quoque c. 9. Moysis liber tanquam superstes, & vulgò cognitus, ac versari solitus citatur.

Et qui credat, tantam esse potuisse cladem, ac vastitatem, ut ne apud privatos quidem homines ulla servata sint sacrorum Codicum apographa? Non apud Ezechielem, vel Mardocheum? nec apud ipsum Jeremiam, quem Nabuchodonosoris jussu Nabuzardan Magister Militiæ ab omni injuria tutum præstitit?

Certum ergo esse debet, Esdræ libros sacros dissipatos collegisse duntaxat, & instaurasse, non verò penitus deperditos & abolitos de novo afflatum divinò Spiritu restituisse. Quem proinde laborem, Judæorum Synagoga, in libertatem scilicet tunc assertis Hebræis, in amplissimum cœtum coacta approbarit; Esdrinque Canonem ut sacrorum ac divino-

rum librorum Indicem populi usibus concesserit.

Ita sentire videntur veteres Patres. Irenæus, qui lib. 3. c. 25. ait, corruptas Scripturas ab Esdra restitutas fuisse: cui suffragantur Tertullianus de hab. mul. cap. 3. & Hieronymus adv. Helvid. c. 3. Idque clarissimè tradit Chrysostomus Homil. 8. in Epist. ad Heb. dum Esdræ Dei instinctu Scripturæ sacræ reliquias digessisse, & in unum corpus composuisse significat. Accuratiùs adhuc Auditor Synopseos, quæ Athanasio tribuitur, ait, Sacros Codices per captivitatis diuturnitatem, & populi incuriam amissos, Esdræ penes se servasse, & suo demum tempore protulisse, ac publici juris fecisse.

Esdrinum autem hunc Canonem à Synagoga magna auctoritatem accepisse testes locupletes sunt Elias Levita, & alii Rabbini. Thalmudistæ quoque hunc Esdræ sacrorum librorum Canonem à Synagoga magna firmatum testantur.

Josephus quoque contra Appionem disputans (r), Gentilium suorum hunc esse morem ait, ut, si quæ ingruant bella, pace demum composita, veteres Scripturæ à supersticibus Sacerdotibus recognoscantur, relegantur, ac renoventur; nec de rebus sacris Scripta in vulgus edere unicuique fas esse, sed Prophetis solum, qui, Dei instinctu, & præterita, & præsentia sciunt: hinc duo solum & viginti sacra volumina, & ea sibi usquequaque consentanea gentem suam usurpare, veterem omnem antea di temporis memoriam complexa; à Moysis temporibus usque ad Artaxerxis Longimani ætatem scripta; ab hac ætate verò singula quidem fuisse relata in litteras, sed eandem, quam superiora, fidem minimè esse consecuta.

Ex quibus liquet, post Babylonica bella, ex more Judæorum instaurari debuisse

E 3

buisse

buisset Codices sacros, idque superstitum Sacerdotum operâ, qualis fuit Esdras : horum verò librorum collectionem Artaxerxes Longimano imperante defuisse; quod sanè fieri non potuit, nisi per Canonem publica auctoritate conditum, quo qui non continerentur libri, pari existimatione carerent.

- 53 Olim plures apud Hebræos extitisse libros, quàm in Canone Esdrino recensentur, ipsæ Scripturæ sacræ testantur, quæ viginti hujusmodi libros citant: ut sunt liber Bellorum Domini, Numer. 21. Liber Justorum, seu Liber Recti, Josue 10. Liber verborum seu rerum gestarum à Salomone, 3. Reg. 11. Liber verborum Regum Israël, 3. Reg. 14. Liber verborum Regum Juda, ibid. Samuelis Libri, 1. Paralip. cap. ult. Alius quidam Samuelis liber, 1. Reg. 10. Nathani liber, 1. Paralip. 29. Gad Prophetæ liber, ibid. Abiæ Prophetæ, 3. Reg. 5. Jehu Prophetæ, 2. Paralip. 20. Addonis Prophetæ, ibid. c. 9. Chofai Prophetæ, ibid. c. 33. Tria millia Parabolarum Salomonis, 3. Reg. c. 4. Salomonis Cantica quinquies mille, ibid. ex textu Græco Septuaginta Interpretum, & ex vulgata editione: At Latina editio ad textum Hebræum correctâ, nonnisi Cantica quinque supra mille commemorat. Salomonis Physica, ibid. Liber Enoch, prout ex Judæ Apostoli Epistola colligit S. Augustinus. (s) Epistola Eliæ Prophetæ, 2. Paralip. c. 21. Jeremiæ Descriptiones, 2. Mach. c. 2. Joannis Hircani liber dierum, 1. Machab. c. ult.

His addi possent, liber Eldad, & Medad; præter centum quinquaginta Psalmos, psalmus unus; necnon Testamentum Moyſis, ex auctore Synopsæos.

An verò hi libri apud Hebræos olim, & ante Esdrinum Canonem divinæ fuerint auctoritatis, non est una, eademque

Patrum & eruditorum virorum sententia. Origenes dubitat. (t) Joannes Drusus vult, fuisse quidem Agiographos, seu Sacros, sed non Canonicos. (u) Serrarius docet, nonnullos ex iis fuisse Canonicos, sed non omnes. S. Augustinus verò tueri videtur, nec Sacros fuisse, nec Canonicos; ait enim (x), Ex iis nonnullos à Prophetis quidem conscriptos fuisse, quamvis ignoret ipse, cur in Judæorum Canonem antiquum relati non fuerint, nisi quòd verisimile sit, Prophetas eos, ut merè homines historicâ diligentia duntaxat scripſisse, non ut Prophetas; unde potius ad cognitionis ubertatem eos pertinuisse, quàm ad Religionis auctoritatem.

Memoratos hos Libros nullibi amplius extare docent Catholici, & Acatolici omnes; Judæi quoque, ut Abenezira. (y) Liber ergo Recti, & liber Bellorum Domini, quos Hebræi hodie legunt, confecti, & conscripti fuerunt à recentioribus Rabbini; Prior quidem à Rabbi Tham, alter verò à Ralbay.

### De Canone Catholicorum.

Ad Canonem Catholicorum ii tum 54 veteris tum novi Testamenti libri omnes referuntur, quos Cap. 1. hujus Tractatus ex Concilio Tridentino recensuimus.

Hanc Canonis Scripturæ librorum determinationem Innocentio I. Papæ præcipuè debet Ecclesia; cum enim de auctoritate quorundam Sacrorum librorum inter Orthodoxos esset controversia, Exuperius Tolofanus Episcopus sub finem quartæ, vel initio quinti Ecclesiæ sæculi hac de re ad laudatum S. Pontificem dedit litteras, quibus eum rogabat, ut quinam Scripturæ libri tanquam Canonici recipiendi essent, quinam ut apocryphi, seu nullius auctoritatis divinæ recipiendi, deter-

(s) Lib. 15. de Civ. c. 23. (t) Præfat. in Cant. (u) Epist. 161. (x) Lib. 18. de Civ. c. 38. (y) In Num. c. 1.

determinaret. Eidem annò 400. respondit Innocentius (a), libros, qui in Canone recipiendi essent, eo, quo nos cit. Cap. 1mò ex Tridentino retulimus, ordine recensens.

Quam Canones Scripturarum determinationem incunctanter secuta deinceps sunt Concilia, Patres, universaque Ecclesia; interque alia plurima Concilium Carthaginense IV. an. 419. celebratum, cui interfuit ipse S. Augustinus; Concilium Romanum sub Gelasio Papa an. 495. ac denique Tridentinum.

Hunc etiam Canonem secuti sunt SS. Patres: Augustinus, lib. 15. de Civ. c. 25. & lib. 2. de Doct. Christ. c. 18. & Epist. 235. cui subscripserunt Junilius Afer, lib. 1. Instruct. Antiquus Interpres apud Cassiodorum, lib. de divin. lect. c. 12. Cassiodorus ipse, lib. 1. Instit. divin. c. 13. Rabanus Maurus, lib. 2. de Instit. Cleric. Isidorus, lib. 1. de Eccles. Offic. Aliique benè multi, ipsaque, ut diximus, universa latina Ecclesia.

Libri autem Scripturæ Sacræ, qui ante Innocentii decretum dubiæ fuerunt apud Catholicos auctoritatis, hi numerantur: Ex veteri Testamento, Additamenta Esther; Baruch; Danielis pars, quæ græcè tantum extat; Tobias; Judith; Sapientia; Ecclesiasticus; Machabæorum primus, & secundus.

Ex novo autem Testamento, Marci; Lucæ; Joannis partes quædam; Epistola ad Hebræos; Epistola Jacobi; Posterior Petri; Primæ Joannis particula; Secunda & Tertia Joannis; Epistola Judæ; & Apocalypsis, de quibus part. 2. hujus Tractatus singillatim acturi sumus.

Post Decretum verò Innocentii hi libri *Deutero-Canonici* à Catholicis fuere nuncupati, quòd olim, cum cæteri ab omnibus tanquam *Proto-Canonici* seu divini sine controversia recepti fuerint, isti pri-

mum post laudati Papæ determinationem pro divinis haberi cœperint, priusque de illis dubitatum fuerit, nec nisi libris Ecclesiasticis, quibus videlicet nondum afferta fuisset divina auctoritas, adnumerati fuerint.

Reliqui verò, quamvis adhuc legantur, inter Apocryphos rejecti ad hunc usque diem remanserunt: ut sunt, Ex veteri Testamento fragmenta, quæ supersunt libri Enoch; Tertius & quartus Esdræ; Tertius & quartus Machabæorum; Oratio Manassis; Testamentum duodecim Patriarcharum; Psalterium Salomonis; Psalmus 151. & alia hujusmodi.

Ex novo autem Testamento, Epistola S. Barnabæ; Epistola falsò adscripta S. Paulo ad Laodicenses; plura Evangelia, & Apostolorum Acta commentitia; Plures etiam commentitiæ Apocalypses; Liber Hermæ, qui inscribitur Pastor; Epistola JESU Christi ad Abgarum; Epistola S. Pauli ad Senecam; & alia hujusmodi. Vide Fabricium in Catalogo librorum Apocryphorum novi Testamenti.

### De Canone Acatolicorum.

Non unus idemque semper fuit Scripturarum Canon apud illos, qui variis Ecclesiæ sæculis Catholicam doctrinam averfati sunt; sed, prout videlicet secundum sectarum suarum varietatem commodum ipsis visum fuit, modò hos, modò illos Scripturæ libros, quamvis ab Ecclesia receptos, è Canone expungendos voluerunt.

Sic enim Sæculi 1mi Hæretici, Simoniani videlicet, Basilidiani, & Marcionitæ, Sæculi 2di, omnes veteris Testamenti libros, teste Irenæo (a), respuebant. Eos deinde secuti sunt Manichæi Sæculi 3tii Hæretici, prout refert Epiphanius. (b)

Alii

(a) Epist. 3. (a) Lib. 1. c. 20. (b) Hæret. 66

Alii apud Philastrum (c), expungebant Ecclesiastem ex Canone, quia arbitrabantur, eum à Salomone compositum fuisse, cum mulierum amore esset depravatus. Hac quoque ratione alii apud eundem Philastrum (d), negarunt, Canticum Canticorum esse sacrum librum.

Nonnulli apud Augustinum (e), recipiebant quidem Evangelia Matthæi, Marci, Lucæ; sed Joannem rejiciebant.

Ebion, qui Sæculò I. Ecclesiam vexavit, solum Matthæi Evangelium probat, quod prodit Irenæus. (f)

Cerinthus itidem Sæculi II. Hæresiarcha utebatur solo Marci Evangelio. (g)

Apud Marcionem, ut auctor est Tertullianus (h), solus Lucas, sed mutilus, & corruptus, erat in pretio.

Actorum librum è numero Sacrorum librorum expungebant Cerinthus apud Philastrum. (i) Cerdò Sæculi II. Hæreticus apud Tertullianum (k); Tatianus Sæculi etiam II. Hæresiarcha apud Eusebium (l); Manichæi apud S. Augustinum. (m)

Marcio Pauli quoque Epistolas ad Titum, & Timotheum rejecit. (n) Nonnulli quasdam alias S. Pauli Epistolas humano, non divino Spiritu dictatas censebant, & præsertim eam, quæ est ad Philemonem. (o)

At qui ultimis hæc temporibus à communione Romanæ Ecclesiæ discesserunt, ex Scripturarum Canone excludendos censuerunt omnes veteris Testamenti libros, quos in Canonem suum non receperunt Judæi; aut saltem, qui in antiquo Judæorum Canone non reperiuntur, ut sunt, Baruch, Tobias, Judith, Ecclesiasticus, Sapientia, ambo Machabæorum libri.

Ex novi Testamenti Codicibus autem rejecerunt Pauli Epistolam ad Hebræos, quam nec Pauli, nec aliis Apostoli esse contendunt, quippe quæ, quod ajunt, res contineat Apostolicæ & Evangelicæ doctrinæ contrarias.

Ex Canone etiam deleverunt Epistolas, Jacobi, Judæ, secundam Petri, secundam & tertiam Joannis, necnon ipsius Apocalypsim. Ita Lutherus, quem secutus est Kemnitius. (p)

Calvinus, etiam nullos alios, quam qui in antiquo Judæorum Canone continentur, veteris Testamenti libros agnoscat (q); quantum ad novi Testamenti Codices tamen docet, Epistolam ad Hebræos esse verè Apostolicam, quamvis dubium sit, cujusnam sit, an Pauli, an verò alterius cujusdam Apostoli. (r) Epistolas quoque Jacobi, Judæ, secundam Petri, & tertiam Joannis in suum Canonem retulit unacum Apocalypsi.

Magdeburgenses verò, quamvis in omnibus ferè, Luthero assentiantur, cum Calvino tamen docent (s), Apocalypsim esse librum divinitus conscriptum, ac proinde in Scripturarum Canonem referendum. Modò sit pro Catholicorum sententia

## CONCLUSIO.

Ad Ecclesiam pertinet determinare, sive & definire, quisnam liber sit Canonicus; illiusque auctoritas est certa regula ad libros vel in sacrorum Codicum numerum recipiendos, vel etiam ex eo numero rejiciendos; verò ad discernendum inter verbum Dei, & verbum hominum.

Prob. Conclusio 1<sup>mo</sup>. Ex sacra Scriptura. Ex veteri Testamento; 1<sup>mo</sup>. Exodi

(c) In Catalog. Hæref. (d) c. 133. (e) Hæref. 30. (f) Lib. 1. c. 26. (g) Ibid. Lib. 3. c. 11. (h) Lib. 3. de Præscrip. (i) c. 36. (k) Lib. de Præscrip. (l) Lib. 4. Hist. c. 29. (m) Lib. de util. credendi c. 3. (n) Epiph. Hæref. 42. (o) Aug. lib. 2. cont. Adver. Leg. & Proph. (p) In exam. Sess. 4. Conc. Trid. (q) Instit. lib. 1. c. 11. Et lib. 2. c. 5. Item lib. 3. c. 5. (r) Ibid. c. 8. §. 216. (s) Cent. 1. l. 2. c. 4. col. 56.

di 18. Cum cœpisset populus Dei redigi ad quamdam formam Ecclesiasticæ Reipublicæ, Moyses tanquam Princeps & Caput, necnon strenui viri illi, quos elegerat, ad dubia circa legem Domini exorta respondebant, atque ea definiebant. Ergo à fortiori in nova Læge, cuius vetus duntaxat typus fuit, circa eandem Dei legem, libros nempe eam continentes iudicandi, eosque determinandi penes Ecclesiam erit potestas.

ado. Deuteronomii 17. v. 8. & seq. Deus populo Israëlítico præcipit, ut omni controversiâ Sacerdotes adeant, tanquam Judices suos, faciatque, quodcumque dixerint, & docuerint juxta legem ejus, nec ab ipsis sententia sive ad dexteram, sive ad sinistram declinet &c. Ergo etiam à pari, ubi circa librorum sacrorum Canonem orta fuerit quæstio, Ecclesia, quam Episcopi, velut in veteri lege Sacerdotes Synagogam, repræsentant, judex est, atque infallibilis, & cui nemo contradicere audeat, sententiâ eos definire potest.

3tio. Malachiæ 2. Sacerdotes populi  
alloquens Dominus eorum agendi ratio-  
nem designat his verbis : *Labia Sacerdo-*  
*tis custodient scientiam , & legem requi-*  
*rent ( populi ) ex ore ejus.* Ergo etiam  
ab Ecclesiæ ore lex Dei requirenda est,  
adeoque & Canon librorum sacrorum.

Ex novo Testamento; imo. Ex illo Matth. 18. v. 17. ubi de quocunque fidei ait textus : *Si Ecclesiam non audierit, sit tibi sicut Ethnicus & Publicanus*. Ergo & ille sicut Ethnicus & Publicanus habendus est, qui Ecclesiam Scripturarum Canonem definitentem, & determinantem audire renuerit.

2do. Actorum 15. v. 28. Cum Antiochia orta esset gravis quaestio, an servanda esset lex Moysis à Gentibus ad fidem conversis, ad Ecclesiam pro dirimenda hac quaestione confugerunt Antiocheni,

*P. Cartier Theol. Tom. I.*

quam & ipsa solvit his verbis : *Visum est Spiritui sancto, & nobis &c.* Ergo etiam orta questione de libris Canonicis sacre Scripturæ ad ipsam est confugiendum.

3tio. *Ascendi*, inquit S. Paulus (t), *Hierosolymam cum Barnaba . . . & contuli cum illis* (nempe Apostolis & Senioribus Ecclesiæ) *Evangelium, quod prædico in Gentibus*. Ergo si Paulus Ecclesiam agnovit tanquam Evangelii, quod prædicabat, judicem, quanto magis nos eam agnoscere debemus velut judicem Canonis sacrorum librorum.

Prob. 2do. Ex Conciliis & Patribus; 57 -  
ac 1mo. ex Conciliis, Carthaginensi, Ro-  
mano, Tridentino supra hujus Capituli  
initio citatis. Item ex Patribus ibidem  
adductis, qui, ut & Concilia illa, Scri-  
pturarum Canonem ab Innocentio Papa I.  
toti Ecclesiae propositum adoptarunt. Er-  
go censuerunt, ad summum Pontificem,  
Ecclesiamque pertinere, Canonem istum  
determinare, atque divinos libros ab hu-  
manis discernere. Sed pro omnibus Pa-  
tribus sit S. Augustinus, qui, *Evangelio*,  
inquit (u), *non crederem, nisi me Eccle-*  
*sia Catholica commoveret auctoritas*. Er-  
go nec libros Canonicos continere Evan-  
gelium credidisset, nisi Ecclesiae auctori-  
tas eum movisset.

Prob. 3<sup>to</sup>. Ratione Theologica. 1<sup>mo</sup>. §8  
Non minor debet esse auctoritas Ecclesiæ,  
ac olim Synagogæ fuit. Atqui Synagoga  
auctoritatem habuit determinandi, ac de-  
finiendi suorum sacrorum librorum Ca-  
nonem. Ergo à fortiori eadem auctori-  
tate pollebit Ecclesiæ.

Major est aperta, atque eò minus negari potest, quòd Synagoga Ecclesiæ typus & figura duntaxat fuerit. Minor vero habetur ex dictis hujus Capituli initio, ubi de Judæorum Canone egimus. Ergo &c.

ado. Si ab Ecclesiæ auctoritate repetendus non est Scripturarum Canon, tunc

F

ille

(f) *Chloris* 2 var. 8. 2. (w) Lib. cont. Epist. fund. c. 5.



ille innotescere debet vel per Scripturam ipsam, vel per criteria, ut vocant, seu indicia, quæ in ipsa reperiuntur, vel denique per uniuscujusque privatum spiritum. Sed à nullo horum repeti potest hujusmodi sacræ Scripturæ Canonis determinatio. Ergo ab Ecclesiâ repeti debet.

Major est Adversariorum, cum enim Ecclesiæ hanc auctoritatem denegent, necesse omnino est, velint nolint, ut vel ad Scripturam ipsam, vel ad ipsius criteria, vel denique ad suum privatum spiritum confugiant, unde Canonem suum eruant. Neque nobis quidquam de Traditione obganniant; omisso enim, quod ipsi eam contemnunt, mox præter ea, quæ jam annotavimus, ostendimus, illam eis omnino contrariam esse.

Prob. igitur Minor, quoad primum. Nullibi in sacra Scriptura prorsus clarè, imò ne quidem obscurè dicitur, omnes libros illos, quos etiamnum A Catholicis pro Canonicis agnoscunt, esse verè divinos, non autem illos, quos ipsi rejiciunt; prout ex ipsa totius Scripturæ perlustratione patet. Deinde, etsi alicubi in ea legeretur, hos, e. g. & non alios libros, hæc, & non alia Capita, has, & non alias sententias esse verè sacram Scripturam; id tamen propterea infallibiliter certum non esset; dubitari enim adhuc posset, num ea ipsa loca, in quibus id adnotatum legeretur, verè sacra Scriptura essent, aut an non potius impostor aliquis id ipsum eis addidisset. Certè ex titulo & dictione aliqua certò haberi non potest, librum quemdam esse divinum; nisi etiam quis ineptè dicere velit, Alcoranum & Thalmud esse quoque libros divinos, quod à suis Auctoribus divini nuncupentur. Ergo ex ipsa Scriptura librorum sacrorum Canonis determinatio repeti non potest.

Prob. quoad adum. Ista criteria, & indicia sunt vel clara, & evidentia, vel obscura, & inevidentia. Neutrum dici potest. Ergo &c.

Non primum. Hanc quippe lucem in istis libris non modò Ethnicis non viderunt, ut & ipsi Judæi in novi Testamenti libris; sed etiam viri doctissimi juxta & sanctissimi ex Christianis; imò de quibusdam ex his libris, quos ipsimet Adversarii tanquam Canonicos recipiunt, quidam antiqui Pagres dubitare vili sunt, prout suprà jam insinuavimus, & infra specialiter adhuc dicemus.

Sed neque adum valet. Si enim criteria illa, & indicia obscura sunt, & dubia, neutiquam parere possunt certitudinem infallibilem, adeoque ex iis non potest determinari sacrarum Scripturarum Canon.

Prob. denique quoad tertium, tum quia æquè incertum est, an spiritus ille privatus sit illustratio divina, ac an ipse Canon sit divinus: tum quia omnes alii eodem jure dicere possunt, se per suum privatum spiritum cognoscere contrarium. Sic Mahometanus dicit, sibi internum suum spiritum dicere, non Christianorum Biblia duntaxat, sed Alcoranum esse librum divinum. Sic etiam Catholici possunt dicere, se ab interno & privato spiritu habere, libros Tobie, Judith, Sapientie, Ecclesiastici, & Machabæorum esse Canonicos. Sic Calvinistæ contra Lutheranos tuebuntur, se à suo interno & privato spiritu didicisse, Epistolas ad Hebræos, Jacobi, & Judæ esse Canonicas. Ergo aliunde desumendus est Scripturarum Canon; ab Ecclesiâ Catholica scilicet, quæ sola est columna, & firmamentum veritatis, quæque in rebus ad fidem pertinentibus errare non potest, quippe cui Christus Dominus promittit, inleri portas nunquam adversus ipsam prævalituras esse, petendus est.

Prob. 3tio. Ratione ex ipsis Adversariis petita, quod utique optimum probandi genus est. Ipsimet igitur Protestantes in Comitibus Augustanis an. 1530. celebratis confessionem fidei suæ Carolo V. Imperatori obtulerunt, ubi c. 7. de Ecclesiæ

fateri

fateri videntur, Ecclesiam habere auctoritatem determinandi Scripturarum Canonem, ajunt enim, in ea Evangelium pure doceri; at qua ratione ipsa id præstaret, si non posset discernere verbum Dei à non verbo Dei. Ergo &c.

Lutherus ipsemet fatetur etiamnum (x), Ecclesiam habere potestatem discernendi Verbum Dei à verbis hominum; adeoque definiendi Scripturarum Canonem. Ergo &c.

*Solvuntur Objectiones.*

59

Ob. 1mo. Libros illos, qui à nobis Catholicis velut Canonici suspiciuntur, Ecclesia in Canonem referre non potuit, nisi eos divinos & Canonicos cognoverit, vel ex revelatione divina, vel ex traditione. Atqui ex neutra id potuit. Ergo nec illos in Canonem referre. Maj. est evidens. Min. prob. 1mo. Non ex revelatione divina cognovit, siquidem post Apostolos novæ fidei dogmatibus revelationes exploduntur. 2do. Neque ex Traditione: nam quantum ad Canonem, quem Ecclesia de veteris Testamenti libris textit, ei Canon Hebræorum supra à nobis relatus adversatur, quem tamen Judæi omnes, nec non celeberrimi Ecclesiæ Patres Græci & Latini secuti sunt, qui etiam illos novi Testamenti libros, quos Ecclesia antiquo Canoni adjecit, è sacrorum librorum Catalogo expungunt.

Et quidem 1mo. Melito Sardinum Episcopus Epistolâ ad Onesimum (y), numerum, & ordinem sacrorum librorum referens, veteris Testamenti viginti duos tantum recenset, prætermittis iis, quos Ecclesia Canonis Judæorum addidit.

2do. Origenes in expositione Psal. 1. veteris Testamenti librorum indicem exhibens, etiam juxta Hebræorum Canonem viginti duos tantum recenset, omis-

sis iis, quos Melito prætermisit. Et lib. 5. expositionum in Evangelium Joannis, ubi Epistolas Apostolorum recenset, non meminit Epistolarum S. Judæ, & S. Jacobi.

3tio. Concilium Laodicense an. 319. celebratum Can. ult. ubi sacrorum librorum seriem textit, nullam facit mentionem librorum Tobix, Judith, Sapientix, Ecclesiastici, neque Machabæorum; libros quoque novi Testamenti enumerans Apocalypsim prætermittit.

4to. In posteriori Canone Apostolorum, quod quidem Opus, etsi non sit Apostolorum, attamen antiquissimum est, iidem libri Tobix, Judith, Sapientix, Ecclesiastici, & duo Machabæorum inter sacros veteris Testamenti libros non recensentur.

5to. Eusebius lib. 3. Hist. c. 25. Epistolas Jacobi, Judæ, Petri secundam, Joannis secundam, & tertiam velut dubias haberi testatur.

6to. Auctor Synopsi, viginti duobus Canonis Hebræorum Codicibus addit tantum libros Ruth, & Esther, ut quos ex veteribus aliqui duntaxat pro Canonicis apud Hebræos haberi dixerint.

7mo. S. Gregorius Nazianzenus, seu, prout nonnulli volunt, Amphilocheus Iconiensis Episcopus, Jamb. 3. sacrorum librorum texens indicem, inter libros veteris Testamenti nullam facit mentionem Tobix, Judith, Sapientix, Ecclesiastici, neque Machabæorum; quantum verò ad novi Testamenti libros, septem Catholicas Epistolas à quibusdam agnosci asserit, ab aliis verò tres tantum; & Apocalypsim à multis rejici.

8vo. Cyrillus Hierosolymitanus in referendo sacrorum librorum Canone cum Gregorio Nazianzeno prorsus concordat, æque ac Auctor Hierarchiæ cælestis, quæ S. Dionysio adscribitur.

F 2

9no.

(x) Lib. de captiv. Babil. de Sac. Ord. (y) Apud Euseb. lib. 4. Hist. c. 28.

9no. S. Epiphanius viginti duos tantum libros ex Hebræorum Canone recenset. (a)

10mo. Epiphanius sequitur S. Damascenus. (a)

11mo. Leontius, Anastasius Sinaita, ambo Nicephori, Antiochus, & Philippus Solitarius, cum sacros libros recensent, citatos modò Patres aperte sequuntur, necnon Hebræorum Canonem adhaerent.

12mo. S. Hilarius tantum viginti duos veteris Testamenti libros etiam commemorat. (b)

13tio. S. Hieronymus librorum sacrorum indicem ex Hebræorum Canone referens, libros Tobiae, Judith, Sapientiae, Ecclesiastici, & duos Machabæorum extra Canonem esse asserit, imò etiam inter apocryphos collocandos esse.

60 Resp. non quidem ex revelatione divina Ecclesiam judicasse, libros illos, de quibus nunc sermo est, esse Canonicos, sed ex Traditione, factaque eorumdem librorum ad eam, cæterosque Canonicos Codices discussione.

Et verò, quòd suprà jam diximus, mirum est, quòd Ecclesiæ eam detrahi velint auctoritatem A catholicis, quàm ultrò Synagogæ tribuunt; enimvero constans veritas est, Synagogam magnam, cum, proponente Esdra, Canonicos libros susciperet, id non revelatione duntaxat fecisse, sed discussis ad Majorum suorum Traditionem hisce Codicibus. Quid ergo obest, quin eandem, imò majorem auctoritatem Ecclesiæ Christi ascribamus; ut videlicet examinata præteritorum seculorum, ipsorumque Judæorum Traditione, discussis in se ipsis libris, eos, cum nihil, quòd fidei, nihil, quòd bonis moribus obviaret, continerent, sed ad

virtutem amplectendam homines incitare imprimis viderentur, in Canonem referri oportere decerneret; quamvis priùs de iis aliqui dubitare visi sint? Hanc Ecclesiæ regulam tradit Augustinus. (c) Modò ad singula respondendum.

Et quidem, quòd veteris Testamenti 61 libros attinet, mirum non est, si ii, qui post Esdram, ejusque Canonem scripti primùm fuere, & fortè Sapientiae, & Ecclesiastici Codices, ne quidquam de Machabæorum duobus libris dicamus, utpote quos longò post memoratum Canonem Esdrinum exaratos fuisse constat; ab ipso Esdra seu Synagoga magna non fuerint inter Canonicos recensiti, siquidem nondum extabant.

Deinde quantum ad libros Tobiae, & Judith, iis est inter eruditos, utrum ante Esdram, an verò primùm postea conscripti fuerint. Sed quidquid sit hac de re, omnino exploratum habemus, idque testificatur Josephus (d), Tobiae, Judith, Sapientiae, Ecclesiastici, duosque Machabæorum libros magno apud ipsos Hebræos in pretio fuisse; & quamvis nullum de ipsis decretum à Synagoga magna latum fuisset, nihilominus inter agiographa, seu scriptiones sacras ab ipsis fuisse repositos; necnon ab Helenistis, seu Hebræis Græca lingua utentibus versioni septuaginta Interpretum additos, à quibus ipsa Ecclesia Christi eosdem accepit.

Hos etiam libros tanquam Scripturam divinam, tum in Epistolis S. Clementis, & S. Barnabæ; tum apud Justinum, & Irenæum; tum à Clemente Alexandrino, Tertulliano, & S. Cypriano indiscriminatim citatos reperimus; ut & ab Origene. (e)

Quod Baruch librum attinet, ideò à Judæis in Canonem non refertur, quòd, cum

(a) Lib. 1. adv. heres. & lib. de mens. & pond. c. 28. (b) Praef. in Psal. (c) Lib. 2. de Doct. Christ. c. 8. (d) Lib. 1. cont. Apion. (e) Lib. 3. cont. Cels. Item Hom. 19. in Jerem. Et Tract. 3. in Joann. Item lib. 8. in Epist. ad Rom. Item Hom. 8. in Num. Denique apud Auct. Dionys. Trivult.

cum in Canonem non recipiant nisi eos libros, qui hebraicè scripti sunt, istum, utpote qui, quamvis primò hebraicè exaratus fuisse credatur, græcè tantum superest, excludant. Id etiam multorum consuetudine evenit, qui inter Jeremiæ scriptiones, & non separatim eum collocabant; unde veteres Ecclesiæ tabulæ ejus, expresso nomine, non meminerunt, eoque sub Jeremiæ nomine comprehenderetur; hæcque consuetudo à prima Ecclesiæ ætate prodita à vetustis Patribus servata est. Sancti quippe Patres Irenæus, Cyprianus, Clemens Alexandrinus, Eusebius, Ambrosius, Julius Firmicus, Augustinus, Basilus, Chrysostomus, Epiphanius, & alii complures in suis scriptis Prophetiam Bgruch velut Scripturam sacram sub Jeremiæ nomine laudant.

Quantum verò ad illos novi Testamenti libros, quos Ecclesiæ nostræ Adversarii rejiciunt, certum est, Epistolam S. Pauli ad Hebræos à Veteribus tanquam divinam Scripturam fuisse habitam. Ipse Clemens Romanus multas ex ea sententias transfert in suam ad Corinthios Epistolam, quem ex Hebræo illam in Græcum vertisse censet Eusebius, qui & illius auctorem fuisse Paulum innuit. (f)

Origenes eam à Majoribus Paulo adscriptam fuisse ait (g), illiusque sententias Pauli, dictionem verò & compositionem esse alterius, qui videlicet Apostoli dictata exceperit, & in litteras retulerit.

Illius etiam meminit Tertullianus, sed eam Barnabæ vindicat. (h)

Clemens quoque Alexandrinus eam Paulo adjudicare videtur, utpote quam à Paulo dictatam exceperisse Lucam dicat. (i)

Hieronymus ad Dardanum scribens, ait, non solum ab Ecclesiis Orientis, sed ab omnibus retrò Ecclesiis ut germanum Pauli scriptum fuisse admittam; quæ, quamvis à Latinis in Canonem sua ætate nondum relata esset, se tamen veterum Scriptorum auctoritatem sequi, neglecta temporis sui consuetudine. Epistolâ quoque ad Evagrium recipi eam, ait, ab omnibus Græcis, & à nonnullis Latinis.

A Latinis verò in Ecclesia legi solitam non fuisse tradit Philastrius (k), quod ab Hæreticis depravata, & additamentis quibusdam fuisset inquinata.

Et verò Pauli eam esse demonstrari ex eo videtur, quod in ea Timothei meminerit Apostolus, eumque fratrem, ut in aliis Epistolis appellet. (l)

Jacobi Epistolam inter Canonicas recensuit Clemens Alexandrinus in libris Hypotyposon apud Eusebium. (m)

Ejus verba non semel usurpat Tertullianus advers. Jud. c. 2. & lib. de Orat. cap. 8.

Illius patrocinium sibi asciscit S. Cyprianus, advers. Novat.

Asciscit & Origenes Cyprianò & Eusebiò antiquior; idemque novi Testamenti Scriptores enumerans, Jacobum haudquaquam prætermittit. (n)

Nec etiam eam prætermittunt Auctor Synopsis sacrorum librorum, & Gregorius Nazianzenus in Carmine de libris Canonicis.

Eandem Epistolam, licet initio controversam, procedente tempore auctoritatem obtinuisse Hieronymus asseverat. (o)

Petri secundam ei indubitanter adscribunt Origenes, Hom. 5. in Joan. & Hom. 13. in Genes. item Hom. 7. in Josue. Eusebius, lib. 3. Hist. c. 25. & Hieronymus,

F 3 de

(f) Lib. 3. Hist. c. 32. (g) Lib. 5. in Joan. (h) De pudicit. c. 20. (i) Lib. Hypotypos. apud Euseb. l. 3. Hist. c. 98. (k) Hæref. 88. (l) Heb. 13. v. 23. (m) Lib. 2. Hist. c. 22. & 25. Item lib. 9. c. 14. (n) Hom. 13. in Genes. & Hom. 7. in Joan. (o) De Script. Eccles. in Jacobo.

de Script. Eccles. in Petro. Merito quidem, quippe quod in monte sancto se Christo adfuisse dicat illius Auctor c. 1. v. 17. Et Paulum charissimum suum fratrem appellet, sequæ jam priorem Epistolam scripsisse significet, c. 3. v. 1. & 15.

Eam etiam inter Catholicas Epistolas collocavit Clemens Alexandrinus lib. Hypotyp. necnon Auctor Synopsis, & Gregorius Nazianzenus in Carm.

Joannis secundam & tertiam Epistolas inter Canonicas libros recenset Origenes, ut & Clemens Alexandrinus apud Eusebium. (p)

Dionysius Alexandrinus tertiam Joanni Apostolo vindicat, sed hæc brevior est, quam ut ei diutius immoremur; satis est, quod sexcentos Scriptores anni sequentes tulerint, qui illam eidem Apostolo absque hæsitacione tribuerunt.

Epistolam Judæ Apostoli sacris & Canonicis Scripturis adnumerat Origenes, Hom. 13. in Genes. & in Jos. & in Matth. Ejus verbis se defendunt Tertullianus, de habit mul. c. 3. & Cyprianus, advers. Novat. Eandem Canonicorum librorum Catalogo intexuerunt Clemens Alexandrinus, in lib. Hypotyp. Auctor Synopsis, Gregorius Nazianzenus, in Carm. Eusebius quoque lib. 2. Hist. c. 23. & 24. & lib. 3. c. 15. necnon Hieronymus (q), eam divinis Scripturis adjungunt.

Apocalypsim Joanni Apostolo tribuit Justinus, in Dialog. cum Triphone. Eam quoque illius esse affirmat Irenæus, qui & recens fuisse sua ætate hoc Opus testatur, & suâ pene memoriâ, sub finem nempe Imperii Domitiani, visa esse Joanni, quæ in Apocalypsi memorantur. (r)

Id ipsum de Apocalypsi Auctore persuasum fuit Tertulliano, adv. Marcion. lib. 3. c. 14. & lib. 4. c. 5. Clementi Alexandrino, apud Euseb. lib. 4. Hist. c. 23. Apollonio, adv. Cataphryg. apud eun-

dem Euseb. lib. 5. Hist. c. 18. Et Origenes, in Matth. & in Joan. item apud Euseb. lib. 4. Hist. c. 25.

Ex his, & aliis quamplurimis testimoniis, quæ brevitatis studiò prætermittimus, liquidò constat, quàm immerito Adversarii nostri contendant, Ecclesiam, cum hos libros Scripturæ in Canonem retulit, non fuisse secutam Traditionem. Quin potius omnino dicendum est, eosdem libros Ecclesiæ ab Apostolis traditos fuisse ut divinos; alioquin celeberrimæ cum Orientis, tum Occidentis Ecclesiæ, ut Alexandrina, Africana, ac præcipuè Romana eos ut divinos non semper habuissent, nec ab Innocentio Papa, nec à Conciliis in Canonem fuissent relati; siquidem Ecclesia non potest aliud credendum fidelibus proponere præter id, quod ab Apostolis fuit acceptum, & traditum.

Ad testimonia Patrum, quæ pro sua opinione adducunt Adversarii, respondemus; mirum non esse, si eos Scripturæ libros, de quibus nondum erat unanimes Ecclesiarum sententia inter Canonicos non recensuerint aliqui Veteres: at postea verò, cum omnibus demum Ecclesiis patefacta est antiquissima celeberrimarum Ecclesiarum, & inprimis Romanæ Ecclesiæ traditio, quæ constabat, eosdem libros, de quibus à nonnullis dubitabatur, ut divinos ab Apostolis fuisse acceptos partim, partim vero scriptos, tum illos pro Canonicis habere cœpit Ecclesia universa. Qua responsione videtur abunde satisfieri illis, quæ ex Veteribus quibusdam obijciunt Adversarii.

Nam imo. Ex eo, quod Melito Judæorum Canonem, in quo viginti duo tantum libri veteris Testamenti recensentur, secutus fuerit, nihil aliud inde colligi potest, nisi, quod nondum uno Ecclesiarum consensu pro Canonicis habiti fuerint ii, de quibus agitur, libri.

Orige-

(p) Lib. 6. Hist. c. 14. (q) De Script. Eccl. in Juda, & in c. 1. Ep. ad Tit. (r) Lib. 4. c. 37. & 50. Item lib. 5. c. 30.

Origenes verò, etsi citatis locis, ubi tanquam Historicus loquitur, illorum veteris Testamenti librorum, quos Ecclesia Judæorum Canonis adiecit; ut & Epistolarum Judæ, & Jacobi non meminerit, meminit tamen alibi, hosque libros tanquam Scripturam sacram divinosque Codices habuit, prout primum ostendimus.

63 Ad testimonia Concilii Laodicensis, posterioris Apostolorum Canonis, Auctoris Synopses, Gregorii Nazianzeni, seu Amphilochii, & aliorum eadem respondemus, quæ ad Melitonis auctoritatem reposuimus. Certè S. Athanasius, cui Synopsis adscribitur, plura loca è libris Tobie, Judith, Sapientie, Ecclesiastici, Epistolæ S. Jacobi, & Apocalypsis, tanquam divinis, & Canonicis passim in suis Scriptis citat, ut patet ex indice locorum Scripturæ sacræ, qui reperitur ad calcem Tom. 2. & 3. Edit. Benedictin. Parisiens. Hosque libros tanquam divinos publicè in Ecclesia legisse Alexandrinam Ecclesiam, testis est Origenes, Hom. 17. in Num.

Sanctus quoque Hilarius; ipseque Hieronymus, qui librum Judith in Prologo Galeato inter Canonicos non recenset, nihilominus Prælat. ad librum Judith asserit, quòd Nicæna Synodus librum hunc inter Scripturas Canonicas computarit.

Sanctus autem Augustinus ait (1), Machabæorum libros, quamvis in Canone Judæorum non contineantur, tamen ab Ecclesia pro Canonicis haberi. Similiter S. Joannes Damascenus ambos Machabæorum libros citat, & eorumdem auctoritate nititur. (2)

64 Ob. 2do. Si ad Ecclesiam pertinet determinatio Canonis librorum sacrorum, tunc etiam ad eam pertinet judicare de Scripturis ipsis. Atqui hoc est absurdum. Ergo &c. Maj. est aperta. Min. prob. Si Ecclesia judicat de Scripturis, sequitur, eam esse supra Scripturam, majoremque illâ habere auctoritatem. Atqui hoc est falsissimum. Ergo &c.

Resp. neg. min. 1mo Arg. ad illius prob. neg. causalem Majoris. Duobus modis intelligi potest, Ecclesiam judicare de Scripturis. 1mo. Ita ut judicet an vera vel falsa sint, quæ sacris libris continentur. Quod si ita de Scripturis pronuntiaret Ecclesia, ipsis profectò superior supponeretur: at non ita est; enimverò tanquam certissimum, & indubitatum habet Ecclesia, vera esse ea, quæ in Scripturis revelata exprimuntur. Secundo modò de sacris Scripturis judicat Ecclesia, cum sacros libros à prophanis, certos & Canonicos à dubiis & apocryphis discernit: ex quo non sequitur, eam esse Scripturæ superiorem, sed tantum ipsius judicium esse supra judicia privatorum hominum. Neque Scriptura est verior, aut certior, quia sic ab Ecclesia exponitur, sed privatorum sententia est verior, & certior, quando ab Ecclesia confirmatur.

Aut fortè licebit Adversariis de certis Scripturæ libris judicare, non item Ecclesiæ? Ergo Synagoga ipsa, cum in Canonem viginti duos tantum libros reculit, se Scripturæ superiorem ostendit? Ergo Veteres, quos sequi se testantur Adversarii, Scripturæ superiores fuerunt, cum modò hos, modò illos libros è Canone expunctos, aut in eum suscipiendos censuerunt? En quàm absurda sit Adversariorum objectio.

## CAPUT VI. 65

*De obscuritate S. Scripturæ, & modo eam probè intelligendi. Item de multiplici illius sensu; & cujus sit germanum illius sensum trahere.*

Hic statim initio nobis adversus nostræ Catholicæ doctrinæ hostes decertandum est. Hi enim apertè tueri videntur sacram Scripturam claram esse, ita ut, quæ

(1) Lib. 18. de civ. c. 36. (2) De precib. pro mort.

quæ in ea paulò obscuriora fortè videntur loca, ab aliis clarioribus illustrentur, & exponantur; necnon ab illis faciliè intelligentur, qui pii, fideles, prædestinati- que eam reverenter, & attentè atque sine pravo affectu legunt.

At contrà Catholici omnes con- cendant, Scripturam equidem quoad quædam Capita, ut sunt Deum existere, Christum Dominum esse natum, passum, & alia ejusmodi, quæ cuicque legenti per se patent, claram esse, attamen plerum- que obscuritate involvi. Quibuscumq; ponitur

## CONCLUSIO I.

Scriptura sacra plerumque est obscura, & intellectu difficilis; necnon in varios sensus interdum trahi potest.

Prob. Conclusio imo. Ex S. Scriptura. *Da mihi intellectum*, inquit pius utique Propheta David (u), & scrutabor legem tuam . . . . *Revela oculos meos, & considerabo mirabilia de lege tua . . . faciem tuam illumina super servum tuum, & doce me justificationes tuas.* Atqui eorum, quæ per se sunt evidentiæ, aut saltem aliunde exponuntur & illustrantur, intelligentia à Deo non petitur. Ergo &c.

Act. 8. Eunuchus Reginae Æthiopum, vir utique pius, & fidelis, non intelligebat Isaiæ locum, quem legebat sedens in curru suo; interrogatus enim à Philippo: *Putas intelligis, quæ legis?* respondit: *quomodo possum nisi aliquis ostenderit mihi?* Ergo &c.

Apostoli ipsi multa eorum, quæ à Christo dicebantur, non intelligebant, Math. 13. v. 36. Item c. 16. v. 11. Lucæ 18. v. 34. Item c. 24. v. 27. & Act. 8. v. 31. (x) *Accesserunt ad eum Discipuli ejus dicentes: ediffere nobis parabolam 21- saniorum agri &c.* Ergo &c.

Denique S. Petrus loquens de Epistolis S. Pauli, *In quibus*, inquit (y), *sunt quædam difficilia intellectu &c.* ubi notandum, ait Bellarminus (z), Apostolum non dicere, esse quædam difficilia intellectu indoctis, ipsis, & instabilibus, sed difficilia absolutè. Ergo &c.

Præterea multa sunt in Scripturis, quæ prima fronte videntur contraria, & falsa, proindeque difficultatibus plena, & disputationi obnoxia, prout ostendemus, ubi de singulis Scripturæ libris age- mus. Ergo &c.

Prob. 2do ex SS. Patribus. S. Irenæus 66 lib. 2. cont. hæres. cap. 28. aliàs 47. postquam in rebus creatis, & naturalibus plurima nos latere dixit, multa etiam in Scripturis obscura esse docet. *In Scripturis*, inquit, *quædam absolvimus secundum Dei gratiam, quædam autem commendamus Deo . . . ut semper quidem Deus doceat, homo autem semper discat, quæ sunt à Deo.*

Origenes, *Alii quoque*, inquit (a), *cordati viri scrutando Scripturam intellectu ejus invenire potuerunt, licet re vera sit multis locis obscura.*

De Basilio & Gregorio Nazianzeno hæc scribit Rufinus: (b) *Ambo nobiles, ambo Athenis eruditi, ambo collega per annos tredecim . . . solis divina Scripturæ voluminibus operam dabant, earumque intelligentiam non ex propria præsumptione, sed ex Majorum scriptis, & auctoritate sequebantur; quos & ipsos ex Apostolica successione intelligendi regulam suscepisse constabat.*

S. Joannes Chrysostomus in illud Joannis (c): *Scrutamini Scripturas: Non enim, ait, rem in superficie, & in promptu posita effodimus, sed quæ tanquam thesaurus profunde reconditur. Qui enim hujusmodi quærit, nisi summam adhibeat diligentiam, & laborem, nunquam quasita inveniet.*

(d) Auctor

(\*) Psal. 118. (x) Math. 13. v. 36. (y) 2. Pet. c. 3. v. 16. (z) Lib. 3. de Verb. Dei c. 1. (a) Lib. 7. cont. Celsi. (b) Lib. 11. Hist. c. 9. (c) Rom. 44. in Joan.

(d) Auctor operis imperfecti duas affert rationes cur Scripturæ sint obscuræ. 1mo. Quia Deus voluit alios esse Magistros, alios discipulos. 2do. Ne si clara esset, non tam esset utilis, quam contemptibilis.

S. Ambrosius, *Mare*, inquit, (e) est Scriptura divina, habens in se sensus profundos, altitudinem Prophetarum anigmatum.

S. Hieronymus fatetur, (f) se Alexandriam perrexisse, ut d. Dydimus, qua in Scripturis habebat dubia, sciscitaretur. Et Epistolâ ad Algasiam, (g) Omnis, inquit, Epistola ad Romanos nimis obscuritatibus involuta est.

Denique, ut alios quamplurimos omitamus, S. Augustinus hæc de Scripturæ sacre obscuritate eloquitur: (h) Multis, & multiplicibus obscuritatibus, & ambiguitatibus decipiuntur, qui temerè legunt, aliud pro alio sentientes; quibusdam autem locis, quid vel falsò suspicentur, non inveniunt, ita obscure quadam dicta densissimam caliginem obducunt. Quod totum provisum divinitus esse non dubito ad edomandam laborem superbiam, & intellectum à fastidio revocandum, cui facillè investigata plerumque vilescent. Et Ep. 3. Tanta, inquit, est Christianarum profunditas litterarum, ut in eis quotidie proficerem, siq. solas ab ineunte pueritia usque ad decrepitam senectutem maximò otio, summò studio, meliore studio conarer addiscere. Et Epist. 119. c. 21. In ipsis sanctis Scripturis multò plura nescio, quam scio. Denique lib. de hde & operib. c. 15. & 16. fatetur sibi difficillimum esse intellectu locum illum I. Cor. 3. Si quis autem superadificat super fundamentum &c. atque, hunc esse unum ex illis locis, quæ beatus Petrus monuit esse difficilia intellectu.

67 Prob. 3tio. Ratione Theologica. In S. Scriptura duo considerari possunt, res nempe. Cartier Theol. Tom. I.

pè & modus, quibus illæ exprimuntur. Atqui secundum utrumque Scriptura est obscura. Ergo &c.

Prob. min. 1mo. quantum ad primum. Res, quas tradit Scriptura sunt summa mysteria de Trinitate divina, de Incarnatione Verbi, de Sacramentis cœlestibus, de natura Angelorum, de operatione Dei in mentibus humanis, de æterna prædestinatione, ac reprobatione, deque aliis arcanis & supernaturalibus rebus, quæ non sine magno studio & labore, nec sine gravissimo erroris periculo investigantur; Imò magna pars Scripturæ vaticinia continet de rebus futuris, & vaticinia carmine scripta, quibus certè nihil difficilius, nihil obscurius. Ergo &c.

Prob. 2do. Quoad 2dum id est, modum quo res in sacra Scriptura exprimuntur. 1mo. In illa plurima sunt, quæ prima fronte videntur contraria; prout patet, ubi de singulis Scripturæ libris agemus. 2do. Continet multa verba, & orationes ambiguas. 3tio. Orationes imperfectas. 4to. Præposteras. 5to. Phrases Hebræis proprias. 6to. Orationes plurimas figuratas, Tropos, Metaphoras, Allegorias, Hyperbata, Ironias, & alia id genus sine numero prout legenti eam patet. Atqui hæc omnia obscuritatem præ se fuerunt. Ergo &c.

Confirmatur. Ideo Metaphysica difficilior, & obscurior est omnibus aliis naturalibus disciplinis, quia causas altissimas tractat. Atqui sacra Scriptura de rebus longè altioribus agit. Ergo & ipsâ Metaphysicâ obscurior, & intellectu longè difficilior esse dignoscitur.

Denique suffragatur unanimis sacre Scripturæ Interpretum tam Catholicorum, quam A Catholicorum sententia. Si enim adeò clara est Scriptura, ad quid tot illius interpretationes & Commentaria? Unde inter ipsos A Catholicos tanta circa nonnulla

(d) Hom. 44. in Matth. (e) Ep. 2. aliis 44. ad Constantium. (f) Præfat. Comment. in Ep. ad Ephes. q. 8. (g) Quæst. 8. (h) Lib. 2. de doct. Chr. c. 6.



la Scripturæ loca exponenda diſſenſio ? Numerantur apud ipſos, ut cætera tacca-  
mus, octoginta clarorum apud nos Catho-  
licos iſtorum Chriſti verborum, *Hoc eſt  
Corpus meum* variæ interpretationes. Cla-  
ra iſta verba videntur Luthero, & ipſius  
Sectatoribus ad ſtabiliendam realem, &  
ſubſtantialem Chriſti in Euchariftia præſen-  
tiam. Ex adverſo clara videntur Calvino,  
& illius diſcipulis, ad eam rejiciendam, &  
ſolam virtutis præſentiam comprobendam.  
Quis litem hanc inter illos componet? Scri-  
ptura fortè? At de illius ſenſu controver-  
titur, & quiſque eam ad ſe inſectere ni-  
titur. Igitur infinita propemodum Scri-  
pturæ Interpretum volumina, & de illius  
ſenſu in plurimis locis inter Adverſarios ip-  
ſos excitatæ diſcordiæ totidem ſunt aperta  
obſcuritatis illius argumenta.

70 Nec valet, quod Adverſarii hac miſe-  
ra ratione ſibi videantur poſſe elabi, ut  
ſcilicet eam claritatem iis ſaltem Scripturæ  
locis tribui velint, quibus, ut ajunt, fidei  
Capitales Articuli continentur. Nam de  
ipſis etiamnum eſt controverſia, quam  
præſentia hæc Scripturæ claritas necdum  
definire potuit. Et verò, an non unitas  
eſſentiæ in tribus diſtinctis perſonis; divi-  
nitas Chriſti; ſubſtantialis, & hypſtatica  
divinitatis cum humanitate conjunctio,  
&c. ſunt articuli capitales, ſeu funda-  
mentales fidei noſtræ? Attamen non ita  
clare ac nitidè in Scripturis contineri viſi  
ſunt Arianis, Sabellianis, Neſtorianis, So-  
cinianis, quin ab iis proteçyè impugnati  
fuerint.

Ubi etiam in Scripturis expreſſè & clarè  
definitum, validum eſſe Baptiſmum ab Hæ-  
reticis collatum, nec licere illum reitera-  
re? Ubi, inquam, clarè exprimitur, Pa-  
trem eſſe ingenuum? *Patrem* inquit S. Au-  
guſtinus, (i) *in illis libris nunquam inge-  
nitum legimus, Et tamen dicendum eſſe,  
deſenditur.* Ergo patet Scripturam ſacram  
eſſe obſcuram.

Originem verò & cauſam obſcuritatis  
S. Scripturæ hanc eſſe ajunt SS. Patres, 71  
quòd nempe ſublimiora ſint, quæ conti-  
net, myſteria, quàm ut humana mens ea  
attingere poſſit. Quòd nimia ſit hominum  
corruptio, & infirmitas, quàm ut ea my-  
ſteria aſſequi, & intellectu percipere poſ-  
ſint: *Animalis quippe homo non percipit ea,  
qua ſunt Spiritus Dei*, inquit Apoſtoloſ.  
(k) Quod denique ipſe Scripturarum lo-  
quendi modus ſit obſcurus, figuratus, &  
ambiguus.

Porro ad Scripturam probè intelligen-  
dam, ſeu, quod ad idem redit, ad genui-  
num ejus ſenſum eruendum hæc præcipuè  
ſervandæ ſunt regulæ juxta SS. Patres.  
1mo. Conſerri debet cum doctrina fidei,  
& morum. 2do. Conſerri debet cum loco,  
tempore, & ſcopo perſonæ ſcribentis; per-  
ſonarum mutatio, & maxime in Prophetis  
difficilem intellectum facit, quæ ſi ſuis lo-  
cis, cauſis, & temporibus reddantur,  
plana ſient, quæ videbantur obſcura. 3tio.  
Conſerri debet Scriptura cum Scriptura,  
ſive Codex cum Codice, textus cum textu,  
id eſt, textus antecendentium & conſequen-  
tium Scripturæ locorum cum loco dubio,  
cujus genuinus, & à Spiritu ſancto inten-  
tus quæritur ſenſus; ſi enim antecedentes,  
& conſequentes textus cum illo conveniant,  
litteralis, & genuinus habebitur ſenſus.  
4to. Conſerri debet ſacra Scriptura cum  
ſanctorum Patrum ſententiis; multum enim  
juvat ad genuinum attingendum Scripturæ  
ſenſum ſanctorum Patrum ſententia; ad  
illam quippe reſpicere, & illà in ſuis de-  
ſinitionibus uti ſolet Eccleſia: unde in Con-  
ciliis ſermè ſemper proclamatum, *Hæc eſt  
fides Patrum.* Ipſi quippe velut fidei noſtræ  
depositarii, adeoque & ipſius Scripturæ  
ſenſus ſemper habiti ſunt. 5to. Denique,  
conſerri debet Scriptura cum Eccleſiæ judi-  
cio: hæc namque regula eſt omnium præ-  
cipua, quâ genuinus Scripturæ ſenſus diſ-  
cernitur, & eruitur. Eccleſia enim infal-  
libili

(i) Epistol. 238. aliàs 174. n. 6. (k) I. Cor. c. 2. v. 14.

libili pollet auctoritate verum tradendi Scripturarum sensum, prout mox demonstrabimus.

Hæ igitur sunt præcipuæ regulæ pro discernendo vero divinæ Scripturæ sensu, quæ tamen omnino inutiles evadent, nisi iis jungantur. 1mo. Fides, quia *nificredideritis, non intelligetis*, inquit Isaias. (1) 2do. Humilitas, quia *Deus superbis resistit, humilibus autem dat gratiam*. (m) Et, ubi *humilitas, ibi sapientia*. (n) Ipseque Dominus: *Confiteor tibi Pater*, inquit, o) quia *abscondisti hæc à sapientibus, & revelasti ea parvulis*. 3tio. Conscientiæ puritas, quia: *n malevolam animam non introibit sapientia, nec habitabit in corpore subdito peccatis*. (p) 4to Oratio, quia non tam à libris, quam à Deo Patre luminum, & scientiarum petenda est scientia: *Damibi intellatum, & scrutabor legem tuam: revel: oculos meos, & considerabo mirabilia de lege tua*, inquit Psalmista. (q) Unde S. Augustinus, *non solum*, inquit, (r) *admonendi sunt studiosi litterarum venerabilium, ut in Scripturis sanctis genera locutionum sciant . . . . . verum, quod est præcipuum, & maxime necessarium, orent, ut intelligant*. 5to. Assidua denique divinæ Scripturæ lectio: *Scrutamini Scripturas*, inquit ipse Christus. (s) Et Josue c. 1. v. 8. *Non recedat volumen legis hujus ab ore tuo, sed mediteris in eo diebus ac noctibus*. *Attendite lectioni*, inquit S. Paulus ad Timotheum c. 4. v. 13. *exhortationi, & doctrinæ*. Et S. Hieronymus, (t) *tenendi Codicem (Scripturæ sacræ) somnus obrepit, & cadentem faciem pagina sancta sublevari*.

73 His de sensu S. Scripturæ probè intelligendo ita prælatis, quotuplex ille sit, modò exponendum.

Ac 1mo quidem generali divisione sensus S. Scripturæ dividitur in *verum*, & *ac-*

*commodatitium*. Ille est, quem Deus in Scripturis loquens mediâtè vel immediâtè intendit, seu est id, quod Spiritus sanctus vult nobis per Scripturæ verba significare. Ille verò, qui Scripturæ verbis nec mediâtè nec immediâtè significatus ad aliquid aliud simile applicatur; quod passim apud S. Bernardum videre est. Sic etiam Ecclesiâ in Breviario, illud Ecclesiastici de Noë prædicatum, (u) *Inventus est justus, & in tempore iracundiæ factus est reconciliatio*, cuilibet sancto Confessori Pontifici adaptat. Imò nonnulli Commentatores contendunt, novi Testamenti Scriptores veteris Testamenti textibus per accommodationem aliquando uti; idque probare conantur ex Matth. c. 2. ubi, inquit, per accommodationem laudantur hæc verba Osee c. 11. *Ex Aegypto vocavi filium meum*: & hæc alia, *Vox in Rama audita est &c.* ex Jeremiæ c. 31. Item ista, *Aperiam in parabolis os meum*, quæ laudantur Matth. 13. ex Psal. 77.

Verum id absolute non concedimus; enimverò quæcunque in novo Testamento scripta sunt, ea mediâtè vel immediâtè intendit Spiritus sanctus, sive dein ex veteri Testamento illuc sint transcripta necne, quamvis per adaptationem ibi posita dignoscantur.

Ut verò sensus accommodatitius licitè Scripturis adaptari possit, hæc præcipuè requiruntur, 1mo. Ut ad res pias applicetur; scelus quippe est, Scripturas transferre ad vitia, prophana, aliaque ejusmodi; mandatque Synodus Tridentina sess. 4. *Ut omnes hujus generis homines, temeratores, & violatores Verbi Dei, juris, & arbitrii penis per Episcopos puniantur*. 2do. Requiritur, ut sensus ille non proferatur tanquam litteralis; aut mysticus. Adversus illos, qui sub hac ratione sensum accommodatium proferunt, graviter invehitur S.

G 2

Hic-

(1) C. 7. v. 9. (m) Jacobi c. 4. v. 6. (n) Prov. 11. v. 2. (o) Matth. 11. v. 25. (p) Sap. 1. v. 4. (q) Psal. 118 v. 18, & 34. (r) Lib. 2. de doctr. Chr. c. 37. (s) Joan. 5. v. 39. (t) Ad Eustochium. (u) C. 44. v. 17.

Hietonymus, Epist. ad Paulin. 3tio. Ut litteralis, aut mysticus sensus non tradataur velut accommodatitius. Peccavit in hoc Theodorus Mopsuestenus, qui ea omnia, quæ in veteri Testamento de Christo, ejusque mysteriis prædicta sunt, de eo secundum rei eventum, accommodatitè nimirum interpretabatur: sic hæc Psalmistæ verba, *Non derelinques animam meam in inferno* contendebat, prædicta esse de populo Israëlítico, non de Christo, *ad quem nihilominus*, inquebat, *propter rei eventum, hoc est, propter Christi resurrectionem Petrus Act. 2. ea per sensum accommodatitium transtulit.* 4to. Denique requiritur, ut Scripturis sensus falsus per accommodatitium non tribuatur. Contra hanc regulam peccabant Montanistæ tribuentes Montano, quæ Scriptura Paraceto tribuit. Hæc si observentur regulæ, & conditiones, tutè hujusmodi sensus Scripturæ tribui potest, non quidem, ut eo, tanquam firmo argumento, fidei & morum dogmata probentur, quippe qui à Spiritu sancto nec mediâtè nec immediâtè proveniat. Hæc de sensu accommodatitio sacræ Scripturæ.

- 74 Verus autem Scripturæ sensus generali iterum divisione distinguitur in *Grammaticalem, Litteralem, & Mysticum*. Grammaticalis est ille, qui legentibus ultrò se primùm, solòque inspectò vocum sonò ingerit: ita, cum Deum poenitentia, atque irâ tangi, cum illum ascendere, descendere, oculos & aures intendere legimus, sensus grammaticalis Deum corpore constantem, & humanis affectibus obnoxium innuere videtur: verum cum Deum humanis hisce non desineri, fide docente, teneamus; hinc sensum Grammaticalem in his rejiciendum intelligimus.

*Litteralis*, qui etiam *historicus, & æternus* dicitur, ille est, quem historia, res gestæ, & verba Scripturæ immediatè significant. Sic cum legimus Abraham duxisse Agar ancillam suam, subindè eam dimisisse; natum ex Sara Isaac, eumque circumcissione initiatum; hæc omnia litte-

rali, & historico sensu nihil aliud significant, quàm quod ipsa historia exprimit; connubium nempe Abrahami cum Agar, Ortum Isaac &c.

*Mysticus*, seu *Spiritualis* Scripturæ sensus est ille, qui non per verba ipsa, sed per rem verbis significatam nobis à Spiritu sancto notatus est. Sic, quæ ad litteram dicuntur de egressu Judæorum ex Ægypto, de transitu maris rubri, de Manna, de aqua, quæ fluxit ex petra &c. mysticè, seu spiritualiter referuntur ad Baptismum, ad redemptionem Christianorum, ad Eucharistiam, ad bona, quæ repetiuntur in Ecclesia Christi.

Sensus *Mysticus*, seu *Spiritualis* subdividitur in *Allegoricum*, seu *figuratum*; *Anagogicum* seu *congruentem*, & *Tropologicum* seu *moralis*.

*Allegoricus* indicat ea, quæ ad fidem, & Ecclesiam militantem pertinent: sic connubium Abrahamæ cum Agar ancilla sua, quod postmodum eâ propter suum filium sui criminis domo pulsâ solutum est, allegorico sensu Synagoga designat, quæ nonnisi mancipii locò habita tandem criminum suorum meritò reprobata est: Sara autem legitima & libera Abrahamæ uxor Ecclesiam, quæ Christi Sponsa est; Isaac populum electum, seu Christianum designat.

Sensus *Anagogicus*, seu *congruens* est ille, quo quædam Scripturæ phrasæ ad vitam, & felicitatem æternam traducuntur. Sic Sabbatum, sive quies à Deo Hebræis injuncta aptissimè significat Sanctorum æternam in cælo requiem. Sic etiam ingressus Israëlitarum in terram promissionis sensu mystico congruè de aditu electorum in terram viventium, cælum nempe, intelligitur.

Sensus *Tropologicus* seu *moralis* est ille, qui regulas morum rectè instituendorum ex historia atque contextu Scripturæ profert. Sic ex verbis Deuteronom. 25. v. 4. *Non alligabis os bovi trituranti*, alendos esse veritatis prædicatores rectissimè infert Apostolus I. Cor. 9. v. 10.

Sensus

Sensus ergo *Litteralis* res gestas, & historiam; *Allegoricus* res fide certas; *Anagogicus*, quæ ad felicitatem æternam spectant: *Tropologicus* verò morum regulas respicit, juxta notos versiculos: Littera gesta docet; quid credas, Allegoria; Moralis, quid agas; quò tendas, Anagogia.

Hos omnes quinque S. Scripturæ sensus, videlicet grammaticalem, litteralem, allegoricum, anagogicum, & tropologicum, unica vox *Jerusalem*, præ se ferre videtur, nam juxta grammaticalem significationem sonat *Visionem pacis*; litterali sensu est Judææ metropolis; Allegoricò militans Ecclesia; Anagogicò Ecclesia triumphans; Tropologicò autem anima justæ, cujus *Jerusalem* aptissimus typus est.

Multiplex iste sacræ Scripturæ sensus etiam manifestæ rationis loco esse potest, eam non ita claram esse, ac pertendunt Adversarii nostri, quoniam multis obscuritatibus involvi, nostrisque ideo argumentis, quibus id probavimus, stare suam firmitatem.

Qua ratione autem hæc sacræ Scripturæ obscuritas tolli, atque genuinus illius sensus haberi possit, paulò ante statutis regulis indicavimus, quarum præcipuam esse Ecclesiæ judicium ibidem quoque significavimus, utpotè, quæ infallibili polleat auctoritate, verum ac genuinum sacrarum Scripturarum sensum tradendi; cui asserto cum, licet immeritò, obstreperet Adversarii nostri, hinc illud hic paulò fusiùs stabilire operæ pretium duximus, etsi, quia cum illi prorsus coincidat, quæ præcedenti Capite circa auctoritatem Ecclesiæ in determinando earumdem sacrarum Scripturarum Canone differuimus, & probavimus, sufficienter per illa stabilitum non ineptè arbitramur, nihilominus pro majori rei claritate & robore sit

## CONCLUSIO II.

75 Ecclesia est Judex infallibilis germani ac genuini sacræ Scripturæ sensus.

Prob. Conclusio, iisdem prorsus argumentis, tum ex sacra Scriptura, tum ex sanctis Patribus, tum ex ratione petitis, quibus Cap. præcedenti ostendimus, quòd ad Ecclesiam pertineat determinatio, & definitio Canonis sacrarum Scripturarum; quippe ex quibus aptè deducitur, ad eam quoque pertinere, sensum earumdem determinare, definire, ac judicare; enimverò præcipuè ex divino duntaxat sacrorum librorum sensu Ecclesia eorumdem Canonem repetit. Quibus porro argumentis hæc addimus. Igitur

Prob. Conclusio 1mo. Ex S. Scriptura. Ex veteri Testamento. Aggæi 2. v. 12. Hic Dominus populum suum compellat: *Interroga Sacerdotes legem*. Ergo lex sacra, illiusque sensus à Sacerdotibus, seu Ecclesiæ Principibus, adeoque ab Ecclesia est requirendus.

Ex novo. Act. 20. *Attendite vobis*, inquit Apostolus, & *universo gregi, in quo vos Spiritus sanctus posuit Episcopos regere Ecclesiam Dei*. Atqui ad eos tantum spectat jus tradendi germanum sensum Scripturæ sacræ, quibus convenit jus docendi, & regendi populos: nam in jure docendi ac regendi continetur jus Scripturas explicandi. Ergo jus istud ad Episcopos, seu Ecclesiam pertinet.

Prob. 2do. Ex praxi & consuetudine 76 Ecclesiæ, quæ controversias circa S. Scripturæ sensum exortas ultimò semper definitivè judiciò; & qui illius definitioni acquiescere renuerunt, tanquam Hæretici perpetuò habiti fuere, prout innumera penè exempla nobis subministrat Historia Ecclesiastica, ad quam, temporis angustia parcere volentes, adversarios nostros remittimus, ubi argumenti nostri veritatem invenient. Atqui id Ecclesia non potuisset, si ad ipsam non pertineret, verum & germanum S. Scripturæ sensum tradere, & definire, ut patet. Ergo &c.

Prob. 3tio. Ex SS. Patribus, qui id ipsum uno ore fatentur. 1mo. S. Irenæus, 77

nus, *Non oportet*, inquit, (x) *adhuc querere apud alios veritatem, quam facile est ab Ecclesia sumere, cum Apostoli quasi in dives depositarium plenissime contulerint omnia, qua sunt veritatis. .... Propter quod oportet .... qua est Ecclesia, cum summa diligentia diligere, & apprehendere veritatis traditionem.* Ergo juxta S. Irenæum apud Ecclesiam quaerenda est S. Scripturæ sensus veritas, illiusque traditio.

2do. Ante ipsum Tertullianus docuit, (y) *Non debere cum Hæreticis disputari ex Scripturis: quia cum possessio & intelligentia vera Scripturarum sit Ecclesia Catholica, prius debet constare, qua sit vera doctrina Ecclesia, & tunc ex illa intelligenda Scriptura.*

3tio. S. Augustinus, *Scripturarum*, inquit, (z) *etiam à nobis tenetur veritas, cum hoc facimus, quod universa jam placuit Ecclesia, quam ipsarum Scripturarum commendat auctoritas.* Item, Ego verò, inquit, (a) *Evangelio non crederem, nisi me Catholica Ecclesia commoveret auctoritas.*

4to. Vincentius Lirinensis, *Quia*, inquit, (b) *Scripturam sacram pro ipsa sui altitudine non uno eodemque sensu omnes accipiunt, sed eadem eloquia aliter atque aliter alius interpretatur, ut pene quot homines sunt, tot illis sententia erui posse videantur. Atque idcirco multum necesse est, propter tantos tam varii erroris anfractus, ut Prophetica, & Apostolica interpretationis linea secundum Ecclesiastici & Catholici sensus normam dirigatur &c.* Id est, ut ipse ibidem aperte ostendit, *secundum normam sensus Ecclesia Catholica.*

78 Prob. denique Rationibus Theologicis. 1mo. Prævidit Deus, multas in Ecclesia exoriturus difficultates, & controversias circa fidem, adeoque circa Scripturarum sensum, utpotè undè veræ fidei Capita eruuntur. Ergo debuit Judicem aliquem providere Ecclesiæ suæ, qui ultimato &

infallibili judicio eas controversias finiret, verumque ac germanum Scripturæ sensum aperiret. Atqui talis Judex est Ecclesia; quippe quæ est columna & firmamentum veritatis, & cui Christus usque ad finem mundi se adfuturum, & adversus quam inferi portas nunquam prævalituras esse promissit. Ergo &c.

2do. Si non esset aliqua externa auctoritas, nempe Ecclesia, quæ posset tradere certum Scripturarum sensum, tunc Deus videretur malè consuluisse electorum salutem. Atqui hoc dicere est impium. Ergo &c. Prob. sequela Maj. 1mo. Ex electis plures sunt, qui Scripturarum sensum examinare non valent, aut præ linguarum imperitiis, aut præ mentis hebetudine. 2do. Ex electis nonnulli sunt, qui adhuc in hæresi degunt. Atqui hi converti non possent ex defectu auctoritatis ejusdem externæ, à qua fidei doctrinam sacræ Scripturæ contentam acciperent. Ergo necessaria est hujusmodi auctoritas, à qua Scripturæ sensum accipiant. Hæc autem auctoritas in sola Ecclesia residet &c.

3tio. In judiciis profanis & secularibus necessarius est Judex vivus, qui ex lege ejusque sensu à se exposito inter litigantes sententiam ferat, cui illi acquiescere tenentur. Ergo etiam multo fortiori ratione, in judiciis Ecclesiasticis fidemque spectantibus, necessarius est vivus Judex, qui Scripturæ, quæ fides continetur, sensum explanet, atque juxta illum sententiam inter litigantes pronuntiet, cui illi acquiescere teneantur. Subsum. Atqui talis Judex est sola Ecclesia. Ergo &c. Certè nullam hæc disparitatem asserere poterunt Adversarii. Ergo &c.

4to. Prob. argumentò ab ipsis Adversariis subministrato. Calvinistæ ipsi ad auctoritatem plenariæ Synodi Dordracenæ, quæ Ecclesiam, seu potius locietatem suam velut exhibebat, confugerunt, ut exor-

tam

(x) Lib. 3. adv. hæref. c. 4. (y) De præscript. (z) Lib. 1. cont. Gescon. c. 31. (a) Cont. Epist. fund. c. 5. (b) In Commonit.

tam inter (c) *Arminianos* seu *Remonstrantes* ex una parte, & *Gomaristas* ex altera molestam de gratia & prædestinatione controversiam, ex vario Scripturæ sensu profectam dirimerent. Quin & in Synodo Alecienſi Anno 1620. in Galliis celebrata decretum est, ut omnes, & singuli juramentò affirmarent, se statuta Dordracena, quibus Scripturæ sensus circa gratiam & prædestinationem exponebatur, recipere, ac doctrinam Arminianorum rejicere. Et Cap. 5. Disciplinæ Ecclesiasticæ, Art. 31. Ubi sermo est de dissidiis, quæ circa doctrinam vel disciplinam Scripturæ sensus expositione confirmatas oriri possunt, dicitur, quòd, si neque privata monita, neque colloquium, neque provincialis Synodus finem his controversiis imponere poterint, ad Synodum Nationalem causa sit remittenda, ut ibi supremò ac definitivò judiciò finiatur, lege omnibus imposita, ut Concilii statutis se se subjiciant; sin' verò reluctentur, ejiciantur ab Ecclesia. Ergo ipsimet Adversarii nostri Controversias de fide, adeoque de Scripturæ sensu Ecclesiæ committunt, quæ illas definitivò judiciò definiat, sensumque Scripturæ circa illas determinet. Ergo sola Ecclesia pollet auctoritate Scripturæ sensum determinandi, & definiendi.

### Solvuntur Objectiones

#### Contra primam Conclusionem.

Ob. 1mo. Illud Deuteronomii 30. *Mandatum, quod ego tibi præcipio hodie, non est supra te, nec proculpositum, nec in*

*colo situm, neque trans mare &c.* Atqui hoc textu innuitur facilitas intelligendi Scripturam, quæ hic *Mandati* nomine designatur. Ergo &c.

Resp. Neg. min. Locus enim iste non 79 agit de facilitate intelligendi Scripturas, sed de facilitate implendi præcepta Decalogi, quæ *Mandati* nomine duntaxat intelliguntur, vel ea percipiendi, utpotè naturalia jam cuivis cordi inscripta; & quæ Moyses Judæis jam explicaverat, ipsique se percipisse falsi fuerant, ac observatos promiserant.

Ob. 2do. Illud Psal. 18. *Præceptum 80 Domini lucidum illuminans oculos.* Et illud Psal. 118. *Lucerna pedibus meis verbum tuum.* Item illud Prov. 6. *Mandatum lucerna est, & Lex lux.* Ergo &c.

Resp. Hic non agi de universis Scripturis, sed tantum de præceptis Domini, quæ dicuntur lucida, lucerna, & lux, quòd intellecta dirigant hominem in operando. Vel si de universis Scripturis hæc loca intelligi contendas; dicimus, eas esse lucidas, imò lucernam, & lucem, non quòd facile intelligantur, sed quòd intellectæ mentem illutrent.

Ob. 3tio. Matth. 5. *Vos estis lux 81 mundi,* inquit Christus discipulis suis. Ergo & eorum prædicatio, & Scripturæ erunt clarissimæ.

Resp. Neg. conf. Loquitur hic Christus de luce exemplorum probitatis, & morum, unde statim subdit: *sic luceat lux vestra coram hominibus, ut videant opera vestra bona.* Vel si eum de luce doctrinæ loqui velis, id ita intelligimus, ut Apostolorum

(c) Arminiani ab Arminio Universitatis Lugdunensis Batavorum Professore sic dicti, qui cùm doctrinam Calvinì de gratia & libero arbitrio omnino improbabilem sensisset, ad doctrinam Ecclesiæ rediit, contendique, dari gratiam universalem omnibus hominibus concessam; atque in hominis potestate & arbitrio semper esse gratiam respondere, aut eidem consentire &c. Eidem obstitit Gomarus, unde Gomaristæ, atque rursus est post Calvinum, & cum omnibus Calvinistis, dari gratiam particularem solis prædestinatis concessam, necnon decretum positivum tum reprobationis pro aliquibus, quàm prædestinationis pro cæteris. Quam Gomari opinionem amplexa est Synodus Dordracena anno 1618. celebrata, atque Arminii doctrinam damnavit. Allo nomine Arminiani *Remonstrantes* dicti fuere, barbarà quidem & à Gallico transumptà dictione, ob libellum, cui gallicum præferece titulum *Remonstrance*, Belgii federati ordinibus seu statibus universis ab ipsa oblatum, in quo præcipuos fidei suæ articulos exponebant.

lorum Scripturæ ſemel intellectæ mentem illuſtrent, & ab ea errorum tenebras procul arceant, non quòd ad intelligendum ſint faciles.

- 82 Ob. 4to. Summa totius Scripturæ, quæ in præceptis Decalogi, ſymbolo, oratione Dominica, & Sacramentis conſiſtit, habet in Scripturis apertiſſima teſtimonia. Ergo eſt apertiſſima.

Reſp. Neg. ant. Si enim tam clara eſſent in Scriptura teſtimonia de omnibus e. g. Symboli articulis, & Sacramentis, momentò omnes de illis controverſiæ finiſſentur. At non ita eſt; graviſſimæ enim extant controverſiæ de Symboli articulis, ac Eccleſiæ Sacramentis, non modò Catholicos inter & A catholicos; ſed & hi inter ſeipſos circa ea diſſident. Cæterùm apertum eſt, vaticinia Prophetarum, Canticum Canticorum, Apocalypſim, & alia quamplura, quæ Scripturæ ſacræ continentur, eſſe obſcuriſſima.

- 83 Ob. 5to. Hoc diſcrimen inter novum & vetus Teſtamentum intercedit, quòd in veteri Scriptura fuerit liber ſignatus; (d) in novo autem ſit apertus. (e) *Aperuit enim agnus occiſus librum, & in morte Domini velum Templi ſciſſum eſt.* Ergo &c.

Reſp. Diſcrimen utriusque Teſtamenti in hoc conſiſtit, quòd in veteri non ſolùm ſententiæ Scripturarum, ſed etiam myſteria Chriſti non intelligerentur, quia omnia erant tecta figuris; & propterea dicitur Iſaïæ 29. *Liber ſignatus* tam ſcienti litteras quàm neſcienti. At in novo Teſtamento, quia Chriſtus implevit figuras, & prophetias; etſi multi non intelligant ſententias Scripturarum, intelligunt tamen ipſa myſteria redemptionis.

- 84 Ob. 6to. S. Auguſtinus hæc eloquitur: (f) *Magnificè, & ſalubriter Spiritus ſanctus ita Scripturas modificavit, ut locis apertioribus ſani occurreret, obſcurioribus autem ſaſtidia detergeret, nihil enim ſerè de illis obſcuritatibus eruit, quod non pluriſimè dictum alibi reperiat.* Ergo juxta S. Auguſtinum Scripturæ plerumque ſunt cla-

ræ, & ſi quæ in eis obſcuriora quædam occurrunt loca, ab aliis illuſtrantur.

Reſp. Neg. conſ. S. Auguſtinus hæc non loquitur de omnibus Scripturæ locis, addit quippe iſtud adverbium *ſerè*: nec immeritò, nam quidam reperiuntur in Scriptura textus obſcuriſſimi, qui per alios nequaquam explicari poſſunt, ut magna pars Apocalypſis, principium, & finis Ezechielis, &c. Deinde hoc ipſum eſt difficile, invenire nimirum id, quod uno loco obſcuriſſimè dicitur, ubinam apertè dicatur: alioqui quomodò diceret idem S. Doctor, (g) *ſe plura in ſacris litteris neſcire, quàm ſcire?* Quin etiam, quòd loca illa, quæ uni videntur apertiſſima, alteri obſcura videantur.

Ob. 7mo. S. Chryſoſtomus Hom. 3. de Lazaro, poſtquam oſtendit, Philoſophos obſcurè locutos eſſe, addit, Apoſtolos verò & Prophetas omnia maniſeſta, & clara ſciſe, ac expoſuiſſe, ut per ſe quiſque diſcere poſſit ea, quæ dicuntur, ex ſola lectione. Et Hom. 3. in 2. ad Theſſal. ait, *omnia clara eſſe ex Scripturis divinis.* Ergo &c.

Reſp. Chryſoſtomum ad excutiendum teporem multorum, qui poſſent, ſi vellent, magno cum fructu Scripturas legere citatis locis uti amplificationibus. Nam alioqui iſſdem locis affirmat, Scripturas eſſe difficiles. Item Hom. 10. in Joan. monet auditores, ut, antequam ad concionem veniant, lectionem prælegant, & quæ obſcura ſunt, notent, ut à Concionatore explicationem accipiant. Denique Hom. 44. in eundem, clariſſimè docet, Scripturas eſſe obſcuras, ut ſupra adnotavimus.

Ob. 8vo. Patres probant ſententias ſuas ex Scriptura; ſed non debet probari notius ex minus noto. Ergo Scripturæ ſunt clariores, quàm Commentaria Patrum.

Reſp. Notiorem eſſe Scripturam Patrum ſententiis notiâ veritatis, quæ videlicet mentem magis ad ſui aſſenſum trahat, non verò notiâ verborum, quæ in perſpicuitate ſententiarum conſiſtit. Patres ergo ſenten-

tias

(d) Iſaïæ c. 29. (e) Apocalyp. 5. (f) L. 2. de auct. Chriſt. c. 6. (g) Ep. 119 c. 21.

tias suas Scripturarum testimoniis confirmant, quia notius est, verum esse, quod in Scripturis habetur, quàm quod habetur in Patribus; & tamen iidem Patres Commentariis suis Scripturas illustrent, quia verba illarum sunt obscuriora, quàm Patrum verba.

- 87 Ob. 9no. Patres primitivæ Ecclesiæ sine Commentariis Scripturas legerunt, & iidem postea fecerunt omnes alii veteres. Ergo & nos easdem sine Commentariis legere possumus, adeoque sunt claræ.

Resp. neg. ant. Idem enim nullò argumentò firmari potest, quin contrarium innumeris penè exemplis demonstrari possit.

Dicimus ergo, primos Patres, qui ipso Apostolorum tempore, vel statim post Apostolos floruerunt, non quidem legisse Commentaria, quippe cum nulla essent; sed tamen adhibuisse viva Commentaria, Apostolos nempe, & eorum Discipulos, nec propriò ingenio Scripturas intelligere voluisse. Ita de se ipsis testantur inter alios Papias apud Eusebium (b), & Clemens Alexandrinus, lib. 1. Strom. Deinde Justinus, & Irenæus cœperunt Commentaria scribere in divinas litteras, prout refert Hieronymus (i); similiter quoque posteriores antiquorum Scripta evolvere inceperunt, quod de Basilio, & Gregorio scribit Rufinus (k), & de se ipso Hieronymus. (l) Et deinceps multi alii.

- 88 Ob. 10mo. Si Scriptura esset obscura, videretur Deus studio voluisse decipere homines, tali adhibito loquendi modo, quem sciebat, non facile ab eis intelligi posse. Atqui hoc dicere sapit impietatem, & blasphemiam. Ergo &c.

Resp. 1mo. retorq. arg. quoad illas Scripturæ partes, quas ipsimet Adversarii obscuras esse fatentur coguntur, ut sunt Prophetiæ, Psalmi, & alia quamplurima

P. Cartier Theol. Tom. I.

veteri Testamento contenta, imò illud ferè totum, ut quod nonnisi umbra fuerit, & figura intuitu novi. In novo autem Testamento Parabolæ Evangelicæ, quarum sensus & explicatio non ubique obvia est; & ut alia prætermittamus, Apocalypsis, quam se non intelligere ultro fassus est Lutherus. Quis autem inde concludat, Deum nos decipere voluisse?

Resp. 2do. Deo fuisse liberum, nobis hoc, vel alio modo, magis, vel minus clarè loqui in Scripturis; cujus rei si rationem à nobis expetas, tibi cum Augustino respondebimus, hic totam facti rationem esse potentiam agentis; Deique voluntatem, & sanctissimum beneplacitum adoramus. Duas tamen obscuritatis Scripturarum rationes supra ex auctore Operis imperfecti adnotavimus, quas vide.

### Solvuntur Objectiones

#### Contra secundam Conclusionem.

Ob. 1mo. Illud Isaia c. 54. v. 13. *Populus enim universus filios tuos doctos d. Domino.* Ad quod referri potest illud Joannis c. 6. v. 45. *Erunt omnes docibiles Dei.* Ergo quilibet esse potest iudex veri ac genuini Scripturæ sensus.

Resp. neg. conf. Non loquitur hic Isaïas, nisi vel de doctrina Evangelii, quam Deus ipse, Christus scilicet, prædicavit & docuit, prout hoc loco exponit Cyrillus. Vel de gratia Spiritus sancti, quæ homo movetur, & suaviter impellitur ad credendum, & amandum, ut exponit Augustinus. (m) Et hoc etiam sensu intelligendus est adductus textus Joannis.

Ob. 2do. Illud Jerem. c. 13. v. 34. *Non docebit ultra vir proximum suum, & vir fratrem suum dicens, cognosce Dominum, omnes enim cognoscent me d. minimo eorum usque ad maximum.* Paulò ante

H

(b) Lib. 3. Hist. c. ult. (i) De Vir. Illust. in Joan. (k) Lib. 11. Hist. c. 9. (l) Præfat. in Com. ad Ephes. (m) Lib. de grat. Christi. c. 12. & 13. & 14. Item Tract. 3. in Ep. S. Joan. n. 13.



ante dixerat Dominus (n); *Dabo legem meam in visceribus eorum, & in corde eorum scribam eam, & ero eis in Deum.* Ergo &c.

Resp. 1mo. cum S. Augustino (o); illis verbis *dabo legem meam* &c. significari gratiam novi Testamenti, fidem nempe per charitatem operantem, quam Deus diffundit in cordibus nostris, ut non solum sciamus, sed impleamus divina mandata. Illis autem: *Et non docebit ultra* &c. Significari præmium fidei, beatitudinem scilicet, in qua omnes electi videbunt Deum facie, ad faciem.

Resp. 2do. Hic Propheta non loquitur de mysteriis absconditis Scripturarum, sed de cognitione unius Dei; quam Prophetiam adimpletam cernimus. Nam Gentiles, & Idololatæ conversi sunt ad fidem, ipsique Judæi olim ad idololatriam proclives, & Turcæ, licet impii, unum Deum nobiscum colunt.

92 Ob. 3tio. Illud Matth. c. 23. v. 8. *Vos autem, ait Christus ad Discipulos suos, nolite vocari Rabbi, unus est enim Magister vester Christus.* Ergo ab ipso solo, non ab Ecclesia seu Ecclesiæ Præpositis, qui perperam hic sibi Magistrorum officium arrogat, sensus Scripturæ expectandus est.

Resp. neg. conf. Non prohibet Dominus nomen & officium Magistri, sed honoris illius ambitionem, & affectationem. Apostolus enim ipsemet se Doctorem & Magistrum Gentium appellat, 2. ad Timoth. 1. Ergo locò citatò Christus monet duntaxat Discipulos suos, ne ad imitationem Scribarum, & Phariseorum primas ambirent Cathedras, & affectarent salutari ab hominibus *Rabbi*. Deus equidem solus Magister est, dum per seipsum interioris gratiæ influxu mentem illustrat, ad voluntatem movet, quando Pastores, & Doctores exterius insonant, verbum Dei annuntiando: nisi enim Deus ad ex-

ternam verbi sui prædicationem aures cordis interiori aperiat, evanescit illa, ac planè inutilis ad salutem evadit. Ita S. Augustinus. (p)

Ob. 4to. Si à Judicio Ecclesiæ verus 93 Scripturæ sensus pendet, tunc pendet à verbo hominum. Atqui hi sunt fallibiles. Ergo debilissimò nititur fundamento.

Resp. Verbum Ecclesiæ non esse omnino verbum hominum, id est, verbum errori obnoxium, sed aliquo modò verbum Dei, prolatum nempe assistente, & gubernante Spiritu sancto, prout ipsimet testati sunt Apostoli simul congregati Act. 15. v. 28. *Visum est Spiritui sancto, & nobis* &c.

## CAPUT VII.

### De variis sacrae Scripturae editionibus, & versionibus.

DE variis sacrarum Scripturarum editionibus & versionibus præsentì Capite 94 acturis nobis animus non est, illas omnes omnino commemorare, quæ variis temporibus, variisque linguis lucem publicam aspexere. Cum enim eas penè sint innumerae, neque earum, etsi proluxa, quædam nomenclatura adeò magnam utilitatem præ se latura videatur, meritò huic labori superfedimus, eoquò institutioni nostri rationem excedere videatur; breves enim, quantum licet, & utiles duntaxat esse cupimus.

Igitur eas solummodò sacrae Scripturae editiones, & versiones hic referemus, quarum fecit mentionem Bellarminus. (q) Reliquarum Catalogus videri potest apud P. le Long Oratorii Presbyterum, Librò, cui titulum fecit, *Bibliotheca Sacra*, & apud D. Calmet in *sua Bibliotheca Sacra*, quam suo Biblico Dictionario præfecit, & in eodem Dictionario verbo *Biblia*.

De

(n) Ibid. v. 23. (o) Lib. de Spir. & lit. c. 24. (p) Tract. 3. in Ep. Joan. n. 15. (q) De Verb. Dei lib. 2.

De Editione Scripturarum Hebraica.

Omnes veteris Testamenti Libri ab Auctoribus suis conscripti fuerunt lingua Hebraica præter quasdam lib. 1. Esdræ, & Prophetiæ Danielis partes, quas Chaldaicæ, vel Græcæ exaratas vult D. Calmet, prout ipse ad nos olim scripsit.

Addimenta verò Esther, item Baruch, Judith, & Ecclesiasticus etiam Chaldaicæ, vel Syriacæ conscripti sunt, sicut & Machabæorum liber primus. Secundum verò Græcæ exaratum dicit laudatus Calmet. Denique Sapientiæ liber Græcæ etiam exaratus fertur.

At ex novi Testamenti libris solum Evangelium S. Matthæi Hebraicò, seu Syriacò, vulgari tunc temporis in Judæa idiomate exaratum perhibetur; reliqui omnes Græcæ ab Apostolis conscripti, & editi fuere.

De Versione Chaldaica.

96 Chaldaæ Versiones Pentateuchi vetustissimæ censentur, inquit Calmet (r); nec defunt eruditi, qui eas Christi adventu anteriores velint, posteriores tamen esse constat, inquit idem Calmet. (s)

Sed præter eos libros, qui Chaldaico sermone editi sunt, ut Tobias, Judith, pars Esdræ, & Danielis, hæc Chaldaica interpretatio est potius continuata paraphrasis, seu explicatio, quàm litteralis Hebraici textus versio, ut & eam *Targum*, quod nomen expositionem, & explanationem sonat, nuncupant.

Tradit laudatus Calmet (t), has Scripturæ expositiones exaratas fuisse Chaldaica lingua, seu vernacula Judæorum post captivitatem Babyloniam. Tunc enim Chaldaica lingua familiarior cœpit

esse apud Judæos, quàm Hebraica, adeò, ut cum textus Hebraicus Scripturæ in Templo, sive in Synagoga legeretur, explanationes Chaldaicæ in favorem vulgi maternam linguam parùm collentis adjungerentur.

Conjectura est, hæc etiam Esdræ ætate jam servari consuevisse, quòd ille legem populo in templo recitans (u), simul unacum cæteris Sacerdotibus assistentibus illam populo explicaret; sive tunc lingua Hebraica, sive, quod verissimilius est, Chaldaica, vel Syriacæ uteretur; Syriaca enim, & Chaldaica linguæ tum temporis erant affines (x); Nam lib. 1. Esd. c. 4. v. 7. Et 4. Reg. c. 18. v. 26. Danielis item c. 2. v. 4. Lingua Chaldaica appellatur *Aræma*, seu *Syriaca*. Et etiamnum hodie ambæ hæ linguæ valde inter se conformes habentur.

Quamvis autem expositionum Chaldaicarum mos diu apud Judæos obtinuerit, nullæ tamen extant scriptæ paraphraes, nisi quas Rabbi Aquila, qui Chaldaicè *Onkelos* dicitur, & Jonathan Uzelis filius, & Josephus cæcus ediderunt.

Jonathan sub Herodæ triginta ante Christi adventum annis vixisse fertur. Fusò stylò majores, & minores Prophetas exponit, opusque suum Judaicis fabulis, & (y) Thalmudistarum nugis conspergit, quod verissimum esse, experimentò comprobaturum, ait Bellarminus (z), illum, qui illud legere voluerit.

Ferunt, Doctores quosdam Hebræos Jonathã septingentis annis recentiores Operi ipsius aliquid addidisse, fortè in Pentateuchum paraphrasim, quam ipsi falsò adscribi ait Calmet; ex qua fortè Bellarminus eos lapsus, quos commemorat, desumpsit.

Onkelos Jonathã recentior, creditur JESU Christi ætate floruisse. Nonnisi Pen-

H 2 tateu-

(r) Dict. Bib. Verb. *siblia*. (s) Ibid. Verb. *Perfones Chaldaæ*. (t) Ibid. Verb. *Targum*. (u) Esd. 2. c. 8. v. 9. (x) 2. Esd. c. 4. v. 7. (y) *Thalmud* liber est continens explanationem legis Judaicæ, unde *Thalmudistæ* dicuntur ii, qui hujus libri dogmata sequuntur & exponunt. (z) Lib. 2. de Verb. Dei.

tateuchum exponit. Ipsi Targum (a) præ cæteris est in pretio; singulis Hebraici textus versus Chaldaica paraphrasi subiungitur; & adeò concisus, & simplex est, ut in suspensionem corruptionis nunquam venire possit, necnon tam exultò stylò utitur, ut ferè eandem præ se ferat Chaldaicæ linguæ puritatem, ac Daniel, & Esdras.

Josephus verò cæcis ætate, & pretiò, sicut & stylò cæteris longè inferior, Chaldaico quidem idiomate, sed barbarorum vocabulorum admixtione corruptissimo, utitur. In Psalmos, in Job, Proverbia, Canticum Canticorum, Ecclesiasten, Ruth, & Esther commentatus est.

Præter hæc aliud adhuc circumfertur Targum, quod Jerosolymitanum nuncupatur. Pentateuchum non excedit, quin nec integrum est, & absolutum, versibus quandoque mancum alios transponit, alios mutilat; unde facilè oritur suspicio, fragmentum esse alicujus veteris paraphrasis, quæ fortè periit.

97

### De Versione Syriaca.

Lingua Syriaca proles quædam est Hebraicæ, & Chaldaicæ, aut fortè una eademque cum Chaldaica antiqua. Hebræi enim captivi Babylonem abducti paulatim oblivioni traditâ maternâ linguâ, & propriâ Hebraicâ addiscere cœperunt idioma Chaldaicum, cui cum ex Hebræo nativo semper aliquid admiscerent, tertia quædam lingua ex ea permixtione orta est, quæ à regione, ubi maximè in usu erat, Syriaca, vel etiam, quod eâ Hebræi uterentur, atque apud ipsos vulgaris esset, Hebraica est nuncupata.

Extat quædam Syriaco idiomate conscripta, & ab Hebræo deprompta veteris Testamenti versio, cujus Patres Græci sæpius meminerunt. Albertus quoque

Widmestadius Ferdinandi Imperatoris quondam Cancellarius, primus in Europa Testamentum novum Syriacum typis dari curavit.

### De variis Græcis Versionibus.

98

Clemens Alexandrinus cujusdam Græcæ veteris Testamenti Editionis meminisse lib. 1. Strom. quæ, priusquam Alexander Magnus rerum potiretur, incerto Auctore prodiit, & ex qua Plato, cæterique Philosophi non pauca hauserunt. Ad eam alludere videtur Josephus (b), quando narrat, Theopompum, & Theodectea divinitus punitos fuisse, quòd suis historiis, & poematibus inserere tentassent nonnihil ex sacris Bibliis Græcis videlicet, nec enim Græci solebant addiscere linguam Hebraicam. Item lib. 1. cont. Apion. asserit, Platonem in suis libris de legibus Moysem expressisse: Scripturam ergo Græcè editam legerat Plato, quippe qui Hebraici idiomatis ignarus erat.

Idem tumentur Patres apud S. Augustinum (c), qui passim asserunt, Pythagoram, & Platonem multa ex Moysi, & Prophetarum libris hausisse.

At cum vitiosa esset, nec omnes complecteretur sacre Scripturæ libros, incertumque referret auctorem, succedente deinde celeberrimâ illâ septuaginta Interpretum veteris Testamenti Versione, primum negligi cœpit, ac tandem omnino evanuit. Ita sentiunt Patres.

Ordine ergo secunda, at meritò & dignitate omnium Versionum Græcarum veteris Testamenti prima agnoscitur illa, quam ferunt à septuaginta Hebræis Interpretibus factam Alexandriæ, regnante ibidem Ptolomæo Philadelpho Ptolomæi Lagi filio.

Hujus Versionis historia legitur in libello aliquo, qui Aristæ cujusdam nomen

(a) Targum nomen, quod Judæi tribuunt Glossis suis & Paraphrasi Chaldaicæ in Scripturam sacram.

(b) Antiquit. lib. 12. c. 2. Ex Aristæ historiæ, quam commendatam plures eruditi censent.

(c) Lib. 18. de civ. c. 11.

men præfert, quem dicunt fuisse unum ex Legatis, quos idem Ptolomæus Hierosolymam hac de re miserat. Libellus iste extat nunc græcis, latinis, & hebraicis litteris excusus; necnon græcè & latine Bibliothecæ Patrum insertus est (d); nihilominus plures eruditi hanc nostrâ ætate dubitant, num libellus iste, qualis adhuc circumfertur, suppositicius non sit. Profecto illum non omnino sincerum opus esse suspicatus est S. Augustinus lib. 18. de Civ. c. 4. quem secutus est Salmeron. (e). Alii volunt, antiquum quidem opus esse, sed merum commentum à quodam Hellenista Alexandrino confectum, quod versione à suis concivibus editæ auctoritatem conciliaret. Certè vel ipsa hujus historiæ lectio id persuadere videtur.

Quidquid sit, hanc tamen Versionis istius historiæ crediderunt, necnon memoriæ mandarunt Josephus, lib. 12. Antiq. Philo, lib. de vita Moysis. Illius quoque meminerunt Eusebius, lib. 8. præpar. Evang. c. 1. Irenæus, lib. 3. c. 25. Justinus, Apolog. 2. Clemens Alexandrinus, lib. 1. Strom. Tertullianus, Apolog. c. 18. Augustinus, lib. 8. de civ. c. 11. & lib. 2. de Doct. Chr. c. 15. Bellarminus etiam hanc Aristæ historiæ veram esse asserit (f), pluresque alii in hac sententia versantur. At plerique Recentiores eam velut meram fabulam penitus rejiciunt, & explodunt.

En verò historiæ, prout in Aristæ legitur, epitomen. Cum Ptolomæus Philadelphus Rex Ægypti Alexandriæ magnificam Bibliothecam extruxisset, eique Demetrium Phalerum præposuisset, hic Regi suo Auctor fuit, ut illuc sacros Judæorum libros deferri, necnon græco idiomate donari curaret in Bibliotheca sua reponendos. Placuit Regi consilium, atque igitur destinatis ad Eleazarum tunc temporis summum Judæorum Sacerdotem

legatis, oblatisque muneribus regia liberalitate dignis, petiit ab ipso, ut viros adornandæ ex hebræo in græcum sacrarum litterarum versioni aptos Alexandriam mitteret. Eleazar Regi obsequendū ratus, delectisque ex unaquaque Tribu sex viris versioni huic adornandæ peritissimis, qui septuaginta, vel septuaginta duorum numerum compleverunt, unâ illis volumen legis tradidit aureis litteris exaratum, cujus membranæ mira arte erant inter se contextæ, atque in Ægyptum ad Regem misit, adjectis litteris, quibus & Regiam ipsius liberalitatem, in Deum Religionem, & in Judæos clementiam meritis laudibus efferebat. Comiter excepti sunt à Philadelpho viri isti, simulque religiosè obsequiō Sanctos libros observans, septies in terram usque pronus adoravit. Codicis etiam elegantiam, aurearum litterarum tenorem simul, & picturarum venustatem plurimum laudavit; & postquam aliquot diebus lautissimis conviviis illos recreasset, necnon pluribus enigmaticis quæstionibus tentasset, ad adornandam versionem dimisit. Igitur eos Demetrius Phalerus Bibliothecæ Regiæ Præfectus in Insulam Pharon per pontem septem stadiorum deduxit, ut ibi à tumultu, & strepitu hominum secreti librorum sacrarum versioni toti vacaret, quæ deinde septuaginta, vel septuaginta duorum dierum spatio, pro numero scilicet Interpretum, ab ipsis confecta est. Peractum opus Demetrio tradiderunt Interpretes in cœtu Judæorum Alexandrinorum legendum, probandumque. Omnium assensu tanquam recta, & fidelis excepta versio, utque ei inviolata adderetur auctoritas, anathema pronuntiatum in eos, qui temerario ausu in eam manum movere audent. Rex his omnibus compertis delectatus plurimum, simulque libri lectione audita, sapientiam

H 3

(d) Tom. 13. pag. 856. edit. Paris. an. 1654. (e) Proleg. 6. (f) Lib. 2. de Verb. Dei c. 6.

tiam Legislatoris admiratus est, versionemque in sua Bibliotheca recondendam solertique cura servandam tradidit; cum prius Judæis dedisset facultatem, illius plura sibi exscribendi apographa; Interpretes ditissimis donatos muneribus in Judæam remisit, necnon in præstiti officii gratiam viginti Judæorum apud se captivorum millia in libertatem asseruit. Hæc historiæ ab Aristæa circa septuaginta Interpretum sacre Scripturæ versionem conscriptæ epitome.

Philo hanc etiam historiam refert (g), quam contigisse vult sub Ptolomæo Philadelpho tertio ab Alexandro Ægypti Rege. Memorat etiam, Regem viros illos pluribus ænigmaticis quæstionibus tentasse, simulque illorum responsiones attexit. Addit præterea, eos, dum Versioni incumbere, ita divino Spiritu affatos fuisse, ut omnes eadem scriberent, non secus ac si invisibiliter ipsis dictata fuissent. Postmodum verò ait (b), eam fuisse Judæorum Ægyptiorum pro hac versione Legis lætitiâ, ut annuâ solemnitate ejus memoriam celebrarent. Singulis igitur recurrentibus annis in Insulam Pharon se conferentes, alienigenis etiam pluribus Religionis gratiâ comitantibus, post obsequia ritè perfoluta convivii pietatis eos instituisse in tentoriis, in littore, in sabbulo, locum virorum præsentia Religiosum venerantes.

100 Nihilominus, prout jam memoravimus, plurimis eruditis viris hæc historia commentum videtur à Judæis Alexandrinis confictum, quò Græcæ suæ versionis auctoritatem conciliarent. Cum enim, inquirunt, hebræâ linguâ haud amplius uterentur, sed græcâ; comparandi erant sacri Codices, qui græcè essent exarati, & quia sub gravi interminatione Hebræis inhibicum erat, ne aliâ, quàm maternâ, linguâ sacros libros donarent, aut donari permitterent, inde fingenda erant historia,

quæ portentum quoddam & prodigium referens, libris auctoritatem & firmitatem tribueret, simulque Interpretem à poena liberaret.

Nec desunt ipsi argumenta, quibus opinionem suam stabiliant. Ajunt enim 1mo. Quòd Scriptores eandem referentes historiam inter se non consent; aliter enim eam refert Aristobulus, aliter Josephus; non eadem narrat Philo. Justinus dicit, ad Herodem Regem Judæorum à Ptolomæo missos fuisse Legatos, ubi in intolerabilem anachronismum labitur: Aliqui septuaginta vel septuaginta duas cellulas numerant, quibus singulos; alii tantum triginta sex commemorant, quibus singulis binos Interpretes inclusos fuisse volunt, cum tamen hujus rei apud Aristæam nulla fiat mentio.

2do. Quòd ipsorum Chronologia omnino ab Originali Hebræo discedat, atque sex Patriarchis, qui ante diluvium vixerunt, plures, quàm centum ætatis annos tribuant, priusquam ipsis proles nascerentur; unde quorundam eruditorum conjectura est, id ex industria factum esse, voluisseque Judæos Alexandrinos Moysis libros adaptare Ægyptiorum Annalibus, qui mundo antiquiore ætate adstruebant, quàm Moyses eidem in sua historia tribuerit, quamvis tamen, admittens etiam septuaginta Interpretum Chronologiâ, hic Hebræos mirè ab Ægyptiis abesse constet.

3tio. Quòd Hebræico textu etiamnum reluctante, hi Interpretes in sua versione quoad pondera, mensuras, & monetas usum Alexandrinum secuti fuerint; unde quia civitatis istius drachma duas Palestinæ æquabat, monetam, quam Josephus, & Evangelistæ Tetradrachmam vocant, ipsi didrachmam nuncupavere.

4to. Quòd Aristæas, cum Ethnicus fuerit, tamen in memorata sua historia, quâ studiò, quâ stylò ineptè satis Judæum se prodatur.

5to.

5to. Quòd Ptolomæum Philadelphum tanquam sapientissimum, & religiosissimum Principem, Dei, ejusque Templi, ac Scripturarum observantissimum Aristæas exhibeat; cum tamen corruptissimis moribus illius fuisse historici memoria proditum sit.

6to. Quòd Demetrium Phalerum inducat tanquam Philadelphi Regis gratiæ, & favore potentem; cui tamen Regem hunc insensissimum fuisse compertum habemus, quòd Ptolomæo Lagi illius genitori auctor fuisset, ut à Regni successionem eum excluderet; undè factum, ut Philadelphus vix rerum potitus Demetrium amandaret in exilium, ubi mœrore & desperatione actus, mortem aspiciens morfu sibi ipsi conscivit; prout refert Hermipus in Diogene Laërtio.

7mo. Quòd non potuerint ex qualibet Tribu deligi sex viri, qui in Ægyptum ad interpretandos sacros libros mitterentur, cum à tempore dispersionis Judæorum solæ tribus Benjamin, & Juda in Judæa remanserint.

8vo. Quòd pons ille, quo Pharon Insulam Alexandriæ junctam fuisse commemorat Aristæas, teste Ammiano Marcelino Cleopatæ opus fuerit, quæ longè post Ptolomæi Philadelphi tempora vixit.

9no. Quòd idem ubique stylus in hoc Aristææ libello reperitur, hebraïsmis redundans, nec exceptis quidem litteris Philadelphi ad summum Pontificem; uti & hujus ad Regem; supplicique ad Philadelphum Demetrii Phaleri libello.

10mo. Quòd Judæos hebraizantes tantus hujus Versionis horror ceperit, ut in ejus memoriam, conceptumque de ea mœrorem jejuniis quotannis die octava mensis Thebet, Decembri nostro respondentis, instituerint, atque Calendario suo inseruerint, illudque semper servaverint, libertatem & audaciam Judæorum Hellenistarum desistentes, qui legem im-

puro & extraneo sermone corripissent, addentes, hujus factæ versionis diem in Israël parem intulisse perniciem, qualem Jeroboam filius Nabat intulit, cum vitulos aureos dedicavit; hujusque rei mœrore cœlum triduanis tenebris horridum amissio legis obsequiò parentasse &c.

11mo. denique, ut cætera omittamus, quòd, etsi historici sua haberetur firmitas, omnino tamen incertum sit, num hi septuaginta Interpretes omnes sacrae Scripturae libros venterint, an verò solummodò Pentateuchum; imò videtur, quòd exiguus ille dierum numerus, quibus ab ipsis versio confecta est, nonnisi vertendis quinque libris Moyfis suffecerit; quæ enim tam angustò temporis spaciò adeò grande Scripturarum volumen vel solummodò exscribere potuissent? Profectò Aristæas, qui primus hanc historiam vulgasse dicitur, de sola Moyfis lege loquitur: *Rex, inquit, libri lectione audita sapientiam Legislatoris admiratus est.*

Certè S. Hieronymus, qui aliàs summa cum libertate de hac versione loquitur, septuaginta hos Interpretes Pentateuchum duntaxat vertisse testatur, Comment. in Ezech. 5. & in Matth. 2. Quamvis alibi paulò aliter loqui videatur.

Josephus rem definire videtur, apertè enim asserit (1), Septuaginta nonnisi libros Moyfis vertisse. Et profectò categorum librorum, præter Pentateuchum, versio alios præ se ferre videtur Interpretes, ignotos quidem & variæ ætatis. Neque enim unius Auctoris omnes esse videntur, prout ex styli varietate, necnon diversâ eandemque vocem reddendâ ratione faciliè intelligitur.

Quidquid hac de re sit, vetustissimum planè opus esse, nemo diffitetur, faciliè sub Philadelpho, saltem quoad Pentateuchum, cujus versio majori fide constât, adornatum.

Apud

(1) Prefat. lib. de Antiq.

101 Apud antiquos Patres versionem hanc maximo in pretio fuisse certissimum est : eam quippe passim laudant , & sequuntur ii , quos supra adduximus. Imò ipsi Apostoli hac versione frequenter uti sunt, idque testatur Irenæus. (k) Et Hieronymus, *Jure*, inquit (l), *Septuaginta editio obtinuit in Ecclesia, vel quia prima est, & ante Christi facta adventum, vel quia ab Apostolis, in quibus tamen non discrepat ab hebræo, usurpata*. Hic ergo juxta S. Hieronymum, non universim ab Apostolis usurpata fuit Septuaginta Interpretum versio, sed in iis duntaxat, in quibus ab Hebræo non discedere visa est; alibi enim (m) in ea multa desiderat, quæ tamen habentur in Scripturis, atque ex veteri Testamento in novo laudata reperiuntur. Recentiores quoque Critici sat benè multi plura adhuc vitia, negligentias, & oscitantias in ea versione notavere. Bellarminus ipse eam multis locis vitiatam esse testatur (n); quippe quæ ea contineat, quæ nullò modò cum veritate coherere possunt; quale est illud de supputatione annorum Mathusalem, Genes. 5. Nam secundum græcam hanc versionem invenitur Mathusalem vixisse quatuordecim adhuc annos post diluvium, cum tamen in Arca Noè non fuerit; solùm enim octo animæ eam ingressæ sunt, Noè videlicet, Sem, Cham, & Japhet, & uxores eorum, ut habetur Genes. 6. & 1. Pet. 3.

Sed siue Interpretum oscitantia, siue Ammanuensium & Librariorum ignorantia, siue deinde posteriorum temporum injuriâ hæc vitia in eam versionem irreperint, id tamen certum esse debet, editionem, quæ sub Septuaginta Interpretum nomine Hieronymi ætate circumferebatur, & adhuc etiamnum circumfertur, non esse tantæ auctoritatis, ut ad illius normam aut Hebræicus, aut Latinus textus emendari debeat.

Alia adhuc ab eruditis viris numerantur Græcæ Scripturarum veteris Testamenti versiones, ut Aquilæ Pontici facta annò Christi 130mò. Adriani Imperatoris 12mò. prout testis est Epiphanius. (o)

Fuit autem Aquila primùm Gentilis, deinde Christianus; sed, quòd Astrologiam judicariam sectaretur, ab Ecclesiâ pulsus, Judaismumque amplexus versionem suam adornavit, quæ tamen, quòd candor in ea desideraretur, plerumque neglecta fuit.

Commodò Imperante, sub finem vi<sup>103</sup> delictet secundi Sæculi, Theodotion ex Marcionista Judæorum Profelytus, versionem suam adornavit, majori quidem, quàm ceteri sibi similes, fide, prout testatur Epiphanius (p); Et ex quibus interpretatione Ecclesiam Danielelem legere asserit Hieronymus. (q)

Symmachus quoque primùm Ebionitarum, si Eusebio credamus, aut Samaritanorum, si Athanasium & Epiphanium sequamur, partibus addictus, deinde Judaicam amplexus Religionem sacros libros ex hebræo in græcum sermonem transtulit Severi Augusti temporibus. Imperio autem præfuit hic Imperator ab an. Chr. 193. usque ad an. 211.

Ex his græcis Editionibus, aliisque<sup>105</sup> duabus incertorum Auctorum, quarum una annò septimò Antonini Caracallæ apud Urbem Hiericho, quæ nonnisi Psalmos; altera Alexandrò Mammæ filio imperante apud Nicopolim, quæ itidem Psalmos, & fortè duodecim Prophetas Minores complectebatur, in doliis quibusdam inventæ fuerunt, Origenes sua Te-trapla, Hexapla, & Octapla confecit. Nam primùm divisit singulas paginas in sex columnas; ac in prima quidem descripsit Hebræicum textum litteris hebræicis; in secunda eundem hebræicum textum græcis litteris; in tertia interpretatio-

(k) Lib. 3. c. 25. (l) De opt. gen. interp. (m) Præfat. in Petrus & Comment. in Isaiam. (n) De Verb. Dei lib. 2. c. 6. (o) Lib. de mens. & pond. (p) Lib. de mens. & pond. (q) Præfat. in Daniel.

nem Aquilæ; in quarta interpretationem Symmachi; in quinta interpretationem septuaginta Seniorum; in sexta interpretationem Theodotionis; Atque hæc volumina propter quatuor interpretationes *Tetrapla*, propter sex columnas verò *Hexapla* fuisse nuncupata. Quæ dein, ubi iisdem binas ultimas, quas commemoravimus, versiones, in aliis duabus columnis adjunxisset, *Octapla* dicta fuerunt.

Laudatus Origenes, quamvis Scripturas ex Hebraico non transtulerit, Septuaginta Seniorum interpretationem tamen ita emendavit, multis ex Theodotione admixtis, & asteriscis notatis, quo quid textui ipsorum adjiciendum foret, ostendebat; & obeliscis, quo quid ex textu expungendum esset, videlicet quod à Septuaginta præter id, quod in hebraico erat, in textu Græco adjectum fuerat, adnotabat; ut novam editionem fecisse censetur; quæ eo tempore ita Doctorum approbationem meruit, ut brevi omnes Bibliothecas repleverit, teste Hieronymo (r), qui eam communem appellari solitam fuisse scribit. (s)

Lucianus quoque Presbyter Antiochenus, qui sub Imperatoribus Diocletiano, & Maximiano Martyrii palmam adeptus est (t), cum in jam à nobis adductis editionibus multa vicia obrepissee cognovisset, rursus magno labore novam molitus est, quam ipsius hujus sancti Martyris manu descriptam sub Constantino Imperatore Nicomedie repertam scribit Pseudo-Athanasius in Synopsi.

Hefychius item Septuaginta Seniorum interpretationem emendavit, atque Ægypti Ecclesiis tradidit. De his editionibus hæc eloquitur Hieronymus (u), *Alexandria & Ægyptus in Septuaginta suis Hefychium laudat Auctorem. Constantinopolis usque Antiochiam Luciani Martyris P. Cartier Theol. Tom. I.*

ris exempla probat. Media inter has provincias Palestinae Codices legunt, quos ab Origene elaboratos Eusebius, & Pamphilus vulgaverunt.

### De Editione græca novi Testamenti.

Novum Testamentum ab ipsis Apostolis græcè scriptum fuisse, jam supra indicavimus. Matthæum verò Hebraicè, seu Syriacè, tunc temporis apud Judæos vulgari sermone Evangelium suum scripsisse, testantur Irenæus lib. 3. c. 1. Auctor Synopsi, in Catalogo lib. Sacror. Hieronymus, Præfatione Comment. in Matth. Et c. 11. Ofec. Item de Script. Eccles. in Matthæo, alique omnes.

Auctor Synopsi existimat Matthæi Evangelium à Jacobo Apostolo in linguam græcam fuisse translatum; alii verò Joanni Apostolo, ipsimet Matthæo alii hanc translationem adscribunt. Sed cujuscumque demum ea sit, illam ea ratione Ecclesia accepit, ac si græcà lingua primum istud Evangelium scriptum fuisset.

Quo verò idiomate primum scriptum fuerit Marci Evangelium non satis liquet; alii enim græcè, alii latinè exaratum volunt. Veterum ac Recentiorum turba græcum asserit, græcuscque textus ab ipsis Originalis putatur. Sed exemplaria nonnulla MSS. græca latinum testantur, quibus Syriaca, & Arabica consentiunt: nec sanè alius sermo eum decere videbatur, ut qui Romæ, & pro Romanis scriberet. Quare hanc opinionem Baronius ad an. 45. & Seldenus in Not. in Eutyrii origin. Alex. veriore censuere. Cæteris tamen ferè omnibus contrarium visum est.

Folia quædam Venetiis afferantur Originalis, ut creditur, S. Marci manu descripti, quod, si verum esset, sola hujus MS. inspectio fitem hanc dirimeret; at an non supposititium sit Opus, ambigitur,

(r) Ep. ad Aug. 89. (s) Præfat. lib. 16. in Hiis. (t) Euseb. Lib. 9. Hist. c. 6. (u) Præfat. in lib. Paralip.



rum, senio & vetustate ita oblitteratum est; ut vel unius litterulæ linea vix discernatur, ad quod etiam haud parum contulisse videtur loci subterranei, in quo an. 1564. reconditum fuit, humiditas, utpotè qui proximo mari sit depressior, & cujus proinde superior etiamnum fornix circum sibi identes aquas habeat, nam lectio adhuc ex eo poterat exprimi, antequam in illum locum inferretur. Omnium novissimus, qui Scripti hujus meminit, D. Bernardus Monfaucon Congregationis S. Mauri in Gallia Monachus Benedictinus, latinè scriptum asserit (x), atque tantæ vetustatis opus nunquam se vidisse testatur, necnon ad minimum quarti Sæculi opus esse. (y) Auctor, qui ante Montfaucon librum inspexerat, græcos characteres sibi deprehendisse in eo visus est.

Istud Marci Evangelium latinè ab ipso Romæ scriptum esse, ac deinde ab eodem Aquileæ in linguam græcam conversum docet Adrianus Finas (z); sed Marci Aquileam adventum veterum nullus commemorat, unde parùm probabiliter id à Fino asseritur.

### 109 De latinis Editionibus Scripturarum sacrarum.

Olim, & primis Ecclesiæ temporibus innumerabiles penè latinas Editiones S. Scripturæ fuisse testatur S. Augustinus (a): *Qui ex hebræa lingua, inquit, Scripturas in græcam verterunt linguam, numerari possunt, latini autem nullo modo, ut enim cuique primis fidei temporibus in manus venit Codex græcus, & aliquantulum facultatis sibi met utriusque linguæ habere videbatur, ausus est interpretari.* Et S. Hieronymus, *Apud Latinos, inquit (b), tot sunt exemplaria, quot Codices, cum*

*unusquisque pro arbitrio suo vel addiderit, vel subtraxerit, quod ei visum est.*

Hæ Versiones, quamvis vetustissimæ, tamen Christianæ Religionis exordia non antecedunt. Judæi enim in Romano Imperio commorantes, cum omnes ex Asia, sive Græcia egressi Græcum & Hebraicum sermonem callerent, de veteri Testamento latinitate donando non cogitavere. At ubi in Ecclesiæ primordiis Ethnicis, seu Gentilibus, apud quos latina tantum lingua in usu erat, frequenter Christianam Religionem amplexi essent, tunc adorari oportuit cum novi tum veteris Testamenti versionem latinam, quod & ipsi sacris libris uti possent. Ea autem versio, quantum ad vetus Testamentum ex græca septuaginta Interpretum est adornata; hoc enim idioma duntaxat notum erat Latinis; atque ante Hieronymum nemo fuit, qui veteris Testamenti versionem ex Hebræo curavit. Hic S. Doctor, cum semel & iterum Psalterium, & librum Job revidisset, tum etiam illius ex hebraico versionem manum admovit.

Novum autem Testamentum idem Hieronymus Damasci Papæ jussu è græco in latinum transtulit, vel saltem emendavit, necnon à multis mendis, quæ librorum vitio irrepleverant, expurgavit. *Novum Testamentum græca fidei reddidi, inquit lib. de Vir Illust. in fine. Et Præfat. Evang. ad Damasc. Calamò, inquit, temperavimus, ut iis tantum, quæ sensum mutare videbantur, correctis, reliqua manere poteremus ut fuerant in veteri versione scilicet, quæ Itala, quod in Italia primum prodidiisset, atque pro Italis præcipuè fuisset edita, dicebatur, necnon tunc temporis Communis seu Vulgata nomine veniebat; Hæc enim inter latinas Editiones, quæ Hieronymum præcessere, celeberrima habita est, unde alio nomine,*

ut

(x) Iter Italic. c. 4. (y) Antiquit. explic. lib. 13. (z) Lib. 6 flagell. Judæo. a. 80. & lib. 8. c. 62 (a) Lib. 2. de Doct. Christ. c. 11. (b) Præfat. in Josue.

ut dictum, communis, seu vulgata nuncupabatur, utpotè omnium clarissima, & ad litteram maximè accedens: In ipsis interpretationibus, Itala ceteris praefertur, inquit S. Augustinus (c), nam est verborum tenacior cum perspicacitate sententia.

- 112 At postquam S. Hieronymus ex Hebræo latinam suam veteris Testamenti versionem adornasset, & novum Testamentum emendasset; sensim Ecclesia latina undique veteri Italica dimissa, hanc, quam nunc nostra Biblia sive typis vulgata, sive manuscripta prae se ferunt, ita adoptavit, ut à tempore S. Gregorii Magni hac unica editione haecenus usà sit, atque eos libros haec nostra vulgata Biblia potissimum referant, quos sanctus Hieronymus vertit, aut emendavit.

- 113 Dicimus potissimum; Libros quippe veteris Testamenti, quorum graeca tantum superiunt Archetypa, & quos graeco duntaxat sermone scriptos invenit S. Hieronymus, reliquit intactos: quare Libri Sapientiae, Ecclesiastici, Machabæorum gemini, Prophetia Baruch, Epistola Jeremiæ, additiones ad calcem Esther, & duo postrema Danielis Capita cum Cantico trium puerorum ex veteri vulgata, seu Itala, ex qua etiam totum Psalterium descriptum est, paucis à Hieronymo mutatis, & correctis, nostra ætate obtinent; Versio enim Psalmorum à S. Hieronymo ex Hebræo elaborata, in quibusdam nostris latinis Bibliis seorsim duntaxat excusa perhibetur.

- 114 Hæc est igitur Vulgata illa, quam Concilium Tridentinum latè Decretò authenticam declaravit his verbis (d): *Sacrofancta Synodus considerans, non parùm utilitatis accedere posse Ecclesie Dei, si ex omnibus editionibus latinis, quamvis pro authentica habenda sit, innotescat, statuit, & declarat, ut hæc ipsa vetus & Vulgata editio, qua longo tot seculorum usu in ipsa Ecclesia probata est, in publicis lectionibus, disputationibus, expositionibus Theologicis*

*pro authentica habeatur; & ut nemo illum rejicere quovis prætextu audeat, vel præsumat.*

Ubi notandum, sacrum istud Concilium, cum hoc suò Decretò veterem nostram & vulgatam S. Scripturæ editionem authenticam declaravit, id duntaxat innuere voluisse: Eam nempe inter omnes latinas ejusdem S. Scripturæ editiones, quæ tunc temporis circumferebantur, atque hæreticò ut plurimum sive ignotò Auctore erant suspectæ, esse præcipuam, fidelissimam, ac tutissimam, necnon quantum ad substantiam, resque fidei & morum disciplinam spectantes ab omni erroris suspitione immunem; quam proinde ceteris antepone-re, atque in omnibus publicis lectionibus, disputationibus, expositionibus Theologicis adhibere tanquam veram & fidem operetur.

Decretum autem istud jure & meritò à laudato S. Concilio fuisse editum nobis adversus Adversarios nostros A Catholicos hanc nostram vulgatam latinam editionem seu versionem velut variis scatentem erroribus proscindentes demonstrandum est. Unde sit

## CONCLUSIO.

117

Jure, & meritò sacrum Tridentinum Concilium veterem, & vulgatam nostram S. Scripturæ latinam Editionem authenticam declaravit.

Prob. Conclusio 1<sup>mo</sup>. Ex Traditione Ecclesiæ. Eam latinam sacrae Scripturæ Editionem jure, & meritò Concilium Tridentinum authenticam declaravit, quæ longò, & constanti seculorum, atque plusquam mille & centum annorum usu in Ecclesia probata est, quamque Patres, Doctores, Concionatores omnes explanaverunt, & populis proposuerunt; ex qua Concilia omnia sua testimonia ad confirmanda fidei dogmata protulerunt. Atqui hæc est vul-

l 2

gata

(c) Lib. 2. de Doct. Chriæ. c. 15. (d) Sess. 4. c. 2.

gata nostra. Ergo eam jure, & merito Concilium Tridentinum authenticam declaravit.

Maj. est aperta; secus enim sequeretur, tot sæculorum spatiò Ecclesiam germanâ Scripturæ interpretatione caruisse, atque in iis, quæ ad fidem, & Religionem pertineant, errores ignari, & ignoti cujusdam Interpretis pro verbo Dei coluisse; quod asserere nedum absurdum, sed omnino implum est, cum, Apostolò prædicante, (e) ipsa sit columna & firmamentum veritatis.

Min. demonstratur. Vulgata nostra est ea, quæ partim ex veteri Itala, partim ex iis factis libris, quos Hieronymus latine reddidit, vel emendavit, coalescit. Atqui hæc est, quæ tot sæculorum usu in ipsa Ecclesia probata est &c. &c. Ergo &c.

Maj. habetur ex iis, quæ supra de ista editione disseruimus. Min. verò patet ex inspectione, & lectione Scripturæ, & Operum, quæ plusquam à mille & centum annis, tum à Patribus, tum à Doctoribus, Concionatoribus, Pastoribus, Interpretibus, imò ab Ecclesia ipsa, & Conciliis hæc de re usque ad nostra tempora vulgata fuerit &c. Ergo &c.

116 Prob. 2do. Auctoritate SS. Patrum. imo. S. Augustinus supra laudatus (f), Italiam versionem cæteris omnibus latinis editionibus præferendam esse ait. S. Hieronymi verò versionem, & emendationem sacræ Scripturæ hinc commendat (g), *Non desuit, inquit, temporibus nostris Presbyter Hieronymus homo doctissimus, & trium linguarum peritissimus, qui ex Hebræo in Latinum divinas Scripturas convertit, cujus tantum litterarum laborem Hebræi fatentur esse veracem.* Et ejusdem Hieronymi versionem, seu potius emendationem novi Testamenti omnibus probari asserit, Epist. 10. ad Hieronymum.

2do. S. Gregorius Magnus, *Quia bæc, inquit (b), nova (S. Hieronymi) translatio ex Hebræo nobis eloquio cuncta verius transfudisse perhibetur, credendum est, quidquid in ea dicitur; & oportet, ut verba illius nostra expositio subtilius rimetur.*

3tio. S. Ildorus, *Presbyter Hieronymus, inquit (i), trium linguarum peritissimus, ex Hebræo in Latinum eloquium divinas Scripturas convertit, eloquenterque transfudit, cujus interpretatio meritis cæteris anteponitur.* Item, *De Hebræo, inquit (k) in latinum eloquium tantummodò Hieronymus Presbyter sacras Scripturas convertit, cujus editione generaliter omnes Ecclesia usquequaque utuntur, eo quòd veracior est in sententiis, & clarior in verbis.*

4to. S. Ildoro subscribit Rabanus Maurus lib. 2. de Instit. Cleric. c. 54.

5to. Patres, & Doctores Ecclesiæ, qui deinceps secuti sunt, ut S. Anselmus, S. Bernardus, Rupertus, Haimo, Hugo, Richardus, & alii omnes satis ostendunt, se hanc nostram vulgatam editionem præ cæteris probasse, utpote quam solam ex planandam susceperunt. Ergo &c.

6to. Denique, non solum Latini versionem hanc vulgatam nostram probaverunt, sed etiam Græci, qui quædam divina Volumina à Hieronymo in Latinum ex Hebræo translata, ipsi ex Latino in Græcum transfuderunt, ut ipse testatur Hieronymus. (l) Ergo &c.

Prob. 3tio. Rationibus Theologicis. 117 imo. Habuerunt Hebræi suâ linguâ authenticam Scripturam; Græci quoque habuerunt græcè authenticam suam Scripturam, id est, Testamentum vetus ex versione septuaginta Interpretum, & novi Testamenti fontes ipsos. Ergo etiam æquum est, ut latina Ecclesia haberet suâ linguâ authenticam Scripturam; non autem à mille & plusquam centum annis aliam habuit, quàm

(e) 1. Timoth. 3. v. 15. (f) Lib. 2. de Doct. Christ. c. 15. (g) Lib. 18. de Civ. c. 43. (h) Lib. 20. moral. c. 24. (i) Lib. 6. Erymolog. c. 5. (k) Lib. 1. de Offic. divin. c. 12. (l) De Yic. illustr. in Sophron. & lib. 2. cont. Russin.

quàm nostram vulgatam. Ergo etiam ipsa censenda est authentica.

2do. In Conciliis generalibus Ecclesiæ aut paucissimi, aut interdum nulli inveniuntur Hebræicæ, & Græcæ linguarum periti. Ergo malè consultum esset Ecclesiæ, si in gravibus rebus non posset fidere versioni Latine illi, quæ à tot jam sæculis in Ecclesia obtinuit.

3tio. In omni Republica Civili necessarium est authenticum, & præ cæteris probatum aliquod legum, quibus Cives, & subditi astricti sunt, & juxta quas obortæ lites ultimato dirimantur, instrumentum. Ergo à multo fortiori ratione tale authenticum, & præ cæteris probatum divinarum legum instrumentum in Ecclesia, quæ est Respublica spiritalis, erit necessarium.

Ant. patet. Secus enim perpetuæ confusione Respublica illa esset obnoxia, necnon, extantibus scilicet pluribus hujusmodi legum sibi invicem contrariantibus instrumentis nullæ unquam lites dirimi, & definiri possent.

Conf. verò pari ratione firmata manet; eamque roborare videtur Lutherus ipse, cum, *si diutius, inquit (m), steterit mundus, iterum erit necessarium, ut propter diversas Scripturæ interpretationes, quæ nunc sunt, ad conservandam fidei unitatem, Conciliorum decreta recipiamus, atque ad ea confugiamus.*

Apertissimè verò Beza famosus Calvini Discipulus, dum, *Quàm necesse sit in Ecclesia Dei, inquit (n), extare emendatam sacrarum nostrarum Tabularum latinam interpretationem ( quæ scilicet ab omnibus recipiatur, & sola auctoritatem obtineat ) non est, quod pluribus conemur ostendere ... Reges & Principes nihil antiquius habere oportet, quàm ut utriusque Testamenti interpretatio semel edatur, cujus, quoad fieri potest, sacra & inviolata sit auctoritas.*

Hæc Theodorus Beza, quæ optimè argumentum nostrum confirmant, hoc dun-

taxat discrimine, quòd Jus illud, quod ipse Regibus, & Principibus Sæculi tribuit, nos ultrò Ecclesiæ, & Concilio illiusque Capiti Romano Pontifici adscribamus. Modò cujuslibet, quem partium studia, atque livor nondum penitus in reprobum sensum præcipientem egere, judicium esto, nobisne, an Bezzæ hic adstilpandum sit.

4to. Illius jure, & meritò est declarare, & definire, quænam inter varias latinas Scripturarum Versiones & Editiones pro authentica & probata sit habenda, cujus est Scripturarum Canonem verumque, & genuinum sensum definire, & determinare. Atqui hoc pertinet ad Ecclesiam seu Concilium, quod illam exhibet, seu, ut ajunt, repræsentat. Ergo à fortiori ad ipsum pertinebit declarare, & definire quænam latina Scripturarum versio pro authentica sit habenda.

Maj. est aperta. Cujus enim est, Scripturarum Canonem verumque, ac genuinum sensum tradere, illius utique etiam est decernere in quanam earundem versione aut editione Canon ille genuinusque sensus accuratè contineatur, adeoque quænam pro authentica sit tenenda.

Minor verò à nobis demonstrata est supra Cap. 5. & 6. quæ consuli possunt. Ergo &c.

5to. Denique probatur Conclusio nostra argumentò, quod præcipui inter Adversarios nostros Scriptores nobis subministrant, ut qui vulgatam nostram latinam editionem sacrarum Scripturarum miris laudibus extollunt, illiusque contra illos, qui eam exagitant, & impetunt, patrocinium suscipiunt. Inprimis Joannes Bois Canonicus Ecclesiæ Elicienfis in Anglia eam omninò tueretur (o), necnon Erasmo, & Bezzæ vertit in crimen, quòd sine causa illam deseruerint; atque inter alia, *Nulla, inquit (p), allubescit reformatio, nisi ubi subversis ad ruta usque substructionibus nova consurgunt omnia, imò nova adeo nunc*

1 3

spira-

(m) Lib. cont. Zvingli. de verit. Corp. Christi in Eucharist. (n) Præfat. nov. Test. (o) Collat. veter. Interpret. cum Receptoribus. (p) Præfat. Collat. &c.

*Spiramus, suspiramusque omnia, nova lumina, .... novum orbem, novum, quinsumque, si Deo placeat, Spiritus Evangelium.*

2do. Waltonus magni etiam facit vulgatam S. Scripturæ versionem nostram, quia, inquit (q) *ab Ecclesia Romana, quæ principem inter Ecclesias locum semper tenuit, & antiquarum Traditionum fuit tenacissima, approbata fuit.* Sancti Hieronymi versionem laudibus quoque celebrat, quam Judæos textui Hebræo conformem esse etiamnum asseruisse probat ex Rabbi Azaria, & Rabbi Kimhi, & Aben Ezra.

3tio. Ludovicus de Dieu auctorem vulgatæ nostræ versionis virum eruditissimum fuisse asserit, *Quamvis enim, inquit, (r) illi neque vitia sua, neque barbarissimi defuerint, virum tamen esse fateor ingenuitate, ac judicio, ibi etiam, ubi barbarus est, commendandum.*

4to. Grotius vulgatam nostram suis annotationibus illustrandam suscipiens, *vulgatum Interpretem, inquit, semper plurimi feci, non modò, quòd nulla dogmata insubria continet, sed etiam, quòd multum habet in se eruditionis.*

5to. Paulus Fagius (s), *Omnes illos, qui hanc celeberrimam, ut inquit, vulgatam versionem in vido dente dilacerarunt, tamquam impudentes, atque semi-sapientes traducit. Item, Non est ergo, inquit (t), temerè nata vulgata editio, ut quidam sciolisti temerè & imprudenter clamitant.*

Hæc isti, & alii, quos hic prætermittimus, A catholicis in laudem vulgatæ nostræ & illius Interpretis, adeoque & Concilii Tridentini illam approbantis. Et merito: Quis enim, nisi omnino insanire malit, vel minimùm dubitet, veteris vulgatæ, seu Italæ Auctorem necnon Hieronymum, à quibus duobus vulgatam nostram tenemus, aptius instructos fuisse ad eam adornandam, quàm Lutherum aliquem, Calvinum, Bezam, aliosque Novatores:

Illisque longè accuratiora & emendatiora præ manibus fuisse S. Scripturæ apographa, imò fortè autographa, sive hebraica sive græca; utpotè qui primis illis temporibus, quibus edita fuere sacrarum litterarum originalia. Novi Testamenti saltem volumina, viciniore erant; quàm habuerint Novatores nostri, quibus nonnisi longa temporum serie depravata supererant sacræ Scripturæ exemplaria, quæ vanis, impuris, & adgenium confectis, prout notat Cochleus (u), interpretationibus magis adhuc depravaverunt.

Non satis, igitur, mirari possumus, quòd sacrum Tridentinum Concilium, adeoque Ecclesiam ipsam criminari audeant, quòd versionem hanc à tam sanis, & doctis Interpretibus consecratam, necnon tot sæculorum serie unanimi Patrum, Doctorum, Conciliorum &c. consensu in Ecclesia constanter receptam velut authenticam, & ab omni fidei, aut morum errore immunem declaraverit.

### Solvuntur Objectiones

#### adversus Conclusionem nostram.

Ob. 1mo. Chemnitius, vel potiùs 118 mentitur (x); Concilium Tridentinum ideo voluit vulgatam editionem esse authenticam, quia tota transformata est ad dogmata Pontificia &c. Ergo vel ex hoc Capite rejicienda.

Resp. Cùm certum sit, vulgatam editionem nostram esse antiquissimam, prout apertè demonstravimus, inde etiam manifestum est, dogmata Pontificia, ad quæ eam transformatam asserit Chemnitius, etiam esse antiquissima, utpotè quæ primis jam Ecclesiæ temporibus ipsi Apostoli scriptò consignarint, atque ab antiquo Interprete latino translata fuerint, & Ecclesiæ trans-

(q) Proleg. 10. Poliglot. Anglic. (r) Not. ad Evang. (s) Præfat. ad Translat. vet. Test. (t) C. 4. in vers. lat. Paraphr. Cheld. (u) De vit. & est. Lutheri ap. 1522. (x) In exam. sess. 4. Conc. Tri-

transmissa : unde Chennitius proprio suo argumento se confodit.

119 Ob. 2do. Illud Instrumentum authenticum dicitur, quod autographo seu originali suo per omnia est conforme. Atqui talis non est vulgata latina editio. Ergo male eam authenticam declaravit Concilium Tridentinum. Maj. est aperta. Min. prob. ab inductione mendorum, quibus ipsa scatet. Ergo &c.

Resp. absolute loquendo, neg. Maj. Ad hoc enim, ut Scriptum aliquod, seu apographum censeatur authenticum, sufficit, quod præ cæteris apographis seu exemplaribus omnimodam fidem mereatur, atque quoad substantialia à suo autographo seu originali minimè dissentiat. Atqui hujusmodi est Vulgata nostra, & hoc sensu eam authenticam declaravit Ecclesia in Concilio Tridentino congregata; scilicet, quod inter cæteras latinas editiones, quæ tùm temporis circumferebantur, esset fidelissima, nec quidquam contineret, quod traditæ, & ab Apostolis scripto consignatæ fidei Christianæ esset contrarium, utpote quæ tot sæculorum longo usu in Ecclesia semper probata fuerit.

Ad min. Resp. Equidem in Vulgata nostra menda aliqua reperiri, quæ Amanuensium, & Librariorum incuriâ, vel ignorantia in illam irrepsunt. At cùm nec fidem, nec mores tangerent, nihil ipsius authenticitati à Patribus Concilii stabilitæ id officit, utpotè quæ comparativa duntaxat sit ad reliquas latinas editiones, fidemque, & mores tantùm respiciat. Id ultrò agnovit ipsum Concilium, undè & decretum edidit, (y) ut posthac sacra Scripturæ editio quàm emendatissimè imprimatur; quod Decretum Pius IV. Pontifex maximus executioni mandari fecit, (z) aliquot S. R. E. lectissimis Cardinalibus, aliisque tum sacrarum litterarum, tum variarum linguarum peritissimis viris collatâ provincia, ut vulgatam editionem latinam adhibitis an-

tiquissimis Codicibus manuscriptis, inspectis quoque hebraicis, græcisque Bibliorum fontibus accuratissimè cõsiderent.

Ob. 3tio. Ut apographum aliquod authenticum declaratur, oportet, ut cum autographo conferatur. Atqui vulgatam cum suo autographo non contulit Synodus Tridentina. Ergo nec eam authenticam declarare potuit. Maj. est aperta, atque essentiali authenticæ apographi connotat. Min. autem ultrò à nobis conceditur, atque vel ipsa menda, & errata Scripturis nostris latinis adpersa eam manifestant. Ergo.

Resp. Dist. Maj. Ut apographum aliquod &c. nisi aliundè ipsius authenticitas comprobari possit, conc. maj. Si aliundè ipsius authenticitas comprobari, & haberi possit. Neg. maj. Equidem Synodus Tridentina, cùm Vulgatam nostram authenticam declaravit, eam cum originalibus, seu fontibus hebraicis, & græcis non contulit; nec enim tùm de iis erat quæstio, sed duntaxat quænam inter varias illius temporis editiones latinas præstaret; dumque pro Vulgata sententiam tulit, ad id duntaxat respexit, quod illa scilicet plurimorum sæculorum usu in Ecclesia tanquam germana originalis Scripturæ versio probata fuisset; quod utique maximum illius authenticitatis argumentum erat; nisi quis impudenter dicere malit, Ecclesiam plusquam mille & centum annorum spatio depravatâ Scripturâ fuisse usum.

Ob. 4to. Magis credendum est, illud esse Verbum Dei, quod habetur in fontibus hebraicorum, & græcorum Codicum, quàm quod habetur in rivulis versionum. Ergo vulgata editio, utpotè versio duntaxat, quæ Verbum Dei velut in rivulo tantùm continere videtur, tantam fidem non meretur, ac ipsi fontes hebraici, & græci; adeoque nec authentica nuncupari potest.

Resp. Dist. ant. Magis credendum est &c. quando constat, fontes illos non esse turbatos, conc. secus neg. ant. Alibi jam

offen-

ostendimus, fontes sacrae Scripturae multis in locis turbidos fluere; & certè vix dubitari potest, quin, sicut latina Ecclesia constantior fuit in retinenda fide, quàm græca; ita etiam vigilantior fuerit in suis Codicibus à corruptione defendendis. Et verò ubinam sunt hebraici, & græci fontes illi S. Scripturae; profectò jam dudum perierunt, & præter exscripta illorum apographa nihil habemus.

§22 Inst. Hebræi, & græci Codices sunt Prophetarum, & Apostolorum, qui errare non potuerunt. Latini autem sunt variorum Interpretum, qui errare potuerunt. Ergo ab hebræis, & græcis Codicibus Scripturae authenticitas repeti debet, non à latina quadam versione, cujusmodi est Vulgata nostra, utpotè errori obnoxia.

Resp. Neg. hebræos, & græcos Prophetarum & Apostolorum Codices, quos modò præ manibus habemus, esse ipsorum autographa, seu ea ipsa, quæ ipsi exararunt, sed illorum apographa duntaxat, seu exemplaria, quemadmodum & latini Codices; unde qui priores exscripserunt, etiam errori obnoxii fuerunt, æquè ac latini Interpretes. Quare nihil probat objectio. Certè Codices tùm hebræi tùm græci, qui fontes nuncupantur, jam ante Concilium Tridentinum puri non fluebant. Igitur meritò Concilium istud Scripturae authenticitatem ab ea latina versione, quæ quamplurimis sæculis jam Ecclesiae universalis usu probata fuerat, repetiit; præsertim cùm ibi de authenticitate comparativa ad cæteras latinas editiones duntaxat ageretur, hæbraicò & græcò textibus intactis relictis. Equidem concedimus, Latinos Interpretes nostros errori fuisse obnoxios; neque eorum versionem Concilium ita probavit, ut assereret, nullos in ea librarium errores reperiri; sed certos nos reddere voluit, in iis præsertim, quæ ad fidem & mores pertinent, nulla esse in hac versione Interpretum errata.

## CAPUT VIII.

123

*De Ponderibus, Monetis, Mensuris, & Vasis, quæ S. Scriptura possim commemorat. Item de anno & mensibus Hebræorum, necnon Massora & Massoretibus.*

**A**Ntequam de singulis S. Scripturae libris speciatim tractemus, operæ pretium duximus, hic ea paucis referre, quæ de variis ponderibus, monetis, mensuris & vasis, quorum frequens est in S. Scriptura mentio, necnon de anno & mensibus Hebræorum, atque de Massora & Massoretibus, Tractatores sacri tradunt.

*De Monetis.*

Varia fuerunt apud Antiquos monetae, quas etiam Scriptura commemorat, hæque præcipuè numerantur: As, Obolus, Denarius, Drachma, Didrachma, Siclus seu Stater, Mina seu Mina, & Talentum.

As antiquitùs fuit pondus vulgatissimum pondo, seu pondium alio nomine dictum. Constat autem tunc As librà æris; unde As quasi *as libræ* dici creditur. Hanc æris libram, seu assem postea Romani juxta 12. anni menses in duodecim partes divisere, quas uncias vocarunt; undè *uncia* erat pars duodecima *assis*, *sextans* erat pars sexta, *quadrans* quarta, *triens* tertia, & *semis* seu *semissis* dimidium. Sed quia temporis successu factum est, ut locò æris appensi, cæptum sit uti ære signato, & longè levioris ponderis, valorque cujusvis monetae desumi coepit non tam à materia monetae, quæ paulatim magis ac magis imminuta est, quàm à figura monetae impressa; inde fit, quòd hodie *as* seu *pondo* non libram unam seu 12. uncias Romanas contineat, sicuti tunc continebat, sed sit parva moneta ærea, quam Germani *crucigerum* ein *Kreuzer* vocant, seu potius *trientem* drey *Pfenning*, seu drey *Stroper*,

*Stroper*, unum valens *Bajocum Italicum*, seu *medium obolum bebraum*, seu decimam partem *Julii Italici*, vel *Regalis Hispanici*, sive *Drachma Attica*, vel *Denarii*.

125 *Obolus* alius est *Atticus*, seu *Atheniensis*, alius *Hebraeus*. *Obolus Atticus* est sexta pars *Drachma Attica* (a); *Obolus* verò *Hebraeus* est vigesima pars *sicli argentei*, adeoque æquivaleret duobus *assibus*; *Siclus* enim *argenteus* quadraginta *Assibus* constat. *Atticus Obolus* *Hebraeus* minor est, quippe qui vigesima quarta tantum pars sit *sicli argentei*.

126 *Denarius* juxta *Budæum* apud *Romanos* erat nummus *argenteus* quatuor *Sextarios* valens, ita dictus, quòd pro decem *assibus* in solutionem cederet, seu ut alii explicant, erat nummus *aureus*, vel *argenteus*: *aureus* decem valebat *argenteos*, unde *Denarius* dictus; *argenteus* verò decem valebat *cupri asses*, quare & *Denarius* pariter vocatus; erat enim certa monetæ species unius *Drachmæ argenteæ* valens 10. *asses*, atque statutum diurni laboris præmium.

127 *Drachma* moneta *Attica* primùm tempore *Regni Græcorum*, id est, *Alexandri Magni*, ab *Hebræis* usurpari cœpit; antè illa tempora, quid *Drachma* esset, *Hebræis* ignotum fuit. *Drachma* igitur *Attica* *argentea*, de qua vulgò loquimur, est quarta pars *Sicli*, potestque considerari, vel ut est genus ponderis, vel ut est genus numismatis seu monetæ: ut genus ponderis, est octava pars unciæ ex 18. *Siliquis*, seu ex sex *Obolis*, vel ex tribus *Scrupulis* constans. Est autem *Siliqua* juxta *Budæum* apud *Romanos* minimi ponderis genus, tertiam *Oboli*, sextam *Scrupuli*, & decimam octavam *Drachmæ* partem conficiens: tres enim *Siliquæ* faciunt *Obolum*, duo *Oboli* *Scrupulum*, tria *Scrupula* *Drachmam*, sicut *P. Cartier Theol. Tom. I.*

& octo *Drachmæ* *Unciam*, & *Unciæ* duodecim *Libram* minorem seu communem; majorem enim *Libram* sexdecim *Unciæ* conficiunt. *Drachma* autem spectata, ut est genus aliquid numismatis seu monetæ, est certa monetæ species valens *Denarium Romanum*.

*Didrachma*, seu *Didrachmum*, vel 128 *Drachma bebraa* erat certa monetæ seu numismatis species duas pendens, vel valens *Drachmas Atticas*, unde ad comparationem *Drachmæ Atticæ* *Didrachma*, quasi bis seu duplex *Drachma* nuncupabatur: valebat ergò duas *Drachmas Atticas*, seu didimium *argenti Siclium*, hoc est, 20. *Asses*.

*Siclus* erat *argenti numisma*, seu mo-129 neta apud *Hebræos* usitatissima, ponderans, & valens semiunciam, seu quatuor *Drachmas Atticas* *argenti*, duas verò *Hebræas* tantum, æquivalens quatuor *Julii Italici*, seu *florèno germanicò*, duabusque *libris Gallicis*. Dici solebat alio nomine *Stater*, quæ vox græca *Hebraicè* idem est ac *Sekel*, hoc est, *Siclus*, sive pondus. Tunc enim pecunia figurâ non signabatur, quemadmodum nunc signatur, sed ad pondus tantum appendebatur: *Judæi* æquè ac *Romani* rudem æris, aut *argenti*, vel *auri massam* ad certum pondus libratam & æstimatam locò pretii & pecuniæ adhibebant: *Siclus*que ponderabat quatuor *Drachmas Atticas*, ut dictum. Ubi autem successu temporis hanc æris, aut *argenti*, vel *auri massam*, sive monetam figurâ consignare cœperunt, *Siclus* apud *Hebræos* ita signatus erat, ut haberet ex una parte *Urram* cum *Manna* cum hac inscriptione, *Sekel Israël*, id est, *Siclus Israël*; ex altera verò parte referret *Virgam Aaronis* floridam cum hac inscriptione, *Jerusalem Kadesca*, hoc est, *Jerusalem sancta*; qui *Siclus*, licèt figurâ signatus, debebat etiam esse just

K

ponde-

(a) seu *Atheniensis* ad *Athenis Græciæ Urbem*.



ponderis, atque ut id ubique servaretur, & ne fraudi locus esset, Siclus asservabatur in Sanctuario justissimi ponderis, & velut sacer, ad quem appendi & examinari possent ceteri, ut habetur Levitici c. ult. v. 25. Advertendum tamen, quod illos Siclos Hebraicos primi omnium signare cœperint Assamonæi seu Machabæi tempore Simonis Machabæi; antiquos enim & horum antecessores Hebræos nunquam Siclos suos signasse compertum habemus. Quoties ergo in Scriptura legitur *Argentens* vel *Aureus* sine addito, juxta communioem, & probabilior opinio, quæ opinio, si vera est, pro triginta Florenis Germanicis, seu sexaginta libris Gallicis, aut centum viginti Julis Italicis à Juda proditore venditus fuit Servator noster JESUS Christus: Non dissimulandum tamen, hac de re variare Doctores.

- 130 Mna seu Mina est vox Attica significans apud Athenienses tam certam ponderis, quam numismatis seu monetæ speciem, quæ latine dicta est *Mina*, græcè *Mna* & Hebraicè *Manéh*. Alia erat Attica, alia Hebræa: Mina Attica continebat 25. Siclos; Hebræa 50. Utraque tamen in pondere centum habebat Drachmas, Hebræa Hebræas, & Attica Atticas.
- 131 *Talentum* erat certi generis numisma, seu moneta omnium maxima continens Minas 60. quæ Minæ, cum essent apud varios variæ pro diversitate Drachmarum, ita & Talentum apud varios erat multiplex & varium; aliud enim erat Euboicum, aliud Ptolomaicum, aliud Syrium, aliud Tyrium, aliud Antiochenum, aliud Babylonium; sed inter illa omnia duo fuisse celeberrima, Atticum videlicet, & Hebræum. Hæc omnia Talenta, licet essent pondere & pretiò disparia, in hoc tamen conveniebant, quod singula 60. sui generis Minis constarent, sicut & singulæ Minæ centum ubique Drachmas exhibebant. Sed cum pro diversitate Drach-

marum Minæ essent majores, vel minores, ita etiam & Talenta. Unde Hebræum Talentum est duplò majus quàm Atticum, valet enim tria millia Siclorum, seu Florenorum Rhenanorum; Atticum verò mille quingentos. Talentò Atticò ne dum Athenienses, sed ceteri Græci, necnon etiam Romani, aliæque nationes scire omnes; Hebræi verò Hebræò utebantur. Talentum insuper aliud erat aureum, argenteum aliud, quæ æqualis erant ponderis, sed disparis pretii: cum enim proportio pretii auri ad argenti pretium sit duodecupla, sequitur, quod auri Talentum unum æquivalcat 12. argenti Talentis; adeo ut Talentum aureum Hebræum Summam 36000. Siclorum, seu Florenorum Rhenanorum; Atticum verò 17000. conficiat.

### De Mensuris ac Vasis.

132

Species mensurarum, ac vasorum præcipuæ sunt Corus, Cadus, Batus, Ephî, Amphora, Urna, Hydria, Metreta, Artaba, Modius, Hin, Congius, Sextarius, Cabus, Gomor, Cyatus.

*Corus* Græcorum, seu *Chomer* Hebræorum erat aridorum (v.g. frumenti) mensura omnium maxima, nempe onus seu mensura oneris, quod bajulare possit asinus; (Unde asinus apud ipsos dictus est *Chomer*) Continet autem decem Ephî, seu 30. Modios; media verò pars, seu dimidium Cori dicitur *Lethek* seu *Elevationis*, quia est onus, seu mensura oneris, quod robustus & vegetus adolescens elevare possit, & asino imponere, continens quinque Ephî, seu quindecim Modios.

*Cadus* erat apud Hebræos species vasis seu mensuræ liquidorum, capiens sicut Amphora Attica tres Urnas, seu duodecim Congios, vel aquæ, aut vini libras 20. & dicebatur Hebraicè *Cbad*, Græcè *Kadûs*, Latine *Cadus*, Germanicè dicitur *ein Vass*, *ein Fonne*, Gallicè *une Cague*, *un Baril*, Italicè *Barille*.

*Batus*

135 *Batus* est pariter liquidorum Hebrææ mensuræ genus, ejusdem capacitatis ac *Epbi*, capiens decimam partem *Cori*, adeoque tres Modios; seu octo Congios, vel 48. Sextarios Romanos, vel duas Urnas Romanas. Adverte tamen duplicem apud Hebræos fuisse *Batum*, majorem unum, minorem alterum; major capiebat *Metretam* unam cum dimidia; minor autem idem erat ac *Metreta*, seu ejusdem mensuræ.

136 *Amphora* erat certa vasis species, seu certa liquidorum mensura duas habens anfas, quibus utrinque ferri posset. Dicebatur alio nomine *Quadrantal*, seu pes cubicus, vel *Quadratus* ex eo, quod esset figuræ ex omni parte quadratæ, haberetque tam in longitudine, quam in latitudine, tam in profunditate, quam in altitudine pedem Romanum. Capiebat autem hujusmodi *Amphora* Romana Urnas duas, seu tres modios, quemadmodum & illa vasis species, quæ *Epbi* dicebatur, unde *Epbi* idem est ac *Amphora*; *Epbi* enim vox hebræa, *Amphora* verò latina est.

137 *Urna* erat certum mensuræ genus quatuor capiens Congios, seu Sextarios Romanos viginti quatuor, vel dimidium *Epbi* seu *Amphoræ* Romanæ, & prout explicant alii, *Urna* erat, & adhuc est vas, quo aqua ex puteis, vel fluminibus hauriri solet, ita dictum, quod subter aquam demersum, & inde rursus sursum emergens urinantis speciem referre videatur. Antiquitus tamen dicebatur *Urna* vas illud, in quo Judicum suffragia colligebantur; imò & illud aliud, in quo reclusi servabantur defunctorum cineres.

138 *Hydria* erat vas aquariū, seu vasis genus ad continendam aquam destinatum, æqualis capacitatis cum *Cado* & *Amphora* Attica, tres continens Urnas, seu 12. Congios, vel aquæ libras centum viginti. Credibile tamen est, non omnes æqualis

capacitatis fuisse *Hydrias*, sed alias minoris, majoris alias, seu quasdam majores fuisse, alias minores.

*Metreta* est genus vasis, seu mensuræ, 139 quod vulgò à metiendo *Metreta* vocatum est; eratque eadem mensura Græcis, ac *Bath* sive *Batus* Hebræis, æqualisque capacitatis cum *Epbi*, continens juxta *Budæum* 10. Congios, vel 12. juxta *S. Epiphanium*. (b)

*Artaba* erat mensuræ genus septuaginta duos capiens Sextarios, inquit *S. Epiphanius*. (c) At, prout alii volunt, triplex erat, *Perfica* nempe, *Medica*, & *Ægyptia*: *Perfica* capiebat *Medimnum* & tres Cabos, *Medica* *Medimnum*, *Ægyptia* verò, de qua hîc sermo est, quinque Modios. *Medimnus* autem erat aliud mensuræ genus senos capiens Modios, seu *Amphoras* duas, vel *Italici* frumenti libras centum viginti.

*Modius* erat genus Romanæ mensuræ, 141 quâ frumenta, aliaque hujusmodi mensurabantur & dispensabantur; unde *Modius* quasi modus, quo dispensanda erant, dicebatur, eratque tertia pars *Amphoræ* Romanæ, seu *Epbi* capiens Sextarios Romanos sexdecim seu triginta duas Heminas, vel viginti sex libras aquæ vel vini; frumenti verò viginti libras tantum, & æqualis erat *Modius Sato*: *Satum* enim erat genus mensuræ aridorum continens *Modium* *Italicum*.

*Hin* dictio Hebræica, erat, teste *Jo-142 sepho*, apud Hebræos certum mensuræ genus, duos continens *Choas* sive Congios, hoc est, duodecim Sextarios Hebræos; duo enim *Choas*, sive *Congii* faciunt duodecim Sextarios Hebræos, dictos Hebræicè *Logim*, & Latine *Logos*, octo verò duntaxat Sextarios Romanos. Unde sequitur, quartam partem *Hin* olei fuisse tres Hebræos olei tui Sextarios, duos verò Romanos tantum, seu tres circiter olei tui libras. Dicit *Josephus olei tui*, quia,

K 2 ut

(b) Lib de mensur & pond. (c) Ibid.

ut notat Cornelius à Lapide, oleum hoc non debebat esse attritu molæ expressum, quod impurius est, sed pilò benè tustum, vel certè spontè fluens, quod purius atque limpidius est.

- 143 *Congius*, qui & alio nomine *Cbus* sive *Cboa* ab antiquis dicebatur, erat certum liquidorum mensuræ genus, octavam juxta Budzum *Epbi* partem capiens, seu Sextarios Romanos sex, hoc est, *Heminas* sive *Cotylas* Atticas duodecim. *Cotyla* enim, alio nomine *Hemina* dicta, erat aliud mensuræ genus dimidium Sextarii continens, ac proinde sex Sextarios capiens *Congius*, duodecim *Heminas* capiebat, seu *Cotylas*. Ab illo mensuræ genere, quod *Congius* dicitur, Novellius Torquatus Mediolanensis dicitur cognominatus fuisse *Tricongius*, eò quòd olim coram Tiberio Cæsare unico hauustu tres vini Congios siccaisset.

- 144 *Sextarius* erat magnus Scyphus duas *Heminas*, seu duas *Cotylas*, vel sextam partem Congii continens; unde *Sextarius* dictus, sicut *Quartanus* à quarta parte, *Acetabulum* ab octava, & *Cyatus* à duodecima parte ejusdem Sextarii. Triplex vulgò erat *Sextarius*, Romanus videlicet, Atticus, & Hebræus. Romanus erat Atticò major, & Atticus Hebræò. Capiebat enim Romanus duodecim *Cyatos*, Atticus, & Hebræus alio nomine *Log* seu *Logus* dictus octo tantum, sed pondere impari. Romanus viginti uncias vini, vel aquæ, Atticus quindecim, & Hebræus tredecim duntaxat continebat.

- 145 *Cabus* Hebræorum, sive *Cboenix* Græcorum, erat certum mensuræ genus continens quartam partem Modii, seu quatuor *Logos*, vel Sextarios Hebræos; eratque mensura victus diurni unius hominis, capiens quatuor libras, & quinque uncias; unde quarta pars Cabi erat libra una cum uncia una, sive tredecim uncie.

- 146 *Gomor* sive *Assaron* erat mensuræ genus, quo maximè per quadraginta annos

in deserto ad metiendum Manna usi sunt Hebræi; eratque talis, ut caperet decimam partem *Epbi*, & octo aquæ, vel vini, vel frumenti contineret libras, suffiebatque ad diurnum ejusdemque etiam robustioris hominis victum: Non tamen continebat octo Mannæ libras; Manna enim, cum longè levior esset frumentò æqualis ponderis erat cum farina, & *Gomor* Mannæ plenum quinquaginta circiter uncias, & non ultrà, ponderabat; & hinc est, quòd Hebræi *Gomore* uno Mannæ plenò egerent pro victu diurno, eoque quotidie vescerentur singuli.

*Cyathus* erat vasculi seu calicis genus, quod in conviviis ad metiendum, hauriendumque adhiberi solet, Germanicè *Becher*, Italicè *Bocale*, Gallicè *Gobelet*, duodecimam Sextarii Romani partem capiens; & sicut *Epbi*, seu *Ampbora Romana*, duas continebat Urnas. Urna quatuor Congios, Congius sex Sextarios, Sextarius duodecim *Cyathos*, ita & *Cyathus* quatuor Cochlearia seu Ligulas. Cochleare autem, sive Ligula, est mensura omnium minima, seu vasculum figuræ oblongæ, in formam Ligulæ, omnium minimum, alio nomine & per apocopen, seu decurtationem ultimæ litteræ *Cochlear* dictum ideo, quod ad cochleas, aliasque hujusmodi escas in mensis sumendas, vel hauriendas inferviat.

### De Mensuris Longitudinis. 148

Mensuræ longitudinis, de quibus in sacris Litteris fit mentio præcipuæ sunt: Digitus, Palmus, Pes, Cubitus, Passus, Ulna, Stadium, Milliæ.

Digitus, quamvis passim pro una seu 49 singulari aliqua ex illis quinque mandis nostræ extremis partibus sumatur, tamen interdum accipitur pro quadam mensuræ genere; estque decima sexta pars pedis, sive mensura, vel latitudo unius digiti transversum positi omnium minima, quatuor

tuor continens hordei grana transversim posita.

- 150 *Palmus* duplex est, major seu extensus, & minor seu contractus. Iste est mensura quatuor digitorum transversim positum. Major verò, qui & *Spithama* nuncupatur, est spatium trium palmorum minorum, seu duodecim digitorum, vel extensio illa, quæ est inter pollicem, & indicem manus extensæ.

- 151 *Pes*, quamvis passim sumatur pro ea corporis parte, quâ ad gradiendum utimur, est tamen quoddam mensuræ genus vulgarissimum, & ubique notum, quo mensurantur terræ, continetque quatuor palmos, seu sexdecim digitos transversim politos.

- 152 *Cubitus* vulgaris tam apud Romanos, quam Græcos & Hebræos est pes cum dimidio, hoc est, sex palmorum communium seu minorum sive viginti quatuor digitorum, vel duorum palmorum extensorum seu majorum; estque longitudo seu extensio à flexu brachii usque ad extremum digiti longioris extensi; sive est quarta pars staturæ hominis bene formati: quisquis enim bene formatus homo habet quatuor sui cubitos, seu pedes sui sex, & totidem facit cubitos, vel pedes, ubi sua brachia in latum extendit.

- 153 *Passus* duplex est, compositus nimirum & simplex. *Passus* compositus seu major, quo utuntur Geometræ, unde & dictus Geometricus, est spatium quinque pedum, sive viginti palmorum. *Passus* verò simplex & minor, qui dicitur *gressus*, est dimidium *passus* geometrici, seu spatium duorum pedum cum dimidio.

- 154 *Ulna* est genus mensuræ tantam plepientis longitudinem, quantam complectuntur duo brachia utrinque extensa, seu est duorum brachiorum extensorum longitudo. Varia tamen nunc apud varias nationes est Ulna. Soli Galli seu Parisienses assignatam à nobis Ulnæ longitudinem retinere videntur: cæteræ ple-

rumque nationes, dimidio illam decurant, adeò ut apud Germanos v. g. Ulna unius brachii longitudinem non excedat, imò nec attingat, si Viennenses excipias, quorum Ulna longitudinem brachii cum dimidio attingit.

*Stadium*, prout sacra Scriptura de eo<sup>155</sup> mentionem facit, est mensura centum viginti quinque passuum; curriculum enim, hoc est, locus sive spatium illud, in quo cursu & luctatione exercebantur antiqui, totidem continebat passus, & stadium dicebatur à stando, sive à statione, eò quòd Hercules eo centum viginti quinque passuum spatii uno spiritu confectò, stetitse fingebar. Est duplex Græcum scilicet, & Romanum; Græcum centum duntaxat, Romanum verò centum viginti quinque passus compositos seu geometricos continet, estque octava pars milliaria, seu mille passuum.

*Milliare*, idem est ac mille, *Milliare*<sup>156</sup> enim Italicum à mille passibus, quos continet, dictum est; & duplicatum facit Leucam unam.

### De Anno & Mensibus Hebræorum.

Apud Hebræos Annus duodecim Lunarum<sup>157</sup> mensum periodò concluditur; singuli menses proinde alterno ordine 30. & 29. diebus constant, initio tamen factò ab eo mense, qui 30. diis numerat.

Porro duplex anni initium ipsi statuunt, unum in Autumno, alterum in Vere. Annus ad civiles usus Autumnò, ad Sacros autem, seu ad ea, quæ Dei cultum respiciunt, ut sunt festa &c. Vere incipit, quâ anni ætate Romani etiam annum incipiebant.

Primus igitur Mensis anni Civilis, &<sup>159</sup> Septimus anni Sacri, seu Ecclesiastici *Tisri* nuncupatur. Trīginta diebus constat, & illius prima dies seu Neomenia Lunationi seu Novilunio Septembris nostri respondet. Secundus anni civilis, & octavus anni sacri Mensis *Marfebevan*,  
K 3 sive

sive *Bul* 3. Reg. c. 6. v. 38. dicitur; est 29. dierum, & Lunationi Octobris nostri respondet. *Carlen* tertius anni civilis & nonus anni sancti, 30. dierum, Lunationi Novembris respondet. *Thebet* quartus anni civilis & decimus Ecclesiastici, 29. dierum, & Lunationi Decembris respondens. *Sebatb* sive *Sebevetb*, quintus anni civilis, & undecimus sacri, 30. dierum, Lunationi Januarii respondens.

*Adar* sextus mensis anni civilis, & duodecimus Ecclesiastici, 29. dierum, Lunationi Februarii respondens. *Nisan* sive *Abib* Exod. 13. v. 4. septimus mensis anni civilis, & primus anni sancti, 30. dierum, & Lunationi Martii respondens. *Jiar* seu *Zio* vel *Ziv*, 3. Reg. 6. v. 1. octavus mensis anni civilis, & secundus Ecclesiastici 29. dierum, & Lunationi Aprilis respondens. *Sivan* nonus anni civilis & tertius Ecclesiastici 30. dierum, Lunationi Maji respondens. *Thamuz* sive *Tbanmuz* decimus anni civilis, & quartus anni sancti, 29. dierum, Lunationi Junii respondens. *Ab* undecimus mensis anni civilis, & quintus Ecclesiastici, 30. dierum, Lunationi Julii respondens. *Elul* duodecimus mensis anni civilis & sextus sacri, 29. dierum, Lunationi Augusti respondens.

Cum autem hi Hebræorum menses ad Lunæ cursum exarati, breviorum nostrò, qui ad annum Solis cursum mensuratur, annum efficiant. Annus enim Solaris 365. diebus, 5. horis, 48. minutis, & 37. secundis definitur; Lunaribus verò 354. diebus duntaxat. Hinc Hebræi, ut damnum illud resarciant, singulis triennii unum mensem intercalarem adjiciunt; ut sic annorum periodus cum Solis cursu constet; huncque mensem, quòd illum post mensem *Adar* sextum anni civilis, & duodecimum Ecclesiastici Februario nostro re-

spondentem collocent, *Pe-Adar*, id est, secundum *Adar* appellant.

### De Massora & Massorethib.

160

Massora vox hebræa Traditionem sonans, ex verbo *Masar*, nempe *tradere*, *dare*, *offerre*. *Massorethæ* verò dicti sunt Doctores illi Hebræorum, qui lectionem sacri Textus determinarunt, additis punctis vocalibus, quæ puncta scilicet vocales consonantibus adjungendas significarent, & exprimerent, sique earum defectum supplerent, & marginalibus notis, quæ in Bibliis Hebraicis impressis occurrunt; & qui religiosa sedulitate verba omnia, verus, litteras cujuscumque libri numerarunt, ne temporis successu aliquid mutari contingeret, eademque lectio semper & fixa permaneret. Cum enim Hebræi sæpissimè sine vocalibus sonum vocis determinantibus scribere soleant, non nisi traditionibus quibusdam à patre in filium derivatis, rationem quasdam consonantes legendi acceperant, quæ sanè variam inducere poterant significationem pro vocalium varietate, quæ suppleri debebant. Sic tres litteræ *d. b. r.* exprimere possunt *dabar*, *verbum*, vel *ipse dixit*; *dabtr*, *atrium*; *daber*, *mors*; *dalber*, loquere; &c. Traditione igitur statutum est, quam in singulis ubi fortè occurrunt, eadem vocabula significationem obtineant. Quam Traditionem Massorethæ firmam ratamque punctorum vocalium ope effecerunt; unde illis nomen *Massorethæ*, eorumque Operi *Massora*, sive *Traditio* inditum.

Quo tempore *Massora* Auctores hi seu *Massorethæ* florere cœperint, incertum; sanè verisimillimum videtur eos Sæculum nonum, vel ad summum, septimum non excedere. Et hinc parti primæ Tractatus nostri de S. Scriptura finem imponimus.

## PARS SECUNDA.

### 161 *De singulis sacrae Scripturae Libris.*

**J**am supra Part. 1. C. 1. diximus S. Scripturæ libros alios esse *Legales*, *Historicos* alios, alios *Sapientiales*, denique *Propheticos* alios.

De his singulis eâ ratione agemus, ut ordine, quo in S. Scriptura continentur, insuper habitò, Legales Legalibus, Historicis Historicis, Sapientiales Sapientialibus, & denique Propheticos Propheticis jungamus. Et quoniam horum sacrorum Codicum alii sunt veteris Testamenti, alii verò novi, hinc, ut distinctim omnia fluant, partem hanc secundam in binas Sectiones distinguemus, in quarum prima de singulis veteris Testamenti libris tractabimus; in secunda verò novæ Legis libros expendemus. Sit igitur

#### 162 *Sectio Prima.*

##### *De singulis veteris Testamenti Libris.*

Hujus Sectionis quatuor erunt Capita juxta jam assignatam librorum ipsorum varietatem,

### CAPUT PRIMUM.

#### *De Libris legalibus veteris Testamenti.*

**L**ibros legales veteris Testamenti, quibus videlicet divinæ Leges comprehenduntur, esse quinque Moysis libros, Genesim videlicet, Exodum, Leviticum, Numeros, & Deuteronomium, jam supra

memoravimus. (a) Unico nomine *Pentateuchus* nuncupantur, quod non eni à græco latine redditum quinque volumina sonat.

Horum Voluminum Auctorem esse Moysen, jam alibi demonstravimus (b), ubi de veritate, & integritate librorum sacrorum egimus.

Et propterea vel id evincit, omnium, quotquot post Moysen extiterunt, Scriptorum auctoritas, qui unanimi consensu illum horum librorum Auctorem esse deprecant. Judæorum quoque Synagoga, Christus etiam & Apostoli, universaque Christiana Ecclesia eosdem Moysi semper adscripserunt. Ergo non audiendi sunt illi, qui libros hos Moysi esse in dubium vocare velle videntur, sed potius, cum demonstrativis, & evidentibus argumentis destituantur, rejiciendi sunt, ut qui vanis, ac inanibus argumentationibus Moysen possessione trium millium, & quod excurrit, annorum deturbare conentur.

En tamen præcipua illorum argumenta, 163 quibus singulis singulas atroximus responsiones.

Ajunt ergo 1mo. Ideo videri Pentateuchum Moysi falso adscribi, quod in eo multa contineantur, quæ Moysi temporibus fuisse posteriora. Ut 1mo mors ipsius, quæ legitur Deuter. ult.

Resp. Verba hæc postmodum addita fuisse ad complendam Moysi historiam vel à Josue, vel ab Esdra, prout contendit Bellarminus, eum post reditum à captivitate

(a) Part. 1. C. 1. (b) Part. 1. C. 2.

tate Babylonica sacros libros collegit, & descripsit.

- ¶ 64. 2do. Genes. 12. v. 6. hæc habet textus : *Chananaus autem tunc erat in terra*, promissionis videlicet. Atqui hoc dici non potuit nisi ab eo, qui Chananaeos ex Palestina pulsos vidisset; quam expulsionem, utpote Moyses morte posteriorem, ipse videre non potuit. Ergo &c.

Resp. Neg. min. Id enim etiam ab eo dici potuit, quamvis Chananaeos ex Palestina pulsos non viderit; sensus quippe est, jam tempore Abraham Chananaeos habitasse terram promissionis, quod utique ipse scribere poterat.

- ¶ 65. 3tio. Genes. c. 36. v. 31. numerantur octo Reges, qui ab Esau regnarunt in terra Edom, cum tamen quatuor tantum intercesserint generationes ab Esau usque ad Moysen. Adduntur insuper hæc verba : *Antequam haberent Regem filii Israël*. Atqui hæc affirmari non potuerunt, nisi ab eo, qui deinceps vidisset Reges Israël, at vero longo post Moysen tempore Israëlitarum primum Reges habere cœperunt. Ergo &c.

Resp. Octo Reges, qui loc. cit. numerantur, paterna successione non sibi fuisse substitutos, sed vel usurpatione, vel electione : ex ipsius quoque Moysis narratione constat, Duces, seu Reges Idumæorum non successivè, sed alios & alios diversis in locis simul regnasse; unde nihil officit, quominus ab Esau usque ad Moysen quatuor tantum fuerint generationes.

Ad textum, qui subjungitur, respondent aliqui, Moysi per Dei revelationem innotuisse, Judæos habituros deinceps Reges, ut constat Deut. c. 17. v. 14. Alii vero ajunt, id postmodum ipsius libro majoris claritatis gratiâ deinceps fuisse additum, fortè ab Esdra, qui libros Moysis restauravit.

- ¶ 66. 4to. Deut. 2. v. 14. dicuntur filii Esau habitasse in Seir, expulsi, & deleti Horrhæis, *sicut*, inquit textus, *fecit Israël in terra possessionis suæ, quam dedit illi Dominus*. Atqui verò filii Israël nonnisi post

Moysis obitum habitare cœperunt terram possessionis suæ. Ergo &c.

Resp. Deletionem illam populorum à filiis Israël factam vel intelligendam esse de populis trans Jordanem habitantibus, quorum regiones, illis deletis, divise ab ipso Moysse fuerunt Tribubus Ruben, & Gad. Vel si de omni terra possessionis ibi sermo est, id à Moysse prophetico Spiritu dictum, vel ab Esdra, qui libros Moysis restituit, hic additum fuisse.

- ¶ 67. Exod. 16. designatur tempus, quo filii Israël desierunt manducare Manna. Atqui id nonnisi post mortem Moysis factum est. Ergo &c.

Resp. Noverat Moyses filios Israël quadraginta annis in deserto peregrinatos; potuit ergo manducationis mannæ tempus designare. Dici etiam potest, hoc ab Esdra, vel alio claritatis gratiâ textui fuisse additum.

- ¶ 68. 6to. Deut. 1. sic habet textus : *Hæc sunt verba, quæ locutus est Moyses ad omnes filios Israël trans Jordanem*. Atqui hoc falsum esse videtur; enimverò mortuo jam Moysse primum Israëlitarum Jordanem transierunt. Ergo &c.

Resp. Vocabulum *Trans*, ut ex hebræo fonte *Bebeber* perhibetur, hic tantum significat *in transitu*; sensus ergo est, locutum fuisse Moysen verba hæc ad filios Israël, cum essent brevi Jordanem transaturi, quod post unius circiter mensis spatium factum est : una enim eademque voce *Heber* utuntur Hebræi ad significandum *cis*, & *trans*, eaque diversum illum situm exprimunt; unde videtur fortè hic error esse penes Interpretem, qui locū *cis* transulit *trans*.

- ¶ 69. 7tmo. Deut. c. 3. Jair dicitur nomine suo insignivisse urbes forte sibi concessas, additque textus : *cas nomen illud servasse usque in præsentem diem*. Atqui hoc innuere videtur longum post has urbium divisiones tempus, adeoque mortuo jam Moysse. Ergo &c.

Resp.

Resp. vel verba hæc: *usque in praesentem diem* addita fuerunt textui, & à margine in eum transmissa; vel sic locutus est Moyses, quia re ipsa jam tempus aliquod effluxerat à divisione terræ ad illud, quo Moyses librum suum scripsit.

170 8vo. Multæ Urbes, & Regiones in libro Genesis iis nominibus appellantur, quæ ipsæ nonnisi post Moysen tempora adeptæ sunt: ut imo *Ninive* Genes. c. 10. Cum tamen primum Deborah temporibus dicatur vixisse *Ninus*, à quo Urbs ista nomen suum accepit. 2do. Ibid. c. 11. v. 28. & 31. *Ur* jam dicitur Chaldeorum, cum tamen nomen istud nondum fuerit in usu tempore Abrahamæ. 3tio. Ibid. c. 4. dicitur Abraham persecutus Reges debellatos usque *Dan*: at urbs ista primum à Tribu *Dan* nomen hoc accepit, ut habetur Judic. 18. 4to. Mons *Moria*, *Dominus videt*, jam c. 22. v. 14. nuncupatur, cum tamen nomen istud non videatur accepisse, nisi post extructum in eo Templum, quod Moyse posterius fuit. 5to. c. 37. v. 14. fit mentio *Vallis Hebron*, quod nomen ab Hebrone Calebi filio primum post Moysen obitum accepit. 6to. c. 40. v. 15. Joseph se de terra Hebrorum furtim sublatum dicit, cum tamen eo tempore Regio illa, è qua sublatum se queritur Joseph, terra Chanaan fuerit, quæ nonnisi postquam Hebræi Jordannem transivissent, adeoque post Moysen mortem, ad eos pervenerit. 7tmo. c. 35. v. 21. Turris *Eder* seu *Gregis* commemoratur, cum tamen primum post adificatam urbem Jerusalem ita fuerit nuncupata, cuius nempe porta erat.

Resp. 1mo. Vel falsum esse, Urbes, & Regiones illas, de quibus in libris Moysen fit mentio, ea nomina, quibus ibidem appellantur, primum post ipsius tempora fuisse adeptas; neque hujus ratio sufficiens ab Adversariis afferri potest. Vel dicimus, ea nomina deinceps iis libris fuisse inserta locò veterum, quibus antea vocabantur, ut videlicet clarior narrationis contextus

P. Cartier Theol. Tom. I.

evaderet: cum enim alia fortè, quàm prius haberent, nomina post Moysen tempora accepissent, non potuissent non obscurissima fieri historia, quæ antiqua & legentibus ignota referret urbium nomina. Nostro igitur etiamnum iudicio nonnulla in hisce Moysen libris occurrunt aliena manu addita, quibus cum apertior & clarior efficitur sermo, necnon pristinus sensus omnino servetur. Quis proinde hæc sufficere asseret, ut Pentateuchus Moysi abjudicaretur?

Resp. 2do. ad singula. Ad 1mum. Incertum est, *Ninum* vixisse primum Deborah temporibus; multi enim probabilius censent, eum Abrahamæ contemporaneum fuisse: mirum igitur esse non debet, si Moyses nomen urbis proferat, quod eadem multò ante sua tempora inditum fuerat, & quibus sub eo nomine hæc Urbs nota erat.

Ad 2dum. Equè istud, ac prius incertum manet, num videlicet adhuc tempore Abrahamæ Chaldeorum nomen ignotum fuerit. Sed quidquid sit, illud certò constat, nomen hoc jam Moysen tempore usu receptum fuisse, quod & ipse adhibuit, ut nempe ipsius narratio facilius intelligeretur.

Ad 3tium falsum est, nomen *Dan* fuisse tempore Moysen incognitum: ut enim Auctor est S. Hieronymus, *Jordanis* ipse à vocibus *Dan*, & *Jor* dictus est.

Ad 4tum falsum quoque est, montem *Moria* sic dictum fuisse primum post Templum extructum, sed ita appellatus fuit post responsum ab Abrahamo datum filio de victima holocausti quaerenti; quod nomen usque ad Moysen ætatem perseveravit.

Ad 5tum dicimus, vel jam tempore Moysen existisse urbem, quæ *Hebron* dicebatur, cum prius vocata fuisset *Cariat-barbe*: vel nomen istud fuisse deinceps additum ad designandam urbem, quæ aliàs antiquo notata nomine suo haud satis dignosci potuisset.

Ad 6tum. Per terram Hebrorum è qua sublatum se queritur Joseph, intelligitur

L



gitur Regio, quam tunc Hebræi, Jacob scilicet, & filii ejus incolebant.

Ad 7<sup>mum</sup>. Per currim *Eder* hic non intelligitur porta aliqua Urbis Jerusalem, sed, prout observat S. Hieronymus, locus quidam propè Bethleem.

- 171 Ob. 9<sup>no</sup>. In istis libris immodicæ in Moysem ipsum congruntur laudes, ut qui dicatur *mitissimus hominum*, Num. 12. *Homo Dei*, Deut. 33. *Quod non surrexerit Propbeta*, ut *Moyse in Israël*, ibid. c. ult. & alia hujusmodi; quæ Moyse, si eos libros scripsisset, de se ipso elocutus utique non fuisset. Ergo &c.

Resp. Modicas omnino esse laudes illas, quas sibi in suis libris tribuere videtur Moyse; nec etiam è contrario veretur, sua enarrare vitia: cum autem se ipsum leviter duntaxat commendare videtur, id ejus veracitati potius, & candido animo, peculiarique Spiritus sancti afflatui, necnon speciali divino præcepto tribuendum est, quam inani jactantiæ. Quod si hæc responsio Adversariis non sufficiat, dicemus, hæc pauca libris Moyse simul cum obitu illius narratione fuisse adjecta in illius perpetuam laudem, & commendationem.

- 172 Objicit 10<sup>mo</sup>. Richardus Simon (c) hæc conjecturas: quod in Pentateucho stylus sit varius; eadem frequentius repantur; perturbata plerumque se prodant narratio orta fortè ex foliorum, quibus res gestæ exarata continebantur, inverso ordine. Ex quibus, ut & aliis, quos præmissimus, objectionibus concludit, hos quinque Moyse libros esse Notariorum publicorum Opus, qui omnia Hebræorum gesta primum in Commentaria, ac deinde in librum justò compendiò exaratum redegerint; qui quidem Moyse Pentateuchus dicatur, quod sub ejus regimine gesta illa collecta fuerint.

Resp. Conjecturas illas non præponere rationibus, & auctoritatibus, qui-

bus alii cruditi demonstrant, hos libros Moyse Opus esse. Quod styli diversitatem spectat, repeti illa debet ex rerum & temporum, quibus Moyse scripsit, varietate. Repetitiones autem in illis fuerunt necessariæ ad pleniorum earum rerum, quas continebant, intelligentiam. Nec denique inversum ordinem esse foliorum in Pentateucho aliis benè multis visum est; frustra proinde conjicit Simonius, ex perturbato foliorum, seu schedularum, in quibus scriptitari solebat, ordine, ortas esse, quæ ipse in Pentateucho deprehendere sibi videtur, transpositiones, & confusiones; nam antiqui schedas, seu folia, in quibus scribebant, non secus ac nos, in ordinem componebant, & extrema sui parte aliters fecus consuebant, necnon in longum ita disponebant, ut in volumen contrahi possent; nec minor ab illis, quam nunc à nobis sit, in suis Scriptionibus ordinis ratio habebatur; & si fortè quædam in illis perturbatio accideret, tam faciliè eas in ordinem reducabant, ac nunc fit, ubi nostri compinguntur libri.

Sed est, res in Pentateucho sine ordine esse descriptas, quid mirum? cum ab Auctore simpliciter, & sine fuco, vel verborum ornatures, prout gestæ sunt, narrentur. Quin potius exinde rectè ac cum veritate arguimus, Pentateuchum auctorem habere ipsum Moysem, qui, utpote vir simplicissimus, politiori stylo, & oratione seipsum commendare haud gestierit. Dicendum ergo istud Simonii Systema meriti conjecturis, & possibilitatibus, quas fortè admittere possemus, si contrarium aliundè nobis non innosceret.

Igitur Moyse filius Amrani, & Jacob amborum ex Tribu Levi in Ægypto anno mundi 2433. ante Christi æram vulgarem 1570. natus, Pentateuchum scripsit ea quidem ætate, quæ veri, & unius Dei nomen nonnisi solis firmè Judæis notum erat, dum cæteri mortales profundis Dei &

& veræ Religionis ignorantia tenebris, necnon universali corruptione erant involuti.

Ipsimet Hebræi, quorum gratia Moses scribebat, rudes erant, & indociles, summaque ipsis ad idololatram erat propensio. Diu quippe inter corruptæ, & idololatæ Nationis parietes enutriti, duris laboribus, longaque servitute oppressi, ad ferarum penè conditionem redacti fuerant; Majorumque suorum Religionem fernè oblit, eam sectabantur, quæ tum in Ægypto dominabatur, atque corruptis hominum moribus magis accommodata videbatur. Hæc nobis attentè consideranda sunt, si probè Moyſis mentem assequi cupiamus. Debutit ille populi hujus ruditati, & præjudiciis aliquantùm deferre; quæ illius educationi deerant, supplere; factas Majoribus promissiones in mentem revocare; Avorum nobilitatem ob oculos ponere; improbum, & ad malum proclivem illius genium frenare. Id Moyſis consilium fuit, ad quod omnia referuntur, quæ in Pentateucho leguntur. Modò singulos illius libros expendimus.

274

### De libro Genes.

Liber iste à deducta Patriarcharum ab Adam usque ad Jacobi nepotes Genealogia Genes seu generationis nomen accepit. Hebræis inscribitur *Bereſchit*, quod vocabulum istud in Hebræo textu sit primum.

275

Quinquaginta Capitibus 2369. annorum Historiam complectitur, ab exordio scilicet mundi, usque ad Patriarchæ Josephi obitum; postèque secundum varias temporum, quæ percurrit, epochas in tres partes dividi; in quarum prima à Cap. 1.

usque ad 7. ea continentur, quæ in prima mundi ætate contigerunt, ab Adam videlicet usque ad Diluvium; (d) ut creatio mundi, & hominis sex diebus completa. Lapsus Protoparentum. Eorum poenæ. Propagatio generis humani per Adam usque ad Noë. Malitia hominum velut causa diluvii.

Secunda pars à Cap. 7. usque ad 12. 176 complectitur ea, quæ in secunda mundi ætate, à Diluvio nempe usque ad Abrahamum evenerunt (e): Extructio videlicet Arcæ à Noë facta. Diluvium, ejusque cessatio. Pactum Deum inter & Patriarcham Noë. Genealogia hominum post Diluvium à filiis Noë, usque ad Abrahamum. Edificatio turris Babel, & linguarum confusio.

In tertia verò parte à Cap. videlicet 12. usque ad 50. comprehenduntur ea, quæ gesta fuerunt in tertia mundi ætate, ab Abrahamo nempe usque ad Moysem, seu exitum Israelitarum ex Ægypto sub Patriarchis Abraham, Isaac, Jacob, & Joseph (f) ut sunt divinæ promissiones Abraham factæ. Præceptum circumcisionis. Ortus Isaac. Probatio fidei & obedientie Abraham in filii sui præcepta imolatione. Gesta, & facta mysteriis plena Patriarcharum Isaac, Jacob, & Joseph. Genealogia filiorum Jacob, & Esau &c.

Occurrunt in hoc libro quædam, quæ ad imminuendam illius auctoritatem passim objici solent.

1mo. Cap. 1. Lux dicitur creata à 178 Deo die primo, & v. 16. primum quarto die Sol, qui tamen diem constituit, eique lucem præbet. Ergo ante Solem creatum nec lux, nec dies erat &c.

Resp. Neg. argumentum. Lux enim est speciale elementum à Deo statim post

L 2

co-

(d) Prima mundi ætas ab Adam usque ad Diluvium; ab anno mundi 1. ante æram Christi vulgarem 4004. usque ad annum mundi 1657. ante æram 2347. (e) Secunda mundi ætas à Diluvio usque ad Abrahamum; ab anno m. 1657. ante Christi æram, 2447. usque ad annum mundi 2033. ante Chr. 1917. ante æram 1921. (f) Tertia mundi ætas ab Abrahamo. ejusque peregrinatione, seu vocatione usque ad Moysem, seu exitum Hebræorum ex Ægypto; ab anno mundi 2033. ante Christ. 1917. ante æram 1921. usque ad annum mundi 2513. ante Christ. 1487. ante æram 1491.

cælum, & terram, prout Scriptura exprimit, creatum; postea etiam creatus est Sol, immensum corpus illud, qui suo motu ita lucem premeret, ut apta esset ad hominum postmodum creandorum oculos sic afficiendos, ut illam, diemque cernere possent; Lux enim, nisi oculos feriat, videri haud potest, eos autem ferire non potest nisi ab alio subtili, & ignito corpore moveatur. (g)

- 179 2do. Ibid. c. 2. v. 2. hæc leguntur: *Complevitque Deus die septimo opus suum, quod fecerat.* Et tamen prius, nempe c. 1. vers. ult. dicitur: quod, *cum omnia fecisset Deus, factum sit mane, & vespere dies sextus.* Hæc autem manifestam contradictionem involvunt. Ergo &c.

Resp. 1mo. c. 2. v. 2. locò *complevit* legendum esse *compleverat*, sic enim vox hebræa verti potest.

Resp. 2do. Pentateuchum Samaritanorum, & versionem græcam textum illum Gen. 2. v. 2. sic habere: *Complevitque Deus die sexto &c.* Emendandus ergo videtur Vulgatæ nostræ Librariorum error ad normam Pentateuchi Samaritani, & græcæ Versionis.

- 180 3to. Ibid. c. 4. v. 15. Caino timenti, ne propter perpetratum fratricidium à primo occurrente occideretur, promittit Deus, nequaquam ita futurum. Et postea tamen à Lamecho occisus dicitur ibid. v. 23. prout intelligunt Hieronymus, Anselmus, Rabanus, Strabus, Lyranus, Petrus Comestor, & alii. Atqui hæc inter se aperte pugnant. Ergo alterutrum falsum est.

Resp. 1mo. Quidquid Hieronymus & alii dicant, minime tamen certum est, Cainum à Lamecho occisum fuisse. Fateretur equidem Lamech, se occidisse virum, sed juvenem, at profectò tunc Cain, utpotè Lamechi Avus, juvenis haud ampliùs erat, ac proinde nec vir

ille, quem Lamech se occidisse queritur.

Resp. 2do. conc. maj. & neg. min. Quia Deus Caino non prædixerat, eum absolute, seu prorsus non occisum iri, sed solum non esse futurum, ut occideretur eò modò, quo ipse timebat se occidendum fore, nimirum à primo occurrente scienter, & ex intentione; & quamvis à Lamecho occisus fuerit, certè non ita occisus fuit, sed ab ipso non cogitante, & inter venandum feram quærente. Prohibuit ergo Deus tantum, ne palam, & agnitus Cain occideretur, non autem casu, & non cognitus, & ab eo, qui feram se occidere arbitrabatur.

- 4to. Ibid. c. 4. v. 26. dicitur de Enos, 181 quod *cœperit invocare nomen Domini*; at prius, nempe v. 4. dictum est, quod *Abel Deo munera obtulerit*, ac proinde ante Enos Deum invocaverit.

Resp. Dum Enos Deum invocare cœpisse dicitur, id ita intelligi debet, ut cœperit invocare nomen Domini, non quidem privatim, id enim jam ante ipsum præstiterat Abel, sed publicè, congregando scilicet piorum aliorum hominum cœtus ad laudes, & gratiarum actiones Deo perfolvendas, certosque præscribendo ritus, quibus religiosius, & solemnius, quàm antea, coleretur Deus.

- 5to. Ibid. c. 5. v. 27. Mathusala dici- 182 tur vixisse 969. annos, ac proinde ad finem usque diluvii, cum tot præcisè effluxerint anni à nato Mathusala usque ad Diluvii finem. At postea c. 6. dicitur in Arca Noè octo duntaxat personas fuisse, Noè scilicet, Sem, Cham, & Japhet, cum sua quemque uxore, de Mathusala autem omnino siletur.

Resp. Ultimum illius annum non fuisse completum, sed inchoatum duntaxat, atque, prout tradunt Hebræi, septimo ante diluvii initium die illum obiisse.

Corri-

(g) Vide, quæ disseruimus part. 1. Physices nostræ seu in Physica universali, c. 5. tit. de Lagine.

Corrigenda est proinde Septuaginta Interpretum Versio, quæ Mathusalam quatuordecim adhuc post diluvium annis superfuisset perperam memorat, seu supponit.

- 183 6to. Genes. 6. v. 3. dicit Deus: *Erunt dies homines 120. anni.* Et tamen postea fuerunt, qui ultra hos annos vitam protenderunt, quos passim Scriptura commemorat.

Resp. Textum non ita esse intelligendum, quasi postea nulli homines ultra 120. annos vitam protenderint; sed circa hocce tempus, nempe post 120. annos futurum esset diluvium, quo omnes submergendi erant & perituri, prout revera contigit. Pœnitentiæ ergo spatium hominibus hic à Deo præfigitur, non vitæ terminus.

- 184 7mo. Ibid. v. 6. dicitur de Deo, eum pœnituisse, quod hominem fecisset in terra, cum tamen, ut verè de eo dicitur 1. Reg. c. 15. v. 29. *homo non sit, ut agat penitentiam.*

Resp. Citatum Genes. c. 6. v. 6. textum, qui dicit Deum pœnituisse &c. non ad litteram, sed metaphoricè sumendum, & intelligendum esse. Loquitur enim Scriptura more humano, inquit S. Augustinus (b); unde cum Deum pœnitere docet, non secundum affectum, sed effectum intelligi debet; non enim more pœnitentium, priorem revocat affectum, sed retractat ea, quæ fecit, & retractanda decreverat in tali temporis circumstantia.

- 185 8vo. Ibid. c. 11. v. 26. dicitur Thare 70. annos natus genuisse Abrahamum, mortuusque esse annò ætatis Abrahami 75. totidem enim annorum erat Abraham, cum mortuo patre de Haran egressus est, prout habetur Ibid. c. 12. v. 4. quos si 70. illis, quos natus fuisse dicitur Thare, cum Abrahamum genuit addamus, efficiuntur anni vitæ ipsius 145. tantum. At-

tamen eodem c. 11. v. 32. dicitur idem Thare vixisse annos 205.

Resp. 1mo. Thare Abrahamum genuisse non 70mò sed 130mò duntaxat vitæ suæ annò, ideoque, cum citatò c. 11. v. 26. dicitur *Thare annò ætatis suæ 70mò genuisse Abraham, Nachor, & Aran*, id ita intelligi debet, ut quidem Thare annò ætatis suæ 70mò gignere cœperit, sed non primò Abrahamum, verum alios ipsius fratres; quòd autem ipse cæteris præponatur, non arguitur per hoc ejus primogenitura, sed tantum præ cæteris electio; neque enim rarum est in Scriptura, ut juniores prioribus anteponanur. At quia fortè hæc responsio quibusdam minus solida videri posset, hinc brevius

Resp. 2do. Verum hunc 32. c. 11. Genes, quo dicitur Thares vixisse 205. annos mendosum esse, atque emendari debere secundum textum Samaritanum, ubi Genes. 11. v. 3. disertè hæc leguntur; *Et fuerunt dies Thare centum & quadraginta quinque annorum, postea mortuus est Thare in Havan.* Quod vel ex eo colligitur, quòd cum isto Samaritano textu, vulgatæ nostræ huic versui 32. anteriores & posteriores textus, ex quibus patet, Thare 145. annis duntaxat vixisse, optimè congruant.

9no. Ibid. c. 12. v. 19. mentitus est, 186 Abraham, dum interrogatus de Sara uxore sua, respondit, illam esse suam sororem; atque etiam eam mentiri voluit v. 13. dum illi dixit: *Dic ergo, obsecro te, quòd soror mea sis.* Iterum mentitus est, quando montem Moria cum filio suo Isaac ibidem immolando confensus servis suis dixit c. 22. v. 5. se, & filium suum, postquam adorassent, ad ipsos esse reversuros.

Resp. 1mo. transeat, his locis mentitum fuisse Abrahamum; non tamen exinde sequitur S. Scripturam esse mendam, L 3 cem,

cem, sed potius veracem, cum ea, quæ ad historię veritatem pertinent, fideliter referat, non quidem ut approbet, sed ut integram historię veritatem declaret; verior enim per hoc apparet sacra historia, quod non omittat, nec taceat, sed sincere, & fideliter referat tantorum virorum delicta, qualia sunt ea, quæ de Loth, Samfone, Davide, Salomone, & aliis interdum historice narrat.

Resp. 2do. negamus Abrahamum hic mentitum fuisse. Non, quando dixit Saram uxorem esse sororem suam; in hoc enim veritatem celavit duntaxat, at nulum protulit mendacium; erat quippe Sara neptis Abraham, filia nempe Aran fratris sui; usus autem invaluerat apud Hebræos, ut neptes à patruis seu avunculis dicerentur sorores, & nepotes fratres; undè idem Abraham Loth fratris sui filium, seu nepotem suum vocat fratrem, Genes. 13. v. 8. Neque etiam idem Abraham mentitus est, cum dixit, se cum filio suo ex monte reversurum, quia certò sibi persuasum habebat, aut saltem certò sperabat, quòd Deus, aut non pateretur Isaacum occidi, vel occisum, & imolatum suscitaturus esset; sciebat enim, Deum fallere non posse, nec promissis deesse, qui promiserat, ex Isaac Christum nasciturum, & posteritatem ejus innumerabilem futuram sicut stellas cœli, & pulverem terræ.

187 10mo. Ibid. c. 15. v. 3. prædicitur Abrahamo, semen suum peregrinum futurum in terra aliena, & ibi subsiciendum, & affigendum fore 400. annorum spatio. At Exod. c. 12. dicitur, quòd Israëlitarum in Ægypto per 430. annos manserint.

Resp. Scripturam sæpius minorem numerum pro majori usurpare, quod & hic facit, adeoque prior Genesis textus ita intelligendus est, ut ad minimum 400. annis filii Abrahami peregrini futuri sint in terra aliena. Quidam 430. annorum illorum, de quibus in Exodo fit mentio, initium sumunt ab eo tempore, quo

Abraham 75tum ætatis suæ annum agebat; volunt autem 400. illos, qui Genesis c. 15. memorantur, annos incipiendos esse à nato primùm Isaac, cum nempe Abraham Pater ejus jam centenarius erat; profectò enim Isaac, quamprimùm natus est, coepit esse peregrinus in terra aliena, de quo hic est sermo; atque juxta hunc computum pauci residui erunt anni, quibus 430. annorum illorum numerus compleatur; prout passim in sacra Scriptura contingit.

11mo. Ibid. c. 27. v. 19. Mentitus est Jacob, dum bis interrogatus à Patre suo, num esset Esau, respondit ita, se Esau esse.

Resp. 1mo. transeat, eum esse mentitum, quid tum? Ergo sacra Scriptura, quæ factum istud historice tantum memorat, mendax quoque est? minimè profectò. Vide quæ ad objecl. 9nam pag. 85. primò locò respondimus.

Resp. 2do. neg. hic mentitum fuisse Jacob, 1mo. quia duplici titulò promogenitus dici poterat, jure scilicet emptionis, & Decretò Dei matri Rebeccæ significatò, quando ei fuit revelatum, aliquando futurum, ut major minori serviturus sit. Et sic Jacob dicens, se esse Esau, non mentiebatur, quia se Esau non in persona, sed in jure dicebat; sicut Joannes dicitur à Christo Elias, non quidem in persona, sed in Spiritu. 2do. Quia licet re ipsa non esset Esau, erat tamen, ut ajunt, repræsentativè, enimverò ipsius personam exhibebat, undè sine mendacio potuit dicere patri suo, se fecisse id, quod ei præceperat, quamvis ei nihil, sed Esau præcepisset, &c.

12mo. Mentitus est pariter Joseph, dum Genes. c. 42. v. 9. asseruit, fratres suos, quos tamen optimè noverat, esse exploratores; & Benjamin scyphum argenteum furtò sustulisse, Genes. c. 44. v. 4.

Resp. 1mo. Si mentitus est Joseph, id non probat Scriptura, se tantum historice narrat. vid. ob. 9. pag. 85.

Resp.

Resp. 2do. Hæc ab ipso dicta fuisse, non juxta propriam, sed secundum Regis Ægypti domesticorum secum degentium opinionem; vel interrogando duntaxat, non asserendo, quod colligi posse videtur ex v. 15. ubi ait illos, *cur sic agere voluistis?*

Respondent alii, Josephum hæc non dixisse serio, sed joculariter, & simulatè: verum sic à mendacio non absolvitur.

190 13tio. Ibid. c. 46. v. 26. dicitur, quod cunctæ animæ, quæ ingressæ sunt in Ægyptum, fuerint sexaginta sex, & v. 27. dicuntur fuisse septuaginta. Imò Act. 7. v. 14. septuaginta quinque fuisse asseruntur in Ægypto.

Resp. hæc omnia vera esse. Nam cum v. 26. cunctæ animæ, quæ ingressæ sunt Ægyptum cum Jacob dicuntur fuisse 66. in hoc numero non includuntur Jacob, & Joseph, nec duo Josephi filii, nimirum Ephraim, & Manasse, qui quatuor si præfatio addantur numero, reperiuntur septuaginta, id est, tot, quot reperiuntur ingressæ v. 27mo sequenti; & si insuper istis addantur quinque Joseph nepotes, qui fuerunt etiam in Ægypto, prout reipsæ à septuaginta Interpretibus adduntur, reperiuntur septuaginta quinque fuisse in Ægypto, qui est numerus Act. 7. expressus.

### De libro Exodi.

191 Exodus vox græca *egressus* latinè significat, quo nomine secundum Scripturæ liber insignitur, quod de egressu Israëlitarum ex Ægypto præcipue agat. Hebræi illum *Veelle Schemoth* nuncupant, id est, *hæc sunt nomina*; eoquod ista sint prima totius libri vocabula.

Illi 40. numerantur Capita, quibus ea, quæ quartâ mundi ætate, à morte

Josephi videlicet, usque ad erectionem Tabernaculi, quæ facta fuit die 1ma mensis anni 2. ab egressu ex Ægypto, contingere describuntur (1); ut Patriarcharum, seu filiorum Jacob mors. Secuta dura Hebræorum servitus, & oppressio: Variæ machinationes, quibus Pharo Rex Ægypti israelitarum propagationem cæde neonatorum masculorum, eorundemque submersione obstetricibus imperata conatus est impedire. Moyse ortus, educatio, fuga, Regumque Ægypti in Hebræos iterata odia. Regressus Moyse à Madianitide, quod prius confugerat. Plagæ Ægyptiis ab ipso inflictæ. Hebræorum ab Ægypto egressus, ac transitus maris rubri. Ægyptiorum ipsos persequendum in eodem submersio. Beneficia à Deo Israëlitis collata. Legis indictio. Hebræorum in Deum ingratitude. Tabernaculi erectio.

Quatuor præcipue adversus hujus libri 192 auctoritatem objici solent. 1mo. Ibid. c. 14. v. 20. nubes, quæ Hebræos mare rubrum transeuntes ducebat, dicitur tenebrosa simul, & illuminans, quod apertè contradictionem involvit.

Resp. Hæc duo de nube illa rectè dici sine ulla contradictione; anteriore enim sui parte, qua Hebræos illuminabat, cisque lucem præbebat, illuminans erat, parte verò sua posteriore, & Ægyptios respiciente erat tenebrosa, adeoque simul illuminans, & tenebrosa respectu diverforum, quod nullam contradictionem involvit.

2do. c. 20. v. 5. dicitur Deus visitare 193 iniquitatem patrum in filios in tertiam, & quartam generationem: huic verò repugnat, quod dicitur Ezechiel. c. 18. v. 20. *filius non portabit iniquitatem Patris.*

Resp. priorem Exodi textum loqui de pœna temporali, posteriorem verò de pœna

(1) Quarta mundi ætas ab an. m. 2313. ant. Christ. 1487. ant. ær. 1491. usque ad an. m. 2292. ant. Christ. 1000. ant. ær. 1012. nempe usque ad jectâ Templi per Salomonem fuisse durans.

pœna spirituali, privationis videlicet gratiæ, & damnationis æternæ; prior tran-  
sit in filios, secus posterior, excepto  
peccato Originali, de quo proin non est  
hic quæstio. Vel, ut explicant alii,  
prior textus loquitur de filiis iniquorum  
parentum mores imitantibus, posterior  
verò de filiis iniquorum parentum vitia  
fugientibus.

- 194 3tio. Ibid. c. 31. v. 18. *Dedit Domi-  
nus Moysi . . . duas tabulas testimonii  
lapideas, scriptas digito Dei.* Et tamen  
c. 34. v. 28. Illæ testimonii tabulæ à  
*Moysè scriptæ dicuntur.*

Resp. Moysen, ob vituli adorationem  
à populo perpetratam indignabundum ac-  
ceptas à Deo tabulas ipso Dei digito scri-  
ptas confregisse, & postmodum duas  
alias prioribus similes præcidisse, atque  
in eis, dictante Deo, fœderis verba scri-  
pisse, prout colligitur ex eodem c. 34.  
v. 1. Prior ergo textus intelligitur de  
prioribus tabulis à Moysè contractis,  
posterior verò de posterioribus à Moysè  
de novo præcis, & Deo dictante, vel,  
ut alii volunt, ab ipso Deo iterum con-  
scriptis.

- 195 4to. Ibid. c. 1. v. 20. & 21. obstri-  
ctibus Hebræis in Ægypto Deus benefecisse  
dicitur, eisque domos ædificasse in præ-  
mium mendacii, quo Pharaonem deci-  
pientes Hebræorum pueros servarunt in-  
columes.

Resp. Deum mulieribus illis benefe-  
cisse, non propter mendacium, quo Pha-  
raonem deceperunt, sed ob pium Dei  
timorem, & laudabilem in pueros mis-  
ericordiam, eos servando incolumes: præ-  
miò igitur à Deo sunt donatæ non ob  
verbum mendacii, sed ob affectum ob-  
sequii.

### De libro Levitici.

Hic liber nomen sortitus est à legibus  
& ceremoniis Sacerdotes, Levitas, &  
Sacrificia spectantibus, quæ res sunt po-

tissimum libri argumentum; quare apud  
Hebræos *Lex Sacerdotum* appellatur.  
*Vajiera* etiam ipsum nuncupant, id est,  
*Et vocavit*, quæ primæ sunt totius libri  
voces.

Viginti septem in eo numerantur Ca-  
pita, quorum septem priora ritus pro  
holocaustis, oblationibus panis, similæ  
oleo conspersæ, sacrificiis pacificorum,  
sive devotionis, & gratiarum actionis,  
& denique pro victimis pro peccato com-  
plectuntur. Inde ceremoniæ, & sacrifi-  
cia pro initiandis Sacerdotibus succe-  
dunt: qua occasione historia Nadab, &  
Abiu igne consumptorum, quòd thus  
profano igni imposuissent, refertur. *Lex*  
denique de luctu, vinique usu Sacerdo-  
tibus interdictio eo tempore, quo Deo  
ministrant.

Inde à c. 11. usque ad 15. Regulæ pro  
animalibus puris, & impuris; pro di-  
stinctione lepræ hominum, ædium, & ves-  
tium, ac tandem pro expiatione puer-  
perarum, & gonorrhææ laborantium sta-  
tuuntur.

Hinc sequuntur ceremoniæ pro so-  
lemnii expiatione; gradus cognitionis,  
in quibus connubia interduntur; fœ-  
dus etiam cum Chananæis, Idololatria,  
furtum, perjurium, calumniæ, odium,  
superstitiones, auguria, prostitutiones, &  
adulteria cavenda denuntiantur; ho-  
stiarum vitia luculentè recensentur.

Cap. 23. festa totius anni solemnissi-  
ma, Paschatis nempe, Pentecostes, Ta-  
bernaculorum, solemnii Expiationis, Tu-  
barum, sive exordii anni civilis.

Cap. 24. præscribitur ritus concinnan-  
darum lucernarum in Tabernaculo fœ-  
deris; panum propositionis; statuitur  
etiam pœna blasphemorum lapidibus  
obruendorum, quæ in viro, qui blas-  
phemaverat executioni mandatur; &  
pœna talionis.

Cap. 26. Dei præcepta servantibus  
bona promittuntur, non servantibus verò  
plurima

plurima mala. Et denique cap. 27. statutus votorum, & decimarum persolvendarum legibus libro finis imponitur.

- 197 Duo hic obijciuntur. Imo. c. 2. v. 1. præcipitur in sacrificio oleum fundi & thus imponi. At ibid. c. 5. v. 11. idipsum prohibetur.

Resp. Priori cap. agi de oblatione, seu sacrificio Eucharistico ad gratiarum actiones pro beneficiis acceptis ordinato. Posteriori verò de expiatorio seu satisfactorio pro peccato. In illo præcipitur oleum, & thus; in isto autem prohibetur; quia oleum & thus sunt virtutis, & lætitiæ Symbola, quæ in peccatis locum non habent; imò quia oleum, & thus ad delicias, & jucunditatem conferunt, quæ à peccatore procul abesse debent.

- 198 2do. c. 18. v. 16. dicitur: *Turpitudinem uxoris fratris tui non revelabis*. Et tamen oppositum præcipitur Deut. 25. v. 5. his verbis: *Fratris defuncti uxorem accipiet frater ejus, & suscitabit semen fratris sui*.

Resp. Prior Levitici textus prohibet solum, ne quis fratris sui uxorem ducat, illo adhuc vivente, vel etiam eo mortuo, si nempe liberos reliquerit; posterior verò Deut. jubet ducendam, si frater sine liberis obierit.

- 199 De libro Numerorum.

Hic quartus Pentateuchi liber ab Hebræis vocatur *Va jedabber*, id est, *Et locutus est*, eoquòd his vocalibus in Hebræo incipiat. Quidam illorum eum nuncupant *Bemid debur*, quod est, *In deserto*, quia in eo referuntur ea, quæ Israëlitis contigerunt in itinere 39. annorum spatio per desertum.

Græci demum, ac deinde Latini eum idcirco *Numeros* appellarunt, quòd illius tria prima capita Hebræos, & Levitas enumerent post erectionem, & consecrationem Tabernaculi separatim recensitos.

P. Cartier Theol. Tom. I.

Igitur liber iste 36. Capitibus historiam, ut dictum, 39. circiter annorum quartæ mundi ætatis complectitur, à secundo scilicet mense secundi anni egressus Hebræorum ex Ægypto usque ad finem penè vitæ Moysis, live 40. annorum peregrinationis Israëlitarum in deserto usque ad initium mensis undecimi anni 40. dictæ peregrinationis, quo tandem in campestria Moab ultra Jordanem pervenere.

Tribus primis capitibus inquit, ut dictum, numerus populi Israëliti, Beliatorum scilicet, Primogenitorum, & Levitarum. Deinde textitur historia peregrinationis Israëlitarum ex Ægypto per desertum in Chanaan tendentium. Commemorantur multiplices eorumdem contra Moysen, & Aaronem murmuraciones, illarumque pœnæ. Recensetur etiam exploratio terræ promissæ facta per Josue, & Caleb, aliósque exploratores, necnon ejus situs juxta diversas plagas describitur: quibus hinc inde plura præcepta judicialia, & cæremonialia immiscuntur.

Ob. c. 14. v. 29. dicitur, quòd omnes à viginti annis, & supra, qui murmuraverant contra Dominum, non essent intraturi terram promissionis præter Caleb filium Jephone, & Josue filium Nun. Et tamen, ut habetur Josue c. 14. v. 1. summus Sacerdos Eleazar, licet tunc, cum maledictum illud pronuntiatum fuit, viginti annis major esset, eam ingressus est.

Resp. Comminatoria illa Moysis verba solum ad illos Hebræos dirigebantur, qui ad reditum Terræ promissæ exploratorum illorum, qui eidem falso detrahebant, murmuraverunt contra Moysen; quorum murmuris, & rebellionis cum conscius non fuerit Eleazar Sacerdos, sic nec eadem cum illis pœnâ debuit puniri, atque Terræ promissionis privari.

M

De



## De libro Deuteronomii.

Deuteronomium quinque Moyſis Librorum poſtremus, in quo veluti ſumma colligitur omnium, quæ Moyſes in aliis præcedentibus libris fecerat, & conſtituerat: unde & *Deuteronomium*, id eſt, *ſecunda Lex*, ſeu potius *Summa legis* dictus eſt.

Titulus ejus apud Hebræos ex verbis in exordio libri occurrentibus, *Elle baddebarim* repetitur. Ex Rabbiniſ tamen aliqui eum *Misna*, quod idem eſt, ac *ſecunda lex*; alii *Reprebenſionum librum* vocant ob redargutiones in Iſraëlitæ c. 1. 8. 9. 30. & 42. inſertas.

Triginta quatuor Capitulis conſtat, hitoriæque complexitur ſex circiter hebdomadam, quantum ſcilicet temporis interceſſit ab exordio menſis undecimi uſque ad ſeptimum duodecimi menſis diem anni quadrageſimi ab exitu Iſraëli-tarum ex Ægypto.

In eo Moyſes c. 1. 2. & 3. populum alloquens totam ab egreſſu Ægypti uſque dum in planitiem Moab veniſſent, hitori-iam recenſet. Deinde à c. 5. uſque ad 27. ſecunda illos oratione Leges Dei in monte Sina acceptas explicationibus, novisque additionibus illuſtrat.

Inde à c. 28. uſque ad 30. populum vehementer adhortatur, ut divinis legibus obtemperet. Subindè ſucceſſorem ſuum in populi Regimine à Deo deſtinatum eſſe Joſue declarat cap. 31. v. 9. 10. & 14. Tandem, poſt ea omnia ſcriptis exarata, librum Senioribus populi committit, etiam atque etiam eos obſectans, ut illum ſingulis ſeptenniis in coctu populi feſtò Tabernaculorum die illum prælegerent.

Poſt paucos dein dies canticum vehementiſſimum coram populo recitavit, in quo violandam à Judæis fidem non obſcurè ſignificabat, &c. Illud verò Canticum à ſingulis exſcribendum præcepit, ut ad debitam Deo præſtandam fidelita-

tem ejus leſione excitarentur. Tandem ea die juſſus à Deo monte Nebo aſcendere, ut diem clauderet, convocato prius adhuc populo, ſingulis Tribubus benedictionem impertivit, & quæ eventura erant, prædixit; inde montem aſcendens vitâ functus eſt, cum vixiſſet annos centum viginti.

Ob. c. 15. v. 6. & c. 23. v. 19. per-202 mittitur Hebræis ſoneratio cum alienis. At contrà Pſal. 14. v. 5. dicitur, quòd illæ duntaxat habitaturus ſit in Tabernaculo Dei, qui non dederit pecuniam ſuam ad uſuram. Et Luc. c. 6. v. 35. ait textus: *Mutuum date nihil inde ſperantes.*

Reſp. Uſuram jure naturali, divino, & humano vetitam Judæis ad duritiem cordis eorum in Deuteronomio à Moyſe ab alienis duntaxat exigi fuiſſe permiſſam, idque ad majus malum vitandum, ne ſcilicet à ſratribus ſuis Hebræis uſuras exigent, & extorquerent, eòſque ſua gravarent, & opprimerent. At ſic ipſis permiſſum erat alienos, ut Amalecitas, Amorrhæos, &c. ſine crimine occidere, utique etiam licitum ipſis erat, eorum bona rapere, vel apertè, vel occultè, & dolosè, ac per uſuram, idque meritò eis ad duritiem cordis ipſorum permittere poruit Deus, utpotè rerum omnium Dominus, quemadmodum iſdem permiſit Ægyptios ſpoliare, libellum repudii dare, & plures uxores habere, quamvis vetita hæc omnia. Verùm cum hæc conſeſſiſſet jam dudum ceſſaverit, cum ceſſaverint omnia Synagogæ privilegia, ſinierit & ipſa Synagoga, omnibus, etiam Judæis, vetita remanet uſura, atque ſupra allato Domini præcepto Luc. c. 6. v. 35. obſequendum, nempe dandum mutuum, nec quidquam inde ſperandum, aut accipiendum; at eheu, quàm pauci huic præcepto, vel, ſi velis monito duntaxat, obediunt!

CAPUT II.

203 De libris Historicis veteris Testamenti.

SEPTEMDECIM, ut alibi à nobis dictum (k), numerantur veteris Testamenti libri Historici, Josue scilicet, Judicum, Ruth, quatuor Regum, duo Paralipomenon, duo Esdræ, Tobie, Judith, Esther, Job, & duo Machabæorum. De singulis his libris præsentî capite nobis tractandum est.

204 De libro Josue.

Fuit Josue filius Nun à Græcis Jêsus filius Nave dictus, ex tribu Ephraim natus annò mundi 2460. ante Christ. 1540. & ante æram 1544. prout vult Calmet. (l)

Moyſis ſervitio libens addiçtus à Scriptura paſſim Moyſis famulus appellatur (m), eoque deſuncto Iſraëliitarum regimen, ad quod paulò ante Moyſis obitum à Deo electus fuerat, cepit an. mundi 2552. ante ær. 1451. Dei opem in omnibus præſtò ſentiens. Primum illius nomen *Oſee* fuit, id eſt, *Servator* (n), cui Moyſes Dei nomen addens, eum *Josue*, id eſt, *Dei ſalutem*, ſive *Ipe ſalvabit*, nuncupaviſſe narratur.

Quando autem nomen iſtud Josue obtinere cœperit, diſputatur. Alii poſt proſtigatos Amalecitas, alii poſt exploratam Chanaanitidem volunt. Græci pro *Oſee* legunt *Auſem*.

205 Liber, qui ipſius nomine inſcribitur, 24. capita continet, in quibus ipſemet Josue hitoriã quartæ mundi ætatis proſequitur, atque tranſitum filiorum Iſraël per Jordanem, everſionem civitatum Jericho, & Hai; ſubverſionem plurimo-

rum Regnorum; oppugnationem triginta & unius Regum; diviſionem terræ promiſſæ; exhortationem, quã ipſemet filios Iſraël ad ſervanda Dei mandata, & cavendam ſocietatem cum Gentilibus eſt adhortatus, commemorat, aliaque multa facta commendabilia, quæ à morte Moyſis uſque ad ſuam mortem tempore 17. annorum geſta fuere, ab an. m. videlicet 2553. ante Chr. 1447. ante ær. 1451. uſque ad an. m. 2570. ante Chr. 1430. ante ær. 1434. quo ipſe Josue annos natus 110. obiit. Illum an. m. 2560. obiſſe, quidam Chronographi ſacri aſſerunt, alii an. m. 2561. Eum tamen rebus Iſraëliitarum 17. circiter annis præſuiſſe omnes conſentiunt.

Hujus libri Auctorem eſſe Joſue206 ipſum, manifeſtè probatur 1mo. Quia omnia exemplaria ſive Hebraica, ſive Græca, ſive denique Latina Joſue tanquam illius Auctorem præ ſe ferunt. 2do. Quia illum tum Synagoga, tum Eccleſia ipſi Joſue tanquam illius Auctori ſemper tribuerunt, atque velut Canonicum agnoverunt. 3tio. Quia alii ſacrorum librorum Scriptores illum eidem Joſue adſcriperunt, ut 1mo. Eccleſiaſticus, qui c. 46. v. 1. ait, Joſue ſucceſſiſſe Moyſi in Prophetiæ miniſterio, id eſt, prout exponunt Interpretes, in munere ſcribendi hitoriã populi Dei, & componendi ſacros libros. 2do. Aucto libri 3tii Regum ex volumine iſto integram periodum exhibet c. 16. v. 34. atque ſubjungit juxta Verbum Domini, quod locutus fuerat in manu Joſue filii Nun. (o) Ergo liber Joſue antiquior eſt libris Regum, atque ab antiquioris ætatis Auctore conſcriptus, nempe ab ipſo Joſue, cùm nullus alius libri iſtius Scripto assignari valeat. 3tio. Ipſius libri Joſue Cap. ult. v. 26. hæc leguntur:

M 2

(k) PRÆT. I. c. 1. (l) Dict. Bibl. V. Josue. (m) Exod. c. 24. v. 13. & c. 33. v. 11. Item Dent. c. 1. v. 38. (n) Num. c. 13. v. 9. & 17. (o) Josue c. 6. v. 26.

tur: *Scriptis quoque Josue omnia verba hæc in volumine legis, id est, Pentateucho adjunxit.* Ergo vel hoc ipso libro teste illius Auctor est Josue.

Quòd si dicas, hæc de istoult. Capite duntaxat intelligi oportere, non autem de toto libro: Respondemus, quòd si Caput istud Josue tribuatur, meritò etiam totus liber ei tribui debeat; præsertim cum argumenta, quæ in contrarium afferri solent, evanida sint, nullisque ponderis, prout mox ostendemus.

Prob. etiam Ratione Theologicâ. Nulli alteri Scriptori liber iste potius convenire, & adscribi potest, quàm Josue. Ergo &c. Prob. ant. Nullus in eodem libro exarata melius nosse poterat, adeoque ad eum conscribendum magis idoneus, & comparatus erat, quàm ipse Josue, utpotè omnium eorum testis oculatus non modò sed & Auctor, ac Dux. Ergo &c.

207

### Solvuntur Objectiones

Ob. 1mo. In hoc libro frequenter repetuntur hæc verba: *Usque in præsentem diem.* (p) Atqui hæc denotare videntur tempus Josue ipso longè posterius. Ergo &c.

Resp. Neg. min. Josue multis annis præfuit Israëlitis partim solus, partim sub Moyse, ac librum suum in summa senectute scripsit; benè ergo ea, quæ pridem facta fuerant, *usque in præsentem diem*, seu illud, quo scribebat, tempore perseverasse, potuit scribere. Moyse ipse in Deuteronomio, cum de rebus à se pridem gestis loquitur, hujusmodi dictionem etiam usurpat: *Reversus, inquit c. 10. v. 5. de monte descendi, & posui tabulas in avam, quam feceram, quæ bucusque ibi sunt.* Matthæus vocat c. 27. v. 8. *Propter hoc, inquit, vocatus est ager ille Haceldama, hoc est, ager sanguinis, usque in bodiurnum diem.* Et c. 28. v. 15. *Divulgatum*

*est, inquit, verbum istud apud Judæos usque in bodiurnum diem.*

Ob. 2do. Sub finem Cap. 6ti fama Josue per omnem terram vulgata dicitur. Et c. 8. v. 11. omnia præsticiisse scribitur Josue, quæcunque præceperat Moyse. Atqui hæc, utpotè haud modicam jactantiam præ se ferentia, indigna videntur Josue modestiâ. Ergo alii, quàm ipsi, adscribendus videtur ipsius liber.

Resp. Huic objectioni jam supra nos satisfecisse (q), ubi de libris Moylis egimus, atque eadem adversùs illius Pentateuchum proposita fuit. Profectò, si liber iste, ex eo, quòd nonnihil benè gestorum Josue commemoraret, ipsi est abjudicandus, S. Paulo itidem abjudicandæ erunt aliquot Epistolæ, quòd in illis pietatem suam, & benèfacta, necnon eximias dotes suas commendat. *Sed Scriptura mos est, inquit S. Gregorius (r) ut ipsi, qui scribunt, sic de se in illa, quasi de aliis loquantur; hinc est enim, quòd Moyse ait, erat Moyse vir mitissimus super omnes homines, qui morabantur in terra. Hinc Joannes dicit, Discipulus ille, quem diligebat JEsus. Hinc Lucas ait, quòd ambularent duo ex Discipulis in via Cleophas & alius. Scriptores igitur sacri Eloquenti, qui impulsu Spiritûs sancti agitantur, sic de se in illo testimonium quasi de aliis proferunt.*

Ob. 3tio. c. 10. v. 13. citatur liber Josue. Atqui liber hic ipso Josue est recentior, aut saltem ei coævus, quippe qui pugna Gabonitarum, & stationis Solis meminit. Ergo etiam liber, qui Josue nomen præfert, ipso Josue est recentior, adeoque minime ab eo conscriptus.

Resp. Neg. 1mum membrum minoris. Josue senio jam confectus, prout jam annotavimus, librum suum exaravit, proinde mirum non est, quòd mentionem faciat libri Josue, qui liber nihil aliud erat, quàm carmen Epinicium, quod statim

tim post reportatam de hostibus Gabaonitarum insignem victoriam illam editum est, atque inter Hebræos divulgatum.

210 Ob. 4to. Eodem loco legitur, Solem steterisse in medio cœli, & non festinasse occumbere spatio unius diei: nec fuisse antea, & postea tam longam diem: *una enim dies*, ut dicitur Eccli. c. 46. v. 5. *facta est, quasi dua*. Atqui imo id præter veritatem dictum videtur; enimverò Isaiæ c. 38. v. 8. dicitur, quod tempore Ezechia, Sol reversus sit decem lineis per gradus, quos descenderat, sicque ter percurrerit idem decem linearum spatium, atque triginta duarum circiter horarum diem fecerit, qui adeoque profectò longior fuit, quam ille, de quo apud Josue Cap. 10. v. 13. fit mentio. (s) 2do. Id, etsi ita factum fuisset, tamen Josue dicere non poterat; qua enim ratione ipse de futuro etiamnum post ipsum tempore cavere poterat? Ergo ex duplici hac ratione liber iste Josue adscribi non potest.

Resp. Neg. min. Ad 1mum respondet Liranus, tempore Josue stationem Solis contigisse in solstitio æstivo; tempore Ezechia autem ipsius reversionem in solstitio hiemali accidisse; & ideo Solem diutius supra hemispherium nostrum stetisse sub Josue, quam sub Ezechia, cum dies duplicata in æstate correspondeat quadruplicata hiemali. 2do. Resp. cum communi: In Josue libro sermonem esse de longitudine diei respectu Palestina, in qua tam longa dies nunquam visa fuerat.

Ad 2dum. Eidem jam satisfecimus in responsionibus ad 3tiam & 1mam objectiones. Diu nempe post hoc prodigium Josue librum suum scripsit. (t) *Stetit itaque Sol in medio cœli, & non festinavit occumbere spatio unius diei; non fuit antea nec postea*, id est, toto reliquo Josue vitæ tempore, seu usque ad tempus, quo hæc

scripsit, *tam longa dies*. Nec enim pridie, aut nudius tertius evenerat hoc prodigium, sed ante multos annos, quam hæc ab ipso scripta fuerint.

Ob. 5to. Historia Calebi, quæ narra-<sup>211</sup> tur hujus libri c. 15. v. 13. & seq. post obitum Josue primùm evenisse dicitur c. 1. lib. Judic. Ergo &c.

Resp. Hæc Calebi historia addita fuit Cap. 15. Josue ab alio, majoris eorum, quæ ibidem de forte Tribus Judæ narratur, claritatis gratiâ, utpote in cujus fortis medio Moyse Calebo partem dederat, *Cariatharbe* scilicet, seu *Hebron*, quam deinde armis sibi subegit, ut & *Cariath sepber*, quam cepit Othoniel nepos ipsius, unde & illius filiam Axam accepit in uxorem. Hæc, inquam, ex libro Judicum huc translata fuere, ut totus historiarum contextus simul haberetur.

Ob. 6to. Cap. 19. v. 2. mentio fit ter-<sup>212</sup> ræ *Cabul*. Atqui hæc terra primùm nomen istud accepit ab Hiram Salomonis coætaneo, ut habetur lib. 3. Reg. c. 9. v. 13. Ergo &c.

Resp. Neg. min. lib. 3. Regum c. 9. sermo est de regiuncula viginti oppidorum, quam Salomon Hieramo Regi Tyri dederat. At Josue Cap. 19. v. 2. agitur de vico aliquo in terra Tribus Affer, & confiniis Ptolomaidis sito.

Ob. 7mo. Sub finem Cap. 16. de Cha-<sup>213</sup> nanæis Gazeritanis referuntur ea, quæ Cap. 1. Judicum recitantur, tanquam defunctò jam Josue acta. Ergo &c.

Resp. Cap. 1. Judicum ea repetuntur, quæ Cap. 16. libri Josue asserta fuere. Memoratò enim c. 1. Judic. v. 27. refertur, quòd Manasses non deleverit Chananæos Bethamitas, Thanacitas &c. ad exemplum videlicet filiorum Ephraim, de quibus, ex iis, quæ memorata sunt c. 16. Josue, constaret, ab ipsis nec Chananæos

M 3

Gaze-

(s) Videtur quòd tunc Sol momentò decem solaris horologii lineis reversus sit, adeoque diem viginti dumtaxat duarum horarum fecerit. (t) Josue c. 10. v. 13. & 14.

Gazeritanos fuisse interfectos. Exinde autem non sequitur, librum hunc Josue recentiore esse, vel tempore Josue Israëlitas nondum occupasse terram Gazeritarum; verum id duntaxat eruitur, auctorem videlicet Cap. 1. Judicum, cum sua scriberet, præ manibus habuisse Josue librum.

- 214 Ob. 8vo. In historia, quæ c. 22. v. 10. & seq. narratur de ingenti Ara illa, à Rubenitis, Gaditis, & dimidia Manassæorum parte extracta nulla fit mentio de Josue. Ergo hæc historia est illo recentior; si enim suo tempore evenisset hæc decem Tribuum adversus fratres suos conjuratio, utique eidem interfuisset Josue &c.

Resp. Neg. conf. Nam ibidem apertis verbis habetur, Rubenitas, Gaditas, & dimidiam Manassæorum partem in proprias sedes à Josue dimissos fuisse; & cum ad tumulos Jordanis pervenissent, antequam disjungerentur, immanem aram illam molitos esse, quæ reliquos Israëlitas concitavit. Hæc ergo Josue tempore evenerunt; nisi eum, statim ac memoratas Tribus dimisit, mortuum velis, quod tamen apertè falsum esse subsequentiâ demonstrant Capita.

- 215 Ob. 9no. In fine libri hujus mors Josue, & res post ejus obitum gestæ narrantur. Ergo &c.

Resp. Ea, quæ Cap. ult. de obitu Josue, atque post ejus mortem gesta esse narrantur, addita fuerunt libro huic vel à Samuele, vel ab Esdra, vel ab aliquo alio. Id autem minime obest, quin reliquus liber ipsius sit.

- 216 Ob. 10mo. Si Josue liber Jeroboami, qui Auctor fuit defectionis decem Tribuum Israël à Roboamo Salomonis filio, dissidiū fuisset antiquior, utique illum admisisset Samaritani. Atqui hi solum & unicum Pen-

tateuchum recipiunt. Ergo indicium est, solum hunc Pentateuchi librum ante defectionem Roboami vulgò apud Hebræos extitisse, nec Josue librum adhuc fuisse conscriptum.

Resp. Samaritanos (u) non modò canonicum Josue librum, sed & alios ab Hebræis ante ipsorum in terram Israël adventum communiter probatos, & pro Sacris habitos neglexisse, quippe qui, ut habetur lib. 4. Reg. c. 17. v. 33. & 34. *Cum Dominum colerent, Diis quoque suis serviebant, juxta consuetudinem gentium, de quibus translati fuerant in Samariam: usque in præsentem diem morem sequuntur antiquum: non timent Dominum, neque custodiunt caeremonias ejus, & judicia, & legem, & mandatum, quod præceperat Dominus filiis Jacob, quem cognominavit Israël.*

Imò Samaritani Josue librum legunt, summoque honore servant, ex quo argumenta pro suo adversus Judæos dissidio tuendo deducunt; etsi plurimum distet ab eo, quem Synagoga, & Ecclesia pro Canonico agnoscant, nihilque aliud esse videatur, quàm Chronicon, seu Historia sat malè digesta eorum, quæ acciderunt à morte Moysis usque ad Adriani Imperatoris tempora. (x)

### De libro Judicum.

217

Post mortem Josue, quæ contigit anno mundi 2770. ante Chr. 1430. ante æram 1434. quæ deinceps usque ad Saulem primum Hebræorum Regem Israëlitis præfuerit, Judices sunt appellati. Eorum dignitas, quamvis ad mortem usque permaneret, non tamen jure hæreditario ad successores devolvebatur; siquidem quandoque eorum

(\*) Samaritani juxta stylium sacrorum Scriptorum sunt populi, quos à remotissimis transægypticis, seu trans Euphratem sitis regionibus Reges Assiræ ad incolendam Samaritanæ regionem deduxerunt, decem Tribuum Israëlitis prius eam incolentibus ab iisdem Regibus aliò transiis. Eorum igitur Epochæ ad annum caput Urbis per Samariam æram anno mundi 2283. constituitur. (x) Calmet Dict. Bibl. Verb. Josue

eorum intermissa fuit continuatio. Interfuere enim interdum Anarchiæ, quibus intervallis Princeps nullus, nullus Judex Republicam gerebat. Interdum etiam Hebræi servitute oppressi exteris parere coacti sunt; tunc proinde aut nullos Judices habebant, aut eorundem tenuis admodum erat auctoritas.

218 Quamvis ut plurimum Deus per semetipsum, seu per apertum voluntatis suæ indicium Israëlitarum Judices excitaret, nihilominus aliquando populus haud expectata Dei revelatione, eum sibi Judicem deligebat, quem avertendis calamitatibus apertorem censebat. Sic, qui ultra Jordanem erant Israëlitzæ Jephthe, ut bellum contra Ammonitas gereret, sibi Ducem proprio judicio assumpserunt. Quando autem calamitates, quæ Judæos ad Judicium periculum compellebant, non ad omnes undique Regionem extendebantur, tum neque selecti Judices toti Israëlî imperabant, sed his tantum, quos periculo liberaissent. Sic nec Jephthe ultra, nec Baruch ultra Jordanem judicabant.

219 Porro Judicum auctoritas Regum imperio haud impar erat; res quippe belli æquè ac pacis moderabantur; lites supremâ & Monarchicâ auctoritate dirimebant. Novas tamen leges condere, & populis nova onera imponere prohibebantur. Leges & Religionem tuebantur; & in crimina, præsertim idololatriam, animadvertabant. Cæterum sine pompa, sine satellitio, sine comitatu incedebant, nullis vestigialibus, quibus parem dignitati famulatum alerent, donabantur; solis quippe muneribus sponte oblati contenti, nec certos redditus, nec ullas populi collationes congregabant.

Eorum imperium trecentis triginta novem annis, ab obitu videlicet Josue, usque ad initium Regni Saulis, perduravit.

220 Liber eorum nomine inscriptus 21. Capitibus continet historiam 339. annorum, & ideo Judicum nomine insignitus est, quod gesta complectatur Judicum, & Principum Israël, qui videlicet populo post mortem

Josue, serè usque ad initium Regni Hebræorum, seu electionem Saulis primi eorum Regis, præfuerunt. Variæ igitur in eo libro commemorantur afflictiones, servitutes, & oppressiones, quas sub Judicum regimine diversis temporibus passi sunt Israëlitzæ à Moabitibus, Philistæis, Ammonitis, Madianitis &c. sumpta deinde de inimicis ultio, & ab iis liberatio. Ipsorumque Judicum gesta ab Othoniel usque ad Heli, & Samuel ultimos Israëlitarum Judices, quorum in 1mo libro Regum primum fit mentio. En horum Judicum Chronologia.

### Anni Mundi.

221

2570. Mors Josue.

2585. Quindecim circiter annis Seniorum administratio.

2592. Anarchia circiter per septennium usque ad annum 2592. Hoc intervallò contigit Michæ historia. Oppugnatio item urbis Laïs facta à 600. viris ex Tribu Dan. Necnon undecim Tribuum bellum adversus Tribum Benjamin.

2591. Prima servitus sub Chusan Rasathaim Mesopotamiæ Rege ab anno 2591. usque ad annum 2599.

2599. Othoniel annò post pacem à Josue terræ allatam 40mò Israëllem liberat.

2662. A liberatione per Othonielem anno 2599. factâ pax continuata fuit 62. annis, usque ad annum videlicet 2662. quo incidit secunda servitus sub Eglone Moabitarum Rege, cui Hebræi 18. annis paruerunt.

2679. Aod Israëllem liberat: post quem judicavit Sangar, & à prima per Othonielem liberatione pax persistit octoginta annis.

2699. Tertia sub Chananizis servitus per annos 20. ab anno 2699. nempe usque ad annum 2719.

2719. Debora, & Barac Israëllem liberant. A liberatione per Aod usque ad finem.

- finem Deborah, & Barac 40. anni interfuerunt.
2752. Quarta sub Madianitis servitus per septennium, ab anno 2752. usque ad annum 2759.
2759. Gedeon Israëlitas libertati restituit. A liberatione per Deborah, & Barac usque ad prædictam Gedeonis liberationem denuò 40. anni interfuerunt.
2768. Abimelech filius spurius Gedeonis à Sichimitis Dux salutatus, & 70. fratribus suis interfecit, imperavit tribus annis ab anno 2768 usque ad annum 2771. quo in obfisione Thebes Palestinæ urbis jactò à muliere quadam in ipsum molæ fragmine cerebrum ipsius confectum est.
2772. Thola tribus & viginti post Abimelech annis judicavit Israel ab anno videlicet 2772. usque ad annum 2795.
2795. Jarius post Tholam præfuit annis 22. ab anno 2795. usque ad annum 2816.
2799. Quinta sub Philistæis servitus per annos 18. ab anno 2799. usque ad annum 2817.
2817. Mors Jairi. Eodem anno Jephthe Israëlitarum ultra Jordanem Princeps eligitur. Ammonitas, à quibus Hebræi opprimebantur, evertit. Sex annis judicavit, ab anno 2817. usque ad annum 2823.
2823. Moritur Jephthe. Abefan septem annis judicat, ab anno 2823. usque ad annum 2830.
2830. Ahialon post Abefan imperat usque ad annum 2840.
2840. Abdon octo annis judicavit usque ad annum 2848. quo incidit sexta sub Philistæis servitus per annos 40. ab anno 2848. usque ad annum 2888.
2848. Heli Pontifex ex progenie Ithamari toto servitutis sub Philistæis tempore per annos 40. judicavit Israel.
2849. Samson nascitur, qui Philistæis multa mala intulit.
2887. Moritur Samson &c.
2888. Mors Heli, eidem succedit Samuel.
2909. Electio, & unctio Saulis primi Hebræorum Regis.
- Libri Judicum Auctor non satis notus est. A quibusdam Phinees; ab aliis verò Esdræ, aut Ezechie; ab aliis denique Samueli tribuitur; ab aliis verò omnibus & singulis Judicibus, quorum quisque Regni sui seu Magistratus historiam exaraverit.
- Nos ab uno eodemque tantum Auctore, qui post Judices vixerit, confectum arbitramur; cui sententiæ per plurimum id favere videtur, quòd c. 2. v. 10. & seq. totius libri summa, & idea exhibeatur.
- Probabilius autem nobis videatur, illum à Samuele conscriptum esse, imò. Quia illius Auctor eo tempore, quo Jebusæi Jerosolymæ imperabant, ac proinde ante Davidem superstes fuit, Judic. c. 1. v. 21.
- 2do. Quia, cum Opus istud exaratum est, jam à Regibus Respublica Hebræorum geri videbatur, eo quòd Auctor florentibus Judicibus, nullum Israeli Regem imperasse pluries memoret, quod Samuelis atati omnino convenit, qui, cum sub Saulis imperio viveret, notare voluisse videtur delictum regiminis sui temporis ab illo, quo Judices imperabant.
- Ob. imò. Hæc Opinio non videtur stare posse, nisi huic libro quædam deinceps addita fuisset dicantur, ut illud, quod c. 18. v. 30. dicitur, scilicet, *Viros Dan posuisse sibi sculptile, & Jonatbam filium Gersam filii Moysi, ac filios ejus Sacerdotes fuisse in Tribu Dan usque ad diem captivitatis suæ; mansisseque idolum Michæ apud eos omni tempore, quo fuit Domus Dei in Silo.* Atqui nulla videtur adstrui posse captivitas Tribus Dan, præter eam, quæ sub Teglatphalassare Assyriorum Rege pluribus post Samuelem sæculis contigit. Ergo &c.
- Resp. Neg. maj. Hæc, de qua hic fit mentio, captivitas contigit antequam Israëlitis

litis Reges imperarent. Subdit enim Auctor, v. 31. *In diebus illis non erat Rex in Israël.* Ait ergo, tunc Michæ idolum periisse, quando de Silo ablata est Arca, ut in prælium adversus Philistæos produceretur: sublatò autem idolo, una sublatus fuit Sacerdos bellique jure captus unicum magna Israëlitarum multitudine, prout memorat Psalmista Psal. 77. v. 60. & 61.

224 Ob. 2do. In eodem libro persæpe occurrit mentio urbis Jerusalem. Atqui nomen hoc urbi isti primum post Samuelis tempora inditum fuit. Ergo &c.

Resp. Neg. min. Certum namque est, hanc ipsam esse civitatem, quæ temporum initio *Salem* nominabatur, & in qua Melchisedeci Regia fuit. Psaltes enim juxta hebraicum exemplar Psal. 71. v. 3. ait: *Et factus est in Salem locus ejus &c.* Communis etiam fert opinio, dictionem hanc *Jerusalem* ex vocibus *Jeru*, & *Salem* sumptò priori vocabulò ex nomine, quod *Moria* monti, qui in eodem loco situs erat, fecit Abraham cum dixit: *Dominus videbit.* Quandonam autem hæc duæ dictiones in unam fuerint constat, ac ex iis *Jerusalem* primum dici cœperit hæc civitas, obscurum est, & incertum. Probabiliter censendum videtur, Israëlitas, ipsumque Josue, postquam vicina loca infederunt, memores dicti Abrahamici, & impositi loco huic nominis, novum nomen urbi finxisse ex veteri isto *Salem*, quòd à Jebusæis, finitimisque populis habebat, & altero, quod ab Abrahamo habuerat. His autem recentior fuit libri Josue, & libri Judicum lucubratiò; unde objectio nihil evincit.

225

### De libro Ruth.

Fuit Ruth foemina Moabitica, quam Chelion filius Ebimelech in Moabitidem secedens ibidem duxerat uxorem. Liber, qui illius nomen præfert, est velu-  
*P. Carrier Theol. Tom. I.*

ti appendix ad librum Judicum, & initium, seu introductio ad libros Regum.

Veteres Judæi ipsum libro Judicum adjecerunt, quòd historiam exhibeat, quæ ipsorum tempore contigit. (y) Multi quoque antiqui Patres, cum S. Scripturæ libros recensent, septimò loco ponunt librum Judicum simul, & librum Ruth, ita ut sub uno eodemque volumine uterque comprehendatur. Verùm tunc illius materia, tùm ipse titulus exposcunt, ut velut separatus & distinctus liber sive à Judicum, sive à primo Regum volumine habeatur, quamvis ad utrumque pertineat videatur, quippe cum præcedente continuatur, ac subsequens primi Regum libri est exordium.

Recentiores Judæi, mutatà veteri librorum sacrorum dispositione, statim post Pentateuchum, quinque libros, quos *Magillotb* vocant, subjungunt: nempe Cantica, Ruth, Lamentationes Jeremiæ, Ecclesiastem, & Esther; interdum Esther inter hos libros primum, interdum secundum, & aliquando quintum locum obtinet.

Liber Ruth quatuor duntaxat Capitibus 226 concluditur, in quibus eximie pietatis, & divinæ providentiæ singulare exemplum exhibetur, multaque mirabilia, magnisque mysteriis referta de Ruth narrantur, quæ locum suum Noëmi è Moabide in patriam revertentem piè subsecuta, & Booz prædiviti secundis nuptiis juncta, ei peperit Obed Davidis avum, unde Christus Dominus secundum carnem traxit originem.

Quando autem liber iste, & à quo scri-  
ptus fuerit, certò definiri haud potest. Id apertum est, ea videlicet, quæ in eo narrantur, sub unius Judicis regimine contigisse.

Samuelem illius Auctorem esse plerumque censent. Profectò si verum est, Samuelem scripsisse primum Regum librum,

N

&

(y) Ruth, c. i. v. 1.



& partem secundi, quibus gesta Davidis continentur, quasi pro certo inferri posset, eam etiam hunc librum scripsisse. Nam imo Scopus hujus libri Auctoris est, Davidis indicare Genealogiam; cum enim eam in libris Regum texere haud posset, nisi narrationis suae filum interromperet, atque Saulis, & Davidis gesta omnino inter se connexa separaret, hinc exile opus istud separatim edidisse videtur velut supplementum eorum, quæ deesse videbantur iis, quæ in primo Regum libro de Regali Davidis familia recenset.

210. Liber iste dictionem in libro primo Regum usurpatam refert, & geminæ phrasæ in eo occurrunt, quæ nonnisi in libris Regum inveniuntur: ut, *Hæc faciat mihi Deus, & hæc addat*, hic cap. 1. v. 17. Et 1. Reg. c. 3. v. 9. & v. 35. Item c. 19. v. 13. Altera, *Ego tibi revelavi aurem*, id est, *Ego dixi tibi*, hic c. 4. v. 4. Et 1. Reg. c. 20. v. 2. Item 2. Reg. c. 7. v. 27.

## 229 De quatuor Regum libris.

Libri Regum quatuor inscribuntur, quamquam olim in Bibliis hebraicis in duos tantum divisi fuerint, quorum primus *Samuelis* nomine signabatur; secundus verò *liber Regum* nuncupabatur, Nostræ ætatis exemplaria omnia hebraica, græca, & latina quatuor libros præ se ferunt. Duo priores in Hebræo *Samuelis*, duo autem posteriores *Regum* nomen præfixum habent. Græci omnes quatuor *libros Regnorum*, Latini verò *libros Regum* eos nuncupant.

230 Primus igitur Regum liber 31. Capitibus complectitur ea, quæ gesta fuere sub iudicibus Heli, & Samuele, necnon sub imperio Saulis usque ad ipsius mortem; ab anno mundi videlicet 2849. usque ad annum 2949. Centum videlicet annorum historiam.

A Cap. 1. usque ad 10. describuntur ea, quæ 60. circiter annorum spatium contigerunt, ab anno videlicet mundi 2849. usque

ad annum 2909. sub Heli, & Samuele; nempe natiuitas Samuelis; redargutio Heli propter iniquos & impios filios suos; bellum Philistinorum adversus Israelitas; isti ab illis cæduntur, atque capitur Arca Dei; ob retentam Arcam affliguntur Philistæ à Deo, eamque remittunt; Bellum innovatur adversum Philistæos, atque ab Israëlitis vincuntur orante pro ipsis Samuele. Filiis Samuelis, quos ipse Senex jam, & decrepitis Iudices populi constituerat, ad avaritiam declinantibus, petit populus sibi Regem; Samuel igitur præcipiente Domino ungit Saulem in Regem; & postmodum convocato populo ad Dominum in Maspha, missisque sortibus, In Saulem cecidit fors, atque ibidem in Regem consecratus est, Cap. 10.

Reliquis Capitibus gesta Saulis, & Davidis per 40. annos usque ad Saulis interitum narrantur, ab anno mundi scilicet 2909. usque ad annum 2949. nimirum Saulis à Regno amotio; electio Davidis in Regem; victoria ipsius de Goliath reportata; insidiæ Saulis in Davidem; variae afflictiones, & persecutiones, quas David à Saule perpeffus est, usque ad hujus obitum & necem.

Libri 2di Regum 24. sunt Capita, quibus ea referuntur, quæ à morte Saulis usque ad finem Regni Davidis 39. annorum spatium ab anno mundi 2949. usque ad annum 2988. facta fuere; unctio scilicet Davidis in Regem; bella contra hostes ab ipso prosperè gesta; misericordia, quam exhibuit Jonathæ posteris; ultio injuriæ ab Ammonitis illatæ; duplex Davidis peccatum, adulterii nempe, & homicidii; ob quæ à Nathan Propheta reprehenditur; rebellio Absalomis adversus patrem suum Davidem, ipsiusque interitus; gravis Dei offensio, quam David populi enumeratione incurrit; scelus hujus expiatio facta per extruccionem altaris, & oblationem holocaustorum &c.

Liber tertius Regum 22. Capitibus ab 232 solvitur, & 126. annorum historiam complecti.

plectitur, quæ ab inuncho in Regem Salomone, & à Patre in Regni societate accito usque ad obitum Josaphat Regis deducta est, ab an. m. videlicet 2989. usque ad an. 3115.

Prioribus undecim capitibus Salomonis gesta usque ad ejus obitum commemorantur; ut, ipsius in Regem an. m. 2989. substitutio, & unctio, præcipiente David patre suo jamjam deficiente, qui & subsequenti annò mundi 2990. annos natus 70. cum dimidio mortuus est; Sapientia Salomoni à Deo inspirata; Templi Domini, Regique Palatii magnificentiſſima structura, eorumque pretiosissima utensilia. Templi fundamenta jacere cœpit Salomon annò 480. ab exitu Israël de Egypto an. 4to. Regni sui, mundi 2992. quo initium datum fuit Quintæ 233 Mundi ætati, quæ protenditur usque ad finem captivitatis Babylonice, scilicet usque ad annum m. 3469. (z) Sequitur introductio Arcæ in Templum, hujusque consecratio; multaque alia memorabilia Salomonis gesta. Ejus demum deploranda per concubinas depravatio, & denique obitus c. 11. qui accidit an. m. 3029. ætatis circiter 88<sup>vo</sup> Regni 40mò.

Reliquis Capitibus commemoratur Regni divisio, & defectio decem Tribuum ad Jeroboamum, cujus ipse Roboam Salomonis filius, Israëlitarum animis, datò ipsis inconsultò responsò, à se abalienatis, Auctor fuit, saltem in speciem, & secundum rerum humanarum cursum; enimverò jam longè priùs Jeroboamo decem Tribuum imperium à Deo per prophetam Ahiam assertum fuerat. (a) Describitur Jeroboami Regis

Israël impietas in erigendis vitulis aureis. Gesta succedentium Regum Juda & Israël narrantur, ut Abiæ, Asa, & Josaphat, Regum Juda: Nadab, Baasam, Elam, Zambri, Amri, Thebni, Achab, quem excepit Ochozias ejus filius, Regum Israël. Eliæ quoque Prophetæ memorabilia gesta adnotantur.

Liber 4tus Regum 25. Capitibus 227.234 annorum gesta, & historiam refert, tam in Regno Juda, quàm Israël, ab an. m. 3108. usque ad an. 3442.

Primus ergo inter Reges Israël occurrit Ochozias filius Achab, qui Beelzebub (b) Deum Accaron super ægritudine sua consuluit; unde & Elias ob id scelerum facinus ei mortem prædicit. Succedit ei Joram frater ejus. Elias igneo curru rapitur in cœlum, præsentē, & vidente Elisæo individuo illius comite, super quem & Spiritus Eliæ requievit. Joram à Jehu occiditur, atque universa Domus Achab deletur, ut & Sacerdotes Baal. Jehu succedit Joachaz, qui impia Jeroboami filii Nabath vestigia terens, multis sceleribus inquinatus est; quamobrem furor Domini in Israël exarsit, atque populum hunc toto impii Regis hujus imperio Hazaëlis Regis Syriæ, & Benadad filii ejus arbitrio reliquit; Sed idem Joachaz tandem ad Dominum conversus liberatur; cui mortuo succedit filius Joas, qui juxta Elisæi morientis vaticinium Syros ter devicit. (c) Mortui autem Elisæi sepulchro injectum mortui viri cadaver; tactis ipsius ossibus, ad vitam mortuus suscitatur, c. 8. v. 21. Joas etiam patris iniquitatem, & impietatem secutus à Deo defecit instar Jeroboami filii Nabath,

N 2

qui

(z) Quinta mundi ætas à jectis Templi fundamentis usque ad finem captivitatis Babylonice i. ab an. m. 2992. ante Christ 1008. ante æram 1012. usque ad an. m. 3469. ante Christum 531. ante æram Christianam vulgarem 325. quo anno sexta mundi ætas sumit initium. (4) 3. Reg. c. 11. v. 31. (b) *Beel-Zebub* sive *Beel-Zebul* sive *Beel-Zebut* sonat idem ac *Deus mystica* Accaroniterum idolum. In novo Testamento *Beel-Zebub* sæpè Princeps Dæmonum appellatur, Accaronite autem dicuntur ab Urbe Accaron in Palestina olim Philistinorum. Hodie nonnisi pagus est. (c) Argumentum pro Catholicis contra Aetholicos pro Sanctorum reliquiarum veneratione.

qui Israëllem ad peccatum induxerat; Insigni tamen victoriâ Amasiam Regem Judæ prostravit. Ei succedit filius Jeroboam nomine secundus, atque Israëllem ab angustiis liberat; cui succedit filius Zacharias, hic sex tantum mensibus imperavit, & quemadmodum Pater, mala coram Domino operatus est, atque à Sellum filio Jabes proditione sublatus est; hic regnum mense uno duntaxat obtinuit à Manahem filio Gadi in Samaria occisus, qui cum exercitui Zachariæ præfesset, audita ejusdem nece, Thersâ movens Samariam obsedit, in qua Sellum, post à se trucidatum Regem Zachariam, imperabat; recepta urbe Manahem Sellum trucidavit, regnumque occupavit, atque decennio tenuit Jeroboami filii Nabat primi Israëllem Regis non tam Regni, quam scelus heres. Succedit Phaceia filius ejus, qui per biennium duntaxat Regno præfuit, impius & ipse conjuratione Phacee filii Romelæ in Regio Palatio oppressus est; Phacee igitur Phacee copiarum Dux, versis in Dominum suum armis in Regiæ Domus turri clausum obsedit, captoque munimento Regem occidit, ac imperium occupavit; pravam etiam Jeroboami filii Nabat exemplum secutus est. Eo regnante Teglatphalassar Rex Assyriorum ditionem Israëllem invadens, Aion, Abellaacha, Jonoe, Cedes, Afor, Galaad, totaque regione Nephthali occupatis, incolas in Assyriam traduxit. Phacee autem inita ab Ossee filio Ela conspiratione tandem sublatus est. Ossee ultimus Rex Israëllem, interfecto per insidias Phacee, regno potitus est. Hic quamvis scelestus, suorum tamen Majorum impietatem non æquavit, quippe subditis suis non interdixit, quominus Jerusalem pergerent ad cultum Domino exhibendum. Cum ab Assyriæ Rege Salmanassar deficere attentasset, hic comparato exercitu Samariam obsedit, eamque triennio post, Regni Ossee scili-

cet anno nono, mundi 3283. occupavit necnon tanta in illam crudelitate læviit, ut mulieres gravidas disciderit, earum parvulos eliserit, ipsamque Urbem in acervum lapidum converterit, decemque Tribuum Israëlitas, quos Teglatphalassar in iis regionibus adhuc reliquerat, ultra Euphratem transiit; eisque succedit Cuthæos populos Assyriæ, qui in hanc usque diem Samaritani appellantur. Is Regni Israëllicii post 254. annorum spatium exitus.

Sub his Israëllem Regibus plures exte-  
ræ in Regno decem Tribuum istarum Insignes Prophetæ, Addo, Odeb, Ahias, Elias, Elisæus, Ossee, Amos, Jonas, alique.

In Regno Judæ inter quamplurimos  
Impios, paucos Religiosos Principes commemorat hic quartus Regum liber. Primus occurrit Josaphat filius Ase; hic regnum 25. annis obtinuit, Deo semper acceptus, excelsa, & lucos, in quibus Infanda exercebantur, evertit; nec tamē efficere potuit, ut populus se ad Deum penitus, & omnino converteret. Joram filius ipsius triennio post Patrem solus imperavit; ab Athalia Achabi Regis Israël filia quam duxerat uxorem, ad idololatriam, aliaque flagitia abductus Regnum suum plurimis calamitatibus oplevit; alvi languore correptus, postquam eo morbo per biennium laborasset, tandem interiit.

Ochozias post patrem Joram regnia  
gubernacula annis ætatis 22. arripuit, & unico anno tenuit. Pessima Achabi vestigia, cujus sanguineus erat, relegit. A Jehu, qui in Joram Regem Israëllem conjuraverat, unacum eo, quem inviserat, occisus est. Athalia, cum audisset, Ochoziam filium suum, & 42. regii sanguinis Principes à Jehu neci traditos fuisse, reliquos est stirpe regia deleri curavit, ut, sic cæteris, qui residui re-

man-

manferant, sublatis, ipsa vacuum regnum occuparet. Verum Jotaba filia Regis Joram, & Regis Ochozia soror, cum filii Regis caderentur, Joas Ochozia filium unicum ejus nutrice clam subtraxit, atque in Templo nutriendum summo Sacerdoti Joadæ tradidit. Post sex annos Joadæ, convocatis Sacerdotibus, & Levitis, eisdem consilium suum aperuit, regni scilicet ad legitimum Regem Joas revocandi, qui, cum præstò se ad id esse significarent, nullà morà interposità Joas, multitudine acclamata, Rex salutatus est. Athalia eo clamore excitata ad Templum cucurrit, novumque Regem intuita, discissis vestibus, proditorem clamavit; at à Levitis, annuente Joadæ summo Sacerdote extrà Templum rapta, atque usque ad portam equorum tracta, ibidem jugulata est annò usurpari ab ipsa Regni septimò.

239 Joas igitur ab usurpata, ut mox dictum, per Athalias regiam potestate annò septimò in Templo Rex acclamatus, annis 40. Regnum Jerosolymis tenuit. Quamdiu Joadæ summus Sacerdos vixit, æquissimè imperavit, quamvis excelsa non auferret; at eo mortuo ad idola deflexit, Zachariamque Pontificem Joadæ filium multis adhortationibus ipsum ab impietate avertere conantem, immemor beneficiorum à patre illius acceptorum, occidit. Inde variis calamitatibus, atque à Syris penè oppressum servi, Zachariæ sanguinem ulturi, in lectulo suo trucidarunt.

240 Amasias patre occisò 25. annos natus regnum capessivit, atque 29. annis Jerosolymis obtinuit. Quod bonum erat coram Domino egit, at non corde perfectò. Victis Idumæis Deos eorum coluit, videns ipsè postmodum à Rege Israël. Tandem conjuratione suorum occubuit an. m. 3194.

Ozias ejus filius, alio nomine Azarias dictus à 16. ætatis suæ anno spatio 52. annorum Regno præfuit; Legem Dei sanctè servavit. De Philistæis, Ammonitis, Arabibus triumphavit. Jerosolymæ munitiones auxit, exercitum 307500. virorum habuit. Agriculturæ delectatus plurimos agricolas in arvis, vinearum custodes in collibus, pastores in vallibus destinavit. Cum denique in Templo Sacerdotale offerendi incensi munus usurpasset, continuò leprâ percussus est, quare, ab hominum consortio segregatus, privatam vitam extra Urbem egit usque ad mortem suam, quæ contigit an. m. 3246. ante Chr. 754. ante ær. 758.

Joatham, patre leprâ percusso, 242 regni suscepit habenas quidem, sed primum post annos 25. nempe post mortem patris, Regis nomen accepit, solusque imperavit. Domino adhæsit, excelsa tamen non delevit, in quibus adhuc populus imolabat. Ammonitas defectionem tentantes profligavit, ac denuo vestigales fecit. Obiit an. m. 3262. ante Chr. 738. ante ær. 742. Paulò ante ipsius mortem, Rafin, & Phacee, ille Syriæ, iste Israël Reges adversus eum moverunt, de quo bello certè nihil constat, nisi, quòd initio regni Achaz filii, & successoris ipsius Judæ regiones maximis calamitatibus laborasse, Isaias commemorat. (e)

Achaz impietate celeberrimus, gen-243 tium numina coluit, atque Idolo Moloch (f) filium suum igne consecravit. Variis bellis à Razin Syriæ Rege, & Phacee Rege Israël penè oppressus, ab Assyriorum Rege adversus eos suppetias petiit, missoque ad ipsum quiddam auri, & argenti Templum habebat, in suas partes eum traxit. Amotò etiam à Templo altari æneò, illius locò profanum collo-

N 3

(e) C. I. v. 1. &c. (f) Moloch, sive Melchom Deus Ammonitarum. Moloch Regem sonat, & Melchom, Zorim Regem. Eo solem, sive oculi Regem exprimebant.

- collocavit. Obiit Jerosolymis an. m. 3273. ant. Chr. 722. ant. ær. 726.
- 244 Ezechias annos natus 20. patri successit, regnumque 28. annis tenuit. Pius, & Religiosus, omni idolorum cultu exterminatò, verum ac uni Deo debitum restituit. A Bello, quod ei Sennacherib Assyriorum Rex intulerat, per miraculum liberatus est. Egrotans ad mortem, sanitatem, & quindecim adhuc annorum vitam à Deo impetravit. Tandem post comparatas ingentes divitias obiit an. m. 3306. ant. Christ. 694. ant. ær. 698.
- 245 Manasses duodennis rerum potitus 55. annis post patrem regnavit. Scelera fecit, idola nationum, eorumdemque impium cultum à patre deletum restituit. Filium suum in honorem Moloch per ignem traduxit. His & aliis criminibus ultimam veluti manum sævities imposuit; siquidem innocentum sanguine à se impie effuso tota urbs Jerosolyma exundavit. Isaiam extrema quæque ipsi, nisi resipisceret, prædicentem in carcerem conjecit, ac tandem ferrâ lignæ medium scindi jussit. Demum impietatis suæ pœnas daturus ab Assyriæ Rege bellò pectus, ac captus, Babylonem perductus est; ibi in vinculis detentus multis lacrymis, & gemitibus à Deo scelerum veniam postulans, libertatem, & reditum in Jerusalem impetravit; regnoque restitutus nihil habuit antiquius, quàm ut collapsam disciplinam restauraret, atque subditis suis colendi, quærendique Dei auctor esset. Diem clausit Jerosolymis an. m. 3361. ant. Christ. 639. ante ær. 643.
- 246 Amon Manassis filius duobus tantum annis regnum habuit. Cultui veri Dei idola substituit Princeps scelestissimus. Domesticorum conjuratione oppressus est.
- 247 Josias Amonis filius octo natus annos regnum assumpsit. Etatis suæ 20mº Regni verò 12mº annò, excelsa, lucos, simulacra, & sculptilia omnia Judæ, & Jerosolymæ penitus evertit. Pseudo-Sacer-
- dotum ossa in altaribus Idolorum combussit, necnon Ephraim, Manassis, Simeonis, & Nephtali Tribuum peragratis urbibus, omnia idololatriæ monumenta ubique delevit, ac demum Jerosolymam regressus est. Templi restorationi sæculò incubuit. Moysis volumen, in quo lex Dei conscripta erat, in Templo repertum coram populo legit, omnesque ad præcepta Domini servanda Sacramentò adstrinxit. Tandem post res optimè gestas, cum Pharaone Nechao Ægypti Rege propè Mageddo ad montis Carmeli radices præliò congressus, lethali vulnere, telò in illum jactò, confossus est, atque Jerosolymam deportatus ibidem obiit an. m. 3394. ant. Christ. 606. ante ær. 610.
- Joachaz, aliàs Sellum, Josiæ filius an-248 nos 23. natus populi favore ad regnum evehitur; sed post tres menses à Nechao Ægypti Rege imperiò spoliatus, atque catenis victus in Ægyptum amandatus est, ubi & decessit è vita.
- Eliacim, sive Joakim Joachazi frater 249 à Nechao Judæ regno præficitur 25. annos natus, quod & 11. annis tenuit. Multa scelera in Deum patravit, subditos iniquè oppressit, servos mercede fraudavit, avarus, & inhumanus, ad omnia flagitiorum genera deflexit. A Nabuchodonosore Babyloniorum seu Chaldeorum Rege, qui Nechaum Ægypti Regem dejecerat, quartò regni sui annò captus, ac in vincula confectus, imò, prout alii referunt, Babylonem deductus est, sed postea libertati restitutus. Cum verò postmodum illius imperium denuò detrectaret, tum Nabuchodonosor immisiss in Judæam copiis, tota regione devastata, Judæisque ter mille viginti tribus Babylonem abstractus, ipsemque Joakim captus, cæsus, ac in cloacam abjectus est, an. m. 3405. ant. Chr. 595. ant. ær. 599.
- Jechonias, sive Joachim filius Joa 250 kim attritum patrium regnum, patre mortuo tribus tantum mensibus habuit, duode-

duodeviginti annos natus. Sceleſtiſſimus Princeps captivus Babylonem abductus, ibidem obiit, verum non ſine præmiſſa, uti creditur, pœnitentia, qua Dei miſericordiam ante mortem promeruit. Id ſaltem legimus, Evilmerodach ſcilicet Nabuchodonoforis ſucceſſorem, illum è carcere educum magno in honore habuiſſe, necnon principem inter cæteros Aulæ ſuæ Proceres locum eidem conceſſiſſe. (g)

- 251 Sedecias alio nomine Matthanias Jechoniæ patruus Rex Judæ à Nabuchodonofore annos natus 21. conſtitutus eſt, atque regno 11. annis præſuit. Princeps ſanè irreligioſus, qui, contemptis Jeremiæ Prophetæ miniſ, Deo ſurdas ſemper exhibuit aures. Regni ſui annò nonò Nabuchodonoforis jugum excuſſit; at Nabuchodonofor, expugnatis Judææ munionibus, tandem Jerofolymam ipſam ſubegit, Templum ſuccendit, captumque Sedeciam luminibus orbavit, atque cateenis onuſtum Babylonem unacum populo abduxit an. m. 3416. ante Chr. 584. ant. ær. 588. ubi & interiit. Godoliam verò filium Achicam filii Saphan reliquiis populi in Judæa relictis præfecit.

Is fuit exitus Regni Juda poſt 468. annorum ſpatium, quot videlicet ab inito à Davide regno numerantur; ſeu poſt 388. à diſiſione Regni Juda, & Regni Iſraël, ſeu decem Tribuum. Hicque ſumunt initium 70. captivitatis anni, uſque ad annum m. videlicet 3487. ante Chr. 513. ant. ær. 517.

- 252 Sub his Regibus frequentes in Juda fuerunt Prophetæ, Addo, Ahias, Semeias, Hanani, Azarias, Jehu, Iſaias, Jeremias, Sophonias, Holda, Michæas,

Joël, aliique, quorum geſta, ut & inſignium Regum in hoc libro exactè deſcribuntur. Et hæc eſt quatuor Regum librorum epitome.

De Scriptore, vel potiùs Scriptoribus 253 horum librorum non convenit inter Doctos. Quidam priores duos Samueli tribuunt; ſanè hi bini libri in Originali Hebræo illius nomen præfixum habent. Ei tamen Thalmundiſtæ (b), & Rabbi Kimchi nonniſi 27. capita primi libri aſſignant; in quibus nempe res ab eo, & à Saule, necnon Davide geſtæ, ipſo adhuc in vivis agente, deſcribuntur. Cætera verò Gad, & Nathano deputant, juxta illud 1. Paralip. c. 29. v. 29. *Geſta autem Davidis priora & noviffima ſcripta ſunt in libro Samuelis videntis, & in libro Nathan Prophetæ, & in libro Gad videntis.*

At contra hanc opinionè facere videntur plura, quæ in his duobus primis Regum libris occurrunt, atque Samuele, Gad, & Nathano recentiorè ætatem denotant. Imo. Samuelis ætate ſermo Domini erat pretioſus, id eſt, rarus, 1. Reg. c. 3. v. 1. Quæ verba Auctorem prædò frequentiores erant Prophetæ, quàm ſub Samuele. 2do. lb. c. 13. v. 5. prodit idem Auctor, urbem Bethel ſua ætate Bethaven, id eſt, domum iniquitatis appellatam eſſe. Atqui inſivum nomen iſtud urbs iſta primùm accepit, poſtquam in ea Jeroboam ſuos vitulos aureos collocavit; quod longè poſt horum Prophetarum tempore factum fuit. 3tio. 1. Reg. c. 27. v. 8. Davidis excuſſiones in regiones Geſſur, & Gerſe commemorans Auctor, ſimul notat, eandem regionem olim, id eſt, tempore

(g) 4. Reg. c. 25. v. 27. (b) Thalmudii ſeſſatores & expoſitores, ut ſup. num. 96. jam notavi-  
mus. *Thalmud* autem, ut ibidem diximus, eſt Corpus totius juris ſacri, & moraliſ Judæo-  
rum. In duas partes diſtribuitur, quarum una *Miſna*, altera *Gemarra* nuncupatur. Prima  
*ſecundam Legem ſonat*, continetque traditiones Doctorum Judæorum. *Gemarra* autem idem  
eſt, ac *complementum*, qua ſcilicet ultima manus Minæ eſt impoſita. Utraque abſurdiſ ſa-  
bulis abundat.

pore Davidis, à Sur usque ad Ægyptum frequentibus incolis cultam fuisse; quo innuere videtur, sua ætate hanc regionem, & quidem à longo jam tempore desertam, & devastatam fuisse. 4to. lb. c. 9. v. 9. ait Auctor, eos viros, qui olim *Videntes* appellabantur (appellatos autem fuisse Samuele in vivis agente constat) sua ætate *Nabi*, id est, *Prophetas* dictos fuisse. Ergo hic Auctor videtur Samuele recentior. 5to. Ibid. c. 27. v. 6. ait, Urbem *Siceleg* ad Reges Juda pertinere ab eo tempore, quo David illius possessionem ab *Achis* obtinuit; quod prodere videtur, eum primum post divisionem Regnum Juda & Israël Roboamum filium Salomonis inter, & Jeroboamum Regem Israël floruisse; eoque tempore, quo quamvis Tribus Simeon subjecta esset Regibus Israël, urbs tamen *Siceleg* in hac Tribu sita Regibus Juda parebat. 6to. Ibid. c. 30. v. 4. & 25. testatur, Legem, quam David tulerat in milites, ut scilicet præda aequali forte divideretur inter eos, qui ad prælium descendissent, & illos, qui ad sarcinas remansissent, sua adhuc ætate vigere: *Factum est hoc ex illa die, & deinceps . . . quasi lex in Israël, usque in diem hanc.* Atqui hoc nec Samueli, qui eo tempore jam vita functus erat; nec Nathano, nec Gad, qui ipsa Davidis 254 ætate vivebant, convenire videtur. 7mo. Ibid. c. 5. v. 5. memorat, Sacerdotes Dagon (?) in memoriam eorum, quæ huic suo idolo ad præsentiam Arcæ Domini humi dejecto, manibus pedibusque à trunco avulsis in Templi vestibulo jacentibus, acciderant, non calcare pedibus

limen Templi sui usque in bodiurnum diem; quæ verba sat remotum tempus indicant.

Hæc tamen, & alia plura, quæ passim in his duobus prioribus Regum libris ad idem argumentum comparata occurrunt, minimè officere videntur, quin eos partim Samuel, partim Gad, & partim Nathan scripsisse dicantur; quorum Scriptiões, seu potiùs monumenta postmodum quidam recentioris ævi Scriptor compilarit, atque digesserit, necnon majoris nitoris, & claritatis gratià eorundem periodos, & dictiones quasdam ad suam ætatem, additis etiam, quæ sensum illarum illustrarent, vocabulis, accommodaverit. Quare si Esdras divino sanè Spiritu afflatus hos libros recensuisse dixerimus, quidpiam rationi summè conveniens proferte nos arbitrabimur. Id persuadere videtur tum horum librorum idea, & ratio, tum mirus ubique gestorum, animadversionum, narrationumque consensus, tum denique stylus æquabilis, atque perpetuus narrationis contextus.

Tertii porro & quarti Regum libri Auctorem, atque etiam ætatem definire parvis operæ negotium est.

Duobus Scriptorum seu Auctorum generibus libri Regum adscribendi videntur, imò illis nempe, qui Annales, & Commentarios rerum suæ ætate gestarum, descripserunt utpotè ad quos Scriptorces, seu Commentarios, & Annales in his libris Lectores frequentissimè revocentur, & remittantur, præcipuè autem in Paralipomenis. (k) 2do. Scriptoribus recentioris ævi, qui ex his Annalibus, & Commentariis historiam suam digesserunt.

Vttera

(1) Dagon erat Philistæorum Nomen mulierem referens, seu mulieris figuram. Ajunt fuisse Deum, vel Deam frumenti. (k) 1. Paralip. c. 29. v. 29. remittitur lector ad libros Samuelis, Nathan, & Gad. 2. Paralip. c. 9. v. 29. ad lib. Abiaz. & Addo Proph. c. 12. v. 15. ad libros Semeiz, & Addo. c. 13. v. 22. ad librum Addo videntis. c. 16. v. 11. ad librum Regum Juda. c. 20. v. 34. ad verba Jesu filii Hanani, quæ digessit in libros Regum Israël. c. 25. v. 26. ad libros Regum Juda & Israël. c. 26. v. 22. ad Scriptiões Isaiæ filii Amos Prophete. c. 27. v. 7. ad librum Regum Israël & Juda. c. 28. v. 26. ad eundem lib. c. 32. v. 32. ad visionem Isaiæ Prophete, & librum Regum Juda & Israël. c. 33. v. 18. ad sermones Regum Israël. c. 35. v. 26. & 27. ad librum Regum Juda & Israël. c. 36. v. 8. ad eundem librum.

Vetera monumenta illa nusquam extant amplius, exstitisse tamen olim, vel ex eo constat, quod in memoratis Regum libris eorundem frequens occurrit mentio.

Hæcæ historias à veteribus monumentis illis digessisse, necnon horum binorum posteriorum de Regibus librorum Auctorem esse, seu potius compilatorem Esdræ, communis est opinio. Pater illos esse unius Auctoris Opus, 1mo. Ob styli æqualitatem, dictorumque, & gestorum connexionem. 2o. Auctor illorum ex antiquis, quæ penes se habebat, monumentis historiam suam compilavit, quippe ad quæ lectorem frequenter remittat. 3tio. Scribebat, aut ipso captivitatis Babylonice tempore, aut post illam, ut qui de illa jam quasi per triginta annos durante mentionem facere videatur lib. 4. Reg. c. ult. scribatque c. 17. v. 23. decem Tribus sua adhuc ætate Assyriorum premi servitute, ob crimina sua nempe, secundum Prophetarum prædictiones. 4to. Animadversiones, & recapitulationes, quas subinde textit, probant, eum iis, quæ scribit, non fuisse contemporaneum, verum quod sub fide monumentorum, quæ penes se habet, scribat. (1) 5to. Omnino verisimile est, eum fuisse Sacerdotem; totus enim est in describendis iis, quæ Templum, Religionem, Cæremonias, Festa, cultum Divinum, Principum pietatem, Prophetarum constantiam, Criminum punitionem, Dei in impios vindictam, & in iustos pietatem respiciunt. Magnam præterea in Davidis familiam propensionem prodit; de Regibus Israël autem nonnisi perscriptoriæ, & quasi per transennam duntaxat loquitur, totus in recensendis Regum Juda gestis.

Quæ omnia cum Esdræ apprime conveniant, valde probabile est, eum horum librorum Auctorem, aut, si mavis, compilatorem esse.

*P. Cuvier Theol. Tom. I.*

Verum, ne quidquam hinc nos omis-  
sisse videamur, referenda etiam nobis  
sunt ea, quæ in iis libris reperiuntur Es-  
dræ ætati non satis, prout aliquibus vi-  
detur, convenientia. 1mo. Cùm illo-  
rum Auctor scribit, Arcam suam adhuc  
ætate in Templo servari, 3. Reg. c. 8. v. 8.  
2do. Regna Judæ & Israël etiamnum exi-  
stere, Ibid. c. 12. v. 19. 3tio. Mensum  
Zio, & Bul nomina commemorat, Ibid.  
c. 6. v. 1. & 38. quæ tamen nec Hebraica  
sunt, nec Chaldaica, atque ætate Esdræ  
prorsus in oblivionem abierant. 4to. Ubi-  
que ferme loquitur, tanquam rebus, quas  
narrat, contemporaneus, quamvis Es-  
dras iis rebus, & gestis longè posterior  
fuerit.

At hæc omnia facile cum nostra sen-  
tentia conciliari possunt; Dicimus enim,  
Esdræ ea antiqua, quæ penes se ha-  
bebat, Annalistarum, & Prophetarum  
monumenta ita compilasse, ut ferè sem-  
per illa de verbo ad verbum reddiderit;  
quo candor, & veritas suæ narrationis  
apprime commendatur; utpotè, qui Re-  
ligioni duxerit, vel in minimo monumen-  
torum suorum sensum aut verba immu-  
tare.

Superest hinc modò, ut etiam iis re-  
spondeamus, quæ contra veritatem, &  
auctoritatem horum quatuor de Regibus  
librorum objici solent, atque quidam il-  
lorum textus, qui difficultatem aliquam  
parere videntur, à nobis exponantur.  
Igitur

Ob. 1mo. 1. Reg. c. 13. v. 13. ait Sa-  
muel ad Saulem, quod, *si ipse illa, qua  
Deus ei praeceperat, custodivisset, jam nunc  
Dominus præparasset Regnum ipsius super  
Israel in sempiternum.* Atqui longè jam  
anteà Regnum istud Tribui Judæ fuerat  
promissum, ut constat Gen. c. 49. v. 10. ubi  
Jacob Patriarcha sic vaticinatur: *Non au-  
feretur sceptrum de domo Juda, nec Dux de  
femore ejus, donec veniat, qui mittendus est.*

O

Resp.

.. (1) Lib. 4. Reg. c. 20. & seq. usque ad c. 24.



Resp. Adducti textus non eodem modo Regnum Israël Sauli, & Judæ promittunt & prædicunt; prior enim conditione tantum promittit illud Sauli; posterior vero absolute illud Judæ promittit: hoc est, Sauli promittitur sub conditione, seu ex hypothesi, quod fideliter Dei mandata servasset; & quia longè antea præviderat Deus, Saullem à tali conditione deflexurum, & mandata sua fideliter non servaturum; idè etiam longè antea Patriarchæ Jacobi ore absolute prædicere potuit, sceptrum illud in Domo Juda permanfurum usque ad Messia adventum.

- 259 Ob. 2do. 2. Reg. c. 8. v. ult. dicitur: *Filii autem David Sacerdotes erant*; & tamen David non erat de Tribu Levi, sed de Tribu Juda, in qua Tribu nihil de Sacerdotibus Moyses locutus est, inquit Apostolus, Heb. 7. v. 14.

Resp. Vox hebræa *Cohen*, quamvis significet Sacerdotem propriè dictum, tamen interdum usurpata ad designandum Principem, Magnatem, Præsidem, vel populi Ducem, qui omnes, quia apud Regem ita familiares sunt, ac Sacerdotes apud Deum; idè per catachresin, seu vocabuli abusione familiares, seu Magnates, & primi apud Regem vocantur interdum *Sacerdotes*; sic ergo etiam filii David, quia primi ad ipsius manum erant, ut habetur 1. Paralip. c. 18. v. 17. *Sacerdotes* hoc locò nuncupantur.

- 260 Ob. 3tio. Lib. 3. Reg. c. 6. v. 1. Dicitur Salomon ædificare cœpisse Templum Domini annò quadringentesimo octuagesimo post egressum filiorum Israël ex Ægypto. Atqui ex libris Josue, & Judicum habemus, longè plures annos ab isto egressu effluxisse usque ad cœptum à Salomone Templi hujus ædificium. Ergo.

Ad hanc objectionem varii varia respondent. 1mo. Quidam ajunt, locum hunc esse vitiatum, & locò *Quadringentesimo* legendum esse *Quingentesimo*. 2do.

Alii dicunt, citatò locò intelligi tantum annos illos, quibus Israëlita ab egressu suo ex Ægypto Judices habuere, non verò illos, quibus Judicibus destituti, in servitute, & oppressi fuerunt. 3tio. Volunt alii, annos illos, quibus dicuntur Hebræi fuisse oppressi, sub illis annis contineri debere, quibus Judices habuisse dicuntur, ita ut e. g. anni Judicis alicujus, qui antequam denuò opprimerentur, & in servitutem redigerentur Hebræi, rebus illorum præfuit, totò illius oppressionis tempore adhuc numerari intelligantur. 4to. Alii censent, Judices illos non fuisse universales, & successivos, adeo ut varii in variis Hebræorum partibus simul rexerint; nec etiam pariter invasiones hostium fuisse universales, & successivas, sed simul quandoque in variis locis accidisse. 5to. Alii communi consensu tuerent, verè spatium illud ab egressu filiorum Israël usque ad ædificationem Templi, quæ contigit an. m. 2993. an. 4to. Regni Salomonis mensè 2. die 2. fuisse 480. annorum, nam egressi sunt Israëlita ab Ægypto anno mundi 2513. Templi autem fundamenta à Salomone jacta sunt an. m. 2993. ut dictum nempe illius anni mensè 2. die 2. Quòd si annorum, qui inter illud spatium effluxerunt, computus ducatur, tunc invenietur, illos numerum 480. annorum numerum æquare. Unde subinde in libro Judicum, ubi ponitur numerus cardinalis annorum, intelligi oportet numerus ordinalis; sic, cum e. g. Judicum cap. 3. v. 11. dicitur quieviisse terra quadraginta annis, idem sit, ac si diceretur quieviisse quadragiesimò annò post quietem scilicet in ea à Josue primùm constitutam. Quæ opinio eo potissimùm firmatur, quòd, dum hæc, & alibi in libro Judicum vulgata nostræ editionis legitur *quadraginta*, vel *octuaginta* annis, vox hæc *annis* in Hebræo legatur in singulari numero *Schanab*, non verò in plurali *Schanim*.

Ob.

261 Ob. 4to. Eodem c. 6. v. 38. ejusdem libri tertii Regum Templum Jerofolymitanum à Salomone ædificatum, dicitur coëptum, & perfectum intra septem annos, fuit enim coëptum anno 4to Regni Salomonis, & perfectum annò ejusdem undecimò. Atqui Joan. c. 2. v. 20. dicitur non fuisse ædificatum nisi 40. annorum spatio. Ergo &c.

Resp. Apud Joannem sermo non est de Templo à Salomone ædificato, sed de illo, quod ædificavit Herodes, aut saltem ædificare coëpit, & quod 46. annorum spatio duntaxat perfectum est.

262 Ob. 5to. Ib. c. 15. v. 14. dicitur de Rege Asa, quod *excelsa non abstulerit*; & tamen 2. Paralip. c. 14. v. 2. contrarium de eo asseritur. Ergo &c.

Resp. Fuere apud Judæos duplicis generis excelsa, hoc est, altaria, templaque in altioribus locis erecta, videlicet alia, quæ erant falsis numinibus dicata, alia autem, quæ vero Deo sacra erant; priora abstulit, & evertit Asa, ut habetur 2. Paralip. posteriora verò non abstulit, ut dicitur loc. cit. 3. Reg.

263 Ob. 6to. Ibid. c. 22. v. 15. Mentitus videtur Michæas Propheta, dum interrogatus ab Achab, an ire deberet ad præliandum, necne? respondit, *Ascende, & vade prosperè, & tradet Dominus in manus Regis &c.*

Resp. Michæam ibi non ex sua, sed Regis Achab, falsorumque Prophetarum ipsius mente loqui, & ironicè duntaxat, ut sic per ironiam loquendo, Regem ipsum à falsis suis Prophetis deceptum ostendat, prout subsequentes citati Cap. textus manifestè declarant.

264 Ob. 7mo. Lib. 4. Reg. c. 8. v. 26. dicitur Ochozias viginti duorum annorum fuisse, cum regnare coëpit; & contrà 2. Paralip. c. 22. v. 2. dicitur fuisse tunc quadraginta duorum annorum. Ergo &c.

Resp. Mendosum ac vitiatum esse illud Paralip. c. 22. v. 2. textum, & ibi ponendum ac legendum esse *viginti duorum*, ut

4. Reg. c. 8. legitur, non verò *quadraginta duorum*. Ratio est, 1mo. Quia tam in Syriaco, quam in Arabico textu, & etiam in versione Septuaginta Interpretum jussu Sixti V. Papæ à Cardinali Caraffa Romæ anno 1587. edita legitur cit. Cap. Paralip. *viginti duorum*, & non *quadraginta duorum*. 2do. Quia aliàs sequeretur, Ochoziam suo patre Joram bienniò seniores fuisse; nam Ochozias statim, & immediatè post Patrem suum Joram coëpit regnare; vixit autem Joram pater quadraginta duntaxat annos; ergo si Ochozias fuisset quadraginta duorum annorum, cum regnare coëpit, sequeretur evidenter, dicendum fore, quòd Ochozias patre suo Joram bienniò senior fuisset, quod plusquam absurdum est.

### De libris Paralipomenon.

265

*Paralipomena* nomen græcum sonat idem ac *Prætermissa*, quo duos historicos sacræ Scripturæ libros illos intelligimus, qui libris Regum supplementi locò adjecti sunt, quibus nempe res in illis prætermissæ, vel per compendium duntaxat narratæ, exhibentur. Hebræi illos *Dibrejanim*, id est, verba dierum, seu Ephemerides nuncupant, alii *Chronica* eos appellant.

Primus Paralipomenon liber compendiiò repetit, ac enarrat propagationem gentis Israëlitarum ab Adamo usque ad Salomonem, & veluti methodò Chronologica breviter partim ea perstringit, quæ in Pentateucho, libris Josue, Judicum, & Regum duobus prioribus jam recensita fuere; & partim, quæ ibidem prætermissa fuerant supplet.

Secundus à Salomone incipit, necnon ea describit, quæ eveniunt ab unctione Salomonis in Regem usque ad liberationem populi Judaici à captivitate Babylonica, seu usque ad tempus illud, quo Cyrus Persarum Rex Judæis ad propria remeandi facultatem dedit, usque ad finem scilicet

Quintæ mundi ætatis, & initium Sextæ (m), quod incidit in anno mundi 3469. ante Christ. 531. ante æram 535. Quæ sexta mundi ætas protenditur usque ad Adventum Christi, qui incidit in annum mundi 4000. quo septima mundi ætas incipit, usque ad finem illius duratura.

Multa in hoc secundo Paralipomenon libro repetuntur, necnon clariùs & fusiùs pertractantur, quæ in duobus Regum posterioribus strictim, & obscuriùs adnotata jam fuerant.

- 266 Horum binorum librorum Auctor etiamnum latet. Vulgò Esdræ adscribuntur, ex ratione, quòd primùm post captivitatem Babylonicam exarati fuerint. Id probare videtur imo Styli similitudo, atque annotationes post deductam interdum longam eventuum seriem adjectæ. 2do. Quòd Auctor post captivitatem illam floruerit, constat ex relato ibidem c. ult. (n) Cyri pro Judæorum libertate decreto; prout etiam ex Genealogia Davidis usque ad Zorobabellem deducta, qui Judæos è captivitate reduxit. 3tio. Denique ex phrasibus Esdræ ætate peculiariter usitatis,

- 267 Verùm his conjecturis officere videntur sequentia: 1mo. Genealogia Zorobabelis, quæ ad duodecimam usque generationem deducitur. Atqui Esdras non potuit supparis sibi viri generationes videre. Ergo &c. 2do. Sæpe Auctor eundem rerum statum suâ ætate mansisse innuit, quo e. g. sub Salomone, & ante captivitatem fuerat. (o) Atqui hæc de sua ætate Esdras affirmare non potuit, cum tunc rerum Judæicarum status longè diversus esset ab eo, qui fuerat Salomonis, & ante captivitatem tempore. Ergo &c.

Responderi potest, ad 1mum hanc Zorobabelis Genealogiam deinceps his libris fuisse additam.

Responsio autem ad 2dum ex iis habetur, quæ supra differuimus, ubi Esdræ Auctorem, seu potiùs compilatorem librorum Regum constituimus, nempe quòd Esdras ex antiquis & authenticis monumentis historiam suam compilaverit, & adornaverit, quæ nihil immutata, ut candorem, & suæ narrationis veritatem eò magis palam faceret, de verbo ad verbum ferè semper reddiderit; undè factum, ut in iisdem libris eadem monumenta sæpiùs laudari, exscribi aliquando, & non ratò compendiò referri contingat. Quidquòd longa interdum fragmenta ex illis exscripta recitentur, ne verbo quidem mutato, imò nec discrepantibus inter se testimoniis conciliatis. Hinc pluries ejusdem viri Genealogiam ibidem deductam invenies.

Occurrit 1. Paralip. c. 2. v. 15. textus, 268 qui difficultatem aliquam habere videtur. Dicitur scilicet ibidem, quòd David fuerit septimus, & ultimus Isai filius. Et tamen 1. Reg. c. 16. v. 11. fit mentio octo filiorum ejusdem.

Resp. Verè septimum, & ultimum Isai filium fuisse David; sed præter septem à se genitos, aliùm adhuc habebat filium Isai, adoptivum nempe, Jonathan videlicet filium Samaa, seu Nepotem ex tertio filio suo Samaa, qui adductò 1. Regum c. 16. inter ipsius reliquos filios collocatus est.

### De libris Esdræ.

269

Quatuor libri Esdræ nomine insigniti circumferuntur, quorum duo priores in Canone

(m) Sexta mundi ætas à liberatione populi Israëlitiçi è captivitate Babylonica usque ad Adventum Christi ab anno mundi videlicet 3469. ante Christ. 531. ante æram 535. usque ad annum mundi 4000. ante æram Chr. 4. quo septima mundi ætas incipit duratura usque ad finem mundi; nisi quod nemo scit, nova quædam & prodigiosa Epochæ addat oclavam, & aliæ alias. (n) Lib. 2. Paralyp. c. ult. (o) 1. Paralip. c. 4. v. 41. & c. 5. v. 32. & 26. Item 2. Paralip. c. 5. v. 9. & c. 8. v. 8. ac denique c. 21. v. 10.

Canone Ecclesiae latinae recensentur, duo posteriores verò velut apocryphi (p) ab ea rejiciuntur. Duo priores apud Hebraeos in unum librum coalescunt.

Auctorem primi Esdræ ipsum esse, res est aperta, ut qui in eo à se priorum oculorum suorum testimoniò probatas historias recensens, in prima persona loquatur.

Nihilominus arbitratur Huetius (q) Scriptorem sex priorum hujus libri Capitulum alium esse ab Esdræ, ex his verbis, unde Caput septimum sumit initium: *Post hæc autem verba, in Regno Artaxerxis Regis Persarum, ipse Esdras ascendit de Babylone. Nam, inquit laudatus Huetius, cum Jerosolyma fuerit tempore Darii Hytaspis Scriptur priorum sex Capitulum, Esdras autem primùm Jerosolymam venerit regnante Artaxerxe, qui post Darium tenuit imperium, sequitur, alium esse sex priorum Capitulum Scriptorem, quàm Esdræ.*

270 Sed hæc non obstant, quominus totum librum scripsisse dicatur Esdras. Enimverò certum non est, sed mera conjectura est Esdræ non fuisse Jerosolymæ tempore Darii Hytaspis. Et quavis ponatur, quòd ibidem tunc nondum fuerit, cum ea, quæ facta esse narrantur sex illis prioribus Capitibus, evenerunt, nec fuerit unus ex Judæis respondentibus Thathanai Duci, & Stharbazanai, eorumque Consiliariis, cum hi ab eis quærerent (r), quoniam ipsis facultatem tribuisset Templum reedificandi, quod tamen valde probabile est; hæc tamen postmodum ex illorum, qui tum erant Jerosolymæ, relatione, ubi ipse illuc advenit, utique rescire potuit, iisque, quorum ipse oculatus testis fuit, illa attestare. Non ergo necessum videtur, ut Opus istud ita dividatur, quòd alicui alteri sex ista priora Capita tribuantur, quàm ipsi Esdræ.

Secundus liber Esdræ, quamvis ipsius 271 nomine sit inscriptus, Nehemiæ tamen vulgò tribuitur, quòd ea contineat, quæ simul ab Esdræ & Nehemiæ gesta fuerunt. Olim tam apud Hebraeos, quàm apud Græcos bini hi libri, prout jam de Hebræis a nobis dictum, uno volumine continebantur.

Leviore huic libro addita videntur, quæ Nehemiæ ætati non satis conveniunt, aut saltem non satis convenire videntur; ut quando ibidem fit mentio summi Sacerdotis Jeddoæ, seu Gaddi, & Regis Darii (s); quorum prior Jaddus est, qui occurrisse dicitur Alexandro Magno Jerosolymam venienti anno mundi 3672. Darius autem Codomannus ab Alexandro Magno anno mundi 3674. Regnò privatus est, & vitæ. Nehemias verò mortuus esse perhibetur anno mundi 3580.

Tertius Esdræ liber apud Græcos velut 272 Canonicus suscipitur. Non differt à primo; variis tamen additamentis interpolatus est, quale inter alia est historia trium Corporis Darii Custodum, inter quos recensetur Zorobabel, qui cum de re fortissima proposita à Rege quæstionem solvere aggressi essent, ipse Zorobabel omnium assensu, quòd definiisset, rerum omnium fortissimam esse veritatem, probabiliora dixisse visus, facultatem redeundi Jerosolymam, illucque sacra vasa à Nabuchodonosore antea alportata referendi, Templumque instaurandi obtinuit in præmium. Sed hunc librum, ut diximus, Ecclesia latina inter Apocryphos, ob illa nempe additamenta, rejecit.

Quartus equidem Esdræ nomen præ se 273 fert, sed immeritò; utpotè, qui miris fabulis, & paradoxis abundet. Diem enim judicii proximum esse, omnesque tum bonorum tum impiorum exinde adducendas ab inferis esse animas docet. Tradit

O 3

infu-

(p) *Apocryphas* vox græca rem occultam, & absconditam significat. Stylò Ecclesiasticò nomen istud illis libris tribuitur, quorum Auctores non modò sunt ignoti, sed etiam nullius aut saltem dubie fidei. (q) Demonst. Evang. proposit. 4. de lib. Esdræ pag. mihi 356. (r) 1. Esdræ c. 5. v. 3. & seq. (s) 1. Esdræ c. 17. v. 27.

insuper duo monstra jam à mundi exordio esse creata, quibus oppiparum convivium Deus electis post resurrectionem instruet. Decem Tribus ad incolendam regionem *Arferet* transmigrasse. De Jesu Christo, ac de Apostolis non minus clarè, quàm ipsum Evangelium loquitur; & cum olim Alcoranum Mahometis legerimus, subit mentem dubitatio, num Mahometes ad hujus libri exemplum Alcoranum suum non effinxerit, similia enim paradoxa in eo deprehendere est.

Ecclesiarum græcæ & latinæ, quin & ipsius Judæorum Synagogæ sententiâ inter apocryphos rejectus est, quamquam interdum ab aliquibus Patribus laudetur, & Ecclesia latina ex eo sententiâ aliquas in suum officium transtulerit. Textus illius græcus interdidit; Hebræus nusquam extitit; Latinus plerumque in nostris Bibliis ad calcem imprimitur. Verùm dimissis apocryphis his duobus libris, ad binos priores Authenticos & Canonicos redimus.

274. Igitur liber primus Esdræ decem Capitibus absolvitur, & solutam Israëlitarum captivitatem, restitutamque libertatem describit sub Cyro Persarum Rege; numerum etiam init eorum, qui cum Zorobabele in patriam reversi sunt. Foundationem Templi, insidias hostium Templi & Urbis instaurationem impedire conantium, illiusque interruptionem usque ad idum Regni Darii annum, mundi 3485. ante Chr. 515. ante æram 519. quo Judæi Opus istud denuò aggregati sunt, commemorat; ut &, quòd, expleto Templi ædificiò, Judæi uxores alienigenas dimiserint. Nonaginta quatuor circiter annorum historiam liber iste complectitur, ab anno mundi videlicet 3457. ante Christ. 543. ante æram 540. quo Cyrus Judæos omnes manumisit, atque liberam in patriam suam redeundi ipsi potestatem fecit; qui annus in Scriptura primus ipsius nuncupatur, quòd eo primum imperium suum in universum Orientem

prorogaverit, usque ad annum mundi 3551. ante Chr. 449. ante æram 453. tum. qui fuit vigesimus Artaxerxis Persarum Regis, quo nempe Israelitæ tandem, prout dictum, alienigenas uxores suas dimiserunt. (†)

Secundus Esdræ nomine inscriptus li-275 ber, qui aliàs *Nehemia* dicitur, 13. Capitibus absolvitur. Agit, sicut primus, de instauratione Templi; murorum Urbis Jerusalem extructione; de numero populi à captivitate in patriam redeuntis; de divino cultu à Levitis instauratione, &c. Cap. 13. addit aliqua, quæ gesta fuere ab anno 20. Artaxerxis, usque ad annum 32. imperii ipsius &c.

Fuit autem Esdras è Sacerdotali genere, 276 & juxta aliquos summi Sacerdotis Seraizæ à Nabuchodonosore, post captam Jerusalem, in Reblatha occisi filius; probabilius alii censent, cum illius fuisse nepotem, vel etiam abnepotem. Babylone Jerusalem, Cyro regnante, anno mundi 3468. ante Chr. 532. ante æram 536. primò rediisse vulgò creditur. Babylonem regressus sub Artaxerxis Longimani Persarum Regis imperio, facultatem ab eo impetravit urbem Jerusalem reedificandi. Jam enim sub Dario Hystaspis filio, qui Cyri de reedificando Templo editum confirmaverat, Templi structuram, quæ prius intermissa fuerat, perfecerant Judæi.

Nehemias verò libri 2di Esdræ Auctor, 277 quique lib. 1. Esdr. c. 2. v. 63. & lib. 2. c. 7. v. 65. vocatur *Aberfeta*, id est, Pincerna Artaxerxis Longimani, nobili prosapia Judæorum oriundus, Helciâ, seu Chelciâ patre, tempore captivitatis Babylonicæ Babylone natus, juxta quosdam è Sacerdotum genere, juxta alios verò Regio sanguine, ex Tribu Juda ortum duxit. Sub Artaxerxe Longimano Jerusalem regressus una cum Esdra urbem denuò ædificavit &c.

De libro Tobie.

Liber hic utriusque Tobie Patris nempe à Tribu Nephthali in Cades ejusdem Tribus Metropoli nati anno mundi 3262. ante Chr. 738. ante æram 742. & filii, qui natus perhibetur circa annum mundi 3280. ante Christ. 720. ante æram 724. quatuordecim Capitibus historiam complectitur & gesta; ac præcipuè in eo ostenditur, quanta sit orationis virtus, qualisque debeat esse usus, & finis conjugii, conjugatorumque vita. In eo etiam referuntur calamitates, quas cum omni familia sua Tobias in Ninive, quò à Salmanassar Assyriorum Rege expugnata post triennalem obsidionem Samaria captivus unacum uxore, & filio, ei circa annum mundi 3281. nato, deportatus fuerat anno mundi 3283. ante Christ. 717. ante æram 721. tempore Sennacherib, qui Salmanassari successerat, perpessus est. Obiit Tobias Pater anno mundi 3363. ante Christ. 637. ante æram 641. in Ninive. Filius ejus verò Tobias junior diem clausit Ecbatanis anno mundi 3380. ante Chr. 620. ante æram 624.

279 Ab ipsis Patre, & Filio liber hic exaratus, vel saltem ex ipsorum Commentariis conscriptus fertur. Id non obscure innuitur c. 12. v. 20. ubi; *Narrate*, inquit ad ipsos Angelus Raphael, *omnia mirabilia ejus* (Dei nempe) græcus verò textus sic habet: *Scribite in libro, quæcunque evenerunt*. Complura etiam in eo exarata leguntur, quæ nulli alteri, quàm ipsis innotescere potuerunt.

Nonnulla tamen ab incerto Auctore, aliquo fortè ex Tobie Nepotibus, esse adjecta consensit sanior pars Interpretum. Et Capita quidem duodecim priora à Tobia Patre, à Tobia filio autem decimum tertium, & pars decimi quarti, ubi senioris Tobie narratur obitus usque ad postremos duos versus, hos verò, quibus nempe Tobie

junioris mors continetur, ab incerto Auctore esse tradita videntur.

Chaldaicè, quæ lingua Hebræis communis tum temporis erat, atque in illis partibus, ubi Tobias morabatur, in usu erat, scriptum constat, ex cujus fidelis hebraico apographo Hieronymus latinam suam versionem adornavit, quam Ecclesia Catholica suscepit.

Huetius tamen (\*) omnium libri hujus interpretationum antiquissimam, & proinde purissimam, necnon exemplari simillimam esse Græcam ait, quæ, ut & veteri latinæ ad illam accuratè, usos esse Auctorem Constitutionum Apostolicarum, quæ Clementi S. Petri Discipulo ascribuntur, Polycarpum, Clementem Alexandrinum, aliosque Patres græcos & latinos Hieronymo vetustiores tuerur.

Librum hunc Canonicum & divinæ auctoritatis esse tenet universa Ecclesia Catholica post Concilium Tridentinum Sess. 4. Ob id eandem temeritatis arguunt Apatholici, sed immeritò. Contra quos proinde ponitur

CONCLUSIO.

281

Ecclesia Catholica meritò librum Tobie Canonici & divinæ auctoritatis libris adnumerat.

Prob. Conclusio 1mo. iisdem argumentis, quibus supra part. 1. c. 5. à Num. 56. probavimus, ad solam Catholicam Ecclesiam pertinere Scripturarum sacrarum Canonis determinationem, & definitionem, quæ vide ibidem.

Prob. 2do. auctoritate Scripturæ sacræ. 281 1mo. Ex ipso Tobie libro. Ibid. c. 12. v. 20. Deus utrique Tobie per Angelum præcipit, ut historiam suam narrent, atque, prout textus græcus habet, Scriptò memoriæ mandarent. Atqui evidens esse videtur, quòd, qui eis præcepit, ut quæ circa

(\*) Demonst. Evang. prop. 4. pag. 362. edit. Lips. 1694.

circa ipsos evenerant, scriberent, etiam ipsi adfuerit, eosque illustrarit, dum ea scriberant, &c. Ergo liber iste est à Deo inspiratus, divinæque auctoritatis, adeoque meritò ab Ecclesia inter Canonicos re-latus.

ado. Sequentium ætatum Scriptores sacri quasdam hujus libri sententias usurpare, ut imo. Ecclesiasticus hanc Tobie c. 4. v. 11. expressam sententiam: *Eleemofyna ab omni peccato, & à morte liberat, & non patitur animam ire in tenebras*, sic c. 29. v. 15. repræsentat: *Conclude Eleemofynam in corde pauperis, & hæc pro te exorabit ab omni malo*. 2do. In eodem Tobie c. v. 16. legitur hæc sententia: *Quod ab alio oderis fieri tibi, vide ne tu aliquando alteri facias*, quam protulit Christus ipse Matth. c. 7. v. 12. & Lucæ c. 6. v. 31. his verbis: *Omnia quæcunque vultis ut faciant vobis homines, & vos facite illis*. Matth. 7. v. 12. Item, *Prout vultis ut faciant vobis homines, & vos facite illis similiter*. Luc. 6. v. 31. 3tio. Scripsit Tobias c. 13. v. 20. & seq. *Beatus ero, si fuerint reliquia seminis mei ad videndum claritatem Jerusalem. Porta Jerusalem ex Saphiro, & Smaragdo edificabuntur, & ex lapide pretioso omnis circuitus murorum ejus: ex lapide candido, & mundo omnes plateæ ejus sternentur*. Atqui talis fuit propemodum illa Jerusalem, quam Joanni ostendit Angelus in Apocalypsi c. 21. v. 18. & seq. ut ea, quæ ibi enarrantur, legenti patet: hæcque conveniunt doctrinæ vetustiorum Prophetarum, qui Jerusalem, ac montis Sion, & civitatis Dei symbolo ac nomine Ecclesiam Christi præsignificare solebant. Ergo liber Tobie meritò censendus est à Deo inspiratus fuisse æquè ac libri sacri illi, qui descriptas ex eo sententias referunt &c.

283. Prob. 3tio. Conclusio ex Traditione Judæorum, qui, prout testantur Origenes, Epist. ad Africanum, Hieronymus, præfat. in Tobiam, & Judith. Sixtus Senensis, lib. 8. Bibl. sacr. Et Grodus, præfat. in

Tobiam, librum hunc non modò legebant, sed & in summo pretio habebant, necnon divinis, & sacris, seu agiographis, id est, sanctis Scriptis adnumerabant. Ergo & Canonicum censuerunt.

Prob. 4to. Ex Traditione Christianæ Ecclesiæ. Non scûs ac cæteris libris Canonicis eo utuntur S. Polycarpus, in sua Epistola. S. Clemens Alexandrinus in lib. Hypotyp. Origenes, lib. 3. cont. Celsi. Auctor Constitut. Apost. quæ Clementi Papæ 1. adscribuntur, lib. 1. c. 1. & lib. 3. c. 15. S. Basilus, Orat. de avaritia. S. Ambrosius, lib. de Tob. c. 1. S. Hieronymus, Præfat. in Job. S. Augustinus, in Specul. & lib. 2. de Doct. Christ.

Illum etiam tanquam Scripturam divinam laudat S. Cyprianus, lib. 3. testim. & lib. de Opere & Eleemofina. Inter libros Deutero-Canonicos numeratur ab Isidoro, lib. 6. Etymolog. c. 1. à Cassiodoro lib. 1. divin. lect. à Rabano Mauro lib. 2. de Inst. Cleric.

Recensetur etiam in Catalogo librorum sacrorum à Concilio Hipponensi annò 393. celebratò Can. 98. à Concilio III. Carthaginensi annò 397. Can. 47. à Concilio Romano sub Gelasio I. Papa, annò 494. celebratò. à Concilio Florentino sub Eugenio Papa IV. annò 1438. in Decreto Unionis Latinos inter & Græcos. Et denique à Concilio Tridentino annò 1545. inchoatò, & annò 1563. finitò, Sess. 4. Jam pridem annò scilicet 400. Innocentius Papa I. illum velut divinæ auctoritatis habendum esse definiverat, Epist. ad Exuperium. Quibus testimoniis Ecclesiæ Traditionem circa libri Tobie divinitatem satis superque fundatam esse censemus. Ergo etiam meritò velut Deutero-Canonicus suscipitur ab Ecclesia.

Prob. denique 5to Rationibus Theo-285, logicis. imo. Ut ab auctoritate non habeat liber aliquis tanquam canonicus, & divinus agnoscat, & declararetur, hæc tria servare debet. imo. Ut habeat Veterum

circa illius divinitatem testimonia. 2do. Ut illud ad alios Canonicos libros comparatum isdem similem, & conformem reperiatur.

3tio. denique, ut accedat communis populi Christiani sensus, & sententia illum velut divinum ultrò suscipientis. Atqui hæc tria observavit Ecclesia circa librum Tobie. Ergo merito illum Canonicum & divina auctoritate prædium declaravit.

Maj. à nemine, nisi qui communem sensum exuerit, negari potest, quippe cum omnes consentiant, hæc tria esse veros divinitatis libri alicujus characteres.

Min. verò patet, & quidem quantum ad primum. Ex primùm adductis veterum Patrum, Romanorum Pontificum, & Conciliorum testimoniis, quæ aperte innuunt, librum hunc, quamvis à magna illa Judæorum Synagoga tempore Esdræ celebrata, adeoque ab Esdrino Canone testimonium non habeat, illud tamen accipere ab Ecclesia Apostolica, seu Apostolis ipsis, quod utique sufficit. Apostoli enim poterant sine aliis testimoniis declarare, librum hunc esse Canonicum. Atqui hoc illos fecisse produnt adducta priori argumentò tum Patrum, tum Conciliorum, tum Romanorum Pontificum testimonia; secus enim hi SS. Patres & Concilia, necnon Romani Pontifices non tam constanter asseruissent, illum esse divinum, nisi ut talem eum ab ipsis accepissent Apostolis. Ergo &c.

Quantum ad 2dum verò, illud patet ex ipsa hujus Tobie libri cum aliis Scripturæ sacræ Codicibus collatione, ut qui, quemadmodum & illi, nihil nisi divinum spirat; & eò fortius, quod, prout tmò argumentò ostendimus, alii recentioris ævi sacræ Scripturæ libri ex eo mutuatas, & exscriptas sententias contineant. Ergo &c.

Quoad 3tium nemo negare potest, hunc librum paulatim, & jam ante Ecclesiæ definitionem ab omnibus Christianis pro Canonico, & divino receptum fuisse; quod

P. Curtius Theol. Tom. I.

adducta priori argumentò testimonia manifestè evincunt; ad quæ utique etiam respexit Ecclesia, cum illum Canonicum declaravit.

Prob. 2do. Ex eo, quòd Ecclesiæ Christianæ ad minimum eadem auctoritas tribui debeat, ac olim Synagogæ data fuit. Atqui Synagoga habuit auctoritatem definendi, quinam libri pro Canonicis essent recipiendi, prout omnes concedunt. Ergo à fortiori eadem auctoritas Ecclesiæ Christianæ concedi debet. Vide ea quæ part. 1. c. 5. à pag. 41. disputavimus.

### Solvuntur Objectiones.

186

Vetus Ecclesia seu Synagoga librum Tobie non agnovit tanquam Canonicum. Ergo nec nova, seu Christi Ecclesia illum pro Canonico agnoscere potuit. Ant. est certum, eoquod in Esdrino Canone, qui editus est auctoritate Synagogæ magnæ, minimè contineatur. Conf. prob. Præcipua divinitatis libri alicujus ratio ex Traditione repetitur. Atqui illam circa librum Tobie non habet Ecclesia. Ergo &c. Min. prob. Si eam habet, tum vel maximè à Synagoga. Atqui ab hac illam non habet, quippe quæ librum istum in Canonem suum non retulit, ac proinde nec pro divino habuit. Ergo &c.

Resp. Neg. conf. primi argum. & min. secundi. Ad 3tium Dist. maj. Si eam habuit, tunc vel maximè à Synagoga, si per Synagogam universa Judæorum Ecclesia intelligatur. conc. Si solummodò magnum illud Synedrion tempore Esdræ celebratum intelligatur, neg. Maj. Equidem Synedrion istud, seu Synagoga magna librum Tobie in Canonem suum non retulit; cum enim eo tempore maximis rerum difficultatibus gens Israëlita, quamvis jam patriæ, & libertati reddita, premeretur, Esdras, quantumlibet studiosus & diligens, nondum omnes gentis suæ historias & veteris memorie monumenta à popularibus

P

fuis



suis scripta colligere potuerat. Quæ postmodum jam Canone clauso & obliato ab aliis primùm reperta, in eo locum non habuerunt; eoquod, ut ait Josephus (x), jam tum temporis defecerat series Prophetarum, quorum auctoritate libri in sacrum Canonem referebantur. Id autem non obfuit, quominus Esdrino Canone posteriores Judæi hujusmodi historias, & monumenta, atque etiamnum librum Tobie legerint, & tanquam veram historiam non modò habuerint, sed & velut divinum & sacrum suspexerint; prout argumentò 3tiò demonstravimus. Hæc autem Judæorum Traditio Ecclesiæ Catholicæ suffecit, ut quod Synagoga magna, seu Esdras ex ignorantia omiserat, suppleret, atque librum istum in Canone sacrorum voluminum referret, necnon divinum declararet.

- 287 Inft. Si aliqua effet hujus libri sanctitatis, & veritatis traditio Judæorum, tunc utique illius mentionem fecisset Josephus Hebræus ipse, & diligens rerum hebraicarum Scriptor, in his, quas edidit, antiquitatibus Judaicis. Atqui in iis nullam hujus libri mentionem fecit. Ergo &c.

Resp. neg. Maj. Ad probandam delibri Tobie veritate & sanctitate Judæorum traditionem nobis sufficiunt adducta veterum Ecclesiæ nostræ Patrum, & aliorum Doctorum testimonia, qui utique optime noverant, quid apud Hebræos sanctitatum fuisset, & adhuc sua ætate sanctaretur. Hujus libri autem non meminit Josephus 1mo. Quia Historia Tobie clam veluti gesta, & intra unius familiæ terminos domesticos clausa non pertinebat ad publicam Gentis Judaicæ historiam, ejus duntaxat litteris consignandæ provinciam in se Josephus suscepit: hæc ipsa etiam ratione idem Josephus in cit lib. de antiquit. Judaic. Jobi historiam omninò prætermisisse videtur, quia nempe ad Gentis suæ gestaminimè per-

tinebat. 2do. Cùm Josephus Judæorum historiam ex monumentis hebraicè scriptis duntaxat collegerit, ac concinnaverit, Tobie librum prætermisit, quia non hebraicè, sed chaldaicè, ut suprà annotavimus, erat conscriptus. 3tio. Denique, libri Tobie Josephus non meminit, quia liber iste non extabat in Canone Esdrino, seu primario Judæorum &c. 4to. Multa alia ad Judaicæ gentis historiam pertinentia in suis libris antiquitatum etiam prætermisit Josephus, quæ tamen non minùs vera sunt &c.

Ob. 2do. Non potuit, nec debuit Ecclesiæ in sacrorum librorum censum referre volumen, nisi veteris Ecclesiæ certa Traditione fulta esset. Atqui Ecclesiæ circa Tobie librum veteris Ecclesiæ certa traditione minimè fulta fuit. Ergo &c.

Maj. est evidens, nisi quis dicere malit, Ecclesiam ex revelatione divina habuisse, librum hunc esse divinum, & Canonicum; quod velut absurdissimum jam alibi explosum est. Min. prob. In veteri Ecclesiæ de hoc libro dubitatum fuit. Ergo illius Traditione fulciri non potuit Ecclesiæ. Ant. prob. Auctoritate Origenis, Melitonis Sardensis, Athanasii, Gregorii Nazianzeni, Auctoris Synopsos, Cyrilli Jerosolymitani, Hilarii, Amphilochii, Epiphani, Hieronymi, Joannis Damasceni, Leontii, & aliorum quamplurimorum, qui hunc librum in Canone non posuerunt, necnon aperte asseruerunt, semper de hoc libro quæstionem inter Doctos fuisse.

Resp. ad 1. Arg. neg. min. ad illius probat. 1mo. Retorq. arg. In veteri, & primitiva Ecclesiæ dubitatum fuit de Epistolis Jacobi, & Judæ, de Apocalypsi, de Ep. 2. Petri, de 2. & 3. Joannis, de Ep. Pauli ad Hebræos. Ergo horum librorum traditione fulciri non potuit Eccle-

Ecclesia, atque adeò in Canonem eos recipere, contrà quàm tamen sentiant A catholici Calvinistæ, qui hos omnes libros tanquam Canonicos recipiunt, & Lutherani Magdeburgenses (y), quantum ad Apocalypsim.

Resp. 2do. Dist. ant. in veteri Ecclesia de hoc libro dubitatum fuit, ita, ut nulli Patres, & Doctores ævi illius inventi fuerint, qui assererent, hunc librum divino afflatu conscriptum fuisse. neg. ant. Ut plerique & præcipui, quibusdam, & paucis tantum de eo dubitantibus, id assererent. conc. ant. & neg. conf. Quorumdam Patrum, quibus in more positum erat, non alios veteris Testamenti libros, quamvis tanquam sacros, & Aglographos ab ipsis quos Esdrinus Canon continebat, tunc & primis Ecclesiæ temporibus dubitatio minimè obesse potuit, quin postmodum summus Pontifex, seu Ecclesia libratibus aliorum longè plurium Ecclesiæ Patrum & Doctorum circa hunc librum testimoniis, illoque ad alios S. Scripturæ Canonicos libros comparato, necnon totius Christiani populi sensu, & consensu unanimi expenso, auctoritate sibi divinitus tradita illum Canonicum, & divinum solemniter declarare, & definire valuerit; post quam definitionem, & declarationem ampliùs licitum non sit, hac de re vel minimùm dubitare, quamvis olim quidam Patres hæsitasse viderent. Quemadmodum, proscripto ab Ecclesia Millenariorum e. g. errore, nefas est, eum postliminio revocare, etsi constet, quosdam antiquos Patres, & Scriptores Ecclesiasticos eidem doctrinæ etiam citrà ullam erroris notam adscriptos fuisse.

289 Ob. 3tio. Hujus libri c. 3. v. 7. dicitur Sara, quam in uxorem habiturus erat Tobias junior, habitasse in Rages civitate Medorum, ut & Gabelus cap. 4. v. 21.

Postea tamen c. 5. v. 3. dicitur Tobias, cum pervenisset ad locum illum, ubi Sara erat, inde misisse Angelum ad Gabelum in Rages. Ergò falsum est domum Saræ fuisse in Rages; adeoque hic aperta est antilogia, seu contraditio. Ergo &c.

Resp. 1mo. Verisimile esse, quòd duæ civitates extiterint ejusdem nominis *Rages* cum aliqua vocum distinctione, quæ in Versionibus negligentia Librariorum sensim intercidit. 2do. Dici potest, Gabelum, & Raguelem cives quidem fuisse ejusdem urbis *Rages*, sed Raguelem cum filia sua Sara, ac tota familia mansisse in rurali villula ab urbe Rages aliquot miliaris distante; Gabelum verò habitasse in ipsa urbe *Rages*. 3tio. denique, in Textu Hebræo, & in Versione Græca cit. cap. 3. lib. Tob. legitur, Raguelem cum filia sua Sara mansisse in *Ecbatanis* Medorum Metropoli; unde librariorum errore in Versione latina loco *Ecbatanis* positum est *Rages*, quod proinde apertè mendosum est, atque ad textus Hebræum, & Græcum emendandum omnino videtur.

Ob. 4to. Eodem libro c. 5. v. 7. In-290 terrogatus Angelus Raphaël, unde esset, respondit, se esse *ex filiis Israël*, quod utique falsum erat, ne dicam, apertum mendacium. Ergo &c.

Resp. Potuit verè, & sine mendacio Raphaël dicere, se esse ex filiis Israël 1mo. quia Israël Idem significat ac *videns Deum*; Angeli autem, adeoque & Raphaël semper vident Deum; unde videtur, Interpretem sic debuisse vertere, *Ex filiis videntium Deum*. 2do. Quia iustorum gens Israëlita censetur; ipse autem de iustorum numero erat. 3tio. Quia ad Israëlitarum custodiam, maximè Tribus Nephtali specialiter deputatus erat Raphaël. Unde neg. seq. ant.

291 Ob. 7<sup>mo</sup>. Ibid. v. 8. dicit idem Angelus Raphaël, Gabelum esse fratrem suum; *mansi apud Gabelum fratrem nostrum*. Atqui hoc iterum falsum est. Ergo &c. min. habetur ex eo, quia Angeli fratres non habent hic in terris,

Resp. neg. min. Cum omnes, tam Angeli, quam homines eundem Patrem, Deum scilicet, habeant, & naturæ spiritualis similitudine, & gratiæ sanctificantis adoptione, & divinæ, æternæque hereditatis possessione, potuit Raphaël Gabelum sine mendacio fratrem suum vocare; nam, ut ait S. Gregorius Nyssenus (2), *Frater quodammodo hominis est Angelus, ob intellectualium connexionem*.

292 Ob. 6<sup>to</sup>. Ibid. v. 18. dicit idem Angelus, *se esse Azariam Anania magni filium*. Atqui hoc de novo falsum est. Ergo &c.

Resp. neg. min. 1<sup>mo</sup> enim, quia Raphaël præferebat formam, & similitudinem Azariæ, hinc verè dicere potuit se esse Azariam; sicut Genes. c. 31. v. 13, & alibi, Angelus, qui Dei personam præ se ferebat, se sine mendacio Deum esse dicebat; sicut & imago v. g. S. Petri à nobis vulgò S. Petrus vocari solet. 2<sup>do</sup>. Cum soleant Angeli ex suo, quo funguntur munere, sua nomina fortiri, unde Angelus ille, qui à Deo Tobiae cæco medicinam tulit, dictus est *Raphaël*, id est *Medicina Dei*, ita & idem ipse Angelus, quia Dei auxilium eidem Tobiae diu jam cæco, necnon filio ipsius iter agenti tulit, se *Azariam*, id est, *auxilium Dei* verè dicere potuit, quia re ipsa *auxilium Dei* ipse fuit. Et cum *Ananias* significet *gratiam Dei*, rectè pariter, & verè se *Anania*, id est, *gratia Dei*

filium esse dixit, sunt enim omnes Angeli filii Dei per gratiam.

Ob. 7<sup>mo</sup>. Ibid. cap. 7. v. 3. ait idem 293 Raphaël, se, ut & Tobiam esse ex Tribu Nephtali. Atqui hoc iterum esse falsum videtur. Ergo &c.

Resp. neg. min. 1<sup>mo</sup> enim, verè pro se ipso, & Tobia dixit, quod sint: ex Tribu Nephtali, Tobias quidem genere, ipse verò protectione, & præsidio; ille per naturæ generationem, ipse autem per specialem Dei deputationem, qua deputatus erat ad Tribus Nephtali custodiam, & protectionem. 2<sup>do</sup>. Quando Raphaël ait, se, & Tobiam ex Tribu Nephtali esse, verum dixit: nam re vera Tobias de Tribu Nephtali erat; Raphael autem talis apparebat, cum esset cum Tobia juniore, ejusque ductor, & comes: in Scriptura autem res tales dici solent, quales apparent: sic Archangelus Gabriel apparet Danieli, & loquens ei sub viri alicujus specie, *vir* vocatur, Dan. c. 9. v. 21, ab ipso Daniele: sic strenui Bellatores Tyri Pygmæi vocantur apud Ezechielem c. 27. v. 11. quia velut Pygmæi apparebant è sublimibus turribus &c.

### De libro Judith.

294

Fuit Judith ex Tribu Simeonis (a) Merari filia, vidua Manassis civis Bethulæ, ob liberatam hanc civitatem, quam Holofernes obsidebat, celeberrima.

Liber ipsius nomine inscriptus egregium ejusdem facinus sexdecim Capitulis describit; & qua ratione ipsa, fugato Nabuchodonosoris exercitu Bethuliam ab imminenti discrimine liberavit; nimiam imprimis istius Assyriorum Regis regnandi cupid-

(2) De vita Moyfis. (a) C. 9. v. 2. Mendosum ergo est, quod c. 8. v. 1. in vulgata nostra legitur, sempe, ipsam fuisse ex Tribu *Ruben*, cujus nominis loco poni debet juxta textum græcum *Israel*, id est, *Jacob*. Neque enim *Ruben* habuit filium, qui vocaretur *Simeon*, ut Exod. c. 6. v. 14. & 1. Paralip. c. 5. v. 3. patet. Sed *Simeon* fuit filius *Israel* seu *Jacob*; ex cujus *Simeone* posteris nata dicitur *Judith*, hic c. 9. v. 2.

cupidinem commemorat, qui comparato ingenti exercitu, cui Holofernem praefecit, omnem terram suo imperio subicere attentavit.

295 Holofernes ergo, devictis variis provinciis, multisque urbibus deditione receptis, tandem Bethuliam, aliàs Bethul, aut Bethuel, vel etiam Betheliam in Tribu Simeonis sitam urbem obsidione cingit. Cives gravi metu percussi, jejuniis, & orationibus à Deo auxilium implorant; vacillantes dein, atque deditionem jamjam meditantes Judith increpat, quasi metam & modum divinæ miserationi ponere vellent. Illa interim ciliis induta, ac cinere conferso capite vehementer Deum pro civium liberatione, & salute precatur. Aptissime dein ornata urbem egreditur, ac veluti fugâ dilapsa esset ad Holofernem se recepit. Hic illius mira pulchritudine captus benignè eam habet, atque in suos amores trahere conatur; illa verò ei morem gerere se velle simulans, noctu dormienti ebrio caput abscindit, illudque Bethuliam desert. Hinc Assyrii, fraude detecta, & Duce amisso in fugam acti. Cives ob egregium facinus, liberatamque urbem Judithæ ponunt elogium. Ipsa autem Deo canticum canit. Hæc libri Judith epitome.

296 Hujus libri Scriptor latet. Hieronymus ab ipsa fortè Judith confectum putat (b), suam tamen sententiam non satis explicat. Sunt, qui ex levibus conjecturis, Pontificem Joachimum, seu Eliacimum, cujus in hoc libro fit mentio, illius auctorem constituunt. Sed magis probatur nobis conjectura Huetii, qui existimat (c), illum fuisse conscriptum tempore captivitatis Babylonicae ad leniendam hujus exili ægritudinem, & ad spem erigendos captivorum Judæorum animos, maximè, cum liber iste Chal-

daicâ linguâ, quæ tunc Judæis in captivitate Babylonica degentibus familiaris erat, exaratus fuerit, teste S. Hieronymo (d), qui latine illum reddidit, sic tamen, ut fateatur, se magis sensum & sensu, quàm ex verbo verbum transulisse.

297 Aliæ adhuc præter latinam S. Hieronymi extant hujus libri versiones, ut 1mo. Græca, quæ vetustissima ab omnibus agnoscitur; eam aliqui Theodotioni sub Commodio Romanorum Imperatore, cujus Imperii initium ad an. Chr. 180. æræ 184. collocatur, florenti tribuunt; sed eam vetustiorē esse, ex eo intelligitur, quòd Clemens Romanus S. Petri Discipulus, atque in Romana Sede Successor, in sua ad Corinthios Epistola centum viginti ante Theodotionem annis scripta, ex hac græca versione testimonia laudet; unde probabilius censetur, eam ex Chaldaico exemplari à Judæis Hellenistis fuisse expressam. 2do. Syriaca, quæ etiam vetustissima ab omnibus reputatur, eamque è Græca magis desecata, quàm quæ nostra ætate superest, in re tamen haud diversam esse expressam nemo ambigit. 3tio. denique, Versio latina Italæ, seu Vetus vulgata, quæ pariter è græco adornata est, sed mendis referta. Igitur vulgatam S. Hieronymi Ecclesia Canonicam agnovit, & declaravit.

Quo verò potissimum tempore hæc 298 Bethulæ obsidio, ac Judithæ facinus contigerit, incertum quoque esse videtur. Huetius (e), Calmet (f), & Graveson (g), post Bellarminum, Serarium, Petavium, &c. eam factam esse ajunt ante captivitatem Babylonicam sub Manasse Rege Juda, vel post ipsius captivitatem, vel cum Babylone captivus adhuc detineretur, post medium videlicet quintæ mundi ætatis, quæ, prout alibi dictum, initium habuit an. m. 2992. fi-

P 3

nem

(b) In Aggæi c. 1. v. 6. (c) Demonstr. Evang. prop. 4. de lib. Judith. pag. 364. edit. Lips. (d) Præfat. in lib. Judith. (e) Loc. cit. (f) Dict. Bibl. V. Judith. (g) Hist. Eccl. vet. Test. tom. 3. collog. 2. in Judith. pag. 11. & seq.

nem verò an. m. 3468. Quorum opinionem, utpote quæ nobis probabilior, necnon historiæ & Chronologiæ legibus magis consentanea videatur, quamvis etiam suis non careat difficultatibus, lubenter amplectimur. Enimverò regnante Manasse Rege Juda, Medis imperabat Dejoces ab Herodoto gentili Scriptore tantopere celebratus, qui quæ urbem Ebanianis condidit, in qua & Regiam Sedem suam habuit, vel saltè ejus filius Phraortes, atque alio nomine in historia Judith nominatur Arphaxad, quod nomen ab Arbace qui, rebellando contra Assyriorum Regem, Medorum Monarchiam instituit, ductum usurparunt Reges Medorum : Arbaces siquidem alia vocis inflexione Arpacad, tum pinguiori sono Arphaxad dicebatur. Nabuchodonosor verò Assyriorum Rex, cujus historia Judith meminit, tempore Manassis regnabat in Ninive, eratque Saousdichinus ille Gentilius, ac præcipue Ptolomæi historiâ celebratus. Nec ista horum Principum nomenclaturæ varietas quemquam movere debet ; præterquam enim, quòd veterum Assyriorum Regum nomina, sicut & regni ipsorum tempora confusa admodum sint, & incerta, prout facillè colligitur ex illarum Nationum historiis, quas scripsere Berosus, Manetho, Ctesias, Diodorus, & Herodotus ; assuevimus jam in historiarum Orientalium lectione ipsum eundem Principem variis designatum nominibus agnoscere, tam apud sacros Auctores, quam profanos Scriptores græcos, hebræos, & latinos. Saousdichinus igitur, seu Nabuchodonosor Rex Assyriorum, qui regnabat in Ninive, Dejocem, seu Arphaxad debellavit vel initiū Regni Manassis, qui duodennis Regnum Juda capessivit, vel dum ipse Babylone captivus adhuc detineretur, vel statim postquam regno restitutus fuerat ; atque alterò post hanc vicloriam annò Ho-

lofernem Belliducem suum cum ingenti exercitu misit Bethuliam, ut eam obsideret, &c. Quæ omnia, sicut & tota Judith historia cum Chronologiæ & Historiæ legibus componi possunt ; prout ex objectionum solutione magis patet.

Porro librum hunc Canonicum & divinæ auctoritatis esse tenet universa Ecclesia contra A catholicos. Unde sit.

### CONCLUSIO.

Liber Judith meritò ab Ecclesia Ca-299 nonicus censetur, & divinæ auctoritatis.

Prob. Conclusio 1<sup>mo</sup>. Ex S. Scriptura. Novi Testamenti Scriptores sacri plures sententias ex hoc libro transcripsisse videntur, ut est 1<sup>mo</sup>. sententia Elisabeth ad Mariam Christi Matrem Luc. 1. v. 42. *Benedicta tu inter mulieres*, quæ desumpta videtur ex c. 13. Judith v. 23. ubi Ozias Bethulæ Princeps hisce Juditham alloquitur : *Benedicta es tu filia d. Domini Deo excelso præ omnibus mulieribus super terram.* 2<sup>do</sup>. *Neque tentemus Christum*, inquit S. Paulus 1. Cor. 10. v. 9. & 10. *sicut quidam eorum tentaverunt, & d. serpentibus perierunt : neque murmuraveritis, sicut quidam eorum murmuraverunt, & perierunt ab exterminatore.* At hæc manifestè videntur provenire ex libro Judith, cujus hæc sunt verba c. 8. v. 24. & 25. *Illi autem, qui tentationes non susceperunt cum timore Domini, & impatientiam suam, & improprium murmurationis suæ contra Dominum protulerunt, exterminati sunt ab exterminatore, & d. serpentibus perierunt.* Atqui optimè arbitramur, quòd nec Lucas Evangelista, aut, si mavis, S. Elisabeth, nec Apostolus Paulus ex eo libro sententias tam manifestè exscripsissent, nisi quoque illum evolvisset, atque velut sacrum, & à Deo inspiratum agnovissent. Ergo &c.

Prob. 2<sup>do</sup>. Traditione Judæorum, qui, 300 teste S. Hieronymo (b), illum inter libros

(b. *Paru in Job 3. 24.*

broſ agiographos, & ſanctos collocabant, atque velut talem legebant.

- 301 Prob. 3tio. Auctoritate Conciliorum, 1mo. Concilii Nicæni, quod teſte eodem S. Hieronymo (i), illum in numero ſacerum Scripturarum legitur computaſſe. 2do. Concilii Carthaginenſis III. an. 397. celebrati Can. 47. 3tio. Concilii Romani ſub Gelafio Papa I. an. 494. habiti. 4to. Concilii Tridentini Seſſ. 4. Quæ Concilia hunc librum tanquam Canonicum; & divinum agnoverunt, & declararunt.

- 303 Prob. 4to. Auctoritate SS. Patrum, S. Clementis Romani Pontificis, Ep. 1. ad Corinth. S. Clementis Alexandrini lib. 4. Strom. Origenis, Hom. 19. in Jerem. & Tom. 3. in Joan. Tertulliani, de Monogamia c. 17. S. Ambroſii, lib. 3. de Officiis, & lib. 3. de Viduit. S. Hieronymi, Ep. ad Fur. S. Auguſtini, lib. 2. de Doct. Chriſt. S. Fulgentii, Ep. ad Gallam. Duorum veterum Scriptorum, quorum ſermones in Appendice Tom. 7. Operum S. Auguſtini leguntur. Denique Innocentii Papæ I. Ep. ad Exuperium Tolofanum Episcopum. Qui omnes librum Judith laudant, & velut divinum agnoſcunt. Hæ auctoritates utique ſufficiunt, ut illum Canonicum ſtatuamus; etiamſi omnes circa eundem excitatas difficultates ſolvere non valeremus.

304. Adde hæc ea argumenta à ratione ſupra pro libro Tobiz adducta.

### Solvuntur Objectiones.

- 305 Ob. 1mo. Aliqui SS. Patres, & quidem ii ipſi, qui ſupra adverſus Tobiz librum adducti fuerunt.

Verum ad illorum auctoritatem ea reſpondemus, quæ ſupra pro Tobiz libro atteximus.

Ob. 2do. Traditio Judæorum, qui 306 librum Judith tanquam Canonicum non habuerunt.

Sed vide reſponſionem ſupra, ubi de libro Tobiz &c.

Obi 3tio. Hæc hiſtoria Judith vide-307 tur eſſe figmentum aliquod duntaxat, vel ſaltem parabola quædam ad pietatem, & myſterium aliquod ſignificandum conſiſta, ea quidem ratione, ut Judith nomen ſignificet Nationem Judaicam, quæ tunc temporis cum deſolata, & omni ope divina deſtituta eſſet, rectè per ſeminam Judith, quæ vidua ſupponitur, designatur. Nabuchodonosor verò, cujus in hoc libro fit mentio, ſit figura Diaboli populum Dei affligentis. Holofernes & Chaldaico latine redditus, idem eſt ac liſtor ſerpentis. Joachim ſeu Eliacim idem ſonat ac Deus ſurgens, qui votis, ac precibus populi Judaici oppreſſi exoratus ſurgat ad liberandum populum ſuum. Bethulia idem ſignificat ac Domus Dei, id eſt, cultus religioſus, quem Diabolus, & Miniſtri ejus oppugnant, &c. Ergo minus rectè liber iſte ſacris, & Canonicis Scripturæ voluminibus tanquam vera hiſtoria adnumeratur.

Reſp. neg. ant. 1mo. Quia Judæi, Concilia, Patres, & Interpretes librum Judith, tanquam veram hiſtoriam agnoverunt. 2do. Quia perſonarum genealogiæ, quæ in eo texuntur, reſque ab illis geſta iis characteribus designantur, qui fabuloſam, aut parabolicam narrationem minime redolent, ſed veracem hiſtoriam exhibent. 3tio. Quia ad calcem libri iſtius teſtatur Scriptor, ſpecialeſ à Judæis feſtivitatem fuiſſe inſtitutam ad conſervandam memoriam victoriæ illius, quam de Holoferne Judith reportavit. Porro ſi hæc Judithæ hiſtoria vera non eſſet, ſane illius libri Auctor non hiſtoricus duntaxat, ſed inſignis impoſtor audire, & haberi deberet, ut qui falſas perſo-

(i) Prefat. in Judith.

personarum genealogias, res nunquam gestas, & spuria monumenta pro veris obtrulisset; quod post tot & tanta antiquitatis testimonia asserere omnino temerarium est, & insanum.

- 308 Ob. 4to. Nemo hactenus clarè potuit explicare, quis fuerit Arphaxad, quis Nabuchodonosor, quæ illa Bethulia civitas ab Holoferne obfessa, & quis denique Joachim ille, qui eo tempore fuit summus Sacerdos, de quibus omnibus tamen in memorato Judith libro fit mentio. Ergo vacillat hujus historiæ veritas, imò merum figmentum esse videtur.

Resp. neg. ant. nam, ut supra jam annotavimus ex Herodoto & Ptolemæo, Arphaxad fuit Dejoces, vel ejus filius Phraortes. Nabuchodonosor autem fuit Saousdichinus, qui post Assaradonem Regem Assyriæ pariter Assyriorum, & Chaldæorum rexit Imperium. Bethulia est illa civitas Bethul seu Bethuel alio nomine dicta, de qua meminit Josue c. 19. v. 4. in Tribu Simeon sita; & faciliè eadem est, ac Bethelia illa, quam memorat Sozomenus Hist. Eccl. lib. 5. c. 15. & quam Hieronymus quinquè brevium dierum itinere à Pelusio distitam ait, in vita S. Hilari-  
onis. Joachim verò summus Sacerdos, qui & in Scriptura passim *Eliacim* nuncupatur, fuit filius Helcia ipsiusque in summo Sacerdotio successor, cum prius sub Ezechia Rege & Manassis Patre fuisset Præpositus Domûs, id est, Templi (k); nam antonomasticè Templum non rarò *Domus* appellabatur; atque in hoc ministerio Sobnæ successus fuisset, prout colligitur ex Isaiâ c. 22. v. 15. & 20.

- 309 Ob. 5to. Hæc historia minimè conciliari potest cum historia Judæorum, & Regum Assyriorum, ac Medorum. Ergo vera esse non videtur. Prob. ant. Non potest explicari, quo tempore hæc historia evenierit, an ante captivitatem Babylonicam, an verò primum illâ finitâ.

Primum alii, alii secundum hujus libri auctoritate evincere conantur Interpretes, qui in illam commentati sunt, aded contraria continet liber iste. Ergo &c.

Prob. ant. 1mo. Dici non potest, hanc historiam evenisse ante captivitatem Babylonicam, id est, sub Manasse Rege Juda 1mo. Quia ibidem nulla fit mentio Regis Manassis, prout tamen fieri debuisset, si sub Regno ipsius hæc historia evenisset. 2do. Regnante Manasse Israëlitz urbem Bethuliam non incolebatur, quippe qui à Salmanassare Assyriorum Rege jam prius fuerant in Assyriam deportati, anno m. 3283. videlicet, Ezechia Manassis Patre in Judæa regnante, & sub Osée ultimo Rege Israëlitis; sed urbs ista tum temporis incolebatur à Cuthæis, & Babyloniis, qui à Salmanassare hûc translati fuerant. 3tio. c. 5. v. 3. & 4. Holofernes quarit à suis Belliducibus, quænam sit gens Israëlita &c. velut hæc ipsi penitus ignota fuisset, cum tamen tempore Manassis Israëlitarum natio Assyrii probè nota esse debuit, utpotè quorum régionem frequenter jam invaserant, eosque sub Salmanassare Assyriorum Rege captivos in transeuphratæa loca abduxerant. 4to. Ibid. v. 21. & seq. Achior Dux Ammonitarum respondet Holoferni, Israëlitas ante annos ob neglectum Dei sui cultum exterminatos fuisse præliis à multis nationibus, plurimosque eorum captivos fuisse abductos in terram alienam; imò prout legitur in textu Græco v. 18. Templum solo æquatum ac penitus dirutum fuisse; ipsos verò tandem à sua dispersione nuper reductos fuisse, & iterum possidere Jerusalem, ubi sunt sancta Sanctorum. Atqui ante Manassis ætatem nec Israëlitz abducti fuerunt in captivitatem, nec Templum Jerosolymitanum unquam dirutum, aut solo æquatum fuit; hæc enim Templi urbisque Jerosolymæ desolatio, & everio primum

primū diu post, nempe annō m. 3416. undecimū scilicet Sedecia Regum Juda ultimi annō, hoc est annō itidem undecimū post jam inchoatam captivitatem Babylonicam, de qua hic Intelligi debet, quod Achior asserit, & ex qua nuper reversos esse dicit, nempe Cyro totius Orientis Monarchiam tenente an. m. scilicet 3469. 5to. Eiusdem libri c. 16. v. 28. & 30. Hæc de Judith enuntiantur: *Manfuit in domo viri sui annos centum quinque, Et d funtū est ac sepulta cum viro suo in Bethulia . . . In omni autem spatio vitæ ejus non fuit, qui perturbaret Israhē, Et post mortem ejus annis multis.* Atqui constat, Israhēlitas tempore Manassis Regis Juda per tot annos pace potitos haud fuisse, quamvis etiamnum diceretur Judith nonnisi 25. annos nata fuisse, quando Holofernem adivit. Nam ipse Rex Manasses fuit ab Assyriis in captivitatem abductus, quæ captivitas sine aliqua pacis perturbatione accidere non potuit. Præterea ab illa captivitate Manassis usque ad bellum Ægyptiacum, in quo Josias Rex Juda Manassis nepos interemptus est, tot, quot citato capite recensentur, anni pacis haud effluxere; id enim bellum an. m. 3394. accidisse referunt Chronologi sacri. Ergo &c.

2do. Sed nec dici potest hæc historia evenisse post captivitatem Babylonicam, prout ex iis, quæ nos ipsi supra adduximus constare videtur. Ergo non satis explicari potest, quo tempore hæc historia contigerit, adeoque conficta videtur &c.

310 Resp. 1mo. neg. conf. primi argumenti. Quamvis enim hæc historia non satis conciliari posse videretur cum Judæorum, Assyriorum, & Medorum historiis, & Chronologiis, quas præ manibus habemus, quæque confusæ sunt admodum ac obstrusæ, & nonnisi veluti temporum conjecturas referunt, utpotè quarum accurati commentarii temporum injuriæ vel deper-

P. Cartier Theol. Tom. I.

diti, vel neglecti, vel à variarum nationum, & linguarum Scriptoribus diversa temporum, & annorum computatione, personarumque nomenclatura commutati fuerunt: non tamen minùs vera est censenda, quippe quæ tùm antiquorum, tùm recentiorum Scriptorum Hebræorum, tùm veterum Ecclesiæ Patrum, Conciliorum, aliorumque testimonia sibi asciscat.

Resp. 2do. neg. ant. primi argumenti.<sup>311</sup>

Ad illius probationem neg. ant. & dicimus, quòd probabilius sit, eam accidisse ante captivitatem Babylonicam, & Manassis Regis Juda ætate. Etsi nihil illius veritati detrahat, sive ante, sive post captivitatem illam accidisse dicatur; cùm perinde de illius veritate constet; unde meritò ad singula, quæ in argumenti hujus probationem adducuntur, respondere possemus superfedere, quippe quæ historiæ hujus veritatem minimè infirmant. Attamen, ne quidquam hic omisisse videamur, quo sententia nostra magis roborari possit, singula expendimus. Igitur,

Ad 1mum. Resp. In Judith historia<sup>312</sup> nulla sit mentio Manassis Regis, tum quia hæc historia non contigit in Regno Juda, cui præerat Manasses duntaxat, ad quem proinde non pertinebant, quæ extra Regnum & ditionem suam gerebantur, sed in Regno Israhēl, nempe in Tribu Simeonis, è qua Judith oriunda erat, quæque Regi Juda non parebat. Tum quia hæc historia contigit vel sub initium Regni Manassis, cùm vix adhuc ex ephēbis esset egressus, utpotè duodennis tantum, & Regno administrando impar; vel cùm Babylone adhuc detineretur captivus, quo casu nulla hic ipfius fieri potuit mentio; vel statim ac è captivitate solutus est, ubi non ausus fuit apertè hostilia in Chaldæos exercere, quorum furorē antea expertus fuerat, atque sic neutri parti favere è re sua duxit; Vel denique, quia, omnibus Regni curis in Joachim,



Joachim, seu Eliacim summum Sacerdotem remissis, totum se poenitentiae addixit; cujus proinde summi Sacerdotis Joachim meminit liber Judith. c. 15. v. 9.

- 313 Ad 2dum Resp. Id non obesse, quin plures Israelitae in patrio solo remanserint; imò permulti non multò post captivitatem illam Assyriacam illuc reversi sunt, qui plurimas civitates, praesertim eas, quae in montanis sitae erant, occupaverunt; atque etiam multi Israelitae in urbe Samaria, & aliis finitimis civitatibus unà cum Cuthaïs, & Babylonis, quos illuc miserat Salmanassar Assyriorum Rex habitabant, atque cum illis, quos legem Moyses edocuerant, verum Deum Israel colebant. Quid ergo mirum, si Israelitae, & Cuthae urbis Bethuliae incolae veri Dei cultum contra Nabuchodonosorem, qui solus tanquam Deus ab ipsis coli pertendebat (1), defendere volentes, Holoferni ejus Belliduci urbem hanc obsident, & veram Religionem exterminare totis viribus molienti strenuè & animosè resisterint?

- 314 Ad 3tium. Quamvis Holofernes regnante Manasse plura fortè de Israelitis audire potuerat, verisimile tamen est, illum eorumdem statum necdum penitus penetrasse; unde meritò quaerit, quænam gens ista sit, nempe quisnam illius status.

- 315 Ad 4tum. Hæc, quæ Achior Holoferni respondet de variis populi Israelitici afflictionibus, intelligenda non sunt de captivitate Babylonica, sed de variis vexationibus, quæ eam diu ante præcesserant. Nam si ipsi sermo fuisset de captivitate Babylonica, non dixisset Judæos exterminatos fuisse à multis nationibus, sed ab una, Chaldæorum nempe; nec dixisset, plurimos captivos abductos fuisse,

sed omnes; fuit enim generalis Babylonica captivitas, paucissimi enim remanserunt à Nabuchodonosore relictis, illique paulò post ipsimet in Ægyptum fugerunt. (m) Itaque hæc dispersio, & desolatio fuit plenissima; unde sermo Achiori huc est de variis populi Israelitici afflictionibus, quas variis temporibus à diversis nationibus passus est: pluries siquidem Israelitae traditi fuerunt in manus gentium, videlicet Ægyptiorum, Moabitum, Ammonitarum; at ex illis captivitatibus, quæ universales non fuerunt, jam tempore Manassæ Regis Juda in patriam redierant.

Quòd autem quidam de Græco textu 16 eruere velint (n), Achiozem dixisse, Templum Jerosolymitanum fuisse solò æquatum, ac penitus dirutum, id minime textum Græcum significare asserit Huetius (o); sed Templum duntaxat fuisse coaculcatum, & pedibus protritum, prout solum proteri solet. Ergo, etiam juxta versionem græcam hujus libri, Achior asserit, Templum Jerosolymitanum à Nationibus fuisse profanatum duntaxat, non verò destructum, & solo æquatum; idque manifestum est ex c. 4. v. 2. hujus libri, ubi tremor, & borror, inquit textus noster, invastit sensus eorum, ne (Holofernes) hoc faceret in Jerusalem (ne videlicet cultum veri Dei ibidem abrogaret) & Templo Domini, quod fecerat ceteris civitatibus, & Templis earum. Quibus addit Græcus textus: Recens enim ascenderant de captivitate, & nuper totus populus congregatus fuerat ex Judæa, valaque, & altare, & Domus ipsa à profanatione fuerant sanctificata. Quæ, præterquam quòd de reditu ex captivitate Babylonica minime intelligi possint, apertè innuunt, Templum à profanatione duntaxat sanctificatum.

(1) Judith. c. 3. v. 13. & c. 5. v. 29. (m) 4. Reg. c. 25. v. 26. (n) Græca Versio c. 5. v. 22, (o) Loc. cit. in lib. Judith.

ificatum fuisse, non verò de novo ex-  
structum, &c.

317 Ad 2<sup>um</sup>. Sive historia Judith conti-  
gerit sub initium Regni Manassés, sive  
adhuc captivus Babylone detine-  
retur, sive denique (quod plerique cen-  
sent, & aperte innuere videtur Græcus  
textus primùm à nobis adductus) statim  
post ipsius à captivitate solutionem; facile  
est ostendere, toto reliquo, post libera-  
tam ab Holofernibus obsidione Bethuliam,  
Judithæ tempore, & pluribus adhuc  
post ipsius mortem annis pacem fuisse in  
Israhel, & à nemine perturbatum fuisse  
populum istum. Nam Judith vitam  
protraxit usque ad ætatis suæ centesi-  
mum quæntum annum, ita enim intelli-  
gi debent, quæ hac de re Vulgata no-  
stra cap. 16. v. 28. exprimit, scilicet :  
*Maufit aut. m (Judith) in domo viri  
fui annos centum quinque*, prout clarè  
habet Græcus textus, & clariùs adhuc  
Syriacus. (p) Ex quibus annis detra-  
hendi sunt illi, quos vixit ante occisi-  
onem Holofernibus, quosque supponimus  
fuisse circiter quadraginta; enimverò  
certò definiri non possunt, cum nullus  
Auctor de iis quidquam certi memoret,  
aliis illam viginti quinque annorum,  
aliis triginta, aliis triginta octo,  
& aliis denique quinquaginta omnino  
annorum fuisse supponentibus; Nos me-  
diam viam hæc sequimur, atque iis, qui  
eam quadraginta annorum fuisse asserunt,  
tutò nos adstipulari posse arbitramur.  
Jam ergo, si ex annis centum & quinque,  
quos eam vixisse asserit Scriptura, de-  
trahantur quadraginta illi, quos eam at-  
tigisse, cum Holofernem occidit, sup-  
ponimus, supererunt sexaginta quinque  
anni continuæ pacis usque ad mortem Ju-

dith, quibus addimus omnes annos il-  
los, qui post mortem Judithæ usque ad  
captivitatem Joachim Regis Juda, quam  
Chronologi sacri ad an. m. 3406. rejiciunt,  
effluxere, sicque verum erit, quòd eo-  
dem cap. 16. v. 30. libri Judith additur,  
*post mortem ejus, videlicet, multis an-  
nis non fuisse, qui perturbaret Israhel.*

Anno quippe mundi 3306. Manassés 318  
duodennis Regnum iniisse dicitur à sacris  
Chronologis. Quòd si eodem anno Be-  
thulia ab obsidione liberata est, prout  
sat benè multi contendunt, tuncque Ju-  
dith jam quadragesimum ætatis suæ an-  
num attigisse ponatur, obitus illius in-  
cidet in annum m. 3371. octavo Josiæ,  
qui Ammoni Manassés filio, cujus impe-  
rium duorum duntaxat fuit annorum,  
an. m. 3363. in Regno Juda successerat,  
atque post eum 31. annis imperavit, usque  
ad an. m. 3394. videlicet, quo adver-  
sus Nechao Regem Ægypti pugnans le-  
thali vulnere ictus obiit.

Nec huic paci, qua toto illo tempo-319  
re frui fuisse dicitur populus Israëliti-  
cus, obfuisse videtur Manassés captivitas,  
quæ juxta hanc opinionem post libera-  
tam jam Bethuliam facta deducitur; nam,  
ajunt hujus opinionis patroni, illa so-  
lam Manassés personam, non verò Rei-  
publicæ Judaicæ statum respexisse vide-  
tur: Manassés quippe non in bello, sed  
fraude, & dolo ab Assyriis captus est,  
& non multò post liber dimissus, prout  
refert Josephus (q); quo fit, ut in ca-  
ptivitate Regis Manassés nullum extite-  
rit bellum, quod pacem in Israhel con-  
turbaret.

Verùm omnis, quæ hæc occurrere 320  
posset, tollitur difficultas, si relicta hac  
Q 2 opinio-

(p) Græcus textus sic habet: *Et senfit in domo viri sui annos centum quinque.* Syriacus verò :  
*Et consensit in domo Manassés viri sui, scilicet centum & quinque annorum mortua est, &c.*  
Ex quo patet, lapsum esse Philonem, cum in volumine Chronographiæ suæ ait, *Juditham  
vixisse centum viginti quinque annos.* (q) Lib. 10. Antiq. c. 4.

opinione, dicamus Bethuliz liberationem primum factam fuisse, vel dum Manasses in captivitate adhuc detinebatur, vel etiam statim ac ab ea solutus Regiam suam repetiit, necnon abjectis rei politicæ curis, & in summum Sacerdotem Joachim seu Eliacim translatis, pœnitentiæ, & salutis suæ unicè intendit.

- 321 Non est hic, quòd argumentis, quæ evincere videntur, Bethuliz liberationem, & Judithæ facinus evenisse tempore captivitatis hujus Principis, immoremur; satis enim erit, si ostendamus, illud de diuturna pace in Israël cap. 16. v. 30. hujus libri Judith assertum nihilominus esse verum, et si dicatur, memoratum Judithæ facinus primum postquam Manasses libertati restitutus fuit, accidisse.

- 322 Ponamus igitur, Manassem an. Regni sui 16to circiter, id est, circa annum mundi 3322. libertati fuisse restitutum. Tantum abest, ut id veritati repugnare videatur, quin potius multum hic dare nos manifestum est; ex Josepho namque constat (r), Manassem initio jam Regni sui fuisse in captivitatem abductum; nec diu, sed exiguo duntaxat tempore in illa fuisse detentum inde colligitur, quòd, nulla habita ratione captivitatis istius, eum quinquaginta quinque annis in Jerusalem regnasse asserat Auctor libri 2. Paralip. cap. 33. v. 1. Multum, inquam, ergo dare videmur, si dicamus, eum primum annò Regni sui 16to. libertate donatum fuisse.

- 323 Dicendum quoque erit, Juditham jam tunc quadragenariam vitam protulisse usque ad annum mundi 3387. adeoque ab an. m. 3322. quo quadagesimum ætatis suæ annum agebat, adhuc

sexaginta quinque annis superfuisset, sicque etiam verum erit, non modò toto reliquo vitæ illius spatio, sed multis quoque post mortem ipsius annis, non fuisse, qui perturbaret Israël: nam ab isto mundi anno 3387. usque ad annum mundi 3406. quò à Nabuchodonosore urbs Jerusalem capta est, ipseque Joasim seu Joakim Rex una cum multis aliis captivus ductus est in Babylonem 19. anni effluxisse perhibentur, qui utique multi sunt anni post mortem Judithæ.

Nec nos movere debet bellum ad ver. 324 sùs Nechao Regem Ægypti anno mundi 3394. à Josia Rege Juda susceptum, in quo ipsemet interiiit: nam per illud pax in Israël perturbata fuisse non videtur, quia non intra Regnum Israël, sed extra illud gestum fuit; enimverò tunc demum, ut jam diximus, pax in Israël perturbata fuit, cùm Joachim Josiæ in Regno Juda successor annò undecimò Regni sui, mundi verò 3406. unacum primoribus populi in captivitatem abductus est Babylonicam.

Et verò, quamvis daretur, dictò 325 an. m. 3394. pacem in Israël jam turbatam fuisse, tamen à morte Judithæ usque ad hunc mundi annum 3394. septem adhuc residui videntur anni, quibus pax in Israël fuisse perhibetur, scilicet ab an. mundi 3387. quò Judith mortem oppetiit; qui utique sufficiunt, ut textui capitis 16. libri Judith veritas sua asserta maneat.

Ob. 6to. De festivo die, qui cap. 16. 326 v. 31. in memoriam hujus victoriæ, & Judithæ facinoris quotannis à Judæis celebrari dicitur, nulla in Hebræorum libris occurrit mentio, neque etiam de eo quidquam meminit Græcus Interpres. Ergo fictitium quid esse videtur.

Resp.

(r) Cit. loco. c. 5.

Resp. 1mo. Neg. 1mum membrum ant. Eodem enim die festum istud ab Hebræis celebrari videtur, quo *Dedicationis*, seu expiati Templi à profanatione Antiochi Epiphani festum, quod etiam *festum Encaniorum* dicitur, & alio nomine *festum luminum*; quòd Hebræis tunc sub Machabæis repentina veluti lux post obscuram calamitatis noctem affuisset. Cæterum patrum refert, quòd in græco textu versus ille, qui festum in Vulgata nostra commemorat, prætermisus sit. (s)

Resp. 2do. transf. ant. neg. conf. Quamvis enim nulla nunc festivitatis olim ob Judithæ facinus instituta occurrat in Hebræorum libris memoria, non sequitur, eandem non fuisse institutam, sed tantum quòd successu temporis fuerit abrogata.

327 Ob. 7mo. Mentita est Judith Holoferni Assyriorum militiæ Principi, dum illi dixit, c. 11. v. 15. *Ego adducam te per mediam Jerusalem*, quem tamen venerat occisura. Ergo &c.

Resp. 1mo. Quòd ipsa Holofernem verè per mediam Jerusalem duxerit, non triumphantem quidem, & victorem, ut Holofernes putaverat, sed victum & capite cæsum, prout Judith intelligebat.

Resp. 2do. Datò, quòd mentita fuerit Judith, non tamen sequitur, eam propter mendacium fuisse in Scriptura laudatam, sed propter laudabilem affectum, quem habuit pro salute populi sui. Vid. quæ hac de re alibi passim jam respondimus.

328 Ob. 8vo. Si hæc Judith historia vera esset, illius, utpote tam memorabilis, utique meminisset Josephus in suis Antiq. Judaic. Atqui id ab ipso minimè præstitum est. Ergo &c.

Resp. Neg. seq. Maj. Ratio patet ex his, quæ suprà ad 1mam Obiect. adversus librum Tobiz num. 2dò & 3tiò pag. 114. respondimus. Josephus in describendis Antiquitatibus Judaicis sibi proposuerat, ea tantum litteris mandare, quæ in libris Canonice Hebræorum continebantur, prout ipsemet proficitur. (t) Cum igitur propter rationes suprà in responsione ad Obiect. 1mam adversus librum Tobiz memoratas liber Judith Esdrino Hebræorum Canonis insertus non fuisset, neque hebraicè, sed chaldaicè conscriptus esset, mirum non est, quòd Josephus in describendis Judæorum antiquitatibus de eo siluerit &c.

De libro Esther.

329

Fuit Esther, seu Edissa filia Abihail, è Tribu Benjamin nata in captivitate, & postmodum parentibus orbata à patruo suo Mardocheo, qui à Nabuchodonosore Babyloniorum Rege quinquennis, ut quidam ajunt, captivus Babylonem annò mundi 3416. abductus fuerat, educata floruit Susis Regia Persarum urbe circa initium, seu primos restitutæ Judæis libertatis annos. (u) Annò mundi circiter 3485. à Dario Hytaspis filio Persarum Rege in uxorem eligitur, repudiata Vasthi Regina conjuge sua.

Liber ipse nomine inscriptus 16. ca. 330 pitibus concluditur. Argumentum illius est humiliatio superborum, Vasthi Reginae scilicet, & Aman supremi Principis apud Darium seu Assuerum, vel Artaxerxem, prout eum liber iste nuncupat, non quidem personæ, sed Regiæ dignitatis nominibus; & exaltatio humilium, Esther videlicet, & Mardochei patruì ipsius.

Q 3

Assuerus.

(s) Vid. Calmet Dict. Bibl. verb. *Judith*, & Verb. *Festum Dedicationis Templi*. (t) Proöm. torius Operis & lib. 10. c. 11. (u) Anni 70. captivitatis Babylonicæ initium sumplerunt annò mundi 3416. atque clausi fuere juxta Jeremiæ prædictionem annò mundi 3487. cùm jam annò mundi 3469. Cyrus Persarum Rex Judæis in patriam redeundi potestatem fecisset. Quo etiam anno incepta est sexta mundi ætas, quæ duravit usque ad Christi adventum, annum mundi scilicet 4000. quo septima denique ætas sum pñt initium ad finem mundi duratura &c.

Assuerus Vasthi conjugem suam, quod ad convivium invitata venire recusasset, repudiat, Estheremque sibi in uxorem deligit. Aman in Mardochæum, quod eum, juxta morem Persarum, adorare renueret, irâ commotus, illi, totique Hebræorum genti interitum machinatur; hanc in rem decretum à Rege obtinet; sed Esther pro populi sui salute Regem deprecante, ipse decretum revocat, Amanque in eodem quinquaginta cubitorum altitudinis patibulo, quod Mardochæo paraverat, Rege jubente suspenditur, universaque ipsius familia, omnesque Judæorum hostes neci ab ipsis Judæis traduntur: Mardochæus verò à Rege extollitur, atque honoribus cumulatur.

331 In perpetuam autem hujus ab excidio, quod Aman decreverat, populi Judaici liberationis memoriam dies festus singulis annis peragendus decimâ quintâ mensis *Adar*, qui cadit in partem mensium nostrorum Februarii, & Martii, constituitur à Mardochæo, & Esther; huncque diem appellarunt *Purim*, seu *Sortium* quod idem dies ab Aman per sortem electus fuisset ad occidendos Hebræos. Hæc libri hujus epitome.

332 Quis autem hunc librum scripserit, non ita certum est. Illum Esdræ adscribunt Epiphanius, de pond. & mens. c. 4. Augustinus, de Civ. lib. 18. c. 36. & Isidorus, Orig. lib. 6. c. 2. Fortè illius restaurator fuit.

Clemens Alexandrinus autem, quem nonnulli Rabbini, multique recentiores Interpretes sequuntur, eum Mardochæo tribuit, quippe qui, ut ibid. c. 9. v. 20. 25. & 26. Item c. 12. v. 4. legitur, omnia hæc scripserit, & litteris comprehensa ad Judæos miserit: hi verò in solemnem ritum cuncta susceperint, quæ à Mardochæo litteris præscripta ac fieri mandata fuerant.

Serarius verò Mardochæum & Estherem operas suas ad libelli hujus scriptiōnem simul contulisse colligit ex textu Septuaginta Interpretum c. 9. ubi dicitur, *quod Esther, & Mardochæus scripserint, quæ fecerunt.* At Vulgata nostra eodem cap. v. 29. nonnisi de secunda Epistola loquitur, quam hi ambo scripserunt, ut solemnitatis illa sortium sanciretur.

At Huetius satis probabiliter putat (x), librum hunc, quem Mardochæus scripserit, nihil aliud esse, quàm Epistolam ad Judæos missam, & eo fine scriptam, ut Judæi sortium festivitatem singulis annis statâ die celebrarent, ut haberet ex secunda Epistola ipsius, & Estheris, de qua fit mentio c. 9. v. 29. & ex initio capituli tomî quo opus clauditur, atque narratur, quanto in honore tum apud Persas, tum apud Judæos habitus sit Mardochæus. Necenim, inquit, scribere potuit Mardochæus, se misisse librum ad Hebræos, & ipsos ea, quæ in illo mandabantur suscepisse, & observasse: prius namque isti librum accepisse debuerunt, antequam illa, quæ eo continebantur, susceperent, & observarent.

At responderi posset, librum suum scrip- 333  
sisse Mardochæum primùm postquam accepisset, Judæos ea omnia, quæ mandaverat suscepisse, & observare &c. Vel hæc deinceps libro huic addita fuisse ab Esdra, qui librorum Canonicorum fecit collectionem.

334 Dicendum ergo videtur, Esdræ, seu Synagogam magnam, id est, generalem illam Judæorum Synodum post reditum à captivitate Babylonica celebratam libri hujus editionem ex Mardochæi, & Estheris Epistolis ac monumentis adornasse, necnon posteris transmississe.

Librum hunc sacrum esse, & Canonicum tenet Ecclesia. Anabaptistæ verò & n<sup>o</sup>

(x) Demonst. Evang. propof. 4. de lib. Esther. pag. 371. edit. Lp. 1674.

nonnulli Lutherani, quibus ad stipulatur Auctor placitorum quorundam Hollandiæ Theologorum Ep. 8. & 11. commentitium, & confictum eum esse arbitrantur.

Quidam verò Ecclesiæ Patres, & Doctores septem postrema illius capita duntaxat velut apocrypha autumant esse rejicienda: in qua sententia fuisse S. Hieronymum ex ejus præfatione colligi videtur. Secuti sunt eum non modò ante Concilium Tridentinum Lyranus, Dionysius Carthusianus, Hugo, & Thomas de Vio Cardinales (y); sed etiam post dictum Concilium Sixtus Senensis. (z) Verùm contra hos omnes ponitur

### CONCLUSIO.

335 Liber Esther est divinæ auctoritatis, & Canonicus, non modò quantum ad novem priora capita, sed etiam quoad septem posteriora.

Prob. 1<sup>ma</sup> pars Conclusionis 1<sup>mo</sup>. Ex Scriptura. 1<sup>mo</sup>. Ex ipso met hoc libro. Liber iste nihil nisi divinum spirat, utpote, qui miraculosam prorsus populi Israelitici ab impendente excidio factam à Deo liberationem enarret. Atque dubium non est, quin Deus, qui prodigium hoc pro majori gloriæ suæ apud homines augmento, & ad ipsius cultum & fiduciam apud fideles magis promovendam posteris scriptò commendari voluit, in illo conscribendo Mardocheo, & Estheri, vel Esdræ, vel Synagogæ magnæ, vel alii cuicunque demum illius Auctori specialiter adfuerit, &c. Ergo &c.

2<sup>do</sup>. Ex lib. 2. Machab. c. 15. v. 37. ubi fit mentio festivitatis à Mardocheo institutæ, à Synagoga magna susceptæ, & ab Hebræis servatæ in memoriam eorum, quæ per Dei auxilium gesta fuisse in libro Esther narrantur, quemadmodum & Sortium ipsa festivitas ibid. exprimitur. Atque

hujus festivitatis mentionem non fecisset Auctor iste, nisi compertum habuisset, librum, quo hujus celebritatis institutio continetur, Canonicum, adeoque divinæ auctoritatis fuisse. Ergo &c.

Prob. 2<sup>do</sup>. Ex Traditione Judæorum. 336 1<sup>mo</sup>. Quia ex omnium tum Hebræorum, tum Christianorum Scriptorum sententia, si Melitonem, apud Euseb. lib. 4. Hist. c. 26. Pseudo-Athanasium, in Synopsi. Et Gregorium Nazianzenum, Carmine de genuinis Scripturis, excipias, relatus est ab Esdra & Synagoga magna in Canonem sacrorum librorum. 2<sup>do</sup>. Quia à Septuaginta Interpretibus, seu Hellenistis, qui illos sacros libros duntaxat sunt interpretati, quos Hebræi in suo Canone collocabant, suæ versionis est insertus. 3<sup>io</sup>. Quia Josephus, qui ea tantum literis se mandare testatur, quæ in libris Canonicis Hebræorum continebantur (a), hanc historiam ex libro Esther fusè narrat. (b)

Prob. 3<sup>io</sup>. Ex Traditione Ecclesiæ 337 Christianæ. 1<sup>mo</sup>. Ex Conciliis supra, ubi de libro Tobie egimus, adductis. Item ex Concilio Laodiceno c. 59. 2<sup>do</sup>. Ex sanctis Patribus tam græcis, quàm latinis ibidem citatis, ut sunt Origenes, in Psal. 1. Eusebius, lib. 3. Hist. c. 25. Cyrillus, Cateches. 4. Damascenus, lib. 4. c. 18. Chrysostomus, Hom. 3. ad populum Antiochenum. Hilarius, in Psal. 1. Innocentius I. Papa, Epist. 3. Rufinus, in Symbolo. Hieronymus, in hunc librum. Augustinus, lib. 2. de doct. Chr. & alii quamplures, qui librum Esther inter sacra volumina recensent.

Adde hic omnia ea argumenta, quæ 338 supra pro divina librorum Tobie, & Judith auctoritate adduximus.

Prob. 2<sup>a</sup>. pars Conclusionis 1<sup>mo</sup>. Ex 339 Traditione Judæorum. 1<sup>mo</sup>. Ex versione Septuaginta Interpretum, in qua hæc sep-

(y) In Comment. in lib. Esther. (z) Bibl. sanct. lib. 1. & 8. (a) Proöm. in lib. de Antiq. & ibid. lib. 10. c. 11. (b) Ibid. lib. 11. c. 6.

tem postrema capita ex Hebræo translata continentur. Atqui hi Septuaginta Interpretes seu græcæ hujus interpretationis Auctores ista septem postrema libri Esther capita Operi suo non inferuissent, nisi ea velut Canonica agnovissent. Ergo non aliunde ea transtulerunt, quàm ex hebræo Estheris libri Canonico & sacro. Ergo & ipsa sunt Canonica.

340. 2do. Josephus, ubi historiam hanc recenset, orationem Mardochei ex c. 13. & Epistolas Assueri ex eodem c. 13. & ex c. 16. libri Esther refert, velut ex libro Canonico excerptas. Ergo & hæc capita, quibus ipsæ continentur, Canonica censuit, si ea duo, tunc etiam cætera. Atqui id nonnisi ex Traditione ipsi innotescere potuit. Ergo sacra horum Capitum auctoritas Judæorum Traditione firmatur.

341. Prob. 2do. eadem pars ex Traditione Ecclesiæ. Vetera Concilia, & omnes sancti Patres cum græci tum latini, quos primum protulimus, quique librum Esther sacre Scripturæ Canonici accensuerunt, de eo libro loquuntur, quo universa Ecclesia tam græca, quàm latina illo ipsorum ævo utebatur. Atqui certum est, Ecclesiam universam illorum Patrum ævo usam fuisse in legendis libris sacris veteris Testamenti editione Itala, quam S. Hieronymus passim appellat *vulgatam*, qua Græcorum lingua, & litteris continetur. Ergo de eo libro loquuntur prout in editione Itala ad græcum textum, quo Patres græcitatebantur, expressa continebatur.

Subsum. Atqui in illa editione Itala septem hæc postrema capita continebantur, utpote ad græcum textum & Septuaginta Interpretum versionem expressa, quod & ipse Hieronymus testatur. (c) Ergo memorata Concilia, & SS. Patres de eo libro loquuntur tanquam Canonico, prout etiam septem illa postrema Capita continent.

Confirm. SS. Patres, ut Chrysostomus, Hom. 3. ad popul. Antiochen. & S. Augustinus, Epist. olim 199. ad Ediciam, ex postremis his septem capitibus testimonia petunt: Atque Origenes ipse, Epist. ad Jul. Afric. ea sacra, & Canonica esse demonstrat. Imò Ecclesia ipsa ex illis capitibus quædam in suum officium transtulit. Nam seriâ atq. post Dominicam adam Quadragesimæ inter Sacrorum solemnia legit caput 13. sicut & in Missa, quæ adversus Paganos dici solet. Item Dominicâ 22dâ post Pentecostem Evangelio decantatō Orationem Esther ex ejusdem c. 14. recitat. Ergo &c.

Prob. denique ex Concilio Tridentino, quod Sess. 4. omnes S. Scripturæ libros paulo antè ab ipso enumeratos, inter quos & liber Esther recensetur, cum omnibus suis partibus, prout in Ecclesiâ legi consueverunt, & in Vulgata editione continentur, velut sacros, & Canonicos suscipiendos esse sanxit. Atqui septem postrema libri Esther capita, hujus libri partes constituunt, & in Ecclesiâ legi consueverunt, necnon in Vulgata editione continentur. Ergo etiam illa tanquam Canonica, & divinæ auctoritatis suscipienda decrevit Concilium Tridentinum.

### Solvuntur Objectiones.

344

Ob. 1mo contra primam partem Conclusionis. Historia Esther videtur omnino conficta, & mera Tragicomædia esse. Ergo & liber, qui illam continet, adeoque minimè Canonicus reputari debet.

Resp. Neg. ant. Illius falsitas vel ex eo patet, quod Septuaginta Interpretes librum hunc, adeoque & historiam illo contentam velut omnino veram Versioni suæ inferuerint, eamque Josephus tanquam verè factam referat. (d) Et, cum solemnitate *Pbarim*, seu *Sortium* à Mardocheo ibidem præscriptam, & à Judæis susceptam,

(c) C. 10. Esther, & seq. (d) Loc. sup. cit.

ptam, ipsi tamdiu servaverint ac celebraverint, prout habetur ex lib. 2. Machab. c. 15. v. 37. Ex Josepho (e), atque etiam ex Codice Theodosiano. (f) Nemo sanæ mentis, & nisi planè certitus & vacors opinari poterit, ex figmento aut Tragico-mœdia religionem festi hujus dici, & anniversariam celebritatem profluxisse.

345 Ob. 2do. Non potest satis explicari, quo tempore hæc historia eveniret, & quis sit ille Rex Assuerus, seu Artaxerxes &c. Ergo.

Resp. Neg. ant. Jam suprà insinuavimus, historiam hanc evenisse circa initium sextæ mundi ætatis, & annum mundi 2487. quo Esther, seu Edissa in uxorem ab Assuero assumpta fuit.

Assuerus verò, qui & Artaxerxes Regiæ dignitatis nomine appellabatur, non fuit alius, quàm Darius Hystaspis filius. Assuerus enim ille Persarum Rex, sub quo hæc historia contigit, quique maritus fuit Estheris, regnavit, prout cap. 10. libri hujus legitur, *super centum viginti septem Provincias, & tertio annò imperii sui fecit grande convivium cunctis Principibus, & pueris suis fortissimis Persarum, & Medorum inclutis, & Praefectis Provinciarum coram se.* At id apprime convenit Dario Hystaspis filio, qui, ut ait Herodotus (g), Indos subegit; & qui, prout legitur in libro 3tio Esdræ (h), *fecit eam magnam omnibus vernaculis suis, & omnibus Magistratibus Media, & Persidis, & omnibus Purpuratis, & Prætoribus, & Consulibus, & Praefectis sub illo ab India usque Æthiopia, centum viginti septem Provinciis.* Qui liber, quamvis Canonice non habeat auctoritatem, æquali tamen pollet auctoritate ac alii libri ab Historicis profanis editi, ubi videlicet S. Scripturæ non repugnat.

P. Cartier Theol. Tom. I.

Quòd si hæc responsio Adversariis ad palatum non sit, quamvis nihil verisimile eidem opponi posse arbitremur, dicemus, quòd, etsi certò definiri non posset, quo tempore hæc historia acciderit, & quis sit ille Assuerus Persarum Rex, non minus tamen ipsa sit vera, cùm innumere penè aliz historie sacræ Scripturæ contineantur, quarum ætas, & tempus certò definiri non possit, quamvis tanquam veræ ab omnibus habeantur. Unde responderi potest ad objectionem concessò, seu transmissò ant. Neg. conf.

Ob. 3tio contra adam partem Conclu-346 sionis. Hæc septem postrema Capita in Hebræo, quo sermone liber hic scriptus fuisse dignoscitur, desiderantur. Ergo videntur suppositicia esse.

Resp. trans. ant. neg. conf. Jam suprà ostendimus, Septuaginta Interpretes illa septem postrema Capita ex Hebræo in Græcum translata suæ versionis inseruisse, ad quam vetus Vulgata latina versio communi sermone Italica dicta efformata fuit. Ergo, etsi nunc in Hebræo desiderantur hæc septem postrema Capita, atque etiam jam tempore S. Hieronymi in eo desiderata fuerint, tamen antiquitus in Hebræo legabantur, eaq̃ue, prout testatur Origenes (i), ex hebraicis exemplaribus fideliter in suis versionibus græcis Septuaginta Interpretes, & Theodotion expresserunt.

Profectò Josephus etiam, ubi historiam Esther recenset, scilicet lib. 11 antiq. c. 6. duas Epistolas Assueri, quæ in Vulgata nostra c. 13. & 16. leguntur, & orationem Mardochei c. 13. expressam refert, quæ tamen nunc in hebræis Codicibus desiderantur. Fortè qui primus Estheris historiam suscepit scribendam, illius tantum Summam conscripsit, quam subindè alius magis fusè exaravit, atque septem his Capitibus,

R

capitibus,

(e) Loc. cit c. 6. (f) Leg. Judæos Tit. de Judæis. (g) Lib. 4 c. 44. (h) C. 2. v. 1. 2. & 3. (i) Epist. ad Julium Afric. & Tom. 1. in Joan. ubi ex 1410 hujus libri cap. nonnulla proferens, ait: *In libro Esther, qui est juxta Septuaginta.*



pitibus, quæ in nostra Vulgata postremò loci posita sunt à S. Hieronymo, exornavit.

- 347 Ob. 4to. Hæc septem postrema Capita cum novem prioribus non coherent. Ergo sunt fictitia. Prob. ant. Prioribus Capitibus narrantur insidiæ duorum Eunuchorum factæ annò septimò Assueri, additurque, Mardochæum, qui eas detexerat, nihil pro tanto officio mercedis accepisse. At c. 11. & 12. dicuntur hæ insidiæ factæ annò secundò Assueri datis Mardochæo pro delatione muneribus. Atqui hæc apertè sibi invicem sunt contraria. Ergo &c.

Resp. Neg. ant. 1<sup>mo</sup> Arg. ad illius probationem, neg. Maj. Illa Capita, quæ in Vulgata nostra tanquam postrema leguntur, reverà non sunt postrema, sed quedam eorum pertinent ad libri initium; ut sunt ea, quæ referuntur de somnio Mardochæi, & insidiis Eunuchorum. Quædam ad medium; ut Epistola Artaxerxis, c. 13. Oratio Estheris, c. 14. Ejusdem ad Regem accessus c. 15. Et altera Artaxerxis Epistola c. 16. Quodam autem ad finem, ut somnii Mardochæi declaratio, c. 10. &c.

Hujus fidem faciunt græci Codices, in quibus omnia suo ordine collocata leguntur; ipsæque ea de re S. Hieronymi annotationes c. 10. 11. & seq. in Vulgata nostra insertæ. Ea autem Capita ad finem libri, ubi eadem collocavit Hieronymus, Ecclesiæ reliquit, ut intelligamus, quid ad integritatem hujus libri pertineat, quidque in Hebræorum Codicibus non inveniat.

Insidiæ autem factæ sunt annò septimò Assueri, non verò secundò, neque hæc cap. 11. verba, *annò secundò &c.* debent extendi usque ad narrationem insidiarum, quæ habetur c. 12. Sed solum ad ea, quæ dicuntur ipso cap. 11<sup>mo</sup> idest, ad somnium, quod habuit Mardochæus, ante-

quam Esther Assuero nuberet. Nec etiam adhuc Mardochæus delationis mercedem receperat, cum Rex Annales sibi relegi jussit; tamen postea recepit amplissimam, quæ c. 6. v. 3. Atque demum c. 12. v. 5. denudò indicatur per hæc verba: *Datis pro delatione muneribus.*

Ob. 5to. Cap. 9. v. 6. dicitur Aman 348 Agagita, seu oriundus ex stirpe Agag Regis Amalecitarum, vel genere Amalecita. At cap. 16. in Epistola Assueri idem Aman dicitur gente & animo fuisse Macedo, Perfarumque Regnum ad Macedones transferre voluisse. Atqui, prout historia memoria proditum est, Macedonum Regnum tempore Artaxerxis, seu Assueri nostri adhuc fuit obscurissimum, & penè ignotum, nec proinde timere potuit Rex iste, ne Perfarum Regnum ad Macedones transferretur. Ergo &c.

Resp. 1<sup>mo</sup>. Aman dici posse ex paterno genere duxisse originem ex stirpe Agag Regis Amalecitarum illius, quem Samuel in frustra concidit (k), adeoque Amalecitam fuisse, sed ex materno genere fuisse Macedonem. 2<sup>do</sup>. dici potest, quòd Aman patriâ quidem Macedo fuerit, Græcus nempè, sed origine prodierit ex stirpe Agag Amalecitarum Regis, & hoc sensu dictus sit Amalecita; credibile quippe est, aliquos ex profligatis Amalecitis ad Græcorum partes profugisse, & ex illis ortum Aman potuisse gente Græcum, seu Macedonem appellari à græco libri hujus Interprete, quia hujus ipsius Interpretis ævò Macedonum nomine comprehendebantur ceteri alii Græci, utpotè quòd Macedonia esset pars Græciæ potior, & nobilior. Unde ait Huetius (l) hic græcum Epistolæ *Phurim* Interpretem, quem Lysimachum illum fuisse, de quo fit mentio cap. 11. v. 1. lib. Esther, & cujus versionem Septuaginta Interpretes magna ex parte conservarunt (m), in vertendo libro hoc intemperanter luxuriasse, atque pro

ea,

(k) 1. Reg. c. 15. v. 33. (l) Loc. cit. pag. 374. edit. Lips. an. 1694. (m) Graveſon. Hist. Eccl. Tom. 3. Colloq. 2. de lib. & hist. Esther. pag. 132. edit. Auguſt. an. 1728.

ea, quam sibi fumpserat, libertate pro *Agagita*, quod nomen caput 9. refert, reddidisse *Macedonem*, nulla habita ratione temporis, quo vel hæc facta sint, vel scripta; sed solum illius temporis, quo ipse ea interpretabatur, cum nempe *Prolemæus Philadelphus* regnaret, vel paulo prius; qua tempestate *Perfarum* animis vehemens insidebat adversus *Macedones* odium, vel *Regum* suorum desiderio, quos divinis prosequerantur honoribus, vel pudore subactæ alienis armis florentissimæ gentis suæ, vel *Macedonum* impotenter dominantium impatientiâ. 3tio. dici potest, hunc *Agag*, ex quo dicitur (u) *Aman* originem traxisse, non fuisse illum *Amalecitarum* Regem à *Samuel* olim occisum, sed *græcum* quemdam virum, seu *Macedonem* nomine *Agag*. Et hinc est, quod ne textus *hebraicus*, nec ulla libri *Esther* versio hunc *Agag*, ex ejus stirpe ortus est *Aman*, appellet *Amalecitarum*. 4to dici potest, quod fortè *Interpres* historiæ parum peritus, cum magna *Græcos* inter & *Perfas* bella olim gesta, & multis demum cladibus accisas penitus horum res & confusas à *Macedonibus* fuisse audivisset, istos cum *Græcis* confuderit, partem scilicet cum toto, ea, quæ ab his antiquis *Perfarum* hostibus jam olim gesta fuerant, novitiis illis *Macedonibus* adscribens, & *Macedonis* nomen pro *Græci* nomine usurpans; præsertim cum, prout jam insinuavimus, credibile sit, post debellatos *Perfas* totam *Græcorum* gentem apud peregrinos potissimum, *Macedonum*, nobilioris videlicet *Græciæ* partis, nomine venisse. Itaque cum in hac interpretatione *Macedonis* nomen occurrit, *Græcum* intelligi debere videtur. 5to denique paucis hæc difficultas levatur dicendo, cap. 16to. mendum *Versioni* irrepsisse vel *Interpretis*, vel *librariorum* oscitantia, aut ignorantia, atque loco *Macedonis* ponendum esse *Agagitam* prout habetur cap. 9. v. 6.

Ob. 6to. Veteres Patres, ut *Melito*, 149 *Pseudo-Athanasius*, & *Gregorius Nazianzenus* supra adducti, quos quantum ad septem postrema hujus libri capita secuti sunt recentiores *Interpretes* *Lyranus*, *Hugo*, & *Thomas de Vio Cardinales*; recentissimè verò *Sixtus Senensis* post Concilium Tridentinum scilicet, hanc historiam velut apocrypham rejecerunt; in qua sententia, quoad septem postrema illius capita nempe, etiam fuisse videtur *S. Hieronymus*. Ergo &c.

Resp. conc. ant. neg. conf. Erronea paucorum veterum horum Patrum & quorundam aliorum Interpretum opinio nihil officere potest veritati, & auctoritati hujus historiæ, atque libri ipsius, quo illa continetur, utpotè quæ unanimi tum *Synagogæ*, tum *Ecclesiæ* consensu perpetua temporum serie firmata sit, & stabilita. Equidem, quia hæc capita è variis hinc inde locis sunt excerpta, sequi videtur, interpolatum esse librum, atque discerptum, necnon aliqua sui parte mutilatum; & fortassis hanc ob causam à *Melitone Asiano*, *Pseudo-Athanasio*, & *Gregorio Nazianzeno* è sacro Canone expunctum. Atque ob eandem rationem à quibusdam recentioribus Interpretibus septem postrema illius capita rejecta fuerunt.

Obijcit 7tmo. *Sixtus Senensis* (o) 1350 si septem hæc postrema capita velut Canonice auctoritatis suscipi deberent, tum vel maxime, quia id Concilium Tridentinum à nobis paulò superius adductum aperte definire videtur. Atqui hoc est falsum. Ergo &c. Prob. min. Concilium istud solum de veris, & germanis sacrorum librorum partibus loquitur, non verò de laceris quibusdam appendicibus, & pannosis additamentis, à quovis incognito Auctore temerè appositis, & utcumque insutis. Atqui hujusmodi sunt septem postrema libri hujus capita. Ergo &c.

R 2

Resp.

(u) C. 9. (o) Lib. 1. Bibl. sanct. lib. Esther. Append. pag. 33. edit. Colon. anno 1576.

Resp. ad 1<sup>um</sup> Arg. neg. min. ad illius probat. neg. etiam min. Si Sixti argumentum verum esset, multæ aliæ aliorum sacrorum Librorum partes, ut Danielis, Marci, Lucæ, Joannis, quæ non secus ac ista postrema Libri Esther capita inversa quodam rerum ordine positæ videntur, etiam rejici, aut in discrimen vocari posset, atque dici posset, Concilium de veris partibus esse locutum, ea verò esse additamenta, non partes. Deinde Concilium definit, omnes, quos enumerat libros, adeoque & librum Esther, *cum omnibus suis partibus* esse suscipiendos velut Canonicos. Quorsum autem hoc, nisi ut omnes intelligant, eas etiam partes, de quibus aliquando erat controversia, ad sacrorum librorum Canonem pertinere?

Sed Sixto os penitus occludere debent hæc, quæ statim de sacris libris in Canonem recipiendis Concilium subjungit verba: *Prout in Ecclesia legi consueverunt.* Atqui hæc septem postrema Libri hujus capita in Ecclesia semper legi consueverunt, atque, prout supra ostendimus, multa ex illis in suum Officium transtulit eadem Ecclesia. Ergo &c.

351

## De libro Job.

Job, aliàs Jobad in Scriptura dictus (p) ut & à Septuaginta Interpretibus in ea clausula, quam ipsius libro attexuerunt, quæque reperitur in omnibus græcis Codicibus, Vir fuit virtute, patientia, & pietate insignis, filius Zare, & pronepos Esau, Principatum, seu potius Regiam dignitatem in terra Edom, sive Idumæa obtinuit post Belam filium Beor, prout legitur apud Moysem (q), & apud Septuaginta (r); fuitque secundus Rex Idumæorum, necnon terram Hus, seu Auscidem in Orientali Idumæa in Bozræ, & Arabiæ desertæ finibus sitam incoluit.

352 Tertia mundi ætate jam jam ad finem vergente, citra annum mundi 2427. sci-

licet floruisse perhibetur. Sanè, inquit Graveſon (s), cum ante Moysem vixisset, vel saltem ei cœvum fuisse colligitur ex ipsius historia in libro, qui illius nomen præfert, conscripta; quippe in qua ne minima quidem sit mentio de lege Moſayca, & Prophetis; aut de admirabilibus, sive in longo in terram Chanaan itinere, sive in Ægypto, sive in deserto, Dei operibus. Quod quidem argumento esse videtur, Jobum, & ejus amicos, qui illum consolaturi accesserant, ante Moyſis tempora vixisse; vix enim credi potest, Jobum & ejus amicos, si Moyſe posteriores fuissent, hæc omnia miranda tam altò premere silentiò voluisse, prout tamen ab ipsis factum.

Præterea in eodem libro legitur, Jo-353 bum solitum fuisse Sacrificia offerre, quod certè licitum duntaxat fuit ante legem Moſaycam; nam post legis Moſaicæ promulgationem solum Sacerdotibus Aaronicis, sive illis, qui erant è Tribu Levi Sacrificia in Templo fas erat offerre.

Verùm, inquit Calmet (t), de Israëlitarum ex Ægypto egressu locutus videtur Job c. 26. v. 12. his verbis: *In fortitudine illius repente maria congregata sunt, & prudentia ejus percussit superbum.* Ex quo habetur, illum Moyſi cœvum, ejusque ærumnas annis aliquot ab Israëlitarum ex Ægypto egressu statui oportere.


At citato capite per totum Job Dei in-354 comprehensibilem potentiam ex ejus operibus tantum demonstrat, atque potius aludere videtur ad modum, quo Deus mundum creavit, atque aquas congregavit, quas maria appellavit; ita ut de egressu Israëlitarum ex Ægypto ne cogitaverit quidem, aliàs utique etiam cætera, quæ tum temporis in Israëlitarum gratiam perpetravit Deus, mirabilia tam commodè ad id occasione, non prætermisisset.

Ad Græcorum, & Arabum Jobi-355 exemplarium calcem, necnon in veteribus

(p) Genes. 36. v. 31. 32. & 33. Item 1. Paralip. c. 11. v. 43. (q) Genes. 36. v. 31. &c. (r) Ad calcem lib. Job. (s) Tom. 2. Hist. Eccl. colloq. 3. de Jobo. (t) Dict. Bibl. verb. Job.

ribus vulgaris latinis Bibliis, hæc, ut ajunt, è Syriaco deprompta leguntur : *Hic in terra quidem Aufitidereditur habitans in finibus Idumæa, & Arabia, & erat ei nomen Jobab. Cum autem accepisset uxorem Arabiffam, generat filium, cui nomen Emmon : erat autem ipse ex Patre quidem Zare de filiis Efsau filius, matris autem Bosorra ; ita ut ipse fit quintus ab Abraham. Et hi sunt Reges, qui regnaverunt in Edom, cujus regionis etiam ipse dominatus est : primus Balac filius Beor, & nomen civitatis ejus Den-naba ; post Balac autem Jobab, qui vocatur Job ; post hunc autem Afsom, qui erat Dux ex regione Thammotide ; post hunc autem Adad filius Barad, qui excidit Madian in campo Moab, & nomen civitatis ejus Getbam ; amici autem, qui ad eum venerunt, Elipbaz de filiis Efsau Thama-norum Rex, Baldad Tyrannus Sauchao-ram, Zopbar Rex Minæorum.*

356 Hanc vetustissimam Jobi genealogiam probant Aristæas, Philo, Polyhistor apud Eusebium (u) ; eamque citant græci & latini Patres, atque suæ græcæ versioni inferuit Theodotus ; quam proinde cum à vetustis Patribus comprobetur, & à Judæis ad nos pervenisse videatur, rejiciendam non censemus, præsertim cum lib. 1. Paralip. c. 1. v. 35. 37. & 44. eam expressam legamus. Invenimus præterea, Jobum in æquali consanguinitatis gradu cum Moyse fuisse. Utriusque genealogiæ schema subjicimus.



Porro liber Jobi nomine inscriptus 357 eximie patientiæ exemplum exhibet, atque 42. capitibus describit prosperam, & adversam Principis hujus fortunam, lamenta, & lamentorum causas, tedium vitæ, mortis votum. Illum in fletus effusum, vehementerque de suis arum-nis dolentem, & conquerentem tres amici ipsius, qui eum consolaturi accesserant, nequitie insimulant, hortanturque, ut poenitentia ad Deum reverfus divi-nam agnoscat justitiam, quæ de ejus fla-gitiis vindictam sumptura, tot calamita-tibus in eum animadverterat.

Job verò innocentie suæ sibi confusus, gravioribus, quam mereretur, sc poenis affectum asserit ; justosque, vel tantum ad eorum constantie experimentum, vel etiam ad perfectionis incrementum, vel denique ob Dei judicia hominibus omnino impervia ab eo quandoque plecti ostendit.

Ejus amici nihilominus in aliam pro-sûs sententiam abibant. Quod discrimen soluturus è turbine Dominus eos allo-quens pro Jobo decrevit ; quin tamen quædam temerè ab eo prolata, quæ dolo-ris vehementia, & disputationis ardor veluti per vim ab illo extorserant, com-probaret. Quare Job errorem falsus veni-iam à Deo postulavit, & impetravit. Dominus verò increpatis Jobi amicis, quòd adeò temerè illum condemnassent, imperat, ut sacrificiis ab ipso Jobo offe-rendis peccata sua expiant : Dæmone-que interdicto, ne ei amplius noceret, geminatis facultatibus, plurima prole adauctum, felicissimo tandem obitu & vivis demigrantem finis Abrahamæ exceptit. Hæc Jobi historiæ Synopsis.

Quisnam libri ipsius Auctor sit, seu 358 Scriptor disceptatur. Quidam ab ipso Jobo Syrorum, seu Arabum idiomate primùm exaratum volunt ex c. 19. v. 23. ubi ipse ait : *Quis mihi tribuat, ut scribantur sermones mei, &c.* quem

R 3

postea

(u) Lib. 9. præpar. Evang. c. 25. (x) 1. Paralip. c. 1. v. 35. 37. & 44.

postea Moyses, vel aliquis alius Israelita in hebræum sermonem verterit.

At ex his Jobi verbis nihil aliud colligi videtur, quam vehemens desiderium, quo optabat, ut historia sua, & sermones conscriberentur.

Quidam illum Salomoni, vel Isaïæ, vel denique recentiori cuidam Auctori tribuunt.

Fridericus Spanhemius, qui Jobi historiam accuratè, & eruditè persecutus est, à Jobo quidem, aut Jobi amicis res in adversaria primum fuisse linguâ patriâ, Arabicâ nimirum, seu Syriacâ veteri relatas existimat (y), & ex iis demum circa Davidis, aut Salomonis tempora ab homine Hebræo conflatas fuisse eam, quam habemus, historiam.

Huctius tuetur (z), librum hunc à Moysè scriptum fuisse, cum apud Sethro socerum suum ex Ægypto fugâ dilapsus degeret, ad solatium gentis suæ tum temporis Ægyptiorum tyrannide pressæ. In Arabia quippe tunc commorans, casus in ejus finibus toleratos vel ex vulgi sermone discere potuit: hancque suam opinionem multis argumentis, & conjecturis roborat. Hæc quoque sententia fuit Thalmudistarum (a), quam amplexus est Auctor posterioris Commentarii in Job, qui Origenis nomen præfert. Eandem sectati sunt Methodius apud Phoxium (b), Polychronius, & Julianus Halicarnassæus, apud Nicetam (c), necnon recentiores benè multi. Idipsum etiam censuisse videtur S. Hieronymus; sacros enim libros recensens (d), Pentateucho librum Job statim subijcit, posthabito etiamnum Josue librò, quo significare videtur, Moysis, & Jobi libros ejusdem esse Auctoris, & ætatis.

359 Licet autem liber iste nihil, quo ejus Auctor clarè dignoscatur, præ se ferat,

illum tamen religionem Judæum, & Jobb posteriorem fuisse vult Calmet. (e) Illius autographum Hebræico quidem, sed pluribus Arabum, & Chaldæorum phrasibus & periodis apud Hebræos minime usitatis referto idiomate conscriptum fuit; & partim soluta, quantum ad ea scilicet, quæ vitam, mores, calamitatem, & prosperitatem Jobi spectant, oratione; ipsius verba autem, amicorum interlocutiones, ejusdemque responsiones quod spectat, metricis numeris illigatum esse.

Undè facile est conjicere, Opus istud 360 compilatum fuisse ex Jobi ipsius, aut amicorū suorum adversariis, seu monumentis Arabico sermone primum exaratis, quod interdum, ob sententiarum eo contentarum dignitatem poetico sermone velut elegantiori stylo Auctor Hebræus exornavit. Hinc quamvis historiam hanc, ejusque circumstantias à veritate minime abesse, atque simul colloquentium sententias integra fide ab Auctore referri tueamur; dictionum tamen, & phrasium sonum Poëtæ, seu Auctori tribuendum esse censemus. Quis enim sanæ mentis arbitretur, Jobum in summis corporis, & animi doloribus carmina ad uxorem, & amicos fudisse.

Liber hic Canonicus, & divino auctoritate conscriptus semper habitus est. Quare de re ponitur

## CONCLUSIO.

Liber Jobi nomine inscriptus est Ca-361 nonicus, & divinæ auctoritatis.

Prob. Conclusio 1<sup>mo</sup>. Ex S. Scriptura, ac inprimis ex ipso Jobi libro, ut qui nihil nisi sanctum, & divinum spirat, imò magna Dei miracula contineat, vel potius

(y) Hist. Job. c. 13. (z) Loc. cit. in Job. (d) In Babathra. c. 1. (b) Cod. 225. (c) In catena in Job. (d) Ep. ad Paulin. (e) Loc. cit.

potius nonnisi unicum ingens sit miraculum.

2do. Ex libro Tobiae, ubi. c. 2. v. 12. & 15. hæc leguntur: *Hanc autem tentationem (cæcitas) ideo permisit Dominus evenire illi, ut posteris daretur exemplum patientia ipsius, sicut & sancti Job. . . . Nam sicut beato Job insultabant Reges, ita isti (Tobiae) parentes, & cognati ejus irridebant vitam ejus. &c.*

3tio. Ex Ezechielis c. 14. v. 14. ubi etiam hæc leguntur: *Et si fuerint tres viri isti in medio ejus (id est terræ) Noë, Daniel, & Job, ipsi iustitia sua liberabunt animas suas, ait Dominus exercituum.*

4to. Plurima ex eo libro transumpta cæteri Scriptores sacri in sua volumina transtulerunt. Ut Jerem. c. 20. v. 14. ex Job, c. 3. v. 2. Psalm 8. v. 5. ex Job, cap. 7. v. 19. Psalm. 143. v. 4. ex Job, c. 15. v. 9. Thren. 3. v. 8. & 9. ex Job, c. 19. v. 7. & 8. Psalm. 31. v. 12. & 13. ex Job, c. 19. v. 13. 14. & 18. Psalm. 107. v. 42. ex Job, 22. v. 19. Jerem. 12. v. 1. & seq. ex Job, 21. v. 7. & seq. Sapient. 7. v. 9. & seq. ex Job, 28. v. 15. & seq. Psalm. 110. v. 10. Prov. c. 1. v. 7. & c. 9. v. 10. ex Job, c. 28. v. 28. Sap. 6. v. 8. ex Job, c. 34. v. 19. Prov. 8. v. 29. ex Job, 38. v. 10. & 11. Psalm. 146. v. 9. ex Job, c. 38. v. 41.

5to. Testimonium libri Job tanquam sancti, & canonici adducit Paulus Apostolus scribens ad Corinthios ubi, *Sapientia, inquit (f), bujus mundi stultitia est apud Deum, scriptum est enim: Comprebendam sapientes in astutia eorum.* Atqui hoc scriptum invenitur Jobi c. 5. v. 13. ubi ipse hæc de Deo eloquitur: *Qui apprehendit sapientes in astutia eorum.*

6to. S. Jacobus in sua Catholica Epistola c. 5. v. 11. ex Jobi libro petit. ex-

emplum his verbis: *Sufferentiam Job audistis, & finem Domini vidistis, quoniam misericors Dominus, & miserator.*

Atqui hi sacri Scriptores omnes Jobi tanquam viri sancti non meminissent, nec ex libro, qui nomen illius præfert, sententias in suas Scriptiones transtulissent, nec illum velut divinum citassent, nec denique testimonia, & eximie pietatis & patientiæ, Deique miserationis exempla ex illo petivissent, nisi ipsius historiam veram, proindeque librum, quo ipsa continetur, sanctum, & canonicum reputassent. Ergo &c.

Prob. 2do. ex Traditione Judæorum. 362 1mo. Certum est, librum hunc Esdrino Canoni insertum fuisse, idque etiamnum testantur omnes Scriptores tam Hebræi, quam Christiani. 2do. Aristæas, qui tempore Ptolemæi Philadelphi Regis Ægypti scripsisse fertur, in suo de Judæis commentario (g) hujus libri tanquam sancti meminit. 3tio. Septuaginta Interpretes illum Græcæ suæ Versioni velut sacrum, & Canonicum intexuere. 4to. Josephus cum etiam inter libros Canonicos recenset. (b) Ergo &c.

Prob. 3tio. ex Traditione Ecclesiæ. 363 Ab Apostolis, ut primum vidimus, tanquam divinus adducitur, eaque de Jobo continet, historia velut sancta laudatur. Post ipsos librum hunc SS. Patres, & Concilia, quorum testimonia supra ad libros Tobiae, Judith, & Esther retulimus, tanquam Sanctum & Canonicum celebrant, &c.

### Solvuntur Objectiones.

364

Ob. 1mo. Josephus in Antiquitatibus Judæorum versatissimus, easdem referens, Jobi historiam altò prætermittit silentiō. Atqui utique illam non prætermisisset, si veram arbitratus fuisset. Ergo

(f) 1. Cor. c. 3. v. 19. (g) Apud Euseb. lib. 9. c. 25. Præparat Evang. (b) Lib. 1. cont. Appion.

Ergo vera non est, sed tanquam fabulosa est rejicienda.

Resp. Etsi Josephus lib. de Antiq. Judaicis Jobi historiam, ut & libri ipsius non meminerit, meminisse tamen lib. cant. Appion. Ubi illum inter libros Canonicos veteris Testamenti collocat; quod sufficit, ut ipse dicatur illius meminisse. Certè constat, eundem Josephum in suo de Antiq. Jud. libro multa ad historiam sacram spectantia aut de industria omisisse, aut interpolasse, prout demonstrat Dandilius. (i) Et sanè, cum Josephus in hoc Opere Gentis suae duntaxat historiam concinnandi provinciam suscepit, ad quam haec Jobi, utpotè extranei, & Gentilis, historia nihil conferre poterat; mirum non est, quòd de ea ibidem siluerit.

- 365 Ob. 2do. Liber iste videtur esse Tragicomedia aliqua Hebraeorum, hoc est, fabula partim secundum Comediae, partim secundum Tragediae leges conficta, 1mo. Quia in principio ipsius historiae caedes filiorum, ac filiarum Jobi, quod in Tragediis usu venit, referuntur, in fine verò, quod Comediae proprium est, felices Jobi eventus ponuntur. 2do. Quia nec de personis, nec de loco; nec de tempore, nec de auctore hujus historiae quidquam certi haberi potest, dissidentibus inter se non minùs hebraeis, quàm græcis, & latinis Scriptoribus. 3tio. In eodem libro fit mentio Concilii Angelorum, cui ipsemet Deus praesuit; colloquii Sathanæ cum Deo; variarum quaestionum Diabolo factarum à Deo, responsonum Diaboli &c. quae omnia apertè fabulam redolent. 4to. Hujus historiae Auctor in ipso narrationis contextu à sibi proposito argumenti scopo multum aberrare videtur; cum enim instituisset effingere personam hominis perfecti, ac inprimis tolerantissimi, quem nec secunda, & prospera in superbiam evehe-

rent, nec adversa, & calamitosa in desperationem deprimerent: tamen in ipso narrationis cursu, contra institutum sui ordinem, & contra omnes patientiae leges, patientissimum virum illum in crimen impatientiae, & blasphemiae, atque etiamnum desperationis saepius trahit. Ergo &c.

Resp. 1mo. Haec omnia veritatem historiae Jobi ejusque existentiae neutiquam infirmare posse; ut quae omnium ætatum Auctorum, imò ipsorum sacrorum Scriptorum testimoniò tam apertè firmata sit. Unde negatur ant.

Resp. 2do. ad singula. Ad 1mum. Ex eo duntaxat eruitur, historiam hanc quidem materiam subministrare praestanti cuidam Tragicomediae exhibendae, non verò eandem esse meram fabulam.

Ad 2dum. neg. propositionem. Nam 1mo. de persona Jobi, & loco, ubi habitavit, atque universim de ipsius historia certum habemus ex ipsomet Jobi libro, & ex omnium ætatum tam sacris, quàm profanis Scriptoribus testimonium; quamvis de ætate, qua vixerit, ob veteris Chronologiae confusionem, & obscuritatem non satis apertè constet; tamen praestantiores S. Scripturae Interpretes, & Chronologi probabilius illum paulò ante egressum filiorum Israël ex Aegypto floruisse censent, atque Moyse fuisse coævum.

Ad 3tium. neg. haec fabulam redolere. Advertendum quippe est, in historia Jobi, non omnia in sensu litterali esse accipienda, sed quaedam etiamnum in sensu figurato, qualia sunt ea, quae de Concilio Angelorum, &c. &c. ibidem memorantur: hujusmodi autem sensum saepius alii Scripturae sacrae libri usurpant, ut eos evolventi patet, nec tamen propterea in fabularum censum venire possunt.

Ad

(i) D'andilli in sua gallica Operum Josephi versione.

Ad 4tum. Quæ fortè paulò durius à Jobo prolata in ejus libro leguntur, optimam semper patiuntur interpretationem, eaque sunt admodum pauca, necnon doloris vi expressa, quæ, ut supra animadvertimus, nec Deus ipse probavit. Cæterum ubique summæ patientiæ, pietatis, spei, & resignationis in Deum monumenta prodit Job; prout ipsa libri lectio declarat.

366 Ob. 3tio. Job à nobis dicitur fuisse genere Idumæus. Atqui Idumæi Ethnicorum Religionis semper addicti fuerunt usque ad tempora Joannis Hircani Judæorum Pontificis, & Regis, qui primum circa annum mundi 3871. Judæis imperare cœpit, atque circa an. m. 3875. Idumæos devicit, necnon circumcissionem suscipere coegit. Job autem fuit vir timens Deum, prout ipse illius liber loquitur. Ergo &c.

Resp. neg. min. Nam Idumæi, qui ab Esau Patriarchæ Isaac primogenito originem ducunt, per certum aliquod tempus sincerm, & verum Dei cultum retinuerunt, & eo adhuc tempore, quo in Idumæa ortus est Job. Nec enim credibile est, Idumæos, qui veram Dei Religionem ab Esau acceperant, tam citò ab ea defecisse, ut sub Jobo ipsius pronepote jam idola coluerint. Idumæi ergo tunc verum Deum colebant.

367 Ob. 4to. Libri hujus c. 7. v. 20. Job dicit: *Peccavi, quid faciam tibi & custos hominum?* Et tamen cap. 27. v. 6. ait: *Neque enim reprehendit me cor meum in omni vita mea.* Atqui hæc sunt contradictoria. Ergo saltem liber iste non est divinæ auctoritatis.

Resp. neg. min. Nam cùm priori locò Job dicit: *Peccavi*, loquitur de levi aliquo peccato ante calamitatem suam commissio; at contrà quando dicit: *Neque reprehendit me cor meum in omni vita mea*, loquitur de gravibus illis peccatis

P. Cuvier Theol. Tom. I.

sibi ab amicis suis objectis, seu de gravibus illis peccatis, quæ conscientiam stimulant &c.

Ob. 5to. Ibid. c. 40. v. 14. dicitur 368 *Ipse Elephas est principium viarum Dei.* Atqui Genesis c. 1. multa alia recensentur ante Elephantem, cæteraque animalia à Deo producta. Ergo &c.

Resp. cùm cit. c. 40. dicitur Elephas *principium viarum Dei*, id in eo sensu intelligendum non est, quasi Elephas esset prima creatura à Deo producta, sed solum quòd sit præcipuum omnium operum, animaliumque terrestrium, tum ratione magnitudinis, tum ratione fortitudinis, tum ratione docilitatis, & quasi prudentiæ naturalis, qua & sui heri, ac rectoris linguam intelligit, & plura alia ferè incredibilia præstat. De animalibus ergo hîc loquitur duntaxat Job, atque inter illa præcipuum esse Elephantem arbitratur.

### De libris Machabæorum.

369

Varie apud sacræ Scripturæ Tractatores sunt hujus nominis *Machabæus* Etymologiæ; communiter tamen autumant, viros quosdam Judæos hoc nomine fuisse insignitos, quòd avitæ in Deum religionis indicio in suis insignibus has quatuor hebraicas litteras inscriptas habuerint, *Mem, Capb, Beth, Jod*, quibus hæc sententia, per compendium exprimitur: *Mi Camoca BeElobim, Jebova*, id est, *Quis similis tui in Diis Domine?* quod ab Exodo desumptum est (k): Quo etiam artificio Romani litteras *S. P. Q. R.* in insignibus suis inscribebant, quibus hæc sententia exprimebatur: *Senatus, Populusque, Romanus.*

Verùm quæcunque demum sit hujus 370 nominis etymologia, profectò constat, nomen hoc Assamonæis, ac primum Judæ filio Mattathie, cujus proavus, vel pater teste

(k) Exod. c. 12. v. 11.



teste Josepho (1), Assamonæus vocabatur, inditum fuisse, à quo in fratres suos Simonem, & Jonatham, qui sub finem sextæ mundi ætatis pro tuenda, & recuperanda populi Judaici libertate strenuam navarunt operam contra Egypti & Syriæ Reges, quibus famosi hi Judæorum Duces, divinæ legis fervore accensi, arripitis armis constanter resisterunt, bella feliciter consecrerunt, hisque Regibus iterum iterumquede victis, ac profligatis, populum Judaicum in libertatem vindicarunt.

- 371 Porro nomen istud in illos omnes etiam derivatum est, qui sui in legem studii, suæque in defendenda patria, & avita Religione servanda sub Antiocho Epiphane, virtutis præclara reliquere monumenta. Hinc septem Fratres, qui unacum matre sua pro defensione legis martyrium sub impio Rege isto fortiter subiere, eo nomine donati sunt.

- 371 Eodem quoque nomine libri illi inscribuntur, qui illorum temporum historiam complectuntur; prout & ille, in quo Ptolemæi Philopatoris in Judæos Egyptios diu ante Antiochum Epiphancm Syriæ Regem persecutio describitur. Enimvero persecutio Ptolemæi cæpit an. m. 3787. ante Chr. 213. ant. ær. 217. Antiochi autem Epiphanis an. m. 3839. ant. Christ. 131. ante ær. 135. adeo ut inter hanc & illam quinquaginta circiter effluerint anni.

- 372 Quatuor circumferuntur hujus nominis libri, ex quibus duo priores Canonici, posteriores verò duo apocryphi habentur ab Ecclesia Catholica.

Si Chronologiæ ordo servetur, tertius Machabæorum liber ante primum, primus post secundum recenseri debent.

- 373 Primum Hebraicâ, seu Syriacâ, aut Jerosolymitanâ linguâ, câ nempe, quæ illis temporibus inter Judæos patrum

solum incolentes jam inde à soluta captivitate Babylonica in usu erat, scriptum testatur Hieronymus (m); habeturque ex titulo olim huic libro præposito, quem refert Origenes his verbis (n): *Sarbet Sar - haue el*; nempe *scæptum Principis filiorum Dei*, sive *rebellantum in Deum*. Machabæi enim scæptum Domini in Israël contra Adversarios sustinuerunt.

A pluribus tamen jam sæculis Hebraicus hic textus excidit, undè illius locò græca versio pro Originali habetur, ex qua etiam latina decretò Concilii Tridentini probata versio adornata est.

Ejus Auctor latet; oportet tamen, 374 ut post Joannem Hircanum summum Sacerdotem scripserit, quippe cujus exarata monumenta laudat, & ad quæ lætorem suum remittit (o); unde ex iis collectus liber hic videtur.

Historiam 40. annorum 16. Capitibus 375. complectitur, à regno scilicet Antiochi Epiphanis, usque ad Simonis Sacerdotis obitum, ab an. m. videlicet 3829. ante Chr. 171. usque ad an. m. 3869. ante Chr. 131. ante ær. 135. Atque varias hujus Regis persecutiones, egregiaque Machabæorum gesta recenset; fœdus ab ipsis cum Romanis initum, &c.

Supputationes item annorum à Mense Nisan, qui primus anni sacri mensis est, atque Martio nostro respondet, juxta Hebræorum morem exorditur; cum tamen Syri seu Græci in Syria regnantes nonnisi post sex à mense Nisan menses, nempe circa Octobris initium annum auspicentur.

Secundus Machabæorum liber majoris 376 Operis à Jafone quodam Græco de Epiphanis, & Eupatoris in Hebræos persecutione scripti, quod nostra ætate intercidit, Summa est, & epitome ab ignoto etiam græco Auctore compilata. (p)

Unde

(1) Antiq. lib. 12. c. 8. (m) In Prolog. galcat. (n) Apud Euseb. lib. 6. Hist. cap. ult. (o) 1. Machab. 16. v. ult. (p) 2. Machab. c. 2. v. 20.

Unde non mirum, quòd, contrà quàm faciat primi Machabæorum libri Auctor, iste annorum supputationem Syrorum, seu Græcorum in Syria regnantium more circa Octobrem exordiat.

- 377 Seleucidarum quoque supputationem uterque liber sequitur, nempe juxta annos Græcorum, quibus in Syria regnare cœperunt, atque non quidem ab Alexandro itagno, sed à Seleuco, qui primum post illum in Syria imperium tenuit, annos numerare incipiunt.

Duo postrema illius capita stylò planè à cæteris diversò exarata, adeò ut alium Auctorem præ se ferre videantur, gesta sub Demetrio Sotero Eupatoris successore complectuntur.

Totum opus 15. Capitibus totidem aforum historiam persequitur, quot nimirum à tentata per Heliodorum jussu Seleuci primi post Alexandrum Magnum Syriæ Regis expilatione sacri ærarii usque ad Nicanorem à Juda Machabæo devotum intercessère, id est, ab an. m. 382. ant. Chr. 162. ant. ær. 166. usque ad an. m. 3843. ant. Chr. 157. ante ær. 161.

- 378 Tertius Machabæorum nomine temerè inscriptus liber est, quòd nec ad Judam, & fratres ejus Machabæos, neque ad Epiphanis persecutionem spectet; quin potiùs historiam persecutionis sò. ante annis adversùs Judæos Egyptios à Ptolemæo Philopatore Rege Egypti mortæ describit, ac prosequitur, usque ad illius finem, qui incidit in an. m. 3787. ant. Chr. 213 ante ær. 217. At Epiphanis edictum adversùs Judæos datum est primum an. m. 3837. ante Christ. 153. ante ær. 157. Sed fortè Machabæorum nomine etiam, ut diximus, insignitus est, ob similitudinem nempe studii in legem, & avitam Religionem, quod Judæi Egyptii non secus ac Jerusalemiani diversis locorum, temporumque circumstantiis exhibuerunt. Tertium eum dici

autumat Grotius, quòd primum post duos priores scriptus fuerit, quamvis anteriora gesta contineat.

Quartus Machabæorum nomine inscriptus liber in eo totus versatur, ut quæ in secundo cap. 6. v. 7. de Eleazari primum, deinde de septem fratrum martyrio per compendium referuntur, prolixius exhibeat. Pluribus scæet erroribus, atque inter Opera Josephi Historici, cujus nomen præfert, cum in pluribus Manuscriptis, tum in nonnullis impressis exemplaribus, recenseri solet, quamquam ab ipsius stylo, & historia plurimum disterepare videatur.

Hos duos posteriores Machabæorum libros Ecclesia Catholica velut apocryphos rejicit, quamquam olim quidam Patres Græci tertium velut Scripturam sacram habuerint. Theodoretus (q), Pseudo-Athanasius (r), necnon Nicephorus in calce suæ Chronologiæ illum unacum prioribus duobus inter eos Scripturæ libros, quibus nonnulli refragantur, enumerant.

Duos verò priores, ut jam diximus, inter Canonicos sacre Scripturæ libros recenset Ecclesia Catholica. Obnituntur Aetholici, eosque unacum duobus posterioribus velut apocryphos rejiciunt, contra quos proinde ponitur

## CONCLUSIO.

381

Duo priores Machabæorum libri merito ab Ecclesia Catholica inter Canonicos, & divinos recensentur.

Prob. Conclusio 1mo. ex S. Scriptura. 1mo. Quia in his libris completa exhibentur ea, quæ longè priùs à Prophetis prædicta fuerunt: ut, quod Daniel c. 9. de abominatione in Templo futura prævidit, hi libri indicant in Antiocho fuisse completum, qui abominandum idolum desolationis, nempe propriam statuat suam posuit super Altare Dei in Templo,

S 2

&

(q) In Daniel. c. 11. v. 7. (r) In Synopsi.

& libros legis combussit, aliaque indigna perpetravit, quæ in præsentī historia commemorantur. (s)

Item, quod Deus per Zachariam prædixit (t), *visitaturum se super hircos, & ex Israele egressuros, qui exigerent, ac debellarent hircos in gloria magna.* Hieronymus Hebræorum non improbens sententiam in Machabæis completum exponit (u), qui contra hircos, hoc est, contra Antiochum, Demetrium, Gorgiam, & Nicanorem, qui per hircos à Zacharia in regno Græcorum designantur, fortiter prævaluerunt. Ergo congruum est, ut hi libri, quippe qui Prophetiarum complementa continent, eandem ac volumina illa, in quibus hæ Prophetiæ exaratæ sunt, fortiantur auctoritatem, scilicet divinam. Ejusdem enim rationis sunt Prophetia, & illius complementum, & qui prioris est Auctor, etiam posterius sacro Scriptori didasse censendus est.

2do. Joannis c. 10. v. 22. testimonium inducitur de festo Encæniorum, id est, renovationis Templi. Atqui illud desumptum est ex 1mo. & 2do. Machabæorum libris, utpote in quibus de hujus festi institutione primū agitur. (x) Ergo & jam tunc libri isti ab ipso Joanne Evangelista velut sacri habitū fuerunt, imò jam prius ab Hebræis, ut qui festum Encæniorum in illis libris institutum singulis semper annis celebrarint.

3tio. Paulus ad Hebræos scribens in hæc verba (y): *Alii autem dissentī sunt, non suscipientes redemptionem &c.* Septem fratres Machabæos illos, quorum Martyrium narratur lib. 2. Machab. c. 7. clarè videtur intellexisse, quemadmodum gravissimi Auctores cum Theodoro Cyrensi Episcopo tuerentur: hæc enim verba nemini magis conveniunt, quam septem illis fratribus absque ulla pœnarum re-

missione per omnia tormentorum genera distractis. Ergo & Paulus Apostolus libros hos divinos reputavit; ut qui ex iis veræ fidei tuendæ exempla proferat.

Prob. 2do. Conclusio ex Traditione, & 385 praxi Ecclesiæ, quæ, quamvis multi fuerint in veteri Testamento justī, singulari tamen privilegio quodam, ut ait S. Bernardus (a), his solis ex omnibus antiquis justis annuam solemnitatem decrevit. Atque etiam ex antiquissima consuetudine in sacris mysteriis, quæ pro mortuis aguntur, historiam Judæ Machabæi donaria pro peccatis mortuorum offerentis ex 2do. Machabæorū libro desumptam (a) recitat. Ergo ex antiqua Ecclesiæ traditione & praxi hi libri pro Canonici habentur.

Prob. 3tio. Ex Conciliis. Carthaginen. 383 si III. Can. 47. Romano 70. Episcoporum sub Gelasio I. Florentino sub Eugenio IV. ac denique Tridentino, quæ hos duos priores libros & Canonicos, & divinos esse declarant, & statuunt.

Prob. 4to. Ex SS. Patribus. Ex Inno-384 centio I. Papa Ep. ad Exuperium, ubi eos sacris, & Canonicis libris adnumerat. Ex Origene, in c. 5. Ep. ad Rom. Ex Eusebio Cæsariensi, lib. 12. Præpar. Evang. qui ambo horum librorum auctoritate utuntur ad confutandos hæreticos. Ex S. Cypriano, lib. de exhort. Martyrii c. 11. Ex lib. 1. Ep. 3. ad Cornelium. Ex S. Greg. Nazianz. in Oratione de Machabæis. Ex S. Ambrosio, lib. 1. Offic. & lib. 2. de Jacob. c. 10. 11. & 12. Ex S. Augustino, lib. 18. de Civit. c. 36. & lib. 2. cont. Epist. Gaudentii c. 23. Ex S. Hieronymo sup. citato. Ex S. Isidoro lib. 6. etymolog. Qui omnes libros hos & divinos, & Canonicos declarant, ac tuerentur.

Prob. 5to. Ratione Theologica. 1mo. 385 Quia hi libri sunt vehementer utiles, imò necessarii ad confutandas nostrorum præcipuè

(s) Hieronym. in c. 9. Daniel. (t) Zachar. 10. v. 3. 4. & 5. (u) In c. 24. Matth. (x) 1. Mach. c. 4. v. 56. & 57. 2. Machab. c. 1. v. 18. & c. 10. v. 3. 5. & 8. (y) Hebr. 11. v. 35. (z) Epist. 313. (a) 2. Machab. c. 12.

cipae temporum hærefes. 2do. Quia ad pietatem, & ad omnes virtutes plurimum conferunt, nosque provocant ad fortitudinem, patientiam, ac spem in afflictionibus, & ad mortem, si opus fuerit, pro pietate sustinendam. 3tio. Certitudinem, & confirmationem faciunt multarum rerum, quæ in aliis sacræ Scripturæ libris leguntur. Per multa enim, prout suprà argumentò primò indicavimus, antea à Prophetis fuerunt prædicta, quæ in his libris verissimè completa narrantur. Merito ergo sacris Scripturæ libris ab Ecclesia adnumerantur.

386 *Solvuntur Objectiones.*

Ob. 1mo. contra 1mum. Machabæorum librum. Hujus lib. c. 1. v. 1. dicitur Alexander Magnus primus regnasse in Græcia, cum tamen ante illum multi fuerint in ea Regione Reges; ut Lacedæmoniorum, Macedonum, Corinthiorum, Atheniensium, &c. (b) Ergo &c.

Resp. quòd, cum ibidem dicitur Alexander in Græcia primus regnasse, non de regno quocunque, sed de Monarchia Græcorum in Asia sit sermo, quam primus obtinuit Alexander.

387 Ob. 2do. Ibid. v. 7. dicitur Alexander Regnum suum, dum adhuc viveret, divisisse inter familiares suos. At Cornelius Nepos hanc divisionem primùm post ejus mortem factam fuisse testatur. Ergo &c.

Resp. Alexandrum Regnum suum non divisisse in Principatus absolutos, sed Satrapias tantùm: vel sub conditione duntaxat, si nempe liberos non esset relicturus. Prævia ergo tantùm fuit hæc Alexandri divisio, non absoluta; quæ deum post ipsius mortem, atque sine liberis obitum, effectum suum est sortita.

388 Ob. 3tio. Ibid. v. 9. Hi Alexandri familiares dicuntur sibi post mortem ipsius omnes imposuisse diademata. At id longè post ipsius obitum factum fuisse idem Cornelius Nepos testatur. Ergo &c.

Resp. Quòd ibi non dicatur, quasi statim post mortem Alexandri memorati Principes sibi diademata imposuerint, sed simpliciter, *post ipsius mortem*, quod longè post ab eo tempore fieri potuit.

Ob. 4to. Ibid. v. 11. Antiochus Illustris, regnasse dicitur anno Græcorum Regni 137mo cum tamen constet ex Euseb. (c), Antiochum I. an. 156. regnasse: tot enim effluxere anni à primo Monarchiæ Græcorum annò, usque ad Antiochum.

Resp. Ibi non numerari annos ab Alexandro, qui primus in tota Asia, adeoque & Syria, quæ pars Asiæ est, regnavit, sed à Seleuco, qui primus duntaxat post Alexandrum in Syria regnavit, prout monet Eusebius. (d) Cum enim Judæa esset pars Syriæ, Judæi à primo Syriæ Rege annos numerabant. A Seleuco autem, qui primus post Alexandrum soli Syriæ imperavit, usque ad Antioch. numerantur anni 137. quibus si addas annos novemdecim, qui sunt ab Alexandro ad Seleucum, habebuntur an. 156. Unde nec Auctor lib. 1. Mach. nec Eusebius falsum proferunt, sed tantùm varium supputationis annorum sumunt initium; hic ab Alexandro Magno, ille verò Judæorum more à Seleuco.

Ob. 5to. Ib. c. 8. v. 7. dicitur Antiochus 390 à Romanis captus, quod tamen est contrà omnium historicorum fidem. Ergo &c.

Resp. Hoc non absolute de captivitate propriè dicta intelligendum esse, sed tantùm, quòd Romanorum jugum suscipere coactus fuerit, quod verum est.

Ob. 6to. Ib. v. 8. dicitur, quòd Romani 361 Indiam, & Mediam Eumeni tradiderint; at certum est, has provincias nec sub potestate Romanorum, nec ab Eumene gubernatas fuisse. Ergo &c.

Resp. Hic esse errorem librariorum, ac pro *India Myndiam*, & pro *Media Mysiam* substitui debere. Sicque tollitur difficultas.

Ob. 7mo. Eodem c. 8. v. 15. memorantur 320. viri, quos quotidie Romani consulebant

(b) Apud Euseb. in Chron. (c) Loc. cit. (d) in Chron.

sulebant &c. cum tamen Romæ nunquam ultra 300. Senatores fuerint.

Resp. 1mo. Ab aliis numerum rotundum fuisse observatum, adeoque in Vulgata nostra locò 320. legendum esse 300. Resp. 2do. Cum 320. viri illi, quos quotidie consuluisse Romani ab Auctore lib. 1. Machab. memorantur, non dicantur ab eo fuisse Senatores, alii præter Senatores è Magistratu etiam ad consilium vocati fuisse dici possunt.

- 393 Ob. 8vo. Ibid. v. 16. Romani dicuntur singulis annis committere uni viro Magistratum suum, & omnes uni obedire; cum tamen certum sit, tum temporis ab his duos fuisse creatos Consules. Ergo &c.

Resp. Etsi tunc temporis duo crearentur Consules, non simul tamen, sed alternis diebus hi imperabant. Hujus rei testimonium facit infelix pugnae Caurenensis exitus, cujus causa fuit alterius Consulibus, penes quem eo die imperium erat, temeritas. Itaque licet duo Consules essent, unus tamen tantum imperabat, *ne videlicet*, inquit Titus Livius (e), *si duo simul imperarent Consules, Regibus exaltis, non remotus, sed duplicatus terror videretur.*

- 394 Ob. 9no. Ibid. c. 10. v. 1. Alexander dicitur Antiochi filius, quod aperte falsum est. Ergo &c.

Resp. Alexander ille, de quo hic fit mentio, cognomento Balas, homo fuit ignotus, & incertæ stirpis teste Livio (f), Antiochi se esse filium falso dictitans, ut ait Sulpitius Severus. Quia ergo se ipsum Antiochi filium dicebat, hæcque esset vulgi opinio, merito illum etiam ita nuncupat Auctor lib. 1. Machab.

- 395 Ob. 10mo. Ib. c. 12. v. 7. Darius dicitur Lacedæmoniorum, seu Spartiatarum Rex; quod falsum est. Ergo &c.

Resp. Hic librarius errorum irrepsisse, & pro Dario ponendum esse *Arium*, prout legitur c. 1. & 20. necnon alibi &c.

Verum post Romanam correctionem hoc loco *Darius* expunctus est, & ejus locò positus *Arius*.

Ob. 11mo. Contra 2dum Machabæo-396 rum librum. Hujus lib. c. 1. v. 16. dicitur Antiochus Illustis, seu Epiphanes, in Templo Nanæ cum multis ex suis membratim cæsus fuisse. At contra prius, nempe lib. 1. c. 6. v. 16. dicitur mortuus Babylonē in lecto suo præ animi dolore. Imò eodem lib. 2. c. 9. v. 5. 7. & 28. dicitur idem Antiochus à Deo percussus insanabili, & invisibili plagâ, ac tum diro viscerum dolore, tum quia de curru in itinere cadens gravi corporis collisione membra ipsius vexata fuerunt, miserabili obitu defunctus esse. Ergo &c.

Resp. Ubique esse eundem Antiochum Epiphanem, seu Illustrem: potuit enim corripui viscerum dolore, & insuper cadere ex curru, atque sic æger deferri Babylonem, atque ibi, addito animi mœrore ex allato rei malè à suis in Judæa gestæ nuntio contabuisse. Et quamvis c. 1. hujus libri 2. dicatur cecidisse in Templo Nanæ, atque fuisse percussus, necnon multi ex suis membratim cæsi fuerint, non tamen sequitur, quod ibi membratim cæsus interierit, neque id de eo asserit facit textus, sed de sociis ipsius tantum; cæsis quidem, ac membratim cæsi ipsius socii, ipseque cecidisse dici potest, quod unâ cum iis, quorum multi occisi sunt, fusus, fugatusque fuerit; quemadmodum Scriptura Genes. 4. narrat Regem Sodomorum in prælio cecidisse, quem tamen paulo post viventem, & Abrahæ occurrentem introducit. Itaque Antiochus in eo sensu cecidisse dicitur, quoniam ipsius milites cæsi, & percussi fuerunt, ipseque turpi fugâ elapsus, fortè etiam vulneratus, in ipso itinere è curru cecidit, & paulo post mortuus est. Profectò quod dicitur hoc libro 2. c. 9. v. 1. & 2. de eodem Antiocho, quod nempe in Perside Templum spoliare volue-

(e) Lib. 2. (f) Epitom.

voluerit, ac turpiter fugatus sit, omnino convenit cum his, quæ eiusdem libri c. 1. v. 16. de illo narratur, quod videlicet in Templo Nancæ ceciderit, & percussus fuerit, ac quod multi ex ipsius militibus membratim cæsi fuerint.

- 397 Ob. 12mo. lb.c. 1.v. 10. Judas scripsisse epistolam dicitur anno 188. cum tamen prius nempe lib. 1. c. 9. v. 3. & 8. dictus fuerit obiisse in prælio contra Balthidem annò 152. Ergo &c.

Resp. Verba hæc: *Anno centesimo octogesimo octavo*, quæ haberetur lib. 2. c. 1. v. 10. non esse principium Epistolæ sequentis à Juda & sociis scriptæ, quæ ab Auctore libri 1mi prætermissa duntaxat, hic inseritur, sed finem præcedentis, quæ scripta fuit à toto Judæorum populo duce Joanne Hircano. Id aperte indicant græci Codices, qui post adducta verba *Anno &c.* distinctionem constituunt. Et profecto id exigere videtur ipsa ratio, ut quia verba hæc posita sunt inter initium unius Epistolæ, & finem alterius, numerusque annorum potius in fine, quam in principio Epistolæ alicujus poni soleat, ea verba ad præcedentem potius quam subsequenter Epistolam referantur.

Alii dicunt, Judam, qui initio Epistolæ ad Aristobulum & Judæos in Ægypto commorantes scriptæ, necnon c. 1. lib. 2. Machab. recensitæ memoratur, non esse Judam Machabæum jam antequam hæc epistola scriberetur, spatio 36. annorum vitæ functum; sed Judam illum Essenum, quem Antigoni eadem prædixisse, neque in vaticiniis suis falli unquam solitum fuisse refert Josephus. Hac ratione difficultas momentò solvitur.

- 398 Ob. 13tio. Ibid. v. 19. dicuntur Israëlites in Persidem captivi fuisse abducti; at certum est, non in Persidem sed Babylonem abductos eos fuisse abductos. Ergo &c.

Resp. Hujus libri Auctor Persidem vocat non solum eam Regionem, quæ propriè Persis dicitur, sed etiam alias finitimas, prout patet ex lib. 1. Machab. c. 6. v. 5. ubi nuntius, qui venit Babylonem ad Antiochum, dicitur venisse ad eum in Persidem. Unde etiam S. Chrysostomus Judæos ex captivitate Persica liberatos fuisse dicit. (g) Persis enim tunc celeberrima erat, Chaldaea verò satis obscura.

Ob. 14to. Eodem lib. c. 2. v. 5. & 7-399 dicitur, quod Jeremias, dum spoliaretur & incenderetur à Chaldeis Urbs Jerusalem, & Templum ejus, absconderit Tabernaculum, & Arcam fœderis in spelunca quadam montis Nebo, & dixerit, locum illum fore occultum, donec Deus iterum congreget populum suum. At 1mo. Jeremias, antequam Urbs ista à Chaldeis caperetur, semper fuit in carcere, atque in Jerusalem penè omnibus erat invisus. (b) Capta autem urbe Chaldaei omnia diripuerunt (i), nec quidquam remansisse videtur, quod Jeremias absconderet. 2do. Falsum est, quod iterum revertentes à captivitate essent Arcam, & Tabernaculum habituri; neque enim postea unquam habuerunt. Ergo &c.

Resp. ad 1mum quod Nabuchodonosor ter in Judæam venerit; 1mo tempore quidem Eliacim aliàs Joachim (k), 2do sub Joachim Rege (l), & 3tio tempore Sedecia. (m) Jeremias sub Sedecia quidem semper fuit in carcere, at sub Joachim liber erat, ac in magna auctoritate; adeoque tunc potuit & Tabernaculum, & Arcam asportare; potuit & id capta jam civitate, utpotè qui apud Nabuchodonosorem multum valebat (n); & certè cum Jeremias ipse omnia enumerat, quæ ex Templo Domini Chaldaei abstulerunt, omnino de Arca & Tabernaculo silet. (o)

Ad

(g) Rom. 6. in Matth. (h) Jerem. c. 37. v. 38. (i) 4. Reg. c. ult. (k) 2. Paralip. c. ult. (l) 4. Reg. c. 24. (m) lb.c. 25. (n) Jerem. c. 39. (o) Ibid. c. 52.

Ad adum concedimus, Judæos non ampliùs recepiſſe Arcam; neque enim cit. c. 2. v. 7. & 8. locuſe fuiſſe dicitur Jeremias de illa reverſione, ſeu congregatione populi, quæ contigit tempore Cyri; ſed vel de tempore noviffimo, quod proximè extremi judicii diem præcedet, ut vult Epiphanius (p); vel myſticè id intelligendum eſt, Arcam videlicet apparituram, nempe Chriſtum in carne venturum in nova populi congregatione, ut exponit Rupertus. (q) Hæc omninò ita intelligi debere vel ipſe textus innuit, ſic enim habet. (r) *Et acceſſerunt quidam ſimul, qui ſequébantur, ut notarent ſibi locum: & non potuerunt invenire. Ut autem cognovit Jeremias, culpans illos dixit, quòd ignitus erit locus, donec congreget Deus congregationem populi, & propitius fiat: & tunc Dominus oſtendet hæc, & apparebit Majeſtas Domini &c.*

Ob. 15to lb. c. 10. v. 3. dicitur Judas 400 purgaſſe Templum bienniò poſt mortem Antiochi. At lib. 1. c. 4. v. 43. legitur, quòd Judas illud purgaverit anno 148. id eſt, unò annò ante obitum Antiochi, qui obiit annò 149. (s) Ergo &c.

Reſp. cit. lib. 2. c. 10. narrari quidem, poſt mortem Antiochi repurgationem Templi factam eſſe, at non aſſeritur, eam factam eſſe poſt illius obitum; voluit enim Auſtor abſolvere ea, quæ de Antiocho dicturus erat, & tum redire ad Judam, & Templi purgationem. Cùm autem hæc poſt biennium facta dicitur, non ſignificatur poſt biennium à morte Antiochi, ſed poſt biennium à profanatione hujus Templi. Nam profanatum fuit Templum anno 145. ut dicitur lib. 1. c. 4. Unde rectè Euſebius in Chronico poſt Joſephum (t), Templum repurgatum fuiſſe terciò à profanatione annò, id eſt, poſt biennium exactum, ait.

Quidam volunt, hanc Templi repurgationem non poſt biennium ab ipſius profanatione factam fuiſſe, ſed bienniò poſtquam Judas patri ſuo Matthatiz in Principatu ſucceſſerat. Nam Templum jam ante juſtum triennium profanatum fuiſſe, atque in eo à Gentibus ſacrificari cœptum tuerent, cùm jam ſex menſibus ante hoc triennium etiam Sancta violafſent, quæ à Judæis mundata dicuntur lib. 1. c. 4. v. 43.

Ob. 16to. lb. c. 12. v. 43. dicitur Ju- das pro mortuis Sacrificium offerri juſſiſſe. Atqui præpoſterus eſt zelus iſte & ſuperſtitioſus. Ergo &c.

Reſp. Neg. min. Nam orare promortuis, quos in cœlo eſſe certum non eſt, pium & religioſum eſſe tuemur, idque ſuò locò demonſtrabimus. Interim Adverſariis hîc ſufficiat auctoritas S. Auguſtini, qui ex adducto 2. Machab. c. 12. textu probat pium eſſe orare promortuis. (u)

Inſt. Sed illi, pro quibus Judas orare 402 juſſit, deceſſerant lethali crimine obligati. Atqui pro talibus orare non licet. Ergo &c.

Reſp. Judas piè exiſtimavit, eos in articulo mortis dolore de peccato ſuo coram Deo concepiſſe, & miſericordiam apud Deum inveniſſe, quod hæc verba ibidem ſubjuncta ſignificare videntur (x): *Quia conſiderabat (Judas) quòd hi, qui cum pietate dormitionem acceperant, optimam haberent repositam gratiam.*

Ob. 17mo. Hujus libri Auſtor c. ult. 403 v. 39. veniam petit erratorum. Atqui id nullus ſacer Scriptor dicere poteſt; niſi quis dicere malit, Spiritum ſanctum errori eſſe obnoxium; eo enim inſpirante, & dictante ſcripſerunt ſacri Auſtores. Ergo &c.

Reſp. Neg. min. Ratio habetur ex dictis ſupra part. 1. c. 4. à pag. 28. ubi demonſtravimus, quosdam ſacros Scriptores, etſi quoad res ipſas, illarumque ſenſum à Deo fuerint inſpirati, tamen quantum ad verborum compoſitionem, & ſtylum ſibi ipſis

(p) In viſa Jerem. (q) Lib. de viſt. verb. c. 21. (r) Lib. 2. Machab. c. 2. v. 7. & 8. (s) Lib. 1. Machab. c. 16. (t) Lib. 12. Antiq. c. 10. (u) Epiſt. ad Dulcitium. Item lib. 1. de moribus Eccleſ. Et lib. de cura pro mortuis c. 1. (x) 2. Machab. c. 12. v. 45.

ipsis interdum fuisse relictos, prout sibi ipsi hoc sensu & ratione relictus fuit Auctor libri hujus; ergo quantum spectat ad verborum compositionem, & orationis suæ stylum veniam rogat, si quid minus continet locutus fuit; non verò quantum ad sententias, seu res, ipsarumque sensum, quæ omnia ex Spiritûs S. speciali assistentia, & inspiratione exaravit.

404 Ob. 18vo. Hi duo priores Machabæorum libri in Canone Hebræorum desiderantur. Ergo nec nos in Canonem Scripturarum sacrarum illos referre possumus, aut debemus.

Resp. neg. conf. Huic objectioni jam alibi passim, ubi nobis sermo fuit de sacræ Scripturæ libris illis, quos Adversarii è Canone excludendos esse arbitrantur, satisfecimus. Cum hi duo libri tunc primum scripti fuerint, ubi Hebræorum Canon jam diu antè clausus fuerat, mirum non est, quòd in eum relati non fuerint; quo etiam factum, ut Veteres quidam, qui sacrorum librorum Canonem ad normam Canonis Hebræorum duxerunt, illos etiam omiserint; quin tamen inde sequatur, quasi illos tanquam sacros non haberint, præsertim cum apud cæteros veteres Patres veluti sacri, & divini haberentur. Et profectò Judæi ipsi, quanquam ex allata ratione Canoni ipsorum adscripti non essent, illos tanquam sacros legerunt, &c.

405

### CAPUT III.

#### De libris Sapientialibus veteris Testamenti.

Libri Sapientiales, seu Morales veteris Testamenti, prout suprà part. 1. c. 1. dictum, quinque numerantur: scilicet Proverbia, Ecclesiastes, Cantica, Sapientia, & Ecclesiasticus. De quibus singulis breviter agendum.

P. Courtier Theol. Tom. I.

#### De libro Proverbiorum.

406

Proverbiorum nomen apud Hebræos parabolæ, similitudines, sententiæ morales, axiomata, comparationes, ænigmata, poetico stylò, brevi, figuratò, & gravi proposita censentur.

Liber, qui in sacra Scriptura eo nomine venit, cujuscunque conditionis hominibus instituendis regulas aptissimas præscribit; Regibus scilicet, Aulicis, rebus gerendis implicitis viris, Heris, servis, parentibus, & filiis. Dignus proinde, qui ab omnibus diligenter, & frequenter evolvatur. Triginta & unum sunt illius capita.

An solum Salomonem habuerit Auctor 407 rem aliqui dubitarunt, ut Grotius, sed contra omnium Patrum sententiam. Fatendum tamen, varium stylum, variamque methodum in hoc Opere reperiri: Novem enim priora illius capita, quorum fronti inscriptus legitur hic titulus, *Parabola Salomonis*, continenti stylò descripta, totius libri præfationem constituunt. Caput 10um novò titulò instituitur, sed etiam sub Salomonis nomine, cujus & subsequentium capitum usque ad 24. v. 22. etiam alius est stylus brevioribus sententiis vix mutuo cohærentibus, & per antitheses ferè dispositis intercisus. Novus inde titulus: *Hæc quoque sapientibus*, id est, *En alias sapientum sententiis*, novusque stylus concisus, & gravis. Iterum initio capitis 25. hæc habentur: *Hæc quoque parabola Salomonis, quas transtulerunt viri Ezechia Regis Juda*. Rursus initio cap. 30. *Verba Agur filii Jake*, prout habet textus hebraicus, quod latinus Interpres vertit: *Verba congregantis filii vomentis*. Tandem cap. 31. omnium postremum inscribitur titulus: *Verba Lameletis Regis*; quod ita ex hebraico latine reddi potest: *Verba ejus, qui Dei est, vel qui à Deo possidetur*. Videtur idem esse Salomon, idque nomen illi à matre inditum, ut illum Deo à se dicatum significaret.

Ex his omnibus non obscurè tenemus, huic Operi, quale nunc extat, adornando

T

variis



variis collectis Salomonis parabolis plures Scriptores operam contulisse. Ex quotamen nulla ratione inferri potest, Salomonis Opus non esse. Cùm enim Princeps iste divino Spiritu sapiens 3000. parabolarum dictasse dicatur (y), fieri utique potuit, ut ex illis quaedam excerptæ fuerint à nonnullis, putà ab Ezechia (z), ab Agur, (nisi nomen istud symbolicè ipsum Salomonem denotet) ab Itiaia, ab Esdra, &c. atque ita excerptæ librum tandem conficerent. Nullibi sanè liber iste, prout nunc extat, à Salomone scriptus fuisse proditur, titulusque *Parabola Salomonis* Auctorem potius, seu prolatorem, quàm Collectorem indicat.

Vulgò docent Rabbini (a), Regem Ezechiam, ut populum Salomonis Operibus, iis maximè, quæ de plantis, & sensibus naturæ scripsit, abutentem averteret, pluribus illius suppressis inscriptionibus, eas tantùm reliquisse, atque litteris commendasse, aut commendari curasse, quæ adhuc supersunt.

408 Hic Proverbiorum liber velut Canonicus ab omnibus semper habitus est, si ex Veteribus Theodorum Mopsuestenum excipias. (b) Ex recentioribus verò Auctorem Epistolæ insertæ collectioni de placitis quorundam Hollandiæ Theologorum, qui Salomonem humanò fretum ingenio Opus istud dictasse autumat. At horum duorum duntaxat auctoritas tanta apud nos esse non debet, ut ejus gratiâ omnium aliorum Auctorum & Ecclesiarum sententiam deferere possimus, vel audeamus.

409 Unicum hic objicitur C. 26. v. 4. dicitur: *Ne respondens stulto juxta stultitiam suam, ne efficiaris ei similis.* Et v. 5. immediate sequenti contrà dicitur: *Responde stulto juxta stultitiam suam, ne sibi sapiens esse videatur.* Atqui hæc sunt apertè contradictoria. Ergo &c.

Resp. Docent quidem hi duo textus stulto respondendum esse, & non respon-

dendum, sed non in eodem sensu, siisdemque circumstantiis; prior enim sic intelligendus est, ut doceat, non imprudenter respondendum esse stulto, verbis scilicet reciprocis, hoc est, spurca, & probrosa ab illo prolata verba in ipsum regerendo; quia id frustra fieret, idque esset eum imitari eique similem fieri. Posterior verò docet, stulto interdum tamen esse respondendum, maximè quando ejus stulticia vergit in Dei offensam, non quidem verbis, sed locò verborum reponendo verbera, puniendo scilicet, & corrigendo eum, non zelò vindictæ, sed justitiæ, vel charitatis; ne si fortè impunitus abeat, deterior, & petulantior evadat.

### De libro Ecclesiastis.

410

Liber hic in Hebræo inscribitur *Cobeletb*, sœmini generis nomen, significans illam, quæ publicè verba facit, seu quæ cœtum indicit. A Græcis, & Latinis neglecto sœminino genere *Ecclesiastes*, id est, *Concionator* dictus est.

Duodecim capitibus liber absolvitur, quibus ea argumenta, quæ postmodum Saducæi, & Epicurei protulerunt, per antecessum sedulò proponuntur, & dissolvuntur. Rerum hujus mundi vanitas, humanorum negotiorum futilitas, atque scientiarum incertitudo detegitur. Objectionum adversus animæ immortalitatem vis exponitur, ac diluitur. Denum disputationem suam hisce claudit Auctor: *finem loquendi pariter omnes audiamus: Deum time, & mandata ejus observa.* Hæc quippe est munusculum hominis summa, & unica ad felicitatem via.

Salomoni etiã Opus istud tribuitur, nec immeritò, se ipsum quippe statim libri initio prodere videtur his verbis (c): *Verba Cobeletb, seu Ecclesiastæ filii David Regis Israël.* Deinde ibid. v. 12. ait se fuisse Regem in Israël, & v. 16. se omnium prædecessor.

(y) 3. Reg. c. 4. v. 32. (z) Prov. 25. (a) Apud Calmet dict. Bibl. Verb. *Proverbia*. (b) Conc. Constantinop. IV. Collat. 4. Art. 63. (c) C. l. v. 1.

decessorum suorum, qui Ierosolymæ regnarunt, sapientissimum ac felicissimum fuisse. C. 2. v. 4. &c. Opera sua, divitias, & delicias suas commemorat. tum c. 12. v. 9. Parabolas quas composuit &c. Quæ omnia nonnulli Salomoni ipsi convenire possunt.

Nonnulli tamen viri eruditi Opus istud Salomoni abjudicarunt. Grotius (d) diu post Salomonem concinnatum putat à Zerobabele, cum in gratiam filii sui Abiud, tum ut æternum poenitentis Salomonis monumentum extaret.

413 Auctor placitorum quorundam Hollandiæ Theologorum autumat, librum istum esse Dialogum inter virum Religiosum, & impium Saducæum: (e) In eo siquidem plura invicem repugnantia, quæ uni eidemque personæ convenire non possunt, sibi visus est animadvertisse.

Verum nec de Zerobabele ulla est probabilis conjectura, nec Dialogi alicujus vestigium quoddam in hoc libroprehendimus; repugnantes quippe inter se propositiones, & sententiæ ejusdem sunt Salomonis, qui de rebus in utramque partem disputat, atque Saducæorum argumenta dissolvit.

414 Verum obijci potest, quod c. 2. v. 8. de seipso dicat Auctor: *Ego os Regis observo*. quod de se Salomon proferre non potuit, quippe qui ipsemet Rex fuit, nec ullum Regem observandum habuit. Ergo non videtur liber iste esse Salomonis Opus.

Respondet S. Hieronymus, hic non alium Regem, quam Deum ipsum significari.

Sed dicimus nos, sententiam hanc in Vulgata nostra esse mendolam, legendumque esse, *Os Regis observa*, in imperativo, prout legunt Septuaginta Interpretes, Targum, textus Syrus, & Arabs.

Dum hæc scriberet Salomon respuisse jam, atque pristinos errores suos, rerumque terrenarum fucum, labente jam ætate, in eo libro deservisse, S. Hieronymus, plurimique Commentatores cum Judæis asserunt; ejusdemque rescipiscentiæ non obscura indicia in ipso opere exhiberi; fateatur enim, se nihil eorum, quæ sensibus adblandiuntur, inexpertum reliquisse, nihil tamen unquam invenisse, in quo non fucus magis, quam veritas inesset. Hæ tamen rationes tanti roboris non sunt, ut Salomonis salutem extra omnem controversiam ponant; quæ de re adhuc in utramque partem disceptatur.

Qui Scripturarum Canonem post captivitatem Babylonicam consecrerunt, testantibus Rabbiniis, & S. Hieronymo, diu multumque de Ecclesiaste hæsitant, num in illum esset referendus. Res enim plena periculi videbatur, si legendus liber traderetur, in quo plures periculose sententiæ, phrasæque de animæ immortalitate scrupulum injicientes occurrunt. Cum igitur ea de re deliberarent, tandem animadversis iis, quæ de timore Dei, atque legis custodia Auctor in eo dissertit (f), ad illum probandum inclinarunt: ad quam sententiam Judæi omnes & Christiani accessere, uno tamen excepto Theodoro Mopsuesteno (g), qui Salomonem nullo Dei Spiritu aflatum hæc scripsisse ausus est asserere.

Fuere etiam Hæretici apud Philastrium (h), qui idem Opus velut Epicureis (i) favens rejiciebant, qui ob id ab Ecclesia damnati fuerunt.

Ob. Ecclesiasticus c. 3. v. 19. dicitur: *Unus interitus est hominis & jumentorum, & aqua utriusque conditio: sicut moritur homo, sic & illa moriuntur, similiter*

T 2

spiciant

(d) Præfat. in Eccl. & c. 12. v. 11 & 12. (e) Saducæi à Sadoc Magistro suo, qui in sexta mundi ætate circa annum mundi 3740. ante Christ. 260. ante æram 264. vixit, sic dicti, eam apud Hebræos Sectam constituerunt, ut nearent animæ immortalitatem, & nihil proinde præmii, aut poenæ in altera vitæ esse expectandum, ut quæ nulla sit &c. (f) C. 12. (g) Conc. Const. V. A. 4. (h) in Catal. Hæ. c. 132. (i) Epicurei ab Epicuro Philosopho sic dicti, summam beatitudinem in corporis voluptatibus collocasse dicuntur.

*Spirant omnia, & nihil habet homo jumentis amplius. . . . Quis novit, si spiritus filiorum Adam ascendat sursum, & si spiritus jumentorum descendat deorsum? Et tamen ibid. c. 12. v. 7. dicitur: Revertatur pulvis in terram suam unde erat, & spiritus redent ad Deum, qui dedit illum.*

Resp. Scripturam in priori textu loqui in persona, & sententia hominum impiorum, qui putant, non aliam post mortem superesse vitam, morique homines sicut bruta etiam quoad animam. In posteriori verò loqui in persona, atque sententia hominum verè fidelium, pieque ac verè de animæ immortalitate, & de altera post mortem futura vita sentientium, sique perfectè conciliantur hi duo textus. Et eadem ratione respondetur ad hujusmodi contrarios textus frequenter in libro hoc occurrentes. Nam plerumque in eo primum impiorum hominum argumenta proponuntur, quæ postea gravi & concisa oratione solvantur.

### De libro Canticorum.

Ex 1000. Canticis, quæ Salomon distasse dicitur (k), solum superest liber *Cantici Canticorum*, sic per excellentiam nuncupatus, Hebræis *Sebir Aschirim* dictus, id est, *Excellentissimum Canticum*.

Compositum à Salomone creditur, in suis cum filia Regis Ægypti nuptiis. Est enim, ait Origenes (l), Epitalamium, seu nuptiale carmen in modum dramatis conscriptum. Octo sunt illius capita, in quibus septem dierum, & totidem noctium fit mentio, quod ex more Hebræorum nuptias per septem dies celebrandi desumptum est. (m)

Ea, quæ his septem nuptiarum diebus contigerunt, stylo adeò florenti, & ab historico ita discrepante conscripta sunt, ut Hebræi, verici, ne nimis ad litteram intelligerentur, libri hujus lectionem ante annum ætatis trigessimum prohibuerint (n); quod & Christiani servarunt, inter quos plerique haud contemnendi nominis Expositores existimant, explanationem illius in juventute etiamnum non esse attingendam, sed in solatium Christianæ senectutis, ac sanctæ migrationis viaticum reservandam, exemplò sanctorum virorum Bernardi Clarevallensis, Gilberti Hollandi, Thomæ Aquinatis, & Gersonii, quibus in meditatione, & expositione hujus operis mortalitatem feliciter exuere contigit. (o) Certè hominibus carnalia tantùm sapientibus liber iste nocuum esse potest, ut quibus de contemnendis sacræ Scripturæ libris, ne quid ampliùs dicamus, cogitationem injicere possit.

Non ergo ad litteram, seu carnem, & sanguinem, sed secundùm Spiritum hujus Libri mysteria sunt rimanda. Id ipsa illius verba demonstrant, quæ se juxta litteram exponi non patiuntur; similitudines enim, quibus adamatam sponsam illam describunt, secundùm exteriorem vocis sonum intellectæ, magis eam deformant ac deturpant, quàm illustrent, & exornent. Quid enim ineptius dici aut fingi potest, quàm quæ hæc de Sponsa referuntur? videlicet, quòd habeat amplum caput instar montis Carmeli; oculos similes piscinis magnis, quæ sunt in Efebon; nasum magnitudine suæ præ se ferentem turrim, quæ respicit contra Damascus; dentes sicut greges ovium; collum sicut arcem Sion, ex qua mille pendent clypei; manus tanquam

(k) 3. Reg. c. 4. v. 32. (l) Comment. in Cant. Cant. (m) Genes. 29. v. 22. Judic. 14. v. 12. 15. & 17. Tob. 3. v. 25. (n) Origen. & Theodoret. in Cant. Hieronym. Præfat. in Ezech. el. (o) R. P. Germanus Cartier hujus Tractatus an. ætatis suæ 52. opus opus per modum meditationum satis feliciter exposuit. Extant adhuc MSS.

quam sphaeras aureas; crura sicut columnas marmoreas supra bases aureas erectas; quod sit decora sicut Ierusalem; terribilis ut castrorum acies ordinata; &c. Quæ omnia nimis rudia, agrestia, & incondita sunt, quam ut de filia Regis Egypti, vel Sulamite intelligi possint, aut debeant.

421 Oportet igitur, si Salomonem omnium hominum sapientissimum, ut par est, ineptiæ notâ liberare velimus, verba Cantici hujus à carnali ad spiritualem, ad mysticum sensum, & intelligentiam revocare, ac in eo castas mystici Sponsi Christi ac Sponsæ ejus Ecclesiæ, vel animæ nuptias à Salomone, Deo inspirante, hoc volumine, velut Epitalamiû, adumbratas, & decantatas intelligere. *Epitalamium libellus iste videtur*, inquit Origenes (p), *à Salomone conscriptus, quem cecinit iustar nubentis Sponsa, & erga Sponsum suum, qui est sermo Dei celesti amore flagrantis. Adamavit enim eum, sive anima, quæ ad ejus imaginem facta est, sive Ecclesia. Sed & magnificus hic ipse, atque perfectus Sponsus, quibus verbis usus sit ad conjunctam sibi animam, vel Ecclesiam, hæc ipsa Scriptura nos docet. Sodales quoque Sponsa adolescentula cum ipsa Sponsa posita, quæ dixerint, quaque etiam amici ac Sodales Sponsi ex eodem libro, qui Canticum Canticorum adicitur cognoscimus.* Hæc Origenes; ex quibus evidentissimum est, per unicam Salomonis amicam, Sponsam, & columbam, significari Ecclesiam, quæ Christi Sponsa est; & per Reginas, & concubinas, sanctas animas Christo per charitatem conjunctas, sicut per Salomonem, hoc est, *pacificum* (sic enim nomen istud interpretatur) Christus verè pacificus designatur.

422 Ut ergo verum hujus libri sensum, & mysteria assequamur, non ad carnem,

& sanguinem, ut jam diximus, sed ad Christi cum humana natura, cum Ecclesia, & cum anima Iusti nuptias spirituales omnia sunt referenda; hæc veluti clavi ea, quæ in hoc libro dicta videntur de nuptiis humanis, de supernaturali, & divino connubio dicta esse intelligemus.

Librum hunc cùm Synagoga, tùm 423 Ecclesia inter Canonicos sacra Scripturæ Codices semper habuere. Ex antiquis solus Theodorus Mopsuestenus, & fortè quidam Anonymi apud Philastrum illum rejecerunt. Nonnulli ex Rabbinis de ejus inspiratione divina dubitare visi sunt; Anabaptistæ verò tanquam perniciosum librum eum repudiant, quos sequi adeatur Castalio, dum ait (q), Canticum istud esse colloquium Salomonis cum amica sua quadam Sulamite, ad cujus porrò Aulicas foeminas Salomon etiam interdum sermonem dirigit, & ipsæ quoque vicissim ad illum, & illam. Lutherus verò paulò mitius de eo loquitur, ait enim (r), Libellum hunc esse familiare colloquium Salomonem inter & Republicam Judæorum invitantem Salomonem dilectum suum ad regnandum super eam.

Sed his omnibus prævalere debet Ecclesiæ, & Synagogæ auctoritas pro spirituali & mystico illius sensu, & inspiratione divina testimonium unanime ferentium.

Ob. quidem timo. Liber hic nihil di- 424 vinum præ se fert, sed est obscena impudici amoris cantilena, seu garritus conjugum inter se, seu inter Salomonem, & filiam Regis Egypti, quam uxorem duxerat. Ergo nullo pacto inter Divinos, & Canonicos libros recenseri potest, aut debet; quin potius ab illius libri lectione omnes arceantur, necesse est, ne inter legendum illum ad amorem profanum alliciantur.

T 3

Resp.

(p) In Cant. Cant. (q) In annot. ad hunc lib. (r) In annot. ad Cant. Cant.

Resp. neg. ant. Primum exposuimus, quoniam sensu sententiæ & verba libri hujus etiamnum ab ipso Salomone fuerint intellecta, non carnali videlicet, sed spiritali. Secus enim nec Synagoga, omnesque Judæi, nec ipsa Ecclesia, omnesque sancti Patres, & sacre Scripturæ Interpretes illum tanquam divino afflatu conscriptum, & canonicum suspexissent. Canticum ergo istud non est colloquium Salomonis cum filia Pharaonis aut Salamite aliqua, sed Christi, quod vel cum Ecclesia, quam acquisivit sanguine suo, quamque sibi, media Incarnatione sua, desponsavit; vel cum anima, quam per fidem sibi copulatam imbuat sanctitatis doctrinâ, & vitæ spiritualis perfectione, per Metaphoras, similitudines, & parabolas instituit.

427 Ob. 2do. Librum hunc nec Christus, nec Apostoli unquam laudarunt; nec etiam in eo vel semel tantum fit de Deo mentio. Ergo nec divinus est consensus.

Resp. neg. conf. Multi sunt alii sacre Scripturæ libri, quos nec Christus, nec Apostoli laudarunt, qui nihilominus sacri sunt & divini. Quod autem in eo nulla fiat de Deo mentio, in causa est, quia ipsemet Dei filius sub Sponsi allegoria in eo inducitur; debuit proinde juxta allegorizæ leges ejus nomen sibi, & Sponsus induci. Certè etiam in libro Elther nulla fit de Deo mentio; illum tamen velut Spiritus sancti Opus omnes cum Judæi, tum Christiani venerantur.

426

### De libro Sapientiæ.

Liber Sapientiæ, seu juxta Græcos, *Sapientia Salomonis*, apud quosdam veteres *Pnauetos*, id est, collectio omnis virtutis, sive institutionis ad virtutem dictus est.

Novemdecim sunt illius Capita, in quibus Auctor Regibus, Principibus, & Judicibus instituendis potissimum versatur: illos enim alloquens cap. 6. omnes suas sententias ad hunc scopum dirigit. Vias ad veram Sapientiam indicat, easque planiores, & minus arduas esse, quam vulgi færat opinio, demonstrat. Judiciorum Dei metu iniquos urget, qui etiam visò justorum in altera vita præmiò miserè invidiâ scrutabuntur. Sapientiæ autem inter homines commoda, & utilitates exaggerat; tum hujus hominum Sapientiæ virtutem, sicut & æternam Sapientiam præclaris elogiis profecquitur. Nullus quoque in S. Scriptura liber invenitur, in quo Numinis supremæ idea magnificentius exprimitur.

Græcum; quem habemus, hujus libri 427 textum, & ex quo latina Versio prodiiit, ex Hebraico archetypo vel conversum, vel collectum vult Huetius (s), quod in eo Hebraismi occurrant. Carmine illum fuisse adstrictum, perinde ac reliquos Salomonis libros, & Jobum, necnon Psalmos, nonnulli è Veteribus memoriz prodiderunt.

Ab aliis tamen Originalis ejus textus Græcus creditur; neque enim, contrà quàm sentiat Huetius, Hebraismos, aut barbarismos ullos in eo deprehendi aiant. Profectò illius Scriptor cultissimò stylò utitur, nec tantùm à limine Platonis & Græcorum Poëtarum Opera salutasse videtur, cum ex eisdem Poëtis phrasés sæpè mutuari eum non obscurè appareat, ut quando *Ambrosium*, quod Vulgata *bonum escum* vertit (t), *amum oblivionis* (u), *Regnum Platonis*, sive *Adoci*, quod Vulgata *Regnum inferorum* interpretatur (x), & alia plura commemorat. Epithetis autem refertus, rotundus quidem, temensque, sed turbidus ac poeticus fuit. Judæis Auctoribus etiam ignotus

(s) Propos. 4. de lib. Sapient. n. 2. (t) C. 19. v. 20. (u) C. 7. v. 13. (x) C. 17. v. 18.

ignotus non fuit; ex illo quippe non semel adducunt testimonia, ex Græco textu tamen semper deprompta.

- 418 Latina hujus libri Versio non est S. Hieronymi, quod ipsemet fateatur (y), sed ex vulgata veteris Ecclesiæ Scriptura juxta Græcum ante Hieronymum adornata superest. Hujus Latine Versionis veritissimus Auctor textui constanter adhæret, qui licet aureis latine lingue temporibus floruerit, vocibus tamen minus selectis quandoque utitur; v. 9. pro *divitiis* habet *bonestatem*; pro *locuplete bonis*; Dei in impios animadversionem designat nomine *respectus*, *visitationis*; Gloriæ fucus, & jactantia, *supervacuitas* ab ipso dicitur; animalia noxia, & perniciola vocat *animalia supervacua*.

- 419 Quis autem libri istius Auctor sit inter eruditos lis est. S. Hieronymus ait (z), nonnullos veteres Scriptores librum hunc Philoni Judæo tribuisse. Tres porro fuisse Philones, quorum apud Scriptores frequentior sit mentio. Primus sub Ptolemæo Philadelpho floruisse dicitur, vel potius fingitur, de quo tamen apud Veteres nihil. Alter, Philo Biblicus, hic fuit Ethnicus, eumque Josephus, & Eusebius laudant: Tertius denique fuit Philo Judæus, qui sub Cajo Imperatore, Christi Sæculò imò floruit.

Sed neque primus, utpotè facile suppositicius, & de quo, ut dictum, nihil apud Veteres; neque secundus, utpotè Religione Ethnicus; sed & nec tertius, licet omnium notissimus, libri Sapientiæ Auctor constitui potest; cum inter sacros Scriptores nunquam reputatus fuerit; quippe qui à vera Religione alienus fuerit, nempe Christiana, quæ illius ætate jam latè diffusa erat, atque etiamnum ab ipso laudata fuit; nec liber iste hujus Philonis stylium referat; neque ultus sive ante, sive post S. Hieronymum

Scriptor, neque ipse Hieronymus hunc Philonem libri Sapientiæ Auctorem esse prodatur.

Grotius Judæo Scriptori vernaculo 430 sermone scribenti post Esdras, & ante summum Pontificem Simonem, qui in sexta mundi ætate circa an. m. 3785. floruit, hunc librum adscribit; hinc eum Ecclesiastici Librum ordine præcedere ait; necnon ejusdem Operis versionem adornatam fuisse ab Auctore quodam Christiano græcis Litteris excultissimo, qui sanè in eo vertendo quandoque latius sit exspatiatus, nec originale litteram semper secutus fuerit; quin & nonnulla è medio fidei Christianæ deprompta adjecerit, eaque deduxerit, quæ ad Judicium generale, Justorum felicitatem, impiorum pœnas apertius, quàm in cæteris veteribus Hebræorum libris, spectant. Hæc Grotius, qui tamen suæ opinionis argumenta, rationesve ullas haud affert, ut proinde ipsius solius testimoniò in singulari hujusmodi sententiâ standum esse non videatur.

Plerique librum istum à Salomone Hebræo 431 bralce primò scriptum fuisse tuerentur; ex quo Versio græca adornata, intercedente interim Originali textu, manserit; idque multa suadere ajunt, imò. Ipse libri titulus, qui in Græca, Syriaca, & Arabica interpretatione Salomonis nomen præfert, his verbis: *Sapientia Salomonis*. 2do. Magna Christianorum Scriptorum pars, inter quos faciliè præcipui sunt Irenæus, Egesippus, apud Eusebium lib. 4. Hist. c. 22. Tertullianus, de Præscript. Cyprianus, de Mortalitate. Hilarius, in Psal. 127. Ambrosius, Serm. 8. in Psal. Basilii, lib. 5. cont. Eunom. Epiphanius, Hæres. Amoneor. &c. necnon aliquot Rabbinii, qui hujus libri Auctorem Solomonem appellant. 3tio. Quòd apertis verbis Salomon ipse se hujus libri Auctorem esse prodatur

(y) Præfat. in libros Salom. (z) in Prolog. galat.

prodat his verbis (a): *Tu elegisti me Regem populo tuo, & Judicem filiorum tuorum, & filiarum, & dixisti me edificare Templum in monte sancto tuo, & in civitate habitationis tuae Altare, similitudinem Tabernaculi sancti tui, quod praparasti ab initio. Et iterum (b): Disponam populos, & nationes mihi e:unt subditi: timebunt me audientes Reges bordendi. Tum (c): Puer autem eram ingenio'us, & fortitius sum animam bonam. Deinde (d): Adii Dominum, & deprecatus sum illum. .... Deus Patrum meorum. .... Da mihi sedium tuarum asservicem Sapientiam. Denique (e), Disponam populum tuum iuste, & ero dignus sedium Patris mei. Quæ omnia Salomoni, & nulli alii conveniunt; & sanè Opus istud sapientissimo Principe, qualis utique fuit Salomon, non indignum est.*

432 Hæc sententia nobis probabilior videtur; cam tamen sic limitari posse arbitramur, ut *Sapientia Salomonis* liber iste, prout nunc extat, à quodam Scriptore Spiritu Dei afflato, putà ab Esdra, vel alio aliquo ex variis Salomonis sententiis hæc illacque forsitan dispersis collectus, conflatus, ac compilatus fuisse dicatur.

Illum extra sacrarum Scripturarum Canonem esse volunt Acatolici, vanis quibusdam, & futilibus ad id inducti rationibus, contra quos proinde ponitur

#### 433 CONCLUSIO.

Liber Sapientie meritò ab Ecclesia inter Canonicos, & divinos sacræ Scripturæ libros recensetur.

Probatur Conclusio 1<sup>mo</sup>. Auctoritate S. Scripturæ. Et quidem sanctitatem suam liber hic ipsemet prodit, quippe qui nonnisi sacra, & divina, atque ad Deum, necnon æternam felicitatem ductentia tractet; prout suprà declaravimus.

Insuper apertum de Christi Passione vaticinium continet his verbis in Judæorum persona prolatis (f): *Circumveniamus iustum, quoniam contrarius est operibus nostris, & improperat nobis peccata legis, & diffamat in nos peccata disciplina nostra. Promittit, se scientiam Dei habere, & filium Dei se nominat. .... Vadeamus ergo, si sermones illius veri sunt, & sentemus, qua ventura sunt illi, & sciemus, qua erunt novissima illius. Si enim est verus filius Dei, suscipiet eum, & liberabit eum de manibus contrariorum. Contumelià, & tormentò interrogemus eum. .... Morte turpissima condemnemus eum. Quæ omnia impleta & à Judæis in Christum perpetrata fuisse narrat Evangelistæ, præsertim Matthæus. (g)*

Adde, quòd sacri Scriptores Salomone posteriores ex hoc libro varias sententias in suos transtulerint: ut illud *Isaia* 56. v. 4. ex Sap. 2. v. 6. Ibid. cap. 40. v. 13. ex Sap. 9. v. 13. Non aliter etiam idolorum fabricationem & cultum derident *Isaia* c. 44. v. 13. & seq. & *Jeremias* c. 10. v. 3. ac derisum viderant Sap. c. 13. v. 10. & seq. item c. 14. v. 11. Illud *Tobias* 13. v. 1. & 2. ex Sap. 16. v. 13. Illud *Ecclesiastici* cap. 17. v. 1. ex Sap. 2. v. 23.

Et ut etiam ad sacros novi Testamenti Scriptores transeamus; Illud *Matth.* 13. v. 43. ex Sap. 3. v. 7. Illud 1. Cor. 6. v. 2. ex Sap. 3. v. 8. mutuatus est Paulus, ut & illud *Heb.* 11. v. 5. ex Sap. 4. v. 10. Illud autem *Ephes.* 6. v. 17. ex Sap. 5. v. 19. Illud quoque, ut cætera quamplurima omittamus, *Rom.* 9. v. 21. ex Sap. 15. v. 7. Atqui liber, qui sancta, & divina, qui vaticinia, & prophetias eventu suo comprobatas continet, & denique ex quo alii Scriptores sacri sententias suas mutuarunt, & transcripserunt, meritò

(a) C. 9. v. 7. & 8. (b) C. 8. v. 14. & 15. (c) C. 8. v. 19. (d) Ibid. v. 21. & c. 9. v. 1. & 4. (e) C. 9. v. 12. (f) C. 2. v. 13. & seq. (g) C. 27.

merito facer, & inspiratus, adeoque Canonice reputatur. Ergo liber Sapientie ut talis merito censetur.

- 434 Prob. 2do. Auctoritate, & Traditione Ecclesie, & veterum Patrum. 1mo. Auctor Epistolæ, quæ Barnabæ Apostolo tribuitur, hanc e libro Sapientie c. 2. v. 12. assert sententiam, *Va anima iniquorum, qui dicunt inter se: circumveniamus justum, quia insuavis est nobis.* 2do. Clemens Papa I. Ep. ad Corinth. hæc ex libro Sapientie c. 11. v. 22. de prompta scribit: *Quis dicit, quid fecisti? aut quis resistet robori potentia ipsius?* In Constitutionibus quoque Apostolorum, ejusdem Clementis nomine inscriptis, lib. 6. c. 30. hæc sententia ex libro Sapientie c. 3. v. 1. exscripta legitur: *Justorum anima in manu Dei.* 3tio. S. Dionysius, vulgò Areopagita dictus, lib. de divin. nomin. 1. part. c. 4. ex libro Sapientie testimonium profert dicens: *in primis Scripturarum sacrarum institutionibus, quemdam de Divina Sapientia dixisse copiosius: Amator factus sum formæ illius.* (b) 4to. Egeffippus, & Irenæus, & omnis antiquorum chorus librum, qui adtitulatur Sapientia, Salomonis esse dixerunt, inquit Eusebius, lib. 4. Hist. c. 22. 5to. Epiphanius lib. de pond. & mensur. librum Sapientie, *Pnave-ton*, ab omni virtute, quæ in eo continetur, appellatum Salomoni tribuit, atque inter sacros & divinos libros recenset. 6to. S. Joannes Damascenus, librum istum omni virtutum doctrinâ refertum esse ait, lib. 4. c. 8. Et lib. 4. de Fide, illum virtuosum, & bonum esse, atque inter fideles maximæ auctoritatis haberi, asserit. 7mo. S. Ambrosius illum etiam Salomoni tribuit, lib. 4. de difficil. quæst. 8vo. S. Augustinus lib. 2. Retract. c. 4 & lib. 2. de Doct. Christ. ait, librum Sapientie inter libros Propheticos esse numerandum. *P. Cartier Theol. Tom. I.*

Et lib. 1. de Prædest. Sanct. c. 14. asserit, egregios tractatores Apostolorum temporibus proximos, qui librum hunc testem adhibuerunt, nihil se adhibere, nisi divinum testimonium credidisse, illius proinde non debere repudiari sententiam, ut qui meruit in Ecclesia Christi tam longa annositate recitari, & ab omnibus Christianis, ab Episcopis usque ad extremos Laicos, cum veneratione divina auctoritatis audiri. 9no. Melito Asianus, Ep. ad Onesim. Eum in Catalogo sacrarum Scripturarum collocat. 10mo. S. Cyprianus illum divinam Scripturam nuncupat, lib. de habit. Virg. 11mo. Idem præstat Cyrillus, lib. 2. in Julian. ultra medium. 12mo. Innocentius I. Ep. ad Exuperium librum istum sacris & Canonicis Scripturæ libris adnumerat. 13tio. Concilia Sardicense, Epist. ad omnes Episcopos (i), ex c. 7. hujus libri probat filium Dei esse rerum omnium effectorem. Toletanum II. p. 1. Carthaginense III. Concilium Magnum Lateranense. Concilium Romanum sub Gelasio I. Papa, in Catalogo sacror. libror. Florentinum sub Eugenio IV. Et denique Tridentinum, librum hunc in Canonem sacrarum Scripturarum referunt. Ipsa quoque Ecclesia Catholica quotannis feriâ 4tâ. Pentecostes in sacrosanctis mysteriis primam hujus libri Sententiam decantat, dicens: *Dixit Salomon filius suis: diligite justitiam, qui judicatis terram.*

Cum igitur & Salomoni ab his omnibus ipsaque Ecclesia tribuatur, atque inter sacros, & Canonicos Scripturæ libros recensetur, immerito, & sine ratione ulla ab A catholicis repudiatur.

### Solvuntur Objectiones.

435

Ob. 1mo. Liber Sapientie à Synagoga magna, seu ab Esdra in sacrorum voluminum Canonem relatus non est. Ergo nec

(b) Sap. 8. v. 2. (i) Apud Theodoret. lib. 2. hist. c. 8.



nec Canonicus dici debet, nec Salomoni tanquam Auctori tribui potest. Si enim librum hunc illius esse censuisset Esdras, aut Synagoga magna, utique illum à Canone non exclusisset.

Respondet Rabbi Azarias (k), Librum hunc quidem non reperiri in Canone Hebræorum, quod sententiarum, quibus totus constat, compilationes, & collectiones, etsi è genuinis Salomonis scriptiōibus provenirent, totæque Salomonicis segminibus contextæ essent, non tamen ut meræ Salomonis scriptiōes haberentur, utpotè quas privati homines pro arbitrio, & captu digessimus. Ut ergo hominum illorum haudquaquam par erat auctoritas, ita nec eadem fuerit collectionum harum existimatio: imò aliquarum etiam potuerint ignorari concinnatores, proptereaque ut dubiæ, & incertæ fidei repudiari. Notari præterea vult, persuasum esse Judæis, admissos ab Esdra, & Synagoga in Canonem eos tantum libros, qui compositi essent per hujusmodi auctorem, quem Spiritum sanctum appellabant; cujus generis tum temporis ab illis non reputatus fuerit liber Sapientiæ, unde nec ab eis in Canonem relatus.

Respondemus Nos. Post obsignatum jam, & clausum à Synagoga magna Canonem repertæ fortassis primùm fuerunt aliquæ, quas diximus, ex Salomonicis compilationibus, ac idcirco ab eo exclusæ; unde tamen sequenti ævō nonnullæ emerferint, quæ & auctoritatem apud Hellenistas, ac locum in Canone tandem adeptæ sint, inter quas, & ea, quæ *Sapientia* inscribitur, & quæ primùm celebrari cœpisse videtur, postquam Græcè exposita est.

136 Ob. 2do. Augustinus, lib. 2. de Doct. Chr. c. 8. & lib. 17. de Civ. c. 20. Et S. Hieronymus, in Prolog. galeat. Et in

Prolog. in lib. Salomon. librum hunc Salomoni abjudicant, hic verò, nec Canonicum esse testatur. Idem ait Epiphanius, lib. de pond. & mens. Neque etiam Gregorius cognomento Theologus, neque Origenes, neque Eusebius, neque ullus Veterum, illum in Catalogo divinorum voluminum recensent. Ergo &c.

Resp. neg. conf. S. Augustinus opinionem suam retractavit, lib. 2. Retract. c. 4. S. Hieronymus verò hunc librum Salomonis non esse haud asserit, sed Veterum aliquorum opinionem, illum Philoni cuidam tribuentium refert duntaxat. Quod autem dicat, eum in Canone ab Ecclesia non recipi, de Ecclesia sui temporis id intellexit, cui cum nondum satis apertè constaret de hujus libri auctoritate, noluit eum ad dogmatum probationem in Canonem recipere; At paulò post plenas à Spiritu sancto edocta, in Concilio Carthaginensi an. 397. celebrato illum recepit, ac deinceps subsecuta Concilia in sacrorum librorum Catalogis eum numerant.

Quòd si etiam Origenes, necnon alii quidam è Veteribus hunc librum è Canone exclusiverunt, non inde tamen sequitur, eum nullo modo esse Canonicum, sed non esse de numero Scripturarum duntaxat, quæ ad primum Canonis ordinem pertinent, seu Proto-Canonicæ sunt, & de quibus à nemine unquam dubitatum fuit. Nec id nos inficiamus, ut qui librum hunc ad secundum Canonis ordinem collocamus, atque Deuterocanonicum vocamus, quòd primùm temporum serie auctoritatem obtinuerit, postquam nempe Ecclesia illum tanquam divinum suscepit, &c.

Præterea videntur hi Veteres de sententia Judæorum duntaxat loqui, non Christianorum, &c.

De

(k) Apud Ruet. loc. cit. de lib. Sap.

437

De libro Ecclesiastici.

Liber hi latine *Ecclesiasticus* inscribitur, sive ut ab Ecclesiaste discernatur, sive quia non secus ac ille præcepta & monita ad virtutem & sapientiam tradit. Græcè inscribitur *Sapientia*, seu *Pinaretos Iesu filii Syrach*, quod ut supra de libro *Sapientia* dictum est, omnium virtutum cumulum significat; quippe in quo omnium ætatum, & generum hominibus ad bene vivendum regulæ præscribantur. §1. illius numerantur Capita.

438 Auctor illius esse dignoscitur *Iesus filius Syrach*, cuius nomen, ut mox dictum, Græcum exemplar præfert, qui eum ex variis Salomonis sententiis ab ipsius Operibus excerptis, & in ordine digestis, concinnavit. Quamplurimas enim Salomonis sententias ex libris Proverbiorum, Ecclesiasticis, & Sapientia in istum librum translatas fuisse luculenter demonstrant Drusus lib. 1. Observat, & Huetius, Demonstr. Evang. Propos. 4 de lib. Ecclesiastici. Unde factum, ut, quemadmodum notat S. Augustinus (1), apud plerosque Veteres Salomonis appellatione vocaretur, nempe quia ex ipsius sententiis collectus esset, vel saltem ipso non videretur indignus.

439 At illum non esse Salomonis, vel ex eo constat, quod plurimum, qui post Salomonem vixerunt, mentionem faciat. Imò Auctor ipse se nomine prodit his verbis (m): *Doctrinam Sapientia, & disciplina scripsit in Codice isto Iesus filius Syrach Ierosolymita*. Et initio cap. 51. hæc leguntur: *Oratio Iesu filii Syrach*. Necnon sententiis Salomonis in suum librum transcriptis suas quoque eum adiecisse testatur Græcus illius Interpres in Prólogo huius Libri his verbis: *Avus meus Iesus, postquam se amplius dedit ad diligentiam lectionis Legis, & Prophetarum, & aliorum librorum, qui nobis a parentibus nostris traditi sunt, voluit & ipse scribere aliquid*

borum, quæ ad doctrinam, & sapientiam pertinent, ut desiderantes discere, & illorum periti facti, magis magisque attendant animo, & conferantur ad legitimam vitam. Addit præterea eundem avum suum Opus istud Hebræo sermone exarasse.

Hujus Auctoris ætas certò definiri non potest. Quamvis enim Simonis summi Pontificis velut jam defuncti elogium texere videatur, c. 50. attamen inter plures hujus nominis Sacerdotes, quisnam Simon iste fuerit, est incertum. Verisimile est, hoc loco agi de Simone secundo Oniæ secundi filio, qui Judæorum rebus præfuit ab an. m. 3785. ant. Chr. 215. ant. ær. 219. usque ad an. m. 3805. ant. Chr. 195. ant. ær. 199. post cuius obitum ex calamitates Judæos oppræsserunt, quas Auctor innuere videtur c. 36. v. 50.

Istius libri Interpres verò annò ætatis 415. suæ 380. sub Regno Ptolemæi Evergetis circa an. m. 3873. ant. Chr. 131. ant. ær. 135. in Ægyptum venit, prout ipsemet in præfatione testatur. Latina interpretatio nem, satisque rudem eandem habemus, quæ veteres Patres usurparunt: neque enim S. Hieronym. quidquam ad illam contulit.

A Catholicis, quamvis non habeant, quod cum judicio & ratione contra illum moveant, tamen extra Canonem esse eum volunt. Contra quos proinde ponitur

CONCLUSIO.

442

Liber Ecclesiastici non secus ac cæteri, qui Salomoni adscribuntur, libri, meritò ab Ecclesia inter sacros, & Canonicos recensetur.

Prob. Conclusio 1mo. Ex S. Scriptura. 1mo. Quia nihil nisi sanctum spirat liber iste, atque omnium ætatum, & conditionum hominibus regulas piæ, & sanctæ vivendi præscribit. 2do. Quia, ut jam supra annotavimus, continet sententias plerumque ex libris Salomonis, qui velut

U 2

sacri,

(1) De Civit. (m) C. 50. v. 29.

facri, & Canonici ab omnibus habentur, excerptas, prout libri hujus Interpres à nobis suprà relatus, non obscure innuit; unde Auctor Synopsis, quæ Athanasio vulgò tribuitur, illius Scriptorem *Salomonis affectum* appellat. 3tio. Quia uterque Apostolus Petrus, & Jacobus c. 1. suarum Epistolarum, hic v. 10. ille autem v. 24. ex c. 18. v. 18. libri hujus testimonia proferunt.

Ergò cum nihil nisi sanctum, & ad mores piè conformandos, non secus ac cæteri libri Morales Canonici, contineat. Cum plerumque ex transcriptis aliorum sacrorum librorum sententiis compilatus sit. Et cum denique ab Apostolis ipsis laudetur, ut qui ex ipso testimonia repetunt; meritò etiam ab Ecclesia inter sacros & Canonicos libros recensetur.

443 Prob. 2do. Ex Traditione Judæorum, qui illum, quamvis in Esdrino Canone non recensetur, quod illo jam clauso primum prodierit, in summo semper pretio habuerunt, ac velut sanctum suspexerunt, prout passim apud hebræos Auctores videre est.

444 Prob. 3tio. Ex Traditione, & Auctoritate veterum Ecclesiæ Patrum, & Conciliorum, qui librum hunc & divinum, & Canonicum declarant, & definiunt. Ut Clemens Alexandrinus, lib. 7. Strom. Cyprianus, lib. 3. Epist. 9. Epiphanius, in hæres. Amozæor. Ambrosius, lib. 4. de Fide c. 4. & in c. 7. 1. ad Cor. Joannes Damascenus, lib. 4. de Fide. Augustinus, lib. ad Oros. cont. Priscillianist. Item lib. 2. de Doct. Chr. c. 8. Denique, ut plures alios prætermittamus, testatur S. Athanasius, in Epistol. festali, libros Sapientiz, & Ecclesiastici fuisse in antiqua Ecclesia Cathecumenis præ cæteris aliis Scripturæ sacræ libris prælectos, utpotè faciliores, & efformandis moribus magis idoneos.

Concilia item Laodicenum, Carthaginense III. Romanum sub Gelasio I. Magnum Lateranense, & Tridentinum. Atque In-

nocentius I. Ep. ad Exuperium, illum inter sacros, & Canonicos Scripturæ libros numerant. Ergò & Canonicus meritò censendus est, & ab iis duntaxat rejicitur, quos odium, & livor dementavit, vel saltem contradictionis duntaxat spiritu aguntur.

### Solvuntur Objectiones.

445

Ob. 1mo. Hujus lib. c. 40. v. 29. dicitur: *Fili in tempore vita tua ne indigeas: melius est enim mori, quam indigere.* Atqui hic textus apertè pugnat cum isto Christi apud Matth. c. 19. v. 21. dicentis: *Si vis perfectus esse, vende, & vende omnia, quæ habes, & da pauperibus.* Ergo &c. &c.

Resp. priori libri Ecclesiastici textu solam damnari otiosi hominis inertiam, quæ illum ad egestatem, & mendicitatem redigat, non autem Evangelicam paupertatem, quam Christus in posteriori textu hominibus ad perfectionem aspirantibus suadet, & inspirat.

Ob. 2do. Ib. c. 49. v. 5. dicitur: *Præter David, & Execiam, & Josiam omnes peccatum commiserunt.* Atqui constat, Davidem & adulterium, & homicidium perpetrassè. Ergo &c.

Resp. Hic per antonomasiam (n) Scriptori sacro sermonem esse de peccato idololatriæ, & fœderis cum Idololatriis, à quodam duntaxat Reges Judæ fuerunt immunes, non de alio quocunque peccato.

Inst. Atqui Aza, & Josaphat Reges Judæ etiam ab Idololatriæ peccato fuerunt immunes, seu ipsa Scriptura testatur. Ergo.

Resp. Id quidem absolutè verum esse, sed tamen utrumque peccasse peccatò idololatriæ annexò, & vicino, quia patienter tulerunt, seu non abstulerunt *Excelsa*, hoc est, Tempia, & Altaria in excelsis locis, vel montibus erecta, & à Deo vetita; atque insuper cum Regis Israël Achab, Ochozia, & Joram idololatriæ amicitias, & fœdera junxerunt, sicque illorum idololatriam indidire saltem foverunt, & roboraverunt, quod utique etiam fuit peccatum.

CAPUT

(n) *Antonomasia* figura Rethorices, quæ nomen appellativum pro proprio ponitur.

CAPUT IV.

De libris Prophetis veteris Testamenti.

Octodecim numerari libros Propheticos veteris Testamenti supra part. 1. c. 1. jam indicavimus, videlicet, Psalterium Davidis nomine inscriptum, Isaiam, Jeremiam cum Baruch, Ezechielem, Daniellem, & alios duodecim Prophetas minores; nimirum Osée, Joel, Amos, Abdiam, Jonam, Michæam, Nahum, Habacuc, Sophoniam, Aggæum, Zachariam, & Malachiam. De quibus singulis præsentî Capite agemus.

De Psalterio.

Liber Psalmorum hebraicè *Sepher Tehillim*, id est, *liber Hymnorum* velutitotius Scripturæ sacræ epitome habetur; omnia quippe in cæteris illius libris latè deducta velut compendiò exhibet. *Psalmorum liber*, inquit S. Augustinus (o), *quacunque utilia sunt, ex omnibus continet. Historia sacra*, ait etiam S. Ambrosius (p), *nos instruit, Prophetia de futuris præmonet; mina impios coercent; moralis suadet; omnia autè in Psalmis præstantur.*

450 Totum Psalterium Hebræi in quinque libros dispescunt; quam divisionem plures Patres, vetustissimam rati, sequuntur. Eam tamen velut novi Testamenti Scripturæ contrariam improbavere Hilarius, Præfat. in Psal. Hieronymus, Præf. in Ps. & Augustinus, in Psal. 150.

451 Quidam Commentatores collectionis, & divisionis Psalmorum eosdem fuisse Auctores arbitrantur; alii verò recentiori manu post Apostolorum ætatem hanc divisionem fuisse invecam contendunt. Eam tamen vetustissimam, & à pristinis Psalmo-

rum Collectoribus factam persuaderi videtur ex eo, quòd in fine cujuscunque libri eadem verbalegantur, quæ quidem ab Esdra, sive ab iis, qui post captivitatem Babyloniam Bibliorum collectioni adlaborarunt, adjecta creduntur. Attamen certissimum est, in recensione S. Scripturæ librorum Psalterium apud Hebræos, & Christianos unius libri locò semper habitum fuisse.

Primus Psalterii liber apud Hebræos 452 Psalmò apud nos 40mò clauditur; Secundus 70mò. Tertius 80mò. Quartus 101mò. Quintus denique Psalmò 150mò. Quatuor priores libros hæ voces in Hebræo finiunt, *Amen, Amen*; in Latino autem, *Fiat, Fiat*. Quintum in Hebræo, & Latino terminat, *Alleluja*.

Numerus Psalmorum Canoniceorum 453 apud Judæos, & Christianos certus semper, fixusque fuit, nempe 150. Psalmorum. Psalmus ille, qui in Græco superadditur, extra Canonem semper fuit.

Eorum divisio non eadem apud omnes 454 servatur. Nonus Psalmus apud Judæos versu 21mò absolvitur; reliqui versus Psalmum 10um constituunt à versu *Ue quid Domine recessisti longe?* usque ad versum, *Judicate pupillo, & humili &c.* Indeque usque ad Psalmum 113tium Psalmi apud illos nostris & Græcorum Psalmis unò præcurrunt. Psalmum 113tium *In exitu Israël &c.* in duos distribuunt, ita ut Psalmus 114tus apud illos incipiat à versu *Non nobis Domine &c.* Atque cum eo, qui apud nos est 113tus claudatur; sicque à nostro & Græcorum ordine duplici Psalmò recedunt, ad quem junctis duobus Psalmis 114tò videlicet *Dilexi quoniam &c.* & 115tò nempe *Credidi propter quod &c.* unò propius accedunt, donec Psalmos 146tum *Laudate Dominum quoniam bonus &c.* & 147mum *Lauda Jerusalem &c.* denuò simul jungentes demùm quoad

quoad reliquorum ordinem nobiscum conveniant.

Protestantes, ne vel etiam in minutis nobis consentire videantur, Hebræorum divisionem circa Psalmos sequuntur.

- 456 Discrepant etiam nonnihil vetera Græcorum, & Latinorum exemplaria in primi, & secundi Psalmi divisione: in quibusdam enim distinguuntur, in aliis junguntur. Illud planè constat, non adeò antiquam esse Psalmorum divisionem, sæpeque, ut Psalmis suis constet sensus, alterum alteri jungendum, vel eundem in duas partes distinguendum esse.

- 457 S. Hilarii ætate Psalmorum divisio apud Hebræos necdum certa, & firma habebatur; alii enim aliam probabant. (g) Idem testatur Origenes (r), atque, Psalmos ab Hebræis nullis præscriptis numeris, quibus in certo constituantur loco, legi. Id ipsum adhuc sæculò immò servabant, prout producit Genebrardus, in Psal. 9. v. 23. seu Psal. 10. in Hebræo; & Rabbi Kimchi.

- 458 Recepta apud Hebræos, & Christianos Traditione vulgatum est, Psalmorum collectionem, quam habemus, Esdræ tribuendam esse. Ab ipso factam tradunt Eusebius, Hilarius, Theodoretus, Auditor Synopsis, Beda, & alii. Philastrius ait (s), Judæorum eruditissimos collectionem Psalmorum adornasse, & eodem ordine, quem à priscis, qui Psalmos de manibus hostium vindicaverant, acceperunt, singulos recensuisse.

- 459 Porro Psalmorum illorum, qui sunt Davidis, collectionem Ezechia Rege Judæ antiquiorem fuisse, inde apertum videtur, quod ipse pristinum Dei cultum restituens, Psalmos David in Templo decantari jussit, prout legitur 2. Paralip. c. 19. v. 25. &c.

- 460 Qui speculationibus delectantur, in ipso Psalmorum ordine consilium, & my-

sterium deprehendere sibi videntur. Hilario, Prolog. in Psal. Ambrosio, Apolog. David. c. 8. & Origeni, in Ep. ad Rom. lib. 3. c. 3. vitæ Davidis series exhiberi videtur. Euthymio, Prolog. in Psal. iis ordinem solemnitatum, quæ in Templo celebrantur, spectatum videtur.

Primum Psalmorum tristius ferè argumentum esse, subsequentiù verò lætum S. Chrysostomus animadvertit. (t)

Hujus ordinis mysterium se nondum affectum fuisse fatetur S. Augustinus (u), videri tamen sibi, ait, tres illas Psalmorum quinquagenas ad vocationem, justificationem, & glorificationem Sanctorum non incongruè pertinere; Quinquagesimi enim argumentum pœnitentiam, centesimi misericordiam, & denique centesimi quinquagesimi, seu ultimi laudem Dei in Sanctis respicit.

Verùm, teste S. Hieronymo (x), frustra in Psalmis Chronologicus ordo ad certæ historiæ seriem relatus quæritur; hunc enim ordinem lyrici Auctores negligere consueverunt.

Si quis autem attentè Psalmorum textum & sensum considerare velit, intelliget profectò, Collectores sacros religionem quidem adhibuisse curam, ut nullum negligerent; quem verò ordinem in illis disponendis sequerentur, contempsisse, nihilque curasse, modò nullum omitterent, an mancus aliquis, & à suis partibus avulsus, an cum aliis per incuriam confusus, an bis repetitus irrepsisset; cujus rei curam Psalmorum intelligentiæ studentibus integram reliquerunt.

De Auctore, seu potiùs Auctoribus 461 Psalmorum non consentiunt Doctores. Chrysostomus, in Psal. 50. Ambrosius, Præfat. in Psal. Augustinus, lib. 17. de Civ. c. 14. Theodoretus, Præfat. in Psal. Cassiodorus, Prolog. in Psal. Euthymius, Præfat. in Psal. Philastrius, Hæref. 70. quos

(g) Hilar. prolog. in Psalter. (r) In Psal. 2. (s) Hæref. 77. (t) In Psal. 51. (u) In Psal. 50. (v) In Jerem. c. 25.

quos non pauci Recentiores sequuntur, unum Davidem Psalmorum Auctorem agnoscunt, atque his potissimum argumentis ducuntur, imo. Quia hoc ipsum de se ipso prodere videtur David his verbis (y): *Dixit David filius Isai, egregius Psaltes Israel: Spiritus Dei locutus est per me, &c.* 2do. Quia in omnibus caeremoniis, in quibus Cantica praescribuntur, semper cautum est, ut David Psalmi canantur; nam in Dedicatione Templi sub Salomone Levitae Cantica à Davide composita concinnebant. (z) Et cum Ezechias cultum Domini in Templo restituit, Levitis injunctum fuit, ut laudarent Dominum sermonibus David, & Asaph videntis. (a) Sub Davide autem Praefectus Musicae unus erat, cui Rex iste quamplures Psalmos musicis notis mandandos, sive concinnendos praescripsit. Denique in Dedicatione Templi post Judaeorum è captivitate Babylonica regressum laudes Domini Canticis Davidicis in coetibus insonabant. (b) 3tio. Psalmos Davidis Nehemias collocavit in Bibliotheca. (c) 4to. Auctor Ecclesiastici Davidis studium in pangendis Hymnis, & Canticis Domini elogiò prosequitur. (d) 5to. In novo Testamento Christus, & Apostoli Psalmos Davidis nomine semper laudant (e), nec tantum eos, qui ejus nomine sunt inscripti, sed omnes passim, nullo alioqui titulo insignitos, quod de Psalmo 2. à S. Petro factum est, Act. 4. v. 25.

462 Nihilominus complures alii eruditi viri potiorum Psalmorum partem Davidi adjudicarunt, ut Athanasius, in Psalm. Auctor Synopsis. Eusebius, Praefat. in Psalm. & Comment. in Psalm. 131. Hieronymus Praefat. in Psalm. Davidi 72. duos Psalmos tantum, qui scilicet nomine ipsius sunt inscripti, tribuentes, reliquos iis, quorum nomina praeseferunt, adscripserunt. Imò

Commentatores quamplurimi Psalmos quosdam deprehendisse sibi visi sunt recentioris, quam Davidis, Auctoris Opus esse, cum in illis & de captivitate Babylonica, quae longè post Davidem contigit, & de aliis similibus sermo inducatur. Quòd autem universum Psalterium Davidis nomen exhibeat, id inde provenire praecipue videtur, quia ipse primus Psalmorum in Choro modulis, & alternantibus vocibus canendorum Auctor fuit.

Praeter 150. Psalmos alius in Hebraeo, 463 Chaldaeo, & Vulgata omiffus, legitur in Syriaco, in omnibus ferme graecis exemplaribus, in Arabico, in Versione Anglo-Saxonica, in Euchologiis Graecorum, in S. Athanasio, Euthymio, Vigilio Thapfensi, Epistolis interpolatis S. Ignatii Martyris, S. Chrysostomus ad illam addere etiam videtur, Hom. 17. ad populum Antioch. Hujus Psalmi titulus est iste: *Psalmus gratiarum actionis, cum Goliath viciisset.* Incipit autem his verbis: *Primus eram inter fratres meos, & adolescentior in domo Patris mei.* Verum, ut supra jam diximus, ab Ecclesia Psalmus iste extra Canonem esse jubetur.

Auctor Synopsis tradit, inter 3000. 464 Psalmos à Davide dictatos, Regem Ezechiam hosce 150. selegisse, suppressis caeteris; quod quidem le ex Paralipomenon libris accepisse significat, sed frustra ibidem hoc quaesieris. Idem narrat Josephus Christianus graecus Auctor, in Hypomnestico MS. lib. 2. Michael Glycas verò ex Psello ait, Esdras 150. Psalmos, quos in Bibliis modò legimus, ex 300. Psalmis selegisse.

Auctor Versionis Syriacae observat, apud quosdam inveniri 12. Psalmos aliis additos, quos ipse tamen velut apocryphos censet rejicendos esse.

Inter

(y) 2. Reg. c. 22. v. 1. (z) 2. Reg. c. 7. v. 6. & 3. Paralip. c. 25. v. 5. (a) 2. Paralip. c. 29. v. 30. (b) Lib. 1. Ed. c. 3. v. 30. (c) 2. Mach. c. 2. v. 13. (d) C. 47. v. 10. (e) Matth. 22. v. 42. Luc. 20. f. 41. Marc. 12. v. 36.

Inter 150. Psalmos istos, reperiuntur quindecim, à Psalmo videlicet 119. usque ad 133. inclusive, quos hebræus textus *Canticum ascensionum*, Latinus verò, dictione ex Hebræo desumpta, *Psalmos graduales*, appellat. *Canticum ascensionis* autem idem huc significare videtur, ac *Canticum regressus de captivitate Babylonica*. Scriptura enim agens de egressu populi ex captivitate ista, verbo *ascendere* frequentissimè utitur, ut 1. Esd. c. 1. v. 3. r. & 11. item c. 2. v. 1. Et c. 7. v. 9. 2. Esd. c. 7. v. 5. & 6. In Psalmo 121. graduali 3tio *Tribus ascenderunt in Jerusalem*. Ac denique Ezechiel. c. 39. v. 2. *Et ascende te faciam de lateribus Aquilonis*.

466 Ex his planè intelligimus, Judæos, quoties de itinere Babylone Ierosolymam agendum esset, verbò *ascendere* frequenter uti consuevisse; quippe quòd è Babylone in planitie sita in Judæam montuosam regionem ascendendo iter pateret. *Cantica* igitur *ascensionum*, seu *Psalmi graduales* facilè credimus ea occasione fuisse concinnata, ob agendas fortè ea de re gratias. Et hoc potissimum esse Psalmorum gradualium argumentum observamus: in illis etiam non rara receptæ à populo libertatis mentio. Hos graduales Psalmos Ecclesiæ quoque in suum usum sumpsit, eosque recitandos singulis Quadragesimæ feriis 4tis præscribit.

467 De Psalmorum titulis varia sentiunt Interpretes. Sunt, qui iisdem Canonicam auctoritatem deferri debere contendunt; alii, quia aliena manu adjectos arbitrantur, tanquam spurios rejiciunt: nonnulli titulus totius Psalmi clavis esse videtur; alii verò nihil ad explorandum textum eum plerumque conferre credunt, quippe qui fortuito, & recenti manu sic adjectus, & ex quo, ut plurimum obscurissimo nec ulli unquam Interpretum satis cognito, nihil utilitatis expectari possit. *Parum est damni*, inquit Muisius (f), *in hujus vocis*

*Haggithibz* ignoratione, cum illa, ut & alia similes, quæ passim occurrunt in titulis Psalmorum, ad argumentum, & materiam carminis nihil pertineant. Attamen Psalmorum titulos omnes omninò contemnere non deest, cum inter illos aliqui sint, qui Canonicam habent auctoritatem, illi nempe, qui à primis Auctoribus, sive ab Esdra ducunt originem, hi namque sunt Canonici. At ii, qui sive ante, sive post Esdras aliena manu, vel græca, vel hebræa adjecti, nec historici, nec Psalmo ipsi, cui præfiguntur, congruunt, abjiciendi videntur.

Neque profectò Patribus illis, qui Psalmorum titulis auctoritatem canonicam tribuere visi sunt, alia mens esse potuit, quàm quòd tituli illi in originali textu probandi essent, quos Esdras, aut Prophetarum aliquis apposuisset. Eos præterea nusquam Ecclesiæ in officio legit; & Concilium Tridentinum, cum textui Vulgatæ Canonicam auctoritatem asseruit, titulos sacrorum librorum in medio reliquit, prout omnes fatentur.

Cæterùm Psalmorum obscuritatem nihil magis prodece videtur, quàm in inmensum propè auctus Commentariorum numerus, quorum P. le Long 630. recenset (g), non enumeratis iis, qui in tota Biblia, vel in partem Psalmorum tantum Commentaria scripsere, quibus omnibus collectis, & enumeratis, ultrà 1000. in Psalmos Scriptores afferri possent. Sensum autem Psalmorum obvolvunt imò textus hebraici abstrusa dictio, quæ sanè in Psalmis, utpotè poeticò stylo exaratis, magis quàm in aliis prosæ exaratis libris se prodit, adeo. Stylus sublimis, eoque magis à nostra scribendi methodo, nostrisque phrasibus discrepans, quem Amanuenses minùs affectui, librum tamen frequentius describentes, crebrioribus mendis deformarunt, quæ menda profectò ex collatione versionis Septuaginta Interpretum Syriacæ, & S.

Hiero-

(f) In Psal. 8. v. 1. (g) Bibliothecæ Sac. Tom. 2.

Hieronymi cum textu hebraico nostræ ætatis ultro se produunt. Indè ortæ etiam apud pios, religiososque viros, qui ex vltæ instituto, quod amplexi sunt, Psalmis recitandis, & decantandis sunt deputati, tam frequentes in hisce divinis laudibus celebrandis distractiones, quod incommodum satis feliciter levavit noster R. P. Germanus Cartier, suò, quem lucis publicæ fecit, succinctò, & perspicuò in Psalmos Commentariò, ipsi textui superpositò, quem eo ordine digessit, quo Psalmi in Officio divino Benedicthino solent recitari.

469

*Solvuntur Objectiones.*

Ob. 1mo. Multa in Psalmis leguntur Deò indigna, adeò ut sine injuria affiant Spiritui divino adscribi non possint, ut sunt dira illa, quæ Auctor in suos Adversarios interdum precatur. Ergo &c.

Resp. huic objectioni jam à nobis satisfactum esse sup. part. 1. c. 3. pap. 32. SS. Patres, & Interpretes communiter observant, non animo optante expressa, sed futura prævidentis oraculo à Propheta fuisse prolata: vel saltem adversarios, & peccatores eo sensu perdendos illum prænuntiare, nisi scilicet resipuerint; ac si diceret: *Sanè peribunt, vel pereant, nisi in ordinem redigantur.*

S. Chrylostomus asserit (b), Prophetam ibi aliorum, non suos sensus expressisse. S. Athanasius verò (i), Dæmones hostes invisibiles maledictis à Propheta proscindi autumat.

470 Ob. 2do. Psalm. 31. v. 3. dicit Propheta: *Quoniam tacui, inveteraverunt ossa mea, dum clamarem tota die.* Si tacuit, quomodo clamavit? si clamavit, quomodo tacuit? Ergo.

Resp. Prophetam Regium non eodem sensu, nec de eodem tacuisse, & clamasse: tacuit enim, cum delicti sui, adul-

P. Cartier Tb. ol. Tom. I.

teril videlicet cum uxore Uriæ commissi, quod per novem menses silentii velamine texit, & homicidii Uriæ viri ejus veniam implorare à Deo neglexit, atque peccatum consiteri distulit, donec publicè fuerit à Propheta increpatus; tunc demùm dolere, gemere, & affligi inceptit, ac præ nimio dolore gemitu & afflictione demum ossa sua exaruisse, seu vires consumptas fuisse fatetur.

Ob. 3tio. Psalm. 70. v. 5. idem Propheta ait: *Quoniam non cognovi litteraturam, introibo in potentias Domini.* Et tamen Psalm. 118. v. 99. ait: *Super omnes docentes me intellexi.* Ergo &c.

Resp. Cùm David ait, se litteraturam non cognoscere, intelligendus est loqui de sapientia sæculi, seu profana, & humana scientia, vel eloquentia; in qua se haud versatum esse, ultro fatetur. At cùm è contra dicit, se super omnes docentes se intellexisse, intelligendus est loqui de scientia salutis, sive de necessariis ad Deum laudandum, & colendum, in qua magis profecisse, & scire se ait, quàm omnes Magistri sui, qui eum docuerunt, sciant; quid nempe necessariò agendum sit, & ad salutem expediat, &c.

Ob. 4to. Psalm. 115. v. 2. ait idem Propheta: *Omnis homo mendax,* si omnis homo mendax, ergo & ipse.

Resp. 1mo. Notandum cum sancto Juliano Toletano Episcopo quid præmittat Propheta: ait enim paulo ante: *Ego dixi in excessu meo,* id est, in excessu mentis meæ, seu in elevatione mentis supra hominem dixi, *omnis homo mendax;* ego autem in quantum homo sum, mendax sum sicut cæteri, sed in quantum per excessum mentis supra hominem, non sum mendax, ac proinde, dum hæc dixi, verum dixi, nec ullatenus mihi ipsi contradixi.

X

R. . .

(b) In Psal. 136. v. 11. (i) In Psal. 72.



Resp. 2do. Hæc non tam strictè ad litteram sumi debere, ita ut reipsa David sensisse dicatur, omnes homines esse mendaces, sed ad mendacium proclives duntaxat, fragiles, infirmos, inopes, & labiles ex se, quo sensu intelligunt Theologi illa verba S. Augustini (k); *Nemo habet de suo nisi mendacium, & peccatum.*

473

## De libro Isaia.

Isaiam quatuor majorum Prophetarum primum, ex Tribu Juda regali ortum sanguine ferunt, ut qui filius fuerit Amos filii Regis Joas, & frater Amasie Regis Juda.

Propheticum munus, quod statim post Ozia Regis Juda mortem an. m. 3246. ante Chr. 754. exorsus fertur, usque ad an. m. 3306. ante Chr. 694. ante ær. 698. Atque adeo usque ad initium Regni Manassie Regis Juda, & ultra protendit, à quo deinde, prout constans & Hebræorum, & Christianorum traditio est, serrà dilectus fuit.

Illius corpus propè Jerosolymam tumulatum fuisse ajunt sub quercu fullonis, propè fontem Siloë, unde Pancadem ad Jordanis fontes, inde Constantinopolim imperante Theodosio juniore an. Christ. 442. translatum fuit.

Diu prophetavit, & qui vaticinium ipsius initium annò 25. Ozia Regis Juda statuunt, 85. annos prophetiæ illi tribuunt. At nos, cum ipsius ministerii initium exordiò Regis Joathan ponamus, non plures ei, quàm 60. annos prophetiæ damus.

474

Ipsius liber 66. Capicibus absolvitur, & in tres partes dividi potest. Primam sex priora capita constituunt, ubi agitur de Regno Joathan. Secunda sex mox sequentibus Capicibus comprehenditur, ubi Propheta de Regno Achaz disserit.

Tertia denique reliquis totius libri Capicibus, quæ Ezechiam respiciunt, concluditur.

Vaticiniis suis Isaia Babylonicam captivitatem, ab ea reditum, Regnumque Messia sibi præcipue proponit. Hinc fit, teste S. Augustino (l), ut novi Testamenti Scriptores frequentius ex Isaia, quàm ex aliis Prophetis testimonia adducant; necnon Patres aliqui eum Evangelistam potius, quàm Prophetam nuncupent.

Liber iste tanquam Canonicus & di-475  
vinus ab omnibus semper est habitus.

Sed præter illum scriptis adhuc Isaia Ozia Acta, quæ nunc deperdita sunt. Alium librum *Ascensionem Isaia* inscriptum citant Origenes, in Matth. 23. & Epist. ad African. S. Epiphanius, Hæres. 40. & 67. & S. Hieronymus, in Isaia cap. 64.

Prophetarum eloquentissimus habet-476  
tur, ejusque Scripta *pulcherrimarum cognitionum compendium esse*, testatur idem S. Hieronymus. (m) Illius elogium breviter hisce ponit Ecclesiasticus c. 48. v. 25. *Isaia Propbeta magnus, & fidelis in conspectu Dei. In diebus ipsius retrò rediit Sol, & addidit Regi vitam. Spiritus magno vidit ultima (temporum) & consolaturs est lugentes in Sion. Usque in sempiternum ostendit futura, & abscondita, antequam evenirent.*

Ob. 1mo. Hic Propheta c. 38. v. 1. 477,  
Ezechia Regi prædicit mortem in crastinum futuram: *Dispone*, inquit, *domui tuæ, cras enim morieris & non vives.* Et tamen non mortuus est, sed ultra crastinum vixit. Ergo verum eidem non prædixit Isaia, &c.

Resp. Prophetiam hanc non absolutam fuisse, sed comminatoriam tantum, seu potius conditionalem, id est, nisi Deus naturæ cursum sisteret. Cum ergo Isaia Ezechia dixit, *Morieris tu &c.* idem est, ac

(k) Tract. 3. in Joan. (l) Lib. 18. de Civ. c. 29. (m) Præfat. in Isai.

ac fidixisset, si natura, & naturales causæ sciderentur, morbus tuus est lethalis, & nisi Deus per miraculum te sanet, morieris ex eo. Est enim duplex vitæ nostræ perïodus, una à natura, altera à Deo constituta, hæc semper certa est, & fixa, nec augeri, aut minui potest; illa verò à Deo breviori, vel ampliari potest; & reipsa in Ezechia ampliata fuit, & mors ejus dilata, licet secundum causas inferiores futura.

478 Ob. 2do. Ibid. c. 58. v. 1. dicit Isaias: *Clamas ne cesses.* At contrà Paulus Ephes. c. 4. v. 31. clamorem prohibet. Ergo &c.

Resp. Isaiam jubere clamorem prædicationis, & postulationis veniæ; Apostolus verò prohibet illum, qui ab ira procedit.

479

De libro Jeremiae.

Jeremias filius Helciae ex genere Sacerdotali prognatus in Anathoth vico Tribus Benjamin, in ipso matris utero Propheta à Deo jam destinatus fuit. (n) 24to. ætatis suæ annò, mundi verò 3377. ante Christ. 623. ante ær. 627. primò Deum alloquentem se, ac sibi præcipientem audivit (o), ut ad Reges, Principes, & Sacerdotes sua jussa deferret; quod munus ipse objecta ætatis, & linguæ imbecillitate nequicquam deprecatus est. Ab eo tempore, usque ad eversionem Urbis Jerosolymæ, & Templi ejus, quæ facta est à Chaldeis an. m. 3416. ant. Chr. 584. ant. ær. 588. non modò, sed etiam ultra prophetavit: duobus enim primùm post hanc eversionem annis, an. m. 3418. ante Christ. 582. ante ær. 586. videlicet finem vitæ suæ imposuit, sive, quòd naturali morte in Babylone, quò à Gentilibus suis unacum Baruch discipulo suo invitatus fuerat abductus, obierit, prout quidam

Rabbini putant; sive quòd lapidibus in Taphnis à Judæis ejus minas, atque loquendi libertatem impatienter ferentibus fuerit obrutus, ut est Hebræorum traditio, necnon complures antiqui testantur, ut Tertullianus, advers. Gnostice. cap. 8. Hieronymus, cont. Jovinian. lib. 2. Epiphanius, de vita, & morte Prophetæ Dorotheus, in Synopsis. Atque de ipso intelligunt illud Apostoli (p), *Lapidati sunt.* Nonnulli tamen ex Veteribus, apud Hilariū (q), autumat illum adhuc superstitè manere, quemadmodum Elias, quòd de ejus obitu nihil memoret Scriptura, Christusque à Judæis creditus fuerit vel Elias, vel Jeremias. (r) At Theologi communiter censent, eum diem suum obiisse, & statuta die resurrecturum fore.

Ejus liber 52. Capitibus absolvitur, 480 quibus alia 5. Capita subjunguntur, quæ Threnos, seu Lamentationes, & orationem ipsius continent.

Prophetias in eo contentas primùm scripto mandare cœpit Jerem. an. 4to. Joakim Regis Juda, cùm antea tantum viva voce prædicasset. Sub initium libri (s) contra scelera Regni Juda invehitur, quæ quidem eo tempore, primis nempe Josia Regis annis, summa fuere, donec Rex ipse 18vo Regni sui annò populum ad saniora reduxit. (t) Toto illo tempore Judæi plurima mala Jeremiæ intulerunt. (u) Cognati, & populares ipsius ex Anathoth mortem ei minitanti sunt, nisi à vaticinando desisteret; quibus ille vicissim mortem gladio & fame prædixit. Ea occasione queritur apud Deum, quòd impij lætos dies agant, justi verò affligantur. Eo tempore regionem ultio divina fame vexabat; & paulò post Deus ipsi inhiibuit, ne uxorem duceret, atque filios enutrirer Jerosolymis, neve domum luctus ad solandos lugentes ingrederetur; quo quidem

X 2

dem

(n) Jerem. c. 1. (\*) Ibid. (p) Heb. c. 11. v. 37. (q) In Math. 20. (r) Matth. 16. v. 14. (s) C. 2. & seq. (t) 4 Reg. c. 23. v. 4. 5. & seq. (u) C. 12. & seq.

dem judicio mox populo pax, læticia, & solatium subtrahenda portendebantur. (x) Deinde in domum nguli alicujus se conferens, vas fictile observavit, quo in manu artificis confectum, ejusdem operæ ex eadem argilla alterum efformatum est; ad cuius rei similitudinem Deum reprobaturum Judæos, ac alterum pro illis populum fidem fuscitaturum prænuñtiavit. Hæc in Templo prædicans, ac prædicens ibidem carceri mancipatur, ubi ad alteram usque diem detentus fuit. (y) Postea Joakim Regem, ut Deo adhæreat, admonuit, sed monitis non obtemperanti exitum triste prædixit. Cap. 23. Jechoniæ Joakim fratri captivitatem apud Chaldæos, & omne genus ipsius à regno excludendum fore prænuñtiat Cap. 26. Everfionem Templi prædicat. Capitibus 45. 46. & 47. &c. finitimis Judææ populis, Ægyptiis nempe, Philistæis, Tyriis, Phœnicibus, Idumæis, Moabiticis, Ammonitis, populis Damasci, Cedar, & Afor, &c. calicem iræ Dei præbiturum minatur; quod everfione Templi à Chaldæis facta impletum est, quam cap. 25. clarè prænuñtiavit. Cap. 36. in carcere detentus Deo jubente Baruch Discipulo suo prophetias suas, factum ab an. 13tio. Josiæ Regis initio, dictavit, quas coram frequenti populo postea Baruch ipse legeret. Hæc & alia Jeremiæ liber continet.

481 Ei, ut dictum, Lamentationes, seu Threni ipsius Prophetæ subjunguntur, s. Capitibus comprehensæ; suntque lugubres ipsius querimonie de miserabili statu Judæorum, & de vastitate Jerosolymæ, sive eam intelligamus, quam passa est ab interitu Josiæ, ut volunt Hebræi, Chaldæus, & alii: sive eam, quam à captivitate Jechoniæ sustinuit, ut vult Eusebius; sive potius illam accipiamus, quam intulit Nabuchodonosor sub

Sedecia Rege, cum Urbs everfa est, & Templum incensum, ut consent Origenes, ac Theodoretus, necnon græci Interpretes: sive etiam ad illam direptionem respiciamus, quam fecit Titus Vespasianus, quæ ex mente Hieronymi, veluti complementum est hujus Prophetiæ.

Porro liber hic ab omnibus, velut 482 Canonicus semper habitus est. Id in eo difficultatem aliquam parere videtur, quod cap. 36. v. 30. Jeremias contra Regem Joakim hæc vaticinetur, ac dicat: *Non erit ex eo, qui sedet super solium David, cum tamen lib. 4. Reg. cap. 24. v. 5. dicatur: Et dormivit Joakim cum patribus suis: & regnavit Joachin filius ejus pro eo.*

Sed respond. Quod, etsi solum David conscendere tentaverit Joachin filius Joakim, per tres circiter menses, jure ad se Sceptro devolutum: tamen, quia pacifice in eo non sedit, sed cum universa familia sua post tres, ut dictum, menses abductus Babylonem fuit, ideò non dicendus sit sedisse. Posterius verò ejus verè Reges non fuere, sed ad summum quasi Duces, vel Regibus Persarum tributarii Principes.

### De libro Baruch.

483

Baruch filius Nerie, Maasie Nepos ex illustri progenie in Tribu Juda ortum duxit. Ejus frater Saraia apud Sedeciam Regem nobilissimo fungebatur munere; ipse autem Jeremiæ Prophetæ adhæsit, cuius & Discipulus, & à secretis, seu Amanuensis, quoadusque vixit hic Prophetæ, perseveravit, nec nisi mortuum reliquit. Cum ipso, post captam jam à Nabuzardan Jerosolymorum Urbem, in Ægyptum perrexerit. Ibi, quod ferunt plerique, Jeremias occubuit; Baruch etiam

etiam duodécimò captivitatis annò Baby-  
lone obiiſſe dicitur à Rabbis.

484 Ejus liber, qui Græcè tantùm ſupereſt,  
ut plurimùm Jeremiæ libro ad calcem in-  
ſeritur, nec pluribus, quàm ſex, conſtat  
Capitulis, in quibus Judæi inducuntur  
velut peccata ſua, & ſcelera lugentes,  
Deique miſericordiam implorantes. Cap.  
3. v. 38. de Chriſto, ejuſque in carne  
adventu vaticinatur Baruch. Cap. 5.  
prædicit Judæos à captivitate liberandos,  
atque cum gloria in patriam reducendos.  
Cap. 6tum. continet Epistolam Jeremiæ ad  
Judæos in Babylone captivos, qua ipſis  
Propheta vaticinatur, eos poſt ſeptem  
generationes fore liberandos. Hæc libri  
huius epitome, quem Baruch ſe ſcripſiſſe  
ait c. 1. v. 1. & 2. in anno 5to poſt Hie-  
roſolymitanum excidium Babylone.

Extra Canonem illum eſſe volunt ex  
Catholicis Joannes Driedo, lib. 1. de Scrip-  
turis & Dogmat. Eccleſ. cap. ult. Et  
ex Acatholicis Calvinus, lib. 3. Inſtitut.  
c. 20. §. 5. Atque Chemnitius, in exam.  
Conc. Trid. Seſſ. 4. ſed immeritò, contra  
quos proinde ponitur

### CONCLUSIO.

485

Liber Baruch meritò inter libros Ca-  
nonicos S. Scripturæ recenſetur.

Prob. Conclusio 1mo. Ex ipſo libri  
huius contextu, qui nihil niſi ſanctum,  
& pium ſpirat, ut ſuprà memoravimus;  
inſuper vaticinia de Chriſto, de libera-  
tione Judæorum à captivitate continet,  
eventu ſuo comprobata; cujuſ ſententias  
poſteriores Prophetæ Daniel, & Nehe-  
mias ſcilicet in ſuas ſcriptiones, quæ velut  
canonicæ ab omnibus habentur, tranſtu-  
lerunt, ut Daniel. cap. 9. v. 13. & ſeq.  
ex Baruch c. 2. v. 7. & ſeq. Daniel. ibid.  
v. 5. & 15. Item 2. Eſdræ c. 9. v. 10.  
ex Baruch cap. 2. v. 11. & ſeq. Iterum  
Daniel. ibid. v. 19. ex Baruch c. 2. v. 15.  
Daniel. ibid. v. 18. ex Baruch c. 2. v. 19.

Illius denique cap. 6tum. quo Episto-  
la Jeremiæ continetur, tanquam Jeremiæ  
ſcriptionem citat Auſtor lib. 2. Machab.  
c. 2. v. 1. & 2.

Atqui liber, qui nihil niſi ſanctum,  
& pium ſpirat, qui vaticinia tum de  
Chriſti in carne adventu, tum de libera-  
tione populi Iſraelitici à captivitate;  
quem alii Scriptores ſacri tranſcripſiſſe,  
atque citari videntur, meritò velut  
ſacer, & Canonicus haberi debet.  
Ergo &c.

Prob. 2do. Auſtoritæ Eccleſiæ, quæ, 486  
ex antiqua traditione, in proſeſſo Pen-  
tecoſtes palam, & publicè lectionem ex  
libro Baruch cum lectionibus aliorum ſa-  
crorum Librorum legi jubet. Concilia  
item Florentinum, & Tridentinum eum  
inter ſacros & Canonicos libros recen-  
ſent.

Prob. 3tio. Auſtoritate veterum Pa- 487  
trum, qui vel ſub proprio Baruch, vel  
ſub Jeremiæ nomine illum citarunt;  
velut divinum, atque ex eo textus ad-  
duxerunt: ut Cyprianus, lib. 2. cont.  
Jud. c. 5. Item apud Baruch, inquit,  
*hic eſt Deus noſter, &c.* Et Serm. de  
Orat. Dom. Epistolam Jeremiæ, quæ  
eſt ultimum Caput libri Baruch, velut à  
Spiritu ſancto dictatam citat. S. Hilarius  
nominatim ponit in Canone Epistolam  
Jeremiæ, Præfat. Comment. in Pſalm.  
S. Cyrillus etiam nominatim citat Baruch,  
lib. 10. in Julian. Clemens Alexandrinus  
illum ſacram Scripturam vocat, lib. 2.  
Pædagogi, cap. 3. ut & S. Ambroſius,  
lib. 1. de Fide, cap. 2. Theodoretus  
totum librum exponit, eumque divinam  
Scripturam apertè nuncupat, in Baruch.  
Cap. 2. Idem aſſerit Euſebius, lib. 6.  
Demonſt. Evang. c. 19.

Paſſim etiam Veteres ſub nomine Je-  
remiæ librum hunc allegant, propterea,  
quòd Baruch notarius, ſeu ſcriba, &

X 3

Diſcipu-

Discipulus fuerit Jeremiæ (x), quæ causa fuit, cur antiqua Contilia, & Patres aliqui illum nominatim in Canone non posuerint, quia nimirum eum partem esse Jeremiæ vaticiniorum judicabant. Certè Clemens Alexandrinus sub nomine Jeremiæ citat illud Baruchi c. 3. v. 9. & illud c. 4. v. 4. (a) S. Ambrosius, lib. 1. de pœnit. c. 8. nomine Jeremiæ recitat quædam c. 3. & ex c. 5. libri hujus, ut & lib. 3. Hexamer. c. 14. ex c. 4. S. Basilii, lib. 4. in Euhom. non procul à fine, & S. Chrysostomus, in Orat. quod Christus sit Deus, cont. Gent. adducunt illud Baruchi c. 3. v. 36. *Hic est Deus noster* sub nomine Jer. S. Augustinus lib. 18. de civit. c. 33. eundem locum dicit ab aliquibus citari nomine Baruch, sed à pluribus nomine Jeremiæ.

Denique eundem locum sub nomine Jeremiæ adducunt Sixtus I. Ep. ad omnes fideles. Felix IV. Ep. ad Petrum Antioch. & Pelagius I. Ep. ad Vigilium. Imò hucusque usus in Ecclesia etiam invaluit, ut, quoties librò Baruch utitur in horis Canonicis, illum sub nomine Jeremiæ referat. Ergo liber iste meritò Canonicus, & Divinus reputari debet, vel etiam liber Jeremiæ à Canone removeri debet, quippe sub ejus nomine prior à Patribus citatur. At de libro Jeremiæ nulla unquam fuit apud Veteres controversia, ergo nec de libro Baruch, adeoque divinus est, & Canonicus.

### Solvuntur Objectiones.

Ob. 1mo. Liber iste à Canone Judæorum excluditur. Ergo non videtur, quare ratione ab Ecclesia in Canone collocari possit.

Resp. 1mo. transf. ant. neg. conf. Non est minor Ecclesiæ auctoritas, quàm olim Synagoga fuerit, prout alibi jam sæpius

inculcavimus: potuit ergo Ecclesia, neglecta Synagoga & Judæorum opinione, post examinatum libri Baruch dignitatem, illum in Canonem recipere &c. Igitur Judæorum mos, qui librum Baruch à Canone excludunt, non satis validum est argumentum, ut & à nobis rejiciatur, cum & alios libros, quos ipsi non admittunt, nos inter Canonicos recenseamus.

Resp. 2do. Quòd liber iste in Judæorum Canone non recensetur, id ex multorum consuetudine factum est, qui inter Jeremiæ scriptiones librum hunc collocabant. Atque ea consuetudo à prima Ecclesiæ ætate prodita, à vetustis Patribus servata est, ut supra ostendimus. Unde minime dubitandum, quin sub Jeremiæ scilicet nomine in Canonem à Synagoga magna, seu Esdra relatus fuerit.

Inst. 1mo. Liber iste nunquam hebraicè scriptus fuit, & nonnisi ex Græco ad nos perlatus est. Ergo minime potuit ab Esdra, seu Synagoga magna in Canonem referri, quæ nonnisi hebraico sermone conscriptos libros in illum retulit, nec alios referre potuit, ut qui nondum græcè exarati fuerint.

Reg. neg. ant. Quamvis enim liber Baruch græcè tantum supersit, minime tamen dubitandum, quin primò ab ipso Baruch hebraicè exaratus fuerit, quod hebraicum exemplar postmodum intercidere ex ratione, quia inter Jeremiæ scriptiones omissio Baruch nomine liber hic positus fuit; unde cum librarii sacra volumina exscribentes, in eorum indice Baruch nomen non reperirent, ut qui sub Jeremiæ titulo contineretur, librum quoque ejus inde amovendum censuerunt, ejus nomen in titulo non comparebat. Et profectò græcam hujus libri interpretationem ex hebraico exemplari derivatam esse evincunt complures hebraismi, quibus totum Opus perpersum est, iisque tam crebris,

ut

(x) C. 36. v. 4. (a) Lib. 1. pædog. C. 10.

per apertum sit, librum hunc esse originis hebraicæ Opus.

- 490 Inst. 2do. Hebraismi in hoc libro contenti id duntaxat evincunt, illum nempe scriptum fuisse ab Hellenista quodam, seu Hebræo græcâ linguâ utente, minime verò quod hebraicæ originis fuerit, & ab ea lingua primùm in græcum sermonem translatus fuerit. Ergo &c.

Resp. neg. ant. Neque enim verisimile est, hominem græcum, aut Hellenistam græcè scribentem tantum hebraici coloris huic libro allinere potuisse, nisi præeunte ipso exemplari, cujus sententias, & distinctiones hebraicas fidus Interpres sequebatur.

- 491 Inst. 3tio. Homini hebraicæ linguæ perito facile fuit, etiam cum græcè scriberet, hebraicæ linguæ saporem retinere, & crebros ubique hebraismos aspergere. Ergo &c.

Resp. transf. ant. neg. conf. Mirum enim improfecto videtur, quod vir hebraicæ linguæ peritus, sub Baruch hominis hebræi nomine Opus confingere, & supponere voluerit, nec tamen hebraicam, sed græcam orationem adhibuerit.

- 492 Ob. 2do. Liber iste in veteribus Bibliorum Catalogis, quorum Patres, & Concilia meminerunt, neutiquam legitur. Ergo &c.

Resp. neg. conf. 1mo. Non omnes libri Canonici simul ab universa Ecclesia recepti fuerunt, & fieri potuit, ut quos priora Concilia, prioresque Patres minime receperint, eos posteriores Synodi, Patres, & Pontifices confirmarent, prout de libro Baruch factum perhibetur. 2do. Ideo librum hunc veteres Ecclesiæ tabulæ non referunt, quia passim sub Jeremiæ nomine continebatur, prout supra ostendimus; unde factum, ut hucusque usus in Ecclesia invaluerit, ut quoties ipsa librò Baruch in officio Ecclesiastico utitur, illum sub Jeremiæ nomine referat. Minime

proinde dubitandum, quin Patres, & Concilia, qui sacrorum librorum Canonem edentes, Jeremiæ voluminem haud misererunt, Baruch quoque librum, qui sub prioris Prophetæ nomine apud ipsos veniebat, intelligerent.

Ob. 3tio. Cum reliquos omnes Prophetas Hieronymus commentariis suis illustrasset, in hunc nihil prorsus commentatus est, quod, ut ait (b), ab Hebræis non legatur, & insuper Epistolam falsò Jeremiæ adscriptam contineat. Ergo &c.

Resp. Ex hoc Hieronymi testimonio, quod ex iis, quæ hæcenus differuimus, penitus enervatur, id ad summum duntaxat colligitur, scilicet suo tempore librum Baruch non omnimodam in Ecclesia obtinuisse auctoritatem, & fortè à quibusdam receptum non fuisse, quod non officit, quin postea, ponderatis, quæ pro illo militant, auctoritatibus & momentis, Ecclesia illum sacrorum librorum Canoni merito adscriperit.

Porro eidem Hieronymo Epistolam Jeremiæ, quæ c. 6. libri Baruch legitur, falsi postulanti opponimus inter alios Cyprianum, de Orat. Dom. & Hilarium Prolog. Explan. in Psal. qui hanc Epistolam velut Canonicam, & à Jeremia exaratam suscipiunt, atque eam unum è Canonicis libris efficere docet Hilarius. Cujus rei ignari plerique, eam propter exiguitatem suam facile delitescentem, inter Canonica scripta non posuerunt; hinc fortè etiam factum, ut librorum hebræos Codices describentium diligentiam fugerit: imò è græcis quibusdam exemplaribus eam excidisse notum est, cujus, ut diximus, causa fuit libelli exiguitas, cum etiam styx illius diversitas, cum interdum Threnis, nonnunquam Baruch Prophetæ subjungeretur. Fieri enim potuit, ut cum Threnos descripsisset libarius ex uno Codice, in quo Epistola Jeremiæ subnexa erat Prophetæ Baruchi,

(b) Pref. Comment. in Jerem.

Baruchi, à Threnis una serie ad Baruchum describendum progressus sit; deinde verò cum Baruchum describeret ex altero Codice, in quo Threnos excipiebat Jeremiæ Epistola, ab incauto, & parùm atento librario prætermissa sit.

- 494 Ob. 4to. c. 1. v. 1. & 2. librum suum scripsisse Baruch ait annò 5to post captam, & unacum Templo succensam à Chaldeis Urbem Jerusalem: & tamen eodem c. 1. v. 7. 10. & 14. item c. 2. v. 16. fit mentio Domûs Domini, seu Templi, & Altaris Domini veluti adhuc starent, nec diruta fuissent. Atqui hæc sunt contradictoria. Ergo &c.

Resp. neg. mín. Non enim Urbs unacum Templo ita vastata, & igne consumpta fuit, quin cum illius, tum Templi reliquiæ aliquæ, scilicet parietes, & rudera remanserint, quæ intra illud quinquennium, quod, antequam Jerosolymam liber Baruch mitteretur, effluxit, refici, & aptari potuerunt ab iis, qui tum incivitate, tum in ejus vicinia remanserant, ita ut velut in tuguriis se recipere potuerint, atque intra Templi rudera super Altare, quod fortè quodammodò ab incendio servatum, vel ab ipsis restauratum fuerat Deo sacrificia offerre potuerint, prout memoratis v. 7. 10. & 14. c. 1. dicitur, &c.

#### 495 De libro Ezechielis.

Ezechiel filius Buzi, è Sacerdotali genere (c) à Nabuchodonosore, qui Joakim Regem Juda jugum, quod prius subire coactus fuerat, excutientem, in Judæam rediens, ceperat, & occiderat annò mundi 3405. ante Chr. 595. ante ærem 599. captivus Babylonem ductus est.

- 496 Verisimilis est, eum, cum captivus detineretur, primum divino afflatum Spiritu oracula sua fundere cœpisse annò mundi videlicet 3410. ante Chr. 590. ante ær.

594. siquidem ante suum in Chaldæam adventum nunquam Prophetam egisse legitur.

Vaticinari igitur cœpit annò ætatis suæ 30mò (d), ut nonnullis videtur, seu potius annò 30mò ab innovato cum Domino fœdere sub Josia Rege Juda; necnon prophetare perrexit usque ad annum mundi 3430. ante Chr. 570. ante æram 574. qui fuit 14tus à Jerosolimæ urbis excidio, quod in Jerusalem regnante Sedecia accidit anno mundi 3416. ante Chr. 584. ante æram 588. adeoque per 20. annos vaticinia sua fudit.

Jeremiam, & Ezechielem eodem simul tempore, hunc trans Euphratem, alterum Jerosolymæ ante urbis excidium, oracula fundentes sibi invicem Prophetias suas communicasse, ut Judæi exules animis confirmarentur, Hieronymus autumnavit. (e)

Ezechielem à Principe populi sui, quem ab idololatria revocare conabatur, interfectum tradunt. Sed quis ad amnem Chobar, ubi in captivitatem abductus Propheta resederat, Judæorum Princeps fuerit, non facile rescieris. Alii alia de illius morte tradunt, quæ hucusque pro incertis habita sunt.

Ipsius liber 48. Capitibus absolvitur. 498 Prioribus calamitates Judæorum, & obsidionem urbis Jerusalem præfigurat. Cap. 11. prænuntiat reliquias Israël à Deo in patriam reducendas fore, quibus daturus esset cor carneum, ut eum colant, & timeant. Cap. 14. & 17. Pseudoprophetas ac Pseudoprophetides, eorumque clientes gravibus verbis redarguit, quod ex cerebro vaticinantes falsam pacem populo promitterent. Sequentibus capitibus variis figuris, & parabolis denuò varias, easque graves Regum Israël & Judæ calamitates designat. A cap. 25. usque ad 32. Ammonitis, Moabitæ, Idumæis, Palestinæ, Tyriis, & Egypto exitum prædicat.

(c) C. 1. v. 3. (d) C. 1. v. 1. (e) In Ezechiel c. 14.

elt. (f) Cap. 34. prænuntiat, Deum oves suas liberaturum, & super eas Pastorem unum (Christum nempe) constituturum, quem nomine *Davidis* præfiguratur, sub quo in omni ubertate terræ pascantur. Eadem repetit cap. 36. & 37. Cætera, quæ sequentibus Capitibus vaticinatur, obscura admodum sunt.

499 Hujus libri auctoritas absque controversia omnium Sæculorum assensu comprobata est. Narrat tamen Judæi, diutius in Synedrio ea de re fuisse disceptatum; ipsius enim initium & finis obscuriora videbantur (g); unde apud ipsos nonnisi post 300 annos ætatis illius lectio permittitur. Nihilominus binæ in illo occurrunt difficultates quæ à nobis solvi debent. Unde

500 Ob. 1<sup>mo</sup>. Ibid. cap. 1. v. 12. libri hujus, hæc de quatuor animalibus ab Ezechiele visis leguntur: *Illuc gradiebantur, nec revertentur, cum ambularent*, & è contrâ ibid. v. 14. de iisdem asseritur: *Et animalia ibant, & revertentur, in similitudinem fulguris coruscantis*. Atqui, &c. Ergo, &c.

Resp. In priori textu significatur tantum, hæc animalia ita fuisse ad obediendum suo aurigæ Deo parata, ut illuc rectè pergerent, quò ducebantur, quin retrocederent, vel usquam devierent, prout interdum faciunt in loco declivi equi nimis oneratum currum trahentes, vel protervi, aut frangi impatientes. In posteriori verò textu solum indicatur, eadem animalia eo ipso impetu, quo præscriptam sibi cursus metam attingent, eademque velocitate reverti solita fuisse, ad aliò pergendum, quocunque ea ducere vellent auriga Deus.

501 Ob. 2<sup>do</sup>. Ibid. cap. 14. v. 9. Dicit Deus se Prophetam, cum locutus fuisset P. Cartier Theol. Tom. I.

verbum, decepsisse; adeoque per illum fuisse mentium. Ergo &c.

Resp. Deum non positivè Prophetam illum decepsisse, sed permisivè duntaxat: nullus enim Propheta, quamvis falsus, positivè à Deo decipitur, sed permisivè tantum, quatenus finit, ut in deceptionis occasiones incidat, & homines interdum fallat in eorum peccati poenam, vel aliis iustis de causis. Sic Paulus loquens de adventu Antichristi in poenam præcedentium peccatorum hominum ordinato ait (b): *Idè mittet illis Deus operationem erroris, ut credant mendacio*. Id est, idè sinet eos ab Antichristo decipi, & in errorem induci. Sic lib. 3. Reg. c. 22. v. 22. Dæmoni loquenti de Achab, & ejus quadringentis falsis Prophetis atque ad Deum dicenti: *Egrediar, & ero spiritus mendax in ore omnium Prophetarum ejus, dixit Deus, decipies, & pravalebis: egredere, & fac ita*; non quòd præcipiat Deus, ut decipiat, sed solum permittat, dicens: *Egredere, & fac ita*, id est, egredere, per me licet, non impediam, sicut non impedio peccatum.

### De libro Danielis.

502

Daniel Propheta Domini è familia David, qui, cum teneræ adhuc esset ætatis (duodecim annos natum ferunt) captivus Babylonem annò 4<sup>to</sup> Joakim Regis Juda, an. m. 3398. ante Christ. 602. ante ær. 606. abductus est. Regis Nabuchodonosoris unacum tribus sociis Anania, Azaria, & Misæle obsequio in Regia destinatus fuit. (i) Atque hi quatuor eà curâ educati fuere, quæ tali ministerio competeret, necnon omni Chaldaicâ litteraturâ imbuti.

Y

Hæc

(f) Vaticinium de Christo. (g) Hieronym. Præfat. in Ezechiel. (h) 2. Thessal. 2. v. 10. (i) Daniel. c. 1.



503 Hæc porrò Danielis ejusque libri, qui 14. Capitibus constat, Chronologia & ordo. Ductus est Babylonem annos natus fortasse duodecim an. m. 3358. (k) Historia Susannæ anno mundi 3401. (l) Somnium statuarum an. m. 3402. necnon vaticinium de Regno Christi. (m) Erigitur à Nabuchodonosore statua aurea, quam tres pueri Ananias, Azarias, & Misaël adorare renuentes missi sunt in fornacem ignis ardentis, unde illæsi egrediuntur, an. m. 3417. (n) Somnium Nabuchodonosoris de Arbore, an. m. 3434. (o) Phrenesis ejusdem, an. m. 3435. (p) Regno restituitur, annò m. 3443. (q) Visio quatuor animalium sub exordium Regni Balthasaris, annò m. 3445. Item vaticinium de adventu Christi, quem nomine filii hominis designat. (r) Altera visio arietis, & hirci, an. m. 3448. (s) Sacrilegium Balthasaris convivium: interpretatio scripturæ ad parietem exaratæ facta à Daniele: occisio impij Regis Balthasaris, cui succedit Darius Medus, an. m. 3448. ante Christ. 552. (t) Initio imperii Darii Medij visio septuaginta hebdomadum, quæ apertam de Christi adventu prophetiam continet, an. m. 3449. ante Christ. 551. ante ær. 555. (u) Darius latò editò, neminem præter se unum, nec hominem nec Deum triginta dierum spatiò coli ab omnibus, præcipit: Daniel, quòd contra Regis mandatum, nihilominus Deum colere, & adorare pergeret, in foveam leonum immittitur, è qua die altera illæsus educitur, an. m. 3450. ante Christ. 550. ante ær. 554. (x) Visio de viro lineis vestito, de resitente Principe Persarum, de Regni Græcorum Principe, & de Michaële Principe Judæorum, annò m. 3458. ante Chr. 542. ante ær. 546. (y)

Vaticinium de Regibus Persarum, & Regibus Græcorum &c. Eodem anno. (z) Vaticinium de salvatione reliquiarum Judæorum, de resurrectione quorundam ex mortuis ad vitam, & quorundam ad opprobrium; de gloria Doctorum, & completionem Prophetiæ post statutum tempus, eodem anno. (a) Historia Beli (b) & Draconis à Daniele occisi; ob facinus istud, urgentibus Babylois, permittente Cyro Rege, mittitur in lacum leonum, ubi per sex dies inclusus ab Habacuc Propheta pascus est, septimo autem die incolumis inde extrahitur, an. m. 3458. ante Chr. 542. ante ær. 546. (c) Sunt, qui non improbabilius, imò probabilius fortè, hanc historiam ad Regnum Evilmerodach, qui annò m. 3445. ante Christ. 555. ante ær. 559. Babylonis Regnum obtinuit, atque eodem anno amissit, referri debere autumant. Nam Cyrus Belum, primum Babylonis Regem, cui post mortem divinos honores exhibebant Babylois, non colebat, sed Solem. Neque ausi fuissent Babylois, utpote à Cyro subacti, eidem mortem, nisi Daniele in leonum foveam mitti permetteret, minitare, prout tamen minitabant. (d) Hæc historia & libri Danielis epitome, & Chronologia. Tempus, quo mortuus est, ignoratur.

Librum istum velut Canonicum, & divinam Ecclesia Catholica agnoscit, sit ergo cum illa

## CONCLUSIO.

504

Liber Danielis Canonicus est, & divinus.

Prob. 1mò ex hoc ipso Danielis libro. In quo nempe earum rerum, quas multis, antequam evenirent, sæculis, prædixit,

(k) Cap. 1. (l) C. 13. (m) C. 2. (n) C. 3. (o) C. 4. (p) Ibid. (q) Ibid. (r) C. 7. (s) Cap. 8. (t) C. 5. (u) C. 9. (x) C. 6. (y) C. 10. (z) C. 11. (a) Cap. 12. (b) Bel vel Bael idem ac Dominus apud Ægyptios Bel idem erat ac apud Latinos Jupiter. Hic Baelus indicari videtur primus Babyloniorum Rex, (c) C. 14. & ult. (d) C. 14. v. 28.

dixit, infallibiles, & certissimi eventus inveniuntur. Imò non solum futura prædixit in suo libro Daniel, quod omnibus Prophetis commune est, sed etiam quo tempore, & sub quibus Regibus, numeratis per ordinem annis, ea venire debuerant, certissimè prævidit, & prædixit, adeò ut non tam e videatur futura prædixisse, quam præterita narrasse; Nihil ferè enim de quatuor Babyloniorum, Persarum, Græcorum, & Romanorum Monarchiis in Gentium historis continetur, quod in libro Danielis ante plura sæcula ab ipso prænuntiatur non legatur.

His accedit consensus sacrorum voluminum tam veteris, quam novi Testamenti de Danielis Prophetia testimonium ferentium. In imo. Machab. libro c. 2. Matthatias morti proximus filios suos hortatur ad Legis observantiam, & ærumnarum tolerantiam, acceptis ex hoc Danielis libro exemplis trium puerorum è camino ignis liberatorum, & Danielis, qui de ore leonum liberatus est. Christus quoque apud Matthæum c. 24. ex hoc libro excidium Urbis Jerosolymæ, & ejus Templi abominationem à Daniele Propheta prædictam denuntiat. Paulus item ad Hebræos scribens. c. 11. meminit historiæ trium puerorum & Danielis in lacu leonum, cum ait: *Extinxerunt impetum ignis, obturaverunt ora leonum.* &c.

Atqui liber, cujus contenta vaticinia certus, & infallibilis eventus confirmavit, qui à sacris Scriptoris, ipsoque Christo Domino adducitur, in eorum, quæ proferunt, testimonium &c., verè propheticus, adeoque divinus, ac proinde Canonicus dici, & reputari debet. Ergo &c.

505 Prob. 2dò. ex Traditione Judæorum, qui librum Danielis inter Agiographa,

seu inter sacros, & Canonicos libros ponunt, atque Daniele unum è maximis Prophetis, qui cum Deo habuerit colloquia, nuncupant, eumque non solum futura prædicasse, sicut alii Prophetæ, sed & tempus, quo hæc eventura erant, determinasse fatentur. (e). Imò Thalmudistarum sententia est, librum Danielis à viris Synagogæ Magnæ fuisse elaboratum, quam alii Rabbini sequuntur. Nos autem id ita intelligendum volumus, ut Synagoga Magna librum hunc è Chaldaico, quo sermone à Daniele scriptus fuerat, in Hebraicum transtulerit. Ergo &c.

Prob. 3tò. ex Traditione Ecclesiæ, 506 quæ, testibus Ruffino lib. 2. cont. Hieronym. & S. Augustino Serm. 47. de Sanctis, jam à 1300. & quod excurrit annis, tam in Missa, quam aliàs in Officio varias hujus libri partes recitat, ut in Missa Sabbati quatuor temporum, & in laudibus, quæ non sunt de feria, Hymnum trium puerorum. In Missa Sabbati ant. Dom. 4. Quadragesimæ, Historiam Sufianæ. In Missa Feriæ 3. post Dom. 5. Quadrages. Historiam Draconis interfecti, &c.

Accedunt 4tò Concilia, & Patres, à 507 quibus totus Danielis liber velut Canonicus & divinus semper habitus est. Canonicis Scripturis deputatur à Conciliis Laodiceno Sæculò 4tò. celebrato, & Carthaginensi III. annò 397. sub Siricio Papa, & aliis. Atque omnes sacrorum librorum Catalogi illum referunt per omnes Ecclesiarum successiones tanquam veri Prophetæ librum.

Sancti Patres verò etiam illum tanquam divinum, & propheticum agnoscunt. Ut beatus Ignatius Martyr, Ep. ad Magnesiam. Origenes, hom. in Levit. & Ep. ad Julian. Afric. Tertullianus, librò de corona militis. S. Cyprianus, lib. 1. Epist. 8. & lib. 4. Epist. 6. Item Serm.

Y 2

de

(e) Maimonides in More Nevochim. lib. 2. c. 45. Joseph. Antiq. lib. 10. cap. ult. Thalmudicæ liber Megillah. c. 1.

de Orat. Dom. & ferm. de lapsis. S. Basilii, lib. de Spiritu sancto c. 3. S. Epiphanius, in Anchorato. S. Joan. Chrysostomus, Hom. 4. ad pop. Antioch. Theodoretus. Comment. in Daniel. S. Ambrosius, lib. 3. de Spiritu sancto. S. Augustinus, lib. de natura boni, & tract. 36. in Joan. Ergo &c. &c.

508

### Solvuntur Objectiones.

Ob. 1mo. Liber hic non est Danielis illius, qui inter viros sanctos, & Prophetas in quibusdam sacre Scripturæ locis memoratur. Ergo fictitiusest, & Danieli falsò adscriptus. Prob. ant. Ezechiel, qui, ut suprâ, ubi de illius libro egimus, à nobis notatum est, annò mundi circiter 3410. oracula sua fundere cœpit, Danielis meminit velut olim jam defuncti, vel saltem jam provectæ ætatis, & multorum liberorum parentis; sic enim de eo, atque Noë & Job loquentem Dominum inducit, c. 14. v. 14. & v. 16. *Si fuerint tres viri isti Noë, Daniel, & Job in medio ejus (terræ peccatricis scilicet) vivo ego, dicit Dominus, quia nec filios, nec filias liberabunt.* Atqui tunc Daniel noster ad summum erat 24. annorum, nec unquam filios habuit, aut filias, ut qui eunuchus fuerit, prout communiter tradunt Judæi, quibus assentiuntur Origenes, & Hieronymus. Ergo fictitiusest liber, quem sub Danielis viri sancti, & Prophetæ nomine præ manibus habemus.

Resp. ad 1mum arg. neg. ant. ad ejus prob. neg. ant. Propheta Ezechiel adductò locò loquitur hypotheticè tantum, non absolute, & perinde ac si diceret, si Daniel filios haberet, eos non liberaret, quod patet ex eo, quia de Noë & Job, qui multis ante sæculis jam è vita excesserant, eadem ac de Daniele dicit Ezechiel: annumerat autem cum inter viros grandævos, quia quamvis adhuc juvenis esset, tamen notus erat populo, propter Susannæ liberationem, somniorum Regis interpreta-

tionem, & occisionem Presbyterorum Idoli Bel.

Ob. 2do. Liber iste partim Chaldaicè, partim Hebraicè, partimque Græcè scriptus proditur. Ergo à variis diversarum nationum Scriptoribus videtur esse malè digesta, & confusa historia.

Resp. Equidem primum hujus libri caput cum tribus primis versiculis sequentis capitis Hebraicè scriptum tenemus; sequentia usque ad caput octavum Chaldaicè exorata sunt, quæ postmodum à Rabbi Levi ben Gerson Hebraicè reddita sunt; reliqua rursum hebraicò sermone narrantur, præter orationem Azariæ, c. 3. v. 25. & seq. Hymnum trium puerorum, Ibid. v. 51. & seq. Susannæ & Beli, ac Dacronis historias, quæ tempore Hieronymi Græcè tantum supererant. Non tamen dubitandum, quia liber iste primum Chaldaicè fuerit ab ipso Daniele exoratus, qui Chaldaicâ linguâ jussu Regis Babyloniorum fuerat imbutus, & magnæ linguæ hujus usum diutina inter Chaldaeos commoratione comparaverat; deinde Hebraicè à Judæis reducibus in gratiam, & utilitatem suæ gentis; demùm etiam Græcè ab Auctore prisca Interpretationis, ab Aquila, à Theodotione, à Symmacho, & aliis translatus; ita ut temporum injuriâ Chaldaicâ & Hebræâ illius editionibus malè multatis, ac detruncatis, vel, prout conjicit Origenes, ex hoc libro deditâ operâ à recentioris ævi Judæis suppressis lis, & expunctis, quæ Majorum suorum infamiam, scelerumque vestigia exhibebant, sola integra perstitit Græca versio.

Ob. 3tio. Ejusdem libri c. 1. v. 21. 510 hæc leguntur: *fuit autem Daniel, usque ad annum primum Cyri Regis.* Item c. 6. v. 28. *Porrò Daniel perseveravit usque ad Regnum Dario, regnumque Cyri Persæ.* Et tamen c. 10. v. 1. dicitur: *annò tertio Cyri Regis Persarum, verbum revelatum est Danieli.* Atqui duo priores textus innuunt, Daniele obisse primò Regni Cyri annò, & posterior è contrâ ait, eum tertio ejusdem

dem Cyri annò adhuc fuisse suppositum.

Resp. In duobus prioribus textibus significatur solum, Daniele in Regis Aula, & maximo in honore ac gloria fuisse usque ad primum Cyri regnantis annum, hoc est, toto tempore captivitatis, & servitutis, necnon Babylonice Judæorum afflictionis, quod non excludit, eundem Danielem, relicta aula Jerusalem reversum, privatam adhuc per duos annos egisse vitam, usque ad 3tium Cyri Regis annum, prout posterior indicat textus.

§11 Ob. 4to. Ibid. c. 9. v. 1. Darius dicitur Assueri filius. Et tamen 1. Esd. c. 4. v. 6. & Esther c. 1. v. 6. Assuerus Dario longè posterior fuisse dicitur. Ergo.

Resp. Cùm Darius Assueri filius vocatur, idem est, ac si dicatur filius magni Principis, seu Regis Medorum, nempe Astyagis; Assuerus enim non erat nomen proprium, sed commune Regis Medorum, sicut Artaxerxes Regis Persarum: unde est, quòd Cambyles, & Maritus Esther, alique secundæ Monarchiæ Reges vocentur modò Assueri, modò Artaxerxes prout Medis, vel Persis, quibus utrique imperabant, proprio gentium illarum nomine contingebat eos appellari.

§12 Ob. 5to. Præter diversas hujus libri phrasas, Auctor illius se Græcum fuisse prodit, cùm Daniele græcis allusionibus Presbyteris respondentem adducit c. 13. deductis verbo *Chifsein* (f), hoc est scindere à dictione *chinu* (g), id est, *Lentiscus*; & verbò *priecin* (b), id est, *secare*, à nomine *prinu* (i) hoc est *Ilice*: quæ etymologiæ nec Hebræo, nec Chaldaeo sermoni possunt adaptari. Ergo liber hic falsò adscribitur Danieli Prophætæ.

Resp. neg. ant. Phrasas in libro hoc contentæ potiùs græcum translatores, quàm Auctorem arguunt, quippe quæ hebraïsum frequentissimè redoleant, prout

ab eruditis viris jam diu observatum fuit. Fatemur etiam, Danielem in suo judicio, quo Susannam ab iniqua duorum Senum illorum accusatione vindicavit, ac liberavit, usum non esse his græcis vocibus, neque istis ad voces græcas allusionibus, sed alias Chaldaicas voces nobis ignotas adhibuisse, quibus tamen secundùm Chaldaicæ linguæ proprietatem aliqua verba *scindendi*, & *secandi* responderent. Græcus ergo Interpres non vertit ad verbum, sed ad sensum, utque allusiones servaret, alias arbores accepit, quibus in Græco responderent allusiones ad verba *scindendi*, & *secandi*; quod sanè in optimo interpretandi genere factitari solemne est.

Ob. 6to. Eodem c. 13. & in eadem Susannæ historia Daniel dicitur fuisse puer junior. At sup. c. 7. dicitur fuisse unus ex primis Satrapis Darii Medi, quo tempore utique puer ampliùs non erat. Atqui hæc sunt contradictoria. Ergo &c.

Resp. conc. maj. neg. min. Vulgata nostra non omnia eo ordine, quo re ipsa evenerunt, in Danielis libro recenset, sed interdum priùs narrat ea, quæ primum postea facta sunt; unde in Græcorum Codicibus, in quibus historiæ ordo magis servatur, liber hic incipit ab historia Susannæ, quippe quæ primis captivitatis Danielis annis, & cùm adhuc 15. circiter annorum puer esset annò mundi 3401. ante Chr. 599. ante æram 603. contigisse perhibetur. Hanc autem historiam Hieronymus, qui librum hunc ex Hebræo in Latinum transtulit, & latinæ Ecclesiæ tradidit, ad illius calcem rejecit, ut intelligeremus, eam ex Hebræo intercidisse, atque, ut suprà ex Origene annotavimus, à Judæis recentioribus suppressam, & deletam fuisse.

Inst. Memoratum cap. 13. Danielis, quo historia Susannæ præcisè continetur, his verbis finitur: *Et Rex Astyages* (alias Darius

Y 3

(f) χιφειν. (g) χιν. (b) πριecin. (i) ιλι.

Darius Medus (k)) *appositus est ad patres suos, & suscepit Cyrus Persis regnum ejus*; quod evenit anno mundi 3456. Atqui hæc innuit, hanc Sufannæ historiæ accidisse vel sub finem Imperii Astyagis, vel initio Cyri. Ergo &c.

Resp. conc. maj. neg. min. Quæ hîc de morte Astyagis, & principio Regni Cyri Persis dicuntur, perperam ab Interprete latino, seu potius librario & amanuensi ad calcem capitis 13. libri Danielis posita sunt, ut quæ ad historiæ Sufannæ proximè narratam non pertineant, sed constituent initium capitis 14ti & ultimi. Id liquidò patet ex contextu, & dispositione græcorum Codicum, præsertim editionis græcæ Sixti V. Papæ, in qua versus ille 65. & ult. cap. 13ti Vulgatæ nostræ connectitur cum cap. 12to illiusque initium constituit, non verò cum historia Sufannæ, quæ longo tempore ea præcessit, quæ memoratò cap. 14to narratur.

§15 Ob. 7mo. Josephus lib. 10. Antiquit. Historias Sufannæ, Beli, & Draconis in Vulgata nostra recensitas c. 13. & 14. Danielis gesta perscribens tanquam fabulosas omittit. Hieronymus quoque eas fabulas appellavit, & velut lectu indignas obelo, seu veru jugulante transfixit, ac à reliquo Danielis volumine detruncavit, multisque argumentis confutavit, Præf. in Daniel. Item, Præf. in Comment. ejusdem. Ergo re ipsa sunt fabulæ.

Resp. transf. ant. nec enim secundùm omnia verum est. Neg. conf. Josephus lib. 10. Antiquit. c. 12. has & multas alias facras historias se silentiò præterisse fateatur, non quia eas narratione sua indignas censerebat, sed quia in antiquis Hebræo-

rum libris scriptæ non erant, quos soles sumpserat transferendos. Hieronymus autem Apolog. 2. cont. Ruffin. ait, se non quid sentiret explicuisse in citatis prologis, sed, quid Judei dicerent, indicasse. Obelò verò has historias notavit, ut, quod jam supra memoravimus, sciremus, eas sua ætate non ampliùs in Hebræo fuisse.

Inst. Sed cur eas fabulas vocat, nisi quia commentitias censuit? Ergo &c.

Resp. Eum fabulæ nomen non à fabulando, sed à fando hîc deduxisse (l): nam & qui vera narrant, communi gentium locutione fabulari dicuntur; sicut de duobus Discipulis, de morte Christi in itinere loquentibus, dixit Lucas c. ult. v. 15. *Et dum fabularentur ad invicem*, hoc est, colloquerentur.

### De Osee Propheta, & ejus libro. §17

Osee duodecim minorum Prophetarum primus fuit filius Beerl (m), ex patria Belemoth in Tribu Isachar, quæ videtur eadem esse ac Beelmon in eadem Tribu sita versùs Esdrelon. Ejus patrem ferunt Rabbini fuisse Beerum (n), Tribus Ruben Principem eo tempore, quo Theglathalassar nonnullos ex Tribubus Israël in captivitatem abduxit an. m. 3245. ante Christ. 755. ante ær. 759. Quæ si vera sint, profectò dicere debemus, Osee natum esse ex Tribu Ruben, & ex patria Beelmon ultrà Jordanem fuisse.

Vixit in Regno Samaritæ, ejusque Prophetiæ ut plurimùm id Regnum aspicunt, licet quædam ad Regnum Juda pertinentia etiam edisserat.

Liber

(k) Imperavit Belyone ab anno mundi 3448. usque ad annum 3456. (l) Certe si S. Hieronymus eas fabulas & fictitias censuisset, non utique in eas commentarius fuisset, prout tamen commentatus est, &c. (m) Epiph. lib. de vit. Prophet. (n) 1. Paralip.

§18 Liber ipsius, qui 14. constat Capitibus in Vulgata nostra his verbis incipit (o): *Verbum Domini, quod factum est ad Osee filium Beeri in diebus Ozia, Joatham, Achaz, Ezechia, Regum Juda; Et in diebus Jeroboam filii Joas Regis Israel.* Quod tamen comprobari nequit, nisi Osee plus æquò vixisse fateamur. Ab initio enim Regni Ozia, quod cœpit an. m. 3194. ante Christ. 806. ante ær. 810. usque ad finem regni Ezechia, quod desinit anno mundi 3306. ante Chr. 694. ante ær. 698. anni 112. numerantur, quibus si addamus 20. aut 25. annos, quos natum Osee credimus, cum vaticinari cœpit, anni 132. vel 137. complebuntur; quòd si autem decem, vel duodecim à regno Ozia, & decem, vel tredecim à regno Ezechia, quibus Osee vaticinari non potuerit, annos demamus, adhuc tamen 112. vel 117. supererunt anni, quod diuturnum prophetandi tempus ex ipso Osee nullibi colligitur. Cur etiam de regnis Regum, sub quorum Dominio minimè vixit, ipsius Prophetia sint inscripta, non videmus. Unde initium istud Prophetia Osee, seu versum 1. cap. 1. non ab ipso, sed ab aliquo veteri Scriba imperito quidem, appositum censemus; atque ejus Prophetiam à versu 2do seu ab his verbis, *Principium loquendi Domino in Osee &c.* incipiendam esse arbitramur. Sua igitur vaticinia aggressus est circa finem regni Jeroboam II. Regis Israel, an. m. 3122. ante Christ. 778. ante ær. 782.

§19 Prophetarum omnium, quorum vaticinia supersunt à Hieronymo, in Osee; Basilio, in Isai. c. 1. Ruffino aliisque pluribus Osee vetustissimus habetur; at tamen alii Amos vetustior videtur, ut qui circa annum mundi 3215. prophetias suas fundere inceperit: sed de hoc postea.

Eo vivente quatuor Tribus à Theglathphalassare primò in captivitatem abductæ fuerunt, & deinde eversum à Salmanassare Samaritæ regnum; post ejus eversionem tamen adhuc stetit vaticinium asserit Hieronymus.

Capitis 1. Prophetia hujus initium<sup>§20</sup> ad Zacharia Regis Israel, Jeroboam II. filii mortem refertur. A 6to versiculo ejusdem Capitis usque ad c. 3. Israelis captivitas, & postea captivorum libertas prædicitur. In Regni decem Tribuum flagitia Osee vehementer insurgit, cujus etiam ætate non modò in Dan, Bethel, & Samaria, verum etiam in Galgala cap. 4. v. 15. & cap. 9. v. 15. & cap. 12. v. 11. In Sichem c. 6. v. 9. In Bersabee; In montibus Thabor, c. 5. v. 1. In Galaad, cap. 5. v. 1. & cap. 6. v. 8. idolis cultus videtur fuisse exhibitus. Loquitur denique de Israelitis, velut de populo ad scelus quodlibet parato, cujus flagitia deserui puidem possent, augeri non possent. Eorum vitulos aureos evertendos, conterendos; Israelitas verò in Assyriam transferendos fore vaticinatur, cap. 8. v. 5. & cap. 10. v. 5.

Neque etiam scelera Judæ præterit, eosque in Galgala ad colenda idola pergentes increpat cap. 4. v. 15. Sennacherib adventum in regionem Judæ, cap. 8. v. 14. Judæ populos post decem Tribuum captivitatem suis domibus aliquamdiu adhuc fructuros, cap. 1. v. 7. Postea tamen & ipsos ultra Euphratem captivos deducendos esse; inde etiam reducendos cap. 1. v. 10. pronuntiat.

Hujus Prophetæ stylus est admodum obscurus; phrasæ sæpè difficiles, & intricatæ; ad quam obscuritatem vehementer conferunt ea, de quibus agit; cum valde absint à nostra ætate, nosque eorum temporum historiam ad amissum non possideamus.

Plu-

(\*) Cap. 1. v. 1.

521 Plures Interpretes Ofsee conjugium sibi à Deo (p) præceptum cum muliere prostituta parabolam duntaxat esse arbitrantur: atamen ex toto Ofsee textu satis superque patet, hoc conjugium verè contigisse, quamvis illud per figuram etiam expresserit, quæ deinde comprobavit eventus. Nec tamen culpandus est, inquit S. Hieronymus (q), quòd meretricem converterit ad pudicitiam, sed laudandus potius, quòd ex mala bonam fecerit . . . . . præsertim, cum non ob causam luxuriæ, non libidinis, non propria fecerit voluntate, sed Dei paruerit imperio; ut quod in illo carnaliter præstitum legimus, in Deo spiritualiter factum probaremus.

### 522 De Joële ejusque Prophetia.

Joël Phatuëlis filius inter duodecim minores Prophetas secundus, ex Tribu Ruben, & urbe Betharan oriundus, in regno Juda vaticinatus est post decem Tribuum captivitatem, ut credimus, & regni Israëlis everfionem. Quo tamen tempore vaticinari inceperit, & quo obierit, incertum. Maxima quidem antiquæ caritate, & locustarum nube Judæam affligendam prænuntiat; at cum ex calamitatis regionem illam fæpissimè affligerint, neque singulæ in peculiare tabulas regestæ fuerint, nihil inde adduci potest, quo hujus Prophetiæ Epocha constitui valeat.

Hebræi Manasse in Jerusalem imperante, cujus regnum anno mundi 3306. ante Christ. 694. ante ær. 698. sumpsit initium, mors autem in an. m. 3361. ante Christ. 639. ante ær. 643. incidit, Joëlem vaticinatum ferunt: famem autem, quam ipse prænuntiat, eandem esse putant, ac eam, de qua Jeremias cap. 8. v. 13. Id si verum sit, profectò post Manassæ Joël prophetasse dicendus est; eodem enim Jeremias locò propter præterita Manassæ

flagitia Hebræos se disperfurum minatur Dominus, ex quo Manassæ è vivis jam demigrasse ostenditur. Quamobrem commodius sub Josia Rege Juda, eademque, qua Jeremias floruit, ætate Joël statuitur, scilicet circa annum mundi 3387. ante Chr. 619. ante æram 623.

Tribus duntaxat capitibus tota Joëlis 523 Prophetia absolvitur. Cap. 1. hostilis instar exercitus locustarum immensum agmen in Judæam irriturum minatur, quæ, bruchis interim, & aëris siccitate regionem populantibus maximam populis caritatem inferent; hortaturque omnes, & potissimum Sacerdotes ad planctum, jejunium, & orationem, plangens & ipse vastitatem terræ populi sui. Cap. 2. Dicm Domini, & ultionem de impiis à Deo sumendam vaticinatur. Agit præterea de justitiæ Doctore à Deo in terris donando; de Spiritu sancto in homines effundendo; de cœlesti Jerusalem, quam per totam æternitatem justis incolent; de salute, quæ de Jerusalem egredietur, & quam is consequetur, qui nomen Domini in auxilium sibi advocaverit; quæ omnia ad novam Christi Ecclesiam referuntur. Denique cap. 3. minatur Dominus magnam afflictionem gentibus, quæ populum suum affligerint; & quòd omnes in valle Josaphat judicaturi sit, quod ad extremum judicii diem refertur.

### De Amos ejusque Prophetia. 524

Amos inter Prophetas Minores ordine tertius, ovium Pastor, ex urbe Thecæ in Tribu Juda quatuor leucis ab Jerusalem versus meridiem ortum duxisse, nullo tamen satis firmo argumento, ferunt.

Ex urbe Bethel ditionis decem Tribuum, in qua sub Jeroboamo II. circa an. m. 3215. ante Christ. 785. ante ær. 789. prophetare cœpit; jussu Regis pulsus, ad Civita-

(p) Cap. 1. (q) Comment. in Ofsee cap. 1.

Civitatem Thecæ se recepit, ubi & Prophetam egit; quare & Regno Israël originem duxisse, & Israëlitis potissimum illius missio spectasse verisimilius.

Prophetare cœpit duobus annis, antequam terræ motus ille contingeret sub Ozia Rege (r), quem Josephus lib. 9. Antiquit. cap. 11. ac veteres, necnon recentiores Commentatores vulgò ad tempus illud referunt, quo Rex iste munus Sacerdotale offerendi incensi usurpare ausus est, circa annum mundi nempe 3221. ante Christ. 779. ante ær. 783. At id verum non erit, si, quod tradunt, Jonathas Ozie filius eodem an. m. 3221. natus est; quandoquidem eo tempore, quo Ozias incensum obtulit, Jonathas ætate regno aptam jam habuisse Scriptura prodit (s), unde ille terræ motus, de quo sermo est, prius accidisse dici debet.

526 Novem Capitibus Prophetia ipsius absolvitur. Duo prima Capita impenduntur contra Damascum, Philistæos, Syrios, Idumæos, Ammonitas, & regna Juda, & Israël. Mala, quæ minatur, spectant tempora Salmanassar, Theglathalassar, Sennacherib, & Nabuchodonosor, qui horum populorum provincias devastaverunt, atque Israëlitas, aliosque abduxerunt captivos. Prædicit calamitates regno Israël imminentes post mortem Jeroboami II. tum temporis regnantis; expeditiones Phul, & Theglathalassar contra Israëlitas; captivitatem, egressum decem Tribuum. Demum Israëlitarum vitia, luxum, avaritiam, maxime in pauperes, & immodica convivia castigat: nec remissius agit adversus peregrinationes religionis causâ ab Israëlitis susceptas ad falsa numina in Bethel, Dan, Gulgala, & Bersabee; necnon jurantes per Deos alienos. Tandem prædicit, Deum suscitaturum tabernaculum David,

P. Cartier Theol. Tom. I.

& captivitatem filiorum Israël conversurum cum magna ipsorum felicitate.

Quo mortis genere Amos obierit, 527 ignotum est. Cyrillus, Præfat. in eundem tradit, Amasiam vitulorum aureorum, qui in Bethel colebantur, Sacerdotem, quo instigante ea urbe pulsus fuit, dentes illi confringi jussisse, ut ad silendum adigeret. Epiphanius verò, de vit. Prophet. cap. 12. Ildorus, de vita, & morte Sanct. cap. 43. Dorotheus, in Synopsi, & alii narrant, Oseam, seu Oziam dicti Amasie Sacerdotis filium in tempora ei clavum infixisse, quo ictu pene exanimatus Thecuam translatus, ibidem brevi post diem clausit, atque in sepulchro Patrum suorum contumultus fuerit. Sed verisimilius est, Prophetam hunc, postquam solum vertere ab Amasia coactus fuit, diutius in urbe Thecæ substitisse; nec gravius quidquam ab iniquo isto vitulorum Sacerdote accepisse, ex eo colligi potest, quòd nunquam ea de re conqueratur, id solum cap. 7. v. 12. inuit, prohibitum scilicet se esse, ne ultra in Bethel vaticinaretur.

Stylum hujus Prophetæ humiliorem esse censet S. Hieronymus (t), eumque omnes suas comparationes & re campetstri trahere observat (u), pro more satis recepto, ut singuli de rebus suæ artis libentius agant; nam Armentarius erat, atque Sycomoros vellicans, seu compungens. (x)

S. Augustinus verò illum adducit (y), ut ostendat, Scriptores sacros genere quodam eloquentiæ uti adeò spiritum & prudentiam præ se ferente, necnon rebus, de quibus agunt, ita convenientem, ut qui ruditatem, & rusticitatem in illis carpunt, neque ipsimet magis aptum personis, & circumstantiis stylum eligere potuissent.

Z

- De

(r) 4. Reg. c. 15. v. 5. (s) 2. Paralip. c. 26. (t) Prolog. Expos. in Amos. (u) In Amos cap. 1. v. 2. (x) Amos c. 7. v. 14. (y) Lib. 4. de Doct. Christ. c. 7.



te Rege, jumentis pabulum subtractum, ipsaque etiam sacco operta fuere; necnon ita ingemuere Ninivitarum, ut Deus pietate motus veniam indulserit dolentibus. Ergo Jonæ prophetia de illorum interitu conditionata duntaxat erat, nempe nisi poenitentiam agerent; qua proinde peracta, placatus Deus illorum civitatis subversionem suspendit, non tamen sustulit: nam denuò ad scelera reversis misit Deus Nahum, qui illius subversionem iterum post Jonam annuntiaret, atque tum intentatum, & prædictum à Jona Ninivitis exitium inflixit.

Verum ut ad Jonam revertamur (k), afflictus ipse, quod vaticinium suum adversus Ninivem non impleri cerneret, sibi ipsi interitum precatur; propterea à Deo corripitur, qui injustam ipsius indignationem ex eo convincit, quod putaret, se rectè dolere ob arefactam hederam, sub cujus umbra refederat, & tamen noluerit, ut Dominus Ninive civitati maximè parceret, in qua tamen erant plusquam duodecim hominum millia, qui non peccaverant.

533 Ubi, & quando Jonas obierit, incertum est. Fortè in Judæam regressus, ibidem mortem petiit. Orientales in Mosul, quam Ninivem putant, ejus sepulchrum ostendunt. Tempore S. Hieronymi in Geth Palestinæ ipsius tumulus visebatur. (l)

### 534 De Michæa, ejusque Prophetia.

Michæas Maraſſites, seu è Moreſa prope Eleutheropolim in plaga Meridionali Judæe, sextus inter Prophetas minores recensetur.

Quinquaginta annorum spatiò sub Regibus Juda Joathan, Achaz, & Ezechia, ab an. m. circiter 745. ante Chr. 755. ante ær. 759. quo Joathan regnum inivit, usque ad an. m. 3306. ante Christ. 694. ante ær. 698. quo Ezechias regnum suum absolvit, oracula fudit.

Pseudo-Dorotheus tradit, Michæam sepultum fuisse in cimiterio Enakim post actam Hebrone, & in vicinis locis vitam. Suppar fuit Isaïæ, cujus phrasæ quandoque in suis Scriptis usurpat, ut videre est Isa. c. 2. v. 2. ad Michæa c. 4. v. 1. & Isa. cap. 41. v. 15. ad Mich. cap. 4. v. 13.

Ejus Prophetia septem capitibus consistit. Cap. 1. ærumnas Samariæ, quam Salmanassar Rex Assyriorum captam evertit, recenset. Deinde oracula contra Judam profert, cujus regionem vastandam per Sennacherib sub Ezechia Rege prædicit. Inde iterum contra Samariam invehitur, captivitatem decem Tribuum minitatus, ac tandem regressum eorum vaticinatur. Cap. 2. Gravioribus post hæc verbis Principes Domus Jacob, & Judices Domus Israël (scilicet Optimates, ut arbitramur, Regni Juda, Judices, Magistratus, Sacerdotes, & Pseudo-Prophetas) castigat. Cap. 3. Exprobrat etiam eorum avaritiam, injustitiam, dolos; quibus iniquitatibus tandem factum iri ait, ut Jerusalem in ultimam desolationem, ac Templum ejus in desertum adducatur. Hanc prophetiam sub Ezechia Rege prolatam fuisse ex Jeremix c. 26. v. 18. intelligimus, qui eadem prænuntians, contra se decretum supplicium ideò evitavit, quod similia ac Michæas prædixisset. (m) C. 4. prænuntians tristibus subinde ad lætiora conversus Michæas, regnum Messia, atque Ecclesiæ Christianæ exordium describit, à v. 1. usque ad 11. C. 5. v. 1. 2. 3. & 4. Messiam oriturum in Bethleem, imperiumque suum, quà latè patet orbis terrarum, propagaturum prædicit. v. 5. & 6. Suscitaturum dicit Deum septem Pastores, & octo Primates, qui regionem Assur, & terram Nemrod vi occupaturi sunt; quod nos de Dario Hystaspis filio, ac septem conjuratis suis, qui sublatò Magò Babyloniorum Rege, Persarum imperium, deletà Cyri familiâ, in-

Z 2

vase-

(k) C. 4. (l) Prolog. in Jon. (m) Hoc capite 4to. & sequentibus ratiocina de Christo & ejus Ecclesia continentur.

valerunt, intelligendum arbitramur. V. 7. & seq. Res Judæorum florentes post Darium, & Machabæos describit; identidem tamen quædam admiscet ad Ecclesiam Christi unice pertinentia. Duo potissima capita longam contra iniquitates Samariæ querelam continent. Tandem Babylonis everfionem, restitutionem urbium Israël, ditionem Israëlitarum longè lateque propagatam, resque eorum sub Dei auspiciis florentes exaggerat, verbis tamen adeo magnificis, ut Ecclesiæ Christianæ statum præ oculis potissimum habuisse videatur.

- 536 Defuncti hujus Prophetæ corpus in Morasthi tumulatum tradit Hieronym. (n); quod sepulchrum divinitus revelatum Sebenno Eleutheropolis Episcopo, Theodosio magno imperante refert Sozomenus (o), addens nomen loci illius esse Bereftatam, qui fortè locus idem est ac Morasthis, decem stadiis ab Eleutheropoli distans.

Pseudo-Epiphanius refert (p), hunc virum vitam Joram filii Achab liberius reprehendentem ejusdem Regis jussu in præcepsum actum fuisse: at Auctor iste hic duos Michæas confundit, hunc nempe, & illum, qui fuit filius Jerulæ Ephraimitæ, de quo 3. Reg. cap. 20. v. 35. qui quamvis Propheta Domini fuerit, tamen ab eo, de quo nunc agimus, omnino diversus fuit.

### 537 De Nahum, ejusque Prophetia.

Nahum septimum inter duodecim Prophetas minores ortum duxisse vult Hieronymus ex urbe Elcesai minimo Galilææ pago, cujus reliquias adhuc sua ætate extasse asserit. (q) Sunt nihilominus, qui putant, Elcesai ejus genitoris nomen fuisse, ipsius verò patriam Begabor trans Jordanem. (r).

Olim ejus sepulchrum in quodam pago, quem tunc temporis Bethogabrum, nunc Giblin appellant, propè Emaus videbatur. Chaldaus textus Nahum ex *Beth-Kofi*, seu *Beth-Ketfi* ortum dicit, cujus loci situs tamen, uti & Elcesai propriè adhuc latet.

Ejus Prophetiam tria capita consti-  
tuunt, quibus excidium Ninives vehementibus adeo simulque tristibus verbis vaticinatur, ut non ventura duntaxat nuntiare, sed visâ referre videatur.

De tempore, quo vaticinatus fuerit, non conveniunt Scriptores. Josephus putat (s), eum annis 115. ante Ninives excidium illius urbis prædixisse everfionem, unde dicendum foret, Nahum, Achaz regnante, floruisse. Judæi volunt (t), eum sub Manasse Rege vaticinatum fuisse. Clemens Alexandrinus lib. 1. Strom. arbitrat, Nahum Ninives excidium prædixisse viventibus Daniele, & Ezechiele Prophetis, adeoque captivitatis tempore. Sed verisimilius censet Hieronymus, eum tempore Ezechie Regis vaticinia sua edidisse post bellum Sennacherib in Ægypto, de quo bello Berofus agit apud Josephum. (u) Certè Nahum de expugnatione Noammon urbis Ægypti apertè agit c. 3. v. 8. De Rabfacis audacia c. 2. v. 13. De clade Sennacherib, c. 2. v. 11. & c. 1. v. 9. Et ita hæc omnia recenset, ac si jam evenissent. Judæos adhuc in suis regionibus fuisse, dum hæc scribebat, suasque celebrasse solemnitates innuit. Captivitatis item, & dispersionis decem Tribuum meminit.

Cùm autem Ninives excidium, de quo Nahum agit, illud esse non possit, quod longè prius sub Sardanapalo contigit, necesse est, ut ipsius vaticinium de  
secun-

(n) Ep. 27. seu Epitaph. Paulæ. (o) Lib. 7. hist. c. 29. (p) Devit. & mort. Prophet. (q) Comment. in Nahum. (r) Epiph. de vit. & mort. Proph. & illi apud Hieronym. Item Chron. Paschal. (s) Antiq. lib. 9. c. 11. (t) Sederolam apud Sixt. Senens. Grot. Vatab. Genes. Mont. (u) Antiq. lib. 10. c. 11.

secunda hujus urbis obsidione intelligatur, qua eam Nabopolassar, & Astyages oppresserunt an. m. 3378. ant. Chr. 622. ante ær. 626. quod tempus respondet anno 1610. regni Josæ, quo regnante Ninivem evertam fuisse scribit S. Hieronymus. (x)

Tobias cap. 14. v. 16. græcæ editionis Nabopolassar *Nabuchodonosoris*, & Astyagi *Assueri* nomina tribuens Ninivem à Nabuchodonosore, & Assuero captam memorat.

540 De Habacuc, ejusque Prophetia.

Habacuc octavus inter Prophetas minores, è Tribu Simeonis, & urbe Bethzacar oriundus fuit, si Pseudo-Epiphanio, & Dorotheo fides adhibenda. (y)

Cùm Nabuchodonosorem Jerosolymæ appropinquantem cerneret, urbisque excidium prædiceret, Ostracinam in Arabia propè lacum Sirbonidem confugit, ubi & aliquamdiu vixit. Captâ verò à Chaldæis Jerosolymâ, hisque in patriam suam redeuntibus, Habacuc in judæam reversus est, cùm interim reliqui Judæi, qui Babylonem translati non fuerant, post mortem Godoliæ in Ægyptum fecederent. Agrorum suorum cultu occupatus cùm die quadam messoribus suis prandium deferret, vocem audivit, quæ illum cibos ad Danielelem in lacu leonum Babylone degentem deferre jubebat: renuens ipse, quod neque Danielelem, neque Babylonem nosset, ab Angelo capillis è terra evectus cum cibis Babylonem ad Danielelem cistissimè translatus est, oblatusque Danieli in leonum fovea dapibus, eadem manu in judæam est restitutus: ubi & obiit, atque duobus annis captivitatis finem annis tumulatus est an. m. 3455. ante Chr. 545. ante ær. 549. Floruit igitur labente Regno Juda, eodemque, quo Jeremias, tempore.

Illius sepulchrum, teste Hieronymo, 548 in urbe Bethzacar, sive Ceila, ve. Echela, seu Gabbatha olim visebatur; quæ quatuor nomina fortè eundem locum designant, vel, si distinctas urbes dicere malueris, profectò sibi invicem proximæ fuerunt, & Eleutheropoli vicinæ. Ipsi corpus, Theodosio seniore imperante, inventum dicit Sozomenus. (z)

Ipsi Prophetia tribus Capitibus continetur. C. 1. in Regni Juda scelera conceptis verbis invehitur, quorum terribilem ultionem Chaldæorum armis à Domino expetendam prævidet. Nabuchodonosoris item victorias, metamorphosim, & mortem prædicit. Infortunia etiam Chaldæis post Nabuchodonosoris mortem superventura prænuntiat. C. 2. consilia omnia Joakim destruenda prænuntiat, atque in Regem quemdam (fortè Regem Tyri) sanguine, & sceleribus constructa ædificia molientem, invehitur. Alium etiam Regem accusat, in amico suo ebrietatem procurantem, ut ejus pudenda detegat; quòd de Rege Ægypti Sedeciam Regem Juda, ut secum à Nabuchodonosore deficeret, sollicitante intelligunt Interpretes. Hæc omnia versans animò Prophetia cap. 3. canticum canit, in quo misericordiam Dei, ejusque potentiam mirè deprædicat; necnon futuræ Incarnationis ipsius, & adventus jam ante cap. 2. v. 3. sibi promissi mysteriorum insinuare videtur.

Susannæ, Beli, Draconis, & suæ ab Angelo in Babylonem deportationis historiarum in Danielis libro exaratæ eidem ab aliquibus ascribuntur, errore sumpto ab inscriptione quorundam exemplarium græcorum, quæ sic sonat: *Prophetia Abacum Sacerdotis Juda ex Tribu Levi*. Sed hunc Abacum à nostro Habacuc alienū censent Salianus, in Annal. & Huertius, in Demonstr. Evang. Propof. 4. in Habac.

Z 3

De

(x) Præfat. in Joan. (y) De vit. & mort. Prophet. (z) Lib. 1. Hist. c. 19.

## 543 De Sophonia, ejusque Prophetia.

Sophonias inter minores Prophetas notus, fuit filius Chusi, & nepos Godoliz è Tribu Simeonis, & juxta Epiphanium (a) ex monte Sarabata, cujus montis porrò Scriptura non meminit. Avo illius initio libri recensitos pari cum illo spiritu donatos fuisse Judæi autmarunt. (b) Ex illustri genere ortum aliqui crediderunt, sed temerè.

Ejus Gestorum & obitus historia nulla superest. Sub Josia, qui regnum invit an. m. 3363. ante Christ. 637. ante ær. 641. floruit. (c) Quantum autem ex rerum Judaicarum quoad mores statu, quem deplorat, conjecturâ assequi valemus, illius prophetiæ tempus assignandum videtur ante 18vum Josiæ Regni annum, ex quo Rex iste corrigendis populorum sibi subditorum moribus operam dedit. (d) Everfionem Ninives etiam prædicit, quæ ante 16tvm Josiæ annum poni non debet, si cum Berofo 22. Regni in Chaldaea annos Nabopolassar tribuere velimus.

Igitur hujus Prophetæ Oracula tribus capitibus contenta sub Regni Josiæ initium consignanda videntur. Cap. 1. in omnes populos invehitur neci à Domino jam destinatos, in Judam nempe, & in eos, qui saliant super limen, id est, Philistæos juxta illud 1. Reg. cap. 5. v. 5. *Propter hanc causam non calcant Sacerdotes Dagon, & omnes, qui ingrediuntur Templum ejus, super limen Dagon.* C. 2. in Moab, Ammon, Chus, Phœnices, & Assyrios vertitur; Ninivem evertendam prædicit, cujus excidium contigit, ut alibi jam dictum, anno mundi 3378. ante Christ. 622. ante ær. 626. Cap. 3. denique primum minis, & verbis terret Jerosolymam, deinde facta spe solvendæ

captivitatis, atque status felicioris illam solatur.

## De Aggae, ejusque Prophetia. 544

Aggaeus decimus ex minoribus Prophetis Babylone natus creditur, unde cum Zorobabele rediit anno mundi 3457. ante Christ. 543. ante ær. 547. Post reditum à captivitate Judæis templi restaurationem, ut in eo sacrificia offerri possent, sollicitè incipientibus (e), hostium invidia, & iniquæ Aulicorum artes tantum apud Cyrum potuerunt, ut datam Templi restaurandi facultatem revocaverit altero regni sui anno; idemque interdictum Cambyfes Cyri filius, suscepto imperiò, confirmavit. Quare quatuordecim annorum spatio nihil aliud Templo additum est, sed tectum solummodo Templum propriè dictum, sive Sanctum, & Sanctuarium, & nonnulla fortassis circa Sacerdotum atrium porticus. Post mortem verò Cambyfis Dario Hystaspis filio regnante, anno mundi videlicet 3483. ante Christ. 517. ante æram 521. Aggaeus à Deo excitatus est, ut Zorobabelem Principem Juda, & Jesum filium Josedech Pontificem ad Templi restitutionem diu intermissam exhortaretur.

Propheta hic igitur libri sui, qui duobus comprehenditur capitibus, c. 1. eorum negligentiam redarguit, quòd magnificas domos anxie sibi ædificarent, Domini Templum verò desertum, & sub ruinis suis sepultum relinquerent: mala proinde, quibus à Deo post reditum à sua captivitate vexabantur, famemque & sterilitatem terræ inde ortum ducere aiebat, quòd nempe Templi institutionem minime curarent. Aggaei monitis excitati Judæi anno secundò Darii, mundi 3484. ante Chr.

516.

(a) De vit. & mort. Proph. (b) Apud Hieronym. in Sophon. (c) Cap. 1. v. 1. (d) 4. Reg. 6. 22. v. 3. 10. & 12. (e) 1. Esdr. c. 3. & seq.

516. ante æram 520. decimò sexto à reditu suo Babylonico manus instaurando Templo admovere. Cap. 2. cuncta prospera, præcipuè autem Messie adventum aperte prænuntiat (f) &c.

De hujus Prophetæ morte nihil notum. Epiphanius (g) illum Jerosolymæ inter Sacerdotes sepultum ait, ex quo illum ex Aaronis stirpe fuisse progenitum colligi potest. Nihil tamen Aggæus ipse commemorat, quod hanc opinionem confirmet.

545 De Zacharia, ejusque Prophetia.

Zacharias minorum Prophetarum undecimus, Barachiz filius, & nepos Addonis (h), è Tribu Levi Sacerdotali genere prognatus, jam grandis natu Babylone, rediit cum Zorobabele, & annò 520 Darii Hytaspis vaticinari cœpit annò mundi 3484. ante Chr. 516. ante æram 520. octavo anni sacri à Paschate incipientis, & duobus mensibus post initum ab Aggæo Prophetæ munus. Hic Prophetæ non secus ac Aggæus, ut populus prætermittam aut annos aliquot Templi structuram reassumeret, hortatus est.

Quo loco aut tempore natus sit Zacharias, ignoratur. Alii Babylone captivatis tempore; alii Jerosolymis ante translationem Tribuum Juda, & Benjamin, natum asserunt. Non tamen confundendus est cum illo Zacharia, de quo Christus ait (i), eum occisum fuisse inter Templum & Altare, qua de re fusius agemus infra sect. 2. cum de Evangelio S. Matthæi disferemus.

Vaticinia sua 14. capitibus comprehensa Zacharias exorditur exhortans populum, ut convertatur, nec Patrum suorum perfidiam imitetur, c. 1. à v. 1. usque ad 7. Post tres menses Angelum equo insidentem in medio Myrtheti ad fluvii cujusdam ripas vidit, cui plures Angeli om-

nem circa regionem pace frui, & ab incolis frequentari nuntiarunt: ex quo ille Dominum rogandi occasionem arripuit, ut civitatum Juda miseretur, cui Dominus pacato sermone respondens postulata concessit. Tum Prophetæ quatuor cornua apparuerunt, & homines quatuor ea maleorum ictibus confracti; iisque cornibus Principes, qui populum Israeliticum oppræsserant, deprimendos intellexit, à v. 7. Cap. 2. videt virum funiculò dimittentem Jerusalem, absque muro, præ incolarum multitudine, in posterum inhabitandam, &c. quo Ecclesiam Christi militantem, & triumphantem non obliuè præfiguratur. (k) Cap. 3. ait, adducturum Dominum servum suum Orientem, seu German (l) (Messiam nempe Dei servum) qui velut lapis pretiosus septem oculis præditus esset habendus. Cap. 4. Narrat se vidisse candelabrum aureum septiceps inter duas olivas constitutum, ex quibus olivis oleum in candelabri lampades infundebatur. Cap. 5. vidit volantem librum, in quo totius terræ judicium erat descriptum, & vas feminam continens, super quam massa plumbea decedens vas orificium claudebatur: tum duæ alatæ mulieres vas illud inter cælum & terram suspenderunt: mulier autem in vase inclusa, Babylonis iniquitatem; plumbum verò, ultionem Domini; & duæ alatæ mulieres, Medos & Persas imperium Babylonis destructuros significabant. Cap. 6. vidit quatuor currus è medio duorum æreorum montium egredientes, qui Persas, Græcos, Ægyptios, & Syros in meridionales, & septentrionales plagas suis quosque temporibus Domini ultionem perlaturos designabant. Tum Zacharias ab Holdao, Tobia, & Idaia quamdam auri summam accepit, quo duas coronas, alteram Pontifici Jesu, alteram Orienti, seu Germani, nempe Zorobabeli, ut Messie figuram

(f) Prophetia de Christi adventu. (g) De vita & morte Prophetarum. (h) C. 1. v. 1. (i) Matth. 23. v. 35. (k) Prophetia de Ecclesia Christi. (l) Prophetia de venturo Messia.

figuram gerenti, composuit. Cap. 7. & 8. annò 4to Darii mundi 3486. ante Chr. 514. ante aram. § 18. quarta die noni mensis Zacharias à Sarafar, Rogommelec, & nonnullis aliis consultus, an jejunium ad quinquagesimum diem protrahendum esset, uti post Templi excidium fieri consueverat, respondit, jejunia sponte ab illis electa fuisse, hæc verò à Domino exiggi, pietatem nempe, & justitiam; lucus denique & jejunii dies aliquando in festos fore convertendos. Cap. 9. Minas in regionem Adrac, Syriam, & Philistæos

intentat. (m) Tum apertè satis Servatoris nostri, pauperis, affinis indentis, & ejus pullo adventum prænnuntiat. Cap. 10. (n) Messie regnum, & ultionem Domini in Israëlitarum persecutores illatam exhibet. Cap. 11. de Romanorum adversus Judæos bello (o); de violato inter Deum & populum suum fœdere (p); de triginta argenteis, pretio scilicet, quo Dominus appetriatus est ab eis. Cap. 12. Antiochi Epiphanis Bellum in Judæos, Machabæorum victorias, lucumque ob Judæ Machabæi mortem enarrat. Cap. 13. à v. 1. florentem Judæorum ætatem ab interitu Antiochi Epiphanis usque ad Messie mortem describit. (q) v. 7. & duobus sequentibus infortunia Judæis superventura post Christi necem prænnuntiat. Tandem c. 14. (r) Jerosolymam à Romanis obsidendam, Christianæ Ecclesiæ magnitudinem, gentium conversionem, vexationes, quibus fideles exercebuntur, & animadversionem in persecutores à Deo faciendam prædicat.

346. Zacharias minorum Prophetarum prolixissimus est, & obcurissimus, inquit S. Hieronymus (s), concisum & præcipientem stylum habet: de Messia cæteris clariùs & distinctiùs vaticinatus est.

Recentiores quidam eruditi hujus Prophetæ cap. 9. 10. & 11. Jeremiæ adscribunt, eoquod Matth. c. 27. v. 9. & 10. versus 12. & 13. capitis 11. Zachariæ sub Jeremiæ nomine legantur, hæcque Zachariæ capita 10. & 11. sint eadem series orationis. Verisimiliùs tamen Jeremiæ nomen fortuito & librariorum oscitantia pro Zachariæ nomine in textum Matthæi irrepit: proclivem enim in nominibus propriis esse lapsum sciunt, qui manuscriptos Codices versare solent, sed hac de re infra uberius. (t)

### De Malachia, ejusque Prophetia. 548

Malachias duodecimus, & postremus inter minores Prophetas numeratur. Illius Gesta adeò latent, ut vel de nomine ipsius dubitetur, an videlicet Angelum Domini quemcunque, vel Nuntium, seu Prophetam significet. Ex Aggæo enim (u), & ex ipsa Malachiæ Prophetia (x) satis intelligimus, Prophetas tunc temporis nomine *Malach-Jehovah*, id est, *Missus à Deo*, non raro appellari consuevisse.

Septuaginta nomen Hebræum *Malachî* reddunt *Angelum suum*, pro eo, quod Hebræus habet, *Angelum meum*: multi etiam Patres, ut Clemens Alexandrinus, lib. 1. Strom. Tertullianus, cont. Jud. c. 1. & alii, Malachiam sub nomine *Angeli Domini* laudarunt. Quartus verò Esdræ liber, & Tertullianus utrumque & *Malachia*, & *Angeli Domini* nomen simul jungunt.

Malachiam Angelum fuisse humanis exuviis indutum Origenes temerè autumavit. (x) Veteres Hebræi, Chaldaei Paraphrasæ, S. Hieronymus Præfat. in Malachiam. Rupertus Abbas in eundem, hunc Prophetam cum Esdra confundendum

(m) Prophetis de Christo. (n) Altera de Christo Prophetia. (o) Sub Tiro & Vespasiano. (p) v. 12. & 13. Vaticinium de Christo Judæis à Juda prodicore vendito pro triginta argenteis. Matth. 27. v. 9. (q) Genus mortis Christi. (r) Vaticinia eorum quæ post Christi necem Judæis accidere, & quæ à Iosepho aliisque suis memorentur. (s) Præfat. in Zachar. (t) Scd. 2. c. 1. tit. de Evangelio S. Matthæi. (u) C. 1. v. 13. (x) C. 3. v. 1. (y) Traç. 2. in Joan.

dam censent. Sed plerique Patres, & Interpretes id velut commentum repudiant; quamvis diffitendum non sit, Malachiam Esdræ coævum fuisse.

349 Pseudo-Epiphanius, & Dorotheus(a), item Chronic. Alexand. Malachiam Sophā, seu Suphā, vel, ut alii legunt, Socha oriundum in Tribu Zabulon tradunt; nomenque illi inditum ex morum suavitate, ex miraculo Angeli, qui, postquam Propheta perorasset, spectabilem se populo præbens, ejus dicta confirmabat; de quo tamen miraculo nullibi vestigium aliquod, unde & satis ineptè hîc illud à Pseudo-Epiphanio commemoratur.

350 Mortuum tradunt vix juvenem ingressum, atque juxta Patres suos in Sopha sepultum. Ejus obitus in Martyrologio Romano ad 14tum Januarii consignatur.

351 Omnium Synagogæ Prophetarum novissimus est, id etiam indicare videtur libri ipsius locus, qui postremus est; id quoque, ut credamus, postulat ratio rerum cum in Aggæi, & Zachariæ libris, tum & in Malachiæ volumine traditarum. Illi enim Judæos ad Templum instaurandum impellunt, hic, ut in Templopiæ, ac recenter se gerant, Sacerdotes adhortatur. Illorum ergo vaticinia ante restitutionem Templi edita sunt, hujus verò, post Templum reparatum. Floruit igitur ann. mundi circiter 3600. ante Chr. 400. ante æram 404.

352 Liber ipsius 4. capitibus absolvitur. Cum suo tempore Sacerdotum & populi Judææ mores corruptissimi essent, gravioribus verbis Sacerdotes castigat, c. 1. v. 6. & seq. Item c. 2. v. 4. & seq. Populo nuptias cum alienigenis, c. 2. v. 2. In fratres suos inclementiam v. 6. & c. 3. v. 5. Pronum in divortium animum, c. 3. v. 13. In solvendis primitiis, & decimis se-  
*P. Cartier Theol. Tom. I.*

gnitiem, ibid. v. 10. exprobrat. Innuere etiam videtur fœdus illud, quod Nehemias, Sacerdotes, & Optimates populi cum Domino sanxerunt, c. 2. v. 4. & seq. De ortu S. Joannis Baptistæ sub nomine Eliæ, & duplici Servatoris nostri JESU Christi adventu luculentissimè agit, c. 4. (a) Neque etiam Sacrificii novæ legis institutionem, nec veterum Sacrificiorum abolitionem, omittit, c. 1. v. 10. (b)

## Sectio secunda.

553

### *De libris novi Testamenti.*

Hujus Sectionis prælibrorum novò Testamentò contentorum varietate, utpote, quorum, prout in veteri Testamento, alii sunt legales, alius Historicus, morales alii, & alius denique Propheticus; etiam quatuor erunt capita. Sic igitur

## CAPUT PRIMUM.

### *De libris legalibus novi Testamenti.*

NOVI Testamenti libri legales, in quibus nempe gratiæ lex à Christo promulgata exprimitur, quatuor tanquam Canonici, & divinæ auctoritatis numerantur, prout parte 1. c. 1. hujus Tractatus diximus: scilicet Evangelia S. Matthæi, S. Marci, S. Lucæ, & S. Joannis.

Græco nomine Evangelia nuncupantur, quod latine redditum idem sonat, ac *bonus Nuntius*; quippe qui vitæ, miraculorum, & rerum gestarum JESU Christi Servatoris nostri historiam continant, viamque salutis omnibus aperiant.

A a

De

(a) De vita & morte Prophetæ. (b) Prophetia de ortu S. Joannis Baptistæ & duplici adventu JESU Christi. (c) Prophetia de Sacrificiis novæ legis institutione, & veterum Sacrificiorum abolitione.

## 555 De Evangelio S. Matthæi.

S. Matthæus Apostolus & Evangelista filius Alphæi (c), Galilæa oriundus, religione Judæus, professione, seu arte Publicanus, id est, vectigalium exactor, apud alios Evangelistas *Levi* appellatur, quod hebræum ipsius nomen erat; imple tamen se perpetuo Matthæum appellat, quod nomen in exercitio muneris sui, vectigalia scilicet exigendi, fortè obtinebat; & sibi nequitiam indulgens, Publicanum se prodere non veretur, quò acceptam à Christo Apostolatûs gratiam magis commendat.

In Capharnaum versatus telonium suum urbi proximum ad mare Tiberiadis collocaverat; cùmque JESUS illâ pertransisset (d), virum ad sequendum se invitavit; hic nihil cunctatus, illico relictis omnibus, & ne quidem rerum suarum ratione inita, vocantem secutus est. (e)

556 Evangelium suum, quod 28. constat capitibus, scripsit Matthæus tunc, cùm discessum suum ex Judæa meditabatur, ut in eam, quæ sibi contigerat, regionem, Christum prædicaturus, contenderet; cùm enim Palestinæ fideles illum exorassent; ut traditam ipsis doctrinam scripto colligeret, orantibus ipse acquievit. (f)

557 Vernaculo Hebræorum sermone, qui Syrus erat, librum suum exaravit, opusque adorsus est annò æræ Christianæ 41. octavò post Christi resurrectionem, prout vetera MSS. græca ferè omnia ad calcem ejusdem Evangelii notatum habent; idque testantur veteres Patres, Papias Discipulis Christi cœtaneus, apud Euseb. lib. 3. Hist. c. 39. S. Irenæus, apud eundem, lib. 5. c. 8. Origenes, apud eundem, lib. 6. c. 27. qui & illud eo sermone scriptum se vidisse testantur.

Auctor Operis imperfecti in Matthæum; cui Cornelius à Lapide, & Baro-

nus consentiunt, occasionem scribendi hujus Evangelii primæ post S. Stephani necem fidelium dispersioni tribuit, circa tertium nempe seu quartum à resurrectione Domini annum.

S. Irenæus verò exaratum vult eo tempore, quo sancti Petrus, & Paulus Ecclesiæ Romanæ fundamenta jacebant, circa annum Christi seu æræ 61. Verisimilius tamen S. Matthæus Opus suum ante S. Marcum, qui illud in compendium redegit circa annum Christi seu æræ 43. absolverat, unde ante annum æræ seu Christi 43. Evangelium illud exitisse oportuit.

Nostra ætate hebraicum istud S. Matthæi Evangelium nusquam reperitur; ea enim exemplaria, quæ cura tituli Sebastiani Münsteri, & du Tillet excusa fuerunt, nullam obtinent auctoritatem, utpote recentiora, & ex Latino sive Græco in Hebraicum translata, prout notant Grotius, Comment. in Matth. Huetius, de clara interpret. §. 12. & Millius, Prolog. 1236.

Ratio autem cur Hebraicum, seu Chaldaicum, vel, si mavis, Syriacum, hoc enim temporis illius hebraicum erat idioma, exemplar istud exciderit, hæc esse videtur, quod Judææ Ecclesiæ, pro quibus statim scriptum fuit, non diu subsisterint.

Non desunt tamen, qui credant, Evangelium Syriacum S. Matthæi in Polyglottis impressum esse ipsissimum sancti hujus Evangelistæ Originale: id tamen Eruditi perspicaciores non probant, quòd hæc Syriaca Evangelii ipsius editio ipsi videatur non esse nisi versio aliqua ex Græco duntaxat adornata. Vid. Calmet. Præfat. in novum Testamentum.

Versio græca, quæ nostra ætate superest, & autographi locò habetur, jam ab Apostolorum tempore ignoti Auctoris est Opus. Ex ea Latinam prodixisse omnes consentiunt, quamvis de illius Auctore, tem-

(c) Marc. c. 2. v. 24. Luc. c. 5. v. 27. (d) Matth. c. 9. (e) Hier. & Chrysost. in Matth. c. 9. (f) Euseb. l. 3. Hist. c. 24. Chrysost. Hom. 1. in Matth. Hieronym. de vir. illud.



tempore, & occasione scribendi nihil certi statui possit.

359 Sunt etiam aliqui Protestantes post Erasmus, qui autumant, S. Matthæum Evangelium suum non hebraicè duntaxat, sed græcè scripsisse; & quamvis universa antiquitas eis repugnet, nihilominus opinionem suam sequentibus rationibus confirmare allaborant : 1mo. Reperiuntur plura vocabula hebræa, quæ in hoc Evangelio aliâ linguâ exponuntur, si ergo S. Matthæus Evangelium suum hebraicè scripsit, quid ipsi opus erat, ut ea alio idiomate explicaret, ut sunt inter alia hæc : *Eli Eli Lama Sabachani* ? Nec hujusmodi expositiones ipsius Interpreti adscribi debere videntur, nam iste potius totum Evangelium vertere debuisset, & non tantum quædam vocabula seligere. 2do.

360 Stylus Evangelii hujus est similis stylo Evangelii S. Marci ; igitur, cum certum sit, S. Marcum Evangelium suum græcè scripsisse, etiam certum videtur, Matthæum eodem quoque sermone suum exarasse. 3tio. Plura testimonia ex veteri Testamento adducit S. Matthæus juxta Septuaginta Interpretum græcam versionem. Ergo etiam græcè Evangelium suum scripsit : aliàs enim, si scripsisset pro Hebræis scripturam hebraicam legentibus, hæc testimonia retulisset, prout in Hebræo sunt exarata. 4to. Origenis ætate hebraicum Matthæi Evangelium nullam amplius auctoritatem obtinebat (g) ; imò Eusebius illud inter suppositicia Scripta reponit. At utique majorem auctoritatem eidem tribuissent, si illud autographum esse censuissent.

361 Verùm hæc rationes non tanti ponderis esse nobis videntur, ut credamus S. Matthæum non hebraicè, sed græcè duntaxat Evangelium suum scripsisse. Ad 1mam ergo Resp. hujusmodi hebræorum verborum in Evangelio hoc occurrentes interpretationes esse Interpreti adscriben-

das ; nam apud sacrorum librorum Interpretes usu receptum est, ut in suis versionibus quædam hebraica vocabula, quæ majorem habere energiam arbitrantur, & quæ accuratè semper in aliud idioma transferri non possunt, relinquunt ; quod facile ostendi potest ex Septuaginta, aliisque veteribus S. Scripturæ Interpretibus.

Ad adam Resp. mirum non esse, quòd stylus Evangelistarum idem esse videatur, quamvis diversis linguis scripserint ; quia, cum essent Judæi, qui inter eos græcè scripserunt, plerumque linguæ hebraicæ genium conservarunt ; quod exemplò S. Lucæ probatur, qui quamvis Evangelium suum, & Acta Apostolorum elegantiori græco sermone, quàm cæteri Evangelistæ, exaravit, tamen plures adhibet mœrè hebraicas dictiones.

Ad 3tiam falsum est, S. Matthæum plura testimonia ex veteri Testamento adducere juxta græcam Septuaginta Interpretum versionem ; nam ex decem locis veteris Testamenti ab ipso adductis septem magis ad hebræum, quàm ad Septuaginta Interpretum versionem græcam accedere videntur, tres tantum cum Septuaginta consonant, sed idèò sanè, quia ibi Septuaginta ab hebræo non discrepant. Deinde id fieri potuit ab ipsius græco Interprete, ut qui Evangelium istud pro Græcis transtulerit, hi verò Scripturam græcè exaratam juxta Septuaginta legebant, adeoque veteris Testamenti loca potius secundum versionem illam, quàm juxta hebræum textum, quem ipsi non intellegebant, citare debuerit.

Ad 4tam denique Resp. His, & aliis Patribus non de uno eodemque Evangelio semper sermo fuit ; aliud enim circumferrebat hebraicum Evangelium sub Matthæi nomine, sed ab Hæreticis corruptum ; istud porro velut apocryphum rejiciebant Veteres, non verò primum, quod velut authenticum suscipiebant. Imò ipsum forè

A a 2

Orig-

(g) Origen. in Math. hom. 9.

Originale ab Ebionitis, qui, prout suprâ part. 1. c. 6. annotavimus solo Matthæi Evangelio utebantur, vitiaum, & corruptū paulatim negligi cœpit, adeo ut tandem intercederet; cum interim Græcum exemplar, quod integrum semper servatum est, auctoritatem suam ratam sanctamque retineret, atque ab omnibus susci- peretur.

562 In suo Evangelio scribendo id S. Matthæum præ oculis habuisse, ait S. Augustinus (b), ut nempe assereret genus regale Christi, ejusque vitam inter homines aetam posteritati traderet. Nec sanè alius Evangelista, inquit S. Ambrosius (i), solertiùs Gesta Jesu Christi, atque vitæ dirigendæ, morumque regulas ad Jesu Christi mentem describit.

S. Petrus Damiani autumat (k), S. Matthæum eundem obtinuisse locum apud Evangelistas, quem Moyses apud veteris Testamenti Scriptores; ambo enim in scribendo primas obtinent, hic in veteri, ille in novo Testamento.

Eo tempore, quo se ad scribendum contulit S. Matthæus, quæstio inter Judæos agitabatur, utrum Christus Messias esset; cui veritati asserendæ plura congescit, tum prodigia ipsius Christi atque Mariæ matris ipsius virginitatem referens, tum venisse illum ostendens, non ut Legem solveret, aut destrueret, sed ut eam perficeret, atque compleret; ejus denique miracula non Dæmoni, neque homini esse adscribenda, sed divinæ virtuti, atque ipsius Christi missioni.

563 Si Evangelium istud cum cæteris conferatur, rerum gestarum series aliter at Matthæo, ac apud alios Evangelistas dirigitur a. cap. 4. v. 22. usque ad cap. 14. v. 13. quæ discrepantia Chronologos, & Interpretes mirè torquet. Aliis enim videtur Matthæus temporum ordinem accuratè servasse; alii verò præposuere ab

illo institutam esse narrationem censent; faciliùs enim unum ordinem invertisse, quàm tres, creditur. Hujus rei fidem facere videtur, quòd Marcus, qui Matthæum sibi ducem in scribendo statuerat, in ea tantùm re ab ipso discedat. Sunt tamen, qui fortuito, sunt etiam, qui consultò S. Marcum at S. Matthæo recessisse autumant. Quidquid ea de re statuatur, illud profectò certum est, nihil Evangelii veritati eam discrepantiam nocere; cum Auctores sacri, quid potissimum scriberent, non quo ordine scriberent, sedulo observaverint.

S. Matthæum Persidem, sive Partho-564 rum regionem, vel Caramaniam ea ætate Parthis subjectam prædicationibus, & sanguine suo excoluisse tradunt Paulinus, in Carmin. 26. Ambrosius, in Psal. 46. Hieronymus, de Vir. Illust. & alii. Rufinus lib. 1. cap. 19. Socrates, lib. 10. Hist. Pseudo-Abdias, alique plures Æthiopiam laboribus, & martyrio cum consecrassent volunt.

Heracleon Valentini Discipulus apud Clementem Alexandrinum lib. 4. Strom. testatur, hunc Apostolum morbo, non autem fuso sanguine, è vita excessisse; quod etiam Menologium Basilii refert, & nonnulli Græcorum sensisse videntur. Quidam tamen Græci illum igne consumptum fuisse asserunt. Addo, & alii Latini Martyrium eum consummasse asserunt. Festum illius nostra ætate apud nos Latinos 21. Septembris celebratur.

Hujus Apostoli nomine Apocryphas65 quædam inscribuntur, ut *Liber infantia Jesu Christi* decretò Gelasii Papæ reprobatus; & alia quædam ab Ebionitis supposita, ea planè fraude, qua ipsius hebraicum Evangelium interpolârunt, & ad sua prava dogmata accommodârunt, prout testatur Epiphanius, Hæres. 30. cap. 23.

Solum-

(b) De consensu Evangel. (i) Prefat. in Loc. (k) Serm. de S. Matth.

*Solvuntur Objectiones,*

*Contra auctoritatem hujus S. Matthæi Evangelii.*

566 Ob. 1mò. Hujus Evangelii c. 1. v. 23. tanquam ex Isaiæ cap. 7. v. 14. transcripta referuntur hæc verba: *Ecce virgo in utero habebit, & pariet filium &c.* At vox hebræa *Alma* qua usus est Isaias cit. loc. non significat *virginem*, sed *filiam*, sive hæc virgo sit, necne.

Resp. Teste S. Hieronymo (1), *Alma* non solum puella, vel virgo, sed etiam virgo abscondita, & secreta dicitur, quæ nunquam virorum patuit aspectibus, sed magnâ parentum diligentia custodita est. Linguâ quoque punica, quæ de Hebræorum fontibus emanare dicitur, virgo propriè *Alma* appellatur. Unde Matthæi interpretes ex versione Septuaginta communi consensu à Judæis comprobata hunc Isaiæ textum transcripsit, ubi vox hebræa *Alma*, virgo interpretatur.

567 Ob. 2dò. Quæ ibid. c. 2. v. 1. & seq. narrantur (m), falsa, & conficta vel ex eo videntur, quod hujus historiæ nec alii tres Evangelistæ, nec Josephus ullam mentionem faciant.

Resp. Quamvis ceteri Evangelistæ hujus historiæ non meminerint, non tamen sequitur eam minùs esse veram, aliàs etiam pari ratione dicitur, historiam de resurrectione Lazari à mortuis esse falsam, quòd solus Joannes eam referat. Silentium quoque Josephi nihil illius veritati officit, ut qui plura alia silentiò prætereat, quæ tamen non minùs vera sunt.

568 Ob. 3tò. Ibid. cap. 6. adducitur textus iste: *Et tu Bethleem terra Juda, nequam minima es in principibus Juda &c.* velut à Michæa Propheta transcriptus,

cùm hic tamen longè aliter loquatur, ait enim cap. 5. v. 2. *Et tu Bethleem Epbrata parvulus es in milibus Juda &c.*

Resp. Hic Evangelistam ea, quæ Principes Sacerdotum & Scribæ Herodi interroganti, & sciscitanti, ubi Christus nasceretur, responderunt, simpliciter referre, quòd si ergo quiddam falsum & Michææ prophetiæ haud satis conveniens ex textu continetur, id non Matthæo, sed Principibus Sacerdotum, & Scribis adscribendum erit: verùm hi potius sensum Prophetæ, quàm verba sectati sunt, prout apertum est, quod sufficit ad hujus textus veritatem; ponunt quidem locò *Epbrata*, quod habet Michæas, *terra Juda*, quia licet *Epbrata* idem sit ac *Bethleem*, tamen quia nomen illud tunc jam obsoleverat, notius adhibuerunt. Legerunt etiam apud eundem Prophetam locò *Alphe* quod mille significat, *Aluphe* quod *Principes* indicat. Denique aliqui hanc Michææ prophetiam legunt per modum interrogationis; verùm quidquid sit, manet tamen semper idem sensus; Michæas enim vult dicere: *Et tu Bethleem &c.* licet sis numero parvula in milibus Juda, magna tamen es dignitate, nam ex te magnus Dux orietur.

Ob. 4tò. Ibid. v. 25. Messias adaptatur illud Osæ cap. 11. vers. 1. *Ex Ægypto vocavi filium meum.* At certum est, hæc de populo Israëlítico à Propheta fuisse pronuntiata.

Resp. Sensu litterali hæc quidem de populo Israëlítico intelligi; at quia populus iste typus fuit Christi in Ægypto exulaturi, hinc sensu mystico & spiritali, & secundum communem Prophetarum morem ab ipso Osæ præcipuè intento, rectè ab Evangelista Christo ipsi adaptatur hic Prophetæ textus.

A a 3

Ob.

(1) Comment. in Isai. lib. 3. cap. 7. (m) De Magorum ab Oriente adventu, ut Jesum recens natum adorarent.

570 Ob. 5to. Ibid. v. 17. cæsis ab Herode infantibus adaptatur illud Jeremizæ, cap. 31. v. 15. *Vox in Rama audita est,ploratus, & ululatus magnus, Rachel plorans filios suos, & noluit consolari, quia non sunt.* At certum est, hunc locum intelligi debere de abductione duarum Tribuum Judæ, & Benjamin.

Resp. Ut ad priorem textum, hæc nempe in sensu obvio intelligi quidem de duabus hisce Tribubus, at in spirituali & à Propheta præcipue intento, de infantibus ab Herode interfecis.

571 Ob. 6to. Ibid. v. 23. dicitur JESUS habitasse in civitate Nazareth: *Ut adimpleretur, quod dictum est per Prophetas: quoniam Nazareus vocabitur.* Atqui id nullibi apud Prophetas legitur.

Resp. 1mo. cum S. Hieronymo, lib. 1. Comment. in Matth. cap. 2. quod, cum pluraliter Prophetas hic vocet Matthæus, ostendere velit, se non verba de Scripturis sumpsisse, sed sensum; *Nazareus Sanctus* interpretatur, sanctum autem Dominum futurum omnis Scriptura commemorat. Usus autem est verbo *Nazareus* ad faciendam allusionem ad civitatem Nazareth, secundum morem Judæorum, ad quos, & pro quibus scribebat, qui in suis Commentariis allegoricis *Medraschim* apud ipsos dictis frequentes hujusmodi ad verba, seu nomina alludentes interpretationes solent adhibere.

Resp. 2do. cum eodem S. Hieronymo, loc. cit. Id iisdem verbis juxta hebraicam veritatem in Isaia cap. 11. v. 1. contineri, quando nempe ait: *Egredietur virga de radice Jesse, & flos de radice ejus ascendet.* Igitur Evangelista Christum nominando Nazareum allusionem facit ad vocem Hebræam *Neszer*, quæ *florem* significat, sub quo nomine omnium tam Judæorum, quam Christianorum sententiis intelligitur Messias.

572 Ob. 7mo. Ibid. c. 1. v. 4. de Joanne dicitur: *Esca autem ejus erat locusta, & mel sylvestre.* Et tamen poetæ cap. 11.

v. 18. de eodem Joanne legitur: *Venit Joannes neque manducans, neque bibens.*

Resp. Cibum & potum Joannis ita parcum, vilem, & alienum fuisse nedum à lautiore, sed etiam vulgaribus Judæorum mensis, ut pro nullo reputatus sit, eo ferè modo, quo parum pro nihilo reputatur.

Ob. 8vo. Ibid. cap. 10. v. 5. legitur, 573 Christum Apostolis suis prohibuisse, ne in viam gentium abirent, & in civitates Samaritanorum introirent. Et tamen cap. 28. v. 19. eisdem ab ipso dictum legitur: *Euntes docete omnes gentes.*

Resp. Hæc non pro eodem, sed pro diversis temporibus à Christo fuisse prolata. Apostolos quippe suos Christum misit primo ad prædicandum Evangelium, ut officium, ad quod vocati erant, obire inciperent, & quasi tyrocinium sub ipso ponerent, quod deinde Sacerdotes, & Episcopi consecrati, necnon Spiritu sancto roborati post mortem, & ascensionem Christi plenissime prosequerentur, & consummarent: ut verò jam initium à faciliiori palæstra ducant, vetat eis, ne Judææ fines transiliant, atque ad Gentiles se conferant: ubi verò planè roborati fuerunt, & experti, nempe post resurrectionem suam, eis præcepit, ut irent ad docendum omnes gentes.

Ob. 9no. Ibid. v. 9. Christus prohibet 574 Discipulis suis, ne virgam quidem deferant, & habeant. Et tamen Marci c. 6. v. 8. præcipit eis, ne quid tollant in via nisi virgam.

Resp. Priori loco Christus præcipit Apostolis, ut ituri ad annuntiandum Evangelium nulla vitæ necessaria secum deferant, imò nec virgam, id est, minimas etiam res ibi per virgam intellectas; cum æquum esset, ut qui Evangelium annuntiarent, etiam de Evangelio viverent. At Marci 6. per virgam, quam eos de via tollere jubet, intelligit jus duntaxat, & potestatem Evangelium annuntiandi, & de Evangelio vivendi.

Ob. 10mo.

575 Ob. 10mò. Ibid. c. 23. v. 35. Zacharias ille, qui inter Templum, & Altare occisus memoratur 2. Paralip. c. 24. dicitur filius Barachiz, cum tamen fuerit filius Jojada.

Resp. 1mò. Zachariam dici filium Barachiz apud Matthæum, id est, *Benedicti Domini*, quia Jojadas pater ejus Sacerdos fuit piissimus, adeoque verè Benedictus Domini.

Resp. 2dò. Apud Matthæum hic irrep-  
sisse Librarii errorem, qui locò *Jojada*,  
*Barachia* nomen posuit; nam in Evange-  
lio Matthæi, quo utuntur Nazaræi, ex-  
pressè legitur *filius Jojada*, prout testa-  
tur Hieronymus, c. 23. Matth.

Resp. 3tiò. A Domino Christo hic for-  
tè designatum fuisse Zachariam filium Ba-  
ruch, cujus mentionem facit Josephus de  
Bello lib. 4. c. 19. in Græco, seu lib. 5. c. 1.  
in Latino; atque interfectus dicitur an-  
zæ Christ. 67. ante eversionem Urbis &  
Templi 7mò. Ratio est 1mo. Quia Za-  
charias Barachiz filius ut iustorum postre-  
mus à Judæis interfectus innui à Christo  
videtur, sicut Abel primus Sanctorum  
violenta morte fuit sublat. 2do. Za-  
charias Jojada filius lapidibus obrutus est  
in atrio Domûs Domini; Zacharias verò  
Barachiz filius inter Templum & Altare.  
3tio. Quamquam moris fuerit apud He-  
bræos duobus nominibus nuncupari, quo-  
rum exempla passim in Scripturis occur-  
runt, verisimilè non videtur, Christum  
pro Jojada nomine satis cognito, Bara-  
chiz nomen minimè notum substituere  
voluisse. Et quamvis primùm post ascen-  
sionem Christi esset occidendus, Domi-  
nus tamen præteritum pro futuro usur-  
pans, propheticâ phrasi locutus est. De-  
nique quamvis nec Josephus nec anti-  
quus alius Scriptor Zachariam hunc in-  
ter Christianos accensuerit, tamen nemo  
contrarium unquam asseruit. De S. Ja-  
cobo Minore, Anani scelere necato ita  
agit Josephus, tanquam de viro Judæo,  
nam tunc Christiani habebantur ceu secta  
quædam ex Judæis. Quare nihil vetat,

quò Zachariam filium Baruch Christiani-  
smum professum fuisse teneamus, eun-  
demque hic Christum designasse reputa-  
mus &c.

Ob. 11mò. Ibid. c. 26. v. 29. ait Chri-  
stus: *Non bibam amodò de hoc genimine  
vitis, usque in diem illum, cum illud bi-  
bam vobiscum novum in regno Patris mei.*  
Et tamen Act. c. 10. v. 41. testatur S. Pe-  
trus, se & alios post illius resurrectionem  
cum eo marducasse, & bibisse.

Resp. Quòd etsi Christus post resur-  
rectionem suam cum Apostolis suis man-  
ducaverit, & biberit vinum naturale, seu  
de germine vitis, non tamen consuetò  
& ordinariò modò, nec ad serviendum  
naturæ necessitati, quo solo modo ante  
passionem negaverat se deinceps cum illis  
comesturum, & bibiturum, sed tantum  
ad majus suæ veræ resurrectionis indi-  
cium. Meliùs responderetur, hæc sensu  
figurato & mystico Christum fuisse elocu-  
tum, atque intelligenda esse, prout vel  
ex ipso textu patet, neque enim in regno  
coelesti bibitur naturale vinum. Ergo læ-  
titiâ hic beatorum æternam Christus  
intelligit &c.

Ob. 12mò. Ib. c. 27. v. 9. dicitur: *Tunc 577.  
impletum est, quod dictum est per Jeremiam  
Prophetam dicentem: Et acceperunt triginta  
argenteos &c.* Cum tamen hæc pro-  
phetia sit apud Zachariam, c. 11. v. 12.

Resp. 1mo. Librariorum incuriâ no-  
men *Jeremia* hic irrepisse; enimverò  
Matthæus non solet exprimere nomina  
Prophetarum, quos citat; Et verò tex-  
tus Syriacus, & nonnulli Codices latini,  
teste S. Augustino, quorum unum adhuc  
Romæ in Bibliotheca Patrum Eremitarum  
S. Augustini asservatur, non habent *Je-  
remiam*, sed *Zachariam*.

Resp. 2dò. cum Origene, Tertulliano,  
Eusebio, &c. hæc eadem omnia in Jere-  
mia olim extitisse, ut in apocrypho quo-  
dam exemplari se vidisse testatur S. Hie-  
ronymus, sed ea intercidisse, vel ab ipsis  
Judæis erasa fuisse.

## 578 De S. Marco, &amp; ejus Evangelio.

S. Marcus Evangelista, juxta Papiam, apud Euseb. lib. 2. Hist. cap. 24. & S. Irenæum, apud eundem lib. 13. c. 1. aliosque veteres, & recentiores S. Petri Discipulus, & Interpres, quem Origenes, apud Eusebium lib. 6. Hist. c. 26. Hieronymus, in Catalog. Theophilus, in Marc. ab eodem S. Petro spectatum credunt, cum illum appellat filium suum (n), fortasse, quod illum Christo genuerit.

Inter septuaginta Discipulos numeros, antequam Apostolo Petro socium se jungeret, vulgo creditur. Verum nonnulli ex Patribus addunt, eum unum ex illis fuisse, qui cum à Christo verba hæc audissent: *Nisi manducaveritis meam carnem, & biberitis meum sanguinem &c.* (o) itis offensi recesserunt; at S. Petri adhortatione ad frugem illum rediisse, cujus in fide æmulum, & in itineribus comitem fidelissimum se præbuerit; Romam unacum ipso appulsum, ibidem Evangelium suum scripsisse fratrum sollicitatione, qui eum rogaverant, ut ea conscriberet, quæ à S. Petro audiverat: ita Origenes, de recta in Deum fide. Dorotheus, in Synopsi. Procopius Diaconus, apud Bolland. 26. April. & post ipsos S. Hieronymus, de Script. Eccles. in Marco. In idem recidunt, quæ Pseudo-Athanasius in Synopsi ait: Evangelium scilicet secundum Marcum prædicatum fuisse Romæ ab Apostolo Petro, & promulgatum à B. Apostolo Marco, qui etiam illud Alexandriæ, in Ægypto, in Pentapoli, & Lybia prædicaverit. Verbo, universa antiquitas eum Papiæ tenuit, Evangelium S. Marci nonnisi synopsim & epitomen esse prædicationum S. Petri, cujus ipse Interpres erat. S. Irenæus tamen vult, S. Marcum Evangelium suum nonnisi post mortem, vel saltem ex Roma discessum

SS. Petri, & Pauli scripsisse. (p) S. Chrysostomus verò ait (q), S. Marcum suum Evangelium, non Romæ duntaxat, sed in Ægypto scripsisse. Quæ diversæ de eadem re sententiæ produunt, nihil certi definiti posse circa locum, & tempus, quo Evangelium istud exaratum fuit. Attamen Eusebius, Eutymius, Baronius, & MS. Codex Bibliothecæ Regiæ Parisiensis num. 2871. docent, Marcum Evangelium suum scripsisse post annum decimum à passione, seu ascensione Domini, & paulò antequam Alexandriam proficisceretur.

Quo verò idiomate ab ipso scriptum fuerit non convenit inter Scriptores; alii enim græcò, alii latinò exaratum volunt. Veterum & recentiorum turba græcum asserit, græcusque textus ab ipsis originalis habetur.

At Baronius, post Auctorem vitæ Summorum Pontificum, à Marco latinè scriptum fuisse Evangelium contendit his potissimum rationibus: 1mo. quòd Syriaca hujus Evangelii versio testetur, Marcum Evangelium suum Romæ latino idiomate prædicasse, quam sequuntur Persica, & Arabica. 2do. Quòd, cum Evangelium suum Romæ scripserit, illud nonnisi patrio sermone exarare potuerit, aut debuerit, ut qui à fidelibus hujus urbis latinè loquentibus ad id rogatus fuerit. 3tio. Quòd S. Petrus Romæ Evangelium suum Romanorum linguâ prædicaverit; non ergo videtur, quòd Marcus S. Petri Interpres hujus Apostoli prædicationem alio, quàm Romano sermone colligere, & in chartam consicere potuerit. 4to. Si verò dicatur Petrus græcè, aut hebraicè fuisse locutus, illius verba Marcus nonnisi latinè potuit interpretari. 5to. Quòd græcus hujus Evangelii textus multa verba contineat, quæ nullatenus græca sunt, sed

(n) 1. Pet. c. 5. v. 13. (o) Joan. c. 6. v. 53. (p) Aduert. hæret. l. 3. c. 1. (q) Rom. 1. in Matth.

sed latina, atque Graezifata, si ita loqui fas est, fuerunt. Unde patet, originale ipsius exemplar Latinum esse, quod deinde in Graecum translatus fuit.

780 Sed his rationibus responderi potest; & quidem ad iam. Nulla ratio habenda est testimonii versionis Syriacae, ut & Arabicæ, necnon Persicæ, ut quæ ad Latinam confectæ fuerint. Notum est, hujusmodi inscriptiones, quæ in principio, & fine librorum Sacrorum, præsertim in versionibus Orientalibus leguntur, exiguum, imò nullam habere auctoritatem; erraverunt Syrii, quòd, æquæ ac Baronius, vestigiis Auctoris vitæ Pontificum Romanorum insistentes, arbitrati sint, S. Marcum Romæ Evangelium suum nonnisi patrio Romanorum sermone scribere potuisse.

Ad 2. Certum est, quòd Judæi, qui tùm per totum Romanum Imperium dispersi erant, imò plerique, qui tùm Romæ erant, græcam linguam calluerint, è contrâ verò paucissimi duntaxat eorum latinam sciverint. *Judæi, inquit Grotius (r), qui Romæ agebant, plerique latini sermonis ignari, longa per Asiam, & Græciam habitatione græcam linguam didicerant, & Romanorum vix quisquam erat non græcè intelligens.*

Ad 3. & 4. resp. S. Petrum Judæis Romanis linguâ, quam intelligebant, locutum fuisse, & S. Marcum eâdem linguâ ad preces horum neo-conversorum Judæorum hujus Apostoli collectam prædicationem conscripsisse; hæc autem erat græca.

Ad 5. respondetur imò. quòd, si hæc ratio aliquid evinceret, tum per eam probaretur, cæteros Evangelistas etiam latinè sua Evangelia scripsisse, eoquòd in iis etiam similes dictiones, id est, verba latina ad græcum transformata, seu græzifata, ut ajunt, reperiantur. Præterea probaretur, quòd Syriacæ, & Arabicæ Sacrorum librorum versiones initio græcè

P. Cartier Theol. Tom. I.

fuerint exarata, & postmodum è Græco in Syriacum, & Arabicum translata, eoquòd in istis versionibus reperiantur plura græca vocabula, quæ Syriacizata, & Arabizata fuerunt.

Resp. 2do. mirum non esse, quòd S. Marcus Romæ græco sermone scribens, plura latina vocabula Graezifata in sua scripture adhibuerit. Mos enim omnium Nationum peregrinam linguam loquentium, ut proprii sermonis sui vocabula ei admisceant. Sic ergo S. Marcus græcam linguam locutus est, prout Romæ, atque etiam in multis aliis Romani Imperii civitatibus in usu erat, ubi Græci plura Romana vocabula adoptaverant, atque in suam linguam transtulerant.

Verùm hæc responsiones omnes hocce 781 unicò convelli videntur, quòd Venetiis folia quædam Originalis Evangelii S. Marci, ipsiusque manu exarati textûs asseruari dicantur. Bernardus Montfaucon celebris Congregationis S. Mauri in Gallia Benedictinus Scriptor, hujus Scripti meminit in suo Itinere Italico c. 4. Atque latinè exaratum asserit; tantæque vetustatis Opus nunquam vidisse se testatur, quippe quod senio ita oblitteratum sit, ut unius litterulæ linea vix discernatur. Certe Carolus IV. Imperator annò imperii sui 9nò. asseruit, se propriis oculis vidisse in Ecclesia Aquileiensi Evangelium latinis litteris in septem quaternis propria ejusdem S. Evangelistæ manu conscriptum. (s)

Quæ si ita sint, sis hæc dirempta momentò videtur. Sed quis nobis fidem faciat, hoc S. Marci exemplare ipsius esse autographum, atque propria ipsius manu exaratum?

Ex collatione duorum Evangeliorum 782 SS. Marci, & Matthæi, videtur prior nonnisi epitomen historiarum, seu Evangelii à S. Matthæo conscripti textus; sæpe enim eadem phrasæ, eadem historiarum tisdem

B b

cir-

(r) Annot. in tit. Marci. (s) Apud Bouanum. ad 25. April. pag. 245.

circumstantiis notatæ in utroque Evangelio inveniuntur; interdum relatis à Matthæo historiis novi aliquid Marcus, quò nempe ipsius Evangelium clariùs evaderet, ac faciliùs intelligeretur. Bina etiam vel tria miracula S. Marcus adnotavit (\*), quæ alii Evangelistæ omiserunt. Illud autem notatu dignum videtur, hunc Evangelistam, quamvis aliàs vestigiis S. Matthæi omninò inhæreat, narrationis tamen seriem à cap. 4. usque ad c. 14. v. 13. Matthæi deseruisse, ut alium ordinem, eumque, quem cæteri duo Evangelistæ etiam secuti sunt, teneret. Unde Chronologistæ gestorum seriem à Marco, Luca, & Joanne deductam, præ ea, quam Matthæus contextit, probant.

583 Liber S. Marci 16. capitibus absolvitur; hicque S. Evangelista historiam suam à prædicatione S. Joannis Baptistæ exorditur, multaque interdum in ea omittit, quæ apud Matthæum leguntur; ut sunt parabolæ c. 20. 21. & 25. Matthæi. Verba Christi ad Discipulos, & Phariseos, Matth. c. 5. 6. & 7. Item c. 16. & 23.

584 Quidam veteres Hæretici, ut refert Irenæus lib. 3. c. 2. nullum nisi Marci Evangelium probabant. Fuerunt etiam inter Catholicos, qui duodecim postremos istius Evangelii versus à gno. scilicet capituli 16ti. versu, qui incipit, *surgens autem manè &c.* rejecerunt. S. Hieronymus testatur (u), hos versus in paucis duntaxat græcis exemplaribus lectos fuisse: *omnibus*, inquit, *Græcia libris penè hoc capitulum (x)* (id est, hos 12. ultimos versus) *non habentibus*. Nec sua ætate in plerisque græcis Ecclesiis legebantur.

Nihilominus de veritate duodecim horum Evangelii S. Marci postremorum ver-

suum minimè licet dubitare, ut qui quòd antiqui sint, ac ipsum hujus Apostoli Evangelium. Græci illos univèrsim in suis Ecclesiis legunt; atque ex iis testimoniis asciscit S. Irenæus, qui priusquam ea græca apographa, quæ hanc in rem proferuntur, extarent, florebat: expressis enim verbis finem hujus Evangelii citat lib. 3. adv. hæres. c. 11. *In fine autem*, inquit, *Evangelii ait Marcus: Et quidem Dominus JESUS, postquam locutus est &c.* notatque 19. versum ultimi, quod 20. versibus constat, capituli. Denique illos duodecim postremos versus continet antiquissima latina, & syriaca exemplaria, unde probatur, quòd in illis græcis exemplaribus, ad quæ hæ versiones, quæ sunt antiquissimæ, præsertim latina, adornatæ fuerunt, illi versus extiterint. Præterea etiam continentur in græcis exemplaribus Cantabrigiensis, & Alexandrino, quæ omnium græcorum exemplarium, quæ in Europa supersunt, antiquissima censentur.

Quòd autem in lis græcis exemplaribus, de quibus mentionem facit S. Hieronymus defuerint, id fortè Librariorum & Amanuensium errore factum est, qui cum ea concillare non possent, quæ de resurrectione Christi narrat hic Evangelista, cum iis, quæ S. Matthæus de ea refert, hanc historiam è Marci Evangelio removerint.

Duo in eo textus leguntur, quæ diffi- 585 cultatem aliquam involvere videntur.

Imo, c. 11. v. 13. Narratur de Christo, quòd cum extra terram ficorum ex sicu aliqua fructus decerpere vellet, nec in ea nisi folia invenisset, ei maledixit dicens: *Nam non amplius in æternum ex te fructum quisquam manducet*; vel ut loquitur

(\*) Cap. 1. v. 23. & c. 5. v. 9 & 16. (u) Epist. ad Hedib. 9. 3. (x) Vox *Capitulum* hic à S. Hieronymo usurpata, non denotat integrum ultimum S. Marci caput, quod est 16tum, sed solum ab his v. 9. verbis, *surgens autem &c.* Nam antiqui Scriptores Ecclesiastici Scripturam tuorum capitula in varia capitula distribuabant, quæ Alphabeta littera per ordinem distinguebant, ut aubue videre est in antiquis sacrorum & aliorum Ecclesiasticorum librorum editionibus.



quitur Matthæus, c. 21. v. 19. *Nunquam ex te fructus nascitur in sempiternum; & arefacta est continuè ficulnea.* Quod factum contra sanam rationem esse videtur. ad. lb. c. 13. v. 31. ait Christus, *se ultimum licum julicci nescire*; quod utique falsum erat.

Sed resp. ad primum. Christum hoc loco voluisse hoc signò supremum suum omnium rerum dominium manifestare, atque simul indicare, populum Judaicum, quòd famelico Deo præter nuda steriliū ceremoniarum folia subministraret nihil, brevi subtracto gratiarum cœlestium humore, reprobatum, arefactum, & excisum iri.

Ad 2dum, Christus ait se diem illum nescire, non absolute quidem, sed ut illum manifestet, id enim in mandatis à Patre non acceperat.

### De S. Luca, & ejus Evangelio.

586 Lucas natione Syrus, patriâ Antiochenus, arte Medicus fuit. (y) An genere Ethnicus fuerit, an Judæus, disputatur. Qui cum inter septuaginta duos discipulos Domini recensent, Judæum fuisse affirmant. Id certum, quòd Paulum prædicantem comitatus fuerit (z); quo tamen tempore huic Apostolo se comitem dederit ignoratur. Qui cum, auditis his Christi verbis: *qui non manducat meam carnem* &c. ab ipso recessisse dicunt (a), à S. Paulo Antiochiæ ad fidem revocatum putant, & eidem perpetuo deinceps adhæsisse videntur. Alii Troade se Paulo comitem junxisse censent, quod & ipse Lucas comprobare videtur, quando hæc scribit (b): *Statim quæsovinus à Troade proficisci in Macedoniam*, quo loco de se, velut Pauli comite verba facere videtur.

Lucas etiam picturæ vacasse ab aliis creditur: alicubi enim B. Virginis effigies vel ab eodem expressæ, vel ab ejusdem exemplaribus depromptæ monstrantur. Veteres tamen hujus sancti Lucæ artis nullibi meminere; cumque pictorem fuisse primus omnium Nicephorus scribit.

Ea in suo Evangelio de Christi infantia, & B. Virgine disserit, ut & sanctam hanc Virginem novisse, si bique cum ea necessitudinem aliquam fuisse satis ostendat.

Epiphanio auctore (c), in Dalmatiam, Galliam, Italiam, & Macedoniam Evangelium intulit; teste verò Metaphrasæ in Ægypto, Lybia, & Thebaide prædicavit.

Pluribus, ut ajunt, annis Paulo susceperat vitam traduxit; & senio tandem confectus, annos 80. vel 84. natus in Achaja vivere desit. (d)

Refert Nicephorus (e) Thæbis Weotiz illum obiisse, ubi in hanc usque diem sepulchrum, quod S. Lucæ appellant, visitur. S. Hyppolitus (f), in Elea Peloponensi cruci affixum; Dorotheus (g), Ephefi sepultum; Beda, Ulfuardus, Addo, & Romanum Martyrologium in Bythynia defunctum ferunt. Gregorius Nazianzenus (h), Paulinus, (i), & Gaudencius, Serm. 17. martyriò interemptum; Græci recentiores olivæ affixum perhibent. Elias verò Cretensis (k), cui plerique Recentiores adhærent, violenta morte minimè sublatum pro certo habet. Ex his patet, quòd circa mortis illius genus, & tempus nihil certi constitui possit.

Quo autem tempore, & anno Evangelium suum scripserit, æquè incertum. Græcè illud scripserit cum in Achajæ, &

B b 2

Beotiz

(y) Euseb. Alex. in Chron. Irenæus apud Euseb. Hist. l. 5. c. 8. Pseudo-Athanas. in Synopsi.

(z) 2. Timoth. c. 4. v. 11. Philem v. 22. & Coloss. c. 4. v. 14. (a) Apud Epiph. Hæres.

51. (b) Act. cap. 16. v. 8. (c) Hæres. 51. (d) Hieron. de vir. illust. (e) Lib. 2. c. 23.

(f) In Ms. Bodlæi apud Mill. Præfat. in Luc. (g) In Synopsi. (h) Orat. 3. (i) Ep. 12. (k) Orat. 3.

Beotie partibus tradit S. Hieronymus. (I) Id ad an. 2dum Neronis revocat Baronius, qui anno 222 Christi. 57mo. à Passione 23tio respondet. Verus græcus Codex Ms. Biblioth. Reg. Paris. n. 2871. autem ait: Evangelium secundum Lucam promulgatum fuisse 15. post ascensionem Domini annis, atque à Paulo Romæ prædicatum fuisse.

589 Viginti quatuor capitibus constat. Præter illud, & Apostolorum Acta, alia quædam, ut versio, seu ipsa phrasis Epistolæ S. Pauli ad Hebræos eidem tribuuntur. Clemens Alexandrinus, apud Euseb. lib. 6. Hist. & Hieronymus, de viris Illust. Iasonis, & Papiæ disputationem, qua nunc caremus, ab eo confectam putant.

590 Tertullianus (m) & Auctor Synopsis, quæ Athanasio adscribitur, ipsum Lucæ Evangelium Paulo Apostolo tribuunt, quo dictante illud Lucas conscripserit; illudque ipsum esse, quod sæpius hic Apostolus suum nuncupat. (n) Irenæus verò Lucam ea tantum litteris mandasse, quæ à Paulo prædicante audiverat, testatur, lib. 3. c. 1. & Gregorius Nazianzenus S. Pauli ope Evangelium ab ipso exaratum asserit. Profecto S. Paulus ut plurimum Lucæ Evangelium allegat, ut conferenti 1. Cor. c. 23. &c. cum Lucæ c. 22. v. 18. & 1. Cor. c. 16. v. 15. cum Lucæ c. 24. v. 34. patet. Lucas tamen; sibi ea in re Paulum quidpiam contulisse, nullibi meminit.

Theophilo cuidam nobis prorsus ignoto Lucas suum Evangelium & Acta Apostolorum inscribit, quemplerique Veteres appellativo sensu virum Dei amantem arbitrati sunt.

Marcionitæ solum Lucæ Evangelium admitebant, sed pluribus locis à se ipsis corruptum, & mutilatum, prout testan-

tur Tertullianus, lib. 5. cont. Marcionem; & Epiphanius, Hæres. 42.

### Solvuntur objectiones,

#### Contra hujus libri auctoritatem.

Ob. primo c. 2. v. 34. hujus Evangelii l. iii de Christo à Simeone dicitur: *Ecce positus est hic in ruinam, & in resurrectionem multorum.* Et c. 9. v. 56. è contrà dicitur: *filius hominis non venit animas perdere, sed salvare*

Resp. Prioris textus sensum esse, non quòd Christus debeat esse causa formaliter, ut ajunt, per se & directè ruinæ multorum, sed solum occasionaliter, per accidens, & indirectè, quatenus scilicet, multi ejus gratiæ, doctrinæque resistentes, majorem sibi damnationem acquirerent.

Ob. 2do. Ib. c. 3. v. 36. Sale dicitur esse filius Cainan. At Genes. c. 11. v. 12. ubi textitur Genealogia Sem usque ad Abraham, nulla hujus Cainan fit mentio, sed Sale dicitur fuisse filius Arphaxad.

Resp. 1do. In Scriptura haud insolitum esse, ut nepos avi sui filius dicatur. Hujus rei exemplum supra Sect. 1. hujus partis cap. 2. pag. 108. de Jonathan, qui quamvis esset Isai Patris David nepos, tamen ejusdem Isai filius nuncupatur. 1. Reg. c. 16. v. 11. Sic etiam Sale in Genesi dicitur filius Arphaxad, non quòd hic immediatè illum genuerit, sed mediatè duntaxat, nempe per Cainan filium suum.

Resp. 2do. Immeritò & ex librariorum errore nomen istud Cainan in Evangelium Lucæ irrepsisse. Non enim reperitur in Chronico Eusebii, nec apud Josephum, nec apud Julium Africanum, nec in

(I) Proöm. in Matth. (m) Lib. 4. cont. Marcion. v. 25. Item 2. Thessal. cap. 2. v. 13.

(n) Rom. cap. 2. v. 26. & c. 16.

in ullo veteri Testamento sive hebræo sive latino; atque etiam prætermisum ab Irenæo videtur, qui Septuaginta duntaxat generationes ab Adamo usque ad Christum recenset. Equidem nomen istud Cainan olim in Septuaginta legebatur, non tamen in omnibus illorum editionibus: Enimvero non legebatur in Hexaplis correctis, & Origenes suam Hexaplorum editionem secutus eum omittit; neque à Theophilo Antiocheno in suo computo iuxta versionem Septuaginta instituto recensetur, nec ab Ulfardo, Rabano, Addone, Cassiodoro &c. Extant etiam novi Testamenti exemplaria, in quibus non legitur, ut in Anglia Codex antiquissimus Græco-Latinus quatuor Evangelia, & Acta Apostolorum continens &c.

§93 Momento difficultas hæc levaretur, si juxta illorum opinionem, qui ea tantum, quæ fidem & mores spectant, sacris Scripturis à Deo revelata, & inspirata fuisse tuentur, dici posset, Lucam hanc eam, quam præ manibus habebat, Septuaginta Versionem secutum, errorem hunc ab ea in suum librum transcripsisse. Verum plerisque, imò pene omnibus nimis audax videtur hæc opinio.

§94 Ob. 3tio. Eodem c. v. 23. Intextenda Josephi B. V. Mariæ, & Christi Genealogia dicit Lucas Joseph fuisse filium Heli. Cum contra Matthæus c. i. v. 16. dicat eum fuisse filium Jacob.

Resp. 1mo. Joseph fuit verè filius naturalis Jacob, & legalis Heli: Lex enim jubebat, quòd, mortuo fratre sine liberis, frater ejus superstes viduam ejus in uxorem duceret, ut mortui fratris semen, seu prolem suscitarret, quæ familiæ nomen retineret, & hæreditatem. Jacob autem, & Heli erant fratres, & cum sine liberis mortuus esset Heli, Jacob frater ejus viduam ipsius duxit in uxorem, è qua ge-

nuit Joseph, qui ideo, ut dictum, ipsius filius naturalis fuit, & legalis Heli: deo ergo tanquam legali Heli filio loquitur hic Lucas, tanquam naturali Jacob filio autem Matthæus.

Verum huic responsioni ob stare vide-  
tur, quòd Jacob & Heli non videantur fuisse fratres germani ex eodem patre nati, sed uterini duntaxat: pater enim Jacob erat Mathan (o), & pater Heli Mathat (p), qui diversi videntur, nisi hic librarii errorem irrepisse, qui ultimam hujus nominis litteram vel in Matthæo, vel in Luca mutavit, & loco unius alteram posuerit dicatur. Lex autem jubens fratri sine liberis mortuo suscitari semen à superstitè fratre, loquitur de germanis fratribus ex eodem patre genitis, qui soli jus habebant retinendi nomen, & hæreditatem.

Resp. 2do. Joseph à Luca dicitur fuisse Heli, non quòd fuerit filius Heli, sed quia fuit gener Heli, seu Sponsus B. Mariæ filiz Heli, seu Joachimi; unde est, quòd Lucas non utatur verbo *genuit*, quo utitur Matthæus, sed verbo *fuit*, ut indicet, quòd licet Joseph fuerit Heli, non tamen fuerit ejus filius, sicut dum infra dicit, *Adam, qui fuit Dei*, licet Adam non fuerit filius Dei, sed solum plasma, vel opus Dei, quia Adam à Deo non fuit genitus, sed plasmatus; sicut & ipse Matthæus, ubi c. i. v. 6. dicit: *David Rex genuit Salomonem ex ea, qua fuit Uriæ*, per hæc verba: *qua fuit Uriæ* non vult dicere, quòd Bethsabæe, ex qua David genuit Salomonem, fuerit filia Uriæ, seu genita ab Uriæ, sed solum, quòd fuerit uxor Uriæ, quam post ejus mortem David duxit in uxorem, & ex qua Salomonem genuit.

Verum nec ista responsio satisfacere videtur; enimverò eodem sensu videtur Lucas dicere, quòd Joseph fuerit Heli, quo de aliis, quorum generationes hic texit, ut v. 9. quòd *Henos fuerit Seth*, nempe quòd fuerit ejus filius, prout re vera fuit.

Resp. 3tio. Quòd, sicut Christus cenfetur, & dicitur filius Joseph, licet non sit genitus à Joseph, sed ex eo solùm, quòd sit filius Sponsæ Joseph, scilicet Mariæ; ita & Joseph cenferi possit & dici *fuisse Heli*, licet ex eo natus non sit, sed præcisè, quia Sponsus fuit Mariæ filiz Elii, præsertim cum vir & uxor per conjugium fiant unum, & quasi una persona civilis, habeantque communia omnia.

Resp. 4to. Patrem Joseph, quem Matthæus (q) vocat *Jacob*, eundem fuisse ac eum, quem hic Lucas Heli nominat, soloque romine differre, quod in sacra Scriptura frequens est, ut nempe eadem persona in diversis ejusdem libris varia nomina fortiatur.

Resp. denique 5to. Multa contineri tum in libris Paralipomenon, tum in aliis Scripturæ sacræ voluminibus Chronologiam & Genealogiam spectantia, quæ ipsorum Hebræorum consensu sibi invicem contraria esse videntur, licet re vera inter se convenient, & solùm ex nostra ignorantia conciliari non possint. Sic pariter hic loquendum videtur; & si fortè Acta unde hæ Genealogiæ erutæ fuerunt, adhuc superessent, faciliùs utique difficultates in illis occurrentes solveremus.

196 Ob. 4to. Ib. c. 24. v. 26. dicitur Christus *finxisse se longius ire*. Sed fingere est mentiri &c.

Resp. Ista, & aliæ fictiones, quibus Christus usus est, non fuerunt ad decipiendum, quod solùm de ratione mendacii est, sed ad aliquid majus significandum.

### De S. Joanne ejusque Evangelio.

Joannes Evangelista ex Bethsaida Galilææ Zebedæi, & Salomes filius, piscatione vitam tolerabat. Eum, priusquam Christum sequeretur, aliqui, non tamen satis firmò argumentò, Joannis Baptistæ Discipulum fuisse arbitrantur.

Ipsum & Jacobum fratrem suum, qui communiter *Jacobus major* appellatur, Dominus *Boanerges*, id est, tonitruum filios idcirco forte appellavit, quòd vivido spiritu & fide quàm maxima præstantes essent.

Joannes omnibus Apostolis junior fuisse creditur, utqui, cum Dominum secutus est, annos quinque vel sex supra viginti vix attigisse poterat. (r) Præcipuo eum Dominus amore prosequabatur, seque Joannes ipse plerumque *Discipulum, quem diligebat Jhesus*, appellat.

Usque ad Domitiani persecutionem pauca de illo novimus. Paulò postquam Apostoli Spiritum sanctum receperant, Petrus, & Joannes, quòd claudum ad portam Templi sedentem sanassent, & Christum prædicare non cessarent, flagris cæsi Jerosolymâ ejecti sunt; unde Samariam profecti Spiritum sanctum iis impertierunt, quos Philippus baptizaverat.

Joannes deindè ad Parthos se contulisse creditur, ejusque prima Epistola ad Parthos inscripta interdum profertur. (s) Nul- 198 lum est dubium, quin in Asiam profectus, de Evangelio apud populos dixerit, diuque Ephesi, vel propè eam regionem commoratus fuerit.

Domitiano imperii sui annò 150 fideles, 199 infectante, Joannes Ephesò Romam ductus est, ibique in serventis olei dolium demersus evasit incolumis, prout referunt Tertullianus, lib. de Præscript. c. 36. & S. Hieronymus, in Joan. lib. 1. c. 14.

In

(q) C. 1. v. 16. (r) Paulin. Ep. 386. Hieronym. Ep. 1. (s) Aug. quæst. in Evang. lib. 2. c. 39.

600 In Pathmo maris Ægæi insula inde exilavit, ubi Apocalypsim scripsit. Annò deinde æræ 960 mense Septembri, Domitianò interfectò, & ab ejus successore Nerva omnibus exilibus restitutis, Joannes Ephesum reversus est, annò æræ ; seu, ut nunc vulgò dicitur, Christi 97mò (†) quo annum agebat 90mum.

Ad extremam usque senectam pervenit, ac tandem felicissimo obitu defecit Ephesi annò Christi 100. cùm juxta S. Epiphanium Hæresi. 51. esset annorum 94. Juxta alios verò 98. vel 99. veleriam 104. ac propè Ephesum tumulatus est, ut testatur Hieronymus, lib. de Vir. Illust.

601 Quo autem tempore, & anno Evangelium suum scripserit, & ediderit, pro certo definiri non potest; id duntaxat notum, quòd videlicet omnium Evangelistarum postremus librum suum exararit.

602 Nec etiam nobis certa supersunt monumenta, quæ nobis rationes exhibeant, quibus hic S. Apostolus ad aggrediendum Opus istud impulsus fuerit, postquam Evangelia SS. Matthæi, Marci, & Lucæ jam edita conspexisset.

Clemens Alexandrinus, quid hac de re sua ætate sentiretur (u), refert; scilicet S. Joannem, lectis tribus hisce Evangeliiis, & tanquam veris ab ipso approbatis, cùm animadvertisset in iis abesse historiam eorum, quæ Jესu initio prædicationis patraverat, manum operi admovisse, præsertim, cùm id Asiæ fideles enixe ab ipso expectassent, ut quod aliorum Evangelistarum historiæ deesse videbatur, suppleret, omittis plerumque iis, quæ à prioribus Evangelistis jam relata fuerant, atque eorum locò expositis iis, quæ Jესu Christi divinitatem spectabant.

At S. Hieronymus, eum occasione hæresis Cerinthianorum, & Ebionitarum Christo divinitatem abjudicantium Evangelium suum scripsisse asserit. (x) Cùm enim hæresis ista ip Asia vires sumere videretur, rogaverunt Asiæ fideles, & Episcopi, ut contra hos Hæreticos, & de iis quæ de Domino viderat, vel ab ipso audiverat Evangelium conferberet. Petitioni ipsorum Joannes, juniis prius, & precibus publicis indictis, morem gessit, Spirituque sancto repletus, hisce è cœlo delapsis verbis *In principio erat verbum, &c.* Evangelium suum exorsus est, in illo ea præsertim referens, quæ adversus Ebionitas, & Cerinthianos Christi divinitatem quàm maximè comprobarent. Ipsius porro Evangelii 21. numerantur capita.

Quemadmodum, ut supra adnotavi-603 mus (y), in quibusdam græcis MSS. exemplaribus 12. ultimi versus Evangelii S. Marci non leguntur, ita etiam duodecim versus in Evangelio S. Joannis numerantur, qui in quibusdam exemplaribus MSS. ut & typò vulgatis scriptis editionibus non reperiuntur, nempe v. 53tius & ultimus capitis 7mi usque ad v. 11. cap. 8vi inclusivè, quibus nempe historia mulieris in adulterio deprehensæ continetur. Nihilominus minimè dubicandum est, quin hæc historia partem Evangelii S. Joannis verè constituat, atque ab ipso æquè conscripta fuerit, ac reliqua ipsius historia, imò, quia illius mentionem facit Papias Apostolis cœvus, apud Euseb. lib. 3. Hist. c. 39. Ammonius Alexandrinus, in Harmonia Evangeliorum, qui primis Ecclesiæ sæculis florebat. Pseudo-Athanasius, in Synopsi. S. Joannes Chryostomus, Hom. 60. in Joan. Ambrosius, Ep. 58. lib. 7. ad Stud. Hieronymus, lib. 2. advers. Pelag.

(†) Anni æræ Christianæ quartò semper annò subsequuntur annos Christi, ita ut quartus annus à Christo nato sit annus primus æræ Christianæ; jam autem mos invaluit, ut anni Christi ab annis æræ numerentur. (u) Apud Euseb. Hist. lib. 3. c. 24. (x) Proöm. Comment. in Joan. (y) De S. Marco & ejus Evangelio.

Iag Augustinus, Traët. 33. in Joan. Pluresque alii Patres, qui omnes hanc historiam in Joanne legerunt, atque in suis Commentariis exposuerunt. Sanctus quoque Augustinus lib. 2. de adulterin. Conjugiis, c. 7. ait, hanc historiam ab inimicis veræ fidei è nonnullis Evangelii S. Joannis Codicibus erasam fuisse. 2do. (2) Nicetas in catena Commentatorum Græcorum in Evangelium S. Joannis testatur, hanc historiam reperiri in antiquis græcis exemplaribus. (a) Alia catena Commentatorum Græcorum ait, eandem historiam in omnibus antiquis Evangelii S. Joannis exemplaribus contineri. Idipsum referunt plures alii Codices MSS. apud Simonium (b), qui & testatur, eam ab aliquot jam sæculis in omnibus Ecclesiis græcis legi; atque in versionibus Syriacis, (c), & Arabicis Romæ, & in Hollandia typis vulgatis reperiri. (d) Beza etiam statetur, ex 17. MSS. antiquis, quæ penes se habebat, hanc historiam in unico deesse. (e) Calvinus quoque eam recipendam statuit, eoquod in Ecclesiis latinis semper recepta fuerit, necnon in multis antiquis exemplaribus, & libris græcis reperiatur, nihilque spiritu Apostolico indignum contineat. 3tio. Accedit auctoritas Ecclesiæ, quæ hanc historiam velut Canonicam semper habuit; eamque in divino Officio legit, Sabbatò nempe post Dominicam tertiam Quadragesimæ.

604 Quod autem in aliquibus græcis exemplaribus ætate Hieronymi, & Euthymii de-fuerit, id ab aliquo græco Scriptore factum autumant Maldonatus, Seldenus, & Wallæus (f) qui Græcus in hunc locum nimia cum libertate critice suam exercuerit. Nec à vero abludit hæc conjectura, exploratum quippe habemus, græcos Scriptores interdum nimisquam liberè suæ exemplaria correxisse, & interpolasse, iis, prout suus ferebat genius,

modò quædam addentes, modò ab iis rescindentes; quidni etiam idipsum, quoad hunc locum S. Joannis præfiterint, fortè quia viderent, hujus historiæ nullam esse apud reliquos Evangelistas mentionem.

Leguntur in hoc S. Joannis Evangelio<sup>605</sup> aliqua, quæ quodammodò difficultatem continere videntur, ut 1mo. c. 5. v. 31. Christus ait: *Si ego testimonium perhibeo de me ipso, testimonium meum non est verum.* At contra c. 8. v. 14. *Et si ego, inquit, testimonium perhibeo de me ipso, verum est testimonium meum.* Quæ sibi invicem contraria, & inter se pugnantia videntur.

2do. Ib. c. 11. v. 4. De infirmo Lazaro dicit Christus: *Infirmus hæc non est ad mortem; & tamen ibidem legitur, v. 14. Lazarus mortuus est.* Quæ iterum sunt contraria.

3tio denique, Ib. c. 15. v. 15. ait Christus discipulis suis: *Omnia, quæ audivi à Patre meo, nota feci vobis.* Et tamen c. 16. v. 12. eosdem alloquens dicit: *Aiub multa habeo vobis dicere: sed non potestis portare modò.* Sed hæc sibi contradicere videntur.

Resp. ad 1mum. Hi duo textus non sub eodem, sed sub diverso sensu à Christo prolati fuere; nam in priori loquitur de suo testimonio à se ipso prolato; in posteriori verò loquitur quidem de suo testimonio, sed non solo, verum Patris sui testimonio roborato, & firmato. In priori ergo textu dicit gratis, & quasi permittens, *testimonium meum non est verum*, id est, vestrò scilicet iudicio firmum, & sufficiens, quia testimonium unius, juxta vulgarem hominum sententiam, non est firmum, præferim, quando est unus de se ipso testantis. In posteriori verò dicit, *testimonium meum est verum*, quia non unius tantum, sed duorum est, mei scilicet, & Patris mei testimonium de me perhibentis, qui sumus duæ personæ divinæ, duo-

(2) Cod. MS. Bibliot. PP. Oratorii Paris' (a) Cod. MS. Bibliot. Reg. Paris. n. 1883. (b) Hist. crit. du Nouveau Testam. c. 12. (c) In Bib. Polig. Aug. (d) Annot. in Joan. c. 7. v. 53. (e) Comment. in Joan. c. 8. v. 1. (f) Comment. in Joan.

duoque de mea divinitate testes omni exceptione majores.

Ad adum Resp. 1mo. Infirmas Lazari non fuit ad mortem omnibus hominibus communem, qua qui moriuntur, manent mortui, nec ad vitam redeunt, sed fuit ad miraculum pro manifestanda Dei gloria per resurrectionem defuncti Lazari. Resp. 2do. Quod ideo hæc Lazari infirmitas non fuerit ad mortem, licet tamen postea mortuus sit, quia hæc ipsius mors, non tam fuit mors, quam somnus, à quo illico evigilavit, & resurrexit à Christo resuscitatus, seu potius excitatus. Resp. 3tio. Hanc infirmitatem Lazari re ipsa non fuisse ad mortem, tamen ipsum mortuum esse, ut videlicet Christus miraculum, ob quod Deus illum mori permisit, patraret, eoque missionem suam magis coram populo confirmaret.

Ad 3tium Resp. cum Christus suis Apostolis omnia audita à Patre suo nota fecisse dicit, de iis tantum, quæ ad ipsos, ipsorumque munus spectabant, loquitur. Cum autem cap. 16. se adhuc multa eis dicenda habere declarat, de aliis ad totius Ecclesiæ regimen, & statum pertinentibus rebus loqui dicendus est, inter quæ sunt abolitio legalium observationum, rituum Ecclesiasticorum institutio, & alia similia, &c. Hæc de libris legalibus novi Testamenti, seu quatuor Evangeliiis.

606 Præter ea nulla alia Canonica censentur, quamvis plura passim referantur: ut Evangelium secundum Hebræos. Evangelium secundum Nazaræos. Evangelium duodecim Apostolorum. Evangelium S. Petri. Quæ quatuor sunt fortè unicum S. Matthæi Evangelium ab Hæreticis Nazaræis depravatum. Item Evangelium secundum Egyptios. Evangelium Nativitatis sanctissimæ Virginis. Evangelium S. Jacobi. Evangelium infantie JESU Christi. Evangelium S. Thomæ. Evangelium Nicodemi. Evangelium æternum. Evangelium S. Andreæ. Evangelium S.

*P. Cantier Theol. Tom. I.*

Bartholomæi. Evangelium Apellis. Evangelium Basilidis. Evangelium Cerinthi. Evangelium Ebionitarum. Evangelium Encratitarum. Evangelium Evæ. Evangelium Gnosticorum. Evangelium Marcionis. Evangelium S. Pauli. Parvæ, & magnæ interrogationes Mariæ. Liber Nativitatis JESU Christi. Evangelium S. Joannis, alio nomine, liber obitus B. V. Mariæ. Evangelium S. Matthiæ. Evangelium Perfectionis. Evangelium Simonianorum. Evangelium secundum Syriacos. Evangelium Tatiani, idem ac Encratitarum. Evangelium Thaddæi, seu S. Judæ. Evangelium Valentini, idem ac Evangelium Veritatis. Evangelium Vitæ, seu Dei viventis. Evangelium S. Philippi. Evangelium S. Barnabæ. Evangelium S. Jacobi Majoris. Evangelium Judæ Ischariotes. Evangelium Veritatis. Pseudo-Evangelia Lucii, Seleuci, Luciani, & Hesichii. Quæ omnia tanquam libri Apocryphi, & ab Hæreticis conficti ab omnibus habentur.

## CAPUT II.

607

### *De Actuum Apostolorum libro.*

UNICUS novi Testamenti liber Historicus dignoscitur, qui Canonicus sit, & divinæ auctoritatis, *Actus*, scilicet, sive *Acta Apostolorum* dictus, quamvis pauca admodum de Gestis ipsorum memoret Auctor, utpote qui de ipsis nonnisi usque ad tempus illud, quo in varias regiones Evangelium annuntiaturi abiire, ac ab invicem divisi fuere, loquitur; verum aliis aliorum Gestis prætermisiss, non exiguum SS. Petri, & Pauli vitæ seriem, ab ascensione videlicet Christi usque ad S. Pauli Romam adventum, postquam ad Cæsarem provocasset, historiam nempe viginti octo, vel triginta annorum 28. capitibus textat.

Hujus libri Auctor Lucas semper ab 608 omnibus est habitus, qui enarratis in

C c

Evangelium

Evangelio suo Christi operibus, Apostolorum Principum facinora, miramque rationem, qua Spiritus sanctus Ecclesiam sanguine Christi redemptam efformavit, etiam recensere aggressus est.

Creditur S. Lucas hoc sibi proposuisse, sinceram nempe Apostolorum, præsertim Petri & Pauli vitam, aut saltem illius partem scripto consignare, atque vera Acta falsis, quæ vulgò circumferebantur, opponere.

Hæc Ecclesiæ nascentis historia tanti ab Ecclesia semper habita est, ut, aliis neglectis, eam solam adoptaverit Ecclesia ipsa.

609 Quo tamen tempore Acta hæc scripserit S. Lucas, incertum est. In hoc omnes conveniunt, ea ab ipso post suum Evangelium scripta fuisse, imò eum illa scribere non potuisse, nisi duobus annis, postquam Paulus Romæ moratus est, in primo suo illuc itinere; annò scilicet circiter 62. vel 63. Christi, seu æræ; cum de hoc itinere, hujusque Apostoli ibidem mora differat. Fortasse scripsit librum hunc Romæ apud Paulum in carcere detentum, quocum per duos annos, quibus idem Apostolus ibi fuit, commoratus est, nempe usque ad illius liberationem. Græcè scripsit puriori etiam, ac elegantiori, quam cæteri novi Testamenti Scriptores, sermone.

610 (g) S. Epiphanius librum hunc ab Ebionitis è Græco in Hebræum, Syriacum scilicet Judæis Palestinæ familiare, idioma translatum tradit, corruptum tamen ab illis, pluribusque fabulis, necnon Apostolorum memoriæ injuriis facinororum historiis interpolatum.

(h) S. Hieronymus asserit, veris Actis S. Lucæ itinera Pauli, & Theclæ sceminæ à quodam Asiæ Presbytero adjuncta fuisse, qui, prout narrat Tertul-

lianus (i), postquam corruptæ in hac sua narratione veritatis convictus fuisset, falsus est, se hanc historiam studio celebrandi S. Pauli confinxisse.

Liber hic Actuum Apostolorum à S.611 Luca editus inter Caonicos semper habitus est in Ecclesia. Marcionitæ, ut auctor est Tertullianus (k), & Manichæi, prout testatur S. Augustinus (l), nonnullique alii Hæretici illum respuebant, quia errores ipsorum in illo apertissimè damnabantur, atque adversus circumcissionem, Sabbatum Judæorum, Legemque veterem, quæ omnia retineri debere volebant Ebionitæ, quædam in eo continerentur. Manichæi verò indignabantur, quòd in hoc libro alius Paracleti mentio fieret, quàm Patriarchæ sui Manichæi, quem solum Paracletum à cælo ipsis missum dicebant.

Refert idem Augustinus (m), librum hunc ab Ecclesia religiosè susceptum, & quotannis in fidelium cætu legi solitum esse. S. Chrysostomus queritur (n), sua ætate, libri hujus notitiam, & lectionem negligi: Ipse verò illius dotes amplè laudat, meritoque asserit, illum non minoris esse utilitatis, quàm ipsum Evangelium.

Verùm si quis quærat, cur S. Lucas 612 adeò pauca de cæteris Apostolis, eorumque peregrinationibus commemoret, sed S. Pauli itinera præcipuè perferibat, imò nec ea absolvat, cum tamen ipsius liber omnium Apostolorum titulò sit insignitus? Respondet S. Chrysostomus (o), quòd ea, quæ S. Lucas hac de re scripsit, iis sufficiant, qui ad illa seriò mentem, & animum intendere voluerint; quòd præterea Apostoli, eorumque Discipuli, qui Evangelium JESU Christi prædicabant, ea duntaxat sectati sint, quæ magis necessaria

(g) Hæref. 3. c. 3. & 6. (h) De Script. Eccles. in Luca. (i) Lib. de Bapt. c. 17. (k) Lib. 5. cont. Marcion. c. 1. & 2. (l) Lib. de utilit. cred. c. 2. Et Epist. olim 253. nunc 237. n. 4. (m) Epist. 315. n. 1. nov. edit. (n) Hom. 1. in Act. Apost. (o) Loc. cit.



cessaria censebant, scribere historias parum solliciti; (p) quod Ecclesiis plures res sola traditione, quod bene notandum, reliquerint. Enimverò certum est, præcipuum Apostolorum studium fuisse, Evangelium prædicare, & quod nihil suarum prædicationum scripsissent, nisi vehementer à populis, quos instituerant, rogati, ac sollicitati fuissent. Religio quippe conservari poterat sine ullis scriptis, sed sola traditione.

613 Duo hic obijciuntur, 1mo. Act. c. 1. v. 1. ait S. Lucas, *se de omnibus, quæ cepit Iesus facere, & docere &c. sermonem fecisse*, & tamen S. Joannes Evangelista, Evangelii sui cap. ult. ait: *esse multa alia, quæ fecit Iesus: quæ singula, si scriberentur, nec totum mundum posse eos, qui scriberentur, libros capere.* 2do. Ib. c. 15. v. 28. Apostoli in Concilium coacti definiunt: *Visum est Spiritui sancto, & nobis . . . ut abstinere vos ab immolatis simulacrorum.* Et tamen Paulus, 1. ad Tim. c. 4. v. 3. ait, *doctrinam esse Dæmoniorum abstinere à cibis, quos Deus creavit.* Verùm Respond ad 1mum S. Lucas non de omnibus absolute loquitur, sed solum de præcipuis Christi gestis & documentis à prima infantia usque ad ejus in cælum ascensum; sanctus verò Joannes de omnibus absolute loquitur.

Ad 2dum Resp. Apostolus non dicit, quod abstinere absolute à certis cibis sit doctrina Dæmoniorum, sed abstinere ab illis superstitiosè, hoc est, abstinere ab illis, quasi immundis, ut Judæi solebant, vel quasi per se malis, & à malo Deo, seu Dæmone procreatis, eo modo, quo Simoniani, Saturniani, Ebionitæ, Marcionitæ, Manichæi, & alii nonnulli Hæretici abstinere. Unde abstinere à certis quibusdam cibis obedientiæ, tempe-

rantia, vel poenitentia causa, exemplò S. Joannis Baptista; & in eo sensu, quo interdum abstinere præcipit Ecclesia, non Dæmoniorum, sed Spiritus sancti doctrina est.

Cæterum alia circumferuntur, Apo-614 crypha tamen, Apostolorum Acta; ut 1mo ea, quæ Abdia ficto Babylonis Episcopo tribuuntur: Impostor hic, se Episcopum ab ipsis Apostolis, cum in Persidem proficisceretur, Babylone consecratum dicit. Recens tamen Opus istud esse inde colligere licet, quod nec Eusebio, nec Hieronymo, nec aliis ante illos Patribus notum fuerit. Auctor dicit, se græco sermone scripsisse, & Opus suum à Julio Africano græco etiam Scriptore in latinum fuisse translaturum. Hegeppum nominat, qui Sæculò 2dò floruit. Vitæ denique Apostolorum, quas conscribit, adeò refertæ sunt fabulis, ut malè digesta fabula totus quotus est liber dici merito possit. 2do. Acta S. Petri, seu Periodi Petri, quæ adhuc superflui sub nomine Præcognitionum S. Clementis, prolixiora, quam olim fuerint. Opus fabulis plenum ex Ebionitarum Schola ducens originem. 3tio. Acta S. Pauli post hujus Apostoli mortem scripta, Opus istud velut supplementum eorum esse videtur, quæ de gestis S. Pauli ab altero ipsius Romam adventu anno usque ad ipsius obitum Lucas scripserat. Librum hunc omnino deperditum bis longiorem fuisse Canonicis Apostolorum Actis necesse est. Codex enim MS. à Cotelerio laudatus (q), librum hunc quingentos & sexagenos versus supra 4000. continuisse testatur, cum tamen Canonica Apostolorum Acta nonnisi quingentis supra bis mille tantum constent. Eusebius, qui librum hunc viderat, de eo velut supposititio Operæ, nullaque fide digno loquitur. (r) 4to. Acta

C c 2

S. Joan-

(p) Apostoli ex mente S. Chrysostomi, non omnia ea quæ prædicabant, scriptò mandata, sed traditione reliquerunt. (q) Not. in Ep. Barnab. (r) Lib. 3. Hist. c. 25.

S. Joannis Evangelistæ Epiphonio, & Augustino nota (s), incredibilia Apostoli hujus gesta continebant. Illis utebantur Encratitæ, Manichæi, & Priscillianistæ. Fortasse Auctor Synopsis hæc acta laudat sub nomine *Itinerarii S. Joannis*. 5to. Acta S. Andreæ ex S. Augustino (t) nota, & à Manichæis recepta, ab iis, quæ sub nomine Presbyterorum Achazæ supersunt, diversa. His apocryphis Actis Manichæi, apud Augustinum (u), Encratitæ, apud Epiphanium, Hæres. 42. 61. 63. & Apostatici utebantur. 6to. Acta S. Thomæ, quorum verba quædam citat S. Augustinus (x), & Manichæis in usu fuisse testatur. Horum partem fictus Abdias in vita S. Thomæ excerptit. Simonius vetera hæc S. Thomæ Acta reperiisse se putat sub nomine Periodorum S. Thomæ Apostoli in MS. græco Codice, qui in Bibliotheca Regia Parisiensi sub num. 1832. asservatur. Horum fragmenta quædam edidit in suis observationibus in textum, & versiones novi Testamenti. 7mo. Acta S. Philippi, Opus Gnosticis familiare, & à Gelasio Papa inter apocrypha amandatum. Anastasius Sienita fragmentum quoddam eorum servavit in suo Opere trium Quadragesimarum edito à Cotelerio in suis monumentis Ecclesiæ græcæ tom. 3. p. 423. 8vo. Acta S. Matthiæ, de quibus Bollandus 24. Febr. Volunt aliqui, Judæos aliquamdiu vitæ, & mortis S. Matthiæ exemplar celavisse, sed postmodum à quodam Monacho Trevirensis S. Matthiæ Monasterii ex eorum manibus erutum fuisse, quod latinitate donatum in lucem edidit. Eruditi verò hæc Acta, nec vera, nec authentica existimant: fortè bonæ fidæ vir iste à Judæis deceptus fuit.

## CAPUT III.

615

## De libris Sapientialibus, seu Moralibus novi Testamenti.

**L**ibri Sapientiales seu Morales novi Testamenti viginti & unus numerantur, ut dictum est part. 1. c. 1. hujus Tractatus. Quatuordecim videlicet Epistolæ S. Pauli Apostoli; tres S. Joannis; duæ S. Petri; una S. Jacobi; & S. Judæ una; in quibus novæ legis Sapientia per exempla ac præcepta secundum Christum piè ac beatè vivendi plenissimè traditur.

## De Epistolis S. Pauli.

616

S. Paulus olim Saulus appellatus, è Tribu Benjamin Tharsò in Cilicia oriundus, secta Pharisæus, Ecclesiæ primum hostis, deinde Discipulus Christi, & Gentium Apostolus effectus, Tharsensis Romanus civis fuit. Illius gesta tum Lucas in Actis Apostolorum, tum ipsemet Paulus in suis Epistolis passim enarrat. Martyriò tandem decoratus est Romæ 29. Junii an. Chr. 66. capite ad aquas Salvias abscisso.

Inter quatuordecim, quas scripsit, 617 Epistolas, in sacrarum Scripturarum Codice prima ponitur ea, quæ est ad Romanos data Corinthi an. Chr. 58. Epistolæ occasionem dedit contentio Judæos inter & Gentiles ad fidem conversos orta. Contendebant illi, se per observationem legis Mosaicæ venisse ad Christi fidem, & justificationem fuisse consecutos: isti verò per legis Moralis observationem eandem gratiâ dignos se habitos fuisse. Utrisque silentium imponit Paulus, atque in sua Epistola gratiæ, & prædicationis dogmata prosequitur, quam gratiam, ait, neque

(s) Epiph. Hæres. 47. Aug. de Fid. c. 4. & 40. Item cont. adversarios leg. & Proph. lib. 1. c. 10.

(t) De fid. cont. Manichæos c. 38. (u) Loc. cit. (x) Lib. cont. Adimant. cap. 17. & 22. Item cont. Faust. c. 79. & lib. 1. de Sermonibus Domini in monte c. 20.

neque Judæi legalium, neque Philosophi moralium virtutum exercitiū assequi unquam promeriti fuerint. Non Philosophorum meritis tribuendum, quod appellati ad fidem fuerint, nec legis observationi, quod Judæi ad eandem venissent, sed uni divinæ gratiæ beneficio & Christi meritis referendum esse, docet. Hæc ad Romanos Pauli Epistolæ 16. capitibus comprehensæ Summa.

- 618 In ea occurrit textus difficultate aliqua obvolutus. Ibidem enim c. 7. v. 18. ait Apostolus: *Velle adjacet mihi, perficere autem bonum non invenio. At è contra Philipp. c. 4. v. 13. dicit: Omnia possum in eo, qui me confortat.*

Sed Resp. cum ait Apostolus, se omnia ad salutem posse, loquitur de se ipso divinæ gratiæ juvamine roborato; & cum è contra dicit sibi velle adjacere, & bonum perficere se non invenire, id de se ipso fatetur propriæ naturæ viribus relicto.

- 619 Succedunt duæ ad Corinthios. Prima fertur scripta Ephesi an. Chr. 57. In ea S. Paulus Corinthios redarguit de seditione orta ex nimio erga Magistros suos studio, simulque quod perniciofa libertate ab Idolothytis, pessimò fratrum suorum exemplò, non abstinerent. Acerimè in incestuosum, qui focum suum duxerat, invehitur: nec etiam illis parcat, qui causas coram secularibus & Ethnicis Judicibus agitandas suscipiebant; iis etiam, qui accepto aliquo divinitus dono, superbiebant, minas intentat. Carpit quoque abusus in cœteris Ecclesiasticis gliscientes, in quibus nempe verba faciendi pruritus, ne scæminis quidem exceptis, omnes tenebat. Denique monita quædam ad mores dirigendos aptissima subjungit. Hujus Epistolæ 16. numerantur capita.

- 620 Occurrit in ea textus, qui veritati non satis convenire aliquibus videri posset; ait nempe Apostolus cap. 1. v. 17. *Non me misit Christus baptizare, sed*

*evangelizare.* Cum tamen Matth. c. ult. v. 19. dicat Christus Apostolis: *Euntes docete omnes gentes, baptizantes eas &c.*

Sed Resp. quando Paulus ait, se non à Christo missum esse, ut baptizet, vel alia Sacramenta Parochis committi solita ministret, intelligit principaliter & ordinariè, ut significet, primarium sui Apostolatus, & suæ Legationis munus esse prædicare. Unde Concilium Tridentinum prædicandi munus exercere præcipit Episcopis.

Ephesò eiectus Paulus venit in Mace-621 doniam. Ibi certior factus pacatæ per Epistolam suam priorem Corinthi seditionis, secundam indè ad eos, eodemque, quo priorem anno dedit Epistolam, in qua plurimum contra malos Doctores, famæ suæ apud illos detrahentes invehitur. Suum proinde munus efflens, meritas etiam gestis suis laudes, quamquam non sine inrita ipsi moderatione, & modestia, prosequitur. Revelationes suas, alienum à cupiditate animum, persecutiones, & exantlatos à se labores commemorat. Hortatur deinde Corinthios, ut debitas suis criminibus pœnas, ipsimet expetant. Veniam incestuoso indulget; monetque, ut ad suum adventum eleëmofynas prestò habeant. Illius 13. sunt capita.

Inter alia in hac Epistola c. 5. v. 10.622 ait Paulus, *omnes nos manifestari oportet ante Tribunal Christi, ut referat unusquisque propria corporis, prout gessit, sive bonum, sive malum.* At è contra ait Psalmista Psalmo 1. v. 5. *Non resurgent impii in judicio.*

Verùm Psalmistæ sensus est juxta Hebraicum textum, *impii non stabunt*, juxta Chaldaicum *non consistent*, quia videlicet causâ cadent, & damnabuntur, quando coram divino Tribunali simul cum justis congregati judicabuntur, & summa cum ignominia procul à Deo, & à justorum cœtu damnati discedent.

623 Quartò locò ponitur Epistola ad Galatas Ephesò quoque scripta an. Christ. 56. In ea Galatas redarguit, quòd post suum discessum seduci se passi sint à quibusdam iniquis Doctoribus, & Pseudo-Apostolis, qui Legalium observantiam, necnon circumcissionem ad salutem prorsus necessariam, & cum Lege Evangelica conjungendam esse distaverant. Munus suum magnificis verbis extollit, simulque vividis coloribus iniquos Doctores illos depingit. Congestis Scripturæ testimoniis probat, fideles à jugo Legis liberos esse oportere. Plura etiam ad mores, & ad vitam rectè instituendam præcepta admiscet. Hujus Epistolæ sex numerantur capita.

624 Quinta ad Ephesios scripta fuit ex Urbe Roma fortè an. Christ. 65. Hujus Epistolæ argumentum constituunt potissima fidei mysteria, Redemptionis nempe, justificationis per mortem Christi, gratuitæ prædestinationis, vocationis Gentium, duorum populorum unionis sub Capite Jesu Christo; ac tandem hujus divini Capitis super omnes creaturas tam spirituales, quam corporeas eminentia. Omnium cæterarum ipsius Epistolarum abstrusissima, & magnificentissima videtur, atque sex capitibus concluditur.

625 Sextò ponitur Epistola ad Philippenfes ex eadem Urbe Roma circa an. Chr. 62. data. In ea, post redditas de subsidio ad se in vinculis misso debitas grates, de fructu vinculorum suorum agit; hortatur insuper, ut dignam filiorum lucis vitam inter Ethnicos ducant in perpetuo concordia nexu, sinceraque animi demissione: eos contra iniquos ex Judaismo Doctores instituit, ac tandem brevi illos revisendi spem facit; quamvis enim mortem malle se significaret, scire tamen se affirmat, vitam sibi fore à Deo producendum. Quatuor constat capitibus.

626 Sequitur septimò Epistola ad Colossenses circa eundem annum Chr. 62., & iisdem vinculis scripta. Quamquam enim

hos fideles nec Paulus instituisse, ne vidisset unquam, ab Epaphra tamen eorundem Apostolo, quem socium in vinculis Romæ habebat, illorum in suscipienda fide studium didicerat. Eodem etiam Epaphra referente compertum habuerat, quosdam Pseudo-Apostolos lolo bonum semen corrupisse, dictantes, indignum esse, homines per Jesum Christum tantum ad Deum accedere, præstare igitur, ut mediatoribus Angelis uterentur. Ut ergo hos fideles edoceat Paulus, de Jesu Christi dignitate, necnon mediatoris munere disserit. Hortatur Colossenses, ut caveant, ne ullis aut persuasionibus, aut imposturis Pseudo-Doctorum à Christi fide se abduci permittant; additis etiam pluribus rebus ad vitam rectè instituendam spectantibus. Rogat etiam, ut eandem suam Epistolam ad Ecclesiam Laodicensium legendam transmittant, necnon etiamnum illam, quam Laodicenses ad ipsum Paulum scripserant, in Ecclesia sua palam legant. Hæc Epistola itidem 4. constat capitibus.

Sequuntur binæ ad Thessalonicenses 627 ex urbe Corintho an. Chr. 52. datæ. In prima eorum studium, virtutem, charitatem in fratres ex Macedonia, fideique constantiam pluribus effert. Docet eos, futuram esse mortuorum resurrectionem, eisque tradit veram de extremo judicio doctrinam. Deinde plura subjungit vitæ Christianæ documenta potissimum circa usum matrimonii, otii fugam, luctum in mortuos &c. Quinque sunt illius capita.

In secunda occupatur confirmandis illorum animis, quos rumor quidam de imminente fine mundi à seditionis hominibus, suppositis etiam in eam rem ejusdem Apostoli litteris, sparsus turbaverat. Explicat ea, quæ in priore de die judicii quasi instante dixerat, docens, Christum non prius venturum, quam Antichristus ipso Domini adventu destruendus apparuerit. Otiosos homines verbis castigat, cisque

eisque, nisi resipiscant, minatur excommunicationem; cæteras verò persecutiones, ut æquò animò tollerent, hortatur. Hujus Epistolæ tria numerantur capita.

629 Veniunt deinde binæ ad Timotheum Epistolæ. Primam dedisse creditur Apostolus à Macedonia an. Christ. 64. in qua & communia, & specialia Episcoporum munera prosequitur; lectionem sacrarum litterarum commendat, simulque hortatur, ut modico vini haustu stomachi vitio succurrat. De Hymenæo, & Alexandro, quorum primus resurrectionem mortuorum jam peractam esse dicebat, à se excommunicatis certiorum illum reddit. Sex constat capitibus.

630 Duo textus in hac Epistola occurrunt difficultati alicui obnoxii. 1mo. Cap. 2. v. 11. ait Apostolus: *Mulier in silentio discat cum omni subjectione. Docere autem mulieri non permitto.* Et tamen ad Tit. c. 2. v. 3. ait: *Amus similiter in habitu sancto . . . bene docentes.* 2do c. 4. v. 8. ait: *Reposita est mihi corona justitiæ, quam reddet mihi Dominus in illa die justus Judex.* ad Ecclesiastes cap. 9. v. 1. dicitur: *Nescit bestia utrum amore an odio dignus sit.*

Sed Resp. ad 1mum. Priori locò non permittit quidem Paulus mulieri, ut publice, hoc est, in Ecclesia, vel in publico cœtu doceat, sed nullatenus vetat, imò suadet, ut privatim, & domi sapientes, prudentesque Mat. onæ filias suas, ancillas, & cæteros domesticos erudiant de rebus ad salutem necessariis, prout secundò ad Titum locò innuit.

Ad 2dum. Cùm dicit Ecclesiastes, nescire hominem, an amore vel odio dignus sit, intelligit, id sciri non posse naturaliter, quod non impedit, quominus id divinitus, & per revelationem cognosci non possit, prout cognoverat Paulus, quando asserit, sibi repositam esse justitiæ coronam à Domino justo Judice reddendam.

Secundam dedit ex Urbe Roma, ubi 631 denudò carceri mancipatus erat jussu Neronis Imperatoris an. Christ. 65. & paulò antequàm martyrium subiret. In ea Timotheum rogat, ut ante hyemem ad se veniat. Hortatur interim, ut Episcopi munera omnia implens, institutiones à se acceptas nunquam obliviscatur. Quatuor capitibus absolvitur.

Occurrit etiam textus, in quo con- 632 trarium loqui videtur Apostolus, quod ad Titum scripsit: cap. 4. v. 2. enim monet Timotheum dicens: *Argue, obsecra, increpa in omni patientia & doctrina.* E contra ad Titum scribens, cap. 2. v. 15. ait: *Argue cum omni imperio.*

Verum Paulus his duobus locis cui- libet ex his binis Discipulis suis congruum distribuit monitum, Timotheo ferventioris animi viro patientiam; Tito autem, quia lenioris spiritus erat, imperium, ut sic illum per lenitatem patientiæ temperet, hunc verò per æmulationis studium inflammet.

Duodecimò locò occurrit Epistola ad 633 Titum Discipulum suum in Creta relictum. Nicopoli annò Christi 64. scripta creditur, quòd eum illò venire jubeat. Munera Episcopi, & dotes ad implendum Pastorale officium requisitas Apostolus prosequitur, monens, ut contumacibus, & pervicacibus in faciem resistat, adjectis insuper ad omnes cujusvis conditionis homines imbuendos sapientissimis præceptis. Tribus capitibus absolvitur.

Decimò terciò locò ponitur Epistola 634 ad Philemonem. Data est Romæ anno Christi 62. cùm prima vice ibidem captivus detineretur Apostolus. Epistola occisionem dedit Onesimi Philemonis servi furtum, cujus cùm eum penitusset, & postquam Romæ, quò Colossis Phrygiæ fugerat, ad fidem à Paulo adductus fuisset, & baptizatus, ab eodem cum hac Epistola ad herum suum hujus Apostoli Discipulum missus est. In ea Philemonis fidem, & charitatem laudat, ut Onesimum

mum recipiat, atque culpam ei dimittat, petit; utque sibi hospitium pareat, scribit, *nam spero, inquit, per orationes vestras donari me vobis.* Omnium Pauli Epistolarum brevissima est, atque unico capite concluditur.

- 635 Demimò quartò denique ponitur Epistola ad Hebræos scripta an. Christ. 62. vel cùm adhuc Romæ, vel saltem in Italia versaretur Apostolus. In ea Palestinarum fideles fortè ac generosò animò in perferendis Judæorum infidelium persecutionibus esse jubet. Totus etiam est in asserenda vera iustitia, quam non Legalium observatio, sed fides & gratia Jesu Christi inducunt. Probat etiam vetus Sacerdotium, Legalesque cæremonias, Sacerdotio Jesu Christi, & Religione Christiana succedente desuisse. Illius tredecim numerantur capita.

- 636 De hac Epistola seiscitantur Auctores. Non desunt, qui illum S. Clementi Papæ, vel S. Lucæ, vel S. Marco, vel S. Barnabæ Apostolo, vel Apollini, vel Paulo alteri ab Apostolo tribuerint. Imò etiam aliqui eam Tertulliano adscripserunt, sed immeritò, quippe cujus Tertullianus ipse meminit, atque S. Barnabæ adscribit (y); eamque respuerunt Tertullianò antiquiores Tatianus, Marcion, & Cajus. (z) Verùm sententia, quæ illam Gentium Apostolo Paulo vindicat, invaluit.

- 637 Scriptam ab ipso hebraico, seu Syriaco tum hebræis vulgari, sermone plerique antiqui Ecclesiæ, præsertim Orientalis, Patres & Doctores censuerunt, ac deinde græcè redditam ab alio, nempe vel à S. Luca, vel à S. Clemente. (a) At græcè primùm, quemadmodùm reliquæ hujus Apostoli Epistolæ scriptæ fuerunt, exaratam existimat Huetius. (b)

- 638 Scriptam ante Templi everisionem satis convenit inter omnes. Dissident ta-

men in loco & anno, quo exarata fuisse assignando. Quamvis enim in ea frustum Italix meminere (c), an tamen Romæ & dum adhuc in vinculis erat, an verò post receptam libertatem, sive alibi in Italia exarata fuerit, nuspiam apparet.

De illius auctoritate olim dubitatum fuit, non ab Arianis tantùm, qui illam omninò rejiciebant, & ante illos à Marcionitis, qui corruptam dicebant; sed ab ipsa Romana Ecclesia, & Occidentis, seu latinis Ecclesiis, quæ in ferendo de illa judicio per aliquot sæcula hæserunt, quamvis, prout ostendimus, à primis hujus Ecclesiæ Patribus tanquam Pauli, & divina priùs habita fuisset.

Lutherus, Prolog. Epist. ad Hebr. quem sequuntur Brentius, in Confess. Wirtemb. Magdeburgenses, Cent. 1. lib. 2. col. 56. Kemnitius, in exam. Conc. Trid. & alii, hanc Epistolam nec Pauli esse, nec ullius alius Apostoli contendit, quòd, ut ait, quædam contineat contra Evangelicam, & Apostolicam doctrinam.

Erasmus ad finem Annotationum in hanc Epistolam, & Cajetanus ad initium Commentariorum in eandem, ita de ea disserere videntur, ut tùm illius Auctorem, tùm auctoritatem in dubium vocare eos autumare possis. Verùm contra hos omnes ponitur

## CONCLUSIO.

640

Epistola ad Hebræos sub nomine S. Pauli vulgata & ipsius est, & Canonica, divinæque auctoritatis.

Prob. Conclusio 1<sup>mo</sup>. Ex S. Scriptura. 1<sup>mo</sup>. Ex eadem Epistola in qua S. Paulus Timothei Discipuli sui tacit mentionem, eumque, ut in aliis Epistolis, fratrem suum appellat, necnon cum illo ad eos, quibus

(y) D. dicitur c. 20 (z) Cajus in Dialog. advers. Proclum. (a) Apud Euseb. lib. 3. Hist. c. 36. (b) Demonst. Evang. prop. 1. (c) C. 13. v. 24.

quibus scribebat, venturum se spondet, c. 13. v. 23.

2do. Ex Epistola 2. S. Petri c. 3. v. 15. ubi Hebræos alloquens, expressis verbis ait, *Charissimum fratrem suum Paulum ipsi etiam scripsisse*. Atqui dubium non est, quin S. Petrus hoc loco S. Pauli Epistolam ad Hebræos exaratam indicare voluerit. Ergo &c.

641. Prob. 2do. Auctoritate Ecclesiæ tam græcæ, quam latinæ. De Ecclesia græca seu Orientali nullum est dubium, quin semper communi consensu ab ipsa hæc Epistola habita fuerit velut Canonica, & à S. Paulo exarata. Id præter Eusebium lib. 3. Hist. cap. 38. testatur Theodoretus (d), qui Arianis illam rejicientibus omnium Orientalium Ecclesiarum consensum objicit, in quibus scilicet Ecclesiis ab eo tempore, quo Apostolorum Scripta accepere, lecta fuit. Eusebius autem loc. cit. ait, eam S. Pauli esse omnes Veteres credidisse. S. Hieronymus etiam idipsum testatur, quando Ep. ad Dardan. asserit, hanc Epistolam in Orientalibus Ecclesiis velut ab Apostolo Paulo scriptam semper susceptam fuisse.

Quantum verò ad Ecclesiam latinam, quamvis Eusebii, lib. 3. Hist. c. 3. inò & ipsius S. Hieronymi loc. cit. & Comment. in Isa. lib. 2. c. 6. tempore nondum ab omnibus recepta fuisset, tamen postea universaliter apud omnes obtinuit, & adhuc obtinet. Imò sub nomine Pauli legitur in eadem latina Ecclesia in die Natalis Domini, & aliis frequenter.

642. Prob. 3tio. Auctoritate Conciliorum, quæ eam sub nomine S. Pauli in Catalogo sacrarum Scripturarum collocant. Ut Concilium Laodicenum Can. 59. Carthaginense III. Can. 47. Concilium Romanum sub Gelasio I. Imò eam à Concilio Nicæno agnitam fuisse tanquam Scripturam divinam, & à B. Paulo scriptam P. Cuvier Theol. Tom. I.

testantur S. Thomas, in hanc Epistolam; & Universitas Parisiensis in Censura Facultatis Theologicæ Tit. de Auctor. lib. N. T. Ut talis agnita etiam fuit à Conciliis Ephesino I. & Chalcedonensi approbantibus duodecim Capitula Cyrilli, quorum decimum testimonio cap. 32ii hujus Epistolæ firmatur his verbis: *Et Apostolum confessionis nostra factum esse Christum divina Scriptura commemorat*. Necnon ab Arausicano II. Can. ult. ubi & Apostoli hujus, & divina Scriptura esse dicitur. Utque cætera taceamus, eam sub S. Pauli nomine in Scripturarum sacrarum Canonem recipit Concilium Tridentinum, Sess. 4.

Prob. 4to. Auctoritate Ecclesiæ Patrum tam Græcorum, quam Latinorum; ut Clementis I. Innocentii I. Ep. 3. ad Exuperium. Gelasii I. in Concilio septuaginta Episcoporum. Origenis, apud Euseb. lib. 3. Hist. c. 3. Ipsi Eusebii, Clementis Alexandrini, Theodoret, Philastrii, in Catal. Hæres. Hæres. 88. qui eos Hæreticos nuncupat, qui hanc Epistolam rejiciunt, vel Pauli Apostoli esse negant. Prius verò à Latinis lectam non fuisse dicit, quòd ab Hæreticis depravata, & additamentis quibusdam inquinata fuisset. Gregorii Nazianzeni, in Carm. de Can. Script. Auctoris Synopsis. Epiphani, Hæres. 76. Joannis Damasceni, lib. 4. c. 18. Hilarii, lib. 12. de Trinit. Ambrosii, lib. 2. de Cain c. 2. Augustini, lib. 2. de Doct. Christ. Ruffini, in Symb. Et Hieronymi, Ep. ad Dardan. & Ep. ad Evagr. Vide ea quæ supra part. 1. hujus Tractatus. c. 5. de Canone Scripturarum, de hac Epistola disseruimus.

Denique Calvinus ipse lib. Instit. c. 8.644 §. 216. & post ipsum Calvinista omnes eam divinæ auctoritatis esse censent, quamvis incerti Auctoris, quod ipse auctoritati nihil officit. Sociniani item, quamvis

D d

(d) Prefat. Comm. in Epist. ad Heb.

quamvis è re ipsorum esse videatur, ut ad Arianorum imitationem eam rejiciant, eam tamen divinam esse asserunt. (e) Imò ipsimet Lutheri sectatores non modò eam in suis Bibliis legunt, sed esse pulcherrimam, & insignem à Discipulo quodam Apostolorum scriptam fatentur (f); quo à mente Magistri sui Lutheri longè recedere videntur.

645

*Solvuntur Objectiones  
Contra Conclusionem positam.*

Ob. 1<sup>mo</sup>. Hæc Epistola initiò non præfert Pauli nomen, prout in aliis ipsius Epistolis præfixum invenitur. Ergò non est hujus Apostoli. Adeoque nec Canonica.

Resp. 1<sup>mo</sup>. transf. totum Entymema, & neg. Illatum. Etsi probari non posset, eam esse S. Pauli factum, nihil tamen per hoc ejus divinæ auctoritati detractum esset. Non enim hic tam de titulo illius, quàm de contextu quæstio esse videtur. Multique celebres Doctores tam antiqui, quàm recentiores, prout suprà adnotavimus, cujusnam Apostoli sit hæc Epistola dubitare visi sunt; Nec etiam Hæreticum quemquam fore arbitrari quis pace nostra poterit, qui eam Pauli esse negaverit, vel saltem dubitaverit. Nam non ex nomine duntaxat solum, de veritate, & divinitate alicujus Scripturæ libri dijudicandum esse putamus, sed præcipuè ex iis, quæ tali libro continentur, atque veterum Patrum; Romanorum Pontificum, Conciliorum, Ecclesiæque ipsius, illum inter divinos, & Canonicos Codices recensentis judiciò.

Resp. 2<sup>do</sup>. con. ant. neg. conf. Non enim hæc Epistola ideò Pauli non est, quia nomen ipsius præfixum non habet;

aliàs manifestè sequeretur, inquit S. Hieronymus (g), eam nullius esse, quia nullius nomen præfert. Sanè Epistola prima S. Joannis illius nomen præfixum non habet, nec tamen ullum dubium est, quin sit ipsius. E contra Evangelia quædam, Thomæ, Bartholomæi, Jacobi, Nicodemi, nomen præferunt, & ab omnibus tamen tanquam apocrypha rejiciuntur. Justas proinde causas habere potuit S. Paulus, cur ad Hebræos scribens nomen suum Epistolæ suæ non præfigeret; tum, ut ait Hieronymus (h), quòd sciret nomen suum invisum esse Hebræis etiam ad fidem jam conversis, utpotè Legis Mosaicæ adhuc ænulis (i), quam tamen ipse abrogatam acerrimè contendebat; tum ne visò illius nomine ab elegendis detererentur, ut ait idem Hieronymus (k), quia in hac ad Hebræos Epistola, cap. 3. videlicet, dicturus erat: *Christum esse Apostolum confessionis nostræ*, noluit initiò se, more solito, Paulum Apostolum nominare, ne videretur, se velle aliqua ex parte cum Christo comparare; tum denique, prout ait Theodoretus (l), quia Paulus non erat Hebræorum Apostolus, sed Gentium (m): inde noluit more solito incipere *Paulus Apostolus &c.* Sed satis ipsi fuit, nudam exponere doctrinam non quasi Apostolus & Magister eorum, sed ut amicus, & concivis; unde ad finem Epistolæ hæc ait (n): *Rogo autem vos fratres, ut susceperatis verbum solatii, etenim perperam scripsi vobis.* Quasi diceret, ne ægere feratis, si ego, qui proprius vester Apostolus non sum per litteras vos monere & cohortari voluerim, id enim feci, ut vos consolarer, non ut imperarem. Hæc etiam rationes attingit Clemens Alexandrinus, in Hypotyp. (o). Quæ tamen merè

(e) Socinus de auctorit. Script. Sac. n. 2. (f) Reith. Vind. Verif. Germ. Lutheri Thef. 12. (g) Præfat. in Ep. S. Pauli. (h) Loc. cit. (i) Act. cap. 1. (k) In c. 1. Ep. ad Galat. (l) Præf. Comment. in Ep. ad Heb. (m) Galat. c. 2. (n) C. 13. v. 12. (o) Apud Buib. lib. 6. dist. c. 14. alius. 11.



meræ sunt conjecturæ. Satis nobis esse debet, quod antiqui Patres, ut Clemens I. Papa, qui S. Petri Discipulus fuit; Origenes, innumerique alii testati sint, hanc Epistolam esse B. Pauli Apostoli.

- 646 Ob. add. Stylus hujus Epistolæ multum differt à stylo aliarum S. Pauli Epistolarum, utpotè gravior, copiosior, & ornatior. Adde, quòd in ea textus veteris Testamenti adducantur non secundum textum Hebræum, sed juxta versionem græcam Septuaginta. Ergo alii, quàm Paulo, adscribenda videtur.

Respondent aliqui post Origenem (p), hanc Epistolam non hebraicè sed græcè primum scriptam fuisse, & quidem Pauli sententias esse, verba autem Lucæ, aut Clementis, quo tanquam Interprete & Amanuensi Paulus usus est. Theophylactus verò, Comment. in cap. 1. Ep. ad Heb. Clemens Alexandrinus, apud Euseb. lib. 6. Hist. c. 11. & ipse Eusebius, lib. 3. Hist. cap. 38. contendunt, eam à Paulo hebraicè scriptam, & in græcum translata fuisse vel à S. Luca, vel à Clemente, unde mirum non est, quòd illius stylus differat à stylo aliarum ejusdem Apostoli Epistolarum, ipsaque ceteris sit elegantior, copiosior, & ornatior: nec mirum etiam est, quòd, cum græcè initio scripta, vel saltem statim in græcum translata fuerit, ipse Scriptor, vel Translator loca veteris Testamenti juxta græcam Septuaginta versionem, quæ tum temporis etiamnum à plerisque Palestinæ Judæis legebatur, in ea adduxerit.

- 647 Ob. 3tio. Hujus Epistolæ Auctor iis se adnumerat, qui ab Apostolis ad fidem conversi fuerunt, ut legere est cap. 2. Cum tamen Paulus Galat. c. 1. apertè dicat, se non ab homine sed à Christo per revelationem didicisse Evangelium. Ergo &c.

Resp. 1mo. Apostolum hæc eloqui non de se ipso, sed de suæ ætatis hominibus, quemadmodum Isaias c. 64. in persona populi dicit, *facti sumus ut immundi omnes nos, .... non est, qui invocet nomen tuum &c.* Quo loco non de se ipso loqui Isaiam patet, quia ibidem longa oratione Deum invocat.

Resp. add. Non videtur absurdum, quòd Paulus se iis adnumeret, qui ab Apostolis confirmati sunt: non enim hic agit de confirmatione per doctrinam, sed per miracula; ait enim, *salutem*, id est, *salutis prædicationem confirmatam esse per Apostolos contestante Deo signis, & prodigiis*. Quis autem neget, Paulum, quando conversus est, etiam Evangelium per revelationem plenè didicerit, tamen confirmatum fuisse in fide auditis miraculis Petri, & aliorum Apostolorum, & præcipuè eo miraculo, quo ipse per manus Ananiz lumen oculorum recepit?

Ob. 4to. C. 9. v. 4. dicitur, in Arca Testamenti fuisse urnam auream habentem manna, virgam Aaronis, & duas Tabulas Testamenti. At 3. Reg. cap. 8. v. 9. solæ Tabulæ dicuntur fuisse in Arca.

Resp. 1mo. Tempore quidem Salomonis non fuisse in Arca aliud, quàm Tabulas Legis, ut dicitur 3. Reg. 8. tamen postea à Judæis positæ fuisse intra Arcam etiam Urnam, & Virgam; idque Paulus ex Traditione scire potuit. Ita Theophylactus, qui etiam ait, sui temporis Hebræos id etiam sensitse. Certè Auctor lib. 3. Reg. cum dicit: *In Arca autem nihil erat aliud nisi duæ Tabulæ præcisè de tempore Salomonis loqui videtur*, non de eo, quo scribebat; adeoque videtur innuere, suo tempore in Arca aliquid aliud adhuc fuisse, quod in ea non erat tempore Salomonis, ita ut dicere voluerit, etiam nunc alia quædam sint in Arca præter Tabulas Legis, tamen eo

D d 2

tempo-

tempore, quo Arca in Templum à Salomone adducta fuit, nihil in ea erat præter duas Tabulas.

Resp. 2do. Urnam, & Virgam in parte aliqua exteriore Arcæ, non intra ipsam fuisse: unde cum Paulus ait, *in Arca fuisse præter duas Tabulas legis Urnam, & Virgam &c.*, præpositio in idem significat ac *cum* seu *juxta*: ergo in Arca seu cum, & juxta Arcam erat Urna illa cum Manna, & Virga Aaronis, seu ad latus, vel juxta latus Arcæ; at in ipso interiori Arcæ sinu nihil præcisè aliud, præter duas Testamenti Tabulas, erat.

649 Ob. 5to. Ibid. v. 20. Auctor hujus Epistolæ loquens de Testamento propriè dicto, quod morte Testatoris confirmatur, allegat verba Exodi cap. 24. v. 8. *Hic sanguis Testamenti, quod mandavit ad nos Deus.* Atqui in Exodo secundùm hebraicam veritatem nulla fit mentio Testamenti alicujus, sed *pacti*; vox enim *Berith*, quæ ibidem legitur, *pactum* significat duntaxat. Ergo &c.

Resp. 1mo. Vocem hebræam *Berith* rectè verti *Testamentum*, sic enim vertèrè Septuaginta, nam *Diatbyky* græcum, quod habent, idem significat, ac *Testamentum*, prout asserit Hieronymus, in cap. 2. Malach. Apostolus ipse Rom. 6. Galat. 3. & 4. & alibi loquens de Lege veteri, semper *Testamentum* vocat id, quod Hebræi dicunt *Berith*; imò adeo trita est in Ecclesia vox ista *Testamentum* pro hebraica *Berith*, ut nihil frequentius dicamus, vel audiamus, quàm *Testamentum vetus* & *Testamentum novum*.

Resp. 2do. Promissio vitæ æternæ, de qua per figuras in Testamento veteri, & apertè in novo agitur, simul Testamentum, & pactum est; Testamentum quidem, quia continet dispositionem de hæreditate æterna danda filiis Dei, quæ ante mortem Testatoris rata non fuit; Est etiam simul & pactum illa Dei promissio, quia habet annexam conditionem: non enim vult Testator Deus dare hæreditatem

æternam nisi iis, qui leges suas servaverint; & hac ratione dicitur *foedus*, & *pactum*. Jam ergo de eadem re loquuntur Moyses Exod. 24. & Paulus Heb. 9. Moyses quidem vocat *pactum*, at non intelligit quodcunque *pactum*, sed *pactum* de danda hæreditate post mortem Testatoris; & propterea sanguinem aspersit in populum, qui sanguis figura fuit sanguinis Christi pro nobis effundendi. Paulus autem vocat Testamentum, sed intelligit de Testamento non qualicunque, sed quod simul sit *pactum*.

Ob. 6to. Idem Auctor ait c. 6. v. 4. 650 *Impossibile est eos, qui semel sunt illuminati, iterum renovari ad penitentiam.* Item c. 10. v. 26. *Voluntariè peccantibus post acceptam notitiam veritatis, jam non relinquitur pro peccatis hostia.* Denique c. 12. v. 17. ait: *Esau non invenisse penitentiam locum, quanquam cum lacrymis inquisisset eam.* Quæ omnia doctrinæ Christianæ repugnare videntur, atque illi effato Christi: *Venite ad me omnes &c.* Matth. c. 11. v. 28.

Resp. 1mo. Non magis hæc Apostoli verba pugnant cum illo Christi, *Venite ad me omnes &c.* quàm pugnent alia Christi ipsius verba apud eundem Matthæum c. 2. v. 31. ubi dicit, *blasphemiam in Spiritum sanctum nec in hoc nec in futuro sæculo remitti.* Apostolus ergo non de quocunque peccatore loquitur, sed de eo, qui peccat in Spiritum sanctum, id est, qui voluntariè oppugnat cognitam, & exploratam veritatem. Hujusmodi peccata autem tribus ex causis irremissibilia vocantur: 1mo. Quia ut plurimum tales peccatores non convertuntur, nec proinde hujusmodi peccata remittuntur, licet contrarium absolutè contingere possit, & aliquandò eveniat. 2do. Quia, qui in Spiritum sanctum peccant, directè resistunt gratiæ, sine qua peccatum dimitti non potest. 3tio. Quia, qui peccat ex malitia, nihil habet in se, unde remissionem mereatur, & propterea ipius

ipſius peccatum dicitur irremiſſibile, quamvis abſolute remitti poſſit.

Reſp. 2do. Ad ſingulos textus. Primo loco loquitur Apoſtolus de renovatione ad pœnitentiam, quæ fit in Baptismo, non ad eam, quæ fit in reconciliatione poſt Baptiſmum. Ita exponunt SS. Patres, Chryſoſtomus, Theodoretus, Oecumenius, Theophylactus, Sedulius, Auguſtinus, Anſelmus, in hunc locum. Et verò, quod Apoſtolus hic de Baptismo loquatur, ſatis aperte innuunt ea, quæ ſubjungit, nempe: *Non rurfum jacientes fundamentum pœnitentia fidei Baptiſmum &c.* Item illa: *eos, qui ſemel ſunt illuminati*; nam apud Dionyſium, ſeu Auctorem Hierarchiæ Eccleſiaſticae c. 2. & alios Veteres Baptiſmus dicitur *illuminatio*, quia eſt Sacramentum fidel. Et hæc, *rurfum renovari*; nam, ut S. Auguſtinus docet, Expoſ. Ep. ad Rom. per Baptiſmum propriè renovamur, per reconciliationem curamur. Denique iſta, *Iterum cruciſigentes filium Dei*; nam in Baptismo repræſentamus Chriſti mortem, & ſepulturam, ut dicit Apoſtolus ipſemet Rom. 6. Et ſicut Chriſtus ſemel tantum mortuus eſt, ita & nos ſemel tantum baptizari poſſumus. Apoſtolus ergo adverſus fidei deſertores diſputat, docetque, neminem ſperare debere, ſe, poſt Baptiſmum in Eccleſia ſuſceptum, alibi poſſe jacere aliud fundamentum, & invenire aliud Baptiſma; id enim omnino impoſſibile eſt, cum unum ſit tantum verum Baptiſma, nec repeti poſſit.

Eundem ſenſum habet ſecundus textus. *Verè etenim voluntariò peccantibus*, id eſt, à jam cognita, & ſuſcepta fidei veritate recedentibus *non relinquitur boſſia pro peccato*; non quia non eſt locus pœnitentiæ, ſed quia nulla eſt verè efficaciæ hoſtia, niſi mors Chriſti, quam illi ſua apoſtaſia contemnunt; nec enim alius Chriſtus inveniri poſteſt, nec alius Baptiſmus, in quo mors ejus exhibeatur.

Ad 3tium dicimus, Eſau duobus modis non inveniſſe locum pœnitentiæ; uno modo apud Patrem ſuum, quia res perſita erat irrecuperabilis; altero modo apud Deum, quia non rectè pœnitentiam egit, prout S. Chryſoſtomus hunc locum exponit. Apoſtolus igitur detertere volens homines à lapſu proponit incertum pœnitentiæ exitum; ut enim Eſau non potuit recuperare hæreditatem, quia erat irrecuperabilis, ita peccator non poteſt recuperare innocentiam, virginitatem, &c. Et quemadmodum Eſau non rectè egit pœnitentiam, quamvis fleverit, & ideo Deum non placavit, ita ſæpè peccatores pœnitentiam agere videntur, & tamen Deum non placent, quia non agunt pœnitentiam, ut oportet.

Ob. 7mò. Auctor hujus Epistolæ c. 10. 65. ad probandum Chriſtum eſſe filium Dei infirmò planè utitur argumentò; adducit enim hanc in rem illud 2. Reg. c. 7. *Ego ero illi in Patrem.* Quæ verba ſenſu litterali, ex quo ſolida duntaxat pro Chriſtiana Religione petuntur argumenta, nonniſi de Salomone intelliguntur. Atqui longè perſpicacior erat S. Paulus, quàm ut tam infirmò ad probandum præcipuum Religionis Chriſtiænæ Caput, argumentò uteretur.

Reſp. Eodem modo argumentatur idem Apoſtolus Rom. c. 10. & 1. Cor. cap. 9. Neque tamen dici poteſt non habere illum Auctorem, vel eum ſolidè non argumentari. Argumentum igitur hujus Apoſtoli ideo fortiſſimum eſt, quia illi ipſi, ad quos ſcribebat, Salomanem typum Chriſti geſiſſe admittebant, nec id negare poterant, ut probat S. Auguſtinus, lib. de Unit. Eccleſ. c. 8. Nam & 2. Reg. c. 7. & Pſalm. 71. dicuntur multa de Salomone, prout erat figura Chriſti, ut illud: *Stabilium regnum tuum in æternum.* Et illud, *Dominabitur à mari usque ad mare: & adorabunt eum omnes Reges terræ, omnes gentes ſervient ei, &c.* Familiare quoque erat Hebræis Scripturæ

D d 3

verbis

verbis sensum mysticum, & allegoricum trinuere, ut constet.

Porro si in recensendis S. Pauli Epistolis temporum, quibus scriptæ fuerunt, atque Chronologiæ ordinem servare velimus, primò locò ponere oportebit binas, quæ sunt ad Theſalonicenſes, hæ enim annò Christi 52. exaratæ perhibentur. Sequuntur deinde Epistola ad Galatas, annò 56. Ad Corinthios, duæ, annò 57. Ad Romanos, una, annò 58. Ad Philippenses, una; Ad Colossenses, una; Ad Philemonem, una; Et ad Hebræos, una, annò 62. Ad Timotheum, prima; Et ad Titum, una, annò 64. Et denique ad Timotheum, secunda, annò 65.

#### 52 De septem Epistolis Catholicis seu Canonicis, earumque Auctoribus.

Græci Catholicas seu Universales appellarunt septem illas Epistolas, quas sub hoc nomine inter sacra novi Testamenti volumina legimus, quia pleræque earum Ecclesiis particularibus scriptæ non fuerunt, quemadmodum S. Pauli Epistolæ. Verisimile est, idè etiam Canonicas, præsertim in Ecclesiis Occidentis, vocatas fuisse, tum quia ex variis aliis, quæ sub Apostolorum nomine circumferebantur selectæ, ac in Canonem rejectis aliis ab Ecclesia relatæ fuerunt; tum quia etiamnum de illarum quibusdam dubitatum in Ecclesia fuit, num inter libros Canonicos essent recensendæ.

63 Hoc porro Ordine in nostris, ut & in græcis Bibliis collocantur. Epistola S. Jacobi Apostoli. Duæ S. Petri. Tres S. Joannis, & denique una S. Judæ. Tempore tamen S. Hieronymi, seu Auctoris Prologi in septem Epistolas Canonicas

exemplaria Latina alio ordine eas recensebant, collocatis scilicet primò locò duabus S. Petri, ut, inquit idem Auctor (q), quoddam Petrus primus in ordine Apostolorum, prima etiam sint ejus Epistola in ordine cæterarum. Verùm hac ratione etiam ante Epistolas S. Pauli collocari debuissent.

#### De Jacobo Apostolo, ejusque Epistola. 654

Jacobus Apostolus Alphæi filius, ob religiosæ & castissimæ vitæ meritum cognomentò Justus (r), quem Paulus Galat. cap. 1. v. 19. fratrem Domini appellat, Marcus verò (s) Jacobum Minorem, ad distinctionem Jacobi filii Zebedæi ac Salomes fratris Joannis Evangelistæ, qui, quoddam ætate illum superaret, Major dictus est; primus fuit Jerosolymæ Episcopus.

Nonnulli, apud Hieronymum (t), existimarunt, eum fuisse filium Joseph ex alia, quam Dei Genitrice Maria, uxore. (u) At ex communi sententia parentes habuit Cleopham, alio nomine Alphæum dictum, & Mariam beatæ Virginis sororem germanam (x); quare Jēsu Christi consobrinus habebatur; statimque post passionem Domini ab Apostolis Jerosolymorum Episcopus ordinatus est.

Cum igitur Evangelium ibidem propagaret, Judaici populi Optimatum invidiam in se concitavit: Hi ergo captâ occasione obitus Festi Judææ pro Romanis Præfecti, & absentiæ Albini illius successoris è Templi pinaculo Jacobum præcipitem egerunt: ille ex lapsu adhuc superstes, dum pro inimicis suis genibus flexis ad Deum preces fundit, Amranî Annæ

(q) Hieronym. Prolog. in 7. Ep. Canonic. (r) Clem. Alexand. & Hegesipp. apud Euseb. lib. 2. Hist. cap. 1. (s) Cap. 15. v. 40. (t) De Scrip. Eccl. in Jacobo. (u) Epiph. apud Sixt. Senens. Bibl. sanct. lib. 1. (x) Hieronym. loc. cit.

Annæ summi Sacerdotis filii iussu lapidibus obrutus est (y), ac tandem fulonis fusto contracto capite animam efflavit (a); sepultusque est in eodem loco juxta Templum, ubi martyrium consecraverat, ejusque monumentum ibidem erectum celeberrimum fuisse dicitur usque ad everisionem Urbis per Romanos factam. (a)

655 Ipsi nomine libri nonnulli à veteribus Hæreticis suppositi fuerunt; ut Proto-Evangelium S. Jacobi, quod adhuc extat, & Orientalibus notissimum est. Liturgia ejus nomine inscripta, quæ etiam superest.

Verùm unica Epistola, eaque, de qua nunc agimus, in censu Canonicarum Scripturarum ab Ecclesia reponitur; cuius apud nos quinque numerantur capita; Græci autem eam in septem capita distinguunt.

656 Datam fuisse credimus paulò ante ipsius obitum, qui ad annum Christi 62. consignatur. Duodecim Tribubus per varia loca dispersis generatim est inscripta. In ea bonorum operum necessitas adstruitur adversùs pravam quorundam interpretationem, qui S. Pauli dictò, fidem nempe, non autem opera legis iustificare, abutebantur.

Quamvis ad Judæos dispersos sit directa, græco tamen sermone conscripta fuisse creditur, cum in adducendis ex veteri Testamento locis Septuaginta Interpretum versionem sequatur, necnon græca lingua apud Orientales etiam Judæos vulgò eo tempore jam obtineret.

657 De hac Epistola an verè Apostolica esset, quosdam olim dubitasse memorat Eusebius, lib. 3. Hist. cap. 25. ut & Hieronymus, lib. de Vir. Illust. Lutherus autem in Prolog. hujus Epist. (b) Bren-

tius, Kemnitius, & Centuriatores Magdeburgenses, loc. sup. cit. eam prorsus contemnunt, Lutherusque *Stramineam* vocat. Erasmus verò in annotationibus ad hanc Epistolam, illam non redolere Apostolicam auctoritatem affirmat. De ipsius Auctore dubitat Cajetanus; unde & minoris auctoritatis eam, quàm cæteras esse vult. Contra quos omnes ponitur

# CONCLUSIO. 658

Epistola Jacobi Canonica est, & Apostolica.

Prob. Conclusio 1<sup>mo</sup>. Ex Conciliis Laodiceno, Carthaginensi III. Milevitano, Can. 7. Florentino sub Eugenio IV. & Tridentino passim jam laudatis, quæ illam sub S. Jacobi Apostoli nomine in sacrarum Scripturarum Catalogo collocant.

Prob. 2<sup>do</sup>. Auctoritate Summorum Pontificum Innocentii I. Ep. ad Exuperium, Gelasii I. in Concilio septuaginta Episcoporum, qui illam & Canonica, & Jacobi Apostoli esse declarant.

Alia adhuc antiquiorum Romanorum Pontificum monumenta, ut Clementis I. Epistolam secundam, Anacleti, Urbani I. Alexandri I. Marcelli I. pro auctoritate hujus Epistolæ adducunt Melchior Canus, de Loc. Theolog. lib. 2. cap. 11. & Sixtus Senensis, Bibl. Sanct. lib. 7. Hæref. 9. Verùm quia hæc monumenta ab Eruditis conficta, hisque summis Pontificibus falsò adscripta censentur, ea hic in tantum duntaxat valere volumus, quòd scilicet, si non ab his Summis Pontificibus profecta sint, saltem veterum quorundam Scriptorum auctoritatem obtineant.

Prob.

(y) Joseph. Antiqu. lib. 20. cap. 8. (x) Clem. Alexand. Eccl. Epiph. (a) Euseb. lib. 3. Hist. cap. 23. (b) Edit. Germ. prim.

660 Prob. 3<sup>to</sup>. Auctoritate Ecclesiæ ipsius, quæ præcipuè ex cap. 5. v. 14. hujus Epistolæ Sacramentum extremæ unctionis prius in Evangelio S. Marci insinuatum confirmet; quemadmodum ex Decreto Innocentii I. atque ex iis, quæ post ipsius tempora celebratæ fuerunt Synodis constat.

661 Prob. 4<sup>to</sup>. Auctoritate SS. Patrum, & præter illos, quorum testimonia supra part. 1. cap. 5. adduximus, hujus Epistolæ tanquam divinæ auctoritatis meminerunt Dionysius, de Divinis Nominibus. Hieronymus Epist. ad Paulin. de studio Scriptur. Augustinus, lib. 2. de Doct. Chr. Ruffinus, in expof. Symb. Iſidorus, lib. 6. Etymolog. Damascenus, lib. 4. cap. 18. & alii.

662 Prob. 5<sup>to</sup>. Testimoniò ipsorum nostræ Religionis Adversariorum, qui communi consensu hanc Epistolam velut Canonicam, & divinæ auctoritatis suscipiunt. Ut Calvinus, qui, *ad recipiendam*, inquit (c), *hanc Epistolam sufficiens mihi, quòd nihil Apostolo Christi indignum continent.* Eum sequuntur ipsius Sectatores, qui unanimiter illam velut Canonicam suscipiunt.

Socinus illam non modò tanquam Canonicam, sed etiam velut à Jacobo Apostolo scriptam recipit, atque illius Traditionem probat auctoritate veterum exemplarium Syriacorum. (d)

Imò Lutherani, non obstantibus objectionibus, quas illorum Magister Lutherus adversus hanc Epistolam effudit, modò eam recipiunt non secus ac Catholici, atque sacris Scripturis adnumerant, ajuntque (e), *post majorem illuminationem, ut dies diem docet, verba illa duriuscula*, quibus nempe eam *jeru-*

*mineam* vocabat Lutherus, *in posterioribus ipsius sacrorum Bibliorum editionibus omiſſa fuisse, nec post annum 1526. in ulla amplius editione jervamine eam vocari.*

Prob. denique 6<sup>to</sup>. Ratione Theologica ab ipso Calvino desumpta. Hæc Epistola nihil contra fidem & bonos mores continet, quin potiùs & illam, & istos apprimè commendat, nec proinde quidquam Apostolo indignum habet. Ergo meritò Canonicis Scripturis adnumeratur, atque inter divinos sacre Scripturæ Codices ab Ecclesia receptetur, &c.

*Solvuntur Objectiones adversus post-664 tam Conclusionem.*

Ob. 1<sup>mo</sup>. Eusebius, & Hieronymus supra citati testantur, hanc Epistolam universim ab omnibus sua ætate receptam non fuisse velut Canonicam, & Apostolicam, ac paulatim procedente duntaxat tempore obrinuisse auctoritatem. Ergo & nunc de ea dubitare fas est; utpote quòd testimonia, & Traditio, quibus ipsa ad hoc, ut Canonica dici & esse posset, fulciri deberet, inter se non convenient.

Resp. neg. conf. Profectò Eusebius citatis lib. 2. Hist. cap. 23. & lib. 3. cap. 19. (f) asserit, hanc S. Jacobi Epistolam sua ætate publicè legi in plebiscitis Ecclesiis. Et quamvis Veteres aliqui, iique pauci, de hac Epistola dubitare visi sint, satis est, ut tanquam Canonica agnosceretur, quòd sæculissequentibus sufficientia monumenta fuerint inventa, quibus hæc Epistola libris Canonicis novi Testamenti accenseretur, omnesque totius mundi Ecclesiæ eam ut talem modò suscipiant. Nec paucorum

Veterum

(c) Comment in Epist. Jacobi. (d) De Auctor S. Scriptur. esp. 1. n. 2. (e) Reischius Vind. var. german. Luther. Theſ. 21. (f) Edit. Christophorus.

Veterum dubitatio, tot Patrum, Conciliorum, Ecclesiarum pro eadem Epistola testimoniis quidquam officere potest.

- 665 Ob. 2dò. Auctor illius est omnino incertus, nec hæcenus innouit quis ille Jacobus sit, qui eam scripsisse dicitur. Ergo & ipsa incertæ est auctoritatis, adeoque nec Canonica.

Resp. 1mo. transf. ant. neg. conf. Etsi enim certò statui non posset, quisnam ille Jacobus fuerit, qui hanc Epistolam scripsit, id non obest, quin velut Canonica ab omnibus suscipi possit, ac debeat; sufficit enim, quòd nihil Apostolò Christi indignum contineat, atque à quodam Christi Discipulo, & Apostolo exarata fuerit.

Resp. 2dò. neg. ant. Omnia à nobis adducta Patrum, Conciliorum, Pontificum Romanorum, necnon ipsius totius Ecclesiæ testimonia declarant, eam scriptam fuisse à S. Jacobo Minore Alphæi filio.

- 666 Ob. 3tiò. Auctor hujus Epistolæ non utitur solita Apostolorum salutatione, sed merè profana, ut qui in ea nec de Jesu Christo, nec de ipsius gratia & pace quidquam memoret, imò nec se Apostolum nomet, sed servum duntaxat JESU Christi his verbis: *Jacobus Dei, & Domini nostri JESU Christi servus, duodecim Tribubus, quæ sunt in dispersione salutem.* Quæ salutat apud Gentiles duntaxat fuit usitata. Ergo & ipsa Epistola profana est, nec alicujus Apostoli, &c.

Resp. 1mò. neg. ant. Quòd si ista salutat profana est censenda, magis profectò profana est illa, quæ habetur Act. 15. necnon ab Apostolis ex Concilio Jerosolymitano ad Gentes scribentibus usurpata fuit his verbis: *Apostoli, & Seniores fratres his, quæ sunt Antiochiæ, Syria, & Cilicia fratribus ex Gentibus salutem.* Atqui nullus, nisi solidus, &

P. Cartier Theol. Tom. I.

vesanus hanc Apostolorum salutationem ut profanam reprehendere audebit, aut ob eam Epistolam illam ab Apostolis ad Gentium fideles scriptam iis abjudicare; ergo etiam infans reputetur, oportet, quisquis adductam S. Jacobi Epistolam ut profanam reprehendere, aut eidem abjudicare ausus fuerit. Neque etiam S. Joannes Apostolus solita Apostolorum salutatione primam & tertiam Epistolas suas orditur; neque S. Paulus in Epist. ad Philippenses, in utraque ad Theſſalonicens. & ad Philemon. se vocat Christi Apostolum, quæ tamen perindè non minùs certò horum Apostolorum esse censentur.

Resp. 2dò. Neg. quòd in illa salutatione nullam Dei, & Jesu Christi mentionem faciat; contrarium enim patet ex ipsis salutationis verbis, quibus se *servum Dei, & Domini nostri Jesu Christi* nominat. Nec enim ullum alium titulum sibi assumere poterat, qui ministerium suum magis exprimeret, præsertim cùm Judæis scriberet, qui veteris Testamenti lectione titulo *Servi Dei* jam erant assueti. Et cùm hæc alia verba addit: *Et Domini nostri JESU Christi*, declarat, se esse unum ex Ministris novæ Legis à Messia annuntiatæ. Quòd autem in hac salutatione se Apostolum non nuncupet, id non obest, quominus Christi Apostolus, & Discipulus fuerit, ut qui se *servum ipsius*, id est, *Ministrum* dicat. Arbitramur porò, id eum cautè fecisse, ne videlicet illi dispersi Judæi, ad quos scribebat, arbitrarentur, se velle illis persuadere, quasi esset eorundem Apostolus, cùm tamen Jerosolymæ duntaxat esset Apostolus.

Ob. 4tò. Hujus Epistolæ Auctor c. 1.667 v. 12. ait, quòd *Deus neminem tentet.* At Genes. cap. 22. v. 1. dicitur: *Tentavit Deus Abraham.* Et Deuter. cap. 13. v. 3. *Tentat vos Deus vester.* Ergo &c.

E e

Resp.

Resp. Duplex est tentatio, una seductionis, quæ nempe incitat ad peccatum, altera probationis tantum, quæ est ad majus meritum, melioremque coronam. De priori loquitur S. Jacobus, dum ait, *Deum neminem tentare*: De hac verò est sermo in Genesi, & Deuteronomio; hac enim sola probationis tentatione dicitur Deus tentare, ut det luctæ materiam, victoriæ meritum & gloriæ.

668 Ob. 5<sup>to</sup>. Idem Auditor ab analogia doctrinæ Apostolicæ multum aberrat; cap. 2. vers. 14. 17. 24. & seq. namque justificationem non soli fidei, sed operibus adscribit; cum tamen S. Paulus Rom. cap. 3. v. 28. & cap. 4. dicat, hominem justificari ex fide sine operibus. Imò prætenfus Jacobus iste in hac sua Epistola de opere Christi, & doctrina fidei nihil commemorat, sed sola opera commendat. Ergo nec Apostolica est. &c.

Resp. cum S. Augustino (g), negant. Non enim pugnant inter se hi duo Apostoli: nam Paulus loquitur de prima justificatione, qua homo fit justus ex injusto, & nomine operum intelligit opera, quæ fiunt sine fide, & gratia, solis nempe liberi arbitrii viribus. Jacobus autem loquitur de secunda justificatione, qua quis ex justo fit justior, juxta illud Apocalyp. ult. *Qui justus est, justificetur adhuc*; & nomine operum intelligit opera, quæ fiunt cum fide, & auxilio gratiæ Dei. Jacobus ergo adversus eos, qui malè intellectis S. Pauli sententiis Rom. cap. 3. & 4. nolebant benè operari, de sola fide præsumentes Abrahami opera commendat, cujus fidem Paulus laudat. Juxta Pau-

lum ergo Abraham justificatus est ex fide tanquam ex radice, & fundamento; secundum Jacobum justificatus est ex operibus tanquam ex fructu, & superedificatione. Sunt ergo inter se concordēs. Vid. S. Augustin. de Fide (b) &c.

### De Epistolis B. Petri Apostoli. 669

S. Petrus Princeps Apostolorum à Christo constitutus, Bethsaidâ oriundus, filius Joannis & S. Andreæ Apostoli frater (i), primum *Simon*, vel *Simeon*, deinde ubi ad Apostolaturn vocatus fuit, *Cephas* nomine Syriaco, quod *Petram* significat à Christo nuncupatus est. *Edes* habebat in Capharnaum ad lacum Genesareth, ubi uxor, & focus ejus morabantur. (k)

Andreas omnium primus à Christo invitatus, cum fratrem obvium habuisset, asserens se Messiam invenisse illi persuasit, ut secum ad eum veniret (l), annò Christi 30. vel circiter. Vix Petrum intuitus Iesus, & nomen ipsius, & genus prodidit; tum ait, in posterum *Cephas*, id est, *Petra* appellaberis. Romæ martyriò coronatus est annò Chr. 66. unacum Beato Paulo Apostolo, vel ut alii volunt annò Christi 67.

Dux in sacrarum Scripturarum Codicibus 670 ce referuntur illius Epistolæ, quarum prima scripta creditur annò Christi 50. Illi scribendæ, uti & phrasibus suggerendis operâ Marci usum Apostolum tradunt; tabellionem verò habuisse Sylvanum, eundem fortasse ac Silam in Actibus Apostolorum celebrem. Scripta est *Babylone*, id est, *Roma*, prout interpretatur Eusebius, lib. 2. Hist. cap. 15. Hierony-

(g) Prefat. in Psalm. 91. (b) August. de fid. & oper. cap. 14. (i) Joan. cap. 1. v. 43. & 44. (k) Marc. cap. 1. vers. 29. Math. cap. 8. vers. 14. Luc. cap. 4. vers. 38. (l) Joan. cap. 1. v. 41.



Hieronymus, de Vir. Illust. cap. 2. & Oecumenius, in 1. Pet. c. 5.

Inscripta est ad fideles Bithyniæ, Ponti, Galatiæ, Asiæ, & Cappadociæ. Quamquam autem fideles ex Judæis potissimum respiciat, fideles tamen ex Ethnicis non negligit. Græco sermone, & digna Principe Apostolorum energia est exarata. Ejus quinque sunt capita, in quibus totus est in tradendis vitæ Christianæ præceptis.

670 Secundam ad eosdem dedit paulo ante obitum suum, annò nempe 66. Christi. In ea fideles hos etiam atque etiam monet, ut traditæ ab Apostolis doctrinæ adhærere, bonorum scilicet operum exercitiò, nihil curantes ea, quæ à pravis Doctoribus, Sectatoribus nempe Simonis Magi, ut vulgò creditur, iactantur. Sermo in illa incidit de Pauli Epistolis, quas Petrus laudat, addens, ab indoctis aliquibus eas in pravam sensum detorqueri. Tria sunt illius capita

De illius auctoritate olim quidam dubitare visi sunt, ut testantur Origeres, Tract. 5. in Joan. & Hom. 13. in Genes. Item Hom. 7. in Joan. Eusebius, lib. 3. Hist. cap. 19. & Hieronymus, de Script. Eccles. in Petro. Noviter verò Lutherus. Sit

## CONCLUSIO.

671

Hæc secunda S. Petri Epistola est verè ab ipso conscripta, & Canonica.

Prob. Conclusio 1<sup>mo</sup>. Ex ipsamet Epistola ac quidem 1<sup>mo</sup>. se ipsum illius Auctorem esse Petrus ipse statim prodit ipsius Epistolæ initiò, cum hisce eam exorditur: *Simon Petrus servus, & Apostolus JESU Christi*, cap. 1. v. 1. 2<sup>do</sup>. Ibidem disertis verbis testatur, se Christo adfuisse, cum in monte sancto transfiguraretur, à vers. 16. usque ad 18. 3<sup>io</sup>. Cap. 3. v. 1. testificatur, se prio-

rem Epistolam jam ad ipsos dedisse, seu scripsisse. 4<sup>to</sup>. denique eodem cap. 3. v. 15. & 16. mentionem facit Epistolæ ad Hebræos aliarumque à Beato Paulo exaratarum, quem charissimum fratrem suum appellat. Ergo dicere oportet, vel S. Petrum hujus Epistolæ Auctorem esse, vel impudentissimum quemdam nugatorem, & impostorem, qui turpiter nobis imposuerit, ut se fidelibus omnibus pro Petro venditasset. Atqui hoc dici non potest: qui enim unquam fieri potuisset, ut SS. Pares, universaque Ecclesia, quæ utique errare non potest, hunc circulatoris inter sacros scriptores computasset, & in Conventibus fidelium ejus librum: sacris etiam mysteriis legi jussisset? Ergo dici debet illius auctorem verè esse Petrum.

Prob. 2<sup>do</sup>. Auctoritate veteris Eccle-672 siæ Patrum, ut Origenis, Eusebii, Hieronymi, locis supra citatis. Clementis Alexandrini, in lib. Hypotyp. Auctoris Synopsis Gregorii Nazianzeni, in Carmine. Et aliorum, qui eam & à S. Petro scriptam, & Canonicam esse tuentur.

Prob. 3<sup>io</sup>. Auctoritate Conciliorum, 673 quæ sacrorum librorum Catalogum ediderunt, cui eam quoque attexuerunt: Necnon Universalis Ecclesiæ, quæ, ut primùm dictum est, eam sacris Scripturis accensuit, atque in fidelium Conventibus, nec non sacris mysteriis eam legi jussit, & jubet.

Prob. 4<sup>to</sup>. Testimoniò Aatholico-674 rum, ut Calvinii, qui argument. Comment. in 2. S. Petri Epist. ait, quod omnibus ejus partibus Spiritus Christi se manifestet, sibi que conscientia duceret, si illam rejiceret. Flacius quoque Illyricus Centuriatorum Magdeburgensium primipilus Glossas quoque in hanc Epistolam scripsit, quin ullatenus dubitaret, eam esse illius, cujus nomen præferebat, scilicet S. Petri Apostoli.

E c 2

Objici-

- 675 Obijcitur quidem, quòd hujus Epistolæ stylus prorsus differat à stylo prioris S. Petri Epistolæ, adeoque non videatur esse illius, sed alicujus alterius, consequenter nec Canonica.

Respondet S. Hieronymus (m), hanc styli diversitatem adscribendam esse variis, quibus S. Petrus pro rerum necessitate usus est, Interpretibus. Testatur quoque Clemens Alexandrinus, lib. 7. Strom. non modò S. Marcum, sed & Sauciam quemdam eandem Epistolam interpretatos fuisse. Imò in novo Testamento mentione eorum, qui primis illis Apostolicis temporibus interpretum munere fungebantur. Igitur ex binarum harum Epistolarum styli diversitate, Interpretum duntaxat, non verò auctororum diversitas inferri potest, aut debeat.

- 676 De Epistolis S. Joannis Apostoli.

Tres numerantur apud nos hujus Apostoli Epistolæ, quarum prima ex Veterum Traditione, prout testatur S. Augustinus (n), ad Parthos est directæ. In ea quinque Capitibus explicatur Incarnationis Dominicæ veritas, & Oeconomia; tradunturque varia documenta cum ad fidem, tum ad mores pertinentia.

Ab omnibus semper suo Auctori fuit adscripta (o), quælibet etiam illius periodus Joannis Apostoli stylum apertè redolet.

- 677 De illis tamen verbis, quæ leguntur cap. 1. v. 7. nempe, *Tres sunt, qui testimonium dant in celo, Pater, Verbum, & Spiritus sanctus, & bi tres unum sunt*, an verè S. Joannis sint, & ad hujus Epistolæ contextum pertineant, dubium aliquod exitisse, & nunc etiam esse debere, contendit Erasmus. Richardus

Simonius etiam nihil non movet (p); ut horum verborum auctoritatem penitus infringat, atque ex margine, in quo per modum Scholii à librario quodam posita fuisse ait, in ipsum textum ab aliis translata fuisse probet. Sed contra hos ponitur

## CONCLUSIO.

678

Hæc verba c. 5. v. 7. Epistolæ 1mæ. S. Joannis Apostoli verè illius sunt, & ad ipsum textum pertinent.

Prob. Conclusio 1mo. Ex ipso hujus Epistolæ contextu; Nam cum vers. 7. dixisset S. Joannes, *Quoniam tres sunt, qui testimonium dant in celo: Pater, Verbum, & Spiritus sanctus: & bi tres unum sunt*; statim versum 8. à particula copulativa incipit dicens, *Et tres sunt, qui testimonium dant in terra: Spiritus, & aqua, & sanguis: & bi tres unum sunt*. Ad quid autem v. 8. particula *Et*, nisi quia supponit versum 7. cui opponitur; duo enim hæc extrema *Celum*, & *Terra* ad se invicem refert, & inter ea comparationem instituit, atque ea sibi invicem opponit. Ergo iste versus 7. c. verè S. Joannis, & ad ipsum Epistolæ textum pertinet, aliàs manca, confusa, & perturbata ipsius oratio fluere dici deberet.

Adde, quòd vers. 6. dixerat, *Jesus venit in aqua, sanguine, & Spiritu, qui Spiritus testificatur Christum esse veritatem*. Vers. 8. autem ait, *tres igitur in terra Spiritum nempe, Aquam, & Sanguinem testificari, Christum esse verum hominem, hosque tres unum esse*. At vers. 7. dicit, *tres etiam in celo, videlicet Patrem, Verbum, & Spiritum sanctum, dare testimonium, Christum verum esse Dei filium, hosque unum esse*.

Denum

(m) Ep. ad Hedib. quest. 11. (n) Quest. in Evang. lib. 2. cap. 39. (o) Basile. lib. 1. Hist. c. 19. edit. Christophorion. (p) Hist. crit. du Nouveau Testament. lib. 1. c. 18.

Demum vers. 9. hæc duo testimonia terrefre, & coeleste simul jungit, atque inter ea paritatem instituens ait, testimonium Dei majus esse, quam hominum seu terrestrium, quamvis & istud suscipiendum sit. Si, inquit, *testimonium hominum accipimus, testimonium Dei majus est.* Ergo hic versus 7. ab omnibus, qui judicio & ratione utuntur, velut genuinus, & à S. Joanne conscriptus est admittendus.

- 679 Prob. 2do. Auctoritate Ecclesiæ, quæ hæc versùs 7. hujus Epistolæ verba publice in sacro Officio legit Dominica in Albis. Concilium quoque Tridentinum, dum omnes Scripturæ sacræ libros cum omnibus suis partibus & prout in Ecclesia legi consueverunt, necnon in veteri vulgata latina Scripturarum editione habentur, suscepit, versum 7. hunc istius Epistolæ unâ utique suscepit, ut qui in Ecclesia legi solitus fuerit, & adhuc soleat, necnon in veteri vulgata Scripturarum editione contineatur, adeoque hujus Epistolæ partem constituat.

Annò itidem 484. teste Victore Vitenſi Episcopo (9), Episcopi Mauritanie, & Sardinie numero ferè 400. in professione fidei eorum nomine ab Eugenio Carthaginensi Episcopo Hunerico Wandalorum Regi oblata hæc inter alia eloquuntur: *Ut adhuc luce clarius unius divinitatis esse cum Patre, & Filio Spiritum sanctum doceamus, Joannis Evangelista testimonio comprobatur. Ait namque, Tres sunt, qui testimonium perhibent in celo, Pater, Verbum, & Spiritus sanctus; & hi Tres unum sunt.*

- 680 Prob. 3tio. Auctoritate veterum Ecclesiæ Patrum, ut S. Cypriani, qui de Patre, inquit (1), *Filio, & Spiritu sancto scriptum est: & hi Tres unum sunt.*

S. Athanasii, qui in Disputatione contra Arium eadem verba usurpat. S. Hieronymi, qui conqueritur in Prolog. ad Epistolas Canonic. versum hunc ab infidelibus translatoribus omisſum fuisse. Victoris Vitenſis, qui 400. Mauritanie, & Sardinie Episcoporum priùs à nobis adductum de hujus versùs veritate testimonium loc. cit. refert. S. Fulgentii, qui totum hunc versum tanquam verè S. Joannis adversus Arianos adducit, in Respons. ad object. Arian. Cassiodori, qui & hunc versum ex S. Joannis Epist. 1. cap. 5. refert, in Summario cap. 5. Ep. 1. S. Joan.

Prob. 4to. Ex antiquis MSS. Codici-681 bus tum græcis tum latinis, in quibus hic versus legitur. Ut in Codice quodam Britanico, cujus ob vetustatem suam tanta fuit apud Erasmum auctoritas, ut versum hunc in præcedentibus suis versionibus omisſum, in posterioribus restituerit. In Codicibus, quibus usi sunt Auctores editionis Complutensis annò 1517. qua de re hæc ait Cardinalis Ximenes, in Præfat. Maxima laborum pars in eo præcipuè versata fuit, ut castigatissima omni ex parte, vetustissimaque exemplaria, Hebraica, Græca, & Latina pro Archetypis haberemus. In septem Codicibus, quos Robertus Stephanus ex Italia, Gallia, & Hispania conquisitos in adornanda sua novi Testamenti editione annò 1550. adhibuit. In Codice latino Bibliothecæ S. Germani à pratis ante 800. annos sub Lothario Rege exarato. In Codice latino FF. Prædicatorum Parisiensium ante 400. vel 500. annos conscripto, & emendato ex Codicibus MSS. jussu Caroli Magni exaratis, ubi etiam ad hunc versum addita est in margine hæc nota: *Hic corrupti quidam libri Græcorum, ut*  
Ec 3 ait

(9) Lib. 2. persecut. Afric. provin. (1) Lib. de unit. Eccles.

ait B. Hieronymus, hoc capitulum non habent, quomaximè fides Catholica roboratur. In Codice antiquissimo Corbejensi, & alijs multis, quos laudent Monachi Benedictini Congregationis S. Mauri in Gallia, in annot. ad Prolog. Hieronym. in Epist. Canonicas. In Codicibus, quibus usi sunt veteres, quorum auctoritatem adduximus, Patres. Denique in omnibus ferè MSS. Codicibus, qui à 600. & quod excurrit, annis conscripti fuerunt. Ergo meritò hic versus censetur esse S. Joannis, & ad textum istæ illius Epistolæ pertinere.

- 682 Prob. 5to. Testimoniò omnium recentiorum Scriptorum A Catholicorum æquè ac Catholicorum, qui nostram tuerentur sententiam. Ut Erasmus, qui, cum in priori sua, ut jam dictum, novi Testamenti editione hunc versum omisisset, postea tamen, meliora sapiens, illum restituit. Calvinus, qui illum, quod, si addatur, filus orationis optimè suat, æque in emendatioribus, & melioris notæ exemplaribus inveniatur, recipiendum decernit, Comment. in Ep. 1. Joan. cap. 5. vers. 7. Eum sequitur Beza, qui ait (1), hunc textum retineri debere, eoquod illius pars sit; & cum ipso omnes Calvinistæ.

Omnes quoque Lutherani, qui in omnibus suis editionibus hunc versum, quem ipsorum Magister Lutherus deleverat, textui istius S. Joannis Epistolæ restituerunt, atque velut validissimum argumentum Anti-Trinitariis opposuerunt.

Nihil hîc de Scriptoribus Catholicis dicemus, cum certum sit, omnes versum hunc & S. Joannis esse, & ad textum pertinere tuerentur, si unicum Simonium excipiamus, qui hîc contra tor-

rentem niti velle videtur, sed profectò frustrà, ita ut non immeritò eidem illud Terentii occini possit: *Frustra niti, & laborando nihil aliud, quàm odium querere, extremus dementia est.*

### Solvuntur Objectiones, 683

a Simonio contra Conclusionem nostram proposita.

Simonius nihil contra argumentum, quod pro nostra sententia ex ipso Epistolæ S. Joannis textu deduximus, movet; necnon relicta nobis etiam Ecclesiæ, & Concilii Tridentini auctoritate, adducta à nobis Patrum testimonia impetit, atque

Objicit, seu contendit 1mo. S. Cyprianum loco à nobis citato hæc verba, *Et hi tres unum sunt* retulisse duntaxat, atque Patri, Filio, & Spiritui sancto adaptasse ea, quæ in omnibus exemplaribus leguntur circa testimonium *Spiritus, Aqua, & Sanguinis*, de quibus dicitur: *Et hi tres unum sunt*, atque idem eum dixisse: *De Patre & Filio, & Spiritu sancto scriptum est, & hi tres unum sunt.*

Hanc suam expositionem fulsit auctoritate Facundi cujusdam Africani Scriptoris, qui istud S. Joannis de Spiritu, Aqua, & Sanguine testimonium à B. Cypriano de Patre & Filio, & Spiritu sancto dictum intelligi ait. (2)

Resp. Nimis specifica & aperta sunt S. Cypriani verba, quàm ut in alienum sensum quoquo modo detorqueri possint. S. Cyprianus absolute & diserte ait, *De Patre, & Filio, & Spiritu sancto scriptum est, & hi tres unum sunt*, ubi autem id scriptum est? scilicet apud Joan-

(1) Not. in 1. Joan. c. 5. v. 7. (2) Facund. pro defens. Trinit. capit. lib. 1. c. 3.

Joannem. Nullus hic ei sermo de testimoniis terrestribus *Aqua, Sanguine, & Spiritu.*

Quod Facundum spectat, bonus ille vir, ne quidem legerat S. Cyprianum, ut qui ex ipso *Epistolam* seu *librum de Trinitate* citet, in quo ea, quæ memorat, illum scripsisse ait (\*), cum tamen hic S. Doctor nullam *Epistolam*, aut *librum de Trinitate* scripserit, sed *Libro de unitate Ecclesie* duntaxat Trinitatis divinæ unitatem ex adducto Epist. 1. S. Joan. cap. 5. v. 7. demonstrat. Audiverat fortè, vel apud quemdam alium Scriptorem legerat Facundus, S. Cyprianum in quodam Opere ex cap. 5. Epist. 1. S. Joannis quidpiam de Trinitate, & unitate divinæ adduxisse, nec, cum in suo Scripturæ manco & depravato exemplari versum 7. cap. 5. hujus *Epistolæ* invenisset, arbitratus est, hunc S. Doctorem illa, quæ de Spiritu, Aqua, & Sanguine ibidem vers. 8. dicuntur, de divina Trinitate esse interpretatum, quod falsum esse aperte declarant ipsæmet S. Cypriani verba.

Sanè S. Fulgentius Facundo isto ætate, & auctoritate superior, adducit hoc capit. 5. versu 7. Epist. hujus hæc subjungit (\*), *Quod etiam Beatissimus Martyr Cyprianus in Epistola de unitate Ecclesie testatur dicens: De Patre, & Filio, &c.* Dispiciat modò Simonius, cui magis hic credendum sit; Facundo suo, an S. Fulgentio? Plura adhuc pro vindicanda hac S. Cypriani sententia proferre possemus argumenta, verum hæc sufficienter ostendunt, quòd hic malam causam agat Simonius.

- 684 Contendit add. S. Athanasium neutiquam versum 7m cap. 5ti Epist. 1. S. Joan. in sua disputatione contra Arium adduxisse, sed hæc duntaxat verba: *Et*

*bi tres unum sunt.* Quæ sicut Facundus de illo testatur, Trinitati adaptat.

Resp. Equidem verum est, quòd citatò locò circa finem S. Athanasii ex Epist. 1. S. Joannis hæc duntaxat dicat: *Insuper præter ista omnia Joannes dicit: Et bi tres unum sunt.* At luce meridiana clarius est, ibi eidem neutiquam sermonem fuisse de versu 8. cap. 5. ejusdem *Epistolæ*, seu de Spiritu, Aqua, & Sanguine terrestribus testimoniis, quos deinde per accommodationem ad tres divinas personas infleceret (quod nimis sanè frigidum & imbelles argumentum adversus Arium fuisset, atque ab ipso facili negotiò diluendum) sed de versu 7. dicti cap. 5ti. Ipsi enim toto disputationis contextu, & paulò ante adductum S. Joannis testimonium nonnisi de Patre, Filio, & Spiritu sancto est sermo, eaque omnia, quæ congesserat, & protulerat cum ex veteri, tum ex novo Testamento ad evincendam Trinitatem Divinam, Patrem nempe, Filium, & Spiritum sanctum, testimonia, hisce velut epiphonemate concludit: *Insuper præter ista omnia Joannes dicit: Et bi tres (Pater scilicet, Filius, & Spiritus sanctus, hæc enim tria nomina semper inculcat) unum sunt.* Malæ fidei proinde est Simonius, quòd hæc S. Athanasii verba in alienum sensum detorqueat.

Contendit 3tiò. Citatum à nobis Pro-685 logum in *Epistolas Canonicas* falsò attribui S. Hieronymo, quod multis rationibus & conjecturis probare nititur. Unde concludit, testimonium, quod ex Prologo illo adduximus, falsò etiam illi adscribi.

Resp. Hunc Prologum tanquam S. Hieronymi inveniri in S. Scripturæ exemplaribus antè 700. & 800. annos, atque in pluribus tempore Caroli Magni editis. Burne-

(\*) Apud Simon. Hist. crit. du N. T. lib. 1. c. 18. (\*) Cit. loc.

Burnetus Anglus etiam testatur (y), illum in omnibus, quæ viderat exemplaribus MSS. ut & in MS. Basileensi contineri. Joannes quoque Oxoniensis Episcopus in Anglia testatur (z), hunc Prologum tanquam Hieronymi passim in MSS. & impressis antiquioribus fere omnibus Codicibus reperiri. Eum verò hujus S. Ecclesiæ Doctoris esse palam fieri videtur ex eo, quòd non modò illius velut Auctoris nomen præ se ferat, sed etiam piæ illius fœminæ ad quam exaratus est, nempe *Eustochium*.

Hæc argumenta, si iis, quæ in contrarium adducit Simonius, comparentur, æquè fidem faciunt ac sua. Verùm hîc in vindicando hoc Prologo non multùm solliciti esse debemus, ut qui antiquiorum Patrum Cypriani videlicet, & Athanasii aperta pro textûs nostri veritate testimonio habeamus.

Ait etiam Simonius cit. lib. 1. c. 18. se alibi Victorem Vitensem, & Fulgentium à nobis supra adductos refutaturum, nempe librò 2. sui Operis, ubi specialiter de novi Testamenti Versionibus acturus est. Verùm ne verbulum quidem de istis duobus Scriptoribus memorat. Casiodorum quoque ultrò nobis dimittit, quòd nempe nihil habeat, quod adversus ipsius auctoritatem regerat.

686 Objicit 4tò. Patres Græcos, Cyrilum, Gregorium Nazianzenum, Chrysostomum, Dydimum; & Latinos, Augustinum, Leonem, Bedam, &c. apud quos sæpe dictus versus non legitur.

Resp. Id hujus versus veritati nihil efficere, ut quæ ex eo confirmetur, quòd his Patribus alii antiquiores illum legere, ut Cyprianus, Athanasius, &c. Fortè in Codicibus, quibus Patres illi à Simonio adducti utebantur, deerat, unde nec illum proferre poterant. Vel eum

in controversia positum noverant, unde ne lites accumulare velle viderentur, studiò ab ipsis prætermisus fuit, præsertim cum alia ipsis ex sacra Scriptura adhuc suppetere permulta testimonia, & argumenta, quibus adversarios suos retunderent.

Ob. 1tò. Varios MSS. Codices, in 687. quibus hic versus non legitur.

Sed nos ei multò plures objicimus, in quibus legitur. Simonii ergo Codices sunt depravati quoad hunc locum, unde & illius argumentum ruit, ipseque cum suis Codicibus MSS. repellendus est.

Verùm quæret aliquis, qui ergo factum sit, ut versus ille in multis tum Græcis, tum Latinis Codicibus desideretur?

Resp. 1mo. Verisimile esse, id factum fuisse scriptoris seu librarii alicujus vitio, qui cum textum, atque initium vers. 7. hujus transcriberet, exaratis his verbis, quæ nempe sunt illius initium, *quoniam tres sunt qui testimonium dant*, errante oculo & calamo statim ad versum 8. transivit, atque residuum versûs 7. ex incuria prætermisit. Hujusmodi lapsus in similibus casibus haud infrequentes sunt, quorum multa exempla asserunt Patres nostri Benedictini Galli in suis ad Prologû S. Hieronymi in Epistolas Canonicas observationibus; ad quod mancum exemplar deinde plura alia exarata fuerunt, & ad hæc adhuc alia, &c. Unde factum, ut in aliquibus Codicibus, in quibus primò versus iste deerat, vel ipsius scriptoris vel aliena manu restitutus fuerit, atque vel intra lineam, vel ad marginem collocatus fuerit.

Resp. 2dò. Versum hunc fortè ab Arianis in aliquibus Codicibus fuisse ablatum, quem postmodum librarii sua exemplaria ex iis Codicibus transcribentes omise-

(y) Voyages de Suisse, & d'Italie. (z) Not. in Cyp. de unit. Eccles.

omiserunt. Id egisse Arianos testatur Fromundus Theologus Lovanienſis, Comment. in Epist. 1. Joan. cap. 7. Hujusmodi autem ſactorum Librorum depravatio haud infrequens apud ipſos fuit; eos namque accuſat S. Ambroſius, quod etiam non modò ex ſuis, ſed & ex noſtris Codicibus hæc verba: *Quoniam Deus Spiritus eſt*, deleverint. Id etiam aperte colligitur ex Prologo Hieronymi in Epistoas Canonicas. Socrates quoque teſtatur (a), Arianos ex cap. 4. hujus imæ S. Joannis Epistolæ verſ. 2. expunxiſſe. Hæc de memorato verſu 7. cap. 7. & univerſim de imæ S. Joannis Epistola dicta ſufficiant; nunc ad reliquas duas tranſimus.

688 Secunda inſcripta eſt ad Matronem quamdam nomine *Electam*, niſi nomen iſtud ſymbolicè fortaliſis adhibuitum fuerit, ad Eccleſiam alteri Eccleſiæ litteras dantem contegendam.

689 Breviſſima eſt, quippe quæ unico capite, cujus 13. ſunt verſus, comprehenditur. Putant aliqui eam commendatiam fidelium Eccleſiæ cujuſdam ad alteram tranſeuntium: aliquando enim Apoſtoli, ſeu ſacri Eccleſiæ Chriſtianæ Scriptores ænigmaticè ſcribere cogeantur, ne in perſecutores infideles inciderent. Verùm de hac conjectura ſit, quod placuerit.

In ea Apoſtolus impugnât Baſilidem, ejuſque Sædatores, qui tunc temporis docebant, Chriſtum non fuiſſe verum hominem, ſed phantasma, ad proinde eum nec aliquid egiſſe, aut paſſum fuiſſe. Gratulatur Electæ, & filiis ejus, quod Seducatores hos non audiverint, vetatque omnem cum eis communionem, in iis etiamnum rebus, quæ vitam civilem ſpectant.

690 Tertia ad Cajum ſcripta eſt, & unico etiam capite, cujus 14. ſunt verſus, P. Cartier Theol. Tom. I.

concluditur. In ea Apoſtolus Cajum laudat, quod fideles hoſpitiū excipiat, & ne ab inceptis deſiſtat hortatur, &c. In ambabus Joannes ſe *Seniorem* appellat, & ab hoc nomine eas orditur dicens *Senior*, &c. Unde de iis aliquando in Eccleſia diſſidium fuit, & etiamnum dubitare videntur Proteſtantes aliqui, num ſint Joannis Apoſtoli: cum enim Papias apud Eusebium, lib. 3. Hiſt. cap. 33. & Hieronymus, de Viris Illuſt. tradat, duos fuiſſe, qui Joannes nominarentur, unum Apoſtolum, & alterum, qui Senior dicebatur; atque harum binarum Epistolarum Auctor non Apoſtolum duntaxat, prout jam diximus, ſed Seniorem ſe nuncupet, ipſis veriſimile videtur, eandem ab hoc Seniore Joanne, non ab Apoſtolo fuiſſe conſcriptas.

Sed hæc levis duntaxat eſt conjectura, quæ præjudiciū nullam afferre poteſt tot veterum Patrum, & Conciliorum ſententiis, qui has duas Epistolas, & Canonicas, & Joannis Apoſtoli eſſe cenſuerunt. Ponuntur quippe ſub hujus Apoſtoli nomine in Catalogo Scripturarum divinarum à Conciliis Laodiceno, Carthagenſi III. Florentino, & Tridentino. Item ab Innocentio I. Epist. ad Exuperium; à Gelasio I. in Concilio Romano 70. Episcoporum; ut & ab Origene, Hom. 7. in Joſue; ab Epiphano, Hæreſ. 76. ab Auctore Synopiſis; à Hieronymo, Epist. ad Paulin. ad Auguſtino, lib. 2. de Doctr. Chriſt. cap. 8. à Ruſſino, in Expoſit. Symbol. ab Iſidoro, lib. 6. Etymolog. à Joanne Damasceno, lib. 4. cap. 18.

Secunda etiam citatur à S. Cypriano, lib. 2. Sent. Conc. Carthag. Tertia verò à Dionyſio, Hierarch. cæleſt. c. 3.

F f

Ecclesia

(4) Apud Fromundum loc. cit.

Ecclesia denique in suis divinis officiis utramque sub nomine Joannis Apostoli legit. (*b*)

In illis autem Joannes *Seniorem* seu Presbyterum se nuncupat ob notabilem scilicet ætatis diuturnitatem; vixit enim, prout tradit S. Hieronymus (*c*), usque ad sexagesimum octavum annum post Passionem Domini, & Ephesi longò Senio confectus, postquam Asiæ Ecclesias fundasset, obiit annò Christi 100. prout jam suprà ad ipsius Evangelium annotavimus. Omnium porro consensu in his duabus Epistolis ille idem est Joannes Presbyter, qui & Apostolus, & Evangelista. Quòd autem Papias apud Eusebium duos Joannes statuatur, Apostolum unum, Seniorem alterum, id verum esse potest, quin tamen sequatur, hunc harum Epistolarum Auctorem esse, quæ de re nihil ait Papias; fortè vario & duplici, quò se nominat Joannes in suis libris, nomine deceptus Papias, arbitratus est duos fuisse Joannes, cum tamen tota antiquitas testetur, unicum fuisse Joannem Apostolum, qui Canonica scripta Ecclesiæ tradiderit.

692 Quo præcisè tempore tres istæ S. Joannis Epistolæ fuerint exarata, incertum est; verisimilius videtur, eas scriptas fuisse post hujus Apostoli ex Insula Pathmos reditum paulò ante illius obitum, hoc est annò Christi 98. nam tunc temporis maximè grassabantur Ebionitæ, Cerinthiani, & Basilidiani, ad quos in tribus hinc Epistolis potissimum respexisse, quosque refutasse videtur Apostolus iste.

### 693 De Epistola S. Judæ Apostoli.

Judas cognomento Thaddæus, sive Lebbæus, & Zelotes, qui & interdum

frater Domini appellatur ideo, prout arbitramur, quia B. V. Mariæ sororis filius, & S. Jacobi Minoris Jerosolymæ Episcopi frater fuerit.

Ad Lybiæ populos eum conciones habuisse refert S. Paulinus, Cann. 26. qui etiam hujus Apostoli corpus ibidem quiescere asserit. Juxta Græcos recentiores Edessa, & omnis Mesopotamia; juxta alios, Judæa etiam, Samaria, Idumæa, Syria, & Armenia, præsertim etiam Persia Judam Evangelii Præconem habuerunt.

Eum martyrio affectum, & conditum 694 in Persia Abdias, Fortunatus, Beda, & Latinorum Martyrologia ferunt. Græci verò nonnulli Beryti morte sua defunctum scribunt: Eorum tamen Menologia, quæ diem 19. Junii Judæ Apostolo sacram habent, sagittis confossum asserunt in Arara, fortè Armenia, in qua montem Ararath, seu Ariarathim Urbem est invenire: Armeni enim veteri traditione fulti eum in sua regione martyrium subisse tuerunt. Hæc omnia produnt, nihil certi hac de re haberi.

Unica, eaque brevissima, & unico 695 capite, quod 25. versus distinguunt, comprehensa extat illius Epistola, quæ in Ecclesia habet auctoritatem. Catholica dicitur, quòd nulli peculiari Ecclesiæ, sed omnibus fidelibus à Patre dilectis & à Christo Domino vocatis inscripta sit.

Ex illius v. 17. & 18. ubi Apostolorum Petri & Pauli velut ab illis, quos alloquitur, satis cognitorum Epistolas allegat (*d*), ut & ex toto illius contextu, omnibus Judæis in Orientis Provinciis, Asia Minore, & ultrà Jordanem degentibus, qui Christo nomen dederant, Epistolam suam scripsisse colligitur; quos admonet, ut à Pseudo-Doctoribus caveant,

(*b*) Simon. Hist. crit. du N. T. lib. 1. cap. 18. (*c*) De Vir. illust. in Joann. (*d*) 1. Petr. c. 3. v. 3. 1. Timoth. c. 4. v. 1. 2. Timoth. c. 3. v. 1.



veant, à Gnosticis nempe, ut arbitramur, Nicolaitis, & Simonianis, qui sanam doctrinam inficientes, ab Ecclesiam prorsus invertere conabantur.

Quo tempore eam scripserit, ignoramus; sanè post Hæreticos illos, quorum meminimus, eam scripsisse debuit. Deinde v. 17. & 18. Apostolos Petrum & Paulum jam ante peremptos innuere videtur; præterea cum eorum alleget Epistolâs, post eorum mortem, & circa annum Christi 66. vel 67. eam ab ipso scriptam esse censendum videtur; imò, qui eam post Urbis Jerosolymæ excidium exaratam arbitraretur, fortè non procul à veritate discederet.

696 An Canonica sit, Veteres nonnulli hæserunt, prout referunt Eusebius lib. 3. Hist. cap. 25. qui tamen eam sua ætate à multis fuisse receptam ait; Hieronymus, de Vir Illust. cap. 4. Et Amphilo-chius, Carm. ad Seleuc. Paucos ex Veterioribus illius mentionem fecisse testatur idem Eusebius, lib. 2. Hist. cap. 23. circa finem, ubi, *verumtamen*, inquit, *eam in plurimis Ecclesiis publicè lectitari cognovimus.*

Illam autem idcirco à nonnullis haud receptam fuisse ait Hieronymus (e), quòd Auctor in ea (f), libri Henoch, seu illius saltem Prophetiæ meminerit, & de Moysè quædam referat (g), quorum in Canonicis veteris Instrumenti libris nullum extat vestigium; quare ex quodam apocrypho Opere, quod *Moyssis Assumptio* inscribitur, deprompta censuerunt. De ea quoque non modò dubitavit Lutherus, sed & solito sibi furore illam penitus rejectit.

697 Verùm hæc tanti momenti Concilii, & Patribus visâ non fuere, quin eam divinis Scripturis adnumerarent. Eam quippe velut Canonicam recensent Con-

cilia Laodicenum, Carthaginensè 3tium, Florentinum, & Tridentinum. Item Innocentius I. Ep. ad Exup. & Gelasius I. in Concilio 70. Episcoporum.

Præter veteres Patres, quos supra part. 1. cap. 5. recensuimus, eam Canonicam censent Epiphanius, Hæref. 76. Augustinus, lib. 2. de Doct. Christ. Rufinus, in expos. Symb. Isidorus, lib. 6. Etymolog. cap. 1. Damascenus, lib. 4. cap. 18. Citatur etiam velut Judæ Apostoli à Dionysio, de divin. nomin. c. 4.

Eam proinde suscipiunt universim omnes Orientis aequè, ac Occidentis Ecclesiæ. Protestantibus quoque, & Unitariis eam inter reliquos novi Testamenti libros Canonicos collocarunt. Et quamvis eam rejecerit Lutherus, tamen ipsius Discipuli, & Sectatores, procul ut eam rejiciant, omnimodè Magistri sui in eam furorem mitigare adlaborant. (b) Calvinus quoque illam cæteris Canonicis Epistolâs accensendam vult, *eoguoð*, inquit, *illius lectio sit summopere utilis, nihilque continent, quod doctrinâ Apostolicâ conforme non sit, necnon à longo jam tempore ab omnibus probis velut Canonica fuerit habita.*

Quæ verò in sua Epistola tum de He-698 noch, tum de Moysè protulit Judas Apostolus, aliundè quàm à libris apocryphis habere, vel saltem Spiritu sancto docente ex iis libris vera à commentitiis fecernere potuit; nam & in apocryphis libris aliquid veri invenitur, hocque dum Judas protulit, non tamen totum librum approbasse dicendus est, inquit S. Hieronymus, in cap. 1. Epist. ad Titum; & S. Augustinus, lib. 15. de Civ. cap. 23. & lib. 18. cap. 38. Profectò S. Paulus Act. 17. 1. Cor. cap. 15. & ad Tit. c. 1. profert testimonia ex Ethnicis Poëtis Arato, Menandro, & Epimenide; quis

F f 2

autem

(e) Loc. cit. in Judæ. (f) Vers. 14. (g) Vers. 9 (b) Simon. Hist. crit. du N.T. lib. 1. c. 18. (i) Arg. m. Comment. Epist. Judæ.

autem propterea dicat, S. Paulum horum Poëtarum libros consecrare voluisse?

Pseudo - Evangelium aliquod, quod olim sub Judæ Apostoli nomine circumferebatur, Gelasius Pontifex reprobavit.

699

## CAPUT IV.

## De libro Apocalypsis.

*Apocalypsis* latine *Revelatio*, quo nomine inscribitur Liber revelationum S. Joannis Apostoli, & Evangelistæ, in Insula *Patmos*, quò jussu Domitiani Imperatoris relegatus fuerat, eo tempore, quod inter annos Christi 95. & 97. intercessit, ab eodem exaratus fuit; Unicus novi Testamenti liber Propheticus, in quo videlicet futura prædicuntur.

In 22. capita distribuitur, quorum priora tria instituendis Episcopis septem Ecclesiarum Ephefi, Smirnæ, Pergami, Thiatyræ, Sardorum, Philadelphiæ, & Laodiceæ adhibentur. Quindecim, quæ proximè sequuntur, persecutiones Ecclesiæ exhibent, sive à Judæis, sive ab Hæreticis, sive tandem ab Imperatoribus Romanis, ac potissimum à Diocletiano, & Maximiano, Galerio Maximo, Severo, Maxentio, Maximino, Licinio, & Juliano Apostata tolerandas. Exinde describitur ultio Dei in persecutores, in Imperium, urbemque Romanam, quæ Babylonis insignis profuitur septem colibus insidentis nomine designatur. Quatuor tandem reliqua Capita triumphum continent, quem Ecclesia de hostibus postea retulit; ipsius cum agno nuptias, ac tandem Ecclesiæ triumphantis felicitatem.

700

Hujus libri Auctorem fuisse Cerinthum hæresiarcham, qui & ipse fictas

revelationes conscripserat, Cajus Romanæ Ecclesiæ Sacerdos, qui sub Zephyrino Papa labente secundo Ecclesiæ Sæculo floruit, autumasse videtur apud Eusebium (k); quam & quoque etiam nonnullorum sui ævi Scriptorum opinionem esse tradit S. Dionysius Alexandrinus apud eundem Eusebium. (l) Ubi equidem Apocalypsim velut librum verè divino Spiritu afflante conscriptum defendit, sed Joanni Apostolo abjudicare, atque alii cuidam Joanni adscribere videtur præcipue ob diversum illius à cæteris hujus Apostoli Operibus styllum.

Hæretici, quos Epiphanius Hæres. 51. & 54. Alogianos, & Theodotianos vocat, Marcionis & Cerdonis Sectatores, librum hunc respuebant, quemadmodum & ultimis temporibus nostris Lutherus.

Ratum autem Ecclesiæ Catholicæ Ju-700  
dicium est, hunc Librum & Canonicum esse, & à S. Joanne conscriptum. Enimverò à Concilio Ancyrano, quod celebratum dicitur an. Chr. 314. Canone ult. citatur Apocalypsis tanquam Joannis Apostoli, & divinus Liber. (m) Item in Carthaginensi 3tio. Can. 47. In Concilio Romano sub Gelasio I. an. 495. celebrato. In Concilio Toletano 4to. an. 633. Can. 16. Omnes quoque Orientales Ecclesiæ illum sub nomine S. Joannis Apostoli legunt.

Quamplurimæ etiam SS. Patres Græci 700  
æquè ac Latini eum agnoscunt. Ex Græcis quidem Justinus in Dialogo cum Triphone, Apocalypsim dicit esse Joannis Apostoli; quam etiam, teste S. Hieronymo (n), Commentariis illustravit: quod & de S. Irenæo, qui & hunc librum S. Joanni Apostolo adscribit (o), idem testatur S. Hieronymus. Dionysius, lib. Hierarch. Eccles. cap. 3. Apocalypsim vocat *arcanam* & *mysticam visionem dilecti Discipuli*.

(k) Lib. 3. Hist. cap. 28. (l) Lib. 7. Hist. cap. 25. (m) Tom. 1. Conc. pag. 275.

(n) De Vir. Illust. (o) Lib. 5. circa finem.

*Discipuli.* Theophilus Antiochenus, Melito Sardenfis, & Dionysius Alexandrinus supra laudatus (p), Antiquissimi, & doctissimi Patres Apocalypsim tanquam librum divinitus inspiratum susceperunt, teste Eusebio, lib. 4. Hist. c. 24. & lib. 7. cap. 25. Clemens Alexandrinus lib. 2. Pedag. cap. 12. Apocalypsim, ut librum divinum citat. Origenes, Hom. 7. in Josue, Apocalypsim Joanni Apostolo vindicat, ut & Eusebius in Chronic. ad an. Domini 56. Auctor Synops. Epiphanius, Hæres. 51. & 76. Chrysostomus, Hom. 3. in Psal. 91. & Damascenus lib. 4. c. 18. Apocalypsim ut sacram, & Joannis agnoscunt.

703 Latini verò communi consensu librum istum & Canonicum, & Joannis Apostoli esse tuentur. Tertullianus, lib. 4. cont. Marcion. eum Joannis esse affirmat. Cyprianus, lib. de exhortat. Martyrii c. 3. 8. 10. & 11. Apocalypsim sicut reliquas divinas Scripturas citat; quemadmodum & Hilarius, Præfat. in Psal. Ambrosius eam Joannis Evangelistæ esse dicit, in Psal. 40. Augustinus ait, Apocalypsim ejusdem esse Joannis, cujus est Evangelium, Tract. 36. in Joan. Et lib. 2. de Doct. Chr. c. 8. eam inter sacros libros refert. Idem præstat Innocentius I. Ep. ad Exup. Rufinus, in Exposit. Symbol. & Isidorus, lib. 6. Eym. c. 1. Hieronymus, Epist. ad Paulin. docet, eam esse Joannis Apostoli; & Epist. ad Dardan. scribit, hanc esse omnium Latinorum sententiam. Denique Sulpicius, Histor. Sac. lib. 2. ait, Apocalypsim à nonnullis aut stultè, aut impiè non recipi.

704 Eam quoque velut librum divinum & à Joanne Apostolo conscriptum suscipiunt omnes Scriptores tam Catholici, quam Apocalypsi sive Protestantes, ut Calvinistæ, quorum permulti in eam

commentati sunt. Illiusque auctoritatem contra Erasmus tuetur Beza, in not. ad Apocalyp.

Socinus Unitariorum Antesignanus 705. de Auct. Script. S. cap. 1. n. 2. ait, eam Joanni Apostolo & Evangelistæ semper communi consensu adscriptam fuisse; nec officere, quòd aliqui hac de re dubitarent; his enim Auctoribus præferendum esse judicium Justini, & Irenæi, qui exiguo post editum hunc librum scilicet tempore vixerunt.

Lutherani quoque hunc librum tanquam divinum, & Canonicum agnoscunt; in quo Magistrum suum, qui illum penitus rejicit deserunt. Sed ipsum tamen excusare conantur; *Lutherum quod attinet*, inquit Kortholus, de Canone Script. Sac. c. 18. *quidquid olim scripserit in veteri præfatione, in ea sanè, qua hodie in Codicibus legitur, nihil de Apocalypsi asserit aliud, quàm in dubio se relinquere, utrum sit Joannis Apostoli, quòd nonnulli ex vetustioribus Patribus id inficianti sint, nihil tamen hoc ipso se præjudicare velle aliis.*

Perpaucorum ergo opinio, qui vel 707. hujus libri non meminerunt, vel an Joannis Apostoli esset, dubitare visi sunt, non utique obesse potest his Conciliòrum, Patrum, universalis Ecclesiæ latinæ, & græcæ, imò Doctorum omnium, & Scriptorum etiam A catholicorum testimoniis, & auctoritatibus, qui librum hunc & divinum, & Canonicum esse unanimiter tuentur, & meritò quidem, utpotè cujus divinitas vel prædictarum in eo rerum eventuum jam dudum comprobata fuit; quamvis multa adhuc contineat, quorum completionem expectamus, quæ suo quoque tempore certè sunt eventura.

F f 3

Solutum.

(p.) Hæc S. Peter apocalypsim Joanni Apostolo abjudicat, quamvis eam divinam esse tucatur. *vid. inf. ad object. 3iam & 4tam.*

illum in terra gradientium Symbola referunt, quia cæteri de humanitate Christi, ipse verò de illius divinitate præcipue scripsit. Unde Dionysius, vulgò Areopagita dictus, Epistolâ ad Joannem, eum Theologum, & Apostolum salutât; & Auctor Synopsi, aliique Veteres, præsertim Græci, ut jam dictum, eum Theologum nuncupant.

713 Ob. 6to. Hujus libri c. 7. v. 4. dum recensetur signatorum electorum numerus, dicitur: *Audiivi numerum signatorum, centum quadraginta quatuor millia signati, ex omni Tribu filiorum Israël.* Et tamen nulli referuntur ex Tribu Dan, nulli etiam ex Tribu Ephraim. Ergo &c.

Resp. Verè ex omni Tribu signatos referri; sed quia non ita multi sunt futuri ex Tribu Dan, cum plerique ex illa Antichristo, qui de Tribu hac oriatur, adhæserunt, ideo ipsa hic omittitur, prout tenet communis Patrum. Nec omittitur Tribus Ephraim, quæ quia amplior, & nobilior præ Tribu Manasse, licet seniore est, utpotè Regalis, per Antonomasiâ, nomine Patris sui Joseph nominatur.

714 Ob. 7mo. Hujus libri Auctor cap. 20. ait, Sanctos cum Christo mille annis regnâuros. Atqui hæc ansam præbuerunt Millenariorum hæresi à Conciliis, & SS. Patribus olim damnatæ, cusus Auctor fuisse dicitur Cerinthus, & cui etiam liber iste à Cajo Romanæ Ecclesiæ Sacerdote supra memorato propterea meritò adscribitur. Ergo nec Joannis Apostoli, nec divinus censendus est.

Respondet Flacius Illyricus Lutheri Sædator, & Centuriatorum Magdeburgensium primipilus, *Arg. in Apocalypsim*, quod, cum liber iste stylo prophetico scriptus sit, expressionibus ipsius sensus mysticus tribui debeat. *Pbrases illa mysticæ, ut in sermone prophetico sunt*

*intelligenda*, inquit. De alio ergo quàm Hæreticorum Millenariorum super terram regno intelligenda sunt ea, quæ Apostolus citatò cap. 20. prædicit, nempe de cælorum regno, in quo Sancti cum Christo usque ad extremum judicii diem regnaturi sunt; ad quod proinde omnes corpora sua reassumentes, velut denuò resurrexuri sunt, prout mox memoratò cap. 20. declarat Apostolus: vox autem mille prophetico sensu longissimam durationem significat. Cæterum longe ante Flacium Illyricum Dionysius Alexandrinus asseruerat (r), librum hunc non posse intelligi juxta obvium verborum sensum.

Ob. 8vò. Ibid. cap. 22. v. 11. dicitur: *Qui nocet, noceat adhuc: & qui in foribus est, sordeat adhuc.* Ergò suadet hic peccatum hujus libri Auctor.

Resp. Hic istud duntaxat significatur, Deum nempe, quemque hominem, pium & impium suæ permittere libertati, & relinquere in manu consilii sui, quasi diceret: Qui nocet, & injurius est proximo suo, noceat adhuc sua utens libertate, non impedio: sed quo magis nocebit &c., eò magis & punitur; ille è contrà, qui justus est, justificetur adhuc, ita ut, sicut ille impie agendo, suum demeritum auget, iste, pie agendo, suum merita augeat; quia, ut ibidem legitur, v. 12. *Ecce venio cito, inquit Deus, & merces mea mecum est, reddere unicuique secundum opera sua.* Prædicit ergo tantum ea quæ ventura sunt Apostolus stylo Prophetis usitatò, non verò mala suadet.

Cæterum præter hanc S. Joannis Apostoli Apocalypsim, aliarum adhuc Veteres meminerunt, quæ tamen Apocryphæ omnes ab Ecclesia censentur.

De Apocalypsi Petri libro apocrypho agunt Eusebius, lib. 3. Hist. cap. 3. & Hieronymus, in Catalog. Script. Eccles. Eam

(r) Apud Euseb. lib. 7. Hist. cap. 25.

Eam laudavit Clemens Alexandrinus, lib. Hypotyp. apud Euseb. lib. 6. Hist. c. 14. Nostros temporibus omnino intercedit. Refert Sozomenus, lib. 7. Hist. cap. 19. eam adhuc sua ætate in Ecclesiis Palestinæ legi consuevisse feriâ 6tâ Parasceves, cùm universus populus in memoriam Passionis Jesu Christi jejunium servaret.

De Apocalypsi S. Pauli tanquam apocrypho Codice agunt Epiphanius, Hæres. 18. cap. 38. & Augustinus, Tract. 98. in Joan. Eo libro utebantur Gnostici, quem ea omnia exhibere dicebant, quæ Paulus in raptu viderat, ac ineffabilia esse, 1. Cor. cap. 12. v. 4. scripserat. Nec Hæretici tantum, sed plures Monachi, ut refert Sozomenus, locò suprâ citatò, mira de Opere isto prædicabant, jactantes, illud divina revelatione tempore Theodosii primum innotuisse, cùm antea Tharsi in domo S. Pauli in arca marmorea sub terra reconditum latuisset; quod tamen meram fabulam ab Hæreticis confictam esse, idem Sozomenus ex relatione Cilicis Sacerdotis Tharsensis viri jam senio confecti prodit.

De Apocalypsi Cerinthi agit Theodoretus, lib. 2. Hæretic. Fab. c. 3. In ea Hæresiarum hic, nescio quid de regno mille

annorum, ac de voluptatibus sensuallibus, quibus toto eo tempore Viri sancti Hierosolymis essent fruituri, comminiscetur, eaque se à Deo didicisse jactabat. Unde factum, ut, quod alibi jam memoravimus, nonnulli ex vetustioribus Patribus S. Joannis Apocalypsim Cerintho adscripserint, fortè eo decepti, quòd in illa mille annorum Regni Christi cum Sanctis suis mentio fiat, eoque libro plurimum abuteretur iste Hæresiarum, atque præsertim ab hoc Joannis Apostoli de Regno Christi cum Sanctis suis vaticinio fabulosum & brutum Regnum suum transcripsisse atque secundum genium suum transulisse videretur. Verum, ut in Responsione ad 7mam Objectionem diximus, Regnum illud Christi intelligendum est de Regno Cælorum &c.

S. Thomæ Apocalypsim non aliunde novimus, quàm ex decreto Gelasii Papæ I. illam inter apocrypha recensentis. Apocalypsim quoque aliam ab ea, quam huic Apostolo asseruimus, Viennæ Austriæ in Bibliotheca Cæsarea MS. asseruari testatur Lambecius Leopoldi Magni

Imperatoris olim Bibliothecarius,  
Cod. 119. Bibliothec.  
fol. 108.

## *Finis Tractatus primi.*



TOMI

**TOMI PRIMI**  
**TRACTATUS**  
**SECUNDUS**  
**DE**  
**TRADITIONE SACRA**  
**ET**  
*EJUSDEM AUCTORITATE.*



# I N D E X

## *Titulorum Tractatus secundi Tomi primi Theologiae Universalis, de Traditione sacra.*

<i>Præloquium.</i>	<i>Num. 1.</i>
<i>Cap. I. De Traditionibus divinis, earumque existentia, necessitate, &amp; auctoritate.</i>	20.
<i>Cap. II. Undè humana Traditio à divina secerni possit.</i>	70.
<i>Cap. III. Undè cognosci possit Traditionem aliquam esse divinam.</i>	74.
<i>Cap. IV. Undè speciatim variae Traditiones in præloquio recensitæ à se se invicem secernantur.</i>	80.



TOMI

# TOMI PRIMI THEOLOGIAE UNIVERSALIS TRACTATUS SECUNDUS

## *De Traditione sacra.*

### *Præloquium.*

**D**iscussis priori Tractatu omnibus, quæ circa S. Scripturam Theologis scitu necessaria nobis visa fuere, modò nobis ea veniunt excutienda, quæ circa sacram Traditionem alteram fidei nostræ Catholicæ regulam disputari solent. Et ne dicta nostra confusionem aliquam pariant, præsentem Tractatum in varia Capita, pro quæstionum in eo occurrentium varietate distinguemus; priusquam tamen singula aggrediamur, velut in limine explicandum nobis est, quid Traditionis nomine veniat, & quotuplex ea sit.

Traditio igitur generatim & latissimè sumpta nihil est aliud, quàm *Doctrina quavis, sive scripta, sive non scripta ab uno alteri communicata*: sic lex antiqua à Lomino in monte Sinai Moyfi tradita, à Moyse deinde Josue, à Josue Senioribus, à Senioribus Prophetis, & à Prophetis deinceps magnæ Synagoga viris communicata, Traditio generatim & latissimè

*P. Cartier Theol. Tom. I.*

sumpta vocatur juxta illud Exodi à Domino Moyfi dictum (a): *Scribe hoc ob monumentum in libro & trade auribus Josue.*

Minus latè, & juxta commune loquendi modum sumpta Traditio, prout cum à sacra tum à profana abstrahit, est *doctrina non scripta, sed viva voce per Majores ad posteros successivè tradita*; ut est e. g. illa, qua varia novimus heroica veterum gesta, quamvis nunquam scriptò tradita fuerint; item ea, quæ scimus, hoc in tumultu sepulta jacere Majorum nostrorum ossa.

Strictè verò, atque Theologicè spectata, quæque ideò sacra nuncupatur, Traditio, & de qua sola hîc agere nobis animus est, nihil est aliud, quàm *fidei vel morum doctrina non scripta, sed viva voce quasi de aure in aurem successivè tradita*; cujusmodi est ea, qua credimus varia fidei dogmata, quamvis nullibi, saltem satis clarè, in Scripturis expressa; ut illa, e. g. qua B. Mariam Deiparam etiam

G g 2

post



post partum Virginem credimus; item ea, quæ parvulos baptizandos esse tenemus; qualis etiam est illa, de qua S. Chrysostomus ait (b): *Traditio est, nihil quaras amplius*. Quales denique & illæ, quas Thessalonicensibus commendat S. Paulus dicens (c): *Tenete Traditiones, quas didicistis sive per Sermonem, sive per Epistolam nostram*.

Dicitur autem non scripta &c. non quod nullibi scripta sit; reperitur enim in Conciliorum Canonibus, Decretis Summorum Pontificum, Scriptis SS. Patrum &c. Sed quod ab iis, qui illius sunt Auctores, eamque posteris suis tradiderunt, scripto mandata non fuerit.

Hujusmodi autem sacra Traditio considerari potest, vel ex parte Auctoris à quo est, vel ex parte rei, quæ tradita est, vel ex parte ejus, cui traditur, vel ex parte modi, quò traditur, vel ex parte durationis, ad quam traditur.

Si ex parte Auctoris sui spectetur, alia est Divina, humana alia. Divina est, quæ Deum vel Christum habet Auctorem; humana verò, quæ ab hominibus proficiscitur.

Traditio humana subdividitur in Apostolicam, Ecclesiasticam, & merè humanam. Apostolica est, quæ, vel ab Apostolis Spiritu sancto afflatis provenit, aut quam per eodem à Christo edoctos recepit Ecclesia; hæcque propriè loquendo Divina est, & denominativè duntaxat Apostolica, quia à Christo Domino, non ab Apostolis primò profluit, licet per Apostolos Ecclesiæ tradita fuerit; & ob hanc rationem divinæ novi Testamenti traditiones nonnunquam simpliciter Apostolica nuncupantur. Vel quia ab Apostolis tanquam Ecclesiæ Prælati & Pastoribus sub præsidio & assistentia Spiritus sancti primò & immediatè in bonum Ecclesiæ fluxit; & hæc propriè Apostolica dicitur.

Traditio Ecclesiastica propriè dicitur illa, quæ nec à Christo, nec ab Aposto-

lis, sed post Christi in cælos ascentem, & Apostolorum ex hac vita discessum est ab Ecclesiæ Prælati vel populis introducta, & tandem per modum legis, vel per modum consuetudinis tacito sibi succedentis populi consensu & usu recepta, & ad nos usque delata.

Traditio autem merè humana est, quæ homines sibi solis relictos Auctores habet.

Harum Traditionum hæc subjicimus exempla: *Traditiones Divinæ* censentur eæ, quæ sunt de perpetua Maria Deipara virginitate; de baptizandis, etiam ante usum rationis, parvulis; de non rebaptizandis Hæreticis; de invocatione Simulacrorum; de sacrarum imaginum cultu; de septenario Sacramentorum numero; de sacrorum Librorum divinitate &c. Quæ etiam simpliciter Apostolica nuncupari possunt, quia, ut suprà dictum, licet immediatè & primò profluant à Christo Domino, tamen per Apostolos Ecclesiæ traditæ fuerunt.

Traditiones verò propriè & merè Apostolicæ sunt inter alias: *Quadragesima*, & quatuor Temporum institutio. *Observatio diei Dominica loco Sabbati*. *Trina mensio olim in baptismo servari solita*. *Christi matris renovatio, annis singulis facienda*.

*Traditiones Ecclesiasticæ sunt: Solemnitas, & observatio Festorum. Abstinentia à carnibus, ovis, lacticiis certis anni diebus. Pia & laudabilis Crucis formanda consuetudo. Pius aquæ benedicti aspergendi mos. Antiquus candelarum, cinerum, palmarum, & similium benedictionis usus*.

Traditio denique merè humana fuit ea Phariseorum, de lotione manuum ante coenæ &c.

Traditio spectata ex parte materiæ traditæ seu materiæ, circa quam versatur, duplex est, una de fide scilicet, altera de moribus. Prior nihil est aliud, quam non scripta, sed viva voce de aure ad aurem suc-

(b) Rom. 4. in 2. ad Thessal. (c) 2. ad Thessal. c. 2. v. 14.

ſucceſſivè tradita fidei doctrina : ut, præter Traditiones divinas ſupra assignatas, ſunt : *Quodd Scriptura ſacra, quâ utimur in Eccleſia Catholica, ſit verè divina. Quodd quatuor ſint Evangelia Canonica, nec plura nec pauciora.*

- 13 *Traditio morum, ſive de moribus & ritibus eſt doctrina primitivè non ſcripta, ſed ſucceſſivè tradita pro dirigendis formandisque moribus & ritibus, ſeu pro morum diſciplina: qualis inter quamplures alias eſt Traditio ſive doctrina: de juniorum obſervatione certis anni temporibus & diebus. De Feſtorum celebratione, certis pariter anni diebus. De benediſtione & aſperſione aqua. De formando Crucis in fronte ſigno. De abſtinendo à ſervili opere in Dominicis feſtiſque diebus. De facie ad Orientem vertenda, dum Deus oratur.*
- 14 *Traditio ſpectata ex parte ejus cui traditur, v. g. ex parte loci vel Eccleſiæ alicujus particularis, vel univerſalis, dividitur in univerſalem, & particularem.*

*Traditio univerſalis ſeu generalis eſt ea, quæ ſive divina ſit, ſive Apoſtolica, ſive Eccleſiaſtica, fideles omnes ubique gentium diſperſos attingit, ſeu, quæ univerſam reſpicit Eccleſiam; quales ſunt e. g. Aniverſaria majorum feſtorum Paſchæ, Pentecoſtes, & ſimilium. Quadrageſima, & quatuor Temporum jejunia. Aqua benediſta, exorcismorum, aliorumque ſimilium uſus.*

- 15 *Traditio particularis e contra eſt ea, quæ unam duntaxat, vel particulares paucas reſpicit Eccleſias. Hæc vel purè Apoſtolica duntaxat, vel merè Eccleſiaſtica eſt; neque enim divina eſſe poteſt, cùm divina omnes ſpectet Eccleſias non unam aut alteram particularem. Hujusmodi particularis Traditio erat olim Romæ, Obſervatio jejunii die Sabbato.*

- 16 *Traditio ſpectata ex parte modi, quo traditur, id eſt vel per modum conſilii, vel per modum præcepti, dividitur in liberam & neceſſariam. Hæc eſt, quæ ne-*

ceſſariò ſervanda eſt, quia per modum præcepti inſtituta: ut *prædiſta Majorum Feſtorum obſervatio. Calici miſcenda aqua uſus. Paſchæ celebratio Dominicæ primæ poſt decimam quartam lunæ Martii.*

*Libera verò eſt ea, quæ per modum conſilii lata, & ad libitum obſervari, & non obſervari permiſſa eſt. Hæc ad ſolam Eccleſiaſticam & purè Apoſtolicam reſertur; cùm Divina ſit immutabilis & neceſſaria; ſic liberæ ſunt e. g. iſtæ Traditiones, & niſi intervenerit contemptus, aut proximo detur ſcandali occaſio, ſine peccato omittuntur: *Aſperſio aqua luſtralis. S. Crucis in fronte ſignatio. Orantis ad Orientem converſio, & ſimiles alia.**

Traditio denique ſpectata ex parte durationis, pro qua, vel ad quam traditur, hoc eſt, pro ſemper, vel ad certum tempus dividitur in *perpetuam & temporaneam.* Perpetua dicitur illa, quæ eſt inſtituta, ut ſemper duret, & à nulla auctoritate creata mutari poteſt; quales ſunt divinæ omnes, & à Chriſto per Apoſtolos ad nos, uſque tranſuſæ; ut v. g. illæ omnes, quæ ſunt circa fidem, vel Sacramentorum adminiſtrationem, ſive ſint de neceſſitate Sacramenti, ut ſunt materia & forma; ſive de neceſſitate præcepti, qualis eſt v. g. doctrina de aqua miſcenda calici, de qua S. Cyprianus ait (d): *Admonitos autem noſcias, ut in calice Domini offerendo, Dominica Traditio ſervetur; ut calix, qui in commemoratione ejus offertur mixtus aquâ offeratur.*

*Traditio temporanea, ſive temporalis dicitur illa, quæ ſive inſtituta ſit ad certum tempus, ſive illimitatè, talis tamen eſt naturæ, ut poſſit per Eccleſiam mutari, quales ſunt Traditiones purè Apoſtolica, quales & Eccleſiaſticæ omnes, prout mutæ ſunt variæ ab Apoſtolis tanquam Eccleſiæ Reſtoribus ortæ Traditiones, quales ſunt iſtæ v. g. *De trina immerſione olim in Baptiſmo ſervari ſolita. De quotidiana fidelium**

omnium communione post peractam consecrationem. De communione sub utraque specie à Laicis aliquando servata. De Agapis, seu communibus conviviis olim in Ecclesia fieri solitis. De matuo osculo post preces, sive de ritu se mutuo salutandi in oculo pacis. Hic nobis præcipue de Divinis Traditionibus agendum. Circa quas sit.

20

## CAPUT PRIMUM.

*De Traditionibus Divinis, earumque existentia, necessitate & auctoritate.*

**T**RIA circa Traditiones divinas præsentī Capite nobis præcipue examinanda sunt; an videlicet dentur & existant; quænam illarum sit auctoritas; & denique, an sint necessariae. Sit igitur

## CONCLUSIO I.

Præter scriptum Dei verbum datur etiam non scriptum, seu Traditio divina.

*Ph. Conclusio 1<sup>mo</sup>. ex S. Scriptura.*

Scriptura sacra audienda est & sequenda tanquam fidei nostræ regula: Ergo etiam verè datur, & audienda, ac sequenda, & tenenda est divina aliqua Traditio. Antecedens ultrò omnes admittunt etiam ii, qui traditiones divinas rejiciunt.

Consequencia probatur. Ipsa sacra Scriptura multis in locis Traditionem audiendam & tenendam esse docet, tam in veteri, quàm in novo Testamento: Ergo si audienda est & sequenda S. Scriptura: Traditio quoque divina audienda, tenenda & sequenda erit.

Prob. ant. ab inductione locorum S. Scripturæ, quibus hæc divina Traditio commendatur. 1<sup>mo</sup>. Ex veteri Testamen-

to: Deut. c. 32. v. 7. dicitur: *Interroga Patrem tuum, & annuntiabit tibi; Majores tuos, & dicent tibi.* Psalmo 43. v. 1. *Deus auribus nostris audivimus, Patres nostri annuntiaverunt nobis opus, quod operatus es in diebus eorum, & in diebus antiquis.* Isai. cap. 38. v. 19. *Pater filiis notam faciet veritatem tuam.* Jerem. c. 6. v. 16. *State super vias, & interrogate de semitis antiquis, quæ sit via bona. & ambulate in ea: & invenietis refrigerium animabus vestris.*

Eccli. c. 8. v. 11. *Non te pratercat narratio Seniorum: ipsi enim didicerunt à Patribus suis: quoniam ab ipsis discis intellectum, & in tempore necessitatis dubis responsum.*

Arqui apertum est, his locis veteris Instrumenti Scripturam Traditionem divinam commendare. Ergo constat ex Scriptura veteris Instrumenti, dari & audiendam esse Traditionem aliquam divinam.

2<sup>do</sup>. Ex Scriptura novi Testamenti. Joan. c. ult. v. 25. alt. Apostolus Evangelista: *sunt autem & multa alia, quæ fecit Jesus. quæ si scribantur per singula, nec ipsum arbitrò mundum capere posse eos, qui scribendi sunt, libros.* Ergo non omnia continentur in Scriptura Sacra, sed multa per Traditionem ad nos pe lata fuere de Christo ejusque præceptis. Verisimile enim non est, Apostolos, ea, quæ fecit & docuit Jesus, quæque scripta non fuerunt, Ecclesiæ non tradidisse.

Act. c. 1. v. 3. narrat Lucas: quòd *Christus se ipsum vivum post passionem suam in multis argumentis præbuit Apostolis suis, per dies quadraginta apparens eis, & loquens de regno Dei.* Id est, aperiens eis plurima fidei nostræ mysteria, juxta quod ante passionem suam eis promiserat dicens (c): *Adbuc multa habeo vobis dicere, sed non potestis portare modo.*

ad. Atqui hæc multa in Evangeliiis, quæ præ manibus tenemus, scripta non leguntur; pauca enim admodum de iis, quæ fecit & docuit JESUS, præsertim per quadraginta dies illos, Evangelistæ adnotarunt, prout ipsimet fatentur. Ergo plurima eorum tantum oretenus tradiderunt.

2. *Thessal. c. 2. v. 14* ait Apostolus: *Tenete Traditiones, quas didicistis, sive per sermonem, sive per Epistolam nostram.* Atqui etiam Traditiones non scriptas, seu per sermonem acceptas commendat Apostolus. Ergo &c.

1. *Cor. c. 11. v. ult.* scribit idem Apostolus: *cætera, cum venero, disponam.* Atqui quid, ubi Corinthum venit, disposuerit, nullibi scriptum invenitur: Ergo illud per Traditionem ad nos delatum fuisse censendum est; nempe circa Ministrorum ordinationem, & Altaris Sacrificium, prout verisimile est; loquitur namque hõc locò Apostolus de modo sumendæ Eucharistiæ. Quem Traditionem paulò ante commendaverat *v. 2.* his verbis: *Laudo vos fratres, quòd per omnia mei memores estis, & sicut tradidi vobis, præcepta mea tenetis.* Item *v. 13.* *Ego, inquit, accepi à Domino, quod & tradidi vobis.*

Idem Apostolus hisce Timotheum Discipulum suum alloquitur (*f*): *Formam habes sanorum verborum, quæ à me audisti in fide & dilectione in Christo JESU.* Item (*g*): *Tu ergo fili mi confortare in gratia, quæ est in Christo JESU: & quæ audisti à me per multos testes, hæc commenda fidelibus hominibus, qui idonei erunt & alios docere.* Ubi manifestè patet, loqui Apostolum de doctrina ad fidem & dilectionem spectante, & non scripto, sed viva voce tradita.

Ergo etiam sacra novi Testamenti Scriptura commendat fidei doctrinam aliquam, non scriptam sed traditam, seu

non scriptum sed traditum aliquod: Dei verbum, id est, Traditionem. Ergo ex S. Scriptura constat dari & audiendam esse Traditionem divinam quamdam.

Prob. 2do. Conclusio ex Conciliis, 21. 1mo. Quia ipsa decernunt Traditiones divinas suscipiendas esse & venerandas. Synodus Oecumenica V. (*h*) anathemate perculit eos, qui una & eadem adoratione Verbum Divinum simul cum sua carne assumpta adorare nollent, *sicut ab initio Ecclesiæ traditum est.* Quod quidem in sacra Scriptura nullibi clarè exprimitur. Canonem autem superiorem sic concludunt, sanctæ hujus Synodi Patres: *Quia igitur hæc ita rectè confessi sumus, loquuntur de unione hypostatica duarum naturarum in Christo sine ulla earum confusione) quæ tradita nobis sunt tam à Divinis Scripturis, quam à SS. Patrum Doctrina, & ab his, quæ definita sunt de una eademque fide à prædictis quatuor sanctis Conciliis.*

In sexta Synodo generali (*i*) Sophronius Patriarcha Hierosolymitanus sexcenta & amplius SS. Patrum loca contra Monothelitas protulit (quod testatur Stephanus Episcopus Dorensis in Synodo Romana sub Martino I. habita, & patet etiam ex actione decima sexti Concilii Oecumenici) ut demonstraret perpetuam Ecclesiæ Traditionem ab Apostolis acceptam Monothelitarum errori omninò contrariam esse.

In septima Synodo Nicenæ contra Iconoclastas congregata (*k*), undè Nicæna secunda nuncupatur; unanimiter profitentur Episcopi, *se Traditiones Ecclesiasticas* (id est, à Christo & Apostolis Ecclesiæ consignatas) *sive scripto sive consuetudine valentes & decretas retinere velle.* Deinde regiam viam appellat adherere Traditionibus & SS. Patrum doctrinæ. Actione item 6ta: *Quòd autem, inquit, cum multis aliis, quæ in Ecclesiâ observam-*

t. 2r

(f) 1. Timoth. c. 1. v. 13. (g) Cap. 2. v. 1. (h) An. 553. (i) An. 680. (k) An. 787.

tur sine Scriptura, nobis imaginum veneratio tradita sit, ab Apostolorum temporibus latè per historias traditum est. Denique aët. 7ma. in fine hæc eloquuntur memorati Patres: *Si quis Traditionem Ecclesiæ, sive scripto, sive consuetudine valentem non curaverit, anathema sit.*

Octava Synodus Oecumenica (N) Traditionum auctoritatem can. 1mò. aët. 10mà. confirmat his verbis: *Ut rectam, regiamque divinæ justitiæ viam sine erroris offensa teneamus, SS. Patrum Decreta, veluti inextincta quadam semperque lucentes faces sequenda sunt. Quapropter Sanctiones Ecclesiæ Catholicae & Apostolicæ per Traditionem, tum à sanctis omnibus laudis præconis celebrandis Apostolis, tum ab Orthodoxis, Oecumenicisque & Provincialibus Conciliis, aut à quovis Deologo Patre & Ecclesiæ Doctore acceptas, servandas, custodiendasque profitemur. Traditiones enim sive per Sermonem, sive per Epistolam Majorum nostrorum, qui vitæ sanctitate nobis prælucruerunt acceptas magnus Apostolus tenendas monet.*

Denique Concilium Tridentinum (m) Sess. 4. definit Traditiones Apostolicas, quæ quasi per manus transmissæ ad nos usque pervenerunt, æqualis esse cum verbo Dei scripto auctoritatis. En ipsius verba: *Sacrosancta, Oecumenica & Generalis Tridentina Synodus perspicuens veritatem fidei, & disciplinam morum contineri in libris scriptis, & sine Scripto in Traditionibus, quæ ipsius Christi ore ab Apostolis acceptæ, aut ab ipsis Apostolis Spiritu sancto dictante, quasi per manus tradita, ad nos usque pervenerunt, Orthodoxorum Patrum exempla secuta, omnes libros tam veteris quàm novi Testamenti, cum utriusque unus Deus sit auctor, necnon Traditiones, tum ad fidem, tum ad mores pertinentes, tanquam vel oriturus à Christo, vel à Spiritu sancto dicta-*

*tas, & continua successione in Ecclesiâ conservatas, pari pietatis affectu ac reverentia suscipit, & reveretur. Hæc Concilium Tridentinum de Traditionibus, quibus hæc subjungit: Si quis Traditiones prædictas sciens & prudens contemserit, anathema sit.*

Ergo ex sacris Ecclesiæ Conciliis constat dari, & suscipiendas, ac venerandas esse Traditiones divinas.

2do. Quia nedum, ut vidimus, ipsa sacra Ecclesiæ Concilia hujusmodi Traditiones dari, & suscipiendas esse declarant, sed etiam suo usu & praxi docent, non aliâ viâ citius à se fuisse extinctas hæreses, & debellatos Hæreticos, quàm Traditionis auctoritate: Sic enim Romana secunda Synodus sub Cornelio Papa habita annò 255. Traditione Novatianam confodit hæresim. Sic Antiochena sub Dionysio Papa celebrata annò 266. Paulum Samosatenum Traditione devicit. Sic Nicæna Oecumenica prima sub Silvestro Papa habita annò 325. ex doctrina non scripta, seu Traditione Arium debellavit, ut disertè testatur Theodoretus. (n) Et si enim quædam Scripturæ poterant adferri contra Arium, tamen, quia Arius etiam proferebat Scripturas; ex doctrina non scripta, sed per manus Patrum sibi in Ecclesiâ succedentium tradita eum confutaverunt, & damnarunt. Sic Constantinopolitana I. sub Damaso Papa annò 381. Macedonium evertit. Sic Milevitana II. an. 416. sub Innocentio I. Pelagium confudit. Sic Ephesina I. sub Celestino, annò 431. Nestorium. Sic Chalcædonensis sub Leone I. an. 451. Eutychem. Sic Bracarenis annò 563. sub Joanne III. habita Priscillianistas. Sic denique Nicæna II. sub Adriano I. an. 787. Iconomachos expugnavit, & sacrarum Imaginum cultum ex Traditione venisse Apostolica pronuntiavit &c.

Ergo

(4) An. 869. (m) Ab. an. 1545. usque ad an. 1569. (n) Lib. 1. P. 1. c. 8.

Ergo ex sacris Ecclesiæ Conciliis manifestè patet, dari, & suscipiendas ac venerandas esse Traditiones divinas, easque utiles & necessarias esse ad refellendos hæreticos, & extinguendas hæreses.

22 Prob. 3tio. ex testimoniis Summorum Pontificum. 1mo. S. Fabianus Papa & Martyr, vel quisquis alius, epist. 2. ad Episcopos Orientis, postquam docuerat, singulis annis sacrum Chrisma renovandum esse, hæc subjunxit: *Ista à sanctis Apostolis, & eorum successoribus accepi-mus, vobisque teneunda mandamus.* Et certè de Chrismate renovando nihil in sacris Litteris legimus.

2do. S. Innocentius I. epist. 1. quæ est ad Decentium: *Si instituta, inquit, Ecclesiastica, ut sicut à beatis Apostolis tradita, integra vellent servare Domini Sacerdotes, nulla varietas in ipsis ordinibus, & consecrationibus haberetur.* Ibidem c. 3. docet, Confirmationem etiam parvulis conferendam, & à solo Episcopo, & sub certa verborum forma; de qua forma nihil in Scripturis sacris apertè continetur.

3tio. S. Leo I. Sermone de Quadragesima: *Apostolica, inquit, institutio quadragesima dierum jejuniis impleatur.* Et Serm. de jejuniis Pentecostes: *Dubitandum non est, Dilectissimi, omnem observantiam Christiannæ eruditionis esse divi-nam, & quidquid ab Ecclesia in consuetudinem est devotionis receptum, de traditione Apostolica, & de Spiritus sancti prodire doctrina.* Vide etiam Serm. 8. & 9. de jejuniis septimi mensis.

23 Pb. 4to. Ex SS. Patribus tam Græcis, quàm Latinis.

Ex Græcis 1mo. S. Dionysius Areopagita, seu Auctor Ecclesiastica Hierarchie, qui antiquissimus est, & cujus Opera in sexta, septima, & octava Synodis Oecumenicis, necnon à S. Gregorio P. Cartier Theol. Tom. I.

Magno Hom. 34. in Evang. laudantur, hæc de traditionibus eloquitur (o): *Primi illi Sacerdotalis muneris nostri duces, summa illa & supersubstantialia partim scriptis, partim non scriptis institutionibus suis nobis tradiderunt.*

2do. S. Polycarpus apud Eusebium (p) S. Irenæo discipulo suo referebat plurima, quæ à Domino dicta ab Apostolis audiverat.

3tio. S. Justinus Martyr in Apologia circa finem ait, Christum Apostolis tradidisse, convenire singulis diebus Dominicis consecrare vinum aqua mixtum &c.

4to. S. Ignatius Martyr apud Eusebium (q) ait, *se ad certiores posteritatis notitiam traditiones Apostolorum sub testimoniis confirmatis scriptis mandare necessarium duxisse.*

5to. S. Irenæus lib. 3. c. 4. hæc inter alia multa scribit: *Hæc ordinatione, & successione Pontificum, ea, quæ est ab Apostolis, in Ecclesia traditio, pervenit usque ad nos.* Item c. 2. loquens de Cerinthianis, Valentinianis, & aliis hæreticis, cum antem, inquit, ad eam traditionem, quæ est ab Apostolis, & quæ per successionem Presbyterorum in Ecclesiis custoditur, provocamus eos, adversantur traditioni. Et cap. 4. *Quid autem, inquit, si neque Apostoli quidem Scripturas reliquissent nobis, novæ oportebat ordinem sequi Traditionis, quem transierunt iis, quibus committebant Ecclesias? cui ordinationi assentiunt multa gentes barbarorum illorum, qui in Christum credunt, sine charactere vel atramento scriptam habentes per Spiritum sanctum in cordibus suis salutem, & veterem Traditionem diligenter custodientes.*

6to. Papias Lib. 4. *Von his, ait, qui multa dicunt, sed qui vera docent, oblector; neque ex illis, qui aliena & nova mandata commemorant; sed ex his, qui recordatione renovant ea, quæ sunt à Domino*

H h

mino

mino per fidem tradita, & ab ipsa veritate profecta, voluptatem capio. Si quis Presbyter mihi fortè occurrebat, qui cum Apostolis conversatus fuisset, dicta Apostolorum ab eo diligenter sciscitabar; nempe, quid Andreas dixisset, quidnam Petrus, quid Philippus, quid Thomas, quid Jacobus, quid Joannes, aut Matthæus, aut quis alius Domini Discipulus. . . . Neque enim ea, quæ in libris pandebantur, tantum mihi subsidii allatura existimavi, quantum ea, quæ acceperam ex hominum voce & sermone, qui adhuc in vita manebant.

7mo. Clemens Alexandrinus apud Eusebium (r), ait: se compulsus à fratribus esse, ut Traditiones, quas ab antiquioribus Presbyteris, id est, Apostolorum Discipulis, acceperat, scripto posteris traderet. Hoc autem præstitit in lib. de Pascebat.

8vo. Origenes in c. 6. Ep. ad Rom. ait: Ecclesiæ ab Apostolis Traditionem accepit, etiam parvulus Baptismum dare. Et Hom. 5. in Num. multas Traditiones Apostolicas enumerat.

9no. S. Athanasius libro de decretis Nicænæ fidei contra Eusebium hæc eloquitur: Ecce nos quidem, ex patribus ad patres, per manus traditam fuisse banc sententiam demonstravimus; vos autem, o novi Judæi, & Cniphæ filii, quos tandem nominum vestrorum potestis ostendere progenitores?

10mo. S. Basilus Magnus de Spiritu sancto c. 27. ait: Dogmata, quæ in Ecclesiâ prædicantur, quædam habemus à doctrina scripto prodita, quædam rursus ex Apostolorum Traditione in mysterio, id est, in occulto, tradita recepimus, quorum utraque parem vim habent ad pietatem, nec his quisquam contradicit, quisquis sanctæ vel tenuiter expertus est, quæ sint jura Ecclesiastica . . . . Quod ge-

mus est, ut ejus, quod primum est, & vulgatissimum, primò locò communem, ut signò crucis eos, qui spem collocarunt in Christum, signemus, quis scripto docuit? Ut ad Orientem versi precemur, quæ docuit Scriptura? Et hom. 28. contra Sabellium, Arium, & Anomæos: Et, inquit, ne Spiritum sanctum à Patre & Filio separet, absterreat te Dominica Traditio; Dominus ita docuit, Apostoli prædicarunt, Patres observaverunt, Martyres confirmarunt; satis tibi sit, ut dicas quemadmodum S. Cyrillus Hierosolymitanus Catechesi 5. dicens: Videte itaque fratres, ut servetis Traditiones, quæ nunc accepistis, & in latitudine cordis eas describite, ut cum pietate eas custodiatis.

11mo. S. Gregorius Nazianzenus Orat. 1. in Julianum, ubi postquam dixisset, propter dogmata Testamenti veteris & novi doctrinam Ecclesiæ visam fuisse Juliano mirabilem, statim hæc addit: Ceterum majorem atque insigniorem ob eas Ecclesiâ figuras, quas Traditione acceptas in hunc usque diem servamus, &c. Ubi per figuras Ecclesiæ paulò post se intelligere dicit disciplinam, politiæ, ordinem Ecclesiæ, rationem psallendi, modum pœnitentiæ imponendæ, sacraria in Templis, Monachorum ac Virginum cœnobîa, & alia permulta ex sola Traditione profecta.

12mo. S. Epiphanius Hæres. 61. oportet, inquit, autem & Traditione uti; non enim omnia à divina Scriptura possumus accipi; quapropter aliqua in Scripturis, aliqua in Traditione sancti Apostoli tradiderunt, quemadmodum dicit Apostolus, sicut tradidi vobis. Et Hæres. 69. Respondete nobis, ait, Arii discipuli, ingenium dicimus omnes simul Patrem & incrementum; & admirabilis est dictio, scilicet, ubi itaque est dictio hæc scripta, ostend-

(r) Hist. l. 6. cap. 13.

*ostendite? neque enim Lex, neque Prophetæ, neque Apostoli &c.*

13tio. S. Chrysostomus in 2. ad Thesal. hom. 4. *Stete, inquit, & tenete; hinc est perspicuum, quod non omnia per Epistolam tradiderunt, sed multa etiam sine scripto, & ea quoque sunt fide digna; quamobrem Ecclesia quoque Traditionem ætèrnæ esse, fide dignam; est Traditio, nihil quæras amplius.*

14to. S. Joannes Damascenus lib. 4. de fid. Orthodox. cap. 17. circa finem. *Quod autem, ait, Apostoli quam plurima nullæ Scripturæ sacre locis prodita nobis tradiderint, his verbis testatur ille gentium Apostolus Paulus: Tenete Traditiones &c.*

Ex Latinis 1mo. Tertullianus lib. de coron. milit. cap. 4. post enumeratas nonnullas Christianæ Religionis observationes & caeremonias de baptismo, de signo crucis, de oblationibus pro defunctis, & similes alias, hæc subiungit: *Harum & aliarum ejusmodi disciplinarum, si legem exposulas, Scripturam nullam invenies; traditio tibi præstatur auctrix, consuetudo confirmatrix, & fides observatrix; rationem Traditioni, consuetudini, fidei patrocinatram, aut ipse perspicies, aut ab aliquo, qui perspexit discies.*

2do. S. Cyprianus lib. 1. Epist. 12. *Ungt quoque, inquit, necesse est eum, qui baptizatus sit &c.* At id non ex S. Scriptura duntaxat, ut quæ de hoc profundè sileat, sed ex Traditione habetur. Item lib. 2. Epist. 2. *Admonitos nos scio, ait, ut in calice offerendo Dominica traditio servetur, ut calix, qui in commemoratione ejus offertur, mixtus aquæ offeratur.*

3tio. S. Hilarius Pictaviensis lib. contra Constantium, Imperatorem Arianum hæc objicientem: *Nolo verba, qua non sunt scripta legi, hisce respondet: Rogo, quis Episcopus jubent? quis Apostolicæ prædicationis vetet formam? Quibus*

verbis duo intendit Hilarius: 1mo. *prædicationem consubstantialitatis Patris & Filii, etsi non expressam in Scripturis, esse tamen Apostolicæ prædicationis.* 2do. *Vocem ipsam Opus'ærum, licet novam, & nullibi in Scripturis expressam, retinendam tamen, quia Apostolicæ prædicationi, seu Traditioni conformem.*

4to. S. Ambrosius Serm. 25. 34. & 36. *Quadragesimam à Christo præscriptam docet.* Et Serm. 38. *Symbolum Apostolorum Traditionem Apostolicam esse non scriptam asserit.*

5to. S. Hieronymus Epist. ad Marcellam de erroribus Montani: *Nos, inquit, unam Quadragesimam ex Apostolica Traditione tempore nobis congruo jejunamus.* Et in Dialogo adversus Luciferos c. 4. *Etiamsi Scripturæ auctoritas non subesset, totius orbis in hanc partem consensus, instar præcepti obtineret; nam & multa alia qua per Traditionem in Ecclesiis observantur, auctoritatem sibi scriptæ legis usurpaverant, velut lavacrum ter capite mergitare; deinde egressos lactis & mellis prægustare concordiam, ad infantia significationem; die Dominico, & per omnem Pentecosten, nec de geniculis adorare, & jejunium solvere; multaque alia, qua scripta non sunt, rationabilis sibi observatio vindicavit.*

6to. S. Augustinus de baptismo contra Donatistas lib. 4. c. 24. *Quod universa, ait, tenet Ecclesia, nec Concilii institutum, sed semper retentum, nonnisi auctoritate Apostolica traditum redivivum creditur.*

7mo. S. Petrus Chrysologus Serm. 85. *Christianus animus, ait, qua sunt Traditione Patrum, & ipsi roborata temporibus, nescit in disputationem deducere, sed venerari, ac totò desiderat venerationis eloqui.*

8vo. S. Gregorius Magnus lib. 9. Epistolarum Epist. 61. *Ab antiqua, inquit, Patrum institutione didicimus, ut quilibet,*

H h 2



*bet, qui apud barem in Trinitatis nomine baptizatur, cum ad sanctam Ecclesiam redeant, aut unctione chrismatis, aut inpositione manus, aut soli professione fidei ad sinum matris Ecclesie revocentur.*

9no. Denique, 'omissis aliis, Vincencius Lirinensis Commonit. cap. 32. ait: *Ecclesiam per decreta & definitiones Conciliorum aliud non agere, nisi id, quod à suis antecessoribus, seu Apostolis per traditionem non scriptam accepit, fidelibus per Scripturam communicare.*

Ergo ex horum omnium aliorumque quos brevitas grati hic omittimus, unanimi SS. Patrum consensu, constat dari in Ecclesia Christi, præter Scripturam sacram, fidei doctrinam aliquam non scriptam, sed vivâ voce Apostolis à Christo traditam, & ab Apostolis, per successores, ad nos usque transfusam.

- 24 Prob. 5to. Rationibus Theologicis. 1mo. Multa credimus fide divina, quæ in sacra Scriptura expressa non sunt: Ergo multa sunt, quæ solum vivâ voce à Christo Apostolis, & ab his Ecclesie tradita fuerunt; & consequenter dantur Traditiones. Ant. pb. Divina fide credimus, quod B. V. Maria Deipara fuerit semper, etiam post partum, Virgo. Quod parvuli sint baptizandi, etiam ante rationis usum. Quod baptizati ab Hæreticis non sint rebaptizandi. Quod ad Baptismi valorem hæc sit adhibenda forma, *Ego te baptizo in nomine Patris &c.* Quod detur & existat apud nos Scriptura verè divina, seu quæ sit verum Dei verbum. Quod hi & illi ipsius libri, & non alii, sint Canonici &c.

Atqui hæc & alia permulta, quæ fide divina credimus, non habemus ex scripto Dei verbo, seu ex sacra Scriptura, ut quæ nullibi de iis quidpiam expressè memoret; Ergo ex tradito & non scripto Dei verbo, seu ex Traditione divina ab

Apostolis Spiritu sancto illustratis consignata.

2do. Apostoli non omnia scripserunt, quæ prædicarunt: Ergo multa nobis per Traditionem reliquerunt. Ant. prob. Apostoli ob certas duntaxat occasiones ad scribendum fuerunt compulsi: Ergo ea tantum scripserunt, ad quæ conscribenda occasiones illæ eos compellebant. Sic S. Joannes, quia, prout testatur S. Hieronymus (1), occasione hæresis Cerinthi & Ebionis, qui negabant Christi divinitatem, Evangelium suum conscripsit, præcipuè ea, quæ ad Christi divinitatem comprobendam pertinent, scripto mandavit, ut patet ejus Evangelium legenti. Ergo Apostoli plura nobis per Traditionem reliquerunt.

3tio. Multa quantum ad Sacramentorum administrationem fide divina credimus, quæ nullibi in Scriptura sacra notantur: Ergo ea ex Traditione divina credimus. Ergo datur talis divina traditio. Ant. prob. ex passim dictis. const. patet.

4to. In lege Naturæ & Mosaica fuerunt aliquæ Traditiones divinæ: Ergo etiam in lege nova. Si enim in veteri, cur non quoque in nova dentur. Ant. prob. quantum ad legem Naturæ: In lege Naturæ fuit divina fides. Ergo in lege Naturæ fuerunt aliquæ revelationes divinæ: atqui revelationes illæ non fuerunt ab aliquo sacro auctore scriptæ. Ergo revelationes illæ vivâ tantum voce traditæ & conservatæ fuerunt. Quod autem in lege Naturæ fuerit fides divina, patet ex eo, quod in ea fuerint iusti: *iustus autem ex fide vivit, & sine fide impossibile est placere Deo*, ut ait Apostolus. (2) Deinde Deus Adamo multa revelavit ante ipsius lapsum, ut existentiam suam, Mysterium SS. Trinitatis, immortalitatem animæ, supplicium æternum impiis, & æternam beatitudinem iustis in altera vi-

ta

(1) In catalogo. (2) Heb. 10. v. 18. & cap. 11. v. 6.

ea præparatam. Item post ejus lapsum, ei revelavit venturum Messiam Deum & hominem &c. remedium parvulis adhibendum ad delendum peccatum originale &c. item plura alia circa cultum Dei externum &c. Hæc autem omnia Adamus non scripto, sed viva voce tradidit filiis suis, qui & ea posteros suos viva similiter voce docuerunt. Plura etiam procul dubio Deus revelavit Setho, Enos, Enocho, Noemo & Abrahamo, qui ea non calamo sed ore posteris suis tradiderunt.

Pb. ant. etiam quoad legem Mosaicam; Judæi fide divina multa credebant explicitè, quorum tamen in veteri Testamento nulla sit expressa mentio; ut sunt animæ immortalitas; mortuorum resurrectio in fine mundi; poena temporaria in altera vita pro peccatis remissis debita & persolvenda; masculis ante diem octavum, post ortum suum, morientibus, & foemellis peccati originalis condonatio per ritum aliquem externum &c. Atqui illa credebant propter revelationem divinam: Ergo propter Traditionem divinam.

Deinde vera legis scriptæ intelligentia, quam Moyses tradidit Sacerdotibus; ut eâ ad controversias circa sensum legis exortas dirimendas juvarentur, fuit vera traditio divina; fuit enim nova revelatio per Moysen à Deo, non scriptotenus, sed via voce facta Sacerdotibus. Ergo &c.

Denique hunc vel illum librum esse divinæ auctoritatis scire aut credere non poterant sine traditione; quemadmodum & in lege nova idipsum nosse aut credere sine traditione non valemus. Ergo datur traditio Divina, seu verbum Dei non scriptum.

## CONCLUSIO II.

Traditiones divinæ eandem habent auctoritatem ac Scripturam Divinam.

Prob. Conclusio 1mo. ex sacra Scriptura, & quidem ex textibus & sententiis ab illa petitis ac conclusione præcedenti à nobis adductis, quibus divina Traditionum Christi & Apostolorum auctoritas, non secus ac ipsius S. Scripturæ commendatur. Apostolus profectò quando hisce Thessalonicensibus alloquitur (u): *State, & tenete Traditiones quas didicistis sive per Sermonem, sive per Epistolam nostram.* Eandem rationem habet Traditionum ac Scripturæ sacræ seu Epistolæ suæ; ergo & etiam juxta eundem Apostolum eadem est utriusque auctoritas, divina nempe.

Item ubi Timotheum hortatur his verbis (x): *Formam habere sanorum verborum quæ à me audisti in s. .... bonum depositum hoc custodi.* Item (y): *Quæ audisti à me per multos testes, hæc commenda fidelibus hominibus, qui idonei erunt, & alios docere.* Certum est, hic loqui Apostolum de verbis non scriptis, seu vivæ vocis traditione, prout etiam testes sunt Chrysostomus & Theophylactus, (z), non verò de verbis à se scriptis; nam, *quæ à me audisti*, inquit, non *quæ scripsi tibi.* Atqui hæc sua verba non scripta seu Traditionem suam prorsus eadem commendat ratione ac ipsam Scripturam sacram, ut patet, Ergo &c.

Idem significat S. Joannes Apostolus, fideles omnes, ad quos scribit, hisce alloquens (a): *Vos, quod audistis ab initio in vobis permaneat.* Non enim ait, *Quod legistis, sed quod audistis.* Ergo & ipse Traditionem commendat velut auctoritatis divinæ.

Prob. Conclusio 2do. auctoritate Conciliorum supra Conclusionem primam adductorum. Quæ Traditiones divinas æquæ ac sacram Scripturam velut fidei regulas suscipiendas esse definiunt; atque omnes

H h 3

illos

(u) 2. ad Thessal. cap. 2. (x) 2. ad Tim. cap. 1. (y) Ibid. cap. 2. v. 2. (z) in hunc Apostoli locum. (a) Ep. 1. cap. 2. v. 24.

illos, qui eas contemserint, anathemate percellunt. Vide cit. loc.

- 27 Prob. 3tio. auctoritate summorum Pontificum, quorum effata loc. cit. adduximus, præcipue autem S. Leonis I. qui, *dubitandum non est*, inquit (b), *omnem observantiam Christianam esse divina evaditionis, & quicquid ab Ecclesia in consuetudinem est devotionis receptum, de traditione Apostolica, & de Spiritu sancti prodire doctrina.*

- 28 Prob. 4to. Ex sanctis Patribus tam Græcis, quam Latinis.

Ex Græcia quidem, præter ea, quæ sæpe dicta Conclusionem 1ma. ex illis teximus, notatu digna sunt, quæ ait S. Irenæus (c): scilicet, *Quid autem, sineque Apostoli Scripturas reliquissent nobis, nonne oportebat ordinem sequi traditionis, quam tradiderunt iis, quibus committunt Ecclesias.* Quibus aperte eandem esse Traditionem ac S. Scripturæ auctoritatem innuit.

Consonat S. Basilii ibidem citatus, cum (d), postquam asseruit, dogmata fidei nostræ partim ex scripta, partim ex tradita doctrina haberi, sic concludit: *Qua utraque ad pietatem vim habent, & nemo his contradicit.*

Ut & S. Chrysostomus, qui (e), postquam perspicuum esse dixit, quod Apostoli non omnia in scriptis, sed etiam aliqua sine litteris tradiderint, subjungit: *quidem verò fide digna sunt tam ista, quam illa.* Vide sup. loc. cit.

Ex Latinis autem, præter illorum, quas sup. adduximus, auctoritates, conclusionem nostram adhuc roborant ea, quæ imo. Tertullianus lib. de corona Militis cap. 3. eloquitur in hæc verba: *Etiā in Traditionis obtentu exigenda est, inquis, auctoritas scripta.* Ergo

*quæramus, an & Traditio non scripta non debent recipi? Planè negabimus rectipiendam, si nulla exempla præjudicent aliarum observationum, quas sine illius Scripturæ instrumento, solius Traditionis titulo exinde consuetudinis patrocinio vindicemus.*

Multi, inquit etiam S. Augustinus (f), non inveniuntur in litteris eorum (Apostolorum) & tamen quia custodiuntur sicut cetera, quæ ibi sunt per universam Ecclesiam, restit ab Apostolis tradita creduntur.

Vincencius Lirinensis toto Commonitorio sui libro probat Traditioni esse inhærendum in rebus, quæ fidem & mores spectant. Cap. 2. querit, quæ via Catholica veritas ab Hæretica pravitate discerni possit? respondetque, *id fieri posse, tum divina legis scriptæ auctoritate, tum Ecclesiæ Catholicæ auctoritate.*

Prob. 5to. Rationibus Theologicis: imo. 29 Traditiones divinæ non minus sunt verbum Dei, quam sacra Scriptura; cum fuerint partim ore tenus à Christo, partim à Spiritu sancto Apostolis transmissæ: Ergo Traditiones divinæ eandem habent auctoritatem ac sacra Scriptura; Verbum enim Dei sive scriptum sit sive non, æqualem semper habet auctoritatem; non quippe ex eo suam auctoritatem sumit Scriptura sacra, quod scripta sit, sed quod sit verbum Dei.

2do. Traditiones divinæ sunt æquæ infallibilis & primaria fidei nostræ regula ac sacra Scriptura: Ergo & ejusdem cum ea sunt auctoritatis. Pb. ant. imo. Pluribus annis post Christi mortem nulla extitit novi Testamenti Scriptura; ejusdemque Testamenti libri variis successivè temporibus con-

(b) Serm. de jejun. Pent. (c) Lib. 3. cap. 4. (d) Lib. de Spiritu S. cap. 28. (e) In 2. ad Thessal. hom. 4. (f) Lib. 2. de Bapt. cap. 7.

conscripti fuere. Imo appositè S. Irenæus testatur (g), suo adhuc tempore, id est, sub finem sæculi secundi, fidei puritatem integram conservatam fuisse apud multas barbaras gentes sine caracere vel attramento sed sola Traditione; prout sup. retulimus. Ergo tum temporis sola Traditio, quam ab Apostolis acceperant hi fideles, erat eorum fidei regula.

Prob. ant. 2do. Primis temporibus Ecclesia super solis Traditionibus fundata erat. Ergo hæc erant ejus fidei regula, adeoque divinæ auctoritatis. Prob. ant. Si Ecclesia primis Temporibus non solis Traditionibus fundata fuisset; Christus doctrinam suam scriptis mandare Apostolos jussisset. Atqui hoc non fecit. Ergo &c. Prob. min. Christus Apostolis suis præcepit ut Evangelium suum omni creaturæ (b) prædicarent duntaxat. Ergo &c. Deinde, si Christus ipsos jussisset scribere Evangelicam doctrinam, illam utique vel singuli pro singulis regionibus, ad quas transire erant, vel simul congregati pro universo orbe scripsissent; quemadmodum communiter edidisse symbolum Fidei non scripto duntaxat, sed viva voce creduntur. Atqui neutrum præstiterunt. Ergo &c.

Prob. 3tio idem antecedens. Apostoli solam Traditionem ad fidem stabiliendam sufficere arbitrati sunt; neque ad id sacram Scripturam per se necessariam esse crediderunt. Ergo &c. Prob. ant. Apostoli sua Evangelia & Epistolas tantum externa quadam occasione impulsu, non verò ex professo conscripserunt. Ergo ea ex natura sua necessaria esse ad stabiliendam fidem non censuerunt, sed solam Traditionem ad id sufficere arbitrati sunt. Prob. ant. S. Matthæus suum Evangelium à Pales-tinæ fidelibus, quos ad fidem adduxerat, cum brevi eos derelicturus, & ad eam, quæ sibi forte obtigerat, regionem profe-

cturus esset, exoratus scripsit, ut aliquod doctrinæ suæ monumentum ipsis relinqueret. (i) S. Marcus verò Romanorum precibus victus Evangelium suum scripsit, atque in eo pleraque, quæ à S. Petro audiverant eis tradidit. (k) S. Lucas, quia viderat, multos ea, quæ non noverant, ausos esse litteris mandare, Evangelium suum exaravit. S. Joannes familiarium suorum rogatu Evangelium suum vulgavit, prout testatur Clemens Alexandrinus. (l) Acta Apostolorum non nisi ad manifestandum Religionis Christianæ progressum promulgata fuere. S. Paulus Epistolas suas potissimum occasione quarumdam controversiarum sedandarum conscripsit. Imò etsi quamplurimas fundavit Ecclesias, ad septem vel octo duntaxat Epistolas tamen misit; in quibus non de omnibus quidem fidei mysteriis differit, sed de quibusdam tantum, prout videlicet circumstantiæ exigebant. Ergo Apostoli ad fidem stabiliendam Scripturam sacram per se necessariam esse non censuerunt, sed solam sufficere Traditionem crediderunt. Ergo eandem habet auctoritatem.

Prob. Conclusio 3tia ratione Theologica: Multa de fide absolute credimus, quæ non ex S. Scriptura, sed ex sola Traditione habemus, prout argumento 2to à ratione in priori Conclusionem ostendimus; atque ea eadem fide tenemus ac si expressè in sacris litteris scripta forent. Ergo Traditio eandem habet auctoritatem ac S. Scriptura.

### CONCLUSIO III.

30

*Traditiones divinae sunt necessariae ad fidem stabiliendam.*

Prob. Conclusio 1mo ex S. Scriptura, & quidem iisdem omnibus textibus & sen-

(g) Lib. 3. c. 4. (h) Marc. c. 16. (i) Euseb. Hist. l. 6. c. 24. (k) Idem ib. l. 3. c. 13. (l) Apud Euseb. Hist. l. 6. c. 14.

tentiis, quas prioribus duabus Conclusionibus adduximus. Perperam enim sacri Scriptores illi Traditiones divinas tantò studio commendassent, nisi easdem omnino ad tuendam veram Religionem necessarias reputassent. Frustrà, inquam, Apostolus Timotheum suum tanto fervore ad easdem conservandas adhortatus fuisset, nisi eas ad fidem Christianam stabilendam necessarias censuisset.

31 Prob. 2do. Ex Conciliis: quæ imò ad quascunque damandas hæreses Traditionem velut infallibile & necessarium argumentum adhibuerunt; prout supra Conclusionem prima argumentò 2dò ab auctoritate Conciliorum petito luculenter demonstravimus. 2do. Ad sacrorum librorum Canonicam auctoritatem firmandam, atque sententiarum illis contentarum genuinum & verum sensum eruendum Traditionem necessariam duxerunt. Sic Concilium Nicænum, quamvis perpetua Ecclesiæ Traditione, & omnium SS. Ecclesiæ Patrum, qui ante illud scripserant, sententiâ Arium damnarunt, ut Auctor est Athanasius in suis passim Apologeticis, tamen etiam Scripturarum testimonio utum est, sed ad Traditionis normam expensarum, ut testis est Theodoretus. (m)

Sic Concilium Romanum sub Gelasio Papa I. sacrorum librorum Canonem non nisi ex Traditione definivit; quemadmodum & Concilium Florentinum sub Eugenio Papa IV. Ut nihil de Concilio Tridentino dicamus. Vide, quæ cit. loc. differimus.

32 Prob. 3tio. auctoritate summorum Pontificum. Præter ea testimonia, quæ prioribus duabus Conclusionibus ex iis adduximus. 1mo. S. Stephanus Papa I. Sanctum Cyprianum ejusque a seclis rebaptizantium erroris Seditores alio efficaciori argumento non putavit esse convincendos, quam Traditionis Divinæ & Aposto-

licæ oppositione: *Nihil immovetur*, inquit in sua ad S. Cyprianum Epistola, *nisi quod traditum est.*

2do. Innocentius Papa I. Epistolâ ad Exuperium, aliam Canonis sacrorum librorum à se juxta ipsius petitionem stabiliti rationem non dedit, nisi Traditionis antiquitatem Epistolâ quoque ad Decent. c. 3. parvulis confirmationem esse conferendam Traditione demonstrat.

Prob. 4to. Auctoritate Patrum, quorum effata prioribus Conclusionibus jam protulimus, & quæ Traditionis divinæ necessitatem, non minus, quam ipsius existentiam demonstrant. Insuper inter Græcos imò Origenes, ex Traditione, inquit (n), *accepi de quatuor Evangeliiis, quæ sola in universa Dei Ecclesia citra controversiam admittuntur.*

2do. S. Irenæus lib. 3. c. 2. docet, *hereticos non posse convinci ex Scripturis. C. 3. & 4. verò ait, non aliam esse viam perveniendi ad veritatem, quam consulendo Ecclesiis, in quibus est successio Episcoporum ab Apostolis, & considerando quid ibi docetur, & quam dicant illæ Ecclesiæ esse Traditionem Apostolicam.*

3tio. S. Epiphanius Hæres. 61. *Oporet, inquit, & Traditionem uti; non enim omnia à divina Scriptura accipi possunt.*

4to. Serapion Episcopus Antiochenus apud Eusebium (o) his duabus regulis usus est ad examinandum, utrum Evangelium Petri nomine inscriptum Canonicum sit necne? Indagavit scilicet, 1mo. An communi Ecclesiæ fidei non sit contrarium. 2do. An in Traditione fundetur. Ideo igitur illud rejicit, quia, inquit, *compertum habemus illud à Majoribus nos minime accepisse. Item, quia deprecabimur multa qui se in eo Evangelio cum recta Servatoris nostri fide consentire, non-*

nonnulla verò discrepantia à recta fidei ratione adjuncta esse.

1<sup>ro</sup>. S. Athanasius lib. de Decretis Nicenæ Synodi contra Eusebium; Ecce, inquit, nos quidem à Patribus ad Patres traditum hanc fuisse sententiam demonstravimus. Vos autem ô novi Judæi... quos tandem nominum vestrorum potestis ostendere progenitores? Loquitur hic de consubstantialitate filii Dei cum Patre, quam proinde ex sola Traditione demonstrat.

Ex Patribus Latinis, imò. Tertullianus lib. de præscript. c. 17. 18. & 19. totus est in probanda Traditione adversus Hæreticos, quòdque ipsa ad eos convincendos & confundendos fortior sit Scripturâ; Imò tuetur, omnem ferè Hæreticorum disputationem ad Traditiones à Majoribus acceptas esse referendam, atque ex Scriptura sine Traditione vix ullum contra Hæreticos commodum esse sperandum. *Quid promovebis, inquit, exercitatissime Scripturarum, cum si quid defenderis negetur, aut si quid negaveris defendetur? Et tu quidem nihil perdes nisi vocem in contentione; nihil consequeris, nisi bilem de blasphematione.* Ergo, concludit, non ad Scripturas provocandum est, sed ad Ecclesiam Traditionum depositariam confugiendum, ut inde veritas eruatur.

Idem Tertullianus lib. 4. adv. Marcion. c. 4. ubi Evangelium Lucæ à Marcione corruptum asserbat, hic verò illud velut verum hujus Evangelii exemplar à se prolatum tuebatur; ex sola Traditione hanc controversiam dirimendam censet: Ego, inquit, meum dico verum, Marcion suum; Ego Marcionis affirmo adulteratum, Marcion meum. Quis inter nos determinabit, nisi temporis ratio præscribens ei auctoritatem, quod antiquius reperietur; & ei præjudicans vitiationem, quod posterius revincetur.... Si autem, P. Cartier Theol. Tom. I.

pergit. s. id verius, quod prius; id prius, quod & ab initio; ab initio, quod ab Apostolis; pariter utique constabit, id esse ab Apostolis traditum, quod apud Ecclesias Apostolorum fuerit sacramentum.

Ibidem c. 2. Si, inquit, sub ipsius Pauli nomine Evangelium Marcion intulisset, non sufficeret ad fidem singularitas instrumenti desituta patrocinio antecessorum. Ergo Tertullianus ex solis Traditionibus genuinum S. Scripturam probandam esse censuit.

2<sup>do</sup>. S. Hilarius (p), ideo Traditionem contra Hæreticos adhiberi debere contendit, quòd nullus Hæreticorum sit, qui se secundum Scripturas predicare ea, quibus blasphematur, non mentiantur.

3<sup>tio</sup>. S. Augustinus lib. 11. cont. Faustum Manichæum, qui nihil divinum in S. Scriptura admittebat, quàm quod ipsi placebat, hæc eloquitur (q): Tu es ergo regula veritatis? quidquid contra te fuerit, non est verum? quid ages, quòd te convertes? quam libri à te prolati originem, quam vetustatem citabis? Vides in hac re, quid Ecclesia Catholica valeat auctoritas, qua ab ipsis fundatissimis sedibus Apostolorum usque ad bodiernum diem succedentium sibi met Episcoporum serie, & tot populorum consensione firmatur. Ergo juxta S. Augustinum, ut S. Scripturæ libri alicujus veritas & vetustas comprobetur, ad Traditionem Ecclesiæ Catholice confugiendum est.

Hanc sententiam suam confirmat lib. 33. contra eundem Faustum c. 6. his verbis: Platonis, Aristotelis, aliorumque ejusmodi Auctorum libros unde noverunt domines, quid ipsorum sint, nisi temporum sibi met succedentium contestatione continua? Ergo à fortiori, libros Canonicos eorum esse sacrorum Scriptorum, quorum

I i

rum

(p) Lib. ad Const. Imp. Arias. (q) C. 2.

rum nomina prae se ferunt, omnium sibi in Ecclesiis succedentium Episcoporum contestatione continua novimus.

Denique lib. 2. de Doctrina Christiana cap. 8. hanc regulam tradit ad dignoscendum, quinam libri tanquam Canonici sint suscipiendi: *Tenebit*, inquit, *hunc modum in Scripturis Canonicis, ut eas quae ab omnibus accipiuntur Ecclesiis Catholicis, proponat eis, quas quadam non accipiunt. In eis vero, quae non accipiuntur ab omnibus, proponat eas, quas plures, gravioresque accipiunt eis, quas pauciores minorisque auctoritatis Ecclesia tenent.* Ergo, juxta mentem S. Augustini, ad Ecclesiarum Traditionem confugiendum, ut dignosci possit, quinam S. Scripturae libri pro Canonicis sint habendi.

4to. Vincentius Lirinensis, in suo Comentario, ideò Traditionem necessariam esse statuit, quia, inquit, *S. Scripturam non uno eodemque sensu universi accipiunt, sed ejusdem eloquia; aliter atque aliter, alius atque alius interpretatur, ut penè quot homines tot sententia hinc erui posse videantur.*

34 Prob. 5to. Ratione Theologica. 1mo. Sine Traditione divina seu Apostolica non possunt discerni Libri sacri & à Spiritu sancto Prophetis Scriptoris inspirati à profanis, iisque, qui humanis duntaxat viribus exarati fuerunt. Ergo in Ecclesia necessaria est Traditio divina, cujus depositaria est Ecclesia Catholica.

Pb. ant. Si Libri sacri à profanis citra hujusmodi Traditionis usum secerni valerent; vel id praestaret ipsa S. Scriptura, vel criteria seu indicia, quae in ipsa reperiuntur; vel denique spiritus privatus. Atqui neuter horum hoc praestat. Ergo ad id requiritur necessario Traditio divina seu Apostolica.

Major est Adversariorum. Minorem jam fuisse probavimus in Tractatu de Scri-

ptura sacra part. 1. cap. 5. (r) quod vide. Ergo &c.

Confirmatur argumentum nostrum 1mo. Ipsimet adversarii nostri videntur coacti admittere Traditionem divinam ad probandam veteris Testamenti librorum divinitatem. Ideò enim eos tanquam Canonicos recipiunt, quia Judaeorum Synagoga tradidit, eos ab auctoribus à Spiritu sancto affatis conscriptos esse. Ergo à fortiori libri, quos velut Canonicos recipimus, ideò sacri & à Spiritu sancto dictati censendi sunt, quia ex Traditione divina eos ut tales reputat & definit Ecclesia.

Confirmatur 2do. Evangelii S. Matthaei, quod, prout ostendimus in Tract. de sacra Scriptura part. 2. cap. 1. atque universa testatur antiquitas, ab ipso lingua hebraica seu Syriaco-chaldaica conscriptum est, nonnisi graeco versio superest, quae autographi locò est. Atque hanc, quam per manus habemus, & quae haecenus usa est Ecclesia, & ad quam vulgata nostra latina editio efformata est, graecam versionem prae ceteris, quas, teste Papias S. Joannis Apostoli discipulo, quisque pro suo genio & prout potuit, adornavit, authenticam esse sola divina & Apostolica Traditione ab Ecclesia ad nos usque delata novimus. Ergo necessario est admittenda hujusmodi traditio.

Pb. 2do. Sine Traditione hujusmodi non potest probe intelligi S. Scriptura, Ergo &c. Pb. ant. S. Scriptura plerumque est obscura atque in varios sensus trahi potest, prout in saepe dicto Tract. de S. Script. part. 1. cap. 6. insinuavimus & demonstravimus. Ergo ad assequendam illius intelligentiam verumque ac genuinum sensum necessaria est Divina seu Apostolica Traditio haecenus in Ecclesia incontinenter custodita, quae illam clarè explicet, nullumque circa ger-

germanum illius sensum relinquit dubium. Alias contentiois textuum illâ contentorum nullus erit finis, fidesque & Religio in chaos abibit, ubi nempe quisvis privatus, rejecta sacra hac Traditione, pro lubitu & genio suo sibi eam interpretabitur, peculiaremque sensum illius effinget.

Pb. 3tio. Plura fide divina credimus, quæ nonnisi per Traditionem demonstrari possunt, quemadmodum supra Conclusionem prima demonstravimus; ut *consubstantialitas filii Dei cum Patre*; nomen *Deipara* &c. quippe quæ in S. Scriptura clare non contineantur. Ergo ad fidei integritatem necessaria est Traditio divina &c.

Pb. 4to. Sine Traditione fidei controversiæ finire, hæresesque profligari non possunt. Ergo &c. Pb. ant. Si sine Traditione fidei controversiæ finire, hæresesque profligari possent, tunc id sola Scriptura præstaret. Atqui id hæc non præstat. Ergo &c. Major est Adversariorum. Minor probatur. Litigantes, pro sua quisque opinione, eam interpretantur & exponunt, atque omnes Hæretici illam ad suas partes trahunt, sicque litium nullus finis. Ergo alia adhuc via inquirenda, qua lites finiantur, hæresesque confundantur. Hæc autem alia profecto non est, quàm Traditionis divinæ seu Apostolicæ auctoritas, qua controversi S. Scripturæ textus & sententiæ planè fiunt & claræ, & qua semel oppositæ omnes conticescunt; dum autem è contra Scripturæ textibus in utramque partem adductis, lites duntaxat augentur, non finiuntur. Id ultro agnoscunt nostræ ætatis Acatolici saltem; qui inter illos sunt doctiores & perspicaciores,

unde Auctor Præfationis in Historiam Criticam Veteris Testamenti Richardi Simonii Hollandus Calvinista candidè fateri cogitur, sine Traditione impossibile esse, solidè objectionibus Socinianorum respondere.

Pb. 5to. Illi meritò repellendi sunt & contemnendi, qui in re magni momenti & fidei, ad tuendam opinionem suam, omnium antiquorum & ab Ecclesia primorum etiamnum sæculorum damnatorum Hæreticorum argumenta planè adoptant, & proferunt. Atqui hoc faciunt illi, qui rejecta Traditione ad solam Scripturam provocant. Ergo repellendi sunt & contemnendi. Major est aperta. Min. prob. Omnes antiqui & ab Ecclesia damnati Hæretici hoc duntaxat argumentò errores suos tueri conabantur, ut videlicet rejectis traditionibus ad solam Scripturam provocarent; prout de Valentinianis, Marcionistis & similibus testantur S. Irenæus lib. 3. cap. 2. & Tertullianus de præscript. Donatistis solam Scripturam urgentibus S. Augustinus traditiones, & Ecclesiæ consuetudinem objicit, lib. de unit. Eccles. cap. 19. & alibi. Arianos nullo modo quidquam præter Scripturas admisisse testatur Hilarius, qui in libro contra Constantium Imperatorem introducit Arianum dicentem: *Nolo verba, quæ non scripta sunt, legi.* Maximinus Arianus apud Augustinum lib. 1. contra Maximinum in principio sic ait: *Si quid de divinis Scripturis protuleris, quod commune est cum omnibus, necesse est, ut audiamus, hæc voces verò, quæ extra Scripturam sunt, nullo casu à nobis uscipiuntur.* Idem testatur Epiphanius hæres. 69. & 73. Arianos quoque traditiones rejecisse scribit



bit Idem Epiphanius hæres. 75. Idem de Eunomianis patet ex Basilio, lib. de Spiritu S. c. 27. & 29. Idem de Nestorio, Eutychete, Dioscuro, refert Basilius Ancyranus Episcopus in confessione Catholica, quam recitavit in septima Synodo aët. 1mâ. Idem de suis temporis hæreticis, qui Apostolici nuncupabantur, refert Bernardus hom. 66. in Cant. Idem denique memorat de Joanne Wiclefo Thomas Waldensis lib. 2. Doctrinæ fidei antiquæ c. 19. Ergo qui rejecta Traditione ad solam Scripturam in quæstionibus fidei provocant, antiquorum Hæreticorum argumenta adoptant & proferunt. Adeoque repellendi sunt & contemnendi &c.

### Solvuntur Objectiones.

#### adversus positas Conclusiones.

Exposita divinarum Traditionum veritate, auctoritate & necessitate, superest, ut, quæ hic obijciunt Adversarii, modo exhibeamus & diluamus. E triplici potissimum loco sua etiamnum repetunt argumenta, videlicet ex Scripturis; Patribus; & rationibus. Atque primum in eo occupantur, ut quosdam duntaxat textus, nam plerosque ultrò nobis dimittunt, sive ex S. Scriptura, sive ex SS. Patribus à nobis in sententiæ nostræ firmamentum adductos, sinistris quibusdam ac vanis interpretationibus depravent, ut sic eos in firmare saltem velle videantur: tum iis alios opponunt, quibus deploratam sanè causam suam fulcire conantur. De Conciliis verò apud ipsos altum silentium; hæc enim clariùs & distinctiùs rem definiunt, quàm ut quidquam iis opponi possit. Denique, quia videri volunt, se, non secus ac nos, ratione pugnare, nostris à ratione petitis argumentis, alias rationes op-

ponunt. Sed utrobique infelici successu prout mox patebit. Discutienda ergo primum sunt ea, quæ ex Scripturis ab ipsis proferuntur, tum ea, quæ ex SS. Patribus adducunt; ac denique ipsorum inutilibus & inanibus rationibus obviandum.

Ob. 1mo. Textus Joan. 16. v. 12. 35  
ubi Christus ad suos Discipulos ait: *Multa habeo vobis dicere, sed non potestis portare modò nihil juvat Traditionis sententiam.* Enimverò multa hæc Christus postea Discipulis suis dixit, hi ea scripto consignarunt. Ergò hic perperam pro ea asserenda adducuntur.

Resp. neg. ant. Illa multa equidem Christus post resurrectionem suam habundè Discipulis suis dixit, cum nempe, prout S. Lucas testatur (1), *per quadraginta dies apparens eis de regno Dei locutus est.* At, ut suprà jam annotavimus, de gestis & verbis Domini, post resurrectionem suam, paucissima scripserunt Evangelistæ, prout eorum Evangelia legenti patet. Non autem ullo modo credi potest, Apostolos, qui illa viderant, & audierant, non ea Ecclesiis tradidisse; nec enim invidi aut oblivisi erant, ut nollent aut non possent ea dicere.

Ob. 2do. Quamvis dicat Joannes in fine sui Evangelii (2), non singula scripta esse, quæ JESUS fecit; inde tamen non sequitur non omnia & singula necessaria scripta fuisse. Ergo textus iste Joannis suprà à nobis adductus nihil prodest ad asserendam Traditionum divinarum sententiam.

Resp. neg. sequelam antecedentis. Multa necessaria & fide divina credenda scripta non esse suprà conclusione 1mâ & 3tia in argumentis à ratione petitis demonstravimus; præsertim ea quæ Sacramentorum institutionem spectant.

Ob. 3tio. Nec Traditionis sententiam fulcit, quod Paulus ad Thessalonicenses scri-

(1) Act. c. 1. v. 3. (2) C. ult. v. 25.

scribit (u), ut nempe teneant Traditiones, quas didicerant sive per sermonem, sive per Epistolam ipsius. Nam Apostolus loquitur de iis, quæ prius sermone, deinde Epistola seu scripto tradiderat. Vel loquitur de sermone, quem ore pronuntiaverat, & quem ipse non scripserat, sed qui tunc scriptus erat, vel postea scriptus fuit ab Evangelistis. Ergo &c.

Resp. neg. seq. ant. Hæc perperam ab Adversariis proferuntur, & sine ulla veri specie; necnon ridicula omnino est illorum expositio. Nam quantum ad primum, particula disjunctiva *sive* aperte indicat, diversa esse, quæ tradiderat & scripserat ipsis. Et si ita esset, ut pertendunt Adversarii, deberet una Epistola ad Thessalonicenses continere omnem doctrinam, quam Apostolus illis prædicaverat; sine dubio autem totum Evangelium illis prædicaverat, ut colligitur ex c. 1. v. 5. & c. 2. v. 2. prioris Epistolæ: deberet igitur illa Epistola complecti totum Evangelium; non autem continet centesimam partem, ut patet.

Quantum ad secundum verò, illius falsitas vel ex eo patet imò quod hoc ipso capite Apostolus dicat, se illis prædicasse de Antichristo, & præter alia docuisse, quando esset venturus. Hoc autem nusquam scriptum est, quando scilicet venturus sit Antichristus, seu filius perditionis. 2do. Sive Scripta postea fuerint sive non, quæ Apostolus Thessalonicenses docuerat, non multum interest. Nam non promittit, se, vel alium ea scripturum, quæ ore tradiderat, sed simpliciter præcipit, ut non minus observent ea, quæ acceperant sine scripto, quam quæ per Epistolam.

38 Ob. 4to. Deuter. c. 4. v. 2. hæc leguntur: *Non addetis ad verbum, quod vobis loquor, nec auferetis ex eo.* Ergo Scriptura Traditionem rejicit omnem, utpote verbo Dei additam.

Resp. neg. conf. 1mo. Quia ibi solum prohibetur, ne quid addatur verbo Dei; Traditio autem divina non est quid Dei verbo additum, sed est ipsum verbum Dei non scriptum quidem, sed traditum. 2do. Quia ibi solum prohibetur, ne quidpiam verbo Dei addatur, per quod corrumpatur, immutetur vel impugnatur; at verò per Traditionem divinam non corrumpitur aut impugnatur verbum Dei, sed potius explicatur, & defenditur, cum Traditio divina pariter sit verbum Dei; & verbo Dei ipsum Dei verbum non corrumpatur, aut impugnatur, sicut sæpe impugnatur per vanas & superstitiosas hominum Traditiones; quales erant olim nonnullæ Judæorum & Gentilium humanæ Traditiones, de quibus dicitur Matth. c. 15. v. 6. *Irritum fecistis mandatum Dei propter Traditionem vestram.* Et ibid. v. 9. *Sine causa autem colunt me, docentes doctrinas & mandata hominum.* Et ad Coloss. c. 2. v. 8. *Videte, ne quis vos decipiat per Philosophiam & inanem fallaciam, secundum Traditionem hominum.* Quibus & aliis similibus locis non repudiantur Traditiones divinæ, sed humanæ verbo Dei contrariæ.

Ob. 5to. Christus nunquam ad Traditiones provocat Auditores suos, ut edoceantur veritates ad salutem necessarias, sed semper ad Scripturas; ut, Luc. 24. Discipulos suos instituit ex Scripturis. Item Joan. 5. v. 39. ait: *Scrutamini Scripturas, & illa sunt, qua testimonium perhibent de me.* Ibid. v. 46. *Si crederetis Moysi, inquit, crederetis forsitan & mihi, de me enim ille scripsit; si autem illius litteris non creditis, quomodo verbis meis credetis?* Ergo &c.

Resp. Ideo in his locis Christus ad Scripturas mittit Phariseos, quia illæ clare indicabant, ipsum esse verum Messiam; non verò quod judicaverit, solas Scriptu-

I I 3

ras

ras esse unicam fidel regulam; nec ad eam quidquam Traditiones conferre.

40 Ob. 6to. Paulus Galat. c. 1. v. 8. expressè dicit: *Licht nos aut Angelus de celo evangelizet vobis, praterquam quod evangelizavimus vobis, anathema sit.* Et infra: *Si quis evangelizaverit vobis prater id, quod accepistis, anathema sit.* Ergo ex mente Apostoli, prater Evangelium nulla admittenda Traditio.

Resp. con. ant. neg. conf. Ratio est 1mo. Quia Traditio divina non est prater id, quod evangelizavit Apostolus, sed potius è contrà, est de his, quæ evangelizavit, ut ipsemet declarat 1 Theo. l. c. 2. v. 15. his verbis: *Tenete Traditiones &c.* Imò verbum *evangelizare* potius id significat, quod verbo tantum, quàm quod scripto annuntiatur. Undè anathema potius illi, quisquis sit, qui Traditiones omnes rejiciendas esse docet, minatur Apostolus, quia talis prater id, quod Paulus evangelizavit, evangelizat. 2do. Quia ibi solum vetat evangelizare Paulus id, quod est Evangelio, quod ipsis tradiderat, repugnans sive contrarium; particula enim *prater* ibidem idem significat ac *contrà*, prout patet 1mo. quia Apostolus ipse postmodum multa alia docuit: & post hanc Epistolam Joannes Apocalypsim & Evangelium suum scripsit. 2do. Ex proposito Apostoli, agit enim hic contra eos, qui docebant, servanda esse legalia, cum ipse docuisset ea non esse servanda; igitur cum dicit *prater*, intelligit *contra*. 3tio. Quia alibi, nempe Rom. ult. v. 17. eodem sensu exprimitur vox *prater*. *Ut observetis*, inquit Apostolus, *eos, qui dissensiones & offensculas prater doctrinam, quam vos didicistis, faciunt.* Ubi adeò clarum est *prater* significare *contra*, ut Erasmus verteret *contra*. In utroque autem loco textus Græci est vox *κατα*. 4to. Quia illam sensu nostro exponunt SS. Patres Ambrosius, Hieronymus, Augustinus contra Faustum l. 17. c. 3. & Tract. 98. in Joan.

Ob. 7mo. 2. Timoth. c. 3. v. 16. dicit Apostolus: *Omnis Scriptura divinitus inspirata utilis est ad docendum, ad arguendum, ad corripiendum, ad erudiendum in justitia, ut perfectus sit homo Dei ad omne opus bonum instructus.* ubi vox *utilis* non debet intelligi, prout opponitur *necessario* aut *sufficienti*, sed quatenus dicit medium omnino necessarium ad perficiendum hominem; quemadmodum cibus dicitur utilis ad alendum hominem, cum tamen sit medium necessarium ad conservationem vitæ hominis. Ergo Traditiones sunt superflue.

Resp. neg. sequel. ant. utpotè, quæ nullo sive auctoritatis, sive rationis argumentò fulciatur. Profectò aliud est, quòd Scriptura sit utilis ad docendum &c. aliud quòd se solà sufficiat. Et quantumcunque daremus, vocem *utilis* significare *necessarium*, nusquam tamen probarent Adversarii, eam significare *sufficiens*; sicut, ex eo, quòd cibus sit necessarius ad vitam sustentandam, ut Adversariorum comparatione utamur, eamque in illos retorqueamus, non rectè tamen inferitur, eum ad id solum sufficere, potus enim & quæ necessarius est. Dicimus ergo, Scripturam esse utilem, imò si velis, necessariam ad docendum &c.; at negamus eà solà veritates omnes revelatas & ad stabiliendam fidem nostram necessarias contineri.

Ob. 8vo. 1. Joan. c. 1. v. 3. *Quod audivimus*, inquit Apostolus iste, *quod vidimus oculis nostris, annuntiamus vobis.* Atqui S. Joannes omnia fidei dogmata à Christo percepit. Ergo & ea annuntiavit; & quidem scripto, adeoque superflue videntur, ex sententia S. Joannis, Traditiones quæcunque.

Resp. Dist. maj. seu textum, quod audivit & quod vidit annuntiavit S. Joannes vel scripto, vel viva voce, conc. scripto tantum, neg. maj. & conc. min. sub eadem distinctione neg. conf. & illatum. Veritas Responstionis nostræ vel ex eo patet, quòd idem Apostolus longè post hanc

suam

suam Epistolam Evangelium suum scripserit; certum autem sit, in ea exiguum duntaxat fidei dogmatum, quæ à Christo audiverat, contineri; imò tùm hîc tùm in suo Evangelio plura dogmata omisit, quæ apud alios S. Scriptores novi Testamenti leguntur. Sensus ergo adducti textus iste est. *Quod vidimus &c.* id est, *nihil vobis annuntiamus, quod ipsi non viderimus aut audiverimus.*

- 43 Ob. 9no. Apocalyp. c. 22. v. 18. dicit Apostolus Joannes: *Si quis appoverit ad hæc, apponet Deus super illum plagas scriptas in libro isto.* Atqui Traditiones sunt quid appositum verbo Dei scripto, seu Scripturæ. Ergo illas vetat S. Joannes.

Resp. Ineptè omninò hîc contra Traditionum sententiam adduci istum Apocalypsis textum. Nam certum est, Joannem per illum prohibere duntaxat hujus Apocalypseos libri sui corruptionem, non autem, ne alii scribantur, aut alia adhuc, præterea, quæ in eo continentur, dogmata vel à se vel ab aliis tradantur; alioqui ipse secum pugnasset, quippe qui, prout ipsimet fatentur Adversarii (x), post Apocalypsim Evangelium suum scripserit. Equidem nos ipsi tuemur non licere verbo Dei scripto aliquid apponi vel addi, per quod corrumpatur vel impugnetur; non verò, quo potius explicetur & defendatur, prout præstat Traditio.

- 44 Ob. 10mo. Joan. 20. v. 30. *Multa quidem, inquit Evangelista, & alia signa fecit Jesus... quæ non sunt scripta in libro hoc: hæc autem scripta sunt, ut credatis, quia Jesus est Christus filius Dei, & ut credentes vitam habeatis in nomine ejus.* Ergo Joannes, quamvis non omnia, saltem ea scripsit, quæ sufficerent ad credendum & vitam æternam consequendam. Adeoque præter ea nihil ultra quærendum. Ergo superflue sunt Traditiones.

Resp. neg. conseq. & quod ex ea inferitur. Joannes hoc locò nonnisi de signis seu miraculis Christi loquitur, dicitque, se non omnia, sed tantum aliqua scripsisse, quòd illa sufficerent, ad persuadendum mundo, Christum esse filium Dei. Perperam ergo ea, quæ de solis Christi miraculis hîc eloquitur Evangelista, ad omnia fidei dogmata, morumque præcepta transferunt Adversarii. Præterea Joannes non loquitur nisi de rebus à se scriptis, ut ipsemet his verbis aperit: *declarat: hæc non sunt scripta in libro hoc.* Ergo si hæc solæ sufficiunt, superflue, non secus ac ipsa Traditio, erunt omnes aliæ Scripturæ aliorum Apostolorum & Evangelistarum. Quæ autem adduntur, *hæc autem scripta sunt &c.*, profectò non significant, signa sola sufficere nobis ad salutem, sed illa ad eam adipiscendam referri & ordinari tanquam media requisita, quamvis sola non sufficiant.

Ob. 11mo. Scripta illa Ignatii Martyris, quibus Traditiones Apostolorum eum adnotasse scribit Eusebius, nusquam extant. Ergo perperam à nobis illorum auctoritas pro sententia nostra adducitur.

Resp. 1mo. transf. ant. neg. conseq. Etsi enim daremus, illa S. Ignatii Scripta non amplius extare; sufficit tamen, illa aliquando extitisse, prout expressis verbis testificatur Eusebius loc. sup. conclusione 1ma cit.

Resp. 2. neg. ant. Scribit enim post Eusebium Hieronymus (y), Ignatium scripsisse Epistolam ad Ephesios, Magnesianos, Trallianos, Romanos, Philadelphenses, Smyrnenfes, Polycarpum; quæ omnes nunc adhuc extant, & in quibus invenimus jejunium Quadragesimæ, ordines minores, diem Dominicam, & alia, quæ non sunt in Scripturis exarata, & tamen ab Apostolis sine dubio Ignatius dicit.

Ob.

(x) Vid. Chemnit. in exam. pag. 202. (y) De vir. illust.

- 46 Ob. 12mo. Libri, qui nomine Dionysii Areopagitæ circumferuntur, non sunt ipsius, ergo frustra hæc illius auctoritas obtruditur.

Resp. 1mo. neg. ant. Profecto enim hæc Opera sub nomine Dionysii Areopagitæ citantur in VII. & VIII. Synodis generalibus; item à Gregorio I. in hom. de centum ovibus; à Martino I. in Concilio Romano; & ab Agathone in Epistola ad Constantinum Imperatorem.

Resp. 2. transf. ant. neg. conf. Enimverò ex adductis Synodis & Pontificibus, saltem fateri coguntur Adversarii, hunc Auctorem ante annos plusquam mille & ducentos scripsisse, proinde haud contemnendum esse.

- 47 Ob. 13tio. S. Irenæus lib. 3. c. 1. *Non enim per alios, inquit, dispositionem salutis nostræ cognovimus, quam per eos, per quos Evangelium pervenit ad nos, quod quidem tunc præconaverunt, postea verò per Dei voluntatem in Scripturis nobis traderunt.* Ergo omnia, quæ prædicaverunt Apostoli, ex sententia S. Irenæi, eadem & scripserunt.

Resp. neg. conf. Nam S. Irenæus non dicit hic, Apostolos, quidquid prædicaverunt, scripsisse, seu nihil prædicasse, quod non scripserint, sed tantum Evangelium, quod prædicaverant, eos litteris mandasse, quod verum est, & non contra nos.

- 48 Ob. 14to. *Neceffe nobis est, inquit Origenes Hom. 1. in Jerem. Scripturas sanctas in testimonium vocare. Sensus quippe nostri, & enarrationes sine his testibus non habent fidem.* Ergo juxta illum omnia sunt Scripturæ testimoniis confirmanda, neque locum habet Traditio.

Resp. neg. conf. Loquitur hic Origenes de obscurissimis quæstionibus, quales plerumque illæ non sunt, quæ Traditionis in tota Ecclesia receptæ habent testi-

monium. Alibi enim diserte asserit (2); plurima in Ecclesia servari, & ab omnibus necessario servanda esse, de quibus nulla in Scripturis extant testimonia.

Ob 15to Constantinus Imperator in Concilio Nicæno hæc eloquitur (a): *Evangelici & Apostolici libri, & antiquorum Prophetarum Oracula plane instruant nos, quid de rebus divinis sentiendum sit. Proinde hostili præfida discordia, ex verbis divinitus inspiratis sumamus quæstionum explicationes.* Ergo &c.

Resp. Hoc testimonium tanti faciendum non est. Erat enim Constantinus Imperator, non Ecclesiæ Doctor. Neque adhuc, prout nostri ævi Eruditi ferè omnes volunt, Baptisimum susceperat, ac proinde Religionis arcana nondum nove-

rat. Verùm admissa etiamnum Constantini auctoritate, dicimus, eorum dogmatum, quæ ad naturam Dei, de qua in memorato Concilio quæstio versabatur, pertinere, extare in Scripturis testimonia, nosque posse circa ea plenè instrui ex Scripturis rectè intellectis: verum tamen sensum earum pendere ex Traditione Ecclesiæ non scripta. Unde Theodoretus, postquam hanc Imperatoris istius orationem retulit, addit (b), prolatas fuisse utrimque Scripturas, & cum ex iis non convincerentur Ariani, eoque eisdem aliter exponerent, quàm Catholici, damnatos eos fuisse ex sermonibus non scriptis, piè tamen intellectis, cui damnationi Constantinus assensit.

Ob. 16to. S. Athanasius librò cont. Gentes, sive Idola, in ipso initio: *Sufficiunt, inquit, sancta ac divinitus inspirata Scriptura ad omnem instructionem veritatis.* Ergo &c.

Resp. neg. ant. Nam huic S. Athanasii sententiæ vocem *Omnem* de suo addiderunt Adversarii, solumque ait Athanasius

(2) Rom. 5. in Num. (a) Apud Theodoret. lib. 1. Hist. c. 7. (b) Lib. 1. c. 8.

flus Scripturas fufficere ad veritatis indicationem duntaxat. Loquitur enim ibi non de omnibus dogmatibus, fed folùm de duobus, quæ funt argumenta duorum librorum, quos ad Macharium fcribit; videlicet, quod idola non funt Dii, & quod Chriftus fit verus Deus, & fimiliter homo, quæ duo exprefsa habent in Scripturis teftimonia. Addit præterea, Scripturas quidem fufficere ad indicationem veritatis horum duorum dogmatum, tamen non fine explicatione fanctorum Patrum, quorum libri cum non facile ab omnibus haberi poffint, dicit, fe velle fcribere de his rebus, quid à Majoribus ipfe didicerit.

51 Ob. 17mo. S. Baſilius, ſerm. de fidei confeſſione hæc eloquitur: *Inſidilitatis argumentum fuerit, & ſignum ſuperbia certiffimum, ſi quis eorum, quæ ſcripta ſunt, aliquid velit rejicere, aut eorum, quæ non ſcripta ſunt, introducere.* Ergo &c.

Reſp. neg. conf. S. Baſilius hic loquitur de illis, qui ad Scripturæ dogmata addunt aliqua alia contraria & aliena, Scripturisque repugnantia & inepta, vel ex ſuo capite & genio fingunt traditiones iis contrarias, quas ab Apoſtolis per ſucceſſiones Epiſcoporum Eccleſia accepit. Nam in eodem ſermone ait, ſe contra Hæreticos diſputantem ſæpè uſum eſſe ſermonibus non ſcriptis, ſeu traditione &c.

52 Ob. 18vo. S. Chryſoſtomus 1mo hom. 49. in c. 24. Matth. *Sciens Dominus, inquit, magnam confuſionem rerum futuram in noviffimis diebus, idem mondat, ut Chriſtiani volentes firmitatem percipere vera fidei ad nullam aliam rem fugiant, niſi ad Scripturas. Alioqui ſi ad alia reſpexerint, ſcandalizabuntur, & peribunt, & incident in abominationem deſolationis.* 2do. Hom. in Pſalm. 95. circa finem: *Si quid dicitur, inquit, abque Scriptura, auditorum cogitatio claudicat, & nunc annuens, nunc haſitans: verum ubi ex Scriptura divina vocis prodiit teſtimonium, & loquentis ſermonem, & audientis animum confirmat.*

P. Cartier Théol. Tom. I.

3to. Hom. 13. in 2. ad Corinth. *Cum, inquit, habeamus omnium exactiſſimam rutinam, gnomen, & regulam, divinarum legum aſſertionem, oro vos omnes, ut relinquatis, quid huic, vel illi videatur, & de his à Scripturis hæc omnia inquirete.* 4to. denique Comment. in cap. 22. Matth. *Quidquid, ait, quaeritur ad ſalutem, totum jam impletum eſt in Scripturis.* Ergo ex ſententia S. Chryſoſtomi ſemper ſoli Scripturæ adhærendum, nihil verò Traditioni tribuendum &c.

Reſp. neg. conf. & ad ſingulos textus; & quidem, ad 1mum, locus iſte nihil contra Traditionem evincit, enimverò non eſt S. Chryſoſtomi, ſed Auctoris Operis imperſecti, qui vel fui Arianus, vel cuius Opus ab Arianis ſaltem multis in locis fuit depravatum. Nam hom. 48. Hæreticos vocat *Homouſianos* ſeu illos, qui filium Dei Patri conſubſtantialem eſſe tuentur; & hom. 49. contra eosdem ſerè ſemper loquitur: unde locus adductus tanquam ab Arianis inſertus ab omnibus emendatis Codicibus ſublatus eſt. Verùm datò etiam, hæc hunc S. Patrem elocutum fuiſſe, proſectò intelligi debent de Scripturis juxta Eccleſia interpretationem intelledi, prout alibi multoties teſtatur idem S. Chryſoſtomus, præſertim autem Tom. 2. Hom. 44. ubi de Diabolo hæc ait: *Scripturas divinas pravo ſenſu & ſubdola fraude erat interpretaturus, & pro fide perſidiam aſſerturus, ut ſimplices & incautos per divina legis teſtimonia quaſi per ſpectum bonæ confeſſionis de alto præcipites daret in mortem.* Sic denique multos Hæreticos de altitudine Catholica fidei in ima deiecit. Ex his S. Chryſoſtomi verbis apertè habetur, eum docuiſſe præter ſacram Scripturam adhuc neceſſariam eſſe illius interpretationem, quam Eccleſia Catholica vel per divinam Traditionem, vel per unanimem Patrum & Prælatorum conſenſum ipſius fidelibus exponit.

Ad adum eadem adhibetur Reſponſio, quæ ad 1mum. Certè cum immediate an-

K k

te

te hunc textum dixerit Chrysostomus: *Neque enim oportet quidquam dicere sine testimoniis, solaque animi cogitatione*, atque continuo subjungat: *si quid dicatur absque Scripturis subintelligere voluit, sed sola animi cogitatione.* Itaque sensus verborum ipsius est, ut si quid dicatur ex propria inventione, non ita facile id auditoribus persuadeatur, ac fieret, si quod dicitur, Scripturæ testimonio confirmari posset. Id & nos ultro admittimus, quin tamen inde sequatur, quod dum Scripturæ auctoritas commendatur, Traditio simul sit contemnenda.

Ad 3tium. Resp. Hic S. Chrysostomum non loqui de obscuris fidei aut morum dogmatibus, sed de *opinionem carnalium*, qui anteponunt opes paupertati, cum Scripturæ apertissime doceant, paupertatem longè esse utiliore ad salutem. Itaque hoc loco nihil aliud dicit, quàm magis credendum esse Scripturis in hac parte, quàm hominum opinioni.

Ad 4tum. denique Resp. loqui hic S. Chrysostomum de variis remediis contra vitia duntaxat, atque dicere, nullum esse hominis vitium, pro quo sanando Scriptura aliquod non ferat remedium; at quid hoc adversus Traditionem? Pro qua, ut supra Conclusionem prima pag. 19. Argumento 4to. num. 13. videre est, adeo firmiter stetit hic S. Doctor, ut eà semel in medium adductâ, nihil amplius quæri oportere voluerit. *Traditio est*, inquit, *nihil quæras amplius.*

Ob. 19no. S. Epiphanius Hæres. 61. ait: *Nos uniuscujusque quæstionis inventionem non ex propriis ratiocinationibus discere possumus, sed ex Scripturarum consequentiâ.* Nullus hic ipsi sermo de Traditionibus ad probandam quamlibet quæstionem. Ergo &c.

Resp. Non dicere S. Epiphanium se quæstionis alicujus inventionem discere posse ex Scripturarum consequentiâ *solum*, sed simpliciter ex Scripturarum consequentiâ; adeoque Traditionem non excludit, quam alibi omnino necessariam

asserit, eò quòd non omnia à Scriptura accipi possint, prout retulimus cit. arg. 4to. n. 12. Conclus. 1ma.

Ob. 20mo. S. Cyrillus lib. de recta fide ad Reginas sic ait: *Necessarium nobis est, divinas sequi litteras, & in nullo ab earum præscripto discedere.* Item hom. 5. in Levit. *Ego puto, inquit, in hoc biduo, duo Testamenta posse intelligi, in quibus liceat omne verbum, quod ad Deum pertinet, requiri, & discuti, atque ex ipsis omnem verum scientiam capi. Si quid autem superfuerit, quod non Scriptura divina decernat, nullam aliam debere tertiam Scripturam ad auctoritatem scientia suscipi.* Ergo &c.

Resp. ad 1mum. Non dicit Cyrillus, non licere aliquid dicere, quod in Scripturis non contineatur, sed non licere aliquid contra Scripturas proferre. Dum autem divinas Traditiones proferimus, non utique à Scripturarum præscripto discedimus, ut quæ in illis commendentur; at traditiones cum Scriptura repugnantes & nos rejicimus.

Ad adum. dicimus 1mo. homilias illas in Leviticum non esse S. Cyrilli, sed Origenis, vel alicujus alterius, quæ passim litteram destruit, ut mysticos sensus ex capite suo statuat. Unde hæ homiliæ exigæ sunt auctoritatis. 2do. Hoc loco auctor iste non excludit verbum Dei non scriptum, sed solum tertiam Scripturam aliquam, humanam nempe, quæ pro divina venditur.

Ob. 21mo. Theophilus lib. 2. Pascha. H; *Diabolici*, inquit, *spiritus est*, aliquid extra Scripturarum Sacrarum auctoritatem putare divinum. Ergo ex mente Patris hujus Diabolici spiritus est Traditionis opinio.

Resp. neg. conf. Loquitur hic Theophilus de libris apocryphis, qui pro divinis à quibusdam venditabantur. Ineptum autem est, ne dicam diabolicum, in tam gravis momenti quæstione, ea, quæ de re una dicuntur, ad aliam detorquere.

Ob.

56 Ob. 22do. Apollinarius Episcopus Hie-  
rapolitanus apud Euseb. librò 5. Hi st. c. 15.  
dicit, se longo tempore distulisse scribere  
contra Montani hæresim, ne videretur E-  
vangelico Dei verbo aliquid addere velle.  
Ergo ex ipsius mente nihil Evangelico Dei  
verbo addendum est &c.

Resp. dist. conf. Nihil Evangelico Dei  
verbo addendum est, quod ei sit contrari-  
um, illudque impugnet; conc. quod illud  
firmet, tueatur & exponat neg. conf. Tra-  
ditio divina Scripturam firmat, tueatur &  
exponit, tantum abest, ut ei sit contraria.  
Distulit ergo Apollinarius contra Monta-  
num scribere, ne videretur aliquibus no-  
vum dogma Scripturæ contrarium asserere  
velle, non quod Traditionem improbarit,  
ut qui Montanum incuset, quod non ser-  
vaverit doctrinam, quam Ecclesia ex tra-  
ditione, & Episcoporum successione ab A-  
postolis acceperat. Hæc de Patribus Græcis.

57 Ob. 23tio. Ex Patribus Latinis. Tertul-  
lianus lib. cont. Hermogenem: *Adoro*,  
inquit, *Scriptura plenitudinem. Scriptum*  
*esse doceat Hermogenis officina. Si non est*  
*scriptum, timeat va illud, adjicientibus,*  
*vel detrahentibus destinatum.* Ergo solam  
Scripturam prorsus omni Traditione reje-  
cta admittebat Tertullianus.

Resp. neg. conf. Loquitur hic Tertullia-  
nus de uno dogmate tantum contra Her-  
mogenem nempe docentem, omnia, non  
ex nihilo, sed ex præjacente materia fuisse  
creata; & quia verò dogma istud falsum  
esse ex Scriptura manifestè constat, ut quæ  
expressè dicat Deum omnia ex nihilo cre-  
asse, ideo ait, se adorare Scripturæ pleni-  
tudinem, quantum ad hoc dogma. Ex  
quo minime sequitur, Tertulliani mentem  
esse, quod Scriptura sufficiat, quantum ad  
omnia, & rejicienda penitus sit Traditio  
sacra, ut qui eam totis viribus tueatur pro-  
ut supra ostendimus.

58 Ob. 24to. S. Hilarius lib. 3. de Trinit.  
circa finem: *Bene habet*, inquit, *ut iis tan-*  
*tum, quæ scripta sunt, contentus sis.* Ergo

solâ Scripturâ contentos nos esse oportet,  
juxta mentem Hilarii, Traditio verò reji-  
cienda est.

Resp. neg. conf. Hæc S. Hilarius ad  
quemdam hæreticum scribit, cui prohibet,  
ne, quid S. Scripturæ propriò suo genio ad-  
dendo vel ab ea detrahendo, illam immu-  
tet aut vitiet; *ne contigeris*, inquit, *ne con-*  
*trellaveris, ne corruperis* &c. Item: *Non*  
*est autem in tantum confidendum in pruden-*  
*tia humana, ut perfectum se quis putet sape-*  
*re, quod sapiat* &c. Totus hic ergo est Hi-  
larius, ut adversarium suum hortetur, ne  
privato suo genio & spiritui fidat, neque  
Ecclesiæ Catholicæ expositionem uspiam  
excludat, quam toto adversus Arianos libro  
totis viribus commendat; tantum abest, ut  
Traditionem rejiciendam putet, ut qui ut  
suprà conclusione 1ma. & 3tia. annotavi-  
mus eam contra hæreticos adhibendam  
censeat.

Ob. 25to. S. Cyprianus in quæstione de  
rebaptizandis Hæreticis rejecta traditione  
ad Scripturam provocat. *Ea*, inquit inter  
alia (c), *facienda esse, quæ scripta sunt, tes-*  
*tatur Deus . . . si igitur aut in Evangelio*  
*præcipitur, aut in Apostolorum Epistolis, &*  
*actibus continetur, observetur hac sancta*  
*traditio* &c. Ergo juxta S. Cyprianum nul-  
la admittenda Traditio, quæ in Scriptura  
expressis verbis non contineatur.

Resp. neg. conf. Quamvis enim hic S.  
Cyprianus in controversia de rebaptizandis  
vel non rebaptizandis Hæreticis traditioni  
adversari videatur, tamen alibi circa alia  
fidei & morum dogmata eam ultrò adstruit,  
ut sup. conclus. 1ma. & 3tia. annotavimus.  
Mirum profectò, partium studia ipsius men-  
tis oculis tantum glaucoma obduxisse, ut  
relicta traditione ad Scripturam provoca-  
verit in ea quæstione, quæ sola duntaxat  
traditione finiri poterat, & de qua ipsemet  
opinionem suam in sola Ecclesiæ suæ & ali-  
quot Asiaticarum traditione fundabat, aut  
fundare poterat. Quærebatur quippe, num  
Hæretici ab ipsis Hæreticis baptizati & ad

K k 2

Ec.



Ecclesiam Catholicam revertentes denuo baptizari debent, necne? Primum tuebatur Cyprianus cum sua Africana Ecclesia, paucis Orientalibus; alterum Stephanus Papa cum reliquis totius Orbis Ecclesiis. Certum est, hanc quæstionem ex S. Scriptura definiri haut potuisse, ut quæ de rebaptizatione aut non rebaptizatione Hæreticorum nec apicem contineat: solam igitur Ecclesiæ suæ & aliquot Orientalium traditionem obtendere poterat Cyprianus. Certè erravit ipse, nec id diffidentur Adversarii, eosque imitatus est, qui cum errores suos ultra tueri haud possunt, à Traditione ad Scripturas provocant, quamvis in iis nihil offendant, quo errorem suum teneantur. Istud porro hujus S. Martyris factum duo invidiæ pro sententia nostra nobis suppeditat argumenta. 1. mum, quòd dentur quædam etiam de fide quæstiones, quæ sola Traditionis auctoritate finiri possunt. 2. dum. Quod si in errore semper versentur, qui rejecta Traditione ad Scripturas provocant. Errorem suum correxisset Cyprianum testatur Augustinus (d), qui & lib. 5. cont. Donatist. c. 23. adductam ipsius ad Pompejum Epistolam refutat. Utinam adversarii nostri illum imitentur prænitentem, qui errantem secuti sunt, atque etiam errorem suum corrigant, & emendent.

- 60 Ob. 26to. S. Hieronymus in c. 1. epist. ad Tit. *sine auctoritate Scripturarum garrulitas non habet fidem*, inquit. Item in c. 23. Matth. ait: *Quod de Scripturis auctoritatem non habet, eadem facilitate contemnitur, qua probatur*. Et in c. 1. Aggæi. *Qua*, inquit, *absque auctoritate & testimoniis Scripturarum, quasi Traditione Apostolica sponte reperiunt, atque confingunt, percutit gladius Dei*. Denique Comment. in Psalm. 86. in illud: *Dominus narrabit in Scripturis populum, & principum, bonum, qui fuerunt in ea*: *Videte*, inquit, *quid dicat, qui fuerunt, non, qui sunt, ut exceptis Apostolis, quidquid postea aliud dicetur, abscondatur, non habet*

*auctoritatem*. Ergo S. Hieronymus omnem Traditionem non scriptam rejicere videtur.

Resp. neg. conf. Ad textum Resp. & quidem ad 1. mum. Depravatum proferri ab adversariis, sic enim habet Hieronymus: *Sine auctoritate Scripturarum garrulitas non habet fidem, nisi viderentur perverſam doctrinam etiam testimoniis roborare*. Non ergo vocat garrulitatem, quod proferitur citra Scripturam, & ex Traditione, sed dicit, homines garrulos apud nullos fidem invenire, nisi suos errores ex Scripturis confirmare niantur: quod maxime quadrat in adversarios.

Ad secundum dicimus, illud neque fideliter prolatum esse ab Adversariis. Nam Hieronymus non dixit universaliter, *Quod de Scripturis auctoritatem non habet, &c.* Sed loquens de particulari quadam sententia, qua quidam nitebantur ex libro apocrypho probare, Zachariam, quem Judæi occiderunt inter Templum & Altare, fuisse Zachariam patrem Joannis Baptistæ, ait: *Hoc, quia de Scripturis auctoritatem non habet, eadem facilitate contemnitur, qua probatur*. Sensusque est, quia hæc sententia probatur ex libro apocrypho, non canonico, facile contemnitur.

Ad Tertium: nihil hic adversus nostram sententiam loquitur S. Hieronymus: solum enim agit contra illos, qui confingunt aliquid, & tamen videri volunt, suum figmentum esse Apostolicam Traditionem. Unde habetur, ipsum vel hoc loco Apostolicam admittere traditionem.

Ad quartum: rejicit hic Hieronymus ea, quæ sunt aliena ab Apostolica doctrina, id est, contraria & repugnantia Scripturis.

Ob. 27mo. S. Augustinus 1mo. lib. 2. de Doct. Christi. c. 9. *In his*, inquit, *quæ aperte posita sunt in Scriptura, inveniuntur omnia illa, quæ continent fidem moresque vivendi*. 2do. Lib. 3. cont. litt. Petiliani c. 6. *Si quis*, ait, *ſive de Christo, ſive de ejus Ecclesia, ſive de quacunque alia re, quæ pertinet ad fidem, vitamque noſtram, non dicam*

(a) Epist. 43. ad Vincent.

*dicam si nos, sed quod Paulus adjecit: Si Angelus de celo vobis annuntiaverit, præterquam quod in Scripturis legalibus, & Evangelicis accepistis, anathema sit.* 3tio. Lib. de bono Viduitatis c. 1. *Quid, ait, amplius te doceam, quàm id quod apud Apostolum legimus; Sancti enim Scriptura nostra doctrina regulam figit, ne audeamus sapere plusquàm oportet. Non sit ergo mihi aliud te docere, nisi verba tibi Doctoris exponere.* 4to. Lib. 2. de peccatorum meritis & remissione c. 36. *Ubi, inquit, de obscurissima re disputatur, non adjuvantibus divinarum Scripturarum certis, clarisque documentis, cobibere se debet humana præsumptio, nihil faciens in alteram partem declinando.* Ergo ex mente S. Augustini sola Scriptura est fidei nostræ regula &c.

Resp. neg. conf. Ad textus dicimus ad idum loquitur hic S. Augustinus de illis dogmatibus, quæ necessaria sunt omnibus simpliciter, qualia sunt, quæ habentur in Symbolo Apostolico, & in Decalogo. Unde lib. 2. de peccatorum meritis & remissione cap. ult. *Credo, inquit, quod etiam hinc divinarum eloquiorum clarissima auctoritas esset, si homo illud sine dispendio promissa salutis ignorare non posset.* At præter ea multa sunt alia, quæ sola traditione habentur, ut ex Augustino ipso suprà, in conclusionibus nostris, ostendimus.

Ad adum. Illud præterquam, idem hic significare ac contra quàm suprà in Responsione ad objectionem sextam ostendimus ex ipso Augustino, qui illud ita exponit lib. 17. contra Faustum cap. 3. & Tract. 98. in Joan. sic loquitur: *Non ait, plusquàm quod accepistis, sed præter quàm quod accepistis. Nam si illud diceret, sibi ipsi præjudicaret, qui cupiebat venire ad Thesalonicensis, ut suppleret, ut illorum fidei defuerunt. Sed qui supplet, quod minus erat addit, non quod inerat, tollit. Qui autem prætergreditur regulam fidei, non accedit in viam, sed recedit de viam &c.*

Ad 3tium. Loquitur hic S. Augustinus non de omni dogmate, sed solum de professione viduitatis, quod quale bonum esset, luculenter exposuerat Apostolus 1. Cor. 7. & idem ait S. Augustinus, satis sibi esse, si exponat verba Apostoli. Quod autem dicat: *Scriptura nostra doctrina regulam figit, ne audeamus sapere plusquàm oportet:* contra illos id ab ipso dictum, qui ex proprio judicio fingunt novas doctrinas, quæ Scripturis consonæ non sunt.

Ad 4tum. Loquitur ibidem S. Augustinus de quæstionibus obscurissimis, qualem esse putabat eam, quæ est de origine animarum; ad quas definendas non superent ulla firma testimonia, sed solum conjecturæ aliquæ ex divinis litteris. At nihil hoc ad Traditiones, quæ totius Ecclesiæ & omnium Veterum consensu firmatæ sunt; quod argumentum gravissimum esse passim docet S. Augustinus, cujus aliquos textus nos suprà in conclusionibus nostris retulimus, præsertim autem lib. 1. cont. Crescon. c. 43. ubi dicit, *Scripturam veritatem à nobis teneri, quando facimus, quod universa placet Ecclesiæ, etiam si nihil de ea scriptum legamus.*

Ob. 28vo. Patres Concilii Francofordienfis celebrati annò 794. in Capitulari Caroli Magni lib. 2. c. 30. Scripturam sacram solam esse fidei regulam innuunt his verbis: *Est planè Scriptura divina verax, fixa, & casta, & celestis Magisterii instrumentum, & aterna prædicatio purissimò nitens eloquiò: quæ lux mortalium dicente Propheta, lucerna pedibus meis verbum tuum, & lumen semitis meis. .... est tenebrarum discussio Salomone attestante, qui ait, lucerna est mandatum legis, & lux viæ, & incipatio, & Disciplina.* Ergo &c.

Resp. Exigui momenti esse Patrum Francofordensium auctoritatem, ut qui Conciliabulum fecerint à S. Sede Romana & universa Ecclesia damnatum, quamquam nihil hic proferant, quod sit contra sententiam nostram; hæc enim epitheta

sacra Scripturæ ultrò adaptari possunt, & tamen verum esse, quòd Traditio sit altera fidei nostræ regula, ut patet.

Hæc sunt præcipuè, imò penè omnia quæ ex Patribus adversùs nostram sententiam proferunt Adversarii; quæ nos ea soliditate diluissè arbitramur; ut inde nihil commodi eis obvenire arbitremur, præsertim cum lidem SS. Patres, quos nobis objiciunt, pro Traditione ultrò stent prout in nostris conclusionibus abundè satis ostendimus. Modò superest, ut ea, quæ à ratione adversùs nos effingunt, argumenta pari firmitate refutemus.

- 63 Ob. 29no. Etsi concederetur, quòd in primitiva Ecclesia fuerint aliquæ Traditiones non scriptæ, impossibile tamen videtur, eas per tot sæcula conservari potuisse incorruptas. Ergò re ipsa nullæ dantur Traditiones. Prob. ant. Plurima hujusmodi Traditionum conservationi impedimenta obstant; obliuio scilicet, imperitia, negligentia, perversitas, quæ nunquam desunt in genere humano. Unde etiam factum videmus. ut Dogmata & Leges Lycurgi, Pythagoræ & similium, qui docuerunt, nec sua dogmata scripserunt, penitus interierint. Ergo &c.

Resp. neg. utrumque ant. Non enim solum non est impossibile, Traditiones conservari, sed etiam est impossibile ut non conserventur, non obstante obliuione, imperitia, negligentia, & perversitate hominum. 1mo. enim hæc cura non hominibus præcipuè sed Deo, incumbit, quippe qui Ecclesiam regat. Sicut ergo Deus conservavit veram Ecclesiam usque ad hanc diem contra tot persecutiones Imperatorum, Philosophorum, Judæorum, Hæreticorum: & sicut potuit conservare Traditiones ab Adam usque ad Moysen per duo millia annorum; & deinde Scripturas sacras à Moysè usque ad hoc tempus per tria millia annorum & amplius, ita potuit sine dubio conservare Traditiones à Christo usque ad nos per mille septingen-

tos quadraginta quinque annos scilicet. 2do. Quia etsi Traditiones nullibi in sacris Litteris scriptæ inveniantur, inveniuntur tamen scriptæ in Veterum monumentis, & libris Ecclesiasticis. 3tio. Quia pleræque Traditiones ab ipso Apostolorum tempore usque ad nostra hæc tempora semper fuerunt & sunt in continua observatione, ut ritus Sacramentorum administrationum, dies festi, jejuniorum tempora, celebratio Missæ, & officiorum divinorum, & alia id genus plura. 4to. Quia antiquissima monumenta ad longissimum tempus durantia, ut sunt Templà vetustissima, & in iis Altaria, sacri fontes, memorie Sanctorum, cruces, imagines, libri Ecclesiastici, Liturgiæ nempe & alia similia Traditionis conservationem arguunt & manifestant. 5to. Traditionem confirmant & adhuc confirmant Hæreses. Deus enim mirabiliter utitur hostibus Ecclesiæ ad Ecclesiam conservandam. Quia enim singulis ætatibus ordi sunt novi Hæretici, qui diversa dogmata Ecclesiæ oppugnarunt, ideò etiam singulis ætatibus extiterunt homines docti, qui ut Hæreticis resisterent, diligenter investigarunt doctrinam Ecclesiæ, & Traditiones antiquas, & magnà diligentia eas posteris commendarunt.

Ob. 30mo. Scriptura est regula fidei nostræ. Ergo Traditiones non scriptæ nullæ sunt. 64

Resp. dist. ant. Scriptura est regula fidei nostræ adæquata & totalis, neg. inadæquata & partialis conc. ant. & neg. consequ. Scriptura enim non est aliter regula fidei nostræ, quàm quòd sit verbum Dei, at Traditiones divinæ non minùs etiam sunt verbum Dei, adeoque etiam non minùs fidei nostræ regula. Unde licet omnia, quæ in Scripturis continentur, sint de fide, non tamen omnia, quæ de fide sunt, in ipsis continentur, sed quædam ex sola Traditione profluunt, & habentur.

Ob.

65 Ob. 3<sup>mo</sup>. Multa incommoda secum fert Traditionum sententia. Ergo non est admittenda. Prob. ant. Per eam datur occasio multis falsis dogmatibus in Ecclesiam introducendis, ut experientia testatur. Ergo &c. Prob. ant. 1<sup>mo</sup>. Judæi ex Traditione recepta malè explicabant locum Malachiæ, ubi dicitur, Eliam suam prædicatione Messie adventum præventurum esse, cum tamen Christus ipse eum locum non intellexerit de persona Eliæ, sed de S. Joanne Baptista, qui in spiritu Eliæ duntaxat adventum suum designaret. (e) 2<sup>do</sup>. Discipuli Christi, sicut & alii quamplurimi ob Traditionem receptam de regno Christi futuro etiamnum post ipsius mortem dubitabant, an non ipse redempturus esset à temporalibus malis Israël, eumque in pristinam imò majorem libertatem restitueretur, ob quod duos in Emaus euntes Discipulos stultos & tardos ad credendum nuncupavit. 3<sup>io</sup>. Papias S. Joannis Apostoli & Evangelistæ Discipulus etiam ex Traditione fertur docuisse, regnum Christi futurum mille annorum hic in terris post resurrectionem, cui fidem habuerunt Irenæus, Tertullianus, Lactantius, & alii. (f) 4<sup>to</sup>. Irenæus lib. 3. c. 39. & 40. ex Traditione docet, Christum annò ætatis suæ quinquagesimò vel circiter passum esse: è contrario autem Tertullianus lib. cont. Jud. c. 5. & Clemens Alexandrinus lib. 1. Stromat. docent, Christum annò 30<sup>mo</sup>. ætatis suæ esse passum, quæ omnes Traditiones falsæ sunt. Ergo Traditio multis erroribus & falsis dogmatibus occasionem tribuit.

Resp. 1<sup>mo</sup>. Retorquendo argumentum: Multa incommoda secum fert S. Scriptura; Ergo est rejicienda. Ipsa enim occasionem tribuit non modò multis falsis dogmatibus, sed & multos falsos & perniciosos libros sub titulo & specie librorum

factorum & Canonicorum divulgandi; prout in Tract. de S. Scriptura annotavimus.

Resp. 2<sup>do</sup>. neg. utrumque antecedens: vel dist. Et hæc incommoda, falsæque dogmata ab ipsa Traditione profluunt, neg. ab hominum pravitare & malitia contr. & neg. conf. Profecò sicut specie S. Scripturæ multi falsi & perniciosi libri tanquam sacri & Canonici olim à perverfis hominibus, & Pseudo-Doctoribus in Ecclesiam introducti sunt, falsæque dogmata sparsa fuerunt, quin tamen hæc omnia veritati & auctoritati S. Scripturæ quodquam præjudicium attulerint; sic etiam falsæ quædam Traditiones fortè introduci poterunt, quin tamen veris & Apostolicis quidquam obstit nocent. Habemus enim in Ecclesia viam infallibilem veras Traditiones à falsis discernendi, sicut eandem habemus discernendi veras Scripturas à falsis, verumque illius sensum à falso; judicium Ecclesiæ scilicet, quæ ob specialem Spiritus S. assistentiam in tali discretionem errare non potest. Sicut igitur publicò Ecclesiæ judiciò nunquam receptus fuit liber aliquis apocryphus pro Canonico; sic nec falsa Traditio pro vera.

Ad exempla, quæ ab Adversariis proferuntur Resp. ea potiùs contra Scripturam pugnare, quàm adversùs Traditiones; utpote cum errores, quos continent, à S. Scriptura malè intellecta, non verò à Traditione profluxerint. Nam quoad imum Malachiæ 4<sup>to</sup> dicitur, Eliam venturum ante adventum seu diem Domini terribilem, id est, ante secundum Christi adventum; Judæi autem id erroneè de primo illius adventu intellexerunt. Similiterque etiam, quantum ad secundum, Discipuli Domini Scripturam malè intellexerunt, in qua de Regno Christi fit mentio; quapropter Christus verum illius sensum eis exposuit, inci-

(e) Martii. c. 5. (f) Vid. Euseb. lib. 3. hist. c. 39.

incipiendo à Moyse & Prophetis. Ad 3tium Papias quoque medicis ingenii vir, quod ait Eusebius (g), ex malè intellectis quibusdam Evangeliorum & Apocalypsis locis errorem suum de mille annis desumpsit, prout refert Hieronymus. (h) Quarto denique Irenæus ex Scriptura probare conatur, Dominum ad annum ferè quinquagesimum pervenisse nempe ex illo Joannis 8. v. 57. *Quinquaginta annos nondum habes &c.* Tertullianus & Clemens Alexandrinus è contrario ex sola Scriptura malè intellecta nituntur probare Christum annò ætatis suæ 30mò passum esse. Frustra ergo, & temerè hæc contra Traditionem asserunt ab Adversariis.

66 Ob. 32do. Proprium est Hæreticorum, abscondere sua dogmata, ac dicere, Christum, & Apostolos quædam palam omnibus prædicasse, quædam occultè tantum quibusdam tradidisse prout Irenæus (i) de Bassilianis & Carpocratianis, ut & Tertullianus testantur. (k) Atqui hoc ipsum dicunt, qui Traditionem tuerentur. Ergo Hæreticos imitantur.

Resp. dist. maj. hoc de veris, orthodoxis & piis dogmatibus dicebant Hæretici neg. De falsis, impiis & turpissimis mysteriis & dogmatibus asseriebant, & quidem falsò. conc. Maj. & sub eadem distinctione minoris neg. conf.

Hæretici sunt simiæ Catholicorum, prout ait Cyprianus ad Jubajanum, & propterea volunt etiam habere sua mysteria. Discrimen verò inter illorum mysteria, & nostra illud intercedit, quòd illorum mysteria ideo secretum postulent, quia turpissima sunt, quorum aliqua recensent Epiphanius, & Augustinus (l) de Gnosticis, & Manichæis, & ideo doctis hominibus duntaxat ea esse secreta volunt, imperitis autem manifesta, prout ipsis exponunt Irenæus, & Tertullianus. At con-

trâ, mysteria nostra, non tradantur solum quibusdam, quia lucem timeant, sed quia non est opus, ut ab omnibus sciatur, vel quia ea intelligere non omnes valent. Alioqui talia sunt, ut possint publicè prædicari, cum nihil nisi purum & castum agat Ecclesia.

Ob. 33tio. S. Scriptura communiter 67 in Conciliis semper in medio collocari solet. Atqui id ob aliam causam non fit, quàm quòd Scriptura dignoscatur esse sola fidei regula. Ergo regula illius esse non potest Traditio.

Resp. neg. min. Nam ideo hunc locum obtinet S. Scriptura, eoquòd, quidquid definitur ibi, vel ex ipsa confirmetur per Traditionem, vel ex ipsa Traditione ipsi non contraria probetur.

Ob. 34to & ultimò. Si Traditiones 68 valerent, tum ideo, quia aliàs Hæretici v. g. Sociniani, à Catholicis, vel potius Protestantibus falsitatis & erroris convinci non possent. Atqui falsum posterius. Ergo & prius. Prob. min. Ideò Hæretici v. g. Sociniani conclusiones Catholicorum & Protestantium conclusionibus omnino oppositas ex Scriptura deducunt; quia ipsa abutuntur ad firmandum Systema & errorem suum. Ergo ex Scriptura ipsa benè intellecta, non verò per Traditionem convinci debent. Prob. confeq. Ex illo convinci debent Hæretici argumento, quod Christus ipse adhibuit, ut convinceret Phariseos, dari libellum repudiij extra causam adulterij esse permissum asserentes, & Saducæos resurrectionem mortuorum negantes. Atqui id egit ex S. Scriptura tantum ut habetur Matth. c. 19. & 22. Non verò ex Traditione. Unde S. Augustinus (m) hanc in rem apposite ait: *Non nata sunt Hæreses, nisi cum Scriptura bona intelliguntur non benè, & quod in eis non benè intelligitur, etiam temerè asseritur.* Er-

go

(g) Loc. cit. (h) In cap. 49 lra & in c. 19. Matth. (i) Lib. 1. c. 23. & 24. (k) Lib. de præscript. (l) Lib. de Hæres. c. 46. (m) Tract. 18. in Joann.

go ex Scriptura non verò ex Traditione convincendi sunt Hæretici.

Resp. ad unum argumentum neg. min. ad illius probationem neg. secundam partem consequent. Equidem ultro concedimus, quòd, cùm Hæretici Scripturâ abutantur, eamque pravo sensu interpretentur, ex Scriptura benè & in vero sanoque sensu intellecta convinci debeant, ac negamus, hunc verum & sanum S. Scripturæ sensum posse haberi sine Traditione, prout fusè & solidè in nostris conclusionibus demonstratum à nobis est, adeoque nec sine illa ullo pacto posse convinci Hæreticos. Id exemplò adductò Protestantium & Socinianorum illustratur. Equidem Protestantes Socinianis In crimen vertunt, quòd Scripturâ sacrâ abutantur &c. At vicissim idipsum Protestantibus obijciunt Sociniani. Quid modò superest prioribus, ut Socinianos confundant? fortè Scripturas profertur? sed quid illis evincit, cùm aliter eas Sociniani interpretentur, & malè à cæteris Protestantibus intelligi tueantur? certè, ut ait Tertullianus supra laudatus, nihil hoc suo argumento agent Protestantes, nisi ut perdant vocem in contentione; nihil consequentur, nisi bilem de blasphematione. Ergo, concludit idem Tertullianus, non ad Scripturas provocandum est, in quibus aut nulla, aut incerta, aut par incerta victoria est; sed ad Traditionem Apostolicam, quæ sola verum Scripturæ sensum dabit.

Ad prolatam Christi auctoritatem Respond. eam Adversariis minimè patrocinari. Nam primò locò iniquam Phariseorum interpretationem, malamque consuetudinem ex claris Scripturæ textibus, atque ex alia bona consuetudine refutavit dicens: *ab initio autem non fuit sic.* In 2do autem loco, quid mirum, si resurrectionem mortuorum ex Traditione Judæorum non demonstravit contra Saduceos; ipsi enim nullas omnino Traditiones admittebant. Igitur solâ Scripturæ, & quidem Pentateu-

P. Cartier Theol. Tom. I.

chi solius (hunc enim solum velut librum divinum habebant) auctoritate contra ipsos uti potuit. Neque nos negamus malas consuetudines turpesque Traditiones interdum Scripturæ adminiculò contundi debere; at inde minimè sequitur, bonas & divinas Traditiones esse eliminandas.

Urgent Adversarii: Si Dei voluntas fuisset, ut doctrinæ istæ non scriptæ æquè sanctè conservarentur, ac illæ, quæ sunt in Scripturis, à sanctis Apostolis illas conscribi procul dubio curasset, & non reliquisset eas ab hominibus mendacibus pro suo arbitrio scribendas. Ergo voluntas Dei non fuit, ut conservarentur; adeoque si quæ fuerunt, jam dudum interierunt.

Resp. neg. sequel. ant. Ex factò argui debet Dei voluntas, nec conquirendæ rationculæ, ubi, prout ait Augustinus, *tota ratio facti est voluntas agentis.* Voluntas Dei fuit, ut Traditiones ipsius conservarentur, quod ex, quashætenus retinuit Ecclesia manifestè demonstrant; voluntas etiam ejus fuit, ut ab Apostolis non scriberentur, nam re ipsa easdem non scripserunt. Nihil amplius quæras. Et si, prout ineptè arguunt Adversarii, periculum imminet Traditionibus non scriptis per homines mendaces, qui illas post Apostolorum tempora in scriptum redegerunt; cur non simile periculum immineat omnibus Codicibus sacris; cùm præter unum autographum Apostolicum interim reliqua omnia exemplaria descripta fuerint ab hominibus, ut ipsi ajunt, mendacibus?

## CAPUT II.

70

### Unde humana Traditio à Divina secerni possit.

Traditionem sacram generatim dividi in Divinam & humanam supra in hujus Tractatus Præloquio insinuavimus; ubi & illam esse eam, quæ Deum vel Christum habet Auctorem, istam verò, quæ ab hominibus proficitur, diximus. Harum verò

L I

Tra-

Traditionum disparē, pro disparinē-  
pe utriusque Auctore, esse auctoritatem,  
nemo est, qui non apertè intelligat, & vel  
ea omnia, quæ de iis ibidem attulimus exem-  
pla produnt. Modò argumenti nostri ratio &  
ordo postulat, ut, quando Adversarii  
nostri omnia cætera adversus nostram de  
Traditione sententiam adducta argumenta  
à nobis eliminata & disjecta cernentes, ad  
istud velut ultimum perflugium suum se re-  
cipiunt, atque ajunt, impossibile esse,  
veras Traditiones à falsis distinguere, ab  
aggre isto illos etiam depellamus, nec non  
ostendamus, quæ ratione veræ Traditio-  
nes à se invicem, & per consequens à fal-  
sis discerni possint, traditis ad id regulis,  
quibus Adversarii, si aliàs judiciò & ra-  
tione uti velint, contradicere haud pote-  
runt; quòd ut citra ullam confusionem  
præstemus, primò præsentī capite solidas  
& infallibiles regulas assignabimus, qui-  
bus generatim discerni possit humana Tra-  
ditio à divina. Sit ergo

71

## Regula I.

Illud non est divina Traditio, cujus,  
licet in tota Ecclesia fervetur, initium re-  
peritur, aut in Decretis summorum Pon-  
tificum, aut in Conciliis Canonibus,  
aut in Statutis Patrum. Ratio est, quia si  
id, cujus initium reperitur, esset divina  
Traditio, seu si esset aliquid divinitus tra-  
ditum, oporteret, ut illi, vel illis à qui-  
bus habet initium, de novo fuisset reve-  
latum; atqui id asseri non potest, cum  
Ecclesia non admittat novæ revelationes  
in iis, quæ ad fidem vel mores spectant,  
prout jam in Tractatu de Scriptura passim  
insinuavimus, atque declarat Vincentius  
Lirinenſis his verbis: *Mos iste*, inquit  
(n), *in Ecclesia semper viguit, ut quòd*  
*quisque foret Religiosior, eò promptius no-*  
*væ ad inventionibus contraret.* Hinc  
summi Pontifices; hinc Concilia summa

vi, summoque studio id unum adversus  
Hæreticos curarunt, ut, pergit idem  
Vincentius, *defenderent suscepta semel Re-*  
*ligionis integritatem.* Hinc grande piacu-  
lum esse prædicarunt Patres id annuntiare,  
quod prius auditum non est: *Annuntiare*  
*ergo*, inquit ulterius (o), *aliquid Chri-*  
*stianis Catholicis præter id, quod accepe-*  
*runt, nunquam licuit nunquam licebit, &c.*  
Hinc denique iidem Patres, eodem Liri-  
nenſi teste (p), imperarunt, ut fideles,  
*quidquid ab aliquo deinceps non præter om-*  
*nes, vel contra omnes Sanctos novum & in-*  
*auditum subinduci senserint, id non ad Re-*  
*ligionem sed ad tentationem potius intelli-*  
*gant pertinere.*

Confirmatur Ratio hæc imò. Vel ea  
revelatio cognita fuisset Apostolis, vel  
non. Si primum, Apostoli eam revela-  
tionem docuissent, alioquin in ministerio  
se præbuisſent infideles. Si secundum,  
culpandus esset Christus, qui Apostolos  
non omnia Ecclesiæ necessaria docuisset,  
adeoque falsò promississet Spiritum sanctum  
eos omnem veritatem esse docturum. Hoc  
argumentum adhibet Tertullianus adver-  
sus suæ ætatis Gnosticos. (q) *Solent di-*  
*cere*, inquit, *non omnia Apostolos scisse;*  
*agitati dementiā, quā tursus convertunt;*  
*omnia quidem Apostolos scisse, sed non om-*  
*nia omnibus tradidisse, in utroque Christum*  
*reprehensioni subjicientes, qui aut minus*  
*instructos, aut parum simplices Apostolos*  
*miserit.*

Confirmatur adò. Si admitterentur  
novæ revelationes in iis, quæ spectant ad  
fidem vel mores, tum Ecclesia nec Mon-  
tanum, qui se à Spiritu sancto singulariter  
doctum jactabat, nec alios Hæreticos, qui  
errores protulerunt, nec Novatores, qui  
fortè deinceps orientur confutare poterit.  
Ergo hujusmodi novæ revelationes admit-  
ti nequitam debent. Prob. ant. Hujus-  
modi

(n) Commonit. l. i. c. 6. (o) C. 9. (p) C. 20. (q) Lib. de Prescripto. c. 20.

modi Hæretici & Novatores statim Ecclesiæ obijciunt, factas sibi esse novarum suarum opinionum revelationes: sicque nihil integrum, nihil sanum in Ecclesia stare poterit. Ergo &c. Plura hanc in rem legi possunt argumenta apud Tertullianum & Vincentium Lirinensem locis cit.

72

## Regula II.

Doctrina, quæ in una tantum particulari Ecclesia reperitur, non est divina, sed humana; non tradita, sed inventa.

Ratio est, quia veritas divinitus tradita universam spectat Ecclesiam; ergo non potest contineri in una tantum particulari Ecclesia. Ant. patet; idem enim Evangelium, eandemque doctrinam toti Orbi prædicare iussit Christus Apostolos. Consequentia etiam aperta est vel ex eo, quod aliquando ad unum terræ angulum reduci posset Ecclesia Catholica; quod falsum esse demonstrat Augustinus in suis adversus Donatistas operibus. Hinc etiam merito docet Vincentius Lirinensis (r), Ecclesiam illam particularem eo in casu non esse audiendam, neminemque posse illi se adungere, si ob privatam suam Traditionem se se à cæterarum Ecclesiarum communione præciderit.

73

## Regula III.

Humanum est, nec divinitus traditum dogma, quod contra communem aliorum sententiam ab uno tantum vel duobus etiam antiquis Scriptoribus, imò & tota aliqua urbe particulari aut provincia docetur.

Hujus regulæ veritatem demonstrat argumentum, quod pro prioreregula allatum est; sicque etiam Majores nostri tenuerunt. Quod si, ait sæpè laudatus

Vincentius Lirinensis (s), in ipsa vetustate duorum aut trium dominum, vel certè civitatis unius, aut etiam provincia aliqujus error deprehendatur: tunc omnino curabit, ut paucorum temeritati, vel inscitia, si quæ sunt universaliter antiquitatis universalis Concilii decreta præponat. Item, Quidquid verò, ait (t), quamvis ille sanctus, & doctus, quamvis Episcopus, quamvis Confessor & Martyr; præter omnes, aut etiam contra omnes senserit, id inter proprias & privatas opiniunculas à communis & publicæ generalis sententia auctoritate secretum sit, ne cum summo æternæ salutis periculo, universalis dogmatis antiqua veritate dimissa, unius hominis novitium sequeamur errorem.

## CAPUT III.

74

Unde cognosci possit, Traditionem aliquam esse divinam.

Assignatis Regulis, quibus dignosci possit generatim Traditionem quandam humanam duntaxat esse non divinam; modo etiam assignandæ sunt Regulæ, quibus haberi possit, Traditionem aliquam esse verè divinam. Sit igitur

## Regula I.

75

Dogma, quod universa Ecclesia amplectitur, tanquam fidei dogma licet in sacris Litteris non reperiatur, est divinæ Traditionis.

Prob. 1mo. ex S. Scriptura: 1. Timoth. c. 3. v. 15. Ecclesiam nuncupat Paulus columnam & firmamentum veritatis. Item de ea dicitur à Domino Matth. c. 16. v. 18. Porta inferi non prævalebit adversus eam. Atqui ipsa non esset columna & firmamen-

L 1 2



mamentum veritatis, necnon Portæ inferi adverſus eam prævalere poſſent, ſi quod ipſa tanquam fidei dogma amplectitur, licet ſcriptum in ſacris Litteris non reperiatur, non eſſet divinæ Traditionis. Ergo &c.

Pb. 2do. ex SS. Patribus. 1mo. S. Irenæus, *Eccleſia*, inquit (u), *per univerſum orbem uſque ad fines terra ſeminata, & ab Apoſtoliſ, & à diſcipuliſ eorum accepit eam fidem, qua eſt . . . . Hanc prædicationem cum acceperit, & hanc fidem Eccleſia, & quidem in univerſum orbem diſſeminata, diligenter cuſtodit, quaſi unam domum inhabitans, & ſimiliter credit hiſ, videlicet quaſi unam habens animam & unum cor.* Ergo juxta S. Irenæum fidem & prædicationem ab Apoſtoli� acceptam diligenter cuſtodit, atque communi conſenſu judicat, an doctrina aliqua ſit vera aut falſa. Adeoque quod tanquam de fide definit, illud & velut tale ſuſcipiendum eſt, etſi in S. Scriptura non continetur.

2do. Tertullianus: *Ecquid*, inquit (x), *verifimile eſt, ut tot ac tanta in unam fidem erraverint: variariſ debuerat error doctrina Eccleſiarum.* Caterum quod apud multos invenitur, non eſt erratum, ſed traditum. Hæc aperte noſtram Regulam continent. Ergo &c.

3tio. *Quam vanum eſt*, ait Cyprianus (y) *ut Novatianô nuper relictô & reſutâtô, & per ipſum orbem à Sacerdotibû Dei abſentô, nunc adulatores ad huc nobiſ patiamur illudere, ac de majeſtate ac dignitate Eccleſia judicare.* Ergo juxta hunc S. Patrem, ideo Novatianus hæreticus fuit, quod apud omnes orbis Eccleſiaſ tanquam hæreticus audivit; adeoque illud de fide tenendum, quod ut tale tener univerſaliſ Eccleſia &c.

4to. *Et non ſolum*, ait S. Hieronymus, *unius urbiſ, ſed totiuſ Orbis errant Epifcopi, qui canponem Vigilantium*

*contemnent, ingrediuntur baſilicaſ mora tuorum.* Ergo ex eo duntaxat damnat Vigilantium, quod illi univerſi contradicant &c.

ſto. S. Auguſtinus paſſim in ſuiſ adverſuſ Pelagianô Operibuſ aſſerit, hæreticam eſſe eorum doctrinam, quod omneſ Orbis Ecclēſiaſ Synodorum Carthaginenſium decretis, & Innocentii ac Zoſimi ſummorum Pontificum judicio ſubſcripiſſent. Ergo &c.

Pb. 3tio. Ratione Theologica: Eccleſia univerſa errare non poteſt, ut adducti probatione prima demonſtrant textuſ, omneſque, quotquot hæcenus extiterē Ecclēſiaſ Patreſ & Doctoreſ teneant. Ergo quod ipſa de fide eſſe credit, ſine dubio eſt de fide. Subſumo: Atqui nihil de fide credit, niſi quod Deus per Apoſtoloſ aut Prophetas ſive ſcriptô ſive verbô revelavit, aut quod evidenter inde deducitur. Ergo illa omnia, quæ Eccleſia de fide tenet, tradita ſunt ab Apoſtoliſ aut Prophetiſ vel ſcriptô vel verbô; ut ſunt *perpetua virginitaſ B. Mariaſ, numeruſ libraruſ Canonicuſ, & ſimilia.*

## Regula II.

76

Doctrina, quam univerſa Eccleſia quovis ſæculo propugnavit, divinæ eſt Traditioniſ, quamviſ in Libriſ Canoniciſ non reperiatur.

Pb. 1mo. ex SS. Patribus. *Caterum*, inquit ſupra laudatuſ Tertullianuſ (z), *quod apud multoſ unum invenitur, non eſt erratum, ſed traditum.*

Vincentiuſ item Lirinēſiſ: *In ipſa item Catholica Eccleſia*, ait (a), *magnopere curandum eſt, ut id teneamus, quod ubique, quod ſemper, quod ab omnibuſ credituſ eſt. Sed hoc ita demum fiet, ſi ſequamur univerſitateſ, antiquitateſ, conſenſioneſ: ſequemur autem univerſitateſ*

(u) Lib. 1. adv. hæreſ. cap. 2. (x) Lib. de Præſcript. (y) Lib. 3. Epiſt. 13. (z) Lib. de præſcript. (a) Commonit.

tem hoc modo, si hanc unam fidem veram esse fateamur, quam tota per orbem terrarum constituitur Ecclesia; antiquitatem verò ita, si ab his sensibus nullatenus recedamus, quos sanctos Majores, ac patres nostros celebrasse unanimes est; consensionem quoque itidem, si in ipsa vetustate, omnium, vel certe penè omnium Sacerdotum pariter & Magistrorum definitiones, sententiasque sectemur.

Hæc etiam est Regula S. Augustini lib. 4. cont. Donatist. c. 24.

Pb. 2do. Ratione Theologica: Sicut tota præsentis sæculi Ecclesia tanquam divinum admittere non potest, quod humanum est duntaxat; ita nec præcedentium sæculorum Ecclesia. Atqui &c. Ergo &c. Maj. est aperta: una nimirum est ac eadem Christi sponsa, licet diversis sæculis ac ætatibus sit distincta: Ergo doctrina, quam ut divinam admittit quovis sæculo, verè divinà est quamvis in sacris Litteris non legatur. Min. patet ex supra dictis Regulâ primâ. Ergo &c.

77

### Regula III.

Quando universa Ecclesia aliquid servat, quod nemo constituere potuit, nisi Deus, id ex traditione divina seu Apostolica esse dicendum est, quamvis nullibi in S. Scriptura exaratum inveniat.

Pb. 1mo. ex SS. Patribus: pro omnibus sufficiat S. Augustinus, qui Epist. 118. docet, *insolentissima infania esse, existimare, non rectè fieri, quod ab universa sit Ecclesia.* Item lib. 10. de Genes. c. 23. *Consuetudo, inquit, Matris Ecclesia in baptizandis parvulis nequaquam spernenda est, neque ullo modo superflua deputanda, nec omnino credenda, nisi Apostolica esset Traditio.* Et lib. 2. de Bapt. cap. 7. *Quam, inquit, consuetudinem non rebaptizandi hæreticos credo ex Apostolica traditione venientem, sicut multa non inveniuntur in libris eorum, neque in Conciliis posteriorum, & tamen quia per universam*

*custodiuntur Ecclesia, nonnisi ab ipsa tradita & commentata creantur.* Ergo illa, quæ Ecclesia non potest rectè servare, nisi à Deo sint instituta, & tamen servat, necesse est dicere, à Deo esse instituta, etiam si nusquam legantur, quale est Baptisma parvulorum, ut & hæreticorum baptismum esse ratum. Eraret enim gravissimè Ecclesia, si sine Dei mandato parvulos, qui actu non credunt, baptizaret, ut & si hæreticorum baptismò daret auctoritatem, nisi eam à Christo haberet.

Pb. 2do. Ratione 1mo. fidei & cultus Ecclesiæ universæ eadem est ratio, ut patet. Atqui in fide errare non potest, pro ut supra ostendimus; ergo nec in cultu seu ritu divino. Ergo quemadmodum in credendo est infallibilis, ita & in operando.

Pb. 2do. Multa hujusmodi sunt in Ecclesia, quæ ipsa nec tentare posset, nisi potestatem sibi per Apostolos divinitus traditam accepisset. Sic vota dissolvere, & remittere juramenta non erat humanæ potestatis: tùm quia jure naturæ vota nuncupata, Deo reddere, & juramenta servare tenemur: humana verò facultas ea, quæ jure naturæ debita & constituta sunt, condonare ac tollere non potest. Eadem est ratio de Matrimonii rati diremptione per solemne votum: tùm enim matrimonium, etiam non consummatum, ante Evangelicam legem jure naturæ esset indissolubile, nec esset in republica humana facultas ulla ejusmodi matrimonii dirimendi, consequens sit, hunc Ecclesiæ morem ex Christi, & Apostolorum ipsius instituto descendisse. Pb. conf. Credi haud potest, Ecclesiam Dei aliquam sibi potestatem generaliter usurpasse, in his, quæ ad jus naturæ pertinent, nisi quam Christo & Apostolis ejus tradentibus accepisset; enimverò gravis hic error esset in moribus, in quibus Ecclesiam errare non posse, jam supra annotavimus, & suo loco fusiùs adhuc ostendemus. Ergo &c.

L 1 3

Regula

## Regula IV.

Praxis quæ in Ecclesia universa quovis sæculo continuata serie conservata est, nec in Conciliis instituta videtur, merito censetur ab Apostolis instituta, quamvis sit ejus generis, ut ab Ecclesia institui poterit.

Hujus generis praxes & ritus sunt Quadragesimale jejunium (b), imaginum veneratio, quam ex Apostolica Traditione esse asseruerunt Patres Concilii Nicæni II. act. ult. Ritus, qui servantur in Baptismo prout discretè asserunt Basiliscus de Spiritu sancto c. 27. Tertullianus de corona milit. & alii.

Pb. 1mo. ex SS. Patribus primum adductis. Item ex S. Augustino, qui lib. 4. de Baptismo contra Donatistas c. 24. sic loquitur : *Quod universa tenet Ecclesia, nec Concilium institutum, sed semper vetitum est, non nisi auctoritate Apostolica traditum religiosè creditur.*

Idem docet Epist. 118. his verbis : *Illæ autem, quæ non scriptæ sed traditæ custodimus, quæ quidem toto terrarum orbe observantur, dantur intelligi, vel ab ipsis Apostolis, vel plenariis Conciliis, quorum est in Ecclesiis saluberrima auctoritas, commendata, atque statuta retineri, sicuti, quod Domini passio & resurrectio, & ascensio in calum, & adventus de celo Spiritus sancti anniversaria solemnitate celebrantur ; & si quid aliud tale occurrit, quod servatur ab universa, quæcumque se diffundit, Ecclesia.*

Pb. 2do. Ratione. In eo casu nullum est fundamentum judicandi, quod praxis, de qua agitur, ab Ecclesia fuerit instituta. Ergo, cum tamen omnes illius meminerint, & universam ab Ecclesia de sæculo in sæculum conservata fuerit, merito censeri debet ab Apostolis fuisse instituta, quamvis etiam ab Ecclesia institui poterit.

## Regula V.

Id sine dubio credendum est ex Apostolica traditione descendere, quod prout habetur in præcipuis & Apostolicis Ecclesiis, iisque, ubi est integra & continuata successio ab Apostolis, quamvis in quibusdam aliis Ecclesiis non reperitur.

Pb. 1mo. ex SS. Patribus. Irenæus lib. 3. adversus hæres. c. 2. asserit hæreticos impugnari posse vel Scripturâ, vel Traditione, quæ in Ecclesiis Apostolicis servatur. Cum, inquit, ad eam iterum traditionem, quæ est ab Apostolis, quæ per successionem Presbyterorum in Ecclesiis custoditur, provocamus eos.

Et cap. 3. scribit eam traditionem eminere in Ecclesiis, quas Apostoli fundarunt, & in quibus Episcoporum series interrupta non fuit. Traditionem itaque Apostolorum, inquit, in toto mundo manifestatam, in Ecclesia adeò perspicere omnibus, qui vera velint audire, & habemus numerare eos, qui ab Apostolis instituti sunt Episcopi in Ecclesiis, & successores eorum usque ad nos, qui nihil tale docuerunt, neque cognoverunt, quale ab his delinatur.

Porro inter eas Apostolicas Ecclesias, in quibus conservata est Traditio, docet Romanam Ecclesiam tenere principem locum : In quo, ait, semper ab his, qui sunt undique, conservata est ea, quæ ab Apostolis est traditio.

Et recensens omnes Romanos Episcopos usque ad sua tempora hæc habet : *Hæc ordinatione & successione, ea, quæ est ab Apostolis in Ecclesia traditio, & veritatis præconisatio pervenit usque ad nos.*

Tertullianus quoque libro de præscriptionibus, dubitanti, an aliquod dogma divinitus per Apostolos traditum sit, jubet, ut consulat Ecclesias matrices, quas Apostoli fundarunt, credatque, quod ab

cis

(b) Apud Irenæum, Epiphanium, Hieronymum, Ambrosium, Leonem.

eis credi perspexerit: *Quid predicaverint Apostoli*, inquit, *quid illis Christus revelaverit*, & *hic præscribam, non aliter probari debere, nisi per easdem Ecclesias, quas ipsi Apostoli condiderunt, ipsi eis predicando, tam viva voce, quàm per Epistolas postea.* Si hæc ita sunt, constat proinde, omnem doctrinam, qua cum illis Ecclesiis Apostolicis, matricibus, & originalibus fidei conspiret, veritati deputandam, id sine dubio tenentem, quod Ecclesia ab Apostolis, Apostoli à Christo, Christus à Deo suscepit: reliquam verò omnem doctrinam de mendacio præjudicandam, qua sapiat contra veritatem Ecclesiarum, & Apostolorum & Christi.

Pb. 2do. Ratione. Censendi sunt Apostoli successoribus suis cum officio Episcopatus etiam tradidisse doctrinam Religionis. Ergo procul dubio credendum est, ex Apostolica Traditione descendere, quidquid in hujusmodi Ecclesiis pro tali habetur.

Si ergo in aliqua Ecclesia ascendendo per Episcopos sibi invicem succedentes perveniamus ad Apostolum aliquem, & non constet, quod ullus eorum Episcoporum introduxerit novam doctrinam, certi sumus, ibi conservari Apostolicas Traditiones. Et quidem olim inveniebatur successio non interrupta, non modò Romæ, sed etiam Ephesi, Corinthi, Philippis, Thessalonicæ, Antiochiæ, Alexandriæ, Hierosolymæ, & alibi. Ac propterea laudatus Tertullianus (c) remittit homines ad quamlibet harum Apostolicarum Ecclesiarum, ut ibi inveniant Apostolicas Traditiones: & Theodosius Lege cunctos populos, Codice de summa Trinitate, & fide Catholica, jubet omnes servare eam fidem, quam prædicabant eo tempore Damasus Romæ, & Petrus Alexandriæ, duo Pontifices præcipuarum Apostolicarum Ecclesiarum. At nunc decrevit certa successio in omnibus Ecclesiis

Apostolicis, præterquam in Romana, & ideo ex testimonio hujus solius Ecclesiæ sumi potest certum argumentum ad probandas Apostolicas traditiones: ac tùm potissimum, cùm doctrina, vel ritus earum Ecclesiarum à doctrina, & ritibus Ecclesiæ Romanæ dissentiant.

## CAPUT IV. 80

### Unde speciatim variaz Traditiones in Præloquio recensitæ à se se invicem secernantur.

Uobis præcedentibus Capitibus Regulas assignavimus, quibus discrimen humanam inter & divinam Traditiones generatim sumptas dignosci possit; quoniam autem, ut in hujusce Tractatus præloquio annotavimus, variaz dantur sacre Traditiones humanæ; nempe purè Apostolicæ (nam propriè dicta Apostolica Traditio, quam Apostolico-divinam dicimus, eadem est ac divina, ut ibidem dictum, de qua proinde Traditione, utpote divina, cùm jam sufficienter à nobis dictum sit, nullus hic est sermo) aliæ verò Ecclesiasticæ duntaxat; operæ pretium arbitrati sumus, antequam Tractatui huic nostro finem imponamus breves quasdam annexere Regulas, quibus ostendamus, qua ratione hæ Traditiones speciatim à se invicem distinguantur, ne in tam multiplici Traditionum varietate, Traditiones purè Ecclesiasticæ cum Apostolicis, & purè Apostolicæ cum Divinis confundantur; atque etiam id proderit, ut veræ à falsis, revelatæ à non revelatis, necnon denique divinæ ab humanis secernantur. Sit ergo

## Regula I. 81

Considerari debet quælibet Traditio respectu initii sui, id est, inquirendum est Traditionis, de qua movetur quæstio, initium.

(c) Loc. cit.

initium. Nam si de illius non constet initio, sed semper servata atque retenta inveniat, non Ecclesiastica, sed Apostolica Traditio censenda est, juxta illud S. Augustini lib. 1. cont. Donatist. c. 24. dicentis: *Quod universa tenet Ecclesia, nec Conciliis institutum, sed semper retentum, non nisi auctoritate Apostolica traditum rectissime creditur.* Qualis est v. g. *Quadragesima & quatuor Temporum institutio.*

82

## Regula II.

Considerari debet Traditio quoad materiam suam. Hoc est, ut videatur & examinetur, an ejus materia Ecclesie potestatem excedat; an verò primum post Christi ab hoc mundo discessum ortum habuerit, cumque supponat. Si enim Traditio talis sit, ut ejus materia Ecclesie auctoritatem, sive potestatem excedat, evidens est, quòd hæc Traditio ab Apostolis non proveniat, sed à Christo primitus orta, atque propriè divina sit, necnon denominativè tantum Apostolica, sive Apostolico-Divina, non purè Apostolica; quia à Christo primitus Apostolis, & deinde per Apostolos Ecclesie tradita fuit. Qualis est c. 9. Doctrina seu Traditio, qua teste S. Cypriano lib. 2. Epist. 3. docemur *Aquam esse vino miscendam in consecratione calicis.*

Secus verò judicandum de ea Traditione, qualiscunque demum illa sit, cujus materia Christi ex hoc mundo discessus & ad cælos ascensus epocham non superat aut prætergreditur. Enimverò Traditio illa, cujus non invenitur initium, fuitque semper in Ecclesia retenta, & cujus materia Christi in cælos ascensum primum sequitur ac supponit merè & purè Apostolica censenda videtur, seu ab Apostolis ipsis instituta, qualis est v. g. *Praxis de vigilia in memoriis Martyrum. Mos salutandi se in osculo pacis. Mos ce-*

*lebrandi Agapas. (d) Mos abstinendi à sanguine & suffocatis carnibus.*

Si verò non modò post Christum sed etiam Apostolos ipsos, illudque, quòd vixerunt, tempus primum vigere cœpisse videatur, nec Divina, nec Apostolica, sed Ecclesiastica Traditio est censenda, qualis est c. g. *Abstinentia à carnibus, ovis, & lascivitiis certis anni diebus.*

## Regula III.

83

Considerari ulterius debet Traditio aliqua quantum ad suam qualitatem, seu quoad suam mutabilitatem, vel immutabilitatem, hoc est, si Traditio aliqua talis sit, ut nec Christi, nec Apostolorum ex hac vita discessum, seu eorumdem subsequens tempus arguat vel supponat, nec tamen Ecclesie potestatem superet, nihilominus dubium adhuc sit, an divina, an Apostolica scilicet & duntaxat censenda veniat; advertendum est, an mutabilis sit, an verò immutabilis; si primum, necnon Ecclesia in ea dispensare valeat, evidens tunc est, eam non Divinam, sed purè Apostolicam esse, cum in divinis Ecclesia dispensare non possit, divinaque Traditio sit immutabilis, utpote verbum Dei non scriptum, quod in æternum manet. Sic purè Apostolica est *Quadragesima institutio*, in qua sæpius dispensat Ecclesia, præsertim cum Principibus & Magnatibus.

## Regula IV.

84

In traditione aliqua considerandus etiam venit communis SS. Patrum consensus, id est, si adhuc dubitetur, num sit mutabilis, aut Ecclesia in ea dispensare possit, ac proinde an Divina sit, vel purè Apostolica, consulendus est concursus sanctorum Patrum consensus; si enim aliquid SS. Patres secundum suorum temporum successionem, semper & ab initio unan-

mi

(d) Conventio charitatis post communem sacram haberi solita.

mi consensu tenuerint tanquam fidei dogma, atque ejus oppositum, velut Hæreticum quid refutarint, id sine dubio, quamvis nullibi in facris Litteris scriptum inveniat expreſſum, Traditio Divina est, seu Apostolico-Divina, hoc est, à Christo viva voce Apostolis tradita, & per Apostolos ad posteror, & ab iis ad nos usque devoluta, qualis est v. g. *Perpetua B. Maria Deipara Virginitas. Sacra Scriptura divinitas.* Et alia similia fidei dogmata. Huius regulæ ratio est, quia si omnes Ecclesiæ Patres in hoc errarent, erraret & ipsa, quæ illos sequitur, & sequi tenetur Ecclesia.

87

### Regula V.

Traditio spectari debet etiam quantum ad Ecclesiæ iudicium, hoc est, si non constet adhuc de communi Patrum consensu circa Traditionem aliquam & dubitetur de tali Traditione, an Divina sit seu Apostolica, qualis fuit Traditio *de non rebaptizandis Hæreticis*, quam impugnabat S. Cyprianus, considerandum est, quale sit ea de re Ecclesiæ iudicium, & tenendum pro Traditione Divina illud, quod tanquam fidei dogma Ecclesiæ iudicio recipitur, quamvis in Scriptura expreſſum non sit, quia infallibile est Ecclesiæ Catholicæ iudicium, unde S. Augustinus expreſſe ait (e): *Non accipio, quod de baptizandis Hæreticis B. Cyprianus sensit; quia hoc Ecclesia non accipit, pro qua Beatus Cyprianus sanguinem fudit.* Et hæc de Traditionibus à nobis dicta sint, quibus finem dicendi faciemus, si prius iis quæ adversus eas adhuc obijciuntur, responderimus.

86

*Solvuntur Objectiones adversus ea quæ dictemus à nobis de Traditionibus tribus bis ultimis Capitulis dicta sunt.*

Ob. 1mo: Omnes Traditionum species à nobis relatæ sparsim reporiuntur P. Cartier Theol. Tom. I.

in SS. Patrum Scriptis. Ergo non sunt veræ Traditiones, vel Traditio perperam dicitur Doctrina non scripta.

Resp. neg. conf. Non enim ideo Traditio dicitur doctrina non scripta, quasi nullibi scripta reperiretur, sed quia viva voce, non autem scripto, à suo primo auctore tradita nulloque libro Canonico inserta fuit; quamvis postmodum à successoribus de illa testimonium ferentibus exarata fuerit; quales sunt Traditiones Divinæ & Apostolicæ, quæ quidem in nullo Canonico S. Scripturæ libro expreſſæ sunt, nobis tamen sparsim à SS. Patribus scripto successivè transmissæ fuerunt.

Ob. 2do. Traditiones divinæ passim à SS. Patribus vocantur Apostolicæ, & Apostolicæ vicissim nuncupantur Divinæ. Ergo nullum inter Divinas & Apostolicas intercedit discrimen

Resp. dist. conf. inter Divinas & Apostolicas, videlicet eas, quæ sunt ab Apostolis ut Christi præconibus seu nomine Christi loquentibus nullum datur discrimen conc. Inter Divinas & Apostolicas, quæ sunt ab Apostolis tanquam Ecclesiæ Pastoribus & proprio nomine loquentibus, nullum intercedit discrimen neg. confeq. Jam in Tractatus hujus prologo tradidimus dari duplicis speciei Traditiones Apostolicas, sunt enim quæ dicuntur Apostolico-Divinæ, & re ipsa à Divinis non distinguuntur; sunt autem aliæ, quæ purè Apostolicæ dicuntur, & hæc à prioribus, adeoque etiam à Divinis secernuntur. Vide quæ ibidem annotavimus.

Ob. 3tio. Ex Traditionis alicujus multitudine non potest concludi eam non esse divinam. Ergo falsa est primum loco quartò adducta regula. Pb. ant. Lex Moisaica erat Divina, & tamen mutari potuit & abrogari, & re ipsa in multis per Christum fuit abrogata. Ergo &c.

M m

Resp.

(e) Lib. cont. Gresson. cap. 3a.

Resp. Dist. 1<sup>um</sup> ant. si hæc mutabilitas à solo Deo pendeat, conc. si ab Ecclesia neg. ant. & conseq. ad secundum enthymema pariter dist. ant. Lex Mosaiica erat Divina & tamen mutari potuit à Synagoga neg. ant. à solo Deo conc. ant. & neg. conf. Quarta Regula dum ex mutabilitate Traditionis alicujus arguit eam non esse divinam, intelligitur duntaxat de ea mutabilitate, quæ fieri potest ab Ecclesia, non de ea quæ à solo Deo pendet. Deinde Lex Mosaiica propriè loquendo à Christo non fuit tam abrogata & mutata, quam perfectæ, prout ipse Christus loquitur, erat quippe figura novæ legis. Unde posset negari utrumque antecedens.

89 Urg. Quadragesimæ jejuniū est ex Traditione Divina, prout multi SS. Patres videntur innuere, præsertim S. Hieronymus in c. 2. Jonæ, S. Ambrosius Concione 36. S. Chrysostomus Hom. 1. in Genes. Et tamen interdum cum multis in eo dispensat Ecclesia. Ergo Traditio Divina est mutabilis & in ea dispensare potest Ecclesia.

Resp. neg. ant. Nam si à nonnullis SS. Patribus jejuniū Quadragesimale ad Christum tanquam illius institutorem videatur alicubi referri; ideo fit, inquit Melchior Canus, quia ad Christi jejunantis Exemplum est ab Apostolis institutum; vel quia Apostolica edicta Christi edicta censentur, quia Spiritu sancto assistente ab ipsis prolata fuere, prout ipse Christus illis promissit dicens Joan. c. 16. v. 12. *Multa habeo vobis dicere, sed non potestis portare modò. Cum autem venerit ille Spiritus veritatis, docebit vos omnem veritatem*, qua promissione Divina fulti postea Jerosolymis congregati sic definiunt Act. c. 15 v. 28. *Videtur est Spiritui sancto & nobis &c.*

90 Ob. 4<sup>to</sup>. Olim variæ Ecclesiæ contraria planè sibi ab Apostolis tradita fuisse con-

tendebant. Ergo Regula hæc, quæ Traditiones ab unanimi Ecclesiarum consensu repetunt locum habere non possunt.

Resp. Dist. ant. Variæ Ecclesiæ contraria planè sibi ab Apostolis tradita fuisse contendebant quoad ritus & caeremonias, conc. ant. Quoad dogmata neg. ant. & consequentiam. Memoratæ Regule de dogmatibus duntaxat sunt intelligendæ, non de ritibus & caeremoniis Ecclesiasticis nec dogmata nec fidem spectantibus, quæ variæ in variis Ecclesiis esse possunt.

Ob. 5<sup>to</sup>. Si Traditiones eadem fide sint recipiendæ, ac ea, quæ Scripturis continentur, propter Ecclesiæ testimonium & Patrum consensum: tunc hæc Ecclesiæ & Patrum testimonia eandem certitudinem & auctoritatem habebunt, ac ipsa S. Scriptura: tunc credendum est Scriptis Patrum eadem fide, qua scriptis Prophetis & Apostolicis credimus: tunc sive Patres loquantur ex Scriptura, sive absque Scriptura, nulla erit differentia quoad fidem ipsis habendam. Atqui hæc omnia sunt planè absurda, & à pietate profus aliena. Ergo & Regule à nobis prolatae ad dignoscendas Traditiones divinas &c.

Resp. conc. maj. neg. min. & conseq. In tribus illationibus in majori propositione exaratis nihil absurdum, nihil non pium, & sanum continetur, dummodo omnia rectè & in sano sensu accipiantur. Nam revera testimonium Ecclesiæ & Patrum concorditer scilicet de Traditionibus testantium æqualiter se habet respectu Verbi Divini, sive id scriptò, sive orali traditione ad nos derivetur. Tam parum in uno, quam in altero decipi ab Ecclesia possumus. Unde sicut Ecclesiæ ut & concordati Patrum antiquorum de Scripturæ sacre veritate testimonio omnino credendum est, sic & illius illorum quoque de Traditione Divina testificationi fides adhibenda &c.

*Finis Tractatus secundi.*

TOMI


TOMI PRIMI  
TRACTATUS  
TERTIUS

DE  
ECCLESIA CATHOLICA  
ET

*EJUSDEM AUCTORITATE,*

Ubi etiam de Conciliis & Romano Pontifice,  
necnon Eorum Auctoritate.







# I N D E X

## *Titulorum Tractatus tertii Tomi primi Theologiae Universalis, de Ecclesia Catholica.*

- Præloquium.* - - Num. I. *Cap. III.* De auctoritate Ecclesiae in rebus ad Religionem pertinentibus - - 193.
- Cap. I.* De natura Ecclesiae. 8.
- §. I. *Quid nominis, quid rei sit Ecclesia.* - - Ibid.
- §. II. *De Auctore, & Origine Ecclesiae.* - - 25.
- Cap. II.* De Notis seu characteribus Ecclesiae. 51.
- §. I. *De Unitate Ecclesiae.* - 76.
- §. II. *De Sanctitate Ecclesiae.* 105.
- §. III. *De Catholicitate Ecclesiae.* - 128.
- §. IV. *De Apostolicitate Ecclesiae.* - 141.
- §. V. *An vera Christi Ecclesia sit Romana.* - 160.
- §. VI. *De Visibilitate Ecclesiae.* - 170.
- §. VII. *De Perpetuitate seu indefectibilitate Ecclesiae.* 185.
- §. I. *Quid nominis, quid rei sit Concilium &c.* - 194.
- §. II. *An Ecclesia seu Concilium sit supremus & infallibilis controversiarum fidei &c. Judex.* - - 231.
- §. III. *Quale sit institutum à Christo Ecclesiae regimen.* - - 269.
- Cap. IV.* De membris Ecclesiae. - - 293.
- §. I. *An soli Prædestinati sint vera Ecclesiae membra.* 294.
- §. II. *An soli Iusti & perfecti sint membra Ecclesiae.* 302.

M m 3

§. III.

- §. III. *An Hæretici, ſive publici ſive occulti ſint in Eccleſia.* - - - 312.
- §. IV. *Utrum Schismatici ſint in Eccleſia.* - - - 329.
- §. V. *Utrum Excommunicati, Infideles, & Cathecumeni ſint in Eccleſia.* 342.
- Cap. V. *De viſibili Eccleſiæ Capite Romano Pontifice ſcilicet.* 356.
- §. I. *An S. Petrus Primum non tantum honoris & dignitatis, ſed etiam poteſtatis & juridiſtionis acceperit à Chriſto Domino.* - - - 357.
- §. II. *De Primatu Romani Pontificis ſuprà cæteros Episcopos in univerſa Eccleſia.* - - - 370.
- §. III. *An Summus Pontifex in Cauſis fidei & morum definiendis errare poſſit. Et, quod ad idem redit, an ſit ſuprà Concilium.* - - - 384.
- §. IV. *An Summus Pontifex auctoritatem aliquam directam vel indirectam in res temporales Principum à Chriſto Domino acceperit.* - - - 395.



# TOMI PRIMI THEOLOGIAE UNIVERSALIS TRACTATUS TERTIUS

## *De Ecclesia Catholica.*

### *Præloquium.*

**E**Xpensâ prioribus binis Tractatibus S. Scripturæ & Traditionis præcipuorum, licet, ut vocant, mortuorum, locorum Theologicorum naturâ & auctoritate; modò ordinis & dignitatis ratio postulat, ut de Ecclesia, inter vivos, ut ajunt, locos Theologicos præcipuò tractationem ineamus.

Ecclesia igitur, si nominis Etymon consideres, idem significat ac *evocationem* seu *convocationem*, ergo Ecclesia est convocatorum cœtus, imò etiam ipse locus, in quo cœtus ille fit; hocque grammaticali & generali sensu, quilibet conventus seu congregatio etiam civilis ac politica Ecclesia nuncupari potest. Sic Psal. 25. v. 5. David ait: *Odivi Ecclesiam malignantium*, & Psal. 106. v. 32. *Exal- tent eum in Ecclesia plebis*. Quo postremo loco Ecclesia pro conventu civili & politico usurpatur.

<sup>2</sup> At verò usu Ecclesiastico, & in sensu, quem modò adoptamus, Ecclesia significat fidelium societatem seu congregatio-

nem. Cùm autem inter fideles, quorum societas constituit Ecclesiam, alii sint in termino seu *Comprehensores*, qui jam æterna beatitudine perfruuntur: alii *Viatores*, qui hic in terris militant; alii post hanc vitam in pœnis purgatorii aliquamdiu detenti, ut Justitiæ divinæ omninò satisfaciant; hinc Theologi Catholici triplicem distinguunt Ecclesiam, vel, ut rectius dicamus, triplicem ejusdem Ecclesiæ statum. Primum statum vocant Ecclesiam *triumphantem*, alterum Ecclesiam *militantem*, tertium denique Ecclesiam *patientem*. Postremi duo non erunt perpetui, at prioris ævum erit sempiternum, & ad ipsum tanquam ad finem ultimum reliqui duo referuntur.

De sola Ecclesia militante hic nobis <sup>3</sup> agendum proponimus, de reliquis duabus enim alibi occurret occasio differendi. Ecclesia militans igitur spectanda est, quasi vivum corpus, quod Christo ut Capite, fidelibus tanquam membris, & Fide, Spe, atque Charitate quasi anima fidelibus vitam spiritualem inspirante constat.

conſtat. Unde Apoſtolus Coloff. cap. 1. v. 18. Chriſtum vocat *Caput corporis Eccleſie*, & ibidem v. 24. *Eccleſiam eſſe Chriſti corpus*, ſcilicet myſticum, affimulare non dubitat. Quapropter etiam ad Rom. c. 12. v. 5. de fidelibus ſe loquitur: *Ita multi unum corpus ſumus in Chriſto*, ſinguli autem alter alterius membra; alibi paſſim, ut 1. Corinth. c. 10. v. 17. Ibid. cap. 12. v. 12. & 27. Ephel. cap. 4. v. 16.

4 Tanta est autem analogia inter corpus Ecclesiae mysticum & naturale corpus humanum, ut illius essentia & proprietates ex isto facile intelligi possint. Primum quidem, quemadmodum corpus humanum variis constat membris, tum inter se invicem, tum cum suo capite colligatis & intus animâ vegetatis, quae simul unum corpus efficiunt, & in quae caput influat, necesse est: sic Ecclesiae corpus variis constat membris, & ejusdem fidei professione, & eorumdem Sacramentorum communione inter se invicem, & cum suo Capite Christo colligatis, quae simul unum corpus unamque Societatem efficiunt, in quam Christus, ut caput, influat. Anima, quae hujusce corporis membris vitam inspirat, sunt dona Spiritus sancti, inter quae præcipuum locum tenent Fides, Spes, & Charitas. Vincula exteriora, quibus Ecclesiae membra inter se colligantur, sunt ejusdem fidei professio exterior in eadem communione.

Deinde ut in corpore humano varia membra diversis muneribus atque officiis funguntur; ita Ecclesiae membra, quorum alia sunt oves, alia summi capitis Christi vicem gerentia, sunt ovium Pastores; quorum etiam alii sunt aliis superiores, atque inter omnes supremus unus, Romanus nempe Pontifex, ut subordinationis ordo servetur.

6 Præterea, quemadmodum in corpore humano ea sola membra sunt viva, quæ

ab anima vitam jugiter accipiunt, & in  
quæ caput influit; sic ea sola Ecclesie  
membra sunt viva membra, in quæ per  
gratiam suam Christus influit, & quæ  
quali animâ Ecclesie informatur. Cum  
autem illa anima potissimum consistat in  
Fide, Spe, & Charitate, quæ virtutes  
à se invicem seungi possunt; hinc fit,  
ut aliquis esse possit animâ Ecclesie par-  
ticipes, vel minus perfecte & *inadequate*,  
ut ajunt, id est, quoad solam Fidem,  
vel perfecte & *adquate*, quoad Fidem  
scilicet, Spem, & Charitatem simul.  
Porro à Charitate, quæ est nobilior pars,  
ex Apostolo dicente: *Mement tria hæc,  
Fides, Spes, Caritas, major autem hor-  
um est Caritas.* Ecclesie membra de-  
nominari solent *viva* si adest, *mortua*  
verò & putrida, si absit. Itaque mem-  
bra Ecclesie, in quibus dominatur cu-  
piditas, non Caritas, inter membra  
mortua & putrida tamdiu computantur,  
quamdiu in eo statu remanent, licet ali-  
quantenus fortè vitam participant, quoad  
Fidem scilicet. Sed quia tunc eorum  
Fides est quoque mortua, seu Charitate  
destituta, nihilominus dicuntur membra  
mortua. Verùm de his plura suo loco.

Cæterum hic apprime notatum volumus, nos Ecclesiam militantem modò non spectare secundum animam suam, sed secundum quod est corpus visibile atque prout Capite & membris visibilibus constat; sub quo nomine non modò ipsa Ecclesia in se spectata, sed & Concilia, ut quæ & ipsam repræsentant, sed Romanus Pontifex utpote Caput ipsius, etiam veniunt. Unico ergo hoc de Ecclesia Tractatu tres locos Theologicos ab Ecclesia nempe, Conciliis, & Romano Pontifice eorumque auctoritate petitis expendere animus est, solum hac tenus tractandi methodum sectaturi.

Quinque igitur erunt hujus Tractatus capita. In quorum primo, quid nominis quid rei sit Ecclesia militans investigabi-

mus. In secundo Notas illius seu Characteres expendemus. In tertio illius auctoritatem in rebus ad Religionem pertinentibus exponemus, ubi de Conciliis nobis erit sermo. In quarto de illius membris differemus. Et in quinto denique de illius Capite Romano Pontifice tractabimus.

## 8 CAPUT PRIMUM. De natura Ecclesiæ.

Quatuor circa Ecclesiæ naturam nobis examinanda veniunt, quid nominis nempe quid rei ipsa sit; quis illius auctor, & quænam illius origo. Hæc duobus duntaxat Paragraphis expendimus. Sit igitur

### §. I.

#### Quid nominis, quid rei sit Ecclesiæ.

Ecclesiæ, ut jam supra à nobis dictum est, nomen græcum idem significat ac evocationem seu convocationem, sicque quilibet Conventus sive bonorum sive malorum Ecclesiæ nuncupari potest. At usu apud Christianos recepto Ecclesiæ idem est, ac fidelium societas seu congregatio: quo sensu ab Apostolo sumitur Rom. 16. v. 16. dum ait: *Salutate vos Ecclesiæ Christi*. Et v. 23. *Salutat vos universa Ecclesiæ*.

Quandoque etiam in ipsa S. Scriptura Ecclesiæ vocabulum sumitur pro loco ipso, in quo fideles congregantur ad preces fundendas, & sacra Deo facienda; quo sensu eam sumit Apostolus 1. Corinth. cap. 11. v. 18. his verbis: *Primum quidem convenientibus volis in Ecclesiæ &c.* item v. 22. *Nunc id domos non habetis ad manducandum & bibendum? aut Ecclesiæ Dei contempnitis &c.* Necnon P. Cartier Theol. Tom. I.

Judith c. 6. v. 21. ubi textus sic habet: *convocatus est populus omnis, & per totam noctem intra Ecclesiæm oraverunt.*

Proprie verò nomen *Ecclesiæ* hic significat *Societatem seu Cætum Vocatorum*. Quia nemo se ad populum Dei adjungit per se, & proprio instinctu, sed quotquot veniunt, omnes à Dei vocatione præveniuntur. Est enim vocatio primum beneficium, quod Sancti à Deo recipiunt juxta Apostolum Rom. 8. v. 30. *Quos vocavit, hos & justificavit*. Et hinc etiam idem Apostolus in omnibus fere epistolis suis Christianos semper *Vocatos* nuncupat. Proinde quæ in veteri Testamento *Synagoga*, id est, *Congregatio* dicebatur; in novo *Ecclesiæ*, id est, *Evocatio* nominatur, inquit S. Augustinus. (a)

Hoc sensu Ecclesiæ pluribus modis sumitur: 1mo. Pro iis fidelibus, qui in una eademque domo & familia commorantur. Rom. 16. v. 3. & 5. *Salutate Priscam & Aquilam . . . & domesticam Ecclesiæ eorum*. 2do. Pro iis fidelibus, qui in una Parochia sub uno Pastore degunt. Ita passim apud Scriptores Ecclesiasticos. 3tio. Pro cætu fidelium, qui totus in una civitate una subjicitur Episcopo 1. Corinth. cap. 1. *Ecclesiæ Dei, quæ est Corinthi*. 4to. Pro ea fidelium societate, quæ in pluribus Civitatibus & Diocæsis, adeoque in una provincia vel etiam ampliori ditione & regione, natione aut Regno, vel etiam amplissima totius terrarum Orbis parte uni & eidem Episcopo superioris cujusdam gradus, qualis est e. g. Archiepiscopus, Primas, vel Patriarcha, subjicitur. *Ad Tit. c. 1. v. 5. Hujus rei gratia reliqui te Creta, ut ea, quæ defunctis, corrigas, & constituas per Civitates Presbyteros, id est, Episcopos*. 5to. Pro ipso Tribunali Ecclesiæ, seu pro ipso Præfule & Pastore Ecclesiæ, cujus

N n

est

(a) In Psalm 81.

est regere plebem sibi à Deo commissam. (b) Si autem non audierit, dic Ecclesia, id est, Ecclesiæ Præfibus & Episcopis, quibus nempe data est potestas à Deo ligandi & solvendi (c), & per consequens regendi; Act. 20. v. 28. *Attendite vobis, & universo gregi, in quo vos Spiritus sanctus posuit Episcopos regere Ecclesiam Dei &c.* 6to. denique sumitur Ecclesiæ nomen pro universa Christianorum gente. His præmissis

- 11 Definimus Ecclesiam: quod sit Cæus hominum unius & ejusdem fidei Christiana professione & eorumdem Sacramentorum communione conjunctus sub regimine legitimorum Pastorum ac præcipue Romani Pontificis.

- 12 Legitimam esse hanc Ecclesiæ definitionem, habetur 1mo. Quòd in Ecclesia Christi duo essentialiter requirantur, conjunctio seu unio scilicet eorum, qui illam constituunt; & subordinatio seu dependentia eorumdem ab iis, qui hanc societatem regunt & moderantur. Cum enim in Scripturis Ecclesia vocetur Civitas Psalm. 47. v. 2. Matth. 5. v. 14. Apocal. 21. v. 16. *Domus* ad Timoth. 3. v. 15. *Regnum* Matth. 13. *Ovile, Corpus*, Coloss. 1. v. 25. Non potest sub iis titulis & imaginibus concipi sine conjunctione & unione membrorum, & dependentia ab iis, qui præfunt: atqui hæc duo explicantur in nostra definitione, *unio* scilicet, quæ fit per eandem fidei professionem, & eorumdem Sacramentorum communionem; necnon *subordinatio*, per dependentiam à legitimis Pastoribus, ac præcipue Romano Pontifice.

- 13 Præterea certum est, prout suò loco demonstrabimus, esse in Ecclesia activam judicii, doctrinæ, & regiminis auctoritatem planè indefectibilem & infallibilem; quæ Laicis non competit,

sed Ministris à Deo institutis propria est, quos qui audit, Christum ipsum audire. Ergo rectè deñiri non potest Ecclesia sine legitimis illis Ministris, quorum primus & Caput jure divino est Romanus Pontifex.

2do. Quia complectitur omnes partes Ecclesiæ, & ab ea excludit, quidquid ab ea excludendum est. Tria enim in Ecclesia notantur, quorum si vel unum desit, non potest quis de illius corpore & gremio censi: scilicet *professio fidei Christianæ, Sacramentorum communio, subiectio legitimis Pastoribus*. Defectu primæ conditionis excluduntur omnes Infideles & Hæretici. Defectu secundæ, excluduntur Catechumeni & Excommunicati. Defectu tertiæ, excluduntur Schismatici, qui tamen fidem habeant & Sacramenta, legitimo tamen Pastori non obediunt, atque idcirco foris, & extra Ecclesiam fidem profitentur, & Sacramenta suscipiunt.

Hanc Ecclesiæ definitionem tradiderunt SS. Patres. Cyprianus Epist. 69. ad Pupian. *Illi*, inquit, *sunt Ecclesia, plebs Sacerdoti adunata & Pastori suo græ adhaerens*. Atque pluribus necessitatem urget, quæ omnibus fidelibus incumbit, subijciendi se legitimo Pastori.

Ante ipsum S. Irenæus lib. 3. adv. hæres. cap. 3. successionis Pastorum in Ecclesia præsertim Romana mentionem facit: *ad hanc* (Romanam nempe) *Ecclesiam*, inquit, *propter potiorum principatitatem necesse est omnem Ecclesiam convenire, hoc est, eos, qui sunt undique fideles, in qua semper ab his, qui sunt undique, conservata est ea, quæ ab Apostolis est traditio*. Deinde Romanos Episcopos enumerat usque ad Eleutherium, qui tunc temporis sedebat, additque *per eos, Apostolorum traditionem & veritatis*

(b) Matth. 18. v. 17. (c) Ibid.

*fituſque præconſuetudinem uſque ad ſuam ætatem perueniſſe.*

- 16 Tertullianus lib. de præſcript. cap. 31. longo textu ſucceſſionem Apoſtolicam in veris Apoſtolicis Eccleſiis requirit, exiſtimatque, ad rationem veræ Eccleſiæ neceſſariam eſſe Paſtorum legitimam ſucceſſionem, debitamque iis obedientiam quos, niſi Apoſtoliſ, aut Apoſtolicis viris ſucceſſiſſe compertum ſit, tanquam legitimos, & veros Chriſti Sponſæ Miniſtros ac Paſtores non eſſe agnoſcendos pronuntiat.

- 17 Optatus lib. 2. cont. Parmen. poſtquam deſcripſit dotes & characteres Eccleſiæ Catholicæ, ſubjungit dependenti-  
am ſeu ſubjectionem legitimis Paſtoribus, in quibus occurrit illa ſucceſſio, & præſertim Epifcopo Romano, qui ſedet in Cathedra Petri; poſtmodum reſert omnes illos Pontifices, qui à S. Petro uſque ad Syricum hanc Romanam Sedem occuparunt, in qua una Cathedra, inquit, unitas ab omnibus ſervatur . . . . ut jam Schismaticus & peccator eſſet, qui contra ſingularem Cathedram alteram collocaret. Et paulo poſt Adverſarios ſuos alloquens: *Veſtra Cathedra vos, ait, originem reddite, qui vobis vultis ſanctam Eccleſiam vendicare.*

- 18 Sanctus Hieronymus Epif. ad Damafum Papam. Ego, inquit, Beatiſſitudini tua, id eſt, Cathedra Petri communionem conſocior; ſuper illam petram adificatam Eccleſiam ſcio. Quicumque extra hanc domum agnum comederit, proſanus eſt.

- 19 S. Auguſtinus Epif. 55. aliàs 165. ad Generoſum, inter argumenta, quibus probat, veram Eccleſiam non eſſe apud Donatiſtas, illud potiſſimum aſſert, quod peritur ex ſucceſſione Epifcoporum, præſertim Romanorum, quorum ſeriem tenuit à Petro uſque ad Anaſtaſium, qui ſua ætate Romanæ præerat Eccleſiæ: *In hoc ordine ſucceſſionis, inquit, nullus Donatiſta Epifcopus invenitur.*

Hanc à Veteribus ad ſe tranſmiſſam 20 doctrinam retinere poſteriores SS. Pontifices, inter quos Gregorius IX. qui Sæculo 13tio rebus Eccleſiæ præſuit, epif. 198. lib. 13. ſic loquitur: *Licet plures populi in cultu ſint Catholica fidei congregati, omnes tamen una cenſentur Eccleſia, dum uni Capiti Chriſti Vicario & Beati Petri ſucceſſori cervice reverentiam exhibent: reliqui verd, qui ſe ejusdem capitis membra non conſtituunt, quaſi monſtra ſine capite in viam perditionis abſcedunt &c.*

### Solvuntur Objectiones

21

*Contra datam à nobis Eccleſiæ definitionem.*

Ob. 1mo. Pars nobilior & anima Eccleſiæ eſt Fides, Spes & Charitas. Atqui in allata à nobis definitione earum nulla fit mentio. Ergo in ea nulla fit mentio partis illius nobilioris; adeoque non eſt integra, nec proinde bona.

Reſp. conc. totum argumentum. Ad id quod inferitur Reſp. mancā eſſe definitionem noſtram, ſi ad partem Eccleſiæ inviſibilem reſpiciatur; ſecus ſi ad viſibilem. Per noſtram definitionem præſuppoſitis iis, quæ ad Eccleſiæ animam pertinent, ut ſunt *Fides, Spes & Charitas*, nomiſi partem illius viſibilem, ſeu ſocietatem illam exteriorem, quæ corpus Eccleſiæ dicitur, & conſtat exteriori Fidei profeſſione, Sacramentorum participatione, necnon legitimis Superioribus & paſtoribus ſubjectione, quæ omnia continentur in noſtra definitione, intelligimus; omnino integra ergo ex eſt.

Inſt. 1mo. Sequitur ergo, quod ii, 22 qui ad Eccleſiæ animam non pertinent, necnon virtutibus Theologicis deſtituuntur, ſint tamen Eccleſiæ membra. Atqui hoc eſt abſurdum. Ergo &c.

N n 2

Reſp.



Resp. Dist. Maj. Sequitur eos posse dici Ecclesie membra imperfecta, arida, putrida, & mortua, conc. perfecta & viva neg. maj. Qui Fide, Spe, & Charitate destituuntur, exteriori tamen professione Ecclesie sociantur, sunt quidem membra illius, sed imperfecta, arida, putrida & mortua, quippe qui interiori Ecclesie animâ sunt destituti. Ergo non quidem ad Ecclesie animam pertinent, bene autem ad illius corpus, quippe qui illius sint membra.

- 23 Inst. 2do. Membrum mortuum non est verum corporis membrum. Ergo qui ad Ecclesie corpus duntaxat pertinent tanquam membra mortua, vera non sunt Ecclesie membra.

Resp. Dist. ant. Membrum mortuum non est verum corporis membrum, si ab ipso corpore sit resectum, conc. si adhuc corpori sit conjunctum, quamvis tamen ab anima non informetur subdist. non est verum membrum vivens, conc. aridum & imperfectum, seu etiam mortuum neg. ant. Sicut in homine membrum etsi aridum nec ab anima, ut ajunt, informatum, tamen quamdiu ab ipsius corpore non est præcisum, non desinit esse illius membrum, licet mortuum; sic in Ecclesia, qui illius animâ, quæ in Fide, Spe, & Charitate interiori consistit, destitutus quidem est, sed tamen exteriori professione illi sociatur & conjungitur, membrum illius esse non desinit, quamvis aridum & mortuum.

- 24 Ob. 2do. Hæreticorum societas habet & professionem Fidei externam, & usum Sacramentorum, necnon subjectionem legitimis Pastoribus. Ergo etiam ipsa est vera Ecclesia.

Resp. Dist. ant. Habet professionem Fidei externam integram & fundamentò certò & invariabili subnixam, Sacramenta utilia & omnia, Pastores Aposto-

licos & legitimos missione ordinaria aut extraordinaria præditos, necnon continua successione sibi substitutos; Neg. ant. Secus invenitur apud Hæreticos; conc. ant. & neg. conf. Responsionis nostre veritatem suis locis demonstrabimus.

## §. II.

### De Auctore & Origine Ecclesie. 25

Duo hîc nobis expendenda veniunt, primum, quisnam sit Ecclesie auctor; secundum, quænam sit illius origo, & antiquitas, seu quandonam inceperit.

Quantum ad primum, notandum, 26 quòd quatuor Ecclesie causæ a Apostolo designentur Ephes. 5. vers. 25. 26. 27. *Efficiens*, his verbis: *Christus, qui se ipsum tradidit pro ea. Materialis*, fideles, quos Apostolus ipso Ecclesie vocabulo designat: *Formalis*, conjunctio ipsa fidelium inter se, & cum Christo tanquam Capite; quæ quidem uno tribus præsertim modis stringitur, scilicet ejusdem Fidei professione, eorumdem Sacramentorum participatione, & ejusdem regiminis auctoritate. *Finalis* duplex, *proxima*, Ecclesie, & eorum, qui ad illam pertinent sanctificatio; *remota*, adeptio salutis & felicitatis æternæ. Utramque declaravit Apostolus his verbis: *Ut sanctificaret illam. . . . Ut exhiberet ipse sibi gloriosam Ecclesiam, non habentem maculam aut rugam.* Circa has Ecclesie causas nulla invenitur difficultas, nisi quoad *Efficientem* seu auctorem Ecclesie.

### CONCLUSIO. I. 27

Solus Deus est auctor Ecclesie potestate independentis & supremæ auctoritatis; & solus Christus potestate excellentis & ministerii principalis: homines verò ad ipsius foundationem concurrerunt in

in genere causæ ministerialis inferioris.

Tres sunt hujus Conclusionis partes ; igitur Pars prima.

28 Prob. 1ma. Pars 1mo. Quia Deus universim & solus est operator omnium. Ergo etiam solus est auctor Ecclesiæ. 2do. Quia hoc titulò etiam Ecclesiæ speciatim Dei esse dicitur, Act. 20. vers. 28. *Attendite vobis & universo gregi, in quo vos Spiritus sanctus posuit Episcopos regere Ecclesiam Dei.* Ergo si Ecclesiæ Dei est, tunc ipse illius auctor esse dignoscitur. 3tio. Quia illius duntaxat esse potest auctoritate suprema Ecclesiam instituire, cujus est independenter à quocunque alio homines ordinare ad finem sanctificationis per gratiam, & salutis per gloriam: Atqui hoc solius Dei est, Psalm. 83. vers. 12. *Gratiam & gloriam dabit Dominus.* Et Job. 14. v. 4. *Quis potest facere mundum de immundo conceptum semine? Nonne tu qui solus es?* Item solius Dei est, præscribere Ecclesiæ media necessaria & accommodata ad suum finem tum gratiæ, tum gloriæ obtinendum.

29 Prob. 2da Pars. Quia Christus est auctor Fidei & Sacramentorum, in quibus fundata est Ecclesiæ: Fidei quidem, Hebr. 12. vers. 2. *Aspicientes in auctorem fidei, & consummatorem Jesum, qui proposuit sibi gaudii sustinuit crucem confusione contempta.* Sacramentorum verò, quia sicut passim observat S. Augustinus, quando dormivit Christus in cruce, implevit id, quod significatum fuerat in Adam, cui cum dormiret, detracta est costa, & inde Eva efformata; sic Dominus cum dormiret in cruce, lancea latus ejus apertum est, ex quo Sacramenta fluxerunt, unde facta est Ecclesiæ. Ergo ipse est Ecclesiæ Auctor, & quidem per potestatem excellentiæ & ministerii principalis: ipsi etenim, in quantum homo est, major potestas convenire non potest; neque etiam alia ratione auctor fuit Sacramentorum, quemadmodum docent vulgò Theologi.

Prob. 3tia Pars. 1mo. Quia re vera 30 quorundam hominum, scilicet Apostolorum, ministeriò Deus uti voluit ad fundandam Ecclesiam à se institutam, quantum ad executionem nempe institutionis ejusdem Ecclesiæ: Hinc dicuntur Apostoli fundamenta Ecclesiæ Psalm. 86. *Fundamenta ejus* (id est, *Ecclesiæ*) *in montibus sanctis* (id est, *Apostolis*) ut vulgò explicant SS. Patres & Interpretes. 2do. Quia disertè proficitur Apostolus se fundamentum posuisse illius ædificii spiritualis apud Corinthios: *Secundum gratiam, qua data est mihi*, inquit, *ut sapiens architectus fundamentum posui*; quod quidem postea affirmat, non aliud esse à Christo. Ita 1. Corinth. 3. vers. 10. & 11. 3tio. Quia ad Ephes 2. v. 20. Prophetæ & Apostoli Ecclesiæ & mystici Templi fundamenta dicuntur: *Superædificati super fundamentum Apostolorum & Prophetarum.*

Nec etiam obest, quin Sacramenta 31 ad ædificationem & formationem corporis Ecclesiæ in genere causæ efficientis & instrumentalis concurrisse dicantur. Sunt namque signa visibilia à Christo divinitus instituta, quibus societas populi Christiani coadunatur; eaque tam necessaria sunt ad communionem & societatem inter homines devinciendam; ut propterea dictum fuerit à S. Augustino lib. 19. contra Faustum Manich. c. 11. *In nullum nomen Religionis seu verum seu falsum coadunari homines posse, nisi aliquo signaculorum vel Sacramentorum visibilium consortio colligentur.*

Quod originem & antiquitatem Ecclesiæ spectat, observandum 1mo. Ecclesiam considerari posse tribus modis. 1mo. Secundum latissimam significationem, prout nempe dicit multitudinem quamdam ex Angelis, sanctis hominibus, & fidelibus constitutam: quo sensu sanctus Augustinus in Psalm. 36. ait: *Ex omnibus fidelibus & Angelis fieri unam civitatem sub uno Rege, unamquamdam provinciam*

*winciam sub uno Imperatore.* 2do. Juxta minus latam significationem, prout nempe dicit multitudinem omnium fidelium tam veteris, quam novi Testamenti; & ut hoc modo quis dicatur fidelis, sufficit fides in Christum simpliciter, abstractrahendo à fide explicita vel implicita, à Christo sive nascituro, sive nato, morituro, vel mortuo. 3tio. Secundum strictam significationem, prout scilicet est societas eorum, qui fidem habent in Christum jam natum & passum, consummatis omnibus redemptionis humanæ Sacramentis, & Mysteriis.

- 33 Observandum 2do. Hic non agi de Ecclesia secundum primam vel tertiam considerationem, sed juxta secundam; de qua duo queruntur. 1mo. An Ecclesia hoc modo sumpta Christum antecesserit, & ita in veteri Testamento floruerit, ut illius temporis fideles veri fuerint Christiani. 2dum. Quandonam incepit illa Ecclesia, & in quo homine primum exordium sumpsisse verisimiliter asseri possit, an in Adamo, vel Abele &c. pro quibus duabus solvendis questionibus ponitur

### 34 CONCLUSIO II.

Ecclesia Christi non tantum natalem Christi antecessit, sed etiam ipsa floruit tempore legis naturæ & scriptæ, ut tunc temporis veros exitisse Christianæ Religionis cultores asseri merito possit. Hæc verò probabiliter initium habuit in ipso Abel.

- 35 Prob. 1ma. pars Conclusionis 1mo. Quia illi veri fuerunt Christiani, qui Christianum vitæ genus & institutionem sequebantur, qui Christum venturum cognoverunt, qui Christiano, non Judaico more vivebant. Atqui tales fuerunt fideles in lege naturali & scripta. Ergo &c.

Prob. min. testimonio Eusebii lib. 1. Hist. c. 4. ubi, postquam longa oratione demonstravit, quod licet Christianum no-

men novum sit, Religio tamen Christiana haud nova sit, sed inde jam à primo conditu generis humani instituta & exculata fuerit; necnon Christus Abrahamo, Isaac, Jacob, Moyse & aliis deinceps Prophetis apparuerit, eisque responsa dederit, ac proinde ab ipsis cognitus fuerit; tandem concludit, Religionem, quæ ab antiquis illis viris exculata fuit, & nuper per Christi doctrinam & prædicationem patefacta, esse omnium primam & antiquissimam. Idem docet lib. 1. Demonstrat. Evang. cap. 5. Additque lib. 6. hos Patriarchas Christiano more duntaxat, non Judaico vixisse.

Prob. 2do. Quia illi pertinent ad Ecclesiam Christi, qui salutem æternam non sunt assecuti, nisi per fidem in Christum; & quorum eadem plane fuit fides ac nostra, idem Caput Christus: atqui inter viros justos, qui tempore legis naturæ & scriptæ floruerunt, nullus æternam salutem consecutus est, nisi per fidem in Christum; atque eorum eadem plane fuit fides ac nostra, idem quoque Caput Christus. Ergo &c.

Prob. min. 1mo. Salvi facti sunt per fidem in Christum: ita expressè docet S. Augustinus Epist. 187. aliàs 57. ad Dardanum cap. 11. n. 14. ubi postquam dixit voluisse Christum mediatorem nostrum, ut Sacramentum regenerationis nostræ manifestum esset, addit: *Erat autem antiquis justis aliquod occultum, cum tamen & illi eadem fide salvi fierent, quæ fuerat suo tempore revelanda.* Et Epist. 190. aliàs 157. ad Optat. cap. 2. num. 8. disertè docet, neminem salvum factum fuisse seu ante, seu post Incarnationem, nisi per fidem in Christum.

2do. Eorum etiam fuit eadem fides ac nostra: ita S. Augustinus Epist. 102. aliàs 49. quæst. 2. num. 12. *Sicut nos, inquit, in eum credimus, & apud Patrem manentem, & qui in carne jam venit: sic credebant in eum antiqui, & apud Patrem manentem, & in carne venturum.*

Nec

*Nec quia pro temporum varietate nunc factum annuntietur, quod tunc futurum praeannuntiatur, ideo fides ipsa variata, vel salus diversa est.* Idem docet Epist. 187. aliàs 57. supra citatâ : *Illi credebant, inquit, Incarnationem futuram, nos autem credimus factum.*

3tio. Idem etiam Caput fuit Christus, ut docet Augustinus Conc. 3. in Psal. 36. *Omnes, inquit, qui ab initio Saculi fuerunt iusti, Caput Christum habent. Illum enim venturum esse crediderant, quem nos venisse jam credimus; & in ejus fide & ipsi sanati sunt, in cujus & nos; ut esset & ipse totius Caput civitatis Jerusalem.*

Prob. 3tio. Quia eadem fuit Ecclesia apud antiquos fideles ante Christum natum, quæ est apud nos post Christum natum. Ergo ante Christum fuit Ecclesia.

Prob. ant. ex S. Augustino Serm. 4. de Jacob & Esau aliàs 44. de diversis. *Ecclesiam, inquit, accipite, non in his solis, qui post Domini adventum & nativitatem esse ceperunt sancti, sed quotquot fuerunt sancti, ad ipsam Ecclesiam pertinent.* Ex in Psal. 128. docet, olim jam & ex quo sancti vocati fuerunt jam fuisse Ecclesiam; eam fuisse in Abel, in Enoch, in Domo Noë, in Abraham, in Loth, in populo Israël, atque tandem ventum fuisse ad Dominum nostrum Jesum Christum &c.

Idem docet S. Gregorius Magnus Hom. 19. in Evang. de parabola patrisfamilias mittentis Operarios in vineam, ubi, *Quis, inquit, patrisfamilias similitudinem rectius tenet, quàm Conditor noster . . . qui habet vineam, universalem scilicet Ecclesiam, quæ ab Abel iusto usque ad ultimum electum, qui in fine mundi nasciturus est, quot sanctos pertulit, quasi tot palmites emisit.*

Denique Christus omni tempore, etiam in ipsa prima hominis ex limo formatione primum ac maximum fuit fidei ac Religionis objectum. *Quodcumque enim limus*

*exprimebatur, Christus cogitabatur homo futurus, ait bellè Tertullianus. Ergo eadem fuit ante Christum Ecclesia, ac nunc apud nos est.*

Prob. 2da pars Conclusionis. 1mo. 36 Quia sic innuere videtur Apostolus Heb. 11. v. 4. ubi fidem Patrum veteris Testamenti commendans, incipit ab Abel his verbis : *Fide plurimam hostiam Abel, quàm Cain obtulit Deo, per quam testimonium consecutus est esse iustus.* Atqui Apostolus istam tum fidei, tum fidelium commendationem, ac proinde ipsius Ecclesiae enumerationem ab Abel, Adam prætermittit, incipere videtur, eoque, postquam Adam peccavit, de eo nihil eximium narret Moyses in Genesi; atque ideo nec ab ipso fidelium & Ecclesiae initium ducere voluit Apostolus. Ergo Ecclesia probabiliter initium videtur habuisse in Abel.

Prob. 2do. Tum quia Abel omnium primus aliquo certè signo sensibili Deum coluisse legitur, eo, quem oportebat, pietatis, ac religionis sensu, ut Deo probaretur & placeret; prout testatur Scriptura Gen. 4. v. 4. *Respexit Dominus ad Abel, & ad munera ejus.* Tum quia conveniens fuit ac consentaneum, ut Ecclesia, quam in Symbolo sanctam profiteamur, ab eo inciperet, in quo primum inter homines sanctitas & innocentia sine interruptione perseveravit, in signum sanctitatis, quæ in Ecclesia Christi nunquam esset defectura. Atqui primus omnium hominum talis fuit Abel, non verò Adam & Eva, quos constat excidisse à iustitia & sanctitate, in qua conditi fuerant. Hinc non tantum iustus dicitur Abel, sed etiam veluti iustorum primus commendatur à Christo Matth. 23. v. 35. *Ut veniat, inquit, super vos omnis sanguis iustus, qui effusus est super terram, à sanguine Abel iusti, usque ad sanguinem Zacharia filii Barachia, quem occidistis inter Templum & Altare.* Tum denique, quia Abel fuit typus & figura Christi & Ecclesiae : fuit enim

enim pastor, virgo, & Martyr, ut observant SS. Patres; sicque triplex etiam representavit genus hominum qui sunt in Ecclesia, scilicet, Pastorum, Virginum, & Martyrum; eorum enim dux fuit & antesignanus.

Prob. 3tio. ex S. Augustino. Enarrat. in Psal. 141. n. 3. loquens de civitate Dei, id est, Ecclesia, sic habet: *Hac civitas initium habet ab ipso Abel, sicut mala civitas à Cain.*

Idem docet S. Gregorius Magn. Hom. 19. in Evang. ubi ait: *Ecclesiam incipere ab Abel iusto, usque ad ultimum electum, qui in fine mundi nasciturus est.*

### Solvuntur Objectiones.

Ob. 1. contra 1am Conclusionem. Ex ista Conclusionem sequitur, plura esse fundamenta Ecclesie. Atqui hoc est contra Apostolum negantem aliud posse poni fundamentum præter Christum. 1. Cor. 3. v. 11. Ergo &c.

Resp. Dist. Maj. Sequitur plura esse fundamenta ejusdem rationis & ordinis atque primaria. neg. diversæ rationis & ordinis & subordinata, seu præter primum, etiam alia sed secundaria tantum. conc. Maj. & neg. min. & conf. Aliter Christus, aliter Apostoli, aliter Prophetæ fundamentum Ecclesie appellantur. Christus est fundamentum primum; tum quia eam sanguine suo acquisivit, & sanctificavit: tum quia fides in Christum absolutè necessaria est, sine qua salus æterna obtineri nunquam potest. *Neque enim aliud nomen est sub celo datum hominibus, in quo oporteat nos salvos fieri.* Act. 4. v. 12. Apostoli autem & Prophetæ fundamenta dicuntur secundaria Ecclesie, in quantum doctrinam salutis de Christo Salvatore divinitus acceptam hominibus annuntiabant: Prophetæ quidem obscurius; Apostoli autem manifestius & plenius: Prophetæ sunt fundamenta minus proxima; Apostoli autem propinquiore.

Hinc in Symbolo Ecclesia ab Apostolis dicitur Apostolica, non verò à Prophetis Prophetica.

Ob. 2do contra primam partem Conclusionis 2dæ. Ante adventum Christi eadem non fuit Veterum fides, ac nostra, imò nulla fuisse videtur, nam ait Apollonius (d): *Præus autem quam veniret fides, sub lege custodiebamur conclusi in eandem fidem quæ revelanda erat. Itaque lex pedagogus noster fuit in Christo, ut ex fide justificemur. At ubi venit fides, jam non sumus sub pedagogo.* Ergo ante adventum Christi non erat fides, nec consequenter Ecclesia, quæ sine fide stare non potest, siquidem est ipsamet fidelium collectio.

Resp. dist. ant. Eadem non fuit Veterum fides, ac nostra, quantum ad modum conc. quantum ad substantiam neg. ant. Equidem non fuit eadem Veterum fides ac nostra quantum ad modum imo. Ex parte objecti: quia licet idem fuerit, & sit fidei objectum, nempe Christus Mediator Dei & hominum; alia tamen fuit ejusdem objecti conditio respectu Veterum sub antiquo Testamento, alia respectu nostri sub lege Evangelica: illi enim credebant in Christum nasciturum, & moriturum; nos autem credimus in Christum natum & mortuum. 2do. Ex parte actus & modi credendi: nam antiqui quamdiu fuerunt sub nube veteris Testamenti, ad fidem explicitam in Christum non tenebantur, sed sola ipsis sufficiebat implicita; quia nondum venerat tempus manifestationis & fidei magis evolutæ, de qua hic loquitur sub nomine fidei Apostolus, non quod velit Antiquos in veteri lege nullam omnino fidem habuisse, cum disertis verbis dicat, *nos sub lege custoditos fuisse in eandem fidem &c.* Quoad substantiam verò eadem apud Veteres fides fuit cum nostra: *Tempora solummodo variata sunt & verborum soni non verò fides. In venturum enim credebant, nos iu enim, qui jam venit: ea lem tamen fides utrosque conjungit, & eos, qui venturum*

venturum esse Christum, & eos, qui enim venisse crederunt. inquit S. Augustinus Tract. 45. in Joan.

39 Ob. 3tio. Ecclesia fundata est a Christo Domino super Petrum, ut patet ex his Christi verbis (e): Tu es Petrus, & super hanc Petram edificabo Ecclesiam meam. Ergo non erat ante Christi adventum. Hinc S. Augustinus in Psal. 147. dicit: Ecclesiam incepisse ab Jerusalem, atque hinc extendi ad omnes nationes. Et in 1. Epist. S. Joan. ait: Ibi inebantam esse Ecclesiam, ubi venit de celo Spiritus sanctus, & implevit in uno loco sedentes centum viginti.

Resp. Dist. ant. Ecclesia secundum strictam significationem sumpta, & prout est societas eorum, qui fidem habent in Christum jam natum & passum, fundata est a Christo super ipsum Petrum. Conc. Ecclesia in latiore significatione sumpta, quatenus nempe includit multitudinem omnium fidelium tam veteris quam novi Testamenti. Neg. ant. & dist. etiam conf. Ergo non erat ante Christi adventum eo modo, quo nunc est, quatenus scilicet credit in eum, qui jam venit, & passus est, & de qua intelligendi sunt textus Matthæi, & S. Augustini, conc. Non erat Ecclesia simpliciter, quantum ad substantiam & fidem in Christum licet venturum duntaxat, tamen nondum explicitam & evolutam, Neg. conf. Responso patet ex superius dictis.

40 Ob. 4to. Si fuisset Ecclesia Christi in antiquo Testamento, possent etiam Veteres appellari Christiani. Atqui nomen hoc primum post Christi ascensionem audiri coepit, cum scilicet Antiochiæ Discipuli primum cognominati sunt Christiani. Ergo &c.

Resp. Neg. sequel. maj. Licet Veteres non fuerint appellati Christiani, re ipsa tamen fuisse Christianos docet Eusebius lib. 1. Hist. c. 4. Nam, cum Christiani nominæ, P. Cartier Theol. Tom. I.

inquit, nihil aliud significetur, quam vir, qui per Christi cognitionem atque doctrinam, modestiâ, justitiâ, tolerantîâ, fortitudinē, & pietatis cultusque unius, qui super omnia est, Dei professione ornatus est; hæc omnia Veteres illi non minus studiosè quàm nos excoluerunt.

Idem expressè docet S. Augustinus lib. 3. ad Bonifacium contra duas Epistolas Pelagianorum c. 4. Eadem igitur fides est, inquit, & in illis, qui nondum nomine, sed re ipsa fuerunt ante Christiani, & in istis, qui non solum sunt, verum etiam vocantur, & in utrisque eadem gratia per Spiritum sanctum.

Inst. 1mo. Veri Christiani debent esse 41 sub gratia, nihil enim magis Religioni Christianæ proprium est ac singulare, quàm gratia Joan. 1. v. 17. Lex per Moysen data est, gratia & veritas per Jesum Christum facta est. Atqui Veteres illi non erant sub gratia, sed sub lege. Ergo &c.

Resp. neg. min. Quia, etsi Veteres illi Legis Mosaicæ præceptis essent adstricti, iustitiam tamen à lege non expectabant, sed tantum à fide Christi venturi. Neque peccato serviebant, adeoque erant sub gratia potius, quàm sub lege, sicque ad novum Testamentum potius pertinebant, quàm ad vetus, prout disertè tradit S. Augustinus lib. 3. cont. duas Epist. Pelagianorum. c. 4. Porro propriè sub lege dicuntur, vel qui servitute legis Mosaicæ premuntur, gratiâ Dei, quam non agnoscunt, ad eam implendam non adiuti; vel ii certè, in quibus peccatum dominatur, juxta Apostolum Rom. 6. v. 14. ubi ait: Peccatum enim vobis non dominabitur; non enim sub lege estis, sed sub gratia.

Inst. 2do. Illi non sunt sub gratia, 42 qui Christo Capiti non coherent tanquam ipsius membra. Atqui iusti veteris Testamenti Christo non coharebant tanquam ipsius

ipsum membra; siquidem membra non sunt ante capitis productionem, Veteres autem illi fuerunt ante Christum, qui est Caput Ecclesiae. Ergo &c.

Resp. Neg. min. Nam Veteres illi Christo cohaerebant tanquam Capiti per fidem aliquae verae Religionis pia exercitia, quamvis ante ipsum nati essent, prout ait S. Augustinus. (f)

Ad probationem Dist. Membra non sunt ante capitis productionem, membra corporis naturalis, conc. Membra corporis mystici, quod est Ecclesia, neg. Caput corporis mystici, quod est Ecclesia, Christus videlicet est ab aeterno in sinu Patris, licet novum existendi modum obtineat in sinu Virginis Matris. Imò etiam secundum naturam humanam dici potest esse ab aeterno, in divina nimirum praedestinatione: quo sensu dicitur *Agnus occisus ab origine mundi*; quia nempe, quotquot iusti extiterunt ab origine mundi, & salvi facti sunt, pretio sanguinis ipsius ac merito gratiam & salutem sunt assecuti; atque hoc modò ipsi tanquam capiti adhaeserunt.

43 Inst. 3tio. Unitas Religionis repetitur potissimum ex participatione eorumdem Sacramentorum. Atqui Patres veteris Testamenti non habuerunt eadem cum nobis Sacramenta, neque idem Sacrificium. Ergo &c.

Resp. Dist. min. Et habuerunt alia Sacrificia & Sacramenta suis temporibus convenientia, conc. nec habuerunt. Neg. min. Ex S. Augustino Ep. 102. non mutatur Religio licet varia sint, & subinde mutantur Sacramenta & Sacrificia, modò scilicet eundem fidei Spiritum habeant, & ejusdem Mediatoris sanguine redempti sint.

Vcl dici potest, Veteres non habuisse quidem eadem Sacramenta, quoad signa exteriora, habuisse tamen eadem quoad

rem significatam, erant enim figura Sacramentorum nostrorum, eaque significabant. Ita S. Augustinus (g), quem vide.

Inst. 4to. Veris Christianis promissa 44 est aeterna felicitas: atqui Sanctis veteris Testamenti promissa non fuit aeterna felicitas, sed tantum temporalis, ut patet ex S. Augustino enarratione in Psal. 73. Ergo &c.

Resp. Dist. min. Non fuit promissa felicitas aeterna, ut praemium, quod pertineret ad vetus Testamentum, conc. ut praemium proprium novi Testamenti. Neg. min. Quia propter fidem in Christum pertinebant ad novum Testamentum, iis quoque promissa fuit felicitas aeterna, quae beneficium est novi Testamenti planè singulare; ut docet S. Augustinus Epist. 140. aliàs 120. c. 2. n. 5.

Ob. 5to. Contra secundam partem 45. Conclusionis secundae. Exordium Ecclesiae longè meliori jure ab Adamo, quam ab Abele repecti debet; siquidem Adamus & omnium hominum primus fuit, & primus suam in Christum venturum fidem prophetico spiritu declaravit his verbis (b): *Hoc nunc os ex ossibus meis, & caro de carne mea*. Quae verba S. Paulus exponit de Incarnatione. (i) *Sacramentum hoc*, inquit, *magnum est, ego autem dico in Christo & in Ecclesia*. Deinde creatus fuit cum virtutibus & donis gratiae sanctificantis & iustitiae originalis; neque tantum in statu innocentiae fidem habuit, sed etiam charitatem, ut ait S. Augustinus. Ergo &c.

Resp. neg. maj. Ut enim aliquis dicatur principium, à quo incepit Ecclesia, non sufficit, quod prius habuerit fidem & charitatem, sed requiritur imò. Ut fidem illam aliquo signo sensibili, & exteriori, Sacrificii nimirum aut Sacramenti, palam & aperte professus fuerit. 2do. Ut in ipso primùm facta fuerit distinctio seu separatio

ab

(f) Lib. de catechiz. rud. c. 19. (g) Tract. 26. in Joan. n. 12. (b) Genes. 2. v. 23.  
(i) Ephes. 5. v. 32.

ab opposita societate & Ecclesiâ malignantium. 3tio. Ut absque ulla prorsus interruptione servata fuerit ab eo sanctitas, quam in Ecclesiâ debere esse continuam certum est, nunquam ab ea recessuram. Verùm hæc omnia locum non habuerunt in Adam; non primùm; licet enim habuerit primus fidem Mediatoris venturi, eam tamen non legitur professus signo aliquo exteriori & sensibili per Sacrificium aut Sacramentum, neque in statu innocentie, neque post lapsum: è contrâ verò Abel fidem suam publicò Sacrificiò, ad quod Dominus respexit, protestatus est. Nec secundum; nulla enim in eo legitur facta separatio bonorum à malis; Ecclesiæ Sanctorum & Civitatis Dei; ab Ecclesiâ Impiorum, & Civitate mundi: facta est autem in Abele hæc discretio, cum nempe dicitur Dominus respexisse ad munera ejus, non verò respexisse ad munera Cain. Non tertium; cum enim Adam lapsus fuerit per peccatum, non potuit esse typus Ecclesiæ, quantum ad sanctitatem, quæ in ea stabilis esse debet ac permanens.

46 Ob. 6to. Saltem poterit Adam pro principio Ecclesiæ statui in statu innocentie recuperatæ post lapsum. Valde enim probabile est, eum egisse pœnitentiam antequam nasceretur Abel; nec verisimile videtur, eum à gratia excidisse, postquam eam semel recuperavit. Deinde etsi exciderit à gratia, in qua conditus fuit, non tamen excidit à fide, quia peccatum, quò tunc lapsus est, infidelitatis non fuit. Ergo &c.

Resp. neg. ant. Nec enim pro illo etiam statu dici potest incepisse Ecclesiâ ab Adam, quia agimus hic de Ecclesiâ, quatenus fidem suam exterius profiteretur per Sacrificia & signa sensibilia: nullo autem Scripturæ testimonio constat, Adam obtulisse Sacrificium, antequam ab Abele oblatum fuerit; imò nec ullibi Scriptura commemorat, ullum aliquandò ab eo oblatum fuisse. Hinc S. Paulus Heb. 11. fidem Veterum commendans, incipit

ab Abel, tanquam ab eo, qui primus omnium legitur obtulisse Sacrificium.

Quod additur, Adamum à gratia recuperata non ampliùs excidisse, parùm juvat, quia, etsi id constaret, cum sanctitas Ecclesiæ continua esse debet, & non interrupta; potius sumendum videtur initium Ecclesiæ ab eo, qui integram, & perseverantem habuit, & in quo facta est primùm separatio inter bonos & malos, quæ in Abele facta est.

Quod si etiam additur, Adamum à fide non excidisse, æquè parùm juvat; nam sola in fide perseverantia non sufficit, nisi ipsi etiam juncta sit perseverantia in sanctitate.

Inst. Initium Ecclesiæ ab eo potius recti debet, à quo per continuam propagationem ortum est genus humanum. Atqui talis est Adam; non verò Abel, ut qui nec filios nec filias habuisse legatur. Ergo &c. Maj. prob. à pari. Sicut principium Ecclesiæ malorum activum fuit, & propagativum aliorum post se, scilicet Cain, quem refert Scriptura genuisse filios & filias; ita etiam principium Ecclesiæ bonorum. Denique, si Abel fuit initium Ecclesiæ, ubinam illa remansit, postquam Abel occisus fuit à fratre suo Cain? Ergo &c.

Resp. neg. maj. Necessè enim non est, ut initium & exemplar sanctitatis ac justitiæ sit principium activum generationis secundum carnem, quandoquidem sanctitas non transfunditur per hujusmodi propagationem.

Ad Prob. maj. neg. ant. Licet Cain genuerit filios & filias, non inde sequitur, nequitiam ipsius transfusam fuisse in posteros per generationem; sed tantum per imitationem & vim exempli mali, ac institutionis perversæ.

Ad ultimum, quod additur, dici potest Ecclesiâ remansisse etiamnum in posteris Cain, vel in Adamo & Eva; nec tamen inferri potest, ab illis eam duxisse initium, cum nec perseveraverint in sanctitate



tate primum accepta, nec in eis discretio facta fuerit bonorum & malorum; nec aliquo signo sensibili fidem suam professi legantur.

- 48 Ob. 7mo. Ecclesiæ initium videtur statui debere in Enos, de quo dicitur Gen. 4. v. 26. *Iste capit invocare nomen Domini*; aut etiam in Seth filio Adæ, à quo propagati sunt homines sancti & iusti. Ergo &c.

Resp. neg. ant. Iustissimi quidem fuerunt Enos & Seth; & Abel ipse fuit exemplar sanctitatis & fidei, præsertim quantum ad discretionem & separationem bonorum à malis.

- 49 Ob. 8vo. Ecclesia est collectio fidelium, atqui Abel solus non potuit esse illa collectio. Ergo Ecclesia non potuit esse in solo Abel.

Resp. Dist. maj. Ecclesia completivè sumpta & in ratione communitatis & collectionis, quam importat ipsum Ecclesiæ vocabulum, est collectio fidelium, conc. Ecclesia initiativè sumpta & ratione fidei, in qua fundatur, & à qua quisque dicitur esse de Ecclesia & pertinere ad Ecclesiam, neg. maj. & conc. min. dist. pariter consequ.

- 50 Ob. 9no. Ab Abraham potius videtur sumi debere exordium Ecclesiæ: de eo enim scribit Apostolus Rom. 4. v. 11. *Quodd signum acceperit circumcisionis, signaculum iustitiæ fidei, quæ est in præputio, ut sit pater omnium credentium*. Ergo &c.

Resp. neg. ant. Abraham dicitur pater omnium credentium, non quod ab eo primum facta fuerit discretio bonorum à malis, aut quod ipse primus omnium fidem protestatus fuerit per aliquod Sacrificium exterius & visibile, sed quod ipse primus omnium novò signò, videlicet acceptæ circumcisionis, veram fidem & promissionem de Messia ex sua stirpe venturo contemtus fuerit, quamvis jam aliunde declaratam & cognitam exterius per Sacrificia, quæ præcesserant in Abel & aliis superiorum ætatum Patriarchis, & fidelibus,

Dicitur etiam Pater omnium credentium hoc sensu, quod, postquam omnes fore à veri Dei cultu declinassent ad idololatriam, ipse nunquam à fide recefferit; sed in ea constanter permanens cæteris etiam factus fuerit exemplar fidei, iustitiæ, & Religionis, in quo primum per circumcisionem, quæ fuit signaculum iustitiæ fidei, discreti sunt credentes à non credentibus.

## CAPUT II.

### De Notis seu Characteribus Ecclesiæ.

Explicatâ Ecclesiæ naturâ & origine propositus à nobis ordo exposcere videtur, ut modò veras illius notas seu characteres exponamus, quorum vi à quacunque alia hominum societate, quæ vel ipsam mentitur, vel cum ea similitudinem quandam videtur habere, fecernatur. Cum enim etiam iis, qui à nobis nostraque fidei professione alieni sunt, ultrò fatentibus, extra veram Dei Ecclesiam nulla sit salus, apprimè cuique convenit nulli, ubi illa vera Christi Ecclesia sit? ad hanc cognitionem autem nonnisi certarum quarundam Notarum, & Characterum adminiculò pervenitur, qui non modò notiores ipsâ Ecclesiâ, sed & ita ipsi proprii esse debent, ut saltem simul sumpti nulli alteri possint convenire, ita clari & obvi, necnon cognitù faciles, ut eidem Ecclesiæ evidentiam tribuant, non quidem veritatis simpliciter & absolutè, sic enim absque ulla controversia ab omnibus agnosceretur; sed credibilitatis duntaxat, ut scilicet ab illius signis & characteribus evidentiam credibilitatis accipiat.

In assignandis verò his Ecclesiæ Christi Notis & Characteribus nobiscum non conveniunt ii, qui Romano Pontifici non parent; necetiam ipsi Catholici inter se conveniunt, dum alii plures, alii pauciores requiri tumentur.

II, qui apud nos vulgò Aatholicorum nomine veniunt, Lutherani nempe, & Calvinistæ duas tantum Ecclesie Christi notas admittunt, *sinceram* videlicet *verbi Dei prædicationem* seu *Doctrinam veritatem*, & quod ex ea consequitur, *legitimum Sacramentorum usum*. Ita Confessio Augustana Art. 6. Apolog. ejusdem. Brentius in Confess. Wittenberg. cap. de Eccles. Et Calvinus lib. 4. Instit. c. 1.

33 Quam suam sententiam fulcire conantur imò ex S. Scriptura Matth. 18. v. 20. ubi congregari in nomine Christi pro vera Ecclesie nota assignatur. Joannis 10. v. 27. *Oves meæ*, inquit Christus, id est, qui sunt ex Ovili meo, quod est Ecclesia, *vocem meam*, doctrinam nempe meam, *audiunt*. Ibid. c. 15. v. 3. *Item vos mundi estis propter sermonem, quem locutus sum vobis*. At verò illa est vera Ecclesia, quæ mundo est coram Deo propter ejus sermonem seu doctrinam. Ephes. 5. v. 27. Apostolus de Ecclesia sic loquitur: *mundant eam lavacro aquæ in verbo vitæ*, id est, verbo Dei.

34 2dò ex SS. Patribus. S. August. Epist. 105. ad Donatist. aliàs 166. Et lib. de Unit. Eccles. adv. eosdem Donatistas. Item lib. cont. Ep. fundamenti c. 4. docet, Ecclesiam non aliter cognosci & probari posse, quam per verbum Dei seu Scripturas. Idem tæetur S. Chrysost. Hom. 94. in c. 24. Matth.

35 3tiò. Rationibus. 1mo. Quia verbum Dei est per se efficax, & ubicunque prædicatur aliquos fideles, & bonos efficit, adeoque Ecclesiam. 2do. Quia si doctrinæ veritas, quam Spiritus S. unctio humilibus aperit, non sit vera Ecclesie nota, nusquam rudes & imperiti veram Christi Ecclesiam dignoscere poterunt: non enim generalia illa credibilitatis motiva, quæ omnibus Christianis societatis sunt communia, atque Hæreticis non minùs perspecta, quàm Catholicis, sufficere videntur, ut omnibus Christianis veram certissimè demonstrarent Christi Ecclesiam. 3tio. Quia Scriptura, quæ est ipsum verbum Dei, no-

tior est ipsa Ecclesia, quandoquidem per ipsam probatur Ecclesia. 4to. Quia nullæ res cognosci potest absque cognitione eorum, quæ ad ejus essentiam pertinent, & ipsius definitionem ingrediuntur: cum ergo vera Christi doctrina pertineat ad essentiam Ecclesie, & ejus definitionem ingrediatur; definitur enim, *Societas veram Christi doctrinam, & fidem profitentium*. Ergo vera Ecclesia sine cognitione veræ Christi doctrinæ cognosci non potest.

At contrà Catholici tuentur, nec veram Christi doctrinam, nec legitimum Sacramentorum usum esse veras notas, quibus certò dignosci possit Ecclesia Christi, & discerni à quacunque alia falsi nominis Ecclesia.

Idque probant 1mo. Quia illæ notæ nec veræ sunt, nec dici possunt Ecclesie Christi notæ, quæ non habent condiciones ad veram Ecclesie notam prærequisite: Atqui neque vera Christi doctrina, neque legitimus Sacramentorum usus habent condiciones ad veram Ecclesie notam prærequisite. Prob. min. Condiciones ad veram Ecclesie notam prærequisite ex dictis initio hujus capituli sunt hæc tres: 1ma. ut sit propria & non communis. 2da. ut sit notior & clarior re, quam significat, sive ejus nota est, id est, ipsa Ecclesia. 3tia. ut sit sensibilis & obvia, & omni hominum generi & conditioni accommodata. Atqui condiciones hujusmodi non habent vera Christi doctrina, & legitimus Sacramentorum usus. Ergo &c.

Prob. min. Non habent primam: nulla namque unquam fuit Hæreticorum Secta, quæ non jactaret se puram habere Christi doctrinam, & ejus Sacramenta: nulla, quæ errorum suorum patrocinium ex Scripturis non repetierit; nulla etiam, quæ non contenderit, veram esse apud se Ecclesiam, prout testantur SS. Patres, Lactantius lib. 4. Instit. c. 29. Cypr. Ep. ad Jubajan. August. lib. de unit. Eccl. c. 2. & cont. Ep. fundam. c. 4. & alii &c. Atqui fieri non potest, ut doctrinæ veritas, quam tot di-

versæ Hæreticorum Sectæ sibi vindicant, & de qua disputatur, propria esse possit veræ & unius Christi Ecclesiæ nota; hæc enim inter tot errorum monstra & portentata subsistere nequit. Ergo &c.

75 Confirmatur 1mo. In mente Lutheranorum & Calvinistarum Ecclesia constat solis iustis ac prædestinatis. Atqui per veram Christi doctrinam & ejus Sacramenta nunquam demonstrari poterit, quinam sint prædestinati & verè sancti; ac proinde iis nunquam dignosci poterit, ubinam, & quæ vera sit Ecclesia Christi. Ergo &c.

Confirmatur 2do. Vel illa pura doctrina, quam pro nota Ecclesiæ assignant Adversarii, debet esse ita pura, ut vel minimum excludat errorem, vel solum eos, quos vocant fundamentales. Atqui neutrum dici potest. Non 1mum; alioqui enim nec apud Lutheranos, neque apud Calvinistas esset vera Ecclesia; tum quia Lutherus lib. de Ecclesia, & Calvinus lib. 4. Instit. c. 1. §. 12. fatentur, verbum Dei ita esse notam Ecclesiæ, ut tamen aliquando magis purè, aliquando minùs purè annuntietur; tum quia non dissentiant suas Ecclesiæ naves aliquos habere; tum denique, quia necesse est vel Lutheranos, qui præsentiam Corporis Christi realem in Eucharistia admittunt, vel Calvinistas, qui eam negant, errare contra veritatem à Deo revelatam.

Non adum 1mo. Quia hoc pactò nota communis erit pluribus Sectis. Lutherani enim & Zwingliani non dissentiant circa præcipuum fidei fundamentum, puta Trinitatem, & Incarnationem. 2do. Quia nondum inter se convenire potuerunt Protestantés, quinam errores sint fundamentales.

Non etiam habent secundam conditionem. Si enim tam obscurum sit, imò magis adhuc, dignoscere, quænam sit pura Christi doctrina, quænam pura ejus Sacramenta, quàm quæ sit vera ejus Ecclesia; tunc certè dici non potest hæc duo notiora esse ac clariora, quàm sit ipsamet Ecclesia. Atqui tam obscurum est, imò longè ma-

gis, dignoscere, quæ sit pura Christi doctrina, & quæ vera ejus Sacramenta, quàm quæ sit vera Ecclesia. Ergo &c.

Prob. min. Ut certò cognoscatur, quæ vera sit Christi doctrina, tria constare debent, 1mo. Verbum Dei, in quo illa doctrina continetur, esse e ipsa verbum Dei. 2do. Versiones librorum, in quibus legitur hoc verbum Dei, esse fidelissimas; & ipsos fontes ab omni errore saltem fundamentalis esse liberos. 3tio. Quinam sit sensus illius verbi, quænam legitima interpretatio. Atqui difficile admodum necnon arduum est, ne dicam impossibile, hæc omnia ab unoquoque privato dignosci & explorari, cuius prorsus incapaces sunt rustici, plebei, illiterati &c. Quin & litterati ipsi ac docti de hisce tribus graves habent inter se concertationes prout ostendimus in Tractatu de S. Scriptura, ubi de Canone, & sensu illius egimus, & etiam alibi passim; quæ concertationes proinde privatorum judiciò & auctoritate finire ac terminari nunquam possunt. Ergo &c.

Nec denique tertiæ conditio ad veram & propriam Ecclesiæ notam requisita convenit veræ Christi doctrinæ &c. Prob. 1mo. Vera Christi doctrina nec sensibilis est, nec obvia, nec omni hominum generi atque conditioni accommodata. Ergo &c. Prob. ant. tum quia simplices, rustici, illiterati, plebei &c. prorsus sunt incapaces discussionis seu examinis doctrinæ istius, tenentur tamen illi, si salvi esse velint, veram Christi Ecclesiam agnoscere, & ad eam se recipere: tum quia vera Christi doctrina cognosci non potest solo lumine naturali, & per cognitionem ortam à sensibus; tanta enim est mysteriorum ejus sublimitas, ut omnem humanæ rationis captum longè superet; & ita incredibilis appareat, ut stultum videatur & infamæ genis iis assentiri, ipso Apostolo teste 1. Cor. c. 1. v. 18. & y. 23. Item c. 2. v. 14. Ergo vera Christi doctrina &c. non potest esse nota veræ illius Ecclesiæ, sed aliunde hæc petenda videtur.

Prob.

Prob. 2do. Signum rei cuiuslibet distinguitur à re significata, neque pertinere potest ad ejus essentiam; alioquin enim signum aliud foret necessarium, quo discerneretur. Atqui vera Christi doctrina pertinet ad essentiam Ecclesiae, prout ipsimet contendunt Adversarii supra argumentò quartò à ratione ab ipsis traditò; imò est pars illius essentiae, quae est invisibilis. Ergo &c.

Prob. 3tio. De vera Christi doctrina & legitimo consequenter Sacramento- rum usu non modo Adversarios inter & nos Catholicos, sed & inter se se ipsos lis est & disputatio atque dubium. Ergo deest ipsis tertia notae conditio. Ant. patet. conf. pb. De quo est disceptatio, lis, & dubium, illud clarum non est sed obscurum, nec omnibus accommodatum. Atqui juxta tertiam conditionem, nota Ecclesiae debet esse clara, sensibilis, obvia, & omni hominum generi, & conditioni accommodata. Ergo talis nota non potest esse Doctrina Christi & legitimus Sacramentorum usus.

Prob. 4to. Ad Ecclesiam solam pertinent proponere & determinare, quae vera sit Christi doctrina, est enim Ecclesia viva & spirans doctrinae regula, quam in dubiis circa fidem consulere tenemur; Ergo vera Christi doctrina non potest esse nota Ecclesiae. Consequentia clara est; quomodo enim vera Christi doctrina esse poterit signum Ecclesiae, nisi priùs constet, quae sit vera doctrina? Non constat autem nisi per Ecclesiam. Antecedens non minus certum est ex communi Patrum sententia, ut fuscè ostendimus, ubi de supremo iudice controversiarum fidei agemus. Interim revocemus in mentem ea, quae sup. cit. Tractatu de S. Scriptura disseruimus, ubi nobis de Canone & sensu Scripturarum sacrarum erat sermo.

Ad Argumenta ab A Catholicis proposita, & à nobis superius relata respondent Catholici, & quidem ad textus S. Scripturae.

Primò. Adducti ab Adversariis Scripturae textus non videntur praesenti controversiae satis accommodati; nam nota verae Ecclesiae non est congregari quomodocunque in nomine Christi; sic enim omnes Haeretici, cum contendunt, se esse congregatos in nomine Christi, veram Ecclesiae Christi notam etiam habebunt; sed congregari per auctoritatem à Christo acceptam, sub legitimis nempe Pastoribus & Episcopis, qui continua à Apostolis traditione, & successione pro Christo ad fideles legatione funguntur &c. Et hoc sensu nota ista concidit cum Apostolicitate Ecclesiae, de qua paulo post.

Ad adum. Neque, simili ratione, vocem Christi audire videtur esse nota Ecclesiae: siquidem omnes Haeretici etiam gloriantur, se audire vocem Christi. Deinde textus iste Joan. 10. v. 27. probat quidem, quinam sint electi, non verò, quae sit vera Ecclesia, & ubinam reperiat.

Ad 3tium. Textus ille Joan. 15. loquitur de mundatione, quae sit per verbum Dei, quae per se est invisibilis; adeoque probat tantum Ecclesiam mundam esse coram Deo, sed non probat eam mundam esse coram hominibus, atque sic coram ipsis manifestam fieri, quod tamen praestare debet vera Ecclesia Christi nota. Eadem est responsio ad 4tum textum ex Apostolo Ephes. 5. v. 27. adductum.

Aequè parum ad rem facere videntur loca ex S. Augustino citata. Nam in iis, quae adversus Donatistas sunt, supponit hic S. Doctor, veram doctrinam per Ecclesiam esse dignoscendam, non verò Ecclesiam per doctrinam. Et quando videtur probare sacram Scripturam & doctrinam in ea contentam veram esse Ecclesiae notam, non eo sensu est intelligendus, quasi existimet, eam esse notam quamdam simpliciter & respectu omnium etiam infidelium, qui Scripturas non admittunt; sed solummodo esse notam secundum quid, & ex hypothesi, idque respectu eorum, qui

qui Scripturas agnoscunt. Scriptura ergo est Ecclesiae nota, non quod præter illam non sint aliae, sed quod nullæ sint, quæ ab ea testimonium non habeant, & ejus auctoritate non fulciantur. Itaque cum agimus adversus eos, qui Scripturarum auctoritatem agnoscunt, solæ sufficiens Scripturæ, ut edoceamur, quæ sint Ecclesiae quæ, eas enim omnes Scriptura declarat, juxta S. Augustinum Ep. 105.

- 63 Ecclesia igitur & Scriptura mutuam sibi communicant lucem: Ecclesia Scripturæ veritatem probat, Scriptura Ecclesiae infallibilem auctoritatem, quamquam in dispari probationis gradu. Ecclesia, utpote societas externa & visibilis, prior est ac notior Scripturæ, cujus aperta nobis & evidens sit veritas ex variis, quibus undique splendet motivis credibilitatis, notis nempe seu characteribus, quibus illustrata & munita est. Sic autem demonstrat Ecclesiae veritate, Ecclesia ipsammet Scripturam, cujus custos est ac interpres, demonstrat; & vicissim Scriptura supremam & infallibilem auctoritatem Ecclesiae probat, & asserit: Nec tamen hæc mutua probatio vitiosus est circulus, cum fiat in diverso probationis gradu.

- 64 Quæ autem ex eodem S. Augustino, ubi contra Manichæos disputat, adducuntur testimonia, non ex propria sua mente atque sententia, sed in illorum duntaxat hypothesi, quam ipsæmet non admittit, fatetur, veram doctrinam esse notam Ecclesiae; non enim aliam Ecclesiae notam admittebant Manichæi præter doctrinæ veritatem, quam tamen non adeo evidentem & manifestam esse tuebatur. Ergo, ut dictum, non ex sua sententia, sed in hypothesi duntaxat Manichæorum, quam non admittit hæc loquitur S. Augustinus.

- 65 Quod Chrysostomum attinet, citatum ab Adversariis Opus, non est illius; cum quia utitur vulgata versione latina S. Scripturæ; tum quia citat Libros apo-

cryphos, librum nempe Seth, Ezechiae, Itinerarium Clementis, quorum certè nullus apud genuinum Chrysostomum usus; tum etiam quia multa continet dogmata falsa, hæretica, veræ S. Chrysostomi doctrinæ planè adversa.

Eo tamen sensu in mente hujus Auctoris dici potest Scriptura nota Ecclesiae, quod ipsa sola nobis subministrat veras notas, quibus possumus eam secernere ab Hæreticorum conventiculis, cum quibus multa communia habemus.

Quantum denique ad ea, quæ à ratione adducunt Adversarii argumenta. Primum, si quid probat, planè non aliud evincere videtur, quàm, quod, ubi verbum Dei prædicatur, aliqui boni efficiuntur, quin tamen illos cognoscamus; quomodo ergo ad hujusmodi Ecclesiam aditus nobis patere potest? Deinde verum est, verbum Dei esse per se efficax, & semper sanctificare, cum legitime prædicatur ab hominibus legitimam potestatem habentibus, & ab auctoritate legitima missis; aliàs etiam sæpe contingit, illud annuntiari apud hæreticos variarum sectarum, ubi tamen non fructificat, neque aliud profert, nisi lolium & zizaniam.

Quod secundum spectat, verum quidem est, generalia illa motiva, quibus evidenter (evidentiâ, ut vocant, extrinsecâ) vera ostenditur Christiana Religio, non omnibus statim clarè ac distinctè demonstrare ac palam facere specialem credentium in Christum societatem, quæ vera dicitur, & est Christi Ecclesia: at nullus est tam rudis & tardi ingenii, qui si vel minimum attendere voluerit ad sanctitatem, antiquitatem, extensionem, universalitatem, consensionem populorum, perpetuum & nusquam interruptum Pastorum successum, statim non inferat, Romanam Ecclesiam, cui soli characteres illi conveniunt, veram esse Christi Ecclesiam. Profecto hæc longè clariùs innotescent, quàm veritas doctrinæ, de qua tot moventur disputationes, & unctio

prie

privata Spiritûs sancti, quæ adeo æquiva-  
oca est, & apertam viam pandit pha-  
natismo.

68 Ad tertium Resp. Scripturam notio-  
rem esse Ecclesiâ secundum quid, cum  
nempe il, qui inter se disputant, de ipsa  
conveniunt, & clarè loquuntur, necnon  
quæstio est de ipsa Ecclesia. Sic cum olim  
disputaret S. Augustinus contra Donati-  
stas, ubinam esset vera Ecclesia? quia  
ipsi Scripturas admittebant, & aliunde  
clarè erant, idcirco Scripturis utebatur,  
ut probaret, Ecclesiam non esse in sola  
Africa. Non est tamen notior simpliciter,  
& absolute: tùm quia Ecclesiæ ipsi  
data est Scriptura, quam aliis tradit, &  
explicat: tùm quia facilis est Ecclesiam  
dignoscere, quam Scripturam ubique in-  
telligere. Hinc cum S. Augustinus de  
Baptismo Hæreticorum contra Donatistas  
ageret, quia circa eundem obscura erat  
Scriptura, & notior Ecclesia, idcirco  
validum eum probat, quòd eum admitteret  
Ecclesia.

69 Deinde sicut, eum à Testatore insti-  
tutus est Executor & Interpres Testamēti,  
ab ipso inquirendum est, quæ sit vo-  
luntas Testatoris, si fortè obscured propo-  
sita sit, vel alia occurrat difficultas: ita  
pariter, cum Christus voluntatis suæ in-  
terpretem statuerit Ecclesiam, hæcque  
clariùs loquatur, & manifestare possit,  
quæ sunt obscuriora in Scripturis, idcirco  
simpliciter dici debet notior Ecclesia,  
quam Scriptura.

70 Quartum tenet equidem, si quæstio  
sit de cognitione rei perfectæ, & prout  
Schola loquitur, quidditativa, qua ni-  
mirum penetretur quid res sit, & quæ sit  
ejus essentia: secus verò, si quæstio sit  
de cognitione minus perfectæ, & non se-  
cundum essentiam, seu de ea duntaxat,  
quæ sufficit, ut cognoscatur, ubi,  
& quænam res illa sit. Profectò plurima  
cognoscimus certò & evidenter, quan-  
tum satis est, ut ea certò ab aliis distin-  
guamus, quorum tamen essentiam pene-

P. Cartier Theol. Tom. I.

trare non possunt etiam perspicacissimi:  
sic facile est, & omnibus obvium sece-  
nere frigus à calore, lucem à tenebris,  
locum, tempus &c. ea tamen intelligen-  
re & explicare nihil difficilius. Sic fate-  
mur Ecclesiæ naturam non posse cogno-  
sci, quin vera Christi doctrina cognosca-  
tur: sed necesse non est, ut ejus natu-  
ra penetretur ab iis omnibus, à quibus  
adiri debet: alioqui vel rudioribus non  
pateret, vel saltem eam ingredi non te-  
nerentur, cum ipsius cognoscendæ sint  
incapaces, aut ex imperitia, aut ex de-  
fectu ingenii. Præterea tantum abest, ut  
per cognitionem doctrinæ & Verbi divini  
homines adducantur ad Ecclesiam, quin  
imò contendimus, per Ecclesiam addu-  
cendos esse ad cognitionem veræ doctrinæ:  
adeoque secundum ordinem genera-  
tionis & naturæ, cognitio fidei supponit  
cognitionem Ecclesiæ, juxta Apostolum  
Rom. 10. v. 15. *Quomodo credent ei,  
quem non audierunt? Quomodo verò præ-  
dicabunt, nisi mittantur?* At missio, nisi  
fuerit prorsus extraordinaria, non potest  
fieri nisi per auctoritatem Ecclesiæ.

Sed adhuc regerunt Adversarii: Scri-  
ptura cognitioni & communioni veræ Ec-  
clesiæ præmittere solet fidei & doctrinæ  
examen. Ergo fides & doctrina Christi  
sunt notiores ipsâ Ecclesiâ. Ant. prob.  
ex S. Scriptura. Matth. c. 28. v. 19. *Eun-  
tes docete omnes gentes, baptizantes eos.*  
Act. 2. v. 42. adjunguntur Ecclesiæ, qui  
priùs per Apostolos docti fuerant. Et c.  
8. v. 12. Qui credunt Samaritæ baptizan-  
tur. Ergo sicut in adultis fides debet præ-  
cedere Baptismum, qui est introitus in  
Ecclesiam: ita fidei examen & cognitio  
debet præcedere cognitionem Ecclesiæ.  
Favent SS. PP. Hieronym. in Psal. 133.  
Ambrosius in Luc. lib. 6. n. 68. & S. Au-  
gustinus lib. de Unit. Eccles. c. 3. n. 5.

Resp. Dist. ant. Scriptura fidei ac do-  
ctrinæ examen præmittere solet, tanquam  
dispositionem in adultis necessariam ad  
percipiendâ fidei Sacramenta, conc. tan-  
quam

P p

quam

quam veram & propriam Ecclesiæ notam, neg. ant. Doctrina illa fidei, qua prius informari necesse erat eos omnes, qui ad Christum accedere volebant, ab Apostolis duntaxat, aut viris Apostolicis tradebatur, hoc est, ab ipsamet Ecclesia; ergo vera doctrina per Ecclesiam prius tradebatur, & cognoscenda erat, non verò Ecclesia per doctrinam. Qui porro eâ Ecclesiæ doctrinâ prius imbuti fuerant, ii societati fidelium, seu corpori Ecclesiæ inferebantur, & incorporabantur per Sacramentum Baptismi. Nihil profectò aliud ex citatis testimoniis extendi potest.

Nec alius est SS. Patrum, qui laudati sunt, sensus; imprimis verò S. Augustini, qui disputans contra Donatistas, non ad Ecclesiam, de qua non conveniebant, sed ad Scripturam, quam illi admittebant, eos provocare necesse habuit, ut ex ea veras Ecclesiæ notas, seu veræ Ecclesiæ naturam & characteres dignoscerent. *Quasio inter nos versatur, aiebat (k), ubi sit Ecclesia, utrum apud nos, utrum apud illos.*

72 Addunt denique. Illa est vera Ecclesiæ nota, quæ semper usurpata fuit, vel ut Ecclesia vera secerneretur à falsa; vel ut ipsa, ubi paululum defecerat, restitueretur, & pristinos resumeret veræ Ecclesiæ characteres. Atqui veritas doctrinæ semper usurpata fuit, tùm ut vera Ecclesia secerneretur à falsa, tùm ut primæ conditioni restitueretur. Ergo &c.

Prob. min. quoad primam partem ab exemplo: sic Jerusalem, ut vera Dei Ecclesia agnita fuit, Samaria autem à falsa; quia filios, quos per circumcisionem genuerat, à vera doctrina, à vero cultu advocabat, atque imolare in excelsis permittebat.

Prob. etiam quoad adam partem sequenti exemplo. Sic in veteri Testamento, ut Synagoga restauraretur, statim à vero Dei cultu, à vera doctrina & legi-

timo sacrificiorum & Sacramentorum usu reparandis incepta fuit reformatio. Ita Jolias impiis Regibus Manasse & Amon succedens, ut Synagogam restitueret, statim Legem Dei proponit, deinde Pascha celebrat. 4. Reg. cap. 23. Idem fecerunt Nehemias & Esdras.

Resp. neg. min. Neque enim asserri potest pro nota Ecclesiæ veræ, quod Hæretici apud se habere semper gloriati sunt, quamquàm immeritò. Atqui testatur S. Augustinus, nullam fuisse Hæreticorum sectam, quæ non gloriaretur, se puram habere doctrinam.

Ad imam. probationem dicimus, non propter doctrinæ puritatem Jerusalem velut Civitatem sanctam ac veram Ecclesiam habitam fuisse; tùm quia & doctrina & sacrificia aliquando corrupta fuerunt à Judæis, prout de ipsis conquiretur Ezechiel cap. 16. v. 23. tùm quia hæc aliquando parâ fuere apud Samaritanos. Sed ideo non consecretur Samaria esse vera Ecclesia; quia, ut refert Josephus lib. 13. Antiq. cap. 6. continuas Pontificum in Sacerdotio successiones numerabat Judæa, non Samaria: utpote cùm in monte Garizim recentius ædificatum fuisset Templum Dei, nempe circa tempora Alexandri Magni.

Ad adam. meritò vera doctrina, & rectus Sacramentorum usus restitui debent, ut reparetur Ecclesia, quæ ab eis defecerat; sed hinc inferri non potest, esse notas Ecclesiæ restitutæ; sunt quidem fructus restitutionis, non verò notæ; nam Sacramenta, Evangelium &c. possunt esse apud Hæreticos, ut observat S. Augustinus. (l) Sicut igitur, si coorta seditione desertor aliquis vexilla regia in loco eminentiori figeret, ut iis conspectis subditos Regis in suas partes traheret, temerè concurrerent subditi ad sola vexilla jam penes desertorem posita: sic planè tutum non est recurrere ad eam Ecclesi-

am,

(k) Lib. cit. (l) Serm. sup. Genl. Emeriti.

am, quæ prædicat se habere veram doctrinam, & vera Sacramenta; cum hæc desertores Ecclesiæ penes se habere dicant: sed quemadmodum eò recurrendum est, ubi sunt Duces Regis & Magistratus legitimi, ita confugiendum est ad eam Ecclesiam, in qua sunt veri & Apostolici Pastores, id est, ubi apparet antiquitas, universalitas, successio, unitas &c. Unde S. Augustinus (*m*), nullus, inquit, prædicans nomen Christi, & gestans ac ministrans Sacramentum Christi, sequendus est contra unitatem Christi.

73 Quæ contra Doctrinam, velut Adversariorum veræ Ecclesiæ notam hæcenus disputavimus, etiam de altera ipsorum nota usu nempe Sacramentorum legitimo intelligenda veniunt, ut qui ad doctrinam consequatur, illiusque sit consecutio. Et vel ex eo legitimus iste Sacramentorum usus tanquam Ecclesiæ veræ nota rejiciendus videtur, quod hanc notam sibi omnes sive Catholici, sive Aetholici vindicent; quæ ergo per eam agnoscî poterit, quinam eorum veræ Ecclesiæ cohareant?

Minus etiam notus est hic legitimus Sacramentorum usus, quam Ecclesiæ, utpote quæ, ut supra dictum, ipsâ sacrâ Scripturâ, à qua pendet ille legitimus Sacramentorum usus, est notior.

74 Denique, ut exemplo rem concludamus, Ecclesiæ Corinthiorum erat vera Ecclesiæ, & tamen ab Apostolo reprehenduntur Corinthii (*n*), quod non sincerè tractarent Sacramentorum præcipuum. Similiter Africanæ Ecclesiæ, quæ Cypriano & octoginta sex Episcopis illis, quorum sententiam ipse refert (*o*), parebant, veræ erant Ecclesiæ, ut decet Augustinus lib. 6. cap. 7. de Baptismo; & Hieronymus contra Luciferianos; & tamen non sincerè tractant Sacramentum Baptismi, ut iidem ambo hi SS. Patres ibidem memorant. Ergo legitimus Sacra-

mentorum usus non potest assignari tanquam veræ Ecclesiæ nota & character.

Explosis igitur nostri ævi Aetholicorum, seu Protestantium binis Ecclesiæ notis, modò ad eas venimus, quas Catholici velut genuinas assignant, ubi, ut jam suprà notatum, nec inter se se conveniunt, dum alii plures, pauciores alii assignant, quamvis eas omnes velut ad hæc quatuor Symbolò Nicenò his verbis, *Unam, Sanctam, Catholicam, & Apostolicam* expressas referant.

Nos ad designandam veram Christi Ecclesiam sufficere arbitramur, si demonstrari possit. 1mo. Quòd sit *Una*. 2do. *Sancta*. 3tio. *Catholica*. 4to. *Apostolica*. 5to. *Romana*. 6to. *Visibilis*. 7mo. denique, quòd sit *Indefectibilis*. Hasque esse notas, quibus veram Ecclesiam demonstrari oportet, censemus; de quibus proinde singulis Paragraphis nobis tractandum est. Sit igitur

## §. I.

### De Unitate Ecclesiæ.

75

Ecclesiæ, ut jam suprà in præloquio hujus Tractatus annotavimus, est corpus vivum. Præcipua verò unitas corporis consistit in conjunctione membrorum cum capite, & inter se. De unionem membrorum cum capite dicemus inferius §. 5to. ubi expendemus, an vera Christi Ecclesiæ sit Romana. Hic verò agimus de unionem membrorum inter se; adeo ut, sicut varia membra inter se colligata, unum corpus constituunt, ita etiam plurimæ per Orbem sparsæ particulares Ecclesiæ uno doctrinæ vinculo inter se conjunctæ ac colligatæ unam component totalem, & universalem Ecclesiam.

Unitatem Ecclesiæ demonstrant nomina, figuræ, & parabole, quibus eam adumbrant sacræ Scripturæ: nam propter illam unitatem Ecclesiæ vocatur *Corpus Christi*.

P p 2



*Christi, Ovile, Sponsa.* Propter illam unitatem expressa fuit per *Paradisum terrestrem, Arcam Noë, Templum Jerusalemitanum, Vestem Christi inconsutilem.* Propter illam unitatem à Christo designata fuit parabolis, *Agri*, qui unus est; *Sagena*, quæ in unum congregat; *Ara*, quæ paleas cum granis colligit.

- 78 Præterea hanc unitatem disertè declarat Apostolus 1. Cor. 12. v. 12. comparatione corporis humani, quod unicum est, licet variis membris constet ad varia officia destinatis: nempe tùm propter unitatem capitis; tùm propter unionem membrorum cum capite; quam comparationem usque ad finem hujus citati capituli prosequitur, & v. 27. sic concludit: *Vos autem estis Corpus Christi, & membra de membro.* Item Ephes. 4. v. 3. 4. & 5. his verbis: *Soliciti servare unitatem Spiritus in vinculo pacis. Unum corpus, & unus spiritus, sicut vocati estis in una spe vocationis vestrae. Unus Dominus, una Fides, unum Baptisma. Unus Deus & Pater omnium.*

- 79 Eandem Ecclesiæ unitatem etiã declarat constans ac perpetua SS. Patrum Traditio, ut sancti Cypriani, qui in eo, quem de præsentì argumento scripsit, libro pluribus adversus Novatianos probat, *Ecclesiam esse unam;* atque post multa hanc in rem adducta argumenta, hisce concludit: *Deus unus est, & Christus unus, & una Ecclesia ejus, & fides una, & plebs in solidam corporis unitatem concordia glutinò copulata.*

S. Optatus Milevitanus lib. 1. ante medium: *Christus, inquit, sponsus est unius Ecclesiæ, sicut in Canticis Canticorum ipse testatur: qui cum unam laudat, cæteras damnat.*

S. Augustinus ex professo in suis contra Donatistas Operibus probat Ecclesiam esse unam. Idem Argumentum alibi passim tractat, cujus proinde mens atque sententia tam nota est, ac omnibus ma-

nifesta, ut necesse non videatur, hic ipsius verba exscribere.

Verùm hoc in capite diutius immorari <sup>80</sup> superfluum videtur, cum Acatolici ultro admittant, Ecclesiam Christi esse & dici debere *Unam.* At verò hujusmodi Ecclesiæ unitatem seu universalitatem per hoc sufficienter salvari autumant, quòd omnes Ecclesiæ, seu Societates, quæ Christiano nomine utuntur, in præcipuis fidei articulis, quos *fundamentales* vocant, non errent; licet in aliis minùs præcipuis, quos *non fundamentales* nuncupant, à se se invicem discrepent non modò, sed & nullam omnino communionem inter se habeant, imò mutuis sententiis se se dilacerent, ac excommunicent.

Et quamvis nec satis inter se consentiant in designandis, & figendis articulis illis, quos fundamentales appellant, hæc tamen apud ipsos generatim agnoscitur articulorum fidei fundamentalium idea & notio: nempe *veritas fundamentalis est ea, quæ Christiana fidei ita est essentialis, ut qui eam neget omnino sit extra Ecclesiam, nec proinde ullam spem salutis habere possit. Ut Trinitas personarum in Deo; Verbi divini incarnatio. Veritas autem non fundamentalis est quacunque alia, quæ sine salutis dispendio ignorari, aut etiam negari potest, sive ab Ecclesia definita sit, sive non.* Qua hac sua articulorum fidei *fundamentalium* & *non fundamentalium* idea ac notione ad tantas redactos se tandem vident angustias, eoque apud ipsos ventum est, ut modo vix præter Trinitatis in uno Deo, & Verbi Divini Incarnationis articulum, aliam fundamentalem fidei veritatem, cui inhærere quis teneatur in suis societatibus retineant, prout mox demonstraturi sumus. Sit proinde

## CONCLUSIO I

Vera Christi Ecclesia ita est una, ut <sup>81</sup> excludat quascunque alias Hæreticorum societates.

societates, quarum fides est diversa, & erronea in articulis etiam, quos Acatholici non *fundamentales* nuncupant.

Prob. conclusio imo. Quia hæc Novatorum opinio, qua volunt Ecclesiam universalem complecti omnes Hæreticorum sectas, modò non erent in iis, quæ ipsi propriò suò genio assignant, fidei fundamentis, semper toti antiquitati incognita fuit. Pb. Nihil frequentius apud antiquos seu Patres seu fideles, quàm nomen Ecclesiæ, quam se credere publicè profitebantur, imò & nomen Catholicæ, quo sæpissimè utebantur, ut Ecclesiæ, cuius professione gloriabantur, distinctiùs significarent. Atqui his nominibus nusquam intellexerunt societatem universalem, quæ omnes complecteretur; sed unicam communionem, à qua quilibet Hæretici excluderentur, his nominibus significari clarè ac distinctè docuerunt.

- 81 Ut S. Irenæus lib. 3. adv. hæres. c. 4. ubi dicit, veritatem in sectis hæreticorum querendam non esse, quam facillè est invenire in Ecclesia; cuius centrum esse Romanam Ecclesiam tradit ibid. c. 3. *ad-quam*, inquit, *propter potiorem principalitatem* necesse est omnem convenire Ecclesiam, hoc est, eos, qui sunt undique fideles, in qua semper ab his, qui sunt undique, conservata est ea, quæ est ab Apostolis Traditio. Et lib. 1. c. 10. asserit, omnium Ecclesiarum eandem esse traditionem & fidem.

Tertullianus lib. de Præscript. cap. 4. ait, non minorem esse Ecclesiæ persecutionem per hæreses, quàm per ipsum Antichristum. Et cap. 30. Doctrinam Ecclesiæ Catholicæ hæreticis Sectis opponit.

Clemens Alexandrinus lib. 7. Strom. docet, Conciliabula Hæreticorum longè esse posteriora antiquæ Ecclesiæ, quam unicam tantum esse affirmat, quamvis optarent hæreses eam in plures sectas divide-

re, quod & nunc optant Acatholici seu Novatores nostri. In unius, inquit, natura sortem cooptatur Ecclesia, quæ est una, quam conantur hæreses in multas dividere; eaque, quæ antiqua est & Catholica, una est propter unitatem fidei.

Origenes lib. 1. in Job. *Ad dimicandum*, inquit, *adversus Ecclesiam*, non tria tantum cornua, sed innumera atque inestimabilia omnes sectæ, atque hæreses faciunt, per quas universas adversus Ecclesiam unitatem incessanter dimicant.

S. Hilarius lib. 7. de Trinit. num. 4. Hæretici, ait, omnes contra Ecclesiam veniunt. Sed dum Hæretici omnes se invicem vincunt, nihil tamen sibi vincunt. Victoria enim eorum Ecclesia triumphus ex omnibus est, dum eo hæresis contra alteram pugnat, quod in hæresi altera Ecclesiæ fides damnat. . . . Et inter hæc fidem nostram, dum sibi adversantur, affirmant.

S. Justinus Dialog. cum Triphon. Sunt igitur, inquit, & fuerunt viri amici per multi, quia atque (hoc est, impia) & blasphemata, & dicere & facere docuerunt, in nomine Jesu progressi: & sunt à nobis, sub nomine eorum vivorum, unde doctrina & sententia qualibet extitit, denominati. . . . cum quibus nihil nobis est communionis, atque à Deo alienos, & impios, & injustos, & iniquos ipsos esse scientibus.

Alexander Patriarcha Alexandrinus Ep. ad Alexand. Patriarch. Constantinop. (p) dicit se credere unam & solam Catholicam Apostolicam Ecclesiam, inextinguibilem semper, etsi totus eam mundus oppugnare insituit, victricemque omnis impia diversarum sententiarum rebellionis.

S. Hieronymus Dial. cont. Luciferianos circa finem dicit, Societatem Marcionitarum, Valentianorum, Montanistarum, Novatianorum non esse Ecclesiam Dei, sed Synagogam Antichristi. Paulò ante dixe-

rat, se omnes propositionum rivulos uno Ecclesie sole siccare possit.

Ex his SS. Patrum textibus & sententiis patet, eos nomine Ecclesie, quam profitebantur, quamque interdum, ut distinctius eam significarent, Catholicam appellant, unicam intellexisse communionem, à qua quilibet Hæretici excluderentur. Nullum hic ab ipsis positum discrimen, inter illos hæreticos, qui in fundamentalibus, ut ajunt Novatores nostri, fidei articulis ab ea dissentirent, & illos, qui non nisi in non fundamentalibus ab ea juncti essent. Ergo perperam ab Adversariis nostris, & contra mentem antiquorum Ecclesie Patrum conficta videtur erronea hæc distinctio.

- 83 Id ultro Prob. 2do. Ex Conciliis. Concilium Nicænum in nostro sensu duobus in locis utitur nomine Ecclesie Catholice, scilicet in Symbolo, ubi dicit eos, qui non credunt filium esse cum Patre ejusdem substantie, *anathematizari à Catholica & Apostolica Ecclesia*. Et Can. 8. ubi loquens de Catharis seu Novatianis redire *ad Ecclesiam Catholicam volentibus*, necessariò supponit, eos ab Ecclesia Catholica separatos fuisse.

Concilium Laodicenum Can. 9. *prohibet iis, qui sunt de Ecclesia, suas preces offerre in oratoriis Martyrum, qua ad Hæreticos pertinent*. Et Can. 10. *iisdem vetat, ne filios suos cum Hæreticis matrimonio conjungant*.

Concilium Constantinop. I. quod est Universale II. (g) Can. 6. *Eos Hæreticos appellat, qui ab Ecclesia abdicati sunt, & anathematizati; & eos, qui se sanam fidei consisteri præferunt, avulsi autem sunt, & abscissi, & adversus Canonicos nostros Episcopos congregationem faciunt*. Item Can. 7. postquam statuit, Arianos, Macedonianos, Sabbatianos, Novatianos, Quartodecimanos, Apollinaristas sola unionem recipiendos esse, subiungit, ab iis

postulandam esse fidei professionem, qua scriptò etiam declarent, *se anathematizare omnem hæresim, qua non sentit ut sancta Dei Catholica & Apostolica Ecclesia*.

Concilium Sardicenle in Epistola ad omnes totius Orbis Episcopos, quæ refertur apud Athanasium Apolog. 2. de fuga sua, Arianos nominatim excommunicans, dicit, *æquum esse, eos, qui separant Filium à Patre, & Verbum à suo Patre alienant, ab Ecclesia quoque Catholica separari, & alienos, indignosque haberi Christiano nomine*.

Episcopi (r) Africani in errorum abjuratiōe facta à Leporio postulaverunt, ut profiteretur, *se suscipere & tenere, quod Ordo Ecclesie tenet aut suscipit*.

Cælestinus in Epistola ad Nestorium, quæ refertur in Concilio Ephesino, & in Quinto Generali, monet, ipsum separandum à communione Ecclesie Catholice & Universalis, nisi amplecteretur doctrinam, quam sequitur Ecclesia Romana, & Alexandrina. Non comminatur Pontifex, Nestorium excludendum fore à communione omnium scètarum, quarum nomine sic loqui non poterat, & quæ ejus auctoritatem prorsus spernebant. Ut & adducta à nobis Concilia per Ecclesiam universalem, nullam aliam intelligunt, quàm Catholicam, Apostolicam & Romanam, qua omnes totius orbis Ecclesie sub unica eademque communione continentur, & à qua omnes Hæreticos, sive in fundamentalibus, sive in non fundamentalibus fidei articulis ab ea discrepent, exclusos pronuntiant.

Prob. 3tio. Rationibus Theologicis. 1mo. 84 Si Ecclesia ita una sit, ut non excludat Hæreticorum societates, quæ non errant in præcipuis fidei fundamentis, lequeretur universam Ecclesiam Orientis & Occidentis per multa sæcula errasse. Hoc autem dicere omnino absurdum, ne dicam, impium est. Ergo &c.

Prob. sequela Maj. Tunc erravit quando Baptisum ab Hæreticis, qui in fundamen-

mentalibus fidei articulis errabant, collatum admisit. Atqui hujusmodi Baptismum admisit. Ergo &c.

Sequela Majoris prob 1. Juxta Acatholicos, Baptismus ab hujusmodi Hæreticis collatus non est validus. Ergo si Ecclesia universalis eum admisit, tunc erravit. Pb. ant. Juxta Acatholicos, sola vera Ecclesia potest legitimum conferre Baptismum. Atqui sola & omnis societas, quæ non errat in articulis fundamentalibus fidei, est vera Ecclesia. Ergo omnis societas, quæ in hujusmodi articulis errat, cum non sit vera Ecclesia, neque etiam legitimum conferre potest Sacramentum. Adeoque, qui illum admittunt, in errore versantur.

Pb etiam min. prioris argumenti. Ariani, Macedoniani, Appollinaristæ &c. in fundamentalibus fidei articulis errabant. Atqui horum omnium Baptismum admisit Ecclesia universa Orientis, & Occidentis. Ergo erravit.

Prob. Maj. Ariani, divinitatem filii; Macedoniani, divinitatem Spiritûs sancti; Apollinaristæ, animam rationalem à Christo assumptam negabant. Atqui hi, juxta Acatholicos, sunt fundamentales fidei articuli. Ergo hi Hæretici hujusmodi articulos negabant, adeoque in iis errabant.

Prob. etiam min. Ex Conciliis Nicæno & aliis, item ex SS. Augustino lib. 3. de Baptismo c. 15. & lib. 4. c. 16. Hieronymo Dial. cont. Luciferianos. Qui id testantur. Unde patet, aut Ecclesiam universam Orientalem & Occidentalem per tot sæcula non fuisse veram Ecclesiam, utpote quæ erraverit, dum illorum Hæreticorum Sacramenta admisit; vel, si fuit vera Ecclesia, non distinxisse illos duplicis generis errores: nec existimasse, excludendos solum ab Ecclesiæ universalis societate eos, qui in fundamentalibus fidei articulis errarent.

2do. Ex sententia Acatholicorum sequeretur, per sexdecim sæculorum spatium nullum ex fidelibus Symbolum professionis suæ fidei, quo par est, modo intellexisse. Atqui dicere insanum est. Ergo &c.

Prob. maj. Fideles isti Symbolum suum non alio modo intelligebant, quàm eo, qui ipsis exponebatur à Doctoribus & Episcopis horum temporum: Atqui Articulum de Ecclesia nunquam alia ratione exposuerunt SS. Patres, Episcopi, & Ecclesia universalis, quàm eo sensu, qui excludit omnes Hæreticorum sectas & societates. Ergo &c.

3tio. Ex sententia eorundem Novatorum, illusoria, falsæ, & injustæ fuissent fidei professiones, quas à tempore Concilii Nicæni semper ab Hæreticis postulavit utraque Ecclesia Orientis & Occidentis; dum nempe ab ipsis exegit, ut omnes hæreses ab eadem Catholica Ecclesia damnatas, & proscriptas ejurent. Atqui hoc tueri plusquam absurdum est. Ergo &c.

4to. Omnes Episcopi tum Orientis, tum Occidentis insignis calumniæ & injustitiæ rei fuissent, dum ita apud se esse Catholicam Ecclesiam professi sunt, ut ab ejus sinu omnes Hæreticos excluderent. Atqui nemo huic usurpationi per duodecim & amplius sæcula contradixit. Ergo &c.

5to. Juxta Acatholicos non essent fugienda Hæreticorum consortia, ut qui vera non secus ac ceteri fideles Ecclesiæ Universalis, adeoque Catholice, membra essent. Atqui hoc pugnat contra sensum omnium sanctorum Patrum ipsiusque Universalis Ecclesiæ sententiam; hi enim hujusmodi consortia fugienda docent, & passim inculcant. Ergo &c.

6to. Denique. Non possunt Adversarii præcisè & clarè designare, quinam fidei articuli sint fundamentales, quinam verò ab iis excludendi. Ergo nec possunt eas societates designare, quæ ad Ecclesiam universalem pertineant, eique conjugantur; quænam verò ab ea sint extorres.

Consequentia patet; cum enim, juxta ipsos, unitas Ecclesiæ universalis ab unitate articulorum fidei fundamentalium duntaxat repetenda sit; manifestum quoque est, quòd, si non possint clarè & distinctè demonstrare, quinam pro fundamentalibus, quinam verò pro non fundamentalibus

bus

bus fidei articulis habendi sint, nec etiam societates illas designare valeant, quæ ad Ecclesiam universalem pertineant, vel non pertineant; cum si semper ipsis ignotum futurum sit, num hæ societates fundamentalium articuloꝝ fidem teneant, necne.

Ant. Prob. Si hujusmodi articulos designare valerent, tunc id ab ipsis præstari deberet vel auctoritate sacrarum Scripturarum, vel Ecclesiæ ipsius, vel denique spiritus privati. Atqui nec prima, nec secunda, nec denique tertia auctoritate id præstare valent. Ergo nullatenus id præstare possunt.

Major propositio denuò manifesta est, utroque eam admittere debent Adversarii, nec enim ullum aliud hujusmodi articulos designandi aut probandi genus ab ipsis fingi potest.

Min. prob. quoad. 1. mum. S. Scripturæ passim sunt obscuræ, atque in varios sensus trahi possunt, & re ipsa trahuntur ab Adversariis. Ergo ipsum auctoritate demonstrari non potest, quinam sint articuli fidei fundamentales, quinam non fundamentales.

Ant. patet ex iis, quæ in Tractatu de S. Scriptura fusè disseruimus. Consequentia ex eo autem manifestè sequitur; atque magis adhuc sequenti, prætermisiss pluribus aliis, illustratur exemplò. Juxta Protestantes Calvinistas & Lutheranos Articulus de SS. Trinitate est fundamentalis fidei articulus. Atqui, omisso, quod in S. Scripturis nuspiam satis clarè & distinctè exprimitur; ex iisdem S. Scripturis Ariani, & Sociniani probare totis viribus allaborant, illum neminem non fundamentalem, sed omnino erroneum esse. Et sic de pluribus aliis fidei articulis inter A catholicos controversis. Ergo auctoritate S. Scripturæ neutiquam clarè & distinctè demonstrari potest, quinam fidei articuli sint fundamentales, quinam verò non fundamentales.

Prob. Min. quoad. 2. dum. Non potest ostendi, quòd unquam in Ecclesia universali, vel etiam quadam particulari agnita fuerit distinctio illa articuloꝝ fidei funda-

mentalium, & non fundamentalium. Ergo etiam auctoritate Ecclesiæ hujusmodi articuloꝝ distinctio designari non potest.

Ant. ex se patet, atque à nobis firmatum fuit tum Patrum, tum Concilioꝝ sententià paulo superius, ubi ostendimus, fideles omnes per Ecclesiam universalem semper intellexisse unicam communionem, à qua quilibet Hæretici, sive societates, quæ cum ea in quibuscunque fidei articulis non convenirent, excluderentur. Ergo &c.

At sortè Adversarii nostri Lutherani & Calvinistæ novam sibi fabricabunt Ecclesiam, quæ id affirmet: at caveant ne & alii, qui in pertentis suis fidei fundamentalibus articulis cum ipsis non consentiunt, sibi suam etiamquam fabricent, quam eis opponant, & quæ id neget, quod ipsi affirmant.

Equidem, ut omnis hic tollatur verborum 85  
ambiguitas, nos Catholici, & nobiscum Universa Ecclesia, non diffitemur, aliquos fidei articulos dici posse præ aliis, ad quos comparantur, fundamentales duplici sensu: nempe vel quia aliquorum, non verò omnium distincta & explicita fides ad salutem est necessaria, ut sunt articuli SS. Trinitatis, Incarnationis, &c. vel quia unus articulus est radix & fundamentum alterius: v. g. duplex in Christo natura radix est, ac fundamentum duplicis in eo voluntatis, & operationis.

Atqui verò ubi de fide horum articuloꝝ agitur, atque ad fidem & revelationem comparantur, seu fide divina revelati creduntur, contendimus omnes articulos revelatos eo sensu esse fundamentales, quòd, qui illos negare aut impugnare ausi fuerint, ab Ecclesiæ universalis communione prorsus extorres fiant, nec salvi fieri possint. Similiter errores fundamentales eos esse tuemur, qui ab Ecclesia damnati & proscripti fuerint, neminique sub eadem interminatione unquam esse licitum, eos contra sententiam Ecclesiæ propugnare. Ergo Ecclesia  
no.

nostra seu Catholica & Universalis nullos fidei articulos nisi fundamentales, nullosque contra fidem errores nisi etiam fundamentales ad fidem nempe & revelationem comparatos seu expensos agnoscat, nec unquam agnovit.

Prob. denique eadem Minor quoad tertium. Si auctoritate spiritus privati demonstrari posset, quinam forent fundamentales fidei articuli, quinam verò non fundamentales, tunc tot forent hujusmodi articuli, quot forent privati spiritus, id est quot essent homines, quilibet enim eorum privato spiritu suo gaudet, atque pro eo sibi suos fundamentales fidei articulos effingere potest, & sic quot capita, ut vulgaris fert paroemia, tot erunt sententia; & cum, ex Adversariorum sententia, verum Ecclesiæ universalis Systema ab unitate fundamentalium fidei articulorum pendeat, tot erunt universales veræ Ecclesiæ, quot ferè erunt in Orbe Christiano homines. Quod quam paradoxum sit & inauditum, ne quid amplius dicamus, vel lipsum videt.

## CONCLUSIO II.

Ecclesia Catholicorum illam habet unitatem, quæ nota est, ac character veræ Ecclesiæ Christi: Non autem Ecclesia Protestantium.

Prob. 1ma pars. Unitas, quæ nota est & character veræ Ecclesiæ in tribus potissimum consistit, nempe in universali fidei & doctrinæ confessione, simili ubique regimine, & communione cum uno Capite visibili Romano Pontifice, qui sit unitatis origo & centrum. Tria enim præcipue requiri dignoscuntur ad unitatem societatis alicujus, scilicet, unitas spiritus, regiminis, & capitis. Quæ tria ubi sunt, ibi perfectò perfecta unitas invenitur. Atqui hæc tria occurrunt in Ecclesia Catholica. Ergo &c.

87. Prob. 2da. Conclusionis pars, nempe Protestantium Ecclesiam non habere hanc  
P. Cartier Theol. Tom. I.

unitatem. Imo. Protestantes non habent confessionem in doctrina. Hæc enim duobus potissimum momentis probari potest; constanti scilicet eorumdem fidei dogmatum professione, & ejusdem fidei publicis Confessionibus: Atqui Protestantes in neutro capite confessionem habent. Ergo &c.

Prob. 2a. Non habent confessionem in articulis seu dogmatibus fidei. Nam ut de multis taceamus, in quibus perfectò infinitæ propemodum fuere variationes, tum apud Lutheranos tum apud Calvinistas, prout fusè demonstrat Benignus Bosquet Meldenensis Episcopus in suo Gallico Opere de Variationibus Ecclesiarum Protestantium, unum duntaxat articulum præsentia realis Christi in Eucharistia hic attingemus. Anno Christi 1631. In Synodo Nationali Charentoniana Calvinistæ Galli solemniter decreverunt sanciverunt pacem & socius cum Lutheranis Confessionis Augustanæ, qui præsentiam realem Christi in Eucharistia tuerentur, nihilque in eorum cultu esse, quod perfectæ unioni atque eorumdem Sacramentorum participationi obstat posse declararunt. Hinc Dallæus Minister Calvinianus in Apologia hujus Synodi c. 7. & in Epistola ad Mongelatum, fatetur, doctrinam de præsentia reali nullum continere venenum, nec esse contrariam pietati, aut gloriæ Dei.

Attamen ante hanc Synodum palam dicebant, hoc momentum esse unicam suæ ab Ecclesia Romana separationis causam. In Actis Martyrum eorum nihil frequentius legitur, quàm solam realitatem tot ab ipsis sustineri tormenta, per quam ipsius fidei & pietatis fundamentum subverti existimabant. Nihil sapius in eorum libris legimus, quàm horrendam esse Catholicorum præsentiam realem tuentium doctrinam, quos cyclopes, antropophagos, parricidas, humanæ Christi naturæ & ejus Ascensionis in cælum hostes & inimicos, idololatras &c. vocant. Imò hæc nostra ætate plurimi, quibus hæc eorum variatio comperta non est, ingenuè con-

fessi sunt, se facile in aliis omnibus nobiscum consensuros, si presentie duntaxat spiritualis opinionem non damnarcmus.

88 Nec habent consensionem in Confessionibus suis, utpotè quæ variæ sunt & contrariæ tam apud Lutheranos, quam Calvinistas.

Lutherani primam ediderunt annò 1530. quæ Augustana dicta est, quòd in hac urbe Carolo V. Imperatori fuerit oblata. Postea annò 1537. articuli Smalcaldenses fuere collecti, qui Concilio Tridentino, quod Mantuæ à Paulo III. Papa indictum fuerat, offerri debebant. Alia deinde Confessio, quæ dicta est Saxonica Synodo Tridentinæ oblata annò 1552. Alia Wittembergenfis annò sequenti eidem Concilio oblata. Quæ quidem omnes, licet inter se in plurimis contrariæ, ab universa tamen Lutheranorum societate subfignatæ fuerunt; ita ut in eadem Saxonix Provincia intra decem annos prodierint contradictoriæ sententiæ publico nomine, decretisque publicis consignatæ de re omnium gravissima. Nam in Synodo Dresdensi annò 1571. communi consensu rejecta fuit sententia Brentii, Illyrici & aliorum de Persona Christi seu ejus Ubiquitate; & tamen illam ipsam sententiam, tamen priùs à se damnatam, publicè receperunt in libro Concordiæ; & tam Synodus, quàm ipsa Concordia Wittembergæ impressæ fuerunt Principis Saxonix auctoritate.

89 Calvinistæ autem & Defensores sensûs figurativi in Eucharistiæ Sacramento, aliam quoque fidei Confessionem Carolo V. eodem tempore obtulerunt, quæ vocatur Argentinensis. Parùm & illa suis placuit. Helvetii quatuor successivè scripserunt. Galli, & Genevenses suam quoque peculiarem habere voluerunt. In Anglia duæ etiam eodem sermè tempore visæ sunt, & duæ aliæ sub nomine Ecclesiarum Scotix. In Belgio etiam alia conscripta fuit, quæ in Synodo Dordracena approbata fuit. Nec defuit etiam Polonis sua, quæ in Sy-

nodo Sandomirensi edita est annò 1570. Legi possunt omnes illæ Confessiones variæ in unum corpus collectæ, & typis excusæ Genevæ apud Petrum & Jacobum Ghovet annò 1612. Ergo Protestantes non habent consensionem inter se in suis fidel Confessionibus.

Prob. idem argumentum 2do. Protestantes non habent certum & constans fidei suæ motivum. Ergo nec consensionem in doctrina habere possunt. Consequentia patet.

Prob. ant. Pro fidei suæ motivo statuunt vel Verbum Dei seu S. Scripturam, vel spiritum privatum. Sed nec Verbum Dei, nec spiritus privatus potest esse certum & constans fidei suæ motivum. Ergo &c.

Maj. est ipsum. Min. prob. Ipsi constare non potest de librorum in quibus Verbum Dei seu fidei veritates continentur, fidei versione, & legitimo sensu. Neque etiam quidquam certum haberi potest per spiritum privatum, utpotè qui in ipsis varius est, & variis atque oppositis sententiis suggerit, prout ipsimet volentes nolentes, experientia & factorum veritate ipsos convincente, fatcri coguntur. Ergo &c.

Prob. eadem secunda Conclusionis pars quoad secundum membrum, nempe quòd Protestantes non habeant Regimen simile. Aliud est regimen apud Lutheranos, aliud apud Calvinistas. Inter Lutheranos etiam non est idem, ut videre est in Anglia, ubi diversæ prorsus sunt Ecclesiarum administrationes. Calvinistæ autem nullam habent hierarchiam, seu regimè spirituale & Ecclesiasticum, quippe apud quos nulli sunt Episcopi, nulli Presbyteri, &c. Ergo.

3tio. Denique non habent Caput visibile Romanum Episcopum. Nulli enim ex ipsis agnoscunt Episcopum Romanum tanquam centrum unitatis, cum quo servant communionem tantopere necessariam in Corpore Christi, quod est Ecclesia.

Ergo cum tribus hisce conditionibus, quæ, ut ostendimus, potissimè requiruntur ad Ecclesiæ Unitatem, quæ est nota & chara-

character veræ Ecclesiæ, destituatur Ecclesiæ Protestantium, manifestè concluditur, eam etiam hac nota carere, adeoque non esse veram Ecclesiæ.

*Solvuntur Objectiones.*

Ob. 1mo contra 1mam Conclusionem. Explicari non potest, in quo posita sit illa unitas Ecclesiæ universalis; nec facile intelligitur, quomodo huic unitati non adversetur tanta hominum ex quibus constat, multitudo, tantaque temporum diversitate & locorum distantia ab invicem separatorem. Ergo Conclusio 1ma non subsistit.

Resp. neg. ant. In quibus consistat Ecclesiæ unitas Conclusionem secunda explicavimus. Nec ejusdem unitati obesse potest hominum multitudo, temporumque, & locorum diversitas; modò sit eadem fides, idem regimen, idem caput, quod hanc hominum à se invicem dissitorum multitudinem in eadem fidei doctrina & communione contineat; prout hæcenus in Ecclesiæ Catholica semper factum est, quæ laus est & conditio ipsi plane singularis; dum è contra videmus Protestantium Ecclesiæ, si vel ita nuncupari meretur, in se ipsa perpetuò divisam esse, & variis contrariisque etiam in fide sententiis & opinionibus disceptam esse.

94 Ob. 2do. Nota debet esse propria & sensibilis, atque ipsa re, quam significat, notior. Atqui hæc non conveniunt unitati. Ergo neque ipsa dici potest Nota Ecclesiæ Christi.

Resp. Neg. min. Nam 1mo Unitas est propria Ecclesiæ Christi; cum nulla Secta constantem habuerit doctrinam, constans regimen, & idem Caput Romanum nempe Pontificem. 2do. Est sensibilis & notior Ecclesiæ; cum hæc tria faciliè cuius attendenti occurrant, & quænam sit vera Ecclesiæ satis manifestè indicent.

95 Ob. 3tio. Unitas quidem doctrinæ & Regiminis necessaria est, ut Ecclesiæ sit una, imò & requiritur unitas Capituli invisibilis, scilicet Christi; sed dependentia ab Episcopo Romano, & cum ipso com-

muniò minimè necessaria videtur. Ergo saltem respectu hujus Unitas non est nota Ecclesiæ Christi.

Resp. 1mo. Id saltem ex hac propria Adversariorum confessione à nobis evinci, ipsorum nempe Ecclesiæ non habere eam unitatem, quæ tanquam veræ Christi Ecclesiæ nota requiritur; ut in qua nec doctrinæ, nec regiminis unitas reperitur.

Resp. 2do. Neg. postremam antecedentis partem. Profectò, cum Ecclesiæ sit corpus visibile, & externum, requiritur etiam, ut habeat aliquod Caput visibile, & externum, cui adhareant, & consocientur singula Ecclesiæ membra. Caput illud autem est summus seu Romanus Pontifex, qui est centrum unitatis, à quo scissionem facere non licet, ut probant SS. Patres, quos supra Cap. 1. §. 1. laudavimus, ubi de natura Ecclesiæ agebamus.

Ob. 4to. Doctrina de Unitate Ecclesiæ 96 hic exposita multa secum insert absurda & incommoda; 1mo. Damnat omnes, qui errant vel in minimo fidei articulo, vel communionem non habent cum Episcopo Romano, quod certè durum & inhumanum est. 2do. Non distinguit inter ea, quæ Ecclesiæ sunt Essentialia, ut Fides, Sacramenta, Ministri; & ea, quæ sunt ipsi accidentalia, ut communio externa, & convenientia in articulis non fundamentalibus. 3tio. Statuit Ecclesiæ posse suis judiciis facere quosdam articulos, qui ante ejus sententiam non erant. Ergo non est admitenda.

Resp. Neg. ant. quoad singula. Ad 1mum. Plurima sunt in Christiana Religione, quæ sunt verissima, licet humanæ rationi duriora videantur: ut reatus peccati originalis propter unum hominem; parvulorum absque Baptismo morientium damnatio; pœnæ externæ iis omnibus peccatis indicte, de quibus mentio fit in Epistola ad Galatas; æternitas ignis in vindictam vel unius peccati mortalis; prædestinatio unius, & reprobatio alterius, &c. Hæc omnia tamen, quamvis duriora videantur, negare aut improbare non licet; Deus quippe summè justus



ius est, atque iudicia ejus cum tremore sunt adoranda. Similiter etiam forte durum videatur, damnari omnes Hæreticos, & Schismaticos, qui videlicet communionem non habent cum Pontifice Romano; id tamen non ideo minus verum est, cum tota passim Traditio doceat, extrâ Ecclesiam non esse peccatorum remissionem, non esse charitatem, non esse salutem.

Ad secundum. Hæc omnia Ecclesiæ sunt essentialia. Communio externa est ei essentialis; cum enim sit Corpus visibile, debent etiam ejus partes vinculo visibili & externò inter se colligari & uniri, id autem haud fieri poterit, nisi sit conjunctio membrorum inter se & cum visibili Capite suo. Conventientia & consensio in articulis non fundamentalibus est etiam ei essentialis: cum enim debeat esse una & eadem fides à Deo revelata, & ab Ecclesia tanquam infallibili Iudice proposita, necesse est, omnes fideles in eadem fide consentire; adeoque eodem planè esse apud omnes fidei articulos. Adde, quòd incognita sit toti antiquitati hæc articulum fundamentalium & non fundamentalium distinctio. Neque etiam inter Protestantes hætenus conveniri potuit, quinam distinctè sint fundamentales; aliis aliter definitibus; aliis alios articulos assignantibus. Ecclesia autem Catholica semper sensit, eos errores, qui semel proscripti sunt, à nemine citra hæresim, & peccatum propugnari posse.

Ad 3tium: Hæc fidei articulos non facit, sed qui sunt à Deo revelati, eos proponit ac definit ex Scriptura & Traditione; eosque aliquando evoluit magis & explicite pro temporum necessitate, aut Hæreticorum insurgentium oppugnatione aperit, & explanat. Ipsi autem esse fideles suos instruere ac docere, vel id unum probat, quòd per sexdecim Sæcula non aliam SS. Patres ac fideles omnes habuerint Ecclesiæ ideam, quàm decidentis, deficiente, ac docentis. Hanc certè habuit Concilium Nicænum, cum ubi varias Arianorum fidei expressiones attulit: ait, *Ecclesiam Ca-*

*tholicam & Apostolicam similiter sentientes condemnare.*

Ob. 1to. Auditoris S. Augustini qui Ep. 97 43, aliàs 162. ad Glorium, Elcufum, & alios, quos agnoscit à sua communione separatos docet, extrâ externam Ecclesiæ Romanæ communionem nonnullos salutem assequi posse. Ergo &c.

Resp. S. Augustinum cit. Ep. loqui de iis, qui, ut ipsius verbis utamur, *sententiam suam, quamvis falsam & perversam, nulla pertinaci animositate descedunt, præsertim etiam, quam non audacia sua præsumptionis pepererunt, sed dædulis, atque in errorem lapsis parentibus acceperunt, ac cauta sollicitudine quarunt veritatem, corrigi parati, cum invenerint. Et bi nequaquam sunt inter Hæreticos deputandi.* Quia si non actu, salutem desiderio & quidem sincerò pertinent ad externam Ecclesiæ communionem; atque, si nihil obstat, internam Ecclesiæ spiritum participant; atque apud nos Hæretici materiales duntaxat nuncupantur, quales sunt, infantes, multi rursus, scæminæ &c. Separationem verò ab externa Ecclesiæ communione summè improbat & damnat in eadem Ep. c. 8. n. 24. idem S. August.

Ob. 6to Ecclesia successit Synagoga: ita, ut hæc in veteri Testamento id hominibus præstiterit ad salutem, quod nunc ipsis in novo præstat Ecclesia. Atqui non erat tanta Synagoga necessitas, ut extrâ eam nullus posset salvari: multi enim ex gentibus, pence quos fuit unius veri Dei cognitio, ut Melchisedech, Job, & alii, sola legis naturalis observatione ad salutem pervenerunt. Ergo &c.

Resp. 1mo. Dist. maj. Ecclesia successit Synagoga: tanquam perfectum imperfecto; & non quantum ad omnia, sed quantum ad aliqua duntaxat, conc. maj. tanquam perfectio, neg. maj. &c. Sicut Ecclesia Synagoga non successit, quantum ad amplitudinem, qua toto terrarum orbe diffunditur; quantum ad perpetuitatem, qua usque ad consumationem sæculi perseveratura est; quantum ad perfectionem cultûs divini &c.

& sanctitatis, atque alia ejusmodi, quibus Synagoga longè super greditur, ita nec ipsi successit, quantum ad necessitatem salutis.

Resp. 2do. Neg. maj. Synagoga tantum ad Judæos pertinebat, & fuit veluti propria ipsorum Ecclesia, ita ut extra illam quidem nullis Judæis potuerit esse salus; sed non fuit Ecclesia Universalis, quæ sinu suo omnes veros Dei cultores complecteretur; adeoque hinc potius confirmatur nostra sententia: sicut enim Judæorum nemo salvari poterat separatus à veteri Synagoga, ita quoque nunc nemo salvus esse potest, si separatur ab Ecclesia.

99 Ob. 7mo contra 2dam Conclusionem. Ex ipsa Apostolorum Ecclesia varix ortæ sunt divisiones & Sectæ contrariæ, ut Simonianorum, Nicolaitarum, Valentinianorum, Marcionitarum, Gnosticonum, &c. Ergo non mirum esse debet, si ex Ecclesia Protestantium ortæ fuerint divisiones & Sectæ contrariæ.

Resp. neg. ant. Sectæ illæ varix in Ecclesia quidem ortæ sunt, non verò ex Ecclesia; ad contra Sectæ contrariæ apud Protestantes ex propria Societatis indole nascuntur. Deinde Ecclesia Sectas in illa ortas rejicit & damnat, illarumque auctores & fautores à sua communione extorres esse jubet nec eos tolerat. Secus autem Protestantes. Sic Calvinistæ tolerant Lutheranos, quamquam agnoscant v. 9. Corpus Christi realiter & verè præfens esse in Eucharistia, quod negant Calvinistæ.

100 Ob. 8vo. Tot sunt apud Catholicos schismatum Conventicula, tot Sectæ & divisiones, quot sunt Monasteria vel certe Monachorum ordines; qui licet olim separatim ab aliis viverent, attamen separatim non recipiebant Sacramenta, sed in conventibus publicis cum reliqua plebe Sacris intererant: nunc autem sibi privata altaria crexerunt: atque ita separatim ab aliis vivunt, & Christiano-

rum titulò haud contenti, alii vocantur Benedictini, alii Franciscani, alii Dominicani &c. Ergo apud ipsos non viget illa unitas quæ est nota ac character veræ Ecclesiæ.

Resp. neg. ant. Nam varix Monachorum societates non adversantur unitati Regiminis Ecclesiastici; tum quia ab Ecclesia sunt approbatæ, ab ea foventur, & sub ejus cura & protectione singulari degunt; tum quia non minus quam cæteri fidelium legitimis Ecclesiæ Pastoribus, nimirum Summo Pontifici, & etiam Episcopis subjiuntur; proinde nullas Sectas aut divisiones constituunt, quæ unitati Regiminis Ecclesiæ sint contrariæ.

Altaria autem privata, quæ habent Monachi, sunt similia aliis publicis altaribus, nec in signum aliquid separationis & abruptæ communionis erecta; unde propterea Schismatici dici non possunt, nisi quoque Parochi & Episcopi omnes dici debeant Schismatici, ut qui diversa habeant altaria; imò Monachorum altaria æque sunt publica ac cætera, ut quorum Sacris intersint, quotquot cupiunt, Catholici. Falsum quoque est, Monachos primævis temporibus non habuisse privata altaria. S. Epiphanius enim testatur (1), se in Monasterio S. Hieronymi Paulinianum ordinasse in Presbyterium, qui cæteris Monachis Sacramenta dispensaret. Cassianus etiam Collat. 8. cap. 15. ait, in ipsa eremo quosdam à Monachis fuisse Presbyteros. Idem refert S. Augustinus lib. de moribus Ecclesiæ cap. 33. Idem sæpè referunt Auctores Ecclesiastici, ac præsertim ii, qui de rebus Asceticis scripserunt.

Varix autem illæ Monachorum appellationes non denotant Sectas ullas peculiare alienas & sejunctas à corpore Ecclesiæ, neque sunt nomina doctrinæ aut fidei diversæ, sed sic vocantur ab Institutore severioris & ætioris disciplinæ,

Q 9 3

cujus

(1) Epist. ad Joan. Hierosol.

cujus professionem & institutum ad majorem perfectionis Evangelicæ gradum aspirantes, amplexi sunt.

- 101 Ob. 9no. Non est apud nos doctrinæ consensus, imò mira est nostrorum Theologorum sentiendi varietas: alia enim est doctrina Scottistarum, alia Thomistarum, alia Augustinianorum, alia Carmelitarum &c. nec ullus est, qui se non existimet pro veritate pugnare, & oppositam sententiam esse erroneam. Ergo perperam Protestantibus suas divisiones opponimus, ac doctrinæ consensionem velut certam unitatis Ecclesiæ notam laudamus.

Resp. dist. ant. Non est apud nos doctrinæ consensus, sed mira sentiendi varietas in opinionibus Scholarum libertati ab Ecclesia permissis, conced. in fidei dogmatibus neg. ant. Distingui hic debet dogma fidei ab Ecclesia definitum, ab opinione libera Scholæ. Circà dogma fidei nulla est inter nostros sententiæ varietas: dogmata verò hæc æstimari non debent ex privatis doctorum placitis, sed ex publicis Symbolis, fidei professionibus, Romanorum Pontificum, & Conciliorum generalium decretis: quicumque autem ab hujusmodi dogmatibus discedit, pro Hæretico habetur. Non ita est de aliis Scholæ opinionibus, quas varias in partes agitari permittit Ecclesia ad elucidationem veritatis, ingeniorum & Scholæ exercitium: *In quibus*, ut ait S. Augustinus (†), *salva fide, quæ Christiani sumus, aut ignoratur, quid verum sit. . . aut aliter quàm est, humana & infirma suspitione conicitur*. In quibus proinde & refellere quisque sine pertinacia, & sine iracundia refelli paratus esse debet. At Protestantes, qui hæc nobis objiciunt, de rebus etiam ad fidem pertinentibus inter se se differunt, & alii alios habent pro Hæreticis, sicut videre est apud Cardinalem Hosium lib. 1. contra Bren-

cium, & apud Canisum in præfat librorum Andree de Vega Colonix excusorum. Hinc Anabaptistæ pro Hæreticis habentur à Lutheranis & Zwinglianis, & vicissim; tamen omnes eundem agnoscant parentem Lutherum. Similiter Zwingliani alique Sacramentarii à Lutheranis habentur ut Hæretici, sicut patet ex Testamento Brentii, imò & ex ipso Luthero passim in suis libris: his tamen non obstantibus, Calvinistæ Galli Lutheranos ad suam Communionem admiserunt, adeò *mentitur iniquitas sibi*.

Ob. 10mo. De Capite visibili Ecclesiæ Romano Pontifice ejusque auctoritate tam varia & opposita in Scholis nostris disputantur, ut nihil certi circa ipsum statui possit. Alii enim ejus auctoritatem in immensum extollunt, quam esse absolutam, non tantum in res spirituales, sed etiam in temporales contendunt: alii eandem auctoritatem ad res duntaxat spirituales limitant, alii eam Concilio generali subijciunt, alii eam illi superiori tuerentur &c. Ergo unitas Ecclesiæ, quæ ab isto illius Capite sic repetitur, non ita firma est, ac asserimus.

Resp. Dist. ant. Et hæc, quæ in Scholis circa auctoritatem Romani Pontificis disputantur, sunt de fide neg. non sunt de fide conc. ant. Circa summum seu Romanum Episcopum hoc unum duntaxat de fide est, de quo consentiunt omnes Orthodoxi; nempe illum esse Caput visibile Ecclesiæ, ac primatum honoris & jurisdictionis in cæteros Episcopos obtinere: cætera omnia, quæ hinc indisputantur, salvâ semper, quæ ipsi debetur, reverentiâ & obedientiâ, ad opinionem Scholæ, non ad fidei dogma pertinent.

Ob. 11mo. Nonnulli veteres Ecclesiæ Patres varios docuere & tuiti sunt etiam in fide errores, ut Millenarii, Rebaptizantes,

(†) Lib. 2. de pec. orig. c. 23.

zantes, &c. Ergo non semper fuit in Ecclesia eadem doctrinæ consensio.

Resp. conc. ant. neg. conf. Frustra id nobis opponitur; neque enim docemus, singulos Patres errare non posse. Fate-mur eorum aliquos in errorem lapsos esse, antequam veritas ab Ecclesia fuisset apertè definita; fate-mur in Disciplinæ quæstionibus, veluti de die celebrandi Paschæ, de jejuniis Sabbati &c. discor-des illos fuisse. At contendimus, fieri non posse, ut omnes simul conspirent in defensionem erroris; quia fieri non po- test, ut percat vera doctrina in Ecclesia Christi, quæ est columna & firmamen- tum veritatis, adversus quam portæ in- feri nunquam prævalebunt &c.

- 104 Ob. 1mo aliquæ rationes Theologi- cæ. 1ma. Si Ecclesia esset una, tunc maximè propter Charitatem: Ergo, si hoc ita est, sequitur, eos, qui non sunt in Charitate, Ecclesiæ unitos non esse. 2da. Quæ habent easdem qualitates, sunt quidem similia, sed non unum. Ergo licet in omnibus Ecclesiis particularibus sint eadem fides, Sacramenta, leges, non sequitur eandem esse Ecclesiam, sed ad summum esse similes Ecclesias. 3tia. Licet diversa regna habeant eundem Principem, easdem Leges generales, non sequitur, esse unum Regnum. Ergo &c. 4ta. Unitas seu concordia, & ordinata dispositio non conveniunt soli Ecclesiæ Christi, sed etiam multis aliis Societati- bus. Ergo &c. 5ta denique. Si in sola Romana communione vera Ecclesia con- stituitur per exclusionem aliarum societa- tum, vix defendi potest ejus Catholicitas seu universalitas; Romana quippe communio intra angustos limites planè coarctatur. Ergo &c.

Resp. ad 1mam. Unitatem seu unio- nem Charitatis maximè optandam esse inter omnia & singula Ecclesiæ membra; hac tamen in aliquibus (non in omnibus, quod fieri non potest) deficiente, super- sunt aliz rationes unionis, nempe in fide,

in regimine, in Sacramentis, in subje- ctione legitimis Pastoribus, quæ suffi- ciunt ad veram Ecclesiæ unitatem. Unde Dist. ant. Si Ecclesia esset una, tunc ma- ximè propter charitatem solam neg. ant. non solam, & ita, ut ipsa etiamnum de- ficiente in aliquibus, si tamen ex aliis rationibus Ecclesiæ corpori conjuncti ma- neant conc. ant. & neg. conf.

Ad 2dam Distinct. ant. Quæ habent easdem qualitates, sunt similia, sed non unum, si non habeant eundem finem, nec ad eum tendant, ut partes ejusdem totius, conc. ant. secus neg. ant. Ecclesiæ particulares eundem habent finem, e- adem media, eandem primo Pasto- ri subjectionem &c. Atque sicut omnia membra simul sumpta, licet inter se di- versa unum corpus constituunt, sic par- ticulares Ecclesiæ simul sumptæ unam universalem constituunt Ecclesiam.

Ad 3tam neg. conf. Plura regna uni Principi subiecta etsi simul fumantur, non tamen possunt dici constituere unum to- tum tanquam partes, atque sic unicum regnum efficere. At contrà Ecclesiæ par- ticulares ex ordinatione quidem Christi, uni Capiti subjiunguntur; uno spiritu fo- ventur, & animantur; operantur tan- quam partes totius corporis mystici, sci- licet Ecclesiæ; Ipse enim dedit Caput, Episcopos, Pastores, Presbyteros, Dia- conos, regulam fidei, fidem ipsam, & Sacramenta, quibus inter se conjun- guntur fideles, adeoque unum corpus per se efficiunt ac constituunt.

Ad 4tam Dist. ant. Unitas seu con- cordia &c. non convenit soli Ecclesiæ Christi; unitas quæ fundatur in consensu fidei ejusdem, eorumdem Sacramento- rum participatione, & subjectione legi- timis Pastoribus inprimis verò Romano Pontifici neg. Unitas cuilibet societati & Sectæ communis non convenit soli Eccle- siæ Christi conc. ant. & neg. conf. Con- venit quidem unitas aliqua cuilibet Sectæ &c.

& societati; sed nulli competit ea, quæ Ecclesiæ Christi singularis est & propria.

Ad istam: patebit ex dicendis paulo post, Romanam Ecclesiæ verè Catholicam esse, nec tam angustis finibus contineri, ac singulis Adversariis.

## §. II.

### 105 De Sanctitate Ecclesiæ.

Ecclesiæ Christi in se sanctam esse consentiunt omnes: *Pro ea enim se ipsam tradidit Christus, ut illam sanctificaret*; ait Apostolus. (u) Cùm ergo Protestantes Ecclesiæ Christi se habere jactent æquè ac Catholici, dispiciendum hæc nobis est, cuius illorum societati hæc Sanctitatis proprietas conveniat, an Protestantium, an verò Catholicorum Ecclesiæ. Pro quo sit

## CONCLUSIO.

Ecclesia Catholicorum est sancta, ea sanctitate, quæ verè Christi Ecclesiæ propria est & singularis, non verò Ecclesia seu societas Protestantium.

Prob. Conclusio. Sanctitas, quæ verè Christi Ecclesiæ propria est ac singularis posita est præsertim in tribus: scilicet, in sanctitate doctrinæ & professionis; in sanctitate eorum, qui primùm eam fundarunt; in gloria miraculorum, quibus Ecclesiæ suæ veritatem & sanctitatem confirmavit Dominus. Atqui societas Catholicorum triplicem illam habet sanctitatem, non verò societas Protestantium. Ergo &c.

Prob. min. quoad primam partem. 1mo. Quia Ecclesia Catholicorum nihil docet, quod non sit sanctissimum; de fide nihil proponit credendum, nisi vel

scriptum sit in sanctis Libris, vel constanti ac perpetua Traditione ad nos transmissum, ac Conciliis definitum. Unicum Deum in spiritu & veritate colit: verum agnoscit Mediatorem Dei & hominum Christum Jesum; & si quas in cultu Dei usurpat caeremonias, non alio fine id agit, quàm ut mentem hominum ad cœlestia erigat. Non aliam habet moralem doctrinam, quàm quæ à Christo Apostolis & SS. Patribus tradita est.

Præterea illa doctrina est sancta, quæ ejus est virtutis & efficaciz, ut ipsa sanctitatem & sapientiam aliis inspiret, ac convertat animas. Atqui talis est doctrina, quam profiteetur Societas Catholicorum. Norunt enim omnes, quos progressus fecerit in universo Orbe statim atque annuntiata est; & quidem nullus suffulca prædiis hominum, per Apostolos externa specie contemptibiles, sine vi, sine ulla arte, aut verborum pompa; quamquam ea doceret, quæ naturæ dura planè sunt, & adversa; ac longo usu in vicio obfirmatos reperisset hominum animos. Ergo necesse est, divinam prorsus esse sanctitatem doctrinæ, quæ tantam vim habuit, & efficaciam.

Merito igitur S. Augustinus ait (x): *Nihil (in Christianis Ecclesiis) turpe aut fugitiosum spectandum, imitandumque proponitur, ubi veri Dei præcepta insinuantur, aut miracula narrantur, aut beneficia postulantur.*

Hanc verò Sanctitatem non habet Societas Protestantium; hæc enim longè abesse vult ea, quæ dura & onerosa sunt; ut jejunia, carnis macerationes, auricularis confessio &c. & cujus doctrina innovat antiquos veterum errores, ut inutilitatem bonorum operum cum Simonianis, Valentinianis, & Eunimianis. (y) Ita Protestantium Synodus Wörmatiensis anno

(u) Ephe. 2. v. 14. (v) L. b. 2. de Civit. cap. 28. (y) Apud Iren. adv. hæres. lib. 2. c. 23. ult., 20 Theodoret. lib. 1. hæres. sub. c. 1. Aug. lib. de hæres. c. 55.

anno 1557. Confessio Gallica art. 20. & Helvetica art. 16. In filiis fidelium non dari peccatum originale, hosque sine Baptismo è vita decedentes salvari. Nul- lum quoque dari peccatum veniale, sed omne peccatum suâ naturâ esse mortale. Ita Zwinglius lib. de Baptism. Bucerus in c. 3. Math. Calvinus lib. 15. Instit. c. 16. & seq. Calvinistæ in Catechismo Dom. 50. & in forma Baptismi n. 11. Qui fuerunt errores Pelagianorum. (2)

Cum Novatianis, nulla esse Sacra- menta Pœnitentiæ & Confirmationis. Ita Calvinus lib. 4. Instit. cap. 19. n. 5. & 17. Confessio Augustana art. 12. Docebant enim Novatiani, non esse in Ecclesia po- testatem homines Deo reconciliandi, nisi per Baptismum; neque debere rebapti- zatos Chrismate inungi ab Episcopo. Apud Theodoretum lib. 3. Hæretic. fabul. cap. 5. & Cornelium Papam in Eusebio lib. 6. Hist. c. 43.

Cum Donatistis (a) Ecclesiam Christi ex solis Sanctis constare, & proinde esse invisibilem. Ita passim Protestantes post suos antesignanos.

Cum Aërianis (b) nec pro mortuis orandum, nec pro iis oblationes offeren- das; nec statuta jejunia celebranda esse, & Presbyterum ab Episcopo nullâ dis- crentiâ discerni debere. Ita Calvinus lib. 3. Instit. cap. 5. num. 6. & 7. Item lib. 4. cap. 12. n. 20. Magdeburgenses Cent. 4. qui asserere non verentur doctrinam his tribus Aërianorum erroribus oppositam potius erroneam esse; parùm suâ inter- esse arbitrantium, eos à veteri Ecclesia velut hæreses fuisse proscriptos.

107 2do. Probatur, & patet doctrinam Protestantium non esse sanctam, quia adversatur sanctæ morum disciplinæ, quæ  
P. Cartier Theol. Tom. I.

vigebat etiam purissimis, & sanctissimis Ecclesiæ temporibus, Sanctorum nempe Basilii; Gregorii Nazianzeni; Gregorii Nysseni; Ephrem; Theodoreti; Cyrilli Hierosolymitani; Concilii Chalcedonensis, cui interfuerunt Patres sexcenti; Ambrosii; Hieronymi; &c. Dum Sanctorum invo- cationem, tanquam idololatriam, rem- que veræ fidei, & pietati contrariam; Ministrorum verò Ecclesiæ celibatatum tan- quam quid iniquum, & Verbo Dei con- trarium inverecundè traducunt, ut & alia similia sanctæ morum disciplinæ ca- pita, quamvis à memoratis veteris Eccle- siæ Patribus tanquam sancta & verè pia ultrò agnita & laudata, necnon à Con- ciliis stabilita, & sancita fuerint.

3tio Prob. Doctrinam Protestantium 108 non esse sanctam. Illa doctrina non est sancta, cujus principia non ducunt ad sanctitatem. Atqui moralis doctrinæ Pro- testantium principia non ducunt ad san- ctitatem. Ergo &c.

Prob. min. Quia viam omnibus vitiis aperiunt, virtutibus autem præcludunt. Nam imo. In sententia Protestantium, sola incredulitas potest damnare; quibus- cumque tandem cupiditatibus aliquis ser- viat; adulterii, homicidii, aut cujusvis alterius criminis reus sit, modò credat se electum esse à Deo, gratiam nunquam amittere potest, quia etsi timorem Dei amittit, fidem tamen justificantem non amittat. Ita passim docent, Lutherus lib. de captiv. Babyl. cap. de Baptismo. Calvinus lib. 3. Instit. c. 13. Beza in con- fessione c. 4. art. 20. 2do. Juxta princi- pia Protestantium, nullæ leges humanæ, seu Principum spiritualium, seu tempo- raliū, conscientiam fidelium ligant. Ita Lutherus lib. de captiv. Babyl. Calvinus lib.

(2) Apud S. August. lib. 6. cont. Julian. cap. 2. & 3. & lib. 4. ad Bonifac. esp. 2. & 4. lib. de hæret. cap. 88. & lib. 1. de animâ &c. cap. 9. Conc. Milevit. apud eundem Ep. 176. aliis 92. Conc. Carthagin. Hæron lib. 2. cont. Pelagian. (a) Apud S. Aug. lib. de unit. Eccle. cap. 12. (b) Apud Epiph. hæres. 75. Aug. hæres. 33.

lib. 3. Instit. cap. 19. n. 14. ubi, *omnium bonorum potestate*, inquit, *exemptus esse conscientias constituimus*. Danæus in Antibelamino lib. de Baptismo. Wittakerus lib. adversus Campianum. Atqui hujusmodi doctrinæ moralis principia sunt impia, & seditiosa, unde ea semper detectata est Ecclesia Catholica. Quid enim magis impium cogitari potest, atque magis omnibus vitiis patentem viam aperit, virtutibus autem præcludit, quam ubi scelestissimi quique salutis suæ securi red-duntur? Et quid tranquillitatem publicam certius turbare & evertere potest, quam doctrina, quæ contemnit leges Ecclesiæ, Principum, Magistratum, & harum observatione conscientiam fidelium non alligari docet? Ergo &c.

Prob. min. quoad secundam partem. Ecclesiam scilicet Catholicorum habere sanctitatem in primis sui instituti fundamentis.

Habet enim eam in Christo, qui est primus ejus auctor, fons & origo totius sanctitatis & justitiæ. Habet in Apostolis & SS. Patribus, qui contra singulas suorum sæculorum hæreses dimicaverunt. Habet in Martyribus, qui firmo, ac constanti animo pro Christo occubuere. Habet in tot Episcopis & Pastoribus, in tot Religiosorum Ordinum Institutibus eximie virtutis ac pietatis: Nihil verò tale apud se esse probare possunt Protestantés nostri. Ergo &c.

Hanc, inquam, primorum suorum Institutum sanctitatem cvincere neutiquam possunt. Neque audebunt dicere præsentis suæ Reformatæ Religionis auctores, Lutherum, Zwinglium, Calvinum, Bezam &c. sanctos fuisse. Nec opus arbitramur, ut tàm notam horum Pseudo-Prophetarum turpitudinem hic revocemus, hujusmodi argumenti Domino Weislinger strenuo ac famoso Ecclesiæ nostræ vindici relinquentes tractationem.

Prob. eadem min. quoad tertiam partem; Catholicam videlicet Ecclesiam habere sanctitatem doctrinæ miraculis à Deo confirmatam. Habuit imò Sæculo miracula Christi, & Apostolorum in sacris libris memorata. Secundò Sæculo miracula militum Christianorum in exercitu Marci Antonii Imperatoris, quæ referuntur à Tertulliano lib. ad Scapulam c. 4. & Apologetici c. 5. ab Eusebio lib. 5. Hist. cap. 5. Tertiò Sæculo, miracula S. Gregorii Thaumaturgi, apud S. Basilium lib. de Spiritu S. c. 29. apud S. Gregorium Nyssenum in vita ejus; apud S. Hieronymum lib. de Viris illust. Quartò Sæculo, miracula Antonii, Hilarii, Martini, Nicolai, apud S. Athanasium, Hieronymum, Sulpitium. Quintò Sæculo, miracula quæ describuntur à S. Augustino lib. 22. de Civ. c. 8. & quæ suo tempore Carthagine, & Mediolani contigisse narrat, Sextò Sæculo, miracula, quæ narrantur à S. Gregorio Magno in suis Dialogis; & multa alia, prout Annales Ecclesiasticos percurrenti facile constare potest; quæ omnia à tot & adeò sanctis viris tam frequenter patrata fuere in testimonium ejusdem doctrinæ & fidei, quam nunc quoque nos profitemur, quæque proinde eam sanctam probant. Ubi enim vera miracula, ibi & sancta ac vera fidei doctrina. Deus enim præcipuus, imò unicus miraculorum auctor, mendacii & erroris testis & assertor esse non potest. Atqui mendacii testis & auctor esset, si fides nostra & doctrina sancta & vera non esset, ut qui permetteret in ejus testimonium & firmitatem miracula fieri.

Protestantes sanè nulla miracula in medium asferre possunt, quibus doctrinam suam confirmet; cumque nulla apud se inveniant, nostra Dæmonum præstigiis deputant, aut falsi posulant, non alia quidem ratione, quam quòd pugnent cum novis ipsorum placitis.

*Solutio.*

*Solvantur Objectiones.*

110 Ob. 1mo. Societas Catholicorum corrupta est in doctrina ob infinitos errores & superstitiones, quibus verus Dei cultus corrumpitur; & in moribus, ut patet ex reformatione, quæ subinde adhibita fuit, tam in capite, quàm in membris. Ergo &c.

Resp. Neg. ant. Si quidam errores & superstitiones interdum in Ecclesiâ irrepserunt; atque etiam subinde adhibenda fuit morum reformatio, id fecere privatorum quorundam errores ac vitia, quæ ipsi Ecclesiæ immerito imputantur; ut quæ, teste S. Augustino, *errorem nec facit, nec jubet, nec patitur*. Ut obiectio quidquam probaret, proferri deberet aliquod Ecclesiæ iudicium vel Canon, quo vel error, vel morum corruptela aliqua approbata fuerit.

Solemne fuit omnis ætatis Hæreticis Catholicam Ecclesiâ, à qua ejiciebantur, calumniis proscindere. Manichæi eidem obijciabant hypocrisim, superstitionem, sepulchrorum adorationem, & luxuriam. (c) Luciferiani, eam diaboli & Antichristi Ecclesiâ nuncupabant. (d) Donatistæ eam pestilentie cathedram nuncupabant. (e) Caveant proin Protestantes, ne dum Catholicorum Ecclesiâ calumniis onerant, antiquis his adnumerentur Hæreticis.

111 Ob. 2do. Efficacia doctrinæ certum non est ejus sanctitatis argumentum: tum quia Infidelium & Hæreticorum doctrina magnos etiam fecit progressus, ut patet exemplis Mahumetanorum, Lutheranorum, & Calvinistarum: tum quia si quos suâ doctrinâ converterunt Catholici, id non fecit doctrinæ simplicitas, sed dolus, promissa, minæ. Ergo &c.

Resp. Neg. ant. Quod exemplum Mahumetis, non est, quod miremur ejus Se-

uæ progressus, nam præterquam quòd hominum libidini plurimum faveat, armorum vi, non persuasionem doctrinæ tam longe lateque diffusa est. Imò Mahumetes ipse Alcorâni cap. 18. & 19. bellò & armis cogendos esse homines ad suas partes & doctrinam amplectendam affirmat. Nihil quoque mirum videri debet, quòd Lutheri, & Calvini hæresis tot regiones occupaverit: quid enim non potest Novitas, ubi sub specie severioris & sanctioris morum disciplinæ ea rescinduntur, quæ in Catholicorum Religione magis ardua sunt, & onerosa, ut v. g. Confessio Sacramentalis, Jejunium, Celibatus in Ministris Ecclesiæ &c. At quòd ea Religio, quæ nonnisi dura docet, quæ tota naturæ inclinationi contradicit tam stupendos fecerit progressus, id profecto soli ejus doctrinæ sanctitati, & auctoris ipsius efficacitæ adscribendum est. Quas verò strages, quas tempestates ac rebelliones in Gallia, Germania, Angliâ excitaverit præterita Novatorum reformatio, nemo ignorat. Quod ajunt de dolo, promissis, ac minis à nostris usurpatis, ut facilius ad Christum homines converterent, putida fabula est.

Ob. 3tio. Miracula non sunt firmum argumentum sanctitatis alicujus doctrinæ, quia fieri possunt à Magis & Ariolis, Exod. 7. & 8. Ab Anti-Christo, & Pseudo-Prophetis, Matth. 24. Ab Ethnicis, ut à Vespasiano factum, qui cæco lumen reddidit, claudò gressum, Suetonius in vita num. 7. Ab Hæreticis, ut de Paulo Novatiano Episcopo refert Socrates lib. 7. Hist. c. 17. Ergo &c.

Resp. Neg. ant. Ad exempla dicimus & quidem ad imum falsa fuisse miracula, quæ ediderunt Magi & Arioli, Exod. 7. & 8. necnon artificia Dæmonum, & fascinati-

R r 2

(c) Apud Augusti. lib. de mor. Eccles. cap. 34. (d) Apud Hieron. Dial. adv. Luciferian.

(e) Apud Aug. lib. 2. cont. lit. Petilian cap. 51.



scinationes &c. habeturque tūc ex eo, quod draco, in quem virgam suam convertit Moyses, illorum dracones devoraverit; tūc, quia plagas populo inferre potuerunt, non verò cum ab illis liberare; aquam potuerunt vertere in sanguinem, at non sanguinem in aquam; nec ranas à se prius confectas ab Ægypto removere; tūc quia sciniphes non potuerunt producere; Deo scilicet, ut observat Theodoretus, Magorum imbecillitatem, attemque, qua utebantur, procul abesse à virtute divina, tunc manifestante; adeò ut confessi fuerint, in illa plaga esse digitum Dei, hoc est, singularem potentie Dei operationem.

- 113 Porro dantur Notæ quædam & signa, quibus vera miracula dignosci possunt à falsis. 1mo. Diuturnitas & perseverantia effectus, quæ est maximum veritatis indicium; quæ enim fictæ sunt, brevi evanescent. Hinc Pharaonis Magi post aliqua opera, quæ prodigiosa videbantur, deprehensi sunt deficere, atque hoc publice confessi sunt, Exod. 8 v. 19. Similiter falsitas miraculorum Simonis statim manifesta fuit, cum ad Petri orationem decidit mortuus. 2do. Attendendi sunt effectus, quibus miraculorum veritas declaratur, quales maximè solent esse actiones vitæ, ut manducare, loqui in Lazaro resuscitato, videre in creto à natiuitate, & ita de aliis. 3tio. Circumstantiæ, quibus fiunt illa miracula: si v. g. per orationem ad Deum; si finis talium operum non sit aliquid temporale & prævum; si adjunctum habeant aliquod opus Dei proprium, ut secreta-rum cogitationum manifestationem.

- 114 Ad 2dum Resp. miracula Pseudo-Prophetarū & Antichristi mendacia erunt, non vera miracula, ut dicit Apostolus 2. Thessal. 2. id est non vera & solida, sed falsa & ad summum apparentia, vel mirabilia hominibus, qualia arte Dæmonis fieri possunt, & quæ naturam non

superant, ut excitare tempestates, ignem de cælo deducere, quosdam languidos subito sanare; non tamen absolute miracula. At miracula Sanctorum sunt illuminationes cæcorum, curationes claudorum, suscitationes mortuorum, quæ à solo Deo fieri possunt.

Ad 3tium Resp. non vera fuisse miracula Vespasiani, quia nec verè cæcus, nec verè claudus fuerunt illi, qui ab eo sanati dicuntur, ut observat Cornelius Tacitus lib. 4. hist. num. 81. Adde cum Tertulliano Apologetici cap. 22. totum illum morbum fuisse à Diabolo, qui illorum binorum hominum membrorum usum impediēbat, ut *videretur deinde sanare, cum defineret nocere.*

Ad 4tū. De Novatiani Episcopi il-116 lius miraculo Resp. illud factum esse, non in confirmationem fidei Novatiani hujus Episcopi, sed Catholici Baptismi. Cum enim, prout narrat Socrates cit. loc. Judæus quidam impostor, qui Baptismum ab Attico Episcopo Constantinopolitano ritu Catholico jam suscep-rat, ad hunc Novatianum Episcopum accessisset, ut denuò ab eo baptizaretur, alveus Baptismatis divinitus exhaustus est, quo miraculo illius iterationem illicitam esse Deus testari voluit.

Ob. 4to. S. Augustinus Tract. 13. in 117 Joan. ait, non esse credendum Donatistis, etiamsi miracula faciant. Et lib. de unit. Eccles. cap. 16. docet, Ecclesiam non demonstrari ex miraculis, sed Scripturis, additque, nec fidem adhibendam esse miraculis Catholicorum. Ergo &c.

Resp. Miracula Donatistarum non fuisse vera miracula, quæ citatò locò S. Augustinus contemnit, sed occultas visiones quasdam duntaxat, quas sine ulla teste jactabant se habuisse. Deinde, ut ex ipsius verbis patet, nihil aliud vult, quam quòd non credendum sit miraculis, etiam-

etiam si ferent ab iis, qui sunt extra unitatem Ecclesiæ. Quod autem hic S. Doctor vera miracula non contemperit, patet vel ex solo libro 22. de Civit. Dei cap. 8. ubi adversus Paganos plurima opponit miracula facta ad Reliquias Sanctorum, & præcipuè S. Stephani. Et cap. 9. probat, universa miracula, quæ per Martyres Christi nomine fiunt, ei fidei testimonium ferre, qua in Christum Martyres crediderunt.

- 118 Ad adum vult tantum eo loco S. Augustinus, miracula non esse sacris Scripturis præponenda. Sed quia hic ipsi res cum Donatistis erat, qui miracula apud suos patrata jactabant, ex quibus veram esse suam Ecclesiam dicebant, longum nimis ipsi visum est, eorundem falsitatem demonstrare, unde ad Scripturas, quas & ipsi Donatistæ admitterent, ut brevius disputationem expediret provocavit, ex quibus multo apertius de vera Ecclesia judicari posset.

At etiam ex miraculis demonstrari veram Ecclesiam Christi, alibi docuit idem S. Doctor (*f*), ubi dicit, *illa esse vincula, qua illum in Ecclesia Catholica tenent*. Disputans quoque adversus Manichæos, qui miracula admittentes Scripturas rejiciebant, docet (*g*), Ecclesiam demonstrari ex miraculis, non verò ex Scripturis. Ergo sanctus hic Doctor, pro ratione personarum, quibuscum res ipsi intercedebat, modò Ecclesiam ex Scripturis, modò autem ex miraculis demonstrat, ex quo nihil absurdum sequitur, cum præstet cuicque sententiam suam tuenti, se genio adversariorum suorum accommodare, ut sic tutius vincat.

- 119 Ob isto. Miracula, quæ à nostris auctoribus referuntur, vel sunt facta, vel

imaginaria, id est, non ita contingere, prout narrant Historici, vel sunt Demonum præstigia, vel hominum illusiones. Ergo non possunt esse nota Sanctitatis Ecclesiæ nostræ. Prob. ant. 1mo. Quia eorum est nimium prodigiosa multitudo; e. g. à S. Francisco, Dominico, Bernardo, & aliis perpetrata leguntur propè innumera, ita ut nusquam Apostoli ipsi tot ac tam stupenda patrarent, cum confirmata jam Religione Christiana ad nihil esse videantur: unde testatur S. Chrysostomus hom. 49. in Matth. jam sua ætate sublatam fuisse miraculorum operationem. 2do. Quia pleraque eorum tantam stoliditatem & ineptiam præferunt, ut Majestate divina omnino indigna videantur. 3tio. Quia vera miracula confirmant Evangelium, prout testatur S. Marcus cap. ult. vers. ult. At miracula Catholicorum illud evertunt, & idololatriam confirmant, nempe Reliquiarum & Imaginum cultum, Sanctorum invocationem, Missam, & alia id genus.

Resp. Neg. ant. Si enim pro lubitu & absque ratione licitum est negare facta olim miracula, inquit S. Augustinus (*b*), peribit fides librorum, historiarum, atque Scriptorum, & nostra non solum, sed etiam quæcunque alia Religio labefactabitur.

Stultum insuper potiùs Luthero, Calvinò, Magdeburgensibus aliisque Sycophantis circa antiquas historias fidem adhibere, quàm Cypriano, Athanasio, Augustino, Hieronymo, Gregorio Magno, & aliis veteribus sanctis Patribus, qui ut plurimum referunt res à se visas, aut saltem suis temporibus cognitatas.

Quod autem dicant Adversarii, nostra miracula esse Demonum præstigia,

R r 3

id

(*f*) Lib. de utilit. credendi cap. 17. Et lib. cont. Ep. fundamenti c. 4. (*g*) Lib. cont. Epist. fund. c. 4. & 5. (*b*) Lib. 10. de Civit. c. 18.

id æquè ac priùs falsum est. Id ipsum olim Christo objecerunt Judæi, Apostolis & Martyribus Gentiles. Id etiam Ariani, Eunomiani, & alii veteres hæretici vulgò de SS. nostris miraculis effutiebant. Novatoribus autem frons periisse videtur, cum sanctos Patres viros tantæ pietatis ac sanctitatis mendacii, fraudis ac doli in re tanti momenti, utpotè à qua doctrinæ Christianæ veritas potissimum pendere videtur, accusant.

- 120 Ad imam antecedentis probationem dicimus, cæ nihil probari; neque enim omnia ea miracula, quæ vulgus circumfert, admittimus, sed solum ea, quæ post serium & diligens examen agnoscit & probat Ecclesia; unde monet Concilium Tridentinum Sess. 25. Nova miracula sine gravissimo consilio, ac diligenti examine ab Episcopis non esse admittenda; sicut autem non omnia sunt leviter admittenda, ita nec omnia temerè rejicienda.

Quod ex Chrysostomo additur, apocryphum est: omnium enim eruditorum judicio ipsius opus non est illud unde petitur objectio, sed alicujus hæretici.

- 121 Ad 2dam Resp. Si quæ vulgus spargat miracula, quæ inepta & stolidi videntur, imò Dei majestate indigna, hæc minimè probat Ecclesia, ut jam diximus. Sequendum hic Concilii Tridentini mox adducti consilium & voluntas.

- 122 Ad 3tium. Miracula nostra, prout innumera restantur historiæ, nedum homines in vera fide confirmant, & ad pietatem adducunt, sed & hæreticos ad nostras partes, veramque Religionem trahunt; evertunt quidem Evangelium sed Lutheri, Calvini &c., non autem Christi. Nec cultus Reliquiarum, Imaginum, & Sanctorum ritu Catholico adhibitus idololatriam redolet, ut ostende-

mus in Tractatu de Incarnatione. Sed cum Novatores apud se nulla habeant miracula, nostra calumniantur.

Ob. 6to. Si Protestantès nulla profert<sup>123</sup> miracula ad probandam doctrinæ suæ sanctitatem, inde fit, quòd miraculis non indigeant, quandoquidem non nisi purum Dei verbum, ac puram Apostolorum doctrinam tot miraculis ab ipsis olim confirmatam, edocent. Et certè S. Joannis Baptista, licet à Deo extraordinariè missus fuerit, nullum tamen signum fecit, ut expressè asseritur Joan. 10. vers. 42. Ergo Ecclesia aliqua non minus sancta dici debet, quamvis nulla proferat miracula.

Resp. Neg. suppositum. Supponunt equidem Novatores, se veram & puram Christi doctrinam sectari & profiteri, sed falsò, contrarium enim invictis, ubi opus est, demonstramus argumentis. Neque urget, quod de S. Joanne additur. Et si enim miracula non fecerit, ipse tamen miraculum fuit auctoritatis divinæ pondus habens, quam ipsi conciliaverat miraculosa nativitas ex matre sterili & annosa, vita solitaria, victus austeritas, conversationis innocentia, prædicationis libertas & efficacia, ipsum Joannis nomen ipsi ante circumcisionem divinitus impositum, ab Angelo prænuntiatum, & notatione sua gratiam significans & designans; ut nihil dicatur, de tot aliis, quæ ortum ejus antecesserunt, & circumsteterunt prodigiis; denique Baptismus ab ipso Judæis nulla sive summorum Sacerdotum, sive Magistratus alicujus, sed sola divina auctoritate collatus, tot sunt ab ipso edita miracula. Producant Novatores nostri tot in suis Auctoribus & Pseudo- Prophetis portenta, ostendantque eos hanc vivendi rationem iniisse & præcassè, tùm nulla ab ipsis alia miracula expectemus, quibus suæ doctrinæ sanctitatem probent.

probent. At procul absunt, ut id faciant.

Equidem fatemur ad fidei nostræ veritatem, tot jam antiquis miraculis confirmatam, ultrò comprobendam miracula, absolutè loquendo, non ita forè necessaria; at cum in nostra Ecclesia hujusmodi miracula inveniuntur, meritò inde illius doctrinæ sanctitatem evincimus. Deus enim, ut jam insinuavimus, qui præcipuus est miraculorum auctor, in testimonium impietatis ea patrare non potest.

124. Ob. 7mo. Juxta nos Ecclesia demonstratur ex miraculis, & vicissim miracula demonstrantur ex Ecclesia. Atqui hoc est absurdum, atque circulum vitiosum redolet. Ergo &c.

Resp. Neg. min. Nam rectè & legitimè utrumque fieri potest in diverso scilicet genere demonstrationis: quemadmodum ex effectu demonstratur causa, & vicissim ex causa effectus. Etenim ex miraculis demonstratur Ecclesia, non quidem quoad evidentiam vel certitudinem credibilitatis. Ratio est, quia ante judicium & approbationem Ecclesiæ non habetur evidentia aut certitudo fidei de ullo miraculo, quòd sit verum; tum quia sic fides esset evidens; tum quia sic illud nobis non constaret evidentiâ, cui non possit subesse falsum & Dæmonis illusio, licet tale sit, ut nobis rem efficiat evidenter credibilem.

125. Ob. 8vo. Morum corruptela non est certum falsæ doctrinæ argumentum; Ergo nec sanctitas morum est Nota veræ doctrinæ, & per consequens, veræ Ecclesiæ.

Resp. Transf. ant. neg. conf. Quia Christus, qui docuit in Ecclesia sua futuros esse bonos & malos, statuit signum veræ Ecclesiæ & doctrinæ in sanctitate bonorum. Sicut igitur signa vitæ

in aliquibus corporis humani membris apparentia arguunt vitam totius corporis; atque signa mortis in aliis membris non inferunt totius corporis mortem; ita sanctitas vera, quæ in aliquibus Ecclesiæ membris occurrit, ostendit originem veræ sanctitatis in Ecclesia reperiri.

Ob. 9no. Propter sanctitatem aliquorum Ecclesia non debet sancta nominari: cum enim accidens aliquod convenire potest toti & parti, si soli parti conveniat, non prædicatur de toto: Atqui sanctitas convenit tantum aliquibus fidelibus. Ergo &c.

Resp. Neg. maj. Ecclesia enim potest dici sancta propter magis præcipuas & nobiliores ejus partes, quæ sanctæ sunt. Sic dicitur exercitus fortis, licet in eo multi sint ignavi; quia aliquos habet viros fortes & strenuos. Sic dicitur civitas opulenta, etsi multos, & in majori numero habeat cives inopes. Similiter & Ecclesia. Ad paritatem ab accidenti deductam, dicimus eam non valere, quia sanctitas Ecclesiæ non est accidentalit, sed essentialis. Deinde datur accidens uni duntaxat corporis parti propriè conveniens, quod tamen de toto corpore seu subiecto prædicatur. Sic vir firma duntaxat habens latera & brachia robusta, vir fortis dicitur, quamvis ejus fortitudo in brachiis duntaxat & lateribus consistat.

Ob. 10mo. Si Ecclesia Catholicorum propter sanctitatem aliquorum sancta dici potest, tunc etiam dici poterit prædestinata vel reprobata, quia in ea sunt electi & reprobi. Atqui sequela est absurda. Ergo &c.

Resp. Eam posse dici quidem prædestinatam ob singularem ejus à Deo factam prædestinationem; tum etiam propter præcipuas ejus partes singularem Dei beneficiò electas; non verò damnata, quia denomi-

denominatio semper desumitur à parte nobiliori, non à majori, ut patet exemplis suprà adductis de exercitu & civitate. Unde in forma neg. secundum membrum sequelæ Majoris propositionis.

## §. III.

128 *De Catholicitate Ecclesiæ.*

Per Catholicitatem Ecclesiæ nihil aliud intelligitur, quam ejus Universalitas, hoc est, ejus diffusio per omnia loca, per omnia tempora, per omnia hominum genera, sive per gentes, populos, ac nationes. Ita Cyrillus Hierosolymitanus Catechesi 18. Augustinus lib. 2. cont. Ilt. Petil. cap. 38. Et Epist. 52. aliàs 170. ad Severinum. Optatus Milevitanus lib. 2. cont. Parmenionem. Vincentius Lyrinensis commonitorio adv. profanas hæreticas Novit. cap. 3. Ergo illa Ecclesia dicitur *Catholica*, quæ per totum orbem est diffusa.

129 Quod nomen Ecclesiæ Christi jam vicinioribus ad Apostolos temporibus ad hæsisse prodit Epistola fratrum Smiræorum de Martyrio Beati Polycarpi (i) apud Eusebium lib. 4. cap. 15. Et Epistola B. Ignatii ad Smiræos. Unde rectè Valesius in notis in lib. 7. Hist. Eusebii cap. 10. ait: Videri, hoc cognomen Ecclesiæ inditum fuisse circa primam Apostolorum successionem, cum nempe hæreses multis in locis exorta veram Christi fidem, & Apostolorum Traditionem evertere conarentur. Tunc enim, ut vera, & genuina Christi Ecclesia ab adulterinis hæreticorum cœtibus distingueretur, *Catholica* cognomen soli orthodoxo um Ecclesiæ attributum est.

129 Ecclē am Christi porro verē esse Catholicam apud omnes, qui Christiano

nomine utuntur, in confesso est. Idque probat sanctus Augustinus lib. de Unitat. Ecclesiæ à cap. 6. usque ad 17. 1mo. Ex Lege veteri, in qua promissiones factæ sunt Abraham, *In femine tuo, inquit nempe Deus ad eum, Genes. 22. vers. 18. be edicentur omnes gentes.* Et Isaac, Genes. 26. v. 4. Et Jacob, Gen. 28. v. 14. Hoc autem semine Christum intelligi docet Apostolus Galat. 3. vers. 16.

2do. Ex Prophetis. Isaías cap. 11. vers. 10. *Et erit, inquit, in illa die radix Jesse, & qui exurget principium habere in nationes, in eum gentes sperabunt.* Et cap. 17. vers. 6. *Germinabit & florebit Israël, & r plebitur orbis terrarum fructu ejus.* Et cap. 49. vers. 5. *Posui te in Testamentum ge: eris in lucem gentium, ut sis sa: us usque ad fines terræ &c.* Quas quidem & alias similes Isaïæ prædictiones, in ipsa Christi Ecclesia, quæ in totum orbem diffusa est, adimpletas esse ostendit.

3tio. Ex Psalmis, ex quibus profert Psalm. 2. vers. 7. *Postula à me, & dabo tibi gentes hæreditatem tuam, & possessionem tuam terminos terræ.* Et Psalm. 21. vers. 28. *Convertentur ad Dominum universi fines terræ, & adorabunt in conspectu ejus universa familia seu patriæ gentium.* Et Psalm. 71. vers. 8. *Dominabitur à mari usque ad mare, & à flumine usque ad terminos orbis terrarum.* Quæ Psalmistæ testimonia, de Christi Ecclesia intelligenda esse ostendit sanctus Doctor.

4to. Id probat ex Evangelio & verbis ipsius Domini Luc. 24. v. 46. *Quoniam scriptum est, ait Christus, & sic oportebat Christum pati, & resurgere tertia die, & prædicari in nomine ejus penitentiam, & remissionem peccatorum per omnes gentes,*

(i) Fuit Polycarpus Discipulus Apostolorum.

tes, incipientibus ab Jerusalem. Unde sic concludit c. 10. *Tenemus ergo, Ecclesiam ex ore Domini designatam, unde captura, & quousque perventura esset; captura scilicet ab Jerusalem, & perventura in omnes gentes.*

1<sup>to</sup>. Probat ex Actibus Apostolorum c. 1. v. 8. ubi Christum Apostolos suos sic alloquentem refert S. Lucas. *Et eritis mihi testes in Jerusalem, & in omni Judæa, & Samaria usque in totam terram.* Percurrit deinde idem S. Doctor ea, quæ de Ecclesiæ amplitudine observantur in memoratis Actibus Apostolorum; ac tandem c. 19. concludit, nullo Interprete indigere, Canonicarum Scripturarum testimonia, quæ commendant, Ecclesiam in totius Orbis communione consistere; utpote quæ aperte demonstrant illius Catholicitatem seu Universalitatem.

2<sup>o</sup> Porro hanc Catholicitatem esse veram ac singularem Ecclesiæ Christi Notam, vel eo patet; quia ipsa per Catholicitatem semper ab omnibus aliis Hæreticorum societatibus, tanquam per indubitatum signum secreta fuit, prout docent SS. Patres.

Augustinus passim, præsertim lib. cont. Ep. fundam. c. 4. *Multa, inquit, sunt alia, quæ ejus (Catholicæ Ecclesiæ) gremio me iustissime teneant ..... tenet me possremò ipsum Catholicæ nomen, quod non sine causa inter tam multas Hæreses sic ista Ecclesia sola obtinuit, ut cum omnes Hæretici se Catholicos dici velint, quarenti tamen peregrino alicui, ubi ad Catholicam conveniatur, nullum Hæreticorum vel Basilicam suam, vel domum audent offendere.* Et ferm. 131. de temp. n. 242. ubi ait, idcirco Ecclesiam Christi in Symbolo appellari Catholicam, quia toto Orbe diffusa est. Diverforum autem Hæreticorum Ecclesia ideo Catholicæ non dicuntur, quia per loca, atque per suis quasque provincias continentur. Hæc verò d' solis ortu usque ad occasum unius fidei splendore diffunditur. Item

P. Cartier Theol. Tom. I.

lib. de vera Religione c. 7. n. 12. *Tenenda est nobis, inquit, Christiana Religio, & ejus Ecclesia, quæ Catholica est, & Catholica nominatur, non solum à suis, verum etiam ab omnibus inimicis. Velint nolint enim ipsi quoque Hæretici, & Scismatici alumni, quando non cum suis, sed cum extraneis loquuntur, Catholicam uivili aliud, quàm Catholicam vocant. Non enim possunt intelligi nisi hoc eam nomine discernant, quo ab universo Orbe nuncupatur.*

S. Hieronymus Dialogò adv. Luciferianos, *In illa, inquit, Ecclesia permanendum est, quæ ab Apostolis fundata usque ad hunc diem durat. Sic ubi audieris, eos, qui dicuntur Christi, non à Domino Jesu Christo sed à quoquam alio nuncupari; utpote Marcionitas, Valentinos, Montanistas &c. Scito non esse Ecclesiam, sed Antichristi esse Synagoga. Ex hoc enim ipso, quod postea instituti sunt, eos se esse indicant, quos futuros Apostolus prænu-tiavit, &c.*

S. Cyrillus Hierosolymitanus Catechesi 18. *Quòd si fortè, inquit, veneris incivitates, non simpliciter interroga, ubi sit Ecclesia, sed ubi Catholica Ecclesia. Hoc enim proprium nomen est sanctæ hujus & matris omnium nostrum, quæ est Sponsa Domini nostri Jesu Christi. Quasi dicat, si hoc petas, nullus Hæreticus suam Ecclesiam ostendet.*

S. Pacianus Ep. 1. ad Sympronianum Novatianum, quæ Epistola de Catholico nomine agit: *Catholicum istud (nomen) inquit, nec Marcionem, nec Apellem, nec Montanum sonat, nec hæreticos sumit Auctores ..... Christianus mihi nomen est, Catholicus verò cognomen. Illud me nuncupat, istud ostendit: hoc probor, inde significor.*

S. Epiphanius Hæres. 68. n. 3. refert, eos, qui Meletio Schismatis Alexandriae orti Auctori adhererant, ut se ab iis, qui Episcopum Alexandrinum sequebantur, distinguerent, suam Ecclesiam vocasse

S S Eccle-

Ecclesiam Martyrum : alios verò scilicet Petri Præfulis Alexandrini Sectatores , penes quos veteres erant Ecclesiæ , recognovisse titulum & nomen Catholicæ Ecclesiæ.

Ante ipsos S. Justinus Dial. cum Triph. *Sunt, inquit, d nobis, sub nomine eorum virorum, unde doctrina & sententia qualibet extitit, denominati .... Et sunt eorum quidam, qui vocantur Marcionitæ: quidam verò Valentiniani, Basilidiani, Saturniani, & alii alio præditi nomine, d principe sententiæ quisque nomen obtinens.*

Idem asseruit S. Irenæus lib. 1. c. 23. aliàs 20. *Habent, inquit, & vocabulum d principe impiissima sententia Simone dicti Simoniani.*

Idem etiam testabatur S. Cyprianus lib. de unit. Eccl. *Ecclesia, inquit, Domini luce perfusa, per Orbem totum radios suos porrigit .... ramos suos in universam terram copia ubertatis extendit; profluentes largiter rivos latius expandit.*

His ita de nomine & natura Catholicitatis prælibatis superest hic probare, num ergo hæc Ecclesiæ Christi Nota Romanæ Ecclesiæ conveniat, an verò Protestantium societati. Pro quo sit.

131

## CONCLUSIO.

Ecclesia Romana est Catholica, non autem societas Protestantium.

Prob. 1ma. pars Conclusionis 1mo. Ut Ecclesia Romana sit verè Catholica, satis est, quòd illa fidelium societas, quæ Episcopo Romano ut Capiti suo adhæret, sit verè universalis; hoc est semper fuerit, & in omnem locum diffusa. Atqui talis est societas, quæ communionem habet cum Episcopo Romano. Ergo &c.

Prob. min. Ac 1mo quidem hæc societas semper fuit: tum quia Christus ipse eam fundavit, quando Petrum illius fundamentum constituit, atque voluit, cum primum inter Apostolos sedere, ejusque Successores primos esse inter Episcopos,

ut postea ex professo probabimus. Tum quia semper & omnibus Sæculis spectata est hæc communio cum Sede Romana, tanquam signum veræ ac Catholicæ fidei certissimum, ut isto hujus Capitis Paragrapho demonstrabimus.

2do. In omnem etiam locum diffusa est hæc societas: tum quia iidem SS. PP. qui declarant Ecclesiam Christi in totum terrarum Orbem esse diffusam, eandem cum Episcopo Romano communionem conjunctam esse asseverant. Ita inter complures alios imò omnes Tertullianus, & S. Irenæus Sæculò secundò. S. Cyprianus Sæculò 3tiò, SS. Optatus, Augustinus, & Hieronymus Sæculò 4to. Tum quia revera societas illa, quæ Romanum Episcopum tanquam Caput suum agnoscit, in omnes hujus Orbis partes latè diffunditur. Est enim in Oriente, apud Indos, apud Persas, apud Sineses, Japonitas, Siamenses, & in omnibus fermè Infulis maris, quod has provincias alluit. In Occidente, apud utriusque Americæ incolas, & in tota Europa, in cujus majori parte florentissima est, quamquam in quibusdam aliis partibus persecutionem patiatur. In Meridie habuit olim illustrissimas Sedes & notissimas frequenti Episcoporum numero Synodos; & licet nunc à Barbaris occupentur hæc regiones, habet tamen & suos in iis fideles, qui hujus antiquæ fidei sunt etiamnum cultores.

Prob. eadem min. 2do. Illa societas verè est universalis seu Catholica, quæ sola semper sic vocata fuit, & etiamnum adhuc ita vocatur. Atqui Societas seu Ecclesia, quæ communionem servat cum Romano Pontifice semper universalis seu Catholica vocata fuit, & etiamnum adhuc ita vocatur. Ergo.

Major patet, nec nisi ab infano, & qui totum Orbem mendacii arguere velit, negari potest.

Min. Prob. quoad primum: Certum est e. g. SS. Augustinum, & Hieronymum in ea fuisse societate, quæ communionem habet

habet cum Romano Pontifice, ut patet ex testimonio eorum passim jam relatis, & adhuc referendis. Atqui S. Augustinus sæpius contra Donatistas asserit, eos deseruisse veram Ecclesiam, quæ est Catholica: agens verò contra Manichæos ait, se vel ipso *Catholica* nomine in Ecclesia Catholicorum retineri. Ergo juxta S. Augustinum, nec Secta Donatistarum, quam impugnabat; nec Manichæorum, quam reliquerat, erat Catholica, sed sola illa Ecclesia, in cujus gremio post suam conversionem vivebat, & quam, prout primum recensuimus, lib. de Unit. Eccles. ex Lege, Prophetis, Psalmis, & Evangelio diffusam esse probat.

Eodem argumento utitur S. Hieronymus Dial. adv. Luciferianos.

Prob. etiam quoad secundum. Unaquæque societas nomen suum desumit vel ab Auctore suo, vel à sua doctrina: sic olim dicti sunt Eutychemiani, Nestoriani, Macedoniani, Ariani, Valentiniani, ab Auctoribus suis; & nunc Lutherani dicuntur à Luthero, Calvinistæ à Calvino, Sociniani à Socino; Anabaptistæ, Sacramentarii, à suis, quos deservunt, erroribus, prout omnibus notum est: soli verò nunc vocantur Catholici, qui communionem habent cum Ecclesia Romana.

Prob. eadem min. 3tio. Illa societas verè est universalis, quæ præter diffusionem in omnia tempora & loca, habet etiam doctrinæ universalitatem; hoc est, quæ nullum docet errorem, sed veteres, & recentiores Lutheranorum & Calvinistarum errores unacum priorum Sæculorum Ecclesiâ damnat: Atqui talis est societas nostra, quæ Episcopo Romano adhæret. Ergo &c.

332 Secunda pars Conclusionis, societatem Protestantium nempe non esse Catholicam, Prob. 1mo. Quia nec fuit semper, nec est ubique. Primò, non semper fuit: tùm, quia ante exortus Lutheri & Calvini Sectas nobiscum communicabant in eadem

Sacramentorum, & precum participatione, atque iisdem Pastoribus subiectione. Tum quia ne quidem ratione doctrinæ, quam tunc profitebantur, est universalis; cum illos omnes illorum articulos à nostris diversos primitiva Ecclesia jam damnaverit in veteribus Hæreticis, quorum errores ferè jam extinctos excitant ac renovarunt Lutherani & Calvinistæ. Secundò, Non est ubique: Neque enim præter Occidentem alias Orbis partes illorum doctrina nonnisi leviter infectis, quidquid ipsi jacerent in contrarium. Vix in Oriente cognoscuntur Lutherani, & Calvinistæ; aut si de his aliquid ibidem auditum est, habentur tanquam partium Occidentalium Hæretici: Ecclesia verò Catholicorum ubique nota est.

Prob. Conclusio 2do. Quia fatentur ipsi Protestantes, multitudinem credentium non esse semper notam veræ Christi Ecclesiæ, quam aliquando in paucis & prædestinatis conservari tuerentur.

### Solvuntur Objectiones.

133

Ob. 1mo. Universalitas seu diffusio Ecclesiæ per totum Orbem in Scripturis prænuntiata, non potest convenire societati, seu Ecclesiæ Romanæ, utpote quæ apud multas sive Occidentis sive Orientis Nationes non vigeat. Ergo aut verè Catholica non est Romana Ecclesia, aut si est, necesse est asserere Ecclesiam Christi omnes societates complecti, modò non erent in fundamentalibus fidei articulis.

Resp. Neg. ant. 1mo. Illa Ecclesiæ diffusio à Prophetis prædicta non stricte & metaphysicè sumenda est, sed moraliter, id est, pro majore Orbis parte & precipuis mundi partibus. Sic apud Jeremiam c. 34. v. 1. & Daniele c. 2. v. 30. & c. 8. v. 21. dicitur Nabuchodonosor occupasse omnia Regna terræ, & Alexander imperaturus universæ terræ, quamvis nunquam contigerit, ut alteruter eorum in uni-



universo Orbe regnaverit; sed significare duntaxat vult hic Scriptura, utriusque hujus Imperatoris dominationem in plurimas terræ partes diffusam fuisse.

Sic etiam illam Ecclesiæ diffusionem à Prophetis prænuntiatam intellexerunt SS. Patres, atque inter alios S. Augustinus (k), qui docet, Ecclesiam suo tempore nondum ubique constitutam, nec ad extremum terræ perventuram ante finem hujus mundi: has tamen Prophetias in Ecclesia sui temporis esse adimpletas, fusè & invictè probat adversus Donatistas locis in margine citatis.

2do. Triplex distingui potest in vera Christi Ecclesia diffusio: *successiva* nempe, quæ successu temporum Evangelium omnibus annuntiari debet; hæc autem diffusio omnem omnino terram complectitur, quia nulla erit pars in quam non perveniat fides Christi; atque hæc successiva diffusio soli Ecclesiæ Romanæ convenit, cum ipsa sola Christum apud exterarum Nationes annuntiaverit. Alia est *permanens perpetua & tota visibilis*. Atque ut de illa intelligentur Prophetæ, hæc non sumi debent in sensu metaphysico, sed morali. Tertia denique Ecclesiæ Christi diffusio dicitur *permanens partim visibilis & partim invisibilis*; hæcque complectitur non tantum omnes societates, quæ in Christum credunt, & communionem habent cum Episcopo Romano, sed & eos omnes, qui degunt inter Hæreticos, neque hæresicorum actu & explicitè participant.

3tio. Istud Protestantium argumentum nimium probat, quia inde etiam sequitur, quod, cum Societates illorum qui in fundamentalibus fidei articulis non errant, totum Orbem non occupent, neque etiam Ecclesia illa, quam dicunt esse universalem, re ipsa universalis sit. Ergo in sensu morali, ut dictum, sumendæ sunt

allatæ de Ecclesiæ Catholicitate Prophetiæ.

Ob. 2do. Nusquam legitur promissa 34 diffusio Ecclesiæ Romanæ; neque etiam legitur præcepta à Christo vel ab Apostolis communicatio implicita vel explicita cum Romano Pontifice. Ergo &c.

Resp. Neg. ant. quoad utrumque. Ad 1um. Vel promissa est illa diffusio Ecclesiæ, quæ primis quingentis annis communicabat cum Episcopo Romano, vel alicui alteri: Si primum, frustra dicunt Adversarii, eam non actu esse diffusam, quasi divinæ promissiones non fuerint efficaces; frustra dicunt, eam non completi omnia tempora, cum eadem fuerit Ecclesia sub Christo & Apostolis, quæ cum Romano Pontifice primis quingentis annis communicavit. Si secundum, tunc designent aliam, cui facta sit illa promissio. Certè S. Augustinus & Optatus promissiones illas Dei de Ecclesia, in qua vivebant, & quæ communionem habebat cum Episcopo Romano, intelligendas esse existimant.

Ad 2dum. Certum est, Christum & Apostolos præcepisse communionem tum implicitam, tum explicitam inter fideles & Ecclesiæ Pastores: atqui inter Pastores Episcopum Romanum agnovit antiquitas, cum quo ordinariè communicabant fideles; imò communionem hanc veluti certissimum Catholicitatis argumentum habuerunt.

Ob. 3tio. Ecclesia, quæ primis quingentis annis toto Orbe diffusa fuit, non habebat fidem communem cum Leone Papa X. sub quo secessio facta est, neque cum iis Pontificibus, qui aliquot sæculis eum antecesserunt. Ergo non receditur ab Ecclesia Catholica, licet à communione Episcoporum Romani discedatur.

Resp.

(k) Ep. 93. aliàs 48. & 197. aliàs 78. Item Ep. 149. aliàs 80.

Resp. 1mo. Neg. suppositum. Quæstio enim non est, utrum Ecclesia, quæ fuit primis illis temporibus hanc habuerit fidem; sed quæritur, an extiterit Ecclesia verè Catholica, tempore inchoatæ secessionis, quæ non communicaverit cum Episcopo Romano, aut ejus communionem neglexerit. Si nulla fuit; ergo illa, quæ communionem cum ipso servabat, erat verè Catholica vi promissionum Dei; ac proinde Protestantes, qui eam deseruerunt, verè fuerunt Schismatici.

Resp. 2do. Neg. ant. Eadem fuit Ecclesiæ primorum Sæculorum, ac Leonis & ipsius Antecessorum temporum fides, nec contrarium unquam probare valebunt Adversarii.

36 Inst. 1mo. Tempore inchoatæ Reformationis Ecclesia Catholica in multis membris externam communionem non habebat in fide cum Romano Episcopo. Nam Ecclesiæ Africanæ, Græcæ, Syræ & aliæ Orientales Ecclesiæ erant universæ Ecclesiæ membra, quæ tamen cum Episcopo Romano non communicabant; negabant enim præcipuum Romanæ communionis fundamentum, scilicet potestatem Pontificis Romani. Ergo &c.

Resp. Neg. totum ant. Perperam dicunt Adversarii illas societates membra fuisse universalis Ecclesiæ. Tum quia, ipsis ultro fatentibus, lapsæ sunt in capitales errores, quod sufficit, ut non pertineant ad veram Ecclesiam, prout denuò ipsimet fatentur. Tum quia debet esse communio inter omnia membra universalis Ecclesiæ; adeoque, si Ecclesiæ Orientales & Protestantium sint veræ Ecclesiæ membra, debet esse aliqua inter has & illas communio in fide vel explicita vel implicita: neutram tamen probare possunt; non explicitam, cum nullum sit vel litteris, vel congressibus, vel legationibus inter ipsas commercium; non implicitam, cum non eandem fidem teneant;

nam in sententia Protestantium, Ecclesiæ Orientales lapsæ sunt in errores fundamentales; & in sententia Ecclesiarum Orientalium, doctrina Protestantium in multis est hæretica.

Inst. 2do. Catholicorum est ostendere, Ecclesiam universalem tempore separationis, in fide cum Episcopo Romano communicasse. Ergo &c. Resp. neg. ant. Facile quidem foret Catholicis istud probare, sed cum nostram communionem deseruerint Protestantes, ut à crimine Schismatis se purgare possint, debent designare Ecclesiam, quæ sit membrum Ecclesiæ Catholicæ & universalis, & quæ non communicaverit cum Romano Pontifice, cui sese post separationem conjunxerint. At verò nullam talem ostendere possunt.

Inst. 3tio. Etiam si constaret omnes Ecclesias cum Romana societate communionem servasse tempore reformationis, nondum tamen constaret communionem illam fuisse perfectam, hoc est, in interna fidei professione: imò verisimile est, omnes mansisse quidem in Cœtu Papistico, non in sensu; in Ecclesia, non in fæctione Ecclesiam premente; in communi veritatis professione, non in opinionibus Doctorum. Ergo &c.

Resp. Neg. secundum membrum ant. Qui fuerunt in externa communione Ecclesiæ Romano-Catholicæ etiam præsumuntur fuisse in interiori fidei communione, nisi contrarium probetur; ideoque & præsumuntur consensisse in capitales articulos Ecclesiæ Romanæ. Fœderis consensus ille quoad nonnulla explicitus, vel implicitus, parum refert, modò illa explicitè tenuerint, quæ sunt omnibus necessaria: nunquam autem alligati fuerunt fideles aliquibus Doctorum opinionibus, quemadmodum neque nunc alligantur.

- 339 Ob. 4to. Ex multitudine præcisè non potest inferri veritas. Ergo diffusio Ecclesie non potest esse nota sufficiens, per quam cognoscatur vera Ecclesia, quando præsertim disputatio est de doctrinæ veritate.

Resp. Dist. ant. Si multitudo illa veritatem non teneat, conc. fecus, neg. ant. Non dicimus solam sufficere multitudinem, ubi non occurrit veritas; sed dicimus, eam doctrinam veram esse, quam per Orbem universum diffusa Ecclesia promittitur; & ideo cum S. Optato ad orbem terrarum provocamus, juxta promissiones divinas, orthodoxa fide in Christum credentem. Ad eundem sensum provocabat S. Augustinus disputans contra Donatistas. Addimus nos cum ipso, nihil esse apud Protestantes, quod nos invitet, & teneat; sola ibi personat veritatis pollicitatio. Tenet ergo nos multorum populorum consensus, adhæremus multitudinī juxta promissiones divinas: Protestantes verò à multitudine recesserunt, nec habent eam, ad quam provocant, multitudinem.

- 340 Ob. 5to. Ecclesia Christi non semper fuit diffusa. Ergo diffusio &c. non est nota ipsius.

Prob. ant. 1mo. ex S. Augustino, qui testatur (l), innumerabiles extitisse Barbaros in Africa suo tempore, quibus nondum prædicatum fuerat Evangelium. 2do. Arianorum tempore tam pauci erant veræ fidei cultores, ut teste S. Hieronymo Dial. adv. Lucifer. *Ingenuerit totus orbis, & se esse Arianum miratus sit.* Alibi dicit (m), Arianismum totum Orientem possedisse. Ergo.

Resp. Neg. ant. ad ejus probationem, & quidem ad auctoritatem S. Augustini, diximus jam, necessarium non esse, ut Ecclesia Christi totum simul nomen occupet, vel ut sit diffusor omnibus sectis simul sumptis, sed satis esse, si qualibet

secta sit diffusor. Certum est enim eam Catholicam fuisse tempore S. Augustini, prout ipsemet adeo invictè probat adversus Donatistas.

Ad 2dum. Resp. Longè plures fuisse tunc in Orbe Catholicos, quam Arianos, idque demonstrat invictè fortitudo, qua fidelis populus Alexandria, Constantinoполи, Antiochiæ, Samosatæ, Mediolani, Arianis constanter resistit, ubi suæ sectæ Episcopos in illas Sedes intruserunt. Demonstrant innumera sanctorum Monachorum turmæ, qui Ægypti deserta incolabant, & quos tanquam strenuos Nicænæ fidei defensores impensè colebat Athanasius & fovebat. Demonstrat enumeratio omnium provinciarum, quæ in Nicænæ fidei professione, & Arianæ hæresis damnatione consentiebant, & persistebant; prout refert S. Athanasius Ep. Synodici de fide ad Jovinian. Imp. quam describit Theodoretus lib. 4. Hist. cap. 3. Idem constat ex Lucifero Calaritano in lib. cui titulus, *Quod moriendum sit pro fidei Dei.* Item Ex Ep. Synodica Damasi & aliorum Occidentalium ad Episcopos Illyrici, quam refert idem Theodoretus lib. 2. Hist. c. 22.

Ad testimonia S. Hieronymi Resp. ad 1mum. Hic loquitur hyperbolicè & eo sensu, quòd, cum in nova fidei regula Patres Ariminensis Concilii prætermisissent in suo decreto *Substantia* vocabulum, & eam ob rem Arianis ad oppugnandam fidem Catholicam aditum patefecissent, eidem S. Hieronymo visū fuerint, velut fidei Nicænæ proditores, unde ait, *miratus est orbis terrarum, se esse Arianum.*

Ad 2dum. Resp. Eo sensu illum dixisse, totum Orientem exceptò Papæ Athanasio, atque Paulinò possedisse Arianam hæresim, quia in multis duntaxat partibus grassabatur, atque in iis sumpserat initium, necnon à multis illarum regionum Episcopis, ut & ab Imperatoribus præsidium acceperat. Quamvis à longè pluribus

(l) Ep. 199. aliis 90. (m) Ep. 32. aliis 61.

bus aliis egregiè propugnaretur doctrina Catholica, quæ filium Patri confubstantialem statuebat.

## §. IV.

## 141 De Apostolicitate Ecclesiæ.

Illam Ecclesiam esse, & dici debere Apostolicam, quæ ab Apostolis fundata sit, atque ab ipsis originis suæ antiquitatem & doctrinæ suæ conformitatem trahat, extra dubium apud omnes est; idque passim veteres Patres docent. Ut Tertullianus de Præscript. Cap. 20. 36. & 37. Item lib. adv. Marcion. c. 4.

Irenæus lib. 3. adv. hæres. c. 3. Hieronym. Ep. ad Pamach. & Ocean.

Unde laudatus Tertullianus ostendit, quod, etsi possent hæretici de quadam apud se successione gloriari, nondum tamen quidquam obtinerent, necnon falsitatis redarguerentur ex contrarietate & pugna doctrinæ ipsorum cum Apostolica.

Memoriâ quoque proditum est, Veteres exortas in Ecclesia de Religione controversias ex conformitate doctrinæ cum Apostolica dijudicasse. Sozomenus quoque laudat Imperatorem Theodosium, quod hac via hæreticos sui temporis compescere tentaverit.

142 Sed & legitimam Pastorum missionem necessariam ac veram Apostolicæ Ecclesiæ notam esse, apertum est.

Neque enim sive in veteri, sive in novo Testamento ullus unquam fuit legitimus Pastor, qui non fuerit à Deo missus. In veteri quidem, nullus, nisi qui foret ex stirpe Aaronis, sacris se immiscere ausus est, ac quicumque extraneus thuribulo manum admoveere tentavit, severè punitus est, ut exemplis Dathan, & Core; necnon Regis Ozii compertum est.

In novo, nec quisquam sibi sumit bonorem, sed qui vocatur à Deo, tanquam Airon, inquit Apostolus, ad Heb. 5. v. 4. Et Rom. 10. v. 15. Quomodo verò pradi-

cabunt, inquit, nisi mittantur. Item Ephes. 4. v. 11. ab eodem dicitur Christus dedisse quosdam Apostolos, quosdam Prophetas, alios verò Evangelistas, alios autem Pastores, & Doctores ad consummationem Sanctorum in opus ministerii.

Inde est, quod, qui sine missione honorem sibi arrogare præsumpserunt, velut Schismatici habiti sint, iisque annumerati, de quibus dicit Dominus apud Jeremiam c. 23. v. 21. *Non mittebam Prophetas, & ipsi currebant; non loquebar ad illos, & ipsi prophetabant.*

Hujusmodi homines Christus ipse furibus & latronibus comparat, dum ait Joan. 10. v. 1. *Qui non intrat per ostium in ovile ovium, sed ascendit aliunde, fur est & latro.*

De iisdem quoque loquitur Tertullianus, de Præscript. c. 27. ubi, *Qui estis, inquit, quando, & unde venistis? Quid in meo agitis, non mei? Quo denique Marcion jure sylvam meam cadis? Qua licentia Valentine, fontes meos transvertis? Qua potestate Appelles, limites meos commoves? Mea est possessio, olim possideo, prior possideo, habeo origines firmas, ab ipsis auctoribus, quorum fuit res.*

Item S. Cyprianus lib. de Unit. Ecclesiæ, de Hæreticis loquens, *Hi sunt, inquit, qui se ulterò apud temerarios convenas sine divina dispositione præficiunt; qui se præpositos sine ulla ordinationis lege constituunt, qui, nemine Episcopatum dante, Episcopi sibi nomen assumunt.*

Adde, quod Ecclesia non possit esse sine Episcopo. Ecclesia, inquit S. Hieronymus Dial. adv. Lucifer., *non est, quia non habet Sacerdotes.* Et S. Cyprianus Ep. 69. Ecclesia, inquit, *est plebs Sacerdoti adunata, & Pastori suo grex adhaerens. Unde scire debes, Ecclesiam esse in Episcopo, & Episcopum in Ecclesia; & si qui cum Episcopo non sit, in Ecclesia non esse.* Idem habet Ep. 27.

Deal-

Denique, successionem Pastorum ab Apostolis non interruptam esse Apostolicæ Ecclesiæ notam, & quidem Ecclesiæ Christi propriam ostendunt

1mo. Tertullianus de Præscript. cap. 32. Caterum, inquit, si quæ (hæreses) audent interfere se atati Apostolica, ut idem videantur ab Apostolis tradita, quia sub Apostolis fuerunt, possumus dicere: Edant ergo origines Ecclesiarum suarum, evolvunt ordinem Episcoporum suorum ita per successiones ab initio decurrentem, ut primus ille Episcopus aliquem ex Apostolis, vel Apostolicis viris, qui tamen cum Apostolis perseveraverit, habuerit auctoritatem, & antecessorem. Hoc enim modò Ecclesia Apostolica census suos deferunt; sicut Smyrnarum Ecclesia Polycarpum ab Joanne collocatum refert; sicut Romanorum, Clementem à Petro ordinatum edit: proinde utique & cætera exhibent, quos ab Apostolis in Episcopatum constitutos, Apostolici seminis traduces habeant. Conspiciant tale aliquid Hæretici. Quid enim illis post blasphemiam incitum est?

2do. S. Irenæus lib. 3. cap. 3. hanc etiam continuam Episcoporum successionem Hæreticis opponit, atque Catalogum textit Episcoporum Romanorum, qui à S. Petro usque ad Eleutherium, qui sua ætate rebus Ecclesiæ præerat, Romanam Ecclesiam gubernarunt. Quoniam, inquit, longum valde est, in hoc tali volumine omnium Ecclesiarum enumerare successiones; maxima & antiquissima, & omnibus cognita, à gloriosissimis duobus Apostolis Petro, & Paulo Roma fundata & constituta Ecclesia, eam, quam habet ab Apostolis, Traditionem, & annuntiatam hominibus fidem, per successiones Episcoporum pervenientem usque ad nos indicantes, commendimus omnes eos, qui quocumque modo, vel per sibi placentiam, vel vanam gloriam, vel per cecitatem & malam sententiam, præterquam oportet, colligunt. Al hanc enim Ecclesiam, propter potiorum principatitatem necesse est, omnem convenire Ecclesiam,

hoc est, eos, qui sunt undique fideles, in quæ semper ab his, qui sunt undique, conservata est ea, quæ est ab Apostolis Traditio.

Et lib. 4. c. 26. aliàs 43. n. 2. Eis, inquit, qui in Ecclesia sunt, Presbyteris obaudire oportet, his, qui successionem habent ab Apostolis, sicut ostendimus: qui cum Episcopis successione charisma veritatis certum, secundum placitum Patris, acceperunt: reliquos verò, qui absunt à principali successione, & quocumque loco colligunt, suspectos habere, vel quasi Hæreticos & male sententia; vel quasi sciendos, & elatos, & sibi placentes &c.

Idem ab Hæreticis sui temporis postulabat S. Optatus. Vos, inquit lib. 2. cont. Parmenian. vestra cathedra originem reddite, qui vobis vultis sanctam Ecclesiam vindicare.

Ex hæcenus delibatis, ergo habetur, quòd, ut quædam Christiana societas præclarà ac præstanti Apostolicitatis notà decorari mereatur, necesse sit 1mo. ab Apostolis originem ducat. 2do. Ut eandem cum ipsis doctrinam sectetur, & proficatur. 3tio. Ut illius Pastores legitimam missionem & successionem habeant ab Apostolis, quæ minimè interrupta fuerit.

His ita positis, ut quæ post ea, quæ differuimus, minimè controversa esse possint; videndum modò, cuinam hæ conditiones conveniant, an Ecclesiæ Catholicorum, an verò Protestantium societat. Sit igitur

## CONCLUSIO.

143

Hæ Apostolicitatis condiciones soli Ecclesiæ Catholicorum conveniunt, non verò Protestantium societati

Prob. Conclusio quoad primam conditionem seu originem. Ecclesia nostra, seu Catholicorum est eadem cum Ecclesia quinque primorum sæculorum. Atqui hanc verè Apostolicam fuisse, atque ab Apo-

Apostolis originem suam traxisse ipsimet fatentur Adversarii. Ergo & nostra.

Prob. Maj 1mo. Ex unione ipsius cum Cathedra Papali, quam ut tesseram & centrum unitatis & communionis Ecclesiasticæ agnovit, & habuit tota antiquitas, prout hæcenus tum Conciliorum tum SS. Patrum auctoritate jam demonstravimus; & fufius adhuc demonstrabimus c. 5to. ubi de auctoritate summi Pontificis, seu Romani Episcopi agemus. 2do. Ex publica veteris & quæque primorum sæculorum Ecclesiæ professione, qua Sedem Romanam & Universale Concilium tanquam supremum Ecclesiæ Tribunal in causis fidei & Religionis dijudicandis agnovit. 3tio. Quia, ut loquitur Bellarminus de Notis Ecclesiæ c. 5. Si à primæva Apostolica Ecclesia nostra defecisset, necnon mutationem passa fuisset, certè vel saltem una ex iis, quæ in omni insigni Religionis mutatione observantur, demonstrari posset, nempe auctor hujus deflectionis, & mutationis; dogma aliquod novum; tempus quo cœpit; locus ubi cœpit; quis eam oppugnaverit; exiguus cœtus, ex quo cœperit; & unde paulatim aliorum accessu creverit. Hæc enim omnia evenisse demonstrantur in celebri illa Ecclesiæ mutatione, cùm scilicet auctore Christo à statu veteris ad statum novi Testamenti ipsa transiit. Atque deflectionis hujus à pristina Ecclesia, atque insignis mutationis in nostra societate seu Ecclesia nullum ex prædictis signis proferri potest. Ergo &c.

344 E contra societatis Protestantium auctor, tempus, quo nata est, & locus; necnon dogmata illius, quæ ipsius auctor fabricavit, vel potius ab antiqua Ecclesia jam dudum in Simonianis, Pelagianis, Novatianis, Donatistis, Aërianis damnata, denud innovavit, facile consignari possunt, prout videre est apud Coccium in The' uro lib. 8. de Signis Ecclesiæ Art. 3. & Bellarm-num de Notis Ecclesiæ lib. 1. cap. 9. Ipique fatentur Adversarii, dum

*1. Contar. Tract. Tom. I.*

ajunt, se in multis ab antiqua quinque priorum sæculorum Ecclesia dissentire. *Omnes ferè Veteres*, inquit Calvinus lib. 3. Inst. cap. 4. num. 38. *quorum libri existunt, ubi de satisfactione agitur, aut hæc in parte lapsi fuerunt, aut nimis asperè & durè locuti sunt.* Item cap. 5. n. 10. *Ante mille*, inquit, *& trecentos annos usu receptum fuit, ut precatationes fierent pro defunctis, sed in errorem lapsi sunt Veteres.* Ita etiam loquitur circa cœlibatum Sacerdotum, circa pœnitentiam publicam, quæ olim in Ecclesia vigeat, circa jejunium quadragesimale; atque Veterum austeritatem immodicam, & superstitionem circa hæc capita nullatenus excusari posse; neque ipsi Augustino parcendum existimat, quem aliàs tamen magni facere videbatur, quòd nempe votum matris de sacrificio pro sui memoria & requie offerendo adimplevisset contra Sacra Scripturæ normam. Alia multa, quæ passim apud Protestantes occurrunt, prætermittimus.

Præterea, cùm nostri Reformatores 147 ante suam separationem in Communione Catholicorum fuerint; necesse est, ut fateantur, vel hanc Catholicorum societatem fuisse veram Ecclesiam, & sic erunt Schismatici, quòd ab ea recesserint; vel se novam instituisse, & hinc originis suæ novitatem demonstrabunt; vel alicui alteri tandem, quæ Catholicâ antiquior esset, se adjunxisse; verum nullam assignare possunt, cum qua societatem & consortium habere solliciti fuerint, aut cui ea obsequia, quæ veræ Ecclesiæ debentur ab Hæreticis recens conversis, præstiterint.

Prob. Conclusio quoad 2dum. Quòd 146 scilicet Societas nostra sit Apostolica ratione doctrinæ ab Apostolis ad nos usque derivata.

1mo. Quia fidei nostræ Capita omnino conveniunt cum iis, quæ quinque primis sæculis vetus & Apostolica Ecclesia propu-

T t

propu-

propugnavit; prout faciliè demonstramus, cum de singulis fidei nostræ capitibus cum Novatoribus disputamus; necnon decursu Theologiæ nostræ ostendemus.

2do. Quia, ut primùm annotavimus, ipsi Adversarii nostri se in iis ab antiqua primorum quinque sæculorum Ecclesia dissentire ultrò asserunt, quæ tamen cum antiqua illa Ecclesia nobis esse communia sciunt, & fatentur. Vid. Luther. lib. de Capt. Babyl. Calvin. lib. 3. Instit. c. 4. num. 38. & cap. 5. num. 10. sup. cit. Centuriat. & alios passim A catholicis Scriptores.

- 147 At contrà societas Protestantium non habet hanc doctrinæ ab Apostolis derivatæ antiquitatem. 1mo. Quia eam doctrinam renovant & propugnant, quam vetus & Apostolica Ecclesia dudum jam in antiquis Hæreticis proscriptis, prout fise ostendit Bellarminus lib. 4. de Notis Ecclesiæ cap. 9. Ut 1mo. Simonianorum, qui docebant, salvari homines secundum gratiam tantum non verò secundum opera justa. 2do. Eunomianorum, qui tuebantur, non posse homini ulla peccata nocere, modò fidem habeat. 3tio. Florini, qui docebat, Deum esse causam peccatorum. 4to. Origenis, qui asseruit, Adamum perdidisse imaginem Dei, ad quam creatus fuerat. Item, infernum nihil esse, nisi conscientie horrorem. 5to. Peputianorum, qui mulieribus eum honorem tribuebant, ut etiam Sacerdoti apud ipsos fungerentur. 6to. Procli, qui dicebat, peccatum in Renatis semper vivere: concupiscentiam quippe verè esse peccatum, nec tolli per Baptismum, sed sopiri per fidem: Idem peccata docuerunt Messaliani hæretici. 7mo. Novatianorum, qui tuebantur, non esse in Ecclesia potestatem reconciliandi homines Deo, nisi per Baptismum, nec debere baptizatos inungi Chrismate ab Episcopo, id est, Sacramentum Confirmationis suscipere. 8vo. Sabellii, qui

docuit, unam tantum esse personam in Deo, non tres. 9no. Manichæorum, qui hominum naturam damnabant, & liberum auferere arbitrium, nec peccatorum originem libero arbitrio tribuebant. 10to. Donatistarum, qui Ecclesiam ex solis justis constare volebant, atque inde deducebant Ecclesiam visibilem periisse de Orbe terrarum, & in sola Africa remansisse. Romanam Sedem pestilentie Cathedram appellabant, altaria frangebant, Ecclesias spoliabant, sacros calices vendebant, Eucharistiam canibus dabant, sacrum Christum projiciebant. 11mo. Arianorum, qui docebant filium Dei esse Patre minorem, nec ullo modo traditiones non scriptas recipiebant, quos in hac hæresi imitati sunt multi alii, ut Nestorius, Dioscorus, Eutyches, ut habetur in Synodo VII. A.D. 451. 12mo. Arianorum, qui docuerunt, non oportere orare vel offerre pro mortuis oblationem; nec statuta solemniter celebranda esse jejunia; neque Presbyterum ab Episcopo ullâ differentiâ debere discerni. 13tio. Joviniani, qui asseruit, hominem post Baptismum peccare non posse, si verè baptizatus fuerit, id est, si revera fidem, & gratiam Dei acceperit: ciborum delectum, & jejunia non esse meritoria: conjugium virginitati dignitate & merito æquare: beatorum præmia esse paria: B. Mariam in partu carnis virginitatem amisisse. 14to. Vigilantii, qui docuit, Sanctorum reliquias non esse venerandas; Orationes mortuorum pro aliis non exaudiri, adeoque Sanctos frustra invocari: Ecclesiasticos debere esse uxoratos: non expedire relinquere omnia, & dare pauperibus, & ad Religionem, relicto sæculò, properare. 15to. Pelagianorum, qui docebant, non esse in hominibus peccatum originale, & præcipue in filiis fidelium: Per quodlibet peccatum, quamvis levissimum, perdi justitiam; ac proinde omne peccatum esse mortale. 16to. Ne-

Nestorianorum, qui docuerunt, in Christo esse duas naturas, & duas personas: omnes Veteres contemnebant. 17mo. Aliorum Hæreticorum, fortè Nestorianorum etiam, ut qui iisdem temporibus grassati fuerint, qui docebant, in Eucharistia non manere corpus Christi, si servetur in alteram diem. 18vo. Euty-  
chianorum docentium, unam esse in Christo naturam. 19no. Xenaxe Persæ, qui asseruit, Christi & Sanctorum imagines non esse venerandas. 20mo. Lampetianorum docentium, Monasteria debere esse libera, id est, sine votis perpetuis. 21mo. Denique, aliorum quorundam, qui negabant, Eucharistiam verè esse carnem Christi, & tantum figuram, seu imaginem Corporis Christi esse volebant.

Hos verò errores habitos esse communiter ab Ecclesia quinque primorum sæculorum pro exploratis & damnatis hæresibus, testes locupletes sunt Irenæus, Hieronymus, Epiphanius, Philastrius, Augustinus, Theodoretus, Damascenus, & alii, qui omnium illius temporis hæresum texere Catalogum & quarum aliquæ in Synodis etiam recensebantur, & damnantur.

Atqui hos errores omnes tuerent nostri Novatores, & licet aliqui quibusdam eorum duntaxat sint peculiare, tamen omnibus notum est, nec ipsimet diffidentur, plerosque ab ipsis propugnari, ut videre est apud Bellarminum loc. cit.

2do. Quia, ut priori argumentò dictum, fatentur Protestantes ipsi, se in multis ab antiqua & primitiva Ecclesia recedere. Quò magis adhuc confirmantur ea, quæ modò deduximus.

148 Prob. Conclusio, quod 3tam partem. Quòd nempe Pastores Romanæ commu-

nionis habeant legitimam missionem; quia legitima missio nihil aliud est, quàm vocatio, seu ordinatio ad Ministerium Ecclesiarum facta per impositionem manuum Episcopaliū; qualis legitur in Scripturis ab Apostolis usurpata, cum Ministros ordinaret Act. 6. 2. Timoth. 1. & 5. Tit. 1. Qualis etiam semper in Ecclesia usurpata fuit ad nostra usque tempora. Prout in Tractatu de Sacramento Ordinis fusiùs ostendemus.

Item quia quoties in aliqua societate perfecta est subordinatio Ministrorum & membrorum cum Capite, toties est legitima Pastorum ejusdem societatis missio; ut enim hæc legitima sit, satis est, quòd fiat ab habentibus legitimam potestatem & auctoritatem: atqui in Societate Catholicorum est perfecta subordinatio Ministrorum & membrorum cum Capite. Ergo &c.

At è contrà Adversariorum nostro-  
rum Societas non habet legitimam in suis  
Pastoribus missionem. Si enim eam haberet, vel esset ordinaria, vel extraordinaria. Neutrum est verum. Ergo &c.

Prob. min. Non primum. Si enim ordinaria esset, tunc illam Pastores ipsi-  
us accepissent vel ab Ecclesia Romana, in  
cujus communione vivebant; vel ab alia ad quam secesserunt. Non ab Ecclesia Romana, hæc quippe secundum ipsos est hæretica, per consequens non habet potestatem mittendi Ministros; Hæretici enim, prout tota antiquitas, ipsique Adversarii fatentur (n), omni auctoritate & jurisdictione in Ecclesia Christi semper privati fuerunt. Si verò ab alia Ecclesia illam acceperunt, tum proferant eam Novatores nostri.

T t 2

Sed



Sed neque extraordinariam habent missionem. Hæc enim miraculis confirmari debet; qualis fuit missio Moyſis, Prophetarum, Apostolorum, Christi ipsius. Aut saltem extare deberet in Scripturis hujus extraordinariæ Missionis testimonium aliquod, ut vel hoc pacto distingui possint verè à Deo missi ab intrusis. Atqui neutrum ostendere possunt Protestantes, ut patet. Ergo &c.

150 Apertum denique est; in Romana Ecclesia esse successionem non interruptam Pastorum, præsertim Romanorum Pontificum, prout supra laudati Tertullianus & Irenæus demonstrant. Hinc S. Augustinus contra Ep. fund. cap. 4. *Tenet me, inquit, in Ecclesia ab ipsa Sede Petri Apostoli, cui pascendas oves suas Dominus commendavit, usque ad præsentem Episcopatum successio Sacerdotum.* Et in Psalmi contra partem Donati. *Numerate, inquit, Sacerdotes vel ab ipsa Petri Sede, & in ordine illo Patrum quis cui successit, videte: ipsa est petra, quam non vincunt superba inferorum porta.*

151 At Protestantium Societas non potest gloriari de hac Apostolica in suis Pastoribus successionem. Nam, ubi erat Seda Lutherorum ante Lutherum? Ubi Calviniana, ante Calvinum? Hinc merito ipsis dici potest, quod sui temporis Hæretici dicebat Tertullianus antea laudatus: *Edant ergo origines Ecclesiarum suarum.* Vel quod S. Cyprianus Epist. 76. ad Magnum de Novatiano, *Novatianus, aiebat, in Ecclesia non est, nec Episcopus computari potest, qui Evangelica & Apostolica Traditione contempta, nemini succedens, à se ipso ortus est.* Et infra: *Pastor haberi quomodo potest, qui (manente verò Iussore,*

*& in Ecclesia Dei ordinatione succedanea præſidente) nemini succedens, & à se ipso incipiens, alienus sit, & profanus?*

### Solvuntur Objectiones

152

#### Adversus Conclusionem.

Ob. 1mo. Antiquitas est argumentum rei deficientis, & ad suum interitum vergentis. Ergo ex illa duci non debet veræ Ecclesiæ perpetuæ & indeficientis Nota.

Resp. Ita quidem esse in rebus naturalibus, vel hominum arte, & industria constitutis, quæ forti rerum humanarum sunt obnoxie; at in Ecclesia, quæ à Deo ipso constituta est, ac Spiritu sancto regente ac docente animatur, quæ habet perennitatis ac perpetuæ durationis divinas promissiones, ista locum non habent; ac rursus planè est illud argumentum, & rursus potius excipiendum, quàm seriò refellendum.

Ob. 2do. Romanæ Ecclesiæ Ministri, 153 v. g. summus Pontifex, & Episcopi non videntur legitimam habere missionem: siquidem summus Pontifex eligitur à Cardinalibus, qui sunt institutionis humanæ; Episcopi à Canonicis, seu ab Imperatoribus & Regibus, imò olim populi consensus erat necessarius &c. Ergo &c.

Resp. neg. primum ant. membrum. Aliud est eligi, aliud ordinari; Episcopi eliguntur ab hominibus tanquam institutionis humanæ, sed ordinantur ab Episcopis, qui sunt juris divini. Et in hac ordinatione consistit missio legitima, non in electione, quæ solum disciplinam respicit.

Ob. 3tio. Triplex distinguitur successio 154 Pastorum; vel ratione loci scilicet, vel

vel ratione personarum, vel ratione doctrinæ. Sed nulla ex his probare potest veram Christi Ecclesiam. Ergo successio in Pastoribus etiam non interrupta non potest esse Nota veræ Christi Ecclesiæ.

Prob. min. Successio ratione loci non tenet in Ecclesiâ, quippe quæ certis locis aut regionibus non est alligata. Nec ratione personarum; hæc enim communis est pluribus aliis societatibus, quæ veræ Christi Ecclesiæ non sunt, ut societates Græcorum, Armenorum, Syrorum, Æthiopum &c. qui suarum Ecclesiarum longissimas successiones enumerant. Nec denique ratione doctrinæ; de ea enim controversitur; quærimus enim, ubi sit vera doctrina?

Resp. Neg. min. Ad primam illius probationem dicimus, successionem Episcoporum Romanorum minimè interruptam fuisse, cum eorum aliqui Avenione sederunt. Sive enim Romæ sint, sive alibi Summi Pontifices, semper sunt Petri Successores. &c.

Ad 2am dicimus, jam pridem defecisse legitimam Pastorum successionem apud Orientales. In Syria quidem jam ab anno 768. abrupta fuit Mahometanis Antiochiam occupantibus. Jerosolymis quoque ab anno 636. quæ quamvis post annos 500. recuperata fuerit, tamen iterum unacum tota Syria in infidelium potestatem reducta fuit. Adde, quod antequam extincta esset personalis illa successio, jam hæreses istas provincias invaserant; & Græci, præter Schismata, quod ab aliquot sæculis foverant, & cuius in tribus Conciliis Lateranensi scilicet, Lugdunensi, & Florentino convicti fuerunt, in apertum etiam errorem contra processionem Spiritûs sancti à Filio, æquæ ac à Patre, lapsi sunt. Certum autem est, etiam juxta Adversariorum principia,

Hæreticos semper omni auctoritate & jurisdictione esse in Ecclesiâ Christi privatos. Deinde, non est necesse, ut, qui ad Ecclesiam Christi pertinent, suorum particularium Pastorum successionem continuam ostendant, sed sufficit, si successionem Episcoporum universalem, Romanorum nempe Pontificum, exhibeant: atque hanc ob causam, in una Pontificum Romanorum collectione sisteant veteres Episcopi; de illa principali successione solliciti magis, quam de sua. Hinc nec Irenæus Lugdunensis Præfules, quos secutus fuerat, nec Eusebius Cæsarienses suos decessores, nec Epiphanius Salaminenses, nec Optatus Milevitanos, nec Augustinus Hypponenfes in medium adducunt; sed communi consensu in uno solo Romanorum Antistitem albo inscribendo conspirant: satis illis erat, Ecclesiæ illius principalis, cujus se membra esse gloriabantur, & unde unitas Sacerdotalis exorta est, continuam successionem enumerare.

Addit Bellarminus (o), argumentum à successione legitima præcipuè à nobis adduci, ad probandum, non esse Ecclesiam, ubi non est hæc successio; quod quidem evidens est: ex quo tamen necessario non colligitur, ibi esse Ecclesiam, ubi est successio. Itaque hoc argumento probamus evidenter, non esse Ecclesiam apud Lutheranos, apud quos nulla est Episcoporum successio.

Ad 3iam Resp. Doctrinam sanam à successione legitima separari non posse, imò in ipsa includi; ubi enim aliquis legitima ordinatione succedit, nec à communione, & doctrinâ, in qua ordinatus est, recedit, tunc necessario sanam proficitur doctrinam, utpote, qui unitatem servet. Non tamen sanam doctrinam assignamus tanquam veræ Ecclesiæ Notam,

T t 3

sed

sed ipsam Pastorum sibi invicem succedentium legitimam vocationem, & ordinationem: Doctrina enim ipsa non loquitur, sed à Pastoribus legitimis docetur.

- 155 Ob. 4to. Perit in societate Catholicorum legitima Episcoporum Romanorum successio. Ergo vel hæc non potest assignari tanquam veræ Ecclesiæ Nota, vel illâ destituitur Ecclesia Romana. Prob. ant. In hanc Sedem intrusi suere viri moribus corrupti, prout fatetur ipse Baronius ad annum Christi 897. Ergo &c.

Resp. Neg. ant. ad ejus probationem neg. conf. Solent hic Novatores aliquorum Pontificum flagitia in apertam lucem proferre, ut invidiam Romanæ Sedi concilient; sed quid inde assequuntur? Nihil profectò. Ipsa enim Sedes sancta est, sancta & legitima successio, licet aliqui Pontifices flagitiosè interdum vixerint. Supra Cathedram Moysis federunt Scribæ & Pharisei, quæ docent, non quæ faciunt, imitanda sunt. Neque in hos nonnullorum Pontificum corruptos mores conficere debent oculos Christiani, nisi ut divinam admirentur, ac laudent providentiam, & singularem protectionem, qua Romanam Sedem, non obstante illa aliquorum ex ipsis Pontificibus morum corruptela ac depravatione, incolumem semper ac firmam conservavit.

- 156 Ob. 5to. Ecclesia Protestantium non est nova, sed antiquissima, imò est illa ipsa, quam Christus fundavit; licet per multa Sæcula non apparuerit, sed posterioribus tantum temporibus visa fuerit. Ergo malè eam novitatis arguimus.

Resp. Neg. ant. Nam unde hæc ipsorum Ecclesia ortum habeat non possunt ostendere, nisi dicant, illam deduci ex antiquis hæresibus ab Ecclesia dudum

damnatis, quod ultrò eis damus, atque primum ex Bellarmino ostendimus.

Ad illud, quod dicunt, eam nempe per multa Sæcula non apparuisse &c. urgemus contra illos argumentum S. Augustini. (p) Aut illa Ecclesia, quæ nunc primum apparuit, ante perierat, vel non perierat, sed tantum latebat. Atqui neutrum dici potest. Non primum: tum quia si perit mater, quomodo renasci potuissent filii? tum quia, ut dictum, undenam ipsi ortum habeant, exponere non possunt; tum quia falsæ essent promissiones Christi Matth. 16. v. 18. *Et porta inferi non prævalent adversus eam.* Non secundum: vel enim illa Ecclesia tunc latens profitebatur fidem suam, vel non profitebatur: si profitebatur, ergo non erat latens, sed manifesta; si verò manifesta, quomodo nullus illam animadvertet? Si non proficebatur, ergo nulla tunc erat Ecclesia; cum ipsimet contendant, confessionem fidei Notam esse veræ Ecclesiæ essentialē.

Deinde, si tandiu delituit Ecclesia, ea certè pejoris conditionis fuit, quam quælibet Hæreticorum Secta, atque etiam ipse Judæorum populus post everisionem Jerosolymæ: nulla enim est Hæreticorum Secta, quæ sua non habuerit Tempia, suos Episcopos, sua Sacramenta; imò Judæi post everisionem Jerosolymæ aliquas habuere hinc & inde sparsas Synagogas.

Ob. 6to. Ante reformationem Ecclesiæ factam à Protestantibus, adeò corruptus erat ubique ejus status, ut jure potuerint, imò debuerint, vocatione ordinaria minimè spectata, meliores & docti quique reformationem Ecclesiæ instituere; neque necesse erat, eos habere extraordinariam propriè dictam vocationem. Ergo &c.

Resp.

Resp. Neg. ant. Hoc argumento via panditur omnibus hæresibus : nullus quippe erit Novator, qui non fingat, ita corruptum esse Ecclesiæ statum, ut debeat absque ulla vocatione ordinaria vel extraordinaria ipsius reformationem aggredi : & hoc etiam hodie contendunt fanatici quidam Galli in Angliam transfugæ, qui jam temeritatis suæ, ac factæ populis illusionis pœnas dederunt.

158 Inst. Etsi propter defectionem Pastorum, missio ordinaria fuit interrupta, atque adeo ad extraordinariam fuit confugiendum, non tamen inferri debet, si desierint Pastores, continuo perituras Ecclesias : neque enim promissio Christi de perpetuitate Ecclesiæ, necessario importat perpetuitatem Pastorum. Ergo &c.

Resp. Neg. ant. Quænam enim esset Ecclesia, quæ Pastores non haberet ? Quis Grex, Quod Ovile sine Pastore ? Perpetuitas ergo Ecclesiæ infert etiam & includit perpetuitatem Pastorum ; atque à tempore Christi huc usque fuisse Pastores in Ecclesia non interrupta successione, docet Confessio Helvetica art. 18. Et Ministerium Ecclesiæ esse perpetuum, tuetur Confessio Saxonica art. 12. ac denique, *Pastoribus nunquam posse cavere Ecclesiam*, tradit ipse Calvinus ad C. 4. Epist. ad Ephes.

159 Ob. 7mo. Lutherus, Calvinus, Zwinglius ordinati fuerunt ab Ecclesia Romana. Ergo habuerunt missionem ordinariam.

Resp. Agère Adversarii concedent antecedens ; cum enim juxta ipsos Ecclesia Romana in idololatriam lapsa sit, nullam utique habet ordinandi potestatem ; quod si autem vera sit Ecclesia, tunc immerito eam deseruere Lutherus, Calvinus, Zwinglius &c. & alii.

Adde, quod si Sacerdotium conferendi potestatem habuit Ecclesia Roma-

na, certè & habuit auferendæ jurisdictionis : ac proinde acceptam illam potestatem amiserunt, cum ab Ecclesia excommunicati sunt.

## §. V.

160

### An. vera Christi Ecclesia sit Romana.

In vera Christi Ecclesia duo præcipue distinguenda veniunt : doctrina fidei scilicet, & morum disciplina. Disciplina verò in ea duplex est : una universalis, quæ per omnes Ecclesias pervasit, & ab omnibus observatur, quæ maximè locum habet in publica & solemnè Sacramento- rum administratione. Tales sunt v. g. Exorcismi in Baptismo ; Communio Laicorum sub unica specie in Eucharistia ; in Ordinatione coelibatus majorum Clericorum saltem apud omnes Occidentales Ecclesias, & aliæ Sacramentorum ceremoniæ. Alia verò est disciplina particularis, quæ spectat proprios particularium Ecclesiarum mores, usus, ritus, jura, privilegia, immunitates, libertates.

Catholica porrò Christi Ecclesia dicitur Romana, tum à disciplina illa generali, tum maximè ab ipsa fide, quæ una esse debet cum Romana in omnibus & singulis Ecclesiis ; non verò à disciplina particulari, quæ, salva fide, diversa esse potest ac discrepans. Prout habetur ex Concilio Ephesino Act. 7. S. Hieronymo Ep. 12. aliàs 28. ac S. Gregorio Magno lib. 1. Ep. 43. aliàs 41. His prænotatis, ponitur

## CONCLUSIO.

Vera & Catholica Christi Ecclesia est, ac dici debet Romana. 161

Prob.

Prob. Conclusio 1mo. Quia Romana Ecclesia ab Apostolis Petro & Paulo fundata est, ac eorum sanguine consecrata. Constans enim est Veterum Traditio, Petrum & Paulum venisse Romam, ibique fidem Christi disseminasse, quam proprio sanguine obsignarunt. Ita Tertullianus lib. de Præscript. c. 36. Irenæus lib. 3. adv. Hæres. c. 3. Cyprianus Epist. 52. ad Antonianum. Eusebius lib. 3. hist. c. 4. Et in Chron. annô 44. à Christo nato. Item lib. 2. Hist. c. 25. S. Hieronymus de Vir. Ill. in Petro. S. Ambrosius lib. 3. de Sacram. c. 1. S. Augustinus lib. 2. cont. litt. Petiliani c. 51. n. 118. Optatus Milevitanus l. 2. adv. Parmen. n. 2. Orosius lib. 7. hist. c. 6. Sulpicius Severus lib. 2. Hist. Et alii complures.

162 2do. Quia Fidem ab ipsis annuntiatam hæc Romana Ecclesia constanter retinuit, atque cæteris per Orbem Ecclesiis communicavit, unde ob id singularis præminentie, dignitatis, & auctoritatis prærogativâ donata est, atque illarum Mater ac Magistra dicta; quam enim Petrus primatus præminentiam super alios Apostolos à Christo acceperat, hanc ipsæ Sedi suæ Romanæ necnon suis in ea Successoribus transmissit, & communicavit. Ita etiam communi suffragio universa docet Ecclesiæ Traditio. S. Cyprianus Ep. 45. & 55. ad Cornelium. Tertullianus de Præscript. c. 36. Irenæus lib. 3. adv. hæres. c. 3. Augustinus Ep. 43. aliàs 162. Prosper lib. 2. de Vocat. Gent. c. 16. Theodoretus Ep. 116. Fulgentius lib. de Incarn. & grat. c. 11. n. 21. Tria Africæ Conclia, Numidicæ, Byzantienii, & Mauritanicæ, Ep. ad Theodorum Papam, quæ lecta sunt Sess. seu Secret. 2. Concilii lateran. seu Romani sub Martino I. annô 640. in causa Monothelitarum.

Joannes Papa VIII. Ep. 75. & 76. ad Michaellem Bulgarorum Regem. Hincmarus Rhemenis lib. de prædestin. c. 24. Petrus Chrysologus Epist. ad Eutychium. Denique, ut multos alios prætermittamus S. Bernardus Epist. 190. Qui omnes unanimi ore fatentur, Romanam seu Apostolicam Sedem tanquam Caput cæteris Ecclesiis, dignitate, auctoritate, fidei constantiâ præminere: Præcipuas Orientis Ecclesias variis hæresum procellis diu agitatas, tandem triste in fide naufragium fecisse; Romanam verò in ea, quam ab Apostolis Petro & Paulo accepit, fide firmiter ac constanter, in hanc usque diem permanisse: & in qua Romana Ecclesia, dicebat S. Irenæus (9), *conservata est ea, quæ ab Apostolis est, Traditio.*

3tio. Quia Ecclesia Romana centrum 163 est ac vinculum Catholicæ Communionis; necnon apud Veteres conjunctio cum Sede Romana seu Apostolica semper habita est pro Nota veræ ac Catholicæ Ecclesiæ. Id iterum ex constanti ac perpetua Ecclesiæ Patrum Traditione.

Ita Tertullianus lib. de Præscript. c. 30. Irenæus lib. 3. adv. Hæres. c. 3. Cyprianus Ep. 45. ad Cornelium. Et Ep. 52. ad Antonianum. Ambrosius de excessu fratris sui Satyri n. 47. Hieronymus Epist. 14. & 16. ad Damasum. Et in Epitaphio Marcellæ. Optatus Milevitanus lib. 2. de Schismate Donatist. Basilius Epist. 75. Augustinus Epist. 43. & 44. aliàs 162. & 163. Et in Psalmo cont. part. Donati. Et Serm. in Psal. 101. n. 8. Item Serm. 103. aliàs 26. de Verbis Domini. Leo Ep. 10. aliàs 89. ad Episcopos Viennensis Provinciæ. Theodoretus lib. 5. Hist. cap. 3. Synodus Con-

(9) Lib. 3. adv. Hæres. c. 3.

Constantinop. IV. anno 859. Qui omnes unanimiter tenent, unionem fidei ac doctrinæ cum Romano Pontifice seu Sede Romana necessariam esse, & signum veræ doctrinæ & Catholicitatis; eumque solum Catholicum esse & audire, qui cum dicta Ecclesia communionem habet. Vid. ea quæ in Opere nostro de Auctoritate & Infalibilitate Summi Pontificis cap. 5. 7. 9. 11. differuimus.

164. Prob. 4to. Quia, cum Ecclesia una sit, prout supra §. 1mo. ostendimus, atque res qualibet eò perfectior habeatur, quò propius tendit ad unitatem, necesse prorsus est, ut in Ecclesia sit unum aliquod commune centrum, in quo fidelium multitudo, quasi totidem lineæ colligantur, & adunentur: aliàs vix declinari poterit periculum illius dissensionis & Schismatis, de quo conquerabatur Apostolus 1. Corinth. 1. v. 12. cum varii, quisque pro suo affectu, dicerent: *Ego sum Pauli, ego autem Apollo, ego verò Cepha*. Nam, ut scitè omnino & appositè ait Barlaamus Hieracensis apud Græcos Episcopus (r), Epist. 1. *Omnis multitudo ordine per se caret, nisi reducatur ad unum principium; pluralitas enim principiorum, & carentia principii, similis sunt inordinationis. Hujus quidem gentis (Romanæ) universa multitudo sub uno est ordinata principio, Ecclesiæ videlicet Romani, & ejus præfule, quem omnes honorant*. Et Epist. 2. argumentum nostrum profertur.

165. Prob. denique 5to. Ecclesia Christi hic in terris debet esse visibilis, atque in fide indefectibilis, prout duobus sequentibus Paragraphis demonstrabimus. Ergo etiam ab Apostolorum tempore usque ad hanc nostram ætatem sine ulla interrup-
- P. Catter Theol. Tom. I.

ptione visibilis & incorrupta permanere debuit.

Atqui nulla alia visibilis Ecclesia, præter Romanam seu Apostolicam, sine ulla interruptione aut corruptione intermessa permansit. Ergo etiam sola Romana seu Apostolica Ecclesia vera & visibilis Christi Ecclesia dici & esse debet.

Prob. min. ab inductione cæterarum Ecclesiarum, seu potius Societatum. 1mo. Ecclesia Judæorum morte Christi finita, abrogata, & sepulta fuit. Secta Mahometica, seu Turcica non semper fuit, sed primò anno 622. initium habuit. Ariana, Macedoniana, & aliæ Sectæ longè post Ecclesiam excitatæ, & pleræque statim extinctæ fuerunt. Lutherana & Calviniana adeò recentes sunt, ut vix ducentos annos excedant. At verò notum est, Ecclesiam Romanam, ab Apostolis Petro & Paulo fundatam esse, atque usque ad hæc nostra tempora sine ulla in fide labe aut errore perpetuò, & sine ulla interruptione Christo fidem perstitisse. Ergo etiam ea sola est vera Christi Ecclesia.

## Solvuntur Objectiones.

166

Ob. 1mo. Meletius Antiochenus Episcopus communionem Damasi Summi Pontificis non fruebatur, unde S Hieronymus dicebat: *Meletium respon.* Attamen magna fidei, & sanctitatis laude & vivens, & mortuus floruit, prout refert Sozomenus lib. 7. Hist. cap. 10. Ergo potest quis extra communionem Romani Pontificis constitutus, & veram fidem profiteri, & sanctitatem adipisci.

Resp. Dist. ant. Meletius communionem Damasi non fruebatur, ante initam cum Paulino, quocum de Episcopatu Antiocheno contendebat, pacem & concordiam, trans. post initam illam pacem & concordiam.

(r) Circa an. 1303. de unionem utriusque Ecclesiæ. *Schisch. PP. Tom. 26. p. 5. R.*

concordiam. neg. ant. Damasus Papa à partibus Paulini stabat, unde & Meletio Paulinum sede sua pellere niteni succedebat. Vid. Theodoretum lib. 5. Hist. cap. 3.

Dixi *transeat*, nam factum istud non adeo certum est & exploratum. Quin potius ideo Meletium à sua communione exclusisse videtur Damasus, quòd Arianus esset, quem deinde in communionem recepit, postquam ab Ariana hæresi recessisset; id innuere videtur Theodoretus, dum ait (1), *Meletium ab impietate Ariana recessisse*. Cùm ergo S. Hieronymus ait, se illum respuere, vel dubius erat de illius communione cum Damaso, adeoque de illius fide; vel saltem loquitur de tempore, quod antecessit initam Paulinum inter & ipsum concordiam.

167. Ob. 2do. S. Cyprianus à Stephano excommunicatus fuit; & tamen Martyr sanctissimè obiit. Ergo &c.

Resp. Neg. ant. de hoc facto differemus cap. 5. Excommunicationem comminatus quidem fuit in Cyprianum Stephanus, sed intra minas hæsit, nec tulit sententiam: vicit enim pax in cordibus eorum, inquit S. Augustinus.

168. Ob. 3tio. Qui injustè ab externa Ecclesiæ communione pelluntur, ii nullum tamen inde spirituale damnum ac detrimentum patiuntur. Ergo &c.

Resp. conc. ant. neg. conf. Eo casu illi pertinent ad eam Ecclesiæ partem, quæ nobilior est, animam scilicet, ut qui ei Fide, Spe & Charitate jungantur, tametsi à corpore seu societate fidelium visibili sint exclusi. Præclara de hujusmodi fidelibus habet S. Augustinus lib. de vera Religione c. 6. n. 11.

169. Ob. 4to. Cùm vacat Sedes Romana vel per mortem, vel per absentiam Summi Pontificis aliò transmigrantis, vel per

Schisma multorum de Papatu contendentiū; non potest servari communio cum Ecclesia Romana. Ergo &c.

Resp. neg. ant. Ubiunque degat Romanus Pontifex, ibi Romana Sedes est, & debet agnosci. Eo autem mortuo, Sedes, seu Cathedra principalis, Romana scilicet remanet, in qua Petrus Sedem fixit, & à cujus communione recedere non licet. Cùm verò tempore Schismatis dubius est legitimus Papa, Cathedræ Petri eo animo ita semper est inharendum, ut quis paratus sit futuro legitimo Pontifici obtemperare.

## §. VI.

### De Visibilitate Ecclesiæ.

170

De Visibilitate Ecclesiæ, sextâ ejus Notâ, acturi, non hic illam intelligimus Ecclesiæ partem, quæ interior nuncupatur, quamque constituunt soli Sancti, qui verè in Christum fidei, & sinceræ charitatis vinculo inter se colligantur: secundum hanc partem enim, quam Ecclesiæ animam nuncupamus, tota invisibilis est. Sed illam spectamus secundum exteriorem statum suum, id est, secundum corpus ipsius, & quatenus est Societas eorum, qui publica ejusdem fidei professione, eorundem Sacramentorum & Pastorum communione conjuncti sunt, prout tum in Præloquio, tum capite primo hujus Tractatus fusè exposuimus. Hoc prænotato sit

## CONCLUSIO. I.

171

Ecclesiâ Christi est visibilis ex natura sua adeò, ut oculis omnium semper conspicua fuerit.

Prob. Conclusio 1mo ex Scripturis, in quibus constantem hanc Ecclesiæ visibilitatem

(1) Lib. 5. Hist. c. 3.

hñtitem prædixerunt Prophetæ, docuit Christus, confirmaverunt Apostoli.

Prophetæ prædixerunt visibilem Ecclesiam. Isaïa c. 2. v. 2. Ecclesia montis nomine proponitur, qui sit omnibus obviæ, & ab omnibus possit conspici. *Erit, inquit, in novissimis diebus præparatus mons Domus Domini in vertice montium, & elevari super omnes colles, & fluat ad eum omnes gentes &c.* Quem montem S. Hieronymus in hunc locum de Ecclesia exponit

Danielis 2. v. 34. & 35. lapis, qui percussit statuam, dicitur *factus mons magnus, & implevit universam terram.* Quem locum pariter de Christo & Ecclesia intelligit idem S. Hieronymus.

Plalm. 18. Ecclesia juxta interpretationem S. Augustini comparatur Soli. (†) *In Sole posuit tabernaculum suum.*

Christus Ecclesiam suam esse visibilem docuit, imo parabolis quibus eam expressit, *Area, Agri, Sagena.* 2do. Cùm in ea Pastores instituit Joan. 20. vers. 1. *Sicut misit me Pater, & ego mitto vos.* Matth. 5. v. 13. 14. & 15. *Vos estis sal terra. . . . Vos estis lux mundi. Non potest civitas abscondi supra montem posita. . . . Sic luceat lux vestra &c.* Ex quibus patet, nec Ecclesiam, nec ejus Pastores abscondi posse. Quæ etiam de Ecclesia explicat S. Augustinus. (u) 3tio. Cùm ipsam *supra petram ædificandam* promisit; ex quo patet Ecclesiam non minùs esse visibilem, quàm ædificium supra petram. 4to. Cùm jubet adiri Ecclesiam, hoc est, Superiores Ecclesiæ, ubi fraterna correctio privata ob contumaciam delinquentis nihil proficit. Matth. 18. v. 17. 5to. Cùm in ea instituit visibilia Sacramenta, quorum communione participatio, tanquam certissimò vinculo, inter se, & cum capite Christo colligantur fideles.

Apostoli idem docuerunt; atque inter alios Apostolus Paulus Ad. 20. v. 28. ubi advocat ex Epheso Presbyteris, eos hortatur, ut vigilantes sint in regenda Ecclesia & universo grege, in quo Dominus posuerat eos Episcopos: quis autem regere potest, quos non novit? Et Ephes. 4. v. 11. cùm dicit, Christum dedisse Ecclesiæ suæ Pastores, & Doctores, *ad consummationem Sanctorum in opus ministerii, in ædificationem corporis Christi . . . ut non cumferamur omni vento doctrina.* Quæ certè omnia perfici non possunt absque mutuis inter Pastores & Oves officiis, & noticia, quæ se mutuo noverint. Et 1. ad Timoth. 3. v. 15. ubi eum monet, *quomodo debent conversari in Domo Dei, quæ est Ecclesia.* At nemo potest assequi modum, quo se in aliqua communitate gerat, quam nescit.

Prob. 2do ex SS. Patribus. Origenes 172 Hom. 30. in Matth. *Ecclesia, inquit, plena est fulgore ab Oriente usque ad Occidentem.*

S. Cyprianus de Unit. Eccles. *Ecclesia, inquit, Domini luce persuasa est, per orbem totum radios suos porrigit.*

S. Chrysostomus Hom. 4. in c. 6. Isa. *Facilius est, ait, Solem extinguere, quàm Ecclesiam deleri.*

Denique, ut alios omittamus, S. Augustinus passim contra Donatistas, qui Ecclesiam in solis Africæ plagis aspectabilem esse volebant, toto Orbe conspiciam esse omnibus ostendit, Tract. 1. in Epist. Joan. num. 13. ubi postquam singula propemodum Scripturarum testimonia mox adducta in unum collegit, sic habet: *Nonne ille lapis crevit, & factus est mons magnus, & implevit universum orbem terrarum? nunquid digitò ostendimus istum montem quomodo hominibus ostenditur tertia luna? v. g. quando*  
U u 2 *volunt*

(†) Tract. 2. in Epist. S. Joan. (\*) Lib. de Unit. Eccles. & alibi passim.



*volunt homines videre Lunam novam, dicunt, ecce Luna, ecce ubi est; & si sunt ibi, qui non valeant intendere aciem, & dicant, ubi? intenditur illis digitus, ut videant. . . . Nunquid sic ostendimus Ecclesiam fratres mei? nonne aperta est? nonne tenuit omnes gentes? Ecce mons implens universam faciem terra; ecce civitas, de qua dictum est: Non potest civitas abscondi supra montem posita.*

173. Prob. 3tio. Rationibus Theologicis. 1mo. Ut Ecclesia verè dicatur & sit natura sua visibilis, sufficit, si una ex ipsius partibus sit visibilis & conspicua. Sicut enim homo dicitur visibilis, licet animam habeat, quæ ex natura sua videri non potest: quia nempe constat ex corpore, seu ex iis partibus, quæ cadunt sub sensus; & aliunde anima se externis suis operationibus, prodit ac manifestat. Atqui Ecclesia Christi constat ex iis partibus, quarum una visibilis est & conspicua, & altera licet invisibilis, se tamen suis externis operationibus manifestat; constat enim ex fidelibus externa fidei professione, iisdem Sacramentis, & iisdem Pastoribus inter se unitis: Hæc pars visibilis est, hos enim fideles ubique gentium diffusos facile quisque conspiciere potest. Pars autem ejus interior & invisibilis, suis etiam operationibus aspectabilis est: licet enim in privatis non sint certissima sinceræ fidei, pietatis, & charitatis argumenta, utpote, quæ vel in hypocritis occurrere possunt; certi tamen sumus, quod in illa Societate, in qua sunt fides exterior in Christum, Sacramenta & Pastores legitimi & Apostolici, seu Apostolorum successores, sit quoque charitas sincera, & fides, juxta promissum Christi: *Ero vobiscum usque ad consummationem sæculi*: Ergo &c.

2do. Ecclesia est cœtus seu Societas hominum Deum ritè colentium, atque hoc suo cultu salutem æternam speran-

tium. Atqui ad salutem æternam assequendam non tantum interior Dei cultus, sed etiam exterior est necessarius, præsertim per externam fidei professionem, juxta illud Apostoli Rom. 10. v. 10. *Corde creditur ad justitiam, ore autem confesso fit ad salutem*. Unde S. Augustinus (x), *Fides, ait, a nobis officium exigat & cordis & lingua . . . nec salvi fieri possumus, nisi etiam ore profiteamur fidem, quam corde gestamus*. Exterior autem fidei professio non potest esse sine externa & sensibili verbi prædicatione. Ergo Ecclesia Christi necessariò visibilis esse debet.

3tio. Eo præsertim sine Ecclesia à Christo est instituta, ut sit columna & firmamentum veritatis; pugnando nempe adversus hæreses, & eas, quantum fieri potest destruendo. Atqui nec dignosci potest velut columna & firmamentum veritatis, nec hæreses impugnare & destruere potest, nisi visibilis & conspicua sit. Ergo &c.

4to. Omnes, sub periculo æternæ damnationis, adjungere se tenentur veræ Christi Ecclesiæ, & in ea usque ad extremum spiritum perseverare: atqui id præstare haud possunt, nisi illa vera Christi Ecclesia sit visibilis, ut patet. Ergo &c.

5to. Si Ecclesia, vel etiam per aliquod tempus duntaxat, posset latere, tunc possent etiam cessare omnia Ministeria, propter quæ instituta est, Sacramenta nempe, ritus &c. imò ipsemet verus Dei cultus. Atqui sic certè salus tunc temporis obtentu impossibilis redderetur, mysterium crucis evacuaretur, atque ipsa etiamnum Ecclesia absolutè everteretur, ita ut nulla omnino superesset, nequidem invisibilis & electorum; cum & ipsi carerent Sacramentis, sine quibus salus obtineri non potest. Ergo &c.

6to. Ecclesiam Christi esse visibilem ipsemet fateantur Protestantes: Lutherani quidem in Confessione Augustana art. 7.

In

(x) Lib. de Fide & Symbolo c. 1.

In Apologia ejusdem ; In Articulis Smalcaldensibus, quibus subscriptis universa eorum Secta; In Confessione Saxonica cap. de Ecclesia. In Confessione Wittembergenſi cap. de Ecclesia. Et in Confessione Bohemica, quam approbavit ipſe Lutherus.

Calvinista autem in Confessione Argentinensi c. 15. & 16. In Confessione Basileensi anno 1536. art. 13. & 14. In Confessione Helvetica an. 1566.

Et quamvis postmodum, Catholicis nempe eos prementibus, ut, cum Ecclesia Christi vera visibilis esset, ostenderent nempe, ubinam Ecclesia Protestantium fuerit ante annos 200, sententiam mutarint, atque coeperint docere, & tueri eam fuisse aliquando invisibilem, tamen præcipuus quidam ex illorum Secta præteriti Sæculi scriptor (y), probat adversus ipsos, Ecclesiam perpetuo visibilem fuisse & conspicuam &c. Ergo &c.

174

## CONCLUSIO II.

Prædicta visibilitas, quæ veræ Christi Ecclesiæ propria est & singularis, convenit Societati Catholicorum; non verò Protestantium.

Prob. Conclusio quoad unum Membrum. Visibilitas, quæ propria est, & singularis Ecclesiæ Christi, est ea, qua hujusmodi Ecclesia eminenti quadam & permanenti claritate inter alias societates per totum orbem omnibus conspicua fuit. Atqui talis est societas Catholicorum. Ergo &c.

Prob. min. 1mo. Societas Catholicorum eminenter fuit conspicua in suis Pastoribus præsertim Romanis Pontificibus, ex quorum successione non intermissa post Petrum, nec unquam deinceps intermittenda, SS. Patres veritatem, & perennitatem Ecclesiæ demonstrant.

Conspicua fuit etiam in suis Conciliis five generalibus, five particularibus, in quibus & fidei controversias compescuit, & Ecclesiasticam disciplinam stabilivit; ut videre est in quatuor primis Conciliis, quæ ab Adversariis tanquam legitima admittuntur.

Conspicua denique fuit in debellandis Hæreticis, atque è sinu suo ejicientis iis, qui monita sua & definitiones contemnebant. Omnes enim, quotquot hactenus visi fuerunt Hæretici, ex societate Catholicorum prodierunt, à qua prius in Christo regenerati fuerant; imò nullus est, qui originem suæ Sectæ aliis possit exponere, nisi prius mentionem faciat societatis Catholicorum, quam deseruit: adeo certum est etiam omnibus Hæreticis, visibilem eam & conspicuam fuisse.

2do. Societas Catholicorum permanentè & perpetuo visibilis fuit; nullum enim ab Adversariis assignari potest tempus, in quo illa cum nostro Capite Romano Pontifice non fuerit visibilis.

3tio. Per totum orbem fuit conspicua, prout §. 3tio, ubi de ejus Catholicitate seu Universalitate disputavimus, à nobis abundè demonstratum fuit. Ergo &c.

Prob. Conclusio quoad adum membrum. Illa Societas non est eminenter, continuò, & ubique visibilis, quæ suæ visibilitatis argumenta nulla proferre potest ex iis temporibus, quæ illam præcesserunt. Atqui societas Protestantium nulla suæ visibilitatis argumenta ante præteritam Reformationem suam proferre potest. Ergo &c. Major patet; minorem eludere non valent Adversarii.

Dicant enim nobis, ubi ipsorum societas fuerit, ante Lutherum & Calvinum? Nempe inter Hæreticos ab universa Ecclesia damnatos & anathemate percussos. Quamvis nec de ipsorum societate

U u 3

esse

(y) Juris lib. 1. de vero System. fidei & vera fidei analysi c. 15. & seq.

esse possint, ut qui ea docuerint, quæ ipsi Reformatores nostri, vel Novatores potius, ultro improbant & damnant.

Et ne de remotiorum Ecclesiæ Sæculorum Hæreticis quidquam dicamus. Petrobussiani, qui duodecimò Sæculò gallicæ Ecclesiæ partem vexaverunt, docuerunt inuilem esse parvulus Baptismum antequam ad usum rationis pervenerint (a); non esse ædificanda Tempia; frangendas, & contumeliosè tractandas cruces. Quæ non probant nostri Reformatores.

Waldenses sic nominati à Petro Waldo cive Lugdunensi, qui vixit circa an. 1160. docebant, nullum esse Sacramentum illud, quod ab improbo Ministro confertur; communem esse Ministris Ecclesiæ & Laicis etiam fœminis verbi prædicationem; omne juramentum esse mortale peccatum. Item, antequam Lutherus prodiret, non negabant præsentiam realem Christi in Eucharistia, nec transubstantiationem. (a)

Albigenses, quorum hæresis ex Italia in Gallias pervasit circa an. 1017. vetus & novum Testamentum rejiciebant; Christum non esse natum ex Virgine, nec pro hominibus passum, nec à mortuis surrexisse; nullam esse in Baptismo remissionem peccatorum asserabant.

Wiclefite, quorum dux fuit Joannes Wiclef Anglus, & qui vivebat circa finem Sæculi 14ti negabat certitudinem prædestinationis; docebat adorandam esse Eucharistiam; Matrimonium esse Sacramentum; Sanctos esse invocandos, & honorandas eorum imagines; esse Purgatorium. (b) At docuit, Papam esse Antichristum; & hoc satis fortè erit, ut Adversarii annumeretur.

Hussite, à Joanne Hus Bohemo Wiclefi Discipulo sic dicti: admittebant ne-

cessitatem Confessionis auricularis, Sacrifcium Missæ, realem Christi in Eucharistia præsentiam, Sanctorum invocationem; transubstantiationem, cæterosque omnes Romanæ communionis articulos, præter illum, qui spectat communionem sub utraque specie. (c)

Verùm fortè ad fideles occultos, & in medio Romanæ communionis degentes provocabunt Protestantes cum Claudio Ministro Calviniano. (d) At hoc ita absurdum est, ut nihil absurdius cogitari possit. Imo. enim debebant occulta illa veræ Christi Ecclesiæ membra nullam ex iis opinionibus habere, quæ cum salute compati non possunt: hoc est, nullum cultum exhibere Sanctis; eos non invocare; sanctam Eucharistiam nunquam adorare. At quis probavit illos hæc observasse, vel saltem quis non judicabit, illos omnes fuisse hypocritas?

2do. Impossibile est, fuisse ejusmodi occultos fideles: Nam, aut nunquam publicis officiis interesse debebant; aut cum Catholici adorabant flexis genibus hostiam, illi stare debebant; nunquam vel Litanis, vel Supplicationibus adesse; alioqui idololatriæ participes fuissent; nunquam ad sacram Synaxim accedere; nunquam extremam Unctionem vel Viaticum accipere. At quis fingat, id à Catholicis tunc toleratum fuisse.

3tio. Si autem occulti erant tunc temporis illi fideles Reformatorem nostrorum antecessores; ergo vera est nostra conclusio; eorum nempe societatem semper ac perpetuò visibilem non fuisse. Merito igitur postulare jam idem possumus, quod ipsimet an. 1571. ab Anabaptistis postulabant; ubinam scilicet fuerit eorum societas usque ad an. 1522. quo primum visi sunt eorum doctrinæ auctores?

*Solutio.*

(a) Petrus Cluniac. adv. Petrobuss. (b) Reynerus, qui floruit circa an. 1250. lib. adv. Valdens. cap. 5. Petrus Pilchdorf, qui vivebat circa annum 1395. Tract. advers. eosdem c. 25. (c) In Trialogis Wiclefi. (d) Ex Operibus Joann. Hus. Item de la Roque Minister Calvinianus in sua Hist. Eucharistie. (e) In defensione Reformationis.

176

## Solvuntur Objectiones.

## Contra primam Conclusionem.

Ob. 1mo. Jeremiæ 31. v. 33. *Dabo, inquit Deus, legem meam in visceribus eorum, & in corde eorum scribam eam.* Quibus verbis distinguit Deus Ecclesiam veterem à nova, quòd illa fuerit cæterus quidam exterior & visibilis, atque idcirco legem habuerit scriptam in tabulis exterioribus & lapideis; hæc autem sit populus quidam interior, ideoque legem habeat scriptam in tabulis cordis. Ergo &c.

Resp. Neg. ant. Hic enim non confertur Synagoga cum Ecclesia Christi, sed vetus Testamentum cum novo. Illud legem terroris & extrinsecus sonantem tantum continebat; illud verò est Lex gratiæ & charitatis, sive ipsa charitas & gratia scripta in cordibus hominum, prout loquitur Apostolus 2. Corinth. 3. v. 3. Ecclesia ergo secundum hæc est invisibilis, non verò secundum cætera, ut sunt externa professio fidei; unitas Pastorum & Fidelium; participatio externa Sacramentorum &c.

177 Ob. 2do. Lucæ 17. v. 21. *Regnum Dei, inquit Christus, intra vos est.* Ergo Ecclesia, quæ hic per Regnum Dei significatur, est interna & invisibilis.

Resp. Neg. conf. Non hic Christo sermo est de Ecclesia, sed vel de Gratia Dei, per quam ipse regnat in cordibus hominum, ut exponit Theophylactus, & hoc sensu verissimum dicitur, *Regnum Dei intra vos est.* Vel ut alii volunt hic intelligitur ipse Christus, nam ibi quæstio erat de Regno Messiae seu de adventu ipsius; respondet Christus, illum, adeoque Regnum Dei, jam venisse sed non cum observatione, id est, cum signis, seu pompa & apparatu, prout expectabant Judæi &c.

178 Ob. 3tio. Joan. 4. v. 23. ait Iesus ad mulierem Samaritanam: *Venit hora, & nunc est, quando veri adoratores adorabunt*

*Patrem in spiritu, & veritate.* Ergo Ecclesia, quæ hic præsignatur, est invisibilis & interna duntaxat, ut quæ cultum internum Deo exhibere debeat.

Resp. Neg. conf. Ex hoc textu nihil aliud evincitur, nisi quòd præcipuus Dei cultus in Ecclesia futurus sit internus; non verò inde sequitur, Ecclesiam futuram esse omnino invisibilem, atque omnem externum cultum esse removendum, destruenda esse Tempia, abrogandos ritus, cæterasque omnes exteriores caeremonias.

Ob. 4to. Heb. 12. v. 18. & 22. *Non 179 accessistis, inquit Apostolus, ad tractabilem montem & accensibilem ignem. . . . Sed ad Sion montem & civitatem Dei viventis, Jerusalem caelestem, & multorum millium Angelorum frequentiam, & Ecclesiam primitivorum qui conscripti sunt in caelis.* Ergo juxta Apostolum Ecclesia, quam hic per montem Sion designat, est invisibilis.

Resp. Neg. conf. Per montem Sion & civitatem Dei viventis non intelligit Apostolus Ecclesiam hic in terris militantem, sed triumphantem in caelis, quæ ex beatis Spiritibus & Angelis constat, prout ipse textus manifestè prodit. Confert ergo Apostolus Synagogam (quæ accessit ad montem Sina corporeum, atque per imagines corporeas vidit quidem Deum) cum Ecclesia, quæ non re quidem, sed spiritu accessit ad montem Sion, & ad civitatem Dei viventis, id est, ad gloriam beatorum, ubi videtur Deus facie ad faciem.

Vel dici potest, quòd Apostolus intelligat simul Ecclesiam militantem & triumphantem; Ecclesia igitur novi Testamenti quatenus militans est comparatæ ad Synagogam appellatur mons Sion, seu mons spiritualis & civitas Dei viventis, atque Jerusalem caelestis, non quòd sit ita spiritualis, ut nullò prorsus modò sit conspicua; sed quòd eo fine sit instituta, ut hominem ad cælum provehat, necnon ad bona spiritualia, quod Synagoga minime

minimè conveniebat, quæ non ad perfectum adducebat, sed meris temporalibus promissionibus nitebatur. Vid. Eñius in hunc locum.

- 180 Ob. 5to. 1. Pet. c. 2. v. 5. hæc leguntur: *Ipsi tanquam lapides vivi superædificamini, domus spiritualis, Sacerdotium sanctum, offerentes spirituales hostias Deo.* Ergo juxta Apostolum Ecclesia est domus spiritualis duntaxat, adeoque invisibilis.

Resp. Neg. conf. Ecclesia hûc dicitur domus spiritualis, non quòd secundum se sit occulta & invisibilis, sed cum ad differentiam domus materialis, quæ ex materia merè corporali constat: vult enim S. Petrus Ecclesiam non esse domum ex lapidibus & lignis ædificatam, sed ex hominibus Deo dicatis & consecratis. Tùm propter significationem mysticam; quia v. g. per domum materiale & propriè dictam, quale fuit Templum Salomonis, aut Tabernaculum Moysis, fuit præfigurata. Vid. Eñius in hunc locum.

- 181 Ob. 6to. Quod est fidei objectum, conspici non potest. Atqui Ecclesia est fidei objectum. Ergo &c.

Resp. Dist. Maj. Quod est fidei objectum conspici non potest sub ea ratione, sub qua creditur, conc. maj. Sub alia ratione neg. maj. &c. Videmus hominum cœtum, qui est Ecclesia, eumque sensibilibiter cognoscimus ex fidei professione, cultu externo, Sacramentorum participatione, & Pastorum subjectione: At quòd iste hominum cœtus vera sit Ecclesia non videmus, sed credimus, vera enim Christi Ecclesia est illa, quæ veram fidem profitetur, & hoc sensu Ecclesia dici potest objectum fidei, seu ad quod fides mea refertur, vel quod ego credo.

- 182 Ob. 7mo. Ecclesia juxta Apostolum Rom. 12. v. 5. & 1. Corinth. 12. v. 27. est Corpus Christi mysticum: Atqui Corpus Christi mysticum est invisibile, cum solis constet prædestinatis. Ergo &c.

Resp. 1mo. Neg. min. quòd nempe Corpus Christi mysticum ex solis prædestinatis constet, ut postea c. 4. ostendimus.

2do. Dist. maj. Ecclesia est Corpus Christi mysticum ratione animæ seu partis interioris conc. maj. ratione corporis & partis exterioris, seu fidelium eandem fidem sub legitimis Pastoribus externè profitentium, neg. maj. Sufficit Ecclesiæ ad hoc, ut dicatur visibilis, si secundum unam sui partem conspicua sit.

3tio. Ecclesia est Corpus Christi mysticum, quatenus habet vitam spiritûs à Christo per internam & occultam submistrationem gratiæ sanctificantis; verum est etiam corpus Christi externum, in quo sunt Ministri, Pastores, Sacramenta, externa fidei professio &c.

Ob. 8vo. Forma Ecclesiæ, Fides, Spes, & Charitas, est planè invisibilis. Ergo & ipsa Ecclesia.

Resp. 1mo. Retorquendo Argumentum. Forma hominis, nempe anima est invisibilis. Ergo & ipse homo. Quod est absurdum.

In forma ergo neg. conf. Ecclesia est visibilis propter Notas exteriores quibus distinguitur à qualibet alia Societate, quamvis secundum formam suam seu animam sit invisibilis.

Ob. 9no. Ecclesia ita fuit aliquando, astricta & turbata, seu persecutionibus, seu hæresibus, ut certè tunc non videatur fuisse visibilis. Ergo non semper est visibilis.

Resp. Neg. ant. Ecclesia semper visibilis est & conspicua, sive cum floret, ac triumphat, sive cum affligitur & perturbatur: imò nunquam illustrior visa est, quàm ubi vel persecutionibus Ethnicorum, vel Hæreticorum disputationibus fuit impugnata. Ejus triumphum in persecutionibus nobis exposuerunt antiqui Patres, Tertullianus Apolog. c. 37. & lib. ad Scapulam. Origenes lib. 1. cont. Cell.

Cels. Clemens Alexand. lib. 6. Strom. Amb. lib. 9. in Luc. c. 10. S. Aug. lib. 16. de civ. Dei c. 2. S. Gregorius Magnus lib. 9. Moral. c. 7. in primis autem Hilarius lib. 7. de Trinit. Victoriæ autem ejus contra Hæreses prædixit ipse Christus, cum dixit, *portas inferi adversus eam non prevaluerunt.*

### §. VII.

#### 185 De Perpetuitate seu Indefectibilitate Ecclesiæ.

Indefectibilitas Ecclesiæ considerari potest vel quoad durationem temporis, quæ *permanentia* dicitur; vel quoad fidei constantem professionem, quæ solet appellari *infallibilitas*, seu *inerrantia* Ecclesiæ in fidei & morum doctrina scienda. De prima hic duntaxat dicemus. De altera sequenti Capite dicturi.

Quæstio ergo hæc est, num visibilis Christi Ecclesia aliquando defecerit, vel etiamnum defectura sit. Igitur ponitur

186

### CONCLUSIO.

Ecclesia Christi visibilis nunquam defecit, nec unquam est defectura.

Prob. Conclusio 1<sup>mo</sup>. Ex Scripturis. Perpetuam fore Ecclesiæ durationem prædixerunt Prophetæ, promissit Christus, Apostoli declararunt.

Prædixerunt Prophetæ. Isaïæ 60. v. 19. dicitur: *Erit tibi Dominus in lucem sempiternam, & Deus tuus in gloriam tuam. Non occidet ultra sol tuus, & luna tua non minuetur; quia erit tibi Dominus in lucem sempiternam.* Et v. 21. *Populus tuus omnes justis, in perpetuum habeditabunt terram.* Item c. 61. (quod caput intelligi de Ecclesia novi Testamenti docuit Christus Luc. 4. v. 21.) v. 8. & 9. *Fædus perpetuum feriam eis. Et scient in gentibus semen eorum, & germen eorum in medio populorum; omnes, qui vi-*  
P. Cartier Theol. Tom. I.

*derint eos, cognoscent illos, quia isti sunt semen, cui benedixit Dominus.* Hæc ad Christi Ecclesiam dirigi ac de ea intelligi nemo dubitat; quæ proinde ipsius indefectibilitatem abundè indicant.

Danielis 2. v. 44. *In diebus regnorum illorum (nempe Romani Imperii) suscitabit Deus cali regnum (Christi Ecclesiam videlicet) quod in æternum non dissipabitur.*

Osæ 2. v. 19. Et sponsabo te (Ecclesiam) *mibi, inquit in persona Christi, in sempiternum, & sponsabo te mibi in justitia & judicio . . . . & sponsabo te mibi in fide &c.*

Michæ 4. v. 1. & 5. *In novissimo dierum erit mons domus Domini (Ecclesia videlicet) preparatus in vertice montium, & sublimis super colles; & fluent ad eum populi . . . . Nos autem (Ecclesiæ populi & fideles) ambulabimus in nomine Domini nostri in æternum.*

Psalmo 47. v. 9. *Sicut audivimus, & vidimus in Civitate (Ecclesia) Domini virtutum, in Civitate Dei nostri: Deus fundavit eam (Ecclesiam) in æternum.* Et Ps. 88. v. 29. *In æternum, inquit Deus, servabo illi (Ecclesiæ) misericordiam meam, & testamentum meum fidele ipsi. Et ponam in sæculum sæculi semen ejus, & thronum ejus sicut dies cali.*

2do. Eandem perpetuitatem ac permanentiam Ecclesiæ suæ promissit Christus Matth. ult. v. 20. *Ecce ego vobiscum sum omnibus diebus usque ad consummationem sæculi.* Quibus verbis innuit, Apostolos ad consummationem usque mundi esse permansturos, in eorum scilicet successoribus nunquam defuturis; necnon se eisdem, seu Ecclesiæ suæ semper adfuturum jugi Spiritus sancti assistentiæ & influxu; atque ut statim promissam fidem impleat, verbo de presenti utitur: *Ecce ego vobiscum sum &c.*

X x

Eo

Eò tendit similitudo Petræ super quam ait, *se suam adificaturum Ecclesiam* Matth. 16. v. 18 ut nimirum ejus inconcussam firmitatem ac constantiam significet; unde subiungit statim, *Adversus quam porta inferi non prevalebunt.*

Eò etiam pertinet similitudo civitatis *supra montem posita, qua abscondi non potest.* Matth. 5. v. 15. Unde merito Gamaliel Legis Doctor Act. 5. Judæos ab impedienda prædicatione Evangelii hac ratione avocare studebat, *Quoniam, inquit, si est ex hominibus consilium hoc, aut opus dissolvetur: si verò ex Deo est, non poteritis dissolvere.* At Ecclesia utique à Deo fundata est.

Lucæ 1. v. 32. *Dabit illi Dominus Deus Sedem David Patris ejus, & regnabit in Domo Jacob in æternum, & regni ejus non erit finis.* Quæ de Christo & ejus Ecclesia sunt intelligenda, super quam Christus hic usque ad finem mundi regnaturus est, & in cælo per totam æternitatem.

3tio. Apostoli eandem Ecclesiæ perennitatem declararunt. Ephes. 4. v. 11. *ipse (Christus) dedit quosdam Apostolos, quosdam autem Præbætas, alios verò Evangelistas, alios autem Pastores, & Doctores ad consummationem Sanctorum in opus ministerii, in adificationem Corporis Christi: donec occurramus omnes in unitatem fidei & agnitionis filii Dei.* Quo textu declarat Apostolus, Ministerium Ecclesiasticum, quod per Pastores exercetur, & quò sit Corpus Christi Mysticum, id est, Ecclesia, usque ad consummationem sæculi perseveraturum, & quod haud dubie est visibile, utpote in prædicatione seu doctrina, & in administratione Sacramentorum maximè positum. *Euntes, ait Christus ad Apostolos* Matth. 28. v. 19. *docete omnes gentes* &c.

Prob. Conclusio 2da. ex SS. Patribus. Tertullianus in Apoget. Imperatores alloquens, *Nec quicumque, inquit, proficit exquisitior quaque crudelitas vestra, illecebra est ingsi Sæclæ. Plures efficitur, quoties metimur à vobis. Semen est sanguis Christianorum.*

S. Hilarius lib. 7. de Trinit. n. 4. *Hoc Ecclesia proprium habet, inquit, ut tunc vincat, cum ladicur; tunc intelligatur, cum arguitur; tunc obtineat, cum deseritur.*

S. Chrysostomus Homiliâ, cum de ejus expulsionem ageretur, *Christi Ecclesiâ nihil fortior, inquit, si quis eam impugnare proponit, vires atterat necesse est; tale est enim, velut si cælo bellum medietur inferre..... fortior enim Ecclesia multò quàm terra, imò fortior & cælo. Cælum & terra transibunt, verba autem mea non transibunt* &c. Idem argumentum tractat Hom. in Isaiam.

S. Ambrosius lib. de Salomone c. 4. *Navem, inquit, Ecclesiam debemus accipere, in salo mundi constitutam,..... Quæ etsi undarum fluctibus aut procelis sæpe vexatur, tamen nunquam potest sustinere naufragium* &c.

S. Hieronymus ad cap. 4. Isaiæ. *Super petram fundata Ecclesia, inquit, nulla tempestate concutitur, nullo turbine, ventisque subvertitur. Et ad cap. 8. Amos. Ex quo intelligimus, inquit, Ecclesiam usque ad finem mundi concuti quidem persecutionibus, sed nequaquam posse subverti; tentari, non superari. Et hoc fiet, quia Dominus Deus omnipotens, sive Dominus Deus ejus, id est, Ecclesia, se futurum esse pollicetur est: cujus promissio lex natura est.*

S. Augustinus in Ps. 101. concione 2. disputans contra Donatistas, qui totam Ecclesiam visibilem perisse dicebant, &

in solis quibusdam justis in Africa remansisse, *sed*, inquit, *illa Ecclesia, quæ fuit omnium gentium, jam non est, perijt. Hoc dicunt, qui in illa non sunt. O impudentem vocem!*

- 388 Prob. 3tio. Ratione Theologica: Quia si Ecclesia aliquando defecisset, vel defectura esset, via salutis, quæ nemini patere potest, nisi per Ecclesiam visibilem, esset tunc omnino impossibilis: nemo enim ingredi potest in aliquam societatem, quæ invisibilis est, & quæ ignoratur, quo loco sit constituta. Ergo.

Inde itaque colligitur, necesse omnino esse, ut perpetuò in Ecclesia sint Episcopi, qui eam regant, Presbyteri, qui Sacramenta administrent & dispensent; uno verbo, ut nunquam deficiat publicum Ministerium, sine quo salutis instrumenta, & ipsa salus æterna obtineri non possunt. Ideo Spiritus S. posuit Episcopos regere Ecclesiam Dei Act. 20. v. 28. Ideo Christus Pastores dedit ad consummationem Sanctorum in opus ministerii. Ephes. 4. v. 11. Eisque ligandi, atque solvendi auctoritatem concessit. Joan. 20. v. 23.

### 389 Solvuntur Objectiones.

Obi. 1mo. Prædicitur in Scripturis fore tempus, quo defectura omnino sit Ecclesia. Ut 2. Paralip. cap. 15. v. 3. *Transibunt multi dies, in Israel absque Deo vero, & absque Sacerdote Doctore, & absque lege.*

Danielis 9. v. 27. *Deficiet hostia & sacrificium: & erit in Templo abominatio desolationis; & usque ad consummationem & finem perseverabit desolatio.*

Lucæ 18 v. 8. *Filius hominis veniens, putis, inveniet fidem in terra?*

2. ad Thessalon. 2. v. 3. *Nisi venerit discessio primùm, & revelatus fuerit homo peccati filius perditionis, id est,*

Antichristus. Peribit ergo Ecclesia tempore Antichristi. Ergo &c.

Resp. Neg. ant. Ad textus adductos Resp. ad 1mum. Ibi sermonem esse de Regno Israelitico, in quo vera Religio tandem universim extincta est; non de Judaico, in quo vera Religio mansit usque ad Christum.

Ad 2dum. Loquitur Daniel de eversione Urbis Jerusalem, & cessatione Legalium ac Sacrificiorum veteris Synagogæ, quibus Christus morte sua finem imposuit. Ita hanc Prophetiam explicat Christus ipse Matth. 24. v. 15. & Lucæ 21. v. 20. Ita etiam SS. Patres omnes.

Ad 3tium. Loquitur ibi Christus vel de quadam eximia fide, quæ montes transferre valeat; vel de fide per charitatem formata, ita ut hoc dictum sit propter iniquorum abundantiam, & bonorum paucitatem, juxta illud Christi Matth. 24. *Quoniam abundavit iniquitas, frigesceat charitas multorum.* Ita exponunt Hieronymus Dial. adv. Luciferian. Augustinus lib. de Unitate Ecclesiæ, & Serm. 36. de Verb. Dom. nunc 115. Juxta quas expositiones evidens est, prædictis Christi verbis significari, apud multos quidem extinguendam fore fidem, sed non apud omnes simpliciter & absolutè. Hac enim loquendi ratione, *Putas, Filius hominis veniens inveniet fidem?* inquit Theophylactus, *Christus fidei raritatem significat, non totalem interitum.*

Ad 4tum. Per *discessionem* vel intelligit Apostolus ipsum Antichristum, qui vocatur discessio per *Metonymiam* seu verbi mutationem, quia erit causa, cur multi discessuri sint à Christo, ut exponunt Chrysostomus, Theodoretus, Theophylactus, Oecumenius, & alii Græci, quibus accedit S. Augustinus lib. 20. de



civ. Dei c. 19. Vel intelligit defectionem ab Imperio Romano, quam discrete exprimere noluit Apostolus, ne Romanos offenderet, quibus persuasum erat, constans ac perpetuum fore suum imperium. Vel denique defectionem à fide particularem, multorum nempe; non verò generalem, prout ipsimet adversarii fateri coguntur; hi enim tuerentur, jam venisse Antichristum, scilicet Romanum Pontificem, nec tamen, cum ipsi, suò quidem iudiciò, fideles sint, omnes fideles à fide defeuisse arbitrantur.

190 Ob. 2do. Re ipsa sæpius defecit, & ita obscurata fuit Ecclesia, ut planè fuerit invisibilis. 1mo. Initiò mundi, cum Adam & Eva peccaverunt, atque peccando fidem amiserunt. Ita docent S. Ambrosius lib. 3. de Paradiso cap. 6. S. Augustinus Enchiridii ad Laurent. cap. 45.

2do. Tempore Noe, cum cuncta cogitatio cordis esset intenta ad malum, & multa malitia esset hominum super terram. Genes. 6.

3tio. Tempore Moysis, cum Aaron summus Sacerdos proposuit vitulum adorandum, & omnis populus clamavit: *Hi sunt Dii tui Israel, qui eduxerunt te de terra Ægypti.* Exod. 32.

4to. Temporibus Judicum, cum populus dimisit Deum & ejus cultum, ut serviret idolo Baalim. Judic. 2.

5to. Tempore Captivitatis Babylonice, quo penitus intermissa fuisse videtur Judæorum Religio.

6to. Tempore Eliæ 3. Regum cap. 19. *Dereliquerunt, inquit, patrum tuum filii Israel, altaria tua destruxerunt, Prophetas tuos occiderunt gladio &c.*

7mo. Tempore Iſaie. *Israel me non cognovit*, ait Deus Iſa. cap. 1. & *populus meus non intellexit.*

8vo. Tempore impiorum Regum Achaz & Manasse; tunc enim nulla fue-

runt publica ministeria, nulli Conventus, nulla Sacramenta.

9no. Tempore Jeremiæ, cum dicebat Deus: *Omnes me dereliquistis.* Jerem. 2.

10mo. Tempore Achab Regis Israel, quem quadringenti Prophetæ deceperunt, unusque Michæas legitur ab errore immunis. 3. Reg. 22.

11mo. Tempore Nativitatis Christi, quando tantum Maria & Joseph, Zacharias & Elisabeth, Pastores, Simeon, Anna, & pauci alii credebant; quando tota Judæorum natio à Christo defecit. Denique cum Apostoli moriente Christo ab ejus fide defeecerunt, de quibus ipse Christus Matth. 26. dicebat: *omnes scandalum patiemini in me ista nocte.* Ergo &c.

Resp. Neg. ant. Ad textus adductos Resp. 1mo. Quæ adducuntur ex veteri Testamento ad probandum, Synagogam defeuisse, non videntur facere ad rem præsentem. Quamvis enim probaretur, quòd Synagoga defecit, non tamen inde sequeretur, Ecclesiam Christi etiam defeuisse, aut defecuram; huic enim à Deo promissa fuit indeficiens perpetuitas & permanentia, non illi. Deinde extra Christi Ecclesiam nulli salus pateri potest, unde necesse est, ut perpetuò sit visibilis; at extra Synagogam quidam salvi facti sunt, ut Melchisedech, Job, & alii.

Resp. 2do. Ad singula. Ad 1mum. Ex eo sequitur, etiam invisibilem Ecclesiam defeuisse, quod non admittunt adversarii. Item Ecclesia non in Adam & Eva, sed primum in Abel formata, & constituta fuit, atque sumpsit initium, prout cap. 1. §. 2. hujus Tractatus probavimus. Denique Ecclesia omninò extingui non potest, nisi per peccatum infidelitatis; at peccatum Adami non fuit contra fidem, sed contra præceptum obedientiæ duntaxat.

Ad adum negamus, tempore Noë ad unum omnes à Deo defecisse. Quinquen-  
niò ante diluvium obiit Lamech Noë  
pater, Mathusalem autem ipso anno & sep-  
timo ante diluvium fuit, & procul dubio  
non pauci alii mortui sunt veri Dei cultor-  
es. Sem & Japhet pii erant, ut & uxores  
eorum. Hi omnes constituiebant Eccle-  
siam visibilem; licet non adeo numero-  
sa fuerit, extitit tamen aliqua, habuit  
quippe Ecclesia initium suum & incrementum.  
Scriptura verò phrasi consuetà, ut  
magnam significet hominum depravatio-  
nem, ita generatim loquitur, quasi nulli  
omnino fuissent iusti, quamquam aliquos  
extitisse certissimum sit.

Ad 3tium falsum est, peccato populi  
Israelitici vitulum adorantis ad unum om-  
nes confensisse, utpote à quo Moyses om-  
nesque Levitæ fuerunt immunes. Unde  
Apostolus 1. Cor. 10. v. 7. significat, ali-  
quorum duntaxat, non plane omnium hoc  
scelus fuisse.

Ad 4tum. Quòd Judicum tempore  
Israelitæ aliquando à vero Dei cultu dese-  
cerint, id non de omnibus, sed de aliqui-  
bus tantum est intelligendum. Quæ etiam  
ratione multa alia loca Scripturæ interpre-  
tanda veniunt. Ut Exod. 9. *Mortua sunt omnia animantia Ægyptiorum.* Isai 2. *Et fluent ad eum omnes gentes.* Philipp. 2. *Omnes, quæ sunt, quarunt.* Joan. 3. *Et testimonium ejus accipit nemo.* In quibus locis vox omnes in sensu accommo-  
do duntaxat, prout Schola loquitur, ac-  
cipienda est, ita ut per omnes multi tan-  
tum intelligantur, non verò absolute om-  
nes & singuli.

Ad 5tum. Non erat tanta Judæorum  
captivitas, ut propriis non uterentur le-  
gibus, & cultu; quamvis Sacrificiis ab-  
stinerent, quippe quæ alibi, quam in  
Templo Jerosolymitano, agere non lice-  
bat eis. Persistebat apud ipsos Concilium  
Sanedrim, rituumque suorum ratione ab  
aliis nationibus facile distinguebantur,  
prout Aman Assuero Regi dicebat, Esther.

c. 3. v. 8. *Est populus per omnes provin-  
cias Regni tui dispersus, & a se mutuo se-  
paratus, novis utens legibus, & cavemo-  
niis.*

Ad 6tum. Eadem est responsio ac ad  
4tum. Enimverò tempore Eliæ, quam-  
vis multi ex populo Israelitico à idolis de-  
fecissent, nunquam tamen eò deveniunt  
est, ut vera Religio prorsus extingueretur,  
quemadmodum passim ex ipso tertio  
libro Regum elicitur. Cùm ergo Elias di-  
cit, *filios Israel pactum Dei dereliquisse,  
& se solum esse relictum*, non eo sensu id  
intelligendum est, quasi ipse solus iustus  
fuerit in Israel; Deus enim hoc ipso cap.  
19. libri 3tii Regum v. 18. ait: *Derelin-  
quam mihi in Israel septem milia virorum,  
quorum genus non sunt incurvata ante Baal.*  
Sed isto duntaxat sensu, quòd ipse solus  
inter Prophetas fuisset derelictus, ut ipse-  
met ait. lib. 3. Reg. c. 18. v. 21. quia nempe  
alii Prophetæ omnes aut occisi fuerant à  
Jezabel, ut Elias ipse arbitrabatur, aut  
in captivitate detinebantur, sique causam  
veri Dei defendere non poterant. Nec  
mirum, quòd ignoraverit Elias, tam mul-  
tos fuisse in Israel veri Dei cultores, ut  
Judææ populos sub Josaphat piissimo Rege  
lib. 2. Paralip. c. 17. v. 3. cùm jam ipse  
præ metu in spelunca montis Horeb deli-  
tesceret. Unde & nesciebat, Dispen-  
satorem domus Achab, qui & ipse unacum  
multis aliis Israelitis Dominum timebat,  
cùm Jezabel Prophetas Domini interficeret,  
centum eorum servasse, & in spelun-  
cis absconditos pane & aqua sustentasse. 3.  
Reg. c. 18.

Ad 7mum & 9num. Eadem est, quæ  
ad 4tum Responsio.

Ad 8mum Resp. Neque etiam illis tem-  
poribus invisibilem fuisse Ecclesiam, aut  
veri Dei cultores defuisse; cùm Reges illi  
nemini libertatem ademerint veri Dei ado-  
randi, ut colligitur lib. 4. Reg. c. 16. v.  
15. Sanguis quoque innoxius, quem fu-  
dit Manasses, insigne fuit per Martyres  
suos Ecclesiæ triumphantis argumentum.

Ad idem Resp. Id contigisse in Regno Israel non Judæ, ubi verus Dei cultus erat. Præterea illi Prophetæ non erant ex collegio Prophetarum Dei, sed Baal, & his similes.

Ad 11. Dicimus, ipsam objectionem probare, tunc Ecclesiam fuisse visibilem, quamvis exiguam. Tempore mortis Christi autem, perit cum omnibus suis caeremoniis Judaica Religio, quæ eo usque tantum durare debebat. Quod Apostolos attinet, merus fuit in his defectus constantiæ & fortitudinis, non verò fidei. Necdum etiam fuerant Episcopi constituti, nec uberiori Spiritus Sancti gratiâ confirmati; non ergo mirum, quod humani quid passi fuerint.

- 191 Ob. 3tio. Cum moritur Romanus Pontifex, qui Caput est visibile Ecclesiæ, ac per longum tempus vacat Sedes Romana, tunc deficit Ecclesia; Capite enim præciso perit corpus. Ergo &c.

Resp. Neg. ant. Romanus Pontifex est caput morale Ecclesiæ; porro non tanta est capitis moralis, quam naturalis necessitas; relictò quippe capite naturali, ne uno quidem momento corpus vivere potest. At verò non perit corpus civile seu morale, deficiente Rectore seu illius civili vel morali capite. Sic etiam per mortem Romani Pontificis non perit Ecclesia; Sedes enim Romana semper perseverat, semper & subsistit fidelium Societas sub legitimo Pastorum regimine.

- 192 Ob. 4to. Quo tempore per Orbem universum grassabatur hæresis Ariana, ac furebat in Catholicos Constantii persecutio, lapsis in errorem Episcopis serè sexcentis Concilium Ariminense, & Seleuciense; invisibilis facta est vera Ecclesia ac prope extincta; prout ipse S. Hieronymus testatur his verbis: *Miratus est universus Orbis, se esse Ariamum.* Ergo &c.

Resp. Neg. ant. Qua de re sequenti Capite ex p. offeso differemus. Certè, prout pluribus demonstrat Janfenius Irenæus (e), cum vel maxime faviret illa Constantii persecutio, verissimum fuit illud Augustini essatum, quod Ecclesia scilicet in suis firmissimis tanquam columnis a diffici immobiliter stantibus emineret. Innumeri quippe, quos enumerare nimis longum foret, tum Orientis tum Occidentis Antislites & Ecclesiæ avitam semper retinere Religionem & Catholicam de consubstantialitate filii cum Patre ab Arianis tunc temporis impugnata fidem constanter retinere; Imò illi ipsi Episcopi, qui tædio & metu impulsî in Concilio Ariminensi (f), fidei formulæ ab Arianis oblata, & in speciem Catholicæ, licet ab ea abesset vox *consubstantialis*, subscripserant; hi enim, cum sibi non essent concilii Arianae perfidiae, ingenuè de impostura perduellium Arianorum, atque mirati sunt, quod sine conscientia sua hæretici ferrentur; enimverò hi Catholici Episcopi non solum generatim, sed etiam nominatim singulos Arianae hæresis articulos ab Ursacio & Valente abjurari fecerant. Ergo hos Episcopos significat, quando ait: *Miratum esse universum orbem se esse Ariamum.* Et ut jam alibi annotavimus hyperbolicè loquitur. Quoad Concilium Seleuciense, non est quod de eo quidquam loquamur, cum ex meritis Arianis constatum fuerit, atque paucis, qui illi intererant, Catholicis Antislites Arianis morem gerere renuentibus dissolutum fuerit. (g)

Hæc de Notis veræ Ecclesiæ, extra quam nulla salus sperari potest, prout ipsamet S. Scriptura, SS. Patres unanimiter testantur, ipsaque ratio suadet. Vera Christi Ecclesia enim, prout ex Scripturis habetur, est Corpus Christi ejus membra sunt singuli fideles; manifestum utique est, quod

quod membrum, quod in corpore non manet, neutiquam habere vitam possit. Præterea Christus est verus Ecclesiae Sponsus, prout denuò sacra produnt litteræ, proinde filios generare non potest, nisi ex sua Sponsa. Demum nulla salus est extra Regnum Dei, extra Templum, Domum, & Civitatem Dei; sic autem vocatur Ecclesia per Scripturam; Ergo nec extra ipsam salus aliqua obtineri potest, quemadmodum tempore diluvii nulla fuit salus iis, qui non fuerunt in Arca Noë conclusi.

Cum autem abundè probaverimus, has veræ Christi Ecclesiae Notas soli Catholicæ Apostolicæ & Romanæ nostræ Ecclesiae convenire, viderint modò Protestantes, qua ratione salutem consequi valeant, ut qui ab ea sine ulla ratione sed temerè, & solius libidinis explendæ gratiâ discesserint.

193

### CAPUT III.

#### De auctoritate Ecclesiae in rebus ad Religionem pertinentibus.

Solent equidem Gallicani Theologi, ubi ipsi de auctoritate Ecclesiae in rebus ad Religionem pertinentibus sermo est, eandem distinguere in Ecclesiam *di persam*, & *coadunatam*. Per *di persam* intelligunt omnes Ecclesiae Episcopos separatim & singillatim in suis Episcopatibus aut Provinciis Ecclesiasticæ jurisdictioni suæ subiectis degentes. Per *coadunatam* verò seu in unum coactam exhibent eosdem Episcopos in Concilio simul congregatos, parique utramque in rebus ad Religionem pertinentibus auctoritate pollere volunt.

Verùm de isthoc auctoritatis Ecclesiae dispersæ commentio, quod hæctenus in Ecclesia ignotum fuit (b), plura fortè dicemus Capite sto huius Tractatus, cum

de summo Pontifice, ejusque auctoritate nobis sermo erit.

Nos vestigiis cæterorum totius orbis Catholicæ Theologorum inhaerentes, hæc de Ecclesiae auctoritate agentes eam, ut coadunata & in unum coacta est, intelligi potissimum volumus, adeò ut perinde nobis sit, sive Ecclesiam sive Concilium nominemus.

Tribus proinde Paragraphis hocce Caput concludimus. In primo, quid nominis quid rei, & quotuplicis generis sint Concilia, necnon eorum numerum examinabimus. In secundo, an Ecclesia seu Concilium sit Judex controversiarum fidelium &c. In tertio denique, quale sit à Christo institutum Ecclesiae suæ Regimen, an Monarchicum, an Aristocraticum, an Democraticum, an verò Monarchico-Aristocraticum &c. Sit igitur

#### §. I.

#### Quid nominis, quid rei sit Concilium &c. 194

Concilii nomine idem in Ecclesia significatur, quod in Regnis nomine Comitiorum: undè quemadmodum Comiticia nihil aliud sunt, quam Principum, Procerum, Magistratum in unum locum congregatio, ut de rebus ad Regnum spectantibus tractent: ita Ecclesiae Concilia nihil aliud sunt, quàm Ecclesiae Præsidum Conventus, ut de rebus ad Ecclesiam spectantibus tractent, & agant.

Definitur ergo Concilium genericè sumptum, *Prælatorum Ecclesiae Congregatio ad fidei controversias definiendas, vel fidelium mores reformandos, à legitimo Capite convocata.*

Di-

(b) Certè nusquam legimus. Ecclesiam dispersam communi aliquò decreto seu definitione in rebus ad fidem & Religionem pertinentibus auctoritatem suam exercuisse.

395 Dicitur à Latinis hæc Prælatorum Congregatio *Concilium*, à conciliando, nomine ſumpto à *Con* & *Cilium*, inquit Archidiaconus; eò quòd ſicut dum oculorum cilia clauduntur, conſeunt in unum & conciliari dicuntur oculi; ita, quia ſimul congregati, dum concludunt & definiunt aliquid, in unum conveniunt, & conciliari dicuntur Epifcopi, ideo cœtus eorum, ſive congregatio jure *Concilium* à conciliando vocatur.

Ex hac Concilii definitione habetur triplicis ſpeciei ſeu generis dari Concilia, *Provincialia*, ad quæ unius provincie Epifcopi à ſuo Archiepiſcopo vocati conveniunt. *Nationalia*, ad quæ unius Regni, aut Nationis Epifcopi, & Archiepiſcopi à ſuo Primatu convocati congregantur. Et *Generalis* ſeu *Oecumenica*, ad quæ totius Orbis Epifcopi & Præſules à ſummo Pontifice invitati conveniunt. Hiſce quartum Conciliorum, ſeu, prout Græci nuncupant, Synodorum genus adiungunt, nempe *Concilia Diœceſana*, in quibus unius Epifcopatus Presbyteri ab Epifcopo vocati reperiuntur; verùm cum non Præſulum, ſed Presbyterorum duntaxat ſit hæc congregatio, & in ea ordinariè nullus adſit, qui iuriſdictionem habeat præter Epifcopum unum, qui eidem præſt, non niſi improbiè Concilium dici poteſt.

Horum Conciliorum quædam ab Apoſtolica Sede approbata fuerunt, atque ab univerſali Eccleſia recepta, quædam omninò reprobata; quædam partim approbata, partim rejecta; quædam nec approbata, nec reprobata, quod potiſſimum in Conciliis particularibus, id eſt, vel Nationalibus, vel Provincialibus, vel denique, ſi velis, Diœceſanis locum habet; hæc ſolum Generalia enumeramus.

397 Concilia igitur Oecumenica approbata Novemdecim numerari poſſunt.

1um. Nicænum, quod celebratum fuit annò 325. Nicææ Bythinæ Metropolis ſub Sylveſtro Papa, cujus nomine eideſdem præſuit Oſius Cordubenſis Epifcopus,

atque trecenti decem & octo, prout communitè Scriptores Eccleſiaſtici teſtantur, interfuere Epifcopi. In eo Ariana hæreſis damnata eſt.

2um. Sardicenſe annò 347. Præſedit nomine Romani Epifcopi Julii idem Oſius, ſubſcripſere 344. Orthodoxi Epifcopi. In eo Athanaſius abſolutus fuit, fides Nicæna confirmata, appellationes ad Sedem Apoſtolicam ſeu Romanum Pontificem agnitæ fuerunt.

3tium. Conſtantinopolitanum I. annò 381. ſub Damaſo Papa 150. Epifcoporum. In eo damnatus eſt Macedonius, qui Spiritûs ſancti divinitatem negabat.

4tum. Ephesine annò 431. cui nomine Cœleſtini Papæ I. præſuit Syrmius Alexandrinus Epifcopus; interfuere Epifcopi 200. In eo damnatus eſt Neſtorius, duas in Chriſto perſonas ſtatuens.

5tum. Calcedonenſe annò 451. ſub Leone I. Pontifice maximo. Præſedere ipſius Legati Paſcaſius Liliberanus, Lucentius Aſculanus Epifcopi, Bonifacius & Baſilius Presbyteri, quibus adiunctus eſt Julianus Coëniſis Epifcopus. Interfuere Epifcopi 630. In eo damnatus eſt Eutyches Archi-mandrita, unam tantum in Chriſto poſt Incarnationem naturam admittens.

6tum. Conſtantinopolitanum II. ſub Vigilio Papa annò 552. In eo damnati Origenes, Dydimus & Evagrius ejus Sectatores, qui inter alios errores tuebantur, quòd omnes animæ initio mundi peccaviſſent, atque ſecundum peccatorum ſuorum merita è cœlo in terram ac in varia corpora velut tot carceres amandatæ fuerint, quapropter Deus Orbem hunc aſpectabilem creaverit. Item quòd cœleſtis Electorum beatitudo, ſicut & infernales Dæmonum & damnatorum pœnæ poſt mille aſios finem fuerint accepturæ &c. Damna-ta item tria Capitula, de quibus tam frequens & celebris eſt in hiſtoria Eccleſiaſtica mentio, nempe Theodori Moſpuſtani libri, Theodoret Cyrenſis in Cyrilum anathematismi, & Iba Edeneſi ad Marim

Marin Persam Epistola, tanquam Nestorianæ doctrinæ faventia. (i) Eidem Concilio, consentiente, & per se adesse nolente Vigilio Papa, qui tum Constantinopoli aderat, præfedit Euty chius Mennæ in Sede Constantinopolitana Successor. Interfuere Episcopi 165.

7mum. Constantinopolitanum III. annò 680. in quo damnatus Monothelismus, seu error unius voluntatis & operationis in Christo. Interfuere Episcopi 289. præfedit Agathonis Romani Pontificis Legati, Theodorus & Gregorius Presbyteri, necnon Joannes Diaconus.

8vum. Nicænum II. annò 787. Convenerunt 350. Episcopi. Præfuere nomine Adriani I. Petrus Archiepiscopus Basilicæ S. Petri, & Petrus Abbas S. Sabbæ ipsius Legati. Dammati Iconomachi.

9num. Constantinopolitanum IV. annò 869. Interfuere 302. Episcopi. Præfedit Stephanus & Donatus Episcopi, necnon Marinus Diaconus Adriani II. Papæ Legati. In eo damnatus Photius Sedis Constantinopolitanæ invasor; imaginibus sacris quoque cultus denuò restitutus.

10mum. Lateranense I. annò 1122. Præfuit Callistus II. Papa. Interfuere 300. & amplius Episcopi. In eo Schisma Sacerdotum inter & Imperium ex usurpatis ab Imperatoribus Beneficiorum investituris ortum extinguitur. Bellum adversus Saracenos decernitur.

11mum. Lateranense II. sub Innocentio II. Romano Pontifice, cui & ipsemet præfuit, annò 1139. In eo extinctum fuit Schisma Petri Leonis Antipapæ, qui pulsò Innocentio II. legitimò Pontifice Sedem Romanam invaserat. Dammati Petrobus.

P. Cartier Theol. Tom. I.

fiani, à Petro de Bruiis natione Gallo sic dicti, qui tuitus erat, Missæ Sacrificium nihil esse, fidelium preces nihil defunctis prodesse, & Baptismum sine fide nihil prodesse parvulis. Quos errores secutus est Henricus quidam Tolosanus Monachus excucullatus, unde etiam Henriciani dicti. Anathemate item in eodem Concilio percussus Arnaldus, à quodam Arnaldo de Brixia sic nuncupati; Hic Hæreticus Petri Abeilardi discipulus post eum doctrinam ex Arianorum, Nestorianorum & Pelagianorum erroribus consutam disseminabat, atque inter alia tuebatur, nihil esse credendum, nisi quod mens humanæ rationis viribus comprehendere posset. Concitatis quoque seditionibus, in id incumberebat, ut omnem regiminis politici auctoritatem ad Primate laicos & plebem revocaret, eisque Pontifices & Ecclesiam subiceret. Restaurata item, quæ collapsa fuerat, Ecclesiæ disciplina, atque Clerici privilegiis & juribus cautum.

12mum. Lateranense III. sub Alexandro III. summo Pontifice, annò 1179. Interfuere 300. Episcopi. In eo cautum adversus Schismata, modusque eligendi Summum Pontificem præscriptus. Damnat Waldenses, à Petro Waldo cive Lugdunensi sic dicti, qui que Catharorum (k) & Manichæorum hæreses per Valsonium, Albigeum, Tolosam, finitimasque oras disseminabant, docentes, viros Ecclesiæ ministerio addictos, nec bona nec pecunias habere debere; in Romana Ecclesia neminem salutem posse consequi; Indulgentias, sacrorum Ordinum collationes & caeremonias esse contemnendas; Ecclesiæ Prælati non esse obediendum; Eos per peccatum aliquod mortale omni auctoritate in Laicos privari, eosque solos verè sacris

Y y

(i) Damna est quoque ibidem horum trium Episcoporum memoria, qui tamen, dum viverent, à Chalcedonenſi Concilio absoluti, & in Communionem recepti fuerant. (k) Cathari vox græca latine idem est, ac mundus & purus. Cathari iisdem sermè temporibus utitur Novatianus, idem fuisse censetur, sed alio nomine Cathari dicti.

cris Ordinibus esse præditos, qui sine peccato essent, unde Sacerdotem, per peccatum mortale, Sacerdotem esse definire, sic nec consecrare, nec absolvere, nec baptizare, aut alia similia præstare posse; & quemlibet è contrà justum, licet Laicum, hæc omnia posse. Nullam aliam orationem, præter Dominicam *Pater noster* &c. admittendam esse, proinde inanes esse horas Canonicas, & cæteras Ecclesiæ preces; atque Eucharistiæ Sacramentum sine solita Ecclesiæ forma confici posse, dicendo videlicet septies *Pater noster* &c.

13tium. Lateranense IV. sub Innocentio III. annò 1215. Interfuisse Episcopi 412. Decreta in eo expeditio in Palæstinam; damnatusque error Abbatis Joachimi, qui in Trinitate Divina unitatem similitudinis duntaxat, non verò essentia seu naturæ admittebat.

14to. Lugdunense I. annò 1245. sub Innocentio Papa IV. cui & ipsemet præfedit. In eo anathemate percussus Fredericus II. Imperator, multiplicis perjurii & fractæ, quam juraverat pacis accusatus; item quod hæresis suspicionem ob contemptum Ecclesiæ censurarum, & Initum cum Saracenis foedus, incurrisset &c. Thaddæus, qui Imperatoris nomine Concilio aderat, appellavit pro eo ad Concilium proximè futurum generalis. Imperator, latam in se ab Innocentio Papa sententiam, qua è piorum communione eum dejiciebat, Imperique & Siciliæ Regno privabat &c., contempsit, seque semper pro Imperatore gessit. Præter celebrem Frederici causæ discussionem, renovatum est in hoc Concilio decretum de sacra in Saracenos Cruciatorum expeditione, pro terra sancta recuperanda; cuius sanctæ expeditionis designatus est Dux S. Ludovicus Gallicæ Rex, & varia pro omnibus Cruce signatis concessa & statuta privilegia.

15tum. Lugdunense II. annò 1274. à Gregorio X. coactum. Ad illud exuni-

versis mundi regionibus conveniêre Patres circiter mille, videlicet Summus ipse Pontifex Gregorius ut Præses; Cardinales 15. Patriarchæ duo, Constantinopolitanus, & Antiochenus; Archiepiscopi 60. vel 70. Episcopi 500. Abbates multi, aliique inferiores Prælati non pauci &c. In eo Orientales ad fidem & communionem reducti. Processio Spiritus sancti à Filio aequè ac à Patre, & vox *Filioque* Symbolo Constantinopolitano jam pridem addita, confirmatur &c.

16tum. Viennense annò 1311. In eo præfedit Clemens Papa V. Interfuisse 300. & amplius Episcopi. Atque Templarii execrandorum scelerum & criminum accusati damnantur, eorumque Ordo supprimitur & extinguitur. Anathemate quoque percelluntur Beguardi seu Beguini & Beguinæ seu Fratricelli & Bizochi. Fure utriusque sexus personæ, quæ 13tio Sæculò sumpto Religionis habitu, & monachali velatæ cucullâ collegiatæ, & monasticè vivebant, licet celibatum non servarent, distinctis quidem in Cœnobiis degentes, mulieres sine voto & liberè, viri verò cum trium monasticorum votorum emissionem. Alio nomine Fratricelli seu fratres de paupere vita nuncupabantur. Docebant autem, hominem in hac præsentī vita talem perfectionis gradum assequi posse, ut reddatur impeccabilis, & amplius in gratia proficere non valeat. Hominem illum, qui ad hunc perfectionis gradum pervenit, non teneri amplius orare, nec Ecclesiasticæ jejunia servare, nec ullos virtutum actus exercere, nec ulla bona opera præstare; imò nec assurgere ad adorandum, dum elevatur Eucharistiæ Sacramentum; quia tunc sensualitas ita planè rationi subdita est, ut possit homo suo corpori, quidquid placuerit, permittere. Hominem in hac vita finalem beatitudinem ita perfectam assequi posse, ac in patria. Quamlibet naturam intellectualem in se ipsa esse naturaliter beatam

beatam, nec indigere lumine gloriæ ad Deum videndum &c. Dammati item suæ Dulcinistæ, sic dicti à Dulcino quodam impio & impuro, qui præter Valdensium sordes, quibus inhærebat, dicebat se venisse, ut tertium Spiritus sancti prædicaret regnum; addens Patris æterni regnum durasse usque ad Christi adventum; regnum verò Christi usque ad annum 1400. Et hæc impia dum disseminabat deliria, interim sub charitatis prætextu turpia patrabat & horrenda plura, pluresque utriusque sexus sequaces habuit &c.

17um. Florentinum annò 1418. Primæ sessioni præfedit Eugenii Papæ IV. Legatus Nicolaus Albergatus Cardinalis, cæteris ipse Eugenius, subscripsere 141. Patres, præter eos, qui ante subscriptionem discesserant. In eo declarata sunt irrita omnia, quæ in Concilio Basileensi post illius ab Eugenio revocationem actitata fuerant. Unio cum Græcis inita.

18vum. Lateranense V. annò 1512. Interfuerunt 114. Patres sub Julio II. & Leone X. Romanis Pontificibus. In eo damnata sunt Pilani Conciliabuli Acta; pœnæ in Schismaticos Cardinales, qui annò 1511. Conciliabulum istud adversus Iulium II. congregarant, decreta & inflicta. Sanctio Pragmatica Regni Franciæ proscripta. Concordata Leonem X. Papam inter & Franciscum I. Galliæ Regem Bononiæ inita comprobantur. Expeditio in Turcam decernitur.

19num Tridentinum inchoatum annò 1545. finitum annò 1563. sub Paulo III. Julio III. ac Pio IV. Summis Pontificibus. In eo Protestantium errores damnati. Interfuerunt lex Cardinales, Summi Pontificis Legati quatuor, Patriarchæ tres, Archiepiscopi 32. Episcopi 218. Abbates quinque, Generales Ordinum Ministri

septem, Episcoporum Procuratores plurimi.

Hæc de numero Oecumenicorum Conciliorum. Et quamvis vulgò Scriptores & Tractatores Ecclesiastici octodecim tantum numerent, necnon, ubi ipsis de primis Ecclesiæ Conciliis generalibus sermo est, solummodo hæc quatuor recenseant, Nicænum I. scilicet, Constantinopolitanum I. Ephesinum & Chalcedonenle, Sardicense verò, quod nos secundò loco, juxta temporis, quo celebratum fuit, epocham, collocavimus, prætereant, eoquòd nonnisi appendix esse videatur ad Concilium Nicænum; nos tamen, quia verè Oecumenicum fuit, atque ut tale ab universa Ecclesiâ acceptum, illud omittere nolumus.

Concilia autem Oecumenica penitus, 198 reprobatæ septem potissimum numerantur.

1um. Antiochenum annò 344. vel 345. In eo damnatus Athanasius, & via patefacta ad eversionem Concilii Nicæni I.

2dum. Sardicense, seu potius Philippense, quod à septuaginta tribus Arianis Episcopis Sardicensi Oecumenico Concilio, de quo supra numerò inter Oecumenica 2dò fecimus mentionem, & ad quod vocati fuerant, opposuerunt eodem 34<sup>mo</sup> anno Philippis Thraciæ urbe. In eo ab ipsis Athanasius damnatus; in Iulium Romanæ Sedis Antistitem anathema pronuntiatum.

3tium. Mediolanense annò 355. sub Liberio Papa. In eo Legati ipsius pessimè habiti, ut & ii, qui pro Athanasio & Nicæna fide pugnabant. Damnatus Athanasius, & Liberius ipse in exilium actus.



4<sup>um</sup>. Ariminense annò 359. Interfuere 400. circiter, vel, ut alii volunt, 600. Episcopi, quorum juxta Athanasium 50. vel juxta Severum Sulpitium 80. Ariani, inter quos erant Valens, Ursacius, Demophilus Mediolanensis Ecclesiæ invasor pulsò in exilium Dionysio. (1) Præfuit Vincentius Capuæ Episcopus Legatus Apostolicus. Ibi Patres quæ animorum dejectione, quæ precibus & pollicitationibus, quæ minis, quæ vi, quæ dolis & artibus, quæ longioris moræ tædiò, & quæ quietis, & Ecclesiarum suarum revisendarum desiderio consensere, ut de Symbolo nomen *homoiosos* seu *consustantialis* deleteretur, atque scriberetur duntaxat, *filium Dei non esse creaturam ut cætera creata*, arbitrantur, se duas stabilire propositiones Catholicas, nempe quòd Verbum non sit creatura, &, quòd cæteris creaturis dignitate præcellat. His tamen nec Vincentius Capuanus, nec alii quidam consensum præbuere, cæteri verò, qui per fraudem deflexisse visi sunt, meliorem postmodum consilio hæc sibi displicere testati sunt. Vid. Theodoret. lib. 2. Hist. c. 17.

5<sup>um</sup>. Annò 449. Ephesinum II. In eo factione Dioscori Alexandrini Episcopi Flavianus Episcopus Constantinopolitanus Patriarcham Apostolicum seu Romanum Antistitem appellans trucidatur, Legati Papæ Leonis I. fugantur; ac demum Eutychiana hæresis confirmatur.

6<sup>um</sup>. Constantinopolitanum sub Leone Isaurico Imperatore Iconomacho annò 730. contra sacras imagines.

7<sup>um</sup>. Constantinopolitanum, sub Constantino Copronymo Imperatore. Interfuere 358. Episcopi. In eo iterum defini-

nitum, abolendas esse Christi & Sanctorum imagines.

Inter Concilia autem, quæ partim ap-<sup>199</sup> probata, partim reprobata à Romana Sede, & consequenter ab universa Ecclesia fuerunt, numerantur præcipuè hæc tria, Constantiense, Pisanum, & Basileense.

Constantiense celebratum est annò 1414. usque ad annum 1418. sub Joanne XXIII. qui verus & legitimus Papa censetur, à quo indictum fuit, & sub Martino V. legitimo Pontifice, à quo finitum fuit annò 1418. Ejus sessiones 4<sup>ta</sup> & 5<sup>ta</sup>, ubi definit Concilium esse supra Papam videntur damnatæ in Concilio Florentino, & Lateranensi ultimo. Easdem, velut in legitimum & indubitatum Pontificem vibratæ, omnes totius Christiani Orbis Theologi, si Gallicanos, non quidem omnes, excipias, modò execrantur.

Ante Concilium Constantiense Pisis annò 1709. convenerant Cardinales, qui Schismati, quod inter Gregorium XII. & Benedictum XIII. de Papatu contententes vigeat, finem imposituri, ambos Papatu abdicarunt, atque Alexandrum V. elegerunt; sicque procius, ut Schisma extinxerint, illud potius auxerunt, multiplicatò Pontificum numerò. Quod demum à Concilio Constantiensi sublatum est. Hocce Pisanum Concilium inter ea reponendum censet Bellarminus (m), quæ nec approbata nec reprobata sunt, ac multi alii cum S. Antonino (n) & post ipsum illud tanquam Conciliabulum respuunt.

Basileense inchoatum est annò 1431. atque tum Basileæ tum Lausanz continuatum usque ad annum 1449. Quo tempore Nicolao V. Papæ cessit tam Concilium istud, quam Pseudo-Pontifex Felix V. in Schismate ab ipso Concilio creatus. Hu-

(1) Scribit S. Athanasius Ep. ad African. Ariminum convenisse Episcopos Catholicos ferè 400. &, ut lib. 2. Hist. Severus Sulpitius refert octoginta Arianz factionis. Sicque omnes vocatorum numerum non expleat. (m) De Eccles. lib. 1. c. 8. (n) 3. part. tit. 22. c. 4. §. 2.

Hujus Concilii nihil ratum & probatum est, nisi quædam dispositiones circa Beneficia Ecclesiastica, quæ ab ipso factæ fuerant, quas pacis & unitatis gratiâ prædictus Nicolaus V. approbavit. Concilium verò ipsum reprobatum fuit in Concilio Lateranensi ultimo sess. 11ma.

Hæc de Conciliis Oecumenicis universim; de particularibus vid. passim Scriptores. Genebrard. lib. 2. Chronographiz. Cabassut. in Notitia Eccles.

200 Enumeratis ita Conciliis Oecumenicis, nunc adhuc nobis exponendum est, ad quemnam spectet ea convocare eisque præsidere, atque confirmare &c. Sic igitur

### CONCLUSIO I.

Solius summi Pontificis est convocare Concilia Oecumenica.

Prob. Conclusio 1mo. Ex S. Scriptura. Nullum Ecclesiæ Concilium dici potest legitimum, nisi congregetur *in nomine Christi*, ut dicitur Matth. 18. v. 20. Atque congregari *in nomine Christi*, nihil aliud significat, quàm congregari *auctoritate Christi*, hoc est ab eo, qui à Christo habeat auctoritatem congregandi. Atqui talem auctoritatem à Christo habet Summus Pontifex. Ergo.

Secunda pars Majoris illustratur ex eadem S. Scriptura, ubi illud *In nomine*, ubique serè accipitur pro eo, quod est *ex auctoritate*, ut Marci ult. v. 17. *In nomine meo demonia ejicient.* Joan. 5. v. 43. *Ego veni in nomine Patris mei.* Matth. 7. v. 22. *Nonne in nomine tuo prophetavimus.* Act. 4. v. 7. *In qua virtute, aut in quo nomine hoc fecistis?*

Min. prob. Ille à Christo habet auctoritatem convocandi seu congregandi Concilium Oecumenicum, cui Christus Ecclesiam gubernandam commisit. Atqui

Summo Pontifici Christus Ecclesiam suam gubernandam commisit. Ergo &c.

Maj. est aperta. Min. prob. ex his S. Script. textibus Matth. 16. v. 18. &c. ubi Christus Petrum hinc alloquitur. *Tu es Petrus & super banc Petram ædificabo Ecclesiam meam.... & quodcunque solveris super terram, erit solutum & in calis, & quodcunque ligaveris super terram, erit ligatum & in calis.* Et Luc. 22. v. 31. & 32. *Simon Simon..... & tu aliquando conversus confirma fratres tuos.* Itemque Joan. ult. v. 17. ter ipsi oves suas, id est fideles & Ecclesiam, committit dicens: *Pasce oves meas.* Hos autem textus ad Petri Successores Romanos Pontifices extendi & de iis intelligi debere nemo dubitare debet; nosque Capite 5to. fusè demonstrabimus. Atqui cui Christus promisit, se supra ipsum fundaturum Ecclesiam suam, & quodcunque super terram solveret aut ligaret, forè in cælo solutum aut ligatum; cui jussit confirmare fratres suos, fideles nempe, cui pascendas commisit oves suas, id est Ecclesiam; huic etiam Ecclesiam suam gubernandam commisit. Ergo &c.

Prob. 2do. Ex traditione Ecclesiæ, quæ 201 habetur, omnia Concilia Oecumenica à Summis Pontificibus, ipsisque consentientibus convocata fuisse. 1mo. de Nicæno I. legimus in Synodo VI. a. d. 18. Constantinum, & Sylvestrum magnam Synodum apud Nicæam congregasse. Damasus quoque in Pontificali scribit, cum Sylvestri consensu habitum esse in Nicæa Concilium.

2do. De Constantinopolitano I. Theodoretus refert (o), Theodosium litteras Pontificis Damasi, quibus Concilium indicebatur ad Episcopos misisse. Sic enim scribunt Episcopi in illo Concilio congregati ad Damasum, *Mandatò litterarum superiore anno à vestra Reverentia ad sanctissimum Imperatorem Theodosium missarum,*

Y Y 3

farum, ad iter duntaxat Constantinopolim usque faciendum nos praparavimus.

3tio. De Ephesino Prosper indicat in Chronico, Synodum Ephesinam factam esse Cyrilli industriâ & Coelestini auctoritate; ad quam Cyrillus tanquam Apostolicæ Sedis Legatus profectus est. (p)

4to. De Chalcedonensi patet ex Epistola Martiani Imperatoris ad Leonem Papam, quæ habetur ante Concilium Chalcedonense: in qua Imperator indicturus Concilium, rogat Pontificem, ut ipse veniat, & Concilium faciat, vel si nolit venire per litteras significet, quid agi velit: & in fine concludit, se scripturum ad omnes Episcopos, ut ad certum locum conveniant: *Et quæ Christianorum religioni, inquit, atque Catholica fidei proficiunt, sicut Sanctitas tua secundum Ecclesiasticas regulas definitur, sua dispositione decurrent.* Extat etiam inter Epistolas ad Chalcedonense Concilium pertinentes, quædam Epistola Episcoporum secundæ Mœsiæ ad Leonem Imperatorem, ubi sic ajunt: *In Chalcedonensium civitate multi sancti Episcopi convenerunt per jussionem Leonis Romani Pontificis, qui verè caput est Episcoporum.* Denique Gelasius Papa in Epistola ad Episcopos Dardaniz dicit, solam Apostolicam Sedem, ut Synodus Chalcedonensis fieret, sua auctoritate decrevisse. Sola ergo Sedes Romana eam Synodum fieri voluit, & re ipsa effecit, quamquam non sine ope pii Imperatoris Martiani.

De Sardicensi Concilio, quod à Julio Papa indictum fuerit, habetur ex Socrate lib. 2. Hist. c. 19. ubi dicit, Orientales Episcopos culpam absentiz suæ in Julium Episcopum Romanum contulisse, eoquod nimis angustum tempus præscripsit.

set. Ex quo apparet ab eo potissimum Concilium fuisse indictum.

Concilium V. Constantinopolitanum II. Consentiente Vigilio celebratum fuit, quod illius Acta commemorant.

Concilium VI. Oecumenicum Constantinopolitanum III. rogante & invitante Constantino Imperatore convocavit Agatho summus Pontifex.

Concilium VII. Oecumenicum Nicænum II. pariter Constantino & Irene rogantibus indixit Adrianus Papa I.

Synodus quoque octava Constantinopolitana IV. assentiente Adriano II. Romano Pontifice coacta est, ad quam Legatos suos misit, qui & ei præfuerunt.

Cætera quæ secuta sunt Concilia tacemus, cum nemo neget, ea omnia à Romanis Pontificibus convocata & coacta fuisse. Ergo ex Traditione patet, solius summi Pontificis esse Concilia Oecumenica convocare, nec ea sine illius assensu valere.

Prob. 3tio. Conclusio auctoritate Conciliorum. 1mo. Concilium Nicænum I. antiquissimum Canonem illum, quem Apostolicum esse scribit Beatus Marcellus Papa (q), & quo statuitur, *præter sententiam Romani Pontificis non posse celebrari Concilia*, renovavit, prout testatur Synodus Alexandrina (r), & Julius I. (s)

2do. Concilium Chalcedonense act. 1. Dioscorum Alexandrinum Episcopum prohibet sedere inter Episcopos, eoquod Synodum facere ausus fuisset sine auctoritate Sedis Apostolicæ; *Quod, inquit, nunquam licuit, nunquam factum est.*

3tio. Concilium VII. Oecumenicum act. 6ta. irritum judicat Concilium quoddam Constantinopolitanum, quia sine  
Con-

(p) Eusebius lib. 1. Hist. cap. 4. Item ex Ep. Coelestini ad Cyrillum, quæ habetur inter Opera Cyrilli. Et ex Phoro lib. de septem Synodis. (q) Ep. ad Episc. Antiochenz Provinciz. (r) Ep. ad Felicem Papam. (s) Epist. ad Episc. Orient. apud Socrat. lib. 2. Hist. cap. 13. Sozom. lib. 3. c. 9. Niceph. lib. 9. c. 5.

Consensu Romani Pontificis coactum fuisset ab Imperatore.

4to. In Concilio Romano IV. sub Symmacho Papa celebrato, cum Rex Theodoricus diceret, se Synodum convocasse, ut judicaretur causa hujus Pontificis: responderunt Episcopi omnes, à Papa non à Rege debuisse vocari Synodum, etiam si Papa accusaretur. Rex vero ait, se ex voluntate & consensu Pontificis Synodum convocasse: Episcopi tamen non prius acquieverunt, quam Rex litteras Pontificis proferret, & Pontifex ipse præsens testaretur, ita &c.

5to. In Concilio Florentino sub Eugenio Papa IV. act. 25. dicitur, Auctoritatem ac facultatem convocandi Synodum Oecumenicam, ubi opus fuerit, competere Romano Pontifici, & omnes Patriarchas parere ejus voluntati.

6to. In Concilio Lateranensi V. sub Leone Papa X. sess. 11. asseritur pariter, Romani Pontificis esse, generalia Concilia indicere. Quod decretum factum est paulò antequam Lutherana hæresis nasceretur. Ergo &c.

203 Prob. 4to. Auctoritate summorum ipsorummet Pontificum; quibus semper persuasum fuit, sibi competere jus convocandi Concilia Oecumenica.

1mo. Julius I. sup. cit. Orientales reprehendit, quòd sine suo consensu Concilium Antiochiæ celebrassent; cum tamen ex præscripto Ecclesiæ ipsius, præter sententiam Romani Pontificis non possent Concilia celebrari.

2do. S. Leo. Ep. ad Turbium, quæ est 93. c. 17. *Dedimus, inquit, litteras ad fratres, & Coepiscopos nostros, eisque Concilium Synodi generalis indiximus.*

3tio. Pelagius II. Ep. 1. ad Orientales: *Conciliorum generalium convocandi auctoritas, inquit, Apostolica Sedi B. Patri singulari privilegio tradita est.*

4to. Sixtus III. Pelagii & Leonis Antecessor Ep. ad Orientales: *Valentinianus, ait, Augustus nostra auctoritate Synodum convocavit.*

5to. Adrianus II. Ep. ad Basilium Imperatorem, quæ acta est in Synodo VIII. act. 1. *Volumus, inquit, per tua pietatis industriam Constantinopoli numerosum convocari Concilium.*

6to. His accedat ipse Valentinianus Imperator, qui cum ab Episcopis rogaretur, ut permetteret eis Concilium celebrare respondit (t): *Mibi qui sum in sorte plebis, fas non est, talia curiosis perscrutari; Sacerdotes, quibus ista cura fuit, quocunque voluerint, loco convenient.*

7mo. Legi possunt multi hæc de Canonibus apud Gratianum in Decret. dist. 17.

Prob. 5to. Rationibus Theologicis: 204

1mo. Ex iis quæ hæcenus dicta sunt, constat, nemine contradicente, imò omnibus sive Clericis sive Laicis consentientibus, celebrata fuisse omnia Concilia Oecumenica. Romanis Pontificibus consentientibus & illa vocantibus. Ergo omnibus sive Clericis sive Laicis semper persuasum fuit, jus istud esse penes Romanos Pontifices; alioquin enim nonnulli aut ex Clericis aut ex Laicis, præsertim Principes ejusmodi invocationi obstitissent, cum primum ab Episcopis Romanis tentam advertissent.

2do. Illius solius est congregare Concilia Oecumenica, qui potest singulis totius Orbis Episcopis præcipere, ut ad Concilium convenient: qui enim conventum, cæterum, vel congregationem jure indicit, non precibus, non invitatione tantum, sed præcepto utitur, ut patet ex diplomatibus convocationum, quæ hucusque ab Imperatoribus, aut ab Ecclesiarum Pastoribus factæ sunt. Atqui solus Romanus Pontifex potest singulis totius orbis Episcopis præcipere, ut ad Concili-

cilium convenient, ipse namque solus omnium orbis Episcoporum Episcopus est & Pastor, totamque ubi subjectam habet Ecclesiam. Unde S. Leo: *Per sacram B. Petri S. dem inquit (y), caput orbis esset (Roma) latius populo religionem divina, quam dominatione terrena.* Et Prosper ita canit: (x)

*Sedes Roma Petri, qua pastoralis honoris,*

*Facta caput mundo quidquid non possidet armis,*

*Religione tenet.*

Quibus habetur latius fuisse & esse dominium Romani Pontificis spirituale, quam temporale Imperatorum, quamvis tunc temporis toti ferè orbi dominati sint. At Papa toti, quâ latè per universum mundum patet, Ecclesiæ dominatur.

3tio. Concilia provincialia indicuntur à Metropolitano, & Nationalia à Primate vel Patriarcha, prout omnes cum S. Augustino Ep. 217. ad Victorinum testantur, ne quidem Protestantibus exceptis. (y) Ergo à fortiori Concilia Oecumenica à Romano Pontifice, utpote totius Ecclesiæ Episcopo Universali & Primario indici & convocari debebunt. Nulla enim hæc disparitatis ratio afferri potest. &c.

205

## CONCLUSIO II.

Summi Pontificis est sive per se, sive per suos Legatos Conciliis Oecumenicis præsidere.

Prob. Conclusio 1mo. Ex textibus S. Scripturæ priori conclusione pro jure illius convocandi Concilia Oecumenica adductis, qui æquè pro illius eminentia & jure in iis præstendi pugnant, & probant, summum Pontificem esse Pastorem & Patrem Ecclesiæ universæ, adeo ut omnes fideles cujuscunque dignitatis & conditionis tam Ecclesiastici, quam seculares in rebus fidei & morum ipsi subiecti sint, at-

que respectu ipsius oves & filii dicantur. Atqui par est, ut Pastor & Pater ovibus & filiis ubicunque præsit, & præsideat. Ergo &c.

2do. Act. 15. Concilio Apostolico præsedet Petrus, prout affirmat Hieronymus Ep. ad Augustinum, quæ est 11. inter Epistolâ Augustini; atque ex eo colligitur, quod Petrus primus surgat, primus loquatur, primus quæstionem definiat, & omnes sententiam ejus sequantur. Ergo &c.

Prob. 2do. Ex Traditione, qua habetur, 206 summos Pontifices omnibus Conciliis Oecumenicis vel per se vel per suos Legatos præfuisse, si Synodum II. & V. Oecumenicas excipias, cujus rei rationem reddemus.

1mo. Nicæno I. Concilio nomine & vice Sylvestri Papæ præfuerunt Osius Episcopus Cordubensis, Vitus & Vincentius Presbyteri. Quod habetur 1mo. ex subscriptionibus, hi tres enim primi omnium subscripserunt. 2do. Ex Cedreno in compendio historiæ, & Photio de septem Synodis, qui dicunt, Sylvestrum per suos Legatos Concilio Nicæno auctoritatem contulisse.

3tio. Ex Athanasio Ep. ad solitariam vitam agentes, ubi dicit, Osiûm Principem fuisse in eo Concilio, & ipsum esse, qui composuit Symbolum, quod dicitur Nicænum. At qua ratione id honoris præ Patriarchis Orientalibus habuisset simplex Occidentalis Episcopus, nisi primæ Sedis vices egisset? Unde in quadam præfatione Concilii Sardicensis, quæ habetur Tom. 1. Concil. disertis verbis dicitur, Osiûm Cordubensem in Nicæno Concilio Legatum egisse Romani Pontificis. Qui & eidem Sardicensi Concilio præfuit nomine & vice Juliani Romani Pontificis, tanquam patronus & director, à quo proponebantur singula in Concilio decernenda, quippe primus omnium subscripsit; prout ex illius Concilii Actis constat.

2do. Concilio Ephesino I. Cyrillus Episcopus Alexandrinus præfuit nomine Cælestini

(\*) Serm. 1. de SS. Petro & Paulo. (x) Lib. de Ingratis. (y) Calvin. Lib. 4. Instit. cap. 7. §. 8. Illyricus Cent. 4. cap. 7.

stini Papæ, prout testantur omnes historici, Evagrius lib. 1. c. 4. Photius lib. de septem Synodis. Prosper in Chronico. Nicephorus lib. 14. cap. 34. & Liberatus Abbas in Breviario c. 15. Justinianus in edicto. Nicolaus I. Papa Ep. ad Michaëlem Imperatorem, & denique ipse Cælestinus Ep. ad Cyrillum, quæ extat in hac Synodo cap. 16. Tom. 1. Concil. & inter Opera Cyrilli.

3tio. Leo magnus per suos Legatos præfuit Concilio Chalcedonensi; *In his fratribus*, inquit ipse in Epistola ad Synodum Chalcedonensem hanc (a), *Pa-schasinus, & Lucentius Episcopis, Bonifacius & Basilid Presbyteris, qui ab Apostolica Sede directi sunt, me Synodo vestra Fratritas existimet præfiliere.* Unde ipsius Legati in singulis Concilii Actionibus primi nominantur, primi sedent, primi loquuntur, primi subscribunt, ipsi depositionis sententiam in Dioscorum proferunt nomine Summi Pontificis, & totius Concilii: *Sanctissimus ac beatissimus Papa, caput universalis Ecclesie, Leo per nos Legatos suos*, inquit (a), *sancta Synodo consentiente, Petri Apostoli præditus dignitate, qui Ecclesia fundamentum, & petra fidei, & celestis regni janitor nuncupatur, Episcopalis dignitate Dioscorum nudavit, & ab omni opere sacerdotali fecit extorrem.* Idem disertè asserunt ipsimet Concilii Patres in Epistola ad Leonem, ubi hæc eloquuntur (b): *Quibus (Concilii Episcopis) tu quidem sicut membris caput præeris in his, qui tuas vices obstant &c.*

4to. Sexta generali Synodo præfuisse Agathonem Papam per Petrum & Georgium Presbyteros, ac Joannem Diaconum Legatos suos pater tum ex eo, quod in omnibus actionibus primi nominentur, loquantur, subscribant: Tum etiam, quod in Sermone ad Imperatorem, qui tunc aderat, hujus Synodi Patres hæc

P. Cartier Theol. Tom. I.

de sua definitione loquentes, asserunt: *Per Agathonem Petrus loquebatur.* Multa alia ejusdem generis in istius Concilii variis actionibus legere est.

5to. Septimo Concilio generali Nicæno II. sine controversia præfuit Legati Papæ Adriani I. Petrus Archipresbyter, & Petrus Abbas sancti Sabbæ. Isti enim primi nominantur, & primi subscribunt.

6to. Nomine Adriani Papæ II. octavæ generali Synodo præfuerunt Donatus & Stephanus Episcopi, & Marinus Diaconus, qui primi nominantur, & subscribunt; & in ipsa prima Actione rogati à Concilio, ut ostenderent litteras Papæ, quibus daretur eis præsentia, mox exhibuerunt litteras Adriani. Denique ad finem Concilii ita subscribit primus: *Ego Donatus Dei gratia Episcopus Hostiensis, locum obtinens Domini mei Adriani Universalis Papæ, huic sanctæ, & universali Synodo præfiliens, omnia, qua superius leguntur, promulgavi, & manu propria subscripsi.*

Non opus est, ut de reliquis Oecumenicis Conciliis quidquam hic addamus, nemo enim negat, aut vel minimum dubitat, quin iis Pontifex Romanus præfederit. Ergo ex continua Traditione, & Ecclesiæ consuetudine habemus, propriè ad Romanum Pontificem pertinere munus in Conciliis generalibus præficienti.

Equidem, ut in Conclusionè annotavimus, Concilio secundo generali Constantinopolitano nec per se nec per suos Legatos præfedit Romanus Pontifex Damascus. Convocaverat ipse Episcopos Orientis Constantinopolim, sed inde postea eos Romam venire volebat, ubi ipse coegerat Synodum Episcoporum Occidentalem, ut Romæ fieret plenissimum Concilium. Sed cum translationis suæ eidem legitimæ causæ exposuissent, ultro permisit Pontifex ut emanerent, præsertim cum

Z z

cum

(a) Epist. 47. (a) Aq. 12. (b) Aq. 3. vel post finem Concilii.

cum animo & sententiâ, si non præsentis corporali, Damasi sententiam in Romano Concilio prolatam amplexi fuissent. Unde factum, ut Synodi Aquilejensis, Romana, ac denique hæc Constantinopolitana continua nec interrupta temporis serie initæ, parique auctoritate, Romani Pontificis scilicet, editæ in unum generale Concilium coaluerint, quod Oecumenicum II. nuncupatum est. (c) Certè si Damasus adfuisset, sine dubio præsidisset, cum Concilium *Caput* suum eum vocet & agnoscat, & vicissim ipse eos *filios* suos nuncupet. Vide citatas Epistolas.

Neque etiam Concilio Oecumenico V. Constantinopolitano II. licet Constantinopoli esset, Vigilius Papa interesse voluit. Eidem ergo præsedit Eutychius Menæ in Sede Constantinopolitana Successor; qui tamen agnovit, & professus est, præsentiam debitam fuisse Romano Pontifici, si in Concilio interesse voluisset. Unde Zonaras in vita Justiniani: *Sub hoc, inquit, quintum Concilium est coactum centum sexaginta quinque Episcoporum, quorum Princeps fuit Vigilius Papa.* Et ipse Eutychius Patriarcha Epist. ad Vigilium (d), *Petimus* (inquit nomine Concilii) *præsidente nobis vestra Beatitudine, de tribus capitulis quari, & conferri.*

207 Prob. Conclusio 3tio. Ex eo, quod Concilia vocent Papam *Patrem*, ipse verò Episcopus in Concilio congregatos appellet *Filios*. Ut patet ex Theodoro lib. 5. cap. 10. supra citato, ubi Damasus respondens Episcopis Concilii II. generalis: *Quod, inquit, Apostolica Sedi debitam reverentiam exhibetis, vobis ipsis magno honori est, filii honoratissimi.* Item ex Epistola Concilii Antiocheni ad Julium, quæ sic incipit: *Domino beatissimo & honorabili Patri Julio &c.* Et

Stephanus Archiepiscopus Carthaginensis, cum tribus Conciliis ita scribit: *Domino beatissimo & sancto Patri Damaso &c.* Et Concilium Chalcedonense in Epistola ad Leonem: *Rogamus, inquit, tuis decretis, nostrum honora judicium, ut firmitas tua filiis, quod decet adimpleat.* Atqui nemo ambigit, quin Patres filijs præesse & præsidere debeant. Ergo &c.

Ex hæcenus dictis necessario inferitur, 208 etiam ad solum Romanum Pontificem pertinere quæque Concilia confirmare, atque hic omnia ea argumenta & rationes, quas ad stabiliendas binas priores Conclusiones adduximus, etiam adaptari possunt. Nam utique cujus est Concilia convocare, eis præsidere, huic utique etiam apertè competit jus ea confirmandi.

Et verò Nulla Concilia proferri possunt, quæ firma & rata fuerint, nisi prius à Romano Pontifice confirmata fuerint; è contra, ea omnia velut Concilia bula & Pseudo-Synodi fuere semper rejecta, quæ Sedes Apostolica non confirmavit, sed reject; prout patet exemplo Concilii Ariminensis, de quo ita scribit Damasus Papa ad Episcopos Illyrici (e): *Neque enim præjudicium fieri potuit per numerum Arimini congregatum, quando constat, neque Romanum Episcopum, cujus ante omnia expectanda erat sententia . . . talibus præbuisse consensum.*

Item S. Leo confirmans Chalcedonensem Oecumenicam Synodum, Decretum in ea editum, quo Episcopo Constantinopolitano Metropolitanis Asiæ Ponticæ, seu Thraciæ subiciebantur, irritum fecit, & declaravit; quod propterea semper invalidum remansit. At contra quamvis ea omnia, quæ in Latrocinio Ephesino confecta fuerant, ab hoc ipso Chalcedonensi Concilio rejecta & improbata fuissent, tamen Ordinatio Maximi Antiocheni

(c) Vide Epistolas Damasi ad Concilium Constantinop. & Concilii ad Damasum apud Theodoret. lib. 5. c. 9. & 10. (d) In fine collectionis romæ. (e) Theodoret. lib. 2. c. 19.

cheni Episcopi in eo facta, jussu ejusdem Papæ Leonis firma permanfit.

Denique, ut cætera taceamus, certum est, Synodum Oecumenicam V. ea duntaxat ratione ab Occidentalibus post diutinam tergiversationem tamen curantibus Pelagiô I. & Gregorio Magno Summis Pontificibus acceptatam fuisse, quod à Vigilio Papa confirmata fuisset.

109 Hic etiam operosa admodum questio movetur inter Catholicos & Protestantos, vel nostri ævi A Catholicos seu Novatores; Quinam nempe ad Concilium sint vocandi, atque in eo jus suffragii habeant.

Ultro concedimus ad Concilia vocari debere eos omnes, qui ipsi sunt necessarii, vel tanquam Judices, vel consultores, vel defensores, vel Actorum exceptores, sive sint Clerici, sive Laici. Neque etiam, etsi Concilia generalia ea esse constet, quæ omnium Christianorum Pontificum & Prælatorum convocatione celebrantur, omninò necessarium est, ut omnes illi intersint; secùs enim, cum nullum celebratum fuerit Concilium generale, cui omnes omninò totius Orbis Christiani Præfules interfuerint, sequeretur omnia illa Concilia, quæ ab Ecclesia pro Oecumenicis habentur, non fore generalia. Non igitur ad generale Concilium requiritur etiam omnium Episcoporum congregatio, ita ut nullus defit; verum ad hoc ut ea generalis censeatur, duo hæc duntaxat requiruntur: imò ut evocatio Prælatorum sit generalis. Deinde, ut ex diversis provinciis Conventui adfit Episcoporum multitudo sufficiens ad representandam Ecclesiam universam.

Verùm hæc difficultatem aliquam pati non videntur; potiùs in eo sita videtur, quinam in specie tanquam Judices, seu ad ferendum de rebus propositis definitivum judicium vocari debeant. Protestantes enim contendunt, quemque fide-

lem, sive sit Clericus, sive Laicus, vocari debere ad Concilium, ac habere jus suffragii, seu Judicii definitivi. Contra quos ponitur

### CONCLUSIO III.

210

Jure Divino Episcopi soli jus habent in Conciliis ferendi suffragium decisivum. Ex privilegio autem & Jure Ecclesiastico aliquibus abhinc Sæculis Abbates, ac Generales Ordinum Præpositi etiam Jus illud obtinent, licet non sint Episcopi sed simplices Presbyteri.

Prob. 1ma pars Conclusionis imò Ratione desumpta ex S. Scripturis. Episcopi jure divino sunt Pastores & Doctores Ecclesiæ. *Dabo vobis pastores juxta cor meum*, inquit Deus apud Jerem. cap. 3. v. 15. *& pascunt vos scientiâ, & doctrinâ*. Et Ephes. 4. v. 11. *Altos autem dedit Deus*, inquit Apostolus, *Pastores & Doctores*. Item Act. 20. v. 28. *Attente vobis & universo gregi, in quo vos Spiritus sanctus posuit Episcopos regere Ecclesiam Dei*. Ergo ipsorum est definire in Conciliis ea, quæ sunt credenda, vel agenda. Id enim proprium munus est Pastorum; ut videlicet Christianum gregem suum verâ pascant doctrinâ, hoc est, illum doceant, quid credendum sit & agendum. Unde S. Paulus cit. cap. 4. Epist. ad Ephes. nomen Pastoris cum nomine Doctoris conjungit, quia, prout in hunc locum notat S. Hieronymus, & Augustinus Epist. 59. ad Paulinum, proprium est Pastorum docere.

Prob. 2do. Testimoniò Veterum, qui ubi ipsi de Conciliis sermo est, ad ea celebranda solos Episcopos convenisse eaque celebrasse, ajunt. De Conciliis enim, quæ in Ecclesia celebrata fuere tempore Victoris Papæ super questione Paschatis sic scribit Eusebius (f): *Ob quam causam conventus Episcoporum & Conci-*

Z z 2



*Concilia per singulas quasque provincias convocantur.*

Idem docent Cyprianus Epist. ad Iubajanum, Hilarius lib. de Synodis, Ambrosius Epist. 32. Hieronymus lib. 2. Apologiz contra Rufinum, Augustinus Epist. 119. Leo Epist. 16. & seqq. Rufinus lib. 10. hist. cap. 1. Athanasius Epist. ad vitam solitariam agentes, alique Patres, qui passim asserunt, à solis Episcopis Concilia celebrari, hæcque ipsorum esse.

Theodosius item junior Epist. ad Ephesinam Synodum, quæ extat Tom. 1. Concilii cap. 32. *Illicitum est, inquit, eum, qui non sit in ordine sanctissimorum Episcoporum, Ecclesiasticis immisceri tractatibus.*

Pulcheria quoque Imperatrix Epist. ad Strategum Bithyniæ, quæ habetur ante Concilium Chalcedonense, iussit, ut Clerici, Monachi, & Laici, etiam vi repellerentur à Concilio, exceptis paucis illis, quos secum Episcopi duxerant.

In Concilio Chalcedonensi Act. 1. cum ad Martinum Archimandritam mitteretur, ut subscriberet, respondit, non esse suum sed Episcoporum tantum, subscribere. Et in eodem Concilio, cum pro Dioscuro Monachi, & Laici ingressi essent, sæpius Patres clamarunt: *Mitte foras superfluos, Concilium Episcoporum est.*

212 Prob. 3tio. Ex Conciliis hætenus à Christo usque ad finem Sæculi 16. celebratis, in quibus Episcopi soli fuerunt iudices, utpote à quibus omnium Conciliorum decreta à solis Episcopis facta fuerunt, prout patet ex ipsorum subscriptionibus: neque enim alii, quàm Episcopi in iis subscripisse leguntur, quæ tertiò Ecclesiæ Sæculò habita sunt Romæ in causa Novatianorum, in Africa in causa Baptismatis, in Oriente in causa Montanistarum: nullorum quoque aliorum subscriptum nomen legitur in Conciliis generalibus, quæ per quindecim

vel sexdecim priora Sæcula seu in Oriente, seu in Occidente habita sunt. Et si in quibusdam paucissimis, ut in Florentino, Lateranensi, & Tridentino subscripserunt Abbates, & Generales Ordinum, Episcopi tamen hoc addidère, *Ego Episcopus definiens subscripsi*, juxta utilitatem videlicet in omnibus Conciliis ab ipsis formulam; qua neutiquam usi sunt Abbates &c. &c.

Prob. 4to. Rationibus Theologicis. 1mo. Quia negotia Ecclesiastica & publica à personis Ecclesiasticis & publicis tractanda sunt, ut notum est. Atqui tales personæ sunt soli Episcopi.

2do. Ut quis ad Concilium de jure vocandus sit, atque jus suffragii definitivi habeat, oportet ut jurisdictionem spiritualem in foro externo habeat; cum in Conciliis vel damnari soleant hæreses contra hæreticos, vel condi Canones pro reformatione morum & disciplinæ, vel privatorum Episcoporum, aut aliorum privatarum causæ judicari; qui omnes actus sunt externæ jurisdictionis actus. Atqui soli Episcopi, & nulli alii, habent hujusmodi jurisdictionem. Ergo soli Episcopi de jure sunt ad Concilium vocandi, atque in eo jus suffragii definitivi habent.

3tio. Cum Concilium sit Ecclesiæ representatio, ad illud hi soli admitti debent, atque in eo jus suffragii definitivi habent, per quos possit Ecclesia representari: atqui hi soli sunt Episcopi, nam, ut ait S. Cyprianus, *Ecclesia est in Episcopo*, hique Ecclesiam representant, quemadmodum primates, & præcipui Regni alicujus seu provincie Comitias facientes totum Regnum seu provinciam representare dicuntur. Ergo hi soli de jure ad Concilium sunt vocandi seu admittendi, atque in eo jus suffragii definitivi obtinent.

4to. Si omnes alii quique præter Episcopos ad Concilium admitti deberent, vel nunquam haberi possent Concilia genera-

generalia, quia vix possent omnes convocari & congregari: vel si tandem congregarentur, foret impossibile regere tale Concilium propter nimiam multitudinem; deinde tunc sine dubio plures essent in Concilio inferiores, quam superiores: adeoque verè vinceret major sententia meliorem, & in Ecclesiâ regerentur superiores ab inferioribus, non è contrario, quod absurdissimum est. Denique hac ratione, faciliè posset unus Princeps, in cujus regione fieret Concilium, curare, ut in eo, quod cuperet, definiretur: posset enim facillimè colligere omnes Presbyteros & doctos homines suæ provinciæ, & in Concilium introducere, id quod non possent alii Principes, qui longè abessent, Ergo &c.

sto. Nulla est Respublica, quæ, ratione naturali docente, non habeat aliquem ordinem in Comitibus, ita ut non quicumque de plebe, sed tantum Principes, & capita cæterorum locum & suffragium habeant. Ergo & eadem naturalis ratio persuadet, eundem ordinem in Conciliis, quæ sunt Comitibus Ecclesiæ & spiritualia, servari debere.

214 Prob. 2da. Pars Conclusionis. 1mo. Consuetudo est locò legis Ecclesiasticæ. Atqui aliquibus ab hinc sæculis consuetudo & praxis invaluit, ut Abbates, ac Generales Ordinum Præpositi jus habeant in Conciliis suffragii decisivi. Ergo &c.

Prob. 2do. Abbates & Religiosorum Ordinum generales sunt superiores fidelium exemptorum à jurisdictione Episcoporum. Ergo cum Concilium generale sit universalis Ecclesiæ representatio, & ad illud de jure vocandi sint Episcopi atque in eo jus suffragii decisivi habeant, atque sibi subditos representent fideles; ita pariter ad illud vocandi sunt Abbates & Generales Religiosorum Ordinum Superiores, ut sibi subditos fideles, & ab Episcopis non representatos, utpote Episcopis non subditos, representent, & in quos jurisdictionem quasi Episcopalem

habent. Verum quia hujusmodi jurisdictionem quasi Episcopalem, illamque ab Episcopis exemptionem ex privilegio duntaxat, non ex jure tenent; ideò non de jure sed ex privilegio & consuetudine ad Concilium ut Judices sunt vocandi.

Idem Judicium esto de Cardinalibus non Episcopis. 1mo. Quia ut Cardinales & Papæ collaterales licet non Episcopi, sunt tamen ipsis Episcopis majores ob amplitudinem suæ dignitatis, & assistentiam, ut habetur ex cap. *Ad Apostolicam* de judic. in 6. & ex Clementin. *Pastoralis* eodem tit. 2do. Quia Cardinales suis in titulis jurisdictionem habent Episcopalem, ut constat ex cap. *Isique* de Major. & obedient. Ergo si non de jure, saltem ex consuetudine jure meritò recepta vocandi ut Judices &c.

Circa Concilia generalia id hæc adhuc<sup>215</sup> notatum volumus. Synodum nempe aliquam posse esse generalem seu Oecumenicam tum convocatione, tum congregatione, tum etiam exitu; vel tantum quoad evocationem seu convocationem, aut congregationem, non autem exitu; ut in Latrocinio Ephesino contigit &c.

Hoc quoque diligenter advertendum<sup>216</sup> est, ad Concilium generale non requiri, ut in unum & eundem locum, tum Orientis tum Occidentis Episcopi simul congregentur, sed fieri posse, ut Episcopi Orientis in unam Orientis civitatem, Episcopi verò Occidentis in alteram Occidentis eodem tempore conveniant, & utriusque Synodi simul habitæ consensus pro Concilio generali habeatur. Hac ratione, prout jam supra annotavimus, Concilium Constantinopolitanum I<sup>o</sup> in quod soli Episcopi Orientis convenerunt, fuit Oecumenicum; simul enim sub Damaso Papa Romæ habitæ est altera Occidentalium Synodus, quæ cum Synodo Constantinopolitana de retinenda Spiritus sancti divinitatis fide & confessione consensit.

## Solvuntur Objectiones.

Ob. 1mo contra 1mam Conclusionem. Primorum Ecclesiæ Sæculorum Concilia octo priora ab Imperatoribus convocata fuere. Ergo falsum est, quod ea convocare ad solum Romanum Pontificem pertineat.

Resp. 1mo neg. ant. Illius falsitas patet ex iis, quæ ibidem probatione ada differuimus; ubi aperte demonstravimus omnia omnino Oecumenica Concilia, etiam octo priora auctoritate & consensu Romani Pontificis convocata & coacta fuisse.

Resp. 2do dist. ant. Primorum Ecclesiæ Sæculorum Concilia convocata fuere ab Imperatoribus ex consensu & annutu summorum Pontificum, conc. Præter talem consensum neg. ant. & cons. Propter varias rationes primis Ecclesiæ Sæculis ab Imperatoribus tamen ex Romanorum Pontificum sententia, quod nobis sufficit, ut verè dicantur ipsorum auctoritate convocata fuisse, indicta fuerunt Concilia; 1mo quia tunc adhuc vigeat lex illa Imperialis antiqua, quæ prohibebat omnia collegia, & frequentes hominum Conventus sine Imperatoris auctoritate, eoque metuere Imperatores ne seditio aliqua fieret. Vid. L. 1. ff. de Collegiis illicitis, & L. Conventicula C. de Episcopis & Clericis. 2do. Quia etiam si lex illa non fuisset, cum Imperatores eo tempore in magna orbis parte imperarent, non poterat fieri Concilium nisi in aliqua Urbe Imperiali; nulla aut ratio finit, ut in aliquo loco ex toto orbe Conventus fiat, sine licentia Domini loci illius; prout nunc si Concilium fieret in aliis, quam Romani Pontificis, terris, procul dubio peteretur consensus illius, cujus foret illa civitas vel provincia, in qua Concilium celebrari oporteret. 3tio. Tunc pauper erat Ecclesia, atque vix suis sumptibus potuisset in generale Synodum convenire: ferebant ergo summi Pontifices, & consentiebant, ut, ubi Ecclesiæ

necessitas id exigebat, Imperatores Episcopos ad Concilia vocarent, utpote quibus vehicula & alimenta præbebant, ut patet ex Theodoro lib. 2. c. 16. Item ex Epistola Constantini IV. ad Pontificem Romanum, quæ habetur initio sextæ Synodi. Sed nobis sufficit, quod hujusmodi convocationes annuente & consentiente Papa ab Imperatoribus factæ fuerint, ut verè dicere possimus auctoritate summorum Pontificum Concilia coacta & convocata fuisse.

Denique etsi ultro concederemus, à solis Imperatoribus olim convocatas fuisse Synodos Oecumenicas, non tamen sequeretur, id ipsis de jure competuisse; nam facta diligenter à jure sunt distinguenda: nec enim sequitur ejus in rem aliquam competere, qui eam sibi vindicat &c.

Ob. 2do. Dari possunt occasiones, in quibus possunt convocari Concilia ab aliis, quam à Papa; ut e. g. 1mo quando Papa illud, etsi Ecclesiæ necessitas id exposcat, convocare renuit; 2do. Quando Papa est Hæreticus vel Schismaticus; 3tio. Quando Papa est captivus apud infideles, vel mortuus, vel infans effectus, aut renuntiasset. Ergo &c.

Resp. neg. ant. Hi omnes casus sunt Metaphysici. Nam quoad 1mum. Nullus Pontifex est adeo iniquus, qui non velit Concilium celebrari, si aperte constet, id esse necessarium Ecclesiæ conservationi. Quod si verò talis esset, tunc procul dubio Deus, qui Ecclesiam conservat, vel ejus mentem mutaret, vel eum de medio tolleret; & si nihil horum fieret, possit haberi tanquam suspectus de hæresi. Nam, ut dicitur Can. Error & seqq. Dist. 83. *Qui errori manifesto non resistit, cum possit & debeat, eum approbare censetur.*

Ad 2dum & 3tium dicimus, si vel per impossibile casus ille contingeret, hujusmodi Concilium fore imperfectum, cum in nullo casu possit sine Pontificis auctoritate convocari perfectum Concilium, quod

quod videlicet auctoritatem habeat definiendi res fidei, cum, ut jam demonstravimus, præcipua Ecclesiæ auctoritas in illius Capite sita sit; Erit ergo talis Synodus imperfecta, ut diximus, sed tamen sufficiens ad providendum sibi de Capite; Ecclesia enim sine dubio habet auctoritatem providendi sibi de Capite, quamvis non possit sine Capite de multis statuere, de quibus potest cum Capite, ut recte docet Cajetanus in opusculo de potestate Papæ c. 15. & 16. & multo ante ipsum Presbyteri Romanæ Ecclesiæ in Epistola ad Cyprianum, quæ est 7. lib. 2. in Operibus S. Cypriani. Porro tale imperfectum Concilium fieri poterit, si vel indicatur à Collegio Cardinalium, vel ipsi per se Episcopi in unum locum conveniant.

219. Ob. 3tio. Contra 2dam Conclusionem. In veteri Testamento præcipui, etiam in rebus spiritualibus, fuerunt Principes seu Reges, ut patet de Moyse, Josue, Davide, Salomone, Ezechia, Josia. Accedit, quod Deus commisit Principibus custodiam Legis divinæ, ut dicitur Rom. 13. v. 4. *Si malum feceris, time, non enim sine causa gladium portat.* Ergo & in novo Testamento Principum erit judicare de Lege Dei, quomodo sit servanda, & punire transgressores; adeoque & in Conciliis Oecumenicis præsidere.

Resp. neg. vel dist. ant. In veteri Testamento in rebus etiam spiritualibus præcipui Judices fuerunt Principes & Reges, tanquam meri Principes Sæculares neg. ant. tanquam Sacerdotes etiam & Prophetæ conc. ant. & neg. conf.

Moyse non solum Princeps fuit sed etiam summus Sacerdos, ut patet ex Psalm. 98. v. 6. *Moyse & Aaron in Sacerdotibus ejus.*

Josue autem, David, Salomon, & quidam alii, non solum Reges, sed etiam Prophetæ fuerunt, quibus Deus quædam extraordinaria commisit, quæ alioquin ad Sacerdotes spectabant. Hocmodò Salomo

Rex amovit Abiathar à Sacerdotio, & constituit pro eo Sadoc 3. Reg. c. 2. v. 27. id enim fecit, non ut Rex, sed ut Propheta ex divina inspiratione; unde ibidem hujus amotionis causa subjungitur: *Ut impleveretur sermo Domini, quoniam locus est super domum Heli in Silo.* Sed propter ista extraordinaria non est delenda ex Deut. c. 17. v. 8. lex illa generalis, qua jubentur omnes in dubiis circa legem recurrere ad Sacerdotes. Neque illa Malachiæ cap. 2. v. 7. *Labia Sacerdotis custodient scientiam, & legem requirunt ex ore ejus.*

Ad confirmationem dicimus: Reges esse custodes Legis divinæ, sed non interpretes, & proinde ad eorum officium pertinet, ut Legibus, & Edictis suis jubent eam fidem teneri, quam Sacerdotes tenendam docent, & Hæreticos ab Ecclesia judicatos coercant pœnis temporalibus; ut Augustinus docet En. 48. 50. & 166. necnon pii Imperatores, Constantinus, Theodosius, Martianus, alique id sæpè testati sunt, ut patet ex L. *Cum hos populos.* Cod. de summa Trinitate & fide Catholica; & ex toto titulo de Hæreticis eodem Codice.

Ob. 4to. In primis Orientalibus Conciliis semper præfuere Imperatores, vel eorum Legati, & nunquam summi Pontifices aut eorum Legati. Ergo Imperatoris est, non Romani Pontificis, generalibus præsidere Conciliis.

Resp. neg. ant. cujus falsitas patet ex iis argumentis, quæ Conclusionem 2da ad stabiliendam sententiam nostram adduximus. Id enim juris non habent Imperatores, seque non habere satis testatus est religiosissimus Imperator Constantinus in primo Nicæno Concilio, in quo nedum minime voluit præesse, sed nec in eodem, quo Episcopi, loco sedere voluit, atque publice professus est, se non Episcopos judicare, sed ab Episcopis judicari debere. Quod si primum locum materiale in Conciliis interdum tenuerunt Imperatores, tenuere non ut Judices & definientes, sed

sed solum honoris causa; non ut Concilii Præsidēs aut Judices, sed ut defensores ac tutores.

- 221 Ob. 5to. Imperator Theodosius facultatem fecit Diofcoro, ut secundo Concilio Ephesino præficeret. (g) Ergo Imperatori persuasum fuit, penes Imperatores esse jus præsidendi Conciliis aut per se ipsos, aut per alios, etiam quoad vim directivam, & jus suffragii.

Resp. conc. ant. dist. conf. Ergo Imperatori persuasum fuit penes &c. ex errore, conc. ex vera scientia neg. conf. Id, ut patet ex Evagrio, Chrysostomus præfectus Palatii & alii Eutychetis defensores callide Imperatori persuaserant, ut Flavianum, à quo damnatus fuerat Eutyches, facilius opprimerent.

- 222 Ob. 6to. Carolus Magnus quoad vim directivam & jus suffragii præfuit Concilio Francofordiensi, quod contra Elipandum habitum est (h), ut ipsemet testatur in sua ad Elipandum Epistola, ubi sic loquitur: *Scriptum itaque in Epistola vestra hujusmodi precationem invenimus: Poscentes ut per te arbiter sedens: ecce ego vestris petitionibus satisficiens, congregationis Sacerdotum auditor & arbiter adsedi.*

Resp. neg. ant. Ibi equidem arbiter fuit Carolus Magnus, quoad ordinem formandum, & conciliandam in Synodo pacem; non verò quoad jus suffragii. Certè Carolus Magnus non alia ratione arbiter fuit in Concilio Francofordiensi, quam fuerit in Concilio Ratisbonensi prius, annò videlicet 792. in eadem Elipandi & Felicis causa celebrato, in quo præfuisse dicitur; at in isto Concilio non habuit directionem ac jus suffragii, ut habetur ex Alcuino, qui lib. 1. contra Elipandum, in Concilio Ratisbonensi, eodem glorio

Principe præsidente, Felicem præsentem damnatum fuisse *Synodali auctoritate Sacerdotum Christi*, ait.

Ob. 7mo Illi præfuerunt Conciliis quoad jus suffragii, qui ea confirmarunt approbata & consentiente Ecclesia. Atqui Imperatores, approbante & consentiente Ecclesia seu Episcopis, Concilia confirmarunt. Ergo &c. Prob. min. testimoniò Eusebii lib. 3. de vita Constantini cap. 17. ubi refert Epistolam, qua laudatus Imperator confirmavit Nicænam Synodum: *Planè* (inquit in ea Imperator) *divinum mandatum suscipite: quidquid enim in sanctis Episcoporum Conciliis geritur, id omne referendum est ad divinam voluntatem.* Patres alterius Concilii generalis rerum à se in Concilio gestarum confirmationem petunt ab Imperatore Theodosio: *Rogamus*, inquit, *tuam clementiam, ut per litteras quoque tua pietatis confirmetur Concilii decretum.* Idem in Actis primi Concilii Ephesini, & in Actis tum sextæ, tum septimæ Synodi generalis videre est. Ergo &c.

Resp. dist. maj. Illi præfuerunt &c., qui ea confirmarunt, quoad vim obligandi in conscientia, conc. maj. quoad externam tantum executionem, neg. maj. &c. Principes confirmationem, de qua agitur, Conciliis auctoritatem intrinsecam non conciliârunt, sed externam tantum, seu effecerunt, ut executioni mandarentur. Undè per eam confirmationem non se exhibuerunt Judices rerum Ecclesiasticarum, sed executores duntaxat decretorum à Conciliis emanatorum. *Convenit*, inquit Rex Gunthramnus confirmans alterum Concilium Matisconense, *ut distinguat legalis ultio Judicum, quos non corrigit canonica prædictio Sacerdotum.*

Ob. 8vo.

(g) Evagrius lib. 1. c. 10. *Item* Sacra Theodosii ad Diofcorum. (h) An. 794. Elipandus Nestori hæresim renovabat duas in Christo personas asserentis, socium habuit Felicem Urgellitanum; ambo Episcopi Hispani ille Toletanus, ille Urgellitanus.

224 Ob. 8vo. Contra 3tiam Conclusio-  
nem. In Concilio generali Apostolico  
pro determinanda Legalium cessatione Je-  
rosolymis habito, quodque cæterorum  
Conciliorum norma esse debet, interfue-  
re non solum Apostoli, sed etiam Presby-  
teri omnes, juxta illud Act. c. 15. v. 6.  
*Convenerunt Apostoli & Seniores videre de  
verbo hoc* Ubi nomine Seniorum intelli-  
guntur Presbyteri curam animarum habentes;  
imò interfuere & Laici, ut colligitur  
ex contextu sequenti: *Tunc placuit  
Apostoli & Senioribus, cum omni Eccle-  
sia.* Ergo non solum Episcopi, sed etiam  
Presbyteri, præsertim curam animarum  
habentes, seu Parochi, imò & alii viri do-  
cti, licet Laici, sunt ad Concilium ut Ju-  
dices vocandi.

Resp. Conc. ant. neg. conf. Ratio  
est, quia licet hi omnes interfuerint præ-  
dicto Concilio, non tamen eodem modo  
eodemque jure, & ut Judices; nam Apo-  
stoli interfuere, ut judicarent, juxta il-  
lud Jacobi ibidem dicentis: *Propter hoc  
ego judico &c.* Seniores ut consultarent,  
& inquirerent, juxta illud, *Et cum ma-  
gna disquisitio fieret; Cæteri verò Laici,  
ut tacerent, & acquiescerent, Et tacuit  
omnis multitudo.* Et hoc idem in cæteris  
Conciliis fieri consuetum est. Episcopi  
enim, cæterique habentes vel ex consue-  
tudine vel ex privilegio suffragium decisi-  
vum interfunt, ut judicent & definiant;  
alii viri docti, ut consulant, & inquirant;  
cæteri Laici, ut taceant, & definitionibus  
acquiescant. Adde, per *Seniores* hic intelli-  
gi tam Episcopos, quam Presbyteros, juxta  
illud Petri Epist. 1. c. ult. v. 1. *Senio-  
res ergo, id est Episcopos, qui in vobis sunt,  
obsecro, Confensor, id est, Cœpiscopus,  
... pascite, qui in vobis est, gregem  
Dei.* Ergo Seniores illi, qui, ut de le-  
galibus judicarent, cum Apostolis conve-  
nerant, erant Episcopi &c.

P. Cartier Theol. Tom. I.

Ob. 9no. Causa communis communi-  
bus votis est ab omnibus tractanda. Ergo,  
cum causa fidei, quæ solet in Conciliis  
tractari, sit Christianis omnibus, etiam  
Laicis communis, ab iis omnibus est tra-  
ctanda in Conciliis.

Confirmatur ex Canone *Ubinam*, Dist. 226  
96. in quo sic Nicolaus Papa I. loquitur  
(i): *Ubinam legistis Imperatores aut. cef-  
santes vestros Synodalibus conventibus inter-  
fuisse, nisi forte in quibusdam, ubi de fide  
tractatum est, quæ universalis est, quæ om-  
nium communis, quæ non solum ab Clericis,  
verum etiam ab Laicis & omnes omnino per-  
tinet Christianos?*

Resp. Dist. ant. Est ab omnibus tra-  
ctanda diversò modò, conc. Eodem mo-  
do neg. ant. & conf. Licet causa victo-  
riæ à toto exercitu sit promovenda, non  
tamen eodem modo ab omnibus, sed à  
Ducibus ut præcipientibus & dirigentibus;  
à speculatoribus, ut vigilantibus & inqui-  
rentibus; à militibus verò ut pugnantibus:  
ita etiam fidei causa est ab omnibus tra-  
ctanda; & re ipsa in Conciliis ita tracta-  
tur ab omnibus, sed diversò modò; ab  
Episcopis nempe, ut Judicibus definiten-  
tibus; ab aliis non Episcopis, sed peritis  
& doctis, ut consultantibus & inquirerenti-  
bus; à Laicis ut audientibus & acquie-  
scentibus.

Ad Confirmationem dicimus, in eo  
valere Nicolai Papæ argumentum, quod  
Imperatores communem causam, tanquam  
fidei defensores, tueri debeant, non au-  
tem tanquam Pastores, Doctores, & Ju-  
dices: unde Theodosius Junior in Episto-  
la ad Ephesinam Synodum sic de se ipso  
loquitur: *Illicitum est, enim, qui non sit  
in ordine sanctissimorum Episcoporum Eccle-  
siasticis immisceri tractatibus.* Synodus er-  
go interesse debet, aut potest Imperator,  
in quibus de fide tractatur, non quidem  
ut Judex, sed ut talis, cui incumbit de-  
fendere

A a a

(i) Epist. ad Michaelem Imperatorem.

fendere communem fidem edicis ac legibus, & si oporteat, etiam gladio.

- 227 Ob. 10mo. Singuli fideles habent jus suffragii decisivi in cœtibus, qui universam Ecclesiam repræsentant. Atqui Concilia generalia universam Ecclesiam repræsentant, prout videre est ad Caput Conciliorum Constantinensis, & Basileensis. Ergo &c.

Resp. Neg. maj. Ratio est, quia universa Ecclesia perfectè repræsentatur per Clericos, qui illius sunt Duces & Pastores; nam, ut supra ex Cypriano (k) retulimus, *Ecclesia est in Episcopo*, seu in Episcopo repræsentatur. Et S. Augustinus asserit (l), *Concilium plenum, in quo soli fuerunt Episcopi, esse totius terrarum orbis consensum*.

- 229 Ob. 11mo. Nonnunquam Deus idiotis, sed aliunde piis, revelat mysteria, quæ nec Episcopis, nec ipsi etiam Concilio generali revelat. Ergo Idiotis ejusmodi tribui debet in Conciliis judicium decisivum.

Præterea aliqui simplices Clerici, imò etiam Laici doctiores sunt pluribus Episcopis, ac proinde non minus, quam Episcopi debent in Conciliis habere suffragium. Unde Gratianus ait Dist. 36. quæst. 2. Can. ult. Hieronymi auctoritatem Scripturâ sacra munitam, toti generali Concilio præjudicasse. Unde Panormitanus in Cap. *Significasti* de Electione ait, unius privati sententiam præponendam esse sententiæ Papæ, si ille privatus moveatur melioribus auctoritatibus Testamenti veteris & novi. Unde denique Gerson part. 1. de *examinatione doctrinarum* docet, quemcumque hominem doctum posse, & debere toti Concilio resistere, si videat illud ex malitia, vel ignorantia errare. Ergo &c.

Resp. ad 1um argumentum neg. ant. Nempe in rebus, quæ ad fidem aut mores

spectant, Concilia generalia post diligens examen semper, Deo specialiter adjuvante, prout sequenti §. demonstrabimus, certò cognoscunt, quid de iis capitibus Scriptura aut Traditio docuerit: ac proinde, quid de iis Deus Apostolis revelaverit.

Ad 2dum conc. ant. neg. conf. ob eandem, quæ modò à nobis prolata est, rationem. Deinde, ut quis ferat judicium decisivum, non sufficit doctrina, sed præterea requiritur jurisdictio; nam ejusmodi suffragium ligat fideles ad credendum, aut agendum, quod eo suffragio, aut credi, aut agi debere definitum est.

Ad testimonia Gratiani, Panormitani, & Gersonis Resp. ea tam exigui ponderis esse, ut à nobis omnino contemnenda sint. Gratianus enim multa falsa suo Decreto aspersit, prout eruditi omnes testantur, præterquam enim, quòd hic non de generali quodam, sed particulari duntaxat Concilio loquatur, profectò verba illa, quæ ipse hic Hieronymo tribuit, nusquam in illius Operibus inveniuntur, nec ejus verba esse videntur. Equidem dixit Hieronymus secundum legem veterem licuisse raptori ducere in uxorem mulierem à se raptam, si pater ejus consentiat: Concilium autem statuit, non obstante veteri lege illa, quæ judicialis est, & Christianos non obligat, non licere raptori in uxorem ducere eam, quam rapuit. Quodnam proinde ex hoc Hieronymi asserto Concilio præjudicium illatum? proinde nullum, Gratianus ergo hic, ut & alibi sæpius, est lapsus, non enim pugnant Hieronymus, & Concilium.

Panormitanum quod attinet, omisso, quòd ipsi non sit sermo de sententia privati ejusdam comparata ad sententiam Occumenici ejusdem Concilii, sed Papæ tantum, quæ de re hic non loquimur, certè eum imperitè differere nemo non videt. Unde

(k) Lib. 4. Epist. 9. (l) Lib. 1. de Bapt. c. 18.

Unde enim habebitur, sententiam seu opinionem hujus privati hominis melioribus S. Scripturæ auctoritatibus munitam esse, quam Papæ? Certè non ex Scriptura ipsa, hæc enim circa eas auctoritates ab ea cruentas nihil certò & apertè definit; neque ad spiritum privatum provocari poterit, cum utrique tam Papæ, quam privato illi sit suus privatus spiritus, quo freti tutò asserere possint, suam opinionem melioribus fulciri S. Scripturæ testimoniis &c. Ignoscendum ergo Panormitano, qui rem melius non examinaverit, & perceperit; etsi intelligendus sit, non aliter hic de Papa differuisse, nisi prout tanquam privatus Doctor sententiam suam promittit, quo casu cum errori obnoxium esse ultrò fateamur, sicque fieri posse ut tunc privati aliquis opinio præponi possit.

Ad testimonium Gersonii eadem est responsio ac ad Panormitani auctoritatem. Nec mirum, quòd tam imperitè hic loquatur Parisiensis Cancellarius iste, quippe qui alibi taceatur (*m*), vel minimam vetulam, reliquis id facere reuenticibus, convocando Concilio Oecumenico aptam esse; quod quàm absurdè, ne quid amplius dicamus, prolatum sit, vel lippus videt.

- 330 Ob. 12mo. Multi Veteres testantur, quòd coram populo tanquam Judice causæ fidei disputatæ fuerint. Sic disputarunt Apostolus Petrus, & Simon Magus; teste Clemente lib. 1. & 2. Recognitionum. Archelaus Episcopus, & Manichæus; teste Epiph. hæres. 76. Sylvester Papa, & Judei; apud Zonaram in vita Constantini. Athanasius, & Arius; teste Vigilii Episcopo Tridentinò. Augustinus, & Maximinus; prout ipse Augustinus refert lib. 1. cont. Maximin. c. 1. Quòd etiam in Concilio Nicæno multi fuerint Laici docti, & eloquentes, patet ex Nicephoro lib. 8.

c. 14. Populum esse judicem in fidei causis ultro fatetur etiam S. Ambrosius Epist. 32. ubi, *Causam fidei*, inquit, *in Ecclesia agendam quis abnuat? si quis confidit huc veniat.* Et paulò post: *Iste populus judicat, cujus in corde lex divina est, non humana, lex non atramentò scripta, sed Spiritu Dei vivi.* Et infra: *Sed Auxentius*, inquit, *certus non ignarus vos esse fidei, vestrum refugit examen.* Ergo &c.

Resp. Dist. ant. Causæ fidei disputatæ fuerunt coram populo tanquam Judice privato & cujus judicium neminem obligaret, transf. ant. tanquam Judice publico, cujus judicium cum auctoritate profertur, & cui cæteri omnes acquiescere teneantur, neg. ant. & conf. Responsio patet ex dictis. Certè judicium publicum in causis fidei nunquam populo tributum fuit; judicium autem aliquando eidem tributum fuit, cum nempe aliud institui non potuit. Tenentur quidem populi sequi judicium Pastorum suorum: tamen quando Hæretici impunè versantur cum Catholicis, multosque seducunt, expedit quandoque publicas disputationes coram populo cum iis inire, eique judicium relinquere, ut sequatur, quos viderit melioribus niti argumentis; prout fecit Elias lib. 3. Reg. c. 18. qui cum non posset aliter revocare populum à cultu Idoli Baal, instituit certamen cum Prophetis Baal præsentem populo, & ait: *Qui exardierit per ignem, ipse sit Deus.* Si Dominus est Deus, sequimini eum, si autem Baal, sequimini illum. Id patet ex cit. Ep. 32. S. Ambrosii, ubi ait: *Veniant plures, si qui sunt, ad Ecclesiam, audiant cum populo, non ut quisquam iudex resideat: sed unusquisque de suo affectu habeat examen, & eligat quem sequatur.* Ubi vides negari populo judicium publicum, tribui privatum, cur autem id fieret, causa erat, quia

A a a 2

(*m*) Tract. de Med. reuendendi & reformandi Ecclesiam c. 21. pag. 109. apud von der Hardt Tom. 2. Añ. Conc. Constat. part. 5. pag. 70. & Tom. 2. Oper. Gerson.



quia tunc Mediolani Imperator Arianis favebat, nec poterat aliud obtineri.

Quod Concilium Nicænum attinet, Laici ad illud vocati non fuerunt, neque Concilii Actis interfuerunt; sed proprio motu venerunt, ut extra Concilium cum Episcopis disputarent, quos audierant ex toto orbe eo convenisse.

## §. II.

### 231. *An Ecclesia seu Concilium sit supremus & infallibilis controversiarum fidei &c. Judex.*

Jam supra hujus Capitis exordio diximus, nobis, ubi de Ecclesie auctoritate agimus, perinde esse, sive Ecclesiam sive Concilium Oecumenicum nominemus, nec immerito; quemadmodum enim in quolibet Regno sive Republica Senatus sive Comitia & Ordines, ut vocant, totum Regnum seu Rempublicam representant, sic etiam Concilia Oecumenica, totam Ecclesiam, quæ Christi Regnum est, representant; & sicut ea, quæ ab hujusmodi Comitibus, & Ordinibus simul congregatis statuuntur, totius Regni aut Rempublicæ decreta nuncupantur, sic etiam Conciliorum Oecumenicorum definitiones & decreta, quæ omnium Episcoporum ibidem congregatorum consensu fiunt, totius Ecclesie definitiones & decreta vocantur, ac proinde Concilium hujusmodi universalis Ecclesie consensum obtinet.

Id confirmat S. Scriptura, ubi 3. Reg. c. 8. v. 22. cœtus Principum, qui cum Salomone in Templo convenerant, vocatur *Ecclesia Israel*, impossibile enim erat, ut omnis Israel, qui superabat numerum mille millium hominum, in Templo simul esset; adde, quod initio capitis dicatur, convenisse ad Regem Sacerdotes, & Capita Tribuum. Ergo quemadmodum hi

Ecclesiam Israel representabant, ita etiam Concilium, seu Episcopi in Synodo congregati Ecclesiam Christianorum exhibent.

Et S. Cyprianus, cum lib. 4. Epist. 9. ait, *Ecclesiam esse in Episcopo*, procul dubio intelligit, in omnibus Episcopis esse omnes Ecclesias.

Item Athanasius Epist. de Synodis Arianensi & Seleucienſi; & in Epist. ad Episcopos Africanos. Epiphanius in fine Anchoratus. Eusebius lib. 3. de vita Constantini. Augustinus lib. 1. cont. Donat. c. 18. & lib. 2. c. 4. & lib. 4. c. 6. Gelasius Epist. ad Episcopos Dardaniz. Gregorius lib. 1. Epist. 24. ad Joannem Eulogium aliosque Patriarchas. Octava quoque Synodus Act. 5. vocant Concilium generale *Conventum orbis terra*. Denique Martinus V. in fine Concilii Constantiensis jubet interrogari suspectos de hæresi, *an non credant, Concilium generale universam Ecclesiam representare*. Sit igitur

## CONCLUSIO.

232

Ecclesia seu Concilium Oecumenicum est supremus & infallibilis controversiarum fidei Judex, etiam in questionibus facti dogmatici. (n)

Hæc Conclusio prorsus convenit cum iis, quas in Tractatu de S. Scriptura cap. 5. & 6. partis 1. posuimus circa Canonem & sensum S. Scripturæ, & ubi probavimus ad Ecclesiam pertinere supremum & infallibile judicium Scripturarum Canonem & sensum definire, unde, quoad illius primam partem saltem, omnia ea argumenta, quæ ibidem protulimus, hic adaptari possunt; quæ videri possunt: cum enim omnes fidei controversiæ circa sensum S. Scripturæ præcipue versentur, necnon Ecclesie, seu Concilii Oecumenici eam representantis de illo judicium esse

(n) Vid. inf. Exercit. 15. n. 264. & seq.

esse supremum & infallibile ibidem demonstraverimus; aperte utique sequitur, ejusdem etiam judicium de fidei controversiis supremum esse & infallibile. Ulterius tamen

Prob. Conclusio prima pars 1mo. Ex S. Scriptura. 1mo Matth. 18. v. 17. 18. & 20. hæc ipse Christus eloquitur. *Si frater tuus Ecclesiam non audierit, sit tibi sicut Ethnicus & Publicanus. Amen dico vobis*, Apostolos tanquam Ecclesiæ Prælatos & Pastores alloquitur, quæcunque alligaveritis super terram, erunt ligata & in celo &c. Et, *Ubi sunt duo vel tres congregati in nomine meo, ibi sum in medio eorum*. Ergo qui Ecclesiæ definitionibus in materia fidei non acquiescit, reputari debet tanquam Ethnicus & Publicanus, adeoque ab Ecclesia extorris. Ergo quæcunque Ecclesia seu Concilium sua definitione ligat super terram, sunt etiam ligata in celo. Ergo cum in Concilio in nomine Christi congregati sint Episcopi, etiam in medio eorum est Christus ipse. Adeoque Ecclesia seu Concilium est supremus & infallibilis fidei controversiarum Judex.

2do. Prius nempe c. 16. v. 18. Petro dixerat: *Tu es Petrus, & super hanc Petram ædificabo Ecclesiam meam, & portæ inferi non prævalerunt adversus eam*. Ergo, quia portæ inferi adversus Ecclesiam nunquam sunt prævalituræ, ipsa in suis circa fidem judiciis supremis sit infallibilis necesse est.

3tio. Ibidem cap. ult. v. 20. *Ego*, inquit, *vobiscum*, id est Apostolis & eorum Successoribus, *omnibus diebus usque ad consumptionem sæculi*. Ergo si Christus semper est cum Apostolis & eorum Successoribus seu Ecclesia, hæc in suis definitionibus est supremus & infallibilis Judex, nec unquam errare potest, aliàs Christus posset eam deserere.

4to. Apostolus 1. Timoth. 3. v. 15. *Ecclesia Dei vivi*, inquit, *est columna & firmamentum veritatis*. Ergo & supremus ac infallibilis fidei controversiarum Judex.

Prob. Conclusio 2do. Ex Conciliis. 1mo. Ex Concilio Apostolorum Act. 15. quod omnium Conciliorum post illud celebratorum norma & regula est; ubi dicunt Apostoli: *Visum est Spiritui sancto, & nobis*. Ergo etiam omnia Concilia Oecumenica auctoritate Spiritus sancti pronuntiant, non enim minus aliis temporibus, quam Apostolicis, Ecclesiæ, ut se ipsam ab erroribus immunem conservet, opus est Spiritu sancto, à quo veritatem in Conciliis doceatur &c. adeoque sunt infallibilia.

2do. Omnia sive antiqua Concilia sive recentiora pro Hæreticis habuerunt, atque anathemate damnaverunt eos, qui Conciliariter editis fidei definitionibus subscribere & acquiescere renuerunt. Jusserunt quoque fidelibus, ut id, quod definierant, ex animo crederent. Spiritui sancto editas à se definitiones, ad exemplum Concilii Apostolici, tribuerunt. (o) Memoria quoque proditum est, viros maxime pios, & doctos exilia, mortem ipsam passos fuisse pro generalium Conciliorum definitionibus; nec debere in Conciliis posterioribus iterum examinari fidei aut morum definitiones editas in prioribus generalibus Conciliis. (p) Quæ omnia Concilia legentibus & Historiam Ecclesiasticam aperta sunt. Ergo hujusmodi Ecclesiæ seu Conciliorum Oecumenicorum Judicia suprema sunt & infallibilia.

Prob. 3tio. Ex SS. Patribus. S. Irenæus 134 lib. 1. adver. hæc. c. 4. *Non oportet*, inquit, *adhuc quærere apud alios veritatem, quam facillè est ab Ecclesia sumere*.

S. Athanasius Ep. ad Epictetum, quam recitat Epiphanius hæresi 77. miratur, quomodo quidam audeant questionem

A a a 3 move-

(o) Et se in Spiritu sancto congregatos affirmant. (p) Vid. Conc. Ephes. circa finem; & Chalcedonense Act. 5. Can. ult.

movere de rebus in Nicæno Concilio definitis, cum non possint Decreta ejusmodi Conciliorum mutari, nisi errando. Et *Verbum Domini*, inquit (p) *per Oecumenicam Nicænam Synodum manet in æternum.*

S. Leo Epist. 61. ad Concilium Chalcedonense, & Ep. 62. ad Maximum Antiochenum docet, semel in Concilio generalibus definita retractari non posse. Quod etiam statuitur à Gelasio I. Ep. ad Episcopos Dardaniæ. Idem S. Leo Epist. 78. ad Leonem Augustum docet, non posse inter Catholicos computari eos, qui resistunt Nicæno, vel Chalcedonensi Concilio. Et Epist. ad Anatolium 77. jubet quemdam Atticum Presbyterum, aut acquiescere Chalcedonensi Concilio, aut excommunicari. Epistolâ verò 83. ad eundem & 84. ad Martinum Imperatorem affirmat, Nicæni Concilii Canones per sanctum Spiritum esse ordinatos. Et Epist. 37. ad Leonem Augustum asserit, Chalcedonense Concilium per Spiritum sanctum congregatum fuisse.

S. Basilius Epist. 78. in qua explicat fidem, docet suspensis de hæresi proponenda esse Decreta Concilii Nicæni, inde enim apparituum, hæreticæ sint, an Catholici.

S. Gregorius Nazianzenus Oratione in Athanasium, dicit, Episcopos à S. Spiritu congregatos in Concilio Nicæno fuisse.

S. Cyrillus lib. 2. de Trinitate, vocat Decretum Concilii generalis Nicæni *Divinum, & sanctissimum Oraculum.*

S. Ambrosius Epist. 32. *Sejuor*, inquit, *Tractatum Nicæni Concilii, à quo me nec mors, nec gladius poterit separare.*

Hilarius re ipsa exilium passus est propter Nicænam fidem, ut ipse testatur in fine libri de Synodis.

Victor Africanus in tribus suis libris de Wandalica persecutione describit plurima celeberrima martyria Sanctorum, qui pro fide in Concilio generali explicata mortui sunt.

S. Hieronymus lib. cont. Luciferian, loquens de Athanasio, Hilario, Eusebio, aliisque sanctis Confessoribus: *Quomodo poterant*, inquit, *adversum Synodum Nicænam facere, propter quam exilia sustinuerunt.*

S. Augustinus lib. 1. cont. Crescon. c. 32. *Cum ista questio* ( de Baptismo hæreticorum ) *fluctuaret*, inquit, *& varias haberet inter se collegarum salva unitate sententias, hoc per universam Catholicam observari placuit, quod tenemus.* Et lib. 1. de Baptismo c. 18. hac tantum ratione excusat de hæresi Cyprianum, quod adhuc eo tempore non existerit generale Concilium, quo definiretur illa de Baptismo hæreticorum questio. Notum etiam est famosum illud hujus sancti Ecclesiæ Doctoris dictum lib. cont. Ep. fund. c. 5. *Ego verò Evangelio non crederem, nisi me Catholica Ecclesia commoveret auctoritas.*

S. Gregorius Magnus lib. 1. Epist. 24. affirmat, se venerari quatuor prima Concilia, sicut quatuor Evangelia, atque anathema dicit, non recipientibus prima quinque generalia Concilia, quæ suo tempore sola fuerant celebrata.

Nicolaus I. Epist. ad Michaellem, Decreta Conciliorum vocat, *divinitus inspiratas sententias.*

Accedant denique Imperatores Constantinus, & Martinus, quorum primus Decreta Concilii Nicæni cælestia mandata nuncupat (r); alter verò sanxit,

(p) Ep. ad Africæ Episcopos. (r) Apud Euseb. lib. 3. de Vita Constantini.

xit, ne semel in Conciliis generalibus definita retractentur. (1)

235. Prob. 4to. Rationibus Theologicis, 1mo. Necessariò admittenda est in Ecclesia Christi regula quædam viva & spirans, quæ supremò suò & infallibili iudiciò enatas de rebus divinis controversias dirimat, & componat. Atqui talis Regula est Ecclesia seu Concilium. Ergo est supremus & infallibilis fidei controversiarum Juxta.

Major tam certis & invictis argumentis probatur, ut à nemine, qui sacræ mentis fuerit, negari possit. 1mo. Quia ad divinam providentiam pertinet, Judicem illum supremum controversiarum fidei statuere. Ita Augustinus lib. de utilitate credendi c. 16. *Si Dei providentia, inquit, non præsudet rebus humanis, nihil est de Religionem satagem tum. Sin verò, non est desperandum ab eodem ipso Deo auctoritatem aliquam constitutam esse, qua velut gradu certò immitentes attollamur in Deum.* 2do. Mysteria nostræ fidei sunt totidem facta à Deo revelata: sed factorum veritas non ratione, sed una auctoritate dignosci potest. Ergo oportet dari talem auctoritatem à qua hujusmodi facta dignoscantur. Atqui hanc auctoritatem habet Ecclesia. Christus quippe illa facta Apostolis suis revelavit, Apostoli tum scriptò tum viva voce Episcopis, quos instituerunt, ea intimarunt, hi verò suis Successoribus; & sic nunquam interrupta sæculorum serie ad nos usque hæc fidei nostræ mysteria fuerunt delata.

3tio. Quia natura mysteriorum Dei, quæ tota in abscondito ac recondito posita est, ipsaque fidei conditio, quæ est *verum non apparentium*, & in cuius obsequium captivandus est noster intellectus, viam

postulat, non tam examinis & discussio- nis, cujus paucissimi capaces sunt; sed viam auctoritatis, & quidem infallibilis, quæ soa potest mentis obsequium impe- rare, & omnem altitudinem extollentem se adversus scientiam Dei reprimere (2); & quidem sine labore: *Auctoritati enim credere*, ait S. Augustinus (u) *magnum compendium est, & nullus labor.*

4to. Quia, nisi auctoritatis vinculo levis & inconstans retineatur humana mens, nihil erit in Religione fixum ac ratum: unusquisque in suo sensu abundans, ad arbitrium dogmata fidei definit, quæ tot futura sunt, quot capita; neque enim privatus quilibet id juris habet, ut alios in suam sententiam pertrahat: hinc æternas esse oportebit & interminabiles controversias circa fidem & Religionem excitatas.

Prob. min. Si talis regula non est Ec- 236 clesia seu Concilium, tunc ea est vel sacra Scriptura, vel Spiritus privatus, vel Princeps sæcularis. Atqui hi non possunt esse talis regula. Ergo ea est sola Ecclesia seu Concilium.

Major est adversariorum. Minorem quoad S. Scripturam & spiritum privatum fusè jam probavimus in Tractatu de S. Scriptura parte 1ma c. 5. & 6. ubi clarè demonstravimus, nec Scripturam sacram, nec cujuscunque spiritum privatum valere posse ad definiendum, quinam sint ejusdem S. Scripturæ libri Canonici, & quisnam quoque sit illius genuinus ac verus sensus. Quò proinde provocamus.

Quantum ad Principem sæcularem, eadem Minor probata manet ex dictis §. præ-

(1) Leg. Nemo. Cod. de Summa Trinitate & fide Catholica. (2) 2. Cor. c. 10. v. 5. (u) Lib. de quantitat. animæ c. 7. n. 12.

præcedenti tam in conclusionibus, tum in responſionibus ad objecta. Ubi manifestè ostendimus, Principem sæcularem quemcunque, etiam Imperatorem, aut Regem nullum jus habere propria sua auctoritate, vel convocandi Concilium, vel in eo præſidendi, vel denique in fidei & morum controversiis suffragium vel ſententiam ferendi, aut judicandi. Quò etiam provocamus.

- 37 Equidem, ut ibidem annotavimus, Princeps sæcularis, est *Dei minister*, eaque de causa gladium portat, *vindex in tramei, qui malum agit* (x); Est legum Ecclesiæ, ac dogmatum Religionis custos, assertor, vindex, & protector, qui acceptam à Deo potestatem convertere maximè tenetur in præſidium, tutelam, & columnen Catholicæ Ecclesiæ; at arbitri non est, nec Judex supremus controversiarum fidei. Ex illis quippe non est, quibus dictum fuit à Christo (y): *Euntes docete omnes gentes, baptizantes eos* &c. (z) *Accipite Spiritum sanctum, quorum remiseritis peccata, remittuntur eis.* Et quibus Apostolus Paulus dixit (a): *Attendite vobis, & universo gregi in quo vos Spiritus sanctus posuit Episcopos regere Ecclesiam Dei.*

Princeps quidem interdum vocatur Episcopus exterior (b), non à spirituali Ordinis potestate, sed à cura, sollicitudine, protectione, qua res Ecclesiæ juvat ac promovet.

- 38 Distincti omnino sunt utriusque potestatis, spiritualis nempe & temporalis fines ac limites, nec una in aliam excurrere potest: non spiritualis in temporalem, non temporalis in spirituale. *Nec te rebus mi'ceas Ecclesiasticis*, scribebat olim Osius Episcopus Cordubensis ad Constan-

tinum Imperatorem, *nec nobis bis de rebus præcepta mandes; sed à nobis potiùs hæc ediscas. Tibi Deus Imperium tradidit, nobis Ecclesiastica concedidit. Ac quemadmodum qui tibi Imperium subripit, Deo ordinanti repugnat, ita metue, ne si ad te Ecclesiastica pertrahas, magni criminis reus sis. Reddite, scriptum est, quæ sunt Cæsaris Cæsari, & quæ sunt Dei Deo. Neque nobis igitur terra imperare licet, neque tu adolens habes potestatem.*

Sanctus quoque Ambrosius Ep. 21. aliàs 32. ad Imperatorem Valentinianum Juniori: *Certe, inquit, si vel Scripturarum feriem divinarum, v. l. vetera tempora retrahemus, quis est, qui obnuat, in causa fidei, in causa, inquam, fidei Episcopos solere de Imperatoribus Christianis, non Imperatores de Episcopis judicare . . . . si conferendum de fide, Sacerdot: non debet esse ista collatio, sicut factum est sub Constantino augusti memoria Principe, qui nullas leges ante præmisit, sed liberum dedit Sacerdotibus judicium . . . Pater tuus vir maturioris ævi dicebat: Non est meum judicare inter Episcopos &c.* Addit insuper, Laicos, dum intra Palatium Constantii Imperatoris de ſententia Episcoporum judicare voluerunt, meruisse in errorem incidere.

Ipsimet denique Imperatores agnovē-  
re, sibi jus non esse derebus fidei ac Religionis decernere. Constantinus Magnus, teste Eusebio (c), in Concilio Nicæno non priùs assedit, quàm Episcopi, ut sederet, annuissent, quo satis indicavit, se Concilio non præſſe. Deinde finito Concilio scripsit Epistolam ad omnes Ecclesias, quam ibidem integram refert Eusebius, in cujus fine sic ait (d):

*Quia*

(x) Rom. 13. v. 4. (y) Matth. 28. v. 19. (z) Joan. 20. v. 23. (a) Act. 20. v. 28.

(b) Apud S. Athanas. Epist. ad solitariam vitam, agentes. (c) Lib. 3. de vita Constantini c. 10.

(d) Edit. Valef. pag. 494. B.

*Qua cum ita sint, caelestem gratiam et  
plaud divinum mandatum libenter suscipite.  
Quidquid enim in sanctis Episcoporum  
Conciliis geritur, id omne ad divinam re-  
ferendum est voluntatem.*

Theodosius Junior in Epistola ad Synodum Ephesinam (e): *Igitur, inquit, Candidissimum Comitem ad sacram vestram Synodum abire iussimus, sed ea lege & conditione, ut cum questionibus & controversiis, quae circa fidei dogmata incidunt, nihil quidquam commune habeat: neque sis est enim, qui sanctissimorum Episcoporum catalogo adscriptus non est, illum Ecclesiasticis negotiis & consultationibus se iunxerere.*

Valentinianus Imperator Episcopis  
rogantibus, ut eis permitteret celebrare  
Concilium in quo doctrina fidei rectè  
constitueretur, respondit (f), *sibi, qui  
unus de Laicorum numero erat, non licere  
se hujusmodi negotiis interponere, sed  
Episcopis ea cura esse &c.*

Martianus Imperator L. Nemo. C.  
de summa Trinitate & fide Catholica :  
*Injuriam, inquit, facit judicio Reve-  
rendissimæ Synodi, qui semel judicata  
revolvere, & disputare contendat.*

Denique, ut alios missos faciamus, Basilius Imperator in VIII. Synodo sic loquitur (g) : *De vobis autem Lucis, tam qui in dignitatibus, quam qui absolute conversantur, quid amplius dicam non habeo, quia quia nullo modo vobis licet de Ecclesiasticis causis sermonem movere, neque penitus resisterere integritati Ecclesie, & universali Synodo adversari. Hoc enim investigare & querere, Patriarcharum, Pontificum, Sacerdotum est, qui r. giminis officium sortiti sunt, qui sanctificandi, qui ligandi, & solvendi potentem habent : qui Ecclesiasticos & caelestes adepti sunt claves : non nostrum, qui posci debemus, qui sanctificandi, ligandi,*

P. Cartier Theol. Tom. I.

*vel à ligamento solvi egermus. Addit ibidem, prædecessores suos Imperatores Constantinum, Theodosium, Martianum, & alios nusquam in Synodis subscripsisse, nisi hos omnes Episcopos.*

240. Si Ecclesia seu Concilium non<sup>240</sup>  
esset supremus & infallibilis fidei contro-  
versiarum Judex, tunc nullum esset in  
Ecclesia firmum judicium, quo eæ con-  
troversiæ finiri possent atque unitas in  
eadem servaretur. Atqui hoc rationi ipsi  
ita repugnat, ut nihil magis. Ergo &c.

310. Si hujusmodi Ecclesie vel Concilii Judicium supremum & infallibile non esset, omnes damnatæ dudum hæreses in dubium revocari possent. Dicere e. g. possent Arianī, errasse Concilium Nicænum; Macedonianī, Conflantinopolitanum; Nestorianī, Ephesinum; Eutychianī, Chalcedonenſe; & sic de cæteris. Atqui. Ergo &c.

4to. Nulla effiet certitudo de iis sacra<sup>2</sup> 24  
Scripturae libris, quos, quamvis antea  
dubie fuerint auctoritatis, ut sunt ex  
veteri Testamento additamenta Esther,  
Baruch, Danielis pars, Tobias, Judith,  
Sapientia, Ecclesiasticus, Machabæorum  
primus & secundus; Ex novo autem,  
Marci, Lucæ, Joannis Evangeliorum  
partes quædam, Epistola S. Pauli ad He-  
bræos, Epistola Jacobi, Posterior Petri;  
Præe Joannis particula, secunda & ter-  
tia Joannis; Epistola Jude; & Apocaly-  
psis, tamen post Innocentii I. & Concilii  
declarationem velut sacros & Canonicos  
fidelissimos. &c.

pro. Denique si Ecclesie aut Concilli<sup>243</sup>  
Oecumenici Judicium in rebus fidei  
supremum & infallibile non est, tunc quis-  
que fidelis, quantumcunque plebeius sit,  
antequam Trinitatis consubstantialitatem,  
Verbi incarnationem, aliaque Religionis  
Christianæ mysteria credat, tenebitur in  
examen adducere definitiones, quæ de  
B b b iis

(e) Tom. 1. Concil. c. 32. (f) Apud Sozom. lib. 6. c. 7. (g) Tom. 8. Concil. p. 1154.

iis articulis editæ sunt in Conciliis Oecumenicis quondam ab Ecclesia adversus Hæreticos celebratis : ac proinde certò credere debebit, quòd veriùs ac saniùs de Scripturis, in quibus illa mysteria saltem implicitè continentur, judicare possit, quàm Patres, qui à Christo ad hæc usque Sæcula vixere : Atqui absurdissimum est hoc tueri, ut nemo non videt. Ergo &c.

241. Priusquam ad probandam secundam Conclusionis partem, qua dicimus Ecclesiam seu Concilium esse supremum & infallibilem Judicem etiam in facti dogmatici quæstionibus, notatum volumus, Quæstiones, quas Ecclesia suo iudiciò definire valet, duplicis esse generis, nempe *Juris & Facti*. Quæstiones Juris apud Theologos dicuntur illæ, in quibus attenditur præcisè veritas aut falsitas doctrinæ in materia fidei vel morum sine ullo respectu ad Auctorem, qui illam doctrinam tradidit, aut ad librum, unde excerpta est ; vel sunt eæ, quæ ex solo Jure Divino solvi possunt, id est, quæ ex S. Scriptura, vel Traditione, quibus Jus Fidei nostræ continetur, definiri ac decidi possunt, atque in his Ecclesiam seu Concilium supremum & infallibilem esse Judicem hæcenus demonstravimus.

Quæstiones verò Facti eæ dicuntur, in quibus attenditur Auctor doctrinæ alicujus, vel liber, in quo ea continetur & unde excerpta est. Res exemplò illustratur : Si quæstio sit, num Christus sit Creatura aliqua, hæc *quæstio Juris* nuncupatur, eoquòd ex Jure divino, Scripturâ nempe & Traditione, resolvi possit. At si quærat, num Arius docuerit Christum esse creaturam, est quæstio Facti, quæ non ex Scriptura & Traditione, sed ex ipsius Arii libris, vel dictis

solvi debet. De ista quæstione nobis hæc duntaxat est sermo.

Circa quam ulterius notandum est, eam esse duplicis generis ; alia enim quæstio facti personalis, in qua de personis tantum agitur ; de qua hic nobis nullus sermo, ultrò enim fatemur, in iis interdum Ecclesiam seu Concilium errare posse, cujus manifestum nobis suppeditat argumentum historia trium Capitulorum, de qua supra in Concilio VI. Oecumenico disseruimus. Quamvis enim Theodorus Mopsuestenus, Theodoretus Cyrensis, & Ibas Edessenus suspecti de Nestoriana hæresi à Concilio Oecumenico IV. Chalcedonensi absoluti & in Communionem recepti fuissent ; tamen postmodum in supra memorato Concilio VI. Oecumenico & Constantinopolitano II. eorum memoria damnata fuit.

Alia autem est quæstio Facti, dogmatici nempe, in qua agitur vel de auctoritate alicujus doctrinæ in materia fidei & morum, vel de libro, in quo doctrina illa continetur, vel de sensu proprio propositionis alicujus ex libro Auctoris ejusdam desumptæ ; de hacce ergo controversia est, num in ea solvenda Ecclesia infallibilis sit necne. His prælatis

(b) Prob. 2da Pars Conclusionis no-242 stræ. 1mo. Ex sacra Scriptura : Matth. ult. v. 19. &c. hisce Christus Apostolos suos alloquitur : *Euntes docete omnes gentes . . . docentes eos servare omnia, quaecumque mandavi vobis, & ecce ego vobiscum sum usque ad consummationem Sæculi*. Item Joan. 14. v. 16. & 17. *Ego rogabo Patrem, & alium Paracletum dabit vobis, ut maneat vobiscum, Spiritum veritatis*. Manifestum est, hisce textibus Christum Ecclesiæ promississe infallibilitatem cum in rebus ad fidem pertinentibus docet fideles. Atqui Ecclesia seu Concilium, cum definit facta dogmatica,

(b) *Ibid. inf. Exercit. 15. n. 264. & seq.*

gmatica, seu fidelibus libri alicujus textus ut orthodoxos vel heterodoxos proponit, eos docet de re aliqua ad fidem pertinente; ut patet. Ergo &c.

243. Prob. 2do ex praxi Ecclesiæ, quæ semper sibi infallibilem auctoritatem vindicavit & exercuit in decidendis factis dogmaticis. 1mo. Concilium Ephesinum Oecumenicum Aët. 1. Epistolam Cyrilli ad Nestorium velut orthodoxam approbat, Nestorii verò tanquam heterodoxam reprobat, atque, ut eam omnes damnent, sub anathemate præcipit.

2do. Idem factum est à Concilio Chalcedonensi; ipseque Theodoretus, quamvis generatim cuilibet hæretico anathema diceret, tamen à Concilio tamdiu pro Hæretico & Nestoriano habitus est, donec Nestorium ipsum, & Scripta ejus damnasset.

3tio. Concilium Oecumenicum V. anathema dicit iis, qui Arium, Eunomium, Macedonium &c., unâ cum scriptis eorum non anathematizaverint.

4to. Concilium Romanum sub Martino I. anathema dicit iis omnibus, qui animo & ore non damnaverint omnes Hæreticos & eorum Scripta, prout damnantur ab Ecclesia Catholica.

5to. Annò circiter 400. Anastasius Papa damnavit Origenis errores unacum libris ipsius. Idem præstitere Synodus Oecumenica V. Collat. 8. Sexta generalis Aët. 17. & 18. Septima denique Aët. 1. 3. & 7.

6to. In Alexandrina Synodo damnatur Nestorius unacum Scriptis suis, & Joannes Antiochenus nonnullique alii Episcopi, qui ei, quòd illum crederent Orthodoxum, favere videbantur, non prius ad communionem recepti fuerunt, quam cum absolute unacum ipsius de Christo sermonibus, & Scriptis damnassent. &c. Atqui si Ecclesia seu Concilium in decidendis factis dogmaticis non esset infallibilis, non posset sub æternæ damnationis comminatione obligare fide-

les, ut hujusmodi à se emanatis decisionibus, & definitionibus præberent assensum. Sic enim graviter erraret, proponendo fidelibus doctrinam aliquam, tanquam fidei, de qua tamen dubium esse posset, num vera esset necne.

Idem passim tuentur SS. Patres, quorum testimonia hic adducere supervacaneum arbitramur.

Prob. 3tio. Rationibus Theologicis. 244. 1mo. Quia juxta omnes Ecclesia est infallibilis in approbandis Scriptis & textibus alicujus Auctoris. Sic e. g. Ecclesia est infallibilis in approbandis iis, quæ S. Augustinus de Gratia contra Pelagianos scripsit. Ergo etiam est infallibilis in proscribendis Scriptis & textibus alicujus cujuscunque demum Auctoris. Quia enim ratione quis dicit, eam esse magis infallibilem in approbandis, quàm reprobandis Auctorum textibus & Scriptis, an fortè textus seu Scripta Auctorum, quæ Ecclesia judicat hæretica minùs perniciosa sunt ad corruptendam fidem, quàm textus seu Scripta orthodoxa sunt salutaria ad eam confirmandam?

2do. Quia, ut ait Bellarminus lib. 3. de Ecclesia militante, cap. 14. obligamur sub anathematis pœna credere Ecclesiæ in omnibus. *Quodsi Ecclesiam non audierit, sit tibi sicut Ethnicus & publicanus.* Matth. 18. v. 17. Et Concilia omnia dicunt anathema non assentientibus Ecclesiæ Decretis. Atqui iniquum esset, sub tam gravi pœna obligari ad assentiendum rebus incertis, & interdum falsis.

3tio. Quia Ecclesia jus habet censuram ferendi in libros. Ergo eò ipsò potest judicare, an liber quidam contineat sanam doctrinam necne.

4to. Quia nisi Ecclesia infallibiliter facta dogmatica decidere valeret, tunc pascua salubria à noxiis discernere non posset, nec formam servare sanorum verborum, profanas vocum novitates devitare, &c.

B b b 2

5to. Quia



3to. Quia aliàs tutò quisque omnes, quotquot hæcenus existerè, Hæreticos, eorumque libros & sententias contra Ecclesiæ definitiones tueri posset, quod asserere profectò impium est. Ergo concludendum, Ecclesiam seu Concilium supremò & infallibili judicio de factis dogmaticis decernere posse.

245 *Solvuntur Objectiones.*

Ob. 1mo contra primam partem Conclusionis Sacerdotes omnes veteris Testamenti sæpè accusantur non solum improbitatis, sed etiam ignorantiae & erroris Isai. 56. v. 10. & 11. Jerem. 6. v. 13. Ezech. 22. v. 25. Osee 9. v. 8. &c. Ergo etiam Concilia ex hujusmodi hominibus conflata possunt errare, consequenter non sunt infallibilia &c.

Resp. neg. conf. Quæ Prophetæ de Sacerdotibus iniquis ve'eris Testamenti privatim & separatim sumptis edixerunt, ineptè trahuntur ad Sacerdotes in unum congregatos & Concilium facientes; nam ad hujusmodi Sacerdotum Concilium omnes mittuntur, Deut. 17. v. 8. Ineptius adhuc transferuntur ad Sacerdotes novi Testamenti præsertim in Concilio congregatos: certiores enim & majores Dei promissiones habet Ecclesia, quàm Synagoga, non enim Synagoga, sed Ecclesiæ dictum est, *porta inferi non prævalebunt adversus eam*, Matth. 16. v. 15. *Eam esse columnam veritatis* &c. Denique frequentissimum est in sacris literis, ut propter aliquos malos omnes reprehendantur, & propter aliquos bonos laudentur omnes, quò videlicet vehementior sit tum vituperatio, tum laudatio. Unde patet obiectio minime esse ad rem.

246 Ob. 2do. 2. Pet. 2. v. 1. Act. 20. v. 29. & Matth. 23. v. 24. Prædicatur, falsos Doctores, & Pseudo-Prophetas

atque lupos rapaces futuros in Ecclesia novi Testamenti, sicut olim in veteri Testamento reperti sunt. Atqui hujusmodi falsi Doctores possunt etiam esse Episcopi in Concilio congregati. Ergo &c.

Resp. conc. Maj. & neg. min. Quod de Pseudo-Prophetis, lupo rapacibus &c. in adductis Scripturæ locis prædicatur, intelligendum est de Hæreticis & Novatoribus nostris; non verò de Pastoribus seu Episcopis in unitate fidei Catholicæ persistentibus. Tantumque abest, ut de Conciliis Episcoporum intelligi debeant aut possint ea loca, quæ monent, ut à falsis Prophetis caveamus, quin potius ideo Concilia fiant, ut falsi Prophetæ detegantur, & confutentur, & tanquam lupi rapaces ab ovili Christi procul arceantur.

Ob. 3tio. S. Gregorius Nazianzenus 247. Epist. 55. ad Procopium: *Ego, inquit, si vera scribere oportet, ita animò affectus sum, ut omnia Episcoporum Concilia fugiam, quoniam nullius Concilii finem laetum, faustumquæ vidi, nec quod depulsionem malorum potius, quàm accessionem & incrementum habuerit.* Ergo hic S. Pater Concilia nedum inutilia, sed omnino errori obnoxia atque ad augenda mala quàm avertenda potius apta judicavit.

Resp. neg. conf. S. Gregorius hic loquitur de Conciliis, quæ sua ætate, & inter Concilium I. & II. generale celebrata fuere Arianis faventia, qualia fuere Seleuciense, Syriense, Ariminense, Mediolanense, Tyrmienfe &c. Quorum proinde non faustum fuisse exitum conqueritur. Aliunde autem certum habemus, eum legitima Concilia magni fecisse; nam Concilium Nicænum I. summis laudibus commendat (1), & Constantinopolitani I. Oecumenici II. adversus Macedonium pars maxima ipse fuit.

(1) Hist. Tripartita lib. 2. c. 9.

fuit. (k) Viderat autem Concilia quædam particularia duntaxat, aut à Sede Romana neutiquam confirmata, & ab universa Ecclesia, velut Conciliabula, rejecta, in quibus Ariana factio prævaluerat: de istis igitur loquitur in citata Epistola, non de legitimis & verè Oecumenicis. Confirmatur Responso ex Basilio, qui eodem tempore floruit, id est, post primum, & ante secundum Concilium; atque Epist. 52. ad Athanasium dicit, videri sibi impossibile, ut eo tempore fieret legitimum Concilium, & ideo opere scribi ad Romanum Pontificem, ut ipse sua auctoritate irritaret Acta Concilii Ariminensis.

- 248 Ob. 4to. S. Augustinus lib. 2. aliàs 3. contra Maximinum cap. 14. ait: *Nec ego Nicænum, nec tu debes Ariminense tanquam præjudicaturus proferre Concilium; nec ego hujus auctoritate, nec tu illius detineris, &c.* Et lib. 2. de Baptismo cont. Donatist. cap. 3. asserit, *Concilia priora posterioribus emendari posse.* Ergo Concilia haud infallibilia censuit &c.

Resp. neg. conf. Primò locò Augustinus non vult dicere, Maximinum nullo modo teneri auctoritate Concilii Nicæni, sed non teneri in illa disputatione, qua Augustinus id promittebat: quia enim Maximinus Concilio Nicæno opponebat Concilium Ariminense, nec Augustino videbatur tunc operæ pretium tempus consumere in ostendendo, Concilium Nicænum fuisse legitimum, Ariminense verò illegitimum, cum haberet commodiora ex sacra Scriptura, & Traditione argumenta, quibus eum convinceret, ait: nunc nec ego hujus, nec tu illius auctoritate detineris, id est, non cupio

nunc, ut detineamur Conciliorum auctoritatibus; omitteremus Concilia, & ad Scripturas veniamus. Quanti autem fecerit S. Augustinus Nicæni Concilii auctoritatem, demonstrant hæc ipsius verba locò citatò: *hoc est, inquit, illud Omoussion, quod in Concilio Nicæno adversus hæreticos Arianos à Catholicis Patribus veritatis auctoritate & auctoritatis veritate firmatum est &c.*

Ad 2dum locum ex eo adductum Resp. 1mo. Hic fortè loqui Augustinum de Conciliis illegitimis, quæ procul dubio ab aliis posterioribus emendari possunt, ac debent. Resp. 2do. Hic non aliud velle S. Augustinum, quàm quòd Concilia Oecumenica priora per posteriora emendari possint in quæstionibus Factorum personalium, in quibus ea falli posse omnes concedunt, non Juris. Et profectò videtur, hic ipsi de hujusmodi factis personalibus quæstionem fuisse, agebatur enim præcipue de Cæciliano, num videlicet sacrorum Librorum traditor esset nec ne. (l) 3tio. Quòd si contendant Adversarii, eum loqui de universalibus quæstionibus, Resp. Concilia priora emendari per posteriora, quoad præcepta morum & disciplinæ, quando nempe, ut ibidem ait, *experimentò aliquò operitur, quod clausum erat*; non verò quoad dogmata fidei; præcepta morum enim & disciplinæ mutari possunt, nunquam autem fidei dogmata, quod neutiquam ignoravit S. Augustinus.

Ob. 5to. Leo I. Papa Epist. 53. ad Anatolium, & 54. ad Martianum, & 55. ad Pulcheriam, agnoscit Chalcedonensem Synodum legitimam fuisse, & tamen non dubitat, ei attribuire ambitionem -  
B b b 3

(k) Id patet ex subscriptione, & oratione, quam habuit ad 150. Concilii istius Patres. (l) Præceperant Imperatores Ethnici Christianis sub pœna capitis, ut sacros suos libros, Scripturæ nempe codices, traderent igne comburendos; qui proinde metu pœnæ eos tradidisse deprehensi fuerant à Christianis, ex Ecclesia ejiciebantur &c.

bitionem & inconsultam temeritatem. Ergo putabat legitimum Concilium posse errare.

Resp. neg. conf. Concilium legitimum in rebus fidei & in iis quæ legitimè agit, errare non potest; benè autem in iis, quæ illegitimè facit, circa quæ proinde legitimi Concilii nomen non meretur. Patres quidam Concilii Chalcedonenſis diſcripto jam Concilio, & abſentibus Sedis Romanæ Legatis Anatolii Conſtantinopolitani Antiftitis fraude per occultam conſpirationem tres Canones adjunxerunt, (m) Romano Pontifici & Antiochenæ necnon Alexandrinæ Sedibus Patriarchalibus injurioſos & Nicæni Concilii Conſtitutioni contrarios: eos improbat, ac præcipuè imum, quo etiam Epifcopus Conſtantinopolitanus Alexandrino & Antiocheno anteponebatur, Leo tanquam à privatis quibusdam Antiftitibus Concilii Actis inferſos, non velut ab ipſo Concilio emanatos.

250 Ob. 6to. Iſidorus apud Gratianum diſt. 50. Can. *Domino ſancto*, aſſerit, cum Concilia inter ſe diſſentiant, ſtandum eſſe Antiquioribus, magisque probatis, contra S. Auguſtinum, qui, ut ſupra vidimus, poſteriora prioribus anteponebat. Ergo Iſidorus cenſuit Concilia aliquando inter ſe pugnare, & proinde aliqua eorum errori eſſe obnoxia; ſi aliqua, tunc omnia.

Resp. 1mo. Exigui momenti apud omnes eruditos eſſe Gratiani auctoritatem, ut qui multa falſa, velut Patrum effata, ſuo libro ſeu Decreto inferuit; unde & nos hunc textum Iſidori eſſe negamus, donec nobis ex ipſo ille oſtendatur.

Resp. 2do. Dato, id Iſidorum edixiſſe, profeſſo, prout ex Gratiano liquet, loquitur de Conciliis, quorum non eſt certa auctoritas, quæ videlicet non ſunt à Romano Pontifice expreſſè confirmata, quæ inter ſe pugnare, & errare poſſe, non negamus.

Neque in hoc S. Auguſtino contradicit Iſidorus, nam iſte loquitur de fidei doctrina, ille verò de quæſtionibus facti, vel morum ſeu diſciplinæ præceptis.

Ob. 7mo. Idem Gratianus in ſuo De-creto de Conciliis agens hunc titulum habet: *Concordantiis Diſcordantiarum*. Ergo ſibi invicem repugnare Concilia reputat.

• Resp. neg. conf. Loquitur ibi de diſcordantiis apparentibus duntaxat, non veris; ſi enim veræ eſſent, concordari utique non poſſent.

Ob. 8vo. Idem Gratianus Diſt. 18. 252 Can. 1. ait: Concilia Episcopalia eſſe invalida ad definiendum, & conſtituendum, non autem ad corrigendum. Ergo cenſuit ea non eſſe in fidei deciſionibus ſuis inſallibilia.

Resp. neg. conf. Si de Oecumenicis Conciliis ſit ſermo. Gratianus non quælibet Concilia vocat Episcopalia, ſed ea duntaxat quæ ſunt *Provincialia*, hæc nempe ſunt apud ipſum Episcopalia, in quibus nempe Epifcopi ſoli, non verò Archiepiſcopi aut Patriarchæ conveniunt: hujusmodi autem Concilia ordinariè non inſtituuntur ad dogmata fidei conſtituenda; id enim proprium eſt Conciliorum generalium; ſed tantum ad reſtituendam diſci-

(m) 1mus. Ut in poſterum Eccleſia Conſtantinopolitana pari cum Romana privilegio & dignitate præfulgere deberet &c. 2dus. Ut Epifcopi dignitate moti, ſi juſta cauſa fuerit, etiam Sacerdotii gradu excidant; ſi verò juſta cauſa non fuerit, utrumque retineant. 3tus. indulget Epifcopis ſuas ad Epistolam S. Leonis, & ad præſentis Synodi decreta ſubſcriptiones diſſerre, donec Sedi Alexandrinæ per Dioſcori abdicationem vacantii notus fuerit proviſus Epifcopus &c.

disciplinam Ecclesiasticam, & mores constituendos. Itaque *ex se* & *ordinariè* invalida sunt ad constituenda fidei dogmata; si tamen aliqua urgente necessitate definiant aliquid de fide, & eorum decretum à Sede Apostolica approbetur, nihil obstat, quò minùs valida esse possint.

253. Ob. 9no. Multa Concilia Oecumenica in suis fidei & morum decisionibus errorem protulerunt. Ergo non sunt infallibilia.

Ant. prob. inductione Conciliorum illorum. 1mo. In ipso Concilio Apostolorum, quod Jerosolymæ celebrarunt, sibi inter ipsos contradicunt Apostoli: discernunt quippe ex una parte, Gentiles ad fidem conversos non subjiciendos esse Legi Moysis: ex altera verò necessitatem ipsis imponunt abstinendi à sanguine suffocato, quæ lex Judæis fuerat imposita Genes. 9. v. 4.

2do. Vox *Confubstantialis* qua una fides orthodoxa exprimitur, rejecta fuit à Concilio Antiocheno annò 272. à Nicæno autem annò 325. consecrata. Postea ab Antiocheno altero annò 341. à Syrmienti annò 351. ab Ariminesi annò 359. & à Constantinopolitano an. 360. rejecta & proscripta fuit.

3tio. An. 449. Concilium Ephesinum Eutychetis doctrinam approbavit, quam postea annò 454. Chalcedonense anathemate perculit.

4to. Concilium generale Nicænum Can. 12. damnat & improbat Christianos, qui armis seu militiæ sæculari nomen dant, cum tamen nec Christum, nec Apostoli, nec S. Joannes Baptista Luc. 3. v. 14. eos damnaverint.

5to. Definitio Concilii Oecumenici V. an. 553. celebrati, & à Papa Vigilio confirmati à plurimis Occidentalibus Ecclesiis acceptata non fuit, nec tamen propterea communione privata fuerunt.

6to. An. 730. & 755. in duobus Conciliis Constantinopolitanis rejectus fuit cultus sanctarum Imaginum. Contrà, annò 781. in Concilio Nicæno II. approbatus. Quod tamen Concilium in Synodo Francofordiensi an. 794. plane improbatum fuit, cultusque sacrarum Imaginum denuò explosus.

7mo. Annò 694. in Concilio Quinexto, quod Constantinopoli in Trullo celebratum est, plures editi sunt Canones, quos Romana Ecclesiæ rejectit.

8vo. In Concilio Lugdunensi annò 1245. erravit Ecclesiæ, dum sibi auctoritatem arrogavit deponendi Fridericum secundum Imperatorem, re vera enim talem auctoritatem Christus suæ Ecclesiæ non concessit.

9no. Concilium Constantiense annò 1414. & Basileense annò 1431. definierunt Concilium esse supra Papam: at dogma hoc rejectum fuit à Conciliis Florentino sub Eugenio IV. & Lateranensi sub Leone X. Necnon à plerisque Theologis impugnatur.

10mo. Ipsum Tridentinum nec à Græcis, nec etiam à multis Occidentis Ecclesiis receptum est. Hæc autem omnia non possunt faciliè componi cum idea infallibilis & supremæ auctoritatis, quæ Ecclesiæ affingitur. Ergo &c.

Resp. Neg. ant. Ad illius probatio-  
254  
nes dicimus: ad 1mam. Id sapienter ab Apostolis statutum fuit, ut nempe præcipuâ quadam notâ Christiani distinguerentur à Paganis, quibus solemne erat vesci sanguine & suffocatis, non tantùm causâ nutritionis, sed etiam Religionis, ita ut usus ille sanguinis & suffocatorum certissimum esset ac velut inseparabile signum Paganismi, ut præter Tertullianum in Apologet. c. 22. & de Idololat. c. 24. Origenem contra Celsum lib. 8. observat Porphyrius Ethnicus de abstinentia lib. 2. §. 42.

Ad

Ad adam. Dicimus, Antiochenam Synodum cum Nicæna universali non pugnare circa sensum orthodoxum hujus vocis *Homousios*. Ad sensum nempe Pauli Samosatani, qui, secundum creatæ substantiæ modum, per divisionem & partitionem Filium Patri consubstantialem dicebat, eam damnavit Synodus Antiochena; & merito, cum unica sit in tribus Divinis Personis essentia seu substantia. At verò Nicæna adversus Arium, qui negabat Filium esse ejusdem cum Patre Naturæ seu substantiæ, merito definivit, Filium esse Patri Consubstantialem (*Homousion*) eamque vocem, qua solâ omnes Arianorum astutiæ ac doli elidebantur, consecravit. Ubi nulla apparet utriusque Synodi contradictio.

Quod Ariminenſe Concilium spectat, à quo suppressa fuit vox *Homousios*, dicimus, quamdiu liberum fuit, & verè Oecumenicum, tamdiu ab eo retentam fuisse fidem Nicænam, vocemque *Homousios*; & nonnisi dolis & fraudibus Arianorum deceptos Episcopos, atque tandem exilii, & diuturnæ à suis Ecclesiis absentiæ, imò minis sibi intentatis victos, tandem consensisse suppressioni hujus vocis *Homousios*, ratos, nihil, eâ etiam suppressâ, periculi fidei imminere; *Non erat cura Episcopis de vocabulo, cum sensus esset in tuto*, inquit S. Hieronymus. (n)

Quod additur de altero Antiochæno Concilio, ut & de Syrmienti, & Constantinopolitano, à quibus vox eadem suppressa est non modò, sed etiam damnata, minime facit ad nostrum propositum; tum, quia particularia hæc fieri Concilia non verò Universalia, de quibus unicè hic nobis est sermo; tum, quia nullus ignorat, in iis prævaluisse Arianos,

ad quorum arbitrium omnia peragebantur; tum denique, quia ab omnibus Catholicis improbata semper fuerunt & rejecta.

Ad 3tiam dicimus, Ephesinam hanc Synodum Conciliabulum fuisse, quod passim Latrocinium Ephesium nuncupatum est; in quo vi & armis Dioscorus Alexandrinus Episcopus omnia jura subvertit, Flavianum Constantinopolitanum Patriarcham interfecit, Romanum Pontificem excommunicavit, Legatos ipsius fugavit, Episcopos inauditos condemnavit, Orthodoxos non admisit, ipsam Eutychetis hæresim approbavit, & confirmavit. Immerito ergo illud nobis objiciunt Adversarii.

Ad 4tam. Canon Nicænus intelligendus est de lapsis pœnitentibus, qui, cum amore pietatis, & pro pœnitentium more cingulum militiæ deposuissent, cæterisque publicis officiis ac muniis renuntiassent, abjecto pœnitentium statu, facultatem ea munia denuò assumendi oblata pecuniâ redimebant. Tales ignavos, ac voti sui immemores merito damnat Canon Nicænus, non verò alios.

Ad 5tam dicimus, in Concilio V. Oecumenico de personis duntaxat, factisque personalibus actum fuisse, non de fidei rebus, ut ipse S. Gregorius Magnus testatur. (o) Ecclesiam autem in iis, quæ fidem aut Religionem haud spectant, non omnino esse infallibilem, constans est omnium Theologorum sententia. Inde factum, ut, cum multi Occidentis Episcopi arbitrati sint, licet immerito, Synodum hanc in damnatione trimum Capitulorum deceptam fuisse, illam initiò recipere noluerint, quo super deinde veritatem edocti, illam postmodum susceperunt. Errore

(n) Dial. adv. Luciferianos. (o) Lib. 3. Ep. 57. ad Constantinum Mediol. Episc.

rore igitur facti laborantes hi Occidentis Episcopi Concilio aliquamdiu obstiterunt. Quodsi ab errore illorum, qui Conciliis obstitunt, argumentum adversus Ecclesiæ auctoritatem petere fas est, tunc evacuari oportebit omnium Conciliorum, & eorum etiam, quæ ab Adversariis admittuntur, auctoritatem omnem; cum nulla sint, quibus aliqui, præsertim illi, quorum errores ibidem damnati fuerunt, non resisterint.

Adde, quod dubitaverint hi Occidentis Episcopi, an hæc V. Synodus esset Oecumenica, eoquod Vigilius Papa eidem nec per se nec per suos Legatos præsedisset, necnon primum post minas, tetricque ac diuturni carceris squalorem ei subscripsisset.

Ad 6. dicimus, hæc Constantinopolitana Concilia adversus Ss. Imagines celebrata nusquam à Catholicis pro veris & Oecumenicis, sed pro spuris ac reprobatis semper habita fuisse, & ab Oecumenico VII. Nicæno II. expressè damnata. Nec ulla hic reperitur pugna, nisi quæ inter errorem, & veritatem intercedit.

Francofordienfis verò Synodus Oecumenica non fuit sed particularis duntaxat. Quæcunque ergo fuerit illius sententia, ad præsentem rem non facit; enimverò Synodi omnes sive particulares sint, sive universales, nisi ab universa Ecclesiâ receptæ sint, & à Romano Pontifice confirmatæ, vim fidei divinæ non obtinent.

Adde, quod errore facti laboraverint Patres Francofordienfes, arbitrati à Patribus Concilii Oecumenici VII. eundem cultum attributum fuisse Ss. Imaginibus ac Deificæ Trinitati, cultum Latriæ scilicet; necnon ignorarint, an Oecumenica esset illa septima Synodus, & à Romano Papa Adriano confirmata, cufus sententiæ subscribere paratos se esse decrabant.

Ad 7. Eadem est Responsio, quæ ad priorem, Trullanam hanc Synodum videlicet. *P. Cartier Theol. Tom. I.*

licet ab Ecclesiâ Romana fuisse rejectam, quamvis nonnullos ejusdem Canones suis moribus congruentes approbaverit.

Ad 8. Respond. Non esse rem fidel, an Ecclesiâ possit Reges & Imperatores &c. ob crimina amovere, sed disciplinæ: unde ad propositum nihil facit objectio. At hac de replura, ubi de summo Pontifice agemus, nempe Cap. 5to.

Ad 9. Concilium Constantiense Decretum si um, quo definivit Concilium esse supra Papam, ad Schismatis calamitatem reitinxit, ubi nempe Papa dubius est. Plerique præterea Doctores contendunt, minimè conciliariter factam fuisse hanc definitionem, proinde non esse Concilii alicuius Oecumenici, prout infra Capitulò fuissus demonstrabimus.

Basilense Concilium autem, quamdiu legitimo Papæ adhæsit & obedivit, legitimum fuit; at ubi ab eo recessit, tum in Latrocinium degeneravit.

Ad 10. Concilium Tridentinum in lis, quæ fidem spectant, ab omnibus Orthodoxis Ecclesiis susceptum est &c.

Ob. 10mo. Si Concilia Oecumenica sunt infallibilia, atque, in definiendis fidei & Religionis quæstionibus, à Spiritu sancto diriguntur; tunc sequitur, ea esse paria cum S. Scriptura auctoritatis. Sequela est absurda, & ab omnibus Theologis exploditur. Ergo &c.

Resp. Neg. Sequelam Maj. Ratio est 1mo. Quia Scriptoris sacris nova semper affulsit revelatio, non autem Episcopis Synodicè congregatis, quibus Spiritus sanctus assistit duntaxat, ne à vero desistant, in detegenda & exponenda veritate revelata. 2do. Quia Scriptores sacri non debuerunt multum laborare in suis libris edendis, facta enim fuit ipsis, cum vaticinia sua scriberent, vel dictarent, ad summum revocare in memoriam, quæ viderant, vel audiverant, & verba cogitare, quibus ea scriberent, si  
C c c hillo.

historias, aut Epistolas, vel aliquid simile scriberent. At verò Patres in Conciliis debent rem ipsam querere, id est, Conclusiones investigare disputando, legendo, cogitando; cum sacri Scriptores soli Deo tribuerent ea omnia, quæ scripserunt, unde tam crebrò repetebant Propheta illud, *Dicit Dominus*. 3tio. Quia Scriptores sacri ne in minimis quidem errarent à Spiritu sancto regebantur; at Episcopis Synodicè congregatis, quamvis in fidei & morum definitionibus infallibiles omnino sint, ihaliis tamen errare possunt.

- 256 Inst. S. Gregorius ait: *Se quatuor prima Concilia suscipere, ac venerari sicut quatuor Evangelia*. Ergo arbitrabatur ea esse pariter cum S. Scriptura auctoritatis.

Resp. Neg. conf. Illud sicut S. Gregorii sonare similitudinem non æqualitatem, quemadmodum illud Matth. 5. *Estote perfecti, sicut Pater vester in calis perfectus est*. Vel, si æqualitatem significat, dicimus, non comparari à S. Gregorio Concilia cum Evangeliiis in omnibus, sed tantum in ipsa certitudine eorum, quæ in Scripturis dicuntur, & in Conciliis definiuntur; cum enim utraque sint infallibilis veritatis, æquè certa dici possunt.

- 257 Ob. 1mo. Nullum fructum ex Concilii definitionibus percipere possumus, nisi certò nobis constet, definitiones illas esse Concilii legitimi & Oecumenici; Episcopos in eo congregatos omnem humanam industriam adhibuisse in veritate perscrutanda; libera fuisse eorum suffragia; ac juxta Scripturam, Traditionem, & Ecclesiasticas regulas sine ullo perturbato animi affectu, ex uno veritatis amore formandis Decretis allaborasse; veram proinde, ac sinceram fidem in corde habuisse, verè esse baptizatos, & ordinatos. Atqui nullà profectò viâ id certè cognosci potest. Ergo &c.

Resp. Neg. min. & dicimus, id fide humana certò cognosci posse, quemadmodum ex eadem fide humana facta historia recipimus, quæ nemo cordatos in

dubium revocare audeat. Iis enim, quæ Concilio præsentibus adiunt, evidens esse potest, sine ulla alia probatione, illud esse legitimum. Vident enim convenisse in unum Episcopos, qui habentur ab omnibus tanquam veri Episcopi, eosque convenisse ex variis provinciis, & vocatos esse ab eo, qui habet auctoritatem; & si quid aliud requiratur ad legitimum Concilium, id etiam videre possunt. Posteris autem, vel absentibus idipsum notum est humanæ fide, & quidem certissima, quæ evidentiae naturali comparari potest, quippe quæ tot omnium ætatum testimoniis fulta est, ut nihil prorsus dubitationis in animis nostris relinqui possit. Neque necesse est, ut sciamus, Episcopos, qui ad Concilium conveniunt, habere veram fidem, veramque ordinationem, sed satis est, si de contrario non constet. Nam etiam si Summus Pontifex, & omnes Episcopi, quod fieri non posse credimus, qui ad aliquod Generale Concilium ab ipso Summo Pontifice vocantur, essent corde hæretici, & sola externa professione Catholici, nec verè accepissent invisibilem sacri Ordinis characterem, sed nudam duntaxat manuum impositionem, tamen certi sumus, Deum nunquam permissurum, ut ejusmodi Concilium in suis Decretis formandis erraret: assistit enim Concilio Spiritus sanctus, non tam propter ipsum Concilium, quam propter ipsam Ecclesiam universam, quæ divinò præcepto tenetur Episcoporum sententiam non discutere, sed venerari. Itaque ne erret universa Ecclesia, Divina fecit providentia, ut etiam Concilium illud fictorum, qui per impossibile supponuntur, Episcoporum, vellet nollet, verissimam fidem Ecclesiæ sequendam proponeret. Quæ, ut diximus, hypothesi tamen videtur, & re vera est impossibilis, quia Deus, cui Ecclesiæ suæ salutis curæ omnino est, quique omnia suaviter disponit, nunquam permittit, ut in Concilio, quod ab Ecclesia legitimum creditur, conveniant Episcopi, aut omnes

aut

sunt pro maiori parte non legitimi, aut non Catholici.

258 Ob. 12mo. Infallibilem esse Ecclesiam probamus ex Scriptura; & vicissim Scripturam esse verbum Dei, probamus ex Ecclesia. Atqui hoc est circulus vitiosus, & petitio principii. Ergo &c.

Resp. Neg. min. Ut vitiosus sit circulus in quodam ratiocinio, oportet, ut duæ propositiones sint æquæ ignotæ, atque se ipsas eodem modo, seu in eodem causæ genere mutuò demonstrant. At non ita sit in præsentî ratiocinio: Nam 1mo. istæ propositiones, Ecclesia est infallibilis, & Scriptura, quæ id declarat, est Verbum Dei, non sunt æquæ ignotæ: prior enim immediatius notior est per motiva credibilitatis scilicet, seu splendidos illos characteres, quibus vel minimum attendenti manifestè apparet Ecclesiæ auctoritas, & veritas; qua semel adepta facile est devenire in cognitionem revelationis seu Scripturæ. Necessaria enim esse aliquam Ecclesiæ auctoritatem, qua ad credendum inducamur, vix ullus Adversariorum negat; ex quo proinde facile est, eidem Ecclesiæ Scripturam talem velut Verbum Dei proponenti assentire; in qua Scriptura subinde deprehendimus promissam Ecclesiæ infallibilem auctoritatem. Probatur à priori igitur Ecclesiæ infallibilitas per Scripturam, tanquam per rationem formalem motivam; & veritas Scripturæ velut à posteriori probatur per auctoritatem Ecclesiæ, tanquam per regulam vivam & amantem, atque causam ministerialem intermediam; eodem ferè modò, quo in Physicis causa instrumentalis non inluit in effectum nisi virtute causæ principalis; & in Moralibus auctoritas e. g. Regis proposita per auctoritatem Magistratus ab ipso instituti sic me movet ad obediendum, ut neutra moveat sine altera; non enim obedio Magistratui, nisi quia Rex, à quo ille institutus est, per illum suam voluntatem nobis proponit; nec obedio Regi,

nisi prout ejus voluntas innotescit mihi per Magistratum Ministrum suum.

Ob. 13tio. In moribus & disciplina errare potest Ecclesia. Ergo &c.

Prob. ant. 1mo. Quia nihil à Catholicis fide certa creditur, quod non sit revelatum. Atqui hanc vel illam disciplinæ rationem inducendam esse v. g. dandam, vel denegandam esse infantibus Eucharistiam, eam Laicis sub una vel duplici specie concedendam esse, revelatum non est. Ergo &c.

2do. Sanctorum Canonizatio & cultus publicus, quo eos prosequuntur Catholici, ad mores haud dubiè pertinent. Atqui Ecclesia in eo judicio, quo declarat, talem hominem Sanctis esse adscriptum, & consequenter publico cultu honorandum, falli potest; quippe quod pendet ex hominum testimoniis fallibilibus. Ergo &c.

3tio. Ordinum Religiosorum institutio ad mores spectat, atqui quidam inutiliter & noxiè fuere ab Ecclesia approbati, ut Ordo Templariorum, & Humiliatorum, quorum prior in Concilio Viennensi; alter verò tempore S. Caroli Borromæi ab Ecclesia extinctus est. Ergo &c.

4to. Recitatio Breviarii seu Officii Ecclesiastici Breviariò contenti ad mores, & cultum publicum pertinet. Atqui in eo multa falsa & apocrypha facta referuntur. Ergo &c.

Resp. ad argumentum Dist. ant. Ecclesia errare potest in moribus & disciplina quoad ea, quæ ad salutem omnino sunt necessaria, & toti Ecclesiæ communia, Neg. ant. Deus enim in necessariis nunquam Ecclesiæ deest, & quibus dedit pascendi auctoritatem, iisdem & donum indulsit discernendi bona pascua à malis & venenatis, ne error Pastorum fiat omnium fidelium. Quoad ea, quæ non toti Ecclesiæ communia sunt, sed ad privatos homines & Ecclesias referuntur, ut sunt facta merè personalia, & historica, quo-



rum veritas ex hominum testimonio pendet, Conc. ant. *In his enim Judicium Ecclesia*, prout ait Innocentius III. apud Melchiorum Canum de Loc. Theolog. c. 5. q. 5. *nonnunquam sequitur opinionem, quam & fallere sapè contingit, & falli: propter quod contingit interdum, ut qui ligatus est apud Deum, apud Ecclesiam sit solutus, & qui liber est apud Deum, Ecclesiasticè sit sententià innotatus.*

Ad ea, quæ probationis loco adducuntur Resp. & quidem, Ad 1<sup>um</sup>. Revelatum quidem non est, hanc vel illam disciplinam, vel praxim statuendam esse; at verò revelatum est, Ecclesiam in generali morum disciplina statuenda errare non posse, eique esse ab omnibus obtemperandum, nisi tanquam Ethnici, & Publicani haberi maluerit.

Ad 2<sup>um</sup>. Deus peculiariter Ecclesiæ providet, ne illa, quantumlibet hominum testimonia sequatur, in Sanctorum Canonizatione erret. Multum quippe refert ad communes Ecclesiæ mores scire, quinam Religione sint colendi. Hujus peculiarissimæ Dei providentiæ abundè magnum argumentum est, quòd nunquam infirmata sit fides ab humanis testibus semel in hujusmodi Judiciis suscepta; prout tamen in causis civilibus sæpè evenit. Quæ si singula non movent, universa tamen simul & inter se connexa atque conjuncta certè movere debent; adeò ut fidem in his Ecclesiæ detrahare prorsus temerarium & irreligiosum, imò penè hæreticum sit.

Adde, quòd, & si fortè in decernendo cultu alicui homini, & qui talis re ipsa non est, decipi Ecclesiam fas esset, non minus tamen vera esset ejus publica ac generalis doctrina, qua docet honorandos esse Sanctos: error enim ille facti esset, non juris & dogmatis.

Ad 3<sup>ium</sup>. Dicimus, Ordines probare vel refellere, quoniam non ex scientia solum, sed etiam ex prudentia pendet, non pertinere ad ea, in quibus Ecclesia ex-

rare nequit. Et verò ad publicam omnium fidelium salutem non pertinet Ordinum Religiosorum institutio. Attamen Ecclesia non potest hujusmodi Instituti alicujus Regulam approbare, quæ aut errorem contineat contra fidem, aut vitium contra mores. Si ergo Ecclesia aliquando Ordines extinxit, id factum ab ea, vel quia hujusmodi Instituti Sæcutores à primæva Regulæ suæ institutione defecerunt, vel inutilis, & temporum conditioni ineptus ipse Ordo fuit.

Ad 4<sup>tum</sup>. Concedimus ultrò, Ecclesiam errare posse in referendis laudabilibus Sanctorum factis historicis, quæ fidem non tangunt, quod illius in fidei & morum regulis constituendis infallibilitati nihil obest.

Ob. 14<sup>to</sup>. Episcopi, quamquam in 260 Concilio generale coacti & congregati, homines sunt mendacio obnoxii, nihilque humani à se alienum arbitrantur, singuli eorum in suo privato judicio & suffragio errare possunt. Ergo etiam omnes; ex suffragiis enim errori obnoxii, non potest certò veritas elici.

Resp. Neg. conf. Episcopi simul in Concilio congregati homines quidem sunt, sed præsidem habent & assistentem Spiritum sanctum, qui, juxta Christi promissiones, nunquam permittit, eos errori consentire. Quamvis ergo singuli Episcopi seorsim sumpti possint errare, non tamen omnes. Neque hic valet à distributivo ad collectivum illatio, quia promissio infallibilitatis non singulis seorsim ac distributivè, sed omnibus simul & collectivè facta est: & quamquam inter disputandum varia sint, & diversa suffragia, consentiunt tandem in definitione, & quod à Synodo conciliariter pronuntiatur, omnium Episcoporum est sententia; neque verò suffragiorum numerò, sed pondere hic judicatur. Vid. Melch. Can. l. cit. quæst. 2.

Ob. 15<sup>to</sup> contra secundam partem Conclusionis. Origenes damnatus est in Synodo V. Oecumenica A. 8. At nihilominus plurimos postea adhuc habuit defensores.

Ergo

Ergo constans est sententia, Ecclesiam non esse infallibilem in definiendis factis dogmaticis.

Resp. Neg. conf. Quidam Origenem seu doctrinam ipsius propugnârunt, non quod arbitrarentur, Concilium V. errasse in sua decisione, sed quod ab Hæreticis fuissent depravata Scripta ipsius, quæ Concilium damnavit: vel quod à quodam falsario loco Dioscori positum fuerit in Decreto Concilii nomen Origenis. Illos autem, qui fortè aliâ viâ Origenem ab errore vindicare conati sunt, tanquam improbos rejicimus, ut qui inanibus suis argutiis Ecclesiæ auctoritatem labefactare ausi sint.

Ob. 16to. Marcellus Ancyranus à Concilio Sardicensi, & à Julio Papa tanquam Orthodoxus habitus est; & tamen S. Basilius eundem reprehendit, quod Marcelli textibus se decipi permiserint, testaturque se habere autographum, quo demonstratur error Marcelli. Ergo &c.

Resp. Neg. conf. Etsi verum esset, quod tamen non constat, librum, quem S. Basilius se testatur habere præ manibus, esse verum Marcelli librum, nihilominus præferenda esset Concilii & Julii sententia. At verisimilius est, Marcellus post Concilium Sardicense quædam suo libro adpersisse, quibus ad Phorini errores accedere visus est, ob quæ ab Athanasio communionem repulsus est, ut & à Basilio liber ipsius improbat.

262 Ob. 17mo. In Concilio Ephesino rejecta est vox *Christotocos Mater Christi*, & tamen postea eam Ecclesia in suis precibus adhibuit.

Resp. Rejectam fuisse in dicto Concilio, quod eam adhiberent Nestoriani, ut significarent B. V. Mariam fuisse duntaxat hominis Matrem non simul Dei. Similiter Ecclesia vocem *Homosion*, id est, similis essentia in ore Semi-Arianorum, damnavit, quod per eam negare viderentur, filium esse ejusdem essentia cum Patre; at in ore Catholicorum approbavit, quia

nampe eum ejusdem cum Patre essentia prædicabant.

Ob. 4to. Has Scythiæ Monachorum propositiones, *Christus est unus de Trinitate*, &, *Unus de Trinitate passus est*, damnaverunt Summi Pontifices Felix III. & Hormisdas; At postea Joannes II. approbavit, sicut & Synodus V. Oecumenica. Ergo &c.

Resp. Neg. conf. Has propositiones laudati Summi Pontifices, quod novæ essent, & offensionem parere possent, retereri voluerunt, non verò damnârunt. At cum postea à Catholicis adhiberentur adversus Nestorianos, eas ut orthodoxas Ecclesia probavit, quo nihil contra ejus auctoritatem probatur, quin potius ea admodum firmatur, quippe quæ propositi ones, de quibus dubium erat, earum vi examinata & pondere, orthodoxas declaravit.

Ob. 18vo. In Concilio Chalcedonensi 263 tria Capitula Theodori Mopsuesteni libri scilicet, Theodoret Cyrensis in Cyrillum anathematismi, & Iba Edeffeni ad Marim Persam Epistola unacum auctoribus suis fuere approbata; attamen postmodum à Concilio V. Oecumenico reprobata. Ergo &c.

Resp. Neg. ant. Hæc enim tria Capitula nec probavit, nec reprobat Concilium Chalcedonense, sed suum de iis suscipiendū judicium, solummodò Theodoretum, & Ibam in Communionem admisit, quod Nestorio anathema dixissent. Et quamvis ibidem aliqui, ut Maximus Antiochenus Iba Epistolam orthodoxam judicaverint; nihil tamen inde adversus Concilium concludi potest, quia in Conciliis Concilii judicium dici nequit, quod unus vel pauci, sed quod omnes, vel saltem major pars judicat; Concilium autem Chalcedonense nec illam ut orthodoxam, nec ut hæreticam judicavit, sed suum judicium de illa, imò de tribus omnibus, ut jam annotavimus, Capitulis suspensit, nihilque circa ea definivit. Proinde approbata ab

ipso tria illa Capitula dici nequeunt; nec consequenter inferri potest errasse, aut Concilio Chalcedonensi injuriam fecisse Synodum Oecumenicam V. dum tria illa Capitula damnavit. Quod verò personas illas, quas Chalcedonense Concilium admittit, ipsa rejecerit, id res facti personalis fuit, ad quod se non extendit Ecclesiæ infallibilitas.

- 264 Inst. Ipse Pelagius Papa II. Ep. ad Episcopos Iſtriæ assertit, quòd etsi omnes Patres Concilii Chalcedonensis suis subscriptionibus Ibe Epistolam approbassent, tamen adhuc unusquisque eam reprehendere posset. Ergo saltem in sententia Pelagii Concilium etiam Oecumenicum in decidendis factis dogmaticis non est infallibile.

Resp. Conced. ant. Neg. conf. Pelagius paulò ante dixerat, Concilium Chalcedonense in iis tantum fuisse confirmatum, quæ ad fidem Catholicam spectabant; nihil autem Leonem Papam decrevisse de privatis negotiis quibusdam, quæ in eodem Concilio actitata fuerant. Itaque hîc vult dicere Pelagius, quod etiam si Episcopi Concilii Chalcedonensis suis subscriptionibus Ibe Epistolam approbassent, quamdiu tamen Sedes Apostolica huic approbationi assensum suum denegaret, quemadmodum Leo Papa apertè testatus fuerat, se non consentire nisi iis fidei dogmatibus, quæ contra Nestorium, & Eutychem in hac Chalcedonensi Synodo decreta fuerant, tamdiu unusquisque eandem Epistolam, in alio Concilio reprehendere posset, quod contra nostrum assertum nihil facit, ut patet.

- 265 Ob. 1960. Honorius fuit damnatus tanquam Monothelita in Synodo VI. ob binas, quas ad Sergium Constantinopolitanum Episcopum exaravit Epistolas, & tamen à multis Catholicis Doctoribus tum ipse, ut Catholicus, tum ejus Epistolæ tanquam orthodoxæ defenduntur, noviter à Baronio, & Bellarmino. Ergo &c.

Resp. Neg. conf. Qui Honorium ejusque binas Epistolas ab errore vindicare conantur Scriptores, non eò rem adducunt, ut Concilium lapsus cujusdam arguant; verum hæc duntaxat comminiscuntur, illius binas Epistolas confictas, & Concilio insertas ab Hæreticis fuisse. Alii timentur, eum re ipsa non negasse duas esse in Christo voluntates, sed noluisse, eas dici contrarias, proinde malè eas à Latino in Græcum translatas fuisse. Alii dicunt illius nomina inter eorum, qui à Synodo damnantur, nomina à Romanæ Ecclesiæ æmulis intrusum fuisse. Alii denique eum, non ut hæreticum, sed ut hæreticorum fautorem solum, propter incuriam & negligentiam in repellenda hæresi damnatum dicunt &c. Igitur objectio ad nihil esse videtur. Quòd si qui tamen forent, qui in damnandis iisdem hujus Pontificis litteris genuinis errasse Synodum VI. affirmare auderent, atque ita facti dogmatici ignorantia prolapsos esse, tales defensores nobis adversari fatemur, ac minimè sequendos contendimus, utpotè audaces nimis Scriptores, qui ut Papam aliquem defendant, totius Ecclesiæ causam deleverunt. *Qui hujusmodi apologias pro viris ab Ecclesia damnatis in Ecclesiam spargunt*, inquit appositè Lupus, *(p) lavant æthiopes, condescendique sunt, ut ingenia libertina & noxia, nisi etiam brevi pro Martino Lutero, & Joanne Calvino velimus apologias videre*. Et sic de similibus apologiis dicendum.

Ob. 2060. Ex nostra sententia sequitur, hujusmodi Ecclesiæ definitiones de factis doctrinalibus ad fidem pertinere, easque proinde fide divina credi debere. Atqui hoc absurdum est; Ergo &c. Prob. min. Illud solummodò pertinet ad fidem, quod est revelatum, nihilque est revelatum, nisi quod in Verbo Dei sive scripto sive tradito continetur. Atqui facta ejusmodi nec in Scriptura nec in Traditione revelata

velata sunt, ut per se manifestum est. Ergo &c.

Respondent aliqui neg. maj. & contendunt, ejusmodi definitiones Ecclesiæ seu Concilii esse quidem objectum necessarii nostri obsequii ac reverentiz, non autem divinæ fidei; atque hic observant, distinguendum esse revelationem ab assistentia Spiritûs sancti; hæc enim facultatem definiendi, illa objectum definiendum respicit. (g) In multis autem, quæ ad fidem ipsam immediate non pertinent Spiritum sanctum sic adesse ope singulari, ut errare non possit, probavimus tum in conclusionis parte secunda, tum in responsionibus ad objectiones. Ajunt ergo, hujusmodi definitiones Ecclesiæ non quidem fundari in fide simpliciter divina, quippe quarum objectum, seu id, de quo definit Ecclesia, revelatum non sit; nec etiam in fide simpliciter humana, utpote quæ falli potest, & fallere; sed in fide Ecclesiastica, quæ omni humana fide major est, & cujus firmitas & certitudo tota fuit à singulari Spiritûs sancti assistentia; eodem ferè modo, quo præcepta Ecclesiastica nec simpliciter divina, nec simpliciter humana sunt, sed velut media, quæ Ecclesiastica dicuntur, quibus fidelis quilibet obtemperare tenetur, dicente Christo, *Qui vos audit, me audit.*

Dicunt præterea, hujusmodi Ecclesiæ definitiones, quibus factum cum jure conjungit, ita juri, seu ei, quod ad fidem pertinet, conjungi, ut ab illo sine fidei periculo sejungi non possit. v. g. Vulgatam Scripturæ editionem esse verbum Dei certissimum est: supponit tamen aliquod factum non revelatum, nempe illam Autographo sacro conformem esse. Juris igitur definitioni, seu dogmati mens acquiescit, propter divinam revelationem; facto au-

tem propter Ecclesiæ auctoritatem; quæ hoc sensu divina dici potest, quod sit à Christo Deo concessa, qui Ecclesiæ suæ semper adest, nec in rebus necessariis ad communem fidelium salutem pertinentibus eam errare permittit; non verò, quoddam vinam, & supernaturalem fidem exigit. Defectus igitur revelationis in causa est; cur factum ab Ecclesia definitum non sit de fide; assistentia verò singularis Spiritûs sancti facit, ut certa sit, nec errori obnoxia Ecclesiæ definitio, ejusque auctoritas sit omni humanâ superior.

Deinde retorquent argumentum. Ecclesia e. g. definit Catholicam de gratiæ doctrinam contineri in libris S. Augustini contra Pelagianos, & Semipelagianos. Vel judicium istud certum est, & infallibile; vel incertum, & errori obnoxium? Si prius; est ergo de fide; & tamen nullibi revelatum est, S. Augustinum talem tradidisse doctrinam. Si posterius; ergo nec certam fidem nostram, nec obsequium mentis meretur; & Augustini sententiam pro arbitrio deferere possumus. Quod nemo concedet.

Respondent alii neg. min. utriusque argumenti. Ajuntque hujusmodi Ecclesiæ definitiones de factis doctrinalibus mediatè saltem & indirectè pertinere ad fidem, adeoque mediatè saltem esse revelatas. Duobus verò modis explicant revelationem illam mediatam. 1. mo. Illud omne dicunt mediatè revelatum, quod continetur in ea generali ac immediata revelatione, qua constat, Christum Ecclesiæ suæ in necessariis nunquam defuturum, quomodo mediatè revelatum ajunt, Concilium v. g. Tridentinum legitimam & Oecumenicum fuisse, nec in decretis fidei errare potuisse &c. 2. do. Mediatam revelationem etiam vocant eam, quæ in alia immediata propius inclu-

(g) Assistentia Spiritûs sancti, quæ ipse adest Ecclesiæ dum aliquid definit, aut decernit, quod fidem vel mores spectat, se tenet ex parte Ecclesiæ definientis. Revelatio autem Divina connotat, seu se tenet ex parte objecti seu rei, circa quam ipsa edit suam definitionem. Ut autem Ecclesia aliquid infallibiliter definiat, non est necesse, ut illud semper à Deo immediatè sit revelatum; sed sufficit, quod Ecclesiæ Spiritus sanctus ita assistat, ut errare non possit.

includitur, tanquam aut conclusio in præmissis, aut proprietates in natura, aut pars in toto: ita mediâtè revelatum dicunt, Christum adorandum esse in Eucharistia, quia realiter in ea præsens est: pariter duas esse in Christo voluntates & operationes, quia duplex in eo est natura impermixta, & inconfusa. Alterutro modò autem contendunt ii Theologi, mediâtè saltem revelatum esse, doctrinam v. g. Lutheri, aut alius hæretici, in ipsius libris vel libro contentam, & expressam esse erroneam; quæ mediata revelatio in ista generali & immediata includitur, *Ecclesiam columnam esse ac firmamentum veritatis, adversus quam porta inferi non prævalent*; quæ consequenter in dignoscenda ac notanda librorum doctrina aberrare nunquam potest.

267 Ob. 21mo. Definitio Ecclesiæ de facto aliquo doctrinali, re ipsa non differt, sed est eadem cum definitione de facto aliquo personali. Atqui hæc juxta nos est erroris obnoxia. Ergo & illa. Major prob. Definitio facti doctrinalis e. g. est definitio de libri alicujus sensu ab Auctore intento. Atqui hæc personam ipsam seu Auctorem respicit, adeoque personalis est. Ergo &c.

Resp. ad argumentum neg. maj. Ad illius probationem dist. maj. Definitio facti doctrinalis &c. est definitio de sensu libri alicujus ab Auctore intento, id est, in mente Auctoris delitescente, neg. maj. Id est, verbis in libro expresso. Conc. maj. & pariter dist. minore, neg. conf. Est enim definitio facti doctrinalis, in qua ferenda non sensibus, non hominum testimonio, non conjecturis incertis, sed ipsa libri inspectio, non sine cœlesti lumine & assistentia, Ecclesia ducitur. Porro de prioris sensu, in mente Auctoris scilicet delitescente, certò & infallibili judicio non pronuntiat Ecclesia; at de altero, qui verbis exprimitur, & præsumitur vulgò esse ab Auctore intentus, firmâ & inconcussâ sententiâ judicat Ecclesia.

Inst. Non est ratio, quare Ecclesia in fallibilis potius sit in judicandis factis doctrinalibus, quàm personalibus. Ergo &c.

Resp. Neg. ant. Hic alia ratio quarendæ non est, quàm & Dei voluntas, & ipsa factorum illorum natura. Facta enim doctrinalia non pendent ex testimonio hominum, aliunde verè pertinent ad publicum totius Ecclesiæ bonum; non item facta merè personalia.

Ceteris, quæ hic, præsertim contra primam Conclusionis partem, adhuc formari possunt, abundè respondimus in c. 5. & 6. part. 1. Traët. de S. Scriptura, quæ vide.

### §. III.

*Quale sit institutum à Christo Ecclesiæ Regimen.*

Triplex distinguitur Regiminis species Monarchia nempe, quæ est Imperium unius. Aristocratia, quæ est Regimen Optimum. Et Democratia, hoc est, totius populi Imperium.

Animus non est hic inquirere, quodnam horum regiminum sit optimum, id enim superfluum meritò videtur, utpotè cujus demonstratio ex ea Ecclesiæ regiminis forma suat, quam Christus instituit, & præscripsit. Enimverò cum ipse sit omnium Principum sapientissimus, quis negare auit, cum quoque optimum & præstantissimum Regimen Ecclesiæ suæ præfixisse. Ergo de forma Regiminis Ecclesiæ à Christo instituta & præscripta nobis hic est quæstio.

Et quidem velut apertum & indubitatum tenemus, Regimen Ecclesiæ sub Christo ejus summo Capite & Pastore purè Monarchicum esse, Christumque illius esse absolutum Regem & Monarcham juxta illud: *Ego autem constitutus sum Rex ab eo super Sion montem sanctum ejus.* Plal. 2. v. 6. Quo etiam sensu Ecclesia Regnum ejus nuncupatur. Luc. 1. v. 33. *Regni ejus non erit finis.*

Supponimus etiam, Regimen illud Ecclesiæ, quod à Christo hominibus traditum est,

est, duntaxat ministeriale externum esse, legibusque à Christo positis adstrictum, juxta illud S. Pauli 1. Corinth. c. 4. v. 1. *Sic nos existimet homo, ut Ministros Christi, ac dispensatores mysteriorum Dei.*

272 Supponimus quoque tanquam rem inter Catholicos omnino certam & exploratam, Regimen Ecclesiæ democraticum non esse, hoc est, plebi & multitudini Christianæ concessum: quia nusquam plebi dedit Christus claves Regni Cælorum, & auctoritatem ligandi ac solvendi; nusquam jus concessit Ministros ordinandi, ac consecrandi, prout ostendimus Tomo 3. nostræ hujus Theologiæ Tract. 4. de Sacramento Ordinis, ac demonstrat Bellarminus lib. 1. de Rom. Pontifice c. 6.

273 Supponimus ulterius, neque Principibus Sæcularibus à Christo concessam esse Ecclesiæ regendæ, ac gubernandæ auctoritatem. Sunt enim utriusque potestatis spiritualis, seu Ecclesiasticæ; ac temporalis seu Regiæ fines, ac officia planè distincta, prout præcedenti §. annotavimus ac fusiùs infra cap. 5to. demonstrabimus. Si aliquas ergo in tractandis Ecclesiæ negotiis interdum partes habuere Imperatores, ac Reges; si leges considerunt ad fidei, morum, ac disciplinæ Ecclesiasticæ conservationem, ac tutelam, certè non tanquam Religionis Judices, sed tutores duntaxat, Canonum defensores, ac vindices disciplinæ Ecclesiasticæ id fecerunt; prout sup. cit. §. præcedenti pag. 102. & seq. & §. 1mo hujus Capitis pag. 92. & seq. in Respons. ad objecta dictum.

Supponimus denique Regimen Ecclesiasticum Aristocraticum non esse, seu penes solos Episcopos, utpote, qui superioriorem agnoscant Romanum Pontificem.

Unde sequitur illud esse Monarchicum: siquidem unus est primus ac sum-  
P. Cartier Theol. Tom. I.

mus Ecclesiæ Pontifex, cui, ut jam ostendimus §. primò hujus Capitis, Christus Ecclesiam suam gubernandam tradidit &c. Sit igitur

Conclusio. Regimen Ecclesiæ est Monarchicum, Aristocratia tamen temperatum.

Prob. 1ma pars Conclusionis. Illud Regimen verè Monarchicum est, in quo est aliquis Superior, cui omnes parère tenentur in iis, quæ ad Ecclesiæ gubernationem pertinent. Atqui in Ecclesia agnoscitur aliquis Superior, Romanus nempe Pontifex, cui omnes fideles in iis, quæ Ecclesiæ gubernationem spectant, parère tenentur, prout Cap. 5. fusiùs demonstrabimus. Ergo illius Regimen est Monarchicum.

Prob. 2da pars ex eo, quòd Regimen 275 Monarchicum Aristocratia temperatum illud sit, in quo est aliquis summus Princeps, qui omnibus imperat, & in quo sunt Præsides, seu Principes provinciarum, vel Civitatum, qui tamen non sunt Vicarii meri summi illius Principis, seu annui Judices; sed veri Principes, qui & Imperio summi Principis obediunt, & interim provinciam suam vel Civitatem non tanquam alienam, sed ut propriam moderantur. Atqui hujusmodi est Ecclesiæ Regimen. Enimverò in ea est summus Pontifex, cui obtemperare omnes tenentur; sunt etiam Episcopi, qui suis quique Episcopatibus imperantes, veri Ecclesiæ Principes & Pastores, non Vicarii duntaxat Romani Pontificis esse dignoscuntur: eos enim posuit Spiritus sanctus Episcopos regere Ecclesiam Dei, Act. 20. v. 28. Qui & in Conciliis non sunt meri Consilarii Papæ, sed & Judices fidei, morumque controversiarum: imò ante Papam, sed iudicio subordinatò; cum Papa in Conciliis, & post Papam extra Concilia, sed iudiciò adhesionis de iis possunt judicare. Vide Bellarminum lib. 1. de Romano Pontifice cap. 1. & seqq. & præsertim c. 9. ubi Conclusionem

D d d

tionem

tionem nostram fusè demonstrat. Sed hac de re plura c. sto hujus Tractatus.

276

### *Solvuntur Objectiones.*

Protestantes plerique contendunt Ecclesiæ Regimen merè Aristocraticum esse, in quam opinionem Gallicani Theologi, licet ab ea verbotenus duntaxat discedere videantur, re ipsa tamen abire cernuntur, dum contendunt, Romanum Pontificem habere quidem Primum honoris, & jurisdictionis in Ecclesia supra singulos Episcopos, attamen eum Conciliis & omnibus Episcopis simul sumptis esse subiectum; nec ejus judicia firma esse posse, nisi illorum accesserit consensus; ex quo apertum est, in ipsorum Gallicanorum Theologorum sententia supremum Ecclesiæ imperium penes Concilia & Episcopos simul sumptos duntaxat esse, non verò Romanum Pontificem. Sed quàm imbellè hæc ab his Theologis asserantur Cap. sto ostendemus; qui vel ob id repellendi sunt, quòd ad suam stabiliendam opinionem iisdem pene argumentis utantur, quæ Apatholici adhibent, ut Aristocraticum Imperium Ecclesiæ, illudque merum, evincant. Igitur

277

Ob. 1mo. Luc. 22. v. 24. & 26. facta contentione inter Christi Discipulos, quis videretur eorum esse major, ait eis: *Reges gentium dominantur eorum. . . Vos autem non sic: sed qui major est in vobis, fiat sicut minor: & qui præcessor est, sicut ministrator, (r) &c.* Ergo Regimen Ecclesiæ à Christo institutum nullatenus est Monarchicum, sed merè Aristocraticum, aut saltem ita Aristocratico - Monarchicum, ut summus Princeps Optimatibus & Principibus illius simul sumptis subjiçatur.

Resp. conc. textum, & neg. conf. Si textus iste, & alii hujusmodi de Ec-

clesiæ regimine essent intelligendi, potius Democratiam puram innuerent; quam Aristocratiam, vel Monarchiam Aristocratiam temperatam, prout legenti textum patet. Imò sequeretur, neque ipsum Christum esse absolutum Ecclesiæ Monarcham, addit enim, *se esse ministratorem, atque venisse non ministrare, sed ministrare.* Quod utique absurdum est.

Hoc igitur textu Christus tantum prohibet in Ecclesiæ Superioribus fastum, & ostentationem potestatis, ejusque usum ad gloriam, & dominationem more gentium Principum; vultque, ut Superiores studeant saluti & utilitati subditorum suorum, & non quærant, quæ sua sunt. Quo sensu S. Petrus (s) Episcopos monet ut *gregem Dei pascant non dominantes in Cleris, sed forma facti gregis ex animo.* Id est, quærentes non utilitatem propriam, sed commodam, & salutem gregis. Qua ratione & ipse Christus dicit; se non venisse ministrari sed ministrare; necnon summus Pontifex, se *servum servorum Dei* nuncupat. (t) Et Paulus Epist. 1. ad Corinth. 9. v. 19. ait: *Omni me servum feci.* Sic aliis præfere, reverà est ministrare, atque eorum saluti inservire.

Neque id solum servare debent Ecclesiæ Præfetti, sed etiam Saculares; unde Ezechiel. 34. v. 4. Pastoribus, id est, Principibus Israël cum gravi reprehensione dicitur: *Cum austeritate imperabatis, & cum potentia.* Quare nec Principes Christiani Dominium aut potestatem exercere debent ad eum modum, qui hic Apostolis à Christo prohibetur. Textus ergo isti, ut & alii similes, qui ab Adversariis adducuntur, non satis apti videntur, ut Regimen Aristocraticum, ut etiam Monarchicum Aristocratiam ad Gallicanorum Theologorum sensum temperatum probent; quin potius, imperium merè

(r) Eadem habentur Matth. c. 20. v. 26. (s) 1. Pet. c. 5. v. 2. & 3. (t) Hunc titulum primus inter Pontifices usurpasse legitur S. Gregorius Magnus.

merè Democraticum innuunt, prout jam à nobis dictum est.

278 Ob. 2do. Ephes. 4. v. 11. Apostolus Hierarchiam Ecclesiasticam, quam Christus, post ascensionem suam, in terris reliquit, delineans nullam facit unius Capituli, sed multorum in commune, quibus Ecclesiæ Regimen traditum est mentionem. Sic enim ait: *Et ipse dedit quorundam quidem Apostolos, quosdam autem Prophetas, alios vero Evangelistas, alios autem Pastores & Doctores.* Non verò ait, dedit primum quidem unum summum Pontificem, deinde Episcopos, Pastores &c. Ergo &c.

Resp. Conc. ant. neg. conf. Etsi Apostolus hic summi Ecclesiæ Capituli mentionem non facit, nec enim hæc de re ipsi quaestio erat, non tamen illum excludit; neque ignorare poterat, Petrum omnibus Apostolis à Domino fuisse prælatum, atque super ipsum Ecclesiam suam fundasse, ipsi pascendas oves suas dedisse &c. Enumerat hic solummodo ministros, quibus Christus usus est ad ædificium Ecclesiæ suæ. Ultrò etiam concedimus, Apostolis tanquam primis Ecclesiarum fundatoribus, & prædicatoribus datam fuisse à Christo summam potestatem & libertatem; hæc enim illis Ecclesiæ primordiis omnino necessarium fuit ad fidem toto terrarum orbe celeriter disseminandam. Mortuis autem Apostolis, Apostolica auctoritas in solo Petri successore permansit. Nullus enim Episcopus, præter Romanum, sollicitudinem habuit unquam omnium Ecclesiarum, & solus ipse vocatus est ab omnibus *Apostolicus Pontifex*, & *Sedes* ejus *Apostolica* simpliciter & per Antonomasiam, necnon munus ejus *Apostolicum*; quasi omnem omnium Apostolorum auctoritatem summam in se suscepisset, prout re vera suscepit. Et testantur Patres & Concilia passim, prout suò locò ostendemus, Cap. 1<sup>to</sup> scilicet, præter ea, quæ jam alibi texuimus.

Possent etiam responderi, Apostolum hoc loco non delineasse Hierarchiam Ecclesiæ, sed tantum enumerasse varia dona, quæ sunt in Ecclesia. Primum enim posuit *Apostolos*, id est, eos, qui primi à Deo missi sunt; 2do. *Prophetas*, id est, qui futura prædicunt. 3tio. *Evangelistas*, qui nempe Evangelia scripserunt. Ultimo, *Pastores & Doctores*, quo confusè omnes Ecclesiæ ministros comprehendit. Quibus 1. Cor. 12. v. 10. addit *genera linguarum, curationes, & alia*, quæ non sunt Ecclesiastica ministeria, sed Spiritus sancti charismata.

Ob. 3tio. Christus est Caput Ecclesiæ 279 Ephes. 4. v. 15. Ergo injuriam facit Christo, qui aliud illius Caput constituit.

Resp. Dist. ant. Christus est Caput Ecclesiæ primum & invisibile, conc. ant. secundarium, vicarium & visibile neg. ant. & sub pari distinctione, neg. conf.

Nulla sit Christo injuria, ex eo quòd Papa dicatur Caput Ecclesiæ, imò potius ejus gloria augetur. Non enim asserimus, Papam esse Caput Ecclesiæ cum Christo, sed sub Christo ut ejus Ministerium & Vicarium; & sicut Regi alicui non fit injuria, si dicatur Prorex esse caput regni sub Rege, quin potius ejus gloria augetur, sic nec injuria Christo infertur, quod Papa sit ipsius Ecclesiæ Caput vicarium &c.

Inst. Nusquam Ecclesia dicitur corpus 280 Petri aut Papæ, sed Christi. Ergo &c.

Resp. Conc. ant. neg. conf. Ecclesia solum corpus Christi in Scripturis dicitur, quia ipse solus est ipsius Caput principale & perpetuum: Ut enim Regnum non dicitur Proregis, sic Ecclesia non est corpus Petri aut Papæ, qui solum ad tempus, & alterius locò eam gubernat; sed Christi, qui propria auctoritate & perpetuò illam gubernat.

Ob. 4to. Solus Deus oneri totius Ecclesiæ regendæ par esse potest. Ergo malè illius Regimen Papæ committimus.

D d d 2

Resp.



Resp. Dist. ant. Solus &c. ut per se ipsam regat. conc. ant. ut per subiectos ministros regatur. neg. ant. Papa per se solum non regit Ecclesiam, id enim sine miraculo fieri haud posset; ad regit eam per sibi subiectos multos Ministros & Pastores, quod non modò possibile, sed etiam utile, commodum, imò necessarium censemus.

- 282 Ob. 5to. Si mundus debet gubernari ab uno in iis, quæ ad Religionem pertinent, utile enim esset, ut regeretur ab uno in iis, quæ ad politicum ordinem spectant. Atqui hoc neque factum est unquam, neque expedit, ut fiat. Ergo neque expedit, ut in iis quæ ad Religionem pertinent, ab uno regatur.

Resp. Neg. seq. maj. Non enim est una eademque ratio politici, & Ecclesiastici Regiminis. Siquidem orbis terrarum non necessariò debet esse unum Regnum; proinde non necessariò postulat unum, qui omnibus præsit: at Ecclesia tota unum est Regnum, una civitas, una domus, & ideo ab uno tota regi debet. Cujus differentie ratio est, quòd ad conservationem politicorum Regnorum non necessariò requiratur, ut omnes provincie servent easdem leges civiles, & eosdem ritus; possunt enim pro locorum & personarum varietate, diversis uti legibus, & statutis, & idcirco non requiritur unus, qui omnes in unitate contineat. Ad conservationem verò Ecclesie necesse est, ut omnes conveniant in eadem fide, iisdem Sacramentis, iisdemque præceptis divinitus traditis: quod sanè fieri non potest, nisi sint unus populus, & ab uno in unitate contineantur.

- 283 Ob. 6to. Gallicani Theologi varios Ecclesie Canones, quibus subiectos se esse ultrò ipsi summi Pontifices fatentur. Ergo summi Pontifices sunt Ecclesie: saltem collectivè sumptæ & Conciliis subiecti. Ergo &c.

Prob. ant. 1mo. Julius I. ad Orientales. *Id verò, inquit, ad Synodi & Episco-*

*porum, qui in Nicæna Synodo fuerunt, contumeliam vergeret, si quæ illi tantò iudicio, & curâ veluti Deo præente egissent, à nobis ut vana, & futilia abrogentur... Nos omnia secundum Canones facimus.*

2do. Liberius in Epist. ad Constantium: *Nuquam, inquit, mea statuta, sed Apostolica, ut essent semper firmata, & custodita perfecti: secutus sum morem, ordinemque Majorum, nihil addidi Episcopati Urbis Romæ, nihil minus passus sum.*

3tio. Zosimus Epist. ad Episcopos Provincie Viennensis & Narbonensis. *Quod contra Patrum statuta, ait, concedere aliquid, vel mutare, ne hujus quidem Sedis possit Auctoritas; apud nos enim inconcussis radicibus vivit Antiquitas, cui Decreta Patrum sanxere reverentiam.*

4to. Bonifacius I. Epist. ad Hilarium Narbonensem. *Quod, inquit, nequaquam possumus ferre patienter, quia convenit, nisi paternarum sanctionum diligentes esse cussodes.*

5to. Cælestinus I. Epist. ad Episcopos Illyrici: *Dominentur nobis, inquit, Regula, non regulis dominemur, sumus subiecti Canonibus, cum Canonum præcepta servamus.*

6to. S. Leo I. Epistolâ olim 53. nunc 80. ad Anatolium c. 3. *Nimis ergo, inquit, hæc improba, nimis sunt prava, quæ sacratissimis Canonibus inveniuntur esse contraria. Et Epist. 55. nunc 79. ad Pulcheriam, Quoniam, inquit, contra statuta paternorum Canonum, quæ ante longissima ætatis annos in urbe Nicæna spiritualibus sunt fundata decretis nihil cuique audere conceditur; ita ut si quis diversum aliquid decernere velit, se potius minuat, quàm illa corrumpat. Quæ si, ut oportet, à cunctis Pontificibus intemerata servantur per universas Ecclesias tranquilla erit pax & firma concordia. Et Epist. ad Martianum Augustum, Ad meum, inquit, reatum tendit, si paternarum Sanctionum Regula, quæ in Synodo Nicæna ad totius Ecclesie regimen, Spiritu Dei*

*Dei instruente sunt condita, me, quod absit, connivente violentur.*

7mo. Simplicius Epist. ad Acacium, *Contra definitiones Concilii Chalcedonensis, nihil retrahari potest, quia per universum mundum in solubili observatione retinetur, quod à Sacerdotum universitate constitutum est.*

8vo. Gelasius Epist. ad Episcopos Dardaniz ait: *Synodi constitutum, quod universalis Ecclesia probavit assensus, non aliquam magis Sedem exequi oportere, quam primam.*

9no. Felix III. Epist. 15. *Apostolica, inquit, Sedes excutrix est Concilii Chalcedonensis.*

10mo. Gregorius Magnus Epist. 25. alias 24. lib. 1. ad Joan. Constantinopol. Sicut, inquit, sancti Evangelii quatuor libros, sic quatuor Concilia suscipere & venerari me fateor . . . cunctas vero, quas præfata veneranda Concilia personas respiciunt, respuo; quas venerantur, amplector: quia dum universali sunt consensu constituta, sed & se ipsum, non illa destruit, quisquis præsumit, aut solvere, quos religant, aut ligare, quos solvunt.

11mo. Martinus I. Epist. ad Joan. Episcopum Philadelphiz, *Defensores, inquit, Divinorum Canonum & Custodes sumus, non prævaricatores.* Et Epist. ad Amandum Trajectensem; *Ileo, ait, necesse habuimus. . . . Catum generalem fratrum, & Coepiscoporum in hac Romana Civitate congregare.*

12mo. Leo III. in Dialogo cum Missis à Carolo Magno Imperatore de additione particulæ *Filioque* Symbolo facta, negat, se quidquam posse Symbolo adjicere; *Quia, inquit, me illis (Patribus Concilii Constantinopolitani) non dico, præferam, sed etiam illud absit mihi, ut coarguere præsumam.*

13tio. Nicolaus I. Epist. 8. ad Michaellem Imperatorem; *Necessaria, inquit, rerum dispositione constringimur, & Apostolica Sedis moderamine convenimur, sic*

*Paternorum Canonum Decreta librare &c.* Et Epist. ad Photium ait: *Ecclesiam Romanam omnium Ecclesiarum esse caput, ex qua universitas credentium integritatem fidei deposcit. . . . Atque ordinem in cunctis utilitatibus & Ecclesiasticis institutionibus, quas secundum canonicas & Synodicas SS. Patrum sanctiones inviolabiliter ac irrefragabiliter retinet, exquire, ac festari.*

14to. denique, unico momento omnium Pontificum, qui post octo priora Concilia vixerunt, auctoritas concluditur. In solemnī Sacramento, seu jure jurando, quod in die sue inaugurationis emitunt, sicut legitur in libro Pontificum, qui Diurnus dicitur, obstringunt se ad religionem Conciliorum & Canonum observationem. *Profiteor, ait consecrandus Pontifex, me sancta universalia Concilia usque ad unum apicem pari honore, & veneratione digna habere, & qua prædicaverunt, & statuerunt, omnino sequi & prædicare; quaque condemnaverunt, condemnare ore & corde.* Et infra: *Sacrosque Canones, & sacrorum Pontificum Constituta custodire.*

Resp. ad argumentum 1mo. Dist. ant. 284 Summi Pontifices fatentur se subiectos esse Ecclesiæ Canonibus, quoad vim directivam, conc. ant. quoad vim coactivam neg. ant. & conf. Cùm Ecclesiæ Canones in Conciliis sub præsidio ipsorummet Romanorum Pontificum vel eorundem Legatorum conditi, & ab ipsis confirmati sint, tenentur iidem omnia sua Decreta, sanctiones, & mandata ad illorum normam dirigere, nec ab iis in quoquam sine gravi necessitate deflectere; non verò quòd ad illorum observationem vi quadam externa & superiore ullo modo cogi possint; Quemadmodum quilibet supremus Princeps directivè legibus à se latis tenetur quidem, non tamen coactivè.

Resp. 2do absolute neg. ant. Ad licta 285, summi Pontifices hic vel loquuntur de Canonibus & Statutis in fide vel jure

D d d 3

divino

divino & naturali fundatis, quibus derogare ipsis, ut & Ecclesie ipsi haud fas esse dicimus. Ultrò enim fatentur summi Pontifices cum Apostolo, se nihil contra veritatem posse. Vel si alicubi ipsis de Canonibus ad disciplinam Ecclesie spectantibus sermo sit; id ita intelligendum est, quod sis derogare, aut in illis dispensare non possint, nisi id vel ipsius Ecclesie necessitas, vel utilitas expetat; tum enim hanc potestatem in ipsis summis Pontificibus agnovere ipsamet Concilia Oecumenica, ut videre est Act. 1. Synodi VIII. ubi recitata est, & à Patribus approbata Adriani Papæ II. Epistola ad Basilium Imperatorem, ubi inter alia ea repetit, quæ Prædecessor ipsius Nicolaus I. ad Michaelem Imperatorem jam exaraverat, atque hinc ab Adversariis adducta leguntur supra num. 13tio dicens: *Necessaria verum dispensatione constringimur, & Apostolica Sedis moderatione convenimur, sic Canonum Paternorum decreta librare, & retrò Præfulum Decretorumque nostrorum præcepta metiri, ut quæ præsentium necessitas temporum restituit Ecclesiis relaxanda deposcit, adhibita consideratione diligenti, quantum fieri potest, temperemus.*

Id, inquam, tota retrò agnovit antiquitas, ut fusè demonstrat Eugenius Lombardus (u), & hodie omnes consentiunt. *Sic enim nostra ætate* (inquit Dominus de Marca (x)) *Episcoporum consecratio, quæ sine Metropolitano fieri non debet . . . inconsultò Metropolitanis, tribus Episcopis ad arbitrium summi Pontificis committitur contra Canones antiquorum Conciliorum. Duobus Ecclesiis adscribuntur siquenter Clerici contra Canones Concilii Chalcedonensis, dispensationibus indultis ad plura beneficia retinenda. Dispensationes in gradibus prohibitis à Concilio Lateranensi, olim rarissimæ, bo-*

*die verò sunt frequentissima. Episcopatum futura successiones, & in cæteris beneficiis præsentibus successiones per resignationes in favorem dictis, Pontificum arbitrio frequenter admittuntur. Novi Ordines Religiosi contra præscriptum Concilii Lateranensis quotidie approbantur. Multa quoque alia peraguntur, quæ summam quidem, & eximiam in Romano Pontifice à Constitutionibus generalium Conciliorum dispensandi auctoritatem etiam sine causa inesse probant. Atque hujusmodi dispensationes ubique terrarum recipiuntur; imò nullibi frequentius petuntur, quàm in Gallia, ut vix in alio magis, quàm in jure dispensandi Romani Pontificis auctoritatem agnoscere videantur Galli.*

Summi ergo Pontifices in Ecclesie, & Conciliorum Canonibus nedum dispensare, sed & eos etiamnum abrogare possunt, nec amplius urgere, ut observentur; ubi videlicet hominum duriora aspernantium malignitas eos detrectare visa est, temporum quoque ac personarum mutatio inutiles fecit, vel cum id Ecclesie ipsius bonum exigat.

Resp. 3tio. Ex eo, quòd summi Pontifices Ecclesie seu Conciliorum Canones summa veneratione prosecuti sint, atque declarant, aut eos contemnere, aut transgredi haud posse, non sequitur, quòd falsi sint, se illis esse inferiores; ipsa enim Concilia generalia non minorem venerationem testificata sunt erga Synodos quæ illa antecesserant, quàm summi Pontifices erga sacros Canones professi sint. Concilium Ephesinum, & Chalcedonenſe Synodi Nicænæ, & Constantinopolitanæ hæc formulas retulerunt, ac declararunt, nihil se in iisdem immutare, aut tangere posse: id ipsum quoque præstiterunt sequentes Oecumenicæ Synodi, atque sub anathematis pœna inhibuerunt, ne quisquam iis vel minimum quid adderet,

deret, demeretur. Quis autem inde inferat, unum Concilium posterioribus præminere? Sic ergo etiam ex eo, quod nonnumquam Summi Pontifices haud vulgarem observantiam suam in Canones à se, & ab Ecclesia conditos palam testificati sint, non satis aptè inferri videtur, eos illis esse inferiores. Cum enim hæc Regulæ ab ipsismet summis Pontificibus, qui Conciliis illis, in quibus ab innumeris penè & sapientissimis, necnon piissimis Episcopis Spiritus sancti instinctu proposita fuerunt, vel per semetipsos, vel per suos Legatos præfuderunt, condita fuerint, utique non poterant non ingenti erga eandem affici veneratione. Præterea, quia Summorum Pontificum semper fuit curare, ut Canones isti in omnibus totius Orbis Christiani Ecclesiis promulgarentur, & observarentur; fasne erat ipsis, quin à recto tramite devierent, eosdem non observare? Imò ad id omnino tenebantur, quoad ea videlicet, quæ Juris Divini aut Naturæ erant, non secus ac tota ipsamet Ecclesia. At hoc minimè oberat, quin in hujusmodi Ecclesiæ Canonibus dispensare, imò etiam eos abrogare potuerint, cum nempe necessitas, aut utilitas, aut alia demum ratio id expetere visa est. Quando igitur, se ab iis discedere non posse asseverant Pontifices, eorum munus & officium postulabat, ut, nulla videlicet in illis dispensandi obviente necessitate, aut ratione, eos observari curarent.

287 Resp. 4to. Gallicanos Theologos hic vel illa eruditione, quæ passim illis tribuitur, haud esse præditos, vel non satis esse sinceros, quod pro sua adversus Romanorum Pontificum auctoritatem opinione, ipsorum horum summorum Pontificum adducant testimonia, quos tamen constat acerrimos fuisse auctoritatis suæ & pote-

statis defensores. (y) Unde meritò ad singula ex ipsis hic adducta testimonia ulterius respondere possemus omittere, ut quæ ex modò dictis satis soluta videantur, verum ut liberales simus, nullamque præstantibus istis Theologis cavilandi occasionem relinquamus singulis suas responsiones adnectimus.

Ad 1mum igitur ex Julio I. dicimus, 288 id à quolibet Superiore convenientissimè asseri posse. Enimverò quodlibet Concilium Oecumenicum de æquo Episcopi aliqujus judicio sic loqueretur: *Id verò ad talis Episcopi contumeliam vergeret, si, quæ ille tantò studiò & cura velut Deo præsentè egisset, à nobis ut vana futilique abrogarentur.* Itaque illa rei judicæ aut statutæ iusticiam arguunt, non autem defectum potestatis ad eam retractandam, si minùs iusta esset. Nihil ergo ad præsentem quæstionem istud Julii Papæ testimonium.

Ad 2dum ex Liberio, respondemus, nihil eò contineri, quod ipsis summis Pontificibus adversetur. Si enim ibidem Liberius de statutis, quæ ab Apostolis sunt constituta, prout ex contextu videtur intelligendum, loquitur, non faciunt ad comparisonem Papæ cum Concilio, ac ejus Canonibus. Minùs adhuc, si de suorum Prædecessorum Decretis ipsi sit sermo.

Ad 3tium ex Zosimo petium responsio habetur in hoc ipso hujus sancti Pontificis testimonio, quod ab Adversariis fideliter relatum non est. Sic enim habet: *Contra statuta Patrum, & sancti Trophimi reverentiam, qui primus Metropolitanus ex hac Sede directus est, concedere &c.* Ibi Zosimus cassat id, quod Episcopi Synodi Taurinensis contra sancti Trophimi reverentiam & Patrum, id est, Romanorum præcipuè Pontificum, statuta, in

(y) Plura invenies in Opere nostro cui Titulus: *Auctoritas & Infallibilitas sum. Pontif. Abilita &c.* à pag. 227.

in Apoſtolice Sedis injuriam decreverat, concedentes Proculo Epiſcopo Maſſilienſi juſ ordinandi Epiſcopos provincie ſecundæ Narbonenſis. Quis autem ex hoc dicat, ſummum Pontificem Trophimo, quem ſancta Sedes primum Arelatenſium Epiſcopum conſtituerat, eſſe inferiore? Et cum Conciliorum generalium non n. emerit Zoſimus, Taurinenſis autem Synodi Canonem abroget, perperam ſarè citatur pro Conciliorum Oecumenicorum Canonibus contra Papam; imò ibidem contra Canones, ſextum nempe Concilii Nicæni, & tertium Conſtantinopolitani ſtatuit, ut Epiſcopus Arelatenſis in alienis provinciis, ſcilicet in utraque Narbonenſi, & Viennenſi Epiſcoporum ordinandorum facultatem obtineat; quia ob ſancti Trophimi reverentiam Eccleſiæ Arelatenſi privilegium illud putabat à ſummis Pontificibus fuiſſe conſeſſum. Patres verò, quorum ſtatutis ſe derogare non poſſe proſtitetur, intelligendi ſunt præcipue ſummi Pontifices, ut jam diximus, quorum utique Decretis poſſet derogare illorum Succellor, niſi id vetaret reverentia antiquitati debita, aut lex divina vel naturalis; hæc eſt enim alia ratio, cur Zoſimus exiſtimaverit, ne quidem S. Sedis auctoritatem Patrum Decretis poſſe derogare; quia ſcilicet Juris Divini aliquid plerumque continent, ſuper quo à nemine valet diſpenſari. Id ipſum exprimit idem Zoſimus Epiſt. 6ta, occasione Urſi & Tuentii Epiſcoporum ab eodem Proculo Maſſilienſi ordinatorum, his verbis: *Cum adverſus ſtatuta Patrum venit, non tantum illorum prudentia atque ſententia, qui in ævum victura ſanxerunt, ſed ipſi quolammodo ſili, & Catholica diſciplinæ irrogatur injuria. Quid enim tam ſanctum ac venerabile eſt, quam penitus non exorbitare ab itinere Majorum, quorum Canonica inſtituta vultu quodam fundamenta ſunt ſecundis fidei jacta ponderibus.*

Quartum ex Bonifacio adductum nullatenus ipſorum cauſam juvat; quin

potius illo proditur ſuprema in omnes Eccleſias Papæ Auctoritas & poteſtas. Narbonenſis quippe Eccleſiæ jura à Zoſimo Deceſſore ſuo imminuta reſtituit. Et quamvis dicat, convenire, ut paternarum Sanctionum ipſe diligens cuſtos ſit, non tamen ſequitur, etli de Conciliorum Canonibus id foret intelligendum, iis inferiore eſſe Papam; quod ſupra fuſè oſtendimus, adeo ut ſupervacancum videatur, iis quidquam ſuperaddere.

Ad ſextum ex Cæleſtino, Reſpondemus, hic eum exhortari Epiſcopos Illyrici, ut Eccleſiæ Canones obſervent, utque hæc ſua adhortamenta melius recipiant, præmodellia ſe illis adjungit, dicens: *Dominentur nobis regule*: Id patebit omnibus hanc Cæleſtini Epiſtolam legentibus, ubi totus eſt in inculcanda ſubmiſſione, quam erga Decreta Romanæ Eccleſiæ habere tenentur Epiſcopi, & ſpeciali cura, quam S. Sedes habet pro Eccleſia Theſſalonicensi. Datò tamen, Papam hic de ſe ipſo aſſerere illud, *Dominentur nobis regule &c.* ſateri utique poſteſt, ſe ſubjectum eſſe Canonibus, qui aliquid Juris Divini aut Naturalis admixtum habent. Vel ſi ipſi ſermo ſit de illis Canonibus, qui nonniſi Eccleſiaſtica Decreta continent, adhuc dicere poſteſt, *Dominentur &c.* eo ſenſu nempe, quòd illis ultro ſe ſubjiciat, atque omnino rationi conſentaneum ſit, iis ſe conformare, atque directive duntaxat ſubjici, non verò coactive.

Ad ſextum Reſp. Hæc S. Leonis loca potius contra Adverſarios facere, quam pro ipſis. Non enim alio ſine ita loquitur S. Leo, quam ut palam faciat, ſe jure ſuo quonem XXVIII. Concilii Chalcedonenſis rejicere, eoquòd Synodus Nicæna de præminencia & Jurisdictione Epiſcoporum aliter diſpoluerat, quam adducto Canone Concilium Chalcedonenſe. In illo negotio ſummè proſectò enituit S. Sedis auctoritas; tanta quippe fortitudine huic Oecumenicæ Synodi

Synodi Canoni restitit S. Leo, ut ob hanc renitentiam, qua se arbitrum & iudicem bindrum generalium Conciliorum Nicæni, & Chalcedonenfis constituebat, memoratus Canon nec vim, nec auctoritatem unquam obtinere poterit.

Ad 7mum. ex Simplicio, dicimus, ibi sermonem esse de definitione fidei Concilii Chalcedonenfis, quam hic Pontifex vult ubique servari. Quis autem unquam dubitavit, quod Summi Pontifices, æquæ ac alii fideles, teneantur credere ea, quæ Concilia generalia circa fidem de consensu S. Sedis definierunt? An non ipsamet Concilia Oecumenica pariter sequi tenentur ea, quæ de fide ab aliis æquæ Oecumenicis fuere definita? Quis ex hoc inferat, unum Concilium alteri esse subiectum, minoris auctoritatis?

Ad 8vum. ex Gelasio, responsionis locò addenda sunt tantammodò ea, quæ profequitur Pontifex: *Quæ, Sedes Apostolica, inquit, & unamquamque Synodus sua auctoritate confirmat, & continuata moderatione custodit pro suo Principatu, quem Beatus Petrus Apostolus Domini voce perceptum Ecclesiæ nihilominus subsequente, & tenuit semper, & retinet.* Quod si ad Papam pertinet omnes Synodos confirmare, & si Gelasius hic solum loquitur de cura executioni mandandi Synodos auctoritate Pontificia confirmatas; patet ex hoc loco inferri non posse, Summos Pontifices Conciliis vel eorum Canonibus esse subiectos; è contrariò, per ea verba, quæ mox retulimus, videtur, quod Gelasius aperit decernat auctoritatem Pontificiam supra Concilia, quippe quæ tanta sit, ut pro suo Principatu & illa confirmet, & moderetur, id est, in eorum Canonibus, prout ipsi visum fuerit, dispenset. Sed clarius adhuc supremam hanc Summorum Pontificum auctoritatem commendant ea, quæ Ep. 17a subiungit Pontifex, & quibus declarat Conciliorum Decreta quæcunque vim ac robur prout manifestè unum Pontificis consensu habere, pro nunquam ab

P. Cæsar Theol. Tom. I.

*ipso denegato admissa haud fuere; ipsius esse iudicare de universa Ecclesia, ipsum autem à nemine judicari posse.* Unde patet, quod hic S. Pontifex non censuerit, se eo, quod Gallicani Theologi cupiunt, modò Conciliorum seu Ecclesie Canonibus esse subiectum.

Ad 9num. ex Felice, ultrò concedimus, Summorum Pontificum esse, curare, ut Conciliorum Canones à summa Sede confirmati mandentur executioni; at quis inde concludat, quod ipsi eisdem sint subiecti?

Ad 10mum. ex Gregorio, respond. ea, quæ hic Pontifex iste profert, intelligi debere de Conciliis generalibus, quæ Sedes Romana suscepit, & approbavit. Idem enim S. Gregorius Ep. 31. lib. 6. asserit, *Ecclesiam Romanam hæcenus non recepisse Canones & Acta Concilii II. sed ea solummodò, quæ adversus Macedonii hæresim definivit.* Unde habetur, memoratum S. Pontificem non censuisse, Romanos Pontifices Conciliorum Canonibus, quibus nihil juris divini aut naturalis immixtum e. et, debere dici subiectos.

Ad 11mum. ex Martino, dicimus, ea, quæ ipse ad Episcopum Philadelphie scribit, potiùs Adversariorum opinioni obesse, quàm prodesse. Ibidem namque in iis ipsis Canonibus, de quibus loquitur, dispensat, mandatque Episcopo illi, ut recipiat eos, qui contra Canones fuerant ordinati, dummodò fidei professionem edarent. Ex iis verò, quæ ad Amandum Trajactensem scribit, non plus eruitur, quàm quod Summi Pontifices auctoritate polleant Concilia cogendi, quoties id necessitas, aut rerum exigentia postulare videtur; quod pro nostra sententia omnino facit.

Ad 12mum. ex Leone, respondemus imò. hoc argumentò nimium probari. Si enim sentit Leo, hanc vocem *Filioque* addi Symbolo non posse, quia hanc additionem prohibuit Concilium Constantinopolitanum, sequeretur Gallicanos Episcopos,

E e e

scopos,

scopos, qui eam Symbolo addiderunt, & supra Concilium, & supra Pontificem esse. 2do. Fatemur, Pontifices directivè obligari Decretis Conciliorum, quæ ipsi confirmarunt, præsertim in materia fidei. Vel ergo errore facti deceptus Leo Carolo Imperatori respondit, se Symbolo Constantinopolitano quidquam addere non posse, quia id ab ipsa Synodo Constantinopolitana, quam Sedes Apostolica confirmarat, prohibitum fuisset; vel prudenti Oeconomîa uti voluit, maluitque insigne modestiæ suæ argumentum edere, quàm ut, cùm difficilioris indaginis hæc quaestio ipsi videretur, re nondum satis discussâ, additionem illam *Filiolique*, quam Carolus Gallicanorum Episcoporum nomine tantopere urgebat, probare. Hujusmodi Pontificum Oeconomîæ & modestiæ frequentia exempla nobis subministrat Historia Ecclesiastica. At inde non sequitur, Pontifices arbitratos fuisse, se Conciliorum vel Antecessorum suorum Canonibus esse subiectos. Sanè ipse Leo III. ignorare non poterat illa supremæ Romanorum Pontificum auctoritatis monumenta, quæ ipsius Prædecessores frequenter ediderant.

Ad 13tum. ex Nicolao I. petitum, responsio habetur in ipso textu; sic enim loquitur Pontifex: *Sed bis tandem omisissis, ad ea, quæ cum universa Ecclesia, quæ apud nos est, dispensatoriè consideravimus, stylum jam dirigemus. Et cum Beato Gelasio nostræ Sedis Antistite consultè dicemus: necessaria verum dispositione constringimur, & Apostolica Sedis moderamine convenimur, sic Canonum Paternorum Decretalibrare, & retrò Præsulum, Decessorumque nostrorum præcepta metiri, ut quæ præsentium necessitas temporum restaurandis Ecclesiis relaxanda deposcit, adhibita consideratione diligenti, quantum potest fieri, temperemus &c.* Quid clarius pro supremâ Papæ auctoritate in Canones Conciliorum & Ecclesiæ afferri possit, non videmus. Pluribus insuper supremam in

universam Ecclesiam auctoritatem Pontificiam ibidem commendat Nicolaus. Ex si ex adducto ab Adversariis ipsius textu quidpiam evinci posset, sequeretur manifestè, eos non modò Conciliorum, sed Antecessorum suorum Canonibus esse subiectos, de his enim præcipuè loquitur hic Pontifex.

Ex iis autem, quæ ex ejusdem Papæ ad Photium Ecclesiæ Constantinopolitanæ invasorem Epistola addunt Adversarii, non aliud colligitur, quàm quòd Ecclesia Romana sit omnium Ecclesiarum Caput, quæ Sanctiones Synodicas custodit, ac retinet. Quid inde? Ergo Canonibus subiectus est Pontifex? Præclare admodum! Ergo, ut probetur, quòd Papa non subiaceat Conciliorum Canonibus, necessum erit, demonstrare, quòd illos pessumdare cum totius Ecclesiæ scandalo possit? Photius contra Canones, pulsò injustò Ignatiò Episcopò, Sedem Constantinopolitanam invaserat; id se non laturum significat Nicolaus Papa; ut videlicet sacris reclamantibus Canonibus, quorum Sedes Apostolica inviolabilis est custos, eam Ecclesiam possideat &c. An non potius per hoc auctoritatem Romani Pontificis commendat Nicolaus, quàm deprimat, ipsi judicent Adversarii.

Ad 14tum. denique, quod ex diurno Romanorum Pontificum profertur, Resp. 1mo. eo nimium probari; scilicet, non modò Conciliis & eorum Canonibus Pontificem subiectum esse, sed & Antecessorum suorum Decretis, & Constitutionibus: nam jurant etiam ibidem Romani Episcopi, se *Sacrorum Pontificum Constituta servaturos*. Sequeretur etiam ita hujusmodi Conciliorum Canonibus, & Pontificum Constitutis Papam fore subiectum, ut nec in iis dispensare possit, nisi sacrilegus, juramentique violator audire malit; quod tamen nec ipsi Galli tuerentur, ut qui tam crebrò Romanas fores pulsant pro obtinendis hujusmodi dispensationibus. 2do. ex eo, quòd jurant Summi

mi Pontifices, se sacros servaturos Canones, non sequitur, illos iis esse aut fuisse subiectos; quin potius opportunè inde inferri videtur, quòd illis sint superiores. Si enim coactivè ab aliis ad illorum observationem cogi possent, quid opus foret, ut ad illorum custodiam se juramentò obstringerent? Adeo ut, si id fecère, nulla ratione id ab ipsis prælitum fuisse videatur, quàm ut, quia à nemine ad hujusmodi Canonum, & Constitutionum observationem cogi se posse ultrò scirent, saltem propriò juramentò ad eam se adstringerent; quemadmodum ipse Galliarum Rex, qui quoties inungitur, jurat, se Regni & Decectus suorum statuta, & decreta inviolabiliter servaturum; quin tamen inde inferri possit, ipsum esse illis inferiorem & subiectum.

289 Ob. 7mo. Clerus Gallicanus in Comitibus generalibus congregatus annò 1650. eum annò 1632. aliqui Episcopi criminis læsæ Majestatis accusati fuissent, summusque Pontifex quatuor tantum Gallicanis Episcopis causam hanc nomine suo dijudicandam commississet, adversus hanc innovationem contra Canones hujusmodi Episcoporum causam nonnisi à duodecim Episcopis dijudicari posse statuentes protestatus est datà ad Innocentium X. Papam Epistolâ. Ergo Canonibus subiectum Pontificem censuit hic Clerus Gallicanus.

Resp. Neg. conf. Ex hac Præfatum Gallicanorum querela nihil contra Summi Pontificis auctoritatem concludi potest. Licitum quippe est quibuslibet Episcopis, eum Summum Pontifex, ubi nulla Ecclesiæ ipsius utilitas, aut necessitas id exposcit, adversus consuetudinem in ipsorum Ecclesiis per Canones stabilitam quidpiam vult innovare, desuper conqueri; dummodò id modeste, & cum observantia illa

fiat, quam Canon 13tius Concilii Oecumenici VIII. præscribit, nempe *cum decenti reverentia de proposita questione percirculando, responsurumque admittendo, vel utilitatem admittendo, vel dando, non tamen auctoriter contra senioris Romæ Pontificis sententiam dicendo.* Imò, ut habet Canon 3omus Synodi Triburiensis, *servanda est cum mansuetudine humilitas, ut licet vix servandum ab illa Sancta Sede imponatur jugum, conferant, & pia devotione tolerant Episcopi.* Honoranda quippe est Sancta Romana & Apostolica Sedes; ut quæ nobis Sacerdotalis mater est dignitatis, esse debet Magistræ Ecclesiasticæ rationis.

Ob. 8vo. Annò 1682. Clerus Gallicanus Declarationem edidit, qua statuit usum Apostolicæ Sedis potestatis per Canones Spiritu Dei conditos, & totius mundi reverentiâ consecratos moderandum esse. Ergo censuit Papam esse Canonibus subiectum.

Resp. Non multum apud nos valere hanc adversus Summos Pontifices Cleri Gallicani Declarationem, quòd in ea edenda nimisquam partium studia scèrati sint Franciæ Præsules. Eam quippe tum procederunt, cum acerba Coronam Galliæ inter & Summum Pontificem ob Regaliæ extensionem vigerent contentiones, eo, inquam tempore, quo Ludovicus XIV. tam ob Regaliæ, quàm alia capta graves cum Innocentio XI. Papa gerebat simultates. Ministri ergo Regii afflicti Papam Aulæ addictos Præsules eò induxerunt, ut relicta Majorum suorum traditione, & doctrina, quasdam supremæ illius auctoritati infestas declarationes, atque etiam hanc, quæ modò nobis objicitur procederent, Regioque, ut fertur, Ministerio examinandas & approbandas exhiberent: nec enim ulla apud Gallos valere videtur Præfatum

E e e 2

circa

(x) *Regalia* jus est percipiendi fructus seu redditus Episcopatus alicujus mortuo illius Præsule & Sede adhuc vacante. Jus illud quod Rex ex privilegio summæ Sedis in pterosque Galliarum Episcopatus jam obtinebat, in omnes, adeoque etiam illos, qui servitute hac immunes erant, extendere tentavit; verum totis viribus obstitit Summus Pontifex, hinc simultates illæ Pontificem inter & Regem &c.



circa rem Ecclesiasticam definitio, nisi à Regio Ministerio comprobata fuerit. Ita ut apud nos hæc Cleri Gallicani declaratio non plus valere debeat, quam Regionum Ministrorum effatum aliquod.

2do. Cùm Potestas Papæ à Deo sit concedita ad ædificationem, non ad destructionem, nec contra veritatem, sed pro veritate; ultrò concedimus, fas ei non esse, leges Canonicas nullâ aut levi duntaxat ex causa solvere. Quid enim hoc aliud esset, quàm, contra monitum sapientis, sepem dissipare, & una manu destruere, quod Apostoli, quod Patres tantò laborum, sanguinis, & vitæ impendio altera manu construxerunt. Verùm quia incident interdum causæ, ob quas à jure communi, atque à Canonibus vel Canonum littera recedendum videatur, Papam tunc, qui Canonum non modò Custos & vindex est, sed etiam Interpres, auctoritate pollere tuemur illos interpretandi, ab eis recedendi, eorumque rigorem paternâ indulgentiâ dispensando mitigandi. Neque hoc contra Canones esse sed maximè juxta eosdem antiqui in Summis Pontificibus agnovèrunt. Absque ulla verò causâ Papam Canones Spiritu Dei conditos, & totius mundi reverentiâ consecratos unquam violaturum non existimamus. Quòd si tale quid aliqui ejus Officiales tentarent, id unum à Clero Gallicano postularemus, ut scilicet ea ratione se gerere vellet erga Sanctam Sedem, quæ se habet erga Regem suum, cùm à Regis Officialibus injuriam quamdam patitur. Si igitur eò, quem nunc & alibi jam exposuimus modò & sensu hæc Cleri Gallicani declaratio Pontificiam potestatem modèrandam intelligit, ultrò eidem manus porrigimus, secus verò, si vult, Papam Canonibus coactivè subiectum esse, procul eam, velut erroream, rejicimus.

291 Ob. 9no. Concilii VI. Africani Patres, inter quos sedebat S. Augustinus, graviter apud Cœlestinum Papam exposularunt, quòd Zosimus ejus Decessor Ap-

piarium Presbyterum in Africana Synodo damnatum, & gradu suò dejectum appellentem suscepisset contra Concilii Nicæni Canones &c. Ergo hi Africani Præsules censuerunt, Romanum Pontificem Conciliorum Canonibus adstringi iisque subjeci.

Resp. 1mo. Fictitiam esse Epistolam illam, quæ Concilio VI. Africano tribuitur, vel potius alii Carthaginensi Synodo, quæ post quinquennium ab hoc, de quo agimus, plenario Africano Concilio celebrata falsò commentò dicitur, & unde locus, qui nobis objicitur, depromptus est. Certum enim est, Appiarii causam in laudato plenario Carthaginensi, seu Africano Concilio VI. ita fuisse finitam, ut eidem Româ, quò Sedem Apostolicam appellaverat, revertenti, atque inter alia crimina etiam se falsis sceleribus Urbanum Siccentem suumque Episcopum apud Zosimum infamasse fatenti, necnon delicti veniam poscenti concessum fuerit, ut communioni restitutus, dummodò in Siccentem Episcopatum nunquam deinceps accederet, alibi ubivis posset ex beneplacito Episcoporum, ad quos diverteret, Sacerdotium exercere &c. Hæc Episcopi Africani in Epistola ad Bonifacium Zolimi Successorem, quam Romanæ Sedis Legati Faustinus Episcopus, Philippus & Asellus Presbyteri Romam secum detulerunt, in qua addunt prædicti Africani Patres, se donec exemplaria Nicænorum Canonum acciperent, quoad appellationes ad Sedem Apostolicam à Judiciis Episcoporum Provinciarum factas, & quas in Nicænis Canonibus fundatas in suo ad ipsos Commonitorio dixerat Zosimus, morem Summo Pontifici gesturos.

Ad quid ergo altera Epistola illa, ex qua objectio deprompta est, & quæ supponit, Appiarii causam denuò assumptam fuisse, ipsi quæ omnino excommunicatum? Quid necesse erat post integrum, quod finitur, quinquennium eandem iterum in judicium reassumi, ac Faustinum aliosque Romanæ Sedis Legatos in Africam iteratò diri-

dirigere, ut causæ cognitionem denuò susceperent: & si fides nulla habita Romæ fuerat testificationi universalis Synodi de re visa, & audita scribentis, unacum asseveratione revertentium ex Affrica Romanorum Legatorum, quid opus erat altera testificatione alterius post quinquennium Concilii?

Sanè ea Epistola, inquit Cabassutius (a), suam apud omnes, qui iudiciò & ratione utuntur, prodit suppositionem, si mulque Concilii, cui assignitur, fictionem, cujus nullum alibi extat indicium, aut Sæculi illius testimonium.

2do. Datò etiam, hanc Epistolam non esse fictitiam, nihil tamen ex ea pro Affricanis Episcopis concludi potest in præjudicium supremæ auctoritatis Romanorum Pontificum respectu Canonum in Conciliis editorum. Nimis enim timidè hic scribere finguntur hi Præsules, quàm ut supremæ, ut dictum, in Canones Summi Pontificis auctoritati quidquam derogare velle videantur. *Præfatò*, inquit, *debita salutis officio impediò deprecamur, ut deinceps ad vestros aures hinc venientes non facilius admittatis*. Precantur, non quidem ut penitus non admittat eos, qui ex Affrica venirent, sed ut *facilius* duntaxat non admittat. Præceperat Zosimus, ne Episcopos Romanam Sedem appellantes impedi- rent, idque Nicænâ Synodò statutum asseruerat. Hic finguntur Affricani Præsules dissimulata ad id responsione, absolutè scribere, ne à seipsis excommunicatos in communionem ultrà, vel festinatò, vel præproperè, vel indebitè recipere velit Pontifex, quia, dicere finguntur, *hoc etiam Nicænò Concilio definitum facile advertet Venerabilitas tua*, quò quidem citatum à Zosimo Canonem Nicænum Affricani Præsules non reperisse supponunt. Sed id mirum non est, inquit Eugenius Lombardus (b), qui hujus Epistolæ veritatem supponit, quia Patres isti collectione Rufini ute-

bantur, quam vel ex ipso Athanasio, qui Nicæno Concilio interfuit, constat esse depravatam, & in ea quamplurimos Canones omisos; ipsa verò exemplaria Nicænæ Synodi partim ab hæreticis corrupta, partim incensa fuisse &c.

Sed demus etiam, neque Canonem à Zosimo citatum de admittendis ad Sedem Apostolicam provocationibus inter Nicænos extare; satis omninò esse videtur, quòd Canon ille extet in Concilio Sardicensi etiam Oecumenico, & cui 344. Catholici Episcopi interfuere. Causa autem cur Zosimus fortè pro Sardicensi Canone Nicænum allegaverit Concilium, hæc est, quia tametsi duo hæc Concilia fuerint Generalia parisque auctoritatis, Nicænum tamen notius erat, majorique illud veneratione prosequerentur populi, tum quia primum de Ariana hæresi triumphaverat, tum quia Sardicensis non aliam ob causam fuerat coactum, quàm ut in illo confirmarentur Nicæni Decreta, tum denique, quia in Collectione Canonum, quibus utebatur Romana Ecclesia permixti erant Canones Nicæni & Sardicenses sub eadem Nicæni Concilii inscriptione; quod manifestè apparet in Justellianis, & Quesnelianis Nicænorum Canonum editionibus. At verò in Sardicensi Concilio hæc ipsa, quæ Zosimus à Patribus Affricanis de Episcoporum quorumcunque ad Romanam Sedem appellandi jure exposcit observari, differtè sancita leguntur.

Ob. 10mo. S. Augustinus eodem ferè 392. stylò ac Africani Patres ad eundem Cælestinum Papam scribit (c) occasione Antonii Fussalensis Episcopi, qui administratione suæ Ecclesiæ ob scelera sua privatus, Sedem Apostolicam appellaverat; atque Pontificem obtestatur, ut latam in Antonium sententiam vigere sinat. Ergo &c.

Resp. Gratis hæc S. Augustino affingi; procul enim ut in memorata Epistola neget, fas non esse Romano Pontifici Episcoporum Sanctam Sedem appellantium cau-

E e e 3

fas

(a) Noric. Eccles. Sæcul. 5. in Conc. Carthag. VI. annò 418. (b) Regal. Sacerd. lib. 2. §. 8. n. 3. (c) Epist. 209. aliàs 261.

fas dijudicare, quin potius jus illud omnino in eo agnoscat. Enaratis quippe, quæ in Fussalensi Ecclesia acciderant, enixè cum precatur, ut quæ ipsi directæ erant circa Antonium Fussalensem Episcopum... momenta omnia recitari sibi curet &c. Enumeratis deinde Cæsariensis provincie Episcopis, quorum causas Sedes Apostolica dijudicaverat, vel dijudicatas confirmaverat, laudat Bonifacium Papam, quod, Pastorali vigilique cautelâ, ea tantum conditione Antonium absolvendum censuerit, si nempe rerum gestarum ordinem fideliter sibi exposuisse deprehensus fuisset. Adversus eum deinde S. Augustinus per Christi misericordiam, & sanguinem, per Apostoli Petri memoriam Cælestini opem implorat, rogatque, ut, modò certior factus eorum, quæ post laudati Papæ Bonifacii litteras in Africa gesta sunt, Apostolicæ Sedis sententiam executioni mandari non permittat; sed tam erga Fussalenses, quàm ipsum Antonium misericordiam impendere velit. Et post alia omnimodæ in Sedem Apostolicam submissio: is testimonia tandem hinc Epistolam suam claudit: *Si autem & membra Christi, quæ in illa regione sunt, ab exitiabili timore, ac tristitia recreaveris, & meam senectutem hic misericordia jussitua fueris consolatus, retribuet tibi & in presenti & in futura vita, qui per te nobis in ista tribulatione succurrit, & qui te in illa Seue constituit.*

Omnium proinde, quorum mentem partium studia nondum penitus obsecaverant, arbitrio relinquimus, num non ipse S. Augustinus, contra quàm velint Adversarii, hic agnoscat in Summo Pontifice supremam Africanorum Episcoporum ad Sedem Apostolicam appellantium lites & causas dirimendi auctoritatem &c.

## CAPUT IV.

## De Membris Ecclesiæ.

Ecclesiam esse Corpus vivum animâ & corpore constans, cujus anima sunt dona

Spiritus sancti, Fides, Spes, & Charitas &c. Corpus verò externa fidei professio Christianæ, & eorumdem Sacramentorum communio sub legitimis Ecclesiæ Pastoribus, præcipuè autem Romano Pontifici, jam initio hujus Tractatus annotavimus. Modò nobis exponendum est, Quinam propriè hujus Corporis membra esse censentur; mentem nostram §. sphis aperiemus. Sit ergo

## §. I.

*An soli Prædestinati sint vera Ecclesiæ membra.* 294

**C**onclusio. Nec omnes, nec soli Prædestinati sunt in Ecclesia Christi. Est contra Wicleffitas, Lutheranos, & Calvinistas.

Prob. 1ma pars. 1mo. Quia nulli manifesti hæretici & infideles ad Ecclesiæ animam & corpus pertinent. Atqui inter istos multi sunt prædestinati, ii scilicet, qui ejuratâ hæresi, & infidelitate abjecta ad Deum convertuntur, & in vera fide ad finem usque perseverant. Ergo &c.

2do. Quia prædestinatio non est ratio formalis Ecclesiæ, seu à qua propriam & formalem, seu essentialiæ suam accipiat denominationem: Ecclesia enim est visibilis & conspicua, velut civitas supra montem posita: Prædestinatio verò est tota interior & invisibilis; undè fieret, ut illi prædestinati, qui soli ab Adversariis dicuntur esse de Ecclesia, nec se ipsos cognoscerent, nec ipsam Ecclesiam, quod tamen scire multum interest juxta ipsos Adversarios.

3tio. Prædestinatio non est necessaria, ut aliquis ad Ecclesiam pertineat; cum & ipsi reprobi in ea contineantur, prout postea demonstrabimus. Ergo &c. Vide ea, quæ supra Cap. 2. §. 6. de Visibilitate Ecclesiæ disseruimus.

Prob. 2da pars. 1mo. Ex variis nominibus, quibus in Scriptura Ecclesia designatur. Comparatur quippe *Agro Domini*, Matth. 13. In agro autem inter niten-

tia culta lappæ, tribuli, & steriles dominantur avenæ. *Area*, Matth. 3. In area verò palææ frumentum operiunt. *Sagena* missæ in mare, in qua boni & mali pisces concluduntur, Matth. 13. *Convivio nuptiali*, ad quod intrârunt boni & mali, & postea mali non habentes vestem nuptialem projiciuntur in tenebras exteriores, unde concludit ipse Christus, Matth. 22. *Multi sunt vocati, pauci verò electi*; id est, multi sunt in Ecclesiâ, quæ est evocatio quædam, sive cœtus vocatorum, qui tamen non omnes sunt de electis. *Decem Virginibus*, Matth. 25. Quarum quinque sunt prudentes, & quinque fatuæ. *Ovis*, ibidem. In quo sunt oves & hœdi; illæ Christo Interprete significant electos, isti reprobos. Ergo in Ecclesiâ continentur boni & mali, reorobi sicut prædestinati.

295 Prob. 2do. Ex SS. Patribus, Cyprianò, Epist. 51. ad Confessores, & 52. ad Antonianum, quas sæpè laudat S. Augustinus agens contra Donatistas; S. Hieronymò, Dial. adversus Luciferianos post medium; S. Augustinò, Tract. 45. in Joan. lib. 2. cont. Crescon. Grammaticum; S. Fulgentiò, lib. de fide ad Petrum c. 43. S. Gregoriò Magnò, Hom. 33. in Evangelia; Qui omnes ex iisdem mox indicatis Scripturæ testimoniis nostram probant, & confirmant Conclusionem. Sufficiat hic retulisse verba ex Breviculo Collationis cum Donatistis tertiâ die c. 9 n. 16. ubi S. Augustinus & plerumque trecenti Episcopi in famosa collatione anni 411. Donatistis multa Scripturæ loca opponentibus, ut ostenderent, peccatores membra Ecclesiæ non esse, nec ad eam ullatenus pertinere, sic loquuntur: *Hæc duo tempora Ecclesiâ, quæ nunc est (nempe militans) & qualis tunc erit (nempe triumphans) significata ut etiam duabus piscationibus: una ante resurrectionem Christi, quando mitti jussit retia, nec sinistram nec dexteram nominans partem, ut nec solos malos, nec solos bonos, sed commix-*

*tos bonis malos intra retia suorum Sacramentorum futuros doceret: (En Ecclesiâ militantem) post resurrectionem autem, quando jussit retia mitti in dexteram partem, ut post resurrectionem nostram (in fine mundi) solos bonos in Ecclesiâ (triumphantem) futuros intelligeremus.*

Prob. 3tio. Rationibus Theologicis. 296 1mo. Quia Paulus, cùm Ecclesiâ perfectebatur, non erat in illa, & tamen erat prædestinatus; è contra Iudas erat reprobus, quamvis esset in Ecclesiâ, utpotè Christi Apostolus.

2do. Quia si Ecclesiâ ex solis prædestinati constaret, esset invisibilis, & à nemine certò dignosci posset, consequenter nemo teneretur illam investigare; quod absurdum est.

3tio. sequeretur, omnes infideles prædestinatos esse de Ecclesiâ, quamvis non sint baptizati, cùm tamen Baptismus sit Janua ad Ecclesiâ; & è contra viros sanctiores necnon baptizatos non prædestinatos non esse de Ecclesiâ; cùm tamen dicat Apostolus 1. Cor. 12. & Galat. 3. *eos omnes, qui baptizati sunt, Christum induisse.*

4to. Quia ex adversa doctrina sequeretur, omnem Superiorum auctoritatem, ac debitam ipsis observantiam, & obedientiam labefactari, quippe cùm nec oves Pastores suos, nec Pastores oves suas cognoscerent; & nutari omnem non modò Ecclesiâ, sed & fidei ipsius, Scripturæque auctoritatem, ut & omnium Sacramentorum: nemo enim sciret, quæ sit vera fides, vera Scriptura, vera Sacramenta; cùm à sola Ecclesiâ tutò ea omnes accipere possint, & debeant; unde autem habebit, hanc esse veram Ecclesiâ, si tota lateat in prædestinatiis?

5to. Vera Christi Ecclesiâ est per totum orbem diffusa, ut supra ostendimus. (d) Atqui hoc erit falsum, si ex solis prædestinatis constet; hi enim sunt pauci, si cum reprobis comparentur. Ergo &c.

Sol.

(d) Cap. 2. §. 3. de Catholicitate Ecclesiæ.

## Solvuntur Objectiones.

Ob. 1mo. Arca Noë fuit figura Ecclesiæ. Atqui in ea non erant nisi salvandi ex aquis diluvii; Ergo in Ecclesia non sunt nisi salvandi, seu prædestinati

Resp. Dist. Maj. Arca Noë fuit figura Ecclesiæ, quoad aliqua, conc. quoad omnia, neg. Maj. In duobus maximè Arca fuit typus Ecclesiæ, 1mo. Sicut in Arca includebantur omnis generis animalia munda & immunda &c. ita in Ecclesia continentur boni & mali, prædestinati, & reprobi. 2do. Sicut extra Arcam nemo salvabatur ab aquis diluvii, ita extra Ecclesiam nulli ad æternam salutem patet aditus. Hanc comparisonem inculcant SS. Patres, Cyprianus lib. de unit. Eccles. Hieronymus Epist. ad Damas. de tribus Symbolis. S. Augustinus lib. 5. de Bapt. cap. ult. Non verò Arca Noë fuit figura Ecclesiæ quoad omnia, aliàs sequeretur, omnes baptizatos esse prædestinatos: cum enim S. Petrus (e) comparet Baptismum cum Arca Noë sequeretur, omnes malos, immundos, peccatores salvandos esse, quia immunda animalia pariter ac munda in Arca salvata sunt, quas consecutiones non admittunt nostri Adversarii.

298 Ob. 2do. Ecclesia, quæ est vera Christi sponsa, Cant. 4. v. 12. dicitur, *hortus conclusus, fons signatus, puteus aquarum viventium*: quæ omnia propter electos & prædestinatos dicta fuisse docet S. Augustinus lib. 5. de Bapt. c. 27. Ergo &c.

Resp. 1mo. Hæc S. Augustinus intellexit de Ecclesia triumphante: *Ubiunque, ait, (f) Ecclesiam commemoravi non habentem maculam neque rugam, non sic accipiendum est, quasi jam sit, sed quæ præparatur ut sit, quando apparebit etiam gloriosa*. 2do. Ecclesia militans per Sy-

needochem (g) potest dici hortus conclusus, fons signatus &c. scilicet propter prædestinatos; sic etiam Scriptura sæpè tribuit aliquid toti, quod tantum parti convenit. 3tio. Dicitur *hortus conclusus* &c. quod folis extraneis, & à fide alienis occludatur: Sicut ergo in horto etiam conclusæ vepres simul admixti reperiuntur cum floribus, & spinæ cum rosis, sic etiam in Ecclesia simul cum sanctis & prædestinatis sunt reprobi. 4to. Ea, quæ in Canticis de Sponsa dicuntur, non sunt necessariò de Ecclesia intelligenda, sed etiam de Beata Virgine Maria; item de qualibet anima perfecta, quod ultimum probabilissimè videtur.

Ob. 3tio. Ecclesia est unum Ovile, 299 Joan. 10. v. 16. Atqui istius Ovilis oves sunt soli & omnes prædestinati, ut innuit Scriptura ibidem. Ergo &c.

Resp. neg. min. Nam etsi interdum S. Scriptura per nomen Ovis denotet prædestinatos, subinde tamen etiam significat alios, quàm prædestinatos, omnes scilicet tam bonos, quàm malos, qui externa saltem fidei professione pertinent ad Ecclesiam; quo sensu Christus Joan. 21. v. 18. allocutus est Petrum: *Pasce oves meas*; & Psal. 73. v. 1. dicitur: *Ira tus est furor tuus super oves pascuæ tuæ*. Et Ezechiel. 34. ubi describuntur oves Dei aliæ pingues, aliæ macilentæ, aliæ sanæ, aliæ ægrotae.

Ob. 4to. Apostolus Hebræorum 3tio, 300 innuit nos non pertinere ad domum Dei, id est, Ecclesiam, nisi firmam fidem, & spem retineamus. Atqui soli prædestinati retinent firmam fidem & spem usque ad finem. Ergo &c.

Resp. Apostolum hic hortari Hebræos, ut in fide & vita Christiana perseverent, neque propter varias tentationes, & Judæorum persecutiones animò frangantur, &

(e) 1. Pet. c. 3. v. 21. (f) Lib. 2. Retract. c. 18. (g) *Synecdoche*, figura Rhetoricæ, quæ ex parte totum, vel ex toto pars intelligitur.

& à fide deficiant; adeoque cum agere tantum de perseverantia in Domo Dei, quasi hinc concludere deberent Hebræi, parum esse, quod essent membra Ecclesiæ, nisi usque in finem perseverarent.

Adde, nos esse Domum Dei, seu Ecclesiæ ipsius membra perfectæ, si perseveremus in fide, & charitate, quia tunc non tantum sumus in corpore Ecclesiæ, sed etiam ipsius animæ hinc fidei, spei & charitatis vinculis conjungimur; secus equidem ipsius membra sumus, sed imperfecta, & mortua.

301 Ob. 5to. Christus non potest esse Caput nisi illius Ecclesiæ, quam salvabit. Atqui ad hujusmodi Ecclesiam pertinent soli prædestinati. Ergo &c.

Resp. Neg. maj. Christus enim eo modo est Caput Ecclesiæ, quo dicitur Salvator. Atqui est Salvator non modo prædestinatorum, sed & omnium hominum, saltem sufficienter, quamvis non efficienter. Ergo est Caput Ecclesiæ, quam salvabit sufficienter saltem, si non efficienter.

## §. II.

302 An soli iusti & perfecti sint membra Ecclesiæ.

Quæstio hic est, utrum Ecclesia ex solis iustis ac perfectis constet; & an non etiam peccatores admitat & contineat.

Conclusio. Non ex solis iustis & perfectis constat Ecclesia; sed etiam admixtos habet imperfectos, & peccatores. Est contra Novarianos & Donatistas, novissime autem contra Protestantes, qui illorum errorem innovarunt. Hic etiam erat error Pelagianorum, qui etiamnum imperfectos, id est, levioribus peccatis obnoxios, ab Ecclesia excluderant.

Prob. Conclusionis 1ma pars: Duo sunt genera iustorum; vel enim sunt, qui nulli, vel etiam veniali labe unquam fuisse maculati; vel sunt, qui, quamvis

P. Cartier Theol. Tom. I.

venialia peccata admisissent, lethali tamen noxa nunquam coinquinati fuerunt. Atqui ex solis primi generis hominibus nullatenus Ecclesiam constare, vel ex eo patet, quod sic ad solum Christum & beatam Virginem contrahenda foret, quia hi duo soli, ille per naturam, hæc per gratiam ab omni culpa fuerunt immunes. Restat ergo, ut probemus, non ex solis secundi generis iustis Ecclesiam constitui; Quod est secunda pars Conclusionis. Igitur

Prob. 2da pars. 1mo: Ex S. Scriptura, in qua variis nominibus, figuris, & parabolis Ecclesia adumbratur, quas præcedenti §. retulimus, & quæ manifestant, Ecclesiam continere admixtos bonos & malos, iustos & peccatores.

2do. Quia Christus jubet peccatorem ad Ecclesiam deferri, Matth. 18. v. 15. & si eam non audierit, ab ea removeri & ejici. Ergo supponit hujusmodi peccatores in Ecclesia contineri, à qua ejici non debeant, nisi ob contumaciam.

3tio. Quia Christus jubet, ut faciamus, quod mali Præpositi & Doctores dicunt, non quod faciunt. Ergo hi sunt in Ecclesia.

4to. Matth. 24. v. 9. Christus sub nomine mali servi percutientis servos suos, & bibentis cum canis defecit malos Ecclesiæ Præpositos, qui dum commensationibus & voluptatibus indulgent, officia sua negligunt, & patrimonia dissipare non verentur; ut docent SS. Hilarius, Hieronymus, Chrysostomus &c. ad hunc locum. Ergo &c.

5to. Quia, ut memorat Apostolus 1. Corinth. 5. in Ecclesia Corinthiorum erant contentiones, & quidem peccaminosæ, ob quas illos objurgat, erat incestuosus, quem Paulus gravissimæ penitentia subiecit. Atqui Ecclesia Corinthiorum erat vera Christi societas, & Ecclesia. Ergo &c.

Prob. 2do. Ex perpetua & constantiori Ecclesiæ Traditione, quam Pelagiani &

F f f

Don-

Donatistis statim ac exortus est eorum error, opposuere SS. Patres, præcipue S. Augustinus in tribus libris contra Epistolam Parmeniani; in tribus libris contra Epistolam Petiliani, & alibi passim, ubi docet, esse in Ecclesia bonos & malos, justos & peccatores. Ergo &c.

304 Prob. 3tio. Rationibus Theologicis. 1mo. Quia Sacramentum poenitentiae non est aliorum, quam eorum, qui sunt in Ecclesia. Atqui illud non est aliorum, quam peccatorum. Ergo &c.

2do. Quia sanctitas hominum est interna, & invisibilis. Ergo si hæc requiritur ad Ecclesiam constitutionem, Ecclesia erit invisibilis. Atqui Ecclesiam non esse invisibilem probavimus supra cap. 2. §. 6. Ergo &c.

3tio. Quia sicut membrum corporis humani quamvis mortuum sit, tamen quamdiu hæret corpori, verè dicitur illius membrum. Ergo etiam peccatores pertinent ad corpus Ecclesiae, suntque illius membra, vi professionis ejusdem fidei externae, eorumdemque Sacramentorum participationis, quamvis mortua & imperfecta, quia scilicet illius animam non participant ob defectum charitatis, quæ est illius pars interna & nobilior.

305

### Solvuntur Objectiones.

Ob. 1mo. Cant. 4. v. 7. de Ecclesia dicitur: *Tota pulchra es amica mea, & macula non est in te.* Item Apostolus Ephes. 5. v. 27. vocat Ecclesiam *sanctam & immaculatam.*

Resp. 1mo ad 1mum. Ille textus intelligi debet de Ecclesia triumphante, non verò militante. Ita S. Augustinus lib. 1. Retract. cap. 19. & lib. 2. cap. 18. 2do. Et si intelligatur de Ecclesia militante, nihil tamen nobis officit; nam Ecclesia militans est tota pulchra & sine macula quantum ad doctrinæ veritatem, morum sanctitatem, quam præcipit, ac docet, non autem propter vitæ iustitiam, quæ sit in

singulis ejus membris. Vel tota pulchra &c. dicitur, quòd sit Corpus Christi mysticum variis distinctum membris & ordinibus eam inter sese dispositionem habentibus, quam ejus pulchritudo requirit. Hanc varietatem egregie describit Apostolus 1. Corinth. 12. Vel tota pulchra &c. dicitur, comparative ad veterem Synagogam, & alias Ethnorum Hæreticorumque Sectas; prout loquitur S. Augustinus lib. 2. de Civit. Dei c. 28. Vel denique tota pulchra &c. nuncupatur, sumpta denominatione à parte nobiliori Ecclesiae, animæ scilicet ipsius, quæ in Fide, Spe, Charitate, cæterisque virtutibus posita est.

Ad textum Apostoli eadem est responsio; non enim alia ratione præsentis temporis Ecclesia dicitur immaculata, quam quòd in præstantioribus suis membris nullam prorsus habeat hujusmodi maculam.

Vel, ut vult S. Augustinus lib. de perfect. justitiæ cont. Cælestium, dicitur immaculata, quia fundatur per Baptismum, Fidem, & Charitatem; non tamen ita perficitur hæc mundatio, ut prorsus immaculata dici possit, donec Christus eam sibi exhibeat in altero Sæculo gloriosam sine macula & ruga; prout loquitur Apostolus cit. loc.

Ob. 2do. Isai. 52. v. 1. De Sion, id est Ecclesia Christi dicitur: *Non adjicies ultra, ut pertranseat per te incircumcisus & inmundus.* Et vers. 11. *Recedite, recedite exinde, pollutum nolite tangere, exite de medio ejus.* Quem locum exponens Apostolus 2. Cor. 6. v. 18. addit, *Et recipiam vos dicit Dominus;* quibus verbis videtur effici, Deum in Ecclesiam non admittere nisi eos, qui se ab immundis peccatoribus separant, cujus rationem reddit Apostolus loc. cit. v. 14. & 15. *Qua enim, inquit, participatio justitia cum iniquitate, aut quæ conjunctio Christi cum Belial.* Ergo &c.

Resp.

Resp. 1mo. cum S. Augustino lib. cont. Donat. post Collationem cap. 8. & 20. Et in Breviculo Collationis diei 3tiæ. Verba Prophetæ esse intelligenda de Ecclesia triumphante. Quod verò additur *Recedite &c.* intelligi de separatione, quæ debet fieri animò & moribus, non autem corporali discessione ab eodem Templo, & Sacramentis. Eodem modo intelligendus est Apostolus; non enim prohibet, Corinthios habitare cum infidelibus, aut cum iis cibum sumere, aut etiam habere conjuges infideles, & cum illis habitare, sicut constat cap. 7. v. 12. Sed iis tantum arcum cum infidelibus societatem prohibebat, ne videlicet periculum oriretur cum iisdem in moribus, & Religione communicandi.

Resp. 2do cum S. Cyrillo in citatum Isaiæ locum; juxta sensum historicum agi de temporali persecutione Judæorum, ita ut sensus sit: cum à captivitate redieris, non adjicies ultra, id est, in longum tempus, aliquis infidelis persecutor per terras tuas, eas vastando, petransire. Secundum mysticum sensum verò sermonem esse de Ecclesia, & prædicere Isaiam, fore, ut portæ inferi non prævaleant adversus eam, incircumcisi enim, & immundi hostes Ecclesiæ sunt præcipue Dæmones.

Pari ratione, quod sequitur *Recedite &c.* secundum sensum historicum intelligitur de Judæis, quos hortatur Isaias, ut exeant de Babylone, cum finitum sit tempus captivitatis. Juxta mysticum sensum autem intelligitur de Christianis, qui debent post Baptismum separari ab infidelium cœtibus, Templis, Sacrificiis, conjugiiis & cæteris rebus, quæ quoquo modo ad Religionem pertinent. Atque sic locum hunc intellexit & citavit Apostolus 2. Corinth. 6. Non enim de commercio cum quibusvis peccatoribus, sed solum cum infidelibus agit: *Nolite, inquit, jugum ducere cum infidelibus, quæ*

*pars fidei cum infidei? Quis autem consensus Templi Dei cum idolis?*

Ob. 3tio. Apostolus 1. Cor. 10. v. 17-307 loquens de universo fidelium cœtu ait: *Quoniam unus panis, unum corpus multi sumus, omnes. qui de uno pane participamus.* Atqui panis ex frumento duntaxat perficitur, non verò ex paleis admixtis. Item Rom. 8. v. 9. *Si quis autem, inquit, Spiritum Christi non habet, hic non est ejus.* Et 1. Corinth. 12. v. 13. *In uno Spiritu, ait, omnes nos in unum corpus baptizati sumus.* Atqui peccatores & improbi non habent Spiritum Christi. Ergo non sunt ejus, adeoque nec in ipsius Ecclesia.

Resp. ad 1mum. 1mo. Comparationes & similitudines non in omnibus sunt urgendæ. In hoc valet adducta comparatio, quod sicut ex multis granis per aquam fit unus panis, ita ex multis hominibus per gratiam Baptismi & Spiritum sanctum fit unus populus Dei.

2do. Panis non tantum ex puro frumento perficitur & constat, sed interdum mali homines ei admiscunt grana lolii, aut alia à tritico diversa. 3tio. Certum est juxta Apostolum, in Ecclesia malos esse bonis admixtos de uno pane Eucharistico participantibus; aliàs tam acriter illos non argueret, qui indignè de illo pane manducarent.

Ad 2dum Resp. Eos, qui Spiritu Dei aguntur, & habent in se diffusam charitatem per Spiritum sanctum, pertinere ad Christum tanquam viva membra & palmites fructuosos in vite, adeoque perfectè esse in Ecclesia. Malos verò seu peccatores esse membra Christi mortua, arida, imperfecta, motum tamen aliquem habentia tum propter externam communionem cum reliquo corpore, quod Spiritu Christi movetur, & qui nunquam Ecclesiam deserit; tum propter externam fidem, quæ motum aliquem exercet.

F f f a

Ob. 4to.



308 Ob. 4to. S. Augustinus passim contra Donatistas probat, immerito ab iis repeti Baptismum ab hæreticis collatum, eoquod hi non sint in Ecclesia, cum tamen ab improbis collatum non repellant, qui aequè parum sunt in Ecclesia. Ergo juxta illum Ecclesia solis constat julus.

Resp. Ibi S. Augustinus conficit argumentum, quod vocant, ad hominem, atque ex principiis Donatistarum contendendum, Sacramenti valorem pendere à probitate Ministri, quia Spiritum sanctum dare non posset, qui illum non haberet, solis item justis Ecclesiam constare, probat, secundum ipsos aequè reciterandum esse Baptismum ab impiis collatum, ac ab hæreticis. Ergo juxta S. Augustinum improbi non sunt in Ecclesia tanquam viva ipsius membra animata per charitatem, & ad sensum Donatistarum, qui alia non admittebant Ecclesie membra. At sunt in Ecclesia, quamvis tanquam membra arida & mortua, quia habent cum cæteris membris eandem externam fidei professionem, eandem participationis Sacramentorum communionem.

309 Inst. 1mo. Quare ergo idem S. Augustinus lib. 5. cont. Donat. cap. 27. refellit S. Cyprianum, qui scripserat, improbos esse in Ecclesia, adeoque validum esse eorum Baptismum?

Resp. S. Augustinus non improbavit S. Cyprianum, quod diceret, improbos esse in Ecclesia; inò ex professio hanc ipsius sententiam probat lib. 4. cont. Donat. cap. 12. Sed quia S. Cyprianus tuebatur, ideo hæreticos non esse in Ecclesia, quia non habebant Spiritum sanctum; consequenter & invalidum esse Baptismum ab ipsis collatum; illum arguit S. Augustinus, quod eadem ratione sequeretur improbos non esse in Ecclesia, cum nec hi habeant Spiritum sanctum, consequenter & invalidum fore Baptismum ab ipsis collatum.

Inst. 2do. S. Augustinus lib. 3. de Baptismo cap. 18. & lib. 7. cap. 51. necnon alibi passim docet, solos Sanctos esse illam Ecclesiam, quæ fundata est supra firmam Petram. Atqui hæc est Ecclesia militans. Ergo &c.

Resp. Dist. maj. S. Augustinus docet solos Sanctos esse de Ecclesia in genere cause finalis, quia nempe omnia privilegia, quæ à Deo concessa sunt Ecclesie universæ, propter solos Sanctos concessa sunt, & in eorum utilitatem ac salutem, conc. solos Sanctos esse de Ecclesia in quocunque alio genere cause scilicet efficientis, materialis & formalis, quasi Ecclesia pro statu hujus vitæ ita fuerit instituta, ut solis debeat constare Sanctis, neque ejus Sacramenta per alios, quàm Sanctos, possint administrari, neg. maj. &c. Quid sint cause efficientes, materialis, formalis, & finalis Ecclesie vide sup. c. 1. §. 2. hujus Tractatus.

Quotammodò etiam dici possunt impii non utique ad Ecclesiam pertinere, utpotè qui ejus partem nobiliorem ac præcipuam, animam scilicet non participant &c. & hoc sensu ait S. Augustinus solos Sanctos esse de Ecclesia interna nempe, non verò externa, id est, de anima non de corpore Ecclesie.

Ob. 5to. aliquot Rationes. 1mo. Ecclesia est Sancta; Ergo non constat nisi ex Sanctis. 2do. Qui non habent Deum Patrem, non possunt habere Ecclesiam Matrem. Atqui. Ergo. 3tio. Si mali essent Ecclesie membra, in eos aliquid influeret Christus, qui ipsius caput est. Atqui Christus nihil influit in malos. Ergo.

Resp. ad 1mum. Dist. ant. Ecclesia est sancta in se & formaliter, quia quocunque ad eam constituendam concurrunt, sancta sunt, conc. Ecclesia est sancta materialiter & subiectivè, quasi omnes homines, ex quibus coalescit, sint sancti, neg. ant. & conf.

Ad 2dum

Ad 2dum. Quamvis daremus, improbos non habere Ecclesiam Matrem, non tamen sequeretur, eos in ea non esse; in domo enim seu familia, non tantum sunt filii, sed etiam familiares & servi, licet hi non maneant in domo in æternum, sed soli duntaxat filii, ut dicitur Joan. 8.

Deinde, cum dicitur, improbos non habere Deum Patrem, id intelligendum est, quod scilicet non sint filii Dei per imitationem, vel regenerationem & gratiam adoptionis; quamvis sint filii Dei, adeoque & Ecclesiæ per institutionem & doctrinam.

Ad 3tium. Dicimus, non aliter Christum in improbos influere, quam per gratias actuales, quibus ipsi reſtitunt, cum sint Ecclesiæ membra arida & mortua, quæ nullam vim vitalem aut morricem intus à Capite suscipiunt; sed pro sui cum aliis membris contiguitate exteriori Capiti subsunt, & ab eo motu quodam externo simul cum aliis moventur.

### §. III.

312 *An Hæretici sive publici sive occulti sint in Ecclesia.*

S. Augustinus lib. 7. de Baptismo cap. 51. Hæreticos in duos ordines generatim distribuit, in manifestos seu publicos, qui disruptis rectibus sunt extra domum; & in occultos seu latentes, qui nondum disruptis rectibus in domo remanent, alicujus temporalis commodi desiderio.

De utrisque quæritur, sintne vera Ecclesiæ membra necne. Qua de re sit

Conclusio 1ma. Hæretici publici & manifesti non sunt propriè & verè in Ecclesia, in qua una salus obtineri potest.

Prob. Conclusio 1mo. ex Scriptura. Tit. 3. v. 10. ait Apostolus: *Hæreticum*

*hominem post unam & alteram correptionem devota, sciens, quia subversus est, qui ejusmodi est, & deliquit, cum sit propriè judiciò condemnatus.* Hoc est, prout interpretatur S. Hieronymus, se ipsum ab Ecclesiâ ejecit, ipsam Episcopi sententiam atque judicium quodammodo præveniens.

1. Joan. 2. v. 19. *Ex nobis prodierunt, inquit Apostolus, sed non erant ex nobis, nam si fuissent ex nobis, mansissent utique nobiscum.* Id est, ex nobis exierunt, quia erant nobiscum in eadem Ecclesiâ; sed non erant ex nobis secundum divinam electionem; prout exponit S. Augustinus lib. de dono perseverantiæ c. 8.

Prob. 2do. iisdem Patrum & Conciliorum sententiis & textibus, quibus supra Cap. 2. §. 1. probavimus Ecclesiam ita esse unam, ut omnes alias hæreticorum Sectas excludat; quæ vide.

Prob. 3tio ratione Theologica. Quia illi nullatenus sunt in Ecclesia, qui nec corpus ejus, nec animam participant. Atqui Hæretici manifesti nec corpus nec animam Ecclesiæ participant. Ergo &c. Non quidem corpus participant; non enim habent eandem externam cum illa fidei professionem, nec eorumdem Sacramentorum communionem, nec legitimis Pastoribus adherent; quæ tria tamen sunt constitutiva corporis Ecclesiæ. Neque animam ejus participant; non enim habent fidem veram, quia Ecclesiam, quæ est hujus depositi custos, audire renuunt; qui autem Ecclesiam non audit, is tanquam Ethnicus & Publicanus haberi debet; non etiam habent charitatem, charitas enim Christiana, ait S. Augustinus lib. 2. cont. litt. Petil. cap. 77. nisi in unitate Ecclesiæ non potest custodiri; fides autem & charitas sunt præcipua animæ Ecclesiæ constitutiva. Ergo &c. Vide ea argumenta quæ cit. §. 1. c. 2. protulimus.

F f f 3

Solum-

## 315 Solvuntur Objectiones.

Ob. 1mo. Parabola Agri apud Matth. cap. 13. ubi dicitur *Homo bonum semen seminasse, cum autem dormirent homines, venit inimicus ejus, & superseminavit zizania in medio tritici*. Agrum Ecclesiam interpretantur SS. Patres, gramen bonos Catholicos, paleas malos & peccatores, zizania verò Hæreticos. Ergo Hæretici etiam manifesti sunt in Ecclesia.

Resp. 1mo. Datò, per agrum intelligi Ecclesiam; non tamen aliud ex hac parabola eruitur, quàm quòd hæretici manifesti sint quidem admixti fidelibus, at non sequitur, eos esse in Ecclesia, quia non habent eandem cum illa fidei professionem, eandem Sacramentorum participationem, eandem ab uno visibili capite Romano scilicet Pontifice dependentiam. Quodsi per zizania occulti hæretici intelligantur, fatemur hos esse in Ecclesia, sed imperfectè, prout mox ostendemus.

Resp. 2do. Melius juxta plerosque SS. Patres Agrum illum interpretari ipsum Mundum, in quo utique sunt hæretici. Huic interpretationi apertè favet ipse Christus ibidem (b), ubi ait: *Qui seminat bonum semen, est filius hominis, ager autem est mundus &c.*

316 Ob. 2do. Apostolus 2. Timoth. 2. v. 20. ait: *In magna domo esse quendam vas in honorem, quendam in contumeliam*. Per domum denuò intelligunt Patres Ecclesiam, per vasa contumelia hæreticos. Ergo &c. Ita præter alios S. Ambrosius, seu Auctor Commentariorum in omnes S. Pauli Epistolas, qui sub nomine Ambrosii circumferuntur.

Resp. Multos ex SS. Patribus præferunt Græcis Domum hic interpretari mundum universum. Qui ex Latinis Domum

Ecclesiam interpretantur, vasa autem in contumeliam hæreticos, intelligendi sunt de hæreticis occultis; vel si etiam de manifestis, tunc dicimus, hos dici posse esse in Ecclesia, sed latiori significatione, & valdè in propria, ratione Baptismi videlicet, & aliquorum, quæ ipsi retinent, Sacramentorum. Illos potius de domo, quàm in domo esse asserit Augustinus lib. 3. de Bapt. qui utramque hanc responsum adhibet.

S. Cyprianus per vasa hæc infirmos duntaxat & malos Catholicos intelligit Ep. 52. ad Antonianum.

Auctor verò Commentarii in Epistolas S. Pauli nullius est auctoritatis, quem non Ambrosius esse, sed vel Pelagium, aut Hilarium Luciferianum, eruditi volunt.

Ob. 3tio. S. Augustinus lib. 1. de 317 Bapt. cont. Donat. cap. 10. ait, Societatem Donatistarum adjunctam esse Ecclesie Catholice in uno Baptismate. Ergo juxta S. Augustinum Donatistæ erant in Ecclesia, adeoque & alii hæretici.

Resp. Ibidem S. Augustinus asserit Donatistas esse separatos ab Ecclesie vinculo charitatis & pacis, convenire autem ei in collatione Baptismatis. At ex hoc minime sequitur, eos fuisse in Ecclesia, quod nec ipse Augustinus asserit, quin potius lib. de unit. Eccles. cap. 4. lib. 2. cont. Petilian. cap. 77. lib. 3. de Bapt. c. 41. ait: *Omnes hæreticos nullatenus ad Ecclesiam pertinere.*

Quodsi contendas propter Baptismum, cujus dandi jus, & auctoritatem retinent hæretici, eos dici posse aliquatenus Ecclesie conjunctos, nostrò judicio non est tanti momenti hæc quæstio, ut attentionem aliquam mereatur, sufficit, quòd verè & propriè non sint in Ecclesia.

Ob. 4to.

(b) Matth. 13. v. 37.

318 Ob. 4to. Ecclesia tantum in suos jus habet, non in alienos; *Quid enim mihi est de iis judicare, qui foris sunt*, ait Apostolus, 1. Corinth. 5. v. 12. Atqui Ecclesia jus habet in hæreticos, utpotè quos punit, & anathemate percellit. Ergo pertinent ad Ecclesiam.

Resp. Ecclesiam jus habere in omnes, qui vel pertinent, vel pertinere debent ad eam; at hæretici titulò Baptismi pertinent ad Ecclesiam, licèt è sinu suo eos ejiciat.

319 Ob. 5to. Baptizati, & Sacerdotes sunt Ecclesiæ membra. Atqui remanet in hæreticis character Baptismi, & Sacerdotii. Ergo &c.

Resp. hos characteres non sufficere, ut quis dici possit in Ecclesia; enimverò in damnatis etiam remanent hi characteres, & tamen S. Thomas dicit (i), damnatos nec actu, nec potentiâ esse membra Christi, qui character sacramentalis per se non habet vim uniendi hominem cum Christo Capite, sed est merum signum potestatis, & unionis ejusdam, quæ antea præcessit, nec amplius perseverat.

320 Ob. 6to. Apostolus 1. Corinth. 11. v. 18. asserit in Ecclesia Corinthiorum fuisse hæreses; & cap. 15. v. 12. notat, aliquos inter Corinthios negasse resurrectionem. Atqui Corinthii erant in Ecclesia. Ergo &c.

Resp. Vel intelligendum esse Apostolum de aliquibus, qui erant inter Catholicos, quamvis de Ecclesia non essent; vel de iis, qui inter Catholicos sic perversè vivebant, quasi nulla futura esset resurrectio; vel de iis, qui clam ita sentiebant, & idèò nondum ejecti erant ab Ecclesia; vel denique de iis, qui palam quidem negabant resurrectionem, in

Templum tamen simul cum Catholicis conveniebant, quia nondum facillè poterat Ecclesia eos è sinu suo ejicere.

Ob. 7mo. Qui vera habent Sacramenta, quibus multi gratiam consequuntur, ii certè sunt in Ecclesia Christi. Atqui hæretici habent vera Sacramenta &c. Ergo &c.

Resp. Neg. maj. quoad primam partem, nempe eos omnes esse in Ecclesia, qui habent vera Sacramenta. Ratio est, quia Sacramenta illa ad veram Ecclesiam pertinent, quæ descendentes ab ea hæretici secum asportarunt; neque tamen propterea ad Ecclesiam pertinere dicendi sunt, nisi sensu maxime improprio, & cum hac restrictione, ratione Baptismi scilicet, & aliorum Sacramentorum.

Ad alteram verò ejusdem propositionis partem, nempe per Sacramenta in hæresi suscepta multos gratiam consequi, Resp. cum distinctione; Multi gratiam consequuntur, qui non consentiunt hæresi, sed necessitate quadam ab hæreticis Sacramenta percipere coguntur, quales sunt infantes, adulti, qui simplici corde veritatem querunt, parati ei adherere, ubi primum eam cognoverint conc. Istos enim sibi generat Ecclesia per uterum ancillarum, inquit S. Augustinus. Multi gratiam consequuntur, qui hæresi consentiunt, nec tantum materialiter, ut ajunt, sed etiam formaliter sunt hæretici. Neg. Hæc quoad primam Conclusionem. Modò ponitur

Conclusio 2da. Hæretici occultati sunt in Ecclesia, sed imperfectè duntaxat, & quantum ad Corpus ejus, seu partem externam, & visibilem.

Prob. 1ma pars 1mo. Quia Charitas non minus est Ecclesiæ essentialis, quàm fides interna. Ergo cum improbi, ut §. præce-

precedenti demonstravimus, quamvis charitate destituantur, tamen sint in Ecclesia, ita & hæretici occulti, quamvis fide interiori destituantur, sunt tamen in Ecclesia, etsi imperfecti, & tantum quoad ejus partem visibilem, & exteriorem, ut dictum.

2do. Si præcisè propter defectum fidei internæ aliquis non est in Ecclesia, ne quidem imperfectè; duo sequuntur absurda, 1mo. Quòd quamprimum Pastor aliquis, seu Episcopus in occultam hæresim incidit, omni destituatur auctoritate, nullamque amplius in Ecclesia obtineat jurisdictionem; ac proinde invalidi sint & nulli omnes actus ipsius, qui aliàs à vera jurisdictione dimanare debent; tuerentur quippe SS. Patres, Cyprianus passim in suis Epistolis; Optatus lib. 1. cont. Parmenian. Ambrosius lib. 1. de pœnitentia cap. 2. Hieronymus Dial. cont. Luciferian. Augustinus in Enchirid. cap. 65. Eos omnes, qui sunt extra Ecclesiam, nullam omnino habere in Ecclesia auctoritatem & jurisdictionem; non enim intelligi potest, qua ratione, qui ne quidem membrum imperfectum Ecclesiæ est, possit esse ejus Pastor, & Doctor. Ergo &c.

Secundum absurdum est, quòd sic Ecclesia fieret invisibilis, neminique constare posset, quisnam hominum cœtus sit vera Ecclesia; quomodo enim dignoscere posset, in quibus sit vera & interior fides? Ergo hæretici occulti sunt membra Ecclesiæ, sed imperfecta, præcisè quidem interius, ut loquitur S. Augustinus, lib. 4. de Bapt. cont. Donatist. cap. 16. & lib. de unit. Eccles. cap. ult. & Tract. 3. in Epist. S. Joan. num. 4. sed non omnino exterius præcisè.

323 Prob. 2da pars. Quia illi sunt imperfecti tantum in Ecclesia, & quoad partem ejus visibilem, qui ejus fidem exterius saltem præsentantur, ejus sacramenta participant, atque ejus Pastores

subiiciuntur; fidem autem non habent, nec proinde charitatem. Atqui tales sunt hæretici occulti. Ergo &c. Propter istum fidei & charitatis defectum dicit S. Augustinus, locis supra citatis, ejusmodi hæreticos, jam quidem ab Ecclesia præcisus esse, non externa, ut per se patet, prævisione, cum occulti sint, & Ecclesia de occultis non judicat; sed interiori, quia nempe de anima Ecclesiæ exclusi, omni vitæ spiritualis sensu destituti sunt.

### Solvuntur Objectiones.

324

Ob. 1mo. Fides est fundamentum & velut forma Ecclesiæ; *Unus Dominus, una Fides, unum Baptisma*, inquit Apostolus Ephes. 4. v. 6. Item, *Ut sapiens Architectus fundamentum posuit*. 1. Corinth. 3. v. 10. Quæ omnia conveniunt fidei internæ, & de sola interna possunt intelligi. Ergo qui fide interna destitutus est, ille verè dici non potest pertinere ad Ecclesiam.

Resp. 1mo. Fidem quidem objective sumptam, id est, pro Christo, qui est fidei objectum, esse fundamentum Ecclesiæ, non autem fidem sumptam formaliter pro actu vel habitu, per quem creditur in Christum. Ait enim Apostolus cit. cap. 1. 1. Cor. v. 11. *Christum esse fundamentum, præter quod aliud statum non potest*.

2do. Etsi Apostoli textus Ephes. 4. v. 6. intelligeretur de fide formali, quia tamen fides non dicitur Ecclesiæ fundamentum, sed iustitiæ & doctrinæ, quæ est in Ecclesia, nihil ex eo adversus nos inferri potest.

3tio. Datò, quòd fides dicatur fundamentum Ecclesiæ, id tamen intelligendum est de toto Ecclesiæ corpore simul & collectivè sumpro; Ecclesia enim stare non potest sine fide interna & charitate virtutibus illi essentialibus. Non verò de unoquoque Ecclesiæ membris distributivè.

butivè sumpto, quasi sine fide interna nullus possit esse Ecclesiæ membrum, quamvis mortuum; si enim quis absque charitate potest esse Ecclesiæ membrum, quidni etiam sine fide interna?

- 325 Ob. 2do. Ecclesia definitur societas fidelium. Atqui hæretici occulti non sunt fideles. Ergo &c.

Resp. Ecclesiam esse societatem fidelium non tantum eorum, qui interiùs sunt fideles; sed etiam eorum, qui exterius fidem profitentur, quales sunt hæretici occulti, qui quia exterius cum Ecclesiæ corpore conjuncti sunt, ad illud etiam pertinent, quamvis improprie.

- 326 Ob. 3tio. Non sufficit ritus exterior Baptismi sine vero Baptismo. Ergo nec fidei exterior professio sine vera fide.

Resp. Necessarium esse verum Baptismum, ut aliquis sit in Ecclesia, quia externis saltem vinculis cum ea debet conjungi; & qui exterius ritu legitimo baptizatur, illi præsumitur verè baptizatus; pariter, qui exterius fidem profitetur, hac professione & Sacramentorum participatione colligatur Ecclesiæ corpori.

- 327 Ob. 4to. Qui non habet communionem internam cum Capite Ecclesiæ, non est veræ Ecclesiæ membrum. Atqui hæretici occulti non habent communionem internam cum Capite Ecclesiæ. Ergo non sunt membra veræ Ecclesiæ.

Resp. Neg. maj. Sunt enim hæretici occulti veræ Ecclesiæ membra, sed arida, mortua, & imperfecta, & necdum amputata.

- 328 Ob. 5to. Qui excommunicatus est excommunicatione latæ sententiæ, non amplius est in Ecclesia. Atqui quicumque incidit in hæresim saltem expressè ab Ecclesia damnatam etiam in occulto, ipso  
P. Curtier Theol. Tom. I.

tamen factò incidit in Excommunicationem latæ sententiæ. Ergo &c.

Resp. Intelligendam esse propositionem de Excommunicatione publica, nam excommunicati occulti, ut postea dicemus, aliquo modo sunt in Ecclesia, numero scilicet, non merito; de factò, non de jure. Hinc juxta communioem sententiam, etsi Episcopus sit occultus hæreticus, non tamen ideo amittit dignitatem suam & jurisdictionem, donec aut Ecclesiam publicè deseruerit, aut hæresis convictus, ab ea separatus fuerit.

#### §. IV.

#### Utrum Schismatici sint in Ecclesia. 329

Schisma generatim significat quamlibet animorum scissuram, seu dissensionem sive in fide, sive in disciplina. Proprie autem Schisma significat separationem ab unitate Ecclesiæ non sine contemptu auctoritatis ipsius Ecclesiæ. Est ergo Schisma *spontanea ac voluntaria separatio ab Ecclesia*.

Differt ab hæresi, quamvis utrumque unitatem & communionem Ecclesiæ violat, quòd hæresis proprie fidem, Schisma verò charitatem & disciplinam impetat, prout exponit S. Thomas 2. 2. q. 39. Art. 1. ad 3.

Veteres tamen sæpe asserunt, Schisma in hæresim desinere, quia Schismatici violatæ per secessionem suam charitati addunt pertinacem contumaciam adversus Ecclesiæ decreta, ejusque auctoritatem contemnunt, necnon sacram Scripturam, quæ Ecclesiam ipsam commendat. Hinc post sententiam Concilii Nicæni, Synodi Oecumenicæ Constantinopolitanæ I. & Ephesinæ non solum Novatianos, sed etiam Quartodecimanos (k), recensent inter hære-

G g g

(k) Quartodecimani erant illi, qui ipsa die Lunæ decimæ quartæ mensis Martii Pascha, contra totius Ecclesiæ consuetudinem, celebrabant, scilicet cum Judæis. Hoc circa Paschalem solemnitatem dissidium concegit circa annum Christi ducentessimum; Quartodecimani illi à Papa Victore fuerunt reprehensi.

hæreticos, licet hi ob nudam disciplinæ quæstionem ab Ecclesia discessissent. His prælibatis ponitur

### CONCLUSIO.

330 Schismatici nullatenus sunt in Ecclesia.

Prob. 1mo. ex sacra Scriptura. Quia ibidem, ut c. 2do. §. 1mo. exposuimus, Ecclesia dicitur una, unum ovile, unum corpus Christi, una domus &c. Atqui huic unitati plane opponitur Schisma, utpote, quod divisionem & separationem importat.

331 Prob. 2do. ex SS. Patribus. S. Cyprianus Ep. 69. Ecclesia, inquit, quæ Catholica est, una est, scissa non est, nec divisa; sed utique connexa, & coherentium sibi invicem Sacerdotum glutinò copulata. Et lib. de unit. Eccles. dicit, Ecclesiam significari per vestem Christi inconsutilem, quæ scissa non est; ut intelligeremus scindi posse Ecclesiam, sed non ut vestes scinduntur, ita, ut omnes partes æquæ maneat vestis partes; sed ut ramus ab arbore, qui statim moritur, arbore vivente; rivulus à fonte, qui mox arefcit, fonte fluente; & radius à Sole, qui continuò deficit, Sole permanente.

S. Optatus lib. 1. cont. Parmen. de Schismaticis n. 11. hæc eloquitur: Deserta Matre Catholica impii dum foras exeunt, & se separant, ut vos fecistis, à radice Matris Ecclesia, invidia falcibus amputati, errando rebelles abscedunt. Et lib. 2. easdem comparationes adducit, quas S. Cyprianus primùm laudatus.

S. Chrysostomus Hom. 11. in Epist. ad Ephes. docet, Schismaticos similes esse manui à corpore præcise, quæ mox definit esse membrum. Ibidem ait, Schismaticos esse in altera Ecclesia, licet in fide & dogmatibus cum vera Christi Ecclesia consentiant.

S. Hieronymus in Cap. 3. Ep. ad Titum. Inter hæresim & Schisma, inquit,

hoc est, arbitramur, quoddam hæresis perversum dogma habeat, Schisma propter Episcopalem dissensionem ab Ecclesia pariter separet.

S. Ambrosius lib. 1. de excessu fratris sui Satyri n. 47. ait, Schismaticos, etsi fidelem erga Deum teneant, tamen erga Dei Ecclesiam non tenere, cujus patiuntur velut quosdam artus dividi, & membra lacerari; Ecclesiam esse corpus Christi, hinc non videri ab his Christo exhiberi fidem, à quibus corpus ejus distrabitur.

S. Augustinus passim adversus Donatistas demonstrat, Schismaticos non esse in Ecclesia, cujus unitatem disrumpunt. Vide, quæ habet lib. de fide & symbolo c. 10.

Denique Ecclesia in die Paralceves orat pro hæreticis & Schismaticis, ut eos Deus ad Ecclesiam Catholicam revocare dignetur; quod certè non faceret, si eos crederet in Ecclesia esse.

Prob. 3tio. Rationibus Theologicis. 332 1mo. Quia de ratione Ecclesiæ est, ut sit una unione membrorum inter se, & cum suo Capite. Atqui hanc unionem tollit Schismaticus, dum se à communione Capituli & aliorum membrorum separat. Ergo &c. 2do. Quia Schismaticus neque pertinet ad Animam, neque ad Corpus Ecclesiæ; non ad Animam, siquidem violat pacem & charitatem; non ad Corpus, quod scindit, & à quo recedit, vel non obediendo Pastoribus legitimis, vel privatos confessus instituendo.

### Solvuntur Objectiones.

Ob. 1mo. Cùm Jeroboam Rex Israel 333 decem Tribus Israel divisit à Tribu Juda, vetuitque, ne amplius Jerosolymam accederent, factum est verum Schisma. Atqui extra Ecclesiam veterem non fuerunt illæ Tribus; tum quia à duabus reliquis Tribubus Juda nempe & Benjamin fratres appellabantur; tum quia ad eos mittebat Deus

Deus Prophetas, Eliam, Elifæum & alios. Ergo &c.

Resp. Inter Israelitas, Schismaticos & extra Ecclesiam seu potius Synagoga verè fuisse illos, qui Principi obsequentes Idolo Baal sacrificabant; non verò illos, qui, quòd ob edictum Principis Jerosolymam se conferre non auderent, animò tamen & affectu verum Dei cultum retinebant; qui plurimi erant, unde non mirum, quòd reliquæ duæ Tribus eos fratres appellaverint.

334 Ob. 2do. Nascente Christi Ecclesia, fuere duæ Societates & communiones Neo-Convertorum In ea, Judæorum videlicet, & Gentilium; quarum illa ab hac planè separata erat, nec in ullo, etiam exteriori, vinculo cum ipsa conjuncta ritus legales omnes servans, contra quàm facerent Gentiles. Ergo Judæi erant verè Schismatici, & tamen nusquam velut tales ab Ecclesia præcisi, & alieni habiti sunt ab Apostolis.

Resp. Dist. ant. Et illi Judæi, qui ex Apostolorum conviventia, ut nempe facilius Evangelium susciperent, legalia observantes, quòd nondum essent mortifera, nihilominus quoad cætera cum convertis Gentilibus conveniebant, atque eos ut fratres habebant, eosdem ac ipsi Apostolos & Pastores sequebantur, nullo cum dictis Gentilibus Religionis vinculo conjungebantur, Neg. Judæi illi, qui, post Concilii Jerosolymitani definitionem, contendebant, Circumcisionem, & Legalia planè ad salutem esse necessaria, ac Gentes huic jugo subjiciendas fore, atque ob id ex Ecclesia ejecti sunt, nullo cum Gentilibus convertis vinculo conjuncti erant, Conc. ant. Duplicis ergo generis fuerunt Neo-Converti ad Christum Judæi; quorum quosdam toleravit Ecclesia, alios rejecit. Illi cum Gentilibus exteriori Religionis vinculo colligati fuerunt; istos ad hæreticorum numerum abiecit Ecclesia; unde patet solutio objectionis.

Inst. 1mo. Quidam Judæi, qui Petro adhærebant, unacum Apostolo isto se à mensis Gentilium separabant. Ergo manet argumentum.

Resp. Id fuisse in Petro vitium conversationis & imprudentiæ, quod palam, & in faciem redarguit S. Paulus, ut habetur c. 2. Ep. ad Galat. Non verò doctrinæ; & hoc semel tantum factum est.

Inst. 2do. Judæi legis æmulatores, de quibus fit mentio Act. 21. v. 20. ab Apostolis tolerabantur in Ecclesia; si tamen Apostolum ex Templo ejecerunt tanquam legis Mosaicæ contemptorem, & desertorem. Ergo &c.

Resp. Hos Judæos fuisse ex Asia & necdum ad Christum convertos, ut patet ibidem v. 26. Aliorum enim Judæorum legis æmulatorum offensionem & præjudiciis satisfecit Paulus, cum se in Templo purificavit, ut habetur eodem Cap. v. 26.

Inst. 3tio. Pharisei & Saducei haud dubiè erant Hæretici, vel Schismatici; nihilominus cum aliis Judæis in Templo congregabantur Religionis officio. Ergo &c.

Resp. Plerosque ex Phariseis non fuisse hæreticos, quamvis Sectam quamdam constituerent, prout ostendit Serarius. Saduceos verò fuisse hæreticos, tamen à Judæis toleratos, sive quia potentes erant, & gratiâ plurimum valebant apud Principes; sive quia difficile fuisset eos è Templo sine periculo seditionis ejicere; sive denique quia timidiore & negligentiores erant tunc Judæi, nec quidquam adversus illos tentare audebant.

Ob. 3tio. Multi nunc sunt, & olim fuerunt Schismatici à communione Romani Pontificis separati, quos tamen extra veram Christi Ecclesiam fuisse nemo dixerit; ut 1mo. Omnes Sectæ Orientales, & universa græca Ecclesia. 2do. Omnes Asiaticæ Ecclesiæ, quas Victor Papa ratione Paschatis excommunicavit. 3tio. S. Cyprianus & Firmilianus quos Sæculo 3tio

G g g 2

propter



propter errorem rebaptizantium excommunicavit Stephanus Papa. Ergo &c.

Resp. Ecclesias Orientis verè esse Schismaticas, quia centro unitatis, Romano nempe Pontifici non adherent, quamvis non omnes illarum Societatum fideles propriè Schismaticos esse dicamus, nec enim illi sunt Schismatici, qui affectu & animo Capiti Ecclesiæ adherent, sicut nec hæretici sunt, qui eidem animo & affectu conjunguntur, quamvis hæresim re ipsa sectentur, prout affirmat S. Augustinus Ep. 43. aliàs 162. Neque etiam propterea Ecclesia Romana crudelitatis argui debet, quòd asserat, eos omnes salvos fieri non posse, qui deserunt Ecclesiam, aut certè SS. Patres, qui idipsum affirmant, etiam crudelitatis argui debent.

Ad 2dum. Negamus Asianas Ecclesias ratione celebrationis Paschæ à Victore Papa fuisse excommunicatas; neque enim ultra minas perrexit hic S. Pontifex.

Similiter ad 3tium respondemus. Prout testantur, ipse Firmilianus Epistolâ ad S. Cyprianum, Eusebius lib. 5. c. 35. Hieronymus in Catal. Script. Eccles. c. 47. Augustinus lib. 5. de Bapt. cont. Donat.

339 Ob. 4to. Post ortum Sæculo 14to inter Urbanum VI. legitimam Papam, & Clementem VII. Antipapam Schisma, tota Gallia & Hispania, quæ Clementi adhererunt, fuerunt in Schismate; nemo tamen dicit, eas fuisse extra Ecclesiam. Ergo &c.

Resp. Neg. ant. Quia dubium erat, quisnam esset legitimus Pontifex, & bona fide omnes adhærebant ei, quem legitimam Papam esse putabant; atque in eo dubio & contentione expectabant Ecclesiæ universalis judicium circa verum & legitimam Pontificem. Si quis ergo error fuit, facti erant, non dogmatis; omnes enim in hoc consentiebant, legitimum videlicet Pontifici, tanquam supremo Ecclesiæ Capiti, esse obsequendum.

Reliqua, quæ ex historiæ memoriano-bis obijciunt Adversarii vel agunt de iis, qui, cum Schisma scissent, postea Ecclesiæ reconciliati fuerunt, ut factum est occasione Meletii, & Pauli pro Antiochena Ecclesiâ contendendum. Joannis Antiocheni, qui, cum prius separatam à Concilio Ephesino Conventum habuisset, brevi post tamen Cyrillo, qui eidem Concilio nomine Pontificis præerat, reconciliatus, amicè deinde ab ejusdem Synodi Patribus tractatus fuit. Vel de iis agunt, qui verè Schismatici fuerunt, atque seip-sos ab Ecclesiæ communione separaverunt, vel ob crimina & hæreses à Romano Pontifice ex ea fuerunt ejecti. Quibus adversus nostram sententiam nihil concludi potest.

Ob. 5to. S. Augustinus lib. 1. de 340 Bapt. cont. Donat. ait: Rectè facere Catholicos, quòd Dei Sacramenta etiam in ipso Schismate non improbent; rationem addit his verbis: *In quo enim nobiscum sentiant, in eo etiam nobiscum sunt .... si ergo, qui recessit ab unitate .... ita vult agere, sicut in unitate agitur, ubi hoc accipit, & didicit, in eo manet, atque conjungitur.* Ergo unitas Ecclesiæ, juxta S. Augustinum, est posita in unitate Sacramentorum & doctrinæ, non verò in unitate loci & congregationis; consequenter Schismatici adhuc possunt esse in unitate Ecclesiæ, modò agant, quod agitur in unitate illa.

Resp. Conc. textum, & neg. id, quod ex eo inferitur. Nunquam negavimus Schismaticos, imò & hæreticos cum Ecclesia Catholica in plurimis convenire, sed contendimus, ea, in quibus conveniunt, non sufficere, ut verè sint in Ecclesia. Imò supponit ibidem S. Augustinus, Donatistas unitatem deseruisse: atque, juxta eundem, separatio ab unitate excludit & à corpore, & ab anima Ecclesiæ; ab anima, quia est maximum flagitium; à corpore, quia separat à communione Ecclesiæ. Nihil ergo aliud vult

S. Au-

S. Augustinus, quàm quòd Schismatici id duntaxat cum Ecclesiâ commune habeant, quòd Sacramenta validè administrent, & conservent.

S. Augustinus lib. 1. de Bapt. cont. Donat. c. 17. n. 26. His prælatis, ponitur

CONCLUSIO I.

- 341 Ob. 6to. Qui servant essentialē Ecclesiæ Catholicæ communionem, ii sunt vera Ecclesiæ membra. Atqui Schismatici illam servant; consistit enim in communione cum Christo per exteriorem fidei professionem. Ergo &c.

Resp. Dist. maj. Qui servant &c. qualem Christus instituit, & Ecclesiâ exigit; id est, communionem cum Christo per fidem, & cum legitimis Pastoribus per obedientiam & subjectionem ipsis debitam, ii sunt vera Ecclesiæ membra, conc. Sine tali subjectione &c. Neg. maj. &c. Porro Schismatici hanc excutunt, & idcirco Schismatici sunt, atque extra Ecclesiā.

§. V.

*Utrum Excommunicati, Infideles & Catechumeni sint in Ecclesiâ.*

- 342 Excommunicatio est censura, seu pœna Ecclesiæ, per quam Christianus bonis Ecclesiæ communibus privatur, suffragiis scilicet, Sacrificiis, Sacramentis &c.

Ferendæ autem Excommunicationis sententiæ auctoritatem Ecclesiæ Pastoribus competere vi clavium demonstrant ipsa Christi verba Matth. 18. *Amen dico vobis, quacunque alligaveritis super terram, erunt ligata & in cælis.* Hac quoque auctoritate usus est Apostolus erga Corinthium incestuosum, quem Sathanæ tradidit, id est, excommunicavit, 1. Cor. c. 5. v. 3. 4. & 5.

Certum porro est, illum, qui injustè excommunicatur, atque ab Ecclesiâ pellitur, ad ejus animam adhuc pertinere; imò neque de illo desperandum esse, qui justa plectitur excommunicatione, docet

Excommunicati verè non sunt in Ecclesiâ.

Prob. 1mo. ex S. Scriptura Matth. 18. v. 17. Christus jubet rebelles & contumaces Christianos, qui Ecclesiā audire nolunt, haberi tanquam Ethnicos & Publicanos. Atqui hi non sunt in Ecclesiâ. Ergo Christus censuit Ecclesiæ rebelles, & contumaces Christianos, atque ab Ecclesiâ ejectos, cujusmodi sunt excommunicati non esse in Ecclesiâ.

Prob. 2do. ex SS. Patribus. Tertullianus in Apolog. c. 39. Excommunicationem appellat censuram divinam, & futuri judicii præjudicium: *cum nempe, inquit, si quis ita deliquerit, ut à communione orationis, & conventus, & omnis sacri commercii, adeoque ab ipsa Ecclesiâ, relegatur.*

S. Cyprianus Ep. 62. ad Pompejum, Excommunicationem appellat gladium spirituale: *Spirituali gladio, inquit, superbi & contumaces necantur, dum de Ecclesiâ ejiciuntur; neque enim vivere possunt, cum Domus Dei una sit, & nemini salus nisi in Ecclesiâ esse possit.*

Eusebius lib. 5. Hist. c. 24. significat, hunc esse Excommunicationis effectum, ut ab Ecclesiâ unitate faciat prorsus alienos.

S. Hieronymus in Cap. 3. Epist. ad Titum: *Fornicator, inquit, adulter, homicida, & cætera vitia per Sacerdotes de Ecclesiâ propelluntur.*

S. Augustinus lib. de unit. Eccles. c. ult. ait, *Excommunicari, esse visibiliter præcidi ab Ecclesiâ.* Et lib. de Corrept. & Grat. c. 15. dicit, *per Excommunicationem separari ab ovibus sanis ovem morbidam, ne per plures serpant dira contagia.*

345 **Prob. 3tio.** Rationibus Theologicis. 1mo. Quia per Excommunicationem privantur Christiani omni commercio spirituali, quod habent tanquam unus & ejusdem Ecclesiae partes, & membra inter se, prout dicit Tertullianus in Apolog. c. 39.

2do. Quia Excommunicationis poena eum locum habet in Ecclesia Christi, quem habebat poena mortis in veteri Testamento, & quem etiamnum habet in Regnis & Ditionibus Principum temporalium, sicut observat S. Augustinus quaest. 39. in Deuter.

3tio. Quia omnium poenarum, quae infligi possunt in Ecclesia, nulla gravior est Excommunicatione, sicut expressè docet S. Augustinus lib. de Corrupt. & Gratia c. 15.

4to. Quia Excommunicati nec ad corpus, nec ad animam Ecclesiae pertinent: non ad corpus, utpote à cujus communione exteriori sunt praecisi; nec ad animam, cum supponantur contumaces in suis delictis.

346 **Quod Infideles spectat, notandum,** dari Infideles publicos & manifestos; hi planè, etsi baptizati sint, nullo pacto ad Ecclesiam pertinent, sicut nec haeretici publici. *Quid enim, inquit Apostolus, (1) mihi de iis, qui foris sunt, judicare?*

Sunt etiam Infideles occulti, qui se fidelium coetibus admiscunt. De his, si sint Baptizati, idem sentiendum ac de occultis haeticis. Quodsi Baptizati non sint, ad corpus Ecclesiae non nisi fictè & secundum exteriorem speciem pertinere videntur. Carent enim Baptismo, per quem patet aditus ad Ecclesiam. De hoc argumento plura dicere non est necesse, siquidem, quae superius circa Haeticos disputata sunt, accommodari hic facile possunt.

347 **Quod denique Catechumenos spectat,** qui, ex Isidoro Hispalensi (*m*), secun-

dum nominis Etymologiam Auditores dicuntur, quod fidei doctrinam adhuc audiunt, necdum tamen sint baptizati; quaeritur, num ad Ecclesiae Corpus duntaxat pertineant; nam dubium non est, quin ratione internae fidei, ac charitatis ad animam Ecclesiae pertinere possint, etiam antequam actu sint baptizati; imò velut certum supponimus, illos desiderio, affectu, & animò ad Ecclesiam tunc pertinere, & salvos fieri posse. His praenotatis ponitur

## CONCLUSIO II.

Catechumeni non sunt actu & perfectè vera Corporis Ecclesiae membra. 348

**Prob. 1mo.** Quia nondum Christo inferti sunt per Baptismum, per quem aditus aperitur ad Ecclesiam, & solemniter fit Christianae Religionis professio.

2do. Quia nullum jus habent ad Sacramenta Ecclesiae, & alia, quae communia sunt ceteris fidelibus ob defectum Baptismi, qui est primus gradus omnino necessarius ad hoc, ut quis jus acquirat ad omnia Sacramenta.

**Prob. 2do. ex SS. Patribus, qui Ca-349** techumenos semper distinxerunt à reliquis fidelibus. Ut Tertullianus lib. de praescript. c. 41. S. Gregorius Nazianz. orat. 40. in S. Baptisma. S. Chrysostomus hom. 24. in Joan. S. Cyrillus lib. 12. in Joan. Unde colligitur, Catechumenos non esse in Ecclesia actu & propriè, sed tantum in potentia; quemadmodum homo conceptus, sed nondum formatus & natus, non dicitur homo, nisi potentia.

## Solvuntur Objectiones.

**Ob. 1mo.** contra 1mam Conclusio-350 nem. S. Augustinus lib. cont. Donat. post collationem Cap. 20. ait: *à populo Dei*  
non

(1) 1. Cor. 5. v. 12. (m) Lib. 7. Originum c. 14.

*non separamus, quos vel degradando, vel excommunicando ad humiliorem pœnitendi locum redigimus.* Atqui per populum Dei intelligitur Ecclesia ipsa. Ergo &c.

Resp. Hic vel loquitur Augustinus de separatione perpetua, quæ est sine spæ salutis & reditus; vel per Ecclesiam intelligit numerum salvandorum; vel, quod probabilius est non separari à populo Dei, idem ipsi est, ac non separari à bonis & sanctis hominibus, qui maximè sunt populus Dei, & viva Corporis Christi membra: quia nempe Excommunicatio per se & directè nunquam hominem privat interiori communione, quæ sit per gratiam & charitatem.

351 Ob. 2do. Excommunicatio est medicina quædam spiritualis instituta in utilitatem eorum, qui excommunicantur. Atqui non esset in eorum utilitatem, si ex Ecclesia ejicerentur. Ergo &c.

Resp. Dist. min. Si ita ejicerentur ab Ecclesia, ut nulla spes eis relinqueretur ad eam redeundi, conc. secus, neg. min. Ecclesia non alio fine excommunicat, quàm ut hac medicinali pœnâ suos emendet, ac invitet, ut in sinum suum redeant omni deposita rebellione, & contumacia.

352 Ob. 3tio. Contra adam Conclusionem. Extra Ecclesiam nemo salvari potest. Atqui Catechumeni salvari possunt. Ergo non sunt extra Ecclesiam.

Resp. Dist. maj. Extra Ecclesiam sumptam tam pro anima quàm corpore, nemo salvari potest, conc. sumptam pro corpore, subdisting. si quis in illa non sit propriâ culpâ conc. secus, neg. maj. Catechumeni sunt in Ecclesia quantum ad animam; quantum ad corpus verò sunt quidem extra Ecclesiam actu, sed non desiderio, nec propriâ culpâ.

353 Ob. 4to. Catechumeni, utpote, qui ad animam Ecclesiæ pertinent, non minùs de ea esse debent, ac improbi Catholici, qui tantum ad ejus corpus pertinent. Atqui hi sunt de Ecclesia. Ergo & illi.

Resp. Improbos magis pertinere ad Corpus Ecclesiæ, quàm Catechumenos, qui voto tantum & desiderio ad illud pertinent. Ad animam verò illius magis pertinent Catechumeni, si fidem & charitatem habeant.

Ob. 5to. Etsi olim pœnitentes publici & cæteris fidelibus fecerentur, ab Ecclesiæ ingressu arcerentur, neque Sacramentis publicis, & orationibus interesse, nec non Sacramenta percipere permetterentur, non tamen dicuntur fuisse extra Ecclesiæ sinum. Ergo licet Catechumeni distinguerentur à cæteris fidelibus, non tamen inaequatur, eos fuisse extra Ecclesiam.

Resp. Hoc esse discrimen inter publicos pœnitentes, & Catechumenos, quòd illi essent Ecclesiæ filii, quos Ecclesia corrigebat; at Catechumeni, ut habet S. Augustinus Tract. 12. in Joan. erant filii, quos Ecclesia concipiebat, necdum tamen parturierat, primum edendi in Baptismo. Illi retinebant jus ad Sacramenta, & communionem post pœnitentiam percipiendam; isti nullum jus adhuc in bona filiorum acquisiverant.

Ob. 6to. S. Augustinus Tract. 4. in 355 Joan. videtur reponere in Ecclesia Catechumenos: *futuri erant*, inquit, *aliqui in Ecclesia excellentioris gratia Catechumeni.* Ergo.

Resp. Dist. textum. Futuri erant in Ecclesia improprie, in-potentia & voto, conc. proprie & actu, quasi fuerint propria & vera Ecclesiæ membra, neg. Ita S. Augustinus lib. 2. de Symb. ad Catechumenos c. 10. & Tract. 12. in Joan. & eo ipso loco, unde desumpta est hæc objectio, loquitur de Catechumenis, qui meliores se aliis arbitantes, dedignabantur venire ad Baptismum. At certum est, ejusmodi Catechumenos proprie non esse in Ecclesia; sed tantum hoc sensu, quòd, cum nomen suum dederint, ut ejus albo inscriberentur, censabantur in voto ad eam utcumque pertinere.

## CAPUT V.

*De visibili Ecclesiæ Capite Romano scilicet Pontifice.*

**C**hristum esse Caput essentiale ac invisibile Ecclesiæ jam initio præsentis Tractatus adnotavimus. De Capite ergo Ecclesiæ hic acturi, illud duntaxat intelligimus, quod est ministeriale, visibile, & externum, Romanum nempe Pontificem, per excellentiam ita nuncupatum, propter primatum honoris & jurisdictionis, quem super omnes Episcopos & fideles in Ecclesia tenet. De eo ergo hic quatuor nobis veniunt inquirenda. 1mo. An S. Petrus primatum supra cæteros Apostolos à Christo accepit. 2do. An Romanus Pontifex primatus prærogativâ jure divino in Ecclesia fruatur. 3tio. An in causis fidei & morum definiendis errare possit. 4to. An auctoritatem & potestatem aliquam in res temporales Principum habeat; quæ singulis Paragraphis expediemus. Sit ergo

## §. I.

357 *An S. Petrus Primatum non tantum honoris & dignitatis, sed etiam potestatis & jurisdictionis accepit à Christo Domino.*

Hæc quæstio iis præcludere videtur, quæ postmodum de auctoritate & præminetia Romani Episcopi supra cæteros Antistes & fideles elocuturi sumus. Cum enim Romanus Pontifex aliam non habere possit auctoritatem, quam quæ ipsimet S. Petro, cujus successor esse dignoscitur, à Christo concessa fuit super alios Apostolos; certè, si S. Petrus æqualis fuit in omnibus cum cæteris Apostolis, nulla consequenter supra Episcopos, qui Apostolorum cæterorum sunt successores, Romano Pontifici auctoritas erit tribuenda.

Hinc Novatores nostri, ne quidpiam auctoritatis Romano Pontifici tribuere videantur, ipsorum Antecessoris S. Petri super cæteros Apostolos primatum, & auctoritatem etiamnum impugnare audent. Contra quos proinde sit

## CONCLUSIO.

S. Petrus primatum accepit à Christo supra alios Apostolos.

Prob. Conclusio 1mo ex S. Scriptura. Matth. 16. v. 18. & 19. Christus S. Petrum hæc alloquitur: *Tu es Petrus, & super banc Petram ædificabo Ecclesiam meam. . . . Et tibi dabo claves Regni Cælorum: & quodcumque ligaveris super terram erit ligatum & in Cælis &c.* Ex quibus sic conficitur argumentum: Ille primatum obtinuit à Christo, super quem Christus suam Ecclesiam ædificat, & cui claves Regni Cælorum promittit, necnon ligandi & solvendi auctoritatem. Atqui Christus super Petrum suam Ecclesiam ædificat &c. &c. Ergo &c.

Maj. patet ex eo, quod petræ fundamentalis hoc proprium sit, ut totum ædificium regat & sustentet; Ergo quem Christus constituit fundamentum Ecclesiæ suæ, illi etiam eandem regendi auctoritatem tribuit, adeoque primatum. Neque aliter id exponunt SS. Patres suo loco à nobis adducendi. Imò id ipsum Christus aperte innuit per subsequencia verba hæc: *Et tibi dabo claves Regni Cælorum &c.* quibus utique primatum & præminetiam supra cæteros fideles, adeoque & Apostolos designavit.

Min. prob. 1mo. Quia de propria Petri persona hæc intelligenda sunt: nam 1mo id ipsum innuit ipse litteralis textus. 2do. Quia Christus, auditâ, quam fecerat Petrus, divinitatis suæ confessione, in præmium hujusce confessionis singulare aliquod privilegium ipsi indulget; quodnam vero illud? nempe prærogativa prima-

primatus supra ceteros Apostolos his verbis expressa, *super hanc petram edificabo &c.* 3tio. Quia clarum est, pronomen demonstrativum *hanc* positum esse locò relativi *quam*; perinde ac si Christus dixisset, *Tu es petra, super quam edificabo Ecclesiam meam.* 4to. Quia ex ipsis verbis consequentibus: *Et tibi dabo claves Regni Cælorum &c.* patet, verba ista ad Petrum pertinere; absurdum quippe foret, tam paucis verbis rerum ac personarum mutationem fieri. Et hanc esse mentem SS. Patrum suò locò demonstrabimus.

2do. Ex Joan. cap. 21. vers. 15. 16. & 17. ubi Christus Petrum alloquens, ter quaesivit ab illo: *Petre amas me?* terque ipsi oves commendavit his verbis: *Pasce oves meas.* Nemo sanæ mentis non facillè deprehendit, quòd hic Dominus Petrum speciali quadam ratione Ecclesiæ suæ Pastorem constituerit, ipsique suarum ovium, id est, totius Ecclesiæ curam demandando, totam Ecclesiam commiserit. Id profectò agnovit tota retrò antiquitas, prout mox ostendemus.

3tio. Ex cap. 22. Luc. v. 32. Ubi, *Ego rogavi pro te Petre, inquit Christus, ut non deficiat fides tua, & tu aliquando conversus confirma fratres tuos.*

Duas hic textus includit prerogativas S. Petro præ ceteris Apostolis à Domino concessas. 1ma. Quòd Christus dicat, se rogasse, ut non deficeret fides illius; cum enim jam destinatus esset fundamentum, Pastor, Caputque Ecclesiæ, magis pro illo curandum erat, quia illius error & casus in doctrina fidei omnium error & casus foret; nec primo errante Pastore alius esset major, qui illum corrigeret. Orat igitur Christus specialiter pro Petro, ut ceteris Apostolis à Satana expetitis, prout loquitur textus, *ipsius non deficiat fides*, quòd ab isto magis, quam ab aliis Apostolis Ecclesia & Religio penderet.

P. Cartier Theol. Tom. I.

Secunda prerogativa illis verbis continetur, ut Petrus suos fratres, id est fideles omnes in fide confirmet, ac conservet. Confirmare autem ad eum præcipue pertinet, qui majoris est auctoritatis, & potestatis, ut patet in confirmationibus omnium electionum, alienationum, Testamentorum &c. Et ita huic textum intellexerunt SS. Patres, prout statim exponemus.

4to. Ex prerogativis S. Petri, quas commemorat S. Scriptura. Vix enim Salvator cælos ascenderat, cum statim in collegio Apostolorum primatum suum exercet, ubi cum proposuisset, supplendum esse in dicto Collegio infelici Judæ locum, universus cætus ei detulit, Act. 1.

Post Spiritus sancti descensionem ubique Petrum ceteris Apostolis prælatum videmus, omnes ei cum silentio audent. Act. cap. 2. Ipse claudum ad portam Templi sanat, atque hujus miraculi populo, qui illuc convenerat, rationem reddit. Solus Judæos in die Pentecostes alloquitur, scelusque exprobrat, quod Christum crucifigendo contraxerant, atque, ut in eum credant, hortatur. Ipse solus cum S. Joanne audacter Principibus Sacerdotum & Magistratibus respondet, cap. 4. Ipse solus præclara patrat miracula, quippe de ipso solo refertur, quod umbra ejus varios morbos curaverit. Ipse solus Judaicam Ecclesiam, id est, primos fideles regit, Ananiamque & Saphiram, ob commissam fraudem, morte damnat, cap. 5. Ipse solus ad prædicandum Gentibus Evangelium primum destinatur, cap. 10. & 11. Ipse solus in Concilio Jerosolymitano sententiam pronuntiat, necnon Auditor est Decreti de Legalium abrogatione, cap. 15. Et cum in carcere detinetur, universa Ecclesia pro ipsius liberatione ad Deum preces fundere non desistit. Ipse denique, ubi ab Evangelistis numerantur Apostoli,

H h h

non

non modò primus collocatur, sed etiam esse primus dicitur. Matth. 20. v. 2, Marci 3. v. 16. Luc. 6. v. 14.

- 359 Prob. 2do. Conclusio ex SS. Patribus. Ex Græcis. Origenes Hom. 2. de diversis, appellat S. Petrum summum Apostolorum verticem. Et in cap. 6. Epist. ad Rom. Petro, inquit, cum summa rerum de poscendis ovibus traderetur, & super ipsum, velut super petram, fundaretur Ecclesia &c.

Eusebius lib. 2. Hist. cap. 14. vocat Petrum fortissimum, & maximum inter Apostolos, & virtutis merito reliquorum omnium Principem, & Patronum.

S. Cyrillus Hierosolymitanus Catech. 2. & 11. Petrum appellat, Apostolorum Principem ac supremum.

S. Basiliius Proëmio de Judicio Dei, Beatus ille Petrus, inquit, omnibus Discipulis prælatus, cui soli majora data quam aliis sunt testimonia, qui prædicatus est beatus, cui claves Regni Cælorum concessa sunt.

S. Gregorius Nazianzenus Orat. 26. Vides, inquit, quemadmodum ex Christi Discipulis magnis utique omnibus & excellentis, atque electione dignis, hic petra vocetur, atque Ecclesia fundamenta in fidem suam accipiat &c.

S. Epiphanius hæres. 51. Petrum, inquit, elegit, ut Dux esset Discipulorum. Et in Anchorato, Hic est, ait, qui dividit Pasce agnos meos, cui creditum est ovile.

S. Cyrillus Alexandrinus lib. 12. in Joan. Præ aliis, inquit, emicat ille cæterorum Caput & Princeps, & ait tu es Christus Filius Dei vivi.

Petrus Chryzologus in Epist. ad Eutychem, Hortamur te, inquit, frater honorabilis, ut his, quæ à Beatissimo Patre Romana Civitatis scripta sunt, obedienter attendas, quia Beatus Petrus,

qui in propria Sede vivit, & præsidet, præstat quærentibus fidei veritatem.

S. Chrysostomus Hom. 55. in Matth. Ecclesia Pastor & Caput, inquit, est homo piscator & ignobilis. Et infra, Jeremiam, ait, uni genti Pater, hunc autem universo terrarum orbi Christus præposuit. Item Orat. 8. adversus Judæos, Petrus, inquit, aded bluit illam negationem, ut etiam primus Apostolorum fuerit factus. Et Hom. 3. in Act. Apost. appellat Petrum Chori Apostolici Principem, qui ubique primus omnium incipit loqui. Denique Hom. 87. in Joan. vocat Petrum os, Principem, & verticem Apostolorum, & Hom. ult. aliquoties repetit, Petro fratrum, id est, Apostolorum, curam demandatam esse, & orbem totum demandatum. Prius, Hom. scilicet 83. in Joan ita disseverat: Non dixit, non negabis, sed ut non deficiat fides tua, curâ enim ipsius & favore factum est, ne omnino Petri Sedes evanesceret.

Eutymius in cap. ult. Joan. bis repetit, Petrum accepisse præfidentiam super Discipulos, atque totius orbis Magistrum esse constitutum.

Theophylactus in cap. 22. in Luc. in illud, Confirma fratres tuos: Clarus, inquit, bujus intellectus is est; quia te habeo ut Principem Discipulorum, postquam negatò me steveris, & ad penitentiam veneris, confirma cæteros; hoc enim decet te, qui post me Ecclesia petra es & fundamentum; & quamvis brevi tempore concutiendus sis, habes recondita semina fidei, etiamsi folia abjecerit spiritus invadentis, radix tamen vivet, & non deficiet fides tua.

Hugo Ethivianus, qui quamvis Latinus fuerit, Græcè tamen scripsit, & in Aula Emanuelis Imperatoris fuit circa annum 1160. lib. 3. c. 7. de Processione Spiritûs sancti, Ex ipsa, inquit, rei evidentia liquidò apparet, quod Petrum, ejusque successorem Christus Principem &

Caput

Caput non modò Latinorum & Græcorum, Occidentis, & Septentrionis universi, verùm etiam Armenorum, Arabum, Judæorum, Madianitarum, & totius Orientis, & Meridiani climatis in pertuum constituit.

Beatus Theodorus Studites Epist. ad Paschalem Papam, Audi, inquit, Apostolicum Caput, Pastor omnium Christi fidelium à Deo electe, claviger Regni Cælorum, petra fidei, super quam adificata est Ecclesia Catholica; huc ades ab Occidente, tibi namque dixit Christus Deus noster; tu aliquando conversus confirma fratres tuos.

Ex Latinis Patribus. Tertullianus lib. de præscript. cap. 22. Latuit ergo, inquit, aliquid Petrum adificandæ Ecclesiæ petram dictum, claves Regni Cælorum consecutum? Et in Scorpiano cap. 10. Si adhuc putas clausum Cælum, ait, memento claves ejus Dominum Petro, & per eum Ecclesiæ reliquisse.

S. Cyprianus Epist. 55. Petrus, inquit, super quem adificata fuerat Ecclesia unus pro omnibus loquens, & Ecclesiæ nomine respondens &c. Idem habet Ep. 71. ubi ait, Petrum primum tenuisse inter Apostolos.

S. Optatus lib. 2. cont. Parmenion. Igitur, inquit, negare non potes, scire te, in Urbe Roma Petro primò Cathedralis Episcopalem esse collocatam, in qua sedere omnium Apostolorum Caput Petrus.

S. Ambrosius in cap. ult. Luc. Quia solus, inquit, profitemur (Divinitatem Christi) omnibus antefertur. Et in cap. 12. Epist. 2. ad Cor. Primum, ait, non accepit Andreas, sed Petrus.

S. Augustinus lib. 2. de Bapt. cap. 1. In quo, inquit, Petro, Primatus Apostolorum tam excellenti gratiâ præminet. Et Serm. 13. de Verbis Domini, nunc 76. dicit, Petrum in Apostolorum ordine pri-

mum esse, Ecclesiæ unicæ typum, & unum respondisse pro omnibus. Idem ergo Petrus, addit, à petra cognominatus Beatus Ecclesiæ figuram portans, Apostolatûs Principatûm tenens.

S. Leo Serm. 3. de Assumptione sua ad Pontificatûm, De toto, inquit, mendo unus Petrus eligitur, qui & universarum gentium vocationi, & omnibus Apostolis, cunctisque Ecclesiæ Patribus præponatur: ut quamvis in populo Dei sint multi Sacerdotes, omnes tamen propriè regat Petrus, quos principaliter regit & Christus. Item, specialis cura Petri à Domino suscipitur, & pro fide Petri propriè supplicatur, tanquam aliorum status certior sit futurus, si mens Petri villa non fuerit. In Petro ergo omnium fortitudo munitur, & divina gratia ita ordinatur auxilium, ut firmitas, quæ per Christum Petro tribuitur, per Petrum ceteris Apostolis conferatur.

Ex his & pluribus aliis SS. Patrum testimoniis, quæ brevitatis gratiâ præmittimus, igitur patet S. Petrum non tantum honoris & dignitatis, sed etiam potestatis & jurisdictionis Primum accepisse à Christo Domino.

### Solvuntur Objectiones.

360

Ob. 1mo. Multi SS. Patres aliter locum hunc Scripturæ Tu es Petrus &c. expofuerunt, quàm nos interpretamur. 1mo. S. Hilarius quandoque asserit hanc petram, super quam Christus Ecclesiam suam fundavit, esse confessionem divinitatis Christi à Petro factam. 2do. S. Augustinus lib. 1. Retract. cap. 21. ait, per petram intelligi debere Christum ipsum. 3io. Ante illos Origenes Tract. 1. in Matth. per petram omnes fideles intelligi oportere docuit; id quod deducitur ex eo, quòd Christus non dixerit super hunc Petrum, sed super hanc petram &c. 4to. Alii docent per petram intel-

H h h 2

intel-



intelligi omnes Apostolos, eorumque Successores, quippe super quos Christus fundavit Ecclesiam suam; quo sensu dicit Apostolus Ephes. 2. *Superadificati super fundamentum Apostolorum &c.* Ergo perperam ex hoc textu *Tu es Petrus &c.* probare conamur Primatum Petri &c.

Resp. Neg. conf. Adducti Patres ita sensus hos textui isti tribuunt, ut eum, quem nos eidem cum omnibus planè Patribus tribuimus, non excludant, quin ipsimet eadem ratione, ac nos, prout modò vidimus, pro rerum scilicet, temporum, & personarum circumstantiis illum interpretantur. Et ut ad singula respondeamus.

Ad 1mum. Interpretatio S. Hilarii, procul ut nostrum sensum excludat, eum omnino confirmat: nam confessio à Petro facta ipsemet est Petrus, quatenus illam confessionem edidit.

Ad 2dum. Cùm S. Augustinus *petram* ipsum Christum interpretatur, quem Petrus confessus est; sanè non intelligit, Christum simpliciter & in se spectatum esse illam petram, sed quatenus eum confessus est Petrus, seu esse ipsum Petrum, quatenus confessus est Christi divinitatem. (n) Fortè S. Augustinus linguæ hebraicæ ignarus arbitratus est *Cephas* non significare petram, sed aliquid à petra derivatum; unde existimavit per illam petram non intelligi Petrum, sed Christum. Sed hoc non satis convenit cum textu S. Augustini supra adducto, quo ait Petrum à petra cognominatum fuisse, & unde illius supra cæteros Apostolos primatum probat, & tuetur.

Ad 3tium. Origenes locum hunc cit. loc. exponit allegoricè, quem litteraliter exponit Hom. 5. in Exod. de Petro: *Vide, inquit ibidem, magno illi Ecclesia*

*fundamento & petra solidissima, supra quam Christus fundavit Ecclesiam, quid dicatur à Domino: modicæ fidei, quare dubitasti?* Et sanè ad litteram non posse hunc locum intelligi de omnibus fidelibus, patet ex eo, quòd Dominus, ut de solo Petro se loqui indicaret, descripsit illum multis modis; vocavit enim eum Simonem, nomen, quod illi à parentibus erat inditum; addidit nomen patris, vocans eum filium *Jona*, ut distingueret eum à Simone fratre Thadæi; addidit etiam nomen *Petri* seu *Cepha*, quod ipse illi imposuit; usus est præterea pronominiibus certam personam designantibus, dicens: *Ego dico tibi, quia tu es Petrus &c.*

Quòd autem Dominus non dixerit super hunc Petrum, sed super hanc petram, ratio est; quia Syriacè loquebatur, in qua lingua non est ea generis differentia, quæ in Latina reperitur, sed *Cephas & Petrum & Petram* significat; dixit ergo Dominus *tu es Cephas*, & *super hoc Cephas &c.* id est, *tu es Petra & super hanc Petram &c.* Id autem hoc modò non vertit Latinus Interpres, quod Græcum codicem sit secutus, qui non habet *petra* (σ), sed *petros* (ρ); cumque apud Græcos utrumque *Petra & Petros* Petram significet, Græco Interpreti commodius visum est, homini nomen masculinum, quàm femininum tribuere.

Ad 4tum. Verum est, quòd Christus Ecclesiam suam supra cæteros Apostolos etiam fundaverit; at nihil obstat, quò minus unus Petrus alio sensu præcipue sit firmissima petra, super quam Christus Ecclesiam suam ædificavit. Cæteri ergo Apostoli fuerunt fundamenta Ecclesiæ: 1mo Quia ipsi Ecclesias primitus ubique terrarum fundaverunt. 2do. Quia doctrinam,

Strinam, quam tradiderunt, primi à Domino acceperunt, in qua doctrina quiescit Ecclesiæ. 3tio. Quia fuerunt Capita, Rectores, & Pastores Ecclesiæ universæ, ita tamen, ut Petrus esset eorum Caput, & ab illo penderent. *Licet super omnes Apostolos ex aquo Ecclesiæ fortitudo solidetur*, inquit S. Hieronymus (9) *tamen propterea inter duodecim unus eligitur, ut Capite constituto Schismatis tolleretur occasio.*

- 361 Ob. 2do. Etiam reliquis Apostolis Christus claves Regni Cælorum tradidit. Ergo ex hoc textu non potest inferri primatus Petri &c.

Resp. Cæteros quidem Apostolos etiam claves accepisse à Christo, sed cum quadam subordinatione ad Petrum illorum Caput. Illi enim excellentiori quadam ratione traditæ fuerunt, qui Ecclesiæ figuram gerebat, ac primum inter Apostolos locum occupabat, & cui soli dictum est, *Pasce oves meas*, atque fratrum suorum cura demandata est.

- 362 Ob. 3tio. Christus semper rejecit, & improbavit primatum, de quo Discipuli ejus inter se aliquando ambiciosius contendebant, Luc. 9. v. 48. Marc. 9. v. 34. & c. 10. v. 43. Ergo nec in Petro admittendus videtur.

Resp. Huic objectioni nos jam satisfecisse supra Cap. 3. §. 3. ubi Gallicanos Theologos adversus Monarchicum Papæ regimen hæc ipsa Scripturæ loca allegantes explosimus. Citatis verbis Christus à suis rejecit primatum, qui sit cum ambitione, fastuque, qui magis sit ad terrorem, quam ædificationem; verbò cum primatum damnat, & à suis abesse vult, qui à gentibus exercebatur, & quem Discipuli ipsius à rerum terrenarum affectu

nondum planè liberi, & nondum Spiritu sancto repleti ambiebant.

Ob. 4to. Scriptura videtur innuere, 363 S. Paulum S. Petro in omnibus, atque etiam in primatu fuisse æqualem. Nam 1mo. ipse Paulus Galat. 2. v. 7. declarat, sibi à Christo commissum fuisse Evangelium præputii, sicut Petro Evangelium circumcissionis. 2do. 2. Corinth. 11. v. 28. dicit, se gerere curam omnium Ecclesiarum. 3tio. ibidem cap. 12. v. 11. *Nihil unius*, inquit, *fui ab iis, qui sunt supra modum Apostoli.* Se ipsum ergo æqualem Petro & cæteris Apostolis declarat. 4to. Galat. 2. v. 11. dicit, se in faciem restitisse Petro, *quia*, inquit, *erat reprehensibilis.* Atqui hoc superiorem quamdam auctoritatem, necdum æqualitatem arguit. Ergo &c.

Resp. Neg. propositionem. Ad textus dicimus, ad 1mum non plus illo evinci, quàm quòd, cum Apostolis à Christo potestas prædicandi per totum orbem Evangelium tradita fuerit, nec quilibet eorum mundum universum peragrarè posset, singulis sorte varias mundi plagas percurrere, & ad Christum convertere obvenerit. Non ergo hæc divisio jurisdictionis fuit, sed sortis tantum, quæ primatui Petri nihil officit.

Ad 2dum rectè ait S. Paulus, incumbere sibi sollicitudinem omnium Ecclesiarum; omnes enim Apostoli amplissimam à Domino acceperant ubique terrarum regendi Ecclesias auctoritatem, ac cum quadam ad S. Petrum, tanquam Collegii Apostolici Caput subordinatione, qua Ecclesiæ servaretur unitas, necnon cum hoc discrimine, quòd Auctoritas Apostolica Petri ad Successores suos transmissa sit, non item cæterorum Apostolorum auctoritas.

H h h 3

Ad

Ad 3tium. Quia Pseudo-Apostoli negabant æqualem esse Paulum cæteris Apostolis, qui cum Christo fuerant in carne conversati, atque hinc ministerii ipsius dignitatem infirmare conabantur, necesse fuit, ut idem Apostolus se ipsum commendaret: & quamvis plùs omnibus laborasset, fati tamen esse existimat, si se aliis inferiorem non esse ostendat. Igitur non fuit inferior Petrò quantum ad labores Apostolos, Zelum, Dona, miracula, ipsum munus Apostolicum; at de primatu non loquitur.

Ad 4tum. Paulus reprehendit Petrum ex charitate, studiò veritatis, & zelo Religionis; non ex superiori quadam auctoritate, aut imperio. Alterius enim vitia reprehendere, adversùs illa declamare, & si vergant in communem perniciem, illis etiam resistere, nullam superiorem auctoritatem, vel imperium arguit, ut patet, & docent ex instituto SS. Patres. S. Gregorius Cap. *Petrus* 2. quæst. 7. & Hom. 18. in Ezech. Cyprianus Epist. ad Quintum. Augustinus Epist. 87. aliàs 19. ad Hieronymum, & in Epist. ad Galat. cap. 2. S. Thomas in 4. Sent. Dist. 19.

Unde sequitur 1mo maximum fuisse humilitatis ac modestiæ Christianæ sensum in Principe omnium Apostolorum, qui ab inferiore corrigi se passus est, ut ait S. Cyprianus Epist. 75. ad Quintum. 2do. Primatum in Petro nullum superbiæ fastum habuisse. 3tio. Apostolorum Principem istum, etsi Caput & Pastor Ecclesiæ esset, culpæ tamen, non quidem doctrinæ, sed conversationis duntaxat, adeoque & correccioni fuisse obnoxium. 4to. Sanctæ ejusdam libertatis charitate posse ab inferiori Superiorem aliquando redargui, ita Augustinus cit. Epist. num. 22.

364 C. b. 7to. Petrus Act. 8. v. 14. jubetur ire in Samariam, & ab Apostolis eò

mittitur: at imperare & mittere Superioris est. Ergo &c.

2do. Cùm accusatur, quòd ad gentes ingressus fuerit, etiam si id merito & benè fecerit, tamen respondet & rationem facti sui reddit. Sed qui tenetur rationem factorum suorum reddere, subiectus est, nec supremam proinde habet auctoritatem. Ergo &c.

3tio. Scribens primam suam Epistolam ad Ecclesiæ Pastores, non mandat aut jubet ex imperio quasi Superior, sed eos alloquitur tanquam Collegas & Co-Episcopos sibi æquales.

Resp. ad 1mum. Non omnis missio est signum subjectionis & inferioris ordinis: nam in Collegio SS. Trinitatis, ubi omnes tres personæ æquales sunt, parisque Majestatis, Filius à Patre mittitur, Joan. 3. v. 17. & cap. 4. v. 34. & Spiritus sanctus à Filio, Joan. 14. v. 26. Herodes etiam mittit tres Reges, seu Magos Orientis in Bethlehem, Matth. 2. Populus item Judæorum Josue cap. 22. misit Phinees Sacerdotem ad filios Ruben & Gad, quamvis jure divino toti populo præcisset tanquam Summus Sacerdos.

Mittere ergo significat impulsum aliquem, quo alius moveatur ad alicubi eundum, quod non tantum præceptò, & imperiò, sed etiam rogatu, consiliò, allegatione rationum, & argumentorum, quibus ad aliquid agendum alius moveatur, fieri potest. Igitur miserunt Apostoli Petrum Samariam consulendo, suadendo, rogando.

Ad 2dum. Boni Pastoris officium postulat, sicut ipse S. Petrus docet, Epist. 1. cap. 3. v. 15. *cum semper paratum esse ad satisfactionem omni poscenti rationem de ea, qua in ipso est, spe & fide cum omni modestia.* Hinc S. Petri in hoc facto modestiam egregiè commendat S. Gre.

S. Gregorius Mag. Epistolæ lib. 11. Indict. 4. Epist. 45. aliis lib. 9. Epist. 39. additque, *quodd, si in querela hac fidelium aliquid de sua potestate dixisset Petrus, profecto Doctor mansuetudinis non fuisset.*

Ad 3tium. Eadem est responsio, quæ ad 2dum. Nempe modum hunc scribendi suam Epistolam humilitatis & modestiæ ipsius monumentum præbere duntaxat, non verò subjectionis. Similem modestiam & humilitatem in suis Epistolis observant etiamnum Romani Pontifices, dum in illis se *servos servorum Dei* nuncupant; quod, prout alibi jam notavimus, primum à Gregorio Magno factum legitur.

365 Ob. 6to. Jacobus videtur fuisse major ipso Petro, quia Christo successit in Episcopatu Urbis Jerusalem, quæ est Mater omnium Ecclesiarum juxta illud Isai. cap. 2. v. 3. *De Sion exibit lex, & verbum Domini de Jerusalem.* Ergo &c.

Objectionem confirmat Clemens Romanus apud Eusebium lib. 2. hist. cap. 1. ubi ait: *Post Servatoris ascensum, Petrum, Jacobum, & Joannem, quamvis ab ipso omnibus fuerint prælati, non tamen primatus gloriam sibi vindicasse, sed Jacobum cognomine Justum Apostolorum Episcopum elevisse.* Ergo &c.

Resp. Neg. ant. Christus non fuit Episcopus ullius particularis Urbis, sed fuit, & est Pontifex totius Ecclesiæ; nec ullum habet in Episcopatu seu Pontificatu Successorem, cum semper vivat. Jerusalemiana Ecclesia autem est quidem Mater omnium Ecclesiarum antiquitate, multis privilegiis insignis ob Domini, ejusque Discipulorum præsentiam, & præcipue ob mysteria nostræ Redemptionis apud eam consummata; sed nunquam fuit Mater cæterarum Ecclesiarum jurisdictione, prout patet ex Concilio Nicæno I. in quo datus est Episcopo Jerusalemitano quartus inter Patriarchas Orientis

locus duntaxat, & solummodò quantum ad honorariam sessionem, nullus autem, quantum ad veram jurisdictionem, verum subiectus mansit Episcopo Cæsareensi totius Palestine Metropolitano.

Ad confirmationem dicimus, hunc Eusebii locum procul dubio esse mendosum: nam etiam in Basileensi codice verba mox adducta legantur; in codice Colonienſi tamen non extat vox *Primatus*, neque vox *Apostolorum*, sed bene legitur vox *Jerosolymorum*, sicut etiam in quibusdam optimæ notæ Codicibus Eusebianis, quos Valesius vidit, & contulit. Quibus Codicibus consonat Nicephorus, qui lib. 2. cap. 3. eundem Eusebii locum sic refert: *Petrus, & Jacobus, & Joannes, quos Dominus præcipio dignatus fuerat honore, post Ascensionem ejus gloriam non affectarunt, sed Jacobum Justum Jerosolymorum Episcopum elegerunt.* Qui certè locus sic expurgatus nostræ conclusioni minimè nocet.

Ob. 7mo. S. Cyprianus lib. de unit. 366 Ecclesiæ. *Hoc erant, inquit, utique cæteri Apostoli, quod fuit Petrus, pari consorti præditi & bonovis, & potestatis &c.* Ergo censuit S. Cyprianus, Apostolos, fuisse æquales inter se &c.

Resp. Hic S. Cyprianum censuisse, Apostolos fuisse æquales in auctoritate Apostolica interna & essentiali, hoc est, in auctoritate, quantum ad rerum gerendarum amplitudinem, ad annuntiandum ubique Christum, ad Ecclesias fundandas, ad Sacramenta ministranda, Spiritum sanctum dandum, & alia exercenda, quæ ad publicum Ecclesiæ regimen necessaria erant: non verò quantum ad auctoritatem extrinsecam & accidentalem, id est, quoad modum & ordinem auctoritatis illius in actum redigendæ, seu quantum ad *Primum*; id enim vel in terminis implicat, inter multos enim si quis primum tenet, & primus est, is unus est primus.

Agnovisse autem S. Cyprianum in Petro primum, demonstrant loca, quæ supra ex illo adduximus. Imò ex hoc ipso loco, unde desumpta est objectio, Primum illum in Petro agnoscit; subiungit enim, *Exordium ab unitate proficisci, unitatem autem illam ab uno capite repeti*. Dixerat in eodem de unitate libro, hæc Christi verba: *Super banc petram edificabo Ecclesiam meam, Pisce oves meas*, ad Petrum referri. Dixerat super unum Petrum edificatam esse Ecclesiam. Dixerat, *unam Cathedram esse constitutam, & originem unitatis ab uno descendere*. Quæ omnia profectò demonstrant, S. Petrum primum fuisse inter Apostolos, licet æquales inter se fuerint quoad potestatem Apostolicam, quod unum voluit S. Cyprianus, cum dixit, *eos pari consortiò praditos fuisse honoris, & potestatis*.

367 Inlt. Ex S. Cypriano lib. cit. Episcopatus unus est, cujus pars à singulis in solidum tenetur. Atqui, ubi unus est Episcopatus, nullus certè potest esse inter Episcopos, à quibus ille singulis in solidum tenetur, prior, & major. Ergo &c.

Resp. Dist. min. Quoad ea, quæ sunt Episcopatu essentialia & intrinseca, nullus major est, & superior, conc. Quoad ea, quæ sunt Episcopatu accidentalialia, Neg. min. Natura humana una est, & tenetur in solidum à singulis hominibus, uno enim homine superlute, esset in eo adhuc natura humana; ex quo fit, ut omnes homines pares sint, quantum ad ea, quæ sunt naturæ humanæ essentialia, non verò quantum ad accidentalialia. Similiter in Episcopatu, quæ ipsi sunt essentialia ad omnes & singulos Episcopos pertinent; quæ verò ei sunt accidentalialia, ut primatûs auctoritas, ad unum præ cæteris pertinent, ad eum nempe, quem Dominus elegit, ut cæteris præcelleret.

Dicitur autem à S. Cypriano Episcopatus unus, quia unitas Ecclesiastica à

S. Petro, ejusque Successoribus derivatur, quomodo radii à Sole, rami ab arbore, rivi à fonte, quibus similitudinibus ibidem utitur S. Cyprianus. Sic etiam unus est Episcopatus, ita tamen, ut unitatis ipsius origo, radix, & centrum sit S. Petrus.

Ob. 8vo. S. Ambrosius lib. 2. de Spiritu sancto cap. ult. ait: *Paulum nulli Apostolorum esse secundum, nec ipso Petro inferiorem*. Et lib. de Incarnat. cap. 4. de S. Petro hæc habet: *Hic ubi audit, vos autem quem me esse dicitis? statim loci non immemor sui, primum egit: primum confessionis utique, non honoris; primum fidei, non ordinis*. Denique Serm. 12. qui est 3tius de Natali SS. Petri & Pauli, ait, *Incertum esse, quis cui inter hos binos Apostolos præponatur*. Ergo &c.

Resp. ad 1mum. Paulum non esse inferiorem Petro in auctoritate Apostolatûs interna & essentiali; tam benè enim erat Apostolus à Deo constitutus, quam Petrus; at inde non sequitur, Paulum Petro inferiorem non fuisse in auctoritate extrinseca, & accidentaliali, ut primum exposuimus; & hanc fuisse mentem S. Ambrosii librum citatum legenti patebit.

Ad 2dum. Fatemur, existimasse Ambrosium, S. Petrum, cum Christo interroganti respondit, tunc nondum gessisse primum honoris, & ordinis, sed confessionis duntaxat & fidei, quia nempe nondum illum primum honoris & ordinis acceperat, quem primum post suam confessionem accepit per hæc Christi verba: *Et super banc petram edificabo Ecclesiam meam*; unde subiungit ibidem S. Ambrosius, *Hic est ergo Petrus, qui respondet pro cæteris Apostolis, imò præ cæteris, & ideo fundamentum dicitur*.

Ad

Ad 3tium. Quando S. Ambrosius ait, incertum esse, quis cui inter Petrum & Paulum sit præferendus, non loquitur de præminetia & auctoritate primatus, sed de merito bonorum operum duntaxat, zelò, & studiò propagandæ fidei, curis & laboribus, qui in prædicatione Verbi divini sustinendi erant, quibus in rebus non audet hic S. Doctor pronuntiare, quis ex ipsis duobus sit præferendus, prout patet ex iis, quæ subjungit, nempe, *Puto, inquit, æquales illos esse meritis, qui æquales sunt passione.*

369 Obijciuntur 9no. Varii aliorum SS. Patrum textus, qui innuere videntur, plane in omnibus æqualem fuisse Paulum Petro.

1mo. S. Irenæus lib. 3. adv. hæres. c. 3. ait: *Ecclesiam Romanam fuisse à sanctis Apostolis Petro & Paulo fundatam.*

2do. S. Epiphanius hæres. 27. n. 6. Roma, inquit, *primi omnium Petrus & Paulus Apostoli pariter & Episcopi fuerunt.*

3tio. S. Cyrillus Jerosolymitanus Catechesei 6. *Petrum & Paulum eodem nomine præfatos Ecclesia nuncupat.*

4to. S. Chrysostomus Hom. 32. in Epist. ad Romanos. Non tantum oculos Roma, sed & sanctorum Coryphæos illos indistinctim appellat.

5to. S. Leo serm. de Natali Apostolorum c. 1. Petrum & Paulum vocat *Roma Urbis Patres, & Pastores.*

6to. S. Gregorius Magnus lib. 1. Dial. c. 12. Paulus, inquit, *Apostolus Petro Apostolorum primo in Principatu Apostolico frater est.*

7tmo. Ambrosiaster in c. 2. Ep. ad Galat. dicit, *Primatus gratiam Paulo concessam fuisse sicut & Petro.*

8vo. S. Maximus Taurinensis Hom. 5. in festo Apostolorum Petri & Pauli, eos appellat, *Principes Ecclesiarum, & fidei doctrina.*

P. Cartier Tücol. Tom. I.

9no. Beatus Petrus Damiani Opusc. 35. c. 4. Postquam dixit, S. Petrum nullam specialiter Cathedram occupasse, sed omnibus præfuisse, quia toto terrarum orbe universalem Ecclesiam fundavit, postea de S. Paulo idem asserit, illumque *ad instar Christi videri omnibus Ecclesiis præfere.*

10mo. Idem constat ex Summis Pontificibus, qui se dicunt Successores Petri & Pauli. *Auctoritate Beatorum Apostolorum Petri & Pauli*, inquit Paulus III. in Decreto convocationis Concilii Tridentini, *qua nos quoque in terris fungimur.*

Similia habet Pius IV. in Diplomate de absolvenda Synodo Tridentina.

Idem probat consuetudo exprimendi in Diplomate Pontificiis effigies SS. Petri & Pauli, atque interdum dextera Paulo, interdum verò Petro datur; unde utriusque perfecta æqualitas potest inferri.

Idem denique probat Officium Ecclesiæ Latinæ, quæ in suis precibus ambos æquo vocat Principes gloriosos terræ, per quos Ecclesia Religionis sumpsit exordium, item Judices terræ.

Et in Sacramentario S. Gregorii dicitur: *Deus, qui ligandi solvendi que licentiam tuis Apostolis contulisti*; quæ verba ad S. Petrum & S. Paulum pertinent.

Resp. Ex adductis SS. Patrum & Pontificum testimoniis non plus inferri posse, quàm, quòd S. Paulus in auctoritate Apostolica æqualis fuerit sancto Petro, uno duntaxat excepto primatu, quem unacum prærogativis eidem annexis S. Petrus ad suos Successores transmisit, prout jam antea exposuimus. Ut igitur ad singula respondeamus.

Ad S. Irenæum, verum est, quòd S. Paulus unacum S. Petro Romanam Ecclesiam fundavit, prædicatione videlicet & sanguine, quod unum hic vult S. Irenæus. At verum non est, S. Paulum fuisse unum cum S. Petro Ecclesiæ Caput, in quantum

l i i

scili-

scilicet S. Petrus est Romanæ Ecclesiæ & totius Ecclesiæ Catholicæ centrum.

Ad S. Epiphanium, Resp. S. Petrum & Paulum Apostolos pariter fuisse & Episcopos Romæ, quoad munus docendi, non verò quoad auctoritatem regendi totam Ecclesiam; pares ergo fuerunt auctoritate Apostolica, excepto Primatu, & ejus annexis.

Ad S. Cyrillum Resp. quòd quidem SS. Petrum & Paulum Prælatos seu Præsides Ecclesiæ appellavit, sed cum hoc discrimine, quòd, cum de S. Petro seorsim loquitur, ipsum non solum Præsidentem, sed Pro-Præsidentem ac Præsectum Apostolici Collegii esse dicat.

Ad S. Chrysostomum Resp. Petrum & Paulum ab ipso dici *centos Romæ* propter doctrinam huius, quæ Romanis illustrarunt; ex quo nihil contra nos concluditur. Vocat autem idem S. Pater Paulum Sanctorum Coryphæum, quia cæteris Sanctis ob eminentia virtutum merita eum existimavit superiorem, non verò ob auctoritatem; siquidem Hom. ult. in Joann. observat, S. Paulum præ cæteris Apostolis inviscere voluisse S. Petrum, atque hunc illi deferre honorem, *Os enim, inquit, erat Apostolorum, & Princeps & vertex ipsius catus.*

Ad S. Leonem Resp. SS. Petrum & Paulum meritò ab eo nuncupatos Romæ Patres ac Pastores, quia Romanos in fide genuerunt, genitosque verbò & doctrinà enutriverunt; sed non ideo æqualis ipsorum potestas à S. Leone significatur, cum ibidem asserat, *Roman per Beati Petri Sedem Caput orbis effectum esse.*

Ad S. Gregorium dicimus, non rectè inferri, parem esse Pauli cum Petro potestatem, ex eo quòd illum dicat fratrem Petri in Principatu Apostolico; nam, ut ipsemet explicat lib. 2. in Ezech. Hom. 6. frater quidem erat, sed auctoritate minor; agens quippe ibidem de reprehensione Petri per Paulum, sic loquitur: *Qui à mino-*

*risuo reprehenditur, & reprehensi non indignatur.* Jam dixerat, *cum, qui primus fuit in Apostolatus culmine, fuisse etiam primum in humilitate.*

Ad Ambrosiastum, parùm ejus auctoritate movemur, cum à Catholica fide sit alienus; Etsi, quando dicit, gratiam primatús Paulo sicut & Petro datam fuisse, intelligi posset de primatu prædicationis, non verò auctoritatis.

Ad S. Maximum, sufficienter ipse se ipsum explicat in eodem sermone, ubi utriusque Apostoli discrimen evidenter indicat, quantum ad Regimen & Magistrum, *Nam ambo, inquit, Claves à Domino acceperunt, scientia ipse, ille potentia.*

Ad Petrum Damiani, Resp. 1mo. Ejus propositionem absolutam non esse; non enim ait, S. Paulum omnibus Ecclesiis præsidere, sed *videt i præsidere.* 2do. Loquitur de præsentia per prædicationem, & doctrinam; non verò per auctoritatem, *Dignum est, inquit, ut sicut in omnibus fidei semen sparsit, ita in omnibus jus teneat præsentia.* 3tio. Vult S. Paulum omnibus Ecclesiis præsidere, quia nullam specialiter Cathedram tenet; non igitur ipsi assignanda est Romana Sedes, in qua parem exerceat cum Petro auctoritatem.

Ad Iohannem. Resp. Summos Pontifices se dicere Successores SS. Petri & Pauli, imò omnium Apostolorum, quoad successionem realem, qua sibi nempe non modò SS. Petri & Pauli, sed & omnium Apostolorum jura sibi vindicant; non verò quoad successionem personalem, quoad hanc enim soli Petro succedunt, penes quem solum nempe summa fuit potestas. *Tues potestate Petrus, inquit S. Bernardus lib. 1. de considerat. ad Eugenium Papam.*

Quod de Paulo III. & Pio IV. additur, nihil probat; nam legimus, varios summos Pontifices in suis Diplomatiis non modò Petri & Pauli, sed etiam Beatæ Virginis

ginis Mariæ, & omnium Sanctorum auctoritatem appellasse. Ita Joannes VIII. Ep. 262. Nicolaus I. in sententia contra Photium lata. Alexander II. Ep. 9. Nihil igitur aliud significant omnes istæ loquendi formulæ præter auctoritatem patrociniæ, quam ad officium ritè obeundum implorant Romani Pontifices; non verò auctoritatem officii, cui ipsi succedant.

Quod refertur de sigillis Pontificiis parum urget. S. Carolus Borromæus sigillo suo effigies SS. Gervasii & Protasii simul conjunctas insculpi curavit, nec tamen idcirco illos velut decessores suos in Archiepiscopatu Mediolanensi agnoscebat, sed tanquam singulares duntaxat apud Deum patronos, prout inscriptio declarabat: *Tales ambio defensores*. Deinde, sub annulo Piscatoris obsignantur Pontificia Diplomata, hoc est, solius Petri effigie; & aliter obsignata pro legitimis passim non habentur.

Quod verò additur de dextera, quæ interdum datur imagini S. Pauli, leve est argumentum. Pars enim dextera non est semper locus honoratior in Ecclesia, ut patet tum ex Synodo VII. Act. 4. ubi refertur, Sophronium Patriarcham Jerosolymitanum vidisse admirabilem imaginem, quæ Christum exhibebat in medio, B. Virginem Deiparam à sinistris, & S. Joannem à dextris. Tum ex Synodo Chalcedonensi, in qua Dioscorus, licet mox damnandus, dextram tenebat, Legati verò Leonis Papæ sinistram occupabant. Tum ex eo, quod in sinistro cornu altaris Evangelium legi soleat. Tum denique ex eo, quod quando Summus Pontifex Officiis Ecclesiasticis interest, sedeat in sinistra chor parte; & olim, cum in Ecclesia summina scorsim à viris orabant, sinistra viris, dextera verò feminis assignabatur.

Ad Officium Ecclesiæ, Resp. Hæc verba, *per quos Religionis sumpsit exordium &c.* innuere quidem paritatem utri-

usque Apostoli in institutione Ecclesiæ, ac fidei propagatione, non verò in præminencia primatûs: per omnes etiam Apostolos Ecclesia sumplit exordium; Petrum nihilominus ab Evangelio & Patribus dictum fuisse Apostolorum primum, nemo negabit.

Neque obstat, quod Petrus & Paulus dicantur Principes, & Judices terræ & Sæculi; Id enim omnibus Apostolis commune est, cum de illis omnibus & singulis in officio suo cantet Ecclesia: *Constitues eos Principes super omnem terram*. Sicut & in hymno: *Vos Sæcli iusti Judices*.

Denique ad id, quod ex Sacramentario S. Gregorii refertur, dicimus, nihil inde adversus nos probari; siquidem non solis Petro & Paulo concessit Christus auctoritatem solvendi, & ligandi, sed etiam omnibus eorum in Apostolatu sociis, cum dixit, *Accipite Spiritum Sanctum*. Verum in eodem Sacramentario evidenter expressit primatum S. Petri in illa oratione ad festum S. Petri recitari solita. *Deus qui Apostolo tuo Petro collatis clavibus Regni cælestis ligandi atque solvendi Pontificium tradidisti &c.* ubi per Pontificium intelligenda est supereminens quædam potestas, quæ non est apud illos omnes, qui jure clavium utuntur ad peccatores solvendo aut ligando.

## §. II.

### *De Primatu Romani Pontificis supra 370 ceteros Episcopos in universa Ecclesia.*

Romanum Pontificem S. Petri in honore, dignitate, potestate ac jurisdictione Successorem esse, tota retrò antiquitas, & quotquot hæcenus fuere Doctores Catholici semper fassi sunt ac tuiti, prout ex contextu tum hoc tum sequenti paragrapho dicendorum patebit. Cum igitur, prout



prout primum ostendimus, S. Petrus supra ceteros Apostolos, quorum Successores sunt omnes in Ecclesia universa Episcopi, nedum honoris, & dignitatis, sed & potestatis, necnon jurisdictionis primatum acceperit, merito tuemur, eodem primatu gaudere supra ceteros Ecclesie Episcopos Pontificem Romanum illius in eadem Ecclesia Successorem legitimum, atque privilegium istud à S. Petro ad eum fuisse transmissum. Unde ponitur

371

## CONCLUSIO.

Romanus Pontifex supra ceteros Episcopos in tota Ecclesia primatum honoris, & jurisdictionis obtinet; idque Jure divino.

Prob. 1ma pars. 1mo. Ex constanti & antiqua Ecclesie traditione. 1mo. Ex Conciliis.

(r) Concilium Oecumenicum Nicænum I. Can. 6. qui refertur in Concilio Chalcedonensi Act. 16. sic habet: *Ecclesia Romana semper habuit primatum.*

(r) Constantinopolitanum I. Can. 2. sic loquitur: *Constantinopolitanus Episcopus habeat primatus honorem post Romanum Episcopum.*

(r) Aquilejense in Epist. ad Imperatorem. De Ursicino, inquit, obsecranda fuit Clementia vestra, ne totius orbis Romani Caput Romanam Ecclesiam turbare sineret.

(u) Ephesinum Act. 4. ait: *Oportebat quidem Joannem Reverendissimum Antiochia Episcopum, hac sancta & magna Synodo considerata, confestim, ut de iis, quæ ipsi obijciuntur, se purgaret, accurrere ad Apostolicam Sedem Magnæ Romæ, ac nobiscum obediare & honorem deferre Apostolica Dei*

*Ecclesia Romanorum, præsertim cum apud illam Sedem ex Apostolico ordine & traditione mos sit dirigi, & apud ipsam judicari.*

(x) Concilium Chalcedonense Act. 1. habet: *Romanam Ecclesiam Caput esse omnium Ecclesiarum.*

(y) Lateranense sub Martino I. Summum Pontificem vocat Patrem Patrum, Archiepiscopum universalem, Ecclesie verticem, Principem & Doctorem orthodoxa & immaculata fidei.

(z) Concilium Constantiense hanc Wicleffi propositionem damnat: *Non est de necessitate salutis credere Romanam Ecclesiam esse supremam inter alias Ecclesias.*

(a) Florentinum totius orbis Christiani primatum Romano Pontifici apertis verbis decernit.

(b) Denique, ut alia omittamus, Tridentinum Sess. 14. de pœnit. c. 7. sic loquitur: *Unde merito Pontifices Maximi pro suprema potestate sibi in Ecclesia tradita &c.*

Prob. 2do. Ex SS. Patribus. 1mo. 372 Ex Græcis. S. Irenæus lib. 3. c. 3. dixit, *Romanam Ecclesiam omnium esse maximam & antiquissimam, ad quam propter potioris principalitatem, id est, primatum, necesse est, omnem Ecclesiam convenire, id est, qui sunt undique fideles.*

S. Dionysius Alexandrinus hunc primatum in Dionysio Romano agnovit, quippe qui ab illo interpellatus, ut rationem suæ fidei redderet, mandatis ipsius illico obedit.

S. Athanasius Ep. ad Felicem Papam, ob id vos, inquit, prædecessoresque vestros Apostolicos videlicet Præsules in summatibus arce constituit, omnium Ecclesiarum curam

(r) Annò 325. (s) Annò 381. (t) Annò 381. (u) Annò 431. (x) Annò 451. (y) Annò 649. (z) Annò 1414. (a) Annò 1438. (b) Annò 1545 inchoatum, & annò 1563. finitum.

entiam habere præcepit (Christus) ut nobis succurratis.

S. Basilus Ep. 52. ad Athanasium. *Visum est mihi, inquit, consentaneum, ut scribatur Episcopo Roma, ut qua hic geruntur, consideret, & sententiam suam exponat.*

S. Gregorius Nazianzenus in Carmine de vita sua, licet novam Romanam (Constantinopolim) cum vetusta comparet, banc tamen totius orbis Præsidentem futeitur.

S. Epiphanius Hæres. 68. n. 8. ait: *Ursacium & Valentem veniam apud Iulium Papam Romanum deprecatos esse, atque ut eos ad communionem & penitentiam admitteret eum rogasse.*

S. Chrysostomus, cum à Theophilo Alexandrino, & à Synodo ad Quercum dicta exaudivit, fuisse, ad Innocentium I. Romanum Pontificem appellavit.

Theodoretus Ep. 116. de Romana Sede hæc eloquitur: *Santissima illa Sedes Ecclesiarum, qua in toto sunt orbe, principatum multis nominibus habet &c.*

Denique omnes Græcos suam semper in Romanam Sedem reverentiam significasse testatur Pelagius Papa II. Ep. 8. ad Joan. Constantinop. Et in ipso Florentino Concilio Sess. 25. Summus Pontifex Græcos alloquens ait: *Optimè scitis, quantum honorem haberent semper Orientales Romana Ecclesia, quantumque illi obedientiam exhiberent.*

Historiæ quoque memoriæ proditum est, primum tempore Photiani Schismatis Romanæ Sedis jura & privilegia impugnare aggressos fuisse Græcos, prout scribit Nicolaus I. Ep. ad Hincmarum.

2do. Ex Latinis. Tertullianus lib. adversus Praxeam ait, *Romanum Pontificem pacem Ecclesiis Asia & Phrygia datam revocasse, ac Montanum, suadente Praxea, damnasse.* Lib. de pudicitia, quamquam

jam in hæresim lapsus, & Romanum Pontificem impugnans, veritati nihilominus testimonium perhibet, cum *Romanum Episcopum, Pontificem Maximum, & Episcopum Episcoporum tunc appellatum fuisse* significat.

S. Cyprianus Ep. 42. & 45. Ecclesiam Romanam vocat *caterarum omnium radicem & matricem.*

S. Ambrosius Ep. 78. ad Theophilum Alexandrinum, cui Capuana Synodus provinciam commiserat judicandi de Ecclesiæ Antiochenæ dissidiis scribit, eum *debere mittere judicii sui relationem ad Sedem Apostolicam, nulliusque fore roboris prolatam ab illo sententiam, nisi à Pontifice Romano probetur.*

S. Optatus lib. 2. (c) de Romana Sede sic loquitur: dicit enim, quinque esse Ecclesiæ Catholicæ dotes, ac primam esse unicam & singularem Petri Cathedram, in qua ab omnibus servari debet unitas. Eam verò singularem Cathedram, non solum Petri, sed etiam ejus Successorum esse ostendit, enumerans Romanos Pontifices usque ad Siricium, & tandem concludit n. 6. *Igitur de dotibus supra dictis Cathedra est prima, quam probavimus per Petrum nostram esse.*

S. Hieronymus Ep. ad Damasum: *Ergo, inquit, nullum primum, nisi Christum, sequens beatitudini tuæ, id est, Cathedra Petri communionem confocior. Super illam petram edificatam Ecclesiam scio &c.*

S. Augustinus Ep. 43. aliàs 162. *In Romana Ecclesia, inquit, semper Apostolica Cathedra vignet Principatus.*

S. Prosper in carmine de ingratia c. 2. n. 40. hæc habet:

*Sedes Roma Petri, qua Pastoralis bonoris  
Fælia caput mundo, quidquid non possidet armis,  
Religione tenet.*

l i i j

S. Ful-

S. Fulgentius lib. de Incarn. & Gratia Christi c. 11. ait, *Romanam Ecclesiam esse mundi cacumen.*

Vincentius I. Irinensis in Commonitorio 1. c. 5. ait, *Romam Pontificem omnes cat. ros Episcopos loci auctoritate superare.*

S. Bernardus lib. 2. de consideratione ad Eugenium Papam c. 8. *Quis es?* inquit, *Sacerdos magnus, Summus Pontifex, Princeps Episcoporum, Hares Apostolorum &c.*

- 373 Prob. 3tio. ex ipsis Summis Pontificibus. Victor Papa Quartodecimanos, nisi quoad celebrationem Paschatis Ecclesiae Romanae consuetudinem amplecterentur, excommunicaturum se minatus est; vel, ut alii volunt, re ipsa excommunicavit. (d)

Stephanus in controversia de rebaptizandis haereticis Cyprianum cum Africanis, & Firmilianum cum quibusdam Orientalibus, quod ipsi parere renuerent, velut Ecclesiae rebelles habuit, & abstinendos censuit. Martianum Arelatensem Episcopum, quod Novatianus esset, deposuit. (e)

Julius Athanasium Alexandrinum, Paulum Constantinopolitanum, Marcellum Ancyranum, & Asclepam Gazensem ab Orientalibus depositos Sedibus suis restituit. (f)

Liberius Eustatium Sebastenum in Concilio Melitensi in Armenia depositum, & ad se confugientem restituit, prout testatur S. Basilus, Ep. 74.

Caelestinus I. demandat Cyrillo Alexandrino, ut Nestorium Constantinopolitanum vice sua deponat, si in errore suo propugnando pertinax fuerit. (g)

Innocentius I. Pelagii errores damnatos, dicitque Anathema iis omnibus, qui Ca-

tholica dogmata de necessitate gratiae, & peccato originali impugnant; quo decreto *causa finita est*, inquit S. Augustinus Serm. 2. nunc 132. de verbis Apostoli.

S. Leo Magnus innumcris locis primatus sui argumenta suppeditat, cum nempe in Graecos, Asiaticos, Aegyptum, & Africam suam supremam exercuit jurisdictionem. Legantur ejus Epistolae, 12ma alias 84. ad Anastasium Episcopum Thessalonicensem. 60ma ad Anastasium Constantinopolitanum Episcopum. 92. ad Maximum Patriarcham Antiochenum, 1ma. ad Episcopos Africae; & ea, quam scripsit ad Episcopos Provinciae Viennensis, ubi testatur, innumeris consultationibus ad Sedem Romanam confugisse Gallos, cum aliquid dubii patiebantur circa fidem & mores.

S. Gregorius Magnus, se totius Ecclesiae Caput & Praefectum esse non minus disertè profitetur, quam S. Leo, alique Pontifices jam laudati, quemadmodum intelligi potest ex Ep. 52. alias 37. lib. 2. ad Natalem, ubi se quatuor magnis Patriarchis Orientis superiorem declarat. Et lib. 9. Ep. 12. ad Joannem Episcopum Syracusanum alias lib. 7. Ep. 64. dicit, Constantinopolitanam Ecclesiam subiectam esse Apostolicae Sedi.

Nicolaus I. Ep. 8. ad Michaellem Imperatorem, ait: *Romana Ecclesia privilegia Christi ore in Beato Petro firmata .... nullatenus minui, aut infringi posse &c.* Et ad Photium Sedis Constantinopolitanae invasorem scribens ait: *Universitatem credentium à Romana Ecclesia, quae est Caput omnium Ecclesiarum, doctrinam exquirere, integritatem fidei deposcere &c.*

Denique, ut ceteros omittamus; Joannes VIII. in Concilio Romano anno 877.

(d) Euseb. lib. 5. Hist. c. 24. (e) S. Cyprian. Ep. 67. (f) Sozom. lib. 3. Hist. c. 8. Socrat. lib. 2. Hist. c. 15. (g) Part. 1. Conc. Ephes. a. 15.

877. *Romana Ecclesia*, inquit, *est Mater, & Caput Ecclesiarum.*

Ad hæc testimonia jungimus præscriptam à Pio IV. Pontifice Maximo hanc professionis fidei formulam totius Orbis Christiani reverentiâ consecratam: *Agnosco Catholicam & Apostolicam Romanam Ecclesiam omnium Ecclesiarum Matrem & Magistrum; Romanoque Pontifici Beati Petri Apostolorum Principis Successori, ac Jesu Christi Vicario veram obedientiam spondere ac juro.*

374. Prob. 2da pars Conclusionis, quod scilicet Romani Pontificis primatus sit juris divini. Quia ille, in quem Petri auctoritas, quam jure divino, à Christo videlicet, ipse accepit, tanquam in Successorem derivata est & transfusa; jure divino primatum obtinet super alios Episcopos & universos fideles. Atqui hæc S. Petri auctoritas in Romanum Pontificem, velut in ejus Successorem & hæredem transfusa est. Ergo ipse jure divino primatum obtinet super alios Episcopos &c.

Maj. patet. Min. prob. Nullus se Petri in primatu Ecclesiæ Successorem ullo modo asseruit, præter Romanum Episcopum; & quamvis Antiochenam & alias Ecclesias Petrus constituit, & ad tempus rexit; illæ tamen omnes, ut antiqui Patres cum S. Irenæo lib. 3. c. 3. asserunt, Romanæ primatus honorem semper concesserunt; nec alteri unquam competivisse perpetua & unanimis Traditio docet; prout tum præsentium tum priorum demonstravimus. Ergo solus Romanus Pontifex, qui Petro in Urbe Roma morienti successit, eidem in tota ipsius dignitate successit.

Sed potestas illa & dignitas Petri est juris divini. Ergo & potestas Romani Pontificis.

Prob. conf. Causa, propter quam inter suos Apostolos unum primum Chri-

stus constituit, est hæc: ut nempe Schismatis tolleretur occasio, fidelesque haberent, unde in arduis ac majoris momenti rebus firmum caperent consilium, & definitionem, afflicti verò solatium reciperent &c. Atqui hæc causa adhuc subsistit. Ergo sicut potestas Petri est juris divini, ita & auctoritas & dignitas Romani Pontificis est juris divini. Et quod Christus instituendo Pastorale munus Ecclesiæ, oviumque suarum primo Pastori Petro contulit, id etiam cuilibet Romano Pontifici Successori ipsius intelligitur contulisse; cum Ecclesia seu oves ipsius usque ad consumptionem sæculi sint futuræ, nec debeat ovili perpetuo primum pastorem temporarium deesse.

### Solvuntur Objectiones.

Ob. Imo contra 1mam partem Conclusionis. S. Paulus Ephes. 4. v. 11. & 1. Cor. 12. v. 28. varios Hierarchiæ Ecclesiasticæ gradus enumerans, nullam omnino mentionem facit Capitis alicujus externi, cui præ cæteris honoris, & jurisdictionis primatus conveniat. Ergo hujusmodi externum Ecclesiæ Caput &c. ipse non agnovit.

Resp. 1mo. Argumentum negativum parum ponderis habere, cum adsint positiva, prout sanè hic adsunt.

Resp. 2do. Apostoli scopum non esse, citatis locis omnes Hierarchiæ Ecclesiasticæ gradus enumerare. Meminit quippe Prophetarum, Evangelistarum, Doctorum, virtutum &c. quibus certè necessarium non constat Ecclesiastica Hierarchia. Jam dudum apud nos desinere Prophetæ, Evangelistæ &c. Agit ergo Apostolus de variis charismatis, quibus primi Evangelii Ministri fuerunt instructi ad fidem Christi facilius propagandam ac dilatandam.

Resp.

Resp. 3. Unitatem Capitis Ecclesiæ colligi etiam posse ex eodem Apostolo, cum scilicet ait, unum corpus nos esse, & unum Spiritum: neque enim corpus conceipi potest, nisi simul intelligatur & caput; illud quidem essentiale, invisibile, primarium est Christus; ministeriale vero Romanus Pontifex: cum enim Ecclesia sit Corpus visibile, & externum, necesse est, Caput aliquod ipsius visibile & externum agnoscere.

376 Ob. 2do. S. Cyprianus lib. de unit. Eccles. disertè ait, omnes Apostolos pari consortiò honoris & dignitatis fuisse præditos . . . Unum esse Episcopatum, cuius à singulis in solidum pars teneatur. 2do. Negat, inter Episcopos aliquem posse dici Episcopum Episcoporum. Negat, ad aliquem, præter Deum, pertinere, cæteros judicare in causis fidei, qualis erat celebris illa quæstio de rebaptizandis hæreticis; Stephanoque Papæ definienti, *nihil esse innovandum* &c. durè ac obstinatè reluctatus est. 3tio. Censuit, Romanum Pontificem non habere potestatem Episcopum à suis Coepiscopis exauctoratum Sedi suæ restituere, graviterque tulit, Basilidem & Martialem duos Hispaniæ Episcopos propter idololatriæ crimen depositos à Stephano Papa fuisse restitutos. *Rescindere*, inquit Ep. ad Episcopos & plebes Hispaniæ, *ordinationem rectè factam non potuit*. In causa denique Martiani Episcopi Arelatenensis contendit, sibi, & Coepiscopis suis parem esse cum Stephano in ea dijudicanda auctoritatem. Ergo &c.

Ad 1. Respondimus §. præcedenti num. 366. & seq.

Ad 2um. In errore fuit S. Cyprianus ut omnes fatentur. Vide quæ hac de re sup. c. 4. §. 4. num. 338. retulimus. Deinde non negat absolutè, aliquem esse Episcopum Episcoporum; sed tantum asserit inter Episcopos tertii Carthaginensis Concilii, in quo ipse sedebat, nullum esse,

qui se Episcopum Episcoporum faciat, atque tyrannico terrore ad obsequendi necessitatem suos Collegas adigat. Obliquè hic perstringit Stephanum Papam, qui comminatus poenam excommunicationis Episcopos rebaptizantes ab errore revocare studebat: unde, quando ait, nullum esse inter præsentés suos Coepiscopos Episcopum Episcoporum, non obscurè subindicat, esse in Ecclesia talem quemdam, Stephanum scilicet Romanum Episcopum.

Cum autem ait, Episcopos ab aliis judicari non posse, sed à solo Deo; sic quodammodo eum excusat S. Augustinus, ut, quia arbitratus sit, hanc de rebaptizandis hæreticis quæstionem ad disciplinam duntaxat pertinere, non autem ad fidem, censuerit, in ea suam cuique esse relinquendam sentiendi, & agendi licentiam, & soli Deo judicium esse reservandum. Utrobique erravit Cyprianus; quem tamen errorem gloriosa Martyrii falce purgavit, ut ait Augustinus Ep. 108. aliàs 255.

Ad 3tium Stephanus à Basilide deceptus Sabini, qui in ejus locum canonicè subrogatus fuerat, ordinationem irritam declaravit quidem, Basilidemque Sedi restituendum fore censuit. At cum, ut alibi exposuimus, potestas Romani Pontificis à Christo ei data non sit ad destructionem, sed ad ædificationem, meritò de Stephani Papæ judicio queritur Cyprianus, quia tamen inde vel minimum Romani Pontificis auctoritati detrahatur.

Ad ultimum, negamus, S. Cyprianum existimasse, sibi & Coepiscopis suis parem esse in dijudicandis Episcoporum causis auctoritatem. Ex charitate quidem omnes & singuli Episcopi curam habere debent Ecclesiæ, hostesque ipsius propulsare, fidei & morum puritati, & integritati invigilare; quapropter, cum Martianus Ecclesiam Arelatensem

Novav-

Novatiani Schismate & hæresi inquinare tentaret, pro muneri sui parte poterat, & debebat Cyprianus huic periclitanti Ecclesiæ subvenire; quod & fecit; monendo & rogando Stephanum Papam, ut curaret, deponi Martianum, & alium in ejus locum substitui; qua in re aperte & ultro agnoscit ac profitetur, superiorem esse Stephani auctoritatem, ad quem propter primatum pertinebat cura & sollicitudo omnium Ecclesiarum. Charitate igitur pares esse debent omnes Episcopi, in sollicitudine Ecclesiæ habenda, sed jurisdictione sunt dispares, ac inter ipsos solus Pontifex Romanus jurisdictionem exercere potest in omnes & singulas Ecclesias.

377. Ob. 3tio. S. Gregorius Magnus lib. 7. Epist. 20. aliàs lib. 4. Epist. 32. insectatur Joannem Constantinop. quod se Episcopum Universalem diceret, atque, *istud esse blasphemiam nomen*. Et Ep. 18. aliàs 38. appellat nefandum & profanum tumorem erroris, nomen stultum, ac superbum vocabulum, præsumptionem temerariam, qua turbatur pax Ecclesiæ, nomen istud. Item Epist. 43. aliàs 36. ait, nullum è suis decessoribus Episcopis Romanis tam profanò vocabulò usum fuisse, ex quo perniciem Ecclesiæ imminere dicit. 2do. Ibidem ait, Petrum Ecclesiæ membrum esse, non caput. Ergo perperam juxta S. Gregorium Episcopum Romanus, universalis dicitur Episcopus.

Resp. ad 1mum dist. conf. Romanus Episcopus perperam dicitur universalis Episcopus, in sensu perverso, conc. In sensu orthodoxo & Catholico, neg. conf.

S. Gregorius Episcopi universalis nomen damnavit in Joanne Episcopo Constantinop. qui videbatur, ita universalis Episcopi nomen appetere, ut ceteri Orientis Episcopi essent tantum quasi Delegati ipsius, & Vicarii, ut innuit idem S. Gregorius citatà Epist. 18. ad

P. Cartier Theol. Tom. 4.

Joannem Constantinop. Et quamvis alio sensu, ut scilicet intelligeretur idè vocari Episcopus Universalis, quod haberet solummodò jurisdictionem in maximam Orbis partem; tamen ob cautellam, ne scilicet quis nomen istud ad perversum sensum deflecteret, & quia tum quæstio erat, an nomen istud etiam Constantinopolitano Episcopo concedi posset, non verò, an concedi posset Romano Pontifici? idè nomen illud omninò supprimendum censuit S. Gregorius, & ad melius atque efficacius reprimendam Joannis superbiam; quamvis certum esset, id nomen Romano Pontifici sensu Catholico competere, id est, quatenus supremam in omnes totius Orbis Episcopos & Ecclesias auctoritatem & jurisdictionem habet, necnon ipsi jam in Concilio Chalcedonensi illud datum fuisse.

Cùm nihilominus Episcopi Constantinopolitani nomen istud usurpare continuarent, tandem anno 606. obtinuit Bonifacius II. à Phoca Imperatore, ut Episcopi universalis nomen non amplius sibi arrogarent Episcopi Constantinopolitani, sed uni tribueretur Romano Pontifici, teste Anastasio Bibliothecario in Bonifacio. Et Paulo Diacono lib. 4. de Gestis Longobardorum.

Ad 2dum. Eo modo, & non alio, negat S. Gregorius, Petrum esse caput Ecclesiæ, quo Christus ipse illius est Caput, independents scilicet & primum, non autem negat, Petrum esse Caput Ecclesiæ visibile, secundarium, ministeriale, & à primario, invisibili Christo scilicet pendens. Ait autem Petrum esse membrum Ecclesiæ, quod certè non pugnat cum dignitate capitis; caput enim in corpore humano etiam est membrum, nec tamen desinit esse caput. Romanus Pontifex ergo est etiam Ecclesiæ membrum sed præcipuum & primum quod cætera regit & gubernat.

K k k

Ob. 4to.

378 Ob. 4to. Omnes Episcopos esse inter se se pares, nec ullum habere inter se Superiorem, multa videntur demonstrare. 1mo. Omnes Episcopi dicuntur Petri, & aliorum Apostolorum Successores: ita testantur SS. Cyprianus, Hieronymus, Ephrem, Augustinus, & alii. 2do. Omnium Episcoporum auctoritas à Deo est immediatè instituta, & acceptata; ut patet ex cap. 20. Act. Apoll. *Vos Spiritus sanctus posuit Episcopos regere Ecclesiam Dei.* 3tio. Omnes sunt Vicarii Christi in terris, *omnes enim pro Christo legatione funguntur*, 2. Cor. 5. v. 20. 4to. Omnes dicuntur curam universalis Ecclesiæ sustinere. Ita S. Ignatius Martyr Epist. ad Philadelphenses. Eleutherius Epist. ad Episcopos Galliz. 5to. Episcopi totæ Ecclesiæ leges dare possunt, & Concilia aliorum Episcoporum convocare, quod innumeris exemplis demonstrare promptum foret. Ergo &c.

Resp. Neg. ant. ad 1mum. Dist. omnes Episcopi sunt Petri, & aliorum Apostolorum Successores in potestate Ordinis Episcopalis secluso primatu & amplitudine potestatis Apostolicæ, conc. secus, neg. Apostolis, ut jam supra dictum, fuit duplex veluti potestas, una Apostolica nullis limitibus coarctata, sed amplissima, quæ ad omnes Ecclesias extendebatur; in hac auctoritate non succedunt Episcopi Apostolis, quæ his duntaxat propria fuit, ad alios minimè transmittenda, excepto solo Petro, cuius primatus & potestatis amplitudo ad ejus Successores, ob rationes passim jam à nobis adductas, dimanavit. Auctoritas Episcopalis ordinis verò, quæ fuit in Apostolis, tota ad Episcopos eorum Successores transit, sed intra limites uniuscujusque Episcopatus conclusa, at-

que semper cavit Ecclesiæ, ut quisque Episcopus intra fines sibi præscriptos se contineret.

Ad 2dum. Fatemur, parem esse omnium Episcoporum auctoritatem origine videlicet, & institutione divina: Sed negamus, esse parem gradu & jurisdictione externa. *Erras*, inquit S. Bernardus ad Eugenium lib. 2. de Consid. c. 4. *Si ut summam, ita & solam institutam à Deo vestram Apostolicam auctoritatem existimes.* (b)

Ad 3tium. Concedimus, omnes Episcopos esse Christi Vicarios, sed quemlibet in sua Ecclesiæ, sicut Romanus Pontifex est in universa Ecclesiæ.

Ad 4tum. Verum est, omnes Episcopos sustinere curam universalis Ecclesiæ per charitatem duntaxat, quæ Ecclesiæ cuilibet laboranti subvenire tenetur; non autem per auctoritatem & jurisdictionem, quæ soli Romano Pontifici competit.

Ad 5tum. Disting. Episcopi particulares toti Ecclesiæ leges dare possunt doctrinæ & Scriptis pro defensione Catholicæ fidei, conc. auctoritate & jurisdictione, neg. Pariter dist. alterum propositionis membrum: Episcopi convocant aliorum Episcoporum Concilia, Provincialia, conc. Generalia, neg. Ad solum quippe Romanum Pontificem spectat, omnes Episcopos in Concilium Oecumenicum convocare, prout alibi ostendimus. (i)

Ob. 5to. Canon 6tus Concilii Nicæ-379 ni I. juxta Veterum Isidori Mercatoris, & Dionysii Exigui interpretationem sic habet: *Mos antiquus perduret in Ægypto vel Lybia, & Pentapoli, ut Alexandrinus Episcopus eorum omnium habeat potestatem, quoniam quidem & Episcopo Romano parilis*

(b) Vid. sup. §. 1. p. 152. (i) Cap. 4. hujus Traët.

parilis mos est; similiter autem & apud Antiochiam &c. Rufinus vero lib. 11. Hist. Eccles. cap. 6. eundem Canonem sic interpretatur: *Et ut apud Alexandriam, & in Urbe Roma vetusta consuetudo servetur, ut vel ille Aegypti, vel hic suburbicariarum Ecclesiarum sollicitudinem gerat.* Ex prima interpretatione Papæ auctoritas coarctatur intra limites Occidentis. Ex secunda verò intra Ecclesias suburbicarias, id est, centum mille passibus Roma distantes, vel saltem intra decem Provincias Urbis Vicario addictas. Ergo Canon iste primatum in omnes orbis Christiani Ecclesias Romano Pontifici abrogat, & denegat.

Resp. Neg. conf. Prædicto Canone confirmatur, & stabilitur potius Romani Pontificis primatus, quàm labefactetur. Nam Paschasius Romanæ Sedis Legatus in Concilio Chalcedonensi proferre iussus Canones, quos cont. 28. ejusdem Concilii allegabat sic Nicænum sextum Canonem ex suo Codice recitavit: *Trecentorum decem & octo Patrum Canon sextus: quod Ecclesia Romana semper habuit primatum. Teneat autem & Aegyptus, ut Episcopus Alexandria omnium habeat potestatem, quoniam & Romano Episcopo hac est consuetudo.* Adversus quam lectionem (quæ utique prioribus interpretationibus præferenda est) nemo reclamavit. Iudices vero dixerunt: *Perpendimus quidem, omnem primatum, & honorem præcipuum secundum Canones antiqua Roma Archiepiscopo conservari.* Quibus patet, Veteres intellexisse, prædicto Canone sexto Concilii Nicæni Primatum Romani Pontificis confirmari, ejusque potestatem nullis circumscribi limitibus, cum tamen potestati Alexandrini Episcopi certi limites assignentur; Adeo ut circa ejusdem Canonis sexti Nicæni tum Mercatoris, & Dionysii Exigui, tum Nicephori interpretationes non ita solliciti esse possi-

mus aut debeamus, attamen ad utrasque Respondemus, & quidem

Ad 1<sup>am</sup>. Jurisdictio Romani Pontificis in ea interpretatione operetur inter limites Occidentis, quatenus est summus Pontifex, Christi Vicarius, & S. Petri in universali Ecclesia Successor, neg. quatenus est Patriarcha Occidentis duntaxat, conc. Prædicto Canone, secundum Mercatoris & Dionysii interpretationem, instituitur tantum comparatio inter Alexandrinum Episcopum & Romanum Pontificem, quoad dignitatem Patriarchalem, atque illius jura annexa. Quadruplex enim potest distingui in Romano Pontifice jurisdictio. Est Episcopus respectu urbis Romæ, & districtus Episcopalis, quem regit: Est Metropolitana respectu Romanæ provincie, & Regionum suburbicariarum: Est Patriarcha respectu totius Occidentis. Est denique summus Pontifex respectu totius Orbis Christiani. Ergo citatus Canon Nicænus ejus jurisdictionem spectat, quatenus est Patriarcha Occidentis duntaxat, non verò quatenus est summus totius Orbis Christiani Pontifex.

Ad 2<sup>am</sup> Nicephori interpretationem eadem recurrit distinctio. Nec opus est, ut hic disquiramus, quid per Urbes suburbicarias intelligi oporteat; quibus unius Provincie duntaxat Urbes, seu Ecclesie designari videntur; & qua ratione secundum ea, quæ mox diximus, Romanus Pontifex tanquam Metropolitanus consideratur. Certè Græci, licet Schismatici, totum Occidentem Romano Episcopo semper adscriperunt, & adhuc adscribunt. Ita Zonaras in Can. 6<sup>to</sup> Concilii Nicæni. Nilus Cabasilas lib. 2. de Primatu Papæ. Balzamon Patriarcha Antiochenus ad hunc Canonem. Exigua præterea fides Rufino est adhibenda, tum quia exclusus erat à Communione Romanæ Ecclesie per Anastasium Papam,



antequam suam scriberet historiam, quam scribere non incepit, nisi post irruptionem Alarici (k), id est Innocentii I. Papæ tempore; tum ob ejus incitiam, & in interpretandis Auctoribus audaciam, ut scribit S. Hieronymus Epist. ad Ctesiphontem, & Apolog. 2. adversus Rufinum.

- 380 Ob. 6to. Non conveniunt inter se nostri Theologi de prærogativis, in quibus potissimum reponi debeat primatus Romani Pontificis. Ergo non pertinet ad certum, & fixum dogma fidei.

Resp. In iis, quæ circa primatum Romani Pontificis de fide semper censuit Ecclesia, optime inter se conveniunt nostri Theologi: reliqua, quæ de illius auctoritate disputant, Ecclesia hæcenus Scholis disceptanda reliquit, nec quidquam hac de re definivit. Ergo non premit qbæstio.

- 381 Ob. 7mo. Testimonia ad stabiliendam nostram sententiam adducta ex summis Pontificibus, sunt ex testibus in propria causa, ut patet. Atqui nemo in propria causa legitimus testis esse potest, ut donò patet. Ergo &c.

Resp. Dist. min. Ubi de causa privata agitur, conc. ubi de publica, neg. min. Ubi de causa publica fidei, de interpretatione institutionis à Christo factæ, de juribus primæ Sedis, prout hic, agitur, certè non modò testes, sed & judices sunt Romani Pontifices, quibus certa fides haberi debet, præsertim cum tota suffragatur Ecclesia, sicut in præsentī negotio re vera suffragatur. Non enim legimus aliquos Episcopos hanc legitimam primatus prærogativam Romanis Episcopis denegasse, minùs illo-

rum hanc in rem in conspectu totius Ecclesiæ adducta testimonia, quæ etiam continentur in Epistolis ad varias Ecclesias, imò Oecumenica Concilia directis, quibus nemo unquam contradixit, respuisse, aut in dubium revocasse, utpote data à variis virtute eximia, ac præstanti doctrina celebribus, & quorum pietas suspicari non sinit, illos in ea jura & privilegia involasse, quæ sibi ullo pacto competere nec ipsi, nec traditio agnovissent.

Quin ipsimet Imperatores hanc in Romanis Pontificibus primatus prærogativam agnoverunt, & ab omnibus agnoscentiam tanquam vindices Religionis ac Ecclesiæ Protectores, suis edictis decreverunt. *Quatenus*, inquit Valentinianus (l), *Beatissimus Romana Croitatis Episcopus*, cui principatum Sacerdotii super omnes antiquitas contulit. Item, *Sancimus*, inquit Justinianus (m), *secundum Ecclesiasticarum definitiones sanctissimum senioris Roma Papam primum esse omnium Sacerdotum*.

Ob. 8vo. contra secundam partem, 382 Conclusionis. Primatus Romani Pontificis fundatur in eo, quòd Petrus suam Sedem Romæ potiùs, quàm alibi, fixerit. Atqui hoc factum profectò merè humanum fuit, ac voluntarium, nullò enim speciali mandatò Petrus Romæ alligatus fuit. Ergo primatus hic non fundatur in jure & institutione divina; sed in aliquo facto, quòd nec in Scriptura narratur, nec jus divinum constituit, sed planè humanum.

Resp. Neg. maj. Romanus Pontifex succedit Petro in Pontificatu Ecclesiæ universalis ex instituto Christi; Christus enim instituit Pontificatum Petri duraturum

(k) Alaricus Gothorum Rex Italiam invadit initio Sæculi 5ti. (l) Epist. ad Theodosium  
Tom. 4. Conc. p. 51. E. (m) Novella 131. tit. 14. c. 2.

tarum usque ad finem mundi; & proinde, quicumque succedit Petro, à Christo accipit Pontificatum. At verò ratio, cur potius Petro Romanus Pontifex succedat, quàm alius Episcopus, id ex facto Petri ortum est; cum enim Romæ Sedem fixerit, & usque ad mortem tenuerit, inde factum, ut Romanus Pontifex ei succedat. Unde quamvis fortè de jure divino non sit, Romanum Pontificem, quia Pontifex Romanus est, esse Petri Successorem in præfectura totius Ecclesiæ, tamen omninò de jure divino est, eum esse totius Ecclesiæ Caput & Pastorem.

Addè, quòd, quamvis fortè de jure divino non esset, Romanum Pontificem, ut Romanus Pontifex est, Petro succedere, tamen id ad fidem pertineat: non enim idem est, esse aliquid de fide, & esse de jure divino; nec enim de jure divino fuit, ut Paulus haberet penulam, est tamen de fide, Paulum habuisse penulam. Etsi ergo Romanum Pontificem succedere Petro non habeatur expressè in Scripturis, tamen succedere aliquem Petro deducitur evidenter ex Scripturis: Illum autem esse Romanum Pontificem, habetur ex traditione Apostolica Petri, quam traditionem Concilia generalia, Pontificum Decreta, & Patrum testimonia declaraverunt.

- 383 Ob. 9no. Primatus dicitur Romano Pontifici concessus à Canonibus, imò & ab Imperatoribus; ut à Synodo Chalcædonensis Can. 28. ubi dicitur: *Antiqua Roma throno, quòd urbs illa imperaret, jure Patres privilegia tribuerunt.* Et Justinianus Novella 100ma ait: *Decernimus secundum sacrarum Synodorum decreta, sanctissimum veteris Roma Episcopum primum esse omnium Sacerdotem.* Ergo &c.

Resp. Canonibus Ecclesiasticis hoc sensu primatum asseri Romano Pontifici,

quòd per illos declaratur à Christo illi jam concessus, ac confirmetur, quomodo e. g. dicitur Concilium Nicænum definiisse Filium Dei esse Patri Consubstantialem, quia declaravit dogma in Scripturis & traditione revelatum, illudque confirmavit. Canon verò 28vus Chalcedonensis à Leone Pontifice, atque ab universa Ecclesiâ rejectus est, quamvis eâ, quam modò exposuimus ratione sit intelligendus, ut & Novella Justiniani.

### §. III.

*An summus Pontifex in Causis fidei;* 384

*Et morum definiendis errare possit.*

*Et, quod ad idem videt, an sit supra Concilium.*

Stabilitò contra A catholicos Romani Pontificis supra cæteros totius Orbis Episcopos ac fideles non modò honoris, & dignitatis, sed etiam auctoritatis & jurisdictionis primatu, gravis adhuc circa eundem est Gallicanos inter, & cæteros totius Orbis Catholici Theologos quæstio, seu potius lis & controversia, num iste Romani Pontificis primatus & præeminentia eò extendi possit & debeat, ut dictus Romanus Pontifex auctoritate polleat, quasunque fidei & morum quæstiones supremò, & infallibili judicio definiendi, sitque supra Concilium etiam Oecumenicum, & Ecclesiæ collectivè sumptam seu Episcopos simul sumptos.

Theologi Galli, si non omnes, saltem secundum speciem plerique, negant summi Pontificis de fide & moribus definitiones absente totius Ecclesiæ consensu esse infallibiles, eumque Conciliò Oecumenicò superiorem esse. Affirmant verò cæteri.

Notandum tamen volunt, hîc quæstionem non esse, num summus Pontifex etsi legitimus, velut Doctor privatus

K k k 3

errare

errare non possit. Omnes enim Theologi fatentur, tunc eum, cum videlicet tanquam privata persona, & aliorum privatorum Doctorem instar aliquid scribit, aut docet, errori esse obnoxium.

In hoc igitur modò versamur, an scilicet summus Pontifex, quando quâ Pontifex & universalis Ecclesiæ Catholica Pastor, pro summa, qua pollet, auctoritate universam Ecclesiam docet, rebusque maturè, prout par est, discussis causam aliquam definitivè, & quod definitivè, jubet tanquam fidei veritatem ab omnibus haberi &c. infallibilis sit necne?

Unde in Romano Pontifice celebris illa distinctio statuenda videtur, quam adhibent infallibilitatis Pontificiæ assertores Theologi, & qua illum considerant, vel ut Doctorem privatum, qui sensa sua depromit, vel ut publicum Ecclesiæ Doctorem & Pastorem, qui ea ratione, quam mox exposuimus, Ecclesiam universalem docet, seu quod ajunt, qui *Ex Cathedra* loquitur.

Et quamvis hanc distinctionem initio explodere velle viderentur Gallicani Theologi tanquam, quod aiebant, novum commentum, ad declinandam objectionum quarundam ex aliquibus summorum Pontificum Epistolis hæresim sapientibus desumptarum vim & molestiam excogitatum. Attamen postquam infallibilitatis Pontificiæ Patroni palam demonstrarunt, hanc distinctionem nec rationi contrariam, nec novam esse, quippe quæ cum in Scripturis, tum in Traditione fundata sit (\*), ultrò eam Gallicani Theologi admittere coguntur; verùm eâ etiamnum admisâ, nihilominus contendunt etiam tunc Pontificem in definiendis fidei & morum quæstionibus

esse fallibilem; adeoque Ecclesiâ seu Conciliò inferiorem, utpote quod solum in hujusmodi quæstionibus definiendis nec falli, nec fallere possit. His prælibatis, ponitur

## CONCLUSIO.

385

Papa ex Cathedra res fidei & morum definiens est omnino infallibilis.

Prob. Conclusio 1<sup>mo</sup> ex S. Scriptura. Luc. 22. v. 31. Christus Petrum hisce alloquitur: *Simon, Simon, Ecce Satanas expetivit vos, ut cribraret sicut triticum, Ego autem rogavi pro te, ut non deficiat fides tua, & tu aliquando conversus confirma fratres tuos.*

Ex hac Christi sententia istud conficimus argumentum. Illi censeri debent in definiendis fidei & morum quæstionibus infallibiles, pro quibus Christus oravit, ne eorum fides deficeret, quosque jussit confirmare fratres suos. Atqui Christus pro Petro & ejus Successoribus Romanis Pontificibus oravit, ne eorum fides deficeret, jussitque eos fratres suos confirmare. Ergo in fidei, & morum quæstionibus definiendis sunt infallibiles.

Major apud omnes Catholicos Theologos ultrò extra controversiam esse debet; nullus quippe eò mentem abducat, ut asserere audeat, Christi orationem non fuisse exauditam; proinde manifestum est, quòd, qui in fide nunquam deficiere possunt, eò ipsò donum infallibilitatis acceperint, atque quando fidei & morum quæstiones definiunt, fratres suos in ea infallibiliter confirmare valeant.

At de minore litigant Gallicani Theologi, eamque variis argumentis impugnant; ut vel inde pateat, multa falsa esse uni vero contraria.

Launoyus

(\*) Vid. Opus nostrum cui titulus Auctoritas & Infallibilitas sum. Pontif. &c. &c. stabilita &c. edicium an. 1738. Cap. 1. pag. 1. & seqq.

Launoy præcipuè in eo est, ut huic sacre Scripturæ textui varias Patrum adaptet interpretationes. (o) imo. dicit, orâsse Christum, ut Petrus veram fidem nunquam amitteret, quantumvis tentaretur à Diabolo, sed in ea, & gratia Dei tum demum perseveraret. 2do. Ut Romana Ecclesiâ per Petrum fundata à fide nunquam deficiat. 3tio. Ut ipsa Sedes Petri, seu Apostolica Sedes in fide firma semper sit. 4to. Ut ipsa universalis Ecclesiâ, vel etiam universale Concilium nunquam erret in fide.

Verùm profectò hæc omnes interpretationes procul, ut nostram, qua textum hunc ad Petri Successores extendimus, eliminant, quin potius eandem mirum in modum stabiliunt. 1ma. quidem verissima est; non enim in Petro aut ejus Successoribus excludit privilegium non errandi, cum *Ex Cathedra* fidei quæstionem aliquam definiunt; neque sistit illud in solo Petro, obestve, ne etiam ad illius Successores pro rectè gerendo Supremi Pastoris Officio transeat. Secunda & tertia omnino sententiam nostram confirmant; nobis enim, quemadmodum toti Ecclesiasticæ antiquitati, perinde est sive Ecclesiâ Romana, sive Sedes Apostolica, sive Romanus Pontifex nunquâ à fide deficere posse dicantur, cum hæc tria idem sint, & utrobique sursum Pontifex intelligatur. Quarta etiam vera est, si nimirum intelligatur hæc universalis Ecclesiâ, seu Concilii fidei certitudo à B. Petro tanquam à Capite ad cætera membra, Ecclesiâque universalem defluere, prout exposuere SS. Patres.

2do. Matth. 16. v. 18. hisce Christus Petrum alloquitur: *Tu es Petrus, & super banc petram ædificabo Ecclesiam meam, & porta inferi non prævalerunt adversus eam, & tibi dabo claves Regni Cælorum &c.*

Ex hoc textu breve hoc conficimus argumentum. Petrus hic & ejus Successores Romani Episcopi, quod omnium Catholicorum est sententia, Nosque §. præcedenti ostendimus, constituuntur Petra & fundamentum totius Ecclesiæ, quam nullus unquam in fide error occupare, aut subvertere possit. Ergo non solum ipse Petrus, sed & illius Successores, cum, ut Petra & fundamentum Ecclesiæ visibilis, eidem quidpiam de fidè credendum proponunt, ipsi in fide firmissimi, adeoque infallibiles sint, omnino necesse est.

Prob. conf. Non alia ratione Christus hoc locò inconcussam, & immotam in fide Ecclesiâ pronuntiasse videtur, quàm quia supra Petrum, ejusque Successores fundanda esset. Ergo & ipsi in fide immoti sint, oportet. Secus enim, sicut ruente fundamento, totum etiam collabi superstructum ædificium necesse est, ita & totam Ecclesiâ, his S. Petri Successoribus inædificatam, à vera fide deficere contingeret: sicque contra Christi promissionem adversus illam portæ inferi essent prævalituræ. Concludendum igitur ex hoc textu, Romanos Pontifices, prout Ecclesiæ Petra & fundamentum sunt, seu quando *Ex Cathedra* fidei quæstiones definiunt, esse infallibiles.

3tio. Joan. ult. v. 17. Christus ter Petrum interrogat his verbis: *Petre anas me?* terque ipsi oves suas committit his verbis: *Pasce oves meas.*

Unde hoc deducitur argumentum: Per hæc verba Petrus & ejus Successores totius Ecclesiæ Pastores & Rectores à Christo sunt constituti: Ergo & Christus ipsis omnia contulit, quæ in munere hoc ritè obeundo necessaria sunt. Subsum. Atqui inter ea præcipuè est infallibilitas in fidei quæstionibus definiendis. Ergo &c. Prob.

Prob. ant. subsumpti. Id maximè curare debet spiritualis Pastor, ut fides in suo grege incorrupta servetur, sine qua impossibile est placere Deo. Ergo convenit omnino, ut cui supremæ totius gregis Dominici cura incumbit, ea dote præditus sit, ut oves, ipsius vocem sequentes, à venenosis errorum herbis se non iniiciendas, sed salubribus veritatis pascuis alendas securissimè confidant; adeoque sit infallibilis.

386 Prob. Conclusio 2do ex constanti Traditione, qua constat, Romani Pontificis supremam auctoritatem, & in fidei definitionibus infallibilitatem semper in Ecclesia fuisse agnitam.

Primò Ecclesiæ Sæculò Clemens Romanus Pontifex, orto Corinthi Schismate, gravem ad istius Ecclesiæ Rectores dedit Epistolam, qua pax reducta est, ipsique in fide confirmati. (p)

Sæculò 2dò. Quartodecimanorum errorem improbat Victor Papa, ejusque decisionem tota sequitur Ecclesia. (q)

Sæculò 3tiò. Novatianum damnat Cornelius Papa. Stephanus Rebaptizantes; Martianum quoque Arelatensem Episcopum hæreticum Sede sua dejecit. Dionysius Papa Dionysium Alexandrinum, ut fidei suæ & Scriptorum rationem ipsi reddat, adigit, prout testatur Athanasius Ep. de Dionysio Alexandrino.

Sæculò 4to. Julius Papa Orientales Episcopos, qui Athanasium damnarant, reprehendit, eorumque judicium nullum pronuntiat, quòd suam definitionem non expectassent, aut requisivissent. *Ecclesiasticè*, inquit ad hanc historiæ particulam Socrates (r), *regulà interdictum est, ne præter sententiam Romani Pontificis*

*quidquam ab Ecclesia decernatur.* Sozomenus autem asserit (s), *Omne id, quòd absque consensu Romani Pontificis fit, irritum esse.* Eodem Sæculo Liberius Eustatium Sebastenum Episcopum Sede sua pulsum, & Romanam Sedem appellantem restituit; neque huic restitutioni Thyana Synodus resistere ausa est, quamvis cur restitutus fuerit, ignoraverit. (t) Damasus Papa Conventum Ariminensem damnat, quòd eidem Romani Pontificis consensus non accessisset; definitque, formulæ fidei à Nicænâ Synodo præscriptæ unicè adhaerendum esse. (u) Ipse etiam primus Apollinaris hæresim in Oriente exortam damnat; novam quoque fidei formulam edit, cui anathema adversus Macedonianos, & Apollinaristas adjungit, & cui omnes de hæresi suspecti subscriberent. Siricius Damasi successor, Jovinianum hæreticum damnavit unacum suis adherentibus, atque toto terrarum orbe execrabiles reddidit.

Anastasius Origenis errores toto quidem Oriente jam damnatos proscriptis, quam proscriptionem illicò totus Occidens suscepit. (x)

Sæculò 5to. Innocentius I. Sacrarum Scripturarum Canonem ipsum, quem etiamnum modò adhuc tenemus, determinat, de quo prius variæ fuerant in Ecclesia opiniones. Reprehendit Macedoniæ Episcopos, quòd decisiones suas in materia etiamnum disciplinæ in dubium revocare ausi sint. Orientales à sua communione suspendit, donec Joannis Chrysostomi memoria pristinae venerationi ab ipsis fuisset restituta. Acta Synodorum Carthaginensis, & Milevitaneæ, quæ Pelagium & Coelestinum damnarant sibi ab illis transmissa confirmat,

(p) Euseb. lib. 3. Hist. cap. 12. (q) Idem lib. 5. cap. 24. & 25. (r) Lib. 3. cap. 7. (s) Lib. 4. cap. 9. (t) Basilus Ep. 74. (u) Sozom. lib. 6. cap. 25. Rufinus lib. 11. c. 20. (x) Hieron. Ep. ad Pamach.

firmat, post quam confirmationem, causam hanc demum finitam fuisse ait S. Augustinus. Zosimus Cælestium, qui simulatâ Orthodoxiâ illum circumvenerat, fraude detectâ solemnî edictô damnat, quod ad universos totius Orbis Christiani Episcopos transmissum illicô ab illis acceptatum est, paucis, qui Pelagio & Cælestio adharebant, exceptis, qui & ob id, ab omnibus rejecti fuere. Cælestinus I. adversus Nestorium fert sententiam, eumque anathemate percutit, nisi intra decem dies errorem suum damnaverit. Flavianus Constantinop. Episcopus à Pseudo-Synodo Ephesina damnatus ad Leonem Papam appellat; hæcque appellatio ut legitima, ac secundum Canones facta, agnita fuit, ut patet ex Ep. Valentiniani Imperatoris ad Theodosium.

Cùm in Oriente orta esset controversia de divinitate S. Spiritus, de ea contentione Papa certior factus, scripsit ad Orientis Ecclesias Epistolam, qua præcipiebat, ut unacum Sacerdotibus Occidentis Trinitatem & consubstantialitatem esse, & gloriâ æqualem existimarent: *quo factis*, inquit Sozomenus (γ), *singuli rebus ab Ecclesia Romana semel iudicatis acquieverunt, & controversia finem habere visa est.*

Sæculô 6tô S. Gregorius Magnus lib. 5. Ep. 54. ad Episcopos Gallia jubet, ut, si inter ipsos de hâc quædam controversia emerferit, eam ad ipsum referant, *quatenus*, inquit, *valet à nobis congruâ siue dubio sententiâ terminari.* Cùm Romam Episcopi Italiz, mandante Theoderico Italiz Rege, ut, annuente etiam Symmacho Papa, causam, quæ inter illum & Laurentium Antipapam agitabatur, dijudicarent, coeunissent, tota inde commota est Ecclesia, ac undique Romam delata:

P. Cartier Theol. Tom. I.

litteræ, quibus id iudicium impediretur; Avitusque Viennensis Episcopus nomine omnium Gallie Episcoporum gravem ad dictos Italiz Antistites dedit Epistolam, in qua illos reprehendit, quod temerè causam illam examinandam suscipere ausi fuerint; non enim intelligere posse, ait, Episcopos Gallie, quod eminentior ab inferioribus possit judicari: non teneri Romanum Pontificem nisi soli Deo de sua administratione rationem reddere; neque esse Gregis Pastorem proprium terere. Ipsimet etiam Italiz Episcopi, initio Regi Theoderico morem gerere detrectati sunt, suggerentes ei, solius summi Pontificis esse Synodum convocare, nec illum minorum iudicio ullatenus subiacere: At certiores postmodum à Rege facti, ipsum quoque Papam Synodi convocationi assensum præbuisse, eidem acquiescere; Nec tamen jam congregati Synodum habere ausi sunt, nisi prius acceptâ à Symmacho Papa illam inchoandi auctoritate &c. (z)

Sæculô 9nô. Additamentum *Filioque* ab Ecclesia Gallicana Symbolo factum, tunc demum in fidei articulum transit, cùm Romani Pontificis Decretô receptum est. (a)

Sæculô 12mô tentata fuit unio cum Orientalibus, sed hæc ad finem perduci non potuit, quod nollent Græci, quemadmodum Latini tuebantur, agnoscere, Sedem Apostolicam, non expectatô totius Ecclesiæ consensu, posse quæstiones fidei definire. (b)

Ex his, innumerisque aliis ex historia Ecclesiastica repetitis monumentis habetur, summos Pontifices semper ab omnibus, tanquam suprema totius Ecclesiæ Capita habitos esse, atque ad eos undique hæde recurrisse, ut ab ipsis super fidei, aliisque quæstionibus judicia expectarent;

L I I

Ipsos

(γ) Lib. 6. c. 22. (z) Bin. tom. 2. p. 284. b. Ennodius Apolog. Conc. Rom. (a) Baron. ad an. 809. (b) Spicilleg. tom. 13. pag. 212. & seqq.

Ipsos hæreses damnasse, quibus etiam non expectato totius Ecclesiæ consensu, damnatis, eorum judiciis omnes Catholici semper acquieverunt; verbó, habetur, ipsos in iis, quæ fidem tangebant, fuisse intallibiles.

387 Prob. 3tio. Conclusio ex Conciliis. (c) De Concilio Nicæno id solum habemus, quòd eidem Sylvester Papa per suos Legatos præfederit, quorum unus fuit Osius Cordubensis Episcopus, prout apud Athanasium asserunt Arliani.

(d) In Sardicensi verò, cui laudatus Osius nomine Pontificis Romani præfuit, invenimus Papam nuncupari *Ecclesia Caput*, utpote, qui Petri Sedem teneat: quòd ceteri Episcopi teneantur ad ipsum omnia referre, & quòd quilibet possit post Episcoporum Judicium ad Sedem Apostolicam appellare &c. (e)

(f) In Ephesina Synodo, ubi Nestorius damnatus est, imo. Fatentur Patres, se per sacros Canones, & Papa Celestini Epistolam coactos, contra Nestorium sententiam pronuntiare. 2do. Papæ Legati, qui primum post Nestorii damnationem ad Concilium venerant, sibi Acta prælegi jubent, ab ipsis juxta præscriptam Celestini Papæ formulam confirmanda, in qua hæc inter alia continebantur: *Ad disputationem si fuerit deventum, vos de eorum sententiis judicare debetis, non subire certamen.* Acta deinde, rogantibus Concilii Patribus, confirmant. 3tio dicitur S. Petrus Apostolorum Princeps & Caput fidei, columna, & fundamentum Ecclesiæ Catholica, qui claves accepit Regni celorum, atque ligandi, & solvendi potestatem accepit, qui semper in suis Successoribus judicium exercet.

(g) In Concilio Chalcedonenfi, declarat S. Leo Papa, se ei interesse in suis

Vicariis; qui dudum in fidei prædicatione non desit, ut qui non possint ignorare (Patres Concilii alloquitur) quid ex antiqua traditione credat, non possint dubitare, quid cupiat. Præcipit quoque iisdem Concilii Patribus, ut rejecta penitus disputandi audaciâ eam teneant de Sacramentis Incarnationis Dominicæ doctrinam, quam plenissimè & lucidissimè post Evangelium, Prophetas, & Apostolos ad Flavianum declaraverat, & exposuerat in sua ad Concilium Epistola. 2do. Declarant Summi Pontificis Legati, se mandatum Papæ præ manibus habere, quo statuebatur, ne Dioscorus in Concilio federet, sed audiendus intromitteretur, *Act. 1ma.* 3tio. Concilium declarat, super iis, quæ de Incarnatione Domini credenda essent, formam datam fuisse à Leone Papa, Concilium eam sequi, atque Epistolæ Leonis omnes jam subscripsisse, nullaque, præter istam, alia fidei expositione opus esse; *Act. 2da.* 4to. Quòd Papa, per præsentem Synodum, unacum B. Petro, qui est Petra & Crepido Catholicæ Ecclesiæ Dioscorum nudarit tam Episcopatus dignitate, quam etiam & ab omni alienarit Sacerdotali ministerio; *Act. 3tia.* 5to. Eos declarat hæreticos, qui non subscripsissent Epistolæ Leonis; *Sicut Leo sic credimus*, inquit, *rectè Leo exposuit.* *Act. 4ta.* 6to. Concilium Epistolam Leonis Confessioni Petri esse congruentem, & communem quamdam columnam existentem adversus perversè sentientes, eamque Epistolam Cyrilli ad confirmationem rectorum dogmatum congruenter adaptare se proficitur. 7mo. Quamvis Conciliabulum Ephesinum hic reprobatum fuerit, ordinatio tamen Maximi Antiocheni in eo facta rati habetur, quòd S. Leo Papa cum in suam Communionem recepisset. *Act. 10ma.* 8vo. A S. Leone Papa confirmatur

(c) Annò 325. sub Sylvestro Papa. (d) Annò 347. sub Julio Papa. (e) In Epist. Synodica. (f) Annò 431. sub Celestino Papa. (g) Annò 451. sub Leone I.

et Concilium tantum quoad ea, quæ fidem spectabant, reliqua pronuntiat irrita; quæ proinde etiam ab Ecclesiâ rejecta fuerunt.

(b) Concilium VI. Oecumenicum, Aet. 4tâ. summò applausu probat duas Epistolas, Agathonis unam, Concilii Romani alteram: in quibus apertis terminis continetur suprema & infallibilis Romani Pontificis auctoritas fundata supra promissiones Christi tribus jam initio hanc in rem adductis S. Scripturæ textibus contentas, prohibetque, ne sententia Romani Pontificis ad ulterius examen vocetur &c.

(i) In Concilio VII. Oecumenico non minus apertè infallibilitas Pontificia stabilitur, Adrianique Papæ litteræ *divinus Oribodocia terminus* nuncupantur.

(k) Synodus VIII. Oecumenica singularis ferè paginis infallibilitatem Pontificiam super promissiones Christi Petro factas fundatam declarat. Eandem sententiam semper tenuere subsequuta Concilia, ut ea volenti parebit.

388 Prob. 4to. Ex ipsis Romanis Pontificibus; quorum testimonia summi ponderis esse debent, iisque fides certa omninò adhiberi debet, prout supra §. 2do in Responsione ad objectionem 7mam pag. 170. ostendimus.

(l) Innocentius I. Ep. ad Felicem laudat eum, quòd super dubiis illum consuluerit tanquam Caput, & apicem Episcopatus, ut consulta, inquit, videlicet *Sedes Apostolica ex ipsis rebus dubiis certum aliquid sequendum, faciendumque pronuntiet.* Bin. tom. 1. Concil. pag. 583.

(m) Zosimus Epist. ad Patres Carthaginensis Concilii, Apostolicæ Sedis infalli-

litatem in Christi promissione Petro facta firmatam asserit. Bin. tom. 1. Conc. pag. 611. a.

(n) Cælestinus I. sententiam fert in materia fidei adversus Nestorium ad universam Ecclesiâ directam. Bin. ibid. pag. 651.

(o) Sixtus III. Ep. ad Joan. Antiochenum ait, S. Petrum doctrinam suam Successoribus suis transmisisse, horumque doctrinam non magis errori esse obnoxiam, ac sit ipsamet S. Petri doctrina. Bin. tom. 1. pag. 925. a.

(p) De S. Leone jam egimus supra in Concilio Chalcedonensi.

(q) Simplicius Papa Epist. ad Zenonem Augustum, *Perstat, inquit, in Successoribus suis hæc & eadem Apostolica norma doctrina, cui Dominus totius curam ovilis injunxit, cui se usque ad finem sæculi minimè defuturum, cui portas inferi nunquam prævoluturas esse promisit, cujus sententia, qua ligarentur in terris, solvi, testatus est, non posse nec in celo.*

(r) Gelasius Epist. ad Episcopum David, & ad Faustum ait: Papam jus habere omnem & totam Ecclesiâ dijudicandi, nec licere cuiquam de ejus judicio appellare, idque Canonibus Ecclesiæ esse sancitum.

(s) Gregorius Magnus lib. 4. Ep. 20. ait: Ex promissionibus Christi tribus illis Scripturæ textibus, sup. à nobis relatis, expressis totius Ecclesiæ curam summum Pontificem gerere. Quid verò ad Episcopos Galliæ scripserit, jam supra argumentò secundo retulimus.

(t) De Agathone supra in Concilio 6to Oecumenico egimus.

L I I 2

(u) Ni-

(b) Annò 680. sub Agathone Papa. (i) Annò 787. sub Adriano I. (k) Annò 869. sub Adriano II. Papa. (l) Ab anno 401. usque ad annum 417 (m) Ab anno 417. usque ad annum 418.

(n) Ab anno 422. ad annum 432. (o) Ab anno 432. ad annum 440. (p) Ab anno 440. ad annum 461 (q) Ab anno 468 ad annum 483. (r) Ab anno 492. ad annum 496. (s) Ab anno 590. ad annum 604. (t) Ab anno 678. ad annum 682.



(u) Nicolaus I. Ep. 8. ad Michaelem Imperatorem, ait Privilegia Sedis Apostolicæ Romanis Pontificibus collata fuisse ab eo, qui auditur à Domino *confirma fratres tuos*. Ipsos Concilia suâ auctoritate firmare, sua moderatione custodire, unde quædam eorum, quia consensum Romani Pontificis non habuerunt, valetudinem perdidisse. Sedis Apostolicæ auctoritate nullam esse majorem, judicium illius à nemine retractari posse, nec cuiquam licere de ejus judicio judicare, siquidem ad illam de qualibet mundi parte Canones appellari voluerunt, ab illa autem nemini permissum esse appellare.

(x) Joannes Papa VIII. Eadem, ac S. Gregorius paulò ante relatus, scribit ad Arelatensem Episcopum; atque ad Bulgarorum Regem scribens, ait, quòd, sicut aqua non potest alibi tam munda & limpidâ, quemadmodum in fonte, unde originem pettrahit, inveniri: ita & fides, nunquam tam pura & nitida inveniri possit, quàm in Sede Romana &c.

(y) Leo IX. Ep. ad Michaelem Carularium Patriarcham Constantinop. adductò celebri S. Lucæ textu Ego autem rogavi &c. Erit, ergo, inquit, quisquam tanta dementia, qui orationem illius, cujus velle est posse, audeat in aliquo vacuum putare? Nonne à Sede Principis Apostolorum Romanâ videlicet Ecclesiâ, tam per eundem Petrum, quàm per suos Successores conviciâ atque expugnata sunt omnium hæreticorum commenta, & fratrum corda in fide Petri, quæ baelenus non descendit, neque in finem deficiat, sunt confirmata.

(z) Innocentius III. Ep. ad Episcopum Arelatensem: Majores, inquit, causæ, præsertim articulus fidei contingentes ad Petri Sedem referendas intelligit, qui novit, pro eo Dominum rogasse, ne deficiat fides ejus.

(a) Gregorium VII. omittimus. Nihil quippe apertum est, cum Sedis Apostolicæ jura non modò intra supremæ Spiritualis potestatis limites stare voluisse, sed & ad Principum temporaria extendi jussisse. Neque etiam de subsequentibus Summis Pontificibus nihil dicemus, utpote quos nemo negat, censuisse se supremam habere in totam Ecclesiam auctoritatem, atque esse infallibiles.

Prob. Conclusio 5to. Ex SS. Patribus. 389  
1mo. Ex Græcis. S. Irenæus lib. 3. advers. hæres. c. 3. ait: *Per traditionem Ecclesia Romana, quam ipsa ab Apostolis habet, & annuntiatam hominibus fidem, per successionem Episcoporum ad nos usque pervenientem confundi omnes hæreticos; & ad hanc Ecclesiam propter potiorem principalitatem necesse est, omnem Ecclesiam convenire, hoc est, eos, qui sunt undique fideles, in qua semper conservata est ea, quæ ab Apostolis est, traditio.*

Origenes in Ep. ad Rom. ait: *Christum S. Petro Summam rerum in sua Ecclesia contulisse, cum illum ejusdem Pastorem constituit.*

Eusebius Cæsarensis, vel alius, qui sub ipsius nomine circumfertur, sermone in Non veni pacem mittere &c. de S. Petro ait, quòd sit verè beata Petra, in qua & sumus positi.

S. Gregorius Nazianzenus Orat. 7. S. Petrum Ecclesiæ columnen nuncupat. Et Orat. 26. Vides, inquit, quemadmodum ex Christi Discipulis, magnis utique omnibus & excelsis, atque electione dignis hic petra vocetur, atque Ecclesiæ fundamenta in fidem suam accipiat. Hocque privilegium ad illius Successores pertransiit agnoscit in carmine de veteri & nova Roma: fides, inquit, vetusta (Romæ) recta erat jam antiqui-

(u) Ab anno 858. ad annum 867. (x) Ab anno 872. ad annum 882. (y) Ab anno 1049. ad annum 1055. (z) Ab anno 1198. ad annum 1206. (4) Ab anno 1073. ad annum 1087.

antiquitas, & certa persit nunc, item nexu pio quodcunque labens Sol devincius; ut universi Præfitem mundi decet, totum colit, qui Numinis concordiam.

S. Joannes Chrysostomus hom. 53. in Matth. docet, quod S. Petrus constitutus sit vertex & Coryphaeus Collegii Apostolici, quod ipsi claves Regni colorum a Salvatore tra sita fuerint, atque fide ad regendum Ecclesiam immobili fuerit imbutus, hæcque prærogativa ad suos Successores pertransierit.

S. Cyrillus Alexandrinus Dialog. de Trinitate in illa verba Tu es Petrus &c. Per annotationem, inquit, nihil aliud, quàm inconcussam & firmissimam Discipuli fidem vocavit, in qua Ecclesia Christi ita fundata & firmata est, ut non laberetur, & esset inexpugnabilis inferorum portis in perpetuum manens. Item apud S. Thomam in Catena, secundum hanc promissionem, inquit, Ecclesia Apostolica Petri ab omni seductione, & hæretica circumventionem manet immaculata.

Theodoretus Ep. 116. ad Renatum Ecclesiæ Romanæ Presbyterum, ait, Sedem Apostolicam habere omnium totius Orbis Ecclesiarum principatum multis nominibus, & ante omnia ex hoc, quod ab hæretica tabe immunis mansit, nec ullus contraria sentiens in illa sedet, sed Apostolicam gratiam integram servavit.

Flavianus Episcopus Constantinopolitanus Epist. ad S. Leonem Papam contra Eutychetem, rogat eum, ut Eutychetis damnationem regulariter factam confirmare, & decernere dignetur, qui remorebitur, inquit, Concilium, quod fieri divulgatur.

Ex Latinis S. Cyprianus lib. de unitate Ecclesiæ, ait, quod, qui Cathedram Petri, super quam fundata est Ecclesia, deserit, in Ecclesia non sit. Idem repetit Ep. 39. Et Epist. 55. ait, ad Romanam Sedem perfidiam non posse habere accessum. Et

Ep. 52. asserit, idem esse, cum Romano Pontifice communicare, ac cum Ecclesia Catholica.

Optatus lib. 2. cont. Parmen. inter alia dicit, Petras inferorum claves Petri nunquam devicturus. Et lib. 7. ait, Petrum clavibus Regni colorum ceteris communicandis solum accepisse. Dixerat jam lib. 1. Melchisedis Papa sententiâ, qua Cæcilium a Donatistis Sede Carthaginiensi pulsam innocentem pronuntiaverat, iudicium fuisse clausum.

S. Ambrosius variis locis Papæ infallibilitatem tuerit, ut Ep. 11. ubi ait: Romanam Ecclesiam esse Caput Imperii Romani, & sanctam Apostolorum fidem tenere. Lib. 4. & 5. de fide ad Gratianum Imperatorem, Petrum esse firmamentum Ecclesiæ. In Psal. 40. Quod ibi sit Ecclesia, ubi Petrus est, ubi autem Ecclesia est, ibi nulla mors sit, cum ille ipse sit, cui Christus dixit: Et porta inferi &c.

S. Hieronymus Ep. ad Damasum Papam, Apud vos, inquit, solos incorrupta servatur Patrum hereditas .... Ergo nulum primum nisi Christum sequens, Beatitudini tuæ, id est, Cathedra Petri communionem socior, super illam Petram adificatam Ecclesiam scio .... Decernite, si placet, & non timeo tres hypostasas dicere.

S. Augustinus serm. 2. de verbis Apostoli, post Sedis Apostolicæ iudicium Pelagianorum causam finitam esse asserit. Et lib. 2. advers. Julian. Quod adhuc quaris examen, inquit, quod apud Apostolicam Sedem jam factum est. Ep. 162. de Cæciliano agens, Poterat, inquit, non curare conspurcantem multitudinem inimicorum, cum se videret Romana Ecclesia, in qua semper Apostolica Cathedra viguit Principatus, esse conjunctum. Et in Psalmo contra partem Donati, Numerate, inquit, Sacerdotes vel ab ipsa Sede Petri, & in ordine illo Patrum, quis, cui successit, videte, ipsa est Petra, quam non vincunt superba inferorum porta.

Possidias in vita S. Augustini c. 18. Innocentii & Zosimi sententiam contra Pelagium & Cælestium latam *Ecclesia* iudicium nuncupat, quod audiens, & sequens Honorius Imperator, suis eos legibus damnatos haberi debere constituit.

S. Prosper in suo poemate ait: *Sedem Apostolicam primam Pelagii & Cælestii bæresim damnavisse, non quod ipsius sententiam Concilia Africana non præcesserint, sed quod præcipuum suam auctoritatem à damnatione per sanctam Sedem facta acceperint, decernendo id, quod Roma probaret.*

Cassianus lib. 3. de Incarn. c. 12. *Interrogemus, inquit, summum illum, & iter Magistros Magistrum, qui Romana Ecclesia gubernaculum regens, sicut fidei habuit, ita & Sacerdotii Principatum.*

S. Petrus Chrysologus Ep. ad Eutychem, *In omnibus hortamur te, ut iis, quæ à Beato Papa Romana Urbis scripta sunt, obedenter attendas; quoniam Beatus Petrus, qui in propria Sede vivit, & præsidet, præstat quareribus veritatem; nos enim pro studio pacis & fidei extra consensum Romanæ Civitatis Episcopi causas fidei audire non possumus.*

Gennadius in Catal. Innocentius, inquit, *Urbis Romæ Episcopus scripsit decretum Occidentalium, & Orientalium Ecclesiarum adversus Pelagianum datum, quod postea Successor ejus latius promulgavit.*

S. Bernardus Epist. 190. ad Innocentium II. *Dignum, inquit, arbitror ibi (in Sede Apostolica) potissimum resarciri damna fidei, ubi non potest fides sentire defectum.*

Pluribus Patrum & omnium subsequentium Doctorum & Scriptorum Scholasticorum, etiam Gallicanorum Theo-

logorum testimoniis adducendis superfedemus, cum ultro moderni Gallicani Theologi fateantur eos sibi minimè favore, atque S. Thomæ Scholasticorum Principis sententiam sequi, à cujus in re præsentis sententia, salvâ, quæ ipsi debetur, reverentiâ, licet discedere, inquit Turnelius celebris Gallicanus nostri ævi Theologus.

Prob. Conclusio 6to. Selectis testimoniis Ecclesiæ Gallicanæ, quod sanè firmissimum pro nostra sententia debet esse argumentum, utpotè in ipsa Ecclesia illa, quæ tantis viribus modò contrarium tueri videtur, petitem, & ex quo vel saltem id evincimus, Gallicanos videlicet Præfules, & Theologos Majorum suorum deseruisse sententiam, quando Papam errori obnoxium tuentur.

Sæculò 14to. Natio Gallica in Scripto quodam adversus Bonifacium VIII. Clementi V. oblatum sic loquitur: (b) *Non quaritur de bæresi Papa quondam ut Papa, sed ut privata persona, nec ut Papa potuit esse hæreticus, sed ut privata persona, nec unquam aliquis Papa ut Papa potuit esse hæreticus. Et ideo cum de ejus mortui bæresi quaritur, non habet congregari Concilium generale; ipsis enim nobis Pater sanctissime JESU Christi Vicarius totum Corpus Ecclesiæ representans, qui claves Regni cælorum habetis: nec congregatum totum Concilium generale sine vobis, & nisi per vos possit cognoscere.*

Eodem Sæculo Petrus Bertrandus Episcopus Augustodunensis nomine omnium Galliæ Episcoporum de origine jurisdictionis quæst. 2. & 3. ait: *jurisdictionem spirituales à Christo immediate Petro, & ipsius Successoribus fuisse traditam, à quibus in alios derivatur. Eamque jurisdictionem*

*Bionem Papam habere sine limitatione loci & personarum; ideo omnes Christianos, ubicunque sint, debere ei obedire.*

Eodem iterum Sæculo Stephanus Episcopus Parisiensis de consilio Decani & Capituli Cathedralis Ecclesiæ suæ, Guilielmi Archiepiscopi Viennensis Theologiæ Professoris, viginti trium in Theologia Doctorum, & triginta novem Facultatis Parisiensis Baccalareorum sic de Ecclesiâ Romana disserit: (c) *Nos igitur attendentes cum eis (Decano nempe, Capitulo, & cæteris mox nominatis) quoddam sacrosanctâ Romanâ Ecclesiâ fidelium omnium Mater, & Magistra in firmissimâ Petri Christi Vicarii confessione fundata, ad quam velut ad universalem regulam Catholica veritatis pertinet approbatio doctrinarum, & reprobatio, declaratio dubiorum, determinatio tenendorum, & confutatio errorum &c.*

Sub ejusdem Sæculi finem universa Facultas Theologica Parisiensis sic loquebatur: (d) *Quidquid dicturi sumus totum correctioni, & judicio Sedis Apostolicæ, & sedentis in ea Summi Pontificis humiliter submittimus; dicentes cum Beato Hieronymo, hæc est fides, quam in Ecclesiâ Catholica didicimus, in qua, si quid minus peritè aut minus caute fortè aliquid positum est, emendari petimus à te (Papam alloquuntur) qui Petri fidem & Sedem tenes; non ignoramus enim, sed firmissimè tenemus, & nullatenus dubitamus, quoddam Sanctâ Sedem Apostolicam esse illa Cathedra Petri, super quam, eodem Hieronymo teste, fundata est Ecclesiâ; & sicut dicit Cyprianus: de qua Sede in persona Petri Apostoli in ea sedentis dictum est: Petre rogaui pro te, ut non deficiat fides tua. Hæc est igitur, ad quam determinatio fidei, & approbatio veritatis Catholica, ac ba-*

*retica impietatis detestatio maximè pertinet.*

(e) Annò 1579. celebratus fuit Conventus Cleri Gallicani Meloduni, ubi Art. 1mo. hæc leguntur: *Operam dabunt ii, quibus hæc cura demandata est, Episcopi scilicet, & eorum Vicarii, ut in omnibus Synodis tam Diocæsanis, quam Provincialibus, omnes & singuli tum Clerici, tum Laici, amplectantur, & aperta professione eam fidem pronuntient, quam Sancta Romana Ecclesiâ Magistra, columna & firmamentum veritatis proficitur, & colit. Ad banc enim, propter suam principalitatem, necesse est, omnem Ecclesiâ convenire.*

Annò 1625. iterum Clerus Gallicanus congregatus in monitis ad Archiepiscopos, & Episcopos Galliæ, Art. 137. hæc de auctoritate Papæ tradit: *Venerabuntur etiam Sanctum Patrem nostrum Papam, Ecclesiâ universalis Caput visibile, Dei in terris Vicarium, Episcoporum Episcoporum & Patriarcharum, denique Beati Petri Successorem, à quo Apostolatus, & Episcopatus sumpserunt exordium, ac super quem Christus fundavit Ecclesiâ illi claves celi tradens, cum infallibilitate fidei, quam non sine miraculo immotam in ejus Successoribus perseverasse usque in hodiernam diem cernimus.*

Hæc monita, quæ cum privilegio Parisiis vulgata fuerunt, per Antonium Etienne, seu Stephanum equidem postmodum suppressa fuerunt, ob defectus aliquos, quos Cardinalis Rupefucaldius in Opusculo, cui titulus *Dé aveu &c.* seu *Rejessio &c.* edito annò 1626. indicavit. At articulus iste 137. nunquam à Clero Gallicano fuit improbat: è contrâ præcipua suppressionis illorum causa fuit, quòd

(c) Hist. Universit. Parisiens. ad annum 1324. per Buleum. (d) Ibid. ad annum 1387.

(e) Anciens Mémoires du Clergé. Tom. 1. pag. 438.

quòd quædam continerent, quæ auctoritati summi Pontificis derogare videbantur, utpote quibus Synodus Provincialis unicuique causarum Episcopaliud Judex constituebatur, prout manifestum est ex pag. 11. 18. & 54. horum monitorum, & quæ sunt loca à Cardinali Rupefucaldio notata & improbata.

Certè horum monitorum articulus ille 137. non erat aliud præter consecutionem quamdam ad ea, quæ paulò antè, annò videlicet 1612. in Gallia gesta fuerant occasione Libri de *Ecclesiastica & politica potestate* adversus supremam & infallibilem Romani Pontificis auctoritatem à Richerio Universitatis Parisiensis Syndico vulgati. (f) Liber iste videlicet primùm à Provinciarum Senonensis, & Aquis Episcopis damnatus est. Deinde Richerius ipse auctoritate Regia & Decreto Facultatis depositus fuit à Syndicatu ejusdem Facultatis, atque libellum suum retractare, necnon Sedis Apostolicæ infallibilitatem agnoscere coactus sequenti Declaratione: *Protestor, & declaro, me semper voluisse, atque etiamnum velle, & me ipsum & libellum præfatum, & quascunque ejus propositiones, earumque interpretationem, omnemque meam doctrinam Ecclesiæ Catholice Romanæ, & Sanctæ Sedis Apostolicæ Judicio submittere, quam Matrem & Magistram Ecclesiarum, & infallibilem veritatis Judicem agnosco.*

(g) Annò 1653. Iterum Clerus Gallicanus ad Innocentium X. scribit duas Epistolas, quarum priori subscripserunt 85. Episcopi. In ea autem sic loquuntur: *Majores causas ad Sedem Apostolicam referre solennis Ecclesiæ mos est, quem fides Petri nunquam deficiens perpetuo ratineri pro jure suo postulat. Aequissima tunc legi obsequentes &c.*

(b) In altera verò, cui 30. Episcopi subscripserunt: *Judicia, inquit, pro sancienda regula sicut à summis Pontificibus lata super Episcoporum consultatione, divina aequè ac summa per universum Ecclesiarum auctoritate nituntur; cui Christiani omnes ex officio, ipsius mentis obsequium præstare teneantur. . . . Innocentio X. cujus ore Petrus locutus est, ut Leoni I. acclamabat quarta Synodus, hunc divinam lauream gratulati, sacros inter Ecclesiæ sacros, quos olim de Synodis Oecumenicis fieri solitum, Constitutionem istam ab eo editam lubentes ex animo reponemus.*

Plura testimonia Ecclesiæ Gallicanæ pro suprema & infallibili auctoritate summi Pontificis, qui desiderat, ea videre poterit in Opere nostro; cui titulus, *Auctoritas & infallibilitas summorum Pontificum stabilita &c.* a pag. 249. usque ad pag. 280.

Prob. 7mo. Conclusio Rationibus 391 Theologicis. 1mo. Quia Christus Ecclesiam suam adversus omnes errores præmunire atque in fide immotam reddere voluit. Ergo convenientius videtur, ut hujus infallibilitatis centrum in S. Petro, ejusque successoribus collocaret, qui eam toti Ecclesiæ per universum orbem dispersæ communicarent, quàm ut à consensu omnium totius mundi Episcoporum pendere faceret.

Prob. conf. Ad fidem tuendam, erroresque destruendos necessaria sunt remedia promptæ & præsentia; si enim hæc lento pede incendant, necnon nisi cum summa difficultate haberi possint, priusquàm malo occurratur, error vires sumit, seque dilatat, ac non nisi deinde magno labore evelli ac extirpari potest. Atqui

(f) Spondanus ad annum 1612. n. 3. (g) *Memoires du Clergé* tom. 1. pag. 222. (b) *Recueil des Bulles.* pag. 88.

Atqui summorum Pontificum auctoritas semper præsens est, sive in eorum persona, sive Sede vacante scilicet, in ipsamet Sede Apostolica, seu Ecclesia Romana: cum è contra Conciliorum Oecumenicorum convocatio summis difficultatibus involvatur, ac impediementis, præsertim nostra ætate; longè autem difficilius sit, totius mundi Episcoporum assequi assensum, nisi suprema quædam auctoritas eos præveniret, atque in uniformi doctrina adunaverit. Ergo &c.

3do. Quia, ut fusè jam demonstravimus, ipsique fatentur Adversarii, nihil unquam à summis Pontificibus toti Ecclesie tanquam fide divina credendum propositum fuit, quod non ab omnibus fidelibus, etiam Oecumenicis Conciliis, summa cum reverentia susceptum fuerit, procul, ut in eo quidpiam reformandum esse censuerint. Ergo nihil vetat, credere, Spiritum sanctum, qui per septemdecim sæcula summis Pontificibus res fidei definitivis sic adfuit, ut eorum judicia à Conciliis etiam Oecumenicis omnibusque fidelibus tanquam fidei omnino consona suscepta fuerunt, inposse- rum etiam iis adfuturum, ut irreformabiliter, & infallibiliter judicent; adeò ut frustra laborare merito censeantur ii, qui neglecta utilitate Religionis huic incerto vel potius nunquam futuro malo remedium parare curant.

3tio. Quia omnis nova opinio in materia fidei, & Religionis pro suspecta haberi debet, acque illi duntaxat sententiae adhaerendum est, quæ antequam illa nova opinio introduceretur, tradita, atque tanquam certa habita fuit in Ecclesia. Atqui opinio, quæ tenet, Pontificem è Cathedra loquentem esse errori obnoxium, nova est, & ultra Sæculum decimum quintum, quò primum enata est, non protenditur, prout hætenus adducta monumenta & testimonia apertè demon-

strant; ea verò sententia, quæ tuetur, eum esse infallibilem, semper universaliter tradita fuit in Ecclesia, ac etiamnum traditur, si Gallicanis Theologis aliquos excipias. Ergo &c.

Minorem ipsemet nobiscum fatetur Gersonius contrariæ opinionis velut parens, dum lib. de potestate Ecclesie consultatione 12. de nostra sententia sic loquitur: *Ante celebrationem sacrosanctæ hujus Constantiensis Synodi sic occupaverat plurimorum mentes litterarum iugis, quam litteratorum ista traditio, ut oppositorum dogmatizator fuisset de hæretica pravitate vel notatus vel damnatus.*

4to. Quia si Judicium Papæ in fidei questionibus non est irreformabile, nisi eidem totius Ecclesie consensus accesserit, sequitur, non esse de fide Spiritum sanctum æquè à Filio ac à Patre procedere; neque Græcos, qui id non credunt, esse Schismaticos, aut Hæreticos. Atqui &c. Ergo &c.

Prob. sequela Maj. Quia illud additamentum *Filioque* Sæculò 9no auctoritate Papæ Symbolo Constantinopolitano factum nunquam admittit Ecclesia Græca, quæ tunc temporis potiorem Ecclesie partemaciebat: imò quia Constantinopolitana Synodus sub anathematis pœna vetuerat, ne quisquam aliquid adderet, aut demeret huic suo Symbolo, Romanum Pontificem Latinamque Ecclesiam prævaricationis incusarunt Græci, atque lato à Synodo Constantinopolitana anathemate perstrictos pronuntiârunt. Ergo vel in Romano Pontifice agnoscenda est suprema quædam, & infallibilis in rebus fidei decernendis auctoritas, vel ad Græcorum partes accedendum, dicendumque, hanc additionem non facere articulum fidei, Græcosque, qui eam respiciunt, verè esse Catholicos.

## Solvuntur Objectiones.

Ob. 1mo. Scriptura toti Ecclesiæ tribuit infallibilitatem Matth. 16. *Super banc petram aedificabo Ecclesiam meam, & porta inferi non prævalebunt adversus eam.* Matth. ult. *Ecce ego vobiscum sum omnibus diebus &c.* Joan. 14. *Ego rogabo Patrem & alium Paraclitum dabit vobis spiritum veritatis &c.* Item, *Paraclitus autem Spiritus . . . ille docebit vos omnia.* Cap. 16. *Ille Spiritus veritatis docebit vos omnem veritatem.* Ergo non Pontifex Romano &c.

Resp. Verum esse, totam Ecclesiam suo Capiti Romano Pontifici coadunatam esse infallibilem; si enim Papa est infallibilis, quis neget, Ecclesiam in unam cum ipso conspirans sententiam, esse infallibilem? At quid hoc sententiæ nostræ officiat non videmus. Ergo ad nihil sunt adducti textus.

393 Ob. 2do. Concilia fuerunt necessaria ad finiendas motas de fide controversias, prout varia Patrum & Romanorum Pontificum testimonia & facta demonstrant.

Item Concilia Pontificum judicicia quandoque retractaverunt, ac novo examini subjecerunt, ut patet ex Concilio Ephesino, ubi Act. 1. Cælestini Papæ Epistola ad Nestorium lecta est, & probata tanquam fidei consona. Ex Concilio Chalcedonensi, ubi Act. 2. lecta etiam fuit S. Leonis Epistola ad Flavianum, necnon solemniter totius Synodi judicium comprobata. Idem factum in Concilio VI. circa Agathonis Epistolam, in qua Monothelismus damnabatur.

Denique, ut irreformabile esset summæ Pontificis judicium consensus Pontificorum semper fuit necessarius. *Ubi disceptatio de questione aliqua est, inquit S. Irenæus lib. 3. cap. 3., recurrendum est*

*ad antiquissimas Ecclesias, & ab iis sumendum, quod certum, & re liquidum est.* Tertullianus verò lib. de præscripte. cap. 21. & 26. ait, *percurrendas esse Ecclesias, quas Apostoli fundarunt, eamque doctrinam esse veram, qua cum illis Ecclesiis conspirat.* Julius I. Epist. ad Orientales, *Et si, inquit, solus sum, qui scripsi, non meam tamen solius sententiam scripsi, sed omnium Italorum, & omnium in his regionibus Episcoporum.*

Resp. hac sua objectione nihil evincunt Adversarii, ut vel leviter attendenti patet. Concedimus ultrò, Concilia superflua ac inutilia non esse, sed quandoque omnino necessaria. Cum enim Papæ infallibilitas non sit fundata super revelationes ac inspirationes propheticas, sed supponat occurrentis questionis discussionem, necnon Traditionis examen; quò gravior circa Fidei questionem oritur difficultas, eò major requiritur earumdem disquisitio, examen, & discussio. Undè quamvis Sedes Apostolica, quæ nunquam à recto Fidei tramite deflexit, semper apud se vivam quamdam Traditionem conservet, minime tamen obesse videtur, quin, cum novæ exoriantur quæstiones, ea, quæ ipsi summi Pontifices, Ecclesiæ Patres, ipsa denique Concilia, sive Generalia sive Particularia, desuper statuerunt, expendere teneantur: Verbò, summi Pontifices ea ipsa hinc implere debent, quæ ipsa Oecumenica Concilia, antequam Fidei aut morum questionem aliquam definiant, adimplent. Ergo Romanorum Pontificum prudentiæ tribuendum, quòd interdum Concilia convocarint, vel cogi permiserint, in quibus omni adhibita diligentia subortæ quæstiones examinarentur. Ipse Gregorius Papa VII. qui ex instituto definitivè videtur summorum Pontificum infallibilitatem, necnon à multis Gallicanis Theologis tanquam primus

primus hujus sententiæ Auctor existimatur, multa convocavit Concilia; quod exemplum ipsius Successores variis temporibus secuti sunt.

2do. Concilia interdum celebrata fuerunt, non ut fidei quæstiones expendere, verum solummodo, ut turbæ ab Hæreticis in Ecclesia excitatæ sedarentur, Fideliumque & Episcoporum mentes ad unitatem doctrinæ & Spiritus revocarentur.

3tio. Celebrata insuper fuere Concilia, ut per viam, quæ majorem auctoritatem præ se ferret, Hæretici ad veritatem revocarentur, aut majori celebritate & veluti pompâ ipsorum pervicacia convinceretur, eisque ostenderetur, non aliter sentire totius Orbis Episcopos, quam ipsum Ecclesiæ Caput doceret. Eadem quidem semper erat auctoritas intrinseca, ut Scholæ loquuntur, at extrinsecè major apparebat in Conciliis, & proinde magis apta ad Hæreticos pertinaciæ convincendos.

4to. Denique id attendant, velimus, Adversarii nostri, quod, cum Concilia Oecumenica nullam hæresim potuerint extinguere, summi Pontifices è contrâ quamplurimas in ipso earumdem ortu, & sine Conciliis suffocârunt, ut Apollinaris, Pelagii, Semi-Pelagianorum, Berengarii, Guilberti Porretani, Petri Abaelardi, Almarici; aliasque pene innumeras, quarum Auctores aut Romanorum Pontificum decisionibus se subjecerunt, suosque errores detectati sunt, aut, damnatis semel à S. Sede corum dogmatibus, omnibus abominationi fuere. Undè meritò concludimus cum Barlaam Episcopo Hierapolitano Epist. ad quemdam amicū Græcum, ubi, *Non, inquit, eò quod sit majoris auctoritatis, & magis possit generale Concilium, quam Apostolica Sedes, Generalia aguntur Concilia, sed quia incidentes quæstiones difficili res sunt, & majoris indigeant discussionis.*

Ad 2dum negamus propositionem. Certè quæ ad illius fulcimentum adducuntur Concilia, minùs illam probant. Concilia etiam posteriora priorum Oecumenicorum Conciliorum decreta Fidelis consensu esse decernunt, eaque probant; quis autem dicat ex hoc, hujusmodi Conciliorum Decreta à posterioribus retractari, ac novo examini subjici.

Ad 3tium. Adducta testimonia Pontificum & Patrum, & si mavis, sexcenta alia verissima sunt, nec tamen Romanorum Pontificum infallibilitati vel minimum quid officiant, ut patet: unde non videntur esse ad rem. Romani Pontifices, cum Fidei quæstionem definiunt, semper antiquarum Ecclesiarum Traditionem sequuntur, ipsorumque sententia eo ipso, quod sit infallibilis, semper est omnium Ecclesiarum sententia, utpote quam absque ulla cunctatione semper amplectantur.

Obijciuntur 3tio. Duo Historiæ Ecclésiasticæ monumenta. 1mo. Controversia Quartodecimanorum excitata circa finem Sæculi 2di aut initium 3tii qui Victoris Papæ definitioni circa celebrationem Paschatis se se opposuerunt. 2do. Factum Cypriani & Africanorum Episcoporum, quibus se adjunxere Firmilianus & Asiatici Episcopi; qui Stephano Papæ præcipienti, ne Hæretici ad Ecclesiam venientes rebaptizarentur, nulla ratione deferre voluerunt.

Resp. 1mo. Miramur, cur Adversarii nostri non etiam exempla Hæreticorum, qui summorum Pontificum Decretis se subdere noluerunt, nobis obijciant; enimverò æquè firmum ab illis petitur argumentum ad infirmendam Papæ infallibilitatem, ac ab illis Africanis & Asiaticis Episcopis, quos hîc nobis obijciunt; & hi quippe in errore versati sunt. Quartodecimani namque post Concilii Nicæni

M m m 2

defini-



definitionem, quod Victoris Papæ sententiam adoptavit, ab omnibus rejecti sunt. Rebaptizantes verò post Decretum plenarii illius Concilii, de quo S. Augustinus facit mentionem, omnibus fœvit abominationi.

2dò. Nec Victor Papa nec Stephanus absolutò Decretò quæstionem hanc prolocuti sunt, sed re inter minas tantum cohibita ferendis censuris abstinuere, intervenientibus Episcopis Orthodoxis, Irenæo, quantum ad Quartodecimanos; & aliis Episcopis, quantum ad Rebaptizantes.

3tò. Hæ Controversiæ velut disciplinam tantum spectantes ab ambabus partibus respiciebantur; prout fusè ostendimus in sæpè citato Opere nostro de Infalibilitate &c. cap. 10. à pag. 281. ubi vide. Adeoque quæstionem, quam nunc agitamus, non tangunt; de infalibilitate enim summi Pontificis in Fidei & morum quæstionibus nobis sermo est, non verò de iis, quæ disciplinam duntaxat spectant.

Ob. 4tò. Illustriores Ecclesiæ & Academiæ non agnoverunt infalibilitatem summorum Pontificum. Ergo &c. Prob. ant. 1mò. Ecclesia Græca, quamvis adhuc Sæculò 12mò. Romani Pontificis Primatum quidem agnoverit, minimè tamen ejus infalibilitatem. 2dò. Africana Ecclesia in causa Rebaptizantium, & Appiarii Sacerdotis Papæ desinienti obstitit. 3tò. Ecclesia Germanica, cujus Imperator Fridericus II. annò 1245. appellavit ab Innocentio Papa ad Concilium generale. 4tò. Gallicana Decretis Conciliorum Constantiensis & Basileensis adhæret, quæ Papam & errori obnoxium, & Conciliò inferiorem pronuntiârunt. Eadem Ecclesia mentem suam annò 1682. in Comitiis generalibus declaravit. Item per Reges suos sæpius

à Papa ad Concilium appellavit. Et Patristicæ Academia exterarum Mater non agnoscit summi Pontificis infalibilitatem. Ergò &c.

Resp. ad 1mum. Neque Turcæ, neque Hæretici agnoscent summi Pontificis nostri infalibilitatem; an inde ipse minùs infalibilis est? minimè profectò. Ergo ex eo, quòd Græcana Ecclesia, quæ tunc Schismatica erat jam, prout nunc etiamnum adhuc est, non agnoverit summi Pontificis infalibilitatem, non sequitur, cum non esse infalibilem, quemadmodum etiam ex eo, quòd Hæretici non modò illius infalibilitatem impugnent, sed & primatum, non sequitur illum infalibilem non esse, nec primatum in Ecclesia tenere.

2dò. Ex eo id habemus, scilicet salutem Ecclesiam Latinam illius infalibilitatem agnovisse; id enim Ecclesiæ Græcæ cum Latina unionis obstaculum fuit; quòd videlicet Græci cum Latinis supremam & infalibilem illius in Ecclesia auctoritatem agnoscere renucent.

Ad 2dum primùm jam respondimus, quoad Rebaptizantes. De Appiario egimus suprà c. 3. §. 3.

Ad 3tium. Illa, ut & alia Regum & Principum, si quæ fuerunt, appellationes non fuerunt factæ in materia Fidei, adeoque quamvis eas legitime factas fuisse probari posset, nihil tamen contra nostram sententiam evincerent. Solæ Hæreticorum appellationes à summo Pontifice ad futurum Concilium inveniuntur factæ in materia Fidei: liberum proinde Adversariis relinquimus ab iis adversus sententiam nostram patrociniū petere.

Ad 4tum. Concilium Constantiense sensum suæ definitionis ad solas Schismaticas circumstantias, ubi scilicet multi de Papatu

Papatu contendunt, restrinxit; præterquam quod cum hanc definitionem edidit, necdum Oecumenicum fuerit. Synodus verò Basilicensis velut Conciliabulum rejecta est à Concilio Florentino Oecumenico, univèrsaque Ecclesia. Vid. Opus nostrum de Infalibilitate summorum Pontificum Cap. 8. à pag. 178. ubi hæc fassè tractavimus.

Declarationem Cleri Gallicani annò 1682. quod attinet, ea ab omnibus cæterarum nationum Theologis contemnitur velut futilis & illegitima. Præterquam enim, quod ibi partium studia præcipuas partes tenuisse videantur, manifestam contradictionem, ut reliqua absona taceamus, continet. Sic enim Declaratio illa propositione 4ta. loquitur: *In fidei quæstionibus præcipuas esse summi Pontificis partes, ejusque decreta ad omnes & singulas Ecclesias pertinere. Et tamen irreformabile non esse ejus judicium, nisi Ecclesia consensus accesserit.* Quod si enim Romani Pontificis judicium de re fidei latum irreformabile non est, nisi postquam Ecclesia pro sua auctoritate ei consensum præbuerit; profectò manifestum est in quæstionibus Fidei non summi Pontificis duntaxat præcipuas esse partes, sed potiùs cæterorum Ecclesiarum Episcoporum, quippe quorum auctoritate & consensu firmum ac irreformabile primum sit Romani Episcopi judicium; atque sic etiam major in judicandis Fidei & morum quæstionibus summo Pontifici auctoritas non relinquitur, quam novissimo cuilibet privato Episcopo; hic enim, si quandam Fidei quæstionem definiat, atque velut fide divina credendam Fidelibus suis propulerit (id eum posse contendunt Gallicani Theologi) ejus judicium etiam irreformabile erit, si ei Ecclesiarum consensus accesserit, prout patet; quæ quàm absurda sint, nemo non videt. Vid. sæpè dictum Opus nostrum c. 8. à pag. 295.

Quod Parisiensem Universitatem spectat; certum est, eam varios induisse vultus, pro rerum videlicet, & commodorum suorum ratione & circumstantiis, necnon edictorum Regiorum varietate.

Porrò in quascumque demum partes se versent Gallicani Theologi, suam tamen opinionem ultrà Galliam, sæculumque decimum quintum protendere nunquam valebunt; prout patet ex monumentis & testimoniis, quæ præsentì §. pro nostra sententia adduximus.

Ob. 5to. Romani Pontifices subinde errare visi sunt etiam in quæstionibus Fidei, ut qui interdum inter se contraria definierint, & se ipsos esse errori obnoxios fassi sint.

Resp. Ubi Adversarii nostri horum exempla prodixerint, etiam solidè ea refutabimus. Neque enim ullum Romanum Pontificem unquam adducere poterunt, qui *Ex Cathedra*, & velut universalis Ecclesiarum Pastor & Doctor errorem toti Ecclesiarum proposuerit credendum; in quo totus quæstionis cardo vertitur. Etsi alicubi se errori obnoxios esse fassi sunt, non se tales fassi sunt esse, cum *Ex Cathedra* loquantur, sed cum tanquam privati Doctores fortè opinionem aliquam proponunt, quod nihil facit contra nos.

Hæc de infalibilitate Romanorum Pontificum dicta sufficiant. Plura si quis desiderat, consulere potest sæpè citatum Opus nostrum, in quo hanc quæstionem fusè, & eà, prout arbitramur, soliditate tractavimus, ut non videamus, quid Gallicani Theologi illi, quibus Papæ auctoritas invidiosa admodum esse videtur, ulteriùs contra sententiam nostram in medium proferre possint. Quin potiùs, postquam ibidem omnia prorsus, quibus memorati Theologi nituntur, argumenta præclusis omnibus exceptionibus,

M m m 3

&

& responſionibus abundè deſecimus, non apparet, quid eis ultro ſuperſit, quàm ut, abjecto errore, veritatem, quam tam clarè iſtis ob oculos poſuimus, agnoſcant & amplectantur.

#### §. IV.

395 *An ſummus Pontifex auctoritatem aliquam directam, vel indirectam in res temporales Principum à Chriſto Domino acceperit?*

Examinatà & ſtabilità ſupremâ & inſallibili Romani Pontificis prioribus §§. auctoritate circà res Eccleſiæ, modò venit diſpiciendum, nùm etiam eidem aliqua auctoritas in res temporales Principum comperat?

Eſſi fuiſſe auctores aliquos dicat Belarminus lib. 5. de Rom. Pontif. c. 1. qui tenerent, Romanum Pontificem habere directam, ſeu pleniffimam in res Principum temporales poteſtatem, idque jure divino & ex inſtitutione Chriſti; attamen ipſe hanc ſententiam improbat, tuereturque poteſtatem illam, quam in res temporales Principum habet ſummus Pontifex, nonniſi indirectam eſſe, & in ordine ad ſpirituale duntaxat; in quantum ſcilicet ex earum dominio Principes Religioni, ad quam omnia dirigi debent, prodeſſe vel obſeſſe poſſunt.

At alii Theologi, præcipuè autem Gallicani, Romani Pontificis magnam, aut, ſi mavis, ſummam equidem in Eccleſiam reſque ſpirituales eſſe auctoritatem ultro fatentur; at negant ei ulla ratione in temporalia Principum competere poteſtatem ſeu auctoritatem.

Quæſtio igitur modò inter Theologos vertitur, nùm ſcilicet ſummus Pontifex poteſtatem aliquam ſaltem indirectam obtineat in res temporales Principum, an verò omninò nullam. Primum, quantum ſcimus, tuerent omnes totius Ca-

tholici Orbis Theologi, præter Gallicanos, qui totis viribus ſecundum propugnant in hoc tamen ridendi, quòd in præ velint, quæſtionem hanc ad eam, quæ ſ. præcedenti de auctoritate ejusdem ſummi Pontificis in res fidei & morum tractavimus, omninò referri; cùm tamen apud omnes certum eſſe debeat, nullam omninò habere inter duas quæſtiones intercedere connexionem.

Nos ea, quæ hic utrimque adducuntur momenta, quaſi per Epitomen referimus; de quorum proinde pondere & firmitate cujuſvis judicium elto.

#### MOMENTA SENTENTIÆ

396

*Qua ſummis Pontificibus aſſeritur indirecta ſaltem in temporalia Principum poteſtas*

I. Paralip. 2. c. 26. Ozias Rex, quòd Sacerdotis officium uſurpare tentaret, leprâ percuſſus Templò & Regnò à Pontifice pellitur, Imperiumque Filio iplius traditur. Ibid. cap. 23. & 4. Reg. c. 11. Joſada Pontifex Athaliam, quæ regnò injuſtè occupatò idolorum cultum invexerat, puniri jubet, & legitimum Regem ſolio reſtituit. Eccli. 48. Hoc Eliæ Prophetæ elogium ponit Spiritus ſanctus: *Quis poteſt ſimiliter ſic gloriarì tibi? qui deſeciſti Reges ad perniciem, & confregiſti facile potentiam ipſorum & glorioſos de leſto ſuo, qui inungis Reges ad penitentiam &c.* 1. Cor. 6. *Nefciſtis*, inquit Apoſtolus, *quomodo Angelos judicabimus, quando magis ſecularia.* Matth. 16. *Quodcumque*, inquit Chriſtus Dominus Petro, *ligaveris ſuper terram erit ligatum & in Cælis.* Joan. ult. Chriſtus Dominus oves ſuas paſcendas tradit Petro hiſ verbis: *Paſce agnos meos.* Matth. 18. v. 15. Idem Chriſtus Dominus præcipit, ut ſtater, qui peccaverit, Eccleſiæ denuntietur; & iſ eam non audiverit, habeatur

beatur ut Ethnicus & Publicanus. *Amen dico vobis*, subiungit idem divinus Magister, *quacumque alligaveritis super terram erunt ligata & in Cælo.* Luc. 22. Præcipit idem Christus Dominus Apostolis, ut qui non habet gladium vendat tunicam & emat: & cum Apostoli dixissent, *Ecce duo gladii hic*, respondit ipse, *Satis est.* His autem duobus gladiis intelliguntur binæ potestates Apostolis à Christo traditæ, spiritualis nempe & temporalis &c.

Imperatores, Reges, aliosque Principes exercuerunt, aut saltem exercere voluerunt, tùm in Conciliis, tùm extra Concilia; prout adductis hanc in rem variis historiæ monumentis demonstrare conantur hujus Pontificis in res temporales Principum indirectæ potestatis patroni; quæ videri possunt apud Eugenium Lombardum Regal. Sacerdot. lib. 1. à §. 3. usque ad. 15.

397 II. Ex factis & historicis exemplis. S. Ambrosius Theodosium Imperatorem ob eandem Thessalonicensium excommunicavit, deinde legem ferre coegit, ne judicia lata de eade vel bonorum publicatione rata essent, nisi post triginta dies à datæ sententiæ die. S. Gregorius Magnus privilegium concessit Monasterio S. Medardi, quod habetur in fine Epistolarum ipsius, & in quo, *Si quis, inquit, Regum, Antistitum, Judicum, vel quorumcumque Sacularium personarum hujus Apostolica auctoritatis & nostræ præceptionis decreta violaverit, cujuscumque dignitatis vel sublimitatis sit, bonore suo privetur* Gregorius II. Leoni Imperatori Iconomacho à se excommunicato prohibuit vestigia solvi ab Italis, & proinde parte Imperii illum multavit. Zacharias rogatus à Primoribus Francorum Childericum Regem deposuit, & in ejus locum Pipinum Caroli Magni Patrem creari jussit Regem. Leo III. Imperium transiit à Græcis ad Germanos in persona Caroli Magni, quem Romæ an. Chr. 801. coronavit & inunxit Imperatorem. Gregorius V. sanctionem edidit de eligendo Imperatore per septem Germaniæ Principes, quæ usque in hanc diem observatur. Gregorius VII. Henricum IV. Imperatorem deposuit, & alium eligi jussit; quod & factum est. Plurimi subsequentes Romani Pontifices eandem potestatem in

III. A ratione. 1mò. Ex officio Pa-  
398  
storali Petro ejusque Successoribus commissio per illa verba Joan. ult. *Pasce oves meas*, quatenus data est illis omnis potestas, quæ est necessaria ad gregem tuendum contra lupos, ad separandas oves morbidas à sanis. Ergo & Reges, si hæretici sint, vel damnum inferant Ecclesiæ. 2dò. Potestas civilis subiecta est potestati spirituali, quando utraque est pars ejusdem Reipublicæ Christianæ. Ergo potest Princeps spiritualis imperare Principibus temporalibus & disponere de rebus temporalibus in ordine ad bonum spirituale. Omnis enim Superior imperare potest inferiori suo. 3tò. Finis potestatis temporalis subordinatur fini spirituali; quia felicitas temporalis non est absolute ultimus finis, sed refertur ad felicitatem æternam. Ergo facultas temporalis seu facultas Regum subordinatur facultati spirituali sive Sacerdotio. 4tò. Respublica Ecclesiastica debet esse perfecta & sibi sufficiens ad finem suum. Ergo debet habere omnem potestatem necessariam ad finem suum consequendum. Atqui ad finem spirituales necessaria est potestas utendi & disponendi de temporalibus; quia aliàs possent mali Principes impunè fovere hæreticos, Religionem evertere. Ergo &c. 5tò. Non licet Christianis tolerare Regem infidelem aut hæreticum, si ille conetur pertrahere subditos ad suam hæresin vel infidelitatem. Atqui judicare an  
Rex

Rex pertrahat ad hæresim nec nec pertinet ad Pontificem, utpotè cui commissæ est cura Religionis. Ergo Pontificis est judicare, Regem esse deponendum vel non. 6to. Quando Reges & Principes ad Ecclesiam veniunt, ut Christiani fiant, recipiuntur cum pacto expreso vel tacito, quod sceptræ suæ subjiciant Christo & polliceantur se Christi idem servaturos & defensores etiam sub pœna perdendi Regni. Ergo &c. 7mo. Ecclesia pœnas temporales Fidelibus injungit: sic v. g. Patres Nicæni quosdā Arianos Episcopos in exilium olim amandârunt. Pœnitentes etiam publicos jure Matrimonii, Magistratûs gerendi, arma ferendi, privabat. Atqui jus illud aliundè sibi assumere non potest Ecclesia quàm ex potestate, quàm à Christo accepit in res temporales hominum. Ergo.

Hæc sunt præcipua argumenta, quæ in suæ sententiæ confirmationem adducunt Pontificis in res temporales Principum potestatis patroni. Modò videndum, quibus momentis ii Theologi, qui contrariam tuerentur opinionem, eandem fultire conentur.

- 399 I. Ex Scriptura. 1mo. Quia hæc solius potestatis spiritualis Ecclesiæ ac Pontificibus concessæ mentionem facit. Neque ipse Christus aliquam sibi in temporalia Principum arrogavit potestatem; imò reddendum, quod Cæsaris est, Cæsari præcepit. Nec tali auctoritate in Principes usi sunt Apostoli. 2do. Quia Christus docuit nihil magis alienum esse ab Evangelii mente ac ministerio Apostolico, quàm dominum & imperium terrorem incutens: cùm enim vellent Apostoli ignem è cœlo in Samaritanos educere, eos prohibuit his verbis Luc. 9. v. 55. *Nescitis ejus Spiritûs sitis, Filius hominis non venit animas perdere sed salvare.* Deinde prohibuit etiam, ne Discipuli gladiò materiali uterentur etiam in defensionem Religionis, Matth. 26. v. 52. Luc. 22. v. 49. Joan. 18. v. 10.

Deniquè Luc. 22. v. 25. sic pronuntiat: *Reges gentium dominantur eorum . . . vos autem non sic.* 3tio. Quia docent Scripturæ Principes Sæculares suam à Deo acceptam habere potestatem, quæ proinde à nullo alio pendere potest; Prov. 8. v. 15. Daniel. 2. v. 37. & 38. Rom. 13. v. 1. 2. & 4. 1. Pet. 2. v. 13. 4to. Quia Scripturæ docent à solo Deo ita concessam esse Principibus dominandi auctoritatem, ut ab eo solo eâ spoliari possint; cujus exemplum habetur lib. 1. Reg. cap. 24. in Davide respectu Saulis. 5to. Denique, quia docent, Principes & Reges suæ etiam abutentes potestate patienter esse tolerandos, nec unquam quovis obtentu licere vi & armis illis resistere, etiamsi impii sint & infideles; aut etiam aliquos ad eis resistendum sive directè sive indirectè impellere. Hujus exemplum habetur in Israëlitis sub servitute Pharaonis in Egypto degentibus; undè nonnisi illo permitte cressi sunt. Sub impiis Regibus Achaz & Manassæ. Item in servitutem abducti jussi sunt à Domino subditi esse Nabuchodonosor Regi, Jerem. 27. Cùm Assuerus edictum tulisset de inferrendis Judæis, Mardocheus & alii ad preces & jejunia confugerunt, non ad arma & rebellionem, ut imminens mortis periculum evaderent.

In novo Testamento Matth. 22. jubet Christus reddi, *quæ sunt Cæsaris, Cæsari, & quæ sunt Dei, Deo.* Item Rom. 13. v. 7. *Reddite, inquit Apostolus, omnibus debita; cui tributum, tributum; cui velligal, velligal; cui timorem, timorem; cui honorem, honorem.* 1. Pet. cap. 2. jubet Apostolorum Princeps, *Principes & Reges honorare*, nec esse resistendum Dominis etiam discipulis. Item monet Apostolus Rom 13. v. 5. *ipsis obediendum esse non propter iram, sed propter conscientiam*

II. Ex

400 II. Ex SS. Patribus. 1mò. Quia docent SS. Patres, Principum potestatem esse immediatè à Deo. Ita Irenæus lib. 5. cap. 24. Athenagoras in Apol. ad Imperatores. Justinus Apol. 2. Theophilus Alexandrinus ad Autolium lib. 1. Dionysius Alexandrinus apud Euseb. lib. 7. Hist. cap. 10. Tertullianus Apol. cap. 30. & 32. Item lib. ad Scapulam cap. 2. Optatus contra Parmen. *Super Imperatorum*, inquit, *non est, nisi solus Deus, qui fecit Imperatorem.* Osius Cordubensis Episcopus Imperatorem Constantinum sic alloquebatur: *Tibi Deus Imperium tradidit, nobis Ecclesia conceditur.* Augustinus lib. 4. de Civit. cap. 33. & lib. 5. cap. 21. *Non tribuamus*, inquit, *tanti Regni atque Imperii potestatem nisi Deo vero.* Epiphanius Hæc. 40. n. 4. ait: *Potestatem sacularem nonnisi à Deo gladium, quem ad vindicandum portat, habere.* 2do. Quia SS. Patres docent peccata Principum quoad poenas temporales solum Dei iudicio subiacere. Clemens Alexandrinus lib. 4. Strom. Hieronymus Epist. 90. aliàs 45. ad Rusticum. Ambrosius in Apolog. David, cap. 10. Cassiodorus in Psalm. 50. ajunt, *Dixisse David Deo, tibi soli peccavi, quod nullis legibus vultu alteri, nisi soli Deo se subjunctum sciret.* Cyrillus Alexandrinus lib. 22. in Joan. impium pronuntiat, *qui Regi dicit, inquit agis.* Gregorius Turonensis lib. 5. Hist. cap. 19. ait, *Neminem Regem justitiam transeat transgradientem præter eum, qui se dicit Justitiam, corripere posse.* Iudorus Hispalensis lib. 3. Sentent. cap. 50. ait, *Reges solo Dei timore, neque gubernæ coerceri posse.* Cap. 49. dixerat, *Deum delisse Principibus Præsulatum pro regimine populorum, &c.* 3tio. Quia docent, Principibus etiam sua potestate abutentibus obediendum esse, nec vi aut armis eis obstitendum. Tertullianus lib. ad Scapulam cap. 2. & Apol. cap. 35. 36. & 37. ubi docet, *non licere rebellionem, vi aut armis impiis obistere*

P. Cantier Theol. Tom. I.

*Principibus.* Idem docet Cyprianus Ep. ad Demetrian. quibus consentit S. Augustinus lib. 22. de Civit. cap. 6. & in Psal. 124. ubi de subjectione Christianorum Juliano Apostata sic loquitur: *Distinguebant Dominum æternum à Domino temporali, & tamen subditi erant propter Dominum æternum etiam Domino temporali.* Et lib. 22. contra Faustum cap. 5. docet, *Ad solos Reges pertinere iudicare de iustitia vel injustitia belli, quod gerunt, &c.* S. Athanasius ad Monachos, *Non gladiis*, inquit, *aut telis, non manu militum veritas prædicatur, sed susceptione & consilio.* S. Ambrosius Serm. contra Auxentium docet, *Nonnisi lachryanis & orationibus obstitendum esse Imperatori injusta præcipienti.* Et lib. 4. Epistolar. Epist. 32. idem repetit, atque ad Imperatorem pertinere palatia, ad Sacerdotes verò Ecclesiam. S. Gregorius Nazianzenus Orat. 1. in Julian. *Dei benignitate*, inquit, *inibitus atque repressus est, Christianorumque lachryanis, quas multis multum profuderunt; hoc unum adversus persecutorem medicamentum habentes.* 4to. Quia SS. Patres docent, Ecclesiam carere omni gladio materiali, & habere tantum spiritualem, quo suos in Religionis officiis contineat, eo modo, quo Reges gladium duntaxat materiale habent; ita ut neutra potestas in alteram excurrere possit. Ita aperte docent, Origenes in hæc Christi verba, *Mitte gladium in vaginam.* Tertullianus lib. ad Scapulam. Lactantius lib. 5. Divin. Instit. cap. 20. S. Ambrosius in Luc. lib. 10. num. 53. *Petro*, inquit, *duos gladios offerenti satis est dicis, Domine, quasi licuerit usque ad Evangelium, ut sit in lege aequitatis eruditio, in Evangelio bonitatis perfectio.* S. Augustinus lib. 1. de fide & operibus c. 2. & S. Cyprianus Epist. 11. observant, *in veteri quidem lege iustos esse Sacerdotes gladio interficere eos, qui Iulicibus à Deo constitutis obsequentes non erant; at in Ecclesia Christi*

N n n

locum

locum non ampliùs esse gladio materiali, sed gladio excommunicationis duntaxat, & aliarum spiritualium panarum. S. Chrysostomus Hom. 4. de verb. Domin. apertè docet, Ecclesiam non habere potestatem temporalem in Reges & Principes; *Sacerdotis, ait, inter alia est tantum arguere, liberamque præstare admonitionem, non movere arma, non arcum tendere.* De Ofio Cordubensi Episcopo jam suprà dictum, *Neque nobis, addit ibidem, igitur terra imperare licet.*

- 401 III. Ex ipsis summis Pontificibus, qui distinctam omninò esse utramque Pontificum & Regum potestatem, distinctosque planè utriusque fines & effectus asseverant. Gelasius Epist. 8. ad Anastasium Imperatorem, & Symmachus in Apolog. contrà eundem dicunt, *Imperatorem humana administrare, secundum quæ & ipsi Antistites obedire debent.* Gregorius Magnus lib. 3. Epist. Indictione 11. aliàs lib. 2. Epist. 62. Legem Mauricii Imperatoris de non profutendo vitam Monasticam, quamvis Deo contrariam promulgavit, *Ex obedientia, inquit, quam Imperatori debebat.* Gregorius II. Epist. 2. ad Isauricum Imperatorem, *Quemadmodum, inquit, Pontifex introspectendi in palatium potestatem non habet, ac dignitates Regias deferendi, sic neque Imperator &c.* Nicolaus I. Epist. ad Michaellem Imperatorem eadem, quæ Gelasius, verba usurpat. Innocentius III. Cap. *Venerabilem.* *Qui filii sint legitimi, ait, Regem Francorum in temporalibus nullum agnoscere Superiorem.* Clemens V. Extrav. *Aderuit.* Revocavit Bullam Bonifacii VIII. *Unam sanctam*, qua Pontifex iste sibi assererat potestatem in Principum temporalia. Addunt Pontifices illos, qui perfidos & hæreticos Principes patienter tulerunt, nec de illis deponendis minimè cogitarunt. Liberius sustinuit Julianum Apostatam, Constantium Arianum. Damasus Valentem

Arianum. Felix III. Zenonem Eutychianum. Symmachus Anastasium hæreticis apertè faventem. Joannes I. Theodericum Gothorum Regem Arianum. Agapetus Theodatum pariter Gothorum Regem Arianum. Sylvester Justinianum, à quo Sede sua dejectus, & in exilium amandatus fuit. Denique Martinus I. hanc potestatem in temporalia Principum ignorasse videtur, qui in exilium quoque ejectus à Constante Imperatore Monothelita, circà illud exilium mentem suam aperuit Epist. ad Theodor. his verbis: *Quid autem præparati non fuimus ad repugnandum, melius judicavi decies mori, quam uniuscujuscumque sanguinem in terram fundi.*

IV. Ex Illustrioribus Ecclesiis. Tota 402 Germanica Ecclesia obstupuit & ingemuit ad centatam à Gregorio VII. Imperatoris Henrici depositionem, cujus exempli nullum in retroactis temporibus extaret vestigium. Ita testantur Otto Frisingensis in fragmento, quod extat in fasciculo rerum sciendarum, & lib. 6. Chronici cap. 35. Onuphrius Panvinus in vita Gregorii VII. Aventinus lib. 5. Annalium Bojorum. Conradus Episcopus Trajectensis in Oratione pro Henrico habita in Conventu Gerstengensi anno 1085. Eberhardus Archi-Episcopus Salisburgensis in Oratione de Hildebrando recitata in Comitibus Ratisbonensibus sub Fridrico II. Ipseque Gregorius VII. lib. 7. Ep. 3. *Quotquot, inquit, Latini sunt, omnes causam Henrici præter admodum paucos, laudant ac defendunt, & per nimia duritia ac impietatis circà eum me arguunt.* Ecclesia Gallicana, cùm Innocentius III. cogere vellet Philippum Augustum, ut arma poneret, quæ adversus Joannem Angliæ Regem sumpterat; ei comminatus excommunicationem & totius Regni interdictionem, decrevit, ut omnes firmi in obedientia Regis peristerent, utque Rex, posthabitis in causa

archt

merè temporali Papæ minis, ad futurum provocaret Concilium, quod & factum est. Idem factum, cum anno 1302. Bonifacius VIII. sibi potestatem arrogasset adicandi Regem. Idem iterum præstitum in Concilio Taronenſi anno 1510. adversus Julium III. qui contra Ludovicum XII. Hispanos, Anglos, Germanos, Helverios ad arma concitaverat, Bullam quæ promulgaverat, qua eum excommunicabat, jusque Regni ipsi abdicabat, illudque prædæ obſciebat. &c. &c. Ecclesia Anglicana neque hanc potestatem in Romanis Pontificibus agnovisse videtur. Ut enim refert Triverus in Chronico ad annum 1301. Angliæ Procures ad Bonifacium VIII. scripserunt, *Ipsorum Regem super juribus Regni Scotia aut aliis juribus temporalibus non teneri respondere judicialiter coram eo, nec quoquo modo judicium ejus subire.* Cum etiam Paulus III. anno 1538. sententiam depositionis adversus Henricum VIII. pronuntiasset, intentatum fulmen istud omnes Angli non attenderunt; atque in Solio semper sedit Henricus, & velut Rex legitimus tam à suis, quam ab exteris habitus est. &c. &c. Nec Ecclesia Hispanica hanc potestatem agnovit. Concilium enim Toletanum sub Honorio Papa & Sisenando Hispaniarum Rege anno 633. celebratum, & cui intererant Episcopi 62. Can. 75. anathemate percussit & ab Ecclesia Catholica extraneum pronuntiat eum, qui Sacramentum fidei Regi præstitum violaverit, Regem necesse attraxerit, aut potestate Regni exuerit, aut Regnum usurpaverit. An. 1580. Cum Philippus Hispaniarum Rex, mortuo Sebastianò Lusitanæ Rege, Regnum istud sibi assereret, Paulus IV. autem item hanc de successione in Regnum istud in suo Tribunali dijudicandam fore contenderet, consulti desuper à Philippo omnes totius Hispaniæ illustriores Theologi responderunt, nullas esse in hoc negotio Pontificis partes, cum res foret

meri soli, nec quidquam admixtum haberet, cujus respectu Pontificii fori intercedere deberet auctoritas; Nam, inquebant, *electis semel Regibus, iis & in eos eorumque Successores omne jus translaturum intelligitur, ut penes ipsos omnis sit jurisdictio, nec ab aliis judicari possint.*

#### V. Ex rationibus Theologicis. 1mò. 403

Quia nec ex Scriptura, nec ex Traditione Apostolica constat, talem potestatem fuisse à Christo summis Pontificibus concessam. 2dò. Quia Christus non abstulit, neque aufert Regna iis; quorum erant, & sunt: Nam Christus non venit destruere ea, quæ se benè habebant, sed perficere. Ergo quando Rex aliquis sit Christianus non amittit Regnum terrenum, quod jure obtinebat, sed acquirit novum jus ad Regnum æternum: alioquin Regibus obſet Christi beneficium, & gratia naturam destrueret. Id tamen fieret, si summus Pontifex in illud jus & potestatem aliquam acquireret. Ergo &c. 3tò. Quia si Papa est Dominus totius Orbis Christiani, tunc etiam singuli Episcopi sunt Principes temporales in oppidis suo Episcopatu subjectis, siquidem id, quod est Papa in universa Ecclesia, quilibet Episcopus est in particulari sua Ecclesia. Atqui Episcopos esse Dominos urbium & oppidorum, quorum sunt Episcopi, aperte falsum est. Ergo. &c. 4tò. Quia opinio, quæ tam directam quam indirectam agnoscit in Pontificibus auctoritatem in temporalia Regum planè nova videtur, & ante Sæculum XI. in Ecclesia Dei inaudita; neque Gregorius VII. antiquiores se patronos habet. 5tò. Quia hæc opinio multa incommoda, absurda, imò gravia pericula seculo trahit: Nam 1mò æternum odium ac discordiam creat inter Pontifices & Reges, qui non immerito sibi timendum semper existimabant ab alicujus Pontificis, cui fortè non placebunt, ambitione,

N n n 2

odio,



odio, & ira. 2dò. Pejor esset conditio Principis Christiani & Catholici, quàm Ethnicus & Hæreticus, isti enim solum Deum Superiorem habent, ille præterea suum Pontificem. 3tò. Hæc opinio retrahit Principes Ethnicos & Hæreticos ab amplectenda vera Religione, ex qua utpotè timere poterunt imminuendam fore suam auctoritatem. 4tò. Aptæ videntur ad fovendas seditiones & rebelliones subditorum adversus legitimum Principem suum, ut qui auctoritate summi Pontificis freti variis criminibus eum falsò apud illum

denuntiare possent, ut sic, quia fortè illius periculi essent, principatu exueretur. 5tò. Quia nunquam Pontifices auctoritate ista uti præsumperunt, quin inde innumera in Catholicæ Religionis & tranquillitatis publicæ præjudicia mala & scandala secuta sint; prout ex variis historiarum monumentis habetur. 6tò. Denique Lutheranis & Calvinistis nostræ ætatis Novatoribus maximo offendiculo est hæc opinio, ut qui eam nobis continuò objiciant.

### *Finis Tractatus tertii.*



TOMI

TOMI PRIMI  
TRACTATUS  
QUARTUS

DE  
SS. ECCLESIAE PATRIBUS,  
HISTORIAE ECCLESIASTICAE

ET  
PROFANÆ SCRIPTORIBUS,

*Theologis Scholasticis, Jurisque Pontificii Peritis,  
Ratione naturali, Philosophis, & Juris Cæsarei Consultis,  
EORUNDEMQ; OMNIUM AUCTORITATE.*

CUI ADDITA EST APPENDIX  
*DE PROPOSITIONUM CENSURIS.*



# I N D E X

*Titulorum Tractatus quarti Tomi primi Theologiæ  
Universalis, de sanctis Ecclesiæ Patribus, Historiæ Ecclesiasticæ  
& Profanæ Scriptoribus, Theologis Scholasticis, Jurisque Pontificii  
Peritis, Ratione naturali, Philosophis, & Juris  
Cæsarei Consultis.*

- Præloquium.* - - - *Num. I.* *Cap. II.* De Historiæ humanæ tum  
Ecclesiasticæ, tum Profa-  
næ Scriptoribus, eorumque  
in rebus Ecclesiæ auctori-  
tate - - - 104.
- Cap. I.* De sanctis Ecclesiæ Pa-  
tribus, eorumque in  
rebus Ecclesiæ auctori-  
tate - - - *ibid.* *Cap. III.* De Theologis Schola-  
sticis Jurisque Pontificii  
Peritis, eorumque au-  
thoritate - - - 113.
- §. I.* *Quanta sit sanctorum Ecclesiæ Pa-  
trum in discernenda fidei materia  
auctoritas.* - - - 2.
- §. II.* *Assignantur nonnulla Regula in  
legendis SS. Patribus servanda - 15.*  
*Eorum quoque secundum Sæcula &  
ætates, quibus floruerunt, ut & Scri-  
ptionum, quæ ipsis adscribuntur,  
nomenclatura textitur.* - - - 24.
- Cap. IV.* De Ratione naturali,  
Philosophis, & Juris  
Cæsarei Consultis, eo-  
rumque auctoritate. 122.
- Appendix.* De propositionum  
Censuris. - - - 126.



# TOMI PRIMI THEOLOGIAE UNIVERSALIS TRACTATUS QUARTUS

*De sanctis Ecclesiae Patribus, Historiae Ecclesiasticae  
& Profanae Scriptoribus, Theologis Scholasticis, Jurisque  
Pontificii peritis, Ratione naturali, Philosophis, & Juris  
Caesarei Consultis.*

## *Præloquium.*

**P**ostquam de S. Scriptura, Traditione sacra, Ecclesia, Conciliis, & Romano Pontifice eorumque auctoritate satis, quantum, ut arbitramur, oportet, præcedentibus tribus Tractatibus disseruimus, superesse videtur, ut modò, priusquam Theologiae nostræ Tomum primum finiamus, reliquos Theologicos locos, eorundemque in rebus Ecclesiae auctoritatem expendamus, & definiamus; quod quatuor Capitulis præstare animus est; in quorum primo de sanctis Ecclesiae Patribus; in 2do. de Historiæ tum Ecclesiasticæ, tum profanae Scriptoribus; in 3tio. de Theologis Scholasticis, Jurisque Pontificii Peritis; in quarto denique, de ratione naturali, Philosophis, & Juris Caesarei Consultis, eorumque omnium auctoritate agemus. Sit ergo

## CAPUT I.

### *De sanctis Ecclesiae Patribus eorumque in rebus Ecclesiae auctoritate.*

**A**D sanctos Ecclesiae Patres, fideles & incorruptos S. Scripturae custodes & Traditionis sacrae testes progredimur; sunt enim venerandi post Prophetas & Apostolos Magistri, de quibus, maxime ubi de S. Scripturae sensu & sacra Traditione nobis sermo est, dicere cum S. Augustino (a) debemus: *Quod tenent tenemus, quod docent docemus, quod prædicant, prædicamus.* Nihilque, ut monet Victor Carthagenensis, *noviter dicamus, nihil, quod non à SS. Patribus fuerit expresse traditum, vel indicatum.*

Sancto-

(a) Lib. 1. cont. Julian. cap. 8.

Sanctorum autem Ecclesiæ Patrum nomine hic intelligimus, antiquos illos ac sanctos primorum & antiquiorum seculorum Doctores, quorum in Ecclesia laudantur Scriptioes, & benedicuntur memoria ob eminentem doctrinam & insignem vitæ sanctitatem, perpetuamque ad mortem usque cum Romana Ecclesia seu Romano Pontifice communionem; seu antiquos illos fideles, qui primis post Apostolos, & antiquioribus Ecclesiæ sæculis doctrinā & vitæ sanctitate claruere, & ad Ecclesiam perficiendam, hoc est, doctrinā, virtutibusque formandam elaborarunt. eamque ita suis doctrinæ radiis, & morum exemplō quodammodo genuerunt: unde per metaphoram, translato Patris nomine ad generationem spiritua-lem, *Ecclesia Patres* vulgō & jure nuncupantur. Ergo illi Ecclesiæ Patres dicuntur, quos ob eminentem doctrinam, insignem vitæ sanctitatem, & competentem antiquitatem, ut tales agnovit, sive tacite vel expresse declaravit Ecclesia.

Quæ porro eorum spectant auctoritatem duobus Paragraphis exhibebimus, in quorum primo, quantum ipsa valeat in discernenda fidei materia, expendemus. In secundo autem nonnullas assignabimus regulas in legendis sanctis Ecclesiæ Patribus servandas &c. &c. &c.

## §. I.

### 2 Quanta sit SS. Ecclesiæ Patrum in discernenda fidei materia auctoritas.

Sciendum hic sanctos Ecclesiæ Patres & Doctores spectari posse 1mo. vel ut sunt homines præcise, vel ut sunt Ecclesiæ Patres, & Doctores à Deo Ecclesiæ dati, quales intelligit Paulus 1. ad Cor. c. 12. v. 28. dicens: *Quos-lam quidem posuit Deus in Ecclesia primum Apostolos, secundo Prophetas, tertio Doctores.*

2do. Eosdem, sive ut privatos homines, sive ut Patres & Doctores Ecclesiæ, posse iterum considerari, dum loquuntur, vel prout loquuntur singulatim, hoc est, quilibet seorsum; vel conjunctim, hoc est, simul omnes; vel non-singulatim, nec conjunctim, seu simul omnes, sed pauci tantum, aliis reclamantibus, vel silentibus. 3tio. denique, dum loquuntur in materia fidei, & solo supernaturali lumine cognoscibili, vel in merè naturali & ad fidem non spectante, solisque naturæ viribus cognoscibili doctrinā. His positis sit

## CONCLUSIO.

Nullius seorsum sancti Ecclesiæ Patris, imò nec plurium aliquorum idem sententium contradicentibus, vel tacentibus cæteris; bene autem omnium simul sumptorum, & unanimiter idem assentientium sententia est infallibilis in fidei materia discernenda.

Tres sunt hujus Conclusionis partes, quarum 1ma

Prob. 1mo. Quia nullus Ecclesiæ Pater seorsum sumptus, sive consideretur ut homo privatus & simpliciter, sive ut Ecclesiæ Pater & Doctor, habet donum infallibilitatis; nam si illud haberet, vel haberet ex se, vel ex Christi promissione; non haberet ex se, quia ex se est homo fallibilis & mendax; non etiam ex Christi promissione, cum Christus nulli privato homini, nullique Ecclesiæ Patri vel Doctari privato, sed soli Ecclesiæ tale donum promiserit. Ergo nullius privati seorsum loquentis Ecclesiæ Patris, quocunque modo, & quacunque in materia considerati sententia, sive auctoritas est infallibilis.

Prob. 2do. Quia id fatentur & ipsi sancti Ecclesiæ Patres; *Aliter habendi sunt Apo-*

*Apostoli*, inquit S. Hieronymus (b), *aliter reliqui tractatores; illos semper verum dicere, istos in quibusdam, ut homines errare contingit.* Et S. Augustinus, *Alios*, inquit (c), *ita lego, ut quantalibet sanctitate, doctrinaque propollem, non ideo verum putem, quia ita senserunt ipsi, sed quia mihi, vel per Auctores Canonicos, vel probabili ratione, quod a vero non aberrant, persuadere potuerant.* Item, *Neuinem velim, ait, sic ampli omnia mea, ut me sequatur, nisi in iis, in quibus me non errare perspexerit; nam propterea nunc facio libros, in quibus opuscula mea retractanda suscepi.*

- 6 Prob. 1tio. Quia variis exemplis eos sapè errasse constat: nam erravit ille quantumvis doctus & sanctus, qui baptizatos ab hæreticis rebaptizandos esse credidit; erravit ille, qui in Christi corpore pœnas doloresque fuisse negavit; erravit ille, qui in millenariorum dogma descendit; erravit ille, qui iustis morte raptis, usque ad extremi Iudicii diem, veram felicitatem ademit; erravit ille, qui animam hominis ex traduce fieri putavit; erravere denique illi omnes; qui Angelos multis ante mundum corporum ætatibus creatos fuisse putarunt. Ergo eos omnes singularim sumptos fallibiles esse constat; ac proinde nullius cuiuslibet privati infallibilis esse potest auctoritas; imò nec plurium aliquorum contradicentibus, vel saltem tacentibus cæteris, quod est ad. pars Conclusionis quæ

- 7 Prob. Quia multi sapè de aliquo dogmate convenerunt SS. Patres aliqui, imò & major illorum pars, quod tamen non est de fide, quia refragantur cæteri. Ergo infallibilis non est illorum auctoritas in discernenda fidei materia sive doctrina. Prob. ant. Multi SS. Patres, ut Basilius, Chrysostomus, Hieronymus, Ambrosius, Gregorius Magnus, Damascenus, & alii

P. Cartier Theol. Tom. I.

docent, istius mundi creaturarum universitatem non simul, hoc est, non instanti, sed sex dierum spatio fuisse productam; & tamen hoc non est fidei dogma, quia oppositum tenet S. Augustinus. Multi etiam SS. Patres Moysen in hac vita existentem Dei essentiam non vidisse tenent, ut Hieronymus, Gregorius Nazianzenus, Gregorius Magnus, Chrysostomus, Cyrillus, Leo, Dionysius & alii; nec tamen hæc illorum sententia fidei dogma est, quia contradicit S. Augustinus cum paucis aliis. Ergo etiam plurium SS. Patrum auctoritas, contradicentibus, vel tacentibus aliis, infallibilis non est in discernenda fidei materia; benè autem auctoritas omnium idem unanimiter assertum, unde

Prob. 3tia. pars Conclusionis 1mo. 8 Quia non est possibile, illos omnes simul sumptos errare, qui sunt à Deo Ecclesiæ dati, ut Ecclesiam ab errore præservent; aliàs illis errantibus erraret Ecclesia, quod est contra promissionem Christi de Ecclesia dicentis Matth. 16. v. 18. *Et porta inferi non prævalebit adversus eam.* Atqui sancti Ecclesiæ Patres & Doctores sunt ex iis, qui sunt à Deo Ecclesiæ dati, ut illam ab omni errore præservent, juxta illud Pauli ad Ephes. cap. 4. v. 11. dicentis: *Et ipse dedit quosdam quidem Apostolos, quosdam autem Prophetas, alios vero Evangelistas, alios autem Pastores & Doctores, ad consummationem Sanctorum in opus ministerii, in adificationem corporis Christi: donec occurramus omnes in unitatem fidei, & agnitionis filii Dei &c.* Ergo impossibile est sanctos Ecclesiæ Patres & Doctores omnes simul sumptos, de aliquo, tanquam de fidei dogmate, unanimiter sentientes errare, & falli. Ergo illorum omnium simul sumptorum infallibilis est auctoritas in discernenda fidei doctrina.

O o o

Prob.

(b) Epist. ad Cresiphont. (c) Epist. ad Hieron. 19.

9 Prob. 2do. Quia ex Ecclesie mente id manifestè confirmatur: proficetur enim Ecclesia in Conciliis congregata, dum quid de fide credendum proponit ac definit, se sanctorum Patrum sequi fidem & mentem: unde in Chalcedonenſi Concilio concla-  
matum olim, *Hæc est fides Patrum*; unde in Concilio Viennensi dictum à Clemente V. *Nos ad sanctorum Patrum & Doctorum communem sententiam Apostolica considerationis aciem convertentes, sacro approbante Concilio declaramus.* Unde & in Tridentino Concilio Sess. 4. in decreto de editione & sanctorum Librorum usu specialiter sub pœna anathematis prohibetur, *ne quis Scripturam sacram contra unanimitatem sanctorum Patrum sensum interpretari audeat.* Supponit ergo Ecclesia, infallibilem esse unanimitatem sanctorum Patrum consensum in explicanda Scriptura, ac proinde in discernenda fidei materia seu dogmate & doctrina in Scriptura vel Traditione contenta. Ergo &c. Dixi in materia fidei; nam in alia quacunque naturali & lumine naturali cognoscibili materia, non est mirum, si fallibilis sit unanimitas etiam eorum sententia, nec majorem certitudinem habeat, quàm ratio, qua nituntur, siquidem SS. Patres ut plurimum neglexere Philosophiæ, aliarumque Scientiarum naturalium studium, ut totos se se Divinæ Sapientiæ traderent, prout de SS. Gregorio Nazianzeno & Basilio testatur Rufinus (d), necnon de se ipſo scribit S. Hieronymus. (e)

10 *Solvuntur Objectiones.*

Ob. 1mo. contra primam partem Conclusionis. Singuli Ecclesie Patres & Doctores eorumque Scripta approbantur ab Ecclesia; Ergo supponit Ecclesia, nullum ex his errasse, singulosque ut infallibiles proponit audiendos.

Resp. conc. ant. neg. conf. quia approbatio hæc Ecclesie non est definitio, sed permissio duntaxat, qua recipiuntur ut utilia, vera, Catholica, vel probabilia. Nam illa singulorum Patrum Scripta, vel continent fidei dogma, vel sunt de rebus ad fidem non spectantibus, vel errores aliquos continent contra fidem; si primum, Ecclesia ea approbat ut vera & Catholica; si secundum, ea solum recipit & permittit ut probabilia; si tertium, ea non approbat, nec recipit, sed excipit, ut constat de multis à Gelasio Papa exceptis in Concilio Romano septuaginta Episcoporum cap. *Sancta Romana Ecclesia* dist. 15. aut si non excipit, ideo non excipit, quia nondum satis constat, id quod continent, contra fidem esse, & aliunde quilibetiam probabilitatis habet; unde est, quod hæc pugnantia loquantur interdum SS. Patres, & neget unus, quod alter affirmat, & utriusque Scripta approbet Ecclesia, non sequitur, quod pugnantia & contradictoria approbet Ecclesia, quia utriusque Scripta approbat ut solum probabilia; duo autem probabilia ut probabilia, nec contradictoria sunt, nec opposita moraliter.

Ob. 2do. Si singuli Patres sint fallibiles, tunc frustra illorum auctoritate utitur Theologia. Atqui &c. Ergo &c.

Resp. neg. sequel. Maj. Quia licet fallibiles sint Patres, nec infallibilis eorum auctoritas, est tamen talis ac tanta, ut sententiam faciat probabilem: *Utitur*, inquit S. Thomas (f), *Theologia auctoritatibus aliorum Ecclesie Doctorum, quasi argumentando ex propriis, sed probabiliter.* Quod intelligendum est de auctoritate singulorum scorsim sumptorum; nam ex auctoritate omnium simul sumptorum, & idem assentientium argumentatur plusquam probabiliter, cum unanimitas SS. Patrum consensus sit infallibilis, & fundet Eccle-

(d) Hist. lib. 2. c. 9. (e) In proœmio in Epist. ad Galat. (f) 1. p. q. 1. art. 8. ad 2.

Ecclesiæ definitionem in rebus fidei & morum.

Ob. 3tio. contra 3tiam Conclusionis partem. Singuli Patres sunt fallibiles. Ergo & omnes simul sumpti; non enim videtur esse major ratio simul, quam seorsim sumptorum.

Resp. neg. conf. 1mo. Quia moraliter est impossibile, omnes simul sumptos falli, bene autem singulos seorsim spectatos. 2do. Quia singulis non est infallibilitas à Christo promissa; bene autem omnibus simul sumptis, cum sit Ecclesiæ promissa, nec infallibilitas Ecclesiæ stare possit, nisi infallibilis sit unanimitas sanctorum Patrum consensus, qui fundat Ecclesiæ definitionem, seu quem sequitur, & sequi tenetur in suis de iurisdictionibus Ecclesiæ; vel si infallibilitatem non habeant ex Christi promissione SS. Patres omnes simul sumpti idem affirmantes, illam saltem eos habere censit ex Ecclesiæ approbatione & usu, quæ unanimitatem SS. Patrum utpote fidelium & incorruptorum S. Scripturæ sensus & Traditionis sacræ testium, consensum semper sequitur, & sequendum præcipit.

12 Ob. 4to. Difficile est, ac ferè impossibile, explorare, & invenire omnium sanctorum Patrum consensum, cum multorum Opera nos lateant, & plurimum Scripta perierint. Ergo unanimitas omnium consensus frustra proponitur ut infallibilis, & sequendus.

Resp. neg. ant. 1mo. Quia ille unanimitas SS. Patrum consensus non est mathematicè fundendus, ita ut ne quidem unus ex omnibus omnium temporum Patribus desit; sed moraliter, ita ut sit consensus omnium circiter, vel ferè omnium, eo modo, quo res morales sumi debent: moralia autem moraliter sunt intelligenda. 2do. Quia tunc unanimitas Patrum consensus cumulatè probatus æstimari debet, cum singularum nationum eminentissimi in alicujus rei assertionem consentiunt, ita ut inter illos nemo, qui semper Ortho-

doxus semper Orthodoxis adhæsit, dissentiat.

Ob. 5to. Hæreticus non esset, qui negaret doctrinam aliquam nondum ab Ecclesiâ definitam, & propositam, quam tamen de fide teneret unanimitas SS. Patrum consensus. Ergo unanimitas SS. Patrum consensus non reputatur infallibilis in discernenda fidei materia.

Resp. dist. ant. Non esset hæreticus formaliter & præcisè, quatenus illam negaret contra unanimitatem SS. Patrum consensum; conc. Non esset hæreticus consequenter & illativè, seu præsumptivè; neg. ant. Ratio est, quia præsumeretur negare infallibilitatem Ecclesiæ, quæ est de fide; præsumeretur autem negare infallibilitatem Ecclesiæ, si negaret doctrinam aliquam contra unanimitatem SS. Patrum consensum, quem sequitur, & sequendum proponit Ecclesiâ. Undè licet Doctrina illa, quam unanimitas SS. Patrum consensus tenet esse de fide, sit de fide; non est tamen de fide Catholica, & sub pœna hæresis credenda, donec fuerit supremæ Ecclesiæ iudiciò definita, & omnibus ad credendum proposita.

Ob. 6to. Inter Scripta sub nomine SS. Patrum edita, multa sunt supposita, nec sæpius constat, quænam germana sint, quænam verò supposita; neque etiam germanus eorum sensus nobis certò innotescere potest; tum quia multis in locis interpolata, atque adulterata sunt, sive de industria, & malitia, sive librariorum incuria, tum quia sæpius tam ambigua sunt verba, quibus sententiam suam expresserunt, ut à singulis in suas partes trahantur. Ergo ab auctoritate SS. Patrum etiam simul sumptorum atque unanimitas consensu in eandem doctrinam convenientium non satis solidum argumentum pro fidei materia discernenda peti potest.

Resp. neg. ant. Hæc obiectio non magis pugnat contra Scriptorum sub nomine SS. Patrum editorum auctoritatem professam, quàm contra librorum Scripturæ sacræ,



& librorum etiam à prophanis Auctori-  
bus editorum auctoritatem; proinde ni-  
miùm probat, adcoque nihil. Nam quem-  
admodum ex pluribus Veterum testimoniis,  
& ex antiquiſſimorum Mſs. conſenſione  
certi ſumus Iliadem Homeri, Æneidem  
Virgillii, Ciceronis Orationes, &c. non  
eſſe ſuppoſita Opera, nec fuiſſe adultera-  
ta; ita nobis conſtat de maxima parte Scri-  
ptorum, quæ SS. Patribus tribuuntur;  
& quæ proinde ſola ad eliciendum unani-  
mem in quaſtionibus fidei & morum illo-  
rum conſenſum proferri à noſtris ſolent.

## §. II.

15 *Aſſignantur nonnullæ Regulae in le-  
gendis SS. Patribus ſervandæ; nec  
non eorundem Catalogus te-  
xitur.*

Ut ſine abuſu, ſed magno cum fruſtu,  
debitaque cum obſervantia legere & lau-  
dare pro fide SS. Patres valeamus, ſequen-  
tes inter alias ſervare nos oportet regu-  
las & cautiones.

1mo. Diligenter attendendum eſt, quan-  
do, hoc eſt, quo Sæculo, quo anno,  
quo imperante ſeu ſedente Romano Pon-  
tificis ille S. Pater, cujus Scripta legimus,  
ſcripſerit; id enim, ſi diligenter à nobis  
fuerit obſervatum, deprehendemus ſæpè,  
non in hæreſim lapſum fuiſſe, quem in-  
terdum lapſum fabulantur, vel calum-  
niantur noſtri Heterodoxi. Sic v. g. Pa-  
pianum, Juſtinum, & Irenæum, quantum-  
vis fabuloſam, & hæreticam hodie de  
millenario Chriſti in terris regno ſenten-  
tiam ſecutos, minimè tamen in hæreſim  
lapſos eſſe comperit quivis, ſi advertat,  
ſententiam illam eo tempore, quo illi  
SS. Patres vixere, nondum ut hæreticam  
fuiſſe damnatam. Sic S. Cyprianum, quan-  
tumvis varia pro rebaptizandis hæreticis  
certamina paſſum, ab omni hæreſis labe  
innunem deprehendemus, ſi confidere-

mus, dogma de non rebaptizandis hære-  
ticis, tempore S. Cypriani, tanquam de  
fide nondum definitum fuiſſe, ſed inter  
adiaphora & ut ſolam diſciplinam ſpectans  
habitu fuiſſe. Sic & S. Auguſtinum,  
quantumvis animam ex traduce fieri ſal-  
tem probabiliter cenſuerit, nullatenus er-  
raſſe noſcemus, ſi tempore, quo ita cen-  
ſuit, hac de re nondum ultimò Eccleſiæ  
judiciò deciſa, varias fuiſſe Catholicorum  
ſententias, & unicuique in ſuo ſenſu  
abundare licitum obſervemus, &c.

2do. Obſervanda ſcribentis ætas, an 16  
videlicet juvenis eſſet, cùm ſcriberet, an  
in virili, vel ſenili ætate; enimverò do-  
cet experientia, nos etiam plura ſentire  
& probare juvenes, quæ grandiores fa-  
cti, & maturiorem aſſecuti ætatem revo-  
camus, & improbamus. Teſtes hujus  
ſunt omni exceptione majores duo S. Au-  
guſtini Retractationum libri, in quibus  
jam ſenex multa retractat, quæ junior  
incautè protulerat.

3tio. Ad ſcribendi cauſam & occa- 17  
ſionem attendendum, hoc eſt, adverten-  
dum, contra quos, & qua occasione ſcrip-  
ſerint interdum Patres, ut genuinus illo-  
rum attingatur ſenſus; ſic v. g. ut S. Hi-  
larius Pictaviensis Episcopos non erraſſe  
videatur, dum lib. 10. de Trinitate, Chri-  
ſtum Dominum omnis doloris ſenſus ex-  
pertum fuiſſe, ac proinde nullum ſenſiſſe  
dolorem aſſeruit, advertendum, S. Hila-  
rium ſcribere contra Arianos Chriſtum  
Dominum eſſe Deum negantes, utpote  
multis doloribus & paſſionibus obnoxium,  
atque intelligemus, Hilarium loqui de  
Chriſto Domino, non ratione humanita-  
tis paſſibilis, & mortalis, ſed ratione Di-  
vinitatis impaſſibilis, & immortalis con-  
ſiderato.

4to. Advertendum, quomodò S. Pa- 18  
ter aliquis loquatur, an per modum con-  
cionantis, vel per modum viri ſimplici-  
ter loquentis, quia, ut obſervat Vincen-  
tius

tius Lirinenſis, verba à SS. Patribus concionando prolata, non ſunt ſemper in rigore intelligenda; ſed interdum tanquam ex zelo quodam, & hyperbolicè dicta. Sic v. g. dum S. Chryſoſtomus concionando ſuum populum hortatur ad aſſiduam ſacræ Scripturæ lectionem, non eſt cenſendus voluiſſe, ut omnes indifferenſiſſimè etiam indocti, & inſtabiles, etiam rudes, & ignaræ mulierculæ divinæ Scripturæ vacarent, ſub pœna ſalutis, prout eum voluiſſe perperam & ineptè cenſent noſtri ævi Novatores; alloquitur enim Græcorum multitudinem Theatris, Scenis, Spectaculis, Poetarumque fabulis intentam, & divinarum Scripturarum inſciam; idque ægrò ſerens animò, vehementi concionantis zelo raptus, ut hos omnes ab his avertat fabulis, cæterisque malorum periculis, ad divinam Scripturam legendam hortatur omnes; legendam ſcilicet à ſapientibus, & peritis, audiendam verò ab alijs rudibus, & indoctis; vel ſi legendam, cùm debita licentia legendam.

- 19 5to. Si dura vel antiquata Patrum dicta reperiantur, cavendum, ne ea corrigamus, aut mutemus, vel in uſum trahamus hujusmodi durioreſ nec hodie in Eccleſia amplius uſu receptas locutiones, ſed benignè & reverenter à nobis ſunt exponendæ; non corrigamus aut immutemus, quia ſic Patres non interrogamus, ſed doceremus; non in uſum trahamus, ſive uſurpemus, quia ad tollendum erroris periculum & occaſionem eas non ampliùs uſurpat Eccleſia. Sic v. g. licet Chriſtus interdum à Patribus dicatur *homo Dominicus*, non eſt uſurpanda hujusmodi locutio, quia eam hodie non uſurpat Eccleſia; nec corrigenda tamen aut mutanda, ſed piè & reverenter explicanda: dicendo nempe, ſic Chriſtum à SS. Patribus olim *hominem Dominicum* vocatum fuiſſe, non ratione ſuppoſiti, qui Domi-

nus eſt, & non aliquid Domini; ſed ratione humanæ aſſumptæ naturæ, quæ eſt inſtrumentum Domini. Sic quando S. Baſilius & alij cum Tertulliano interdum dicunt, in Euchariſtiæ Sacramento *panem eſſe figuram Corporis Chriſti*, non eſt pariter corrigenda, mutanda, vel uſurpanda hæc locutio, quia eam non uſurpat Eccleſia; ſed benignè, & modèſtè explicanda, dicendo nempe, quòd quamvis Corpus Chriſti ſit verè in hoc Venerabili Sacramento Euchariſtiæ, ut ipſe S. Baſilius aliique cum tota Eccleſia alibi paſſim fatentur SS. Patres; tamen quia hic non in propria & naturali ſpecie & figura apparet, ſed ſub ſpecie & figura panis, ideò dicitur à ſanctis illis Patribus, eſſe ibi in figura, ſeu ſub figura vel ſpecie panis; ſicque, & in hoc ſolo ſenſu panis figura Corporis Chriſti ab illis dictum eſt, præſertim antiquiſſis illis temporibus, quibus hujusmodi loquendi modi nondum erant ſatis judicio Eccleſiæ limati, & examinati.

6to. Si quid obſcurum vel fidei non 20 ſatis congruum inveniamus in quodam Eccleſiæ Patris textu vel ſententia, explicandum erit à nobis per ea, quæ alibi clariùs dixerit. Sic v. g. ſi quis perperam credat, S. Chryſoſtomum hom. 14. in Joan. poſſibilitatem viſionis Dei negare, dum ſuper illud Joannis, *Deum nemo vidit unquam*, ait: *Nam id, quod eſt Deus non modò Propbeta non viderunt, ſed neque Angeli, neque Archangeli*, facilè intelliget, eum non de viſione Dei incuſſit, ſed de comprehenſiva loqui ex iſis, quæ dixit alibi, præſertim dum in paræneſi ad Theodorum lapſum cap. 7. exponens illud Petri, *Bonum eſt, nos hic eſſe*, ait: *Quid dicemus, quando regijs cubiculis adaptiſſis intueri licet ipſum Regem, non per ſpeculum, neque per ænigma, ſed facie ad faciem, non ampliùs, inquam, per fidem, ſed per ſpeciem?* Si enim Deum facie ad faciem nos aliquan-

do visuros asserat, Deum consequenter videri posse tenet, ac proinde in præficto loco, dum ab Angelis, vel Archangelis Deum videri negat, non de intuitiva, sed de comprehensiva Dei visione loqui censendus est, sicque Chrysostomus per Chrysostomum explicandus.

21 7mo. In vertendis vel interpretandis SS. Patrum Scriptis, non tam ad verba, quam ad sensum est attendendum. Sic reprehensus olim à Rufino S. Hieronymus, quòd non rectè vertisset S. Epiphanius ad Joannem Hierosolymitanum Epistolam, respondit (g), se non de verbo ad verbum, sed de sensu ad sensum eam vertisse, hocque SS. Patrum Scripta vertendi genus optimum esse.

22 8vo. Denique observandum, quòd, si duos vel plures interdum SS. Patres opposita sentire videamus, ita ut unus neget, quod alter affirmat, neutrum increpemus vel damnemus; sed singulorum Catholicæ mentis intentionem excusemus, & Dei providentiam adoremus, quæ eos sic inter se opponi fortè sinat, ut ex oppositarum harum opinionum conflictu eruatur, & elucescat veritas, sicut ex duorum lapidum collisione elicitur & elucescit elicitus ignis. Sic olim Paulus restitit Petro, Polycarpus Aniceto, Cyprianus Stephano, Theophilus & Epiphanius Chrysostomo, Augustinus Hieronymo; & ex

eodem Dei zelo multoties alibi, Sanctus Sancto. Sic & hodie de multis sub judice pendentibus disputat Schola cum Schola, Theologus cum Theologo, Catholici licet hi omnes, & pro fide Catholica mori parati singuli.

His regulis ita positis sciendum insuper, sanctos Ecclesie Patres, quorum Scripta laudantur in Ecclesia, in tres classes distribui posse, quarum prima est eorum, qui Apostolicis, aut immediatè proximis florere temporibus usque ad S. Irenæum, qui initio Sæculi 3<sup>ii</sup>. floruit. Secunda eorum, qui post Apostolica tempora ad quintam Oecumenicam Synodum Anno Christi 553. sub Vigilio Romano Pontifice Constantinopoli coactam vixere. Tertia denique eorum, qui deinceps claruere ab hac Oecumenica Synodo usque ad S. Thomam Doctorem Angelicum, & S. Bonaventuram Doctorem Seraphicum, qui etiam Patribus meritò adnumerari possunt, quamvis paulò recentiori ætate floruerint, ut qui descriptionibus suis doctissimis Ecclesiam apprime illustrant, eamque adversus hæreses tuiti sint &c.

Præstat eorundem secundum Sæcula & ætates, quibus florere, hic texere nomenclaturam, ut & scriptum, quæ ipsis adscribi solent; addito semper obitûs illorum die, aut saltem anno.

---

(g) Epist. 101. ad Pammach.

Prima clas-  
sis SS. Pa-  
trum.

24 S. Martialis  
obit anno  
Christi 74.

## SÆCULO I.

## De S. Martiale. Anno 74.

Equidem dubitant nonnulli, quo tempore, an primò scilicet, vel tertio tantum Sæculò, cum focus in Gallias primùm venerit S. Martialis primus Lemovicensium Episcopus; attamen communis & antiqua Lemovicensium traditio, plurimumque veterum Breviariorum & Martyrologiorum lectio tenet, eum à Petro missum illuc primo nascentis Ecclesiæ Sæculo venisse, & esse illum, qui dicitur de Tribu Benjamin Stephani Protomartyris consanguineus, à S. Petro, Christo iubente, baptizatus annò ætatis 15. unus è 72. Christi discipulis, & qui post baptismum cum Christo tribus annis permansit, & tredecim cum Petro, quinque videlicet Jerosolymis, septem Antiochiæ, & uno Romæ; unde tandem à Petro in Galliam Aquitanicam missus cum Austricliniano & Alpiniano ibi per 28. annos in Episcopali ministerio primus Lemovicensium Episcopus vixit, tandemque post varios Galliæ populos Evangelica luce irradiatos, videlicet Tolosanos, Burdigalenses, Ruthenenses, Arvernenses, Miniacenses, & alios, post eversa varia Gentilium idola, post edita plura miracula, post primam in Gallia sub S. Stephani Protomartyris nomine, Lemovicæ Christo dicatam Ecclesiam, in cælum migravit, annò ætatis suæ 59. Apostolatus sive Episcopatus sui 28. & à Christi ad cælum ascensu 40. ac proinde annò post Christum na-

tum 74. relictis, ut fertur, duabus Epistolis; quæ habentur in Bibliotheca Patrum, Tom. 3. edit. Lugd. apud nos pag. 1.

Prima est ad Burdigalenses jam in Christo renatos directæ & 13. complectens capita, in qua jam absens Martialis eis in memoriam revocat ea, quæ præsens docuerat, ut eos in fide confirmet.

Duæ circumferuntur sub S. Martialis nomine Epistolæ.

Secunda est ad Tolosanos pariter in Christo regeneratos directæ & 28. capitibus comprehensa. In ea hortatur illos, ut perennes Deo gratias agant de sua per baptismum regeneratione, & à damnationis æternæ caligine per Christum ereptione. Varia deinde tradit eis tum fidei, tum vitæ Christianæ documenta, & eis reducit ad memoriam illa, quæ jam apud eos evangelizaverat. Testatur etiam se fuisse cum Christo eo tempore, quo à Juda osculo traditus fuit.

Pix quidem imò & utiles forent ad firmanda contra nostri ævi hæreticos varia Ecclesiæ dogmata, qualia sunt v. g. *Sacrosanctum Missæ sacrificium, signum crucis, Sanctorum cultus* &c. Si genuinas eas esse & Sæculò primò conscriptas certum foret: verum supposititias esse colligitur 1mo. Quia in iis passim citantur Scripturæ sacræ textus juxta versionem S. Hieronymi. 2do. Quia decem primorum Ecclesiæ Sæculorum scriptores nullam de iis mentionem faciunt. 3tio. denique, Quia illa:

Iarum auctor dicit, se cum aliis Discipulis interfuisse, quando Judas osculò Christum tradidit, cum tamen duodecim, si iis Judas etiamnum adnumeretur, duntaxat Christi discipulos tunc adfuisse Scriptura memoret, Matth. 26. v. 21. & Marc. 14. v. 17.

25 *S. Clemens De S. Clemente Romano. An. Romanus obiit anno Chr. 102.*

S. Clemens patrì Romanus, Faustiniàni filius, Apostolorum Coadjutor & discipulus, quartus post Petrum, Linum & Cle-  
tum (b), & sui nominis primus Romanus Episcopus, cujus meminit Paulus Philip. 4. v. 3. Hic est summus ille Pontifex, qui septem urbis regiones divisit septem notariis, singulas singulis attribuens, qui Martyrum passionibus & Acta conscriberent. Cum verò doctrinà & vitæ sanctitate multos ad Christi fidem converteret, ab Imperatore Trajano relegatus est trans mare Ponticum ad Cheronesi Tauricæ deserti; in quibus locis aquarum penuriâ siccis & aridis, ut Christianis succurreret numerò multis ibi detentis, & ad secunda marmora ab eodem Imperatore damnatis, suis precibus à Deo fontem aquarum obtinuit, quo miraculo in iram concitatus Imperatoris Præfectus, Clementem in mare alligatà ad collum anchorà submergi præcepit, nonò Pontificatus sui annò, Imperii Trajani 3tiò. & Christi

102. die 23. Novembris: sicque pro fide Catholica aquis submersus ad cælum evolavit.

Sub illius nomine varia circumferuntur Scripta, ut 1mo. Dux ad Corinthios Epistola, in quarum prima, occasione seditionis apud Corinthios exortè, ad Corinthios Episcordiam & humilitatem. Hæc pro genuina ab omnibus habetur, illiusque meminit Hieronymus, de Script. Eccles. necnon reperitur Tom. 1. Conc. Altera verò, quæ sub illius nomine fertur, à Veteribus rejicitur, inquit S. Hieronymus post Eusebium. Eam tamen genuinam esse contendunt aliqui, & de illa intelligendum esse S. Hieronymum, cum lib. 1. contra Jovinian. cap. 7. de Spiritualibus Eunuchis, ait: *Ad hos & Clemens successor Apostoli Petri, cujus Paulus Apostolus meminit, scribit Epistolas, omnemque penè sermonem suum de Virginitatis puritate contexuit.*

2do. Dux aliæ epistolæ ad Jacobum fratrem Domini, in quarum prima narrat Clementem, quomodo S. Petrus ipsum invitum successorem suum elegerit, & omnia præcepta ab eodem sibi tradita explicat; & in altera de Sacramentis, de sacratissimis ac vasis Jacobum instruit: Verùm supposititiæ communiter reputantur; idque patet, de prima quidem, quia in ea Jacobo significatur S. Petri obitus; cum tamen constet Jacobum fratrem Domini & Jerosolymorum Episcopus.

Scripta S. Clementis nomine vulgata. 1mo. Dux ad Corinthios Epistolæ.

2do. Dux ad Jacobum fratrem Domini.

(b) Græci veteres, Ignatius, Irenæus, Eusebius; & ex Latinis Optatus, & Augustinus, Ep. 164. Clemem non agnoscunt, sed Anacleum, quæ perhibetur Clementis successorem.

Episcopum jam, antequam Petrus è vivis excessisset, Jerosolymis occisus fuisse. Ergo non est Clementis, vel si illius est, ad Simonem fratrem Domini, non ad Jacobum scripta est. De altera verò manifestum est, eam Clementis non esse, cum in ea auctor illius instruat Jacobum de Sacramentis, vestibus sacris atque vasis, nec credi possit, Clementem Apostolorum discipulum de his instruisse Jacobum Apostolum.

etio. Tres  
Epistolæ ad  
diversos.

3tio. Tres asiæ Epistolæ ad diversos. Quarum 1ma. est ad Cyprius, Presbyteros, Diaconos ac reliquos generaliter Clericos & fideles, & in qua agit de officio Sacerdotis. 2da. scripta dicitur à Clemente discipulis suis Julio & Juliano, & gentibus, inter quas habitabant, directæ. 3tia. Denique scripta dicitur suis discipulis & directæ Jerosolymitanis. Ex styli diversitate à stylo epistolæ Clementis ad Corinthios colligunt eruditi omnes, has Epistolas esse supposititias, præcipue autem 3am. ut in qua dicatur, uxorum usum communem esse debere; quæ erat Nicolaitarum hæresis.

narrantur, unde idem esse opus, quod vulgò itinerarium S. Petri dicitur, quodque apocryphum esse constat ex Auctore Synopsi, & ex Romano Concilio sub Gelasio I. Quare & hi Recognitionum libri inter apocryphos communiter rejiciuntur, licet non pauca utilia documenta complectantur, & interdum ab eruditis citentur.

5to. Constitutionum Apostolicarum libri octo, sed non minus supposititii quàm Recognitionum libri; utpote in quibus plura reperiuntur veritati dissona, quale est illud lib. 3. c. 2. ubi dicitur, quartas nuptias meram esse libidinem ac impudicitiam. Lib. eodem, c. 10. quo prohibetur Laicis absolute, ne baptizent. Lib. 6. cap. 17. Hæreticorum & impiorum baptismum declaratur invalidum & nullum, ac proinde iterandum. Cæterum tamen utilia & à Græcis olim multum laudata continent documenta; nihilominus à posterioribus Græcis in Trullano Concilio can. 1. reprobata fuerunt, tanquam ab hæreticis depravata.

5to. Constitutionum  
Apostolicarum libri  
octo.

4to. Recognitionum  
libri 10.

4to. Recognitionum libri 10, ad Jacobum fratrem Domini, sic dicti, quod miram recognitionis seu recuperationis Patris, Matris, & duorum germanorum geminorumque fratrum, quos omnes à teneris jam annis non viderat operâ S. Petri factæ historiam contineat. In iis multa fabulosa & nonnulla Catholicis dogmatibus adversantia leguntur; item S. Petri itinera  
*P. Cartier Theol. Tom. I.*

6to. Canones Apostolorum 85. græcè conscripti, & ab Exiguo Dionysio latinè traducti, sunt certæ quedam antiquæ leges sive Constitutiones Ecclesiasticæ, quæ vulgò dicuntur ab Apostolis editæ, & à B. Clemente collectæ. Quamvis in Ecclesia Græca hi 85. Canones sub nomine Apostolorum vulgati fuerint, atque ut verè Apostolici recepti; & ex illis in Ecclesia Latina 50. duntaxat priores, aliis rejectis, eodem tempore

6to. Canones  
Apostolorum.

P p p aucto-

auctoritatem aliquam habere cœperint; tamen hodie eruditi ferè omnes cum Gelasio I. in Concilio Romano 70. Episcoporum, & Isidoro Hispalensi eos omnes, quamvis multa utilia contineant, apocryphos esse & suppositicios existimant. Neque eorum meminere Eusebius, & Hieronymus, aut ullus alius S. Pater aut Scriptor sacer priorum Sæculorum; cum tamen multoties occasionem eos citandi habuerint. Eos utique citasset S. Cyprianus contra Stephanum pro tuenda sua de iterando hæreticorum Baptismo causâ; id enim Can. 46. statuitur. S. Epiphanius quoque hæresi 58. Vallesiorum se ipsos castrantium impugnans hæresim sine dubio citasset Canones 21. 22. & 23. id expressè prohibentes. Eos pariter citasset Victor Papa in controversia de Paschate celebrando contra Asiaticos, cum Canon 7. veter Pascha cum Judæis celebrare.

7mo. Liturgia S. Clementis.

7mo. Liturgia S. Clementis, seu sacri Sacrificii celebrandi formula, sive Missa. De ea idem judicandum censet Bellarminus ac de Liturgia S. Jacobi, nimirum illam verè Clementis esse, sicut istam S. Jacobi, sed à posterioribus auctam; quod enim sit S. Clementis colligitur ex S. Proclo tract. divinæ Liturgiæ, ubi testatur eundem S. Clementem Liturgiam edidisse. Vide Euseb. lib. 3. Hist. Hieronym. in Cat. Script. Eccles. Niceph. lib. 3. c. 18. Metaphrast. in Clementem. Martyrolog. Rom. Greg. Turon. de Gloria Martyr. Bellarm. in Cat. &c.

*De S. Ignatio Martyre. 111.* S. Ignatius 27

S. Ignatius Evodii primi post S. Petrum Antiochiæ Episcopi annò, ut creditur, Chr. 71. ibidem Martyrii laureâ donati Successor, S. Joannis Evangelistæ cum Polycarpo discipulus, Theophorus sive Deifer, quasi Christum circumferens, vulgari cognomine dictus est. Sub Trajano Christianos persequente, ad bestias damnatus Romanam ducitur, ubi leonibus in prædam traditus, Martyr occubuit an Chr. circiter 111.

Sub ipsius nomine 15. Epistolæ circumferuntur, quarum septem genuinæ reputantur ab eruditis Catholicis, scilicet ad Ephesios una, ad Magnesianos una, ad Trallianos una, ad Romanos una, ad Philadelphios una, ad Smyrnenfes una, & denique una ad Polycarpum Smirnæ Episcopum. Earum quippe meminere mox laudatus Polycarpus in sua ad Philippenfes Epistola, per quam easdem illis transmittit. Dionysius Arcopagita, Irenæus, Athanasius, Chrysostomus, Eusebius, lib. 3. Hist. c. 30. Theodoretus, Hieronymus, de Script. Eccl. cap. 16. Metaphrast. &c. atque eas velut genuinas laudant.

Quinque velut dubiæ habentur: una ad Mariam Cassobolitam, quæ putatur illa, quam salutat Paulus Rom. 16. v. 6. Ad Antiochenos una. Ad Tarsenses una. Ad Philippenfes una. Ad Heronem Antiochiæ Diaconum una. Hæ quamvis eodem stylo & spiritu ac priores septem exarata videantur, tamen ideò dubiæ reputantur à non-

Martyr  
obit anno  
Christi 111.

Epistolæ  
15. sub ejus  
nomine  
volgaræ.

nonnullis eruditis, quia Eusebius & Hieronymus, dum priores septem laudant, de istis quinque alium silent.

Tres denique supposititiæ reputantur communiter ab omnibus, tum quia nullibi in Codicibus inventæ, nec ab ullo ex antiquis Patribus laudatæ fuerunt, atque primum à S. Bernardo Serm. 7. in Psal. 90. memoratæ dicantur; tum quia nec tempus sapient, nec stylum S. Ignatii. Sunt autem istæ: una ad B. V. Mariam Christi Matrem. Ad Joannem senioresm seu Evangelistam duæ.

28 S. Dionysius Areopagita.  
- Obiit anno 120..

*De S. Dionysio Areopagita, anno 120.*

S. Dionysius Areopagita S. Pauli Apostoli in Christo filius & discipulus Sanctorum Ignatii & Polycarpi Martyrum coævus, Athenis vel in Thracia natus, è celebri Athenarum Areopago Senator; qui dum olim Helio- poli esset cum Apollophane Philosopho gentili, celebrem illam, quæ Christo patiente contigit, Solis eclypsum observavit; ac deinde Athenas reversus, ibique S. Paulum de illa Christi passione, & lege Evangelica concionantem audiens, ad Christi fidem conversus est cum muliere nomine *Damaris* & aliis, ut habetur Act. 17. v. 34. & exinde relicto Areopago Paulo adhæsit; à quo non longè post primus Atheniensium Episcopus creatus est; inde, alio in suam Sedem substituto Episcopo, Romanam profectus ad Clementem I. ab ipso unâ cum aliis Apostolicis viris & sociis suis in Gallias

Evangelii prædicandi gratiâ mittitur; ubi Parisiis Parisorum primus Episcopus prædicans, & multos Gentiles ad Christi fidem trahens, à Fescennino Præfecto unâ cum sociis Rustico Presbytero & Eleuthero Diacono, multis vexatus suppliciis, tandem capite cæsus martyri occubuit ætatis suæ, ut valde probabilis & antiqua multorum eruditum est opinio, annò 110. Christi. 120. quo post Trajanum Adrianus regere cœpit Imperium.

Ejus Scripta sunt hæc: 1mo. Scripta ipsius. Liber de cœlesti Hierarchia in 15. capita distributus. 20. Liber de Ecclesiastica Hierarchia in 7. capita distinctus. 3tio. Liber de divinis nominibus in 13. capita divisus. 4to. Liber de mytica Theologia 5. capitibus comprehensus. 5to. Epistolæ quatuor ad Cajum Monachum, hoc est ad Cajum è Therapeutis unum, quos Monachos ideò vocat, non quòd soli habitarent (tùm temporis enim nondum viscebantur hujusmodi Solitarii seu Monachi) sed quòd singularem curisque solutam & soli Deo intentam vitam agerent: & Cajum S. Maximus in Scholiis putat esse illum, ad quem S. Joannes Evangelista suam tertiam scripsit Epistolam. 6to. Una ad Dorotheum Ministrum seu Diaconum. 7mo. Ad Sospitrum Sacerdotem una. 8vo. Ad Polycarpum Smirnae Præsulem una. 9no. Ad Demophilum Monachum sive Therapeutam una. 10to. Ad Titum Cretæ Episcopum à S. Paulo constitutum una. 11mo. Ad S. Joannem Apostolum & Evangelistam in Patmos unâ ex Cy-



cladibus insulâ exultantem una. 12mo. Ad Apollophanem Gentilem Asiæ Philosophum una.

Quamvis haud paucis eruditius viris hæc Scripta non esse genuina S. Dionysii Areopagitæ Opera videantur, communis tamen & inconcussa aliorum Doctorum opinio tenet, Scripta hæc sub Dionysii Areopagitæ nomine laudata & in Ecclesia usu recepta, genuina esse ipsius Opera, 1mo. Quia Scripta hæc manifestè indicant auctorem eorum esse primi Sæculi virum, cum lib. de divin. nom. cap. 2. & 3. se Pauli Apostoli discipulum nominet. Ad Titum Pauli discipulum scribat, ad Joannem Evangelistam, & ad Polycarpum Joannis discipulum; atque scribens ad Apollophanem se Solis eclipsim patientem Christo factam unâ cum ipso observasse notet; necnon denique se beatæ Virginis exequiis interfuisse dicat cum Petro, Jacobo fratre Domini & aliis, lib. de divin. nom. cap. 3. Nullus autem inter Christianos recensetur Dionysius, qui primò Sæculò scripserit, præter Areopagitam. Ergo ipsa Opera, sub nomine ipsius laudata, verè illius sunt; nisi quis ineptè satis dicere maluerit, Auctorem hunc fuisse virum insigniter mendacem, fallacem & impostorem aliquem; quod tamen nec dici nec cogitari potest de auctore isto, utpotè cujus Scripta ubique miram sapiunt pietatem, sinceritatem, gravitatem, & sanctimoniam. 2do. Quia à duodecim & ultra Sæculis sub nomine Dionysii Areopagitæ fuere citata atque recepta

tam à Conciliis, summis Pontificibus, & à sanctis Ecclesie Patribus, quàm ab innumeris aliis viris eruditia.

### *De S. Papia 126.*

S. Papias. 29  
obit anno  
Chr. 126.

S. Papias Arifionis, & Joannis senioris, seu Presbyteri, & non Apostoli, auditor, S. Polycarpi familiaris & coævus, Hierapolitanus in Phrygia Asiæ minoris Episcopus fuit. Is est, qui primus Auctor creditur opinionis, seu fabulæ de millennio, post resurrectionem, in terris Christi cum Sanctis futuro regno, quem secuti sunt Iustinus, Irenæus, Apollinaris & alii.

Juxta Eusebium & S. Hiero. Scripta nymum quinque scripsit libros ejus. sub titulo *Explanationis Sermonum Domini*, quorum hodie nonnulla duntaxat supersunt fragmenta, & in quorum præfatione monet, se non varias opiniones, sed Apostolorum collegisse dicta ab iis, qui cum illis fuerant conversati. Vide Euseb. Hist. S. Hieron. in Cat. S. Iren. lib. 5. &c.

### *De S. Quadrato 126.*

S. Quadratus 36  
tus anno  
Chr. 126.

S. Quadratus Apostolorum Discipulus post Publium Martyriò affectum Atheniensis ordinatus Episcopus, Ecclesiam grandi terrore dispersam, fide & industria sua congregavit.

Apologiam à se conscriptam Ejus Apologia pro Christianis, seu Apologetica. cum pro Religione Christiana librum Adriano Imperatori porrexit. Circa annum Chr. 126.

fu.

superstes adhuc fuisse dicitur.  
Vid. Euseb. lib. 4. Hist. Hieronym. de Script. Eccl.

## SÆCULO II.

## 31 S. Justinus De S. Justino Martyre. 165.

Martyr.

Obiit anno  
Chr. 150.  
vel 165.

S. Justinus Philosophus & Martyr, Prisci Bachii filius Neapoli Palæstinæ provincie Urbe oriundus, Romæ tamen commoratus, ibique verbo, vita & habitu Philosophum agens, accusatus à Crescente Cynico, quoddam Christianus esset, pro Christo mortem subiit Martyrii affectus Romæ an. Chr. 150. ut volunt nonnulli, vel potius an. 165. ut opinantur alii: ætatis suæ an. 30. secundum aliquos, & 50. secundum alios.

Opera ipsius.

Varia Scripta eidem tribuuntur, quorum quædam genuina sunt & certa, quædam verò dubia vel supposititia, & alia temporum injuriâ deperdita.

Genuina.

Genuina & indubitata sunt hæc: 1mo. Oratio parænetica ad Græcos, sive Gentiles. 2do. Apologia pro Christianis ad Antoninum Pium Imperatorem. 3tio. Altera Apologia pro iisdem ad Senatum Romanum. 4to. De Monarchia Dei liber. 5to. Dialogus cum Tryphone Judæo de veritate Christianæ Religionis. 6to. Aristotelicorum quorumdam dogmatum everfio.

Dubia vel supposititia.

Dubia verò vel supposititia sunt 1mo. Expositio Catholicæ & Orthodoxæ fidei. Hoc est, Liber de recta confessione, sive de sancta consubstantiali Trinitate. 2do. Ad Zenam & Serenum de vita Christiana Epistola sive liber per modum Epi-

istolæ. 3tio. Responsionum libri duo, quorum unus continet responsiones Christianas ad quæstiones Christianorum; alter responsiones Christianas ad quæstiones Ethnicorum, de incorporeo, de Deo, & de resurrectione mortuorum.

Deperdita denique Justinus Deperdita.

Opera hæc numerantur: 1mo. Liber de anima: 2do. Liber *Psalmes* inscriptus. 3tio. Liber contra hæreses omnes. Insignia volumina, quorum meminit S. Irenæus in suo quinto adversus hæreses libro; imò & liber de Monarchia Dei dimidiis perit.

## De S. Polycarpo. 169.

S. Polycarpus. 32  
pus. Mart.  
tyrinus pasc.  
sus est an.  
Chr. 169.

S. Polycarpus sancti Joannis Apostoli discipulus, & ab eo Smyrnenfis ordinatus Episcopus, Sanctorum Ignatii, Dionysii Areopagite, Justinus & Photini primi Lugdunensis Episcopi coævus & æqualis, cum ob motas de die Paschæ quæstiones aliquas, imperante Antonino pio, & Ecclesiæ regente Aniceto Papa Romam venisset, plurimos de credentium numero Marcionis & Valentini persuasione deceptos reduxit ad fidem. Fertur, quod, cum fortuito ei obviam venisset Marcion & dixisset: *Cognoscis nos?* responderit, *Cognosco te primogenitum Diaboli*. Postea regnante M. Antonino Vero & L. Aurelio Commodò quarta post Neronem persecutione Smyrnæ sedente Proconsule, & universo adversus eum, in Amphitheatro perfonante populo, igni traditus, gloriolâ Martyrii palmâ donatus est, an. Chr. circiter 169. Vid.

P p p 3

Euseb.

Euseb. lib. 4. Hist. & in Chron. ad an. 157. S. Hieron. in Cat. cap. 17. Socrat. lib. 1. Hist.

Scriptit insignem & utilem ad Philippenſes Epistolam, quæ olim, teste S. Hieronymo, publicè in Asiæ legebatur Ecclesiis, quæque cum S. Ignatii Epistolis reperitur, & in qua illas ad eos miſiſſe memorat.

de Script. Eccl. Gelas. Pap. c. Cum sancta Dist. 15. apud Gratianum.

*De S. Dionysio Corinthio. 174.* S. Dionysius Corinthius, anno 174.

S. Dionysius Corinthiorum Episcopus, unde Corinthius nuncupatus, secundò Sæculò floruit, tantæ eloquentiæ vir, tantæque in universalis Ecclesiæ bonum præditus zelò, ut non solum suæ Ecclesiæ populos, sed & aliarum Ecclesiarum Episcopos & oves suis erudiret Epistolis, quarum octo referunt Eusebius, & Hieronymus. Nempe ad Lacedæmonios. Ad Athenienses. Ad Nicomedienſes. Ad Amaſtrianam in Ponto Ecclesiam. Ad Gortinenſem in Creta Ecclesiam. Ad Gnoſſianos & ad Pinytum Gnoſſianorum in Creta Episcopum. Ad Romanos & ad Soterum Romanæ urbis Episcopum. Denique ad Chryſophoram sanctam scæminam.

Claruit sub M. Antonino Vero & L. Aurelio Commodò Imp. De eo Euseb. in Chron. & lib. Hist. Eccl. S. Hieron. de Script. Eccl. Ado in Chron. an. 164. & Baron. ad an. 175.

### SÆCULO III.

*De S. Irenæo Martyre. 202.* *Secunda Classis SS. Patrum.* 35

S. Irenæus, quod græcum S. Irenæus nomen latine *Pacificum* sonat, natione Græcus S. Polycarpi Smirnenſis Episcopi auditor & discipulus, ab eodem cum pluribus

33 S. Melitho. Obiisse creditur anno circiter 170.

*De S. Melithone. 170.*

S. Melitho Sardenſis in Asia Episcopus, cujus elegans & declaratorium ingenium laudans Tertullianus in septem libris, quos pro Montano adversus Ecclesiam scripsit, cum à plerisque nostrorum Prophetam putari ait. Floruit sub M. Antonino Vero. Obiisse creditur an. circiter 170.

Ejus Scripta.

Scriptit Apologeticum pro Christiana Religione librum, quem Imperatori obtulit. Item Epistolam ad fratrem Onesimum, in qua catalogus textitur librorum veteris testamenti, quæ reperitur apud Euseb. lib. 4. Hist. De Apologetico autem suo libro sicut de multis aliis ejusdem Scriptis nihil hodie superest, præter fragmenta nonnulla ab Eusebio lib. citatò collecta.

(1) Libellum de transitu Virginis, seu de Assumptione B. Mariæ Virginis, qui S. Melithonis nomine circumfertur in Bibliotheca Patrum nusquam memorant Eusebius & S. Hieronymus, quamvis plura alia ejusdem Opes a numerent. Vid. Euseb. lib. 4. Hist. cap. 25. S. Hier.

(1) Suppositus est hoc opus, & à Gelasio Papa inter Apocrypha merito computatur, & indignus Melithone judicatur.

ribus aliis in Gallias missus, Lugduni substitit, eo tempore, quo Photinus primus Lugdunensium Episcopus eandem regerebat Ecclesiam; cui nonagenario cum pluribus aliis Martyrii palmâ donato successit in Episcopatum jam sexagenarius. Cùmque per 23. circiter annos huic præfuisset Ecclesiæ, tandem Severi Imperatoris persecutione sæviante, cum omni ferè suæ civitatis populo, propè nonagenarius martyrium subiit, die 28. Junii. an. Chr. 202. vel juxta Baronium, an. 205.

Ex ejus operibus, quos juxta Hieronym. & Euseb. Græcè conscripsit, nulla nobis supersunt præter Libros quinque adversus Hæreses Valentini & similium Gnosticorum. Hoc est eruditum & celebre Opus illud in libros quinque divisum, quibus Valentini, & similium Gnosticorum, videlicet Marci, Simonis, Menandri, Saturnini, Basilidis, Carpocratis, Cerinthi, Ebionis, Nicolaitarum, Cerdonis, Marcionis & Tatiani perniciosas detegit & refellit hæreses.

Plura adhuc scripsit hic S. Ecclesiæ Doctor, quæ, si duarum Epistolarum fragmenta, ad Florinum nempe & ad Victorem Papam, excipias, vel temporum injuriâ vel hæreticorum fraude sunt deperdita. Sunt autem hæc: Liber unus contra Gentes de disciplina inscriptus, de quo Euseb. lib. 5. H. st. c. 25. Ad Marcianum fratrem liber unus de Apostolica prædicatione. Varios Tractatum Liber unus. De Ogdoad seu octonario numero Commentarium.

Ad Blastum Romanæ Ecclesiæ Presbyterum Valentinianum contententem, non aliter celebrandum esse Paschale festum, quàm more Judæorum 14ta. nempe lunâ mensis Martii (à quo proinde fatale Quartadecimanorum schisma traxit initium) Epistola de Schismate.

Ad Florinum Romanæ Ecclesiæ Presbyterum Valentini discipulum & Basti socium Epistola altera, de Monarchia; cujus nobis fragmentum duntaxat superest. Denique ad Victorem Romanum Pontificem de Paschali celebrando die Epistola, qua eum hortatur ne Polycratem Ephesiorum Episcopum & Asiaticos, quòd Europæorum more Pascha die Dominico celebrare nollent, sed illud more Judæorum agerent, decreta excommunicatione percelleret.

### De Tertulliano. 216.

Tertullianus. 36

Tertullianus natione Afer, patriâ Carthaginensis, patre natus Ethnico Centurione Proconsulari, vir acri præditus ingenio ac vehementi, divinis imbutus disciplinis pariter & humanis, circa an. 196. sub Victore Rom. Pontif. & imperante Septimo Severo, è Gentili ad Christi fidem conversus, pro more Christiano dimissâ togâ pallium induit. Carthaginensis Ecclesiæ postmodum Presbyter effectus, quamplurimos eruditione plenos pro Ecclesiâ scripsit libros. Tandem cùm, ut ait S. Hieronymus, usque ad mediâ ætatem Presbyter Ecclesiæ permanisset, Procli cujusdam Montanistarum homi-

nis. Florinus initio Sæculi tertii. Quo anno obierit incertum. Postea tum 216 adhuc eum supersuisse arbitramur.

nis infaniâ delusus, & aliunde Clericorum Ecclesiæ Romanæ contumeliis & invidiâ latus, ad insanum Montani dogma turpiter lapsus est, atque contra Ecclesiam varia edidit volumina, in quibus varios aspersit errores; quibus nec vacui sunt libri illi, quos pro Ecclesiâ scripsit. Eorum præcipuos infra adnotabimus. Ob ingentem suam eruditionem, & quia Ecclesiæ dogmata contra hæreticos strenuè propugnavit, nihilominus à Veteribus Ecclesiæ Patribus adnumeratus fuit, & adhuc adnumeratur. (k) Fertur vixisse ad decrepitam ætatem usque, & multa quæ non extant, opuscula condidisse, teste Hieronymo de Script. Eccl. Sed an post lapsum, ad Ecclesiam redierit, quo etiam mortis genere, ubi, & quando vivere desierit, nulli libi constat.

Scripta  
ejus pro  
Ecclesiâ.

Scripta ejus pro Ecclesia hæc sunt: 1mo. Apologeticus liber pro Christianis persecutione vexatis sub Severo Imp. & sævientem quinta post Neronem persecutionem. 2do. Ad Nationes libri duo de eodem argumento. Sed illius operis paginæ complures ita corruptæ vel corrosæ, aut injurioso vetustatis pede quassatæ sunt, ut, quale nobis hodie superest, videatur parum utile. 3tio. De testimonio animæ liber unus, quo probat, animam testari Dei veri existentiam. 4to Ad Scapulam provincie Africæ Præfectum liber unus pro Christianis non vexandis. 5to. De Spectaculis vitan-

dis liber unus, occasione ludorum secularium Romæ editorum impetrante Severo, in quibus varia exhibebantur certamina, & varia voluptatum occasio præbatur, scriptus. 6to. De Idololatia, quàm grave sit scelus, lib. r unus. 7mo. De Corona militis liber unus, pro tuendo Christiano milite, ob non gestatam in capite coronam seu lauream castrensem, quam cæteri Gentiles milites, ex factorum suorum ritu, gestabant. In hoc libro mira de Traditione profertur, quibus Traditiones, non scriptas recipiendas esse suadet, &c. 8vo. De Pallio liber unus, quo rationem reddit, cur à toga, quæ Ethnicum denotabat, transierit ad pallium, quod Christianum indicabat, hoc est, cur relicta superstitione Ethnica Christi militiæ nomen dedisset. 9no. De duplici pœnitentia, una scilicet, quæ fit ante Baptismum, altera, quæ fit post Baptismum, quam græcò vocabulò *Exomologesim* vocat. 10mo. De Oratione liber unus, Dominicalem orationem explicans. 11mo. Ad Martyres liber unus, eos ad perseverantiam exhortans. 12mo. De patientia liber unus, Christianis omnibus patientiam exponens & suadens. 13tio. De habitu muliebri liber unus, in quo mulierum in vestibus luxum arguit. 14to. De cultu fœminarum liber alter, de eodem argumento. 15to. Ad uxorem suam libri duo, quibus suadet ei, ut, si ipse prius illa moria-

(k) Seu *propheta* velut Scriptor Ecclesiasticus habetur.

moriatur, non denuò nubat; vel si nubere velit, Christiano, & non Ethnico, nubat. 16to. De velandis virginibus liber unus, quo probat, virgines esse velandas. 17mo. Adversus Judæos liber unus, quo Messiam venisse probat. 18vo. De præscriptione hæreticorum liber unus, quo probat hæreticorum doctrinas non esse audiendas, quia novæ sunt. 19no. De Baptismo liber unus, quo Baptismi necessitatem ostendit. 20mo. Adversus Hermogenem hæreticum ex Africa virum liber unus, quo materiam non æternam esse probat. 21mo. Adversus Valentinianos liber unus, Deorum multitudinem evertens. 22do. De anima liber unus, in quo varios de anima intermiscet errores. 23tio. De carne Christi liber unus, quo Christum veram sumpsisse carnem probat contra Marcionem, Apellem, Valentinum, & Basilidem hæreticos. 24to. De resurrectione carnis liber unus, quo futuram corporum resurrectionem astringit. 25to. Adversus Marcionem libri quinque, quibus impugnat hæretici hujus de duobus Diis bono uno, malo altero Hæresim. 26to. Scorpium seu Antidotum liber unus, de bono Martyrii contra Gnosticos martyrium inutile dicentes. 27mo. Adversus Praxeam, qui primus ex Asia Patripassianorum hæresim Romam intulerat, liber unus, quo Deum Trinum in personis esse defendit.

Scripta  
ejus contra  
Ecclesiam. Scripta Tertulliani contra  
Ecclesiam verò hæc sunt: 1mo. De exhortatione castitatis liber  
P. Cartier Theol. Tom. I.

unus, quo secundas nuptias dissuadet, atque in eas aded invehitur, ut quasi adulterium illas reprobet. 2do. De monogamia seu unicis nuptiis liber alter, quo secundas nuptias aperte reprobat & damnat. 3tio. De fuga in persecutione liber unus, quo perperam asserit, illicitam esse in persecutione fugam. 4to. De jejuniis adversus Psychicos seu animales liber unus, quo Montani rigida & insolita jejunia tuetur contra Catholicos. 5to. De pudicitia liber unus, in quo Bigamos, seu secundis nuptiis junctos, quasi mœchos ad poenitentiam non admittendos esse contendit.

Præter hæc Opera duo adhuc sub nomine Tertulliani circumferuntur libri, De Trinitate unus, alter De cibis Judaicis. Primum esse illius vult Rufinus; negat verò S. Hieronymus, vultque illum esse Novatiani cujusdam, quia in eo nominatim Sabelliana refellitur hæresis, quæ primum post Tertulliani tempora, & Novatiani ætate grassari cepit. Alter verò non sapit Tertulliani styllum, sed Episcopi cujusdam populo suo scribentis, inquit Bellarminus.

Errata denique Tertulliani præcipua hæc sunt: 1mo. Quòd Deum corporeum esse dixerit, lib. de poenit. cap. 3. lib. adv. Hermogenem cap. 35. lib. adv. Praxeam cap. 7. & lib. de carne Christi cap. 11. 2do. Quòd animam corpoream esse docuerit, lib. de anima cap. 5. 6. 7. 8. 9. & c. lib. de carne Chr. c. 11. & lib. de resur. carn. c. 17. 3tio. Quòd eam esse traduce per semen fieri senserit, atque simul cum

Q 9 9

carne

Dubia Te-  
tulliani  
Scripta.

carne in utero matris seminari. Lib. de anima cap. 9. 22. 27. & 36. 4to. Quod iustorum animas ante diem iudicii in cælo recipi negaverit, lib. de anima cap. 55. & alibi passim. 5to. Quod millenarium Christi in terris regnum post resurrectionem futurum asseruerit variis in locis, præsertim in fragmentis libri *de spe fidelium*, dicens: *In terra quidem regnum Christi nobis repromissum ante calum post primam resurrectionem (1), sed tamen ita ut in eo resuscitentur sancti omnium spiritualium bonorum copia.* 6to. Quod baptizandos esse tenuerit, lib. de præscript. cap. 12. lib. de baptismo, cap. 15. & lib. de pudicitia cap. 19. 7mo. Quod secundas nuptias ut stupra damnaverit, lib. de resurrect. carn. cap. 8. & in libris De Exhortatione castitatis, De Monogamia, & De Pudicitia. 8vo. Quod B. V. Mariam semel post enixum Christum nupturam dixerit, lib. de Monogamia cap. 8. 9no. Quod fugam in persecutione ut illicitam arguerit. Lib. toto De fuga in persecutione.

Reperiuntur plura adhuc Tertulliani errata, sed hic sufficiat notasse præcipua, ex quibus satis patet, mirum non esse, quod à Gelasio Papa in Romana 70. Episcoporum Synodo illius Opera apocrypha fuerint dicta; unde cautè & cum prudenti

iudicio legendi sunt nedum libri illi, quos in hæresi & contra Ecclesiam edidit, sed & eos, quos pro Ecclesia scripsit, præsertim quos adversus Praxeam, Hermogenem, De anima, & De carne Christi, & De poenitentia scripsit, percurrere oportet, utpotè in quibus nonnulla erronea & suspecta inveniuntur. Uno verbo, S. Hieronymi consilium sequinos oportet, ac Tertullianum sic legere, quo modo Origenem, Novatum, Arnobium, Apollinarium, & nonnullos alios Scriptores Græcos pariter, & Latinos, ut bona eorum eligamus, vitemusque contraria, juxta Apostolum dicentem 1. Thessal. cap. 5. v. 21. *Omnia probate &c. quod bonum est tenete &c.* Vide Euseb. in Chron. & lib. 2. Hist. S. Hieronym. in Cat. S. Hilar. in Matth. S. Aug. de hæret. Baronium, Bellarm. &c.

#### De Clemente Alexandrino.

220.

Titus Flavius Clemens, vulgò & meritò dictus Alexandrinus, quia Alexandria natus, Alexandria Ecclesiæ Presbyter, & Alexandria Pantæni Philosophi quondam auditor fuit, ac Pantæni post mortem in Ecclesiastica Alexandria Schola Successor, ibique Origenis Magister, & Neophytorum Catechistes venerandus & insignis.

Flo.

Clemens 37.  
Alexandri-  
nus, obiisse  
creditur  
anno Chr.  
circiter  
220.

(1) Per primam resurrectionem hic perperam intelligit Tertullianum eam, quæ fiet in universali corporum resurrectione, cum tamen certum sit ex SS. Patribus præsertim Augustino lib. 2. de Civ. cap. 7. 8. & 9. primam resurrectionem esse animarum, post illius à corpore separationem; secundam verbè esse corporum resurrectionem, post hujus mundi finem & in die iudicii extremi.

Floruit sub Severi Imperatoris ejusque filii M. Aurelii Antonini Caracallæ temporibus, secundo cadente Sæculo, & obiisse creditur ineunte tertio, circa annum Chr. 220. postquam Ecclesiam mira sua eruditione illustrasset.

### De Origene. 254.

Origenes 38  
obiisse cre-  
ditur anno  
Chr. 254.

Origenes vir fuit Ægyptius natione & patriâ Alexandrinus, sancti Leonidis Martyris filius, & in fide ac sacris litteris discipulus Clementis Alexandrini. Ita castitatis amans fuisse dicitur, ut in persecutione Deciana post varia pro Christi fide superata tormenta, tandem maluerit fidem negare, & thus idolis offerre, quàm læsa castitate, impuro Æthiopi misceri, & nefando contaminari crimine. Fuit ingenio sublimis, & eruditione profundus (m), ait de illo S. Hieronymus; verùm Philosophiâ deceptus Platonicâ, tot errores ac impia dogmata locutus est, ut illum non *Originem*, sed hæresum ferè omnium originem vocitent nonnulli, & expressè illum sanè non sensit de Spiritu sancto dicat S. Basilii, illum inter hæreticos recensent sanctus Epiphanius, & illi sicut & Ario, Eunomio, Macedonio, Nestorio, & Eutychemi, anathema dicat Oecumenica V. Synodus; Quamvis olim defensores suos habuerit. (n) Obiisse creditur Tyri an. Chr. 254. ætatis suæ 69. qui juxta Cassiodorum, ubi bene, nemo melius; ubi male, nemo pejor. Tot Opera scripsit, ut nemo mortalium plura, ut mihi non solum perlegi, sed nec inveniri posse videantur,

Q q q 2 in-

Scripta  
ejus quæ  
adhuc su-  
persunt.

Ex variis, quæ scripsit operibus hæc supersunt tantum: 1mo. Oratio ad Gentes, seu ad infideles & nondum in Christum credentes, in qua illos hortatur, ut abjecto falforum numinum cultu Christianam Religionem amplectantur. 2do. *Paragoge* libri tres, in quibus vitæ moralis disciplinam tradit. 3tio. *Stromatum* libri octo, sive *Commentariorum* de varia multiplicique litteratura ad instruendum Christianum Philosophum libri octo. *Stromata* vocantur, hoc est, stragula ob miram rerum varietatem, quem ibi sternit, exhibet, & exponit; sicut enim stragulæ vestes sunt veluti ex variis centonibus contextæ; sic Clemens Alexandrinus in opere isto nedum varia de divinis litteris sternit & contexat, sed si quid sit apud Græcos scitu dignum affert, sicque varia de Philosophia & de Religione miscens, veram & Christianâ dignam tradit scientiam. Hujus operis initium temporum injuriâ deperit.

(m) Adeo patiens laboris fuit, ut ob insatigabilem in scribendo, legendoque patientiam *Adamantius* fuerit cognominatus.

(n) Pro eo Apologias ediderunt Eusebius Cæsariensis, & Rufinus Presbyter, & alii. Nec desunt hac nostra ætate Orthodoxi Scriptores, qui ea, quæ paulo durius circa mysterium SS. Trinitatis elocutus est, benigne interpretantur.



inquit Vincentius Lirinensis : edidit enim, Epiphanio teste, fena millia librorum, & fere in totam S. Scripturam; pauca tamen nec omnia indubitata reperiuntur hodie.

Ipsius Scripta indubitata.

Præcipua ejus Scripta sunt hæc : 1mo. Homiliæ sive Tractatus, vel Commentarii in Scripturam. Ut in Genesim, Homiliæ 17. In Exodum, 13. In Leviticum, 16. In Numeros, 28. In Josue, 26. In librum Judicum, 9. In librum Regum, 1. In Psal. 36. 37. & 38. Homiliæ 9. In Cantica, 9. In Isaiam, 9. In Jeremiam, 14. In Ezechielem, 14. In Job, 4. In Matth. Tractatus 35. In Lucam Homiliæ 39. In Joannem Tractatus 30. In Epistolam ad Romanos, Tractatus 36. 2do. Periarchon, seu de principiis libri 4. quibus præcipua exponuntur Religionis nostræ principia. 3tio. De reſta in Deum fide Dialogi tres contra Marcionitas. 4to. Contra Celsum Ethnicum de Epicurea Secta virum libri 8. quibus refellitur calumniosus Celsi in Christianos liber, cui *Veri Sermonis* titulum dederat. 5to. Philocalia sive de amore pulchri liber unus, in quo continentur diversæ S. Scripturæ quæstiones & solutiones earum ex variis ejusdem libris à Gregorio Nazianzeno excerptæ. 6to. De historia Susannæ epitome cum Epistola pro resolvendis propositis circa hujus historię veritatem dubiis. 7mo. Tetrapla, Hexapla, & Octapla ab Origene contexta. Tetrapla nihil

aliud sunt, quàm quatuor Veteris Testamenti editiones, nimirum Septuaginta Interpretum, Aquile, Symmachi, & Theodotionis, totidem diversis columnis exhibita. Hexapla verò sunt sex editiones, nimirum quatuor prædictæ, & duæ aliæ Hebraicæ iis additæ, una litteris Hebraicis, Græcis altera. Octapla denique sunt sex illæ, & duæ aliæ sine auctoris nomine iisdem superadditæ. (o)

Sub nomine Origenis præter memorata Opera præ manibus habemus adhuc, In Job libros tres, & in eundem Commentaria. Sed hæc illius esse negat Bellarminus, quia priorum librorum Auctor Homouſianorum facit mentionem (p), quod nomen diu post Origenem ab Arianiſ fuit inventum; necnon S. Luciani velut jam Martyrii laureâ donati meminit (q), cùm tamen Lucianus iste Origene sit posterior.

Dubia vel suppositicia.

Commentaria in Job pariter non videntur esse Origenis, quia auctor eorum in explanatione c. 3. adfert expositionem S. Luciani Martyris, qui, ut dictum, posterior fuit Origene; necnon in explanatione c. 7. & 8. nominatim refellit Manichæos; certum autem est, Manichæos post Origenem fuisse exortos.

Homiliæ 10. in diversa loca Evangelii sub illius nomine vulgata etiam sunt suppositiciæ, 1mo. Quia in Homilia in cap. 1. Joannis fit pariter mentio Manichæorum & Arianorum, quibus ipse fuit anterior. 2do. Quia in

(o) Vide Tract. de S. Script. part. 1. c. 7. de variis S. Script. editionibus. pag. 141. (p) Lib. 1. (q) Lib. 2.

in Homilia 9. inveniuntur fragmenta ex S. Hieronymo in ult. c. Isaïæ; imò fragmenta alia ex S. Gregorii lib. 15. Moral. cap. 14. qui Origene sunt longè recentiores. 3tio. Quia in Homilia de S. Magdalena stylus est planè latinus, ac proinde non Origenis. (r)

Denique ex supra memoratis Tractatibus 35. in Matth. Tractatus 5tus pariter latini auctoris esse videtur, edquod hujus auctor adducens illa Isaïæ verba cap. 48. v. 16. *Dominus Deus misit me, & Spiritus ejus*, expressè dicat: *In Græco Spiritus sanctus neutrius est generis & non masculini, quemadmodum apud nos (Latinos) & tres casus similes habet, nominativum, accusativum, & vocativum, propterea translatore in latinum sermonem, nominativum pro accusativo casu transulerunt, & dixerunt: Et nunc Dominus Deus misit me & Spiritus ejus; cum sit verius esse in Græco, Et nunc Dominus Deus misit me, & Spiritum suum.* (s) Unde patet, quod, cum hujusce quinti Tractatus auctor se Latinum & non Græcum esse perhibeat, idem suspicari possimus de cæterorum in Matth. Tractatu auctore, inquit Bellarminus.

Præcipua autem Origenis errata hæc perhibentur: imo. Quod Filium in divinis Patre, & Spiritum sanctum Filio minorem asserere videatur, Peri-

archon lib. 1. 2do. Quod Dei Patris potestatem finitam esse docuerit, Periarchon lib. 2. 3tio. Quod tenuerit animas hominum præexistere sine numero & nomine, seu à principio fuisse mentes, rationes, & virtutes sanctas, sed divina contemplatione satiatis & in deterius conversas, in corpora supplicii causâ fuisse demissas, & animas appellatas, Periarchon lib. 1. 4to. Quod animam Christi præexistisse, pariter dixerit, unitamque fuisse Deo Verbo, ante Incarnationem & generationem ex B. Virgine. 5to. Quod senserit primò conformatum fuisse corpus Christi Domini in utero B. Virginis, & ei postea unitum fuisse Deum Verbum & animam, quæ jam præexistebat. 6to. Quod Cælum, Solem, Lunam, Stellas, & Aquas, quæ super cælos sunt, animatas quasdam ac materiales virtutes esse dixerit, Periarchon lib. 1. 7mo. Quod hominum corpora in resurrectione generali rotunda & orbiculata sulcitatum iri somniaverit. 8vo. Quod Christum in futuro Sæculo pro dæmonibus, quemadmodum prius pro hominibus passus fuisset, crucifixum iri. 9no. Denique, Quod dixerit non æterna, sed ad tempus, esse Dæmonum & impiorum hominum supplicia, eorumque finem aliquando futurum, ipsosque dæmones, ac impios homines ad hoc Sæculum redituros, & in pristinum statum suum & ordinem restituendos, ac rein-

Q q 9 3

tc-

Præcipua  
Origenis  
errata.

(r) Verùm posset responderi, hos Patres hæc fragmenta ex ipsius Homiliis decerpisse. (s) Sed posset dici, quod Interpres, non auctor, hæc de se loquatur,

tegrandos, & inde ad beatitudinem evocandos fore.

Unde non mirum, quod pluries & variis in Ecclesiæ Conciliis, ut à Demetrio Alexandriæ Episcopo, dum adhuc ipse Origenes viveret; à Theophylo Alexandrino in Concilio Alexandriæ habito, de cuius damnatione gratulatus est ipsi S. Hieronymus, Ep. 90. & 91. à S. Epiphanio in Cypriorum Episcoporum Concilio; item hæresi 64. à Romana 70. Episcoporum Synodo sub Gelasio habita, in decreto de Apocryphis Scripturis; & denique à Concilio V. Oecumenico collat. 8. can. 2. Ipse Origenes cum suis erroribus & nonnullis, in quibus eodem aspersit, suis libris (†), necnon sequacibus illius damnatus fuerit.

39 S. Cyprianus obiit circa an. 258. *De S. Cypriano. Anno 258.*

S. Cyprianus vir fuit natione Afer, patriâ Carthaginensis, genere divitiisque potens, Senatorio clarus ordine, tamque suavis eloquentiæ famâ celebris, ut publicè artem Rethoricam docuerit, fueritque juxta Lætantium ita ingenio facili, facundò & suavi, ut discerni vix possit, an ornator in loquendo, vel in explicando faciliior, aut in suadendo potentior quisquam fuerit. Ethnicus quidem primò, sed ex Ethnico ad Christi fidem

conversus Cæcilii Presbyteri curis, suasionibus, & monitis; undè *Cæcilius* & ipse postea vocatus, Donati in Baptismo Pater, ex Neophyto, per omnes gradus Presbyter, & è Presbytero Carthaginensis ordinatus Episcopus, totiusque Africæ Primas, peractò cum omni sanctitate in suo Episcopatu decennio, decima sæviente in Christianos persecutione sub Valeriano & Gallieno ejus filio Imperatoribus, delatus à Gentilibus, jussu Galerii Maximi Africæ Proconsulis gladio percussus Carthaginensium omnium primus martyr occubuit, an Chr. circiter 258.

Varia eaque præclara circumferuntur sub illius nomine Opera, quorum quædam indubitata sunt, alia verò dubia vel supposititia ab eruditis reputantur.

Indubitata sunt 1mo. Epistolarum libri quatuor, seu Epistolæ 85. variis temporibus ad varios scriptæ; quarum hic præcipuas dumtaxat assignamus, è quibus aperta depromuntur pro Ecclesiæ Catholicæ dogmatibus, quæ nostri ævi Sectarii impugnant, argumenta, quæ palam evincunt, eadem dogmata à SS. Ecclesiæ Patribus sæculi tertii, quos audiendos, ut & 4ti. & 5ti. Patres, esse volunt Protestantibus (u), propugnata fuisse, ac nunc Catholici omnes tueantur. 1mo. igitur, pro firmando

Opera ipsius indubitata.

(†) Iis scilicet, qui fuere à S. Hieronymo reprobati, prout loquitur ciata Romana Synodus sub Gelasio Papa celebrata.

(u) Attamen nostri ævi Protestantes à vestigia tuorum antecessorum recedunt, & utriusque huius 4ti. & 5ti. Sæculorum Ecclesiæ Patres abominari videntur. Vid. Bossuet. Hist. variat. Ecclesiæ. Prolept. lib. 3. num. 59. pag. 134. edit. 6. anno 1718.

mando Romani Pontificis primatu aperte pignat Epistola ad Cornelium Papam de Fortunato & Felicissimo, quæ est 55ta. 2do. Sanctorum invocationem stabilit Ep. 57. ad eundem Cornelium. 3tio. De celebrandis Sanctorum festis doctrinam confirmat Ep. 34. ad Clerum & plebem de Celerino Lectore ordinato, & 37. ad eundem Clerum. 4to. Morem Ecclesiæ pro defunctis orandi significat Ep. 66. ad Clerum & plebem Furnitanam. 5to. Catholicam de purgatorio doctrinam declarat, Ep. 52. ad Antonianum de Cornelio & Novatiano. 6to. Pro confessione Sacramentali facit Ep. eadem ad eundem. 7mo. Eucharistiæ Sacrificium agnoscit Ep. 63. ad Cæciliam de Sacramento Dominici calicis. 8vo. Pro stabiliendo parvulorum Baptismo adest Ep. 59. ad Fidum de infantibus baptizandis. 9no. Pro antiqua circa lapsos disciplina firmanda habetur Ep. 10. 11. & 12. quarum prima est ad Clerum de Presbyteris, qui temerè pacem lapsis dederunt &c. (x) Altera, quæ est ad Martyres; altera, quæ est ad Martyres & Confessores, qui lapsis pacem dari petierant; & tertia, quæ est ad plebem de rescripto Martyrum, & iis, qui pacem petebant.

2do. De Disciplina & habitibus virginum liber. (y) 3tio. De lapsis, id est, iis, qui tempore persecutionis idolis sacri-

ficaverant mortis & tormentorum metu. 4to. De unitate Ecclesiæ liber, in quo Petri & Ecclesiæ Romanæ primatum & supremam auctoritatem stabilit. 5to. De Oratione Dominica liber, ex quo colligitur, fideles olim ad orationem stetitisse, nempe in orationibus publicis, unde *stationes* dictæ. 6to. Liber ad Demetrianum Africæ Proconsulem, in quo ostendit calamitates quæ tunc Africam vexabant non Catholicis eorumque Religioni esse imputandas, sed Ethnicis, quod Deum non colerent, & insuper Christianos injustis persecutionibus vexarent. 7mo. De idolorum vanitate liber. 8vo. De mortalitate liber. 9o. De opere & elemosynis liber, in quo elemosynæ merita prosequitur. 10mo. De bono patientiæ liber. 11mo. De zelo & livore. 12do. De exhortatione Martyrii ad Fortunatum liber. 13tio. Testimoniorum libri tres ad Quirinum, in quibus à Scripturis testimonia colligit tum adversus Judæos, tum ad vitæ institutionem. 14to. Concilium Carthaginense de baptizandis hæreticis, in quo hæc opinio stabilitur, quæ postea ab Ecclesia damnata fuit.

Dubia vel supposititia S. Cypriani Opera triplicis sunt generis; alia enim sunt talia, ut stylus & Scripturæ citatæ convincant esse ipsius; alia, quorum stylus licet relinquitur dubium, tamen in illis multa sunt, quæ

(x) Necdum sedata scilicet persecutione & citra conscientiam Episcoporum. (y) In eo rogat virginis ut memores illius esse velint, cum inquit, *incipiet in vobis virginitas honorari. Quod pro invocatione Sanctorum facit.*

quæ vel Cypriani esse suadent, vel auctoris Cyprianò coævi; alia denique sunt, quæ certis quibusdam argumentis deprehenduntur non Cypriani, sed aliorum auctorum esse.

Primi generis sunt 1mo. Liber de Spectaculis vitandis. 2do. De Disciplina & bono pudicitiae. 3tio. De laude Martyrii ad Moysen & Maximum cæterosque Confessores, in quo eos rogat, ut sui memores sint postquam Martyrium subierint; quod pro Sanctorum invocatione facit. 4to. De spe veniæ lapsis non negandæ ad Novatianum hæreticum liber.

Secundi generis sunt 1mo. De Cardinalibus seu primariis Christi operibus ad Cornelium liber. Sed stylus illius humilior videtur, quam solet esse Cypriani stylus; & in eo docet auctor, diabolum cecidisse de cælo ante creationem hominis; ac Cyprianus contrarium docet in Tractatu seu libro de zelo & livore. 2do. Dealecatoribus liber, in quo vehementer invenitur in alexæ ludum. 3tio. De montibus Sina & Sion adversus Judæos liber. 4to. De Genesi carmen, in quo quatuor prima Geneseos capita eleganti & heroico carmine redduntur. Opus istud Tertulliano tribuit Sixtus Senensis. 5to. Carmen de Sodomâ. 6to. Carmen ad Senatorem è Christiana Religionè ad idola conversum. 7mo. Oratio pro Martyribus quam dixit sub die passionis suæ.

Tertii generis sunt 1mo. De singularitate Clericorum liber. Origenis esse librum hunc contendunt S. Antoninus, & Vin-

centius Bellovacensis in Summa Hist. Sed stylus latinum auctorem sonat; non tamen Cypriani esse videtur Bellarmino ob nonnulla verba parum latina, quæ nusquam apud Cyprianum inveniuntur, ut sunt v. 9. hæc, *inordinaliter, contubernalitas &c.* 2do. Expositio Symboli Apostolorum. Rufini Aquilejensis Presbyteri est, ut stylus prodit, & testatur Gennadius in Catal. 3tio. De Judaica incredulitate ad Vigilum liber. Est latina versio dialogi græci inter Jasonem Christianum & Papiscum Judæum Vigilio Episcopo dicata. Opus hoc antiquissimum est, quippe cujus meminit Origenes lib. 4. contra Celsum. Hujus versionis auctor est Celsus, ut habetur ex his verbis in fine libri positis: *In mentem jam habe puerum tuum Celsum, sanctissime.* 4to. Adversus Judæos, qui insecti sunt Christum liber, cujus auctor non est Cyprianus, ut colligitur ex stylo, antiquus tamen auctor, ut qui Scripturas juxta Septuaginta citet. 5to. De revelatione capitis S. Joannis Baptistæ liber, qui tam ossium S. Joannis Baptistæ è Sebaſte Alexandriam translationem, quam capitis ejusdem revelationem & translationem in Gallias sub Pipino Francorum Rege, qui primum Sæculò octavò rebus Galliarum præfuit, describit, unde Cypriani non est. 6to. De duplici martyrio ad Fortunatum liber, in quo cum Diocletiani Imperatoris, cum belli Cæsarei contra Turcas fit mentio; unde illius non est. 7mo. De duodecim abusibus Sæculi liber, hoc

hoc est liber, in quo per duodecim capita explicat duodecim abusus & vitandos monet. Cypriani non est, quia passim Scripturas citat ex versione S. Hieronymi Cyprianò longè posterioris. 8vo. De Cœna libellus; nec Cypriani est, nec Cyprianò dignus, cum ineptas & ridiculas contineat fabellas; videtur auctor, quisquis sit, in compendium redigere voluisse historica gesta utriusque Testamenti sub schemate cœnæ cujusdam, sed ita ineptè consilium suum exequitur, ut ridicula & fabulosa multa immiscuerit.

40 S. Dionysius Alexandrinus, *De S. Dionysio Alexandrino.*  
Anno 259.

martyr  
obiit an.  
259. vel,  
ut aliis placet, anno  
265.

S. Dionysius Alexandriae urbis, post Heraclam, Episcopus, qui sub Heracla prædecessore suo scholam Catecheseon Alexandriae Presbyter tenuit, fuitque Origenis discipulus & auditor insignis, & S. Cypriani coævus illustris, ejusque & Africanae Synodi, circa sententiam de rebaptizandis hæreticis, sectator celebris; sæviante persecutione decima sub Valeriano & Gallieno martyrium passus est an. Chr. 259. vel ut alii volunt an. 265.

Ejus Scrip-  
ta.

Plures fertur scripsisse Epistolas; Commentarium in Ecclesiasten; In primam ad Corinthios; In Apocalypsim; & plura alia apud Eusebium & Hieronymum notata. Sed inter hæc omnia, quæ scripsit, sunt præsertim Epistolæ, quarum imago est ad Xystum Papam Stephani successorem de rebaptizandis

P. Cartier Theol. Tom. I.

hæreticis. 2da. Ad Dionysium Romanum Xysti in Romana Sede successorem, & de eodem argumento. 3tia. Ad Paulum Samosatenum, insignis Epistola paulò ante mortem scripta, additis responsionibus ad decem ejus quæstiones. 4ta. Ad Fabium, sive, ut legunt alii, ad Flavianum Antiochenæ urbis Episcopum; in qua dicit, nemini prorsus, in extremisposito, denegandam esse sacrorum mysteriorum communionem. 5ta. Ad Dionysium Romanum Pontificem Apologetica. Accusatus enim Dionysius iste Alexandrinus à Pentapolitanis apud Dionysium Pontificem Romanum, quod scribens contra Sabellium, Filium Dei creaturam, & non ejusdem cum Patre essentia esse, dixisse videretur; Epistolam scripsit Apologeticam ad ipsam Dionysium Romanum, in qua se ab illa purgabat erroris labe. En supremæ in universam Ecclesiam Romani Pontificis in rebus fidei decernendis auctoritatis apertum monumentum.

*De S. Gregorio Thaumaturgo.*  
An. Chr. 265.

S. Gregorius Thaumaturgus, obiit an. Chr. 265.

S. Gregorius Neocæsareæ in Ponto Episcopus, Ethnicis parentibus ortus, antea Theodorus dictus; adhuc adolescens Græcarum Latinarumque litterarum amore captus è Cappadocia Berytum, & Berytò cum Athenodoro fratre Cæsaream Palestinæ transiit, ubi egregiè indolis adolescens ambo, sub Origenis disciplina, quinquentio conversati, & simul cum

R r r

Phi-

Philosophia Christi fidem paulatim edocti, in patriam ad matrem rediēre. In patriam reversus, & paulò post Episcopus, licet reluctans & fugiens, à Phœdimo Amascensium Antistite creatus, tot & tantorum signorum, ac miraculorum ostensione clauit, ut ubique à Græcis *Θαυμασιώτης*, id est, *Mirabilem effector* vocatus fuerit. Obiit meritis ac innumeris penè miraculis clarus, die 17. Novembris an. Chr. 265.

Scripta seu Opera eius genuina & indubitata.

Sub ejus nomine nobis supersunt varia Opera, nec tamen omnia indubitata. Genuina sunt imo. Expositio fidei de SS. Trinitate à S. Joanne Evangelista, mediante Dei genitrice Maria Virgine, per revelationem ipsi Gregorio Neocæsariensi tradita, & ab ipso Scripto mandata & promulgata. 2do. Oratio panegyrica & Eucharistica, sive gratiarum actionis ad Origenem Magistrum suum. 3tio. Metaphrasis sive translatio in Ecclesiasten, duodecim capitibus expressa. 4to. Sermones tres elegantes & docti in Annunciationem B. Virginis Mariæ Deiparæ. 5to. Sermo de sancta Theophania, sive de apparitione Dei in baptismo Christi. 6to. Epistola canonica à Græcis dicta, undecim canonibus congruam decernens poenitentiam pro delictis in Gothorum Barbarorum in Asiæ Provincias & Ponticam ipsam incurfione patratris.

**Dubia.** Dubia ipsius Scripta sunt, imo. Expositio fidei ad Elianum, quam invenit & vulgavit Gerardus Vossius, & quam putavit esse illam, quam ad Elianum

scripsit Gregorius Neocæsariensis, sed perperam, in hac enim dicit, Patrem & Filium esse unum hypostasi, id est, prout intelligit ipse, substantiâ sive essentiâ, & sola animi cogitatione distingui, id est quoad substantiam sive essentiâ. At expositio à Vossio vulgata Sabellium nominatim refellit, cum tamen ob eam, quam primùm citavimus, fidei expositionem, in qua videlicet Gregorius iste asserbat Patrem & Filium hypostasi esse unum & sola animi cogitatione distingui, suspicio orta fuisset, ab ipso foveri Sabellii hæresim. Neque expositio à Vossio sub nomine ejusdem Gregorii vulgata ullibi dicit Patrem & Filium esse hypostasi unum, &c. Præterea videtur scripta contra Arianos, ut ex ejus initio colligitur, ac proinde longè post Gregorium Neocæs. ante Arianam hæresim vitâ sanctum; sic autem incipit: *Inimicissimi & alieni à confessione Apostolica sunt, qui dicunt esse Filium ex non extantibus, & ex principio emittente, æternum & foris adscitum Patri, &c.*

2do. Duodecim fidei capitula, quibus ostenditur, quid sit de Incarnatione Dei Filii credendum. Hæc capitula videntur esse appendix prioris ad Elianum fidei expositionis, unde nec dici possunt esse Gregorii Neocæs. præsertim, cum ad Nestorii & Eutychetis errores refellendos videantur posita, constat autem hos hæresiarchas longè post Gregorii nostri obitum exortos fuisse.

3tio.

3tio. Disputatio de anima ad Tatianum, non testimoniis ex S. Scriptura desumptis, sed Philosophicis argumentis procedens. Dubitant aliqui num illius sit, eò quòd philosophicum nimis, & non priorum Sæculorum Ecclesiæ sapiat stylum: verum hæc ratio non evincit Opus istud illius non esse: de ea tamen remanet dubium propter priscorum de illa sub nomine Gregorii hujus silentium. Vide Basil. lib. de Spiritu S. cap. 29. Greg. Nyss. in Orat. de vita Greg. Thaumaturg. Euseb. l. 7. Hist. cap. 25. Hieron. lib. de Script. Eccl. Gerardum Vossium in Notis ad Greg. Thaumaturg. Opera. Bellarm. de Script. Eccl.

Arianos, Anastas. de Rom. Pont. Baron. in Annalibus.

# SÆCULO IV.

*De Eusebio Cæsariensi. An.*  
340.

Eusebius Cæsariensis. Obiit an. Chr. circiter 340.

Eusebius Cæsariensis Palæstinus natione, imperante Gallieno natus an. Chr. circiter 264. Cæsariensis Ecclesiæ Presbyter ordinatus est ab Agapio Cæsareæ in Palestina Præsule, & deinde post Agapium electus & ipse Cæsariensis Episcopus sub Constantino Imperatore, an. Chr. circiter 313. Unde Cæsariensis vulgò nuncupatus, sicut & *Eusebius Pamphili* pariter cognominatus, ob initum strictæ amicitiae fœdus cum Pamphilo Cæsariensis Ecclesiæ Presbytero, & postea Diocletiani persecutione sæviante Christi Martyre sanctissimo.

Fuit Eusebius vir summi ingenii, & profundæ eruditionis, sed Arianae sectæ fautor ac defensor, imò, si Hieronymo (2) fides, Arianorum signifer ac princeps. Obiit paulò post Constantinum Imperatorem (a), sub cujus Imperio floruit, an. Chr. circiter 340. Scripta relinquens varia volumina, qualia sunt

1mo. De præparatione Evangelica libri 15. quibus Infideles & Paganos ad Evangelicam Christi legem audiendam & sequendam disponit ac præparat. Ex iis nonnisi 14. supersunt. 2do. De Demonstratione Evangelica libri

Eius Scrip-  
ta.

42 S. Dionysius Romanus Martyr obiit annò Chr. 272.

*De S. Dionysio Romano.*  
Anno 272.

S. Dionysius natione Græcus & Eremicola, necnon ex Eremita Presbyter Ecclesiæ Romanæ, ac tandem post S. Xystum Summus Pontifex Romanus electus an. Chr. 260. vel 261. ut placet aliis, undè Romanus vulgò dictus, insignem, inter alia, scripsit Epistolam contra Sabelianos, sed cujus nihil superest præter fragmentum apud S. Athanasium. Sub eo celebratum est Antiochenum illud Concilium, in quo ob suam hæresim damnatus est Paulus Samosatenus. S. Dionysius tandem sæviante Aureliani Imperatoris persecutione Martyr occubuit annò Pontificatus sui undecimò, Chr. 272. Vid. Athanas. contra

Scriptis Epistolam unam contra Sabelianos.

(2) In libris contra Ruffinum. (4) Obiit Constantinus Imperator 22. Maji an. Chr. 334.



libri 20. quibus demonstrat Christianam legem solam ut veram ab omnibus tum Judæis, tum Paganis esse sequendam. Ex iis nonnisi 10. supersunt. 3tio. De Historia Ecclesiastica libri 10. in quibus omnium primus Historiam descripsit Ecclesiasticam, incipiens ab ipso Christi in mundum adventu, & desinens ad annum Constantini 20. Christi verò 325. Hæc Historia omnium calculo eruditorum, est opus egregium & inter omnia Eusebii Opera præstantissimum. 4to. De vita Constantini libri 4. 5to. Adversus hæresim Hieroclis Ethnici, seu duos illius contra Christi fidem libros *Philalethes* inscriptos. 6to. Adversus Marcelum Ancyranum Episcopum, cum Sabellio inter alia asserentem Verbum non esse personam subsistentem & à Patre distinctam, libri 5. 7mo. Chronicon, in quo Historiæ universalis omnium temporum omniumque Nationum ab orbe condito ad sua usque tempora, describit compendium.

Alia ejus  
Opera vel  
dubia, vel  
deperdita.

Plura Eusebii opuscula alia circumferuntur, ut libellus de Locis Hebraicis in latinum translatus à S. Hieronymo. Decem Canones de consonantia quatuor Evangelistarum. Expositio in Cantica. Et opuscula 14. à P. Sirmundo sub Eusebii nomine latine donata & vulgata an. 1643. Sed hæc & alia vel dubia sunt, vel non amplius extant, &c.

ortus, ab Alexandro Alexandria Episcopo primùm ordinatus Alexandria Ecclesiæ Diaconus, eoque gradu in Nicæno Concilio Alexandri Episcopi sui comes individuus, & post ipsum tandem communi Cleri populi que voce quartus à Petro Martyre Alexandrinus Episcopus, Arianorum hostis intrepidus, fidei Catholicæ defensor acerrimus, & Orientalis Ecclesiæ Doctor celeberrimus, famâ, re, & vulgari cognomine Magnus, qui post varia certamina pro fide contra Arianos inita, post eorum fraudes, insidias, accusationes, calumnias, opprobria, persecutiones, post varia & magna exilia, exactis in Episcopatu 46. annis, meritis clarus & miraculis migravit ad Dominum Alexandria sub Valente Imperatore die 2. Maji annò Christi 371. relictis variis insignibus Scriptis, quæ ferè omnia adversus Arianos, vel ipsorum occasione edita fuere.

Hæc autem sunt: 1mo. Oratio contra Gentes, in qua vanitas idololorum ostendit. 2do. Oratio de Incarnatione Verbi, ejusque ad nos corporali adventu; adversus Gentiles. 3tio. Orationes quatuor contra Arianos. In quarum quarta explicat illud Christi, *Ego in Patre, & Pater in me est*, quo abutebantur Ariani ad suam de Filio Dei confirmandam hæresim. 4to. Oratio sive Tractatus in hæc Domini verba: *Omnia mihi tradita sunt à Patre*, contra Eusebium ceterosque ejus gregales Arianos eisdem impiè abutentes. 5to. Oratio de æterna substantia Filii & Spiritus sancti cum Deo,

44 *S. Athanasii An. 371.*

S. Athanasius obiit  
anno Chr.  
371.

S. Athanasius Alexandria in  
Egypto pijs & claris parentibus

Deo, contra Sabellianos. 6to. Oratio, qua unum esse Christum ostendit contra eos, qui duas in Christo hypostasies sive personas esse volebant, unam scilicet, quæ esset carnis, sive hominis assumpti, alteram, quæ esset Verbi alumentis, adeoque humanam unam, alteram divinam; quem errorem postea Nestorius Constantinopolitanus Episcopus tuitus est. 7mo. Ad Serapionem Thmueos Ægypti Episcopum Epistola, contra eos, qui Filium Dei Christum Dominum creaturam esse dicunt. 8vo. Ad Serapionem eundem Epistola altera, contra eos, qui Spiritum sanctum creaturam esse dicunt. 9no. Ad Jovinianum (b) Imperatorem Juliani Apostatæ successorem de fide Epistola, in qua ei fidem Nicænam præcisè exponit. 10mo. De Synodi Nicæne decretis contra Eusebium Epistola. 11mo. De sententia Dionysii Alexandrini Episcopi adversus Arianos Epistola. 12mo. Ad Antiochenes Epistola, hoc est, ad Antiochenæ Provinciæ vel Antiochiæ congregatos Episcopos tam suo quam plurium aliorum ejus Cœpiscoporum, qui ex Italia, Arabia, Ægypto & Lybia Alexandriæ cum illo tunc aderant, nomine scripta, in qua eos monet, ut ab Ariana hæresi resiliunt benigne ut patres & magistri recipiant &c. 13tio. Ad Epictetum Corinthiorum Episcopum Epistola contra hæreticos, in qua eum redarguit, quod in suis Commentariis dixisset, corpus ex Maria genitum esse cum Verbi divini-

tate consubstantiale, quod ut impium & in Ecclesia inauditum fuisse refellit. 14to. Ad Adelphium Onupheos Episcopum & Confessorem Epistola contra Arianos. 15to. Ad Solitarios Epistola, cujus pars posterior videtur esse fragmentum alterius operis ejusdem Auctoris incerti, ut quæ cum priori nullatenus cohæreat. 16to. De Synodis Arimini & Seleuciæ Epistola, in qua earundem gesta enarrat. 17mo. Ad Africanos Episcopos Epistola pro Nicæno Concilio contra Arianos. 18vo. Ad omnes ubique Orthodoxos Epistola, in qua describens ea, quæ per Arianos patiuntur Orthodoxi, hortatur eos ad commiserationem & zelum pro Ecclesiasticis Canonibus & Ecclesiæ fide. 19no. Ad Dracontium Episcopatum fugientem Epistola, qua illum hortatur, ne Episcopatum, ad quem electus erat, fugeret. 20mo. Ad Constantium Imperatorem Epistola, qua se purgat à falsis Arianorum accusationibus & calumniis. 21mo. De fuga sua Apologia. 22do. Contra Arianos Apologia secunda. 23tio. Vita S. Antonii

Denique 24to. Symbolum, quod incipit, *Quicunque vult salvus esse &c.*

Symbolum istud sancti Athanasii non esse, variis conjecturis fulti contendunt eruditi non pauci. Sed tamen communis est aliorum sententia, illud verè esse S. Athanasii, 1mo. Quia id suadet antiqua traditio Ecclesiæ, quæ illud, non sine

R r r 3 vete-

(b) Seu Jovinianum.

veterum Patrum sanè testimonio, in divinis officiis recitandum proponit. 2do. Quia illud velut genuinum S. Athanasii Scriptum agnoscunt & sæpe citant SS. Patres: Gregorius Nazianzenus, in oratione de laudibus S. Athanasii. S. Augustinus, tract. in Psal. 120. lib. 5. de Trinit. cap. 8. Serm. 195. & in Enchiridio cap. 36. & S. Thomas 1. q. 10. a. 2. in argum. Ibid. q. 29. a. 3. & iterum q. 36. a. 2. Denique ibid. q. 42. a. 1. 3tio. Quia sub nomine S. Athanasii citatur à Synodo Augustodunensi sub Leodegario Episcopo & Adeodato Romano Pontifice habita an. Chr. 670. 4to. Quia Symbolum istud Athanasio tribuunt Summi Pontifices, & præsertim Gregorius IX. per suos Legatos ad Græcos, pro Græcorum cum Latinis unione missos, annò Chr. 1233. & Eugenius IV. an. Chr. 1439. in decreto de Armenorum unione; quibus Symbolum istud sub nomine S. Athanasii commendat, quod & idem longè priùs in sua Ecclesia commendaverat Hincmarus Episcopus Rhemenfis circa an. 852.

Neque obest 1mo. Quòd Symbolum istud à S. Leone Magno, Chalcedonensisque Concilii an. Chr. 451. celebrati Patribus citatum haud fuerit ad refellendam Eutychanorum hæresim de unica in Christo natura. Enimverò potuit tunc temporis Symbolum istud Leoni & Chalcedonensibus Patribus esse ignotum, sicuti S. Augustino jam Episcopo Nicæni Canones, quamvis à centum & pluribus annis editi & promulgati, nondum

noti fuerunt, ut ipsemet testatur Ep. 110. eo magis quòd Symbolum istud privatim à S. Athanasio scriptum fuisset. Præterea ex hoc negativo argumento sequeretur Epistolam ipsius ad Epictetum supra num. 13. memoratam non illius esse, quia nec à Leone, nec à Concilio Chalcedonensi citata fuit, et si in ea non minùs, quàm in Symbolo isto Eutychanà hæresis rejiciatur. Genuinam tamen eam esse nemo eruditorum diffitetur.

Non obstat 2do. Quod in eo Symbolo refutentur hæreses tempore S. Athanasii nondum exortæ. Non enim illud scripsit Athanasius, ut jam suo tempore exortas hæreses refelleret, sed ut fidem Catholicam ad præcavendas futuras exponeret, & manifestaret, undè non hæresum refutatio, sed fidei manifestatio vocatur Symbolum istud à S. Thoma 2. 2. q. 1. a. 10. ad 5. Et verò pariter ex Scriptis SS. Patrum variæ refelluntur hæreses, quæ illorum tempore nondum erant ortæ. Sequeretur denique Orationem illius supra num. 6. a nobis commemoratam, in qua tùm Nestoriana tùm Eutychiana hæreses apertè & expressè damnantur, non esse S. Athanasii contra mentem omnium eruditorum.

Non obest 3tio. Quòd nullus Auctor Athanasio coævus, aut coævus vicinus usquam hujus Symboli meminerit, sanctusque Hieronymus in cat. Script. Eccl. ex professo recensens Opera S. Athanasii, de hoc Symbolo aliquid sileat. Id inquam minimè obest sententiæ nostræ: quia, licet nullus pariter Apostolis coæv-

coævus aut coævus vicinus minerit Symboli Apostolorum, aut dixerit illud ab Apostolis editum fuisse, non sequitur, Symbolum illud verè Apostolorum non esse. S. Hieronymus loc. cit. non omnia recenset S. Athanasii Opera, sed pleraque duntaxat, quibus recensitis sic concludit, *Et multa alia, quæ enumerare longum est.* Falsum præterea est, nullum coævum, aut saltem coævum S. Athanasio vicinum hujus Symboli sub ipsius nomine fecisse mentionem, fecerunt enim suprâ laudati SS. Gregorius Nazian. & Augustinus.

46 S. Hilarius  
Pictaviensis. Obiit  
an. Chr.  
369.

*De S. Hilario Pictaviensi.  
Anno 369.*

S. Hilarius, natione Gallus, nobilibus parentibus Pictavis in Aquitania oriundus, & Pictavii patriæ suæ tandem Episcopus, Athanasii coævus, qui ætate licet provecta, ad Christum conversus, brevi magnus, & insignis Ecclesiæ Doctor evaluit Pro fide Catholica è Synodo Biterrensi factione Saturnini Arelatensis Episcopi & Arianæ sectæ viri an. Chr. 356. in Phrygiam exul relegatus, tandemque ab exilio, & è multiplici alio cum hæreticis prælio, in Galliam reversus, Pictavii feliciter obiit, ibid. Jan. an. Chr. 369. relictis doctis & egregiis Scriptis.

Scripta ipsius.

Præcipua igitur ejus Opera sunt hæc. 1mo. Libri 12. de Trinitate contra Arianos. Eos an. Chr. 356. inchoasse dicitur. 2do. Liber de Synodis, seu de fide Orientalium, in quo Arianorum fidei formulas diversis

temporibus Synodisque variis editas post Nicænam Synodum recenset, ut Antiochenæ Synodi formulam an. 341. illam quæ in Pseudo-Sardicensi, an. 347. & illam quæ in Sirmiensis an. 357. edita fuerunt. 3tio. Epistola ad Abram filiam, in qua eam, ad incundas cum cœlesti sponso nuptias, hortatur. 4to. Ad Constantium libri duo: In primo eidem commendat fidelitatem, & deprecatur, ne Catholicos tormentis cruciet: In secundo petit Regis audientiam, ut de fide coram Synodo & Saturnino exilii sui auctore disputet, fidem ex Scripturis ostensurum se promittens. 5to. Liber contra Constantium, in quo persecutionem describit à Constantio motam ab Arelatensi usque ad Ariminense Concilium. Gesta attingit Synodi Seleuciensis in Isauria an. 359. celebratæ, ejusque fidem confutat. 6to. Liber contra Auxentium, quo Catholicos monet de suis gestis Mediolani cum Auxentio. Est Epistola ad Catholicos contra Arianos, nominatim contra Auxentium.

*De S. Ephremo. An. Chr.  
378.*

S. Ephremus seu Ephrem. Obiit annò Chr. circiter 378.

S. Ephremus vulgò Ephrem, nec Græcus, nec Latinus, sed Syrus Ecclesiæ Pater & Scriptor venerandus, Nisibi, juxta Sozomenum lib. 3. hist. & Edessæ in Syria sub Constantino Magno Christianis parentibus ortus, si fides antiquo Græcorum Menologio; vir fuit Eremitæ cultor insignis, & Edessenæ Ecclesiæ Diaconus mirabilis, à Basilio Magno,

gno, prout testatur S. Amphilo-  
chius, sed sanctæ humilitatis  
zelo, ad sacra celebranda my-  
steria accedere nec semel ausus,  
dignus licet apud Deum & ho-  
mines si quis alius; cœlestem  
enim in terris debebat vitam &  
morum sanctitate purissimam,  
necnon eruditionis famâ clarissi-  
mam. Obiit meritis plenus 1.  
Feb. an. Chr. 378.

Etius Scri-  
pta.

Religiosis  
& voto ca-  
stitatis ad-  
strictis non  
licet nubere.

Realis Cor-  
poris Chri-  
sti in Eu-  
charistiæ  
Sacramen-  
to præsen-  
tia.

Scriptis in Syria & Syro ser-  
mone de variis argumentis va-  
ria opuscula, quæ è Syro in  
Græcum, & è Græco in Lati-  
num variis editionibus fuere  
vulgata; ut imo. Tractatus in  
hæc Apostoli verba 1. Cor. 7.  
v. 9. *Melius est nubere quam  
uri*, ubi expressè docet, hanc  
Apostoli sententiam ad solos sæ-  
culares & liberos, non autem  
ad Religiosos, & castitatis vo-  
tò ligatos pertinere: contrà  
quàm tamen sentiant nostri ævi  
Acepholici. 2do. Tracta-  
tus de natura DEI, in quo  
reale Corporis Christi præ-  
sentiam in Eucharistia asserit  
his verbis: *Esto fidelis, at-  
que innocens participa immacu-  
latum Corpus. & Sanguinem  
Domini tui sile plenissima, cer-  
tus, quòd agnam ipsum inte-  
grè comedes...* & infra, *ignem  
& spiritum manducatum atque  
bibendum præstitit nobis, Cor-  
pus scilicet & Sanguinem suum,  
&c.* 3tio. Parenæses sive ex-  
hortationes ad Monachos variz.  
4to. Nonnulli sermones Asce-  
tici. 5to. Enconia quædam in  
Sanctos, ut in Basilium Ma-  
gnum, in Sanctos quadraginta  
Martyres, in SS. Martyres om-  
nes. 6to. Varii alii sermones  
de variis virtutibus aut vitiis.

7mo. ac ultimo Testamentum  
ejus mirabile, quo cunctis va-  
ria ac sanctæ vitæ morumque  
documenta legavit, nec est,  
mirabilis & ultima illius ora-  
tio, quam senio plenus, & fu-  
turæ suæ mortis præfatus edi-  
dit, & orbi Christiano pro Te-  
stamento reliquit. In hoc Te-  
stamento inter alia pro mortuis  
esse orandum, necnon ipsis pro-  
desse vivorum suffragia agnoscit  
his verbis: *Ex nunc volo, fra-  
tres, commonescere & rogare  
vos, ut post meum exitum &  
transitum assidue memoriam mei  
in vestris precibus faciatis &c.*  
Et infra, *Comitamini me in  
Psalms atque orationibus vestris,  
& assidue pro mea parvitate su-  
crificia & oblationes facere di-  
gneturini; & quando diem trige-  
simum complevero, mei memo-  
riam faciatis; mortui enim in  
precationibus atque oblationibus  
commemorationis Sanctorum vi-  
ventium beneficiis afficiuntur,  
&c.* Præterea contra hæreticos  
Christi divinitatem in eodem  
testamento suo pluribus asserit.

Vivorum  
orationes,  
suffragia,  
sacrificia &  
oblationes  
pro mor-  
tuis factæ  
ipsis pro-  
sunt.

Asserit  
Christi di-  
vinitas.

*De S. Basilio Magno. An. 378.*

S. Basilius Magnus insignis  
Ecclesie Pater, natione Græ-  
cus, & regione Ponticus, pa-  
rentibus antiqua nobilitate cla-  
ris, Basilio scilicet patre, &  
Emmelia matre genitus annò  
circiter Chr. 328. frater SS. Gre-  
gorii Nysseni & Petri Sebastæ  
Præfulum, aliorumque dñorum  
monasticæ vitæ professorum,  
quorum uni natu maximo *Nan-  
cratii* nomen erat, necnon S.  
Macrinæ Virginis & Monasterii  
Virginum præpositæ clarissimæ;  
fuit

S. Basilius  
Magnus  
obiit an.  
Chr. 378.  
vel 379.

fuit .S. Gregorii Nazianzeni Athenis & in Eremo socius individuus, & amicus, necnon Græcorum Monachorum in Oriente parens sanctissimus; non quidem ut Ordinis Institutor, sed ut moderator & rector, tum quia Cœnobitis jam in Oriente degentibus vitæ Monasticæ regulas præscripsit, tum quia simul cum illis in Ponticæ regionis Eremo convixit per aliquot annos, per quinquennium, nempe, ut volunt aliqui, hoc est ab anno 357. usque ad an. 362. quo post Eusebii decessum Cæsareæ Cappadocum ordinatus Episcopus fuit; non immerito *Magnus* dictus, imò *Miximi* nomine dignus; quem viri laudarunt permulti, ut S. Ephrem, S. Amphilochius, S. Gregorius Nyssenus, S. Gregorius Nazianzenus, & alii quique. Ab Imperatoribus, ab Hæreticis, ab aliis, à se ipso multa perpeffus, suoque in corpore continuis ferè morbis, dirisque doloribus afflictus, tandem post varios labores, & post libros editos pro Ecclesia tam pro firmanda fidei veritate contra Eunomianos, Sabellianos, & Arianos, quàm pro componenda Clericorum, Monachorum, Virginum, Laicorumque vita, & morum disciplina, è terris in cœlum migravit 1. Jan. an. Chr. 378. vel 379.

**Opera ejus** Scripta ejus hæc sunt. 1mo. Homiliæ 11. in Hexameron, seu historia de opificio sex dierum; et Homiliæ 17. in nonnullos Psalmos. 2do. Adversus Eunomium libri 5. in quibus im-

*P. Cartier Theol. Tom. I.*

pias refellens hujus hæretici blasphemias, Filium in divinis Patri æqualem esse & consubstantialem probat. 3tio. Contra Sabellianos, Arianos, & Anomæos liber unus, sive Oratio una vel Homilia, qua mirum in modum confutat horum hæreticorum blasphemias, & contra eos Deum unum in natura & Trinum in personis ex Scriptura probat. 4to. Adversus eos, qui calumniantur nos, quòd tres Deos colamus Oratio seu Homilia, qua illos increpat & calumniam refellit. 5to. De Baptismo libri duo. 6to. De Spiritu sancto, in quo fusi 30. capitibus disserit, & varias de Spiritu sancto quæstiones resolvit; ubi & incidenter c. 27. mira de traditione profert dicens inter alia: *Dogmata, quæ in Ecclesia prædicantur, quodam habemus è doctrina scripto prodita, quædam rursus ex Apostolorum Traditione in myste. io, id est, in occulto tradita recipimus, quarum utraq; parem vim habet ad pietatem &c.* 7mo. Ascetica Opera: ad quæ reducuntur regulæ fusiùs disputatæ, & regulæ breviores seu compendiosæ disputatæ: seu interrogationes, sive quæstiones de variis argumentis ad vitæ Monasticæ perfectionem spectantibus per Monachos Orientales Basilio propositæ & ipsius responsionibus solutæ in duobus libris, quorum primus 55. alter 315. continet, comprehensæ. 8vo. Ethica seu moralia ejusdem Opera, ad quæ pertinet liber Moralium 8. regulas completens ex Novo Testamento contextas, in quibus morum doctrina

doctrina exponitur. Iis velut Pro-  
cæmium præmisit Librum de ju-  
dicio. Ad ista etiam, præter  
plura alia moralia opuscula,  
reducitur admonitio ad filium  
spiritualem, &c. 9no. Ad Am-  
philochium Epistolæ Canonice  
tres in 85. Capitula sive Cano-  
nes, unde Canonice dictæ, dige-  
stæ de variis articulis Ecclesiæ  
disciplinam spectantibus. 10mo.  
Epistolæ ad varios multæ, vide-  
licet 212. 11mo. Liturgiæ, seu  
sacra incruenti Christi sacrificii  
celebrandi formula, quæ licet  
inter S. Basilii alia Opera non  
inveniatur, memoratur tamen  
à S. Proclo Episcopo Constanti-  
nopolitano in Tractatu de tradi-  
tione divinæ Liturgiæ, qui est  
Tom. 6. Bibl. PP. editionis Lug-  
dunensis, an. Chr. 1677.

Opus dubi-  
um vel sup-  
posititium.

Præter hæc memorata Ope-  
ra, sub ejus nomine circumfer-  
tur Liber de vera Virginitate ad  
Letojum Mitilensem Episcopum,  
in quo non tam Virginitas lau-  
datur, quàm, quid sit vera  
Virginitas ostenditur. Suppo-  
sititium à nonnullis creditur,  
tùm quia multa continet, quæ  
S. Basilii modestiæ ac pudori  
non satis conveniunt; tum quia  
inscribitur *Basilii Episcopi ad  
Letojum Mitilensem Episcopum*:  
at, ut ajunt, decesserat Leto-  
jus, antequam Basilius inaugu-  
ratus esset Episcopus, & Otte-  
jus Letoji Successor Mitilensem  
Ecclesiam regebat, dum Cæsa-  
reensem, ut Episcopus regebat  
Basilius. Sed fortè ad hunc Ot-  
tejum scriptus fuit hic liber.

*De S. Optato. An. Chr. 380.* S. Optatus 49  
Milevita-  
nus. Obiit  
an. circiter  
Chr. 380.

S. Optatus natione Afer è  
Milevi, unde Milevitanus, in  
Numidia Africæ regione Præsul,  
quem S. Augustinus laudat ut  
insignem Ecclesiæ Præfulem &  
orthodoxæ fidei defenforem  
egregium. Creditur obiisse an.  
Chr. circiter 380. Ejus natalem  
diem ponit 4to. Junii Martyro-  
logium Romanum.

Scriptit libros septem de Ejus Scri-  
Schismate Donatistarum contra pta.  
Parmenianum Donatistarum  
Carthaginæ Episcopum.

Plures Epistolas aliaque mul-  
ta Optatum scripsisse contendit  
Trithemius, lib. de Script. Ec-  
cles.

*De S. Paciano. An. Chr. 380.* S. Pacia-  
nus. Obiit  
an. Christi  
circiter  
380.

S. Pacianus juxta Pyrenæi  
montis juga in Hispania Barci-  
nonensis Episcopus, eloquentiâ  
& vitæ sanctitate ac eruditione  
clarus, vir antea nobilis laicus  
in Hispania potens & magnus,  
paterque Flavii Lucii Dexterî  
prætorii quondam præfeti, cui  
suum de Script. Eccl. librum  
olim dicavit Hieronymus, me-  
ritis & senio clarus obiit sub  
Theodosio seniore, an. circiter  
380. & de quo Martyrol. Rom.  
9. Martii.

Scriptit Opuscula varia, è Scripta  
quibus supersunt nobis (c) 1mo. ejus.  
Tres ad Simpronianum Nova-  
tianum Epistolæ contra Nova-  
tianos. 2do. Parznensis, sive  
exhortatio ad pœnitentiam. 3tio.  
De Baptismo Epistola, sive ser-

180

mo ad fideles &amp; catechumenos.

50 S. Cyrillus *De S. Cyrillo Hierosolymitano.*  
Hierosolymitanus.  
Obiit annò  
Chr. 386.

S. Cyrillus Hierosolymitanus Patriarcha alacris & egregius Apostolicæ doctrinæ propugnator, eximie sanctitatis, & ad populum docendum facilis & insignis vir, qui è celebri Hierosolymitano Catecheseon Magistro, ab Acaico Cæsariensi, cæterisque Comprovincialibus Episcopis, post obitum Maximi Hierosolymorum Antistitis, ad Patriarchalem Hierosolymæ Sedem ritè promotus est, sub Constantio Imperatore an. circiter 350. in qua Sede varia contra Arianos pro fide Catholica certamina subiit; in qua etiam ejusdem Acaici factione sæpe turbatus, & è qua tandem ejectus, & procul ab urbe pulsus; sed eidem postea restitutus, & honorificè sub Damaso I. Romano Pontifice & Imperatore Theodosio seniore in Generali Concilio Constantinopoli an. 381. celebrato habitus, in ea deinceps quietè & pacificè vixit usque ad annum Christi 386. quo tandem anno die 18. Martii, hoc est quintò post Concilium Oecumenicum II. annò, migravit in cælum:

Ejus Scri-  
pta.

Scripta ejus, quæ ex pluribus adhuc hodie supersunt, hæc sunt: 1mo. Catecheses 18. ad illuminatos extemporaneæ ab ipso adhuc adulescente prolatae, unde non mirum, si quædam in iis minus accuratè exarata à nonnullis eruditis deprehendi videantur. In iis traduntur documenta ad erudiendos & informandos accedentes ad Baptis-

mum vel eò jam recens regeneratos. 2do. Mystagogicæ seu sacrae Catecheses 7. ad recentè Baptizatos. 3tio. Epistola ad Constantium Imp. de Crucis Hierosolymis in diebus Pentecostes circa horam tertiam supra montem Golgotham usque ad montem Olivarum universâ civitatis multitudine spectante apparitione.

*De S. Gregorio Nazianzeno.*  
Anno 390.

S. Gregorius Theologus seu Nazianzenus. Obiit an. Christi 389. vel 390.

S. Gregorius ob eminentem Theologiæ peritiam cognomen- to Theologus, & Nazianzenus vulgò dictus, quia Nazianzi in Cappadocia vel Arianzi propè Nazianzum è Gregorio Patre & Nonna matre genitus, Libanii Sophistæ Athenis discipulus, S. Basilii Magni studiorum & virtutum socius, S. Hieronymi præceptor, à Patre suo Gregorio Episcopo Nazianzeno Presbyter ordinatus, Sazimorum Episcopus postea à S. Basilio Magno Cæsariensi Archiepiscopo designatus, sed eâ Ecclesiâ relicta, nomine Patris sui senio confecti Nazianzenam rexit Ecclesiam, Patre defuncto Constantinopolim profectus, ibi cum Arianis diu multumque pugnans, hujus Sedis Episcopus eligitur à 150. Præsulibus ibidem contra Macedonium congregatis an. 381. Quo Episcopatu statim abdicato in patriam suam Arianzum vicinum Nazianzi pagum rediit, ubi tandem post 8. vel 9. circiter annos obiit, die 9. Maji. an. Chr. 389. vel 190.

Scripta ejus sunt hæc: 1mo. Libri Apologetici, seu Oratio-

S s s 2

nes



nes Apologeticæ quatuor, quibus se luculenter & eruditè purgat à variis, quæ in eum obijciiebantur, vel obijci poterant, de ejus à Patre in Pontum recessu, & ejus ad eundem postea reditu. 2do. Orationes funebres seu laudatorix octo. 1ma. in laudem Cæsarii fratris sui. 2da. In laudem Gorgoniæ fororis suæ. 3tia. In laudem Gregorii Patris. 4ta. In laudem S. Cypriani Martyris. 5ta. In laudem Basilii Magni. 6ta. In laudem S. Athanasii. 7ma. In laudem Machabæorum. 8va. In laudem Heronis professione Philosophi quondam Cynici, sed post conversionem in exilium pulsus, & post triennium reversus. 3tio. Orationes de Theologia 5. in Eunomianos præsertim, de Christi divinitate cum Arianis malè sentientes editæ. 4to. Orationes de pace très variis temporibus & occasionibus habitæ. 5to. Oratio in plagam grandinis qua Tyberinæ Regionis jam maturæ fruges percussæ fuerant. 6to. Oratio in mulieres ambitiosè se ornantes. 7mo. Oratio de moderatione in disputatione servanda, & quòd non sit cuiusvis, & cuiusque temporis de Deo disputare. 8vo. Oratio in sancta lumina, seu in festum sanctorum luminum, festum scilicet Baptismi Christi, quod octavo idus Januarii tam apud Græcos quàm Latinos celebratur. Baptismus autem idèò luminum nomine appellatur, quia purgat & illuminat, & quia insuper est Dei beneficium omnium præstantissimum. 9no. Oratio contra Arianos & de se ipso. 10mo.

Oratio ad 150. Concilii Constantinopolitani Patres habita pro suo à Sede Constantinopolitana obtinendo recessu. 11. Orationes in varios festos dies 7. item duæ in Julianum Imperatorem, & aliæ de diversis materiis cum Traëtatu de fide Synodi Nicænæ, imò & metaphrasi seu translatione in librum Ecclesiastæ. 12mo. Variæ ad varios Epistolæ numerò 80. inter quas duæ reperiuntur ad Cledonium Presbyterum adversus Apollinarium, in quibus ea refelluntur argumenta, quibus Apollinarius probare contendebat, Christum humanam non assumplisse mentem.

Varia insuper Poetica edidit Opuscula, totque in extrema senectute earmina scripsit, ut dicat Hieronymus, eum ad 30. usque millia cecinisse versuum, quorum nec quidem media pars ad nos usque pervenit; ex his supersunt, 1mo. Tragedia, quæ inscribitur *Christus patiens*. Sed eam Gregorio nostro abjudicare videtur Bellarminus. 2do. De rebus suis carmina, seu ad Christum poema, quo nos occultè ad piam Christoque dignam hortatur vitam. 3tio. De Virginitate carmen, quo eam summo perè extollit. 4to. Ad Virgines poema alterum de eodem argumento. 5to. Varia Opuscula alia carmine descripta, qualia sunt, Miracula Christi, Parabolæ Christi, Gencalogia Christi, Moysis decalogus, de duodecim Patriarchis, & nonnulla alia pia &c.

52 S. Gregorius Nyssenus obiit an. Chr. circiter 393.

*De S. Gregorio Nysseno. An.*  
393.

S. Gregorius Basilii Magni Cæsariensis Archiepiscopi, sanctique Petri Sebastiz Præfatis, necnon S. Macrinæ virginis & plurium Virginum Abbatissæ, frater sanctissimus fuit, Nyssenæ urbis in Cappadocia Episcopus, ut vulgò Nyssenus dictus, doctrinâ insignis, & eloquentiâ celebris; cum orthodoxam fidem, & ovile Christi contra grassantes Arianz sectæ lupos strenuè defenderet, ab Ariano Imperatore Valente in exilium missus, ab ejus successore Gratiano post septem annos ab exilio revocatus, Antiocheno Orthodoxorum Concilio in causa Antiocheni trium Episcoporum Schismatis an. circiter Chr. 377. celebrato interfuit; postea etiam claruit in Synodo Constantinopolitana Oecumenica II. annò Chr. 381. habita, atque jussu & nomine ejusdem Synodi Fidei Symbolum condidit, quod Constantinopolitanum vulgò dicitur. Tandem post varios pro Ecclesia Dei exantlatos labores obiit feliciter 9nâ. Martii annò Chr. circiter 393. vel, ut aliis placet, 396.

Ejus Scripta.

Varia & egregia miræ doctrinæ & eloquentiæ Scripta post se reliquit, ut sunt, 1mo. In Hexameron seu opificium sex dierum Explicatio, seu supplementum Hexameron Basilii Magni fratris ad Petrum fratrem. 2do. De opificio hominis liber ad supplenda, quæ defunt in libro S. Basilii de opificio mundi. 3tio. Liber de vita Moysis, quem Petro fratri suo propo-

nit in exemplum. 4to. Commentaria duo, unus in Ecclesiasten, & alter in Cantica Canticorum. 5to. De nomine Christiani ad Harmonium Epist. 6to. De perfectione Christiani hominis ad Olympium Monachum alia. 7mo. De oratione Dominica liber quinque orationibus eam explicans. 8vo. De octò beatitudinibus liber, explicans sermonem Domini in monte Matth. 5. v. 3. &c. 9no. Oratio de subjectione Filii Dei, qua explicatur illud Pauli 1. Cor. c. 15. v. 28. dicentis: *Tunc & ipse Filius subjectus erit ei, qui subjecit sibi omnia, &c.* 10mo. De mortuis sive de dormientibus Oratio, in qua docet, non esse dolendum & lugendum de obitu eorum, qui in fide dormierunt &c. 11mo. De infantibus præmaturè raptis ad Hierium oratio, inquirens, quid de iis judicandum sit. 12mo. De anima & resurrectione cum sorore sua Macrina disputatio. 13tio. De vera & incorrupta virginitate 24. capitibus distinctus liber. 14to. De S. Baptismate orationes duæ, quibus suscepti Baptismi bona, & dilata pericula proponit. 15to. Circa Mysterium SS. Trinitatis tractatus sive libri quinque, quibus varia Catholica dogmata de tribus divinis personis explicantur. 16to. Sermones sive Orationes varii de diebus festis. 17mo. Contra Usurarios Oratio vehemens. 18vo. Oratio de fornicatione vitanda & fugienda juxta illud Pauli 1. Cor. 6. v. 18. *Fugite fornicationem, &c.* 19no. Orationes funebres sive laudatoriæ septem elegantes, S s s 3 cru.

eruditæ & piæ, 1ma. de S. Basilio Magno fratre suo. 2da. De Quadraginta Martyribus. 3tia. De Pulcheria Imperatoris Arcadii filia & Theodosii sorore. 4ta. De Placilla altera Imperatoris Arcadii filia. 5ta. De vita S. Gregorii Neocæsariensis vulgò miraculorum opificis, sive Thaumaturgi. 6ta. De sancto ac magno Martyre Theodoro. 7ma. Oratio in funere Magni Meletii Antiochenis Episcopi.

Suppositi-  
tia.

Sunt & alia nonnulla Gregorii Nysseni opuscula, quæ videri possunt in supra citata editione Frontonis Duçæi. De octo Philosophiæ libris nihil hic dicimus, quia in præfata editione de iis nulla fit mentio, nec S. Gregorii calamus sapiunt, cum in secundo dicatur, animam non creari in corpore, sed ante corpus creatam esse, qui fuit error Origenis.

53 S. Amphilo-  
chius cre-  
ditur an.  
circiter  
Christi 394

De S. Amphilocho. An. 394.

S. Amphilocheus Iconiensis in Lycaonia Episcopus, vir natione Cappadox, in juventute forensensem professus Rhetoricam, sed, relicto Foro, in eremum progressus, & ibi Gregorii Nazianzeni & Basilii Magni socius & amicus, hæreticorumque omnium hostis sua ætate celebris & Fidei Catholicæ defensor insignis, & è Concilii Oecumenici II. Patribus unus &c. obiisse creditur an. Chr. circiter 394. ejus memoria colitur 23. Novembris apud Latinos æque ac Græcos.

Scripta  
ejus.

Scripta ejus sunt hæc, 1mo. De Spiritu sancto liber unus con-

tra Macedoniam. 2do. Carmen ad Seleucum. 3tio. Narratio de muliere, quæ peccata sua in charta conscripserat. 4to. Variæ Homiliæ à Theodoretò non semel citatæ.

Sub nomine ipsius reperitur in Vicis Patrum & alibi *Vita S. Basilii Magni*; sed opus Amphilocho indignum, ut quod multa falsa contineat, atque inter alia, quòd Julianus Apostata Basilii Magni Episcopi precibus fuerit peremptus, cum tamen Basilium nondum Episcopus esset, quando sagittâ confixus est Julianus Apostata, undè falso Amphilocho inscriptum est Opus istud.

De S. Phoebadio. An. 394.

S. Phoeba-  
dus obiisse  
creditur  
an. circiter  
394.

S. Phoebadius natione Galus & primus post Caprasium Aginensis in Vasconia ad Garumnam Episcopus; inter Orthodoxos Ariminensis Concilii Patres cum Servatio Tungrensi contra Arianos fortiter & strenuè pro fide Catholica pugnavit; sed tamen oblatus ab Arianis fidei formulæ apparenter Catholicæ, sed latenter hæreticæ perperam & incautè subscriptus unà cum aliis; quod factum postea revocatione dedit, atque pro fide Catholica deinceps strenuè pugnavit & scripsit.

Scriptis unum de Trinitate librum ad refellendam formulam ab Arianis in Sirmienſi Concilio usam.

Vivebat adhuc Phoebadius, seu, ut eum vocat S. Ambrosius in Epistola ad eum, & ad Delphinum Burdegalem scripta,

pta, Soegatius, annò Chr. 392. quo S. Hieronymus suum de Script. Eccl. catalogum scribebat, & obiisse creditur an. circiter 394. cujus festum Agini celebratur 25. Aprilis.

55 S. Ambrosius. Obiit an. Chr. 397.

*De S. Ambrosio. An. 397.*

S. Ambrosius ex Ambrosio Patre cive Romano, Galliarum Præfecto, in Galliis genitus, Romæ liberalibus disciplinis imbutus, Luguriæ & Æmilie postea Præfectus, & tandem post Auxentium Arianiæ sectæ virum, Mediolanensis Episcopus, vir fuit sanctitate, eruditione, & eloquentia magnus, fideique & Ecclesiasticæ disciplinæ contra Arianos, Imperatores & Imperatrices propugnator fidelis & intrepidus &c. tandem meritis clarus obiit annò circiter Chr. 397.

Scripta ejus.

Scripta ejus genuina sunt, 1mo. Hexameron, lib. 6. 2do. De Paradiso, liber unus. 3tio. De Cain & Abel, liber. 4to. De Noe & Arca, liber. 5to. De Abraham Patriarcha, liber. 6to. De Isaac & anima, liber. 7mo. De bono mortis, liber. 8vo. De fuga Sæculi, liber. 9oo. De Jacob & vita beata libro duo. 10mo. De Joseph Patriarcha, liber. 11mo. De Benedictionibus Patriarcharum, liber. 12mo. De Elia & jejunio, liber unus. 13tio. De Naboth Israhelita, liber. 14to. De Tobia, liber. 15to. De interpellatione & querela Job & David, libri quatuor. 16to. Apologia Prophetæ David. 17mo. Altera ejusdem Apologia, quam non esse Ambrosii tenent multi, tùm ob

Apologia secunda suppositicia habetur

styli diversitatem, tùm quia Davidis adulterium verum adulterium fuisse negat, & allegoricè sumendum esse docet Auctor illius; cùm tamen Ambrosius in priori sua Davidis Apologia, verum adulterium fuisse teneat, & ejus poenitentiam laudet. 18vo. Enarrationes in Psalmos duodecim. 19no. Expositio in Psal. 118. 20mo. Expositio in Evangelium S. Lucæ, decem libris comprehensa. 21mo. De Officiis Ministrorum libri tres, in quibus quot periodi tot sententiæ. 22do. De Virginitibus ad Marcellinam sororem suam libri tres, in quibus virginitatis dignitas expenditur. 23tio. De Viduis liber unus, in quo viduitatis Christianæ excellentiam prædicat. 24to. De Virginitate liber unus, qui licet de eodem sit argumento, diversus tamen est à libro de Virginitibus. 25to. De institutione virginis ad Eusebium liber unus. 26to. Exhortatio virginitatis libellus unicò comprehensa. 27mo. De lapsu virginis consecrata, liber unus. 28vo. De Mysteriis Sacramentorum, liber unus. 29no. De Sacramentis, libri 6. 30mo. De poenitentia contra Novatianos, libri duo. 31mo. De Fide ad Gratianum Imperatorem libri 5. contra Arianos, 32do. De Spiritu sancto ejusque divinitate ad eundem Gratianum, libri tres. 33tio. De Incarnationis Dominicæ Sacramento liber unus, contra hæreticos præsertim Arianos. 34to. Fragmentum ex Theodoro de sumptum, in quo reperitur quædam fidei expositio, habens asinitatem cum libris de fide, &

à multis eruditis.

& potissimum de Incarnationis Dominicæ Sacramento. 35to. Epistolæ variz numerò 91. in duas classes distributz; prior continet Epistolas 63. secundum rationem temporum distributas; posterior reliquas. 36to. De excessu seu obitu Satyri fratris sui libri duo seu orationes funebres duæ. 37mo. De obitu Valentiniani Imperatoris, qui ætatis suæ anno 20. obierat, consolatio seu consolatoria & funebris oratio. 38vo. De obitu Theodosii Magni Imperatoris Oratio funebris. 39no. Hymni aliquot Ambrosiani, inter quos sunt v. g. *Æternæ rerum Conditor &c. Deus Creator omnium &c. Æterna Christi muneris &c.* & alii.

Cætera  
sunt sup-  
posititia.

Cætera Opera, quæ sub S. Ambrosii nomine vulgata sunt, censentur ab eruditis suppositicia.

56 S. Epiphanius. Obiit  
an. Chr.  
403.

*De S. Epiphanio. An. 403.*

S. Epiphanius in Phœniciz oppido, non procul ab Eleutheropoli, ex infimis & obscuris natalibus ortus, in tenera adhuc ætate relictus à patre cum matre vidua & sorore virgine, necessariis ad vitam fortunæ bonis destitutus, adoptatus tamen à viro quodam professione Judæo Tryphone dicto, ejusque post mortem opulentam assecutus hæreditatem, quæ cum jucundè unâ cum sorore potiretur, defuncta matre, divinæ providentiæ dispositione factum, ut ad propria revertens inciderit in Lucianum quemdam Religione Christianum, professione vitæ

Monasticæ, insignem doctrinâ ac pietate virum, cujus suasionibus & monitis ad Christum conversus, baptizatus, pauperibusque fortunæ suæ bonis relictis, vitam monasticam amplexus est, atque à Luciano in disciplinam Hilarionis in Ægypto commendatus; Hilarionis tandem jussu, vitæ, sanctitatis, & miraculorum famâ jam celebris, Salaminam (d) petit in Cypro urbem, cujus urbis tùm Præfule destitutz inopinatò Episcopus licet reluctans, eligitur, & ordinatur, vir eruditione, sanctitate, & ob quinque linguarum, Græcæ videlicet, Hebraicæ, Latinæ, Syriacæ, & Ægypticæ peritiam à S. Hieronymo commendatus, ac Hæreticorum hostis acerrimus; qui post peractum sub Valente, Gratiano, Theodosio & Arcadio Imperatoribus vitæ suæ cursum, tandem plenus meritis & annis obiit in navi, dum ab Imperatoris aula rediens ad suam Ecclesiam remearet, annò ætatis suæ 115. peractò, Christi verò 403.

Præcipua ejus Scripta hæc sunt, 1mo. Panarium, id est, Capsula vel Arcula medica, salubria continens medicamina contra 80. hæresum venena seu hæreses. 2do. Anchoratus, siue Epistola de vera fide Christi; nuncupatur Anchoratus, quia cum de vera Christi fide doceat & instruat, fluctuantes & in fide vacillantes inslar anchoræ firmat. ac retinet, ne circumferantur omni vento doctrinæ, & pereant circa fidem naufragan-

Scripta  
ejus.

(d) Eam postea Constantiam dictam fuisse, ait Hieronymus.

gantes. 3tio. Anacephalæsis, five totius Panarii summa. 4to. De mensuris & ponderibus, quæ in S. Scriptura reperiuntur, item de asterisco & obelo, notisque & characteribus in divinæ Scripturæ Interpretibus per Origenem usurpatis libellus. 5to. Historia de Prophetarum vita & interitu à Nathan, usque ad Joannem Baptistam. 6to. Epistola ad Joannem Jerosolymitanum Episcopum, qua se purgat apud ipsum de ordinato Presbytero in monasterio extra suam Diocesim, & intra Joannis Diocesim sito, item de discipulo vel præforibus Ecclesiæ Anabathensis Diocesis Jerosolymitanæ appenso, in quo quasi Christi, vel Sancti alicujus depicta pendebat imago (e); hoc utrumque factum concedit, sed tunc legitime factum ostendit &c. 7mo. Libellus in Marcionem scriptus & pavimenti titulo prænotatus, in quo redarguitur Marcion & Scripturarum, quibus utebatur, loca notantur per ipsum adulterata. Liber iste ab ipso Epiphanio Panario insertus est hæresi 41. quæ est Marcionitarum.

*saeculo V.*

## SÆCULO V.

57 S. Joannes Chrysostomus. Obiit annò Chr. 407. De S. Joanne Chrysostomo. An. 407.

S. Joannes ob aureum eloquentiæ suæ flumen vulgari cognomine *Chrysostomus* dictus, nobilibus & Christianis parenti-  
P. Cartier Theol. Tom. I.

bus, patre videlicet Secundo, & matre Anthusa Antiochiæ natus an. 354. Libanii Sophistæ in Rhetorica, & Andragathii celeberrimi in Philosophia discipulus fuit; forensis dein Oratoris aliquamdiu munere fungens, à foro ad eremum transiit, & ab eremo ad Clerum vocatus, ordinatur à Meletio Diaconus, & post quinque annos à Flaviano Meletii successore consecratur Presbyter Antiochenus an. 387. ubi cum per 12. annos vitæ sanctitate, & variarum tum Homiliarum, tum Sermorum prædicatione claruisset, eoque tempore è vivis excessisset Nectarius Archipræfult Constantinopolitanus, ab Arcadio Imperatore Antiochiâ accersitus Chrysostomus, ad Sedem Constantinopolitanam evehitur atque inauguratur Episcopus an. circiter 398. cumque perditus Clericorum, divitum ac nobilium, etiamnum Eudoxiæ Imperatricis mores redarguere non cessaret in exilium pellitur Concilium Armeniæ minoris oppidulum primò; inde revocatus, quòd ludos ad Imperatricis ejusdem statuum in foro Sophiæ divinorum officiorum horis fieri solitos prohiberet, iterum relegatus, Comanæ juxta Pontum Euxinum post 9. sui Pontificatus annum sanctam emisit animam 14. Septembris, an. Chr. 407. ætatis verò circiter 52. vel 53.

Perplura sub ejus nomine Scripta extant Scripta seu Opera, quorū ejus genuina, quorū

(e) De hoc factò vid. quæ inferius Tom. 1. Theol. nostræ ad tract. 3. de Incarnat Appendice de cultu & invocat SS. &c. §. 2. sic de cultu SS. Imag. in resp. ad ob. 1. dicta sunt.

rum aliqua dubia sunt. Genul-  
na autem sunt hæc 1mo. Homi-  
liæ ferè omnes. 2do. De Sa-  
cerdotio libri sex. 3tio. De  
compunctione cordis libri duo.  
4to. De providentia Dei libri 3.  
ad Stargyrium Monachum. 5to.  
De orando Deum libri duo. 6to.  
De comparatione Regis & Mona-  
chi liber unus. 7mo. Contra  
vituperatores vitæ monasticæ  
libri 3. 8vo. Contra Gentiles,  
seu in Babylam Antiochenum  
Episcopum & Martyrem liber  
unus. 9no. Sermones de variis  
argumentis varii. 10mo. Epi-  
stolæ variz, ut ad Innocentium  
Rom. Pontif. duæ. Ad Cyria-  
cum Episcopum exulem una.  
Ad Episcopos & Presbyteros in  
carcere ob pietatem inclusos  
una. Ad Theodorum lapsum  
una. Ad Eutropium Eunuchum  
Præpositum Imperatoris & Con-  
sulem, virum crudelem & sæ-  
vum, qui Imperatoris indigna-  
tionem fugiens in Ecclesia, quod  
prius inhiberi ab Imperatore cu-  
raverat, asylum quæsierat, Epi-  
stolaris Homilia una. Ad Olym-  
piam illustrem virginem & simul  
viduam una. 11mo. Liturgia  
denique, seu sacra incruenti  
Christi Sacrificii celebrandi for-  
mula, sive Missa.

Dubia &  
suppositi-  
tia.

Dubia & supposititia ejus  
Scripta hæc sunt, 1mo. Sex ex  
Homiliis in Genesim, nempe  
Hom. 1. in c. 2. Genes. Hom.  
2. in idem caput. Hom. 3. in  
idem. Tres Hom. in c. 3. Ge-  
nes. Hæ enim non videntur sa-  
pere stylum & phrasim ejus, &

in iis præsertim in 2da. in c. 2.  
Genes. referuntur duo integra  
capita ex libro de Ecclesiasticis  
dogmatibus, cujus Auctor est  
Gennadius Massiliensis Chryso-  
stomò recentior. 2do. Homi-  
liæ 14. in Marcum. Hæ cen-  
sentur esse pii & ignoti ejus-  
dam Monachi ad fratres suos in  
cœnobio suo sacrum Evangeli-  
um explicantis, prout colligi-  
tur præsertim ex tertia. 3tio.  
Celebre opus in Matthæum,  
Opus imperfectum vulgò di-  
ctum (f). Censetur ab erudi-  
tis non esse Chrysostomi, sed  
auctoris cujusdam hæretici, vel  
ab hæretico corruptum; eò  
quòd plura dogmata hæretica  
contineat, 1mo. Homiliæ 3. ani-  
mam aquæ baptismo sanctificari,  
& Spiritum sanctum recipere  
negat. 2do. Homiliæ 4ta. Spi-  
ritum sanctum Filii Ministrum  
vocat. 3tio. Hom. 7ma. ba-  
ptisma hæreticorum irritum esse  
docet. 4to. Hom. 25ta. so-  
lam animam & non corpus esse  
de substantia hominis asserit.  
5to. Homiliæ 48va. Homousia-  
nos Filium Patri consubstantia-  
lem docentes hæreticos dicit,  
& alia plura similia, quæ non  
sapiunt Catholicam fidem, nec  
consequenter S. Chrysostomi  
doctrinam. Item illius non esse  
Opus istud colligitur ex eo, quòd  
nulla ratio fuerit eidem, cur  
de eodem argumento, hoc est,  
in Matthæum scriberet, qui jam  
in eum tot scripserat Homilias,  
sive sermones.

*De*

(f) Dicitur Opus imperfectum, quia non ad finem usque, sed solum  
usque ad 25. c. Matth. perductum est.

18 *S. Hieronymus. De S. Hieronymo. An. 420.*

*mus. Obiit  
an. Chr.  
420.*

S. Hieronymus Ecclesiæ Pater & Doctor excellentissimus an. Chr. circiter 329. Stridone, sitò in Dalmatiæ & Pannoniæ finibus Oppidò, à Gothis quondam everfò, è Christianis & honestis parentibus ortus, statim à primis annis, pià parentum curà, primis & ætati congruis litteris sanctisque moribus imbutus, Romam ulteriùs erudiendus mittitur, ubi sub Donato Grammatico Magistro Græcas litteras didicit simul & Latinas. Ibi sæcularibus disciplinis ad plenum eruditus & Christo in fide renatus, ad Theologiam altioræque studia alia animum adjiciens, antiquorum Philosophorum Pythagoræ, Platonis & aliorum, qui discendi gratià varias invifere mundi regiones, exemplò, in Gallias primùm tendit, Galliarum lustravit oras, aliasque vicinas provincias; inde in Syriam secessit, atque in sanctis Jerosolymæ locis aliquamdiu mansit; inde in Thraciam, Pontum, Bithyniam, Galatiam, Cappadociam, Ciliciamque transit; utque tutiùs Christo serviret Monachi vitam selegit, & Eremi deserta petiit in vasta Syriæ solitudine, ubi Hebraicam cœpit discere linguam à quodam Monacho, qui ex Hebræis Christianam fidem amplexus fuerat. Ex hac solitudine Arianorum persecutione dejectus Antiochiam Jerosolymamque rediit; Antiochiæ degens & trigessimum jam percurrrens ætatis annum, a Paulino Antiocheno Præfule Presbyter est ordinatus; & in

de aliquamdiu Gregorium Nazianzenum tunc Constantinopolim degentem præceptorem habuit & audivit, tùm Romam ad Damasum Papam accessit. Eo an. 383. è vivis sublato in Syriam rediit Hieronymus, Jerosalem tendit, & ad sancta seclæque sibi loca Bethlehemitica feliciter ductus est, ubi severiorem Monachi vitam agens tandem meritis plenus, senio gravis & decrepitis sanctam efflavit animam an. Ch. 420. ætatis suæ verò 91.

Ejus Scripta omnia vel sunt <sup>Ejus Scri-</sup> laudatoria, aut hortatoria; vel <sup>ptis,</sup> polemica, seu contra hæreticos; vel exegetica, seu Sacrarum Scripturarum expositoria. Hic selectiora duntaxat recensebimus & apud Theologos vel contra hæreticos celebriora.

Laudatoria sive hortatoria <sup>æ 1mo.</sup> sunt, 1mo. Ad Heliodorum de laude solitudinis Epistola. 2do. Ad Nepotianum Heliodori ex sorore nepotem de vita Clericorum. 3tio. Ad Rusticum Monachum de vita Monachali. 4to. Ad Lætam viduam de institutione filiarum. 5to. Ad Demetriadem nobilem virginem Romanam de virginitate. 6to. Ad Salvinam de obitu mariti sui. 7mo. Ad Furiam juvenem viduam de viduitate. 8vo. Ad Ageruchiam viduam de monogamia. 9no. Ad Gaudentium de educanda Pacatula adhuc infantula & virginitati jam destituta. 10mo. Ad Celantiam nobilem Matronam de institutione matrisfamilie. 11mo. Ad Marcellam nobilem Romanam foeminam de laudibus Asclæ sororis ipsius. 12mo. Ad

T t t z

Prim-



Principiam virginem Marcellam viduæ epitaphium. 13tio. Ad eandem Marcellam, ut commigret Bethlehem Epistola, quæ Paula & Eustochium filia ipsius, quæ Roma illuc, in Monasterio vitam monasticam acturæ, se contulerant, ipsam ut ad illas veniat, invitant. 14to. Ad Eustochium de acceptis munusculis, inter quæ erant (g) cerasa, à Cerasunte Armeniæ oppido, undè primò à Lucullo Romanam perlata fuere, sic dicta. 15to. Ad Marcellam de acceptis munusculis. 16to. Ad Eustochium de custodia Virginitatis. 17mo. Ad Marcellam de agrotatione Blæfillæ Paulæ filiæ. 18vo. Ad Marcellam de exitu Lææ religiosissimæ sceminæ & Monasterii Præfectæ. 19no. Ad Paulam super obitu Blæfillæ filiæ. 20mo. Ad Pammachium nobilem juvenem Paulinæ Paulæ & Textorii filiæ maritum de obitu Paulinæ uxoris suæ. 21mo. Ad Eustochium virginem epitaphium & laus Paulæ matris, quæ postquam Romæ per quinque annos Monachæ vitam professæ fuerat, inde Jerusalem profecta, sedensque Bethlehem per 20. annos, post condita tam pro viris, quam sceminis monasteria sanctissimè vitam posuerat. 22do. Ad Oceanum Epitaphium Fabiolæ nobilis Romanæ sceminæ. 23tio. Ad Innocentium de muliere, quæ Veracellus à viro adulterii saltò accusata & ad mortem damnata, à carnifice gladiò septies icta

mori non potuit. 24to. Vita Pauli Eremitæ, qui primus Eremitum habitare coepit. 25to. Vita S. Hilarionis Monachi & magni Antonii discipuli. 26to. Vita Malchi Monachi ex Maronia Syriæ vico orti. 27mo. Liber de Viris illustribus, sive Catalogus de Scriptoribus Ecclesiasticis ad Dextrum Prætorio Præfectum & amicum.

Polonica S. Hieronymi Scri-  
pta, seu Epistolæ sive Libri con-  
municæ.  
tra hæreticos, vel calumniato-  
res editi, hæc sunt: 1mo. Con-  
tra Helvidium Auxentii Ariani  
& Mediolanensis Episcopi disci-  
pulum de perpetua Virginis  
Deiparæ Virginitate liber unus.  
2do. Adversus Jovinianum Ro-  
manæ urbis Monachum excucula-  
tum, qui inter alios errores;  
tuebatur Virginitatem non præ-  
stare Matrimonio, & eos, qui  
verè baptizati fuerant, in pec-  
catum relabi non posse (b),  
libri duo. 3tio. Pro his adver-  
sus Jovinianum libris apologetica  
Epistola ad Pammachium  
Paulæ generum & amicum su-  
um. 4to. Ad Domnionem ami-  
cum suum Apologeticon seu  
Epist. 51ma. adversus Mono-  
chum quemdam, qui suos in  
Jovinianum arguebat libros. 5to.  
Ad Pammachium alterum pro  
libris suis contra Jovinianum  
Apologeticon, seu Epist. 52da.  
6to. Adversus Vigilantium na-  
tione Gallum, Barcenonensis  
Ecclesiæ in Hispania Presbyterum,  
Martyrum Reliquias nec  
venerandas esse, nec ad eorum  
se-

(g) Cerasa ab Armeniæ oppido Cerasunte dicto, sic nuncupata.

(b) Hunc errorem resuscitarunt Calvinistæ, asserentes, gratiam semel acceptam nunquam amplius amitti posse.

sepulchra in Ecclesiis vigilandum esse dicentem (i), ad Riparium Presbyterum Epist. 53tia. 7mo. Adversus Vigilantium, qui præter memoratos errores, Cleri coelibatum improbabat, Monachorum in solitudinem fugam vituperabat, cereos in Ecclesiis Sole lucente accensos ridebat (k), &c. liber unus. 8vo. Ad Marcellam adversus Montanum natione Phrygem dicentem, Spiritum sanctum à Christo promissum in se, Priscam, & Maximillam insanas scēminas descendisse; Unam tantum in Trinitate personam admitti debere; Secundas nuptias immundas esse, & ut adulteria reputari debere; tres in anno, ex præscripto Quadragesimas observandas esse; Confessionem peccatorum spernendam esse (l), nec lapsos ad poenitentiam admitti oportere. Epist. 54ta. 9no. (m) Contra Luciferianos per modum Dialogi disputatio. Luciferiani à Lucifero Calaritano in Sardinia Episcopo sic dicti fuerunt. Episcopus iste Arianis adeo insensus erat, ut, ob tale odium in illos, in hunc errorem lapsus sit, atque Episcopos lapsos & ab Ariano lapsu redeuntes sub nulla poenitentia & satisfactione, nisi deposito Episcopatu, suscipiendos esse doceret. Arianorum quoque ba-

ptisima adeo improbabat, ut baptizatos ab eis rebaptizandos esse teneret. Unde se à communione eorum, qui Episcopos Arimini lapsos etiam sub satisfactione Antiochiæ, ubi exul erat, receperant, separaverit. 10mo. Ad Avitum, quid cavendum in libris Periarchon seu de principiis ab Origene editis, Ep. 59. (n) 11mo. Epiphani ad Joannem Jerosolymitanum Epistola, de qua in Epiphania supra egimus, in Latinum translata. Ep. 60. 12mo. Ad Pammachium adversus errores Joannis Jerosolymitani, qui Origene impia sovebat dogmata, præsertim illud, quod contra carnis resurrectionem erat, Ep. 61. 13tio. Ad Theophilum Alexandriæ Episcopum adversus Joannem Jerosolymitanum, Ep. 62. in qua suam Epiphani Epistolæ ad eundem Joannem Jerosolymitanum latinam versionem, suique Monachi in Presbyterum ordinationem defendit. 14to. Ad Pammachium & Oceanum amicos suos contra Rufinum, qui in præfatione ad suam librorum Periarchon Origene latinam versionem Hieronymum velut Origenistam deprædicaverat; unde factum, ut multi Hieronymum velut Origenistam haberent; hic Pammachio & Oceano, qui hac de re ad ip-

T t t 3

sum

(i) Hoc etiam tuerent nostræ ætatis Acatolici. (k) Hæc omnia iterum Acatolici nostri tuerent. (l) Eam quoque spernunt Acatolici nostri. (m) Schisma Luciferi. (n) Hos Origene libros malè verterat Rufinus Presbyter Aquilejensis, addens mutilansque aliquæ, ut quæ in iis erant hæretica, excusaret, & Origenem cunctis legendum ostenderet; eodem à Pammachio rogatus denique vertit Hieronymus nihil immutans; verum ut sine periculo legi possent, quæ in his sunt impie dicta, & cavenda, ad Avitum eruditè declararet.

59

sum scripserant, respondens has calumnias & suspiciones diluit, Origenis prodit errores, & Rufini versionem, ejusque pro Origene defensionem arguit. Et hæc fuit origo dissidii Hieronymum inter & Rufinum. (o) 15to. Ad Rufinum Ep. 66. monet eum, ut cum obliquis & figuratis ipsius laudibus in suspicionem hæresis adductus fuisset, ne simili posthac præconiò illum extollat. 16to. Ad Pammachium & Marcellinum adversus Rufinum Epistola 67. apologetica in tres libros divisa; in 1mo. crimina sibi rursus à Rufino, recrudescente inimicitia vulnere, objecta diluit; in 2do. Rufini invektivam sub nomine Apologia Anastasio Papæ missam confutat; in 3tio. Rufini literis ad se velut excusatoriis datis respondet. 17mo. Ad Ctesiphontem contra Pelagium Ep. 68. in qua Pelagii dogmata refellere incipit. 18vo. Dialogorum adversus Pelagium libri 3. quibus Pelagii errores refellit.

Exegetica S. Hieronymi Scripta, seu Epistolæ Exegeticae, sive Sacrarum Scripturarum Expositoria, vel Quæstionum Resolutoria, sunt, 1mo. Ad Paulinum Presbyterum de singulari divinæ Scripturæ libris Epistola. 2do. Ad Desiderium in Pentateuchum Præfatio. 3tio. Ad Chromatium Episcopum in Paralipomenon Præfatio. 4to. Ad Chromatium & Heliodorum Episcopos in Tobiam Epist. 110. & in Proverbia, Ecclesiasten, & Canticum Canticorum, Ep. 115. 5to. Ad Paulam & Eustochium Epistolæ 3. quarum prima est 116. & Præfatio in Ecclesiasten, quem ex Hebræo transtulit. Altera numerò 117. est Præfatio in Isaia translationem ex Hebraica veritate. Tertia numerò 121. est Præfatio in duodecim Prophetas minores. 6to. Ad Damasum Præfatio in Evangelia, Ep. 123. 7mo. Ad Damasum altera, quæ est num. 125. de quinque quæstionibus ex Genesi motis. 8vo. Ad Evagrium Ep. 126. de Melchisedech,

(o) Fuit Rufinus Presbyter & Monachus Aquilejensis rerum peritis celebris, & ab ipso Hieronymo celebratus. Romæ, quo se contulerat, discedens in Ægyptum ibidem Solitarios invitatus recessit, atque postquam aliquandiu ibidem apud Didymum Origenis sectatorem demoratus fuisset, jerosolymam profectus est, ibique per 25. vel 27. annos confidens varia Opera edidit. Inde tandem an. Chr. circiter 397. Romam rediit, ubi, cum, ut diximus, in præfatione sua in libros Periarchon Origenis Hieronymum obliquis & figuratis laudibus velut Origenistam obtrusisset, hujus animum à se avertit. Hinc ab illo velut Hæreticus & Pelagii & Sectatorum illius astringens exagritus, ab Anastasio Papæ Romam, unde excederat, citatur, ut se ab erroribus sibi imputatis purgaret, cumque non comparuerit, sed Apologiam suam duntaxat illuc misisset, à Romano Pontifice amittitur etc. Obiisse dicitur in Sicilia an. Chr. circiter 410. Iosephi Judeæ Opera, Eusebii Historiam Ecclesiasticam è Græco in Latium vertit, & ei quosdam libros addidit. Solitariorum historiam quoque divulgavit, quam Baronius & alii perperam Evagrio adscribunt. Item Commentarios in 75. Psalmos Davidicos, ut & Homilias in nonnullos S. Scripturæ libros.

dech, quod fuerit homo &c. 9no. Ad Fabiolam de 24. mansionibus, per quas Hebræi ex Aegypto mutatis castris ad terram promissam pervenerunt. Ep. 127. 10mo. Ad eandem de vestitu Sacerdotum veteris legis, Ep. 128. 11mo. Ad Dardanum de terra promissa, Ep. 129. 12mo. Ad Marcellam Ep. 130. in qua explicat, quid sit Ephod, Bat, & Theraphim apud Hebræos. 13tio. Ad Rufinum de Salomonis iudicio occasione duarum meretricum &c. Ep. 131. 14to. Ad Vitalem Ep. 132. Quod Salomon & Achaz undecimō, ætatis annō filios genuerint. 15to. Ad Sophronium de Psalmis à se ex Hebræo translatis. 16to. Ad Suniam & Fretelam cum ex Getarum & Germaniæ finibus interrogantes de variis Scripturæ locis, Ep. 135. 17mo. Ad Marcellam Epistolæ tres, 136. 137. & 138. in quibus decem nomina (p), quibus apud Hebræos præcipue Deus designatur; quid significant apud Hebræos *Alleluja*, *Amen* & *Maran*, *Atba*; & quid *Diapsalma* significet, breviter exponit. 18vo. Ad Cyprianum Presbyterum Ep. 139. in qua exponit Psal. 9. *Domine refugi-*

*um factus es nobis* &c. 19no. Ad Principiam Virginem Epist. 140. Explicans Psal. 44. Eructavit cor meum &c. 20mo. Ad Damasum Papam Ep. tres 142. 143. & 146. de Trisagio, de Seraphim visione Isai. cap. 6. & de parabola filii prodigi &c. 21mo. Ad Amandum Presbyterum Ep. 147. varia ex Scriptura proposita explicans. 22do. Ad Hebidiam nobilem apud extremos Gallos exortam sœminam Ep. 150. in qua 12. sibi ab ipsa de Scripturis propositas quæstiones singillatim enucleat & explicat. 23tio. Ad Algasiam nobilem aliam ex ultimis Galliarum finibus ortam sœminam, Ep. 151. in qua 11. quæstiones sibi ab ipsa ex Novo Testamento propositas resolvit & explicat.

Supposititia vel dubia, quæ Supposititiorum Hieronymo tribuuntur scripta sunt, 1mo. Traditiones, seu quæstiones Hebraicæ in Libros Regum & Paralipomenon; quia in Cat. Script Eccl. sua omnia Opera recensens, etiam quæstiones Hebraicas in Genesim, de his fileat. 2do. Commentaria in Threnos, sive Lamentationes Jeremiæ ad Eusebium. Hæc Rabani Mauri esse creduntur,

(p) Nempe *El*, *Elaba*, *Elohim*, *Sabaoth*, *Eliou*, *Heje*, *Adonai*, *Jah*, *Saddai*, *Jehova*. *El* idem est ac fortis; *Elaba* Deus singulariter; *Elohim* Deus pluraliter; *Sabaoth*, id est exercituum, & est cognomen, unde semper jungitur cum alio nomine, nempe cum *Adonai*, & dicitur *Adonai Sabaoth*, id est, Dominus exercituum. *Eliou* Excelsus; *Heje* qui est; *Adonai* Dominus; *Jah*, nomen Deo proprium & abbreviatum *Jehova*; *Saddai*, id est sufficiens, munificus, omnipotens; *Jehova* est nomen Dei primarium consensu quatuor literis, nempe *Jod*, *He*, *Fau*, & *He*, unde Tetragrammaton dicitur, & significat ipsam ineffabilem Dei essentiam, unde & ineffabile vocatur, nec profertur ab Hebræis nisi à Sacerdotibus reverentia causa.

tur, quia inter Rabani Opera inveniuntur, & in iis sententiæ leguntur ex Gregorio Magno Hieronymo longè posteriore collectæ. 3tio. Commentaria in omnes Psalmos. Quia in illis plura docet Auctor S. Hieronymo contraria; ut quod Psalmus 89. Moysis non sit, cujus tamen illum esse contendit Hieronymus; deinde in Psal. 16. Auctor citat Eucherium S. Hieronymo longè posteriorem; denique stylus eorum non sapit Hieronymum. 4to. Commentaria in Job ad Victorium. Bedæ esse autumantur, eò quòd Victorius ille longè post S. Hieronymum & tempore Bedæ Anglicani, Anglicæ Ecclesiæ Episcopus fuerit. 5to. Commentaria in omnes Pauli Epistolas. Hæc Pelagii, vel Pelagiani hominis esse colligunt eruditi, eò quòd plura Pelagiana dogmata contineant, dicatque S. Augustinus lib. 3. de peccat. merit. & remiss. se legisse brevia Pelagii Commentaria in omnes Pauli Epistolas. 6to. Plurima ejus Operibus inserta aliorum esse indicant tituli, nimirum Eusebii Cæsariensis, Rufini, Augustini, Gennadii & aliorum. 7mo. Plurimas Epistolas ibidem insertas, ut ad Demetriadem, ad Geruntii filias, ad Amicum, ad Desiderium, imò & Symbolum ad Damasum, quod incipit, *Credimus*, Pelagii esse opinantur eruditi.

*De Sulpicio Severo. An. 420.*

Sulpicius Presbyter & Scriptor Historiæ sacræ percelebris, à Gennadio Severus Sulpicius,

ab aliis Sulpicius Severus, sed à Hieronymo, Paulino Nolano, Gregorio Turonico & aliis simpliciter *Severus* vulgò vocatur, vir genere nobilis & litteris, S. Martini Turonici, & Paulini Nolenensis discipulus, S. Hieronymi ac Rufini coævus, à Nitio-  
brigibus sive Aginnesibus Aquitanix provincix parentibus, ut creditur ortus, & colligitur ex ejus Historia sacra lib. 2. ubi se Gallum seu Aquitanum non semel dicit, & Phocbadium seu Foegatium Aginni Nitiobrigum urbis Episcopum, suum vocat Episcopum. Obiisse creditur an. Chr. 420.

Falluntur, qui hunc Sulpicium putant esse S. Sulpicium Biturigum Episcopum, cujus meminit Martyrolog. Rom. die 29. Jan. & Gregorius Turonicus lib. 6. hist. Franc. c. 39. & lib. 1. c. 26. hic enim cum an. 585. Matisconensi secundo interfuerit Concilio, longè posterior esse dignoscitur Sulpicio, de quo nunc agimus.

Malè etiam confunditur cum altero S. Sulpicio itidem Biturigum Episcopo, cui cognomen erat *Pius*; hic fuit oriundus è Vastino Biturigum oppido *Vastan* Gallicæ dicto, necnon interfuit Concilio Rhemenfis an. 630. & obiit an. circiter 640. ejusque meminit Baronius in Martyrolog. die 17. Jan. duæ repertiuntur Epistolæ ab ipso ad Desiderium Cadurcensem Episcopum scriptæ, & una ad Verum Ruthenensem Episcopum.

Scriptit autem Sulpicius Severus 1mo. de Historia sacra libros duos, quam exordians à mundi cunis perduxit usque ad Scili-

61 Sulpicius Severus obiisse creditur annò Chr. 420.

Scripta ejus.

Sciliconis & Aureliani Consulatum, hoc est a<sup>o</sup> an. Chr. 400. In quorum primo quædam absurdum immiscet, ut, quod Angeli speciosarum virginum formâ capti, naturæ suæ originisque degeneres, se illis miscuerint, humanam corruerint progeniem, & ex eorum coitu prodierint Gigantes. Item, quod Sacerdotes, qui possessiones habent, immemores sint præcepti Levitis olim impositi, dum eis nulla portio data, quò liberius Deo servirent; cum ex Scriptura certum sit Levitas habuisse possessiones, imò oppida & suburbana, Levitici c. 25. Jerem. cap. 32. Jeremias ex genere Sacerdotum agrum emisit legitur. Act. 4. v. 37. Barnabas Levites agrum, quem possidebat, vendidisse legitur.

Scripsit Sulpicius 2do. De vita S. Martini Turonensis Episcopi librum unum. 3tio. Dialogos tres, quorum primus est de conversatione, virtutibus, & miraculis Monachorum Orientalium in Ægypto degentium, & in quo inducitur loquens Gallus cum Posthumiano amico. In duobus aliis posterioribus exponit virtutes & miracula B. Martini, de quibus nihil dixerat in ejusdem vitæ libro. In his Dialogis plura etiam immiscet erronea, ut quod Ecclesia auro non struat, sed destruat; reprehendit Episcopos, qui libros Origenis damnaverant. In fine Dialogi 2di. ait ex sententia B. Martini Neronem simul cum Antichristo venturum, Neronem scilicet in Occidentali plaga, Antichristum in Orien-

P. Cartier Theol. Tom. I.

tali persecutionem exercendo regnaturum. Deique aliis omiffa monet S. Hieronymus in Ezechiel. c. 36. Severum Suspicionem in Dialogis quibus Gallus & Posthumianus loquuntur, Millenariorum errorem esse secutum.

Scripsit denique etiam Epistolas varias ad varios, ut vult Gennadius, sed ex iis tres solum leguntur, 1ma. ad Eusebium Presbyterum contra æmulos virtutum B. Martini. 2da. ad Aurelium Diaconum, de obitu & apparitione B. Martini. 3tia. ad Bassulum Socrum suam è Tolosa Trevirim, quomodo B. Martinus ex hac vita ad immortalem transierit.

De S. Augustino. An. 430. S. Augustinus. Obiit

an. Chr. 430.

S. Aurelius Augustinus Hipponensis in Africa Episcopus, & Ecclesiæ Doctor Maximus, juxta & sanctissimus, natione Afer, Tagaste in Numidia natus ex Patritio & Monica Christianis parentibus an. 354. ita statim liberalibus disciplinis imbutus fuit, ut Grammaticam prius Tagaste, & Rhetoricam postea Carthagine summa cum laude docuerit; ubi adolescens adhuc in Manichæorum hæresim incidit; inde in Italiam profectus Romæ primum, & Mediolani postea Rhetoricam iterum docuit, donec à S. Ambrosio tunc Mediolanensi Episcopo ad Christi fidem conversus & baptizatus est jam trigesimo major an. Chr. 387. atque in Africam ad patrios agros rediit, ubi cum amicis Deo pariter ferventibus, vitæ à curis sæcularibus

U u u

ribus

ribus procul semotæ peractò trienniò, charitatis motivò ductus Hipponem se contulit, ibi à Valerio Episcopo Presbyter an. 351. ordinatus, & postmodum an. videlicet 356. vivente adhuc Valerio Hipponensis consecratus est Episcopus. Ac tandem, post varia in varios fidei & Religionis hostes certamina, post impugnatos, præsertim Manichæos, Donatistas, Pelagianos, Paganos, & alios; post scripta pro Ecclesia volumina ferè innumera, quibus hæreticos debellavit, dubios in fide firmavit, fideles excitavit, impios terruit, laicos erudit, clericos instituit, monachos docuit, cunctos monuit, omnibus profuit, ubique gentium claruit, cælo tandem maturus, ex hac vita migravit an. Chr. 430. ætatis verò 76.

Genuina  
ipfius Ope-  
ra.

Indubitata ac genuina ejus Scripta secundùm tempora quibus ea exaravit exhibemus.

Igitur adhuc Catechumenus scripsit 1mo. Contra Academicos, seu Philosophos illos, qui ab *Academia* Platonis villa aliqua, *Academici* vulgò dicti sunt; quique nihil ab homine certò sciri posse contendebant. 2do. De beata vita liber unus, in quo ostendit beatam vitam in sola & perfecta Dei cognitione sitam esse. 3tio. De ordine studendi &c. libri duo. 4to. Soliloquiorum libri duo. (p) 5to.

De immortalitate animæ liber unus. 6to. De libris Discipularum liberalium.

Scripta verò illius jam baptizati sunt 1mo. De moribus Ecclesiæ Catholicæ, & de moribus Manichæorum, libri duo. 2do. De quantitate animæ, liber unus. 3tio. De libero arbitrio contra Manichæos immutabilem quamdam & Deo coæternam mali naturam introducere volentes libri tres. 4to. De Genesi adversus Manichæos, libri duo. 5to. De Magistro solo Deo, liber unus. 6to. De vera Religione, liber unus.

Scripta S. Augustini jam Presbyteri hæc sunt, 1mo. De utilitate credendi liber unus. 2do. De duabus animabus contra Manichæos, liber unus. 3tio. Contra Fortunatum Manichæum, qui naturam mali Deo coæternam esse persuadere moliebatur, lib. unus. 4to. De Fide & Symbolo, liber unus. 5to. De Genesi ad litteram liber imperfectus. 6to. De Sermone Domini in monte, libri duo. 7mo. Psalmus contra partem Donati. 8vo. Contra Epistolam Donati, in qua contendebat hic hæreticus nonnisi in sua communione baptismi Christi esse, liber unus. 9no. Contra Adimantum Manichæi discipulum, liber unus. 10mo. Expositiones quarundam propositionum ex Epistola ad Rom. liber unus. 11mo. Expositiones Epi-

(9) Inter illius Opera legitur alius Soliloquiorum liber, animæ ad Deum, qui incipit *Agnoscam te Domine cognitur meus.* Sed Opus istud est Auctoris Augustinò recentioris, ut qui cap. 32. referat Cap. 1. Concilii Lateran. IV. an. 1215. celebrati in quo exprimitur confessio fidei de S. Trinitate.

Epistolæ ad Galatas, liber unus. 12mo. Epistolæ ad Romanos inchoata expositio. 13tio. De diversis quæstionibus octoginta tribus. 14to. De Mendacio, liber unus.

Scripta ipsius jam Episcopi hæc sunt, 1mo. De diversis quæstionibus ad Simplicianum, libri 2. 2do. Contra Epistolam Manichæi, quam vocant *Fiudenti*, liber unus. 3tio. De Agone Christiano, lib. unus. 4to. De doctrina Christiana libri 4. 5to. Confessionum libri 13. 6to. Contra Faustum Manichæum, grande Opus. 7mo. Contra Felicem Manichæum, libri 2. 8vo. De natura boni contra Manichæos liber unus. 9no. Contra Secundinum Manichæum, liber unus. 10mo. De Catechizandis rudibus, liber unus. 11mo. De Trinitate libri 15. 12mo. Contra Epistolam Parmeniani Donatistarum Episcopi libri 3. 13tio. De Baptismo contra Donatistas, libri 7. 14to. De opere seu labore Monachorum. 15to. De bono conjugali contra Jovinianum, liber unus. 16to. De sancta Virginitate, liber unus. 17mo. De Genesi ad litteram, id est secundum rerum gestarum proprietates, libri 12. 18vo. Contra litteras Petiliani Donatistæ libri tres. 19no. Contra Cresconium Grammaticum & Donatistam, libri 4. 20mo. De divinatione dæmonum libellus. 21mo. De unico Baptismo contra Petilianum Donatistam, liber unus. 22do. De peccato-

rum meritis & remissione contra Pelagianos libri 3. 23tio. De Spiritu & littera ad Marcellum occasione hujus Apostoli sententiæ *littera occidit, Spiritus autem vivificat*, contra Pelagianos, liber unus. 24to. De Fide & operibus, contra eos, qui tuebantur bona Opera ad salutem æternam consequendam haud necessaria esse, sed solam fidem sufficere (r), liber unus. 25to. De natura & gratia ad Timasium & Jacobum contra Pelagianos, liber unus. 26to. De Gestis Pelagii, liber unus. 27mo. De Gratia Christi, & de peccato Originali contra Pelagium & Cœlestium, libri duo. 28vo. De Nuptiis & Concupiscentia ad Valerium Comitem contra Pelagianos, libri duo. 29no. De adulterinis conjugiiis ad Pollentium, libri duo. 30mo. Contra duas Epistolas Pelagianorum, libri quatuor. 31mo. Contra Julianum Pelagianum, libri 6. 32do. De Prædestinatione Sanctorum & de bono perseverantiæ libri duo, scripti post libros Retractionum, prout ipsemet testatur libro secundo; unde non mirum, quod in his Retractionum libris eorundem non meminerit. 33tio. De anima & ejus origine, libri quatuor. 34to. De origine animæ & de sententia Jacobi Apostoli dicentis: *Quicumque totam legem servaverit, offendet autem in uno, factus est omniium reus*. 1 libri 2. seu Epistolæ ad Hieronymum scriptæ. 35to. Contra Adversarium Le-

U u u 2

gis

(r) id minus est Sæculo 16to. Lutherus &c.



gis & Prophetarum virum Marcionistam sive alium hæreticum anonymum opinantem Deum hujus mundi opificem non esse, & Deum Legis per Moysen datæ, ut & Prophetarum, ad eandem legem pertinentium, verum Deum non esse, sed pessimum Dæmonem, libri duo. 36to. De videndo Deo liber unus. 37mo. De consensu Evangelistarum, libri 4. contra Pelagianos. 38vo. De Civitate Dei, libri 22. contra Paganos. 39no. De sex quæstionibus contra Paganos expositis, liber unus, per modum Epistolæ ad *Deogratias*. 40mo. Locutionum Scripturæ sacræ, libri 7. 41mo. Ad Orosium contra Priscillianistas & Origenistas, liber unus. 42do. Contra mendacium, liber unus. 43tio. Breviculus collationum cum Donatistis, libri 3. 44to. De Gestis cum Emerito Cæsariensi Donatistarum Episcopo, liber unus. 45to. Enchiridion seu Manuale ad Laurentium, liber unus. 46to. De cura pro mortuis ad Paulinum Nolanum Episcopum, liber unus. 47mo. De gratia & libero arbitrio ad Valentinum & Monachos Adrumetinos, liber unus. 48vo. De correptione & gratia ad eosdem, liber unus. 49no. De hæresibus ad Quodvultdeum, libellus unus, post libros Retractionum scriptus, unde illius ibidem non meminit. 50mo. Epistolæ plurimæ (1), quæ habentur Tom. 2. Operum ipsius. Item Sermones multi, qui reperiuntur inter genuina

S. Augustini Scripta, hæ enim Epistolæ & Sermones ab ipso editi fuerunt, ante libros Retractionum. 51mo. Genuina pariter censeri debent alia S. Augustini Scripta, quæcumque vel memorantur in prædictis Retractionum libris, vel in indiculo Possidii Calamenfis Episcopi & Augustini discipuli, ejusque vitæ ac Gestorum Historici, qui librorum omnium S. Augustini fidelissimum textu Indiculum seu Catalogum: Sic *Enarrationes* seu Expositiones in omnes Davidis Psalmos Augustini verè esse censentur, licet de illis nihil dicatur in Retractionibus, quia memorantur in indiculo Possidii, & ab ipso Augustino in Præfatione Psalmi 118. 52do. denique Retractionum libri duo, in quibus Opera sua recenset Augustinus, atque quæ in iis minus aptè scripsit, retractat. (2)

Cætera, quæ Augustino tribuuntur suppositicia & dubia censeri debent, utpote quæ nec in Retractionibus nec in præfatio Possidii indiculo memorantur, nec alibi de iis ipse S. Augustinus meminit, quamvis illius Operibus sint inserta, ut sunt 1mo. De Grammatica, liber. 2do. Principia Dialecticæ, liber. 3tio. Categoriarum decem, liber. 4to. Principia Rhetoricæ. Hi libri longè diversi sunt ab iis, quos se conscripsisse testatur Augustinus 1. Retract. c. 6. Item Auctor libri decem Categoriarum admittit Antipodas, quos S. Augustinus negat lib. 16.

Suppositicia & Dubia S. Augustino adscripta Opera.

de

(1) 271. numerantur. (2) Habentur Tom. 1. Operum ipsius primo loco.

de Civit. Dei, c. 9. 5to. Ad Demetriadem Epistola, est Pelagii, ut ipsemet indicat S. Augustinus lib. de Grat. Chr. c. 20. 6to. De mirabilibus sacræ Scripturæ libri 7. Hos S. Augustino abjudicat S. Thomas 3. p. q. 45. art. 3. Lovanienses, Bellarminus aliique, neque in Retract. neque in Indiculo Possidii memorantur, neque Augustini stylum sapiunt. Auctor hic post annum 530. aut etiam 700. vixisse perhibetur, cum lib. 2. c. 4. *cycolorum* meminerit. 7mo. De fide ad Petrum Diaconum, libr. De eo nec in Retract. nec in indiculo quidquam; est S. Fulgentii Ruspensis Episcopi, prout stylus prodit, & mutua inter S. Fulgentium & Petrum Diaconum amicitia; Insuper sub nomine Fulgentii legitur ab Ecclesia in secundo Nocturno in festo SS. Trinit. 8vo. De Spiritu & anima liber, in quo citatur Boëtius centum ferè annis Augustino posterior; nam Boëtius an. 526. die 23. Octob. iussu Theodorici Regis occisus est. 9no. Liber quæstionum veteris & novi Testamenti, est viri cuiusdam hæretici, nam q. 2. Mundum propter diaboli præsumptionem factum fuisse dicit. q. 21. Mulierem non ad imaginem Dei creatam fuisse docet. q. 80. Homines non nasci filios diaboli tuetur, & q. 109. Melchisedech esse Spiritum sanctum, & alia similia. 10mo. De Incarnatione Verbi, libri duo. 11mo. De Trinitate & unitate Dei, libr. 12mo. De essentia divinitatis, libr. 13tio. De substantia dilectionis, libr. 14to. De salutaribus documentis, li-

ber. 15to. Liber de amicitia. 16to. Liber de vera & falsa poenitentia. Non sunt hi libri S. Augustini, cum nec in Retractionibus, nec in indiculo reperiantur; & aliunde Auctor libri de vera & falsa poenitentia S. Augustinum nominatim citet, & ab illo dissentiat. 17mo. Concio ad Catechumenos contra Judæos, Paganos, & Arianos. 18vo. Oratio adversus Judæos. In indiculo hæc duo Opuscula reperiri ajunt nonnulli, adeoque esse S. Augustini; sed dubitant alii, ajuntque hæc Possidii verba in indiculo posita, *Adversus Judæos tractatus duo*, intelligenda esse de duobus sermonibus de tempore, videlicet 234. & 235. 19no. Liber de altercatione Ecclesiæ & Synagogæ, nec in Retract. nec in indiculo memoratur, nec stylum S. Augustini sapit. 20mo. De prædestinatione & gratia, libr. Liber iste nec in Retract. nec in indiculo reperitur, nec sapit Augustini stylum, nec ratio seu causa ipsi fuit hunc librum scribendi, cum tam copiose de prædest. Sancti jam scripssisset. Docet etiam hujus libri Auctor. c. 16. hominem potuisse justè à Deo æternum damnari, etiamsi non peccasset, quod est contra Augustinum, lib. 3. contra Julian. c. 8. 21mo. Libri Hypognosticon 6. Catholici, utiles & eruditi quidem, sed nec in Retract. nec in indiculo memorantur, nec sapiunt Augustini stylum. 22do. Liber de Speculo. In illius cap. 3. citatur Boëtius Augustino recentior ævi; & cap. 27. Spiritus sanctus à Filio procedere nega-

u u 3

tur,

tur, cujus oppositum passim affirmat Augustinus. 23tio. Liber de conflictu Virtutum & Vitiarum, qui etiam S. Leoni tribuitur; sed ab utriusque stylo differt, & in illius fine citatur Regula S. Benedicti Augustini & Leone posterioris. 24to. Liber de Antichristo, mentionem facit de Imperio à Græcis ad Gallos seu Germanos translato, quod primum an. 800. evenit. 25to. Liber expositionis in Apocalypsim, cap. 21. de statu præsentis Ecclesiæ exponit id, quod S. Augustinus, lib. 20. de Civ. cap. 17. nimis impudentiæ effe dicit. 26to. Liber Soliloquiorum animæ ad Deum, qui incipit, *Agnoscam te Domine &c.* de quo supra pag. 54. in Nota. 27. Sermones 76. ad fratres in eremo &c. Ab impostore aliquo semilatio sub nomine S. Augustini conficti sunt, qui SS. Augustini, Cæsarii, Gregorii, & aliorum verba identidem immiscet: eorum phrasis (si sermones duo 52. & 53. excipiantur) (u) impropria est, lutulenta & inepta, ut mirum sit, potuisse hos Sermones ab aliquo prudenti viro S. Augustino attribui.

Alia adhuc inter ipsius Scripta recensentur Opuscula, de quibus nihil certi nobis dicendum occurrit, cum nullibi reperiantur notati, nec in Retraët. nec in indiculo Possidii memorentur. Sunt tamen pii & docti, necnon Augustini ingenio digni. Sunt autem hæc, 1mo. Meditationum Liber. 2do.

De diligendo Deo liber. 3tio. Manuale. 4to. De triplici habitaculo. 5to. De Scala paradisi. 6to. De duodecim gradibus abusivorum. 7mo. De contritione cordis. 8vo. De cognitione veræ vitæ. 9no. De vita Christiana. 10mo. De assumptione B. Mariæ. 11mo. De Cantico novo. 12mo. De contemptu mundi. 13tio. De vanitate sæculi. 14to. De obedientia & humilitate. 15to. De bono disciplinæ. 16to. De visitatione infirmorum. 17mo. De consolatione mortuorum. 18vo. De quarta feria. 19no. De Cataclysmo seu Diluvio. 20mo. De tempore barbarico. 21mo. De sobrietate. 22do. Speculum peccatoris. 23tio. De laudibus charitatis. 24to. De honestate mulierum. 25to. De Symbolo fidei. 26to. De rectitudine Catholicæ conversationis. 27mo. De utilitate jejunii. 28vo. De creatione primi hominis. 29no. De arbore scientiæ boni & mali. 30mo. De pugna animæ. 31mo. Psalterium matri suæ. 32do. Expositio super *Magnificat*.

*De S. Paulino. An. Chr. 431.*

S. Paulinus Nolanus. Obiit an. Chr. 431. 63

S. Paulinus in Campania Italiæ provincia Nolensis Episcopus, S. Augustini æqualis & Discipulus, vir non minus sanctitate, quam eruditione clarus, natione Gallus Ebromagi ad Garumnæ fluminis ripam non procul ab Burdegala Aquitanicæ urbe claris parentibus ortus; Ado-

(u) Hi duo sermones ponuntur inter sermones S. Augustini à Lovaniensibus ordine 49. & 50.

Adolescens sub Aufonio suo Burdegala Magistro ita profecit, ut tam in Oratoria quam Poetica facultate docentis gloriam superaverit. Exinde matrimonio Therasia locupletis & pia virgini iunctus cum ea in Hispaniam profectus est bis; inde in Italiam tendens, cum prius Barcinone à Lampio Episcopo Presbyter ordinatus fuisset, & Mediolanò Romæque Iustratis Nolam pervenit, ubi paulò post creatus est Episcopus, quam Ecclesiam sanctæ usque ad obitum suum rexit. Obiit autem an. Chr. 431.

Scripta  
ejus.

Scriptit tam metrò quàm prosâ varia volumina. Scripta ejus soluta sunt, 1mo. Ad Severum Sulpicium Epistolæ 14. 2do. Ad Delphinum Burdigalensem Episcopum, à quo, post primum suum ex Hispania reditum, baptizatus fuerat, Epistolæ 5. 3tio. Ad Amandum Delphini postea Successorem Epistolæ 6. 4to. Ad Victricium Rothomagensis Episcopum, Epistolæ 2. 5to. Ad Aprum Tullensem in Lotharingia Præfulem, Epistolæ 3. 6to. Ad Florentium Cadurcensem Episcopum, Epistola 1. 7mo. Ad Alithium sive Alethium Florenti in Sede Cadurcensi Successorem Epistola una. 8vo. Ad Desiderium fortè Lingonensem Episcopum, Epist. una. 9no. Ad Macarium, illum haud dubie Solitarium, cui Rufinus suam pro Origene direxit apologiam, Epist. una. 10mo. Ad Panmachium virum proconsularem, ut consoletur eum de obitu conjugis suæ Paulinæ, sanctæ Paulæ filiz post Blacillam natu ma-

ximæ. Ep. una. 11mo. Ad Jovium virum eloquentem & eruditum, sed de providentia Dei philosophicè, & non Christianè sentientem, Ep. una. 12mo. Ad Militem quemdam Epist. una, qua eum hortatur ut à Cæsaris ad sacram militiam transiret. 13tio. Ad Sebastianum Eremitam Epistola. 14to. Ad Augustinum, Epistolæ 4. 15to. Ad Alipium, Ep. una. 16to. Ad Romanianum Epist. una, qua ei nuntiat, Valerio Hippônæ Episcopo Augustinum Collegam esse datum. 17mo. Ad Licentium Augustini quondam discipulum, Ep. una, ubi prosâ & carmine eum hortatur, ut relicto Sæculò se totum Christo tradat. 18vo. Ad Rufinum, Epistolæ 2. 19no. Ad Marcel lam Ep. una. 20mo. Ad Celsantiam nobilem Matronam, Ep. una. 21mo. Ad Eucherium & Gallam uxorem ejus, Ep. una.

Scripta ejus metrica seu Poetica sunt, 1mo. Ad Jovium Epistola una, in qua docet factum & fortunam nihil esse. 2do. Ad Aufonium Magistrum suum Epistolæ 4. 3tio. Ad Citharium carmen de naufragio Martiniani &c. 4to. De obitu Celsi pueri carmen panegyricum. 5to. Natales S. Felicis, hoc est, Natalitia carmina varia, in Natalem S. Felicis. 6to. Panegyricus Theodosii super victoria tyrannorum.

Extant insuper in Bibl. PP. Suppositi-  
Opera nonnulla alia, quæ falsò <sup>et alia non-</sup> tribuuntur S. Paulino Nolano, ut 1mo. Sex libri de vita S. Martini Turonensis Episcopi carmine conscripti. Illorum enim  
Auctor

Auctor meminit S. Paulini Nolani, & se ejusdem nominis esse dicit, necnon hoc suum Opus dedicat Perpetuo Turonensi Episcopo, qui sedit annò circiter 470. & præfuit Concilio Turonensi an. 480. longè post obitum Paulini Nolani. 2do. Vita S. Ambrosii. Hæc stylum Paulini non sapit, & auctor indicat se ut ministrum & amanuensem adstitisse S. Ambrosio; Paulinus autem Nolanus nunquam ut Minister adstitit S. Ambrosio, & multò ante ejus mortem Presbyter erat, ut ipse testatur in Ep. ad Alipium. 3tio. Carmen Eucharisticum de vita sua. Illius Auctor scribit Gesta sua usque ad annum vitæ 83. at Paulinus Nolanus non excessit annum vitæ 78. ut constat ex Baronio.

Præter hunc Paulinum celebrantur adhuc alii apud Scriptores Ecclesiasticos; ut sunt 1mo. Paulinus Bitterensis, cujus Epistolam sub annum Chr. 420. Idacius commemorat, inquit Gennadius, & Script. Eccl. 2do. Paulinus auctor memorati Carminis Eucharistici, quem Ausonii ex filio Hesperio nepotem fuisse ex ejus versibus deprehendisse sibi idem Gennadius videtur. 3tio. Paulinus Petricordius, qui suprâ memoratam vitam S. Martini Turonensis sex libris metricè conscripsit, & Perpetuo Turonensium Episcopo dicavit. 4to. Paulinus Aquilejensis Patriarcha tempore Carolomanni, circa an. 774. qui claruit variis in Conciliis contra Elipandum Tolctanum, & Felicem Urgelitanum Episcopos, & contra quos libellum edidit,

cui titulus est, Libellus de SS. T. nitate adversus Elipandum Tolctanum, & Felicem Urgelitanum Antiflites, dictus Sacrosyllabus.

*De S. Nilo. An. 440.*

S. Nilus. 64  
Floruit circa an. 440.

S. Nilus patriâ Constantinopolitanus nobilitate generis atque opibus illustris, adeò ut Urbis Constantinopolitanæ Præfecturâ donaretur. Potentiâ & opibus affluens, iis asceticam vitam prætulit, factus cum filio suo Theodulo in monte Sinai Monachus, & multorum in Oriente Monachorum Abbas, S. Joannis Chrysostomi discipulus, Theodoretæ coætaneus, sub Theodosio juniore, sanctitate & eruditione celebris & clarus circa an. 440. Varia reliquit <sup>Ejus Scrip-  
ta.</sup> eximia solidæ pietatis & sanctæ eruditionis Opera, inter quæ hæc præcipuè numerantur, 1mo. Parænetica, hoc est liber Paræneticus, sive admonitiorius vel hortativus, varia Parænetica complectens capita brevia, sive hortationes & monita. 2do. De Oratione liber, sive de modo orandi Deum. 3tio. Liber Asceticus seu de Christiana Philosophia, quo nomine Monasticam intelligit. 4to. De Monachorum institutione, liber unus. 5to. De Monachorum præstantia tractatus. 6to. Peristeria, seu Tractatus de virtutibus excolendis, vitis que fugendis exemplò Peristeriz clarissimæ eo sæculo fœminæ, & mirandæ virtutis Matronæ, ad Agathilum monasticam vitam agentem. 7mo. De voluntaria paupertate, seu de nihil possidendo tractatus  
ad

ad Magnam Ancyra Diaconissam  
fœminam illustrem & veneran-  
dam. 8vo. Tractatus de vi-  
tiis ad Eulogium Monachum.  
Quem sequitur Tractatus de di-  
versis malignis cogitationibus,  
ad eundem. 9no. Historia de  
Incursione Saracenorum, &  
de martyrio occisorum in mon-  
te Sinai, in qua occisos Presby-  
teros, & filium suum Theodul-  
um aliosque plures sublato as-  
serit. 10mo. Epistolæ 657. de  
novo detectæ & Latinitate do-  
natæ à Leone Allatio post jam  
editas 355. à P. Possevinò S. J.  
quarum duæ ultimæ, una vi-  
delicet ad Olympiodorum Præ-  
fectum, altera ad Heliodorum  
silentiarium. lectæ fuere in Aët. 4.  
Concilio Oecum. VII. in confir-  
mationem sacri imaginum cul-  
tûs.

occupante S. Leone Magno an-  
Chr. 444. die 28va. Januarii.

Ex variis, quæ scripsit, ope-  
ribus præcipua sunt ista, 1mo. pta.  
In Scripturam Opera varia, ut  
in Genes. lib. 11. In Leviticum  
libri 16. sed videntur esse Ori-  
genis, tùm quia sensum litera-  
lem ubique destruit auctor, tùm  
quia reperiuntur inter Origenis  
Opera. In Isaiam libri 5. In E-  
vangelium S. Joannis lib. 5. Di-  
cta Veteris Testamenti anagogi-  
cæ, breviter & dilucidè expli-  
cata. Liber adversus Judæos,  
Breves Anagogæ, de iis, qui  
floruerunt ante Legem, ut Abel,  
Enos, Abraham, Isaac, Jacob,  
&c. 2do. Epistolæ varæ à qui-  
bus 39. numerantur occasione  
impiæ Nestorii doctrinæ ad va-  
rios, & varæ ad ipsum, necnon  
ad ipsum Nestorium aliquot in-  
quarum tertia quæ ipse credere  
debeat, quæve anathematizare  
exponit ei duodecim capitulis,  
quibus singulis additur anathe-  
ma, quæque ideo duodecim  
anathematismi Cyrilli vulgò vo-  
cati sunt. 3tio. Homiliæ 10.  
mirabiles & eruditæ, suntque  
ferè omnes de mirabili Verbi  
Incarnatione & contra impiæ  
Nestorii dogmata, quarum sep-  
tima & octava à P'aulo Emefeno  
Episcopo coram Cyrillo Alexan-  
drino Alexandriæ dictæ fuerunt.  
4to. Apologia ad Theodosium  
Imperat. Ad inclytas Reginas  
Eudoxiam videlicet ejus ux-  
orem & Pulcheriam sororem cùm  
prius, ut eas contra nascentem  
Nestorianam hæresim in fi-  
de firmaret, scripsisset, à Ne-  
storii sectariis accusatur apud  
Imperatorem, quasi aulicæ quie-  
tis perturbator, à quo crimine,

X. x. x.

ut

61 De S. Cy-  
rillo Ale-  
xandrino.  
Obiit an.  
Clm. 444.

De S. Cyrillo Alexandrino.  
Anno 444.

S. Cyrillus Alexandrinus Pa-  
triarcha, post Theophilum a-  
vunculum & ante Dioscorum  
Eutychianum Alexandrinæ Se-  
dis Episcopus an. Chr. 412. vel  
413. ordinatus, vir fuit vitæ  
sanctitate, doctrinæ famâ, &  
ingenii acumine clarus, hære-  
ticorum omnium, maximè Ne-  
storianorum, de quibus tandem,  
Ecclesiæ fulmine prostratò Nesto-  
riò, gloriose triumphavit; in  
Alexandrino primùm & deinde  
in Ephesino Oecumenico Con-  
cilio Cœlestini I. Papæ vices  
agens ut Legatus & Præses. Post  
32. annorum Episcopatum vi-  
tam posuit Theodosio juniore  
imperante, & Sedem Romanam  
P. Cartier Theol. Tom. I.

ut se purgaret, hanc scripsit Apologiam. 5to. Declaratio 12. Capitum, seu Anathematismorum fusior explicatio Ephesi in Concilio prolata. 6to. Liber Apologeticus pro 12. Capitulis ad Orientales Episcopos. 7mo. Alter Apologeticus ad Euoptium Episcopum pro iisdem 12. Anathematismis contra reprehensiones Theodreti Cyrensis Episcopi. 8vo. Expositio Symboli Niceni ad Anastasium, Alexandrum, Martinianum &c. Presbyteros &c. 9no. Synodales Epistolæ 12. quæ haud parùm faciunt ad noscenda ea, quæ in Synodo Ephesina gesta fuerunt. 10mo. Thesaurus adversus hæreticos, hoc est, Opus insigne adversus hæreticos, Arianos scilicet, & Eunomianos, de consubstantialitate Filii & Spiritus sancti cum Patre ad fratrem suum Nemesinum. 11mo. Dialogorum cum Hermia viro doctissimo & æquissimo libri 7. de consubstantiali Trinitate. 12mo. De adoratione in spiritu & veritate libri 17. ad Palladium. 13tio. Contra Julianum Apostatam, seu libros 3. quos ipse contra Religionem Christianam scripserat, libri 10. pro eadem Religione Christiana. 14to. De recta in Christum fide ad Theodosium & Reginas, Eudoxiam nempe & Pulcheriam libri 2. 15to. Adversus Antropomorphitas, seu eos, qui Deum formâ humanâ præditum afferebant, liber unus.

Præter hos libros S. Cyrillo tribuitur liber unus de Sacrosancta Trinitate, at illius non esse, sed recentioris auctoris conveniunt eruditi ex eo, quod

in eo de duabus in Christo voluntatibus & operationibus copiose disserat auctor, unde indicium est, librum hunc non Cyrilli tempore scriptum fuisse, sed post exortam Monothelitarum hæresim Cyrillo posteriorem.

Insuper Cyrillo Alexandrino adscribuntur in 12. Prophetas minores Commentarii, Ingolstadii in folio Græcè & Latine cusi. Item dicuntur extare in Bibliotheca Vaticana Romæ totidem Cyrilli manuscriptæ Paschales Epistolæ, quot fuerunt ejus Episcopatus anni.

*De S. Hilario Arelatenf.*  
*An. 449.*

S. Hilarius gente Gallus parentum origine clarus, & professione Cœnobii Lirinenfis insulæ sub S. Honorato Monachus, tandemque, post Honoratum Arelatensem Episcopum, ordinatus & ipse Arelatensis Episcopus, SS. Leonis Magni & Augustini cœtaneus, vir juxta S. Eucherium, clarus eloquiò & ingenio, annis juvenem, & moribus senem præferens. Obiit meritis plenus an. Chr. 449. cujus vitam scripsit S. Honoratus Massiliensis Episcopus.

Scripsit 1mo. Vitam S. Honorati Lirinenfis insulæ cultoris primi, Arelatensisque postea, post Patroclum, Episcopi & prædecessoris sui. 2do. Homilias varias pro totius anni festivitibus, 3tio. Expositionem Symboli. 4to. Epistolas varias ad Germanum contra Hæreses. 5to. Carmen heroicum de Gene-

S. Hilarius  
Arelatensis  
Episcopus.  
Obiit an.  
Chr. 449. 65

Scripta ipsius.

neseos Historia ad Leonem Papam.

Eidem à nonnullis adscribitur Epistola una de prædestinatione ad sanctum Augustinum, contra Pelagianos; sed perperam; nam S. Prosper de eadem re cum Hilario ad Augustinum scribens, ait, Hilarium Arelatensem tunc fuisse Episcopum (x), Hilarius verò, qui scribit ad Augustinum se tunc Laicum fuisse significat, atque se in Africa Augustini discipulum fuisse testatur; constat verò Hilarium nostrum nusquam in Africa fuisse.

66 S. Petrus  
Chrysologus Obiit  
an. 450.

### De S. Petro Chrysologo.

Anno 450.

S. Petrus Chrysologus natione Italus in Foro Cornelli, quod hodie Imolam vocant, honestis & claris parentibus natus, à S. Cornelio Ravennæ civitatis Episcopo tam bonis moribus, quam litteris institutus, ac ab eodem demum sacro altari admotus; anno denique 433. Ravennæ Episcopus factus est, atque sanctitate & doctrinâ clarior obijt annò Chr. circiter 450. Hallucinatur enim, qui vitam illius ad sequentis sæculi initium, nempe ad an. Chr. 502. protrahunt; siquidem extat S. Leonis Papæ Epistola 37ma. ad Leonem Ravenatum Archipræfulem & S. Petri Chrysologi Successorem Martinò & Adelphiò Consulibus, id est, annò 451. data.

Scriptit Homilias, sive Sermones 176. in Evangelia de Do-

minicis & Festis aliquot superioribus totius anni, breves quidem, sed insignes pietate, doctrinâ uberes, & eloquiò disertos. Scriptit etiam ad Eutychem Presbyterum & Archimandritam Constantinopolitanum insignem Epistolam, quâ ad fidem Catholicam eum reducere allaborat; & in qua supremam Romani Pontificis in fidei & morum quæstionibus definiendis auctoritatem agnoscit & prædicat his verbis: *In omnibus autem hortamur te, frater honorabilis, ut his, quæ à Beatissimo Papa Romana Civitatis scripta sunt, obedienter attendas: quoniam B. Petrus, qui in propria Sede & vivit & præstat, præstat quærentibus fidei veritatem. Nos enim pro studio pacis & fidei, extra consensum Romana Civitatis Episcopi, causas audire non possumus.*

### De Vincentio Lirinensi. An.

450.

Vincentius  
Lirinensis  
Monachus.  
Obiit circa  
an. 450.  
vel paulò  
ant.

Vincentius Lirinensis vel ob suum egregium adversus hæreticos libellum, quem *Commonitorium* titulo insignivit, hic locum mereri nobis videtur. Fuit gente Gallus, Tulli Leucorum, primæ Belgicæ seu Lotharingiæ oppidi natus, splendidâ nobilitate familiâ ortus, patrem Epitochium, fratrem Lupum Episcopum Treassinum habuit. Primis juventutis annis militiam sæcularem secutus est; quâ de-

X x x

scptâ

(x) Eumque Scimpelæ sanorum paribus adhuc fuisse testatur.



serta, ad Lerinum (y) se conferens vitam monasticam amplectus est, ad Presbyteratus dignitatem mox evedus. Clauit an. 434. triennio scilicet post Synodum Ephesinam, quo, ut ipse testatur (z), Communitorium suum scripsit. Obiit an. 450. vel paulo ante Theodosio adhuc & Valentiniano regnantibus. Eum Semipelagianum fuisse contendunt eruditi non pauci, negant alii; qua de re plura inf. Tom. 2. Tract. 4. de Gratia c. 2. §. 3.

Ejus Scripta.

Scripsit Vincentius, suppresso suo, & assumpto *Perigrini* nomine, nitido satis & aperto Sermone adversus Hæreticos Communitorium duplex; posterius furtim sibi ablatum perdidit; unde recapitulationem quamdam, qua istius vices suppleret, priori subnexuit. Scripsit adhuc Vincentius, juxta complures eruditos, objectiones pro Semipelagianis adversus Augustini Scripta & doctrinam de prædestinatione & libero arbitrio; quas capitulis 16. summam comprehensas exhibet S. Prosper in libro, quo eas refellit.

68 S. Eucherius Lugdunensis Episcopus antiquior. Obiit anno Chr. 454.

*De S. Eucherio antiquiori.*  
Anno 454.

Duos Eucherios inter SS. Patres binosque Lugdunensem di-

versò tempore Episcopos, unum videlicet, qui an. Chr. 432. ibidem consecratus fuerit Episcopus, alter verò, qui anno Chr. 429. Concilio Arausicano II. interfuit, & cujus nihil superest præter Historiam passionis S. Mauritii ac Sociorum ejus Thebæorum, ad Sylvium Episcopum, evincunt eruditi.

S. Eucherius ergo, de quo nunc agimus, & quem seniore nuncupamus seu antiquiorem, vir fuit natione Gallus, natalibus illustris, vitamque Monasticam egit in insula quadam prope Lerinum sita, ubi, ut videtur, degit, donec anno 432. Episcopus Lugdunensis factus est. Anno 441. Concilio Arausicano I. interfuit. Obiit circa an. 454. Valentiniano & Martiano regnantibus. Uxoratum fuisse constat: nam ex conjugio Solanium & Verianum Episcopatus postea dignitatem adeptos suscepit filios.

Scripta ejus hæc sunt, tmo. *Ejus Opera.*  
Liber formularum spiritualis intelligentiæ ad Verianum filium, in quo explicat significationes nominum latinorum S. Scripturæ, eorumque figuras, in quibus accipi solent in S. Scriptura, ut his perceptis intentus sensus & spiritualis facile percipi-

(y) *Lerinum* seu *Lirina*. Duæ prope litus Provinciæ Gallicæ Regionis ex adverso Oppuli Cannarum disti & duabus ab urbe *Antipadis* versus meridiem leucis Gallicia in mari mediterraneo sitæ conspiciuntur; quarum major & litori propinquire, ab Antiquis *Lero* seu *Lorion* dicta, S. Margaritæ nomen habet; altera & minor ab Antiquis *Planasia*, *Lerins*, *Lerinum*, & *Lerinus* dicta, insula S. Honorati, ob insigne ab eo in illa extructum Monasterium, ex quo plures Episcopi & Martyres Ecclesie dati fuerunt, atque etiamnum hodie à Benedictinis incolitur, nuncupatur. Ambæ hæ insulæ vulgò *Lerins* insulæ vocantur. (z) *Communit.* cap. 42.

percipiatur. 2do. Libri duo de difficilioribus veteris ac novi Testamenti quæstionibus ad Solanum filium. 3tio. Parænetica ad Valerianum cognatum suum de contemptu mundi & secularis Philosophiæ Epistola. 4to. Ad Hilarium Arelatensem de laudibus eremi, seu de vita solitaria.

Libri explanationum in Genesim, & libros Regum, quæ ipsi vulgò tribuuntur, sunt auctoris recentioris; cum in iis citetur Gregorius Magus Eucherii longè posterior, & in fine præsertim libri invitetur Lector ad legenda Gregorii Magni Moralia.

69 Theodore-  
tus Cyri E-  
piscopus.  
Obiit annò  
Chr. ut  
creditur  
460. vel  
470.

De Theodoro Cyri Episco-  
po. An. Chr. 460.

Theodoretus Cyri Episcopus, Antiochiæ piis & nobilibus parentibus ortus, matrique sterili sanctorum Syriæ Monachorum precibus à Deo datus, & à parentibus Deo redditus, Theodoretus seu Theodoriti exinde nomen meritò traxisse videtur. Nondum septimum vitæ annum exegerat, cum ad S. Euprepium Monasterium non longè ab Antiochia dislicum mittitur tam bonis litteris, quàm moribus, instituendus, ubi brevi tantam pietatis, & eruditionis famam consecutus est, ut annò circiter 423. juvenis adhuc & invitè fuerit ordinatus Cyri Episcopus, hoc est, oppidi in Syria à Cyro Persarum Rege conditi, & ipsius nomine vocati, qua in Sede ostingentarum Ecclesiarum curam sortitus est (tot enim parochiales Cyrensis Epi-

scopus habet Ecclesias) Diutina & permulta contra Paganos, Judæos, Hæreticos, Arianos, Marcionitas, Eunomianos, certamina suscepit & sustinuit, vir sanè magnus, stylò fluidus, & eloquiò facilis, copiosus & amœnus, Orientalis Ecclesiæ Pater & Doctor celeberrimus, S. Joannis Chrysostomi discipulus & sectator fidelissimus, Cyrilli Alexandrini coætaneus, & tantisper aliquando pro Nestorio, sed zelò Religionis adversarius; qui tandem postea resipiscens, cum Cyrillo inita pace, Nestorio lubens anathema dixit. Postea in prædatoria Synodo Ephesina an. 449. præside Diocoro Alexandrino Episcopo Eutychiano non vocatus nec auditus ab hæreticis condemnatus, & à sua Sede perperam & injustè detrusus est; sed eidem à S. Leone Magno Papa in Concilio Oecumenico IV. Chalcedone celebrato an. 451. restitutus, tandem pie obiit an. Chr. 460. vel 470.

Ejus Scripta sunt 1mo. In Eius Scrib. Vetus Testamentum Opera v. 17a. 2a. Scripturæ quæstionibus ambiguis; necnon Commentaria varia in omnes Davidis Psalmos, Cantica, Prophetas omnes, exceptò Isaiâ. 2do. In Pauli Epistolas 14. Commentarium, in cuius præludio notatur Chronologicus earumdem ordo. 3tio. Historiæ Ecclesiasticæ libri 5. in Supplementum Historiæ Eusebii Cæsariensis. 4to. Eranistis seu Mendicis & Orthodoxis Dialogorum libri tres contra Eutychianos. Eranistæ id est mendicum vel emendicatorem, seu Poly-

X x x 3

mor.

*morphum*, id est, multiformem in iis vocat Eutyrianum, ut qui hæresim ex multis aliis emendicatam & confarcinatam defendat. 5to. Hæreticarum fabularum libri 4. quibus additur & opponitur scus, qui est doctrinæ divinorum decretorum Epitome, ut sic manifestè pateat mendacii & veritatis discrimen, & ostendatur, has hæreses omnes esse divinorum decretorum doctrinæ contrarias. 6to. Historiæ Religiosæ de Sanctis qui ætate Theodoret in Oriente claruere viris. 7mo. De curandis Græcorum affectionibus libri 12. in quibus contra Gentiles infidelesque Græcos Evangelicæ Christi Religionis veritatem defendit argumentis ex Gentilium infideliumque Græcorum Philosophia depromptis. 8vo. De providentia Sermones 10. contra impios Dei providentiam negantes. 9no. Epistolæ varæ & plus quàm quingentæ, ut testatur Nicephorus, è quibus adhuc 147. supersunt, inter quas præcipua est ea, quam ad Leonem Papam I. exaravit, quæ ob injustam suam depositionem auctoritatem & iudicium ipsius implorat. 10mo. Capitula 12. in Cyrillum scripta & 12. ipsius anathematismi contra Nestorium editis opposita.

dis ad populum Homilli aded celebris & sacundus, ut eo superiore in dicendo Ecclesiæ Romana his temporibus haberet nomen. Sixto Papæ III. defuncto successus est 28. Julii, annò Chr. 440. dum in Gallia Legatione fungeretur, Romamque rediens in solium Pontificale elevatus est eodem anno 8. Septembris, tempore quidem parùm læto, quo ob ingruentes Barbarorum incursiones, & circumstrepentes undique Nestorianorum, Pelagianorum, Ariatorum hæreses, tristissima erat tùm Ecclesiæ tùm Reipublicæ facies. His non obstantibus Leo in munere suo exequendo virilem præ se tulit semper animum. Attalam Hunnorum Regem, cognomentò *flagellum Dei*, armata manu Italiæ prædia vastantem, & Romam ipsam vastare paratum, cohibuit, & ab hostili proposito removit: paulò post eadem eloquentiæ vi & sanctitatis famâ Genferico Vandalorum Regi jam Romam ingresso, & omnia igne ferroque delere molienti, suavit, ut ab incendio, ignominii, & cædibus abstineret. Tandem post debellatas varias præsertim Nestorianam, & Eutyrianam, contra quam Martiano Imperatore juvante Chalcedonense Concilium indixit, aliæque præclare pro Ecclesiæ gesta vitam posuit an. Chr. 461.

Scripta ejus genuina sunt Ejus Scrip-  
1mo. Sermones varii de præcipuis solemnitatibus Domini & Sanctorum, ac de feriis & nonnullis aliis argumentis. 2do. Epistolæ decretales, & familiares ad varios varæ, inter quas eminet celebris ad Flavianum con-

tra

69 De S. Leone Mag. v. o. Obiit annò 461. *De S. Leone Magno. An. 461.*

S. Leo Pontifex Romanus hujus nominis primus, cognomentò Magnus, patriâ Tuscus, ut volunt aliqui, vel Romanus, ut contendunt alii, Patre Quintiano natus, S. R. E. Diaconus primò, virque in divinis Scripturis eruditè versatus, & in declaman-

Dubia &  
ſuppoſiti-  
tia.

tra Eutycken Epiſtola. 3tio. Tractatus unus contra Euty-  
& aliorum hæreticorum errores.

Libri duo de vocatione Gen-  
tium, & Epiſtola ad Demetri-  
dem virginem, quæ inter Ope-  
ra S. Proſperi reperiuntur, per-  
peram S. Leoni tribui videntur;  
quia Gelaſius Papa, vir erudi-  
tiſſimus Leonique ferè coætane-  
us, eos ſub nomine cujuſdam  
Eccleſiæ Miniſtri duntaxat lau-  
dat, non verò S. Leonis; atque  
Proſperi eosdem eſſe teſtantur  
omnes ab octingentis annis Mſs.  
Codices.

Epiſtola item inter ipſius E-  
piſtolas 88va. de Privilegio  
Chorepiſcoporum ſuppoſititia  
videtur, quia apud antiquos nul-  
la ſit illius mentio, nec S. Leo-  
nis ſtylum ſapit.

70 S. Proſper.  
Obiſſe cre-  
ditur circa  
an. Chr.  
461.

*De S. Proſpero. An. 461.*

S. Proſper Aquitanicus natio-  
ne, Epiſcopum Rhegienſem in  
Gallia eum fuiſſe aſſerunt bene  
multi; alii verò neutiſſimam Epi-  
ſcopali dignitate fuiſſe tuentur,  
quòd ex Veteribus, antè Hono-  
rium Auguſtodunenſem, qui  
primùm circa an. Chr. 1130.  
floruit, nullus eum alicubi Epi-  
ſcopum vocet. Vir fuit in divi-  
nis Scripturis erudiſſimus, in  
ſæcularibus nobiliter doctus,  
carminibus excellens & proſa,  
eloquiò diſertus, ſenſu profun-  
dus, ingeniò ſubtilis, aſſertio-  
ne nervoſus, vitæ & converſa-  
tione ſanctiſſimus, Hilarii Are-  
latenſis coætaneus, S. Auguſti-

ni doctrinæ in Gallia contra Pe-  
lagianos & Semipelagianos de-  
fenſor inſignis, ſanctique Leonis  
Magni ab Epiſtolis, ſive Nota-  
rius quondam eruditus & illu-  
ſtris, in cujus perſona multas  
& celebres dictavit Epiſtolas.  
Obiſſe creditur circa an. Chr.  
461. Certè illius veluti adhuc  
ſuperſtitis meminit Marcellinus  
comes in Chronico ad an. 460.  
Baronius illum annò Chr. 465.  
obiſſe dicit.

Scripta ejus hæc ſunt, 1mo. Scripta ip-  
ſius. De prædictionibus & promiſſio-  
nibus Chriſti Tractatus, in quo  
omnia vaticinia & promiſſiones  
de Chriſto & Eccleſia in ſacris  
litteris expreſſe elucidantur. 2do.  
De vita contemplativa libri 3.  
ſive de virtutibus & vitiis tra-  
ctatus inſignis. Sed Opus iſtud  
Juliano Pomerio Mauritaniæ ex  
Africa Presbytero in Gallia or-  
dinato & Arelate degenti tri-  
buunt Gennadius, & Iſidorus  
Hiſpalenſis Epiſcopus c. 12. de  
Eccl. Script. Honorius Auguſto-  
dun. cap. 4. & Gennadius de  
Viris Illuſt. Proſperi recenſentes  
Opera de libris iſtis altum ſilent,  
3tio. Epiſtola de gratia & libero  
arbitrio ad Ruſſinum, in qua  
nequiſſimum illud & capitale  
Pelagianæ Sectæ dogma reſellit,  
quo aſſeritur, *gratiam Dei ſe-  
cundum hominis merita dari.* 4to.  
Reſponſiones ad Capitula Gallo-  
rum, ad Objectiones Vincen-  
tianas (a), ad excerpta Genu-  
enſium. 5to. Liber de gratia  
Dei contra Collatorem, ſcilicet  
Caſſianum (b) Collationum au-  
ctorem,

71

(a) Id eſt Vincentii Lerinenſis.

(b) Fuit Joannes Caſſianus genere  
Scythæ ex Taurica Cherſoneſo oriundus, & Athenis natus. Conſtan-  
tinopo-

ctorem, in quo ejus ex 13tia. collatione decerptos refellit errores. 6to. Ex sententiis S. Augustini epigrammatum liber unus. 7mo. Carmen de ingratia contra Pelagianos. 8vo. Expolitio in Psalmum 100um. & in 50. sequentes. 9no. Ad Augustinum Epistola una, quæ è Gallia cum monet de Pelagianorum reliquiis, sive de Massiliensium erroribus, & ejus contra illos implorat auxilium; alteram ad eundem scripsit Hilarius Arelatensis, quibus responsurus Augustinus, duos scripsit libros, unum de prædestinatione Sanctorum, alterum de bono perseverantiæ. 10mo. Chronicon, sive Eusebii & S. Hieronymi Chronici continuatio, Opus hoc perduxit usque ad an. 455. unde paulò post obiisse eum censent multi. 11mo. Libri duo de vocatione Gentium perperam S. Leoni ab aliquibus adscripti. Sunt tamen, qui eos S. Ambrosio tribuant, sed falsò, eòquod ex c. 22. libri 1. constet eos scriptos fuisse post damnatam Pelagii hæresim, quam S. Ambrosius non attigit. Alii nec Prosperi nec Ambrosii eos esse contendunt, sed auctoris incerti

stylum Africanum sapientis; veterum antiqui Codices Mss. eos Prospero vindicant. 12mo. Epistola ad Demetriadem, scripta post damnatam Pelagii hæresim, & contra priorem Pelagii ad eandem Virginem Epistolam.

Sub illius præterea nomine circumfertur Poëma aliquod de providentia Dei. Sed patet illud non esse S. Prosperi, sed viro cujusdam Pelagiani. Christi gratiam non rectè explicantis; docet enim optimum quemque non plus gratiæ accipere à Deo, quàm pessimum; Sanctos Patres ex lege naturæ bonos fuisse; auxilium Dei præveniri, & alia errori Pelagii consona &c.

*De S. Maximo Taurinensi.* S. Maximus 72

An. 465.

S. Maximus Augustiæ Taurinorum Pedemontanæ ditionis Episcopus, pietate & doctrina celebris, cujus ortus locus ignoratur, interfuit Mediolanensi Concilio sub S. Leone Rom. Pont. & Eusebio Mediolanensi Præsule, an. Chr. 452. ubi juxta formam famosæ S. Leonis ad Flavianum Epistolæ Eutychiana hæresis damnata fuit. Item alteri

Taurinensis Episcopus. Obiit circa an. Chr. 465.

Constantinopolim profectum ibidem à S. Chrysostomo Diaconus ordinatus. An. 404. in exilium missò S. Joanne Chrysostomò, legatus à Clero Constantinopolitano Joannis partium studio ad Innocentium Papam missus est, ut Joannis causam ageret &c. Romæ ab Innocentio Presbyter ordinatus, post expogratam an. 410. à Gothicis Romam, Massiliam venit; ubi duo Monasteria condidit, virorum unum, mulierum alterum. Scribere ortus est ab an. 424. obiit autem an. 448. ætatis suæ 27. Primum inter Semipelagianos sive Massilienses, quibus impudenter præfuisse videtur, locum tenuit; Pelagianorum tamen hostis acerrimus. Ob SS. Scripturarum scientiam plurimum laudatur à S. Prospero, ut & ob disputandi eum; ob faciendam autem à Cassiodoro. Scriptis 11mo. Libros duodecim, quorum 4. priores de Institutis Cenobiorum agunt, octo posteriores de octo Vitiis capitalibus. 2do. Collationes Patrum numero 24. 3tio. De Christi incarnatione adversus Nestorium libri septem.

alteri Romano Concilio **48. Epi-**  
scoporum sub Hilario Papa anno  
Chr. **465.** in quo tria edita fuere  
decreta ad rectam Clericorum  
ordinandorum dispositionem  
spectantia; proinde obiit valde se-  
nex & eodem an. **465.** vel postea.

Scripta  
ejus.

Ejus Scripta sunt elegantes  
Sermones seu Homiliae; qua-  
rum aliae sunt Hiemales de tem-  
pore, aliae Aestivales, de diver-  
sis argumentis aliae.

**73** Gennadius.  
Obiisse  
creditur  
an. 492.  
vel 493.

*De Gennadio Massiliensis Ec-  
clesiae Presbytero. An. Chr.*

**492.**

Gennadius Ecclesiae Massili-  
ensis Presbyter hinc à nobis tan-  
quam Scriptor Ecclesiasticus me-  
moratur. Floruit tempore Ana-  
stasii Imperatoris & Gelasii **I.**  
Papae, & obiisse creditur, an.  
Chr. 492. vel. 493.

Ejus Scri-  
pta.

Scriptis praeter libros octo  
adversus haereses omnes; librum  
unum de Ecclesiasticis dogmati-  
bus; & de viris Illustribus alte-  
rum ad annum 490. usque per-  
ductum, in quo Semipelagianis-  
mi suspensionem reliquit aliquam;  
in eo enim Callianum & Fau-  
stum, licet Semipelagianizantes  
laudat, & S. Prosperum è con-  
tra deprimit, qui tamen strenue  
contra Pelagianos & Semipela-  
gianos pro Dei gratia pugnavit.  
Sed hos errores deposuisse cre-  
ditur, atque Semipelagianismo  
renuntiasse, hinc viris sanctis-  
simis cum adnumerat Adrianus  
Papa Epi. ad Carol. M.

parentibus, Claudii Gordianò  
scilicet patre, & Marianà ma-  
tre Christianà & honestà femi-  
nà genitus, mortuo patre, post  
rite peracta studia, Monachus  
efficitur, brevè è Monacho Ab-  
bas & ex Abbate tandem sub  
Trasimundo Vandalorum Rege  
in Africa Ecclesiae Ruspensis E-  
piscopus eligitur an. circiter  
500. Vir Graecà & Latinà lin-  
guà peritus, in divinis Scriptu-  
ris copiose versatus, concionan-  
dique genere clarus; ob strenuè  
propugnatam contra Faustum  
Reghiensem ceterosque Semi-  
pelagianos S. Augustini doctri-  
nam, sui temporis Augustinus  
meruit appellari; ob impugna-  
tam autem Arianæ Sectae perfidi-  
am, a Trasimundo in Sardiniam  
relegatus fuisse dicitur,  
sed post Regis hujus obitum, ab  
Hildertico ejus successore pace  
Africanis Ecclesiis reddita, ad  
suam Ecclesiam reversus, tan-  
dem ibi obiit Kalendis Januarii  
an. Chr. circiter 529. **vel**, ut  
opinantur aliqui 533. Episcopa-  
tus sui 25. ætatis **65.**

Præcipua ejus Scripta sunt, *Ejus Scri-*  
ptis. 1mo. Ad Monimum libri **3.** 1. **pta.**

De duplici Prædestinatione, unà  
bonorum ad gloriam, altera ma-  
lorum ad poenam **2.** De Sacri-  
ficii oblatione, Spiritus S. mis-  
sione, & supererogatione S. Pau-  
li, qui, cum potuisset de E-  
vangelio vivere, maluit tamen  
necum sibi, sed & convictori-  
bus suis necessarium propriis  
manibus operando quærere. **3.**  
De expositione dicti illius Joan-  
is. *Et Verbum erat apud Deum.*  
ado. Adversus Arianos liber ad  
decem eorum objectiones toti-  
dem responsiones continens.

X Y Y

3tio.

Sæculò VI.

SÆCULO VI.

**74** S. Fulgen-  
tius. Obiisse  
creditur  
an. 533.

*De S. Fulgentio. An. 529.*

S. Fulgentius natione Afer,  
patriâ Carthaginensis nobilibus  
*P. Cartier Theol. Tom. I.*

3tio. Ad Trasimundum Wandalarum Regem libri tres **1.** De mysterio Mediatoris Christi duas naturas in una persona retinentis; **2.** De immensitate divinitatis Filii Dei. **3.** De Sacramento Dominicæ passionis. 4to. Pro fide Catholica adversus Pintam Episcopum Arianum liber unus. 5to. Ad Donatum de fide orthodoxa liber unus, quo illum instruit de fide Trinitatis & Incarnationis. 6to. De fide ad Petrum Diaconum liber unus. 7mo. Ad eundem de Incarnatione & Gratia Christi, liber unus. 8vo. De Trinitate ad Felicem Notarium, liber unus. 9no. Ad Ferrandum Carthagenensis Ecclesiæ Diaconum de baptismo Æthiopis moribundi, liber unus. 10mo. Ad Eundem de quinque quæstionibus, liber unus. 11mo. Ad Euthymium de remissione peccatorum libri duo. 12mo. De veritate prædestinationis & gratiæ Dei, libri **3.** **13tio.** Ad Reginum Comitum liber unus contra eos, qui tuebantur Christi Carnem suapte naturâ incorruptibilem, & passionum omnium expertem fuisse. 14to. Epistolæ familiares ad diversos variz. 15to. Homiliæ sive Sermones de variis argumentis variz, quorum **90.** numerantur in Bibl. PP. Tom. **2.**

75 Dionysius  
exiguus.  
Obiit an.  
Chr. circi-  
ter 540.

### *De Dionysio Exiguo. An.*

540.

Dionysius è Scythia oriundus Monachus & Abbas Monasterii alicujus Romani hucusque

eruditis incomperti, Cassiodori familiaris, cognomento *Exiguus*, sed doctrinâ & vitæ sanctitate magnus, relictis variis peritiæ suæ monumentis, clarusque meritis obiit circa an. Chr. **540.** vel ut alii volunt paulo ante an. **556.** quo anno Cassiodorus librum suum de divinis lectionibus scripsit: in eo enim Dionysium, jamjam ut ait, defunctum, impensè laudat.

Multa vel Latine collegit & Ejus Scripsit, vel è Græco in Latine.

num transtulit, quorum hæc hætenus nobis innouère, 1mo. Collectio Sacrorum Canonum è variis Ecclesiæ Conciliis & Romanorum Pontificum Decretis duobus separatim libris distincta. 2do. Epistola Synodica S. Cyrilli & Concilii Alexandrini adversus Nestorium, latine versa. 3tio. Epistola S. Protherii Episcopi Alexandrini ad S. Leonem Papam de ratione Paschali, latine versa. 4to. Vita S. Pachomii Abbatis, Latine data. 5to. Oratio S. Procli ex Ciziceno Episcopo Patriarchæ Constantinopolitani de Laudibus S. Dei genitricis Mariæ adversus Nestorii blasphemias, cum Epistola ejusdem Procli de fide ad Armenos, & altera ad Domnum pro causa Athanasii Perthenorum Episcopi. 6to. Gregorii Nysseni de opificio hominis liber in duas Homilias divisus. 7mo. Cyclus Paschalis annorum **97.** ab. an. **527.** ducens initium, in quo relictâ profanâ Olympiadum, Consulium, & Imperatorum Ærâ, (c), omnium primus annos

(c) Æra seu Epochæ est punctum fixum à quo annorum series numerari incipit. Vid. dicta part. **1.** Physicæ seu Physicæ particularis part. **1.** cap. **2.** de corporibus cælestibus tit. de Calendario &c.

nos numerare cœpit ab incarnato Dei Filio, seu à momento Nativitatis ipsius; quâ *Ærâ* Christianâ adhuc hodie utuntur Christiani omnes; atque *Æra communis* seu *Dionysiana* nuncupatur; communis dicitur, quia communiter in Ecclesia Romana usurpatur. Multi tamen eruditi contendunt, Christum quartò jam ante hanc Dionysii nostri *Æram* seu Epocham annò natum fuisse; undè Chronologi nostri duplicem Christi annum in suis Chronologicis tabulis assignare solent, verum scilicet, qui quarto anno præcessit, & annum *Æræ* vulgaris seu Communis à Dionysio Exiguo assignatum, qui quartâ primum annò sequitur; adeò ut annus quartus Christi verus e. g. sit primus duntaxat annus *Æræ* vulgaris seu Dionysianæ.

ce III. aliàs IV. Bonifaciò II. Joanne II. Agapetò *L. Silveriò* & Vigiliò. Pluribus in Gallia præfuit Conciliis, ut Agathensi an. 506. Carpentoractensi annò 527. Valionensi & Arausicano II. an. 529. & provinciali uni contra Contumeliosum Rhegiensis Ecclesiæ Præfulem habito annò 534. in quo ob varia crimina accusatus Sede sua privatus est. Obiisse creditur Cæsarius noster an. circiter 544. Nonnulli volunt eum diem clausisse an. 542. *6. Calend.* Sept. annò ætatis 73.

Scripta ejus sunt 110. Ho-  
Ejus Scri-  
miliz variz ad populum, qua-  
rum 451. numerantur, ex quibus tamen 42da ei perperam attribuitur, cum in ea citentur SS. Gregorius Papa & Isidorus iplo longè posteriores: nec etiam tres sequentes videlicet 43. 44. & 45ta. hæc enim *Macarii* titulum fert, duæ priores Augustini. 2do. Exhortatio ad Charitatem custodiendam. 3tio. Epistola ad quosdam Germanos adolescentes vitam Monasticam agentes, quâ eos præsertim hortatur ad pudicæ castæque vivendum. 4to. Homilia de decem Virginibus, in qua hortatur ad bonæ operæ &c. 5to. Regula Sanctimonialium in gratiam Sororis suæ S. Cæsariæ Monasterii Virginum Abbatissæ. 6to. Regula Monachorum. Teridii sive Teridii nepotis sui esse creditur. 7mo. Homiliz 42. aliæ operâ Stephani Baluzii Tutenensis editæ. 8vo. Epistola mirabilis ad Cæsariam Sororem suam & Monialium Abbatissam. 9no. Epistola altera eidem Sorori suæ & toti Sanctimonialium suarum Congregationi scripta.

Y y 2

10mo.

76 S. Cæsarius  
Arelaten-  
sis. Obiisse  
creditur  
an. Chr.  
544.

De S. Cæsario Arelatenſi.  
An. 544.

S. Cæsarius natione Gallus, patriâ Cabillonensis, & S. Porcarii Abbatis Lerinensis in prima Religionis & morum doctrina discipulus, à *S. Bonio Arelatenſi* Præfule Diaconus, & è Diacono Presbyter ordinatus, atque postmodum eidem defuncto successus est Episcopus, sui Sæculi Episcoporum nulli sanctitate, eloquentiâ & eruditione secundus, diversus à S. Cæsario S. Gregorii Nazianzeni fratre, floruit nedum Symmachi Papæ, & Theodorici Regis Italianæ temporibus, *sed* & ultrâ ad annum usque Christi 544. nimirum sub Symmachi successoribus Hormisdâ, Joanne *L. Feli-*



10mo. Epistola alia ad Virginem Deo dicatam.

77. *Tertia Classis SS. Patrum.*  
Cassiodorus. Obiisse creditur an. Chr. 575.

*De Cassiodoro. An. 575.*

Aurelius Cassiodorus Senator dictus, gente Italus, patriâ Lucanius live Brutius, stirpe Romanus, illustri ac Senatoriâ familiâ oriundus, natus est post an. 463. vir scientiâ, eruditione, prudentiâ, & morum gravitate percelebris. Sub Theodorico & Athalarico ejus Successore Italiz Regibus summas dignitates adeptus, postmodum à Vicing, qui post Athalaricum Italiz sceptrum obtinuit, an. 537. exauctoratus, vitæ seculari renunciavit, & otium meditatus, Monasterium Vivariense live Castellenſe dictum prope Civitatem Scyllitanam in extrema Calabriæ parte posuit & incoluit. Hic loci degens pietati colendæ se totum dedit, variosque libros composuit, inter quos an. 556. vel circiter, edidit libros 2. De Divinis Lectionibus. an. autem 562. Pascha-lem computum scripsit; cui Operi quot annis superfuert non liquet. Nonnulli mortem ejus ad an. 575. rejiciunt.

Ejus Scripta genuina.

Scripta ejus genuina hæc sunt, 1mo. Variarum Epistolarum libri 12. 2do. Historiæ Ecclesiasticæ Tripartitæ ex tribus Græcis Auctoribus, Sozomeno, Socrate, & Theodorito, ab Epiphanio Scholastico latine verſis, à Cassiodoro collectæ, & in compendium redactæ, libri 12. 3tio. Chronicon ad Theodoricum Regem, ab Adamo usque ad. an. 519. 4to. Computus Paschalis, seu de Paschate, In-

dictione, Epacta &c. adinven-  
endis Tractatus. 5to. De rebus gestis Gothorum libri 12. 6to. Expositio, seu Commentarius in Psalmos Davidis, ex Augustino fere desumptus. 7mo. Institutionis ad divinas lectiones, libri 2. 8vo. De Orthographia liber ex veteribus Grammaticis compilatus. 9no. De septem Disciplinis, videlicet Grammatica, Rhetorica, &c. liber. 10mo. De anima liber. 11mo. De Oratione, & octo partibus orationis liber.

Spuria dicuntur 1mo. Expositio in Cantica Canticorum, in qua citatur S. Gregorius Papa Cassiodoro posterior. 2do. De Schematibus & Tropis, necnon de quibusdam locis Rhetoricis S. Scripturæ liber, qui potius Venerabili Bedæ adscribi debet. 3tio. De amicitia vera liber, qui ab omnibus Cassiodoro jam adjudicatus, Petro Blesensî vindicatur. 4to. SS. Paphnutii, Spiridonis, & aliorum vitæ, quæ in Aloysii Lippomani Collectione habentur, à nonnullis Cassiodoro attribuantur.

Spuria.

Aliorum adhuc operum fuorum ipse Cassiodorus meminit in præfatione libri de Orthographia, quæ tamen, quantum scimus, nusquam amplius extant; ut sunt Ad Reges & Reginas Pænegyrici nonnulli. Expositio Epistolæ ad Romanos. Tractatus Grammatici aliquot de Schematibus, Etymologiis, & in Donatum. Liber titulorum de S. Scriptura collectus, Memorialis dictus. Breves explanationes in Acta & Epistolas Apostolorum, necnon Apocalypsum.

De

73 S. Gregorius Turonensis. Obiit an. 596.

De S. Gregorio Turonensi.  
An. 596.

S. Gregorius vulgò Turonensis seu Turonicus dictus, vir fuit miræ sanctitatis, insignis modestiæ, & humilitatis eximie, apud Arvernos Celticæ Galliæ populos, patre Florentio, matre Armentaria genitus, S. Galli Arvernorum Episcopi nepos & alumnus, ipsoque vitâ sancto S. Aviti ejus post Cantinum in Sede successoris discipulus, & Trichemio teste, Ordinis S. Benedicti in Monasterio S. Martini Turonensis Monachus, ac tandem è Monacho post S. Euphronium Ecclesiæ S. Martini Turonensis Episcopus factus decimus nonus an. Christi 574. factus; post administratam summam cum laude per plures annos suam Ecclesiam obiit annò Chr. 596.

Ejus Scripta.

Scriptis 1mo. Historiæ Francorum libros 10. 2do. De gloria Martyrum libros 2. 3tio. De miraculis S. Martini, libros 4. 4to. De Gloria Confessorum, librum unum. 5to. De vitis Patrum librum unum.

Ipse insuper à nonnullis ascribitur Libellus historicus de septem dormientibus, eò quòd in fronte libelli hujus posita sub ejus nomine conspiciatur Epistola ad Sulpicium Biturigum Præfulem. Verùm quia Gregorius noster in Epilogo suæ Francorum historiæ, omnes suos recensens libros, de libello isto profundè silet, ab aliis eidem adjudicatur. Cæterum nonnullis eruditis videtur fuisse vir

pro Sæculo, quo vixit, non inruditus, magis tamen pietate ac zelo, quàm judicio commendandus.

## SÆCULO VII.

Sæculò VII.

De S. Gregorio Magno.  
An. 604.

S. Gregorius Magnus. Obiit an. Chr. 604. 79

S. Gregorius cognomentò Magnus, Papa hujus nominis primus, & Ecclesiæ Latine Doctor Sanctissimus, vir fuit patriâ Romanus, Gordiano Senatore, & Sylviâ genitus, Felicitis III. pronepos, urbis Romanæ præfectus primùm, deinde Monachus, ac tandem post Pelagii II. decessum, invitatus licet, ad Summum Pontificatum evectus an. Chr. 590. in quo pro Ecclesiæ bono tanta gessit, scripsit, & docuit, ut meruerit Magnus appellari. Gravi denique, & acutè vexatus podagrâ ad vitam immortalem migravit 14to sui Pontificatus annò, Christi verò 604to. meritis, Doctrinâ, & pietate clarus, relictis variis earumdem monumentis.

Scripta ejus sunt 1mo. Expositio in Job libris 35. expressa. 2do. Liber Pastoralis, quò Pastores animarum curam habentes instruit, in 4. partes distributus. 3tio. Dialogi cum Petro libri 4. De virtutibus & miraculis Sanctorum Italiæ, in quibus rogatu Petri Diaconi sui, virtutes & miracula Sanctorum, quos in Italia nosse, vel ab aliis rescire potuerat, ad exempla posteris collegit & transmisit. Equidem, ut cum Melchior

Scripta ejus.

Y y 3

Canô

Cano (d) loquamur, historias, quæ istis Dialogis continentur, probaremus magis, si S. Gregorius noster in illis describeret, juxta præscriptam historico normam, severitati judicii adjunxisset majorem in eligendo curam. Sed quoniam modeste & circumspecto judicio de tanto viro pronuntiandum est, ne in his Dialogis rejicienda sunt plurima; pauca enim in iis possis arguere, quamvis historiam Ecclesiasticam ad severa judicia revocare contendas: ac si necesse est in alterutram partem peccare, omnia probari legentibus, quam multa reprobari malimus. Non est igitur, quoddam Acatolici, noranter Guilielmus Cave Canonici Windesoriensis in Anglia (e), ac præsertim Calimirus Oudinus natione Gallus & ex Monacho Præmonstratensis Ordinis Calvinianus Apostata (f), hic eum modici judicii atque ad credendas aniles & incredibiles fabulas propensionis criminantur, dum, pro sæculi, quo vivebat, simplicitate, à bonis & piis viris accepta sincerè refert, nec quemquam, ut ea omnia credat, adigere intendit. Profecto, quoddam si ipsum in hujusmodi historiis & factis interdum errasse contingat, ad summum pietatis error est, quæ sibi ea referentibus nimisquam fortè facilem adhibuit fidem, quæ potiùs laudanda videtur, quam vituperanda. Sed cætera ejus Scripta recensamus. 4to. Homiliæ super Ezechielem 22. id

est, in cap. 1. 2. 3. Ezechiel. Homiliæ 12. in cap. 10. verò decem aliæ. 5to. Homiliæ in Evangelia 40. 6to. Epistolarum ad diversos libri 12. 7mo. Undecim responsiones ad totidem interrogationes Augustini Cantuariensis Anglorum Episcopi.

Nonnulli eruditi Expolitio-Dubia. nem Libri primi Regum in sex libros partitam, ut & Expositionem in Cantica Canticorum; necnon explanationem seu Commentarium in septem Psalmos pœnitentiales Gregorio nostro adjudicant, verùm hæc Opera ipsi vindicare conati sunt Benedictini nostri Congregationis S. Mauri in Gallia, in ultima sua ejusdem S. Gregorii Magni Operum editione an. 1705. sub præsidio Dionysii de Sainte Marthe ejusdem Congregationis Presbyteri & Monachi facta.

*De S. Isidoro. An. 637.*

S. Isidorus. 80  
Obiit an.  
Chr. 637.

S. Isidorus Severianj Carthaginensis provinciæ Ducis, prout multi credunt, filius, Leandri, Fulgentii, & Florentiæ Virginis frater germanus natu minimus, Hispaniensis Ecclesiæ Syodus, Doctor, & decus, necnon in provincia Batica post S. Leandrum Hispalensis Ecclesiæ Præsul dignissimus, & Junior dictus ad differentiam Isidori Cordubensis Antistitis longè anterioris, & quartò circiter ineunte Sæculò viventis. Post 40. sui Episcopatus annos, & varia relictæ suæ eruditionis monumen-

ta

(d) De loc. Theol. lib. 11. c. 6. pag. 337. edit. Colon. an. 1585.

(e) Script. Eccl. H. R. litteraria Sæc. 6. ad an. 590. pag. 354 edit. Genèv. an. 1720. (f) Comment. de Script. Eccl. Tom. 1. Sæc. 6. colum.

2500. 1501. & 1506.

ta ad cælum evolavit, an. Chr. 636.

Ipsius Scri-  
pta.

Scripta ipsius hæc sunt 1mo. Proœmiorum liber unus, in quo quid quisque contineat S. Scripturæ liber, brevi subnotatione distinguitur. 2do. Differentiarum libri 2. 3tio. De ortu & obitu Prophetarum, liber unus. 4to. Officiorum libri duo, in quibus originem Officiorum, & cur unumquodque in Ecclesia Dei peragatur, explicat. 5to. Synonymorum libri duo, quos Lamentationum libros ipse vocavit, & in quibus ad consolationem & spem percipiendæ veniæ ducit & hortatur. 6to. De natura rerum liber unus. 8vo. Contra Judæorum nequitiam, libri duo. 9no. Sententiarum libri tres. 10mo. Chronicorum ab initio mundi usque ad suum tempus liber unus. 12mo. Etymologiarum, liber unus.

stantis Imperatoris Monothelitarum patroni jussu captus in exilium amandatur, ubi variis pro fide vexatus opprobriis, multisque laboribus, doloribus, & afflictionibus attritus felicem emisit spiritum sub Vitaliano Rom. Pont. & Constante Imp. annò circiter 662.

Scripta ejus sunt 1mo. De Ejus Scri-  
varis S. Scripturæ quæstionibus pia. liber. 2do. Dialogorum asceticorum liber unus. 3tio. De Charitate quadringenta Capita complectens liber. 4to. De Theologia, Deique filio &c. necnon de virtutibus & vitiis liber quadringenta etiam capita continens. 5to. Varia Opuscula Theologica & Polemica, quorum pleraque sunt contra Monothelitas. 6to. Disputatio cum Pyrrho Monothelita. Sergii in Sede Constantinopolitana successore. 7mo. Dialogi 5. de SS. Trinitate, contra Arianos, Macedonianos, Apollinariitas. 8vo. Orationis Dominicæ breviss expositio. Sunt & nonnulla alia ejusdem Opuscula, ut Epistolæ diversæ ad diversos.

81 S. Maximus  
Abbas &  
Martyr.  
Obiit an.  
Chr. circi-  
ter 662.

*De S. Maximo Abbate &  
Martyre. An. 662.*

S. Maximus Monachus, Abbas & Martyr, vir Constantinopoli piis nobilibusque parentibus ortus, pietate, eruditione, ac præsertim Philosophi nomine clarus, primum Heraclio Imperatori à Secretis, quo in Monothelitarum hæresim lapsus, aulâ relicta in Monasterium fecessit, atque Monachus factus est, & paulò post Abbas electus. Varia & gravia cum Monothelitis bella & certamina gessit, inter quæ celebratur disputatio quam habuit an. 645. in Africa cum Pyrrho Patriarcha Constantinopolitano Monothelita tunc ibi degente. Tandem Con-

*De S. Ildefonso. An. 667.*

S. Ildefon-  
sus. Obiit  
an. Chr.  
667. 82

S. Ildefonsus Toleti in Hispania nobilibus parentibus Stephanò & Lucîâ natus, S. Isidori Hispanensis discipulus, & alterum à Magistro Hispaniæ Syodus, Monasterii Agaliensis Abbas, & ex Abbate post Eugenium Toletanus Archipræsul, vir fult pietate, scientiâ, sapientiâ, & eloquentiâ præclarus, necnon erga B. V. Mariam devotissimus. Obiit 23. Jan. an. Chr. 667.

Scri-

Ejus Scri-  
pta.

Scriptis 1mo. Librum de 14. viris Illustribus, quem addidit ad S. Isidori librum de Scripto-ribus Ecclesiasticis, post Hiero-nyum & Gennadium. 2do. Librum insignem de illibata Virginitate B. Mariæ Virginis Deiparæ contra Pelagium quem-  
dam & Helladium veteris Hel-vidii hæresim in Hispania reno-  
vantes. 3tio. De eadem Dei-para Virgine Sermones 12. qui  
reperiuntur in Bibliotheca Pa-  
trum.

83 Sæculo VIII

## SÆCULO VIII.

S. Joannes  
Damasce-  
nus. Obiit  
an. circiter  
731. vel,  
ut alii vo-  
lunt 760.

*De S. Joanne Damasceno.*  
*An. 731.*

S. Joannes, cognomento  
*Coryphæus* ob auream dicendi  
facundiam vocatus; sed à Da-  
masco patria sua Damascenus  
vulgò dictus, vir fuit nobilis-  
simis parentibus in Syria natus,  
eruditione & vitæ Sanctimoniâ  
clarus, venerabilis Bædæ coe-  
vus, Sacrarum imaginum defen-  
sor intrepidus; qui, ut fer-  
tur, amputatâ sibi ab Iconoma-  
chis dexterâ, & B. Virginis  
Mariæ ope sibi divinitus restitu-  
tâ, in eremum secessit, factus  
in Monasterio S. Sabbæ Mona-  
chus; tandemque à Patriarcha  
Jerusolymitano Presbyter ordi-  
natus, vixit præsertim sub Leo-  
ne Isaurico Imperatore Icono-  
macho. Obiit an. circiter 731.  
vel, ut aliis placet, an. 760.

Ejus Scri-  
pta.

Scripta ejus sunt 1mo. Pa-  
rallæla ex selectis Scripturæ sa-  
cræ ac SS. Patrum locis contex-  
ta, & tribuslibris comprehen-  
sa. 2do. De fide Orthodoxa li-  
bri 4. in quibus omnium primus  
universam Theologiam exponit

recto eoque ordine, quem dein-  
de secuti sunt Petrus Lombardus  
Magister Sententiarum, & post  
illum, cæteri Doctores Schola-  
stici. 3tio. Oratio de iis, qui  
in fide obierunt, seu de fideli-  
bus defunctis Oratio, in qua  
elegantè & eruditè quidem  
ostendit, quòd hi, qui cum fi-  
de ex hac vita migrârunt, vivo-  
rum Missis, precibus & suffra-  
giis juventur, atque l ventur.  
Verùm eidem orationi intexta  
invenitur fabulosa historia de  
animabus Trajani Imperatoris,  
& Falconillæ ab inferni supplicio  
liberatis, animâ scilicet Trajani  
precibus S. Gregorii Magni, &  
animâ Falconillæ precibus. The-  
clæ primæ Martyris; quæ hi-  
storia repugnat doctrinæ ipsius  
Damasceni lib. 2. de fide Orthod.  
cap. 4. dicentis, hominibus post  
mortem, sicut Angelis post la-  
psum, omnem respiscendi fa-  
cultatem esse præclusam. Undè  
eruditus liber iste vel falsò ipsi  
adscriptus censetur, vel saltem  
hæc fabella à Sicophanta ali-  
quo libro ipsius assuta, vel de-  
nique hic S. Damascenum huic  
narrationi nimisquam facilitè si-  
dem adhibuisse. 4to. Oratio-  
nes 4. duæ de Nativitate B. V.  
Mariæ, tertia de dormitione, &  
4ta. denique de Assumptione ejus-  
dem. 5to. Carmina de variis argu-  
mentis varia. 6to. Dialéctica,  
sive logica. 7mo. Physica, seu  
Aristotelicæ Physicæ compen-  
dium. 8vo. De Hæresibus li-  
ber unus. 9no. Adversus Ma-  
nichæos Dialogus. 10mo. De  
natura composita contra Ace-  
phalos: erant autem *Acephali*  
sæctiosi quidam ex iis, qui Chal-  
cedonensè Concilium impugna-  
bant,

## SÆCULO XI.

Sæculū XI. 84

bant, & duas in Christo naturas esse cum Euryche & Dioscore negabant; quique ea de causa frequentius & usitatus *Monophysita* vocantur; sed quia erant numerō multi & omnes simul orti, quin constaret, quis esset primus factionis auctor, sive caput, ideo *Acephali*, id est, *sine capite* fuerunt nuncupati. 11mo. De Trisagio, seu Angelico Hymno, *Sanctus Deus, Sanctus fortis, Sanctus immortalis miserere nobis.* Epistola, quā probat hoc Trisagium à Seraphinis fuisse decantatum, ad res in Deo personas designandas. 12mo. De duabus in Christo voluntatibus, & actionibus, reliquisque naturalibus proprietatibus liber, contra Monothelitas. 13tio. Quomodo ad imaginem Dei facti sumus Oratio. 14to. Orationes tres de imaginibus earundemque cultu contra Iconomachos. 15to. Vita S. Stephani junioris pro sanctarum imaginum honore martyrium passi. Fuit autem Stephanus iste junior patria Constantinopolitanus & professione vitæ sanctæ, ac miraculis clarus Monachus, qui tempore Constantini Copronymi Imp. propter SS. imaginum honorem & adorationem est generose martyrium passus annō ætatis suæ 53. 16to. Disceptatio Christiani & Saraceni, per modum Dialogi expressa. 17mo. Historia de Barlaam & Josaphat, seu liber, in quo historiam Barlaam Magistri, & Josaphat discipuli sui à quibusdam interioris Æthiopie viris acceptam enarrat.

P. Captier Theol. Tom. I.

De S. Petro Damiano. An. 1072.

S. Petrus  
Damianus.  
Obiit an.  
1072.

S. Petrus nobilis Ravennas, cognomento Damianus, vel *Damiani* à fratre suo Damiano, cujus curā, sumptibus & operā post utriusque parentis obitum ad litterarum studia promorus est, dictus; erga quem quippe ut se tanti beneficii memorem, gratumque deinceps exhiberet animum, se Petrum *Damiani* subscribere cepit, & Petrus *Damiani* deinde dici voluit. Peracto studiorum cursu vitam Monasticam professus est, Coenobii Prior paulō post institutus, & de Coenobii Priore S. R. E. Cardinalis & Ostiensis Episcopus à Stephano IX. Papa creatus an. circiter 1058. ac tandem vitæ arctioris & seclerioris amore, dimisso Episcopatu & Purpura, ad eremi Faventinae Coenobium se recepit. Fuit vir sanctus & eruditus, nedum poenitentiae & solitudinis amantissimus, sed & Ecclesiasticae disciplinae defensor vigilantissimus, maximè contra Simonicos, & incontinentes Clericos, atque consanguineis nubentes Laicos. Obiit an. 1072. die 23. Februarii.

Scripta ejus sunt 1mo. Variorum ad varios Epistolarum libri 8. 2do. Sermones variorum variaeque Sanctorum historiarum 3tio. De fide Catholica. 4to. Antilogus contra Judæos. 5to. Dialogus inter Judæum & Christianum. 6to. Disceptatio Synodalis, utrum non possit Summus Pontifex eligi nisi prae-

Z z z

Im-

Imperatoris assensu, 7mo. Actus Mediolani, de privilegio Romanæ Ecclesiæ. 8vo. Liber gratissimus, quod ordinati ab Episcopis consecratis licet Simoniacis non essent iterum ordinandi. 9no. Liber Gomorrhianus, contra Clericos incontinentes. 10mo. De parentelæ gradibus liber. 11mo. De Elemosyna liber. 12mo. De horis Canonicis. 13tio. Liber cui titulus *Dominus vobiscum*, utrum particulæ istæ ut & *Iube domine benedicere* ab eo omitti debeant, qui privatim in cella sua officium recitat. 14to. Apologeticus liber de contemptu Sæculi. 15to. De perfectione Monachorum, liber. 16. De Ordine Eremitarum liber. 17mo. De suæ Congregationis institutis. 18vo. Invectio in Episcopum Monachos ad Sæculum revocantem. 19no. De cœlibatu Sacerdotum. 20mo. Contra intemperantes Clericos. 21mo. De abdicatione Episcopatus sui. 22do. Liber Apologeticus ob dimissum Episcopatum. 23tio. De fuga dignitatum Ecclesiasticarum. 24to. Contra Clericos, qui se sæcularium Principum famulatu tradunt, ut Ecclesiasticas Dignitates sibi comparent. 25. De brevitate vitæ Pontificum. 26to. Contra Clericos Regulares proprietarios. 27mo. De Dignitate Sacerdotali. 28vo. Contra Clericorum Inicitiam & incuriam. 29no. De communi vita Canonicorum. 30mo. Apologeticus liber pro Monachis adversus Canonicos. 31mo. De vili Ecclesiasticorum vestitu. 32do. De Sacramentis per improbos administratis.

## SÆCULO XII.

Sæculò XII. 85.

De S. Anselmo Cantuariensi.

An. 1109.

S. Anselmus Cantuariensis. Obiit an. Chr. 1109.

S. Anselmus Augustæ prope Alpes in Italiæ & Burgundiæ finibus honestis parentibus natus, liberalibus disciplinis à pueritia traditus, è vivis sublata matre, à patre discedens in Galliam venit; ubi post aliquot annos in Normania in Becensis Connobio Ordinis S. Benedicti Monachi induit habitum an. Chr. 1060. ætatis verò suæ 27. sub Herluino Abbate & Lanfranco Priore, cui in Abbatem Cœnobii Cadomensis electo suffectus est sui Monasterii Prior an. Chr. 1063. atque post 15. annos Herluino vicâ functo Abbas factus, tandem an. Chr. 1093. Lanfrancò, qui ad Sedem Cantuariensem ex Abbate Cadomensis vocatus fuerat, morte raptò, Cantuariæ Metropolis in Angliâ Archipræsul electus est, quam summo cum zelo, magno cum labore, scriptò, verbò & exemplò rexit; tandemque 16to. Pontificatus sui annò, plenus meritis, & clarus miraculis feliciter obiit, an. Chr. 1109. ætatis verò suæ 76. post varia subtiliter edita librorum volumina.

Genuina & indubitata ejus Opera sunt hæc, 1mo. Monologium seu Soliloquium, de ratione fidei, seu de iis, quæ vera fides de Deo sentit. 2do. Profologium seu Alloquium ad Deum in persona conantis erigere mentem ad contemplandum Deum, & quærentis intelligere, quod credit. 3tio. Li-  
belli

Genuina  
ejus Opera.

belli duo pro insipiente unus incerti auctoris adversus Prologium Anselmi; & contra insipientem alter, seu Apologeticus Prologii adversus præcedentem librum. 4to. Dialogus de veritate. 5to. Dialogus de libero arbitrio. 6to. Dialogus de casu diaboli. 7mo. Dialogus seu Disputatio dialectica de Grammatica. 8vo. De Fide Trinitatis, & de Incarnatione Verbi liber, contra Roscelini Clerici tunc grassantem hæresim, quæ tres in Deo personas asserbat esse tres res ab invicem separatim sumptas, sicut sunt tres Angeli, tres animæ. 9no. Libri duo contra Gentiles, *Cur Deus Homo*, vulgò dicti. 10mo. De processione Spiritus sancti contra Græcos liber. 11mo. De conceptu Virginali, & de peccato Originali, liber. 12mo. Epistola ad Valerianum, de tribus quæstionibus, nempe de processione Spiritus sancti, de fermento & azimo, ac de cognatorum connubiis. 13tio. Altera ad eumdem de diversitate Sacramentorum, id est, cæremoniarum, quæ circa ea in Ecclesia servari solent. 14to. De concordia præscientiæ, & prædestinationis, necnon gratiæ Dei cum libero arbitrio. 15to. Liber meditationum aliquot, ad excitandam mentem ad Dei amorem vel timorem. 16to. Epistolarum libri tres.

collector vocet S. Anselmum *Patrem sanctum* & c. 188. *Patrem nostrum*. 2do. Liber de mensuratione crucis; quia in eo c. 5. citatur S. Bernardus Anselmò junior, utpote qui primum an. 1113. & mortuò jam Anselmò Monachus factus est. 3tio. Liber de Passione Domini; quia in eo citatur Anselmus, & beatus vocatur. 4to. Liber de vestimentis, & membris, & actibus Deo attributis; quia stylum Anselmi non sapit, & extat apud Augustinum Tom. 4. sub titulo *De essentia divinitatis*, & apud Hieronymum, Tom. 9. Ep. 15. sub hoc titulo, *Epistola de iis, quæ Deo in Scripturis sanctis attribuantur*. 5to. Elucidarium, sive Dialogus Summam totius Christianæ Theologiæ breviter complectens, qui stylum Anselmi non sapit, illudque Honorius Augustodunensis inter sua Opera recenset. 6to. De imagine mundi libri duo, in quo Opere velut in speculo totius orbis dispositio conspicitur. Verùm illud inter sua Opera recenset Honorius Augustodunensis. 7mo. De conceptione B. Mariæ Virginis liber; non reperitur in pluribus Mss. Operum S. Anselmi, & repugnat doctrinæ ab Anselmo traditæ, lib. 2. *Cur Deus homo*, c. 16. & 17. 8vo. Epistola de conceptione B. Mariæ, falsò eidem tribui censetur ab eruditiss. Alia nonnulla Opuscula perperam etiam Anselmo nostro tribuuntur, ut passio SS. Guigneri, sive Fingarisi Patris & Sociorum. Disputatio Judæi cum Christiano, quæ Gisleberti Abbatis Well-

Supposititia vel dubia.

Supposititia vel dubia ipsius. Opuscula sunt 1mo. Liber de similitudinibus. Videtur esse ejusdem illius discipuli eò quòd cap. 186. illarum similitudinum

Z z z a

Well-



Westmonasteriensis esse creditur,  
& alia nonnulla.

86 Anselmus  
Lucensis.  
Obiit an.  
Chr. 1086.

Præter hunc Anselmum Cantuariensem celebrantur adhuc alii, ut Anselmus Lucensis Episcopus, qui obiit an. 1086. Guibertum seu Gilbertum Antipapam sub nomine Clementis III. Gregorio VII. Papæ legitimo contrarium duobus libris oppugnavit. Varias insuper ad varios scripsit Epistolas; imò & collectanea quædam de variis Scriptoribus, in quibus Principes sæculares in Ecclesiæ bonos nullum habere ostendit, quæ de re celebris tunc erat quæstio multum agitata.

87 Anselmus  
Laudunensis.  
Obiit  
an. Chr.  
1117.

Anselmus item Laudunensis Ecclesiæ in Gallia Canonicus & Decanus, Anselmi Cantuariensis æqualis, vir in litteratura sui temporis nulli secundus, morum honestate, & consilii maturitate venerabilis. Scripsit inter alia, Interlinearem Sacræ Scripturæ Glossam, quæ extat cum ordinaria Scæbonis glossa, & morali expositione Lyrani.

88 Anselmus  
Gemblacensis.  
Obiit an.  
1137.

Floruit etiam iisdem temporibus Anselmus Gemblacensis Abbatæ in Brabantia Monachus, & Abbas Ordinis S. Benedicti, patientiâ, pietate & eruditione clarus, Sigeberti antecessoris sui in eadem Abbatia dignitate Chronicon, quod iste ab an. 381. quo Gennadius suum finierat, usque ad annum 1112. perduxerat, continuavit usque ad an. 1137. quo anno obiisse creditur & ipse, vel paulo post.

Ante istos claruit & Anselmus alter Abbatæ S. Remigii Rheimsis Ordinis S. Benedicti Monachus, unde Rhemensis dictus, qui scripsit Diarium itineris & transitus Leonis IX. Romani Pontificis in Galliam, venit enim summus hic Pontifex Coloniam, deinde Aquisgranum, Leodium, Rhemos, Metas, Moguntium, &c. variaque celebravit Concilia, quæ omnia in suo Diario notavit Anselmus.

Anselmus  
Rhemenfis.  
Obiisse creditur an.  
1050.

### De sancto Bernardo. An.

1153.

S. Bernardus.  
Obiit  
an. 1153.

S. Bernardus, natione Galus, patriâ Fontanus, Fontanis quippe in Burgundia claris parentibus, patræ Tescelinô Sorô Dominô de Fontanis, & Alethâ matre Bernardi Montis Barenfis Domini filiâ natus est. Cisterciensem Ordinem, cui an. Chr. 1098. initium dederat Robertus Ordinis S. Benedicti Abbas Molismensis, ingressus est sub Stephano Abbate an. 1113. ætatis suæ circiter 23tiô. Deinde annos viginti quatuor agens, Monasterii Clara-Vallensis recenter erecti destinatur Abbas primus. Vir fuit mirabilis, sublimi ingenio præditus, miti indole, suavi facundiâ dicendi, ita equidem, ut mellissimus Ecclesiæ Doctôr fuerit appellatus. Vir insuper verè Apostolicus, sermone potens & opere, totque miraculis clarus, ut meruerit Occidentalis Ecclesiæ Thaumaturgus nuncupari. Post devictas hæreses, extinctum Petri Leonis Innocentio II. legitimo Papæ contrarii schisma; post

sedâ.

sedatas & pacatas variorum populorum seditiones & dissensionis; post exhibita omnibus sanctoris vite documenta, media hiemis tempestate gravi morbo correptus in pace tandem quievit 20. Aug. an. Chr. 1153. ætatis 63. & Monasticæ professionis 40. relictis variis voluminibus pietate & eruditione plenius.

Opera ipsius genuina & præcipua.

Præcipua & genuina ipsius Opera variis Tomis & voluminibus comprehensa hæc sunt, 1mo. Epistolæ 44. 2do. Libri 7. de consideratione ad Eugenium Papam III. suum quondam discipulum. 3tio. Epistola ad Henricum Senonensem Archiepiscopum, de moribus & officio Pastorum. 4to. Ad Clericos de conversione Sermo seu Liber. 5to. De præcepto & dispensatione liber. 6to. Apologia ad Guillelmum Abbatem S. Theodorici Ordinis Cluniacensis, in qua Cistercienses reprehendit, quod severioris vitæ speciem Cluniacensium institutis detraherent, horum tamen superfluitatem perstringit. 7mo. De laude novæ Militiæ ad milites templi seu Templarios. 8vo. De gradibus humilitatis & superbiæ liber. 9no. De diligendo Deo, liber. 10mo. Tractatus de gratia & libero arbitrio. 11mo. Epistola seu Tractatus ad Hugonem de S. Victore de baptismo aliisque questionibus ab ipso propositis. 12mo. Epistola ad Innocentium Papam II. contra Abaelardum. 13tio. Liber de vita & gestis S. Malachie Hiberniæ Episcopi & Primatis in Clara-Vallensi

cœnobio præsentis & assistente S. Bernardi defuncti. 14to. Liber sive Tractatus de Cantu, seu de correctione Antiphonarii Cisterciensis. 15to. Sermones de tempore, de Sanctis, & de diversis argumentis aliis. 16to. Sermones 86. in Cantica Canticorum.

Alia nonnulla Opera inter scriptiones illius reperiuntur, quæ illius non esse producti tui, & argumenta illorum, unde illis hæc recensendis non immoramur. Hujusmodi sunt libri 7. de vita S. Bernardi &c. &c.

De Petro Lombardo, An. 1164.

Petrus Lombardus vulgò Magister Sententiarum dictus. Obiit an. Chr. 1164.

Petrus, Lombardus à patria dictus, Novaræ quippe, quæ Lombardiæ civitas est in Ducatu Mediolanensi, natus perhibetur. *Magister Sententiarum* vulgò dictus, in Schola S. Genovevæ Doctor Parisiensis & Canonicus Carnotensis. Ex Scholarum Parisiensium Præfide an. 1159. Episcopus Parisiensis creatus est, atque obiit an. 1164. die 20. Julii.

Scripta ejus sunt, Sententiarum libri 4. quibus Theologiæ Summa ex Patrum Scriptis collecta, & in methodum Scholasticam digesta traditur. Item Glossæ seu Commentarius in Psalmos Davidis.

Ejus Scripta.

Denique Collectanea in omnes D. Pauli Epistolas, ex Ambrosio, Hieronymo, Augustino aliisque Scriptoris Ecclesiasticis contexta.

Z z z 3

Sæ.

## SÆCULO XIII.

92 S. Thomas *De S. Thoma Aquinate. An.*  
 Aquinas. 1274.  
 Obiit an.  
 1274.

S. Thomas Aquinas, vulgò Ecclesiæ Doctor Angelicus, & sacri Prædicatorum Ordinis Sol radians & illustre decus, vir fuit natione Italus, & patriâ Neapolitanus, è clara Comitum Aquinatum, ac nobili stirpe natus an. Chr. 1224. Post completum 14tum ætatis annum, S. Dominici sacrum Ordinem ingressus, & in eo ritè peractò Novitiatus annò regulam professus, statim Superiorum iussu, partim Coloniz, partim Parisiis Philosophiæ ac Theologiæ incubuit sub Alberto, viro natione Suevo, sanctitate, eruditione & cognomine Magno, completoque Parisiis studiorum cursu, simul & eodem die, cum S. Bonaventura an. 1255. sacre Facultatis Parisiensis, è Religiosis mendicantibus primus Doctoris laureâ donatus. Ibi deinceps in urbe Regia, libros Magistri sententiarum explicans, Theologiam per multos annos tanta cum sanctitatis & eruditionis laude professus est, ut deinceps ob grandem illam profunde eruditionis famam, & Angelicæ vitæ sanctitatem, Princeps Theologorum & Doctor Angelicus sit toto litterarum orbe Christiano nuncupatus. Tandem cum plures docendo, concionando, & scribendo, pro Christo & Ecclesia subiisset labores, dum Gregorius X. Romani Pontificis iussu pergeret ad Concilium Oecu-

menicum Lugdunense, in celebri Fossæ novæ Ordinis Cisterciensis Cœnobio, propè Amasenum Campaniæ fluvium piè obiit die 7. Martii, annò Chr. 1274. ætatis suæ 50mò. inter Ecclesiæ Doctores haberi iussus Apostolicò Pii V. decretò, an. 1567.

Quadruplicis generis sunt hujus Angelici Doctoris Scripta: alia enim sunt Philosophica; alia Theologica; alia in S. Scripturam exegetica sive explanatoria; alia denique miscellanea seu de variis argumentis.

Philosophica sunt imò. Expositio in duos Aristotelis libros, qui vulgò Perihermenias, hoc est, de interpretatione, dici solent. 2do. Expositio in duos alios posteriorum Analyticorum vulgò dictos, in quibus judicandi sive argumenta resolvendi partem implet & exequitur Aristoteles; *Analysis* enim vox Græca, idem ac *resolutio* significat. 3tio. Expositio in parva naturalia, hoc est in tres alios Aristotelis libros, quos vulgò vocant *parva naturalia*, quia nimirum in his agitur de sensu & sensato, de memoria & reminiscencia, de somno & vigilia, de somnis, & de divinatione per somnum &c. 4to. Expositio in octo Physicorum libros Aristotelis. 5to. Expositio in 4. libros de Cœlo & Mundo. 6to. Expositio in duos de generatione & corruptione libros. 7mo. In 4. Meteorum, id est, sublimium, quæ scilicet in sublimi mundi sublunaris regione formantur, expositio. 8vo. In tres de anima libros expositio.

Theologi-  
ca,

sio. 9no. Expositio in 12. Metaphysicorum libros Aristotelis. 10mo. In decem libros Ethicorum sive Moralium Aristotelis expositio. 11mo. In 8. politicorum, seu de recta civitatis administrandæ ratione libros Aristotelis, expositio.

Theologica S. Thomæ Scripta sunt 1mo. Commentarium in 4. libros Sententiarum Petri Lombardi. 2do. Scriptum alterum in eosdem 4. Sententiarum libros, id est, secundum in eosdem libros Commentarium. 3tio. Quæstiones disputatæ Parisiis vel alibi in Italia, suntque, De potentia Dei, 10. De malo 16. De Spiritualibus creaturis, una. De anima, una. De Unione Verbi, una. De Virtutibus in communi, una. De Correctione fraterna, una. De Charitate, una. De Spe, una. De Virtutibus cardinalibus, una. De Veritate quæstiones 19. 4to. Quodlibetales, hoc est, quæstiones quodlibetales, sive quodlibetica; quod varia nec sibi invicem coherentia de rebus variis contineant argumenta; sunt numerò 12. hæc Quodlibetica, in quæstiones, & quæstio in articulos varios subdivisa. 5to. Summa Catholicæ fidei contra Gentiles. 6to. Expositio in Librum S. Dionysii de divinis nominibus. 7mo. Summa Theologica in tres partes divisa; Opus S. Thomæ omnium potestremum, sed optimum & mirabile, in quo, quasi quintam omnium laborum suorum essentiam expressit. Illius secunda pars in duas est subdivisa,

quæ aliis fusior. Continet autem hæc Summa generatim 12. quæstiones, articulos verò 2672. & argumenta soluta plusquam 1000.

Exegetica in S. Scripturam S. Thomæ sunt, 1mo. Expositio in Librum beati Job litteralis. 2do. Expositio in Psalmos David 51. primos. 3tio. Expositio in Cantica Canticorum. 4to. Expositio in Isaiam Prophetam. A nonnullis eruditus non censetur genuinus S. Thomæ factus, ob eruditionis inopiam. Eidem tamen tribuitur à S. Antonino, Beilarmino, Nazario, & aliis. 5to. Expositio in Jeremiam Prophetam, & Threnes ejus. Ob rationem primùm adductam à nonnullis eidem abjudicatur; sed respondent alii, in ea eundem esse stylum & modum, quo in cæteris exponendis Scripturis usus est S. Thomas. 6to. Expositio in Matthæum Evangelistam. 7mo. Expositio in Evangelium S. Joannis. 8vo. Catena aurea in quatuor Evangelia; est mirabilis & erudita quatuor Evangeliorum expianatio, ex sententiis Patrum mirò artificio connexa. 9. In omnes S. Pauli Epistolas expositio. 10mo. In Canonicas Epistolas expositio.

Exegetica  
in Sacram  
Scriptu-  
ram,

Cæterùm quæ sub illius nomine circumferuntur Commentaria in Genesim & Libros Machabæorum velut spuria rejiciunt eruditi. Neutrum se vidisse ait Beilarminus, lib. de Script. Eccl.

Miscellanea, seu de variis Miscellæ argumentis Opuscula varia S. Tho-

Thomæ sunt 1mo. Contra errores Græcorum. 2do. Compendium Theologiæ. 3tio. Declaratio quorundam articulo-  
rum contra Græcos, Armenos, & Saracenos. 4to. De duobus Charitatis præceptis, & de decem Legis præceptis. 5to. De Articulis fidei & Sacramentis Ecclesiæ Opusculum. 6to. Devotissima expositio super Symbolum Apostolorum. 7mo. Expositio devotissima Orationis Dominicæ. 8vo. Devotissima expositio Salutationis Angelicæ, scilicet *Ave Maria*. 9no. Responsio ad difficultates super 42. articulis, quarum pleraque Philosophiam spectant, ad Joannem Vercellensem Magistrum Generalem Ordinis Prædicatorum, ab eodem ipsi propositas. 10mo. Responsio ad Lectorem Venetum de 36. articulis sibi ab ipso propositis. 11mo. Responsio ad Gerardum Lectorem Bizzuntinum de sex articulis seu quæstionibus sibi ab ipso propositis. 12mo. De differentia Verbi divini & humani. 13tio. De natura & origine Verbi intellectus, seu quomodo procedat intellectus in productione Verbi. 14to. De Substantiis separatis, seu de natura Angelorum. 15to. De unitate intellectus contra Averroistas asserentes unum esse intellectum à corpore separatum, & illum omnium hominum unum, & universalem. 16to. Contra pe-  
lissimam doctrinam retrahentium homines à Religionis ingressu, atque exemplò antiquorum hæresiarcharum Joviniani

& Vigilantii matrimonium Virginitati præferentium. 17mo. De perfectione vitæ spiritualis. 18vo. Contra impugnantes Deum cultum & Religionem præsertimque Mendicantium. 19no. De Regimine Principum ad Americum Lusignanum libri 4. 20mo. De regimine Judæorum, seu quomodo Judæi à Principibus regi debeant, ad Ducissam Brabantiam. 21mo. De forma absolutionis Sacramentalis ad Generalem Magistrum sui Ordinis. 22do. Expositio primæ decretalis de Summa Trinitate, & Fide Catholica. 23tio. Expositio super secundam decretalem Innocentii III. quæ post expositionem in præcedenti fidei Catholicæ formam, damnatur error Abbatis Joachim reprobare volentis doctrinam Magistri Petri Lombardi circa Unitatem divinæ essentia, & Trinitatem personarum. 24to. Tractatus de sortibus, in quibus nempe fors locum habent, quis sortium finis, quis modus inquirendi per sortes, quæ & unde virtus earum, an eis uti liceat secundum Christianæ Religionis doctrinam. 25to. De judiciis astrorum, seu Astrologia judiciaria. 26to. De æternitate mundi, ubi contendit, non repugnare mundum esse creatum & non habere durationis initium. 27mo. De Fato. 28vo. De principio individuationis, ubi contendit materiam primam esse individuationis principium primum forme substantialis, accidentia verò individuari à proprio subiecto,  
in

in quo recipiuntur. 29no. De Ente & essentia, seu de quidditate entium. 30mo. De principiis naturæ, seu de quatuor causis, efficiente, finali, materiali, & formali. 31mo. De occultis naturæ operibus. 32do. De motu cordis. 33tio. De instantibus, seu momentis, quæ omnem durationem comitantur. 34to. De oppositis seu quatuor oppositorum generibus, contradiçtorie scilicet, privative, contrariæ, & relative oppositis. 35to. De fallaciis, quæ inter disputandum & ratiocinandum contingunt. 36to. De propositionibus modalibus. 37mo. De eruditione Principum libri 7. 38vo. De natura accidentis opusculum. 39no. Officium Corporis Christi ab ipso jussu Urbani IV. Papæ conscriptum. 40mo. De venerabili Sacramento Altaris opusculum. 41mo. Expositio in librum Boëtii de Hebdomadibus, seu editionibus, nam *Hebdomas* græcè idem est Latine ac *editio*, ubi S. Thomas expnit librum, quem Boëtius de suis conceptionibus edidit. 42do. Præclaræ quæstiones super librum de Trinitate ejusdem Boëtii.

Hæc sunt genuina S. Thomæ Opera. Cætera verò illis inserta sunt dubia, numero 40. pleraque Philosophiam spectant.

*De S. Bonaventura. An. 1274.*

S. Bonaventura vir fuit natione Italus Balneoregii in Tuscia claris parentibus ortus, patris P. Cartier Theol. Tom. I.

tre scilicet Fidentio & Ritelio matre anno Christi 1221. & ante S. Francisci Fratrum Minorum Seraphici Patris obitum, annis quinque; cujus precibus infans adhuc gravi morbo laborans sanatus est, & ideo à pia Matre Religioni Franciscanæ dedicatus, quam post 21. ætatis annum ingressus est, & ideo à pia Matre Religioni Franciscanæ dedicatus, quam post 21. ætatis annum ingressus est, mira vitæ sanctitate, innocentia & eruditione sacrum hunc Ordinem illustravit. Exactò à professione sua septenniò Parisi mittitur, ubi per tres annos Alexandrum Halensem celeberrimum Ordinis Seraphici, & Parisiensis Academicæ Magistrum audit, atque eodem die, quo S. Thomas Aquinas ex Ordine Fratrum Prædicatorum, ipse ex Ordine FF. Minorum Doctoris insula decoratus est, & postea Theologiam publicè docuit, summum cum omnium applausu. Tot dotibus ac meritis clarus, 13tiò. suæ Franciscanæ professionis anno Romæ communi Fratrum suffragiò, & præsentè Alexandro IV. Papæ totius Ordinis Generalis Magister electus est, post S. Franciscum septimus, anno Christi 1256. quo munere ritè & sanctè perfunctus est, atque sensim collapsam sui Ordinis disciplinam restituit. Viterbii Cardinalibus post Clementis IV. Papæ obitum pro novi Pontificis electione congregatis, nec inter se convenientibus, & in S. Bonaventuram compromittentibus, ipse eis, nulla sui ipsius habita ratione, Papam dedidit Theobaldum Placentinum è familia Vicecomitum, & Leonem Archidiaconum in Orientem.

A a a a

Orien-

S. Bonaventura. Obiit an. 1274.

Oriente tunc pro Christi & Ecclesiæ causa degentem, virum pietate & religionis zelo clarum, qui Gregorius X. appellatus est; hic indicò annò Chr. 1274. pro Græcorum cum Latinis unione Lugdunensi II. Oecumenicò Conciliò ad illud Bonaventuram evocavit, ubi reluctans à Summo Pontifice S. R. E. Cardinalis & Episcopus Albanensis renuntiatus fuit; atque post Sessionem 4tam felice morte sublatu est, die 14. Julii, annò Christi 1274. ætatis suæ 53tio. Eum inter Ecclesiæ Doctores haberi debere jussit latò decretò Sixtus V. Papa.

*Æjus Scripta.*

Scripta ejus præcipua sunt 1mo. Expositiones variz in S. Scripturam. 2do. Commentaria in 4. Magistri Sententiarum libros. 3tio. Sententiæ sententiarum carmine digestæ, sive quatuor Magistri Sententiarum libri carmine digesti. 4to. Sermones de diversis argumentis varii,

Ex Opusculis aliis præcipua sunt 1mo. Opusculum seu liber de reductione artium ad Theologiam. 2do. Breviloquium, in quo Theologiæ instituta atque præcepta summatim ac breviter exponit. 3tio. Centiloquium, quod Compendium Theologiæ dicitur, centum sectionibus comprehensum. 4to. Pharetra, opusculum 4. libris distinctum, *Pharetra* dictum, quia in eo reconduntur variz SS. Patrum auctoritates, quibus quasi sagittis antiquus hostis deijci possit. 5to. Declaratio Terminorum Theologiæ,

huius sacri studii Candidatis perutile. 6to. De septem donis Spiritus Sancti, opusculum in duas partes distributum. 7tmo. Diæta sive via salutis, totum S. Scripturæ locis referunt, ac egregiis similitudinibus ornatum Opus, ac Dei Verbum prædicantibus perutile. 8vo. Meditationes vitæ Christi. 9no. Speculum B. Mariæ Virginis, sive Mariale octo lectionibus sive capitibus distinctum; speculum dicitur, quia in eo velut imagines in speculo repræsentantur B. Virginis dotes, virtutes & dona. 10mo. De gradibus virtutum formula aurea. 11mo. De pugna spirituali contra septem vitia capitalia. 12mo. Speculum animæ, de eodem argumento ferè, de quo prius opusculum, & in quo quisque, velut in speculo, à se patrata scelera videre potest. 13tio. Confessionale, in quo Confessarium, cui incumbit animarum regimen, ad audiendas Confessiones informat, & erudit. 14to. Expositio Missæ. 15to. Expositio in regulam FF. Minorum. 16to. Determinationes questionum circa Regulam S. Francisci. 17mo. Libellus Apologeticus in adversantes Ordini S. Francisci. 18vo. De paupertate Christi. 19no. Apologia pauperum, contra malevolos erga Ordinem S. Francisci. 20mo. Biblia pauperum, opusculum verbum Dei prædicantibus utile & commodum. 21mo. Compendium Theologiæ veritatis. A nonnullis ipsi adjudicatur, sed tamen verisimilius ipse illius Auctor est; Theologiæ *Can-*

Candidatis peritile Opus. 22do. Mystica Theologia; à nonnullis cuidam Carthusiano adscribitur.

(g) Hisce nostro Ecclesie Patrum & Doctorum, qui præclaris suis Scriptis & Operibus Ecclesiam illustrarunt, finem imponimus Catalogo, in quo, ut candidè, quod verum est, fateamur, multò plures omisimus, quàm recensuimus: enimverò eos omnes eorumque Opera omnia recensere infinitus penè labor foret, atque ultra instituti nostri metas longè arriperetur. Satis nobis esse arbitrati sumus, plerosque duntaxat, eorumque Opera genuina à dubiis & spuris distincta recensere, quorum frequentius apud Theologos fit mentio, & quorum auctoritate sententias suas & assertiones communire solent; quique ideo ab ipsis Classici vocari consueverunt. Qui verò prolixiorum de iis eorumque operibus Catalogum desiderant eos Scriptores adeant velimus, qui ex instituto Ecclesie Patrum & Doctorum, eorumdemque Operum Syllabum texerunt; ut sunt præter Hieronymum, Gennadium, Ildorum juniorè, de quibus suis locis jam egimus, Photius natione Græcus, Senator primò Constantinopolitanus, & Michaeli Imperatori

à Secretis primus, deinde in locum Ignatii Patriarchæ viri sanctissimi perperam detrufi, Patriarcha ipse Constantinopolitanus per nefas intrusus, magnæ quidem eruditionis, sed majoris nequitie vir, qui Schismati, quod usque in hodiernam diem adhuc Latinam Ecclesiam later & Græcam viget, dedit initium. Præter Nomocanonem, id est Canonum Collectionem, & varias Epistolas & Tractatus, ingentem scripsit Bibliothecam 294. Auditorum, in qua non modò singulorum Auditorum libros, sed & librorum capita, & capitum argumenta recenset. Vivere deluit annò circiter 886.

Sigebertus Gemblacensis Sigebertus Abbas scripsit librum de Viris illustribus, sive de Scriptoribus Ecclesiasticis, in quo seipsum & sua Opera recenset, præsertim eam, quam texuit Chronologiam ab anno 381. continuando Gennadium usque ad annum 1112. quo & ipse vivere desuit.

Henricus Gandavenfis, vulgo dictus, quia Gandavi in Flandria natus, Facultatis Parisiensis Doctor Theologus, vir eruditione magnus & celebris, & Tornacensis Archidiaconus, scripsit præter alia Opera de Scilicet

A a a a a pto-

94 Photius.  
Vivere desuit annò  
Christi  
886.

Henricus Gandavenfis. Obiit ann. 1293. 96

(g) In recensendis ordine Ecclesie Patribus & Doctoribus, plerumque illos ad id Sæculum rejecimus, quo eos obisse constat duntaxat. Unde non obest, quin ad illud, quo obierunt, prioris Sæculi plerumque sua Scripta vulgatis dicantur, atque hujus Sæculi Patribus ecclesiæ referantur.



ptoribus Ecclesiasticis Catalogum usque ad annum 1280. & obiit annò 1293. ætatis suæ 76.

97 *Joannes Trithem.*  
Obiit annò 1519.

Joannes Trithemius, sic dictus à vico in Germania propè Mosellam juxta Treviros, in quo natus fuit, Ordinis S. Benedicti Monachus, primò Spanheimensis Abbatiz deinde Herbipolensis Scotorum Abbatiz Præsul. Præter alia egregia Opera, scripsit de illustribus Germaniæ viris librum unum, de viris illustribus Ord. S. Benedicti alterum, & denique de Scriptoribus Ecclesiasticis generatim unum, ab Apostolorum temporibus ad suam usque ætatem, videlicet usque ad annum 1494. in quo Opere 970. Auctorum meminit. Obiit annò 1519.

98 *Conradus Gesnerus.*  
Floruit circa annum 1555.

Conradus Gesnerus Tigurinus Philosophus & Medicus, præter alia Opera scripsit illustrium Scriptorum Bibliothecam circa annum 1555.

99 *Antonius Posssevinus S. J.*  
Obiit annò Chr. 1611.

Antonius Posssevinus natione Italus, patriâ Mantuanus Societ. Jesu Presbyter, præter varia præclara Opera scripsit Apparatum sacrum & historicum in tres Tomos distributum, in quo omnes ferè Scriptores Ecclesiasticos tam veteres quàm recentiores ordine Alphabetico recenset. Obiit Feratiz annò 1611, ætat. 78.

100 *Bellarminus S. J.*  
Obiit annò Chr. 1621.

Robertus Bellarminus S. R. E. Cardinalis natione Italus, patriâ Politianus Soc. Jesu alumnus, scripsit præter tres Con-

troversiarum Tomos fidei Christianæ adversus sui temporis hæreticos, in quibus de Verbo Dei, de Summo Pontifice, & de Conciliis fusè disserit; præter explanationem in Psalmos, & Conciones sacras, pluraque alia adversus hæreticos Opera; scripsit insuper, & in sua ultima ætate revidit & expolivit de Scriptoribus Ecclesiasticis librum unum, in quo de 400. circiter Auctoribus Ecclesiasticis suum eruditum & sapiens exponit judicium, incipiens à Moyse, Scriptore Ecclesiastico primo, usque ad subsequentes, & sui temporis alios, cui brevem addidit Chronologiam ab Orbe condito, usque ad annum Chr. 1612. Obiit annò Christi 1621, die 17. Sept. ætatis verò 79.

Aubertus Miræus patriâ Brabantensis, & Antverpiensis Ecclesiæ Canonicus & Decanus Joannis Miræi Antverpiensis Episcopi nepos, vir eruditus & celebris, qui præter Notitiam Episcopatum Orbis, Geographiam Ecclesiasticam, Origines Ordinum Religiosorum sermōnium, Rerum Belgarum Annales, ac erudita plura alia Opera, scripsit insuper Bibliothecam Ecclesiasticam, necnon Illustrum Belgii Scriptorum elogia. Obiit Antverpiæ annò 1640. ætatis suæ 67.

Guilielmus Cave Canonicus Windeforiensis in Anglia, scripsit etiam Scriptorum Ecclesiasticorum Historiam litterariam, à Christo nato usque ad Sæculum 14tum.

Idem

103. Calimirus  
Oudinus.

Idem argumentum profectus est Calimirus Oudinus ex Monacho Præmonstratensis Ordinis in Gallia Calvinianus Apostata; edito Commentariò de Scriptoris Ecclesiasticis tribus Tomis comprehensò. Verùm ambo hi, quia Apatholici, cautè sunt legendi.

104

## CAPUT II.

*De Historiæ humanæ, tum Ecclesiasticæ, tum profanæ Scriptoribus, eorumque in rebus Ecclesiæ auctoritate.*

**H**istoriam humanam vocamus rerum quovis Sæculò & ætate gestarum narrationem & annotationem. Ecclesiastica vocatur, si res præcipuè Ecclesiam spectantes; Prophana autem, si secularia præcipuè tractet, & contineat.

De ea hîc tria inquirimus, 1mo. Utrum illius cognitio Theologo sit utilis. 2do. An aliquæ sint regulæ, quibus veræ historiæ à falsis dignoscantur. 3tio. Quenam sit historiæ humanæ auctoritas.

105

## CONCLUSIO I.

Historiæ sive profanæ, sive Ecclesiasticæ cognitio Theologo perutilis, ne dicam necessaria est.

Prob. 1ma pars. Cognitio historiæ profanæ plurimùm, imò omnino confert ad Scripturarum sacrarum intelligentiam, utpotè in quibus præsertim in Prophetis occurrunt loca plurima, quæ sine historiæ ad veteres Monarchias spectantis cognitione expediri nequeunt; unde, *Quidquid*, ait S. Augustin. (b) *de ordine temporum transactionum* indicat ea, quæ appellatur *historia*, plurimùm nos adjuvat ad sanctos libros intelligendos, etiamsi præter Ecclesiam puerili eruditione discatur. Confert etiam præliminis ad Ecclesiasticorum monumentorum intelligentiam, ut patet; Itemque contra Adversarios fidei Christianæ, utpotè quos ex ipsis Græcorum, & Romanorum historiis Clemens Alexandrinus, Tertullianus, Eusebius, & alii feliciter impugnârunt. Ergo Historiæ profanæ cognitio est Theologo perutilis, &c.

Prob. altera pars Conclusi-  
onis. Theologas ex historia  
Ecclesiastica discit 1mo. Quid  
antiquum sit, quidve novum;  
quæ dogmata sive fidei, sive  
morum, quæ disciplinæ capita,  
in Conciliis determinata fue-  
rint. Discit 2do. Quid in ar-  
duis Religionis negotiis agen-  
dum sit: pauca enim nunc oc-  
currunt, quæ aliàs jam non oc-  
currerint: *Nihil sub sole novum*,  
ait Scriptura (i), *neq. valet*  
*quisquam dicere: Ecce hoc recens*  
*est: jam enim præfuit in Sacu-*  
*lis,*  
A a a 3

(b) Lib. 2. de Doct. Christiana c. 28. (i) Eccl. 1.

*fit, quæ fuerunt ante nos.* Discit 3tio. Qua occasione nonnulla in Conciliis statuta fuerint, quam ob causam aliqua à Patribus scripta sint; ac proinde quinam sit germanus tum Conciliorum tum Patrum sensus. Discit 4to. Præclara Sanctorum Gesta, ad quorum normam mores suos componat. Ergo, &c.

tempore, quo contigisse scribitur, sed tantum multis post annis, fidem non meretur. Hincque patet, vel eo solo titulo rejici debuisse historiam de Joanna Papissa, quam ducentis & amplius annis, postquam contigisse fertur, tandem Martinus Scotus, alias Polonus dictus, evulgavit.

## CONCLUSIO II.

Nonnullæ sunt Regule, quibus veræ historiæ à fictis dignoscuntur.

Prob. enumeratione illarum. 1mo. Vera est & non ficta historia, quæ enarrat factum aliquod contigisse coram ingenti multitudine, quæ licet illius intererit falsum manifestare, si quod fuisset, ipsum admisit, tradiditque posteris tanquam certum. Hinc colligitur, maximam esse certitudinem historiarum, quibus Veteris Legis miracula recensentur: scilicet patrata dicuntur coram sexcentis millibus testium, qui ea non modo pro veris habuerunt, sed & posteris libros tradiderunt, quibus continebantur, quamvis hi libri facta narrarent, quæ sibi ac toti Judicæ Genti parum essent benèficia. Idem dici debet de miraculis, quæ referuntur in Nova Lege: eorum enim testes oculati pro tuenda illorum veritate mortem obierunt.

2do. Econtrâ, cum factum aliquod non fuit evulgatum eo

3tio. Factum, quod non refertur ab insigni & fideli aliquo Historico, cujus plurimum intererat ipsum referre, quodque eum, si re vera contigisset, non potuisset eum latere; fictitium censeri debet, quamvis à pluribus Historicis tempore posterioribus reseratur.

4to. Veritas factorum, quæ secretò, hoc est, coram uno teste, contigisse dicuntur, pendet ab illius hominis fide, coram quo ejusmodi facta contigisse narrantur. Unde de iis factis non habetur certitudo, nisi in quantum certum est, eum hominem deceptum non fuisse, nec voluisse decipere ceteros. Hincque patet, quam inane sit ac fluxum totius Religionis Mahumetanæ fundamentum.

## CONCLUSIO III.

Præter Auctores sacros nullus Historicus potest facere eam certitudinem, quæ fidem generet.

Prob. Quilibet privatus homo præter eos, quos ex evidentiis

tibus motibus credibilitatis constat scripsisse ex motu Spiritus sancti, absolute loquendo, falli potest, ac fallere: ac proinde nullus potest facere certitudinem, quae generet fidem, & cui, absolute loquendo non possit subesse falsum. Ergo, &c.

#### CONCLUSIO IV.

Historici graves ac fide digni, quales sive in Ecclesiasticis, sive in Secularibus nunquam reperire est, Theologo argumentum probabile suppeditant.

Prob. Probabile est, Historicis, de quibus agitur, nec falli, nec fallere velle: prudenter nimirum se gerit; qui credit homini fide digno affirmanti, se aut rem vidisse, aut accepisse ab hominibus sapientibus, qui illius oculati testes extiterint. Hinc patet, imprudentem ac temerarium fore, qui fidem detraheret miraculis, quae S. Augustinus ipse inventionem Corporis S. Stephani se vidisse testatur. Ergo,

#### CONCLUSIO V.

Omnes probati ac graves Historici, nullo contradicente, factum aliquod enarrantes Theologo certum argumentum suppeditant.

Prob. Id certum argumentum Theologo suppeditat, de

quo nemo, qui sapiens sit, dubitare potest. Atqui de huiusmodi facto, quod ab omnibus probatis ac gravibus Historicis, nullo contradicente, refertur, nemo qui sapiens sit, dubitare potest. Nemo v. g. nisi desipiat, dubitare potest, Concilium Nicaenum I. imperante Constantino Magno celebratum fuisse. Eo argumenti genere nituntur fideles, ut iudicent, quaedam Concilia esse Oecumenica, seu universam Ecclesiam representare; ac proinde se prudenter fide divina credere, quae in eis definita fuere. Ergo &c.

Ad probe iudicandum autem, an Historicus aliquis sit fide dignus, sequentia sunt exponenda, & examinanda. 1mo. An sit coetaneus rei, quam enarrat; si enim multo post tempore vixerit, tantam fidem non meretur. 2do. An in rebus etiam non multum intricatis, nonnunquam deceptus sit. 3tio. An ipse interfuit, facta sic extitisse, quemadmodum ab eo refertur. Ob eam rationem Eusebii Caesariensis fides in rebus, quae ad Arianos spectant, dubia est; Arianismi nimirum fulgine aspersus fuisse creditur. Sic etiam Socratis ac Sozomeni testimonia non sunt omnino certa in rebus, quae pertinent ad Novatianos, nempe Novatianorum Schismatis rei fuisse perhibentur. Legi hac de re potest Melchior Cantus libro 11. de locis Theologicis praeterea eloquentis.

## CAPUT III.

*De Theologis Scholasticis, Jurisque Pontificii peritis eorumque auctoritate.*

IN nostra in universam Theologiam Præfatione, eam definivimus, quòd sit *Disciplina*, quæ de rebus divinis ac supernaturalibus disputat, & dissevit, ut ex veritatibus à Deo revelatis, siveque Catholica principii cum de ipso Deo, tum de creaturis conclusiones, seu conclusiones eliciat, quibus si ei mysteria explanet, suadent, confirmet, ac teneatur. Ex qua definitione, quisque facile intel liget, quodnam Theologorum munus sit, & quinam hoc nomine digni censeantur.

Porro Theologi Scholastici sive antiqui sive recentiores vel Scripturæ & Traditione nituntur, ut suas assertiones confirmet, vel sola humana ratione, aut gravium, ut loquuntur, aliorum Theologorum sententiis.

## CONCLUSIO I.

In iis, quæ ad silem vel mores pertinent, nulla debet haberi ratio Scholasticorum, qui nec Scripturæ, nec Traditione, sed sola humana ratione & Recentiorum auctoritate sua placita confirmant.

Prob. 1mo. Nec humana ratio, quæ post peccatum originale contractum facile fallitur, nec Recentiorum sententia, quæ sæpius maximè temeraria est, leges sunt, ad quas sive fidem nostram, sive mores exigere debemus, id enim solius Scripturæ ac Traditionis jus est. Ergo &c.

Prob. 2do. Si Scholasticorum haberi deberet in his ratio, tunc liceret in moralibus sequi opinionum portenta, quæ ab Alexandro VII. Innocentio XI. & pluribus variarum provinciarum Episcopis proscripta sunt, tanquam exitiosa, & scandalosa: ea enim opinionum portenta non ab uno tantum, sed ab innumeris ferè recentioribus, qui perrarò Scripturam aut Traditionem laudant, propugnata sunt. Atqui id non licet. Ergo &c.

## CONCLUSIO II.

Plurium Scholasticorum ex iis etiam, qui placita sua ad Scripturæ & Patrum normam exigere profitentur, consensus in aliquod dogma, si alii insignes, licet numerò pauciores, dissentiant, non majoris est ponderis, quàm rationes, quibus nituntur.

Prob. Scholastici non sunt à Christo, aut Ecclesia constituti controversiarum Judices: id nempe juris solis Episcopis populus sibi creditos docentibus

bus divinitus concessum est: *Qui vos audit, me audit; qui vos spernit, me spernit*; inquit Christus ad suos Discipulos, quorum successores sunt Episcopi. Unde cum in Synodis expenditur aliquod dogma, Patres non multum moventur opinionibus, quæ in Scholis hinc inde agitantur, sed Scripturam tantum & Traditionem consulunt. Igitur Scholastici se habent, sicut Causidici, seu causarum patrones: quemadmodum ergo Causidici solius consultationis, non autem decisionis vim habent, ita & Scholastici.

### 116 CONCLUSIO III.

Unanimis Scholasticorum omnium in unum dogma consensus, Theologo suppeditat magni roboris argumentum.

Prob. 1mo. Id magni roboris argumentum suppeditat, quod Ecclesia nunquam explosit, aut rejecit, sed quo potissimum in suis de fide & moribus definitionibus adjuta est. Atqui Ecclesia nunquam explosit Scholasticorum omnium in unum dogma consensum, aut illum rejecit, quin potius, si probe attendamus, quingentis abhinc annis, ubi quasdam hæreses condemnavit, aut de fide & moribus decreta tulit, Scholasticorum subsidium & diligentiam vehementer adjuta fuit, ac potissimum in Concilio Tridentino. Ergo.

P. Cartier Theol. Tom. I.

2do. Unanimis omnium Scholasticorum consensus est testimonium plusquam probabile, articulum, in quem consentiunt, esse traditum. *Quod enim*, ait Tertullianus (k), *apud multos unum invenitur, non est erratum sed traditum*. Atqui quod traditum est, est infallibile. Ergo &c. Unde manifestè sequitur, Doctores Scholasticos simul omnes in fide & moribus errare non posse, maximeque momenti esse illorum in hujusmodi rebus consensum, eorumque ita concordie de fide aut moribus sententiae contradicere, si hæresis non sit, saltem hæresi proximum quid esse, prout tueretur Melchior Canus.

Quod Juris Canonici per-  
117  
tos spectat; notandum, Juris Canonici Volumina circa varia rerum genera versari. Primum enim Catholicam fidem & profitentur, & explicant, ut in tit. de *summa Trinitate*. Deinde de moribus definiunt, necnon de Religione Christiana, quantum aut ex Evangelica lege, aut naturæ ratione definire licet: ut videre est in tit. de usura, de jurejurando, de divortiiis, de Smonia. Præterea disserunt quoque de disciplina Ecclesiastica, omnibusque Canonibus seu legibus ab Ecclesia statutis. His positis sit

B b b b

CON-

(k) Lib. de præscrip.

## 118 CONCLUSIO IV.

In iis, quæ ad Fidem pertinent, Jurisconsultorum auctoritate non eget Theologus, quin potius eorum titulum, qui de fide decernunt, Legisperitus à Theologo petere debet auctoritatem.

Prob. Quia Pontificum & Conciliorum definitiones circa fidem in Juris Canonici voluminibus contenta & congestæ ex sacris Litteris & Christi atque Apostolorum Traditione tanquam principis sunt collectæ. Atqui hæc principia, unde Pontifices & Concilia suas circa fidem definitiones derivant, propria sunt Theologicæ facultatis, utpote cujus est cognoscere, quæ à Deo sunt revelata, quæque his vel consequentia vel repugnantia. Ergo in ejusmodi rebus Canonum Sacrorum intelligentia non à Jurisperitis, sed à Theologis est petenda.

## 119 CONCLUSIO V.

In his quoque, quæ ad mores pertinent, quatenus, vel lex Evangelica, vel ratio Philosophica circa eos quidpiam præscribit, Jureconsultorum auctoritas parum aut certe nihil Theologo conferre potest.

Prob. Sacrarum Litterarum cognitio est Theologo propria. Ergo quæcunque de moribus vel in sacris Litteris continentur, vel ex eisdem per certam connexionem deducuntur, & consuevantur sunt etiam ipsi

propria, quæ porro Jurisperitus ut aliena mutuatur.

Philosophiæ item principia habentur à Theologis, ut quæ de virtutibus & vitiis, de fine humanæ vitæ, deque actionibus, quibus ad hunc finem pervenitur, longè lateque disserant, & super harum rerum jactis fundamentis morum fabricam extruant. Ergo certè quæ de moribus ex principis naturæ ratione constitutis præscribuntur, ea Theologus quasi jure assumit, & Jureconsultis exposita & enucleata tradit.

Atque ut exemplo agamus, quemadmodum Musicus ab Arithmetico conclusionum suarum rationem sumit, quòd hæc conclusiones à principis Arithmeticis deriventur, ita & si quæ Dogmata de moribus Jus Pontificium vel ex Evangelio, vel ex Philosophia colligit, ea sane tanquam à propriis principis accepta Theologus agnoscat, rectiusque & intelligat, & interpretabitur. Unde in summo errore & magna veritatis ignorance versari videntur Jurisperiti illi, qui contendunt, in materia Usurarum, Simoniarum, & aliis ejusmodi, in quibus de peccato mortali agitur, ad Jurisperitos potius, quam ad Theologos recurrendum esse.

## CONCLUSIO VI. 120

In illo rerum genere, ubi scilicet de moribus & Disciplinæ

plina Ecclesie Religionisque institutis per leges tantum à Synodis vel Pontificibus statuas decernitur, necnon poenae Juris praefiniuntur, Jurisperitorum omnium communis consensus, concorsque sententia Theologo magnam fidem facere debet, cum incidit quaestio super hujusmodi rebus.

Sunt illius facultatis, non credere, erit profectò temerarium: & in ejusmodi Canonum interpretatione Ecclesie Judices atque Administri concordem omnium Jureconsultorum sententiam amplecti tenentur.

## CAPUT IV. 122

*De Ratione naturali, Philosophis, & Juris Casarej Consulis eorumque auctoritate.*

Prob. Quæ Juris Canonici sunt propria, non alii melius & rectius intelligunt, quam Juris Canonici periti. Atqui quæ Disciplinam Ecclesiasticam per leges à Pontificibus & Synodis stabilitam &c. spectant, sunt hujus facultatis propria. Ergo ea non alii melius & rectius intelligunt, quam hujus facultatis seu Juris Canonici periti; adeoque & circa ea ipsis fidem habeat Theologus necesse est.

Circa rationem naturalem duo hic inquirimus, imò. Utrum à Theologis consuli debeat. 2do. Quam vim & auctoritatem habeat. Sic

## CONCLUSIO I.

Ratio naturalis utiliter à Theologis consulitur, non tamen se habet per modum principii respectu Theologiae.

Prob. 1ma pars. Quod à Deo datum est homini ad comparandam veritatis cognitionem, illud utiliter à Theologo consulitur. Atqui ratio naturalis ad eum finem homini à Deo data est: est enim quædam divini luminis participatio, juxta illud Psalmistæ: *Signatum est super nos lumen vultus tui, Domine.* Ergo &c.

Prob. 2da pars. Unum est tantum Theologiae principium, divina scilicet revelatio, quæ aut Scripturæ aut Traditione continetur, prout

B b b b a c x

121 Unde si e. g. veniat in dubium, an hic aut ille homo sit irregularis, vel excommunicatus, vel interdictus, vel suspensioni obnoxius; item an Delegatus possit subdelegare, an Episcopus in his illisve possit dispensare, an Ecclesie Pastor ritè sit electus, num Juxta Ecclesiasticus causam in Judicio legitimè definierit? In his aliisque sexcentis hujus generis, Theologus insolentissimus erit, si, quod ignorat, judicaverit. Insolentior, si, posteaquam Jurisperitos consuluerit, omnium auctoritati refragatus fuerit.

Igitur Juris Canonici prudentibus in his, quæ propria



ex tradita à nobis ipsius definitione patet; atque per hoc Theologia, prout alibi diximus, differt à Philosophia, aliisque naturalibus Disciplinis. Ergo ratio naturalis non se habet per modum principii respectu Theologiæ.

Dicendum igitur, rationem naturalem eo sensu ad Theologiam conferre, quòd ex principiis revelatis conclusiones eliciat, aut exponat motiva credibilitatis, quibus sit, ut prudenter credamus, Scripturam & Traditionem esse verum Dei Verbum.

Hinc sequitur 1mo. Eos abuti ratione, qui in rebus Theologicis ei primas partes tribuunt; *Oportet*, inquit S. Thomas (1), *quòd naturalis ratio subserviat fidei*. Hoc ubi implicatur hæretici omnes: il enim ad præconceptarum quarundam opinionum normam de vero Scripturarum sensu judicare soliti sunt, cum è contrà germanus illarum sensus ex terminis quibus ipsæ constant, ex Ecclesiæ ac sanctorum Patrum consensione desumi debeat.

Sequitur 2do. In eundem scopulum incidisse præsertim Socinianos, qui persuasi, Deum nihil revelasse, quod humana ratio capere non valeat, in sensum Metaphoricum detorqueant omnia Scripturæ loca, quæ sumpta in litterali sensu continent dogma, quod hominibus captum superat, aut ratio-

ni naturali oppositum esse videtur. Eo nixi principio Trinitatis, Incarnationis, aliorumque difficultum mysteriorum existentiam inficiati sunt.

Sequitur 3tio. Ejusdem culpe reos esse illos conscientie casuum arbitros, qui Dei ipsius judices se ipsos constituentes affirmare non verentur: *Hac aut illa ejus præcepta, si ad litteram sumerentur, non satis fore attemperata infirmitati humana*: Ex eo nempe temerario judicio argumenta petunt, quibus præcipua mandata clarè alioquin in Scripturis expressa convellunt. Eundem reatum contrahunt ii, qui præconcepto hoc axiomate nixi: *Præceptum non obligat per se, quando tempus obligationis non exprimitur*, contendunt, primum Decalogi mandatum nusquam hominem in vita obligare: *Homo*, inquit, *nullo unquam vita sua tempore tenetur elicere actum Fidei, Spei, & Charitatis ex vi præceptorum divinorum ad eas virtutes pertinentium*.

## CONCLUSIO II. 123

Communia principia rationis naturalis certum Theologo argumentum suppeditant: Conclusiones verò, quæ aliâ viâ, quam per demonstrationem ex illis inferuntur, argumentum duntaxat probabile.

Prob.

(1) 1. p. q. 1, Art. 2. ad 2.

Prob. prior pars. Communia principia rationis naturalis sive ad mores, sive ad alias veritates pertineant, certa sunt & evidentialia, ut patet in istis: *Totum est majus sua parte. Impossibile est idem simul esse & non esse. Bonum est faciendum & malum fugiendum. Alteri ne feceris, quod tibi fieri non vis.* Atqui quæ certa sunt & evidentialia certum Theologo argumentum suppeditant. Ergo &c.

Prob. altera pars. Conclusiones, quæ per demonstrationem non eliciuntur ex communibus rationis naturalis principiis, inferuntur tantum per medium probabile: Ergo solum argumentum probabile Theologo suppeditant.

Conclusiones igitur, quæ immediatè eliciuntur ex primis & communibus rationis naturalis principiis, plerumque inferuntur per medium demonstrativum. Sic ex isto moralis disciplinæ principio: *Alteri ne feceris, quod tibi fieri non vis,* demonstrativè colliguntur plura ex præceptis, quæ vetant, ne proximo damnum inferatur.

Econtrà, quæ mediatè tantum & remotè ex iisdem rationis naturalis principiis inferuntur, plerumque probabiliter tantum colliguntur, quia non semper clarè videtur connexio, quam remotæ conclusiones habent cum primis principiis, præsertim in rebus ad mores spectantibus: idque contingit, aut Deo nonnunquam

(ut ait Augustinus) spargente poenales concitates super illicitas cupiditates, aut propter præjudicia, vel propter pravum aliquem affectum, quomodo inclinatur ad judicandum pro his rebus, quæ cupiditatem fovent, ac nutriunt.

Quantum ad Philosophos 124 spectat, eorumdem fermè hæc ratio ineunda est ac rationis naturalis, quippe quæ duce & ipsi suas promunt sententias. Atque ad hoc potissimum valet Philosophorum omnium una eademque consensus, ut rei alicujus evidentialia pariat. Cum enim omnes tam vetores quam recentiores Philosophi aliquod principium lumine naturali notum, aut quædam consuetudina ex primis principiis uno consensu tantquam aliquid certissimum & maximè perspicuum tradunt, tum nullus est dubitandi locus, quin re ipsa sit evidens & verum id, quod tanta omnium consensione traditur. At in iis opinionibus, quæ ab una Philosophorum Secta propugnantur, ab alia impugnantur, nullius momenti est Philosophorum auctoritas, nec enim unius Sectæ potius quam alterius sententia per se certum est evidentialia argumentum. Itaque tunc ponderandæ sunt rationes, quæ ex utraque parte afferuntur, & verisimilioribus adhaerendum est.

Quod ultimò Juris Cæsarei 125 peritos attinet, certum est, Legum civilium peritiam cum

Scientia juris Canonici adeo conjunctam & colligatam esse, ut vix altera ab altera separari possit. Itaque quemadmodum Theologo in multis auctoritate juris Canonici peritorum nitendum est, prout Cap. præcedenti innuimus, ita & non in paucis, præsertim ubi de justitia & jure agitur, Juris Cæsarei Consutorum placita sequi debet. Et profectò ipsi ineptiæ deputabitur, si eas, quæ graviter à viris clarissimis de jure dicta sunt, negligere voluerit. Præterea in pactis, stipulationibus, cæterisque contractibus: in rerum dominio, venditione, emptione, mutuo, locatione, præscriptione, testamentis, donationibus, testibus, iudiciis, aliisque sexcentis hujus generis quoties Theologo opus est, album à nigro, & æquum ab iniquo secernere, atque sic animarum periculis, earumque salutis consulere? Quoties etiam ipsi restitutionis materia tractanda, in foro conscientiæ

nempe? Num hinc justitiæ & æquitatis, in foro etiam, ut diximus, conscientiæ, rectus arbiter esse poterit, nisi multa à jureconsultis & civili prudentia mutuetur? Minimè profectò. Nam licet justum injustumque internoscere Philosophorum & Theologorum libris adjutus possit: ait id faciet solum in genere, in specie autem sine juris aliqua peritia non faciet; quod variis exemplis facile esset demonstrare, sed quid plura opus, cum certum sit, eas injustitias, quæ in judiciis, contractibus, ultimis voluntatibus, ac etiamnum delictis quandoque committuntur, interdum Theologi vires excedere. Id si ita est, ut certè est, insolentiæ erit maximæ in ejusmodi questionibus juris peritiam continere; Theologum igitur ut juris Canonici, sic quoque &

Civilis mediocrem saltem  
notitiam habere oportet, &c.



APPEN.

# APPENDIX

226

## De propositionum Censuris.

**E**Xpensis locis Theologicis, ex quibus argumenta pro fide confirmanda moribusque dirigendis promenda sunt, id duntaxat suspensisse videtur, ut quibus passim censuris ab Ecclesia, seu summo Pontifice propositiones iisdem live fidei, live morum regulis oppositæ, cum eas damnat, afficiantur, exponamus.

Octo proinde passim recensentur damnabilium propositionum censuræ. Alia enim est propositio hæreticæ, alia erronea, alia scandalosa, alia blasphema, alia piarum aurium offensiva, alia temeraria, alia seditiosa, alia denique suspecta &c. Eas ergo singulatim expendere animus est.

127

### De propositione hæretica.

Propositio hæretica est ea, *qua vel expresso Dei verbo, vel expressa definitioni Ecclesia adversatur.*

Dicitur imo adversari *Dei verbo*, quia Dei verbum, seu Scriptura & Traditio continent omnes articulos qui ad fidem aut mores spectant: non enim, ut alibi jam dictum, alii sunt fidei Christianæ fontes.

Dicitur *ado adversari expresso Dei verbo*, hoc est veritati, quæ expressè Dei verbò continetur: ut sunt Christi mors, sepultura resurrectio. Hinc patet hanc propositionem, quæ inter quinque Jansenii ipensis ab Innocentio X. Papa damnatas numerò addò legitur: *Interiori gratia in statu naturæ lapsæ nunquam resistitur*, meritò tanquam hæreticam fuisse proscriptam, contradictione nimirum opponitur huic expressæ sacrarum Litterarum sententiæ: *Vos semper Spiritui sancto resistitis.* Patet

iterum hanc aliam: *Homo non tenetur amare Deum, neque in principio neque in decursu vitæ suæ mortali, esse quodque formaliter hæreticam*, quippe quæ contradictoria sit expresso Dei verbo: *Diliges Dominum Deum tuum ex toto corde tuo*, ac proinde tanquam formaliter hæretica meritò damnata fuit ab Alexandro VIII. Papa.

Dicitur *3tio adversari expresso Dei verbo*, aut *expressa definitioni Ecclesiæ*. Siquidem propositio, quæ implicite tantum continetur Dei verbo, postquam Ecclesia declaravit illam eo reverà contineri, fide divina expressè credi debet ab iis, quibus sufficienter innouit latum ab Ecclesia iudicium: propter hanc rationem ista propositio, *Baptismus, qui datur ab hæreticis in nomine Patris, & Filii, & Spiritus sancti, cum intentione faciendi, quod facit Ecclesia, non est verus Baptismus*, est hæretica, quamvis olim, seu antequam Ecclesia in Concilio plenario, ut loquitur Augustinus, de ea sententiam suam expressè tulisset, nequaquam esset hæretica; nec enim tunc omnibus Ecclesiis constabat, contrariam propositionem contineri, vel etiam implicite, in Verbo Dei live scripto live tradito.

### De propositione erronea.

128

Propositio erronea strictè sumpta est ea, quæ negat veritatem, quæ ex communi Ecclesiæ consensu iudicatur esse mediata revelata, quamvis Ecclesia id nondum expressè definiat.

Differt ab hæretica, quia hæc negat veritatem, tanquam vel immediate, vel mediata saltem à Deo revelatam per solemnem Ecclesiæ definitionem agnitam; secus

secus propositio erronea, utpote in qua à solemnī Ecclesiæ definitione abstrahitur.

Differt quoque à cæteris mox recensendis damnabilibus propositionibus, prout ex earum expositione patebit. Hinc patet, opinionem S. Cypriani de invaliditate Baptismatis ab hæreticis collati, erroneam duntaxat fuisse, antequam Ecclesia definiisset, eam repugnare veritati Verbo Dei non scripto seu traditione contentæ, quæ docebat, internas dispositiones baptizantis non nocere validitati Baptismi. Verum post Ecclesiæ definitionem est formaliter hæretica, ut jam superius dictum est.

### 129. De propositione scandalosa.

Propositio scandalosa strictè sumpta dicitur ea; quæ per se nata est parere spiritualem proximi ruinam, licet in ea nec error, nec hæresis aperte notari possint.

Dicitur imo parce spiritualemente proximi ruinam, hoc enim fert ipsum scandalosi nomen, quod quidem secundum Grammaticos aliud non significat, quam offendiculum, quod ante pedes alicujus positum, est causa cur cadat.

Dicitur 2do per se nata parere spiritualemente proximi ruinam, quia per accidens duntaxat est, si hujusmodi ruinam proximi non pariat, nec ab ipsa, sed à proximo, qui illam recipit, seu illius subiectum est, ratio peti debet, cur talis ruina non lequatur.

Adduntur 3tio hæc verba: *Licet in ea nec hæresis, nec error aperte notari possint*; per quæ quidem verba propositio scandalosa strictè sumpta, seu prout sociale censuræ notam continet, differt à propositionibus hæretica & erronea: in his enim hæresis & error aperte notari possunt.

In exemplum propositionis scandalosæ referri potest ista: *Ex auriculari confessione gravissima sequuntur incommoda*. Item hæc alia i. *Sancti Mystici excludunt à statu animarum transformatarum exercitationes virtutum*; quia per se inclinat animas, quæ sibi videntur esse transformatæ, ad dimittendas virtutum exercitationes.

### De propositione blasphemæ.

130

Propositio blasphemæ est ea, quæ aliud vel in Deum, vel in Sanctos convitium continet.

Differt ab aliis propositionibus, quibus specifica aliqua alia censura debetur; neque enim aliæ propositiones illæ continent convitium aut in Deum aut in Sanctos, hoc est, nec Deo, nec Sanctis aliquid tribuunt, quod eos dedecet, aut ab iis detrahunt perfectionem aliquam, quæ ipsis debetur. Hinc patet hanc propositionem ab Innocentio Papa XII. scriptam: *Inferior ubi isti pars in ciuce non communicavit superiori suas involuntarias perturbationes, esse non solum erroneam, sed etiam blasphemam*; scilicet multum detrahit ex perfectione, quæ Christo debetur, seu est ipsi multum injuriosa.

Patet etiam propter eandem rationem, hanc aliam propositionem, quæ primò locò ponitur inter quinque Jansenii ab Innocentio Papa X. damnatas: *Alqua Dei præcepta hominibus iustis voluntibus, & conantibus, secundum præsentem, quis habent, vires, sunt impossibilia: deest quoque illis gratia, quæ possibilia sunt*, non solum esse temerariam & hæreticam, sed etiam blasphemam; nempe Deum reddit injustum legislatorem, quia ea præcipiat, quæ voluntibus, & conantibus sint impossibilia.

De

## 131 De propositionibus malè sonante, &amp; piarum aurium offensiva.

Quamvis propositio malè sonans ad piarum aurium offensivam referri videatur, nam, quod malè sonat, semper aures offendit, tamen aliquid inter utramque discrimen intercedere videtur.

Igitur propositio malè sonans est ea, quæ licet duplicem habeat sensum, unum bonum, & unum malum, absolutè tamen & sine distinctione profertur.

Differt ab hæretica & erronea, cum dicatur habere duplicem sensum, unum bonum & unum malum; propositiones autem hæretica & erronea, nullum habent sensum bonum, saltem qui sit obvi-  
us, hoc est, quem verba, ex quibus constant, præ se ferant.

Differt etiam à propositionibus, ex quibus pravus sensus excluditur, per explicationem ad restrictionem terminorum, propositio enim malè sonans est ea, quæ, ut dictum, absolutè, & sine distinctione profertur.

Illius exemplum peti potest ab hac propositione Scytharum Monachorum: *Unus de Trinitate crucifixus est*, quæ Hormisdæ Pontifici Romano velut malè sonans visa fuit, eoquod etiam per eam intelligi posse videbatur, *Unum de Trinitate in substantia Deitatis crucifixum fuisse*, quam propositionem jam longè prius, annò videlicet 483. in Petro Gnaphæo seu Fullone viro Euthychiano damnaverat Felix Papa III. At ubi ab ea pravus, qui eidem affingi poterat, sensus per explicationem ad terminorum restrictionem exclusus fuit, ita ut intelligeretur, *quod unus de Trinitate in substantia carnis, & nostræ mortalitatis crucifixus fuisset*, tum velut Catholicam probavit Joannes II. Fatemur enim Deum pro nobis passum, & crucifixum fuisse, sed, ut dictum, in substantia carnis, & nostræ mortalitatis.

P. Cartier Theol. Tom. I.

Propositio autem piarum aurium of-132 fensiva dicitur ea, quæ aliquid absolum, & subiecto de quo fertur, indignum continet.

Dicitur imò *offensiva aurium*, non quidem propter sensum, quem à parte rei & in se continet, sed propter modum, quo ille sensus exprimitur.

Dicitur adò *offensiva aurium* non quarumcunque, sed *piarum*: neque enim, ut olim in Phariseis accidit, si impii aliqua veritate offendantur, ob id propositio, quæ illam veritatem continet, dici debet per se *aurium offensiva*.

Neque etiam *per se* piarum aurium offensiva dici debet ea, quæ pios quidem, sed indoctos offendit: liquidem ad ferendum iudicium de aliqua propositione consuli non debet promiscuum vulgus licet pietatem præ se ferat, sed consuli debent viri, qui cum pietate doctrinam conjunxerunt. Scilicet non raro contingit, ut propositio, quæ piæ plebis aures offendit, viros peritos ac sapientes non modò non offendat, sed etiam nec moveat. Id præsertim videre est in propositionibus, quæ enuntiant abusus aut superstitiones, quæ ab hominibus, piis quidem, sed parùm peritis nonnunquam admittuntur in quarundam imaginum, vel quorundam Sanctorum cultu.

Dicitur 3tio nonnihil continere absolum, seu in subiectum, de quo profertur, non satis honorificum; ex quo patet, propositionem aliquam piarum aurium offensivam non tam peccare in sensu, quàm in modo, quo ille sensus exprimitur: hincque colligitur, cavendum esse Theologo, cum de partu Beatæ Mariæ Virginis loquitur, ne circumstantias explicet, quæ exprimi non possunt, nisi verbis indecentibus.

## De propositione temeraria. 133

Propositio temeraria est ea, quæ in materia Fidei aut morum profertur absolute, que

C c c c

que auctoritate aut Scripturæ, aut unanimis Traditionis, aut saltem aliquorum Patrum : & à fortiori si major Episcoporum & Theologorum pars judicet, eam vel Scripturæ, vel Traditioni, vel celebrioribus Patribus, adversari.

Id enim temerarium dicitur, quod absque fundamento asseritur. Atqui propositio, quæ in materia Fidei aut morum profertur absque auctoritate vel Scripturæ, vel Traditionis, aut saltem aliquorum Patrum, sine fundamento asseritur & profertur, cum, ut jam alibi sæpius dictum, non aliud sit fundamentum Fidei ac morum, quam Scriptura, Traditio, & Patres.

Hinc colligitur 1mo. Hoc Casuistarum quorundam axioma : *Honor potior est, quam vita*, non solum esse scandalolum & perniciosum, sed etiam temerarium : siquidem nullo aut Scripturæ, aut Traditionis, aut Patrum testimonio nititur.

Colligitur 2do. Plures ex propositionibus, quæ circa cultum Deo debitum, charitatem proximo exhibendam, homicidium vitandum, à quibusdam Recentioribus sunt prolatae, esse temerarias : nempe ne minimò quidem aut Scripturæ, aut Traditionis, aut Patrum testimonio nituntur, sed levissimis duntaxat rationibus. Ejusmodi autem sunt ex omnes, quas Alexander Papa VIII. & Innocentius XI. publicis decretis damnarunt.

134

### De propositione seditiosa.

Propositio seditiosa est ea, quæ per se apta est parere seditionem, prout ipsa nominis Etymologia declarat.

Contentunt aliqui, propositionem seditiosam, nisi aliunde opponatur doctrinæ fidei vel morum, vel disciplinæ, non videri inter censuras Theologicas comprehendendi debere, licet ab Ecclesia prohiberi possit. Volunt alii, eo sensu, illam inter Theologicas notas compre-

hendi, quòd ad scandalosam propositionem reducatur : ajunt enim, seditio, ad quam illa propositio movet, contingere non potest absque spiritali multorum ruina, & plurium peccatorum lethali commissione.

### De propositionibus, suspecta de hæresi, 135 *sapiente hæresim, & hæresi proxima.*

Propositio suspecta de hæresi est ea, quæ multa cum probabilitate judicatur hæretica.

1mo. Judicatur *hæretica*, hoc est, contradictoriè opposita veritati, quæ vel explicitè & immediatè revelata est, aut si implicitè tantum & mediatè, ab Ecclesia solemnii judicii declarata fuit revelata.

2do. Judicatur hæretica *cum probabilitate*, id est, ex hæretica inferitur per argumenta, quæ licet certitudinem moralem generent, non excludunt tamen omne dubium : unde propositio de qua est quæstio, non potest dici absolutè hæretica, sed tantum suspecta de hæresi, quia remanere videtur de ea dubium.

3tio. Judicatur hæretica *cum multa probabilitate* : neque enim aliqua propositio, propter levem probabilitatem, cum fundamento adduci debet in hæresis suspicionem : æquitati namque repugnat, ut propter leve fundamentum tam gravis censura alicui propositioni inuratur : gravis autem fundamenti nomine hic intelliguntur rationes petite ex Scriptura, & Traditione, quæ non unum & alterum tantum Doctorem ad assensum moveant, sed ingentem Magistrorum numerum, paucis exceptis, determinent.

Propositio hæresim sapiens est ea, 136 quæ multò majori cum probabilitate, quam suspecta de hæresi, judicatur hæretica.

Probabilitas quippe gradus quosdam habet, seu major est, vel minor, pro majori

majori vel minori pondere rationum, quibus nititur: igitur, quando magna est probabilitas, quod aliqua propositio sit hæretica, tunc in se, tum ratione Scriptoris, ut v. g. aliàs hæretici, considerata, tunc constituitur propositio suspecta de hæresi: quando autem est maxima probabilitas, seu vehemens suspicio, eam ex motivis mox recensitis aliisque esse hæreticam, tunc constituitur propositio sapiens hæresim, quia ea, quæ per guttum exploramus, nobis magis certa videntur, quàm ea, quæ per solum intellectum suspicantem attingimus. Hinc patet idem fundamentum, sed sumptum secundum diversos gradus, constituere propositionem, aut quæ de hæresi suspecta sit, aut quæ sapiat hæresim.

- 137 Propositio hæresi proxima est ea, quam major & sanior Doctorum pars ex Scriptura & Traditione iudicat esse hæreticam, licet nullus eorum audeat eam dicere simpliciter hæreticam, quod aliqui non inimi nominis Theologi contendunt, ipsi censuram huiusmodi iniuri non debere.

Inde patet, propositionem hæresi proximam idem omnino esse cum propositionibus suspecta de hæresi, & sapiente hæresim: non enim aliud dicit, quàm summam probabilitatem, quod revera sit hæretica.

His propositionum censuris solent summi Pontifices plerumque in suis, quibus eæ propositiones damnantur, decretis exprimere adverbium istud *respectivè*, atque dicere, has & illas propositiones e. g. esse *respectivè* hæreticas, erroneas, temerarias, scandalosas, perniciosas,

blasphemias &c. Quo loquendi modo significant, aliquam ex recensitis notis afficere unamquamque ex propositionibus, quas damnant, disjunctivè, ita ut nulla sit, in quam non cadat una saltem ex notis, quæ in condemnationis decreto referuntur. Quod intelligendum est, cum videlicet prius recensitis in decreto damnabilibus propositionibus, memoratæ censuræ cumulatim illis affiguntur. Solent enim interdum Pontifices cuique, illarum, quas damnant, propositioni suam affigere censuram, prout præstitit Innocentius X. cum petentibus & rogantibus Gallix Antistitibus, quique Janenii Iprensis propositiones damnavit.

Cæterum monendi sunt Theologi, ut in refutandis aliorum sibi contrariorum Theologorum opinionibus & sententiis, super quibus nullum adhuc iudicium Ecclesia protulit, ab immitibus notis & censuris omnino abstineant, utpote quibus nihil præter summam sibi accersunt invidiam & odium. *Ab injuriis contentionibus Doctores seu Scholastici, aut alii quicunque, in posterum abstineant, inquit Innocentius Papa XI. (m) & ut paci & caritati consulatur, idem Sanctissimus in virtute sanctæ obedientiæ precipit, ut tam in libris imprimendis ac manuscriptis, quàm in thesibus, disputationibus, ac prædicationibus caveant ab omni censura & nota, necnon à quibusvis convitiis contra eas propositiones, quæ adhuc inter Catholicos hinc inde controversantur, donec à S. Sede recognita, super iisdem propositionibus iudicium proferatur.*

(m) In decreto, quo 65. propositiones ad moralem spectantes proscriptæ.



*Finis Tomi primi.*

ERRA-





# ERRATA

## Tomii primi Theologiæ universalis.

### In Tractatu I.

Pag.	Col.	Lin.	
11.	2.	5.	si lege hi
19.	2.	31.	effingent lege effinger
37.	2.	28.	qui lege quis
48.	2.	6.	ipais lege impiis
49.	2.	31.	fuertur lege ferunt
59.	1.	33.	ut lege unde
Ibid.	2.	5.	collentis lege callentis
66.	2.	15.	latinem lege latinam
70.	2.	6.	post originalia dele
90.	1.	39.	dele illum
Ibid.	2.	2.	monte lege montem
Ibid.	—	35.	concessis lege concessio
95.	1.	24.	Baruch lege Barac
99.	in not.	7.	Palæstino lege Palæstina
101.	1.	13.	acclamate lege acclamante
103.	2.	36.	tempore lege tempora
106.	2.	32.	dele numerum
108.	1.	2.	anno lege annum
131.	1.	20.	ne lege nec
132.	1.	6.	inveris lege inverso
155.	1.	2.	hi lege hic
168.	1.	38.	erem lege eram
171.	1.	8.	dele e
173.	2.	12.	exorata lege exarata
Ibid.	—	21.	exoratus lege exaratus
175.	2.	23.	quidem lege quidem
176.	2.	11.	irriturum lege irriturum
177.	1.	4.	post verisimilia adde videtur
181.	1.	36.	oblarisque lege oblarisque
194.	1.	5.	post intelligeretur adde addidit
207.	2.	40.	occisionem lege occasionem
208.	1.	7.	Demimò quariò lege Decimò quariò
Ibid.	—	22.	illum lege illum
219.	2.	10.	post ut adde qui

225.	1.	18.	Matronem lege Matronam
Ibid.	—	25.	post eam adde esse

### In Tractatu II.

Pag.	Col.	Lin.	
10.	2.	27. & 28.	ornem lege ordinem
15.	2.	27.	3tia lege 3tio.

### In Tractatu III.

Pag.	Col.	Lin.	
21.	2.	14.	concidit lege coincidit.
30.	1.	4.	si lege sic
35.	1.	33.	v. 9. lege v. 8.
38.	2.	19.	nullus lege nullis
42.	1.	9. & 10.	sciniphes lege ciniphes
52.	1.	25.	provocant lege provocent
92.	1.	34.	aut lege autem
93.	1.	ult.	Salomo lege Salomon
106.	1.	42.	prædicatur lege prædicatur
121.	1.	31.	necessarium lege necessaria
123.	2.	9.	exquire lege exquirere
128.	2.	21.	injustò lege injustè
170.	2.	7.	varis lege variis.

### In Tractatu IV.

Pag.	Col.	Lin.	
9.	2.	20.	dictum lege dictus
13.	1.	3.	occisus lege occisum
41.	1.	10.	ut lege unde
43.	1.	33.	libro lege libri
61.	1.	12.	post Nestorianorum adde, de-bellator strenuus
71.	1.	20.	quartà lege quarto
91.	2.	7.	v. 9. lege v. 8.
96.	1.	24.	ubusu lege abusi.







